

81  
D  
28

~~61-D-27~~

~~8-2-D-9~~





12

*Bibliothèque* LES *Sacré*  
**MEMOIRES DE**  
**MESS. MARTIN DV**  
**Bellay Seigneur de Langey.**

CONTENANS le discours de plusieurs choses adue-  
nues au Royaume de Frâce, depuis l'an M. D. XII.  
iusqu'au trespas du Roy François premier, ausquels  
l'Auteur a inseré trois liures, & quelques fragmens  
des Ogdoades de Mefire G V I L L A Y M E D V  
B E L L A Y seigneur de Langey son frere.

OEUVRE MIS NOUVELLE

ment en lumiere, & présenté au ROY par

Mess. René du Bellay Cheualier de l'or-

dre de sa Maïesté, Baron de la

Lande, heritier d'iceluy

Mess. Martin du


Bellay.



A LA ROCHELLE,

PAR PIERRE DAVANTÉ'S,

M. D. LXXIII.



*coll.*

*loc.*

*le legat*

*Lorri*

*Refu*

*J. Cocchini*

MEMOIRES DE

MESS. MARTIN D'A

Bellay Gougnon de Langry.

Contenant les actions de plume et de style  
de Mess. Martin D'A Bellay Gougnon de Langry  
sur les affaires de France et de l'étranger  
depuis l'année 1610 jusqu'à l'année 1621.

PAR MESS. MARTIN D'A

Bellay Gougnon de Langry.


Paris chez la Citoyenne de la Harpe.

Le 15 de Mars 1785.

Par la Citoyenne de la Harpe.

Paris.

1785.




A LA HARPE

PAR MESS. MARTIN D'A

BELLAY GOUGNON DE LANGRY.



# AV ROY.



**S**IRE, en visitant la librairie que defunct mō sieur de Langey mō beau-pere m'a laissée, ie fus esmerueillé, cōme vn tel personnage occupé au seruice des Roys vos ayeul & pere, & de son naturel addonné aux armes, contre la coustume de ceux qui sont de pareille inclinatio, s'estoit garny d'vn si grād nōbre de liures, cōme il les auoit ainsi disposez par ordre, & cottez de marques & additiōs pour le secours de sa memoire. Toutefois me souuenant de ce que i'auois ouy dire de la nourriture qu'il eut avec defuncts messire Guil'aume du Bellay, & monsieur le Cardinal du Bellay ses freres (desquels la memoire durera à iamais, pour auoir esté au reng des plus excellens de leur tēps aux armes & aux lettres) ie pensay que ceste nourriture pouuoit estre la cause qui l'auoit ainsi rédu amateur des liures, & soigneux d'en fournir si bien ceste sienne librairie: en laquelle recherchant par apres plus curieusement ce qui y estoit de rare & singulier, i'arriuy sur quelques volumes escrits la plus part de la main d'iceluy, lesquels ayāt leu à loisir, trouuay estre vne belle histoire des choses aduenues de son temps en vostre Royaume & pays circonuoisins, laquelle toutesfois par modestie, il voulut seulement appeller memoires, estimant (cōme ie croy) que le titre d'histoire emportast quelques ornemens d'eloquence plus grās qu'il

ne pensoit y estre employez : ou bien qu'il eut  
proposé ne la faire imprimer , mais la laisser en  
ceste librairie comme annales priuees & parti-  
culieres pour nostre maison du Bellay. Et de fait  
le doute que telle fust sa vol'otè, m'a retardé de-  
puis dix ans qu'il est decedé, de faire imprimer  
ceste histoire iusqu'à maintenant qu'estant avec  
le desir que i'en auoys , inuité par les honneurs  
qu'il pleut nagueres à V.M.me departir, à cher-  
cher les moyens de luy faire seruice, i'ay estimé,  
qu'outre ce que m'y suis tousiours efforcé de-  
puis que ie cōmence à porter les armes, & mes-  
mes aux guerres dernieres sous la charge de  
MONSIEVR, encores fero y chose à elle a-  
greable, si ie tiroys ces liures du tresor de no-  
stre maison, pour les mettre en lumiere, sous la  
protection de V.M. par ce questât icelle curieu-  
se de toutes choses louables, mesmemēt de la le-  
cture des haults faits d'armes, stratagemes, & a-  
ctes des vertueux Princes, ce luy seroit vn sin-  
gulier plaisir, de cognoistre comme son ayeul le  
grand Roy François, s'est maintenu en son estat,  
s'est dextrement tiré des dangers où il estoit tō-  
bé, s'est magnanimement porté en aduersité, &  
modestement en felicité: i'ay pensé aussi que les  
anciens capitaines qui vous restent de son tēps,  
receuroyent quelque soulagement en leur vieil-  
lesse, se voyans nommez au discours des guerres  
où ils ont esté, & s'y recognoissans quati cōme  
fit Aenée en la peinture qu'il trouua dās le tem-  
ple de Iunon à Cartage. Pareillement que ce  
feroit

seroit vn grand aiguillon pour esmouuoir à vertu les ieunes seigneurs de vostre cour, d'y rencontrer souuent le nom de leurs peres: d'autant que les exemples domestiques ont trop plus de force, pour encourager la ieunesse à bien faire, que ceux qui sont recueillis des estrangers. Bien est vray qu'il se trouue plusieurs histoires escriptes du mesme temps, mais outre que ceste cy contient plusieurs discours qui n'estoyent encores diuulguez, elle a cest auantage, de n'auoir aucune crainte que les gēs de guerre en la lisant diēt vn mot qui leur est familier; c'est que l'Autheur en parle comme vn clerc d'armes. A la verité il sied bien à chacun de traiter de l'affaire auquel il est versé: c'est pourquoy les histoires de Thucydide ont esté entre les Grecs en plus grand prix, que celles de Theopompe & d'Ephore, par ce q̄ ceux-ci estoient Philosophes ou Orateurs, mais luy auoit eu plusieurs charges en la republique d'Athenes, en paix & en guerre, d'ot le iugement qu'on apperçoit par ses discours porte suffisant tesmoignage. On dit à ce propos la propriété & naifueté des cōmentaires que Iule Cesar a faits, auoit esté trouuee telle par Ciceron, qu'il estima impossible d'y adiouiter ny diminuer: consideré que Cesar auoit escrit des affaires de guerre en hōme qui l'entendoir fort bien. Il y a eu en nostre nation peu de capitaines qui ayent daigné mettre la main à la plume, pour escrire ce qu'ils auoyent fait ou veu faire, mais quād il s'en est trouué, leurs escrits ont esté pre-



feréz à toutes autres chroniques du mesme tēps: tesmoins en sōt les liures du seigneur de Iōuille, l'vn des Barons qui accompagna le Roy Sainct Louys aux guerres d'oultremer: celles de Mef. Oliuier de la Marche, & sur toutes celles de M. Philippes de Cōmines, lesquelles depuis leur venue en lumiere n'ont manqué sous le cheuet, ou pour le moins dās le cabinet des seigneurs & capitaines de ce Royaume qui ont eu le biē de leur patrie, & leur auancemēt en quelque recōmandatiō. Je ne feray cōparaizon de ceste histoire à celle de Mef. Philippes de Cōmines, par ce qu'appartenāt de si pres à l'Autheur serois estimē iuge recusable: biē diray ce que chacun m'accorderā, que mōsieur de Lāgey n'a eu moins de charges & hōneurs en vostre Royaume, & que son stile, son discours, ses termes le mōstrēt biē versē aux affaires dōt il escrit: outre ce qu'en luy on peut remarquer autant de sauoir & d'eloquēce: ausi estoit-il né en vn siecle biē fort lettrē, & ne se trouuera au parfus moins diligēt d'escrirē la pure verité de ce qu'il a veu & cogneu. Il me souuiēt luy auoir ouy dire maintefois (lors qu'il detestoit les mensonges & adulations d'aucuns Historiographes de son tēps) que ceux qui escriuoyēt faux en histoire, deuoyēt estre punis au double des faux tesmoins: & auoit raison d'ainsi le dire: car biē q' l'histoire ne soit autre chose qu'un tesmoignage de ce qui s'est passē en chacun siecle, la consequence de la fauceté d'icelle est d'autāt plus grande, qu'elle ne circonuiēt vn iuge au dōmage de quelques



quelques particuliers, cōme le faux tesmoigna-  
ge, mais abuse ceux du tēps presēt, & la posterité  
qui receurōt par ce moyē le faux pour le vray, e-  
stāt en ce faisant l'hōneur desrobé à qui il appar-  
tient, & donné à qui ne le merite. Feu mōsieur de  
Lāgey s'est biē gardé de tōber en ce pec' é, car  
cōme il ne cele les actes louables d'aucuns soyēt  
des nostres ou des estrāgers: ausi il ne s'espargne  
à remarquer leurs fautes, parlāt neātmoins reue-  
remēt des Princes & seigneurs qu'il a deu respe-  
cter: & descriuāt leurs desseins & executiōs, ne le  
fait selō le bruit qui couroit à l'heure, biē souuēt  
faux & variable, mais comme il les auoit appris,  
ou pour s'y estre trouuē, ou par les plus certains  
aduertissemēs qu'ē receuoit le Roy vostre ayeul,  
duquel il estoit aimé & fauorisé comme il seroit  
encores de V.M. (Sire) s'il viuoit, scō la coustu-  
me d'icelle d'estre biē affectionnee en l'endroit  
des hōmes vertueux, qui se sont de bon cœur &  
heureusemēt employez à faire seruice aux prede-  
cessurs d'icelle. Mais puis que Dieu n'a permis  
qu'il ait vescu iusqu'au temps qu'il peut estre co-  
gneu à V. M. elle le cognoistra par ses escrits, &  
ceste faueur que pource luy voudroit faire s'il vi-  
uoit, la continuera V. M. s'il luy plaist en l'en-  
droit de ceux qui portent le nom & les armes du  
deffunct, & qui luy sont heritiers; non tant de ce  
qu'il a laissé, que de la volōté qu'il auoit d'expo-  
ser ses biēs & sa vie pour le seruice de V.M. que  
Dieu vueille maintenir en prospérité & felicité.

¶ Votre tres humble seruiteur RENE DV BELAY,  
Baron de la Lande.

# ADVERTISEMENT

au Lecteur.

**E**Ncores que la table qui est à la fin de cest œuvre, peut aucunement releuer de peine ceux qui voudroyent sans le fueilleter, trouuer facilement les discours qu'ils cherchẽr. toutesfois pour leur mettre plus proprement en veüe, & quasi cõme à descouuert tout le contenu de l'histoire selõ l'ordre qu'y a mis l'Auteur, nous auõs dressé par l'aduertissement de Monsieur de Mesme maistre ordinaire des Requestes de l'hostel du Roy & seigneur de Malaßise (lequel de sa grace a fauorizé & auancé ceste edition en toutes choses, singulierement de plusieurs escrits Latins & François, de Messire Guillaume du Bellay Seigneur de Lâgey) le sommaire de ces liures en la façon que voyez, qui n'eust à nostre ingemẽt peu estre accourcy sãs obscurité: & eussions d'abondant à l'aide d'iceluy Seigneur de Malaßise enrichy l'œuvre de notres dignes d'estre leuës, recueillies d'un grand nombre de liures rares & exquis, dont est garnie sa fameuse librairie, si ceste impression n'eust quasi esté precipitee, par l'importunité assidue de plusieurs qui desirent voir l'histoire en lumiere.

Sommaire

## *Sommaire du premier liure.*



LE Roy Louys douzieme s'efforçant recouurer son Duché de Milan qu'il auoit n'aguere perdu, y enuoye monsieur de la Trimouille avec armee qui est deffaite à Noare par les Suisses: lesquels poursuyués leur victoire passent les monts & viennent assieger Diion, pendât que d'autre costé l'Empereur Maximilia & le Roy Henry d'Angleterre gaignēt la bataille surnommee des Esperôs. prennent Terouenne & Tournay: puis le Roy se pacifie auec les Suisses & Anglois, esponse la seur du Roy d'Angleterre, marie sa fille au Duc d'Angoulême François, & meurt preparant vne grosse armee pour le recouremēt de Milan. le Roy François Dūc auparauāt d'Angoulême luy succede, pour suit ceste entreprise & en viēt à chef, ayant vaincu les Suisses à Marignan. Par apres les guerres se commencēt entre luy & l'Empereur Charles le quint, à l'occasion de Henry d'Alorée & de Robert de la Marche, prétendants l'un le Royaume de Nauarre, l'autre le Duché de Bouillon. Le sieur d'Asparaut pour Henry d'Albrecht gaigne & perd en peu de temps le Royaume de Nauarre, par telle fortune aduient à Robert de la Marche au Duché de Bouillon. l'Empereur enuahit ce Royaume par le pays de Champagne, prent Mouson & assiege Metiers en vain. Le Roy pour teuanche l'assaut en Arrois & Haynault, luy presente la bataille pres Vallencienues & prent Hedin: l'Anglois moyenne la paix entre eux qui ne se peut conclure pour les nouuelles de la prise de Fontarabie, que fit pour le Roy le Sieur de Bonniuet: peu apres les Flamās prennent Tournay par vn long siege. l'estat de Milan dōt le Roy estoit paisible, se trouble à la suscitation du Pape Leon.

## *Sommaire du second.*

LES armees du Pape & de l'Empereur conduites par Prospere Colonne, chassent sous le nom de Francisque Sforce, les François de la plus part du pays Milannois, en estāt gouuerneur monsieur de Lautrec. Le Roy luy enuoye secours, qui fut inutile par faulte de solde, dōt s'enfuyt la route de la Bicoque, la perdition du Duché de Milan & de Gennes. Adria est creē Pape par la mort de Leon. Charles de Bourbō prend le party de l'Empereur, ce qui rompit la deliberation qu'auoit faite le Roy de passer les monts pour recouurer Milan: toutefois en son lieu y enuoye monsieur de Bonniuet, avec forte armee, qui y fut aussi ruinee par faulte d'argent & de refreschissement. Les Anglois & Bourguignons entrent cependant bien auant en Picardie. Bruslent Montdidier & Roye. Les Espagnols reprennent Fontarabie. Le Comte Guillaume de Furstemberg, avec armee de Lansquenets assaut la

Bourgongne, dont il est repoussé par monsieur de Guyse. Charles de Bourbon & le Marquis de Pescaire assiegent Marseille, & se retirét pour crainte d'une grande armee du Roy François, avec laquelle il passe les monts, reprend Milan, & plusieurs villes: puis assiege Pauc où se donna la bataille, en laquelle il fut pris.

### *Sommaire du troisieme.*

**E**STANT le Roy François prisonnier en Espagne, la Duchesse d'Angoulême sa mere prend le gouvernement du Royaume, pouruoir sagement à la defense d'iceluy, & appaise l'Anglois qui vouloit faire la guerre en Picardie. Les freres du Duc de Lorraine deffont pres Sauernes vn populasé d'Alemagne mutiné contre la noblesse. Le Roy deuiet malade à Madril, qui fut cause que l'Empereur entendit à sa deliurace, moyennât l'ostage de ses enfans, & autres conditions qui ne furent entretenues, comme iniques. Rome est saccagee par les Imperiaux, où fut tué Charles de Bourbon. Il se fait vne grande ligue pour chasser les Espagnols d'Italie: Lautrec y est enuoyé avec armee qui préd au profit de Frâcisque Sforce, plusieurs villes du Duché de Milâ: & estoit sur le point de gaigner le reste, s'il ne fut contraint d'aller au secours du Pape Clement, oppressé par les Espagnols, lesquels en sont destournez par l'entreprise qu'il fait sur le Royaume de Naples: pour suyuant laquelle deuiet maistre de toutes les villes du Royaume, fors de Manfredone, Gayettes, & la ville de Naples où il met le siege, la peste ruine son camp, dont il meurt avec la plus part de ses gens. André Dore se reuolte, aussi fait la ville de Gennes. La paix se traite à Cambray entre le Roy & l'Empereur, par ce moyen sont deliurez les enfans de France, & le Roy espouse la sœur de l'Empereur, lequel peu apres passe en Italie, se fait couronner à Rome, & contraint les Florentins par vn long siege de changer le gouvernement de leur republique.

### *Sommaire du quatrieme.*

**L**E Roy François ne se pouuant contenter des conditions rigoureuses du traité de Cambray se fortifie d'alliances en Alemagne, Angleterre, & Italie, rousefois la Roine Alienor s'efforce de l'entretenir en amitié avec l'Empereur, & les faire entreuoir. Le Roy Jean d'Hongrie demande secours d'argét au Roy qui luy est acordé. L'Empereur d'autre part presse le Roy de luy aider à faire la guerre aux Tures, dont il est refusé, sinô que ce fust pour la defense d'Italie. Le Duché de Bretagne du consentement des états s'vnit à la couronne de France: Le concile vniuersel e



mis en termes entre les Princes Chrestiens. Merueille & gërilhomme Millanois est fait inhumainement mourir par le Duc de Milan, combien qu'il fut par deuers luy ambassadeur pour le Roy, lequel s'en ressentit, de sorte qu'il estoit prest luy faire la guerre, si la vengeance ne fut preuenue par la mort de ce Duc. Monsieur d'Orleans espouse Catherine de Medeis à present Roine mere du Roy. Les Ducs de VVirtemberg sont restituëz en leurs estats qu'occuppoit le Roy Ferdinand, à l'aide des Princes d'Allemagne pratiquée par le seigneur de Langey, à laquelle le Roy contribuait d'argent. Les Legionnaires sont instituez en France, & commence à se descouvrir la haine que le Roy portoit au Duc de Sauoye.

### *Sommaire du cinquieme.*

**L**A mort du Duc Francisque dernier de la race des Sfortes, donna iuste occasion au Roy de demander le Duché de Milan à l'Empereur : cependant pour s'y apprester le chemin se faisoit de Sauoye & Piemont, prenant occasion sur le droit qu'il y auoit à cause de sa mere. L'Empereur retournant du voyage de Tunis entretient les ambassadeurs du Roy en esperance qu'il luy restitueroit le Duché de Milan, afin d'auoir loisir d'apprester ses forces pour oster le Piemont au Roy, & venir en Prouëce, mais premier que s'y acheminer, il fait plusieurs harangues & protestations publiques contre le Roy, en presence du Pape & des Cardinaux à Rome, auxquelles le Roy enuoye sa responce par escrit.

### *Sommaire du sixieme.*

**L'**Empereur dressa vne grande & forte armee de plusieurs nations pour assaillir ce Royaume par la Prouence, les François l'arrestent quelque temps en Piemont deuant Foslan, qu'ils font en fin contrains rendre par composition les ayans trahis le Marquis François de Saluces, que le Roy auoit ordonné son lieutenant en Piemont : ce fait l'Empereur tient conseil, harangue ses gens, se promettre auoir de grandes intelligences en France, & tourne la teste de son armee vers Nicé pour entrer en Prouence.

### *Sommaire du septieme.*

**C**omme l'Empereur estoit sur le point de passer en Prouence, il affecte vn presage du succez de son entreprise, à ceste cause s'auance deux iournees plustost pour arriuer sur les confins de France à la feste de saint Iaques, parce qu'au mesme iour de l'an

precedant il auoit prins terre en Afrique, & gaigné le Royàume de Tunis, aussi que les Espagnols tiennent ce Sainct pour leur patron, de là prend occasion d'aranger ses soldats, ce pendant les François font le guast en Prouée pour affamer son armee: d'un costé le seigneur d'Humieres pouruoit à la defense du Dauphiné, d'autre on met fortes garnisons à Marseille & à Arles. Monsieur le grand maistre de Montmorency dressé vn camp à Aui-gnon, & le retranche de fosséz. Le Roy en assemble vn autre à Valence. Les sieurs de Monteian & Boisi font deffaits à Brignolles. Les Bourguignons assiegent Peronne, le Dauphin François decede au grand regret de tous. Le Comte Rangon & les autres pensionnaires du Roy en Italie assemblent vne armee de laquelle ils guerroyent les Genneuois & Imperiaux en Piemont. L'Empereur seiourne à la ville d'Aix, qui estoit abandonné, & fait mine de vouloir assieger Marseille & Arles, les payfans de Prouence detroussent les biseuits qui venoyent de Piemont en son camp.

### *Sommaire du huitieme.*

**L**E camp de l'Empereur en Prouence, est affligé de famine & de peste, à ceste cause se retire vers la marine, où il reçoit quel que refreschissement par les galleres d'André Dore, de là il s'es-coule par où il estoit venu. Les Bourguignons apres auoir fait grand effort de prendre Peronne, au mesme temps se retirent, le Roy visite & reconforte son peuple de Prouée & s'entand plus au long le discours de ce qu'auoit fait l'armee de Rangon en Italie. Estant le Roy à Lyon, se donne iugement contre l'empoisonneur du Dauphin François. Le Roy d'Ecosse y arriue & est fiancé avec Magdelene fille du Roy. Les seigneurs de Burie & de Tais font deffaits en prenât Casal de Monterrat. Le Roy pour-suit l'Empereur en la Cour de parlement en qualité de Comte de Flandres, d'Artois & de Charolois, & l'an ensuyuant il entre au Pays, d'Artois & prend Hedin, Sainct Paul, Liliers & Sainct Vhant, peu apres les Bourguignons reprennent Sainct Paul avec grand meurtre des François, gaignent Monstreul sur mer, assiegent Terouenne, deffont monsieur d'Annebault en la secourant, & comme monsieur le Dauphin Henry entreprenoit de leuer le siege, se fait trefues pour peu de temps, par le moyen de la Royne de Hongrie. les affaires de Piemont se portent diuersemét, à l'occasion des querelles de Rangon & Cagnin de Gonzague. le sieur d'Humieres y est enuoyé Lieutenant pour le Roy avec des Lansquenets, & assiege pour neât Ast, prend Albe, fortifie Queras, puis son armee se mutine à faute de payement, parquoy est contraint se retirer. Le Marquis du Guast demeure par ce moyé maistre de la capagne, repréd plusieurs villes sur les François, & les tiét en  
ferre,

serre, de sorte que le Roy est persuadé d'aller au secours: les ennemis luy veulent empescher le pas de Suze, monsieur de Montmorency le force. Monsieur le Dauphin Henry presente la bataille au Marquis du Guast, & recouvre partie de ce qui estoit perdu. Il se fait trefue de trois mois entre le Roy & l'Empereur, laquelle est par apres prorogee pour dix ans, en leur entreueuë à Nice. Monsieur de Montmorency est fait Connestable. L'Empereur passe par France en amy, pour aller chastier les Gantois. Le Duc de Cleues espouse la fille du Roy de Nauarre, le mariage toutesfoi s'est consommé. La famine suruient en Piemont, contre laquelle est sagement pourueu par le seigneur de Langey, qui y estoit lieutenant pour le Roy.

### *Sommaire du neuuiesme.*

**L**E bon traitement qui fut fait à l'Empereur passant par France, aliena la volonté de ceux qui en estoient confederez en haine de luy, & si ne peut de rien seruir pour le faire accomplir les promesses qu'il luy auoit faites de restituer Milan: encores se descouurit mieux la haine qu'il portoit au Roy, par l'assassinat des seigneurs Rincon & Fregoze ambassadeurs pour le Roy, pour la vengeance duquel se rompt la trefue de Nice. Monsieur le Dauphin Henry assiege Perpignan, monsieur d'Orleans conqueste le Duché de Luxembourg, qui ne fut longuement gardé, le seigneur de Langey soutient les efforts du Marquis du Guast en Piemont, luy suborne six mille Italiens, & par ce moyen le fait quitter la campagne: nos gens y gaignent quelques villes par les intelligences, qu'y auoit le seigneur de Langey, puis monsieur d'Annebault vient lieutenant du Roy en Piemont, assiege pour neant Cony, ayant par mauuais conseil rompu les desseins du seigneur de Langey, lequel retournant en France, meurt à Tarare au grand regret des gens de lettres & d'experience. Martin du Bellay son frere estât demeuré gouverneur de Turin, essargit son ressort par la prise des lieux de Bony, Caillô, & Saint Raphael. Monsieur d'Annebault repassant les mons est surpris de la tourmente sur le mont Cenys, & y pert plusieurs de sa suytte, entre autres le sieur de Carrouges, & luy mesme à peine en eschappe. Les Rochelois s'estans reuoltez obtiennét pardon du Roy. Martin du Bellay descouure plusieurs intelligences des Imperiaux en Turin, & en fait punir les trahistres: estant apres luy monsieur de Boutieres gouverneur de la ville de Turin. Cesar de Naples faut à la surprendre, vne fois par escalade, & l'autre avec des charrettes de foin. Monsieur de Vendosme dresse en Picardie plusieurs courses & entreprises sur l'ennemy, auituaille Terouenne, prend Liliers & le ruine.

## *Sommaire du dixieme.*

L'Annee ensuyuant, le Roy fait la guerre en Hainault, gaste le tortouer d'Auennes, & destruit quelques forts & chasteaux. Monsieur de Vendosme prend Bapaume sans le chasteau. Landrecy que les Bourguignons abandonnerent, fut trouué commode pour estre fortifié: à ceste cause le Roy pour en fauoriser la fortification tient longuement vn camp à Marrolles: cependât Maubenge & Emery sont prises par mōsieur le Dauphin Henry, mais il fault à prendre Bains, pour n'auoir moyen d'y camper plus de deux iours. Mōsieur d'Anguian perd quatre galeres, euidât prendre le chasteau de Nice, abusé de ce que le sieur de Grignan gouuerneur de Marseille y pensoit auoir intelligēce. Monsieur d'Orleans prend pour la seconde fois Arlon & Luxembourg. Peu de temps apres estant à peine fortifié Landrecy, l'Empereur l'assiēge, le defendant de la Lande & d'Heillé. Le Prince de Melphe auantaille Luxembourg à grāde difficulté. Lādrecey est retreschy de gens & de viures à la teneur de l'armee du Roy qui y estoit en persōne, lequel se retire par apres: l'Empereur le suit quelque peu, puis leue le siege, & bastist vne citadelle à Cambray pour l'opposer à Lādrecey. Barberouillé prend la ville de Nice: assiēge pour neāt le chasteau. & le Marquis du Guast venāt au secours prend Mondouis, & Carignan qu'il fortifie. Le sieur de Boutietes lieutenant pour le Roy en Piemōt prend Sainct Germais: mais il est blasmé d'auoir laillé fortifier Carignan sans l'empescher, pour l'importance dont il estoit à la campagne du Piemōt. Le Roy enuoye en son lieu monsieur d'Anguian, qui prend Cressentin Palezol & Desane, & assiēge Carignan, Le Marquis du Guast le veult secourir, dont vint l'occasion de la bataille de Serizolles, apres laquelle Carignan & plusieurs villes en Piemont & Montferrat furent prises par nos gens. L'Empereur & le Roy d'Angleterre courroucez de ceste victoire assaillent la France de deux pars. Le Roy d'Angleterre assiēge Boulōgne, & la prend par la faute du gouuerneur. L'Empereur prend Luxembourg, Ligny & Sandizier, viēt iusques à Espernay, puis tourne vers Picardie, & accorde la paix au Roy, le laissant en guerre avec l'Anglois: contre lequel le Roy tourne ses forces de mer & de terre. Monsieur le Dauphin prend & perd en vn moment la basse Boulōgne, le fort d'Ourreau se dresse pour arrester les courses des Anglois, qui sont deffaits par les nostres en plusieurs rencontres. L'Amiral d'Annebault avec grand nombre de galeres & nauires ne pouuant attirer sur mer les Anglois au cōbat pille leur costé. La paix se fait avec le Roy d'Angleterre, lequel peu apres va de vie à trespas, le Roy François n'arreste gueres à le suyure, & decede à Rambouillet, lan 1547.



# P R E F A C E D E L A V

## T H E V R.



**N**TRE ceux qui ont mis la main à la plume pour consacrer à l'immortalité les chose dignes de memoire, il s'en trouue peu qui n'ayent en trop adionsté à l'exaltation & magnificence de leurs Princes, ou trop diminué de la gloire des estrangers: & y en a beaucoup qui se sont permis telle licence, de s'irre à la volée tout ce qui leur tombois en l'esprit, qu'en maints endroits ils nous ont depaint des fables plus que pueriles en lieu d'histoire. Et encorres auourd'huy nous voyõs quelle f y on doit adionster à ceux qui n'ont honte d'exposer en lumiere leurs ceuures, ou les choses dont nous auons vraye & entiere cognoissance, sont autrement par eux descriptes, qu'elles n'ont esté faites. Vray est que nous auons ass. z. d'historiens, qui non moins d'etement que diligement nous ont décrit en general les hazardes, les entrepriſes des guerres, les traittez de paix & d'alliances, les gouuernement des republiques, les mutations des Royaumes & Empires, la nature & les mœurs des hommes, les situations des lieux, & costumes des villes. Et sin gulierement Paul Emile & Paul Ioue, ont rapporté grande louange en l'histoire qu'ils nous ont laissée, de ce qui est aduenü de nostre temps par tout le monde uniuersel. Bien que Paul Ioue en plusieurs endroits de son histoire, s'est moſtré plus partial qu'il ne me semble que deuoit faire un bon historien qui doit eſcrire la verité, sans s'affectionner à l'un ou à l'autre part. Mais quant aux particularitez de ce Royaume, & ce qui concerne les guerres que le feu R y de treslouable memoire François premier de ce nom a esté contrainct soutenir & entreprendre, ie n'ay veu homme qui se soit enployé à les descrire tant a plement & par le menu, que f u mon frere Mesſire Guillaume du Bellay seigneur de Langey, Che ualier de l'ordre du Roy, & son Lieutenant general en Italie, homme de velle vertu & erudition que chacun a cognu. Lequel auoit composé sept Ogdoades Latines, par luy meſme traduittes du commandement du Roy en nostre langue vulgaire, ou l'on pouuoit voir comme en un clair miroir non seulement le pourtrait des occurrences de ce ſiecle, mais vne dextérité d'eſcrire merueilleuse & à luy peculiere ſelon le iugement des plus ſauans. Toutesſuï son labour nous est demeuré inutile par la malice de ceux qui ont desrobé ses ceuures, voulans enſemelir l'honneur de leur Prince & de leur nation, ou faiſant leur compte (peut estre) qu'à ſuccesſion de temps ils en pourroient faire leur prouſir, en changeant l'ordre & deguiſant un peu le langage. En quoy la substance pourroit grandement estre alteree, & la reputation d'autruy preiudiciee. A raiſon dequoy il m'a ſemblé eſtant quelqueſois en repos des armes employer mon temps, afin de n'estre reputé oisif (car oisinesé est mere & origine de tous vices) ne deuoir eſpargner ma peine & diligence, pour faire publier troiſ liures

qui nous restent de la cinquième Ogdeade, & les accompagner d'autres sept cōtenans plusieurs brieſſi memoires tant de la paix que de la guerre, dōt ie puis parler en partie comme teſmoing oculaire: car en plusieurs endroits & deçà & delà les mons me ſui trouuē en perſonne, & des autres ay peu auoir certain aduis par ceux qui ont eſtē preſens, gens de ſuy & de ſincera iugement, conſormant le dire des uns aux autres, & meſmes de plusieurs eſtrangers qui en parlent ſans affection: ayant eſtē touſiours ſoigneux d'entendre en quelle ſorte les choſes ſont paſſees depuis quarante & deux ans que i'ay commencē à monter à cheual, iuſques au treſpas du dit ſeu Roy. Proteſtant que ie ne me ſui beaucoup arreſtē à farder mon ouurage des couleurs de Rhetorique, auſſi n'eſt-ce pas ma vacatiō. Parquoy i'ay dreſſē mon but à reprēſenter & deduire les choſes au plus pres de la verité qu'il m'a eſtē poſſible, & ne penſe auoir aucunement enrichy la beſongne pour vouloir flatter ou taxer autrui. Mais ſi'ay d'aduentu re quelque choſe obmiſe ( ainſi qu'il eſt fort difficile d'auoir l'œil par tous) il me ſemble que ie ſui d'autant plus excuſable, que moins i'ay eſtē nourry aux lettres, & que i'ay en aſſez peu de loyſir & de moyen d'employer le temps à eſcrire, pour auoir toute ma vie ordinairement ſuyui les armes au ſeruiſe de mon Prince. Ce que ie prie les lēcteurs uuloir mettre en conſideration, & receuant pour agreable ce qu'ils pourront trouuer digne de leur eſtre preſentē, eſtimeront (ſi' leur plaist) que ie ne ſeray iamais de l'opiniō de Lucilius homme Romain, lequel ne uouloit ſi' eſcrits tomber ēs mains des perſonnes treſdoltes, & moins eſtre leux des ignorans, pour autant (diſoit-il) que les uns auoyent plus de cognoiſſance que luy, & les autres n'y entendoient rien: car i'ay ſeulement voulu en cecy preparer le chemin à ceux qui ſont plus ſauans que moy, leſquels pourront doler & apres ce que i'ay groſſemens eſbauchē pour le rediger en ſtyle, & langage plus beau & plus ornē, y adiouſtans ou diminuant ce qu'ils cognoiſtront venir mieux à propos, afin de conſeruer à la poſterité les faits vertueux & memorables de noſtre temps.

## PREMIER



# PREMIER LI- VRE DES MEMOIRES DE

MESSIRE MARTIN DV BELLAY, SEI-  
gneur de Langey, Cheualier de l'ordre du Roy, Capi-  
taine de cinquante hommes d'armes de ses ordonna-  
ces & son Lieutenant general en ses Pais & Duché de  
Normandie, en l'absence de Monseigneur le Dauphin:  
Des choses auenues depuis l'an mille cinq cens & treze  
qu'il vint à la Cour, iusques au trespas du Roy  
de tres-louable memoire FRAN-  
COIS premier de ce nom.



YANT LE ROY LOUIS  
douzieme, apres l'heureu-  
se iournée de Rauenne, es-  
prouué l'inconstance des  
choses du mode en la per-  
te qu'il feit de son Duché  
de Milan, il se delibera de  
chercher tous moyes pour  
le recouurer & remettre en  
ses mains. Et comme Prin-  
ce non moins prudent que magnanime, y voulut vsér  
de la diligence requise & necessaire en toutes entrepri-  
ses hautes & de grande consequence. Afin mesmement  
d'y pouuoir donner ordre, auant quel ennemy se peult  
impatroniser des chasteaux de Milan, & de Cremonne,  
qui estoient encorés demourez en la puissance des Fran-  
cois, estant capitaine dedans le chateau de Milan le  
Cheualier de Louvain, & dedans le chateau de Cremo-  
ne Ianot de Herbouille seigneur de Bunou. A ceste oc-  
casion pour secourir lesdictes places, & reconquerir son  
Duché de Milan, il voulut pourueoir d'un bon chef à la  
conduire de son armée, & entre autres choisist messire

Ordre don-  
né par le  
Roy Louis  
pour le re-  
couuremēt  
du Duché  
de Milan.

Louis de la Trimouille comme digne de tenir ce lieu en l'armée qu'il dressa l'an mil cinq cens & treze apres Pasques, enuiron le temps que ie vin ieune à la Cour. Et pour l'accompagner de chefs de guerre bien experimenez & vertueux, despescha avecques luy le seigneur Ica Jacques Treuoulse Marechal de France, & messire Robert de la Marche seigneur de Sedan, avecques sept ou huit cens hommes d'armes, huit mil le auanturiers Francois, & six mille lansquenets, sous la conduite du seigneur de Florences fils aîné dudit messire Robert. Et auoit le seigneur de Sedan inuēté vn cāp de charpenterie qui se trainoit par chariots pour clore l'armée, si la nécessité d'auāture leur suruenoit de soustenir vne bataille en endroit peu auantageux: toutesfois son inuention (ainsi qu'entendrez cy apres) fut de grande despense, & apporta peu de prouffit. Surquoy, pour vne parenthese, ie ne vūcil oublier que les feies de Pentecoustie l'année mesme fut espouzé à Chasteaudun monseigneur Charles Comte de Vendosmois & de Marle avecques madame Francoise d'Alancoñ vesue du Duc Francois de Longueuille qui deceda au retour du voyage de Guienne, duquel voyage ie doý faire mention auant que passer plus ouire, car la cognoissance des choses passées donne grande lumiere à l'histoire du present.

**Matriage  
de Charles  
de Vendos-  
me.**

**Occasīo du  
voyage de  
Guienne.**

O R est il que peu apers la victoire de Rauenne sous couleur de l'interdit ietté par le Pape Iules deuxiesme sur to<sup>s</sup> les Rois qui auoient assisté par leurs ambassadeurs au concile de Pise, donnant en proye toutes leurs terres & seigneuries, le Roy Ferrand d'Arragon seignant d'assaillir la France, entra au Royaume de Nauarre: & auant que le Roy Iean eust loisir de penser à se deffendre & fortifier, il se trouua dessaisi des principales villes que il eust en obeissance, & mesmes de Papelune, & fut quasi du tout spolié. A raison de quoy le Roy Louis desirant d'entretenir l'alliance & confederation qu'il auoit avec luy, enuoya promptement le Duc Francois de Longue-  
ville



## DE MESS. MARTIN DV BELLAY.

ville gouverneur & son Lieutenant general en Guienne, avec vne armée pour le secourir & reſtablir en ce qui auoit eſté perdu, & avec luy le Duc Charles de Bourbon: mais eſtant aduertie que leſdits de Bourbon & de Longueuille ne ſ'accordoient gueres bien enſemble, cognoifſant que telles diuiſions peuuent eſtre cauſe de grand deſordre & conſuſion en vn camp, & bien ſouuent de faire perdre les batailles, deſeſcha monſieur François Duc de Valois & Comte d'Angouleme, qui eſtoit le plus proche heritier de la couronne, & lequel depuis a eſté Roy, afin de les accorder, & aſſoir la ialouſie que ils pouuoient auoir l'un de l'autre. Et lors eſtant arriué avec eux, encôres que toujours la principale autorité demourât au Duc de Longueuille, à raiſon qu'il eſtoit, comme dit eſt, gouverneur du païs, il marcha neantmoins iuſques au mont Jaloux, où la bataille fut preſentée aux Eſpagnols qui eſtoient à ſainct Iean de pied de porc: laquelle ils reſuferent, diſans leur eſtre deffendu du Roy Ferrand de rien haſarder par vne ſeule bataille. Puis apres auoir fait paſſer Ronceuaux au Duc d'Albe lieutenant general dudit Roy Ferrand, le Duc d'Angouleme & ladite armée furent contremandez du Roy pour retourner tout court, à l'occaſion que le Roy d'Angleterre Henry huitieſme de ce nom, & l'eſleu Empereur Maximilia, à l'iniſtigation & par la pratique du Pape Jules ſuidit faiſoient grands preparatifs pour aſſaillir la Picardie, & de fait ils y firent vn merueilleux effort. Car iceluy Roy Henry deſcendit avecques vne armée de vingt-cinq ou trente mille hommes de pied & bon nôbre de caualerie, & le plus grand nombre d'artillerie qui auoit paſſé cent ans au precedant d'Angleterre deca la mer, pour entrer en France: avecques lequel Roy d'Angleterre ſe vint ioindre ledit eſleu Empereur Maximilian & ſon armée, de ſorte que les deux enſemble eſtoient nôbrez à vij. ou viij. mille cheuaux, & xlv. mille hommes de pied, tant Anglois, Allemans, que Hennuyers, car de

Paſſage du  
 Roy Henry  
 huitieſme  
 en France,

#### 4. M.D.XII. I. LIVRE DES MEM.

Flamans & autres subiets du Prince d'Espagne Charles d'Autriche n'y en auoit aucuns: par-ce que ledit Prince & ses pais estoient en amitié avecques le Roy, à cause que le Roy Don Philippes son pere en la mort voyant qu'il laissoit son fils Charles dont nous ferons cy apres mention en ces memoires aagé seulement de xj ans, & que le Roy deuant qu'il fust en aage, (veu la legereté des Flamans) se pourroit inuestir des pais bas: pour obuier à ce il ordonna par testament le Roy Louis xij son curateur, & le Roy par le cōiement des pais, y ordonna le sieur de Chicures de la maison de Croi.

Siege de  
Terouëne.

L'ARMEE mise ensemble passant pres d'Ardre & de saint Omer vint assieger Terouëne, mais en chemin quelque nombre des leurs qui estoient demourez derriere pour conduire l'artillerie furent rencontréz aupres de Tournchan, de trois ou quatre cens hommes d'armes des nostres, qui estoient partis de Montreul & Boulongne, où fut gaigné sur eux vne double grande coulourine nommée S. Iean, & en auoit l'Anglois douze de ce calibre portans le boulet de canon & nommée du nom des douze Apostres: & furent deffaits quelque gens de pied qui estoient en ladite conduite. A l'heure de ceste deffaitte estoit le Roy d'Angleterre sur son passage à venir de Calaiz trouuer son camp deuant Terouëne, lequel faillit d'estre rencontré, mais il se retira dedans S. Omer, auquel lieu le vint trouuer l'Empereur Maximilian, & allerent de compagnie au camp. Peu de temps apres les garnisons de Montreul & autres voisines, & entre autres la compagnie de monseigneur de Vendosme conduite par le seigneur de Moui, celle du Duc d'Alancour par Francois de Silly, le seigneur d'Imbercourt, celle du seigneur du Plessis Daslé, & autres iusques à quatre cens hommes d'armes aduertis qu'il deuoit partir vn grand enuaillement de Guines pour mener au camp deuant Terouëne, Pallerent attendre pres d'Ardres, & ayant rencontré les cōueurs des Anglois les chargerent & de-

Rencontre  
pres d'Ar-  
dra.

feirent

feirent: mais la troupe ne se sentant assez forte se ferma du charroy, ayant tarcy toutes les aduenues d'archers: de sorte que nostre gendarmerie les ayans chargez par plusieurs fois ne les sceut enfoncer à cause dudit charroy, tellement qu'apres auoir long temps combatu il se retirerent tousiours fermez de leur dit charroy iusques dedans Ardres, qui estoit par nous abandonnée, & nous retirasmes à Boulongne ayans perdu beaucoup de gens de bien. & entre autres le sieur du Plessis qui fut frappé d'une fleche par le gousset en leuant le bras pour combattre, & y eut grande perte de cheuaux de coups de fleches.

DEDANS Terouienne le Roy auoit ordonné pour ses lieutenans generaux de mesme puissance & autorité deux gentils capitaines, scauoir est le seigneur de Tellingny Senechal de Rouargues avecques cét homme d'armes de la compagnie de Charles Duc de Gueldres dont il estoit lieutenant, & messire Anthoine de Crequy seigneur du Pontdormy frere puisné du seigneur de Crequy avec autre cent hommes d'armes de monsieur de la Grutture nouuellement decedé, estant lors de son trespas gouuerneur de Picardie. Et auoit ledit du Pontdormy ladite compagnie en garde: aussi y estoit le seigneur de Sercu ayant charge de cinq cens hommes de pied, le seigneur de Heilly cinq cens, le seigneur de Bournouille cinq cens, le Capitaine Brandhec Aleman cinq cens lansquenets.

EN ce temps enuiron la feste Dieu fut espouzé à Paris (estant le Roy logé aux Tournelles) Claude de Lorraine Côte de Guise & d'Aumalle avecques Anthonette de Bourbon sœur de Charles Comte de Vendesine, & se feit le banquet en la maison d'Estampes deuant les Tournelles. L'apresdinée deslites nopces furent apportées nouuelles au Roy comme le seigneur de la Trimouille auoit esté rompu deuant Noire, & son armée mise à grande rouverte.

Mariage de  
Claude de  
Lorraine  
Comte de  
Guise

Bref dis-  
cours du  
traitté de  
Cambray,  
& de ce  
qui en ad-  
vint.

IL ne sera (cemesemble) impertinent si ie dy vn mot en passant des occasions & comment l'armée du roy auoit esté mise hors d'Italie, pour le recouurement de laquelle felloit faicte ceste entrepryse. L'an mille cinq cens huict, le roy, le Pape Iules, & l'Empereur Maximilian firent trouuer à Cambray leurs deputez, auquel lieu se feit vne ligue entre eux, & fut conclu qu'à frais communs ils deuoient chasser les Venitiens hors de la terre ferme d'Italie, les disans vsurpateurs de ce qu'ils y tenoient tant sur l'Empire que sur le patrimoine de l'Eglise, & sur le Duché de Milan. Et pour executer ladicte entrepryse, fut conclu que le roy auecques son armée, & l'Empereur auecques la sienne, & l'armée du Pape se ioindroient ensemble à vn iour dit, l'an mille cinq cens neuf, pour ladicte execution sur les limites des terres des Venitiens. Le roy sy trouua en personne au iour prefix auecques son armée accompagné des Princes de son sang, mais le Pape & l'Empereur faillirent de leur promesse, car nul ne sy trouua pour eux, ains au contraire se trouua l'armée de la seigneurie en tel equipage, que entre Cassan & Pandin le roy seul n'ayant nouuelles de ceux de la ligue, leur donna la bataille: laquelle ayant gaigné & prist tous leur chefs, & vingt-mille des leurs ayans esté tuez en ladicte bataille, & le chasteau de Pesquaire pris d'assault, se rendirent entre ses mains toutes les places des Venitiens, scauoir est Veronne, Vincence, Cremonne, Cresme, Padoue, Bresse, Bergame, & toutes les villes de la Giradade, & aussi les autres places que tenoient lesdits Venitiens en la terre ferme, hors mis deux ou trois.

Or pour ce que par ledit traitté de Cambray estoit dit qu'il seroit rendu à l'Empereur ce qui estoit de l'Empire, & pareillement au Pape ce qui estoit de l'Eglise: le roy remit entre les mains de l'Empereur Verone, Vincence, Padoüe & les autres places, & entre les mains du Pape Rimini, Faence, Ceruie, Rauenne, & les autres terres du pa-



du patrimoine de l'Eglise. Mais l'année mesme l'Empereur laissa perdre l'adoüe que les Venitiens reprindrent sur luy par faute d'y auoir bien pourueu, à la reconqueste de laquelle le Roy feit assister à l'Empereur le seigneur de la Palisse avecques quatre cens hommes d'armes François : mais il n'y feit pas bien son proufite ou pour sa negligence, ou autrement. Le Pape & ledit seigneur Empereur se banderent contre le Roy, & dressans leurs armées à frais communs feirent assaillir le Duché de Milan, où ils ne prouffiterent gueres. Car Gaston de Foix Duc de Nemours lieutenant general en Italie par mille cinq cens & douze leur donna la bataille à Rauene le iour de Pasques: en laquelle bataille ils furēt rōpus & desfaicts, & Rauenne prise d'assault. Mais le Duc de Nemours poursuiuant sa victoire, & n'estant suiuy pour n'estre apperceu des siens, fut tué : parquoy demoura le seigneur de la Palisse Iacques de Chabannes, qui estoit grand maistre de France depuis n'agueres par le trespass de messire Charles d'Amboise decedé l'an precedant, gouverneur & lieutenant general pour le Roy audit Duché de Milan & d'Italie.

LE DIT an mille cinq cens & douze le Pape & l'Empereur encor esanimez cōtre le Roy qui estoit leur bienfaicteur voyans ledit seigneur Roy auoir separé son armée, susciterent les Suisses soubs le tiltre du seigneur Maximilian Sforce fils du seigneur Ludouic Sforce qui auoit esté vsurpateur du Duché de Milan, mais depuis pris prisonnier par le Roy Louis à qui ledit Duché appartenoit à cause de madame Valentine sa grande mere, & iceluy Ludouic Sforce estoit mort captif dedans le chasteau de Loches) lesquels à l'improuiste descendirent audit Duché de Milan: où deuant que noz gens eussent le moyen de pourueoir à leurs affaires les spolierēt dudit Duché, & en mirēt en possession Maximilian Sforce ils dudit Ludouic: lequel les Suisses prindrent en leur protection, qui estoit cause que le Roy auoit de pesché le

Journée de  
Noare.

seigneur de la Trimouille pour recôquerir ledit Duché.  
ESTANT le seigneur de la Trimouille party, & les  
Suisses aduertis de l'armée laquelle en toute diligence  
marchoit, enuoyerent à messieurs des ligues querir dix  
mille hommes de secours, attendans lequel & seachans  
bien que nostre armée desia estoit entrée en Dauphiné,  
partirét de Milan enuiron de sept à huit mille hommes  
pour nous empescher de passer le pas de Suze: mais ad-  
uertis que desia auions faict telle diligence que nostre  
armée estoit en la plaine, sefermerét à Noare pour l'at-  
tendre leur secours, lequel par le val d'Oste venoit des-  
cendre à Iürée. Le seigneur de la Trimouille de ce ad-  
uertey les vint assieger dedans ladite ville de Noare sans  
attendre le reste de son armée qui estoit encores dedans  
les montagnes, ayant seulemēt en la compagnie six mil-  
le lansquenets, & quatre mille hommes de pied François  
de gendarmerie, sa compagnie de cent hommes d'ar-  
mes: celle de monseigneur de Bourbon de pareil nombre  
conduite par le bastard de Cliette son lieutenant. messie-  
re Robert de la Marche cent homes d'armes, le Duc d'Al-  
banie cinquante, le seigneur de S. André cinquante, mon-  
sieur de Bussy de Bourgogne cinquante, Jacques le leu-  
ne dit Malherbe cinquante, de la compagnie du Mar-  
quis du Montferrat dont il auoit esté nouuellement lieuten-  
tenant par le trespas du seigneur de la Crotte frere du  
seigneur du Lude. Auecques ladite armée le seigneur de  
la Trimouille vint loger pres la ville, où ayant fait su-  
rieuse batterie seie brecher raisonnable pour assaillir, mais  
il ne fut conßeillé d'y donner l'assault pour deux occa-  
sions, l'vne pour le grand nombre de Suisses qui estoient  
dedans lesquels il ne pouuoit forcer sans grande perte  
d'hommes, outre qu'il auoit aduertissemēt que le secours  
qui venoit de Suisse par le val d'Oste approchoit d'Iürée,  
lequel arriuant pres vn sanglant cōbat & estât frais, ef-  
fisent peu deffaire nostre armée ruinée audit cōbat en-  
des qu'elle fust victorieuse. A ces causes leua son camp &

macha

marchea pour aller cōbatre ledit secours auāt qu'ils fussent ioinctsensemble:& pour cest effect alla loger à deux mille de Noare sur le chemin de Trecas. Dequoy le secours des Suisses aduertv, laissās nostre armée à main gauche la nuict subséquēte sansrēcontre entrerēt dedans ledit Noare. Auquel lieu estant assemblez delibererent de sortir pour aller combattre le seigneur de la Trimouille lequel estoit logé mal à propos. d'autant que la gendarmerie ne pouuoit secourir les gens de pied à cause des canaulx & grans fossez qu'il y auoit entre deux. Aussi le lieu ordonné où la gendarmerie deuoit combattre, estoit en yn maraiz où les cheuaux estoient en fangez iusques au genoil. Et si ne fut faict diligence de fermer le camp qui auoit tant cousté à charier (chose qui eust bien serui pour arrester la fureur des Suisses, attendant le reste de l'armée qui estoit à venir) & disoit on que ceste faute aduint pour sauuer vne cassine estant au seigneur Jean Jacques Treuoulse. Qui eust temporisé, le capitaine Tauannes qui estoit ia arriué a saint Ambroise au val de Suze avec six mille lansquenets qu'il amenoit que le Duc Charles de Gueldres auoit enuoyé au Roy pour son secours, y fust arriué à temps.

Les Suisses dōcques ayant beu chacun vn coupsans autre sejour sortirent en campagne: vne partie print le chemin à la teste de nostre camp: l'autre partie prenant le chemin à la main gauche. & laissans nostre armée à droite, vindrent assaillir noz lansquenets par le costé qui tire vers Trecas, lesquels ne pouuans estre secourus de nostre gendarmerie, & estans en lieu où eux mesmes n'auoient moyen de combattre, furent rompus, & vne partie taillée en pieces: & mesmes entre autres le seigneur de Fleuranges leur general, & le seigneur de l'amer son second frere demourerent parmy les morts: dequoy mes sire Robert de la Marche leur pere aduertv avec cent hommes d'armes dont il auoit la charge tourna la teste droict à l'ennemy, & feir vne si furieuse charge qu'en biē

combatant vint iusques aux lieux où estoient couchés ses enfans parmy les morts, & chargea l'ainé sur son cheual, & l'autre sur celuy d'un sien homme d'armes : & en despit des ennemis les tira hors du danger, non sans que ils eussent des coups infinissant au visage à la gorge que autres lieux. Mais à l'ayde de Dieu & des bons chirurgiens la vie leur fut sauvée. Le seigneur de la Trimouille voyant le desastre tourné sur luy, & estant hors d'espérance, par ce qu'il auoit perdu la force de ses gens de pied, & estoit blessé en vne iambe, se retira le chemin de Verceil, & de là à Suze : (chose qu'il fit aisément par ce que les Suisses n'auoient aucune caualerie, ) autres des nôtres se retirèrent par le val d'Oste.

Armée de  
Mer contre  
les Anglois,  
& combat.

Ce mesme temps ayant le Roy fait passer par le détroict de Gibaltar quatre galeres sous la charge du capitaine Pregent pour resister aux incursions que faisoient les Anglois sur la mer de Ponant le long des costes de Normandie & Bretagne, l'Amiral d'Angleterre lequel auoit donné la chasse aux galeres dudit Pregent iusques pres de Brest : fust combattu par lesdites galeres, & fut blessé le dit Amiral qui mourut peu de iours apres. Derchief deuant saint Mahieu en Bretagne, le iour de saint Laurens fut combattu par quatre vingts nauires Angloises contre vingt Bretonnes & Normandes, & estant le vent pour nous & contraire aux Anglois, fut combattu en pareille force, & entre autres le capitaine Primauguet Breton capitaine de la Cordeliere nauire surpassant les autres en grandeur, que la Royne Anne auoit fait construire & equipper, se voyant inuesti de dix ou douze nauires d'Angleterre, & ne voyant moyen de se deuelopper, voulut vèdre sa mort : car ayant attaché la Regente d'Angleterre, qui estoit la principale nef des Anglois, ietta feu de sorte que la Cordeliere & la Regente furent brûlées & tous les homes perdus tant d'une part que d'autre.

Refreschissement de  
Terouëne.

Quelques temps apres le Roy ayant entendu la necessite de viures en laquelle se commençoient à trouuer  
ceux



ceux de Teroüenne, pour desia auoir esté assiegez six ou sept septmaines, delibera de leur faire bailler quelque refreschissement, attendant que son armée fust assemblée pour du tout les aller secourir. Et desia auoit eu nouuelles que le Duc de Suffolc de la blanche roze, lequel de long tēps auoit esté fugitif d'Angleterre, luy amenoit six mille lansquenets. A ceste caule le Roy auoit mandé au seigneur de Piennes gouuerneur de Picardie, & son lieutenant general en l'armée qu'il assembloit à Blangy en Ternois pres de Hedin, de trouuer le moyen de faire ledit refreschissement. Le seigneur de Piennes avecques Popinion des capitaines estant avec luy tels que le Duc Louis de Longueuille capitaine de cent gentils-hōmes de la maison du Roy, le seigneur de la Palisse grand maître de France, le seigneur d'Imbécourt, le capitaine Bayard, le Baron de Beard, messire Emar de Prye, le seigneur de Bonniuet, le seigneur de Bonneual, le seigneur de la Fayette lieutenant de la compagnie de l'Amiral de Grauille, la compagnie du seigneur Iules de S. Seuerin, le seigneur de Malebert lieutenant du Côte de Guise de Lorraine, le seigneur de Clermont d'Anjou lieutenant du Duc d'Angoulesme, Nicolas seigneur de Mouy lieutenant de monsieur de Vendosme, Francois de Silly Baillif de Caen lieutenant du Duc d'Alencon, & autres capitaines de gens d'armes, avecques le seigneur de Fourrailles capitaine general des Albanois, conclud d'enuoyer ledit Fourrailles avecques ses Albanois portans chacun Albanois sur le col de son cheual vn costé de l'ard, & de la poudre à canon, lesquels deuoient donner iusques au bord des fosses de la ville, & ietter ledit lard & poudre en lieu où noz gens à la garde de leur arquebouzerie & artillerie le peussent seurement retirer dedans la ville, & que ce temps pendant ledit seigneur de Piennes & de la Palisse avecques quatorze cens hommes d'armes les suiuroient iusques sur le hault de Guigneguarre pour les soutenir: chose qui fut executée par lesdits Al-

banois bien & dextrement. Et estoient allez plusieurs ieunes hommes pour leur plaisir quand & eux qui entrerent dedans pour visiter leurs amis en esperance de ressortir, mais ils n'eurent le moyen. Entre autres y estoient le seigneur d'Anton seul fils de monseigneur du Boschage, le seigneur de la Roche du Maine, Jean de Mouy seigneur de la Meilleraye, l'escuyer Boucar, la Roche Hefmon, la Roche Sendry, & plusieurs autres.

La journée  
des esperons.

AYANS executé ce qu'ils auoient entrepris, le seigneur de Piennes fut d'aduis de se retirer mais quelques ieunes hommes eurent enuie d'aller recognoistre le camp de l'ennemy, autres pour la grande chaleur qu'il faisoit, (car c'estoit la my Aoust,) se voulurent refreschir ostans leurs habillemens de teste, montans sur leurs haquenées, & buuans à la bouteille, n'ayans esgard à ce que pouuoit faire l'ennemy, & montrans peu d'obeissance à leur chef: mais cependant qu'ils famuloier à leur plaisir, l'ennemy ne dormit pas, car il feit partir de son camp quatre ou cinq mille cheuaux, & le nombre de dix à douze mille hommes de pied tant lansquenets qu'Anglois, & sept ou huit pieces d'artillerie de campagne, lesquels passans la riuere du Lis pres de Delleste vindrent attendre nos gens au passage de la riuere qui passe à Huchin, auquel lieu trouuâs nostre caualerie en desordre, deuant qu'ils eussent loisir de monter sur leurs grands cheuaux & prendre leurs habillemens de teste, furent mis en tel desordre qu'il se trouua peu des nostres qui eussent le moyen de combattre, & par ce que les esperons seruirent plus quel'espée, fut nommée la journée des esperons. En ladite rouverte furent pris le Duc Louis de Longueville, le seigneur de la Palisse, (mais ils furent recours) le capitaine Bayard, le seigneur de Clermont d'Anjou lieutenant de monsieur d'Angoulesme, le seigneur de Bussy d'Amboise, & plusieurs autres tant capitaines que soldats.

Le Roy estant à Paris, eut nouuelles de ladite rouverte, & par ce qu'il estoit fort tourmenté des gouttes, se feit

porter

Porter en vne litiere iusques à Amiens, & enuoya mon-  
 sieur d'Angoulême, qui depuis a esté Roy, son lieute-  
 nant general en Picardie trouuer le camp à Blangy, par-  
 ce qu'il fut bien aduertty que ladite deffaicte estoit ad-  
 uenue pour les partialitez qui estoient entre les chefs de  
 son armée, luy commandant expressemēt de ne rien fai-  
 re sans l'aduis des vicils capitaines. Lequel prenant l'ar-  
 mée en main delogeant de Blangy alla loger à Ancre de  
 là la riuere de Som. qui est lieu propre pour faire teste  
 à l'ennemy, quelque part qu'il vueille marcher, car c'est  
 au milieu de la frontiere: puis le Roy se voyant hors  
 d'esperance de pouuoir assembler son armée à tēps pour  
 secourir Teroüenne, (car desia viures deffaillioient) feit  
 entendre aux assiegez qu'ils trouuassent moyen de faire  
 compositio honorable, ce qu'ils firent: car apres auoir  
 tenu neuf sepmaines, & estās en extremite de viures, sor-  
 tirent leurs bagues sauues, enseignes desployées, armer  
 en teste, & la lance sur la cuisse, & les gens de pied  
 marchans en bataille enseignes desployées & tabourin  
 sonnant, & les habitans de la ville leur bagues sauues.  
 Ayant ledit Roy d'Angleterre la ville de Teroüenne en-  
 tre ses mains, à la sulcitation des Flamans la feit demo-  
 lir, rempār les fossez, & brusser toutes les maisons, hor-  
 mis l'Eglise & les maisons des chanoines.

Prise & rui-  
 ne de Te-  
 roüēne par  
 les enne-  
 mis.

A v mesme temps que ces choses se faisoient à Te-  
 roüenne estant (comme i'ay predict) le seigneur de la Tri-  
 mouille retiré d'Italie, il fut suiuy par quatorze ou quin-  
 ze mille Suisses incitez par le Pape Iules & l'Empereur  
 Maximilian accompagnez de la gendarmerie de la fran-  
 che Comté, & de quelques cheuaux Allemans conduits  
 par Vlrich Duc de Wirtemberg, lesquels le vindrent as-  
 sieger dedans Dijon principale ville de Bourgongne, qui  
 n'estoit remparée ny fortifiée en sorte du monde, mais  
 la vertu des hommes seruit de murailles: lesdits Suisses  
 ayans esté cinq ou six sepmaines audit siege, & le seigneur  
 de la Trimouille se voyant hors d'esperance de secours,

Siege de  
 Dijon par  
 les Suisses.

pourestre l'Empereur & le Roy d'Angleterre en Picardie, estant aussi la guerre en Guienne du costé de Fontarabie & de Nauarre, cercha moyen de les pouuoir renuoyer, & en fin tant pratiqua enuers eux, qu'en leur promettant quatre cens mille escus, qu'ils disoient leur estre deüs pour les seruices qu'ils auoyent faictz au Roy aux guerres precedetes en Italie, les reuoya en leur pais, leur fournissant vingt mille escus cōptant, & pour le reste de ladite somme leur bailla pour hostages le seigneur de Mezieres son nepueu, le Baillif de Dijon nomme de Rochefort, & quatre bourgeois de ladite ville, & par ce moyen furent appeaisez lesdits Suisses, & se retirerent en leur pais, & ceux de Bourgongne demourerēt en leur liberte. Vray est qu'il y auoit des conditions audit traitté qui n'estoient hōnorables pour vn tel Prince que le Roy: mais la necessite n'a point de loy pour sauuer vne prouince: aussi le Roy les ayant entendues ne voulut ratifier lesdites conditions, mais les reprōua comme indignes de sa majeste.

LE Roy d'Angleterre ayant fait raser Terouenne (comme cy deuant est dit,) & voyant l'armée du Roy se preparer, & desia la saison estre tardifue, delibera de laisser la Picardie: & à l'instigation de Maximilian, print le chemin de Tournay ville de toute ancienneté de l'obeissance du Roy: mais pour l'heure estoit sans garnison, & n'y auoit autres gens pour la garde, sinon les Citadins, par ce que iamais le Roy n'eust presumé que l'Anglois eust laisse son entreprise de Picardie pour aller attaquer vne place laquelle ayant prise luy estoit de peu de commodité, pour estre enclauée dedans tous les pais bas, ayant d'vn costé Henault, & d'autre le Comte de Flandres, & loing de la mer: toutesfois à la persuation dudit esleu Empereur, il y alla, & fault entendre que l'armée dudit Maximilian estoit souldoyée aux despens du Roy d'Angleterre, & mesmes ledit esleu Empereur auoit cent escus par iour pour son plat & pour ledit voyage print son chemin par l'Isle en Flandres, qui est à cinq lieues dudit Tournay:



bay: arriuee que fut ceste grosse armee deuant Tournay & les habitans le voyans sans chef & hors d'esperance de secours, par ce que le Roy n'y pouuoit aller sans passer le Comté de Henault, & deux ou trois grosses riuieres, & entre autres celle de l'Escault & celle de Carpes, apres auoir enduré quelque bätterie se rendirent au Roy d'Angleterre: lequel apres y auoir fait faire vne citadelle, & laisse bonne prouision de munitions & d'hommes pour la garde d'icelle, & se voyant l'hyuer à doz se retira en Angleterre, ayant aussi vne tresgrande victoire contre laquelle le quart Roy d'Ecosse lequel estoit mort en la bataille, estant le Duc de Norfolc de la maison de Hauart, lieutenant general de l'armee d'Angleterre.

Prise de  
Tournay  
par les An-  
glois.

EN VIRON Noel subsequnt audit an mil cinq cens & treze mourut à Bloys la Royne Anne de Bretagne femme du Roy Louis, laissant du Roy & d'elle deux filles, l'aînée nommée madame Claude, la puînée madame Renée. Estant doncques le Roy en viduité, le Duc Louis de Longueuille qui estoit prisonnier en Angleterre meist en auant le mariage dudit Roy Louis & de madame Marie sœur du Roy Henry d'Angleterre huitiesme de ce nom, afin que par ce moyen on feist vne bonne paix entr'eux & leurs royaumes: chose qu'il paracheua ainsi qu'il sera dit cy apres, & desiroit le Roy ledit appointement afin qu'il peust dresser son armee pour la reconqueste du Duché de Milan, sans estre empesché du Roy d'Angleterre.

Mort de la  
Royne An-  
ne.

Av mois de May ensuiuant mil cinq cēs quatorze, François Duc de Valois & Comte d'Angoulesme apparant heritier de la couronne de France espouza à S. Germain en Laye madame Claude fille aînée du Roy Duchesse de Bretagne par la succession de la Royne Anne sa mere, lequel mariage ne festoit seu faire du viuant de ladite Royne Anne, par ce qu'elle aspiroit plustost au mariage de Charles d'Autriche pour ceste heure Empereur dont auoit esté pourparlé long temps auant qu'à celui du

1514.

Mariage  
du duc François  
d'Angoulesme

dict Duc d'Angoulesme : & disoit on que l'occasion qui à ce la mouuoit estoit pour la haine qu'elle portoit à madame Louise de Sauoye mere dudit Duc d'Angoulesme : & aussi quelque temps deuant estant le Roy fort malade à Bloys ladite Roynne craignāt son decez auoit fait charger sur la riuere de Loire les meubles plus precieux pour porter à son chasteau de Nantes, lesquels furent arrestez pres de Saumur par le mareschal de Gye, dont elle print telle haine contre luy qu'elle le fist chasser hors de la cour.

**Mariage  
du Roy  
Louis dou-  
zielme.**

ENVIRO N le commencement d'Octobre ensuiuant fut le traité de mariage ia commencé par le Duc de Longueuille conclu entre le Roy & madame Marie d'Angleterre, par lequel entre autres articles le Roy d'Angleterre insista fort à ce que le Duc de Suffolc qui estoit au ser uice du Roy luy fust mis entre les mains ainsi que le Roy dom Philippe auoit rendu son frere aîné, chose que ia- mais le Roy ne voulut accorder: biē fut contēt de ne le te nir en son Royaume, & le feit retirer à Mets, auquel lieu pour son estat luy donna six mille liures de pension par an.

**Tresbelle  
histoire de  
la successio  
du Royau-  
me d'An-  
gleterre &  
du Duc de  
Suffolc.**

ENCORE S que ce ne soit la matiere que j'ay delibe- ré de traiter, des affaires d'Angleterre, ayant entrepris seulement de deduire en ces memoires ce qui est aduenu en nostre Royaume, ou aux guerres qu'auons eu dehors, si est-ce qu'il m'a semblé bon de dire incidentement & en brief qui estoit ledit Duc de Suffolc, & la cause pour laquelle il estoit fugitif d'Angleterre, & venu au serui- ce de nostre Roy. Le Roy d'Angleterre Edouart le quart (duquel messire Phippines de Commynes faict mention en ses memoires, qui descendit en Picardie du temps du Roy Louis vnzielme de ce nom, & qui traita avec ledit Roy Louis à Piquigny) auoit deux freres, l'un nommé Georges Duc de Clarence, l'autre Richard Duc de Glaucestre. Or est-il qu'il eut opinion de veoir les propheties de Merlin pour scauoir ce qu'il deuoit aduenir à sa po- sterité, qui est vne superstition laquelle regne en An- gleterre

gleterre dez le temps du Roy Arthus. Voyant leſdites propheties par l'interpretation qui luy en fut faiçte (car ce ſont comme les oracles d'Apollo où il y a touſiours double intelligence) fut trouué que l'un de ſes freres, duquel le nom ſe commenceroit par vn G, oſteroit la couronne hors des mains de ſes enfans. Or eſt-il qu'il auoit deux fils & deux filles, le Duc de Clarançe (comme i'ay dit) ſe nommoit Georges, parquoy il eut opinion que de luy parloit la prophetie, à ceste occaſion le feit prendre, & ſans forme de iuſtice le feit mourir en vne pippe de maluoisie, ſe perſuadant que par ſa mort la prophetie ne ſortiroit ſon effect: n'ayant eſgard que ſon autre frere eſtoit Duc de Glauceſtre, duquel la premiere lettre du nom de ſon Duché commençoit par G.

D V D I T Duc de Clarançe demeura vne fille laquelle fut mariée à vn gentilhomme du pais nommé Pole en ſon ſurnom, dont deſcendit le Millord Montagu, lequel le feu Roy Henry huitieſme feit decapiter, auſſi en ſortit Regnault Pole, lequel eſtant fugitif à Romme pour euiſſer la fureur du Roy a eſté faiçt Cardinal, & de ceste heure veit encores: & vn autre frere nommé Geoffroy Pole. Le Roy Edouarrey deſſus nommé penſant par la mort de ſon frere le Duc de Clarançe auoir expié la prophetie de Merlin, venant à la fin de ſes iours laiſſa ſes enfans mineurs en la garde de ſon frere le Duc de Glauceſtre: lequel par ambition de regner après le decez du Roy ſon frere, feit mourir les deux fils dedans la tour de Londres, donnant à entendre au peuple qu'ils eſtoient morts par accident ſeitans precipitez du hault du pont lequel entre dedans la tour, les deux filles meit en religion les declarant baſtardes, diſant que la Roynie leur mere eſtoit mariée à vn gentilhomme du pais, & par ce moyen ayant les forces en main ſe feit couronner Roy d'Angleterre: eſtant couronné, tous ceux qu'il ſentit qui en auoient murmuré, les feit mourir de diuerſes morts. Le Côte de Richemont nommé Henry, qui auoit grād credit au pais,

craingnant la fureur du Roy s'embarqua pour se sauuer en France, mais la tourmente & le vent contraire le ietta dedans les haures de Bretagne où le Duc de Bretagne Francois parresta prisonnier, pour cōplaire au Roy d'Angleterre duquel il estoit allié: auquel lieu il fut detenu iusques au trespas dudit Duc Frantois, lors que le Roy Charles huitiesme de ce nom espousa madame Anne Duchesse de Bretaigne sa fille, lequel le mit en liberté, luy donnant pension pour son entretènement.

LE Roy Richard continuant tousiours sa tyrannie, les seigneurs du païs d'Angleterre, & mesmes le frere aîné du Duc de Suffolc, duquel est mention, qui estoit de la maison de Pole, descendu de la maison de Lancastre, lesquels portoient la roze blanche au contraire de ceux de la maison d'Yor, dont estoit descendue le Roy Richard, qui portoient la rouge, pour mettre le Royaume en repos manderent secrettement audit Comte de Richemont que fil pouuoit trouuer moyen que le Roy de France luy armast quelques nauires, & le voulut secourir de cent hommes d'armes & deux mille hommes de pied pour descendre en Angleterre, la pluspart du païs se tourneroit de sa part, pour expulser ce Roy Richard à cause de sa tyrannie: Sa requeste luy fut accordée par le Roy, & par madame Anne de France sa seur, Duchesse de Bourbon, regente eu France à cause de la minorité du Roy son frere: Le quippage fut dressé à Dieppe, & fut chef de l'armée pour le Roy, le seigneur de Chancel de Dauphiné lieutenant du Côte Francois de Vendosme, & maistre du nauire vn Dieppois nommé le Poullain de Dieppe. La fortune leur fut bōne, car s'ils eussent faict descente au lieu où ils auoient delibéré, ils eussent trouué en resle le Roy Richard accompagné de quarante mille hommes: mais le vent leur fut si à propos qu'il les ietta à Popposite au païs de Galles, où tout à leur aise ils firent leur descente.

DE V X iours apres eust publié par le païs que le Côte  
re de



re de Richemont auoit pris terre en Galles, ceux qui P'auoient mandé & plusieurs autres se vindrent ioindre auec luy: estans assemblez fut conclu de marcher droit à Londres, car qui est maistre de Londres cōmande à tout le royaume. Le Roy Richard lequel (cōme i'ay dit) estoit en cāpaigne avec quarante ou cinquante mille hommes marcha droit à son ennemy, qu'il rencōtra sur le chemin de Lōdres, où estās leurs batailles rengées l'oe deuant l'autre, la plus part de ceux qui estoient avec le Roy s'abandonnerēt, & se retirerēt du costé du Côte Richemōt. Ce nō obstant le Roy, qui estoit courageux, ne laissa de marcher la tesse droitte à son ennemy: mais le petit nombre d'hommes qu'il auoit ne peut soutenir l'effort du grand nōbre qu'auoit le Comte de Richemōt, si est-ce qu'il cōbatit avecques telle vertu, qu'il fut tué sans iamaïs auoir reculé vn seul pas. La bataille gaignée ledit Hēry Comte de Richemont marcha à Londres, auquel lieu estant arriué assembla vn parlement, & feit retirer de religion les deux filles du Roy Edouart le quart, dont il espousa l'aînée par le cōsentemēt du parlemēt & à cause d'elle se feit couronner Roy, la puînée dōna en mariage au millor D'auchin depuis Marquis d'Excestre nommé de Courtenay.

E S T A N T paisible du royaume & de la couronne, entores que le Duc de Suffolc eust esté l'vn des principaux auteurs de le faire passer en Angleterre, si est-ce qu'il peust en souspeçon, par-ce qu'il estoit descendu de la maison de Lanclastre, & delibera de faire exterminer la race. Ledit Duc de Suffolc auoit deux freres, l'vn dont icy dessus est faicte mētion, qui estoit lieutenant du Roy en Irlande, l'autre estoit ieune de sept ou huit ans: Paisné ayant quelque aduertissement de la mauuaise volonté que le Roy luy portoit, s'embarqua, & s'en vint à refuge en Flandres, deuers le Roy Dōm Philippe fils de l'Empereur Maximilian, & de madame Marie fille du Duc Charles de Bourgogne: & son frere qui estoit en Irlande aduerty de la fuite de son dit frere le sauua par mer au port

des Ostrelins, & de là en Allemagne: le ieune fut mis prisonnier en la tour de Londres, où ie Pay encores veu en lan mille cinq cens dixhuiet, mais depuis il est decedé. Quelque tēps apres le Roy Dō Philippe allant par mer de Flandres en Espagne, la tourmente le contraignit de descēdre en Angleterre, où il fut recueilly du Roy Henry septiesme honorablement: & mesmes luy prestacinquante mille escus sur vne fleur de lis, laquelle a esté depuis rendue par le traité de Câbray à l'Empereur Charles le quint, pour la rancon de messieurs les enfans de France: li est ce que ledit Roy d'Angleterre ne voulut permettre audit Roy Dom Philippe de sortir hors de son royaume, que premieremēt il n'eust remis en ses mains le Duc de Suffolc cy dessus mētiōné, qui estoit en la puissance dedans les pais bas: vray est qu'il promist audit Roy Dom Philippe de ne le faire mourir, ce qu'il ne fit: mais à son trespas & dernière volonté ordōna à son fils le Roy Henry huitiesme, qu'incontinent luy decedé il luy fist trancher la teste, chose qui fut executée.


O R est il qui ledit Roy Henry aptes auoir obtenu le royaume d'Angleterre par le moyen du Roy de France, ainsi qu'auetz entendu, descendit avecques vne armee en France, & vint assieger Boulongne: le Duc de Suffolc, qui estoit (comme dit est) fugitif en Allemagne, scachāt la guerre declarée entre le Roy & le Roy d'Angleterre, vint au seruice du Roy avec bon nombre de lansquenets: mais cependant fut faict vn traité entre le Roy & le Roy d'Angleterre deuant Boulongne: auquel traité le Roy d'Angleterre persista fort à ce que le Roy luy remist entre ses mains ledit Duc de Suffolc, chose qu'il ne luy voulut accorder, voulant garder sa foy & la parolle: bien cōsentit qu'il sen iroit habiter hors de ce royaume, & depuis ce temps là, par tous les traittez de paix qui ont esté entre les Rois de France & d'Angleterre, cest article y a tousiours esté couché, de sorte que deuz que la paix estoit entre les deux royaumes, il tablenoit, & deuz que la guerre

guerre commençoit il reuenoit au seruice du Roy. où il a tousiours continué iusques à la bataille de Paue , qui fut Pan mille cinq cens vingt-quatre , où il mourut ainsi qu'il sera dit cy apres.

**M A I N T E N A N T** fault retourner au traitté de mariage entre le Roy Louis & madame Marie d'Angleterre. Apres que les choses furent ainsi accordées, le Roy s'ap procha de la Picardie , pour receuoir sa femme future, & arriué qu'il fut à Abbeuille, qui estoit enuiron le dixiesme iour d'Octobre mille cinq cens quatorze, en uoya monsieur d'Angoulesme à Boulongne pour recueillir ladite dame Marie, & avecques luy le Duc d'Alacon, le Duc de Bourbon, le Comte de Vendosme, le Comte de saint Pol, & le Comte de Guise, & la plus part des Princes & noblesse qui estoient pres de luy : auquel lieu de Boulongne estant arriué madite dame Marie, fut par lesdits seigneus recueillie magnifiquement, & cōduite en grand triomphe iusques à Abbeuille, où le Roy alla au deuant d'elle. Puis le lendemain l'espousa en grande solennité, en vne Eglise qui est sur la place où lon vent les denrées. Ce faict, se retira vers Paris pour faire couronner ladite Royne à saint Denis, & faire son entrée à Paris: & estoient venus pour accompagner madite dame Marie plusieurs Princes & grāds seigneurs d'Angleterre: & entre autres le millor Marquis d'Orset, & le Duc de Suffolc, qui n'estoit pas homme de grande maison, mais fauory & auancé du Roy Henry d'Angleterre pour ses vertus, desorte qu'il luy auoit donné le Duché de Suffolc, Payant osté à ceux de la maison de Poie, ainsi qu'il ay cy deuant déclaré.

**L E** Roy se voyant en patience avec l'Anglois, delibera de dresser vne armée pour au printemps reconquerir son Duché de Milan, dont il donna la charge au Duc de Bourbon : laquelle il auoit refusée quand le seigneur de la Trimonille y alla, par ce que l'armée luy sembloit trop foible pour vne telle conqueste, ainsi qu'il apparut

Reception  
de la Royne  
Marie.



Mort du  
Roy Louis.

à la rouverte dudit seigneur de la Trimouille. Et pour ex-  
cuter ladite entreprisé feist tirer d'Allemagne quinze ou  
seize mille lâsquenets sous la charge de plusieurs capitai-  
nes, & entre autres du Côte Wolf & du capitaine Brâd-  
hec, puis enuoya mondit seigneur de Bourbon deuant à  
Moulins, pour tousiours faire acheminer la gendarme-  
rie: mais le temps ne luy donna loisir de paracheuer sa-  
dite entreprisé, car le premier iour de Ianuier enuiron  
minuict mil cinq cens quatorze, il rendit l'ame à Dieu  
en sa maison des Tournelles à Paris, dont le corps fut  
porté en l'Eglise nostre Dame, & de là à saint Denis: au-  
quel lieu acompagné de tous les Princes de son sang, fut  
en grandes pœpes funebres inhumé, ainsi qu'auoient ac-  
coustumé les predecesseurs. Apres sa mort on eut quelque  
suspçon que la Royne Marie fust grosse, mais soudain  
on fut assuré du contraire par le rapport d'elle mesme.

Meurs &  
fortune du  
Roy Louis.

Il eut de grandes aduersitez en ses ieunes ans: estant  
Duc d'Orleans il perdit la bataille en Breraigne à S. Aul-  
bin, & fut emprisonné en la grosse tour de Bourges long  
temps, puis (le Roy Charles huitiesme estant allé à Na-  
ples) il fut assiégé deuant Noare en telle extremité qu'il  
fut contraint de manger chiens & rats, & moururent  
beaucoup deses soldats de faim & pauureté, iusques à ce  
que ledit Roy Charles retournant de Naples le mist en  
liberté. Quand il vint à la couronne, ceux qui l'auoient  
suiuy en son aduersité luy voulurent persuader de se ven-  
ger de ceux qui du viuant dudit Roy Charles luy auoient  
faict la guerre au nom du Roy, mesmes de messire Louis  
de la Trimouille, qui le deffait & print prisonnier à S.  
Aulbin estant lieutenant du Roy: il feist réponse que ce  
n'estoit à vn Roy de France de venger les in-  
iures faictes à vn Duc d'Orleans, & que  
sils auoient seruy le Roy contre luy,  
ils feroient le semblable pour  
luy estant Roy.



*Aduenement du Roy Francois à la Couronne.*

Ce bon Roy, lequel fut  
appellé Pere du peuple,  
succeda Francois Duc de  
Valois, & Comte d'Angou  
lesme: lequel ayant receu  
telle succession, voulut v-  
ser du conseil des Princes  
de son sang, & autres ser-  
uiteurs du feu Roy, & n'en  
desapointa vn seul, mais  
les maintint en leurs estats:

& pour cest effect les manda venir deuers luy, & par leur  
opinion fut couclü qu'il partiroit pour aller à Reims se  
faire sacrer, ce qu'il feit: & fut sacré enuiron le vingt-  
cinquesme dudit Mois de Ianuier mille cinqcens qua-  
torze. Puis estant de retour à Paris, ayant fait son en-  
trée & le tournoy en la rue de S. Antoine, ainsi qu'on  
aceoustumé de faire les autres Rois, auquel tournoy me-  
noient les tenans le Duc d'Alancon, le Duc de Bourbon,  
& le Comte de Vendosme, il voulut mettre ordre aux es-  
tats & affaires de son royaume. Premièrement feit An-  
toine du Prat, pour lors premier Presidant en la cour de  
parlement de Paris, son Chancelier: par ce qu'au decez  
du Roy Louis il n'y auoit qu'un garde des seaulx nom-  
mé maistre Estienne Poncher Euesque de Paris, & depuis  
Archeuesque de Sens. Puis apres feit le Duc de Bourbon  
son Connestable, le Comte de Vendosme gouverneur  
de l'Isle de France, monsieur de Lautrec gouverneur de  
Guienne, le seigneur de la Palisse, qui estoit grand mai-  
stre, le feit Marechal de France, & monsieur de Boisy  
qui auoit esté son gouverneur en sa ieunesse, le feit grand  
maistre, luy baillant la principale superintendence de ses  
affaires, avecques luy Fleurimod Robertet, principal se-  
cretaire: & auoit le dit seigneur Roy, deux ieunes homes

Disposition  
& dignitez  
de France.

fort ses fauoris, à scauoir Anne seigneur de Montmorency, & Philippe Chabot seigneur de Brion, qui depuis ont eu grand credit en ceroyaume

PENDANT ces choses, le Roy desirant faire le voyage qu'auoit entrepris le feu Roy de la conqueste du Duché de Milan, delibera de renouveler les alliances qu'il auoit aux Princes & potentas ses voisins: & premiere-ment renouela la paix faicte entre le feu Roy, & le Roy d'Angleterre, moyennant laquelle luy renuoya madame Marie vesue du feu Roy Louis avecques vn douaire de soixante mille escus tous les ans: laquelle Marie le Roy d'Angleterre donna en Mariage au Duc de Suffolc pour l'amitié qu'il luy portoit. Or auoit ledit Roy Louis, par accord faict avecques les Venitiens, renuoyé messire Barthelemy d'Aluicenne leur general, pris à la bataille de Pandin, & messire André Crity leur prouidadour pris à Bresse, avecques certaines conditions lesquelles le Roy confirma, & furent les conditions telles. Les Venitiens estoient tenus de secourir le Roy à la conqueste & conseruation de son Duché de Milan: & aussi le Roy les deuoit secourir, & assister à conquerir les terres que l'Empereur Maximilian leur vsurpoit, comme Bresse, Veronne, & autres places.

Traité avec le Prince Charles

D V R A N T que ces choses se traittoient, vint à Paris deuers le Roy le Comte de Nansau, ambassadeur de le part de Charles d'Autriche, pour luy faire les foy & hommage des comtez de Flandres & Artois, & autres terres tenus de la couronne de France, ce qu'il feit: & quand & quand pour plus grande seureté d'amitié entre les deux princes, fut pourparlé du mariage dudit Charles d'Autriche, avecques madame Renée fille du feu Roy Louis, & sœur de la Royne: & pour la conclusion de cest effect, fut enuoyé monseigneur de Vendosme ambassadeur deuers ledit prince Charles d'Autriche, accompagné de maistre Estienne Poncher Euesque de Paris, & depuis Archeuesque de Sens, du seigneur de Ienlis & du

seigneur

seigneur Descheney. Lequel Comte de Vendosme prenant son chemin par le païs de Henault, trauersant le païs de Braban, arriua enuiron la saint Iean, qui estoit Pan mille cinq cens & quinze, à la Haye en Hollande, où il trouua ledit prince, auquel lieu fut conclud le mariage, & outre pource que le prince tenoit le Comte de Nansau fort son familier, fut aussi conclud le mariage dudit Comte de Nansau avecques la sœur du prince d'Orange, laquelle estoit à la cour de France: & vint le Comte de Nansau accompagner monsieur de Vendosme depuis la Haye en Hollade iusques à la Fere sur Oize, auquel lieu fut amenée ladite princesse d'Orange par le seigneur de Giuerny, & madame de Mailly de Picardie, & là fut consommé le mariage.

Pour vous dire ce que i'ay appris en ce voyage que feit Delà nour-  
monseigneur de Vendosme, & de la facon dont estoit in- riture du  
struit ledit prince d'Espagne. Le seigneur de Chieures, prince Char-  
que ie vous ay dit cy deuant, auoit esté par le Roy Louis les.  
ordonné gouuerneur dudit prince, approuué par les bon-  
nes villes de Flandres, le nourrissoit alors encores qu'il  
n'eust atteint le quinzieme an de son aage, en telle sor-  
te que tous les pacquets qui venoient de toutes prouin-  
ces luy estoient presentez, encores qu'il fust la nuit, les-  
quels apres auoir veus, les rapportoit luy mesmes en son  
conseil, où toutes choses estoient deliberées en sa pre-  
sence. Et vniour estant le seigneur de Ienlis demouré  
ambassadeur pres la personne dudit prince de par le Roy,  
& moy demouré par commandement de mondit sieur  
de Vendosme avec ledit sieur de Ienlis, le seigneur de  
Chieures donnoit à souper audit de Ienlis: où, estans en-  
trez en propos, monsieur de Ienlis dist audit de Chieu-  
res qu'il estoit estonné de quoy il donnoit tant de trauail  
à l'esprit de ce ieune prince, veu qu'il auoit le moyen de  
l'en soulager. Le seigneur de Chieures luy respôdit, Mon  
cousin, ie suis tuteur & curateur de sa ieunesse, ie vus il  
quand ie mourray qu'il demeure en liberté: car fil n'en-

rendoit ses affaires, il faudroit apres mon decez qu'il eust vn autre curateur pour n'auoir entendu ses affaires & n'auoir esté nourry au trauail, se reposant tousiours sur autrui.

ALORS que ces choses se faisoient le Roy estoit à Amboise, qui faisoit en toute diligence marcher son armée à Lion, auquel lieu de Lion il se trouua enuiron la fin de Iuillet, que mondit seigneur de Vendosme le vint trouver pour luy faire rapport de sa negociation. Aussi le Roy Ferrand d'Arragon traita avecques le Roy, craignant que les forces que le Roy preparoit pour l'Italie ne tournassent sur luy, pour reconquerir le royaume de Nauarre par luy nouvellement vsuré. Estant le Roy à Lion ordonna de la forme que marcheroit son armée: à monseigneur de Bourbon bailla son auangarde à mener, & avecques luy Francois monsieur de Bourbon son frere nouvellement Duc de Chastellerault, le mareschal de Chabannes, le prince de Tallemont fils de messire Louis de la Trimouille, le seigneur Iean Iacques Treuoulse mareschal de France, le seigneur de Bonniuet, le seigneur d'Imbercourt, le seigneur de Telligny seneschal de Rouargues, le baron de Beard, le comte de Sanxerre, & plusieurs autres capitaines de gensdarmes. Quant aux gens de pied y estoit le seigneur Petre de Nauarre que le Roy auoit mis en liberté, ayant esté pris prisonnier à la bataille de Rauenne, estant general de l'infanterie Espagnolle, & le deliura le Roy sans rancon, luy baillant charge de six mille Gascons: outre le Roy y ordonna quatre mille François sous la charge de huict capitaines, ayant chacun cinq cens hommes, c'est à scauoir, le seigneur de Lorges, Pirault de Maugerô, Richebourg, Lorteil, le petit Lainer, Onatilleu, Hercules de Dauphiné, & le capitaine Cômarmque, avec le nombre de huict à neuf mille lansquenets. Le Roy menoit la bataille accompagnée du Duc de Lorraine, du Duc de Vendosme, du Côté desainct Pol, du seigneur d'Orual, de messire Louis seigneur



seigneur de la Trimouille, du Duc d'Albanie, du bastard de Sauoye, de messire Odet de Foix seigneur de Lautrec, du capitaine Bayard auquel le Roy fist cest honneur de vouloir receuoir de sa main l'ordre de cheualerie le iour de la bataille, & de plusieurs autres capitaines de gendarmerie: & Charles Duc de Gueldres capitaine General de tous les lansquenets, & le Comte de Guise son pueu, & frere de monseigneur de Lorraine, deuoient estre à pied avecques ledit Duc de Gueldres son oncle. L'arriere garde fut baillée à monseigneur d'Alancon, avecques bon nombre de gendarmerie & gens de pied.

A L'HEVRE que le Roy arriua à Grenoble, estoit desia monseigneur de Bourbon entré dedans les estappes tirant le chemin d'Ambrun, parquoy apres qu'il eut laissé l'administration & gouvernement de son royaume à madame Louise de Sauoye sa mere, il suiuit mondit seigneur de Bourbon iusques à Ambrun: ou arriué qu'il fut eut aduertissement comme Prospere Colone grand capitaine Romain qui estoit venu avecques quinze cens cheuaux enuoyez par le Pape Leon au secours des Suisses estoit logé au pied des montagnes dedans le Piedmôt ne se doubant de rien, par-ce que les Suisses tenoient tous les destroits & passages des môtagnes. Mais il fut rapporté par quelques bones guides qui estoient à messire Charles de Soliers seigneur de Morette, qu'il y auoit vn passage pres de Rocque Esperuiere auquel les Suisses ne faisoient point de garde, par-ce qu'on n'y auoit iamais veu passer gens de cheual: & que par là on pourroit surprendre ledit Prospere Colonne. Ledit rapport fait, le Roy despescha le mareschal de Chabannes, le Seigneur d'Imbercourt, le seigneur d'Aubigny, le seigneur de Bayard, le seigneur de Buissy d'Amboise, & le seigneur de Mortmorcency pour lors lieutenant de la compagnie du grand maistre de Boisy pour executer ladite entreprise sous la cōduite dudit seigneur de Morette, & de ses guides: ledit seigneur de Morette mettoit en auant qu'aucas qu'ils

faillissent à leur entreprise, ils auoient moyen d'eux retirer à Fossan ou à Sauillan attendans que nostre armée passeroit.

ESTANS noz gens descendus à la plaine sans a'arme furent aduertis que ledit Prospere & sa caualerie estoient à Ville-neufue de Soliers, parquoy prindrent le dit chemin, auquel lieu arriuez trouueret qu'ils estoient deslogez & estoient allez à Villefranche, qui est vne petite ville assise sur le Pau à deux mille de là: mais il estoit iour, & falloit passer la riuere du Pau, & n'y auoit pont  
• pres de là qu'audit lieu de Villefranche. Sur ces difficultez vn guide se fait fort de les faire passer à gué vn mille au deffous de Villefranche, ce qu'il feit. Le seigneur d'Imbercourt qui auoit charge des coureurs arriua à la porte de Villefranche sur l'heure du disner: quelques vns estans dedans la ville voyans approcher le dits gens de cheual coururent pour fermer les portes, mais deux hommes d'armes dudit d'Imbercourt, l'un nommé Beauuais le Breue Normand, & l'autre Hallancour Picard, donnerent cōtre la porte à bride abbatue de cul & de teste, de sorte qu'iceluy Hallancour du choq de son cheual tomba dedans les fossez, si est ce qu'il esbranla ceux qui vouloient fermer la porte, tellement que Beauuais eut loisir de ieter sa lance dedans la porte & empescha qu'elle ne peust soudain estre fermée: car incontinent arriua le seigneur d'Imbercourt lequel mettant pied à terre forca la porte. Pendant ce temps arriua le mareschal de Chabaunes, & tout le reste qui entrerent tous à cheual dedans la ville où fut surpris ledit Prospere Colonne estant à table, lequel pour sauuer sa vie bailla sa foy au dit seigneur d'Aubigny: finalement ils furent tous pris en disnant, & se trouuerent des cheuaux du royaume gaignez de mille à douze cens. Ce fait, noz gens craignans les Suisses qui estoient à Cosny avec leurs prisonniers & cheuaux se retirèrent à Fossan attendans le passage de nostre armée.

LES Suisses aduertis que les Francois estoient passez

en la plaine & leur cavalerie deffaicte, & que le Roy a- Passage du  
uoit desia gaigné le fault de la montagne au dessus de Roy.  
saint Pol, par vn lieu où iamais armée n'auoit passé, a-  
bandonnerent Cosny & tous les passages pour se retirer  
vers Milan, se venant ioindre avecques eux le Cardinal  
de Sion qui estoit à Pignerol avec vne partie des forces,  
estant en ladicte armée Legat du Pape, & député de Ma-  
ximilian esleu Empereur Parquoy le Roy sans empelche-  
ment parachena son passage, & vint loger audit lieu de  
Cosny, dont les Suisses esloyent deslogez le iour prece-  
dant. Pendant ce temps messire Emar de Prie enuoyé  
du Roy par autre costé avec l'ayde des Geneuois, prit la  
ville d'Alexandrie, & la mist en Pobeissance du Roy par  
le moyen d'aucuns de la part de Guelfe qui estoient de-  
dans. Le Roy voyant toutes choses prosperer en son en-  
treprise marcha de Cosny droit à Carmagnolles, de Car-  
magnolles à Moncallier, auquel lieu il passa le Pau: où  
vint au deuant de luy le Duc de Sauoye son oncle, frere  
de madame Louise de Sauoye sa mere, qui estoit demeu-  
rée regente de France: lequelle conduisit à Thurin, où  
il fut receu en grande magnificence, puis sans faire se-  
jour marcha droit à Chiuas, dont les Suisses ne faisoient  
que de desloger, ayans saccagé la ville & brulé le cha-  
teau, & de là à Verceil, qui estoit le chemin que pré-  
noient les Suisses pour leur retraite, ne leur donnant le  
loisir de reprendre leurs esprits, iusques à ce qu'il les eust  
remis dedans la ville de Milan. Le Roy partant de Ver-  
ceil se n'alla a Noare, dont luy furent présentées les clefs  
& Pobeissance, & d'icelle fut fait gouverneur le Mare-  
chal de Chabannes: auquel lieu arriuerent les bandes  
noires qui estoient six mille Allemañs, nourris & aguer-  
ris ensemble depuis vingt ans, que le duc de Gueldres  
auoit amené au seruice du Roy, de quoy auoit la charge  
sous ledit Duc le seigneur de Tauennes son lieutenant:  
ayant donques le Roy recueilly toutes les forces ense-  
mble print le chemin de Marignan.

D V R A N T ce temps par le moyē du Duc de Sauoye & du baillard de Sauoye se brassoit vn appointemēt entre le Roy & lesdits Suisses, lequel fut tellement demēné qu'il fut conclu, & estoit tel: que le Roy leur fournis- soit comptant vne grosse somme de deniers qu'ils disoient leur estre deüs tant par le feu Roy que les predecesseurs pour les seruices qu'ils leur auoient faicts, & melmes par le traitté de Dijon faict par le seigneur de la Trimouille, moyennāt lesquels deniers ils remetteroient entre les mains du Roy le Duché de Milan: & le Roy donnoit soixante mille ducats de pension à Maximilian Sforce pour lors vsurpateur dudit Duché, & pour trouuer lesdits deniers fut prise toute la vaisselle tant des princes, que des gentilshommes particuliers avec tout l'argent qu'ils pouuoient auoir, leur laissant seulement de quoy faire leur despense de huit iours. Le Duc de Gueldres voyant la paix conclue, & ayant nouuellés que les Brabançons estoient entrez en les pais, prenant congé du Roy laissa sa charge au Comte de Guise son nepueu, & print la poste pour aller secourir ses subiets: mais arriué à Lion estint aduertey que la bataille se donoit en print tel ennuy qu'il en tomba en fioure continue, dont il fut en danger de mort. Estant ledit traitté conclu & les deniers mis ensemble, furent ordonnez le seigneur de Lautrec & le baillard de Sauoye avec quatre cens hommes d'armes pour porter lesdits deniers à Bufferolle, auquel lieu se deuoient trouuer les deputez de par les liguez pour receuoir lesdits deniers: & le Roy pensant que suiuant le traitté luy deust estre liurée la ville & le chasteau de Milan, marcha iusques aupres de sainte Brigide sur la grande estrade Milanoise, auquel lieu il se logea, esperāt le lendemain aller loger à deux mille pres de Milan. Or estoit l'armée du Pape conduite par le magnifique Laurens de Mediceis nepueu dudit Pape, à Plaisance & l'armée du Roy d'Espagne conduite par Dom Raimon de Cardone, qui est celuy qui estoit chef de l'armée Espagnolle à la iournée



de Rauehne, pres dudit lieu de Plaisance sur la riuere du Pan, lesquels encores qu'ils fussent fort sollicitéz tant du Duc Maximilian que du Cardinal de Siõ de se venir iointre avec les Suisses, n'y voulurent iamais consentir pour deux occasions: l'vne que l'vn ne se fioit de l'autre, car le seigneur Laurens craignoit que Dom raimon attendu les dissimulations dont il vsoit, eust commandement du Roy son maistre d'ain si le faire ayant quelque traitté secret avecques le Roy: aussi Dom Raimon auoit double dudit Laurens de Medicis, à cause que plusieurs ambassadeurs estoient allez deuers le Roy de la part du Pape, & tous deux aussi en general craignoient d'entrer enue l'armée du Roy tant gaillarde, & celle des Venitiens qu'amenoit le seigneur Barthelemy d'Aluienne qui nous donna grand auantage.

Les Suisses estans prests à depescher leurs deputez pour aller à Bufferolle, furent par le Cardinal de Sion dissuadez de ce faire, & persuadez de rompre & faulser leur foy, leur remõstrant qu'estât le Roy asseuré du traitté de la paix auroit laissé son armée en nõchalloit, & mesmes que le Roy sur ladite assurance auoit cõtremandé Barthelemy d'Aluienne, qui estoit à Laudes avec l'armée Venitienne, de ne passer outre. Parquoy partàs à l'improuise feroient deux effects: l'vn passant audit Bufferolle pourroient raur l'argent que monsieur de Lautrec y auoit porté, & quand & quand venir dõner la bataille au Roy, luy ne se doubant d'aucun ennemy, ayant separé d'avecques luy ses forces cõme l'armée Venitienne, & les quatre cens hommes d'armes qu'auoit mené mondit seigneur de Lautrec: mais ledit seigneur de Lautrec aduertty par ses espies de la deliberatiõ faicte par les Suisses, se mit hors du chemin avec les deniers & se retira à Calterras: parquoy les Suisses ne trouuãs ce qu'ils cherchoient passerēt outre pour executer leur entreprise sur le Roy.

Le iedy treziesme de Septembre iour de sainte Croix mille cinq cens quinze enuiron deux heures apres midy

Tournée vindrēt donner sur nostre avant-garde, de laquelle auoir des Suisses. la conduite le Duc de Bourbon Connestable de France: mais ils trouuerent leur Connestable en armes, lequel à ceste premiere aborde les recueillit vigoureusement, mais non sans perte: car il entra vn effroy en vn des bataillons de noz lansquenets, tel qu'ils se branlerent pour se mettre à vau de ruyte, & auant mis en leur opinion que le traite que le Roy auoit fait avecques les Suisses estoit demouré en son entier, & que ce qui se faisoit estoit vne ruse pour les vouloir liurer entre les mains des Suisses leurs anciens ennemis. Mais voyans la gendarmerie qui soustint l'effort des ennemis, reprindrent assurance telle, qu'ils retournerent au combat, voyans aussi le Roy qui marchoit avec les bandes noires, coste à coste de son artillerie. A la dite charge fut tué Francois monsieur de Bourbon, le seigneur d'Imbercourt, le Comte de Sanxerre, & plusieurs autres gens de bien: & dura le combat iusques à la nuict qui fut si obscure, mesmes à cause de la grāde poulciere qui faisoient les deux armées, que nul ne cognoissoit l'autre: & mesmes que les Suisses portoient pour leur signal la croix blanche aussi biē que les Francois, ne portans pour difference sinon vne clef de drap blanc chacun en l'espaule ou en l'estomac, & pour mieux surprendre nostre armée, n'auoient porté aucuns tabourins, mais seulement des cornets pour se rallier: & fut la chose en tel desordre pour l'obscurité de la nuict, qu'en plusieurs lieux se trouuerēt les Francois & les Suisses couchez aupres les vns des autres, des nostres dedans leur camp, & des leurs dedans le nostre: & coucha le Roy toute la nuict armé de toutes ses pieces (hors mis son habillement de teste) sur l'assust d'un canon.

Le iour venu qu'on se recognut, chacun se retira sous son enseigne, & commença le combat plus furieux que le soir, de sorte que ie vey vn des principaux bataillons de noz lansquenets estre reculé plus de cens pas, & vn Suisse passant toutes les batailles vint toucher de la main

main sur l'artillerie du Roy, où il fut tué, & sans la gendarmerie qui soustint le faix, on estoit en hazard. A ladite bataille fut tué messire Francois de la Trimouille prince de Tallemont, seul fils du seigneur de la Trimouille, le seigneur de Bussy d'Amboise, & le sieur de Roze, & plusieurs autres aussi fut blessé en deux ou trois endroits de coups de picque le cheval de monseigneur de Vendosme : le côté de Guise, qui estoit demeuré general de tous les Allemans, estant au premier rang fut porté par terre, mais vn sien escuyer de seruiçe nommé Escuyer Adam natif d'Allemagne, voyant son maistre de tous costez battu à coups de picques & de hallebardes, se ietta sur son dit maistre, portant les coups que son maistre eut porté. Pendant lequel temps les Suisses furent reboutez & ledit de Guise secouru, & par vn gentilhomme de la maison du Roy, nommé le capitaine Iamais Escossois, fut porté hors de la presse, dequoy il auoit grand besoing, tant pour les coups qu'il auoit receus, que pour le nombre d'hommes qui auoient passé par dessus luy, tellement qu'à grande peine auoit il la puissance de respirer. Environ les neuf heures du matin les Suisses, pour diuertir nostre armée, ietterent vne troupe d'hommes à leur main gauche, pour par vne vallée venir donner par derriere sur nostre bagage, esperans nous faire tourner la teste, & par ce moyen nous deffaire, mais ils furent rencontrés par monsieur le Duc d'Alençon, avecques nostre arrieregarde, lequel les deffit: desquels vne partie estant retirée dedans vn bois fut toute tuée par les Gascons, desquels auoit la charge le seigneur Petre de Navarre, & les arbalestriers à cheual, desquels auoit le petit Cosé cent sous sa charge, & le legat Maugeron cent.

Le seigneur Barthelemy d'Aluienne le iour precedant estant aduertý de l'entreprise des Suisses qui auoient rompu leur foy partit de Laudes avecques son armée venant toute nuict, en esperance d'arriuer d'heure à la bataille, lequel fit telle diligence, qu'environ les dix heures

du matin arriua au combat avecques la caualerie, estant  
 fuiuy de loing de ses gens de pied: mais le fils du Comte  
 de Perillane, ieune hōme desirant de long temps se trou-  
 uer au combat pour le seruice du Roy, fit vne charge sur  
 les Suisses qui estoient sur leur retraitte, où il fut tué, &  
 plusieurs avec luy. Les Suisses qui pouuoient estre au com-  
 mencement en nombre trente cinq mille hommes, ne  
 pouuans plus soutenir le faix du combat, ayans perdu  
 la plu'part de leurs capitaines, & le combat ayant duré  
 deux iours, perdirent le cœur, & se mirent en rroupes:  
 vn bon nombre d'iceux se retira dedans le logis de mon-  
 sieur de Boutbon, où ne se voulans mettre à la mercy  
 du Roy le feu fut mis, & furent tous bruslez, & de nos  
 gens parmy qui estoient entrez peste-messe pour les dé-  
 faire, & entre autres Jean de Mouy seigneur de la Mil-  
 leraye, qui portoit la cornette du Roy, y mourut, autres  
 se retirerent au chasteau de Milan, autres droit en Suis-  
 se: par ce que le Roy se voyant auoir eul la victoire se  
 contenta de les laisser aller: & y mourut des Suisses de  
 quatorze à quinze mille, & des meilleurs capitaines &  
 hommes qu'il eussent, & plus aguerris. Vous auez enten-  
 du comme le Cardinal de Sion auoit amené les Suisses  
 au combat: or les auoit il accōpaignez avecques cinq ou  
 six cens cheuaux iusques à la premiere charge, mais ayāt  
 trouué nostre armée en estat, chose qu'il n'auoit esperé,  
 fensuit dez le soir avecques toute sa caualerie, prenant  
 le chemin de Milan, où arriué qu'il fut, voyant la ville  
 mutinée & les Suisses pareillemēt, tant pour la perte que  
 ils auoyent faicte, que pour le payement de trois mois  
 qui leur estoit deu, fensuit en Allemagne deuers l'Empe-  
 reur Maximilian.

Prise de  
 Milan.

AYANT le Roy obtenu vne si glorieuse victoire en  
 son age de vingt & vn an, apres auoir remercié Dieu,  
 delibera d'aller loger le lendemain à deux mille de Mi-  
 lan, auquel lieu luy furent apportées les clefs de la ville,  
 mais il ne fut d'aduis de si tost y entrer, par ce que Maxi-  
 milian



miliā Sforce avecques quatre mille Suisses estoit dedās le chasteau: parquoy fut cōclu que le Roy n'entreroit dedans la ville que le chasteau ne fust en son obeissance: & fut enuoyé monsieur de Bourbon avecques l'auantgarde loger dedans Milan & assieger ledit chasteau: puis ayant mis ordre au siege, y fut laissé le sieur d'Aubigny, & se retira ledit Bourbon deuers le Roy, & le Roy avecques le reste de son armée s'en alla à Paue, où luy fut faite toute obeissance. Pendant qu'il fut audit lieu de Paue, le Comte Petre de Nauarre, auquel le Roy & monsieur de Bourbon auoient donné la principale charge de l'assiegement, en peu de iours tira l'eau hors des fossez & les mist à sec, entreprenant de le miner, car il en estoit fort expert, & en peu de temps fit voller vne casemate, qui estoit à main droiète en entrant à la porte dudit chasteau deuers la place de la ville vers la porte Comoise: ayāt dōques leué le flāc que faisoit ladite casemate, cōmença avecques taudis à miner soubz la muraille, faisant lesdites mines, & étant dedans le fossé ledit Petre de Nauarre, sortit de dessoubz les taudis qui estoient le long du mur pour recognoistre quelque chose: lors ceux qui estoient à nostre artillerie voyans vn peu de l'auantmur encores debout, tirèrent vne volée d'artillerie: ledit auantmur de cās fortuit tōba sur ledit Petre de Nauarre, & accabla ledit Petre sous les ruines, dont il fut rapporté en son logis, étant en danger de mort.

LE Duc Maximilian & les Suisses qui dedās estoient assiegez se voyans hors d'esperāce de secours, & mesmes que le Roy estoit sur le traitté d'appointement avec Messieurs des ligués, se desespererent de pouuoir tenir ladite place, encores que l'Empereur Maximilian leur promist les secourir: mais en fin apres plusieurs parlemens entre eux & monsieur de Bourbon, par le commandement du Roy les traittez se porterent de sorte, que les Suisses s'en iroient en leur país leurs bagues sauues, & le Duc Maximilian remettroit entre les mains du Roy

Reddition  
du chasteau  
de Milan.

ledit chasteau avecques celuy de Cremona, & toutes les autres places qu'il tenoit, luy cedant le droict par luy pretendu audit Duché, & qu'il s'en iroit en France : & le Roy luy feroit sa vie durant soixante mille ducats de pension : & feroit sa demeure au royaume de France, au lieu qui luy seroit le plus agreable. Toutes les choses susdites furent paracheuées, & fut enuoyé ledit Maximilian en France, & pour l'accompagner luy furent baillez le seigneur de Mauleon frere du seigneur de la Trimouille, l'Escuyer Francisque Comte de Pontreme, & plusieurs autres gentilshommes.

Ce fait, le Roy feit son entrée en armes à Milan, ayant en sa cōpagnie les Princes de son sang, tels que monseigneur le Duc d'Alancō, le Duc Charles de Bourbō Cōnestable de France, Charles de Bourbon Comte de Vendosme, Francois de Bourbon Comte de saint Pol, & le Duc de Lorraine, & Claude de Lorraine Comte de Guise : & toute la noblesse qu'il auoit amené de France (hormis ceux qui estoient demourez à la bataille) & xviii. cens hommes d'armes, & sa maison l'armet en teste : & tous les princes de son sang, & pensionnaires, dont auoit la charge Louis de Bourbon prince de la Roche sur Ion oncle de Monseigneur de Vendosme, avecques vingt-quatre mille hommes de pied tant Francois qu'Allemañs, marchans en bataille tous en armes iusques au Dome, où le Roy descendit pour faire son oraison : & de là fut conduit par la dite compagnie iusques en son logis. Ayant le roy en son obeissance tout l'estat de Milan, se retira à Vigee, où luy vint faire la reuerēce le marquis de Mōrferrat, & madame la marquise sa femme, sœur du Duc d'Alancō. Et audit lieu enuoyerent deuers luy tous les princes & potentats d'Italie : & mesmes le Pape Leon qui luy auoit esté ennemy, pour faire alliance : & furent traittées les choses entre le Pape & le roy, en sorte que il fut prisiour de se trouuer à Boulongne la grasse, pour là vuidertous leurs differents, & faire vne bonne paix :

car tous les potentats & princes d'Italie festoient mis en ligue avecques le Roy, fors ledit Pape.

DURANT que ces choses aduindrent, le seigneur Barthelemy d'Aluienne general de l'armée Venitienne marcha avec son armée pensant surprendre Bresse, ville que les Venitiens auoient perdues les années precedentes: mais ceux de la garde estans aduertis de leur venue, enuoyerent à Veronne deuers Marc Antoine Colonne pour auoir secours, qui leur enuoya ciq ou six enseignes, tant Espagnols que lansquenets, dequoy ledit Barthelemy d'Aluienne aduertiy changea son dessein, voulant rater Veronne: mais par les chemins fut surpris d'un flux de ventre, duquel, pour l'aage qu'il auoit, & les grands labeurs qu'il auoit portez, ne peut longuement supporter le mal, qu'il ne rendit l'ame à Dieu, qui fut un grand d'ommage, d'autant qu'il fut en son temps un grand homme de guerre, & bon capitaine.

Mort de  
Barthele-  
my d'Alui-  
ne.

AV commencement de Decembre se trouuerent à Boulongne le Pape, & le Roy, où en fin furent d'accord, & demurerent au Roy Parme, & Plaisance, que desia il auoit entre ses mains: aussi le Roy deuoit donner secours au Pape pour conquerir le Duché d'Vrbain usurpé (à ce qu'il disoit) par Francisque Marie sur l'Eglise de Rome, lequel Duché le Pape auoit donné à son nepueu Laurens de Medici: aussi sy trouua le magnifique Iulian, frere du Pape, qui auoit espousé madame de Nemours, sœur de madame la Regente, & du Duc de Sauoye: & se firēt plusieurs autres traittez, & mesmes de l'abolition de la Pragmatique sanctiō, & y fut fait Cardinal le frere du grand maistre de Boisy, qui estoit Euesque de Coustances.

Abouchement du Pa-  
pe Leon &  
du Roy François à Bou-  
longne.

PARTANT le Roy de Boulongne vint à Milan, auquel lieu apres auoir mis ordre aux affaires du pais, comme d'auoir rendu aux Milannois leur senat, leur baillant Jean de Selua, homme de bonne lettres, & de bonnes mœurs, pour premier president & Vicechancelier: & a-

Retour du  
Roy en  
France.

uoir ordonné le Duc de Bourbon Connestable de France son lieutenant general en tout l'estat de Milan, son retour en France à grandes iournées trouuer madame la mere & la Royne à Lion, où il arriua enuiron la Chandeleur. Pendant que le Roy reuint de Boulongne à Milan, & qu'il meit ordre aux affaires dudit Duché, le Comte de Vendosme, le Comte de Guise, & l'Esqueve de Laon, depuis Cardinal de Bourbon, & plusieurs autres grands seigneurs en leur compagnie allerent à Venise, où ils furent receus autant magnifiquement qu'on scauroit escrire, & cōme si c'eust este la propre perionne du Roy: puis reuindrent trouuer le Roy à Milan sur son partement pour retourner en France.

Après le partement du Roy, fut faict vn tournoy en la place du chasteau, où fut bleissé monsieur de S. Pol d'un coup de lance dedans la veüe.

Vne des occasions qui hasta le Roy de retourner en France, estoit que le Roy d'Angleterre estoit mal cōtēt que le Roy auoit pris en protectiō le ieune Roy d'Ecosse, & pour cest effect auoit enuoyé en Ecosse Iean Starb Duc d'Albanie pour gouverner le ieune Roy & le Royaume, lequel auoit faict mourir, ou auoit bāny tous ceux qu'il auoit cognu porter faueur au Roy d'Angleterre, & mesmes la Royne mere du Roy, sœur dudit Roy. A ceste occasion le Roy craignant qu'en son absence ne se remuast quelque chose à son preiudice de ce costé là, fut conseillé de se retirer en son royaume: aussi il ne fassoit gueres de la foy du Roy Ferrand lequel legerement changoit d'opinion, quand il cognoissoit son auantage.

Exploits  
de guerre  
au Duché  
de Milan.

Sejournant le Roy au Duché de Milā, apres le trespas du seigneur Barthelemy d'Aluienne, fut enuoyé le seigneur Iean Iacques Trououllie avec l'armée du Roy, & celle de la seigneurie assieger Bresse, puis apres quelque venue qu'eurent les Venitiens à leur desauantage par vne saillie que firent ceux de la ville, le Roy leur renuoya de renfort le bastard de Sauoye son oncle maternel, avec



troiscens hommes d'armes, & le seigneur Petre de Nauar-  
re avec six mille Gascons. En fin les assiegez conclurent,  
que si dedans xx. iours ils n'estoiēt secourus, ils s'en iroient  
leurs bagues sauues, & enseignes desployées. Estant le ba-  
bard de Sauoye aduertty que le Côte Guillaume de Ro-  
quendolf approchoit avec vne grosse armée, ayant passé  
les destroits des Grisons, fut conseille de se retirer n'ayāt  
armée suffisante pour le soutenir parquoy entrèrent de-  
dās la ville six mille Allemans de secours. Puis auant Pas-  
ques M. D. XV. mōsieur de Bourbō enuoya messire Odet  
de Foix, seigneur de Lautrec deuant Bresse, avec nostre  
armée & celle des Venitiēs, où apres auoir esté lōg tēps  
logé aux enuiron, esperant assamer la ville, l'Empereur  
Maximilian passa a Trente avec seize mille haults Alle-  
mans, & quatorze mille Suisses, & quelque caualerie: qui  
fut cause que ledit seigneur de Lautrec se retira par Cre-  
mone avec l'armée Venitienne & celle du Roy. Puis cui-  
dāt garder le passage de la riuere d'Adde, le iour de Pas-  
ques fut cōtraint de se retirer à Milā, où estoit monsieur  
de Bourbon. Lequel voyant la diligence que fa soit l'Em-  
pereur de suivre mondit seigneur de Lautrec & son ar-  
mée, se ferma à Milan avecques l'armée Venitienne, at-  
tendant secours de Suisses, & craignant n'auoir loisir de  
fortifier les faulxbourgs pour la soudaine arriuée de  
l'Empereur & de son armée, fut resolu de ne garder que la  
ville, & de mettre le feu aux faulxbourgs, a ce q̄ l'armée  
imperiale ne s'en peust preualoir. Mais l'Empereur tem-  
porisant en chemin quelque peu de temps, fut changé  
d'opiniō, & fut baillé à chacun son quartier pour rempa-  
rer: de sorte que tous lesdicts faulxbourgs furent incon-  
tinant en estat pour attendre les forces de l'Empereur.  
Cependant arriua à Milan Albert de la Pierre avecques  
treize mille Suisses, lesquels apres auoir touché la paye  
s'en allerent: en maniere que ledit Albert demoura accō-  
pagné seulement de deux ou troiscens hommes.

O R auoit ledit Empereur suruy monsieur de Lautrec

pensant qu'à son arrivée nostre armée se retireroit en France, ainsi que par cy deuant estoit aduenü, n'ayant les forces pour tenir la campagne: & que des deniers qu'il pourroit leuer à Milan il payeroit son armée. Mais apres auoir séjourné quelques iours, & se voyant frustré de son intétion, par ce que ceux avec lesquels il auoit intelligence n'auoient moyen (pour l'ordre qu'y auoit donné monseigneur de Bourbon) d'executer leur mauuaise volonté: vne nuit audeſcui de son armée avecques deux cens cheuaux, abandonna ses gens, de sorte que deuant que son camp en eust la cognoissance, il estoit à vingt mille de là. Son armée se voyât sans chef & sans argent, se retira en grande diligence apres ledit Empereur: à la suite de laquelle sortirent le Comte de S. Pol, & le sieur de Montmorency, & le sieur de l'Escut, lesquels en desfirent quelque nôbre. Ce faict, partit ledit Duc de Bourbon pour sen retourner en Frâce deuers le Roy, laissant meslire Oder de Foix sieur de Lautrec, gouuerneur du Duché de Milā & lieutenant general dudit seigneur en Italie.

Seige de  
Bresle par  
monsei-  
gneur de  
Lautrec.

Le seigneur de Lautrec ayant pris l'armée en main, delibera de paracheuer les choses promises aux Venitiens, & se ioignant avec leur armée alla assieger Bresle, où il fut faict deux batteries, l'une par les Francois, l'autre par les Venitiens: lesquelles furent li bien continuées, que ceux de la ville parlementerēt, à la charge q̄ s'ils n'estoient secourus dedans six iours, ils deuoient bailler la place, sen allans leurs bagues saues avecques leurs armes & enseignes: & furent baillez pour hostages de la part des assiegez, Maldonade, & Dom Iohan de Seruillon. Le iour venu, fut quelque peu temporisé par ceux de la ville, tellement que mondir seigneur de Lautrec menaca lesdits hostages de les faire pendre: mais en fin la ville fut rendue au Roy, suivant la capitulation laquelle ledit seigneur de Lautrec mist entre les mains des Venitiens selon le traitté. Ce faict, nostre armée sen alla hyuerner au Mantouan, & l'esté subsequent alla deuant Veronne

mais

mais apres que nous eumes faict batteries, l'une par nous, du costé du Mantouan, l'autre par les Venitiens, du costé de Vincence : celle du costé du seigneur de Lautrec fut fort combatue, mesmes par deux assaulx, l'un du costé de la porte, l'autre à vn pan de mur que mondit seigneur de Lautrec auoit faict sapper, où fut blessé d'une arquebouzade le seigneur Marc Antoine Colonne, qui estoit chef dedans la ville pour l'Empereur : Cenon obstant, & qu'il y eust faulte de routes choses, iamais ne voulut parier. Aussi sur le mois d'Octobre y entra secours amené par le Comte de Roquendolse de huiet mille hommes qui vindrent du costé de Trente. A ceste cause retirasmes nostre armée à Villefranche, qui est sur le bord de la muraille qui separe le Matouan du Veronois, pour les assamer : & là nous faisoient les Venitiens fournir des viures par commissaires durant tout l'hyuer, de sorte qu'en uiron Noel les Espagnols, par necessité de viures nous rendirēt la ville, laquelle fut pareillemēt mise entre les mains des Venitiens. Ce faict, & ledit seigneur de Lautrec de retour à Milan, fut sollicité par ambassadeur du Pape Leon d'enuoyer (suiuant le traité faict à Boulongne) secours pour ietter hors du Duché d'Vrbain Francisque Marie usurpateur dudit Duché : à quoy ledit seigneur de Lautrec ne voulut faillir. & y enuoya le seigneur de Chiffey avec quelque nombre de gens. Puis apres y enuoya pour lieutenant general du Roy messire Thomas de Foix seigneur de l'Escut, son frere, & bon nombre de gendarmerie, & de gens de pied Francois, & ceux qui auoient la conduite desdits gens de pied, entre autres le cheualier d'Ambres, le seigneur d'Aussun, le seigneur de S. Blimond, Picard, & plusieurs autres capitaines. Arriué que fut ledit seigneur de l'Escut au Duché d'Vrbain, feitt telle diligence qu'en peu de iours il mit ledit Duché en son obeissance : puis en mist en possession le seigneur Laurens de Medicis nepueu du Pape.

EN ce temps estant le Roy à Tours, vint deuers luy

Veronne  
rendue.

L'armée du  
Roy à Vrbain.

Traité de  
Noyon.

Philippe de Cleues, seigneur de Rauastain, ambassadeur de la part de Charles d'Autriche Prince d'Espagne & Comte de Flâdres: pour aduiler vn lieu commode où les deputez de leur deux majestez pourroient conuenir ensemble, pour faire vne fin à tous leurs differés, & ceux de leurs aliez. Le lieu fut ordonné à Noyon, où de la part du Roy se trouua le seigneur de Boisy Arthus Gouffier grand maistre de France: & de la part du Prince d'Espagne Antoine de Crouy seigneur de Chieures, lesquels auoient gouverné leurs maistres en leurs ieunes aages: & tous deux a compaignez du conseil de leursdits maistres, & de plusieurs notables personnages, audit lieu de Noyon, furent faictes plusieurs conclusions entre eux, tant pour le differend du royaume de Nauarre, nouuellement usurpé par le Roy d'Arragon, que du differend du royaume de Naples. En fin il fut traité que dedans six mois le Roy Catholique deuoit rendre le royaume de Nauarre à monseigneur Hêrid'Alebrer, lequel auoit esté usurpé sur son pere par le Roy d'Arragon, grand pere maternel dudit Roy Catholique, où bien recompenser ledit Roy de Nauarre, dedans ledit temps à son contentement. Quant au royaume de Naples, ledit Charles d'Autriche en deuoit faire vne pension (ce me semble) de cent cinquante mille ducats, mais il ne s'est rien faict ny de l'vn ny de l'autre: & là fut conclue le mariage entre ledit Charles d'Autriche, & Louise fille aînée du Roy, encores que par cy deuant eult esté traité le mariage deluy & de madame Renée de France sœur de la Roynes. Et pour iurer lesdits traittez faits à Noyon, fut enuoyé de la part dudit Charles d'Autriche le Comte du Reu grand maistre d'Espagne, lequel trouua le Roy à Paris, qui enuoya son ordre audit prince Charles d'Autriche, & ledit prince le signa au Roy pour signe d'amitié: & fut conclu vne veüe entre les deux princes à Cambray.

1517  
Mort du

Au meisme temps, mourut Ferdinand Roy d'Arragon, qu'on appelloit lean gippon, ayeul maternel de Charles d'Autriche



d'Autriche: parquoy ledit Charles pour recueillir la succession s'embarqua pour aller en Espagne, qui fut cause de rompre l'entreueüe des deux Princes. A ceste occasion le Roy qui se preparoit pour aller à Cambray changea son dessein, & reprit son chemin à Blois, & de Blois à Amboise: auquel lieu peu de temps apres acoucha la Reine Claude de son fils aîné au mois de Feurier mille cinq cens xvij. lequelle seigneur Laurens de Medicis, nepueu du Pape Leon, au nom dudit Pape, tint sur les fons & fut nommé Francois. Audit baptisme furent faictes les plus grandes magnificences tant en ioustes, escarmouches, barailles saintes, qu'atliegemens de places, qu'on eut veu du viuant des hommes. Le Roy pour confirmer l'amitié entre ledit Pape & luy, donna à Laurens de Medicis Duc d'Vrbain en mariage vne sienne cousine, fille & heritiere du feu Côte de Boulongne, & de la sœur de feu Francois de Bourbon, Comte de Vendosme, qui estoit mort à Verceil au retour du Roy Charles de Naples. Audit baptisme vint presenter son seruice au Roy le prince d'Orenge en grand equippage, lequel sen alla mal content, & se retira au seruice de Charles d'Autriche Roy d'Espagne: Peu de temps deuant le Roy fit reedifier la ville de Terouenne, & en fit gouverneur le bastard de Moreul, seigneur du Fresnoy.

En ce mesme temps ou peu apres, le Roy de pescha messire Gaston de Brezé, prince de Fouquarmont, frere du grand senechal de Normandie, avecques deux mille hommes de pied Francois, desquels auoient la charge soubz luy le capitaine Piefou, & le baron de Gondrin Gascon, & le capitaine saint Blimont Picard, & le capitaine la Lande, au secours du Roy de Dannemarc contre le Roy de Suede: lesquels apres auoir gagné vne bataille au prouffit dudit Roy, estans en fin abandonnez des Dannemarquois, en vn combat faict sur la glace, furent deffaits. Et y en demeura la plus grãde part, pour des arbres abatus en vne forest, qui empeschoient noz gés de

Roy Ferdinand d'Ar-  
ragon.

Naissance  
de monsei-  
gneur le  
Dauphin  
Francois  
fils du Roy  
Francois.

Mariage  
du seigneur  
Laurens de  
Medicis a-  
uec Mada-  
me Magde-  
laine de  
Boulongne  
pere & me-  
re de la Roï-  
ne Catheri-  
ne.

Secours en  
uoyé en Da-  
nemarc.

faider de leurs picques, apres festre retirez de dessus les glaces aux forests. Et entre autres y mourut le capitaine saint Blimont, qui estoit vaillant homme, & n'en reuint en France la moitié, qui estoient tous nuds, ayans perdu leurs armes & ruiné leurs habillemens: encores estans abandonnez du Roy de Dannemarc, pour lequel ils auoient combatu, trouuerēt moyen de trouuer quelques nauires passageres, par le moyen desquelles ils prindrent terre en Escosse, & de là en France.

1518.

**Naissance  
de Henry  
fils du Roy  
Francois.**

L'AN mille cinq cens dix huit fut nay à S. Germain en Laye Henry second fils du Roy, duquel fut parrain & le nomma par procureur Henry huitiesme Roy d'Angleterre de ion nom Henry.

**Mort de  
l'Empereur  
Maximiliā.**

Plus de temps apres mourut l'Empereur Maximiliā, à l'occasion de quoy y eut de grādes menées & pratiques pour faire election d'un Empereur: aucuns desiroient le Roy de France, autres Charles d'Autriche, fils du Roy Dom Philippe, qui auoit esté fils de l'Empereur Maximilian decedé. Pour ceste occasion alla l'Amiral de Bonniuer en habit dissimulé en Allemagne, ayant promesse de plusieurs des Electeurs qu'ils seroient à la deuotion du Roy son maistre: mais par la conduite de Federic Comte Palatin, & du Cardinal du Liege, frere de messire Robert de la Marche, fut ledit Charles d'Autriche Roy d'Espagne esleu Empereur à Francfort, & couronné à Aix la chapelle. Ceste mesme année messire Arthus Gouffier, seigneur de Boisy, grand maistre de France, & monsieur de Chieures, s'assemblerent à Montpellier, l'un pour la part de l'esleu Empereur, l'autre pour la part du Roy, pour par ensemble aduiser vne paix finale entre leurs deux majestez, & vuidier tous leurs differens d'entr'eux & leurs allies. Mais apres auoir conuenu ensemble quelques iours, & auoir si bien acheminé les affaires selonc elperoit en auoir bonne issue, ledit grand maistre de Boisy tomba en vne fieure continue, de laquelle il mourut: qui fut cause que les choses encommen-

**Mort de  
monsieur  
de Boisy  
grand Mai-  
stre.**

cesne

ées ne prendrent point de fin, & s'en retourna le seigneur de Chicures en Espagne. Ladite mort fut cause de grandes guerres, ainsi qu'entendrez cy apres: car s'ils eussent acheué leur parlement, il est tout certain que la Chrestienté fust demourée en repos pour l'heure: mais ceux qui par apres manierent les affaires, n'aimerent pas le repos de la Chrestienté, comme faisoient lesdits de Chicures & le grand Maistre.

LADITE année mourut le seigneur de Piennes surnommé de Halluin, qui estoit gouverneur & lieutenant general du Roy en Picardie, & en son lieu le Roy bailla le gouvernement à Charles Duc de Vendosmois, & le gouvernement de Pisle de France qu'auoit ledit Duc, à Francois de Bourbon Comte de S. Pol son frere.

LEDIT an au mois de Septembre ensuiuant, le Roy estant à Angiers, delibera de faire plus estroittes alliances avec le Roy d'Angleterre, voyant auoir failly de conclusion avec l'Empereur: & pour cest effect despescha messire Guillaume Gouffier seigneur de Bonniuer, Amiral de France, accompagné de grand nombre de seigneurs & gens de conseil, pour alier deuers ledit Roy d'Angleterre, lequel il trouua à Grenüich maison de plaisir, qu'il a sur la Tamise trois mille au dessous de Lōdres: auquel lieu fut pourparlé du mariage de Francois Dauphin de France, & de madame Marie fille vniue dudit Roy d'Angleterre, encores que la fille eut quatre ans plus que ledit Dauphin: & apres auoir sejourné audit lieu six semaines, & auoir esté grandement festoyé dudit seigneur Roy, tant en chasses, festins, tournois, qu'autres deduits, s'en retourna en France, ayant arresté vne estroite alliance entre leurs deux majestez: pour la confirmation de laquelle & dudit mariage futur, peu de tēps apres le Millor chāberlan, & le prieur de S. Iean de Hierusalem de Londres vindrēt trouuer le Roy à Paris, où ils furent honorablement recueillis & festoiez, tant du Roy que des princes de son sang: & là fut conclu la restitution

Ambassade  
l'Amiral Bō  
niuer en An  
gleterre.

de la ville de Tournay entre les mains du Roy, laquelle auoit esté conquise par l'Anglois sur le feu Roy Louis xij. de quoy desia les propos auoient esté mis en auant par l'Amiral de Bonniuet, luy estant en Angleterre. Pour le rachapt de ladite ville le Roy luy deuoit fournir quatre cens mille escus, scauoir est deux cens mille, tant pour la despence faicte à la construction de la citadelle, que pour l'artillerie, poudres, & autres munitions que ledit Roy d'Angleterre deuoit laisser en la place, les autres deux cens mille pour les frais par ledit Roy faits à la conqueste de ladite ville, & pour le reste des pensions qui luy estoient deuës. Et parce que l'argent n'estoit baillé cōptant, fut baillé audit Roy d'Angleterre huit gentils-hommes pour tenir hostages, iusques au paiement de la dite somme, à scauoir quatre gentilshommes de la chambre du Roy, & quatre enfans d'honneur: les quatre gentilshommes estoient, Francois de Montmorency seigneur de la Rochepot, Charles de Mouy seigneur de la Milleraie, Antoine des Prez seigneur de Montpesar, & Charles de Soliers seigneur de Morette en Piemont: les quatre enfans d'honneur estoient le fils aîné du seigneur de Hugueuille, le puîné de Morremar, & Melun, & Grimault. Aussi fut accordé que iusques à ce que lesdits hostagers seroyent rendus à Calaiç en la puissance du Roy d'Angleterre, ne seroit faite deliurance de ladite ville de Tournay: mais qu'estans audit lieu de Calaiç, seroit despesché messire Gaspard de Colligny seigneur de Chastillon mareschal de France, accompagné de deux cens hommes d'armes, pour aller prendre possession de ladite ville, chose qui fut executée: car arriuant ledit mareschal de Chastillon à Tournay, luy furent liurées par les deputez du Roy d'Angleterre la ville & citadelle, avec toutes choses contenues audit traité, & fut receu ledit mareschal par les habitans en la plus grande ioye que lon eust sceu receuoir la propre personne du Roy. Et mesmes les citadins pour môstrer l'affectiō qu'ils portoyent au Roy.

firent

Reddition  
de la ville  
de Tournay.



fèrent les feux de ioye par les cantons de la ville des bacs & scabelles sur lesquelles festoient assis les Anglois, donnant par là à entendre qu'ils ne desiroient iamais retomber sous leur autorité.

L'AN subsequēt mille cinq cens dixneuf, par le moyē de l'Amiral de Bonniuet, lequel auoit le maniement des affaires du Roy, depuis le trespas du grand maistre de Boisy son frere & du Cardinal d'Iorc, qui auoit la superindence des affaires du Roy d'Angleterre, fut accordée vne entreueuē entre leurs deux majestez, à celle fin que en personne ils peussent confirmer l'amitié faicte entre eux par leurs deputez : & fut pris iour auquel le Roy se trouueroit à Ardres, & le Roy d'Angleterre à Guines. Puis par leurs deputez fut ordonné vn lieu my chemin d'Ardres & Guines, où les deux Princes se deuoient rencontrer. Ledit iour de la feste Dieu au lieu ordonné, le Roy & le Roy d'Angleterre montez chacun sur vne cheual d'Espagne s'entre-aborderent, accompagnez chacun de sa part de la plus grande noblesse que l'on eust veu cēt ans auparauāt ensemble, estans en la fleur de leurs aages, & estimez les deux plus beaux princes du monde, & autant adroits en toutes armes, tant à pied qu'à cheual. Il n'ay que faire de dire la magnificence de leurs accoustrements, puis que leurs seruiteurs en auoient en si grande superfluité, qu'on nōma ladite assemblée le camp de drap d'or. Ayans faict leurs accollades à cheual, descendirent en vn paillon ordonné pour cest effect : ayant le Roy seulement avecques luy l'Amiral de Bonniuet, & le Chancelier du Prat, & quelque autre de son conseil : & le Roy d'Angleterre, le Cardinal d'Iorc, le Duc de Norfolk, & le Duc de Suffolc. Où, apres auoir deuise de leurs affaires particulieres, conclurent qu'audit lieu se feroient lilles & eschaffaulx, où se feroit vn tournoy, estans deliberez de passer leur tēps en deduit & choses de plaisir, laissant negocier leurs affaires à ceux de leur conseil, lesquels de iour en autre leur faisoient rapport de ed

1519  
Entreueuē  
à Ardres  
des Rois de  
France &  
Angleterre.

qui auoit esté accordé. Pardonze ou quinze iours coururent les deux princes l'un contre l'autre, & se trouua audit tournoy grand nombre de bons hommes d'armes ainsi que vous pouuez estimer, car il est à presumer que ils n'amenerent pas des ptes.

Ce faict, le Roy d'Angleterre festoyale Roy pres de Guines en vn logis de bois, où y auoit quatre corps de maison qu'il auoit faict charpenter en Angleterre, & amener par mer toute faicte: & estoit couuerte de toille peinte en forme de pierre de taille, puis tendue par dedans des plus riches tapisseries qui se peurent trouuer, en sorte qu'on ne feust peu iuger autre, sinon vn des beaux bastimens du monde: & estoit le dessein pris sur la mai on des marchands à Calaiz. La maison estant apres desassemblée fut renuoyée en Angleterre sans y perdre q̄ la voiture. Le lendemain le Roy deuoit festoyer le Roy d'Angleterre pres Ardres, où il auoit faict dresser vn pauillon ayāt soixāte pieds en quarré, le dessus de drap d'or frizé, & le dedans doublé de veloux bleu, tout semé de fleurs de lis de broderie d'or de Chypre, & quatre autres pauillōs aux quatre coings de pareille despence. Et estoit le cordage de fil d'or de Chypre & de soye bleue Turqui ne, chose fort riche. Mais le vent & la tourmēte vint telle, que tous les cables & cordages rōpirēt: & furent lesdites têtes & pauillōs portez par terre, de sorte q̄ le Roy fut contrainct de changer d'opinion, & fait faire en grande diligence vn lieu pour faire le festin, où de present y a vn boulleuert nommé le boulleuert du festin. Je ne m'arrestera y à dire les grands triomphes & festins qui se firent là, ny la grande despence superflue, car il ne se peult estimer, tellement que plusieurs y porterent leurs mou-lins, leurs forests & leurs prez sur leurs espauls.

Après lesquels festins & tournois, le Roy se retira à Boulongne, & le Roy d'Angleterre à Calaiz. Toutes gens de bon iugement ne pouuoient penser de veoir jamais inimitié entre ces deux princes: mais estant le

Roy

Roy d'Angleterre de retour à Calaiz, aduertty comme l'Empereur estoit arriué en Angleterre venant d'Espagne. Passage de sembarqua, & le fut trouuer à Cantorbery, puis sen vint l'Empereur à Calaiz & à Grauelines, en telle fraternité comme il auoit en Angle-  
faict avec le Roy, où fut accordé entre-eux que là où le terre.

Roy & l'Empereur tomberoyent en quelque differend, il seroit arbitre : & celuy qui ne voudroit tenir son arbitrage, il se pourroit declarer cõtre luy, chose contraire aux accords qu'il auoit faict avec nostre Roy. Puis sen retourna l'Empereur en Flandres, & le Roy d'Angleterre en Angleterre.

Durant ce temps le Roy print son chemin à Amboise, puis d'Amboise sur la fin de Decembre, sen alla à Romorantin, auquel lieu estant, vint la feste des Rois. Le Roy scachant que monsieur de saint Pol auoit faict vn Roy de la febue en son logis, delibera avecques ses supposts d'enuoyer deffier ledit Roy de mōdit-seigneur de S. Pol, ce qui fut fait : & parce qu'il faisoit grādes neiges, mōdit-seigneur de S. Pol feit grande munition de pelottes de neige, de pommes, & d'œufs pour soustenir l'effort. Estant en fin toutes armes faillies pour la deffence de ceux de dedans, ceux de dehors forçans la porte, quelque mal-aduisé ietta vn tison de bois par la fenestre, & tomba ledit tison sur la teste du Roy, dequoy il fut fort blessé, de maniere qu'il fust quelques iours que les chirurgiens ne pouuoient assseurer de sa santé : mais le gentil prince ne voulut iamais qu'on informast qui estoit celuy qui auoit ietté ledit tison, disant que s'il auoit faict la folie, il falloit qu'il en beust sa part. Soudain les choses ainsi aduenues fut publié par tout le pais de Flandres, Arthois, & Espagne, que le Roy estoit mort dudit coup : autres qui vouloient moins mentir, disoient qu'il n'estoit pas mort, mais auēgle : parquoy le Roy (comme bien aduisé) aduertit tous ses ambassadeurs qui estoient aux pais estranges qu'ils eussent à publier la verité du faict, & mesmes manda querir tous les ambassadeurs estrangers qui estoient suiuians la cour, à ce qu'ils cogneussent l'estat auquel il estoit.

1521 L'AN mille cinq cens vingt & vi au cōmencement  
 Prise & re- du printemps : Henry Roy de Nauarre, duquel le pere  
 prise du roy auoit depuis peu de temps esté spolié de son royaume par  
 aume de le Roy d'Arragon grand pere maternel de l'Empereur,  
 Nauarre. aduert y qu'en Espagne y auoit grande diuision entre la  
 noblesse & le peuple, & qu'ils estoient en armes les vns  
 contre les autres, chercha moyen par intelligences de  
 rētrier en sondit royaume. Et pour cest effect le seigneur  
 d'Asparrot, frere du seigneur de Lautrec (pour la ieunes-  
 se dudit Henry qui ne pouuoit faire ladite entreprise)  
 ayant leuē iusques au nombre de cinq ou six mille Gas-  
 cons, tant de ses païs qu'autres circonuoisins, & deux ou  
 trois cens hōmes d'armes des ordonnāces du Roy, entra  
 dedans ledit royaume de Nauarre, lequel en moins de  
 quinze iours fut remis en son obeissance. Mais ledit sei-  
 gneur d'Asparrot, par le conseil du seigneur de sainte  
 Colombe lieutenant de la cōpagnie du seigneur de Lau-  
 trec, ne se voulut contenter de ladite cōqueste, ains vou-  
 lut entrer en Espagne, sous esperāce de cōquerir les Es-  
 pagnes aussi aisēmēt q̄ le royaume de Nauarre, où pour  
 esperance de butin, donna iulques à la Grongne : auquel  
 lieu arriué qu'il fut, ne trouuāt aucune resistāce, ledit de  
 sainte Colombe pour son auarice (à ce qu'on disoit) luy  
 persuada de renuoyer vne partie de ses gens de pied, ce  
 qui fut faict; & eut iceluy de sainte Colombe la charge  
 de ce faire. Et par ce que les gens de pied auoient receu  
 leur mois depuis peu de iours, feit que tous ceux qui sen  
 voudroient aller, luy rendans demie paye, auroient cong-  
 gé de se retirer, & mist cest argent en ses bouges : ie ne  
 scay au prouffit de qui il reuint. Les Espagnols, lesquels  
 (cōme dit est) estoient en armes les vns cōtre les autres,  
 voyans les Francois ne festre contētez de rauoir ce qui  
 estoit de leur appartenāce, mais vouloient venir cōque-  
 rir leur païs, s'accorderent la noblesse & la commune, &  
 trouuans ledit seigneur d'Asparrot (son armée desia sepa-  
 rée) le desirerent & toute sa trouppe, & y fut pris prison-  
 nier



hier ledit seigneur d'Asparrot, & tant battu qu'il y perdit la veuë, aussi fut pris le seigneur de Tournon, & autres plusieurs gens de bien, le reste se sauua par les môragnes: Les Espagnols suivirent leur victoire, lesquels trouuans le royaume de Nauarre entierement despourueu de gens de guerre, reprindrent Parapelune, & tout le reste du royaume, aussi aisément qu'il auoit esté perdu.

O R messieurs, pour vous faire entendre la source & origine de la guerre d'entre d'eux si grands Princes que l'Empereur & le Roy, par laquelle sont aduenues tant d'euersions de villes, oppressions de peuples, ruines de provinces, & la mort de tant de gens de bien & vertu, ie le vous diray sommairement, & iugerez par aduenture que le commencement fut pour peu d'occasion: mais Dieu qui est la hault Pauoit (côme i'estime) ainsi deliberé, soit pour punir les pechez des subiers & les attirer à le recognoistre, où se venger des grands de la terre, qui peu souuent le recognoissent comme ils doiuent. Et lon a maintes fois veu tant de nostre temps que du passé, d'vne petite estincelle fallumer vn grâd feu, d'autât qu'il n'est rien plus facile que de prouoquer les princes les vns contre les autres: puis quand ils sont vne fois esbranlez, il est merueilleusement difficile de les arrester. Et en cest endroit, veu que de messire Robert de la Marche est sorty le cōmencement de leurs differends, il ne sera pas impertinent de laisser couler vn mot en passant, des causes, qui alienerent son cœur de la part Imperiale, veu que depuis peu de temps il Pauoit suivi si affectionnéement que rien plus: par ainsi il sera aisé à iuger lequel desdits deux Princes premier à rompu les conditions de la paix.

M A I S auant qu'entrer plus auât en ce propos, fault noter qu'iceluy messire Robert de la Marche seigneur de Sedan, estoit Duc de Bouillon, par la vendition faicte de long temps à messire Guillaume de la Marche par l'Euesque du Liege, à condition toutesfois de rachapt, ayant d'ancienneté iceluy Duché esté vendu à vn Eue-

Discours  
sur les causes  
des guerres  
du Roy  
& de l'Em-  
pereur.

Les faicts  
& differens  
de messire  
Robert de  
la Marche

que du Liege nommé Eussprand, & à ses successeurs par Geoffroy, fils d'Eustache Côte de Boulongne sur la mer, pour faire son voyage en la terre sainte : & estoient des dependances dudit Duché la ville de Loignes, & le chasteau de Musancourt, & fault entendre que ledit messire Robert de la Marche, quelques années au precedant, par vn malcontentement qu'il auoit eu du Roy, d'autant qu'on luy auoit cassé la cōpagnie de cent hommes d'armes, pour les pilleries qu'ils faisoient sur le peuple, tant en Italie qu'ailleurs, s'estoit retiré de son seruice : & aussi par la persuasion (à ce qu'on disoit) de son frere l'Euesque du Liege, lequel Euesque auoit receu du feu Roy Louis douziesme de ce nom tous les biens qu'il auoit, mesmes l'Euesché du Liege, & l'Euesché de Chartres.

OR n'est il rien plus certain, que de la controuerse & differend meu entre le seigneur d'Emery & le prince de Simay, qui estoit de la maison de Crouy pour la ville de Hierge en Ardane, sentence auoit esté long temps a donnée contre ledit seigneur d'Emery, par les Pairs du Duché de Bouillon, qui iugent en souueraineté, de sorte que il n'y a nul appel de leurs iugemens. Toutesfois pour l'autorité & credit qu'auoit vers Charles d'Autriche & les plus grands de sa cour iceluy seigneur d'Emery, se persuada que facilement il seroit releué de n'auoir appellé en temps, si appeller pouuoit : fondant les causes de son relieuement sur les empeschemens qu'il auoit eus durant les guerres, pour y auoir tousiours esté en personne (cōme il disoit) combien que ce fust vne couleur palliée, plustost que viue raison. Encores se voulut il aider d'vne finesse pour paruenir à son intention, car lors qu'iceluy Charles d'Autriche pratiquoit les Allemans pour monter à ceste dignité imperiale, cherchant de tous costez deniers, il en emprunta grosse somme dudit d'Emery à la caution du Marquis d'Ascot, auquel d'Ascot adressa iceluy d'Emery pour atteinre au but où il pretendoit. Luy remonstrant qu'il estoit en grande necessité d'argent,

gent, & que le terme de payer estoit expiré, parquoy estoit contraint de s'adresser à luy qui estoit pleige: en luy faisant toutesfois sonner à l'oreille par personnes interposées, qu'il auroit patience tant qu'il luy plairoit de son payement, pourueu que suivant le droit qu'il y pretendoit il luy aidast à estre relenu de la sentence donnée contre luy pour la ville d'Hierge: chose qui fut facile à impetier pour la grâde authorité & credit que ledit seigneur d'Alcot auoit autour de son Prince, duquel l'oncle, qui estoit le seigneur de Chicures, estoit gouuerneur de la jeunesse dudit Empereur: tellement qu'à sa persuasion & instance, commission fut decernée par deuant le grand chancelier de Braban, & iour assigné aux heritiers dudit prince de Simay pour venir ouir les raisons dudit d'Emery, & veoir casier (si besoing estoit) l'arrest donné à leur prouffit pour la ville d'Hierge, de laquelle leur pere & eux estoient en longue & paisible possession, sans iamais en auoir esté aucunement inquietez par force d'armes, ny par iustice de loy: ioinct aussi que ceux du Duché de Bouillon de tout tēps ne recognoissent Roy ne seigneur que leur Duc: auquel lors ils s'adresserent comme à leur seigneur & protecteur, afin qu'il deffendist les libertez & priuileges de son Duché, à quoy il n'estoit pour deffaillir, estant de bon cœur & bon entendement. Et y auoit d'auantage vne autre occasion fort suffisante pour l'induire à y mettre la main, c'est qu'il estoit tuteur des enfans de Simay, ayant espouzé leur tante, fille du prince de Simay. A ces causes, il n'obmist vn seul poinct de diligence ny de sollicitation, tant enuers Charles d'Autriche, & ceux qui le gouernoient, qu'enuers iceluy d'Emery pour obtenir d'eux, par prieres & requestes, ce que d'eux-mesmes par raison ils deuoient consentir & accorder: tant pour le droit particulier des enfans mineurs dudit de Simay, que pour le bien commun des frâchises & facultez du Duché de Bouillon, sans empescher (comme ils faisoient) que les choses decidées & iugées par iuges

irrefragables & souverains ne fussent permanētes & stables, cōme procedées de la volōté de Dieu qui a estably & ordōné les magistrats: les sentēces desquels ne doiuent estre enfrainctes ne violées par les faueurs des hommes.

FINALEM<sup>ENT</sup>, quelque poursuite que sceut faire ledit messire Robert de la Marche, il n'en peult iamais auoir fin: tellement que voyant que iustice luy estoit deniée, & qu'il estoit loing d'estre recompensé & fauorisé, il se retira deuers le Roy: estant mesmement à cela sollicité par sa femme, fille de Simay, & par celle de monseigneur de Florenge son fils, laquelle estoit fille du Cōte de Brenne, de la maison de Sallebruche: lesquelles par vne gentille inuentiō auoient au parauant trouué moyē de venir en France, & preparer les choses enuers Madame mere du Roy, de sorte que toutes vieilles querelles furent assopies, & mises sous le pied. Et iceluy seigneur de Sedan bien recueilly, lors qu'il vint rōuer le Roy à Romorantin, où il estoit blessé (comme i'ay dit) d'un coup de tison sur la teste: auquel il mit entre les mains & la personne & ses places, luy suppliant de luy donner ayde faueur & secours pour auoir iustice du grand tort & iniure qu'on luy faisoit. Nonobstāt que Charles d'Autriche le voyant en ces termes, eut fort essayé de le regagner, & induire par les moyens & conditions de son frere l'Éuesque du Liege, luy faisant entendre que ce qui auoit esté faict ne procedoit de luy: & luy promettant que fil y auoit eu rien de gasté, il le feroit rabiller, de sorte qu'il en demoureroit satisfait & content, mais il estoit trop tard: car il auoit desia le cœur trop vlcéré, & se delibera (quoy qu'il en deust aduenir) d'auoir par force ce qu'il n'auoit secū obtenir par raison.

MESSIRE Robert de la Marche ayant asseuré ses affaires avecques le Roy, & scachant l'Empereur à Worme ville Imperiale, auquel lieu auoit assemblé vne diette des princes, & villes franches de la Germanie, pour remedier aux tumultes nouuellement excitez par Martin

Luther



Luther, l'enuoya ledit messire Robert deffier en plaine diette: chose qui fut trouuée & prise tât par l'Empereur qu'autres princes en grand dedaing, qu'un simple seigneur (comme messire Robert) enuoyast deffier vn Empereur, seigneur de tant de pais, & d'hommes belliqueux. Apres ladite deffiance le seigneur de Floranges, fils aisné dudit messire Robert, leua tant en Frâce qu'autres lieux circonuoisins iusques au nombre de trois mille hommes de pied, & quatre ou cinq cens cheuaux, contre la volonté du Roy & ses deffences expresses: toutesfois ayant assemblé ses dites forces, sen alla assieger Viteron, petite ville de Luxebourg, aux confins de Lorraine, & des terres communes entre le Duc de Luxembourg & de Lorraine.

A v mesme temps estant le Roy à Sanxerre, vint deuers luy vn gentilhomme de la part du Roy d'Angleterre, pour le persuader de ne point entrer en guerre avecques l'Empereur: disant que s'il y auoit quelque différend, ledit Roy d'Angleterre en seroit mediateur pour le vider, comme neutre. Le différend duquel lors estoit question estoit tel, que le Roy de Nauarre auoit esté par le Roy Catholique spolié de son royaume, pour la querelle de France: & pourtant ledit Roy auoit esté long temps à la cour de France poursuivant & demandant secours, afin de reconquerir son dit royaume. Or festoit-il faict vn parlement à Noyon par les deputez de la part de l'esleu Empereur & du Roy, ainsi qu'auex ouy: & depuis vn autre à Montpellier, lequel n'eust point de resolution, obstant l'enreueue de la mort de messire Archus Gouffier seigneur de Boisy grand maistre de France: mais par celuy de Noyon, entre autres choses, auoit esté dit, que dedans six mois le Roy Catholique redroit le royaume de Nauarre, où bien cōterteroit le Roy d'iceluy, à son gré & commodité, d'autant vallant que ledit royaume. Aussi l'esleu Empereur deuoit satisfaire au Roy d'une pension tous les ans, pour le droit par luy pretendu au royaume de Naples: à toutes lesquelles cho-

Deffy & guerres de Messire Robert de la Marche cōtre l'Empereur.

Occasïo sur le faict du royaume de Nauarre.

ses ledit Empereur ne satisfeist en facon du monde. Le Roy de France estoit tenu par chapitres des traittez faits avecques ledit Roy de Nauarre, de le secourir à recouurer sondit royaume, au cas que l'esleu Empereur faillist de sa susdite promesse. Le Roy apres auoir plusieurs fois intimé ledit esleu Empereur, sans en sortir effect, auoit donné secours (ainsi que pouuez auoir entendu cy deuant) audit Roy de Nauarre, pour le remettre en ses pais: voila sommairement, quant à ce poinct, ce qui amenoit ledit gentilhomme du Roy d'Angleterre deuers le Roy pour y pourueoir.

L'AUTRE occasion estoit pour le deffieement qu'auoit fait messire Robert de la Marche, apres le quel il e-  
gentilhom stoit entré en pais, & auoit assiegé Viretō petite ville de  
me du Roy Luxēbourg, sise (cōme dit est) entre les terres cōmunes  
d'Angleter- dudit Luxēbourg & Lorraine, appartenāt à l'Empereur.  
te. A toutes lesquelles choses cy dessus dites, le Roy feit res-  
ponse par le seigneur de Montpesat, lequel il enuoya de-  
uers ledit Roy d'Angleterre, que quant à Messire Robert  
de la Marche, il luy commanderoit que fil auoit querel-  
le avec le seigneur d'Emery, qu'il eust à la vuidier contre  
luy, & qu'il n'eust à faire la guerre à l'Empereur: & mes-  
mes enuoiroit faire deffences à tous ses subiets, qu'ils ne  
eussent en ce cas à porter faueur ny ayde audit messire  
Robert: ce qu'il feit. Qui fut cause que le vingt-deuxies-  
me du mois de Mars, l'an mille cinq cens vingt & vn, le-  
dit Messire Robert de la Marche retira son armée & la  
licentia, pensant estre à la fin de la guerre: & quant à ce  
que ledit gentilhomme demandoit que le Roy eust à fai-  
re nouueaux traittez avec l'Empereur, cela ne se pouuoit  
faire sans en aduertir le Pape, par ce que par alliance de  
entre sa saincteté & luy, il ne pouuoit riens conclure de  
nouueau sans l'en aduertir: & qu'il luy en escriroit, puis  
sa response ouye, volontiers entendroit à toutes bon-  
nes raisons.

Il est certain que le Roy auoit vn traité avecques  
la sain-

la sainteté du Pape pour le recouurement du royaume de Naples, au cas que l'Empereur faudroit à ce qui estoit promis par le traité de Noyon, duquel peu deuant est faicte mentiō: qui estoit de faire vne pension au Roy tous les ans pour ledit royaume. Mais l'Empereur auoit failly, tant pour Naples que Nauarre, de quoy le Roy ne pouuoit auoir la raison, sans entrer en guerre avec ledit Empereur: & maintenant s'accorder avec luy, c'estoit contreuenir à leur alliance. Aussi que le Pape & le Roy estoient alliez pour la deffence d'Italie, & estoient le Venitiens sur le point d'entrer en ladite ligue: Parquoy le Roy enuoya deuers sa sainteté, pour scauoir quand il luy plairoit mettre l'entreprise de Naples à execution. Au gentilhomme enuoyé de la part du Roy, le Pape feit grand recueil, & luy bailla la liste des gens de cheual & de pied, & artillerie qu'il estoit besoin d'auoir pour ladite execution, & luy deuoit le Roy faire réponse dedans vingt-deux iours.

Differend  
sur le royaume  
de Na-  
ples.

Le terme se passa, & mesmes vn mois d'auantage: chose qui meit le Pape en soupeon, qu'onques depuis on ne luy sceut leuer du cerueau, que desia le Roy n'eust faict quelques traittez sans son sceu & à son desauantage, & mesmes disoit que le Roy ne festoit acquitté de faire cōclure ladite ligue de la deffence d'Italie aux Venitiens. Aussi se plaignoit le Pape que peu de temps deuant estoit entré dedans les terres de l'Eglise vn nombre d'Espagnols, contre lesquels il auoit esté cōtrainct de faire leuée de Suisses, de quoy le Roy deuoit payer les fraits par moitié, ce qu'il auoit faict pour le premier mois, mais les autres non. Toutes ces occasions mirent le Pape en telle perplexité, qu'il retira dedans Rege les bannis du Duché de Milan, tels que Monseigneurin Viscomte, Hieronyme Moron, & autres: & par le traité qu'il auoit aué le Roy, il ne pouoit retirer lesdits bannis dedans ses pais, ny le Roy ceux des terres de l'Eglise dedans les siens. Et aussi auoit le Pape promis au Roy par ledit traité, de

n'investir Charles d'Autriche esleu Empereur du royaume de Naples, à luy escheu par la mort de son grand pere maternel, contre le droit par le Roy pretendu audit royaume: mais peu de temps apres il accepta la haquenée blâche, qui luy est deuë pour l'investiture dudit royaume de Naples, & tost apres capitula avec ledit esleu Empereur, de quoy le Roy ne pouuoit ne sen ressentir, & se plaignoit: attendu mesme q̄ ledit Pape luy auoit promis le fauoriser à Pelection de l'Empire, ce nonobstant secrettement l'auoit empesché en ce qu'il auoit peu.

L'EMPEREUR cependant feit dresser vne armée fort grosse, tant de gens de cheual que de pied, par le Comte de Nansau, le Comte Felix, Francisque de Scalingen, & le seigneur d'Emery: & faisant ledit Côte de Nansau chef, leur commada de marcher sur les terres de messire Robert de la Marche, & mesmes l'Euesque du Liege son frere, lequel auoit obtenu ledit Euesché & plusieurs autres biens, par le moyen de sondit frere messire Robert de la Marche, se declara son ennemy, se faisant cōpagnon dudit Comte de Nansau, & feit noyer en la riuiere de Meuze quelques habitans du Liege, qu'il cognoissoit estre partiaux pour sondit frere.

Cause d'alienatiō de  
l'Euesque  
du Liege.

OR l'occasion pour laquelle on disoit que ledit Euesque du Liege auoit abandonné le seruice du Roy, estoit que ledit Euesque desiroit estre Cardinal, & le Roy luy auoit promis de le fauoriser pour cest effect: mesmes en auoit escrit à la sainteté du Pape, lequel luy auoit promis vn chapeau pour vn de ses seruiteurs, mais quand ce vint à l'effect, l'Archeuesque de Bourges frere du general Boyer, fut preferé audit Euesque, & disoit on que ses seruiteurs estans à Romme auoient veu entre les mains des ministres du Pape lettres escrites de madame la Regẽte à la sainteté, par lesquelles elle supplioit que quoy que le Roy escriuiit il eut à preferer ledit Boyer archeuesque de Bourges. Aussi disoit on que ledit Boyer auoit donné au Pape quarante mille escus pour auoir ledit chapeau.



peau, ie ne scay s'il est vray: mais ledit Euesque du Liege print l'occasion de son malcontentement là dessus, & s'en alla au seruice de l'Empereur, lequel quand & quand le feit faire Cardinal, dont sa maiesté par apres a tiré de grands seruices, & mesmes en son election à l'Empire. J'ay veu de mon temps que plus de gens estans partis du seruice du Roy par mal contentement, ont plus fait de dommage au Roy que nuls autres. Comme ledit Euesque, le prince d'Orange, le marquis de Mantoue, le Duc de Bourbon, le seigneur André Dorie, & plusieurs autres.

Pour teuenir à nostre propos, ayant le Comte de Nansau mis ses forces ensemble, alla assieger Loignes, vil le dependant du Duché de Bouillon, à huit lieues du Liege: & quand & quand enuoya le Comte Felix assieger Musancourt, le tout appartenant audit messire Robert. Estant arriué ledit de Nansau deuant Loignes, apres auoir fait furieuse batterie, le seigneur de Niselles, lequel en estoit capitaine, voyant ses hommes estonnez, par-ce qu'ils auoient esté surpris, de sorte qu'ils n'estoient que soixante soldats dedans, & n'ayant aucune esperance de secours, rendit luy & la place à la discretion dudit Comte de Nansau, dont mal luy print: car il le feit pendre & estrangler avecques douze des principaux de sa troupe. Puis ayant rasé ladite place marcha deuant Musancourt, où le Comte Felix auoit desia tenu le siege sans y auoir rien prouffité: mais arriué que fut ledit Comte de Nansau avec son armée, le capitaine vendu par aucuns de ses soldats, fut liuré avec la place, entre les mains dudit Comte lequel feit pendre vingt desdits soldats: & voulant faire le semblable audit capitaine, fut flechy par les prieres de la pluspart des principaux de son armée, & luy donna la vie.

AYANT ledit Comte de Nansau fait raser la place de Musancourt, prist son chemin pour aller assieger Iamets, dont le seigneur de Fleuranges fils aîné de

Prise de  
Fleurages.

messire Robert, & le seigneur de Sancy son frere puisné aduertis firent telle diligence, que la nuit ils entrerent dedans ladite place de Iamets, deliberez d'y mourir, où de la garder, remonstrans à leurs soldats les cruautez faites par les Imperiaux à ceux de Loignes, & de Musancourt, & qu'il leur estoit plus honorable de mourir en combatant, que d'attendre vne mort si honteuse, pour cuider sauuer leur vie par vne composition honteuse, comme auoient faict les autres. Ledit seigneur de Fleuranges apres auoir entendu la bonne volonte de ses soldats, commença en toute diligence de remparer le chasteau, & le pourueoir des choses necessaires. Le Comte de Nassau apres auoir esté quatre iours à recognoistre ledit chasteau de Iamets, cognoissant la contenance de ceux de dedans, leua son camp: prenant le chemin de Fleuranges, qui est vne place appartenante audit de la Marche, à quatre lieues pres de Mets, dedans laquelle festoit mis le seigneur de Iamets, second fils dudit messire Robert, delibéré d'y mourir, où de garder la place: mais au bout de trois iours fut trahy par les Allemans qui estoient dedans à sa soule, & fut liuré entre les mains dudit de Nassau, lequel le feit mener prisonnier à Namur en seure garde, & les Allemans prindrent la soule de l'Empereur. Apres auoir rasé ladite place de Fleuranges, s'en alla à Sancy autre place estant à ceux de la Marche, où il feit le semblable. Ce faict, à grandes iournées s'en alla à Bouillon, chef principal du Duché, dedans laquelle place il auoit intelligences, par le moyen desquelles luy fut rendue. Apres cela messire Robert de la Marche voyant toutes les forces d'Allemagne sur ses bras, trouua moyen d'obtenir vne trefue de l'Empereur pour six semaines, par le moyé de Francisque de Serkingen son amy & frere iuré.

Discours  
sur l'armée  
du Roy.

BEAUCOUP de raisons mouuoient le Roy à penser que l'Empereur auoit bien en son esprit vne autre guerre que celle qu'il auoit menée iusques à ce iour, car si c'estoit seulement contre ceux de la Marche, pourquoy

les ayant presque ruinez a il demandé trefue? luy estant vainqueur, ayant vne armée suffisante pour deffaire ledit messire Robert? pourquoy tous les iours la renforçoit-il? Doncques le Roy entendant bien les desseins de l'Empereur, & par iceux cognoissant luy estre la guerre declarée, commenca à leuer vne armée: & toutesfois ne voulut rien innouer, sans premierement en aduertir le Roy d'Angleterre son amy & allié. Et pour ce fait luy enuoya ambassadeurs, pour luy remonstrer le trouble que faisoit l'Empereur, & l'armée qu'il auoit mise sus, le priant vouloir tenir le party de luy, qui estoit assailly, suiuant les traittez faits entre-eux à leur abouchemēt fait à Ardres. Le Roy d'Angleterre ayāt aussi eu lettres de l'Empereur, escriuit à tous deux qu'ils ne commençassent legeremēt vne si grosse guerre: aussi ledit Roy d'Angleterre s'efforça de faire croire au Roy nostre maistre, que la guerre ne luy estoit autrement denoncée, qu'il ne la diuertist en obeissant aux conditions demandées par l'Empereur: lesquelles toutesfois estoient hors des termes de raison. Ce pendant que ces choses se traittoient, le Roy estoit allé de Sanxerre à Dijon, & l'armée de l'Empereur croissoit de iour en iour: doncques ayant mis ordre aux frontieres de Bourgongne, tira à grandes iournées à Troye en Champagne, ou il n'y auoit nulle armée tant petite fut elle: bien auoit enuoyé le Roy messire Andre de Foix seigneur d'Asparrot, faire la guerre au royaume de Nauarre contre les Espagnols, dōt en aduint ainsi que i'ay descrit par cy deuāt. Car par faulte de bon cōseil apres auoir cōquis ledit royaume entierement, en vn instant le reperdit: à Poccasiō de quoy ordonna messire Guillaume Gouffier seigneur de Bonniuet & Amiral de France pour mener vne armée en Nauarre, & venger l'iniure receuē par ledit seigneur d'Asparrot: & seulement cōmença à dresser vne armée pour soustenir l'effort de l'Empereur, & pour cest effect nomma six gentilshommes estans pres de la personne, pour leuer chacun mille hommes de pied,

desquels il feist general Francois de Bourbon Comte de S. Pol, & des gentilshômes, l'un estoit Francois de Montgomery seigneur de Lorges, Charles de Mouy seigneur de la Milleraye, Charles du Refuge appelé l'Escuyer Boucar, Pirault de Maugeron, le seigneur d'Hercules de Dauphiné, le Baron de Montmoreau, mais Maugeron fut tué à Dijon: parquoy les mille hommes, desquels il avoit la charge, furent baillez au seigneur d'Asnières, porte-enseigne de l'une des bandes des deux cens gentilshômes de la maison du Roy.

MANDA pareillement à monseigneur de Bourbon, Connestable de France, de faire levée de huit cens chevaux, & six mille hommes de pied, au Duc Charles de Vendosme pareille charge: des gens de cheval du Duc de Bourbon eurent la commission de les conduire, le Visconte de Laudedan, Philippe de Boniullier cote de Dampmartin, le seigneur de Descar, seigneur de la Vauguyon, le Visconte de Thurenne, le seigneur de Rochebaron d'Auvergne, le seigneur de Listenay, & le seigneur de Lallieres. De ceux de monsieur de Vendosme eurent la charge, le Comte de Briène de la maison de Luxebourg, le Comte de Brenne de la maison de Sallebruche, le seigneur de Humieres, le Vidame d'Amiens, le seigneur de Haplincourt, le seigneur de la Bergerie, le seigneur de Renty. Des gens de pied dudit Duc de Vendosme, eurent la charge de chacun quatre cens: le seigneur de Sercu, le seigneur d'Estré, le seigneur Rumefnil, le seigneur de Bournouille, le seigneur de Heilly, le seigneur de Laleu, le seigneur de Bours, le seigneur de Bellegarde, & le seigneur de Preteual & autres. Pour aller avec monsieur l'Amiral furent ordonnez six mille lansquenets, desquels avoient fait la levée le capitaine Brandhez, le Comte Wolfgang Allemands, le seigneur de Villiers, & Francois de Tauènes François: desdits Allemands fut general Claude de Lorraine Cote de Guise. De gens de cheval pour ladite entreprise, y avoit la compaignie dudit Amiral de cent hommes



hommes d'armes, celle du Duc d'Albanie de pareil nombre, lequel Duc estoit Regent en Escosse, à l'occasion de la minorité du Roy, la compagnie du seigneur de S. André, & luy en personne, le seigneur de Saintemesme & sa cōpagnie, & vne partie de celle du senechal d'Armignac, grand maistre de l'artillerie, & fut donné charge audit Amiral de leuer tel nombre de gens de pied, Gascons & Basques, qu'il verroit estre raisonnable.

Le Roy ayant mis l'ordre cy dessus, alla à Mousiers Ramé abbaye pres de là, dont il despescha Oliuier de la Vernade seigneur de la Bastie, vers le Roy Henri d'Angleterre, pour le prier qu'il ne trouuast mauuais si estant prouoqué & contrainct, il faisoit la guerre à l'Empereur, mais ledit Roy d'Angleterre souffrit à estre arbitre entre eux deux, & que s'ils vouloient enuoyer leurs deputez à Callaiz, de sa part il y feroit trouuer Thomas Cardinal d'Iorc, pour aduiser à moyennener vne bonne paix, le Roy sy accorda, moyennant que le Pape Leon, duquel il estoit allié, y fut cōpris & consentant: & pour ce faict l'assignatiō fut donnée au quatriesme iour d'Aoust ensuiuant, & le Roy enuoya par deuers le Pape Leon. Pendant les allées & venues de l'un & à l'autre, le Comte de S. Pol auoit desia leué ses gens, le Duc d'Alancō estoit à Attigny, & la gendarmerie pareillement, mais peu de iours apres il se rapprocha de Reims. Le Roy cependant estoit à Argilly le Duc, duquel lieu il despescha nouuelle armée, tant de Francois que de Suisses pour l'Italie, au secours de messire Thomas de Foix seigneur de l'Escut, qui estoit demeuré lieutenant du Roy audit Duché de Milan en l'absence du seigneur de Lautrec son frere, & auoit esté aduertty de quelques pratiques, qu'auoit sur le Duché de Milā Hector Vilcomte, & Hieronymes Moron, & autres, ainsi que ie vous feray entendre par cy apres.

Au mesme temps le Roy pour departir les charges meist son estat en quatre gouuernemens: au Duc d'Alancō donna la charge de la Champagne, au Duc de Ven-

Ordre donné  
par le Roy  
en son roy-  
aume.

dosme de la Picardie, à messire Odet de Foix seigneur de Lautrec du Duché de Milan, d'où il estoit gouverneur, à messire Guillaume Gouffier seigneur de Bôniuet la Guienne: & ordonna le nombre d'hommes que deuoient auoir lesdits seigneurs de Bôniuet & de Lautrec, & le reste il retint pour faire teste à l'Empereur. Ayant fait toutes ces despêches, le seigneur de Lautrec partit pour le Duché de Milan, & l'Amiral prit son chemin en Gascongne: en Picardie & Champagne se faisoient tous preparatifs de munitions d'artillerie & d'argent, pour subuenir aux frais. Cependant le Duc d'Alancon avecques les bandes du Comte de saint Pol & la gendarmerie marcha pres de Mouzon, pensant bien que là les Imperiaux, ayans paracheué leur guerre contre ceux de la Marche, se voudroient premierement attaquer, auquel lieu il feit séjour dixneuf iours, puis se retira vers Reims.

Le Duc de Vendosme estoit aussi en Picardie, & avecques luy le mareschal de Chabannes, seigneur de la Pallisse, & le seigneur de Telligny senechal de Rouargue. Durant ce temps, on eut nouuelles que le seigneur de Liques gentilhomme Hennuyer estoit campé avec quelque nombre de gens ramassez sur la riuiera de l'Elcau, au dessous de Valenciennes, duquel vint la premiere declaration de la guerre. Or est-il que de long temps il y auoit de grosses querelles & inimitiez entre Louis Cardinal de Bourbon, & ledit seigneur de Liques, à cause de l'abbaye de S. Amand, dont estoit pourueu ledit Cardinal. Le seigneur de Liques print ceste occasion d'assaillir ceste abbaye, où estoient pour l'heure le seigneur de Champroulx lieutenant du Roy en Tournaisis, & le seigneur des Loges gouverneur de Tournay: mais n'estant l'abbaye defensible, & estans surpris dedans ne pensant estre à la guerre, la rendirent à condition qu'ils sortiroient avec leur bagage. Il y auoit plus d'apparence que le chasteau & villette de Mortaigne, ne deuoient estre assaillis pour estre du domaine du Roy, & de laquelle le Roy d'Angle-

terre luy en auoit fait telle cession, que de la ville de Tournay & de Tournaisis : mais ledit seigneur de Liques mettoit en auant en auoir autresfois esté possesseur, parquoy Palla assieger: mais en fin le seigneur de riāzy, bailli de Tournaisis & capitaine de ladite place, ne voyant apparence de secours, la rendit par composition au seigneur de Portien, & non au seigneur de Liques, à la charge qu'il sortiroit avecques les liens les armes & bagues sauues: mais sur leur retraite, contre toute l'honnestete de la guerre, furent suivis & desualizez, & à peine eurent ils moyen de sauuer leur vie. Cependant le seigneur de Fiennes de la maison de Luxebourg gouverneur des villes de Flandres, ayant assemblé iusques à mille cheuaux, & huit mille hommes de pied, & six pieces d'artillerie, festoit campé à vne lieue de Tournay, faisant cognoistre qu'il vouloit assieger la ville: ce qu'il feist, & y tint le siege cinq mois.

P E N D A N T ce tēps, le Comte de Nansau auoit fait trefues avecques ceux de la Marche, & n'estoit encores la guerre denoncée entre le Roy & l'Empereur: mais apres la prise de sainct Amand & de Mortaigne: combien que l'Empereur niaist que ce fust par son commandement & adueu, mais que c'estoient querelles particulieres, entre mondit seigneur le Cardinal de Bourbon, & le seigneur de Liques. Le Roy ne se voulant laisser abuser, ne voulut faillir à diligenter de se preparer à la deffence, tenant la guerre pour declarée. Le temps s'approchoit que les ambassadeurs se deuoient assembler à Caillaix, où furent ordonnez pour la part du Roy Antoine du Prat Chancelier de France, & Iean de Selua, pour gens de robe longue, & Iacques de Chabannes mareschal de France pour robe courte. Durant ce temps, les Bourguignons vindrent assieger Ardres, laquelle pour n'estre deffensible leur fut rendue: puis estant par eux ruinée à fleur de terre, delibererent en faire le semblable à Terouenne; ayans esperance sur vne intelligence qu'ils y auoient,

Prise d'Ardres:

mais la trahison fut descouuerte par des lettres que l'on trouua qu'une vieille femme portoit aux ennemis, & furent les traistres punis selon leur merite. On ne laissa à faire des rencontres, tant d'une part que d'autre, & entre autres en fut faicte vne par le seigneur de Telligny, contre six cens Bourguignons, qui estoient entrez en ce royaume pour faire butin, dont la plus part furent tuez, & les autres pris prisonniers. Pendant le Roy manda venir deuers luy les princes de son sang, avecques les autres capitaines, en la ville de Reims, pour sur les affaires de la guerre auoir aduis.

**Parlement  
de Callaiz.**

Le mareschal de Chabannes, & ses compagnons se rendirent à Callaiz, pour traiter des differens des deux maistres: mais les deputez de la part de l'Empereur demeurèrent tousiours sur leur hauteur, demadans des choses desraisonnables, comme la restitution du Duché de Bourgogne, & d'abolir l'hommage que deuoit l'Empereur pour ses pais bas à la couronne de France, disans n'estre raisonnable qu'un Empereur portast la foy à un Roy de France. A ceste occasion le parlement fut delaisié sans nulle conclusion, & chacun se retira en son lieu.

**Siege & prise de Mouzon par les ennemis.**

DURANT ceste assemblée, l'armée Imperiale s'approchoit de Mouzon: parquoy le Roy cōclut de la pourueoir, & pour cest effect y enuoya le seigneur Anne de Môtmorency, lequel y mena de réfort, outre la cōpagnie du seigneur de Montmort de cinquante hommes d'armes, y estant gouverneur pour le Roy le seigneur de Laassigny, pour compagnon dudit seigneur de Montmort, ayant charge de mille hommes de pied, le capitaine Piesou avecques pareille charge, & au capitaine la Grange commission de leuer au plus tost qu'il pourroit cinq cens hommes, & pour renforcer la gendarmerie dix hommes d'armes de la compagnie du Duc d'Alacon, dix de celle du mareschal de Chastillon, dix de la compagnie dudit seigneur de Montmorency, le capitaine Monclou ayant charge d'une des enseignes du seigneur de Piesou,  
fut mis



## DE MESS. MARTIN DV BELLAY 67

Fut mis à la garde de la porte de Reims avecques trente hommes d'armes, & le capitaine Razemont avecques l'autre enseigne dudit Piefou, au costé d'Iuoy, tirant vers Luxembourg, & avec luy la compagnie du seigneur de Montmort, la Grange eut la charge du boulleuert, du costé de la Meuze.

ESTANT Pestat de Mouzon tel que dit est, le Comte de Nansau festoit campé à Douzy gros bourg, au dessous duquella riuiere du Cher, venât d'Iuoy se descharger dedans la Meuze, & est la moitié de la seigneurie au Roy, à cause de la seigneurie de Mouzon, & l'autre moitié du Duché de Bouillon, duquel lieu les Imperiaux passans la riuiere venoient piller & desrober sur les terres de l'obeissance du Roy, pres de Mouzon. Parquoy le seigneur de Montmort enuoya deuers le Comte de Nansau, pour en faire plaincte, ledit Comte feist response que c'estoit sans son sceu ny ordonnance, & que si ses gens y estoient rencontrez il en feist luy mesmes la punition, & qu'il n'entendoit faire la guerre contre le Roy: seulement vouloit sejourner son camp, attendant que la trefue faicte avec ceux de la Marche fut expirée. Le seigneur de Montmort, & la compagnie estant avecques luy, trouua la response raisonnable, mais incontinent il eut autres nouuelles, car il fut aduertty, comme les Imperiaux auoient passé la riuiere de Meuze, enseignes desployées. pour entrer & faire la guerre es pais du Roy, pour ausquels faire teste au passage de la riuiere, despescha le capitaine Philippe lieutenant de sa cōpagnie, avecques trête hommes d'armes, & trois cēs hommes de pied, mais l'ennemy estoit desia passé la riuiere, estimât surprendre la ville, dequoy il fut empesché par le seigneur de Lafigny, lequel arriuant à la porte la deffendit si longuement & vaillamment, que la porte luy fut fermée au doz, & le pont leué: puis repassa le fossé par dessus un cheuron qui luy fut ietté, & se retira sans auoir dōmage, nonobstant qu'il luy fut tiré plusieurs coups, tāt d'artillerie quē

d'arquebouze: le capitaine Philippe qui estoit sorty, comme i ay dit, oyant l'alarme vers Mouzon, se retira par autre chemin, sans dommage de luy ne de les gens.

Le lendemain le Comte de Nansau, avecques son armée, se vint presenter en la bataille en vne plaine, à demie lieue de la ville, auquel lieu se,ournant, le seigneur Francisque enuoya lettres au seigneur de Montmort, luy persuadant de rendre la ville, deuant que l'artillerie eut ioué son ieu, auquel fut respôdu par ledit de Montmort, qu'il estoit ordonné par le Roy son souverain seigneur, de luy garder ladite place, ce qu'il auoit delibéré de faire. La responce ouye, le Comte de Nansau commanda d'approcher son camp de la ville: puis ayant planté son artillerie aux lieux qu'il veit les plus commodes pour offencer les assiegez, tout à vn coup fit deux batteries: l'une de la prairie qui tire vers la porte de Reims l'autre de la môtagne qui regarde vers Luoy. Des pieces qui estoient à la prairie on battoit par derriere: & par la plante des pieds ceux qui estoient à la deffence de la batterie qui se faisoit vers la montagne, par dessus toute la ville, estât la riuere entre deux. Noz gés de pied qui estoient nouvellement leuez & sans estre aguerris felloierent, de sorte que voyans ce qu'ils n'auoyent iamais experimenté, contraingnrent le seigneur de Montmort de demander composition: & pour cest effect y fut enuoyé vn trompette, pour obrenir du Comte qu'il eust à superseder la batterie, cependant qu'ils pourroient venir à quelque bon accord: chose qui ne fut accordée audit trôpette. Parquoy le seigneur de Montmort, & celuy de Lassigny y allerent en personne, & yt firent composition telle: que chaque homme d'armes sen iroit sur vn courtault & sans armes, & les archers & gens de pied, sans armes, & à pied vn bastô en la main: chose qui fut trouuée mauuaise par le Roy, attêdu qu'ils festoient faits fort de bien garder la place: & aussi q les deux lieutenâs du Roy estoient enséble sortis au câp de l'enemy pour parlementer: chose non

visitée parmy les hommes qui font profession des armes.

T E L L E fut la composition de Mouzon, qui dōna vn merueilleux cœur à l'ennemy : estimant faire le semblable aux autres places, mais ils furent deceus de leur folle opinion Car ayant laissé le bastard de Nansau à la garde dudit Mouzon, prist son chemin pour aller assieger Mesieres, où il trouua le seigneur de Bayar, homme expérimenté & sans peur, lequel le Roy y auoit enuoyé son lieutenant general. Aussi peu de iours apres y entra messire Anne seigneur de Montmorency, ieune homme de grand cœur, desirant donner à cognoistre à son maistre l'enuie qu'il auoit de luy faire seruice : lequel amena avecques luy beaucoup de ieunesse de la cour, gens de bonne volonté. & entre autres Claude seigneur d'Annebault, le seigneur de Lucé, le seigneur de Villeclair, & plusieurs autres: chose qui donna grand assurance aux soldats qui estoient dedans. Avec ledit Bayar, y auoit la compagnie de cent hommes d'armes du Duc Antoine de Lorraine, de laquelle compagnie estoit ledit Bayar lieutenant, & la compagnie du seigneur d'Orual gouverneur de Champagne de pareil nombre de gens de pied, l'escuier Boucarnu nommé du Refuge, avec mille hommes de pied, & le Baron de Montmoreau pareille charge. Mais estans les pieces en batterie, les gens dudit de Montmoreau, comme gens non experimentez, entrerent en tel effroy que malgré leurs capitaines s'enfuirent les vns par la porte, les autres se ietterent par dessus les murailles: mais ledit seigneur de Bayar feit entendre aux autres soldats qu'il estoit bien aise de la dite fuite, par ce qu'estans tant de gens à la garde de ladite ville, ils n'eussent point eu d'honneur ny de reputation de soustenir l'effort de l'ennemy. Arriué que fut le Comte de Nansau pres Mesieres, enuoya deuers les chefs & capitaines vn trompette pour les sommer de rēdre la ville à l'Empereur: auquel trompette fut respondu par le seigneur de Bayar, que deuant que pour parler de sortir hors de la ville de

Siege de  
Mesieres.

laquelle il auoit la charge, il esperoit faire vn pont des corps morts de ses ennemis, par dessus lequel il pourroit sortir: Passéurâce dudit seigneur de Bayar donnoit grand cœur aux soldats.

Il me semble n'estre mal à propos de descrire Passiette de la ville de Mesieres. La riuere de Meuze venant de Mouzō & de Sedan vient passer le long des murailles de la ville, puis faisant vn arc & circuit d'environ vne lieue de longueur, retournant tout court reuient passer à Ouarg petite villette, puis reuient passer par l'autre costé de ladite ville le long des murailles: de sorte que ce est vne isle fermée de la riuere, où n'y a qu'vne entrée par terre cōme vn peloponèse, & est l'entrée où est la porte qui se nomme de Bourgongne du costé des Ardannes: laquelle entrée est fermée de la ville, & n'y a qu'environ deux cens toises de mur pour clorre ladite ville. Puis la riuere ayant fermé la ville, sen va cōtrebas à Chasteauregnault, Dinan, Namur & Liege, puis se va descharger dedans le Rin. Le Côte de Nansau ayāt eu rapport de son trompette, assist son camp du costé deuers la porte qui tire aux Ardannes, car aux autres lieux il eust eu la riuere entredeux: ce faict, asseit son artillerie pour faire deux batteries tout en vn temps, lesquelles trois iours durant n'eurent cesse, puis par apres feit la batterie plus lentemēt, cognoissant qu'il auoit affaire à autres gēs que ceux que il auoit trouuez à Mouzon, & qu'ils n'estoient aisez à estonner: mesmes de iour à autre les assiegez faisoient des saillies sur le camp de Pennemy, d'où le plus souuēt ils rapportoient & l'honneur & le prouffit, & durerent en cest estat l'espace d'vn mois. Le Roy cependant estoit à Dijon attendant le renfort de son armée, lequel estant aduertey par les Ducs de Bourbon & de Vendosme, que le renfort qu'ils auoyent charge de luy amener estoit prest, partit pour prendre le chemin de Troye en Chāpagne, & manda ausdits seigneurs le lieu où il se deuoient assembler: car il ne faisoit doute qu'encores que Mesieres fust biē munie de



nie de bons capitaines & de bons soldats, toutesfois les  
 viures qui au premier bruit de la guerre y auoient esté  
 mis, n'estoient pour suffire long tēps au nôbre d'hommes  
 qui estoient dedans. A ceste occasion mādā hastier d'assem-  
 bler son armée, & cependant enuoya quelque nombre  
 d'hômes d'armes dedans les villes qui sont au long de la  
 riuere d'Aisne pour faire teste à l'ennemy, & faueur aux  
 assiegez, & aussi pour empescher le plat pais d'estre cou-  
 ru. En ce lieu se firent de belles entreprîes, & entre au-  
 tres vne laquelle ie vous descriray, qui est la premiere ren-  
 contre que les nostres ont eue cōtre l'ennemy, depuis le  
 commencement des guerres de l'Empereur & du Roy.  
 En vn village qui est entre Attigny & Mesieres le Com-  
 te Rifourcet Alleman partit de Mesieres avec quatre  
 vingts ou cēt cheuaux esteus en tout le camp Imperial,  
 & deux cens hommes de pied, pour venir piller ledit vil-  
 lage, estimant la puissance des Francois estre abolie: &  
 ayant pillé ledit village, ne trouuant nulle resistance, cou-  
 rut tout le Comté de Retelois (ce qui est entre la riuere  
 de Meuze & la riuere d'Aisne) & assembla tout le butin  
 du pais. Mais estant sur la retraite, François de Silly bail-  
 lif de Caen, lieutenant du Duc d'Alancō & autres, estoient  
 de fortune arriuez en la ville de Reteil, lesquels oyans  
 Palarme par les païsans qui fuyoient les ennemis, firent  
 remonter soudain leurs compagnies à cheual, & sous la  
 cōduite des païsans qui auoient esté pilléz, prindrent leur  
 chemin par les bois de Retelois, pour couper chemin  
 aux ennemis chargez de butin: ayans ietté deuant eux  
 quelques auant-coureurs pour amuser l'ennemy, cepen-  
 dant qu'ils les suivirent au petit trot. Le Comte Ritour-  
 cet, lequel n'esperoit trouuer l'ennemy en cāpagne, ayant  
 Palarme, feit soudain au son de la trompette rassembler  
 ses gens escartez cà & là: puis voyans noz coureurs en  
 petit nombre, n'estimans qu'ils fussent suivis, se mi-  
 rent à marcher lentemēt pour attirer lesdits coureurs &  
 les deffaire. Mais apres auoir descouuert la trouppe qui

Deffaite  
 du Comte  
 Rifourcet.

estoit environ de quatre vingts hommes d'armes, firent vn bataillon de ce qu'ils auoyent, tant de gens de cheval que de pied, & soustindrent vigoureusement la charge qui leur fut faicte par les Francois, desorte que la victoire fut douteuse: mais en fin la gendarmerie Francoise ( qui ne se laisse comparer à autre nation ) leur feit vne derniere charge de telle furie, qu'ils rompirent tous leurs rangs. Le Comte voyant le desastre tourner sur luy, se mit à la fuitte à trauers des bois: lequel estant apperceu de quelques vns des nostres fut suuy & pris dedans la forest où il estoit caché. Le reste s'estant sauué dedans les bois, fut suuy par les paisans qui auoient esté pillez: qui les saccagerent tous ou la plus part, de sorte qu'il ne s'en sauua que cinq ou six, auxquels les gendarmes sauuerent la vie, qui furent menez à Reims prisonniers avec ledit Comte.

Ce pendant ceux qui estoient dedans Mesieres ayās tenu vn mois, commencerent à auoir faulte de toutes choses, & mesmes d'hommes, à cause des maladies de flux de ventre qui festoient mises dedans la ville: de sorte qu'il leur estoit malaisé qu'ils fournissent aux gardes qu'il leur conuenoit faire: pour la grande batterie que les ennemis auoient faicte depuis la tour qui faict le coing deuers le costé d'Attigny iusques à la tour iolie, & depuis la tour iolie iusques à la porte de Bourgongne. Toutesfois depuis que le Duc d'Alençon vint loger a Reims, & les gens de pied du Comte de S. Pol au pont Fauergny: & la gendarmerie à Reteil, & chasteau en Portien, ils ne furent si trauallez: à Poccasion que le seigneur Fracisque qui estoit logé decà Peauë, duquel ils estoient fort tourmentez à coups d'artillerie, craignant d'auoir vne camifade, estoit repassé Peauë, & festoit logé au camp du Comte de Nansau. Quoy voyant le seigneur de Bayar, & Montmorency, assemblerent les capitaines, pour auoir aduis de ce qu'ils auoient à faire: où apres toutes choses debatees fut conclu, que puis que le passage estoit ouuert  
du costé

Au costé où estoit le camp dudit Francisque, il estoit raisonnable d'aduertir le Roy de l'estat de la place, & des choses qui estoient necessaires, & le moyen qu'il y auoit de les entrecourir. Pour cest effect, fut esleu le seigneur de Maubuisson, gentilhomme de la maison du seigneur de Montmorency, & Brignac, homme d'armes de la compagnie du Seigneur Bayar: lesquels ayans la nuict passé par la garde des ennemis, firent telle diligence, qu'ils vindrēt trouuer le Roy à Troye en Champagne: auquel ils firent entendre bien par le menu l'estat de sa place de Mesieres, & le besoing qu'ils auoient mesmement d'hommes. Le Roy ayant entēdu, les redepescha, pour leur faire entēdre que de brief il leur donneroit secours: & quand & quand pour executer sa promesse, partit à grandes iournées pour se retirer à Reims, où le vindrent trouuer la plus part de ses capitaines, pour là deliberer du faict de sa guerre: & entre autres le Duc d'Alençon, le seigneur d'Orual, le mareschal de Chabannes, Rautaille-  
 mer de Me-  
 sieres  
 Chancelier du Prat, & les deputez de l'Empereur, & du Roy d'Angleterre, pensant (comme i'ay dit cy dessus) esteindre le feu allumé entre ces deux grands Princes. Auf si fy trouua le mareschal de Chastillon, par le conseil duquel la plus grande part des choses se conduisoient, le seigneur de Telligny seneschal de Rouargue, le seigneur Galiot seigneur d'Assie seneschal d'Armignac & grand maistre de l'artillerie de France. Le lendemain fy trouua le Comte de saint Pol, capitaine general de six mille hommes de pied, qui estoient au pont Fauergy, quatre lieues pres de Reims, auquel le Roy commanda de faire trouuer le lendemain ses bandes mi-chemin dudit pont Fauergy & Reims: chose qui fut executée. Ce faict ledit Comte se retira en son logis, auquel ayant refreschy ses gens quatre ou cinq heures, partit pour aller à Attigny avec les bandes, qui est sur la riniere d'Aisne à huit lieues pres de Mesieres, où estant arriué au point

du iour, feit sejourner ses gens iusques à la nuict, qu'il feit partir le seigneur de Lorges avec les mille hommes desquels il auoit la charge, & quelque charroy de vins & autres amonitiōs. Et leur bailia pour escorte quatre cens hommes d'armes conduits par le seigneur de Telligny, que le Roy auoit ordonné mareschal de son camp, & par le baillif de Caen lieutenant de monsieur d'Alacon : & luy avec le reste, tant des gens de pied que des gens de cheual, marcha pour les soustenir iusques à deux lieues pres de Mesieres. La gendarmerie laquelle auoit conduit ledit seigneur de Lorges en seureré dedans Mesieres : avecques toutes leurs munitions, estant de retour, se retira ledit Comte avecques toute sa troupe à Reteil, ville sur la riuiered'Aisne. Cependant arriuerēt les Suisses où estoit le Roy, au deuant desquels alla le seigneur de la Trimouille & le seigneur de Sedan, & plusieurs autres : à fault retourner au siege de Mesieres,

Le premier iour d'Octobre ceux de Mesieres d'allegresse du secours qui leur estoit venu commencerent à tirer plus souuent qu'au precedant : les Imperiaux au contraire commencerēt à faire toutes choses plus negligemēt qu'ils n'auoyent accoustumé, & à perdre l'esperance de prēdre la ville : toutesfois craignant que lon pensast qu'ils fussent refroidis, ils enuoyerent vn trompette aux assiegez leur demāder s'il y auoit homme qui voulist entreprendre de donner vn coup de lance, & que de leur costé le Comte d'Aiguemont le trouueroit prest en fille de Mesieres. Le seigneur de Mōtmorency se presenta pour estre champion qui deliureroit le Comte d'Aiguemont : assurant de se trouuer au lieu & heure ditte. Le seigneur de Lorges pensant estre chose honteuse qu'un homme d'armes Francois fust prouoqué par vn Allemā, & qu'on laissast l'homme de pied Francois comme n'estant pareil à l'Alleman, demanda aussi s'il y auoit homme qui voulist combattre de la picque, & qu'il feroit le champion pour l'attendre : le seigneur de Vaudray, sur-

nommé



nommé le Beau, du camp Imperial, soudain sy presenta. Le seigneur de Môtmorency à cheual, la lance au poing, se trouua sur les rangs au lieu ordonné, & le seigneur de Lorges, la picque au poing, lesquels trouuerent leurs deux champions: le seigneur de Montmorency & le Cōte d'Aiguemont coururent, le seigneur de Montmorency attaignit au corps de cuirasse du Comte d'Aiguemont, & le faulca, & rompit sa lance sans luy faire autre dommage: le comte d'Aiguemont par la faute de son cheual ou autrement, ne toucha point ou bien peu: le seigneur de Lorges & de Vaudray dōnerent les coups de picques ordonnez, sans gaigner auantage l'un sur l'autre: ce faict chacun ce retira en son lieu. Le iour subsequnt Grand Jean le Picart, vieil soldat nourry de tout temps au seruice du Roy aux guerres d'Italie, sous la charge de Molart, mais natif de la Franche Comté, lequel estoit retiré au seruice de l'Empeceur depuis peu de temps, pour entendre quels viures estoient dedans la ville, enuoya par vn tabourin demander au seigneur de Lorges vne bouteille de vin, en signe de leur ancienne cognoissance. Le seigneur de Lorges luy en enuoya deux, l'une pleine de vin vieil, l'autre pleine de vin nouueau: & fait mener ledit tabourin en vne caue où il y auoit grand nombre de vaisseaulx, mais la plus part remplis d'eauë, pour luy faire entendre qu'ils en auoient abondance. Mais pour la verité il n'y en estoit entré q̄ trois chariots pour leur secours, qu'auoit amené ledit seigneur de Lorges.

Le Comte de Nansau se voyant hors d'esperance de pouuoir affamer la ville, & encores plus de la forcer, attendu le renfort qui estoit entré dedans, & l'armée du Roy si preste qu'elle estoit pour secourir les assiegez, & son armée laquelle desia commençoit à se ruiner, par le long temps qu'il y auoit qu'elle tenoit la campagne, delibera de faire sa retraite: & pour cest effect fait mettre la plus grande part de sa grosse artillerie sur la Meuze pour la cōduire à Namur ville de l'obeissance Imperiale.

Retraite  
du Comte  
de Nansau.

afin que plus aiséement il peut faire sa retraite. Ayant mis cest ordre, leua son camp, & afin de n'estre suyuy ny empesché, print son chemin le long des bois, tirant le chemin de Montcornet & Ardannes, de Maubert-fontaine & d'Aubenton pour aller droit à Veruin & à Guise: & par tout faisoit mettre le feu. Le Roy aduertuy dudit deslogement & du chemin que tenoit l'ennemy, delibera de luy couper chemin au tour de Guise, & là le combattre: & pour cest effect manda à toute son armée qu'ils eussent à prendre ledit chemin, & enuoya bñ nombre de gendarmerie pour costoyer l'ennemy, & le garder de s'escarter au domage du pais. L'ennemy qui auoit deliberé de prendre le chemin de Guise, estât aduertuy q̃ mōsieur de Vendosme qui estoit capé à Feruacques, abbaye où sourt la riuiera de Sōme, auoit enuoyé Nicolas seigneur de Mouy son lieutenant de cēt hōmes d'armes, & avecques luy le seigneur d'Estrée, ayāt charge de cinq cens hommes: le seigneur de Longueual, & le seigneur de Roumesnil avec pareille charge, deliberez de garder ladite place de Guise, & le mareschal de Chabannes avec deux cens hommes d'armes à Veruin, pour donner empeschement à l'ennemy, changea d'opinion: & apres auoir mis à sa la villette d'Aubenton, ils meirent au fil de l'espee toutes gens indifferemment, de tous sexes & de tous aages, avecques vne cruauté insigne: & de là sont venues depuis les grandes cruantez, qui ont esté faictes aux guerres trente ans apres. Aussi apres auoir brulé & desmoly ladite ville, prindrent le chemin d'Estrée au pōt, sur la riuiera d'Oise, laissant Veruin à la main gauche.

Le Roy estant arriué à Guise avecques les Suisses, feit assembler son armée à Feruacques: partant de là alla loger au mont saint Martin, en vne abbaye au dessous de Beaufeucoir, où croist de PEscau. Audit lieu de Feruacques le Roy pour remuneration de la vertu du sieur de Bayar, luy donna cent hommes d'armes en chef, & l'honora de son ordre de saint Michel. Cependant que ceste

retraite

Retraite des ennemis se faisoit, & auant que nostre camp fut assemblé, le Comte de saint Pol marcha avecques les bandes, & quelque gendarmerie, pour remettre Mouzon entre les mains du Roy. Estant arriué a trois lieues pres, le bastard de Nanlau, qui estoit demeuré chef dedans ledit Mouzon, ne sentant la ville assez forte contre vn siege, se retira par la porte de Bourgongne à Luoy, qui n'est qu'à vne lieue de là, mettant le feu en la ville: mais le capitaine la Grange, qui estoit vn des capitaines qui estoient dedans quand elle fut rendue aux ennemis, feit si bon guet & diligence, que sortant Penne-my par vne porte, entra par l'autre, & sauua la ville du feu, & massacra quelques boutesfeux qui estoient demeurez derriere: dequoy le Comte de saint Pol aduertit, y enuoya bonne garnison pour la garde, & se retira au camp qu'il vint trouuer à Feruaques.

Reprise de  
Mouzon,

Ce pendant que les affaires de Picardie & Champagne estoient en l'estat qu'auetz entendu, l'Amiral de Bonniuet ayant pris congé du Roy pour son voyage de Nauarre, avec quatre cens hommes d'armes, & le nombre de gens de pied que j'ay nommé cy deuant: sur la fin de Septembre arriua à saint Iean de Luz, duquel lieu depecha le seigneur de saint André, avec deux mille cinq cens lansquenets, dont auoit la charge le capitaine Brandhec, & l'Escuier Villiers: toutesfois sous l'autorité de monsieur de Guise, avecques mille Gascons Navarrois & Basques, pour aller assaillir la ville de Maye: puis ayant séjouré quatre iours audit lieu de saint Iean enuoya sommer le chasteau de Poignan, assis sur la montagne de Roncevaux: lequel estant refusant de se rendre, mondit seigneur l'Amiral y feit mener quelques bastardes, lesquelles estans montées mi-chemin de la montagne, les feit tirer au chasteau, faisant entendre à ceux de dedans que fil les faisoit monter iusques à hault, il n'en prendroit vn à mercy. Dequoy estans estonnez, se rendirent bagues sauues; dedans estoient environ oin-

Du voyage  
de Nauarre  
sous mon-  
sieur l'Ami-  
ral Bonni-  
uet.

quante Espagnols, desquels estoit capitaine vn Espagnol nommé Mondragon.

ESTANT le chasteau entre ses mains, faignit mondit seigneur l'Amiral de prendre le chemin de Pampelune: mais deux iours apres tourna bride avecques son armée, marchant à trauers les montagnes, où il fallut vn iour entier que les gens de cheual allaissent à pied. Et environ le soir arriua à vn quart de lieuë pres de Maye, où toute nuit feist asseoir son artillerie, & feist tirer quelques coups de canō: afin de dōner opinion aux ennemis qu'il se vouloit arrester là. Mais cependant les lansquenets prirent autre chemin, de sorte que luy suiuant lesdits lansquenets, au soir arriua en vn village pres saint Iean de Luz, vn quart de lieuë deca Peau nommé Estaigne, auquel lieu sejourna son camp deux iours. Le mardy deuant le iour chacun se trouua en bataille, auquel ordre on marcha au trauers les montagnes iusques à vn village nommé Biriarte: mais estimans en ce lieu passer Peau, trouuerent bon nombre d'Espagnols, lesquels pour la difficulté des lieux on ne pouuoit nombrer.

LA cause pour laquelle mondit seigneur l'Amiral faisoit faire toutes ces ruses, estoit pour tenir l'ennemy en incertitude, afin de surprendre Fontarabie. Or estoient les ennemis delà la riuere de Behaubie, & nostre camp decà, qui estoit bien cause (comme i'ay dit) qu'on les pouuoit recognoistre au vray: Ladite riuere passe au pied des montagnes qui viennent de Nauarre, & tombe en la mer deuant Fontarabie. Toute la nuit nostre armée fut en bataille, par ce qu'il estoit la pleine lune: & la mer qui resflotte estoit si haute, qu'il estoit à nous & à eux impossible de passer la riuere. Mais le lendemain environ huit heures du matin, estant la mer retirée, monsieur de Guise, apres auoir ordonné ses lansquenets, & avecques luy le reste des gens de pied, & la gendarmerie, se meirent en bataille sur le bord de Peau: puis les lansquenets ayās baillé la terre (ainsi qu'ils ont accoustume quand ils marchent



chent au combat ) ledit seigneur de Guise la picque au poing, tout le premier se meit en Peau, accompagné de sa troupe, pour aller combattre son ennemy. Lequel fut si bien suivi, que les Espagnols, qui pouuoient estre nombregal ( avecques l'auantage que pouuez estimer que ceux qui attendent en terre sèche ont sur ceux qui les viennent combattre, mouillez au trauers d'une riuere ) estonnez de la furie & hardiesse de noz gens, se meirent en fuitte au trauers des montagnes, & estoit le chef de ceste armée Espagnolle Dom Diegue de Vere, vne partie de laquelle se retira dedans Fontarabie.

Le soir monsieur l'Amiral vint avecques son armée loger à sainte Marie, gros village auquel on ne trouua personne, car hommes & femmes festoient retirez aux montagnes: auquel lieu nostre armée séjourna deux ou trois iours en grande necessité de viures par ce que les Espagnols tenoient vn chasteau nommé Behaubie, qui est sur le droit chemin par où il falloit que vinsent les viures en nostre camp. Et pourtant mondit-seigneur l'Amiral commanda qu'on trouuast facon de faire passer quelque artillerie, & qu'on fist la nuict les approches de ladite place: ce qui fut fait, & furent passez quatre canons & quelques bastardes. Mais arriuant ledit seigneur Amiral, & voyant à son opinion qu'on auoit fait les approches trop loing, luy-mesmes les feit en plain iour, à soixante toises pres de la place: de la premiere volée qu'on tira, vn canon emboucha vne canôniere basse, & rompit vne de leurs meilleures pieces, & dudit coup furent tuez le canônier & deux ou trois autres qui luy aidoyent à remuer ladite piece. De quoy il entra tel effroy parmy tous les soldats, qu'ils contraignirent leur capitaine de se rendre à la volonté de mondit-seigneur l'Amiral. desquels les vns plus apparens furent enuoyez prisonniers à Bayonne, & les autres enuoyez sans armes.

AYANT monsieur l'Amiral ceste place entre les mains, Prise de F. qui estoit celle qui plus luy empeschoit d'aller assieger tarabie.

Fontarabie, pour raison des viures : apres auoir laissé des hommes pour la garde d'icelle, & pour l'escorte des viures marcha droit à Fontarabie, place qu'on estimoit imprenable, & vne des clefs d'Espagne, & l'assiegea de toutes parts : car la place est petite, lise sur la poincte où la riuierese decharge en la mer, ayant d'un costé la mer, d'autre la riuierese, & d'autre la montagne. Estant arriué audit lieu, luy mesmes fait les approches, baillât au Duc de Guise son quartier, & à chaque capitaine d'hommes d'armes son canon à gouuerner, & luy-mesmes en prit vn : & fut faicte telle diligence qu'en peu de iours on feit breche : laquelle encore qu'elle ne fust raisonnable d'assaillir, si eist-ce que noz gens de pied, Gascons, Basques, & Nauarrois demanderent à donner l'assault, lequel leur fut octroyé. Toutesfois si leur impetuosité fut grande à assaillir, la constance de ceux de dedans ne fut moindre à les soustenir : de sorte qu'on sonna la retraite jusques à autre temps, ce neantmoins ceux de dedans ayans la cognoissance de quelques pieces que monsieur l'Amiral faisoit mettre sur vn hault, pour les battre le lendemain par les flancs, quand noz gens iroient à l'assault : cognoistans aussi la hardiesse des nostres laquelle ils auoient le iour precedant esprouuée, se rendirent bagues saues, qui fut enuiron le temps que le Roy marchoit à Valenciennes. Estant ladite ville entre ses mains, la bailla en garde à Jacques Daillon, seigneur du Lude, qui en feit son deuoir, ainsi que pourrez entendre cy apres.

De camp  
du Roy en  
Picardie.

OR reuenons au Roy que nous auôs laissé à Feruaques, & au mont saint Martin : auquel lieu il ordonna la forme que deuoit marcher son armee. Au Duc d'Alençon bailla l'auantgarde, & avecques luy le mareschal de Chastillon, ayant sous luy la principale superintendence. Le Duc de Bourbon eut quelque malcontentement, plus qu'il n'en feit demonstration : de quoy on luy auoit leuë la conluite de l'auantgarde, attendu que c'estoit sa charge, comme Connestable de France : toutesfois il le supporta

le supporta patiemment, & fut ordonné à la bataille a-  
 uerques le Roy. Au Duc de Vendosme fut ordonné l'ar-  
 rieregarde: puis le Roy estant aduertý que ceux de Ba-  
 paulme, qui est vne villé en la p'ainé d'Artois, assise sur  
 vn hault, faisoit beaucoup d'enuuy à la frontiere vers  
 Peronne, Corbie, & Doullan, y enuoyale Comte de  
 sainct Pol avecques ses bandes, & le mareschal de Char-  
 bannes, & le seigneur de Floranges, & leurs compa-  
 gnies de genl'd'armes avecques vn equipage d'artille-  
 rie pour la mettre en son obeissance: ce qu'ils feirent, &  
 la ville, & le chasteau, & ne la trouuans gardable, ruine-  
 rent les portes & merrent le feu dedans: puis sur la retrai-  
 te taserent plusieurs petits torts où noz ennemis se reti-  
 roient pour piller nostre frontiere. Et vindrent trouuer  
 le Roy au premier logis, partant du mont sainct Martin:  
 auil aduertý d'vne petite ville nommée Landrecy, es-  
 stant assise sur la riuere de Sembre, entre le vruier d'Ois-  
 sy où ladite riuere prent la naissance, & l'abbaye de Ma-  
 rolles, ayant la forest de Mormaulx à la portée d'un ca-  
 non deuers Henault: & de decà est à la sortie des bois de  
 Tierasse, despescha le Duc de Vendosme avec l'arriere-  
 garde, pour la mettre en son obeissance. Le Duc de Ven-  
 dosme estant arriué vn peu deuant soleil couché, quatre  
 ou cinq enseignes des bandes de Picardie se banderent  
 sans commandement, lesquelles sans batteries n'eichel-  
 les donnerent à la muraille, & à la porte, de telle furie  
 que deux enseignes monterent sur le hault du pont le-  
 uis: mais aussi tost furent renuersez dedans les follees, des-  
 quels l'un desdits porte enseignes y demeura mort. Ils  
 furent repoussez par sept ou huit cens lansquenets, qui  
 estoient dedans pour la garde de ladite ville: mais la nuict  
 ayât cogneu la hardiesse de laquelle auoient vie les Fran-  
 cois, & craignans qu'au matin l'on feist batterie, & que  
 puis apres ils ne peussent supporter l'assault, se retirerent  
 dedans la forest: par ce que nous ne pouuions passer de  
 là, à l'occasion de la riuere qui passoit par le milieu de la

ville. Au matin monsieur de Vendosme la trouuant vult de d'hommes, la feit raser & brusler, puis se retira au camp qu'il trouua pres du chasteau Cambrezy.

ENVIRON le vingt. deuxiesme iour d'Octobre, le Roy estant logé au dessus de Happre, qui est vn village & gros prieuré mi-chemin de Cambray, & de Valanciennes, fut aduertý que l'Empereur avecques son armée festoit retiré audit lieu de Valanciennes: parquoy delibera de faire vn pont sur l'Escau, au dessous de Bouchin: esperant combattre l'Empereur, ou luy faire ceste honte de le faire retirer. Et pour visiter lieu propre pour cest effect, avecques bonne escorte de caualerie, y alla luy mesmes & trouua la Neufuille sur l'Escau, lieu fort à propos, encores qu'il y ait maraiz decà & delà. Puis ordonna le Comte de saint Pol avecques les six mille hommes, desquels il auoit la charge, pour toute la nuit executer son commandement. & quand & quãd passer delà Peau, & se fortifier pendant que le reste de l'armée passeroit.

L'EMPEREUR estant à Valanciennes aduertý du pont qui se faisoit, depecha douze mille lansquenets & quatre mille cheuaux pour nous empescher le passage: mais estans partis vn petit tard, & arrivans sur la riuere, trouuerent desia le Comte de saint Pol en bataille dedes les marais delà Peau de leur costé vers Valanciennes, & le Roy avecques toutes ses forces, qui desia en grande diligence passoit. N'osans attaquer monsieur de saint Pol, pour estre en lieu fort & auantageux, delibererēt leur retraite: mais auant qu'ils eussent loisir de ce faire, trouuerent l'auantgarde & la bataille du Roy passées, où il pouoit auoir le nombre de quinze à seize cens homes d'armes & vingt. six mille hommes de pied, avec les cheuaux legers. Toutestois à cause d'vn brouillar qui se leua, on ne pouoit bien aisément recognoistre le nombre des gens de l'ennemy. Aucuns de l'auantgarde ne furent d'opiniõ de les charger, autres cognoissans qu'il y auoit sept ou huit cens cheuaux des ennemis qui couuroient la

retraitte



Retraite des gens de pied, furent d'aduis avec quatre cens hommes d'armes de charger lesdits gens de cheual: car les rompans ou rembarrés dedans leursdits gens de pied, on pourroit scauoir la cōtenance qu'ils feroient. Et mesmes le seigneur de la Trimouille feist offre de faire ladite charge avec sa cōpagnie de cent hommes d'armes, & les guidons de Padantgarde: aussi fist le mareschal de Chabannes, & qui Peust faict, l'Empereur de ce iour là eust perdu honneur & cheuance: mais par aucuns autres il ne fut pas trouué bon. Parquoy l'ennemy qui auoit trois lieues de retraite, & route plaine cāpagne, à peu de perte se retira, & ne perdit à ladite retraite homme de nom que le bastar d'Emery, & quelque peu de gens de cheual qui furent pris prisonniers. Leur retraite fut à Valanciennes, auquel lieu estoit l'Empereur en tel desespoir, que la nuit il se retira en Flandres avec cent cheuaux, laissant tout le reste de son armée: & ce iour là Dieu nous auoit baillé noz ennemis entre les mains, que nous ne voulumes accepter, chose qui depuis nous couste cher: car qui refuse ce que Dieu presente de bonne fortune, par apres ne reuient quand on le demande.

PENDANT ce temps, l'arrieregarde estoit passée, & estoit le Roy armet en teste deuant le bataillon de ses Suisses, lesquels sans cesser luy demandoient de donner la bataille, pour luy faire cognoistre le desir qu'ils auoyent de luy faire seruite: d'autant que depuis la iournée de Marignan, & qu'ils auoient faict alliance avec luy, ils ne festoient trouuez en armée à sa souldie, sinon quand l'Empereur Maximilian vint deuant Milan: mais encores n'estoit alors leur alliance bien confirmée. La nuit venue, sans autre chose faire (hors mis quelques coureurs qui donnerent deuers Valanciennes) le Roy se logea avecques son armée le long de la riuiere, pres du lieu où il auoit passé, puis le lendemain enuoya monsieur de Bourbon deuant Bouchain, laquelle ville se rendit à luy. Aussi enuoya monsieur de Vendosme avecques l'arrieregarde.

à Sommain près la rivière des Carpes, laquelle vient de Douzy, & va tomber dedans l'eau à l'abbaye de la Vicoigne, entre Valenciennes & saint Amand: laquelle rivière des Carpes auioit deliberé de passer à l'abbaye de Marchiennes pour aller secourir Tournay. Pendant ce temps arriuerent les ambassadeurs du Roy d'Angleterre, qui estoient le Millor Chamberlan, & le grand Trésorier de saint Jean, pour traiter la paix des deux Princes: lesquels tant traillaierent qu'il fut accordé que l'Empereur retireroit son armée de deuant Tournay, la laissant en liberté: aussi retireroit l'armée qu'il auoit au Duché de Milan & autres pais, & le Roy feroit le sien blable & s'il y auoit quelque place en differend, le iugement en seroit mis sur le Roy d'Angleterre.

Les choses estans ainsi accordées, furent caues que le Roy rompit son entreprinse de poursuire sa fortune, & que tout chacun pensoit la paix estre faicte: mais sur ces entrefaictes vindrent nouuelles que l'ennemi de Bonniuet auoit pris Fontarabie, ville de Biscaye appartenante à l'Empereur. Au moyen dequoy le dit Empereur ne voulut iurer lesdits traitez, que Fontarabie ne fust rendue: parquoy tout ce qui auoit esté traité, attendu que le Roy ne la voulut rendre, fut déclaré nul, & la guerre recommencee deuant. Or est-il que pendant que nous sejour-nasmes cinq ou six iours en ce pais d'Austreuant, entre la rivière de l'Escau & celle des Carpes, les pluies vindrent si grandes qu'il n'y auoit ordre de passer les riuieres, à ceste cause fut ordonné de faire visiter ledit passage de Marchiennes, où le Roy auoit deliberé de passer: & pour cest effect y fut enuoyé le seigneur de Monimouney, lequel ayant rapporté estre impossible pour les creues des riuieres, fut cōclu de retirer au hault pais d'Artois, & aller passer la rivière qui vient de Vy en Artois, & des esllages d'Oisy, & vient tomber dedans l'Escau près de Euchaïn, à vn passage non nécessaire, de la liuée prendre Douay & de là la veille de la Toussaints auoir au mil-le cinq

Le cinq cens vingt & vn.

L'AVANTGARDE & bataille passerent dez le soir, & vne partie de l'arrieregarde: mais vers le soleil couché les ponts qui estoient sur la chaussée se rompirent, & y tomba quelque charroy, que malaisémēt on pouuoit releuer à cause du marais: de sorte que le reste de l'arrieregarde fut contraint de loger delà l'eau deuers Douay & Valenciennes, en lieu que l'auantgarde & la bataille ne Peussent peu secourir. Au poinct du iour qui fust le iour de Toussaincts, il sortit de Douay bon nombre de gens de cheual & de pied, tant des ordonnances des bas pais de l'Empereur, que Cleuois, pour nous venir reconnoistre: mais nostre caualerie que menoit le Comte de Briene, & le seigneur de Mouy, avecques les autres capitaines, ayans deux mille homes de pied sur leurs ailles, tindrent si bone cōtenance qu'il ne fut iamais en la puissance des ennemis de reconnoistre le desordre qu'il y auoit sur ladite chaussée à passer le bagage. Car s'ils en eussent eu la cognoissance, & que leurs forces qui estoient tant à Douay qu'à Valenciennes fussent sorties, il eussent taillé en pieces tout ce qui estoit demouré delà l'eau.

Après que tout le bagage fut passé (qui estoit sur le midy) l'arrieregarde passa pour iuire la bataille, laissant au bout de la chaussée bon nombre d'arquebousiers & de picques, pour soutenir l'effort de l'ennemy, s'il eust voulu donner sur la queue: ce qu'il ne feit. Estant donc nostre armée remise ensemble en la plaine d'Artois, arriuerent nouuelles: que dedans Hedin il n'y auoit aucuns gens de guerre, & en eut l'aduertissement monsieur de Vendosme: & que le lendemain se deuoit faire vne grande assemblée au tic lieu de Hedin, pour faire les nopces de la fille du receueur general d'Artois, sous opiniō que nostre armée fust encores delà l'eau. Parquoy le Roy conclut d'y enuoyer en extreme diligence monsieur de Bourbon, avecques la troupe qu'il auoit amenée, & monsieur de Vendosme avecques son arrieregarde, & le Côte

Prise de  
Hedin.

de saint Pol avecques les six mille hommes, desquels il auoit la charge. Lesquels partans d'Andinſer, qui eſt a trois lieux d'Arras, encores que les pluyes fuſſent continuelles, feirent telle diligence, que ceux de Hedin deuant qu'ils ſceuſſent le partement de noſtre armée, la viſent deuant leurs portes. La ville ſoudain fut aſſaillie, laquelle apres auoir enduré quarante ou cinquante coups de canon, fut emportée d'aſſault, & y fut trouué vn merueilleux butin, car la ville eſtoit fort marchande: par ce que de toute ancienneté les Ducs de Bourgogne y auoient fait leur demeure principale.

M A D A M E du Reu, & le ſeigneur de Bellain, qui ſe nommoit Sucre, eſtans en ladite ville ſe retirerent dedans le chasteau, où apres auoir veu l'artillerie en batterie, capitulerent en ſorte que ladite dame, & ceux qui eſtoient de la garniſon ordinaire dudit chasteau, ſortiroient avecques leurs bagues ſauues, mais ceux de la ville qui feſtoient retirez audit chasteau, demourerent priſonniers, & fut conduite ladite dame en ſeureté où bon luy ſembloit. Pendant que monsieur de Bourbon & monsieur de Vendosme faiſoient les approches dudit chasteau, le feu fut mis à la ville par quelques ſacmens, qui fut grand dommage, car deuant qu'on euſt pourueu à ſeſteindre il fut brulé vne partie de la ville, & beaucoup de richesses. Tanroſt apres ladite priſe de Hedin, tous les petits chasteaux des environs, comme Renty, Bailleuille môt, & autres petites places ſe meirerent en l'obeiſſance du Roy, au partir que ſeint monſieur de Bourbon d'Andinſer, le Roy avecques le reſte de l'armée feſtoit retirer par Doullan à Amiens. Parquoy ſe retirerent audit lieu monsieur de Bourbon, & monsieur de Vendosme, apres auoir pourueu audit chasteau de Hedin de monsieur du Biez pour gouuerneur, qui pour lors eſtoit lieutenant du ſeigneur du Pontdormy, lequel Pontdormy eſtoit en Italie. Et luy furent baillez trente hommes d'armes, & deux cens mille payes pour la garde dudit chasteau, &

pour



Pour la ville furent laissez mille homes de pied desquels auoit la charge le seigneur de Lorges, desquels Hurin de Mailly estoit lieutenant de cinq cens, & la Barre aussi lieutenant de cinq cens.

ARRI<sup>ue</sup> que fut monsieur de Bourbon à Amiens, le Roy ordonna de separer son armée, & à la plus grande part de gentils hommes qui auoient mené la cavallerie de monsieur de Bourbon, donna charge a chacun de vingt-cinq hommes d'armes: & à quelques uns de monsieur de Vendosme, pareille charge de ceux de monsieur de Bourbon. Au Comte de Dammartin, qui auoit nom de Boulinuillier, au Vicomte de Turenne, au Vicomte de Lauedan, à Descars seigneur de la Vauguyon, au seigneur de Listenay, au seigneur de Rochebaron d'Aumergne. De ceux qu'auoit amené monsieur de Vendosme, le Roy donna au Comte de Brienne & au seigneur de Humieres pareille charge de vingt-cinq hommes d'armes, puis licencia son armée, laissant tant seulement deux mille Suisses à Abbeuille, donnant congé au demeurant & fournissant ses places ainsi qu'il fensuit. A Boulongne le seigneur de la Fayette, gouverneur ayant charge de cinquante hommes d'armes, & le seigneur de Rochebaron, avecques vingt-cinq hommes d'armes. A Terouenne le bastar de Moreul seigneur du Fresnoy, gouverneur dudit lieu avec cinquante hommes d'armes, le Comte de Dammartin, le seigneur de Listenay, & le seigneur de la Vauguyon, avecques charge de vingt-cinq hommes d'armes chacun. A Bray sur Somme fut mis le Vicomte de Lauedan ayant vingt-cinq hommes d'armes: à Montreuil le seigneur de Telligny, seneschal de Rouargue avecques la compagnie, à Dourlan la compagnie de monseigneur de Vendosme, à Corbie celle de monsieur de saint Pol, à Peronne celle de monsieur d'Humieres, à saint Quentin celle de monsieur le mareschal de Chabannes, à Guise celle de monseigneur de Guise, & de monseigneur de Brienne, & à Veruin la compagnie de mon-

seigneur de Brenne. Apres auoir mis les prouisions des-  
sus dites, le Roy se retira à Compiègne, pour pouruoir  
aureste de son armée, auquel lieu estant enuiron Noel,  
ayant nouuelles de la necessité où estoient les assiegez  
de Tournay, & ne voyant y auoir ordre de les secourir  
pour l'incommodité de l'hyuer, manda au seigneur de  
Châmpereux qui estoit dedans son lieutenant general,  
de trouuer moyen de capituler avecques la plus honora-  
ble cōposition qu'il pourroit faire: ce qu'il fit, & sortit en  
armes les bagues sauns, enseignes desployées & tabou-  
rins sonnans, & fut cōduit en seureté iusques à Dourlan.  
Les citadins qui voulurent demourer en ladite ville, fu-  
rent tenus en leurs libertez: pareillement ceux qui vou-  
lurent suivre la part Francoise, faire le peurent.

Au temps que ce faisoient par decà les choses que vous  
auez entendu l'Italie n'estoit en repos: car l'Empereur  
des l'an precedant mille cinqcens vingt, voulant par  
d'Italie. tous moyens ruiner le Roy, encores qu'il y eust paix en-  
tre eux, secrettement chercha de rompre la ligue faicte  
entre le Roy, les Venitiens, & les Suisses, & d'en faire vne  
nouuelle avecques eux cōtraire à la dessusdicte. Mais  
n'en pouuant venir à son intention, recercha le Pape  
Leon, lequel nonobstant les grandes alliances & les trait-  
tez qu'il auoit eus par cy deuant avecques le Roy (ainsi  
que i'ay dit) comme leger commença à traiter vne li-  
gue avecques l'Empereur: par laquelle lesdits Pape & Em-  
pereur promettoient ensemblement chasser les Francois  
d'Italie à frais communs: & pour sa part le Pape deuoit  
auoir Parme & Plaisance, qui seroient patrimoine de  
l'Eglise, à laquelle ligue estoit compris Francisque Sfor-  
ce, fugitif en Allemagne, & frere puîné de Maximilian,  
nagueres Duc de Milan, qui auoit remis son droit en-  
tre les mains du Roy: lequel Sforce deuoient lesdits Pa-  
pe & Empereur faire à frais communs Duc de Milan, &  
luy maintenir ledit Duché avecques les armes Orence  
seu ps vn senateur de Milan nommé Hieronyme Mo-

ron (homme auquel le Roy auoit faict beaucoup de biens. & puisnagueres festoit mal contenté, pour auoir esté refusé du Roy, d'une maistrise des requestes de son hostel) se retira deuers le Pape & deuers François Sforce, leur promettant de troubler l'estat de Milan. & faire de grandes reuoltes: ce qu'il feit, & sans point de faute il seruit d'un grand instrument à nous chacier du Duché de Milan.

Pour suivre ce que j'ay cy deuant commencé, ie vo' reciteray Poccasiō pour laquelle le Pape estoit entré en deffiance auecques le Roy, encorres qu'il n'en eust donné aucune chose à cognoistre, iusques à ce qu'il en veit le moyen. Voyant le feu allumé du costé de deçà tel que j'ay predict, commença à dresser ses praticques: le seigneur de P'scur, frere du seigneur de Lautrec, lequel pendant que modit seigneur de Lautrec estoit venu en France pour espouser la fille du seigneur d'Orual, qui estoit de la maison d'Albrer, estoit en son absense demouré lieutenant du Roy: aduertiy que quelques bannis du Duché de Milan festoient retirez a Buslet, place appartenante au seigneur Christofle Paluoisin: enuoya deuers ledit Paluoisin luy faire deffence de par le Roy de ne regirer lesdits bannis, ennemis du Roy. Cependant celuy qui estoit enuoyé de par mondit seigneur de P'scur, nommé Cardin de Cremona, alla en vne lieue maison pres de là, pour mettre ordre à ses affaires: mais incontinant fut rapporté audit Paluoisin que ledit Cardin estoit venu pour l'espier, parquoy il le feit prendre, & luy donner tāt de traits de corde qu'il confessa estre venu pour cest effect. Apres laquelle cōfession, le voulut faire condamner par son potestat à estre pendu & estranglé: ce que ledit potestat refusant de faire, ledit Paluoisin luy-melmes le condamna, & le feit executer.

Couleur de  
la deffiance  
du Pape  
Leon auec  
le Roy.

Ces t v y Paluoisin estoit riche au Plaisantin & Parmesan de vingt cinq mille ducats d'intrade, & estoit agé de lxx. ans, bien allié, tenant grande despence: en la

maison duquel vn chacun estoit biē venu. Lequel voyant  
le mandemēt à luy faict, ne voulut soustenir lesdits ban-  
nis en sa maison, & se retirerent à Rege, terre de l'Eglise:  
eneores que par traitté le Pape & le Roy ne les deussent  
respectiuemēt soustenir en leurs terres. & avec iceux ban-  
nis se retira vn grand nombre d'autres, tellement qu'on  
estimoit le nombre de ceux que le seigneur de Lautrec  
auoit bannis de l'estat de Milan, aussi grand que ceuy qui  
estoit demouré. Et disoit on que la plus grande part a-  
uoient esté bannis pour bien peu d'occasion, ou pour a-  
voir leurs biens: qui estoit cause de nous donner beau-  
coup d'ennemis, qui depuis ont esté moyen de nous chas-  
ser de l'estat de Milan, afin de rentrer en leurs biens. Au-  
parauant que ledit mareschal de Foix fust venu lieutenant  
du Roy au Duché de Milan, estant (comme dit est) le sei-  
gneur de Lautrec venu en France, le seigneur de Telli-  
gny seneschal de Rouargue demoura en son lieu audit  
Duché lieutenant du Roy, lequel auoit par sa sagesse &  
gratieuſeté gaigné les cœurs des Milanois: si que le pais  
estoit en grande patience: mais le seigneur de l'Eſcur arri-  
ué, & ledit seneschal de retour, les choses changerent, aus-  
si firent les hommes d'opinion.

Esmeurs à  
Rege

E t pour retourner à mon propos, monsieur le ma-  
reschal de Foix seigneur de l'Eſcur, aduertty que les ban-  
nis festoient retirez à Rege, desquels estoient les prin-  
cipaux Hieronyme Moron, duquel i'ay n'agueres par-  
lé, & Monſieurin Viſcomte, frere du seigneur Berna-  
bo Viſcomte. Lequel Bernabo auoit l'ordre du Roy, &  
cinquante hommes d'armes de ses ordonnances, partant  
de Milā sen vint à Parme, duquel lieu la veille de S Iean  
mille cinq cens vingt & vn, accōpagné de quatre cēs hō-  
mes d'armes, partit pour aller audit lieu de Rege, demā-  
der au Comte Guy de Rangon, alors gouuerneur dudit  
lieu pour le Pape, qu'il luy iurast entre les mains lesdits  
bannis, suiuant le traitté. Puis estāt à deux mille pres du-  
dit Rege, laissa la plus grande part de sa gendarmerie, &  
sen



sen alla à Rege, accompagné du seigneur Alexandre Treuoulce, cheualier de l'ordre du Roy, & capitaine de cinquante homes, d'armes des ordonnances dudit seigneur. Et enuoya le cheualier d'Ambres qui portoit le guidon de sa compagnie, & le seigneur d'Estay, guidé de la compagnie du Marquis de Saluces Miquel Antoine, avec les archers desdites deux compagnies, se ietter à la porte qui tire à Modene, craignant que pendant qu'il parloit enterroit avec ledit de Rangon, les bannis ne se sauassent par ladite porte.

ESTANT dōc arriué audit lieu de Rege ledit seigneur de l'Escut, demanda de parler au gouuerneur, lequel sortit hors la porte plus auant que la barriere, & ledit seigneur de l'Escut descendit à pied. Pendant leur parlement Parme se donna dedans la ville, & fut crié de dessus la muraille audit gouuerneur, que l'assault sedonnoit à la porte de Modene: laquelle chose entendue, le Cōte Guy dit à mondit seigneur le mareschal, Monseigneur, entrez dedās pour dōner ordre à voz gens, qu'ils ne facēt quelque effort: mais entrant dedans, quelqu'un de la ville estant sur la muraille, tira vn coup d'arquebouze, duquel fut frappé à trauers du corps le seigneur Alexandre Treuoulce, & cinq ou six iours apres il mourut dedās Parme. Soudain le bruit vint à la gendarmerie demeuree à deux mille pres de Rege, comme ledit mareschal de Foix estoit arresté prisonnier dedans ladite ville, parquoy y eust de diuerses opinions: les vns estoient d'opinion qu'on marchast à toutes brides droit à la ville, pour veoir s'il y auoit moyen de recourir leur chef: autres au contraire qu'on deuoit retourner à Parme pour sauuer la ville, sans que ce fust vne chose apostée, & que pendant qu'ils seroient dehors, la ville ne fust surprise.

ESTANS en ces disputes arriua le mareschal de Foix relaché par le Comte Guy, lequel alla loger à dix mille de Rege, dedans les terres de l'Eglise: auquel lieu se vint joindre avecques luy le seigneur Federic de Bozzolo, ac-

compagné de quatorze à quinze cens hommes de pied. Le mareschal de Foix cognoissant bien que les choses ainsi arriuées pourroient tourner à consequence, & que le Pape, qui desia estoit en quelques traittez avecques l'Empereur, là dessus pourroit prendre couleur d'entrer en ligue, & rôpre avec le Roy, de pescha le seigneur de la Morre au Grouin, porteur d'enseigne de la compagnie du seigneur Louis d'As, lequel il enuoya en poste deuers le Pape, pour luy remonstrer que ce qu'il auoit fait, n'estoit pour entreprendre ny sur luy ny sur l'estat de l'Eglise. Le Pape luy feit response en grande colere, que mondit-seigneur le mareschal auoit logé sur ses terres en armes comme ennemy: & qu'il feroit cognoistre au Roy le grand desseruire qu'il luy auoit fait: puis excommunia & interdit le dit mareschal de la communion de l'Eglise. Le mareschal de Foix demoura audit lieu où il estoit, enuiron dix ou douze iours, toutesfois sans faire guerre, puis retourna à Parme: auquel lieu le vint trouuer le seigneur du Pontdormy, gouverneur dudit lieu, ayant esté de pesché du Roy lors estant à Dijon, pour faire entendre son intention audit de Foix: laquelle estoit entre autres, de ne rompre avecques le Pape, ne voulant auoir deux ennemis tout à vn coup sur les bras. Parquoy laissant dedans Parme le seigneur du Pontdormy pour chef, è retira ledit mareschal à Milan, par-ce qu'il fut aduertty qu'on y disoit qu'il estoit tenu prisonnier à Regence qui auoit fort estonné les seruiteurs du Roy.

O R auoit ledit seigneur de l'Escut (voyant l'assemblée des bannis) mandé à Milan pour luy estre enuoyée vne bande d'artillerie: & parce qu'il n'y auoit cheuaux pour la mener, furent empruntez les cheuaux de chariots des dames de Milan, lesquelles les presterent liberalement. La veille de saint Pierre, le commissaire & contrerolleur de l'artillerie vindrent au chasteau deuers le capitaine Richebourg, capitaine du dit chasteau, pour auoir ladite artillerie & munitions, lequel feit quelque  
difficulté

difficulté de la liurer à ceste cause, se reuint le dñs en nait-  
 faire deuers l'Esuesque de Coulers, qui estoit dñs le  
 lieutenant du Roy à Milan. Pédant lequel temps la foudre  
 du Ciel, en uien les six heures du soir, ton ba sui la  
 grosse tour du portail, dedans laquelle y auoit deux cens  
 cinquante milliers de pouldre, ceuze cens pois à feu, six  
 cens lances à feu, & pour dix ans de sel pour la picuis-  
 de la place. Et fut ladite tour emportée iusques aux son-  
 denes, avec en uien six toiles de courtines de chacun  
 costé, seubs les iures de laquelle tour demeura le capi-  
 taine Richebourg, & plusieurs autres, tant gentils-homes La foudre  
 que soldais le premier ans là au long, et en ez à trois cens emporta la  
 homes: autres qui se pie memoient l'ours chastes en la grosse tour  
 place, eurent pareille fin. Il y eut des pierres pour ce par du chasteau  
 la force de ladite pouldre, iusques à vn quars de mille de de Milan.  
 là, que n'al aise en entraveques cent huits en eul secu-  
 renuer, & fut la place en telle desolat en, qu'elle de-  
 meura sans garder en maniere que les senateurs Frs cis-  
 & leur famille furent contrains de se mettre dedans pour  
 la garde d'icelle, attendans cent hommes d'armes qui  
 vindrent de Noare. Le Pape Leon ayant eu ceste nouuel-  
 le, print cela à ben auoir un peu luy, & mal pour les Fran-  
 cois, disant que Pire de Dieu estoit en bée sur eux, & re-  
 solut de se declarer contre le Roy, esperant que cela luy  
 seroit propice.

Il y auoit le long du lac de Come, vn seigneur Mi- Esmeute à  
 lanois renmé Martin Palucin, homme de grande Come.  
 autorité, lequel estant accompagné de l'ce renbie  
 de gens de guerre, & mesmes de lansquenets, marcha  
 droit à Come, dont estoit le capitaine de par le Roy, le  
 capitaine Garcon Basque, l'ême bien experientie aux  
 armes. C'estoit il la veille de S. Jean, & le iour mesmes  
 que le mareschal de Lox fut à Rege, auquel iour (ainsi  
 qu'estoit la coutume) se faisoit la feste hors la ville, pen-  
 dant laquelle le capitaine Garcon oyant Palume se ioura  
 soudain dedans la ville: & ainsi qu'homme de guerre qu'il

estoit, departit les gardes à la muraille selon le nombre d'hommes qu'il auoit, & selon la necessité, meslant les citadins parmy ses soldats, à ce que s'ils auoient quelque intelligence, ils ne la peussent executer. Le Paluoisin estant arriué deuant la porte, ayant cognoissance de la prouision que noz gens y auoient mise, n'osa entreprendre plus auant: encores que Benedict de Lorme, citadin dudit lieu, conducteur de ladite pratique passéurast que Antoine Risque, autre citadin dudit lieu estant dedans la ville, luy eust promis que la nuict il feroit vn passage à la muraille, derriere sa maison, de sorte qu'un homme armésans ayde y pourroit entrer, & que les Francois estans en petit nombre n'auoient pouuoir de resister: mais iceluy Benedict fut abusé, car le capitaine Garrou auoit obserué l'ordre que ie vous ay dit, de meller les citadins avecques les soldats: tellement que ledit Risque n'autre quelconques n'oserent entreprendre de se declarer.

Le Paluoisin se voyant estre deceu de sa folle entreprise, ayant assis ses gardes au tour de la ville, aux lieux qu'il veit les plus commodés, s'en alla dormir: mais son somme ne fut long, par ce que le capitaine Garrou le voyant faire mauuais guet, feit vne saillie si brusque, que il surprist quatre cens lansquenets, & quatre cens Italiens endormis, lesquels il mist en tel effroy, qu'ils s'en allerēt à vau de rouverte, & luy, qui n'auoit que deux cēs hommes, en tua plus de quatre cens: & entra le Paluoisin en tel effroy luy-mesmes, qu'il fut en deux opinions, ou de sembarquer sur le lac pour s'enfuir, ou de prendre le chemin par terre. Finalement à la persuation des capitaines desdicts lansquenets, laissa le lac, & print la terre: mais ainsi que souuent aduient à gēseffraiez, aucuns sembarquerent, autres prindrent la montagne pour se sauuer.

Le capitaine Garrou voyant l'effroy de ses ennemis, & scachant vn destroit par lequel ils estoient contrainct de passer, sembarqua sur le lac avec ce qu'il peūt mener d'hommes



d'hommes, & feit telle diligence, qu'il arriua le premier au passage du deſtroit. Le Paluoisin arriuant audit lieu, n'estant en doubte de rien, tomba en nostre ambuscade où il fut deſſaiſt ſans combattre, pensant auoir le diable tousiours à ſes talons: & fut pris prisonnier, ensemble les autres capitaines Italiens, & le reste mis au fil de l'eſpée, hors mis aucuns qui se sauuerēt en la montagne. Quant aux laniquenets, Garrouleur donna ſeureté pour retourner en leur païs, & soudain enuoya ledit Paluoisin à Milan auecques bonne eſcorte: lequel apres auoir confessé toutes les pratiques & reuoltes qui estoient dressées au Duché de Milan contre le Roy, & meſmes que Hieronymé Moron auoit esté cause de luy faire entreprendre ce qu'il auoit faict: apres son proces acheué fut faict mourir à Milan de mort cruelle, & non vſitée: aussi eut la teste tranchée Barthelemy Ferrier citadin de Milan, & le capitaine le Sor. Tous les autres accusez par ledit Paluoisin, se sauuerent dedans les montagnes, qui ſurēt ceux qui depuis nous feirent la guerre.

Le mareschal de Foix au retour de Rege à Milan, voyant toutes choses tendre à reuolte, deſpecha en Suisse pour faire leuée de huit mille hommes: puis ayant faict quelques enseignes de gens de pied, les enuoya à Parme, auquel lieu estoit deſia arriué le seigneur Federic de Bozzolo, qui y trouua le seigneur de Pontdormy, gouverneur dudit lieu, avec cinquante hommes d'armes estans ſous ſa charge: lequel auoit faict grande diligence de remparer, cognoiſſant bien que c'estoit le lieu où premierement l'ennemy ſattaqueroit, & qu'il ſeroit le premier ſalié.

PENDANT que ces choses ſe demenoient en Italie, les nouvelles vindrent au Roy du parlement qu'auoit faict mondit-seigneur le mareschal de Foix avec le gouverneur de Rege, & de la ſurprise que le Pape auoit opinion que ledit de Foix y auoit pensé faire: de quoy ledit seigneur fut malcontent, craignant que cela ame-



nast plustost le Pape à la guerre, ne le voulant auoir pour  
 ennemy, & luy suffisoit assez d'auoir l'Empereur pour  
 tel. Parquoy le Roy despescha (côme i ay dit) le seigneur  
 de Lautrec, frere dudir mareschal de Foix, pour le reti-  
 rer à Milan: auquel lieu arriué, feist cruellement mourir  
 le seigneur Carlostie Paluoisin, duquel i'ay cy deuant  
 faict recit, homme de grande autorite, ayant xv. mille  
 ducats de rente au Plaisantin & Parmesan. pour l'occasio  
 seule que i'ay preditte, sans y auoir (à ce qu'on disoit)  
 autre chose auerée contre luy, & donna la confiscation  
 audit mareschal de Foix son frere: ce qui fut mal digéré,  
 & qui malcontenta plusieurs personnes, qui pour ceste  
 occasion se reuolterent: par ce qu'il estoit allié de tous  
 les plus grâds du pais, & mesmes au Pape Leon. Plusieurs  
 desuges ne furent d'aduis de le faire mourir, veu que  
 c'estoit la premiere faulte: mais bien l'enuoyer en Fran-  
 ce, qui eust esté vn hostage pour diuettir plusieurs de se  
 reuolter, & leur donner enuie de faire seruice au Roy, es-  
 perans par ce moyen d'obtenir la grace: & peu  
 de senateurs voulurent signer la  
 sentence de mort.

FIN DV PREMIER LIVRE.

DEVXIESME LI-  
VRE DES MEMOIRES DE MES-  
SIRE MARTIN DV BELLAY, CHEVA-  
lier de l'ordre du Roy, des choses aduenues en Fran-  
ce de son temps, iusques au trespas de tres-  
louable memoire Francois pre-  
mier de ce nom.



EN CE TEMPS la ligue d'en-  
tre le Pape Leon & l'Empe-  
reur estoit du tout iurée &  
confirmée, en laquelle entre-  
rent le seigneur Federic de  
Gonzague marquis de Man-  
toue, & les Florentins: & par  
commun consentement a-  
uoient esleu pour chef de la  
dite ligue le seigneur Prospé

Année

1524

re Colonne Baron Rommain, lequel auoit esté surpris  
comme auez entendu par le precedant liure, en l'an mille  
cinq cens quinze, dedans Villefranche. Ledit de Gonza-  
gue marquis de Mantoue auoit esté nourry en sa ieunes-  
se en la cour du Roy Louis douziesme de ce nom, & le  
Roy Francois venant à la Couronne luy donna cent ho-  
mies d'armes, desquels il feit lieutenant l'Escuier Boucar,  
nommé de Reffuge: ledit Boucar voulut commander à  
ladite compagnie, disant que le Marquis n'auoit que le  
titre & honneur, mais qu'à luy appartenoit d'y comman-  
der, & mesmes pourueur à l'enſeigne & au guidon. Le  
Marquis trouua cela de mauuaise digestion, toutesfois le  
dusimula, puis quand il veit le temps que le Pape & le  
Roy estoient en amitié, demanda congé au Roy d'acce-  
pter du Pape l'honneur qu'il luy offroit, de le faire con-  
ſeiller de l'Eglise, chose que le Roy luy accorda. Puis

Armée de  
l'Empereur.

voyant l'occasion qui se presenta, d'autant que le Pape se declara ennemy du Roy, renuoya au Roy son ordie, & fut fait general de l'Eglise. L'Empereur ordonna le seigneur Ferrand d'Aualon, marquis de Pesquaire, pour se venir ioindre aux dessusdits, avec les quatre cens hommes d'armes du royaume de Naples. Et en ce mesme temps, arriva le seigneur Hieronyme Adorne, lequel amena trois mille Espagnols nouvellement descendus: sous lesquels, avecques leurs forces s'assemblerent à Bonlongne la grasse, où ils conclurent de marcher à Parme, laissant le marquis de Pesquaire avecques trois cens hommes d'armes, & quelque nombre de gens de pied sur les confins du Mantouā, pour favoriser quatre mille lansquenets & deux mille Grisons qui venoient à leur service, craignans que les Venitiens ne leur empeschassent le passage par leurs destroits.

Armée du  
Roy.

Le seigneur de Lautrec adverty que l'armée de l'Empereur prenoit le chemin de Parme, y envoya le mareschal de Foix son frere, avecques sa compagnie de cent hommes d'armes, & si peu d'hommes qu'il peut trouver promptement: auquel lieu il trouua le seigneur Federic de Bozzolo, avec deux mille hommes de pied Italiens, & le seigneur du Pont-dormy, avec sa compagnie de cinquante lances, & les cent hommes d'armes Ecossois, estans sous la charge du seigneur d'Aubigny, conduite par le capitaine Lucas, son lieutenant: & la compagnie de Philippe Chabot, seigneur de Brion, de quarante hommes d'armes, conduite par le capitaine Paris, gentilhomme de Dauphiné, son lieutenant, homme de bonne reputation: celle du capitaine Louis d'As, de soixante hommes d'armes: celle du Côte de saint Pol de trente hommes d'armes, & le seigneur Jean Hieronyme de Chastillon, & le Comte Ludovic de Bellejoyeuse, ayans charge de gens de pied Italiens.

Les ennemis parans de Rege, où ils auoyent fait séjour de six semaines, marcherent tous ensemble iusques



ques à vn torrent, à six mille de Parme, leq̃l separe le Duché de Milan d'auecques le territoire de Rege, qui est terre d'Eglise, sans courir les vns sur les autres. Les ennemis sejournerent sur ledit torrent, enuiron quinze iours, au bout desdits quinze iours, ils passerent le torrent & entreurent à main armée dedans les terres du Duché de Milan, qui fit la declaratiō de la guerre: puis vint loger l'armée de la ligue à mille & demy pres de Parme, en vn village appelé saint Martin, entre lequel S. Martin & Parme y a vne plaine nommée la Ghiara, en laquelle les inondations sont grandes en temps pluueux, mais en temps sec n'y a que beau sablon, & est ledit Ghiara du costé de la citadelle, auquel se faisoient ordinairement des plus belles escarmouches qu'il est possible, tant à pied qu'à cheual: de ceste heure là furent inuentées les arquebouses que on tiroit sur vne fourchette. Ayant esté le camp de l'ennemy quelque temps audit Ghiara, le mercredi, iour de la decolation S. Iean, firent leurs approches à la porte sainte Croix, du costé de Milan, qui n'estoit pour l'heure que le faubourg. Le iedy, iour ensuiuant, ils battirent ladite porte & autres deffences: le vendredy matin, mirēt en batterie vn grand nombre, tant de canons que doubles canons, dequoy ils firent telle diligence, qu'à midy il y eut breche de cinquante pas: à laquelle ils donnerent trois assaux desquels ils furent repoussez, tant par la gen darmie que par les gens de pied.

Siege de  
Parme.

Il fault entendre que du costé de la breche, il n'y auoit point de fossé, & ne valoit rien la muraille: de sorte que la nuit ceux de dedans estans à leurs deffences, & ceux de dehors à la leur, les picques de ceux de dehors estoient veues par ceux de dedās, & celles de dedās aussi par leurs ennemis, au droict de ladite breche. Parquoy aduint qu'il entra tel effroy parmy noz gēs de pied Italiens, que la plus part passa par la breche, & s'en alla rendre au camp des ennemis: tellement que de cinq ou six mille Italiens, n'en demoura pas deux mille, mais les capitai-

nes y feirent bien leur deuoir. Monseigneur le marechal, apres auoir gardé enuiron l'espace de quinze iours la basse ville, ayant eu l'aduis des capitaines, fut conclud que la nuit elle seroit abandonnée, pour ne pouuoir plus endurer la fatigue du iour & de la nuit. A ces causes, la nuit du samedi, apres auoir retiré dedans la ville toute l'artillerie, & autres choses qui leur pouuoient seruir, vne heure auant le iour, se retirerent dedans la ville, laissant à la breche vn capitaine d'arquebousiers, qui estoit au seigneur Federic, iusques à ce qu'un chacun fust retiré: lequel capitaine voyant qu'il estoit temps de faire sa retraite, vint d'une grande ruse pour n'estre luy: car à tous ses arquebousiers fait couper vn bout de leur corde allumée: & leur fait coucher ladite corde sur le rempar, aux lieux où ils auoient accoustumé de faire leur garde, & par interualles: de sorte que nos ennemis pensans encores nos gens estre à leurs gardes accoustumées, n'en eurent cognoissance qu'il ne fust vne heure de iour: par ce moyen, ceux qui estoient dedans, eurent tout loisir de pourueoir à leurs affaires.

Les ennemis apres auoir la cognoissance de la retraite de nos gens dedans la ville, passerent leur artillerie par la breche, mesmes où ils auoient esté repoussez, & feirent leurs approches de la ville en plain midy: car les maisons du faubourg leur seruoient de gabions, & assiérent leur artillerie du costé du pont, où ils ne feirent grande breche pour ce iour: mais le capitaine Lucas y fut tué d'un coup de canon. Finalement les ennemis voyans obstination de ceux de la ville, & estans aduertis que monseigneur de Lautrec approchoit avecques son armée, en laquelle estoient vingt mille payes de Suisses, le lundy matin apres auoir tiré encores quelques coups de canon, retirerent leur artillerie, & s'en allerent à deux mille loing de Parme, tirant le chemin du Pau. Le seigneur de Lautrec, lequel (comme dit est) marchoit avecques les Suisses, & sept ou huit cens hommes d'armes, & quelque band  
de de

de de gés de pied Francois qu'il auoit leué par cy par là, & l'armée des Venitiens, qui estoient cinq cens hommes de armes à leur mode, & sept ou huit mille hommes de pied, se mist à suiure Pennemy. Mais il s'arresta à battre vn chasteau nommé Roquebianque, où il fut deux ou trois iours auant que le prendre: qui donna loisir aux ennemis de reprendre leurs esprits, tât qu'ils passerent le Pau: ce qu'ils n'eussent pas fait, si ledit seigneur de Lautrec les eust suiuis chaudement.

A v resté, le seigneur de Lautrec manda le mareschal de Foix pour se venir ioindre avecques luy à tout ce que l'auoit d'hommes: lequel ayant abandonné Parme sans garde, peu de iours apres les habitans se meirent entre les mains du Pape. Le mareschal de Foix vint passer le Pau, vis à vis de Cremona, où il trouua nostre armée: & tât les deux freres vnis ensemble, vindrent loger à Bourdelene, à deux mille pres du cāp des ennemis, qui estoient logez à Rebec, pres vn chasteau appelé Pont-Iuy, appartenant aux Venitiens, à vij. mille de Cremona: & est ledit Rebec sur vn ruisseau qui separe le Duché de Milan du pais des Venitiens. Ledit chasteau de Pont-Iuy est de là le ruisseau, sur vn hault, duquel on voyoit tout le camp de nostre ennemy: & qui le fust allé combattre audit lieu de Pont-Iuy, où il sejourna deux iours, & nostre camp autant audit Bourdelene, il estoit impossible à nostre ennemy de se iecter en bataille, qu'à coups d'artillerie on ne peust mis en desordre du chasteau. On pensoit le troiesme iour les aller combattre, mais la tardiueté de nos chefs fut cause de les nous faire perdre: car le iour que mondit-seigneur de Lautrec les esperoit aller combattre, ils deslogerent, parquoy ledit sieur de Lautrec alla loger ce dit iour à Rebec, duquel lieu Pennemy estoit deslogé. Le lendemain il suiuit ledit ennemy, & alla loger à vn mille pres de son camp, qui estoit logé en vn fort nommé Ostienne, au Marquisat de Mantoue. Le iour ensuiuant, le seigneur de Lautrec esperant attirer les en-

nemis hors de leurs fortifications, leur presenta la bataille: la quelle ne voulús accepter, pour n'estre le ieu party, ne bougerent de leur fort, pour quelque escarmouche qu'on leur eust sceu dresser: quoy voyant ledit seigneur de Lautrec, retourna loger à Rebec, ie nescay quelle occasion le meut, sinon qu'on disoit qu'il luy deuoit suffire d'auoir iecté l'ennemy hors du Duché de Milan.

AVD I E T Rebec sejourna nostre camp sept ou huit iours, cependant la Toussaincts approchoit, les nuées deuenoiét lógues, pluueuses, & froides: de sorte que noz Suisses s'ennuyèrent, & s'en allerent sans congé, s'excusans sur la faulte de la paye: & de vingt mille payes que nous auions, n'en demeura qu'enuiron quatre mille, vray est qu'ils estoient pratiquez par le Cardinal de Medicis cousin du Pape. De Rebec fut enuoyé le seigneur du Pontdormy avecques sa compagnie, & celle du Duc de Genes, dont estoit lieutenant le Comte Hugues de Pepolo: & environ mille ou douze cens hommes de pied, & deux fauconneaux pour garder le passage à quelque nombre de Suisses qu'amenoient les Cardinaux de Medicis, qui depuis a esté Pape Clement, & le Cardinal de Sion. Le pas qu'ils alloient garder, est vne riuiera au pais des Venitiens, tirát vers le Lac d'Isle: lequel passage fut gardé par deux ou trois iours, & puis forcé par le quartier que gardoient les gens dudit Comte Hugues de Pepolo. Cela forcé, se retira ledit seigneur du Pontdormy en vne petite ville appartenante aux Venitiens, où il sejourna deux iours, puis se vint rendre au cāp de mōsieur de Lautrec, lequel il trouua encores audit lieu de Rebec. Les Suisses qui nous auoient abandonnez, s'en allerent ioindre avec le seigneur Prospere Colonne, lequel estoit (cōme j'ay dit) chef de la ligue. Le seigneur de Lautrec voyant son armée diminuée, & celle de noz ennemis renforcée de nos gens mesmes, delibera de faire fortifier les passages de la riuiera d'Adde, & enuoya à Milan pour faire releuer les bastions & répars autrefois faits par le Duc de Mon-



de Bourbon, comme deuant a esté dit. Estans les Imperiaux arriuez sur ladite riuiered'Adde, chercherét moyē de trouuer passage: mais en fin Francisque Moron Milanois, nepueu de Hieronyme Moron, & quelques autres capitaines cognoissāns les païs allerent trouuer la riuiered'Adde, qui est vne petite riuieredescendant de Bergamatique, & tōbe à Vaure dedans la riuiered'Adde: auquel lieu de Vaure ils trouuerent quelques batteaux cachez dedans les rozeaux, avecques lesquels ils passerēt deca leau le nōbre de trois ou quatre cens hommes: lesquels trouuans le Comte Hugues de Pepolo Boulenois, qui auoit la garde de par ledit seigneur de Lautrec de ce passage, le forcerent & mirent à vau de rouverte: & y furēt tuez le capitaine Chardon ayant charge de cinq cens hommes, & Gratian de Luce ayant pareille charge.

Le seigneur de Lautrec aduertý de ladite rouverte, craignant qu'ils ne gaignassent Milan, se retira audit lieu de Milan en toute diligence, laissant bonne garnison dedās Cremonne. Estant arriué, departit les gardes, en esperance d'y attendre le secours qui deuoit venir de France, & desia estoit le mois de Nouembre mille cinq cens vingt & vn. Le seigneur Prospere ayant passé l'Adde, & aduertý que le seigneur de Lautrec festoit retiré dedans Milan, & qu'il faisoit releuer les bastions en grande diligence, delibera de le suiure, & vint loger en vne abbaye à quatre mille pres de Milā pōmee Cherual, sur le chemin de Laudes audit Milan: auquel lieu estant logé, estoit incertain de ce qu'il auoit à faire, sentant vn si grand nombre d'hōmes dedans la ville. Sur ladite incertitude, luy fut amené vn vilain qui sortoit hors de Milā, pris au guet du marquis de Mantoue, lequel estant deuant ledit Prospere & les autres capitaines, declara auoir esté enuoyé de la part de quelques partisans Imperiaux qui estoient dedās la ville, deuers Hieronyme Moron, pour leur faire entendre que s'ils vouloit marcher droit, ils estoient assurez qu'ils entreroient dedans Milan: mais où ils vouloit

Retraire  
de monseigneur de  
Lautrec à  
Milan.

temporiser, & que les Francois eussent loisir de se reconnoistre, il n'estoit en leur puissance de les scauoir chasser. Lesquelles choses entendues par les chefs, le vendredy vingt-troisiesme de Nouëbre fut conclu que le marquis de Pesquaire avecques les bandes Espagnolles, desquelles alors il auoit la charge, marcheroit droit à la porte Romaine, pour y arriuer à soleil couché. Or auoit l'armée Venitiëne, dont estoit capitaine general le seigneur Theodore Treuoulce, la garde de ladite porte & du faubourg, auquel lieu estant arriué ledit marquis de Pesquaire, prenant douze cens hommes pour faire la pointe, donna de reste droit à vn bastion commencé par lesdits Venitiens qui n'estoit encores en deffence, dont ils entrèrent en tel effroy qu'ils s'en allerent sans combattre à vau de rouble, abandonnans leurs gardes & fortifications. Le seigneur Theodore Treuoulce, chef de l'armée de la seigneurie, qui estoit au liect malade, se leua & marcha droit aux ennemis, avecques si peu d'hommes qu'il peut recouurer, pour s'oustenir l'effort, pensant estre suivi, mais la nuit n'eut point de honte, parquoy estant trop foible fut renuersé & pris prisonnier, dont il fut depuis racheté par dix mille escus, pareillemēt y furent pris le seigneur Iules de S. Seuerin & le marquis de Vigee.

Le seigneur de Lautrec voyant l'armée Venitiëne auoir abandonné le faubourg sans combattre, se retira avecques le reste de son armée en la place deuant le chasteau: puis voyāt n'y auoir ordre de garder la ville estant perdu ledit faubourg, delibera se retirer, prenant le chemin de Come pour approcher pres des Suisses, attendant le secours qui deuoit venir de Frâce: mais auant que partir, laissa dedans le chasteau pour capitaine le seigneur de Mascaron Gascon: l'Euesque de Couferans qui n'eut moyen de suivre les autres, y demeura & cinquante hommes d'armes, & six cens hommes de pied Francois. Le Cardinal de Medicis suivant le marquis de Pesquaire avecques l'armée du Pape, entra dedans Milan enuiron le

Sac & prise de Milā.

point

point du jour, où il se feit vn butin inestimable : car dix iours entiers n'y eut ordre pour commandement qui se fist de faire cesser le sac.

ESTANS les Imperiaux & Papistes seigneurs de la ville de Milan, aduiserent le moyen de pouuoir acheuer leur guerre : apres toutes choses debatues, conclurent qu'il falloit diuertir les Suisses de Palliance de France, & pour cest effect, despescherent deuers eux l'Euesque de Veronne, de la part du Pape, & autres ambassadeurs de la part des Milanois. Lesquels arriuas aux cōfins des pais des ligues, les Milanois ne voulurēt passer outre sans sauconduit, mais l'Euesque de Veronne, sans aucune seureté, y alla, dont mal luy print : car les Suisses le mirent en prison fermée, pour estre venu dedans leur pais, allié des Francois, sans auoir sauconduit. Cependant le seigneur de Lautrec print le chemin de Come : & pouuoit auoir en sa compagnie cinq cens hommes d'armes, & quatre mille Suisses, & peu d'autres gens de pied : & les Venitiens quatre cens hommes d'armes à leur coustume, & six mille hommes de pied, & sans grand bagage. Enuiron le point du iour arriua à Come, où tout le camp logea, le lendemain les quatre mille Suisses qui nous estoient demourez se retirerent en leur pais. Mondit-seigneur de Lautrec, avecques toute la gendarmerie, print le chemin de Lec où il passa la riuere, pour aller mettre ladite gendarmerie en garnison au pais des Venitiens : laissant le seigneur de Vādenesse, frere du mareschal de Chabannes capitaine de cinquante hommes d'armes, chef dedans Come : & avecques luy le capitaine Bouuer, qui auoit cinq cens hommes de pied Francois.

Les ennemis suiuaus nostre armée assiegerent Come, où apres auoir faiēt batterie de dix ou douze iours : & le seigneur de Vādenesse voyant la place n'estre tenable, feit compositiō avec le marquis de Pesquaire, lieutenant audit siege pour l'Empereur : par laquelle les soldats sen deuoient aller bagues sauues, cheuaux, & harnois, la

Prise & sac  
de Come.

lancee sur la cuisse, & estre conduits à seureté iusques au pais des Venitiens. La cōposition faicte & signée leur fut dit de la part du lit Marquis, que les soldats se retirassent en leur logis, pour trouuer leurs bagages, & qu'il meistroit des capitaines Espagnols à la breche, à ce qu'ils ne fussent en riens offencez. Vne heure apres estans lesdits soldats en leur logis, entrerent les ennemis dedans, & sacagerent tant les gens de guerre que les citadins, lesquels estoient compris en ladite capitulation. Apres le sac executé, y entra ledit marquis de Pesquaire, faignant estre marry de ce qui estoit aduenu, & fait rendre aux soldats quelque partie de leurs biens: mais la pluspart s'en allerēt à pied, & sans bagage. Partant de là le seigneur de Vandenesse, & estant arriué au lieu où estoit mon seigneur de Lautrec, par sa permission enuoya vn cartel audit marquis de Pesquaire, par lequel luy faisoit entendre que faulcemēt il luy auoit failly de foy: & qu'au cas qu'il voulust dire le contraire, il le luy maintiendroient les armes au poing. Le Marquis feit response, que si ledit seigneur de Vandenesse vouloit maintenir que par son sceu ou cōmandemēt ledit sac fust aduenu, il auoit menty. Ils entrerent en plusieurs cartels les vns contre les autres, & estoit parrain dudit seigneur de Vandenesse le seigneur du Pôc dormy: mais auant que la querelle fust vuidée, monseigneur de Vandenesse fut tué à la retraicte de monseigneur l'Amiral de Bonniuet, pres de Romagnen.

Par v de iours apres, les Venitiens s'ennuoyerent de si long tēps soustenir nostre armée en leurs terres, viuans à discretion: parquoy fut deliberé que toute la gendarmerie deslogeroit, pour se trouuer en vn iour dit, en deux bourgs enuiron dix mille de Cremonne, ce qui fut fait. Or est-il que ceux de Cremonne, ayans opinion que nostre armée eust esté toute deffaite à Milan, festoient reualtez, & auoient mis les armes Imperiales sur leurs portes: le seigneur de Lautrec de ce aduertty, delibera de faire diligence de la reprendre, par le moyeu du chasteau lequel

Prise & reprise de Cremonne.



lequel tenoit encores pour nous. Et estoit dedans pour capitaine Ichannot d'Herbouille, seigneur de Bunon: dedans la ville n'auoit que gens rassemblez & peu de gës de guerre, toutesfois ils auoient fait quelques rempars & tranchées deuers la ville, pour brider le chasteau : où il fut mis environ cent cinquante hommes d'armes à pied, avecques trois cens archers, lesquels entrerent par le chasteau, qui furent par ceux de la ville vigoureusement repoussez. Depuis se preparans pour donner nouuel assault, les ennemis festonnerent & demanderent cōposition de leur en aller bagues sauues : ce qui leur fut accordé, à condition qu'ils partiroyēt deux heures apres, cōme ils firent. Et entra ledit seigneur de Lautrec en la ville, accōpagné enuiron de cinq cens hōmes d'armes, armer en teste, avecques laquelle cōpagnie il se logea dedans ladite ville. La diligence que fist monseigneur de Lautrec fut pouffitable, car sil eust attendu vingt-quatre heures, les ennemis y feussent venus les plus forts.

APRES auoir sejourné trois ou quatre iours audit lieu de Cremone, le seigneur de Lautrec de pescha mon seigneur le mareschal de Foix son frere, pour venir en France deuers le Roy, luy faire entendre les affaires de par delà, lequel Mareschal trouua le Roy à Cōpiegne : ce fait, ledit seigneur de Lautrec enuoya gens à Pisquetō, qui tenoit encores pour nous. Vous pouuez entēdre que dez que nous eumes perdu Milan, ceux lesquels par deuant nous faisoient bon visage, tournerent tous leurs robbes: parquoy ledit seigneur de Lautrec aduisa à departir sa gendarmerie, pour la soulager, attendant le secours de France. Dedans Cremone laissa le marquis de Saluces Miquel Antoine, chef avecques sa compagnie de cinquante hommes d'armes, & la compagnie du mareschal de Foix de cent hōmes d'armes, & quelques gens de pied Italiens, de ceux du seigneur Federic de Bozzolo: enuoya pareillement quelques compagnies de gens d'armes dedans les terres dudit seigneur Federic. Puis de pescha

ledit Federic de Bozzolo, pour essayer à reprendre Parme, qui festoit reuoltée ainsi qu'auiez ouy : mais ce luy futchose impossible à faire, par-ce que les Papistes y auoient desia pourueu.

**Prise d'Alexandrie & Milan.** S V A ces entrefaictes, le seigneur Prospero Colonne, qui festoit retiré dedans Milan auecques toutes ses forces, aduertty qu'Alexandrie estoit demourée en garde aux citadins, y alla, luy ayant la faueur de Gibelins: arriué audit lieu, les habitans sortans à l'escarmouche par la menée desdits Gibelins, furent repoussez, de sorte que les Espagnols y entrerent pesse messe. Semblablement ceux de Paue ayans pour garnison en leur ville la compagnie de monsieur de S. Pol, leur firent entendre qu'ils eussent à se retirer, autrement qu'ils n'auroyent moyen de les sauuer qu'ils ne fussent laccagez : ce que firent ceux de ladite compagnie, n'estant la force pour eux, & se retirerent en Ast.

**Mort du Pape Leon.** E N ce temps, le Pape Leon ayant nouuelles de la perte que les Francois auoient faicte de ladite ville de Milan, en print telle ioye, qu'un catarre & vne fièvre continue en trois iours le firent mourir: il fut bié aise de mourir de ioye. Incontinant le Roy de pescha le Cardinal de Bourbō, & le Cardinal de Lorraine, pour aller à Rōme en poste, & l'electiō d'un autre Pape: mais par les chemins ftrēt aduertis q l'electiō estoit faicte du Pape, qui se nōma Adrian, natif de Louuain, qui auoit esté maistre d'escolle de l'Empereur, lequel alors de sa promotion au Papat, estoit absent de Rōme, & estoit en Espagne, parquoy lesdits Cardinaux reuindrent de mi-chemin: aussi le Cardinal de Medicis, qui estoit Legat en l'armée de l'Eglise, ayant eu les nouuelles de la mort du Pape son cousin apres auoir licentié son armée, se retira à Romme.

**Election du Pape Adriā.**

LE seigneur de Lautrec ayant pourueu à Cremone auecques deux cens hommes d'armes, se retira au pais des Venitiens, auquel lieu il fut bien receu, pour la bonne fortune qu'il auoit eu d'auoir recouuert Cremone:

mais

mais au bout de dix iours, ayans nouuelles de ce qui estoit aduenu tant en Alexandrie que Pavie, se renuyèrent comme amis de fortune, de soutenir mondit-seigneur de Lautrec en leurs terres. & luy firent dire qu'il eust à se retirer, & que leur pais ne le pouuoit plus soutenir: ce qu'il fut contrainct de faire, & se retira à Cremona. Apres la mort du Pape Leō, Francisque Marie, lequel pour lors estoit bien pietre, pour auoir esté par les François (cōme j'ay predit au precedant liure) spolié du Duché d'Vrbain, à la faueur dudit Pape Leon, assembla, tant pour la bonne amitié que luy portioient les gens de guerre, pour estre bon capitaine, que pour la haine qu'on portoit audit Pape Leon (lequel aprestant de bien-faits qu'il auoit receu de François, estoit déclaré contre le Roy) iusques au nombre de cinq ou six cens hommes de guerre sans soude, & marcha audit Duché d'Vrbain, lequel en peu de iours il conquist, & le garde iusques à maintenant.

Le seigneur Prosperi, capitaine general de la ligue, & Hieronymus Moion, ambassadeur pour Francisque Sforce, pour la querelle duquel se faisoit ladite guerre: le voyans abandonné de l'armée de l'Eglise qui estoit leur bras droit, tant pour les hommes de cheual que pour l'argent; aduiserent qu'il falloit trouuer moyen de conseruer ce que desia ils auoient conquis: pour a quoy satisfaire, conuenoit auoir deniers. Et pour auoir quelq'hyuer estoit venu, pendant lequel ils n'auoient besoin de si grosse armée, pour eux soulager de despense, donnerent vne paye aux Suisses, & les licentierent: aux gens de pied, Grisons & Italiens, firent le semblable: quant à la cavallerie, laquelle auparauant auoit esté entretenue des deniers du Pape, ils l'enuoyerent avecques le marquis de Mantoue viure sur le Plaisantin & le Parmesan à discretion. Aussi firent ils leurs gens de pied, tant Espagnols que lansquenets, parmy les chasteaux & autres places estians en leur obeissance: retenās seulement dedans Milan peu de gens, pour garder les saillies de ceux du chasteau

Ledit Moron pour trouuer le moyen d'auoir deniers, auoit introduict vn augustin, nômé frere André de Ferrare, lequel estant excellent en eloquence, persuada tant par ses preschemens & sermons, qu'il mist en l'opinion du peuple de Milan, que l'ire de Dieu estoit tombée sur les Francois: de sorte que qui n'auoit que deux escus en portoit vn libéralement pour cōtribuer à la guerre. Et auoit promis ledit Moron, audit frere André, de le faire Archeuesque de Milan, toutesfois il ne luy tint promesse.

Prouisions  
du Roy.

IE vous ay desia dict comme le mareschal de Foix estoit allé deuers le Roy, lequel il trouua à Compiègne: & apres luy auoir faict entendre par le menu festat de ses affaires d'Italie, le Roy ordonna le bastad de Sauoye grand maistre de France, le mareschal de Chabannes, le seigneur Galeas de S. Seuerin son grand escuyer, & le seigneur de Montmorency pour aller en Suisse, faire leuée de seze mille hommes de pied, pour conduire au Duché de Milan, au secours du seigneur de Lautrec.

De l'armée  
de Picar-  
die

PENDANT que ces choses se faisoient en Italie, la Picardie n'estoit en repos. Vous auez ouy par cy deuant l'ordre que le Roy auoit mis en sa frontiere de l'icardie, à son rerour de Valâciènes: aussi ne deuez ignorer q̄ tout l'hyuer se faisoit la guerre guerroyable par toutes les garnisons dudit pais, au iourd huy au prouffit des François autre iour au prouffit des Bourguignōs. Et entre autres entreprisēs, le iour de nostre dame de Mars mille cinq cens vingt & vn auant Pasques, douze cens lansquenets partans de la garnison d'Arras, passerent la riuere d'Othie, pres Dourlan, & vindrent piller Bernauille & autres villages circoûuoiſins. Ceux de la compagnie de mon seigneur de Vendosme, qui estoient en garnison audit Dourlan, dont estoit chef le seigneur d'Éstrée, aduertis du passage desdits lansquenets, enuiron minuit monterent à cheual, pour les attendre au passage de la riuere à leur retraite, ayans avecques eux trois cens hommes de pied sans souldre: encores qu'en ladite compagnie ils



ne fussent que trente hommes d'armes, & environ cinquante archers, se cōfians à leursdits gés de pied, qui promettoient cōbattre: & ayans tueue les ennemis de la repassez Peau, delibererent les charger: ce qu'ils firent, si siueusement qu'ils les estōpirent. A ceste charge furent tuez des nostres le seigneur de Ricamé, & le baron Dāpont, & le cheual du seigneur d'Estrechet de l'entreprise. ceux du seigneur Martin du Bellay, du seigneur de Coquelet, & du seigneur de Leal y furent aussi tuez: apres laquelle charge noz gés pētoient estre sauuez de leursdits gés de pied, mais ce fut au cōtraire, car ils sen estoient suis lans cōbattre: parquoy au lieu de recharger surēt cōtains de tenir bride. Si est-ce qu'ils leur firent abandoner le burin. & des lansquenets y mourut cent cinquante, tāt à ladite charge que sur leur retraitte, & entre autres vn de leurs principaux capitaines. Mais les ennemis apres feste retuez à Arras, malcontents de leur mauuaile fortune, cōclurent de se veger, & venir surprendre ladite ville de Doullan, estāt despourueue d'hōmes, car il n'y auoit vn seul homme de pied: & pour cell effect le Comte de Bure, lieutenant general pour l'Empereur en ses païs bas assēbla toutes les garnisons de la frontiere, tant de cheual que de pied, avecques six pieces d'artillerie, & arriva deuant Doullan le samedi xix. de Mars, environ demie heure deuant le iour: & vint camper au dessus de la ville, où de present est le chasteau, du costé deuers Amiens: esperant que ceux de la garnison estans en si petit nombre, ne se voudroient opiniastrer d'attendre le canon. Mais ayans desia fait vne autre folie, de charger douze cens lansquenets, en voulurent encores espiouuer vn autre avecques vingt-cinq hōmes d'armes qui estoient: laquelle opiniastrēt voyant iceluy de Bure, planta son artillerie, & seit batterie pres la tour Corniere, qui regarde deuers Auchy le chasteau, puis apres fit dōner vn assaut de tous costez, tant par eschelles qu'autrement. Mais Dieu fut si fauorable aux assiegez, que les ennemis furent repouluez.

à paye des habitans : & demoura bon nombre desdits ennemis morts dedans le fossé. Pendant cela monseigneur de Vendosme qui estoit à Amiens enuoya le Comte de saint Pol son frere à Abbeuille, pour faire marcher deux mille Suisses qui estoient là en garnison, lesquels Suisses refusèrent de marcher, quelque persuation que ledit Comte leur sceust faire, parquoy par apres furent callez & renuoyez en leur pais: aussi pour faire marcher mille hommes qui estoient à Hedin, sous la charge de Hutin de Mailly, & de la Barre. Quand & quand manda la gendarmerie qui estoit à Montreuil, à Corbie, à Peronne, & autres lieux, deliberât de leuer le siege des Bourguignons, ou de combattre: dequoy les Bourguignons aduertis, & la nuit qui approchoit, voyans n'auoir riens prouffit, se retirerent droit à Arras avec leur courte honte: laissant les eschelles dedans les fossés de Doullan. Ceux de Paris voyans le hazard où Doullan auoit esté par faulte d'hommes, souldoyerent mille homes pour mettre dedans, desquels eurent la charge le seigneur de Bourbarré, & le capitaine Sanseuse, sous le seigneur de Lorges. Or pour vous faire entendre l'occasion principale qui meut les Bourguignons de ne donner l'assault, fut que l'entreprise se fesoit faicte pour venger l'outrage faict aux lansquenets le mardy precedant, où ils auoient perdu de gens de bien: parquoy les Wallons vouloient que lesdits lansquenets donnassent l'assault, dont s'ourdît vne mutinerie entre eux. Les assiegez se voyans hors d'esperance de secours, sinon des Suisses, afin de temporiser, & cependant remparer leurs portes & vne saillie d'eau, enuoyerent par sauconduit le capitaine Monbrun dehors pour parler, non pas pour rien conclure, mais les amuser & veoir ce qu'il pourroit cognoistre de leur deliberation, & sentir s'ils auoient viures pour sejourner, pour suiuant cela se gouverner. Mais estant ledit Monbrun sur son retour, sans rien auoir conclu, la mutinerie survint, parquoy en se retirans emmenerent ledit Monbrun & autres ses compagnons à Arras: où estans arrivez, ceux de la ville & Wallons entrerent en opinion qu'ils auoient capitulé

Doullan,

Dourlan, & que ledit Monbrun & autres auoient esté baillez par nous en ostage, & forcerent le logis où ils estoient pour les auoir entre leurs mains, de sorte que les lansqueniers qui estoient logez en la cité, fûrēt contrains de se mettre en armés pour les mettre en liberré.

ENVIRON la fin d'Auril ensuiuant, mille cinq cens vingt-deux, monseigneur de Vendosme aduertty de plusieurs chasteaux qui estoient entre Aire & Berune, lesquels faisoient beaucoup d'ennuy à nostre frontiere, assemblea ses garnisons & les forces pour les aller raser : & fist son assemblée à Mouchy le Cayeu, pres de saint Pol. Le seigneur de Telligny senechal de Rouargue venant de Montreulauecques la compagnie, où il estoit en garnison, pour se trouuer audit Mouchy le Cayeu, passant pres de Hedin, rencontra de cas fortuit deux au trois cens hommes de pied Bourguignōs, qui venoiēt de courir en France avec burin, lesquels il chargea de sorte que ils furent tous pris ou tuez. Mais à ladite charge, ledit seigneur de Telligny fut blessé en le paule d'un coup d'arquebouze, duquel il mourut peu de iours apres à Hedin : & n'y eut homme des siens ny blessé ny tué que luy, qui fut vn grand dommage, par ce qu'il estoit gentil cheualier & homme fort experimenté. Monseigneur de Vendosme executāt sadite entreprise print le chateau de Dienal, de Diuiō, de Brueil, & plusieurs autres petites places aux environs de Berune, tirant à Arras: puis apres les auoir rasées, se retira à Dourlan.

AUDIT lieu de Dourlan, ledit seigneur de Vendosme eut nouuelles cōme le Roy d'Angleterre dresseoit son armée à Douures, pour faire descente a Callaiz : & mesmes qu'il y auoit vn herault par les chemins pour deffier le Roy. Parquoy mondit-seigneur de Vendosme incontinant depescha en poste le seigneur Martin du Bellay, afin d'en aduertir le Roy qui estoit à Lion, pour favoriser l'armée qu'il auoit enuoyée en Italie, sous la charge (comme i'ay dit) du bastar de Sauoye, grand maistre de

France, du mareschal de Chabannes, & du seigneur de Montmorécy. Et fondeoit ledit Roy d'Angleterre ses defiances, sur ce qu'il se disoit estre iugé arbitraire des querelles qui pourroient suruenir entre le Roy & l'Empereur Charles d'Autriche, & qu'il estoit tenu de courir sus à celuy qui refuseroit lestraittez par luy mis en auant, comme arbitre de leur differend. Si disoit il que l'an precedant, par le deffault du Roy, lors qu'il estoit deuant Valanciennes, & les ambassadeurs d'Angleterre estans là enuoyez de sa part pour moyenner la paix, elle n'auoit esté accordée: pour n'auoir voulu le Roy rendre Fontarabie, prise (à ce que disoit l'Empereur) depuis le traité de paix mis en auant. En ce temps, Soliman Roy des Turcs voyant tous les Princes Chrestiens en guerre, entreprist de mettre en son obeissance l'Isle de Rhodes, ce qu'il fit apres l'auoir assiegée huit mois, par faulte d'estre secourue des Princes Chrestiens.

Affaires  
d'Italie.

TANDIS que ces choses se faisoient en Picardie, le seigneur de Lautrec estat aduertty que le secours venant de France approchoit en toute diligence, fit assembler son armée qui estoit separée en plusieurs lieux, pour leur donner moyen de viure. Quand & quand fist diligence de solliciter les Venitiens, à ce qu'ils eussent à preparer le secours auquel ils estoient tenus par la ligue, afin qu'arriuant les Suisses, ils fussent prests de se ietter en campagne sans perdre temps: & mesmes manda ausdits Venitiens, qu'ils eussent à prendre garde sur leurs limites, à ce que Hieronyme Adorne, qui amenoit six mille lansquenets pour le secours des Imperiaux, n'eust passage par leurs destroits. Mais ils firent si mal leur deuoir d'y pourueoir, que ledit Hieronyme avecques lesdits lansquenets passa à Bergame, deuant qu'ils eussent mis gens ensemble pour l'espelcher. Le seigneur Prosperi se voyant venir sur les bras si grandes forces, & n'ayant le moyen de tenir la campagne, delibera de fortifier Milan, & mesmes de brider le chasteau, à ce qu'il ne peust estre secou-

ru par



sur par les nostres : & pour cest effect, fist du costé du parc de grandes tranchées doubles, avec plusieurs platetormes par les endroits qui estoient necessaires. Et estoient lesdites tranchées deffensables, contre les saillies que pouuoient faire ceux du chasteau, & du costé dont pouuoit nostre armée les venir assaillir, dedans lesquelles il mist vne partie de ses forces: puis apres auoir pourueu aux choses susdites, alla loger avec le reste de son armée entre la riuiera d'Adde & le Tesin: & enuoya le Comte Philippe Tourniel dedans Noare. Enuoya pareillemēt le seigneur Hector Viscomte dedans Alexandrie, avecques mille cinq cens hommes de pied, sans argent: mais ordonna que ceux d'Alexandrie les nourrissoient à discretion. Puis enuoya le seigneur Antoine de Leue Espagnol, capitaine du premier escadron des gens d'armes Imperiaux, homme bien experimenté, avecques mille Italiens, & deux mille lansquenets, pour donner empeschemēt au seigneur de Lautrec à repasser la riuiera d'Adde, se voulant ioindre au secours qui venoit de France. Ce fait, s'en retourna ledit seigneur Prospre à Milan avec le reste de son armée, qui estoit de douze mille hommes de pied, & de six à sept cens hommes d'armes, & de six ou sept cens chevaux legers. en deliberation de là attendre la furie de la descente des Francoys. Puis estant ledit seigneur Prospre aduertie comme Francisque Sforce, se disant Duc de Milan, & Hieronyme Adorne estoient passez les destrois des Venitiens avec les six mille lansquenets, dont cy dessus a esté parlé, leur mada qu'en toute diligence ils prinsissent leur chemin par le Veronnois & le Mantouan, chose qu'ils pouuoient faire aisément: par ce que l'armée Venitienne estoit desia ioincte avecques monsieur de Lautrec au Duché de Milan.

ENVIRON Quarisme-prenant, mōsieur de Lautrec aduertie que monsieur le mareschal de Chabannes, & monsieur le bastar de Sauoye avec les Suisses, estoient arrivés à Vicilmarqua, partit, & s'en vint ioindre à eux à

Monche: & de là avecques toutes lesdites forces, marché droit à Milan, auquel lieu estant arriué, se logea dedans le parc, pensant par le chasteau intrer dedans la ville: mais comme vous auez entendu cy dessus, le seigneur Prosper y auoit pouueu par les tranchées qu'il auoit fait. Le seigneur de Lautrec estant arriué dedans le parc entra dedas vne maison, auquel lieu il assembla les capitaines pour tenir conseil, & aduiser ce qui estoit à faire pour secourir le chasteau: mais les ennemis mirent le feu en vne longue couleuvre, estant plantée sur vn caualier au bout des tranchées, vers la porte Vercellaise, laquelle donna dedans ladite maison, & du boulet le seigneur Marc Antoine Colonne, nepueu du seigneur Prosper eut vne cuisse emportée, dont il mourut peu apres, & le seigneur Camille Treuoulce, fils du feu seigneur Iean Iacques Treuoulce y mourut pareillement dudit coup: qui fut vne perte insigne, pour la grande experience qu'auoit ledit Marc Antoine au fait des armes, & la ieunesse dudit Camille, à laquelle on auoit esperance. Le seigneur de Lautrec, le grand maistre & le mareschal de Chabânes considerans n'y auoir moyen de secourir le chasteau, conclurēt de se retirer à Cassin, à cinq mille de Milan, entre Pauie & Milan, en intention de rencontrer Francisque Sforce: par ce qu'ils furent aduertis qu'il venoit par ce costé là, pour se joindre avec ceux de Milan. Auquel lieu estant nostre camp logé, vint au seruice du Roy le seigneur Iean de Medicis, parent du feu Pape Leon, qui amena trois mille hommes de pied & deux cens cheuaux, desquels les enseignes estoient noires, par ce qu'ils portoient le dueil dudit feu Pape Leon, du viuant duquel il auoit tousiours esté au seruice de la ligue contre le Roy.

Au lieu de Cassin sejourna nostre armée enuiron six semaines durant, auquel temps le seigneur de Lautrec, auertuy q̄ de l'autre costé de la ville de Milan venoit grand refreschissement de viures aux Imperiaux, de pescha le seigneur

gneur de Montmorency, & l'Escuyer Boucar qui auoit esté lieutenant du marquis de Mantoue, & depuis que ledit marquis eut abandonné le seruice du Roy, auoit sa compagnie en garde, avecques cent hommes d'armes, & deux cens arquebouziers, pour rebourser le chemin, & rencontrer les fourrageurs, & rompre les moulins, s'ils en auoient le moyen. L'Escuyer Boucar, auquel le seigneur de Montmorency auoit baillé les coureurs à mener, estant à sept ou huit mille de nostre camp, trouuant les ennemis, sans aduertir ledit seigneur de Montmorency qui menoit la troupe, les chargea, mais ce fut à son desauantage : car les ennemis l'ayans rompu, le renuerferent sur les bras dudit seigneur de Montmorency, lequel de loing le voyant venir à uau de roudre le long du grand chemin de Milan, ietta ses arquebousiers sur les deux ailles : puis fourrit, craignant que les fuyans ne le rompiissent. Estans passez, se referma, de sorte que les ennemis chassans à la file, à l'ayde des arquebouziers furent deffaits : & furent amenez le lieutenant, l'enseigne, & le guidon, avec bon nombre d'hommes d'armes prisonniers en nostre camp, qui estoit de cent hommes d'armes de Dom Raimon de Cardone demouré à Naples vice-Roy.

PENDANT ce temps, le seigneur de Lautrec ayant nouuelles que le mareschal de Foix son frere venoit par le chemin de Gennes, avecques quelque gendarmerie, & quelques gens de pied qu'il amenoit de France : & que il n'estoit assez fort pour passer, pour se ioindre avecques nostre armée, d'autant que les ennemis tenoient l'Omeline, de pescha le seigneur de Môtmorency avecques trois mille Suisses, mille hommes de pied Italiens, deux cens hommes d'armes, & quatre pieces d'artillerie de campagne, pour aller ouurir le passage, & avecques luy l'Escuyer Boucar : lesquels partâs du camp, prirent le chemin du port de Falcon, pour là passer le Tesin. Eux arriuez audit lieu, ne trouuerent le moyen de passer la ri-

uiere, que par le bac passager accoustumé: dedans lequel le seigneur de Montmorency se mist deuant avecques les Suisses, les Italiens, & l'artillerie, & passa la riuere, laissant Boucar derriere avecques la gendarmerie: mais voulans les hommes d'armes passer à la foule, sen noya d'arruée cinq ou six. Quoy voyant le passager, qui estoit Imperial, & que nostre armée estoit separée: à scauoir la gendarmerie d'un costé de Peau, & les gens de pied de l'autre, de sorte qu'ils ne se pouuoient secourir, sen alla avecques le bac au al Peau droit à Pauie, aduertir le Duc Francisque Sforce du desastre aduenu aux Francois. Lequel incontinent depecha quatre mille lansquenets, deux mille Italiens, & quel que nombre de caualerie, pour surprendre noz gens ainsi separez: le seigneur de Montmorency voyant cest inconuenient, & que le battelier estoit allé au al Peau, manda à l'escuyer Boucar qu'il eust à tenir le chemin de Gambelot, où il estoit contraint d'aller pour auoir viures. Le lendemain matin, ledit seigneur de Montmorency descourrit les ennemis qui estoient sortis de Pauie, marchans droit à luy mais craignant d'estre enuoyé loppé dedans Gambelot, qui estoit lieu fort desauantageux pour luy, se ietta en la campagne.

Les ennemis estans approchez à la portée d'une moyenne, nos gens se fermerent, se courans de la douue d'un fossé: cependant le capitaine Boucar auoit faict telle diligence, qu'il auoit passé la riuere, & venoit au secours de noz gens, ayant faict trois escadrons de la gendarmerie, lequel noz ennemis ayans descouuert, iugerent sa troupe beaucoup plus grosse qu'elle n'estoit, pour la separation qu'il en auoit faicte. Car la poultiere estoit si grande que les trois troupes de loing ne monstroient qu'une: qui fut cause que les Imperiaux, qui de tous temps ont redouté la gendarmerie de France, se mirent à faire leur retraite droit à Pauie. Parquoy noz gens voyans n'y auoir ordre de combatre, pour le fort pais que tenoient lesdits Imperiaux à leur retraite, le

seigneur



seigneur de Montmorency delibera de paracheuer l'entreprise qui luy estoit commandée. Et à ceste fin, marcha droit à Noare, dedans laquelle ville estoit le Comre Philippe Tourniel, qui faisoit grand empeschement au passage de ceux qui venoient de France en nostre camp, avec inestimables cruautéz aux Francois qui tôboient entre ses mains: qui fut cause de l'entreprise dudit seigneur de Montmorency, pour ouurir ce chemin, ioinct qu'il auoit esperance d'estre fauorisé du chasteau qui tenoit pour le Roy. Arriué qu'il fut deuant Noare, tira hors dudit chasteau deux canons par la porte qui regarde aux champs, pour avecques les autres quatre menues pieces qu'il auoit menées, faire batterie à la ville: & print PEscluyer Boucar la charge de ladite artillerie, en quoy il fit grande diligence. Mais vne moyène couleurine estant par auanture trop chargée, ou biē ayāt qlque fistule, creua, dōt l'un des esclas rôpit la iambe au dit Boucar, qui en mourut peu de iours apres, de quoy fut grand dōmage, par ce qu'il estoit hōme de seruice: toutesfois on ne laissa à poursuiure la batterie de si peu d'artillerie qu'il y auoit, de sorte qu'il fut faict breche assez raisonnable. Les Suisses admōnestez par le seigneur de Mōrmorency d'aller à l'assault, luy firent responce qu'ils estoient prests de combattre en campagne, & que ce n'estoit leur estat d'assaillir les places.

Le seigneur de Montmorency voyant la volōté desdits Suisses, les pria de se mettre en bataille sur vn hault prochain de la ville, pour faire escorte aux assaillans, ce qu'ils accorderent: puis fūt mettre pied à terre à la gendarmerie, laquelle ostant ses grandes pieces & grēues, se mist en equippage de dōner assault. Ceux du chasteau ne pouuoier̄ sortir sur la ville, pour les grādes tranchées que les ennemis auoient faict entre la ville & ledit chasteau: mais quand nostre gendarmerie vint au cōbat sur le hault de la breche, ceux du chasteau à coups d'artillerie empeschoier̄ les Imperiaux de venir à leurs defenses. Tellement que lesdits hommes d'armes leur ayās

Prise de  
Noare.

faict abandonner la breche, penserent ville gaignée: mais ils trouuerent vne trenchée par le dedans bien flanquée, où se estoient retirez ceux de la ville, qui d'arriuee tuerent & blessèrent beaucoup desdits gens si armes à coups d'arquebouze. Finablement ayant coullé le long de ladite trenchée, trouuerent des maisons par lesquelles ils passerent apres les auoir rompues, & gagnerent le derriere des ennemis: lesquels se trouuans saisis par derriere, se mirent en fuitte. Les Suisses voyans la ville forcée entrerent dedans, & mirent tout au fil de l'espée. Le Comte Philippe Tourniel, & peu d'autres avec luy eurent la vie sauue, & presque tous (hors mis ledit Comte) furent perdus & estranglez, apres auoir confessé les cruantez qu'ils auoient commises aux Francois: comme de leur auoir mangé le cœur, leur ouuir le ventre tous vifs, & dedans faire manger l'auoine à leurs cheuaux, avecques plusieurs autres inhumanitez.

APRES icelle execution, arriuerent le mareschal de Foix, le capitaine Bayar, & le Comte Pierre de Navarre, lesquels (comme i'ay dit) venoient de France. Eux assemblez, delibererent de leuer tout le pais de l'Omeline de la main des ennemis: parquoy prindrent le chemin de Vigene, auquel lieu estans arriuez, ceux de la ville se mirent entre leurs mains: le chasteau se fit battre, mais ce fust peu, car le lendemain il se rendit bagues sauues. Le seigneur de Lautrec aduertty que noz ennemis se vouloient assembler, scauoir est l'armée qui estoit à Milā, sous le seigneur Prospere, avec celle qui estoit à Paue, sous le Duc Francisque Sforce, delibera aussi d'assembler ses forces pour empescher (s'il estoit possible) les deux armées Imperiales de se ioindre. Et pour ceste cause manda le mareschal de Foix, & le seigneur de Montmorency, se venir ioindre avecques luy à Cassin: toutesfois on ne sceut faire si bonne diligence, que le Duc Sforce ne se joignit au seigneur Prospere pres Landriague, de quoy nostre logis de Cassin demoura inuti. Or n'estant de-

mouré

mouré dedans Paue que le marquis de Mantoue, avecques petit nombre d'hommes, fut deliberé de tourner la teste de nostre armée audit lieu, où arriuez que fûmes, fut faicte batterie si furieuse, tât de nostre part que de la part des Venitiens, qu'on trouua raisonnable d'assaillir. Et cependant que les Imperiaux estoient amusez à la breche, fut ordonné le capitaine sainte Colombe, lieutenant de la compagnie de monsieur de Lautrec, avecques deux mille hommes de pied, & les archers de la cōpagnie dudit seigneur de Lautrec, conduits par le seigneur de Ribrac, guidon de ladite compagnie, & ceux de la compagnie du bastar de Sauoye, grand maistre de France, conduits par le seigneur de la Rocheposay, guidon de ladite compagnie, qui estoient quatre cens cheuaux, pour donner par vn autre endroit. Il y auoit vne poterne en la ville qui respondoit sur le Tesin, par laquelle on abreuoit les cheuaux, & a cause de la riuere, on n'y faisoit grande garde: ledit de sainte Colombe auoit des guides, lesquels le deuoient faire passer à gué la riuere: puis le long de la muraille, où n'y auoit aucun flanc, les gens de cheual deuoient à toutes brides gagner ladite poterne, attendant les gens de pied pour les souter. Sainte Colombe les mena iusques sur le bord de la riuere avecques ses gens de pied: le seigneur de la Rocheposay & Ribrac firent ce qui leur auoit esté ordonné, & entrerent dedans la ville: mais le seigneur de sainte Colombe les laissa sans les suivre ny passer l'eau: parquoy ceux de la ville eurent loisir de venir au secours, où, en combatant, fut tué le seigneur de Ribrac, & le seigneur de la Rocheposay eut la iambe rompue d'un coup de mousquet, dont il fut guery, mais boiteux toute sa vie. S'ils eussent esté suivis, la ville estoit gagnée, veu le peu d'hommes qui estoient dedans: mais le seigneur Prosper aduerty de la necessité de ceux de Paue, de pescha deux mille Espagnols choisis, qu'il enuoya pour entrer dedans la ville, lesquels passerent de quict raiibus de nostre camp, & ne furent apperceus qu'ils

ne fussent passez: sinon que nostre guet qui estoit enco-  
res à cheual les chargea sur la queue, & en desit quelque  
peu, mais non grand nombre, d'autant qu'ils furent  
trop tard descouverts. L'arriuee du secours retarda l'as-  
sault, aussi le seigneur Prosper Colonne se voyant ren-  
forcé des six mille lansquenets, & autres qu'auoit amené  
le seigneur Francisque Sforce, se trouua assez fort pour  
se ietter en campagne: parquoy deslogeant de Milan, se  
vint camper à la Chartrouse, à trois mille de nostre cāp,  
pour empescher de donner l'assault: seachant bien qu'il  
n'estoit raisonnable de le donner, estant si pres de nous v-  
ne telle puissance, que la sienne.

No v s fumes en cest estat six ou sept iours, ayans  
tous les iours escarmouches & lances rompues: mais il  
suruint vne pluye si extreme, que noz viures qui venoient  
de l'Omeline en nostre camp ne peurēt plus passer, pour  
estre le Tesin debordé, & tous les ruisseaux deuenus riue-  
res: tellement que le iedy absolu fumes contrains de  
nous retirer à Marignan, & de là à Monche, pour estre  
secours de viures, tant du Laudesan, du Cremonois,  
que du pais des Venitiens. Au desloger l'escarmouche fut  
gros de ceux de leur camp sur la queue de nostre ar-  
mée, mais iamais leur troupe n'osa sortir hors de leur  
fort, craignant qu'on leur donnast la bataille.

Les ennemis voyans nostre armée prendre le che-  
min de Monche, le iedy des feries de Pasques, craignās  
que de là ne voulsions gaigner Milan, s'en allerent lo-  
ger à la Bicocque sur le chemin de Laudes à Milan, & e-  
loit ladite Bicocque la maison d'un gentilhomme, cir-  
cuite de grāds fossez, & le circuit si grand qu'il estoit suf-  
fisant pour mettre vingt mille hommes en baraille: es-  
tans arriuez, releuerent les fossez & les flanquerent de  
grandes plateformes, bien pourueues d'artillerie. Quel-  
ques iours apres estant le seigneur de Laurrec à Môche,  
vindrent deuers luy les capitaines des Suisses, qui luy fi-  
rent entendre que les compagnons estoient ennuyez de  
cam-

Journée de  
la Bicoc-  
que.



campeger : & qu'ils demandoient de trois choses Pyne, argent, ou congé d'eux retirer, ou bien qu'il eust à les mener au combat promptement, sans plus temporiser. Le seigneur de Lautrec, le Bastar de Sauoye, & le mareschal de Chabannes les prierent d'auoir patience pour quelques iours, par-ce qu'ils esperoient vaincre leurs ennemis sans combattre, ou pour le moins les combattre à leur auantage, estans leurs ennemis contrains d'abandonner leur fort par famine : & que de les aller assaillir dedans leur fort, c'estoit faict contre toutes les raisons de la guerre : mais quelques remonstrances qu'ils leur peussent faire, iamais n'y eut ordre de les diuertir de leur opinion : & tousiours persisterent d'aller au combat, autrement le lendemain ils estoient deliberez de leur en aller.

Les chefs de nostre armée voyans ceste obstinatio, & que nostre principale force estoit de leur nation, desquels fils estoient abandonnez, ils demouroient en proye aux ennemis : cognoissans aussi que là où force regne droict n'a lieu, conclurent de combattre plustost que fensuir. Voyez donc l'inconuenient qu'il y a d'auoir la force d'une armée de nation estrangere, qui est pour vous bailler la loy. Les Suisses accorderent qu'on allast recognoistre le camp de l'ennemy, le seigneur du Pont d'ormy fut ordonné avecques quatre cens hommes d'armes, & vj. mille Suisses pour cest effect, & veoir le lieu à propos pour assaillir les ennemis : leur camp fut recognu, & fut iugé y auoir peu d'apparence de les y assaillir, ce-neantmoins cela ne les fit changer d'opinion, & suivirent leur opinia estrete.

Le seigneur de Lautrec se voyant comandé par ceux qui luy deuoient obeir, ordonna que lendemain, qui estoit iour de Quasimodo, l'armée fut prestee à marcher. Estant dōc le poinct du iour venu, chacun se mit en estat pour marcher droict à la Bicocque, & au partir fut ordonné le mareschal de Foix pour mener la gendarmerie de l'auantgarde, pour assaillir le lieu le plus commode,

& lequel auoit esté recogneu le iour precedât, & le seigneur de Montmorency avecques viij. mille Suisses pour assaillir l'autre costé. Le seigneur de Lautrec, le mareschal de Chabannes, le bastar de Sauoye, & le seigneur Galeas de saint Seuerin menoient la bataille, où estoit le reste de l'armée, tant de gendarmerie de Suisses que d'autres gens de pied: le seigneur Francisque Marie Duc d'Urbin avecques l'armée de la seigneurie faisoit l'arrièregarde: le seigneur Petre de Nauarre marchoit deuant pour faire faire les esplanades. Le seigneur du Pontdormy auoit charge avec sa compagnie de cinquante hommes d'armes, & les cheualiers nouueaux de marcher deuant le mareschal de Foix, pour auoir l'œil à ce que l'ennemy ne fust quelque saillie par quelque lieu: pour par derriere mettre vn desordre en nostre armée, & aussi pour secourir au lieu où il verroit que seroit le besoing: les choses ainsi ordonnées, chacun print peine de faire son deuoir.

Le seigneur de Montmorency avecques viij. mille Suisses desquels il auoit la charge, estant à pied au premier rang, ayant en sa compagnie plusieurs gentils hommes, pour leur plaisir & pour acquerir honneur: & entre autres le Comte de Montfort, fils aîné du Comte de Lual, le seigneur de Miolans de Sauoye, le seigneur de Grauille frere du Vidame de Chartres, le seigneur d'Auchy surnommé de Mailly de Picardie, le seigneur de Launay gentilhomme de la chambre du Roy, & plusieurs autres qui seroient lōgs à nōmer, marcha droit aux rāpars des ennemis: & estant arriué à vn vallon pres dudit rampart au couuert de leur artillerie, ledit de Montmorency pria les Suisses de temporiser, attendans que le mareschal de Foix fust prest à les assaillir par l'autre part, afin qu'estans assaillis par deux costez, leurs forces fussent séparées: & aussi que l'artillerie de France leur feroit grand secours, comme de verité elle eust faict s'ils eussent differé vn petit, chose qu'il ne sceut obtenir d'eux. Parquoy il donna de la teste droit à leur fort, mais auant qu'y arriuer furent tuez à coups d'artillerie plus de mille Suisses:

& arri-

& arriuaus là, trouuerent vn fossé avec vn rampart si haule que bien à peine pouuoient ils toucher de la pique au haule dudit rampart, qui fut cause de les arrester sur cul. Ce tēps pēdant l'artillerie & arquebouzerie des ennemis, dont ledit rampart estoit farcy, leur seruirent de sorte que la plus part des capitaines & des principaux soldats y moururent: & entre autres le Comte de Montfort, le seigneur de Miolans, le seigneur de Grauille, le seigneur de Launay, & plusieurs autres: & le seigneur de Montmoreney porté par terre, & relené hors du fossé par les gentilshommes estans pres de luy. Aussi y mourut le capitaine Albert de la Pierre, ayant la plus grande autorité enuers les Suisses, & qui auoit esté cause de les precipiter à venir au combat.

Cependant le mareschal de Foix, le seigneur de Vandenesse, le capitaine Paris, avecques la compagnie du seigneur de Brion, dont il auoit la charge, & autres capitaines de gēsd'armes chercherent tant qu'ils trouuerent vn pont de pierre par lequel ils entrerent dedans le fort, & donnerent dedans les ennemis, dont ils les mirent en tel desordre, qu'ils pensoient auoir gaigné la bataille: aussi eussent ils, si les Suisses eussent aussi bien faict en la fin qu'au commencement, mais autrement en aduint: car ayans esté repoussez à leur premiere arnuée, ainsi qu'en grande furie & commandement estoient venus assaillir le fort, aussi pour quelque enhortement ou priere qu'on leur sceust faire, ne voulurent retourner, ains sen allerent comme gens desconfits. S'ils eussent voulu faire teste sur le lieu, les ennemis n'eussent osé desemparer leur deffence: & si nostre gendarmene estant entrée dedans leur fort eust esté secourue par autres qui l'eussent suiuis, il est apparant que nous eussions eul la victoire. Les Imperiaux estans deliurez desdits Suisses, tournerent toutes leurs forces sur le mareschal de Foix & de Vandenesse, qui ne pouuoient estre plus de quatre cens hommes d'armes: tellement qu'ils les contraignirent de repasser le pont en bien combatant, considéré que noz gens ne pouuoient passer plus de deux ou trois de front: pour soustenir

nir lequel effort le mareschal de Foix demoura sur la queue, pèdant que le reste passa. C. la ne fut sans y perdre des hommes, non pas grand nombre: & fut audit combat tué le cheual du mareschal de Foix entre les iâbes, si fuit il si biè secouru qu'il fut remis à cheual, & se retira (ainsi qu'est dit) sans grande perte. Estant l'edit mareschal empesché cōme auez entendu, les Espagnols firent vne faille sur les Suisses par l'autre costé: mais le seigneur du Pôc dormy, qui auoit la charge avecques sa compagnie & les cheualiers nouveaux d'auoir Pœil par tout, leur fit vne charge si furieuse, qu'il les rembarra dedans leur fort: & certes sans ladite charge, les Suisses qui se retiroient, eussent chagé le pas au trot, & se fussēt mis à vau de rouverte.

Ators dudit combat, l'armée Venitienne estoit en bataille pres du fort, hors toutes fois de la cognoissance de l'artillerie des ennemis, lesquels Venitiens gardoient les gages: car s'ils eussent voulu assaillir de leur costé, cōme firent la gendarmerie & les Suisses, les ennemis eussent esté contraincts de separer leurs forces en diuers lieux, dont il est apparant que la iournée eust esté pour nous. Le seigneur de Lautrec, & autres chefs de l'armée voyans les choses en tel desordre, penserent persuader les Suisses de se loger sur le lieu, leur offrans le lendemain mettre la plus part de la gendarmerie à pied, pour faire la premiere poincte: mais iamais il n'y eut ordre de les asseurer, de sorte qu'au plus grand desordre du monde se mirent à eux retirer à Monche: lesquels, n'eust esté la gendarmerie qui demoura sur la queue, sans point de faulte eussent esté taillez en pieces. Puis les ayant le seigneur de Lautrec avecques le reste de son armée accompagnez iusques à Monche, nous deslogeasmes dudit Monche le lundy d'apres Quasimodo, & feismes cinq ou six mille: & le mardy les Suisses nous laisserent, & se retirerent en leur pais, & avecques eux le grand maistre bastar de Saouye, le mareschal de Chabannes, & le seigneur Galeas de saint Seurin,

Retour des  
Suisses.



Le seigneur de Lautrec se voyant ainsi abandonné, despescha le lendemain bon nombre de caualerie & de gens de pied, & entre autres le seigneur Jean de Medicis, & le seigneur Federic de Bozzolo, avecques leurs Colonels de gens de pied, pour garder Laudes, & par ce moyē conseruer le Cremonnois. Lesdits seigneurs Jean & Federic arriuaंस à Laudes, y trouuerent le capitaine Bonneual, gouuerneur du lieu, & sa compagnie de cinquante hommes d'armes, auquel lieu il auoit faict quelques fortifications esperant la garder. Estans donques arriuez ceux que mōdit-seigneur de Lautrec y auoit enuoyé, se trouuerent (compris ce qu'auoit ledit Bonneual) le nombre de trois ou quatre cens hommes d'armes, & trois mille hommes de pied: & par ce qu'ils auoient cheminé toute nuit, & qu'il estoit matin, se logerent pour refreschir eux & leurs cheuaux: pensans que ledit Bonneual, qui estoit de sejour, eust pourueu au guet, pendant qu'eux qui estoient trauaillez se pourroient refreschir. Les ennemis qui estoient à Marignan deslogerēt la mesme nuit, & marcherent pour venir loger à trois mille dudit Laudes: leur auantgarde ayant marché iusques pres de la ville, se dressā vne escarmouche entr'eux & ceux de la ville, laquelle fut menée si chauldement, que les nostres furent repoussez vn peu rudemēt, de sorte que les ennemis entrerent pēle-mēle dedans la ville, où ils trouuerent la plus part des soldats au liēt, & si estoit enuiron midy. Encōres aduint il vn grand inconuenient, car vn pont de bateaux que noz gens auoient sur la riuiere d'Adde tirant à Cremōne fut rompu, à cause dequoy y eut plus grand nombre de prisonniers: qui fut vn grand desastre, de trois cens hommes d'armes, & trois mille hommes de pied estre pris en vne ville, sans batterie, ny breche, ny eschelle. Les seigneurs Jean de Medicis & Federic de Bozzolo se sauuerent à Cremonne.

Prise de  
Laudes.

Ce mēme iour estoit monsieur de Lautrec venu loger à Rinalte avec le reste de l'armée. Sur le soir luy vin-

drentnouuelles de ceste perte, chose qui estonna fort la compagnie: car c'estoit l'une des principales esperances qu'eussions, que ladite ville de Laudes pour le passage de la riuere: & ne pouuoit monsieur de Lautrec auoir de reste que quatre cës hommes d'armes, & peu de gens de pied. Sur ce trouble le seigneur du Pontdormy feist offre, si monsieur de Lautrec la trouuoit bonne, de s'en aller jeter dedans Cremone, auant qu'elle fust saisie de Pennemy, avec la compagnie, & ceux lesquels de bon courage le voudroient suiure: & s'il rencontroit l'ennemy fort ou foible, le combattre, aymant mieux mourir des armes de l'ennemy, que de rōber en la misericorde des villains, ou de s'en retourner en France sans armes. Son opinion fut trouuée bonne: parquoy sans sejour feist mettre son enseigne aux champs, laquelle fut incōtinant accompagnée d'autres enseignes, & aussi de plusieurs qui par congé de leurs capitaines le suivirent. Ayant tout assemblé, leur feist entendre la deliberation qu'il auoit de cōbattre tout ce qu'il trouueroit en son chemin, & fust ce toute l'armée de l'ennemy, afin que chacun fust préparé pour cest effect: ayant trouué toute la troupe de bonne deuotion, se mist en chemin, prenant son armet, aussi firent tous ceux de la compagnie. Et ayant cheminé enuiron quatre mille, mōsieur le mareschal luy manda qu'il eust à l'attēdre, de quoy il fust bien estonné, voyant vne si soudaine mutation: parquoy ledit seigneur du Pontdormy manda audit mareschal, que son retardement pourroit amener perte de tant de gēs de bien qu'il auoit avecques luy, & pareillement de la ville de Cremone: mais qu'ayāt gaigné la porte de la ville, là il l'attendroit.

Retour en  
France de  
mōsieur de  
Lautrec.

Le seigneur de Lautrec apres auoir veu son entrepri-  
se de Laudes rompue, son armée ruinée, & les Venitiens  
qui desia s'ennuyoient de soustenir le reste de son armée  
en leur pais: par ce qu'il n'y auoit point de payement, se  
retira en France. Le seigneur de Montmorency voyant  
lesdits Venitiens de mauuaise volonté, s'en alla à Venise,  
pour

pour trouuer moyen de maintenir la seigneurie à la deuotion du Roy.

Le seigneur de Lautrec de retour en France, si le Roy luy feit mauuais recueil il ne s'en fault estonner, comme à celuy qu'il estimoit auoir par sa faulte perdu son Duché de Milā, & ne voulut parler à luy: mais le seigneur de Lautrec se voulant iustifier, trouua moyen d'aborder le Roy, se plaignant du mauuais visage que sa majesté luy portoit. Le Roy luy feit response qu'il en auoit grande occasion, pour luy auoir perdu vn tel heritage que le Duché de Milan: le seigneur de Lautrec luy feit response que c'estoit sa majesté qui l'auoit perdu, non luy, & que par plusieurs fois il l'auoit aduertty que fil n'estoit secouru d'argent, il cognoissoit qu'il n'y auoit plus d'ordre d'arrester la gendarmerie, laquelle auoit seruy xviij. mois sans toucher deniers, & iusques à l'extremité & pareillement les Suisses, qui mesmes l'auoient contrainct de combattre à son desauantage, ce qu'ils n'eussent faict s'ils eussent eu paiement. Sa majesté luy repliqua qu'il auoit enuoyé quatre cens mille escus alors qu'il les demanda, le seigneur de Lautrec luy feit response n'auoir iamais eu ladite somme: bien auoit il eu lettres de sa majesté par lesquelles il luy escriuoit qu'il luy enuoiroit ladite somme. Sur ces propos, le seigneur de Semblancay superintendant des finances de France fut mandé, lequel aduoua en auoir eu le commandement du Roy, mais qu'estant ladite somme prestee a enuoyer, madame la Regente, mere de sa majesté auoit pris ladite somme de quatre cens mille escus, & qu'il en feroit foy sur le champ. Le Roy alla en la chambre de ladite Dame avec visage courroucé, se plaignant du tort qu'elle luy auoit faict, d'estre cause de la perte dudit Duché, chose qu'il n'eust iamais estimé d'elle, que d'auoir retenu ses deniers qui auoient esté ordonnez pour le secours de son armée. Elle se excusant dudit faict, fut mandé ledit seigneur de Semblancay qui maintint son dire estre vray: mais elle dit

que c'estoient deniers que ledit seigneur de Sèblancay luy auoit de long tēps gardez, procedas de l'espargne qu'elle auoit faicte de son reuenu, & luy soustenoit le contraire. Sur ce differend, furent ordonnez commissaires pour decider ceste dispute: mais le Chancelier Duprat (de long temps mal meü contre ledit seigneur de Semblancay, jaloux de sa faueur & de l'autorité qu'il auoit sur les finances) voyāt que Madame estoit redeuable audit seigneur de Semblancay & non luy à elle, auant que souffrir ce differend estre terminē, meit le Roy en ieu contre ledit seigneur de Semblancay, & luy bailla iuges & commissaires choisis pour luy faire son proces.

ESTANT le seigneur du Pontdormy arriué à la porte de Ciermōne (comme ie vien de dire) y trouua le seigneur Federic de Bozzolo, & le seigneur Jean, que l'ay n'agueres dit s'y estre retirez apres la perte de Laudess: puis enuoya loger la gendarmerie dedans la ville, & luy tout à cheual attendoit mondit seigneur le marshal, qui arriua deux heures apres. Le lendemain furent distribuez les quartiers, & fut ordonné à vn chacun ce qu'il auoit à garder: car ils estoient bien assurez qu'ils ne feroient long sejour sans estre assiegez. Le seigneur Jean feittelle diligence qu'en quatre iours il eut vne troupe de quinze ou laize cens hommes: le seigneur Federic en alla en ses pais, pour aussi faire leuée de gens, & cinq ou six iours apres les ennemis se vindrent camper pres la ville. A leur arriuée le seigneur Jean se mutina, demandāt estre paye, & gagna l'vne des portes de deuers le cāp de Penlem, menānt de la luy bailler fil n'auoit paiement: parquoy on fut contrainct d'imprunter de tous costez pour luy fournir son paiement. Pendant ce temps, le marquis de Pesquaire lui enuoya à Pissequetō, qui est vne des plus fortes places d'Italie, sur la riuere d'Adde, laquelle pour l'estonnement de ceux qui la gardoient pour le Roy, luy fut rendue.

Capitulaciō

Nous gens ayans gardé Ciermōne quelque temps, & voyans



voyans le mauuais vouloir du seigneur Iean, considerans aussi le peu d'esperance de secours, capitulerent: par laquelle capitulatiō fut dit, si dedans trois mois le Roy enuoyoit armee si forte qu'elle passast la riuieredu Tesin, en ce cas ils seroient en leur entier: & là où dedans ledit temps l'armee du Roy ne passeroit ladite riuier, ils feroient leurs bagues sauues, armer en teile avec l'artillerie qui seroit trouuée, tant grosse que menue, marquée à la marque de France: & leur seroient baillez par le seigneur Prosper de bons pour la charier, ioinct qu'ils seroient conduits enseureté iusques dedans Suze. Aussi mondit seigneur le mareschal deuoit remettre entre les mains dudit seigneur Prosper Lec & Dendoile. L'occasion qui feir condescendre le seigneur Prosper à si honorable composition (car il estoit bien assure que n'estans secourus il les auoit la corde au col) fut par ce que Genes estoit encores entre noz mains, & assez mal pourueue d'hommes: & si donnoit loisir au Roy d'y pourueoir, il ne l'auroit iamais. Et estant deuant Cremonne, il ne pouuoit aller à Genes, mais ayant capitulé ladite ville, il auoit moyen durant lesdits trois mois que les Francois auoient d'induces, d'aller faire son entreprise sur Genes, ainsi qu'il feir: & par ladite composition estoit permis à tout homme de porter viures dedans Cremonne. Cesteict, le mareschal de Foix, par saufconduit, enuoya vn gentilhomme en poste deuers le Roy, pour luy faire entendre ladite capitulation pour luy donner secours. Les choses ainsi pallées & ostages baillez tant d'une part que d'autre, partit ledit seigneur Prosper avec son armee pour aller à Genes, sur la persuation de Hieronyme & Antoine Adornes Geneuois, & freres, lesquels luy auoient promis de mettre la ville entre ses mains. Or estoit gouverneur pour le Roy en ladite ville Octaue Fregose, homme prudent & aymé du peuple, mais malsain & non trop homme de guerre: lequel aduerty du partemēt de l'armee Imperiale pour venir audiz

sur Cremō-  
ne.

lieu en toute diligence, mist deux mille hommes en la ville & n'estans en nombre suffisant, aduertit le Roy de luy enuoyer secours, par-ce que la part Adorne festoit ioincte avecques les ennemis. Il fut trouué vn peu mauuais que le mareschal de l'oix eust si promptement capitulé pour la reddition de Cremonne: par-ce que le seigneur de Montmorency qui estoit à Venise, estoit sur le train de recommencer la ligue avec les Venitiens, mais estans aduertis de ladite capitulation de Cremonne, qui estoit vn de leurs principaux fondemens, d'autant qu'elle conserue leurs pais, changerent leur opinion, & tournèrent leur robbe.

Prise de Gennes.

Le Roy estant aduerty de ce qui estoit aduenu en Italie, tant de la routte de Bicoque, de la perte de Laudes, de la capitulation de Cremonne, que de l'armée Imperiale qui marchoit à Gennes, enuoya en toute diligence faire leuée de quatorze mille Gascôs, pour enuoyer en Italie avec cinq cens hommes d'armes: mais voyât que les forces ne seroient prestes à temps pour secourir Gennes, manda au Comte Petre de Nauarre estant à Marceille, qu'il aduisast de trouuer moyen de mettre quelques gens dedans Gennes, pour soustenir l'effort de l'ennemy, attendant le secours de France. Lequel Petre de Nauarre ne trouua audit lieu de Marceille que deux galleres prestes, sui lesquelles il sembarqua avec enuiron deux cens hommes, & feit telle diligence que il entra dedans la porte de Gennes, alors que le marquis de Pesquaire, qui menoit l'infanterie Espagnolle & Italienne, arriuoit à l'autre costé de la ville: lequel marquis enuoya vn trompette dedans la ville, pour sommer ceux de dedans de se mettre en l'obeissance de l'Empereur, les asseurant de la part de sa majesté de les tenir en routes leurs anciennes franchises & libertez. Les citadins, lesquels naturellement ne sont fermes en leur foy, mais desirent nouuelletez, promptement vouloient ouurir les portes aux Imperiaux, n'eust esté le seigneur Petre de Nauarre & si peu de soldats Francois qui estoient avecques luy qu'ils empeschèrent de ce faire: mais en fin furent contrains de permettre ausdits citadins

citadins d'enuoyer le seigneur Vital deuers ledit Marquis, pour parlementer & entendre son intention.

ESTANT ledit Vital en la tente du Marquis, les citadins s'asseurans sur le parlement, & à la promesse dudit Marquis qui estoit de riens innouer durant ledit parlement, faisoient mauvais guet: les Espagnols ayans la cognoissance d'une ruine qui estoit à vn pan de mur sans aucune deffence, entrerent dedans la ville, & mirent au fil de l'espée tout ce qu'ils trouuerent deuant eux. Les citadins se voyans surpris & trahis sans se mettre en deffence, chacun meit peine de se sauuer. L'Euesque de Salerne, frere d'Octau Fregose, & quelques autres gentils-hommes s'embarquerent sur vne fuste, & prenans la route de Marseille se sauuerent. Le seigneur Octau son frere estant au liét malade, se rendit prisonnier entre les mains du marquis de Pesquaire. Le Comte Petre de Nauarre avecques si peu d'hommes qu'il peut mettre ensemble, gaigna la place de la ville, auquel lieu apres auoir long temps combattu, autant que homme peult faire, en fin fut deffiaict & pris prisonnier. Vne partie de la compagnie du Comte de S. Pol se retira dedans le chasteau, lequel ils garderent tant qu'ils eurent à manger. La ville fut entierement mise à sac sans riens espargner, dont le seigneur Prosper fut fort mal content: car il esperoit que si elle n'eust esté saccagée, il en pouoit tirer argent content pour le payement de son armée. Toutesfois ie pense que ledit Marquis de fait delibéré le permist pour auoir la faueur de ses soldats, & leur donner curée. Je n'ay que faire de dire la grande abondance des richesses qui furent trouuées dedans, car chacun cognoist bien la grande opulence de la ville de Gennes.

GENNES prise & saccagée, le seigneur Prosper adverty d'une nouuelle armée de France qui passoit les monts, feit diligence de se retirer à Ast pour empescher les Francois de passer le Tesin, & secourir Peronne, de laquelle armée auoit la conduite le Duc Claude de Lon-

Sac de Gennes.

Passage de monsieur de Longueuil en Italie.

**Cremonne  
rendue.**

gueuille: scauoir est de quatre cēs hommes d'armes, & six mille hōmes de pied. Lequel arriué qu'il fut à Villeneufue d'Alt, estāt aduertty de la perte de Gēnes, pour le secours de laquelle en partie il estoit venu, ne passa outre tāt qu'il eut eu nouuelles du Roy: car son armée n'estoit suffisante pour cōbatre celle des Imperiaux. Le Roy se voyant hors d'esperāce de pouuoir secourir ny Gennes, ny Cremōne, mādā audit Duc qu'il se retirast en Frāce: or furēt les trois mois passēz que Cremōne deuoit estre secourue, parquoy à faulte de secours le mareschal de Foix, suiuant sa promesse, remist entre les mains du seigneur Prosper la dite ville de Cremonne, laissant au chasteau le seigneur de Bunnon, pour peu de ce qui luy estoit necessaire: & le seigneur Prosper feist conduire ledit mareschal de Foix avecques son artillerie en seureté, iusques au deca de Suze, & ne luy manqua de chose qui luy eust promise.

**Armée  
pour tenir  
Fontarabie.**

V o u s auez entendu par cy deuant comme l'an precedent l'Amiral de Bonniuet auoit pris Fontarabie, ville de Bisquaye, quatre lieues par de la Bayonne, laissant dedans gouuerneur Iacques de Daillon seigneur du Lude. Or est-il qu'incōtinant que l'armée dudit Amiral fut retirée en France, les Espagnols de toutes pars la vindrent assieger, & apres l'auoir tenue assiegée dix ou douze mois, l'auoient mise en telle necessite de viures, que plusieurs y moururent de faim, & sans estre secourue estoit impossible de pl<sup>us</sup> y demourer. Parquoy le Roy auoit depeesché le mareschal de Chastillon avecques vne armée pour aller secourir la ville & ledit seigneur du Lude: mais estāt arriué ledit mareschal de Chastillō à Dax six lieues au deca de Bayonne, le print vne mal'adie qui tant le persecuta qu'il en mourut: qui fut grande perte, pour estre homme experimenté & de credit. Sa mareschaussée fut donnée au seigneur de Montmorency, qui pour lors estoit à Venise, & le mareschal de Chabannes estant nouvellement de retour de la Bicocque, fut par le Roy enuoyé pour tenir le lieu que tenoit feu mondit seigneur.

**Mort du  
mareschal  
de Chastil-  
lon.**



le mareschal de Chastillon: lequel apres auoir receu Parmée, marcha droit à Bayonne, puis à saint leon de Lus, auquel lieu ledit mareschal de Chabannes assembla toutes ses forces. Icelles assemblées, marcha à Endaye: y estant arriué, par ce qu'il y auoit vne riuere entre le cāp Espagnol & le sien, se logea audit lieu d'Endaye, attendant Parmée de mer qui deuoit venir de Bretagne pour le renuitaillement, laquelle estoit conduite par le capitaine Lartigue, Vice-amiral de Bretagne. mais par la paresse ou malheureté dudit Lartigue qui demoura trop long temps à venir, nostre armée fut contraincte de temporiser. Toutesfois voyāt mondit seigneur le mareschal la faulte que faisoit ladite armée de mer, delibera de passer l'eau: estant passé, deslogea les ennemis à coups de canon, ne posans attendre: & par apres plusieurs escarmouches, se retirèrent par les montagnes, encores qu'ils fussent les plus forts en nombre. Entre autres y estoit pour l'Empereur le Comte Guillaume de Fustemberg, ayant charge de six mille lāsqueuets: parquoy monsieur le Mareschal ayant leué le siege, renuitaila la ville, & icelle biē pourueue se retira, laissant dedans pour lieutenant du Roy, au lieu du seigneur du Lude, le capitaine Frauguet lequel estoit lieutenant du mareschal de Chastillon quād il rendit l'ame a Dieu. Ledit seigneur du Lude feit si bien son deuoir en ce siege, & supporta telle extremité, qu'il ne sen estoit veu de pareille de nostre temps: parquoy il acquist tel hōneur qu'il peust estre parangōné à tous les sieges, tant du viuant de nous que de noz peres.

PENDANT que ces choses se faisoient tant en Italie qu'à Fontarabie, le Roy d'Angleterre, comme i'ay dit cy dessus, apres auoir desfié le Roy, ne sejourna point qu'en toute diligence il ne fist embarquer son armée pour venir descendre à Callaiz: de laquelle il feit chef le Duc de Suffolc qui auoit espousé la Royne Marie, vesue du feu Roy Louis douzielme de ce nom. L'Empereur aussi dressa son armée pour la faire ioindre avecques ledit de

Armée du  
Roy d'An-  
gleterre à  
Callaiz cō-  
tre la Picar-  
die.

Garnisons  
en Picardie.

Suffolc, dont le Comte de Bure, lieutenant general pour ledit Empereur en tous ses païs bas, estoit chef. Le Duc de Vêdoisme, qui estoit lieutenant general pour le Roy en Picardie, aduertit le Roy des preparatifs que faisoit Pennemy, tant l'Anglois que le Bourguignou, à ce qu'il luy pleut le secourir d'hommes & d'argent. Le Roy luy en noya le seigneur Louis de la Trimouille, gouverneur de Bourgongne avec bon nombre de gendarmerie: eux assemblez adviserent de pourvoir à ce qu'il leur estoit necessaire, & mesmes aux places où Pennemy se pourroit attaquer, car monsieur de Vêdoisme n'estoit assez fort pour tenir la campagne. Parquoy ledit seigneur ordonna dedans Boulongne (le cas auenant que Pennemy y vint) le seigneur de la Fayette, qui en estoit gouverneur, ayant charge de cinquante hommes d'armes: la compagnie de cent hommes d'armes du Duc d'Alacon, dont auoit la charge le baillif de Caen Jacques de Silly, le seigneur de Rochebaron d'Auuergne avecques xxv. hommes d'armes, & mille hommes de pied estans sous la charge du seigneur de Bourbarré & autres. Dedans Terouenne mist le seigneur de Brion (depuis Amiral) lieutenant general pour le Roy, avecques vne partie de sa compagnie (car le reste n'estoit encores de retour d'Italie) le seigneur du Fresnoy bastar de Moreul gouverneur dudit Terouenne, ayant charge de cinquante hommes d'armes, le Côte Dammartin, le seigneur de Listenay, le Viscomte de Turenne, le Seigneur de la Vauguyô, ayât charge chacun de xxv. hommes d'armes, le capitaine Saulseuze Normât, avec mille hommes de pied, le capitaine Montbrun avec mille autres. Dedans Hedin le seigneur du Bies, qui en estoit gouverneur, avec trête hômes d'armes & deux cens mortes-payes, dôt il auoit la charge, le seigneur de Serce, avec mille hômes de pied, & le capitaine la Lande avec cinq cens estans sous la charge du seigneur de Longueval, qui estoit demouré malade à Abbeuille. Dedans Montreul ordonna le Côte de S. Pol son frere avec qua-

tre cens

pre cens hommes d'armes, & monsieur le Duc de Guise son beaufrere avec six mille hommes de pied, estans sous la charge du Seigneur de Lorges : & estoient lesdits seigneurs compagnons en pouuoir. Monseigneur de Vendosme, & le seigneur de la Trimouille avecques deux mille Suisses, & quelque nombre de gendarmerie, & d'autres gens de pied Francois allerent à Abbeuille pour secourir où besoing seroit.

Les choses ainsi ordonnées, estant aduertty ledit seigneur de Vendosme que l'ennemy n'estoit encotes pour faire son passage de quinze iours, voulut bien employer ses forces, sans si long temps les laisser inutiles : parquoy, manda au seigneur de Lorges (lequel estoit party pour le secours de Gennes, avec six mille hommes de pied, mais estoit sur son retour, ayant eu nouvelles de la reddition du chasteau de Gênes, par faulte de viures) qu'il eust à venir trouuer le Cœur de S. Pol son frere, & monseigneur de Guise à Peronne, auquel lieu leur auoit ordonné faire leur amas, pour entrer en pais d'ennemy, ce qu'il fit. Puis lesdits seigneurs de S. Pol, & de Guise ayās assemblé leurs forces audit lieu de Peronne, allerent avecques quatre canons assaillir Bapaulme, & prindrēt ville & chasteau : laquelle apres auoir rasée, bruslée, & ruinée, ensemble ledit chasteau, prindrent leur chemin au passage de l'Ecluse, pour aller dedans le pais d'Austreuant entre la riuere de l'Escau & celle de Carpes. Mais audit passage trouuerēt les ennemis assemblez pour garder le pas, lesquels ennemis ils assaillirent de telle vigueur, qu'ils furent forcez & mis à vau de routte, & chaspez iusques dedans les portes de Douay, auquel combat Francois monsieur de Lorraine, frere de monseigneur de Lorraine & de monseigneur de Guise, n'estant aagé que de xvj. à xvij. ans porta ses premieres armes : lequel estant à la chasse des ennemis, voyant vij. ou viij. hommes de pied Bourguignons feste retirez dedans vn bois, & n'estāt aucunement apperceu de ses gens, luy seul alla pourchasser lesdits Bourgui-

gnons. Auquel lieu arriva de fortune le seigneur Martin du Bellay, accompagné de x. ou xij. chevaux, qui vint bien à propos pour ledit prince : car il estoit descendu à pied pour luy seul en combattre vij. ou viij. lesquels en fin furent taillez en pieces. Estant donc toute la compagnie courue iusques aux portes de Valenciennes & de Douay, & apres avoir faict vn merueilleux butin, l'armée se logea pour la nuict audit passage de Pêcluse, qui est sur vne rivièrre partât de Vy en Artois, qui vient tomber en Pêscau pres de Bouchin. Le lendemain l'armée françoise voyant n'avoir les forces pour assaillir ny Valenciennes ny Douay, apres avoir couru toute la plained' Artois iusques aux portes d' Arras, se retira à Encre, auquel lieu chacun se separa où il estoit ordonné.

DURANT ce temps les Anglois faisoient leur descente à Callaiz, & par ce q̃ leurs viures & bagages n'estoient encores arrivez, ils se logerent en la terre d'Oye: de quoy monseigneur de Vendosme aduerty, despescha messeigneurs le Comte de S. Pol, & le Côte de Guise, avec quatre cent. hommes d'armes pour aller en la foille Bou'onnoise, & empêcher l'ennemy de courir le pais, car lors estoit Ardres ruinée & abandonnée. Mais avant leur parremēt, sachant comme le capitaine qui avoit la charge pour le Roy du chateau de Côtes, situé entre Môtreul & Hedin, avoit perdu ledit chasteau, ledit seigneur de Vendosme y alla en personne, où apres avoir faict batterie, monsieur de Lorges l'emporta d'assault : & furent tous ceux de dedans taillez en pieces, hors mis le capitaine. Apres cela partirent lesdits Comte de S. Pol & de Guise, & se logerent vn iour à Deure, autre iour à Saulner au bas, autre iour à Bourdes & autres villages circonvoisins : de sorte que douze ou quatorze iours durans que les ennemis sejournerent en la terre d'Oye, lesdits seigneurs en desfirent plusieurs qui estoient hazardez d'entier en la dite foille, toutesfois estant toutes les forces des ennemis ruinées, ils furent contrainctz d'eux retirer dedans Môtreul,



treul, dont ils auoient la garde. Estant doncques l'armée des Anglois & Bourguignons assemblée entre S. Omer & Ardres, pour delibérer le chemin qu'ils deuoient prendre, en fin les Anglois persuadez par le seigneur de Beauvain, fils de monseigneur du Reu, entreprindrēt d'aller assaillir Hedin, estant la place la plus debile de toute la frontière, voyans aussi Boulougne, Terouenne & Montreul ainsi bien pourueues que dit est. Et arriuez qu'ilz furent audit lieu de Hedin, les ennemis se logerent du costé de deuers saint Pol, & firent leurs approches pour faire leur batterie entre la tour Robin & la tour S. Francois: où apres auoir faict batterie de quinze iours, & faict breche de trente ou quarante toises, encores que ladite breche fust raisonnable, n'osèrent entreprendre de donner l'assault: aussi battirent la tour S. Chrestoffe du costé du parc, mais n'en osterēt que les deffences d'amôr. Pendant ledit siege les ennemis ne furent long tēps de sejour, que de iour en autre ils n'eussent l'alarme en leur camp: & entre autres monseigneur de Guise & le seigneur du Pontdormy aduertis de quatre cens Anglois qui estoient venus courir vers le Bies & la cōmanderie de l'Oyson, partirent de Montreul avecques leurs compagnies, & vne partie de celle de monseigneur de Vendosme: lesquels ayās racints, encores qu'ils ne fussent qu'à demie lieuë de leur cāp, ils chargerent de telle vigueur, qu'ils furēt tous pris ou tuez, hors mistrente ou quarante qui se retirerēt dedans vn iardin fermé de grandes hayes, où ils combatièrent si obstinément, que monseigneur de Guise, contre l'opinion de plusieurs, par ce qu'il estoit trop pres du cāp de l'ennemy, se mist à pied pour les assaillir dedans ledit iardin: où en fin ils furent tous tuez sans que iamais Anglois se voulsist rendre à mercy. Vn autre iour, le seigneur du Pontdormy estant aduerty qu'ils estoient venus brusler Fressin, la maison de son frere aîné, les vint rencontrer, & les assaillit si furieusement qu'ils furent tous defaits. & aîsi iournellemēt se faisoient entreprise sur leurs

logis, tant par ceux de Terouenne, de Montreul, que de Dourlan, que nul fosoit escarter hors leur camp. Semblablement vindrent les pluies si grandes, que le flux de vent se meit entre les Anglois, en sorte qu'après auoir tenu le siege six sepmaines ou deux mois, ils furent contrains de le leuer avecques leur courtte honte.

Monsieur de Vendosme aduertty que les ennemis estoient sur leur deslogement, depescha le Comte de S. Pol avec trois cens hommes d'armes & vj. mille hommes de pied, qui estoient sous la charge du seigneur de Loges, pour se mettre dedans Dourlan: & luy avec le reste de son armée, accompagné de monsieur de Guise & de monsieur de la Trimouille, suiuit la riuere de Somme, pour tousiours costoyer le camp des ennemis: lesquels ayans leué leur camp de deuant Hedin, vindrent loger à Aussi le chasteau sur la riuere d'Orhie, mi-chemin dudit Hedin & de Dourlan. Le Comte de S. Pol voyant la ville de Dourlan n'estre tenable, pour n'y auoir point alors de chasteau, & que là où est maintenant situé le chasteau, est vne montaigne dont on voit de tous costez ladicte ville, de sorte qu'il n'y auoit moyen audit Dourlan de se mettre à couuert: à ceste occasion ledit Côte de S. Pol ayant gasté les viures qui estoient dedans, à ce que l'ennemy ne sen peut preualloir, & faict abbatre les portes de la ville se retira à Corbie, pour là faire teste à l'armée de Pennemy. Auquel lieu arriua aussi le mareschal de Montmorency: qui estoit nouuellement retourné d'Italie, ayant avecques luy les deux cens gentils-hommes de la maison du Roy, avec pouuoir dudit seigneur de demourer chef à Corbie, auenāt que l'ennemy y vint, dōt s'ourdīt quelque differend entre ledit Comte de saint Pol & le mareschal de Montmorency, par-ce que ledit Comte de saint Pol, y estoit arriué avec pouuoir de monseigneur de Vendosme d'y demourer lieutenant general, mais les choses passerent par gracieuseté. Le Duc de Suffolc & le Comte de Burcayans passē iusques à Beauquesne en esperāce d'as-

saillir

saillir Corbie, considérâs la prouision de ladite ville, & voyâs le temps si pluuieux, & tant de malades en leur armée, & l'hyuer qui les pressoit (car c'estoit enuiron la Toussaincts mil le cinq cens vingt-deux) apres auoir bruslé Dourlan, & tons les villages circouoissins, se retirerēt en Artois, puis donnerēt congé à vn chacun: les Anglois retournerent en Angleterre, & les Bourguignons en leurs garnisons. Sur leur retraitte les Comte de saint Pol & de Guise aduertis que à l'Pas en Artois y auoit bon nombre d'Anglois pour leur refreschir, les y allerent surprendre, de sorte qu'il en demoura de morts cinq ou six cens sur la place.

Peu de temps apres Pasques, mille cinq cens vingt-trois le seigneur de Longueual Nicolas de Bossu auoit faict vne entreprise d'vne marchandise; par laquelle vn de ses gens vendroit Guise aux Imperiaux: par le sceu dudit de Longueual le Roy en estant aduerty, la trouua bonne: Or estoit ledit marchand vn soldat de la garnison du chasteau dudit Guise, nommé Liuet, ferrurier: lequel disoit, & estoit vray, que ledit seigneur de Longueual lors estant en garnison audit lieu avec cinq cens hommes de pied, estoit de la partie, & feit venir quelques vns des caporaux & familiers dudit Longueual parler au Duc d'Arcot à Auēnes en Henault. Il n'est rien plus certain que ledit seigneur de Longueual estoit de la marchandise, mais non ainsi que l'entendoit ledit seigneur d'Arcot. Le iour venu de liurer la marchandise, le seigneur de Fleuranges deuoit venir du costé des Ardennes avecques quatre ou cinq mille hommes de pied, & trois cens hommes d'armes se ietter entre Auēnes & Guise pour empescher la retraitte des ennemis: & le Duc de Vendosme avecques quatre mille Allemans qu'auoit le Duc de Suffolc Blancheroſe, & trois mille Francois, & cinq cens hommes d'armes deuoient venir deuers Perōne, & leur couper chemin entre l'abbaye de Bôhourie & Guise, pour les deffaire, tellement qu'il n'y auoit aucune doubte en nostre entreprise: car l'ennemy se voulant retirer auoit ledit seigneur de Fleuranges en teste, & mōseigneur de Vendosme en queue:

1523-  
Traitté  
pour surprendre Guise.

fil vouloit combattre, auoit monseigneur de Vendosme en teste, & mōseigneur de Fleuranges en queue. A ceste entreprise, se deuoient trouuer tous les grands seigneurs de par-delà, voulant chacun auoir part a l'honneur & au butin: & pour nous amuser & mettre hors de soupçon, ou diuertir noz forces, festoit faict leuée de quinze mille Flamans, sous la charge monsieur de Fiennes, gouverneur de Flandres, avecques cinq ou six cens Anglois, & bon nombre de caualerie, lesquels estoient venus assieger Terouenne d'un siege volant. Le Roy estant à Chambort, se voulut trouuer à ladite entreprise, parquoy partant en poste fut enuiron minuit à lanlis pres de Chaunis, le iour dont la nuit ensuiuant se deuoit faire ceste entreprise. Vous scauez qu'il est mal aisé qu'un tel seigneur que le Roy puisse venir de si loing que de Blois à la Fere, où sont quatre vingts lieues, sans donner soupçon, & qu'il en soit nouuelle, car tout le monde le veult suivre. Les ennemis estoient desia en chemin pour executer leur entreprise, quand nouuelles leur vindrent par leurs espions que le Roy estoit arriué à lanlis: parquoy prenans leur marchant luy donnerent plusieurs altrapades, mais iamais ne voulut rien confesser. Le seigneur de Logneual, qui auoit ostages des ennemis, n'en fit moins à leursdits ostagiers: en fin estans acertenez par autres plusieurs aduertissemens certains de l'arriué du Roy, se retirerent en leur pais sans auoir la marchandise.

Armée du  
Roy en Pi-  
cardie.

LE Roy cognoissant auoir failly à son attente, delibera de ne perdre l'occasion de se preualloir avec l'armée qu'il auoit assemblée: à ceste cause manda au seigneur de Fleuranges de se retirer en sa frontiere de Sedan: luy marcha à Peronne, où il feit assembler toutes les forces qu'auoit monseigneur de Vendosme en Picardie: puis apres luy auoir ordonné d'aller leuer le siege de Terouenne, & enuillailler la place, se retira vers Paris. Mondit-seigneur de Vendosme ayant pris en main l'armée qui estoit de quatre mille Allemans (comme i'ay dit) sous la charge



charge du Duc de Suffolc Blancherose, & enuiron quatre mille Picards sous la charge du seigneur de Sercu, du seigneur de Bournouille, du seigneur de la Hergerie, du seigneur de Fontaines, fils du seigneur de Heilly & autres. & de cinq cens hommes d'armes, & du seigneur de Brion, que le Roy enuoya avecques quatre cens archers de la garde, & le seigneur de la Fayette, maistre de l'artillerie en ce voyage: delibera, pour aller droit à Terouenne, de marcher par le pais des ennemis, afin de le fouler, & soulager le nostre & aussi en passant raser quelques chasteaux qui estoient sur son chemin, & faisoient beaucoup d'ennuy à nostre frontiere. A ces causes prit le chemin de Baillicul le Mont, qui estoit vne place à mi-chemin d'Arras & Doullan, assez forte, & dedans y auoit trois cens Espagnols naturels, lesquels auoient promis la garder eu y mourir: mais ils ne firent ny l'un ny l'autre, car apres auoir cognu la tueur de la batterie, & quelques vns de leurs tuez, le courage deuint foye, & le rendirent leurs vies sauuer. Il fault entendre que la pluspart des capitaines n'estoit d'aduis de l'assaillir, estant pourueue de gens de guerre comme elle estoit: mais monseigneur de Vendosme demoura en son opinion de la forcer, disant qu'il ne luy seroit si proché qu'une telle place fait la braue deuant luy: & que mal aisenent oseroit il donner la bataille à l'ennemy deuant Terouenne, qui auoit le double d'hommes plus que luy, si l'alloit deuant vne telle place sans l'attaquer. Aussi luy-mesmes fait les approches en plain midy, où fut blessé pres de luy le seigneur de Piennes d'une arquebuzade au trauers du bras, & trois canonniers tuez à ses pieds, qui ayda bien à efflonner les ennemis, de se voir approcher en plain iour & sans tranchées: monseigneur de Vendosme apres auoir rasé le dit chasteau, & fait bôder les tours, prit chemin à Rouchauille & à Gincourt. Or l'ennemy estoit logé à Andincū & à Delleste, à demie lieue de Terouenne. & par ce qu'il n'estoit raisonnable de l'assaillir dedans Andincū, qui est sous

Prise de  
Bailliculle  
Mont.

logis à cause de la riuere du Lis, ordonna au seigneur du Lude, qui estoit mareschal de camp, aller faire l'assiette de son camp à Fonquemberge : afin qu'aïsement il peult auoir viures de Montreul, & l'ennemy à grande difficulté, par ce qu'on luy couppoit le chemin de saint Omer. Et ceux de la garnison de Terouenne, dedans laquelle estoit le capitaine Pierre-pont avecques la compagnie de monsieur de Lorraine, & le seigneur d'Esquilly luy coupoient le chemin d'Aire.

Les ennemis se voyans approchez de si pres, deslogerent la nuit d'Andinctun, & allerent loger à Huppés, maison du Tresorier de Boullenois, sur vn hault, tirant le chemin de saint Omer, laissant Terouenne a leur main droite : lesquels de loing nous voyans marcher en bataille droit à eux, abandonnerent ce logis, & allerent camper à Elfault, auquel lieu monseigneur de Vendosme les suiuit pour les combattre : cependant monsieur de Brion marcha droit à Terouenne avecques le charroy de l'enuitaillement, qui estoit ceste nuit venu de Montreul. Les ennemis voyans ledit seigneur de Vendosme marcher droit à Elfault, & q̄ desia le Côte de Dāmartin & le seigneur d'Esquilly leur auoient dressé Pescarmouche, entra parmy les Gantois & autres Flamans tel effroy, que sans attendre enseigne ny capitaine ny tabourin se mitent à vau de routte, droit à la riuere des Cordes, crians Gau, qui vault à dire que allons, fuyons, où se noyerent plusieurs, encores que personne ne les suiuiſt, & n'y eut iamais ordre de les arrester : & sans le seigneur de Dine, lieutenant de monsieur de Fiennes, lequel avecques quatre ou cinq cens cheuaux couurit leur fuite, la pl<sup>e</sup> part eut esté taillée en pieces. Je vous assure que ledit seigneur de Dine feit pour ce iour là grād seruice à l'Empereur, car qui eut deſſaiſt ceste troupe, le païs de Flandre eust esté fort esbranlé : maison dit en commun proverbe que si Phost scauoit ce que faict Phost, Phost deſſeroit Phost. Aussi arriua le seigneur de Brion, qui auoit conduit

Conduit le charroy à Terouenne, lequel declara à Monseigneur de Vendosme, qu'il auoit charge expresse du Roy de luy dire qu'il n'eust à hazarder la bataille: & sans cela ie pense que mondit seigneur de Vendosme les eust combatus, mais il ne voulut desobeir aux commandemens du Roy. Mondit seigneur de Vendosme ayant faict retirer l'ennemy, vint loger à Andinctun, pour estre lieu propre pour conduire les viures venâs de Montreul: auquel lieu d'Andinctun il feit séjour de viij. ou x. iours, iusques à ce qu'il eust mis viures dedans Terouenne.

ENVIRON le mois d'Auril ensuiuant 1523. le Roy voyant qu'il auoit desia depesché en Italie deux ou trois armées pour le recouremēt de son Duché de Milan, dōt il ne luy estoit venu aucun profit, mais ruine pōt luy & pour son Royaume, delibera d'y aller en personne: mais craignant qu'en son absence on assaillist les frontieres, y voulut pourueoir auant que partir: mesmes à Terouenne que l'an precedant il auoit faict ranuitailler (cōme ie vien de dire) voulant bien de nouueau la pourueoir, afin qu'il se peult ayder en son voyage des forces qu'il auoit en Picardie. Pour cest effect ordonna à monseigneur de Vendosme mettre ensemble ses forces, & feit letier cheuaux & chariots par toutes les elections voisines, & enuoya le mareschal de Montmorency pōt assister à mondit seigneur de Vendosme, & mener l'auantgarde: l'armée mise ensemble & les viures & charroy, partirent de Montreul, & allerent camper à Andinctun, qui est vn village à deux lieues de Terouenne sur la riuere du Lis qui est encores petite, car elle commence sa source à Pilebourg deux lieues de là, sur le chemin dudit lieu de Hedin, & est ledit village d'Andinctun au bout de la forest de Fonquemberge tirant à Fruges & à Hedin.

ESTANS arriuez audit lieu, logerent le camp: l'auantgarde que conduisoit le mareschal de Montmorency, d'vn des costez de la riuere, la bataille de l'autre. Les ennemis quelques iours apres estans aduertis de ce logis

Ranuitaillement de Terouenne.

Entrepris des ennemis sur nostre camp descouuerts.

ainsi separé, firent entreprife d'affaillir la nuit les deux logis en vn mesme temps du costé de la bataille: le seigneur de Villebon, capitaine de cheuaux legers estoit logé vn peu au deuant du camp, à la venue des ennemis. La troupe des Bourguignons ordonnée pour donner sur la bataille, donna dedans le guet des cheuaux legers, lequel elle força de sorte qu'elle donna aussi tost dedás leur logis, que les nouvelles de Palarme: & ne leur donnait loisir de se recognoistre, renuersa leldits cheuaux legers dedans le guet de la bataille, qui fut renuersé iusques dedás le logis de la gendarmerie, dont elle en trouua vne partie à cheual qui soustint le faix. Les ennemis famuserent à piller le bagage des cheuaux legers: ie pense que s'ils ne s'y fussent amusez, ils eussent mis nostre camp en grand desordre: mais cela les retarda, qui nous donna loisir de pouruoir à noz affaires.

PENDANT le temps que ceste troupe donna dessus le logis de la bataille, l'autre donna sur le logis de l'auantgarde, conduite (comme i'ay dit) par le mareschal de Montmorency, lequel auoit assis son guet bon & fort: dont auoit fait chef vn sien homme d'armes nommé la Tiguerette, lequel oyant quelque rumeur à ses sentinelles, alla luy seul pour recognoistre que c'estoit: mais il ne fut iamais vn peu outre ses sentinelles pour mieux entendre, qu'il fut chargé de leur troupe & enuéléppé & pris prisonnier. Se voyant pris, craignant que le camp fust surpris, soudain cria alarme, dont les ennemis le voulurent tuer, mais il voulut plustost hazarder sa vie que de laisser en danger toute l'armée: soudain toute l'auantgarde fut en armes, parquoy les ennemis se voyans descouuers, se retirerent: l'armée demoura en armes iusques à soleil leuant, que le pais fut bien descouuert, puis l'auantgarde & bataille se logerent ensemble, où estoit logé le mareschal de Montmorency, & ne feismes plus les fois de nous separer: depuis ne furent nouvelles que l'ennemy nous donnait empeschement en nostre enuaillement, lequel se faisoit



Faisoit en la forme que ie vous diray. L'escorte qui estoit à Montreul amenoit les viures iusques à la forest de Fouquemberge, & la gendarmerie du camp l'accompagnoit iusques à Terouenne.

LE Roy estant aduertý que sa ville de Terouenne estoit pourueue de toutes choses necessaires, manda le mareschal de Montmorency de le venir trouuer : & à mōseigneur de Vêdisme qu'il eüst à luy renuoyer le Due de Suffoic, avecques les lanquenets estans sous sa charge, & deux ou troismille hommes de pied Picards, avecques vne partie de la gendarmerie. Aussi manda le reste de son armée à se trouuer au cōmencemēt d'Aouil à Liō, puis despescha l'Amiral de Bonniuet pour rousiours gagner le pas de Suze, attendant que luy marcheroit avecques le reste de ses forces : enuoya pareillement en Suisse le mareschal de Montmorency pour faire leuée de xij. mille Suisses, & donna charge au seigneur de Lorges de six mille Francois pour marcher quād & ledit Amiral de Bonniuet. Ce fait, le seigneur de Montmorency feit telle diligence, qu'estant arriué l'Amiral à Suze, il arriva à Ivrec avecques les xij. mille Suisses qu'il auoit leué, & se ioignirent ensemble pres Turin attendans le Roy.

LE seigneur Prosper Colōne, & le vice-Roy de Naples aduertis du grand effort qui venoit au Duché de Milan, firent ligue avecques les Venitiens, qui abandonnerent la ligue de France, & avecques tous les potentas d'Italie, comme le Pape, les Florétins, Genouois, Senois, Luquois : lesquels se liguerent ensemble cōtre les Francois, au cas qu'ils vinssent pour troubler le repos d'Italie. Et y deuoit chacun d'eux contribuer pour sa quoteportió, de laquelle ligue fut fait chef le seigneur Prosper Colonne : lequel ayant pris sur ses bras la charge de ladite armée, commença en toute diligence de pourueoir aux affaires du Duché de Milan, & mesmes à fortifier les passages du Tesin, en intention de nous empescher le passage. L'Empereur pareillement, & le Roy d'Angleterre

Traité &  
pratiques  
contre le  
Roy.

auoiet fait ligue ensemble, que si l'armée du Roy passoit les monts, celle du Roy d'Angleterre deuoit passer en Picardie, de laquelle auroit la charge le Duc de Norfolk. Séblablement le Comte de Bure dresseroit autre armée de lansquenets avec la force des bas pais, & se deuoit venir ioindre avec l'armée Angloise. Alors se demenoit contre le Roy autre pratique de grande importance, que ie declareray ainsi que ie senten:

Occasïo du  
partement  
de monsieur  
Charles de  
Bourbon.

Vous auez ou y par cy deuant comme l'an mille cinq cēs vingt vn que ledit fleur Roy avec son armée alla deuant Valanciennes, il auoit baillé son auātgarde à mener au Duc d'Alancōn, & au māreschal de Châtillon: parquoy monsieur de Bourbon, auquel apparrenoit la conduitte de ladite auātgarde, par ce qu'il estoit Connestable de France, eut plus de malcontentement qu'il n'en feist de demonstration. Au retour duquel voyage, & peu de temps apres, mourut madame Suzanne de Bourbon, fille du feu Duc Pierre de Bourbon, & de madame Anne de France, fille du Roy Louis xj. & sœur du Roy Charles huitiesme: laquelle Susanne auoit espousé ledit Connestable Charles de Bourbon, Comte de Montpensier. Or après le deces du Duc Pierre de Bourbon, ledit Charles Comte de Montpensier descendu d'un puîné de Bourbō, & d'une fille de Mantoue, voulut maintenir que toutes les terres estans de la succession dudit deffunct de Bourbon, tenues en apanage luy appartenoiēt comme estant hoir masle, & non à ladite Suzanne. Pour assopir lequel differend, encores que Charles de Valois Duc d'Alancōn eust fiancé ladite Suzanne de Bourbon, ce non-obstant fūt faict le mariage dudit Comte de Montpensier & de ladite Suzanne, dont il se nomma Duc de Bourbon: & du Duc d'Alancōn fut faict le mariage de Marguerite, sœur de Francois, Côte d'Angoulesme, & depuis Roy. Puis estant ladite Suzanne morte, madame la Regēte, à l'instigatiō (cōme on disoit) du Chācelier Antoine du Prat, meit en auant qu'au Roy appartenoiēt les terres tenues en apanage, venues de la succession dudit Pierre de Bourbō: & à madame la Regente,

Regente, comme plus proche, estant fille de l'une des sœurs dudit Duc Pierre, mariée avec le Duc de Sauoye, dont elle estoit fille, appartenoyent les terres n'estans en apanage, plustost qu'audit Charles de Bourbon qui estoit esloigné de trois lignes: à raison dequoy proces fut mené à la cour de Parlement à Paris. Charles de Bourbon se desiant ou de son droit ou de la iustice, & ayant peur que pendant son proces on penroyast à l'hospital, chercha par le moyen d'Adrian de Crouy, Comte du Ru, de pratiquer avecques l'Empereur, aimant mieux abandonner la patrie que d'y viure en necessité: & par les traittez qu'il feit avec ledit Empereur, deuoit espouser madame Alienor sa sœur, veufue de Portugal, & de puis Royne de France. Cependant le Roy estant party de Paris pour prendre le chemin de Lion & paracheuer son voyage d'Italie, arriué qu'il fut à saint Pierre le Monstier, fut aduertý par deux gentils-hommes Normans, qui estoient de la maison dudit Duc de Bourbon, l'un seigneur d'Argonges, l'autre de Matignõ, de la pratique qu'auoit ledit Charles de Bourbon avec l'Empereur: apres lequel aduertissement le Roy feit séjour audit lieu de saint Pierre le Monstier, attendant les bandes des lansquenets que le Duc de Suffois amenoit de Picardie, lesquelles arriuerent deux iours apres: car le Roy ne vouloit entrer à Moulins sans estre bien accompagné, auquel lieu estant arriué logea toutes ses enseignes d'Allemands aux portes.

L'entreprise dudit de Bourbon estoit de cõtrefaire le malade, pour n'aller en Italie avecques le Roy: car le Roy estant passé les montaignes, & estant le Roy d'Angleterre descendu en Picardie, il deuoit faire descendre le Comte Guillaume de Fustemberg, & le Comte Felix avecques x. ou xij. mille Allemands, lesquels passans par Coiffy & Chaumont en Bassigny, se deuoient venir ioindre avec luy dedans ses pais, où il esperoit, par le moyen de ses seruiteurs & subiects, mettre ensemble trois cens hommes d'armes, & cinq ou six mille hommes de pied: & desia auoit depesché la Motte des Noyers gentil-homme Bourbonnois pour tenir presté ladite leuée

d'Allemands, & par ce moyé faire la guerre dedans les entrailles de France: aussi deuoiés les Espagnols dresser vne grosse armée pour assieger Fôtarabie, cōme ils firēt. Cēs choses cōsidérées, mesmes le Roy estāt hors de son Royaume avecques toutes ses forces, sans poit de faulte il est apparāt que la France eust esté esbranlée deuant que la pouuoir secourir: car si le Roy eust voulu resourner la teste en cā, il eust eu l'armée d'Italie a sa queue. Mais Dieu qui a tousiours cōseruē ce Royaume y pourueut, car desia (cōme dit est) auoit eu le Roy aduertissemēt de la pratique dudit de Bourbon, non pas toutesfois des conclusions au vray que ie vien de dire, mais tant seulement qu'il trafiquoit avec l'Empereur pour se retirer deuers luy: parquoy en toute diligence le Roy dōna ordre aux affaires de sondit royaume, & par ce qu'il scauoit mōseigneur de Vêdosme estre de la maison de Bourbō (chose qui luy pouuoit engendrer souspeçon) le voulut bien mener quand & luy en Italie. A ceste occasion le tirant de Picardie, qui estoit son gouuernemēt, y enuoya le seigneur de la Trimouille pour son lieutenant general, laissant en Chāpagne le seigneur d'Orual, puisné d'Allebret, dont il estoit gouuerneur: & au lieu du seigneur de la Trimouille, qui estoit gouuerneur de Bourgōgne, laissa le Duc de Guise: en Guienne & Languedoc, le seigneur de Lautrec Odet de Foix, & madame Louise la mere Regēte en France.

Le Roy arrivē audit Moulins, trouua le Duc de Bourbō cōtre faisant le malade, mais le gentil Prince qui tousiours estoit plus enclin à misericorde qu'à vengeance, espérant reduire ledit de Bourbon, & le diuertir de son opiniō, alla visiter en sa chambre: auquel lieu apres l'auoir reconfortē de sa maladie, qui toutesfois estoit simulē, luy declara les aduertissemens qu'il auoit des pratiques que faisoit faire ledit Empereur par le seigneur du Ru pour l'attirer à son service, & le diuertir de la bonne affectiō qu'il estoit assēurē qu'il portoit à la Couronne de France: & qu'il pensoit bien qu'il n'auoit escoutē les-

dita



dicts propos pour mauuaise volonté qu'il portast à luy ny au Royaume, estant sorty de sa maison, dont il estoit si proche. Mais que desespoir & crainte de perdre son estat luy pouuoient auoir troublé la bonne amitié & affectiō qu'il auoit tousiours porté enuers son Price & seigneur, & qu'il eust à mettre hors de sa fantasie telles choses qui le troubloient: Passieurant qu'au cas qu'il perdist son pro ces contre luy & contre madame sa mere, de luy restituer tous ses biens, & qu'il se tint préparé pour l'accompagner en son voyage d'Italie.

LE DIT seigneur de Bourbon, comme sage & prudent, sceut bien dissimuler sa deliberation: bien confessa au Roy q le dit Adriā de Crouy seigneur du Ru Pauoit recherché de la part de l'Empereur, mais que luy ne luy auoit iamais voulu prestter l'oreille, & qu'il auoit bien en pēseé d'en aduertir le Roy au premier lieu qu'il parloit a luy. Toutesfois qu'il ne l'auoit voulu mettre en la bouche d'autrui, assurant quand & quand le Roy que les medecins luy promettoient que dedans peu de iours il pourroit aller en litiere, & qu'incontinent ne faudroit se trouuer à Lion apres sa majesté. Ce neantmoins le Roy fut de plusieurs conseillé de se saisir de la personne, mais estāt Prince humain, ne voulut faire exécuter ladite opiniō, veu mesmes que les choses n'estoient bien auerées, & qu'il n'estoit raisonnable de faire iniure à vn tel prince qu'estoit monsieur de Bourbon, sans premierement estre les choses bien iustificées.

Le Roy se pensant tenir asséuré de la promesse de monsieur de Bourbon, estimant l'auoir bien reconcilié partit de Moulins, & print son chemin à Lion, pour tousiours faire acheminer son armée: & laissa pour accompagner ledit seigneur Perrot de la Bretonniere seigneur de Vuarry. Peu de iours apres le Duc de Bourbon partit de Moulins, & print le chemin de Lion, mais estāt arriué à la Palisse seignit sa maladie estre régregée, & dudit lieu partit ledit Vuarry, avec lettres de mondit-sei-

gneur de Bourbon, pour acertener le Roy de son partement. Apres le partement dudit d'Vuary, monsieur de Bourbon considerant que par arrest de la cour de parlement tous ses biens estoient sequestrez, & que mal-aïsemēt en pourroit il iamais iouir, ayāt vne si forte partie q̄ estoit Madame mere du Roy, voulut auant que passer outre, entendre la volonte dudit seigneur: attendant laquelle se retira à Chantelles, place sienne assez forte, où estoient tous ses meubles, duquel lieu à son arriuee despescha deuers le Roy l'Euesque d'Autun, de la maison des Huraults, avecques lettres & instructions signees de sa main, lesquelles i'ay bien voulu icy inserer de mot à mot.

Lettres de  
monsieur de  
Bourbō au  
Roy.

MONSIEUR, ie vous ay escript bien amplement par Perot d'Vuary, depuis ie vous ay despesché l'Euesque d'Autun present porteur, pour de tant plus par luy vous faire entendre la volonte que i'ay de vous faire seruir: ie vous supplie, monseigneur, le vouloir croire de ce qu'il vous dira de par moy, & vous asseurer sur mon honneur que ie ne vous feray iamais faulte. De vostre maison de Chantelles, le vij. de Septembre.

Instruction.

Mais qu'il plaise au Roy faire rendre les biens de feu monsieur de Bourbon, il promet de le bien & loyaument seruir, & de bon cœur, sans luy faire faulte, en tous endroits où il plaira audit seigneur, toutes & quantes fois qu'il luy plaira, & de cela il l'en asseurera iulques au bout de sa vie: aussi qu'il plaise audit seigneur pardonner à ceux auxquels il veult mal pour celuy affaire. Et auoit signe lesdites instructions de sa main.

DEPUIS l'arriuee de Perot d'Vuary à Lion, le Roy fut aduertey comme monsieur de Bourbō auoit delaisse le grand chemin, & festoit retire à Chantelles: parquoy soudain despescha le bastar de Sauoye, grand maistre de France, & le mareschal de Chabannes, avecques chacun cent hommes d'armes, pour trouuer moyen d'arrester ledit Duc de Bourbō, ou bien l'assiéger dedans Chantelles.

Aussi

Aussi de peschala compagnie du Duc d'Alaon de cent hommes d'armes, & celle de monsieur de Vendosme de pareil nombre, & d'autre part les capitaines des gardes & preuoist de l'hostel. Montieur le grand maistre ayant pris le droict chemin de Moulins, arriué qu'il fut à la Pacauldicre, trouua les mullets de l'Euesque d'Aulun qui prenoient le chemin de Lion, pour executer le commandement qu'ils auoient du Duc de Bourbon, lesquels ils feirent arrester & cercher dedās, si l'y trouueroit quelque chose contre le seruice du Roy. Peu d'heures apres arriua le dit Euesque, lequel fut pareillement arresté cōme auoient esté ses mullets: aussi fut le seigneur de saint Ballier, qui estoit à Lion, messire Emard de Prie, le seigneur de la Vauguyon, qui estoit à Terouenne, & plusieurs autres.

Partement  
de mōsieur  
de Bourbon.

MONSIEUR de Bourbon aduertý de l'arrest faict sur la personne de l'Euesque d'Aulun, se desespera de trouuer grace enuers le Roy, parquoy delibera de sauuer sa vie: aucuns de ses priuez estoient d'aduis qu'il se deuoit laisser assieger dedans Chantelles, mais luy qui estoit homme cognoissant, iugea bien n'estre raisonnable de se fermer en vne place, au milieu du Royaume de France, hors d'esperance de tout secours. Parquoy delibera de se sauuer hors du Royaume, & pour cest effect partant de Chantelles, n'ayant de compagnie que le seigneur de Pomperant sans page & sans vallet, se mit à chemin en habit dissimulé. La premiere nuit vindrent au giste en la maison du seigneur de Lallieres, vieil gentil-homme, nourry en la maison de Bourbon, duquel le nepueu estoit de la partie: mais estant là, changea d'opiniō de son chemin qu'il auoit à prendre, & tourna tout court à main droicte, & vint le lendemain coucher en la maison dudit Pomperant, & de là au Puis en Auvergne. Puis prenant le chemin laissant Lion à la main gauche vint loger à S. Bouuet le froid, en vne hostellerie séparée hors du village: & par-ce que mōdit-seigneur de Bourbon n'auoit repeu, furent contrains d'y arrester, esperans y repaistre sans

estre apperceus ny cogneus, par ce qu'il n'y auoit qu'une  
vieille hostesse audit logis. Mais le soir bien tard y arriua  
celuy qui tenoit la poste pour le Roy à Tournon, venant  
de Lion pour faire repaistre son cheual: qui fut cause que  
lesdits seigneurs de Bourbon & Pomperant deslogerent  
sur l'heure, & toute nuit allerent repaistre à vn village à  
deux lieues de là, nommé Vauquelles, dont l'hostesse du-  
dit lieu recogneut Pomperant, & luy dit nouuelles com-  
me ses grands cheuaux auoient passé le iour precedant  
par là: & pour laquelle cognoissance, l'hostesse luy presta  
vne iument de relai, par ce que son cheual estoit recreu,  
& luy bailla son filz pour guide.

D V D I T Vauquelles partit mondit-seigneur de Bour-  
bon, seignât estre seruiteur de Pôperant. enuirō minuit:  
& au point du iour arriua à Dauce pres de Vienne, estât  
la riuere du Rhosne entre deux. Le seigneur de Bourbō  
demoura caché derriere vne maison, craignât qu'il y eust  
garde de par le Roy sur ladite riuere, cependant que Pô-  
perant alla pour entendre des nouuelles: lequel estât ar-  
riué pres du pont de Vienne, trouua vn boucher, auquel  
il fist entendre qu'il estoit archer de la garde du Roy,  
luy demandant si ses compagnons n'estoient pas venus  
à Vienne pour garder le passage, à ce que monsieur de  
Bourbō ne passât la riuere, & que ses cōpagnons luy a-  
uoient mandé que leur enseigne sy deuoit trouuer. Le  
boucher luy feit respōce qu'il n'y en auoit aucuns, mais  
biē auoit il entēdu qu'il y auoit force gens de cheual du  
costé de Dauphiné. Pôperant ayant entēdu le passage n'e-  
stre gardé, retourna deuers mōsieur de Bourbō, & cōclu-  
rent de ne passer point le pōr, craignās d'estre cogneus,  
mais aller passer à vn bac à demie lieu de là: auquel lieu  
estās embarquez, x. ou xij. soldats de pied sembarquerēt  
auec eux, chose qui estonna ledit de Bourbon: mesmes  
qu'estans au milieu de la riuere, Pôperant fut recogneu  
par aucuns desdits soldats, qui dōna plus grande terreur  
à mondit-seigneur de Bourbon, toutesfois il fut rassuré  
par ledit



par ledit Pomperant, disant que fils cognoissoient quelque hazard ils couperoiẽt la corde pour faire tourner le bac vers le païs de Viarez, où ils pourroient gaigner les montagnes, & se mettre hors de danger : mais ils ne tomberent en cest inconuenient,

AYANS mesdits seigneurs de Bourbon & Póperant passé la riuere, tant qu'ils furent à la veüe des hommes, suivirent le grand chemin de Grenoble: puis tournerent à trauers les bois droict à S. Antoine de Viennois, & allerent loger à Nanty, en la maison d'une ancienne dame vesue, laquelle durant le soupper recogneut Pomperant & luy demanda s'il estoit du nôbre de ceux qui auoient faict les fols avecques monsieur de Bourbon: Pomperant respondit que non, mais que bien il voudroit auoir perdu tout son bien & estre en sa cõpagnie. Sur la fin de table, vindrẽt nouuelles que le preuost de l'hostel estoit ou auoit esté à vne lieuẽ de là, bien accõpagné, à la poursuite de monsieur de Bourbon, dont il fut estonné, de sorte qu'il se voulut leuer de table pour se sauuer: mais il en fut empesché par ledit Pomperant, pour craĩnte de donner soupçon à la compagnie. Au sortir de table monterent à cheual, & allerent loger à six lieuës de là, auquel lieu ils sejournerent vn iour pour reposer leurs cheuaux: par-ce que c'estoit vn lieu incogneu dedans les montagnes.

Le mardy ensuiuant, des le pionct du iour, prindrent le chemin du pont de Beauuoisin, pour tirer droict à Chambery, ou par les chemins trouuerent grand nombre de caualerie, allant à la suite de l'armée que conduisoit monseigneur l'Amiral de Bonniuet en Italie, dont ils eurent grande peur d'estre cogneus. En fin le mecredy sur le tard arriuerent à Chambery, où ils conclurent de prendre la poste iusques à Suze: & de là prendre le chemin par les païs de monsieur de Sauoye pour arriuer à Sauonne ou à Gennes, & là sembarquer pour aller en Espagne trouuer l'Empereur: mais le matin qu'ils deuoient partir, le Comte de S. Pol passa en poste prenant le-

dit chemin de Suze pour aller trouuer monſieur l'Amiral en Italie, parquoy ils changerent leur deſſein, prenants le chemin du mont du Chat, & à huiſt lieues au deſſus de Lion repaſſerent le Rhosne, prenants le chemin de ſainct Claude. Et y eſtans arriuez, ne trouuans le Gardinal de la Baulme, n'y firent ſejour que d'une nuit: & allerent trouuer ledit Cardinal à la tour de May, maiſon depédâre de l'abbaye de S. Claude, où il faiſoit ſa demeure: auquel, par-ce qu'il eſtoit ſeruiteur de l'Empereur, il ſe ſeignoit. Le lendemain avec bonne eſcorte de cauallerie que luy bailla ledit Abbé, ſen alla coucher à Colligny, & de là à Paſſeran, & y ſejour viij. ou x. iours. Partant dudit Paſſeran, alla monſieur de Bourbon à Bezancon, & de Bezancon à Liere en Ferrette, auquel lieu ſe trouuerent la plus grande part des gentils-hommes qui auoient abandonné le Roy & leurs maiſons pour le ſuiure: deſquels eſtoit le ſeigneur de Lurcy, Lalliere, Montbardo, le Pelou, le ſeigneur d'Eſpinars, le Pelchin, Tauſune & pluſieurs autres. Et pareillement le vindrent trouuer le capitaine Imbault, & l'Eſleu Petitdey, luy penſans perſuader de retourner en Frâce, ſe faiſans forts que le Roy mettroit en oubly les choſes paſſées avec bon traitement tel que le Roy luy auoit offert, paſſant à Moulins, à quoy il ne voulut condeſcendre, tellement qu'ils ſen retournerent France ſans auoir rien exploité. Partant de Liere, ledit de Bourbon acompagné de ſoixante ou quatre vingts cheuaux, trauerſa les Allemagnes, puis au bout de ſix ſepmaines arriva à Trente, auquel lieu apres y auoir faiét ſejour de deux ou trois iours alla à Mâtoue, où il fut receu du Marquis en grande amitié, d'autant qu'ils eſtoient couſins germains, par-ce que la mere dudit Duc de Bourbo eſtoit ſœur du feu Marquis de Mantoue pere d'iceluy: lequel meit iceluy ſeigneur de Bourbon en tel equipage qu'il appartenoit à un tel prince, de cheuaux, d'armes, mullers, & autres choſes neceſſaires tant pour luy que les ſiens. Le quatrieſme iour de ſon arriuée, partant de Mantoue, alla à Cremonne, auquel lieu il fut bien recueilly par le gouuerneur. Le lendemain

avecques

avecques bõne escorte de cheuaux fut cõduit à Plaifance, où le vint trouuer Dom Charles de Lauuoy, vice-Roy de Naples leq̃l venoit pour estre lieutenant general pour l'Empereur au Duché de Milan, pour l'extreme maladie en laquelle estoit tombé le seigneur Prosper Colonne.

Après auoir communiqué ensemble des affaires de la guerre, ledit seigneur de Bourbon partit pour aller à Gènes pour s'embarquer & faire son voyage en Espagne, auquel lieu attendant le vent il sejourna cinq sepmaines & aussi attendant le retour du seigneur de Lurey, lequel dès qu'il estoit en Allemagne audit de pesché deuers l'Empereur pour entêdre sa volonté. Finablement n'ayant plus d'attente au retour dudit Lurey, delibera de passer outre: mais alors qu'il pensoit embarquer, descendit au port de Gennes messire Adrian de Crouy, seigneur du Ru, & avecques luy le seigneur de Lurey, lesquels apporterent responße de l'Empereur: c'est, qu'il bailloit en option audit seigneur de Bourbon, ou d'aller en Espagne, ou bien de demourer en Italie avecques l'armée. Sur lesquelles offres il conclut de demourer au Duché de Milan, pour veoir à quelle fin tourneroient ces deux grosses armées du Roy & de l'Empereur: attendu mesmes que desia nostre armée tout l'hyuer fessoit ruinée deuant Milan, & sur ladite resolution alla trouuer le vice-Roy de Naples & l'armée Impetiale à Binasq.

Le mareschal de Chabānes, & monsieur le grād maître ayans failly à rencontrer monsieur de Bourbon, lequel fessoit sauué en la maniere que ie vien de declarer, allerent à Chantelles, laquelle place leur fut rendue par le capitaine, apres auoir esté son mē de la part du Roy son souuerain seigneur, en laquelle place ils trouuerent tous les meubles de la maison de Bourbon, qui estoient les plus beaux qui fusient en maison de l'ince de la Chrestienté, qu'ils mirent entre les mains du Roy. Semblablement mis en l'obeissance dudit seigneur le chasteau de Carlar, & generallement toutes les autres places de la

Issue de la  
rebelliõ de  
mõsieur de  
Bourbon.

maison de Bourbon. Aussi peu apres le Roy feit prendre prisonniers par souspeçon messire Emar de Prie, capitaine de cinquante hommes d'armes, le seigneur de Joinct Vallier, capitaine de cent gentils hommes de la maison du Roy, le seigneur de la Vauguyon capitaine d'hommes d'armes qui pour lors estoit en garnison à Tetroenne, & plusieurs autres gentils-hommes seruiteurs de ladite maison: desquels encores qu'aucuns fussent trouvez auoir eu la cognoissance de ladite coniuration, laquelle ils n'auoient reuelée comme ils estoient tenus, ce-néobstant à tous leur pardonna. L'Euesque d'Autun, fils du feu general Hurault, iacoit que tous les biens tant de luy que des siens fussent venus du Roy & de ses predecesseurs, fut souspeconné d'auoir esté du conseil de ladite fuitte, parquoy fut mis prisonnier, puis apres deliuré: mais estant en liberté se retira apres mondit-seigneur de Bourbon, & apres le trespas de Hieronyme Moron, monsieur de Bourbon le feit chancelier de Milā: toutesfois depuis le Roy luy pardonna, & le remeist en tous ses biens. Par les choses predites on peult facilement recognoistre la grande humanité du Roy, lequel estant offensé de ceux qui auoient receus les biens & honneur de luy, ne print vengeance d'un seul, ains pardonna à tous ceux qui retournerent vers luy cherchant misericorde.

Prouision  
que feit le  
Roy.

LE Roy voyant la fuitte de monsieur de Bourbon, & craignant que autres fussent de la partie, ne fut conseillé de passer les mōts en personne: parquoy mādā à monsieur l'Amiral de Bonniuet, messire Guillaume Gouffier, lequel estoit ia pres de Vercel avec l'armée, qu'il eust à executer l'entreprise du Duché de Milan, suivant ce qu'eux deux en auoient conclu. Et retint pres de sa personne le Duc d'Alancon, le Duc de Vendosmois, le grand maistre bastarde Sauoye, le mareschal de Chabannes, seigneur de la Palisse avecques leurs compagnies chacune de cent hommes d'armes. Et par ce qu'il fut aduertiy q̄ la Mortte des Noyers, lequel i'ay dit cy dessus auoir  
esté



esté par monsieur de Bourbon despesché en Allemagne, marchoit avecqurs le Comte Guillaume de Fustemberg, & le Comte Felix, & leurs regimés de dix ou douze mille lansquenets, prenans leur chemin entre la Bourgogne & la Champagne, manda au Duc de Guise, qui estoit en Bourgongne, & à monsieur d'Orual qui estoit en Champagne, qu'ils eussent à pourueoir à leurs frontieres: & du costé où l'ennemy tourneroit la teste, ils eussent à assembler leurs forces ensemble, leur enuoyant la cōpagnie de cent hōmes d'armes de monsieur d'Alacon, & celle de monsieur de Vendosme de pareil nōbre pour les renforcer: retenant pres de luy les personnes dudit Duc d'Alacon & de Vendosme. Aussi retenoit le mareschal de Chabannes, & le grād maistre, pour les employer où verroit estre besoing, & que les occasions foffriroient.

ENVIRON le commencement de Septembre, mille cinq cens vingt-trois, mōsieur l'Amiral ayant eu les nouvelles de la fuite de monsieur de Bourbon, ensemble le mandement que luy faisoit le Roy d'executer l'entreprise de Milan: par-ce que si le Roy eust marché en personne, luy mesmes eut conduit l'auantgarde, la bailla pour conduire à monsieur le mareschal de Montmorency, & luy, print charge de la bataille: ce faict, marcha avecques l'armée droict à Milan. Vous auez ouy cy deuant comme Prosper Colonne auoit fortifié les passages du Tesin, se persuadant d'empescher nostre armée de passer, & sur ladite esperance auoit delaisié la fortification de Milan qu'il auoit commencée. Peu deuant ce temps le Duc Sforce, lequel faisoit sa demeure à Môche, vn iour partit pour venir à Milan: mais vn gentil-homme Milanois de sa famille nommé Benedict Viscôte, mal content dudit Sforce son maistre, par-ce qu'il luy auoit cassé vne cōpagnie de gens de pied, de laquelle auparauant il auoit eu la charge, estimāt en cela auoir esté iniurié, delibera lors de se venger. Or estāt le dit Sforce sur le chemin de Monche à Milan, monté sur vn petit cheval

Armée du  
Roy en Ita  
lie.

ayant peu de gens auprès de luy, à cause de la pouffieré! ledit Viscomte estant sur vne iument Turque l'accosta, feignant vouloir parler à luy, puis l'ayāt accosté tira vne courtte dague dont il pensa donner audit Duc dedans la gorge: toutesfois le Duc baissant la teste & le corps, detourna le coup, tellement qu'il ne luy donna qu'au trauiers du bras: & si luy eüst aussi bien donné dedans le corps, il estoit mort: ce-neantmoins ledit Viscomte quelq̄ suite qu'il eust, se sauua par la vitesse de ladite iumēt. Le Duc Sforce estant eschappé de ce peril, se retira à Monche, doubtant qu'il y eüst autre ambuscade sur le chemin de Milan: incōtinant le bruit courut que le Duc Sforce estoit mort du coup qu'il auoit receu, ce qu'ayant entendu vn capitaine Milannois nommé Galeas de Virague, qui lors estoit à Turin, attendant le passage de nostre armée pour se ioindre avecques elle, pour le seruice du Roy, pensant la mort du Duc estre veritable, & scachant que nostre armée estoit desia dedans les montaignes, par le moyen de quelque intelligence, se mit dedans Valance, ville dessus le Pau au deslous de Cazar saint Vas, sous ombre de la pouuoir garder iusques à l'arriuée de nostre armée: mais autrement en aduint, car le seigneur Antoine de Leue par ordonnance de Prospre Colonne partit d'Ast avecques l'infanterie Espagnolle & les cheuaux legiers: & alla expulser ledit Virague hors de Valance, ne luy donnant loisir de se remparer né fortifier, & le print prisonnier. Ce temps pendant l'Amiral de Bonniuet (estans avec luy les capitaines qui pensuiuent, à scauoir le mareschal de Montmorency, le seigneur Bayar, le seigneur de Vandenesse, le seigneur de Mezieres, le seigneur de Vallery, & le Vidame de Chartres, & enuiron xiiij. ou xv. cens hommes d'armes. le seigneur de Lorges general de six mille François, le Duc de Suffolc general de six mille Allemans, & douze ou quinze mille Suisses, & y estoient pour leur plaisir le Comte de saint Pol, & le Comte de Vaudemont n'ayans aucune charge)

pris

print son chemin pour marcher droict où estoit le seigneur Prosperi avecques son armée, & luy donner la bataille: comme ie diray apres que i'auray parlé de ce qui se faisoit à Bayonne & à Fontarabie.

V o v s auez bien entendu cy dessus comme Pan mille cinq cens vingt-deux le mareschal de Chabannes auoit secouru Fontarabie, & auoit tiré dehors le seigneur du Lude, qui si bien y auoit faict son deuoir & tant enduré de necessité & de famine: & en son lieu auoit par le commandement du Roy mis pour gouuerneur le capitaine Frauguet, lequel estoit lieutenant du mareschal de Chastillon alors de son decès vieil gentil-homme, & qui toute sa vie auoit eu reputation d'estre homme de guerre, auquel le Roy auoit donné la charge de cinquante hommes d'armes pour la garde de ladite place de Fontarabie: & auecques luy Dom Petre fils du mareschal de Nauarre, lequel les Espagnols depuis peu de tēps auoient faict mourir en prison, ayant iceluy Dom Petre charge de mille hommes de pied. Suiuant ce que i'ay dit cy deuant, que l'entreprise de l'ennemy estoit de tout en vn temps assaillir la Champagne, sous esperance de la faueur de monsieur de Bourbon, aussi l'Anglois & le Bourguignon entrer en Picardie, & les Espagnols assieger Fontarabie: toutes ces choses furent par eux executées, & meismes le vij iour de Septembre audit an mille cinq cens vingt-trois, les Espagnols mirēt leur armée ensemble: dequoy le seigneur de Lautrec gouuerneur de Guienne aduertit, alla à Bayonne pour pourueoir tant audit lieu qu'à Fontarabie. Premièrement bailla audit capitaine Frauguet pour la garde de sa place, tout ce qui luy estoit necessaire tant d'hommes, de viures que de monitions, pour attendre vn long siege, & soustenir vn grand effort: puis feit retirer dedans Bayonne tous les viures & bestail qui se trouuerent au pais de labour, tant pour pourueoir ladite ville, qu'à ce que l'ennemy ne s'en peust preualloir. Et par-ce qu'il estoit depourueu d'hommes, d'autant que les forces du Roye-

Siege de Bayonne & prise de Fontarabie.

stoient tant en Italie, Picardie, que Champagne: & qu'il n'auoit moyen de pourueoir ladite ville du nombre de gens de guerre dont estoit besoing: & craignant que faisant le dit ennemy d'aller assaillir Fontarabie vint assaillir ladite ville de Bayonne, resolut luy mesmes de demorer dedans.

Les Espagnols ayans mis leurs forces en sen ble, le seziemes iour dudit mois de Septen bre vindrent leger à S. Iean de Lus, mi chemin de Fontarabie & de Bayonne: & le lendemain assaillirent Bayonne par eau & par terre, avec telle impetuosité, que sans la presence dudit seigneur de Lautrec il est apparât qu'ils feussent forcée, veu le pende gens de guerre qui estoient dedans: mais la vertu du seigneur fut telle que trois iours & trois nuicts il ne bougea de dessus les murailles, faisant pouruoir à toutes choses, & mesmement aux entrées des riuieres. Il fault entēdre qu'il y a deux grosses riuieres, toutes deux portans nauires, dont l'une venāt de deuers Dax, vient border la ville du costé de France, l'autre vient de deuers S. Iean de Piedeporc & des montagnes de Nauarre, laquelle passe à trauers de la ville & sortant de la ville, les deux riuieres se lient, où la mer flue & reflue deux fois en vingt-quatre heures, de sorte que les grands nauires y entrent à plaine voile, chose qui dontoit moult de crainte aux Bayonnois, attendu le grand nombre des nauires qu'auoient les Espagnols & Bisquains: toutesfois la presence du seigneur de Lautrec donna telle assurance aux habitans, que tous hommes, femmes, & enfans mirent la main à l'œuvre, tellement que qui estoit couart se faisoit hardy. Le quatriemes iour les Espagnols se voyā perdre tēps, se retirerēt & allerēt assieger Fontarabie, où ils ne trouuerēt telle resistance, encores qu'elle fust pourueue de bon nombre d'hommes & d'autres choses necessaires: car le capitaine Frauguet apres auoir tenu peu de iours, neantmoins lesdites forces qu'il auoit veu, & la grandeur de la place, rendit la ville qui n'estoit forcable, & en  
sortit ses



Sortit les bagues sauues : vray est qu'il disoit auoir esté contraint de ce faire, par-ce que D<sup>o</sup> Pierre fils du feu maréchal de Nauarre auoit intelligence aux ennemis. Tous les fois le dit Frauguet fut à Lion sur vn échaffault dégradé de noblesse, & declare roturier luy & ses descendants, pour auoir esté negligent & failly de cœur à pourueoir a la conspiration dudit Dom Pierre, si auisi estoit qu'elle fust vraye.

RETournons à l'Amiral de Bóniuet, lequel print Succèz de son chemin pour marcher droict où estoit ledit seigneur Monsieur l'A Prospere avecques son armée, delibéré de luy donner la miral en la bataille. Le seigneur Antoine de Leue étant à Ast, aduerty du passage de nostre armée, en toute diligence se retira de là le Tesin: à l'occasion dequoy mond'it seigneur l'Amiral print Noare & toutes les autres villes de Pologne. Le seigneur Prospere étant tombé en extrême maladie, festoit fait porter sur le bord du Tesin, faisant contenance de vouloir combattre: mais étant aduerty que noz coureurs estoient artuez sur le bord de la riuie-re, se voyant hors d'esperoir de garder le passage pour estre gayable en plusieurs lieux, renuoya sa grosse artillerie à Milan: le lendemain étant aduerty que le reste de nostre armée estoit à Vigueue, & que desia à coups d'artillerie elle auoit fait abandonner la garde dudit passage aux lansquenets Imperiaux, & que noz gens de cheual & de pied commençoient à passer, cogneut (mais trop tard) son cœur, d'auoir voulu entreprendre de garder le pas d'une riuie-re contre vne armée Francoise venant en la premiere furie: parquoy se retira à Milan, auquel lieu estât artué, trouua vn tel effroy tât parmy les gens de guerre que citadins qu'il resolut d'abandonner la ville, & se retirer à Lau-des. Mais la fortune fut si mauuaise pour monsieur l'Amiral, qu'il s'inclina aux persuasions de plusieurs Milanois, & spécialement de Galeas Vicomte: qui luy faisoient entendre que s'il marchoit droict à la ville, elle seroit mise à sac, de sorte que le Roy ne s'en pourroit

preualloir. Et que laissant aller ledit Galeas parler ausdits citadins, il trouueroit moyë qu'ils mettroient les Imperiaux hors de la ville, & fourniroient au Roy vne bonne somme de deniers pour ayder à soustenir les frais de la guerre: lesquelles remonstrances furent cause que le seigneur Amiral sejourna deux ou trois iours sans suiure sa fortune, & y fit enuoyé ledit Galeas, & pour l'accompagner le general de Normandie Boyer & quelques autres. Les parlemens furent longs, mais en fin ce fut toute tromperie, & la ruine qui depuis aduint de nostre armée: car ce tēps durāt le seigneur Prosper rassura ses gens, & les bagages qui estoient chargez pour se retirer furent dechargez, & avecques extreme diligence, & vn non bre incroyable de castadeus, ieuea les ramparts des lieux les plus ruinez. Puis voyant les forces n'estre suffisantes pour garder plusieurs places, abandonna tout le Duché, gardant seulement Milan, Cremonne, & Paue: attendant que nostre armée eust passé sa fureur, & que l'hyuer qui estoit proche, Peust mātée. Et pour cest effect depeſcha le seigneur Antoine de Leue pour se mettre dedans Paue, y faisant venir mille hommes qui estoient dedans Alexandrie, avecques autres deux mille que ledit de Leue mena quand & luy: & enuoya autres trois mille hommes de pied dedans Cremonne. L'amiral voyant Alerandrie abandonnée, y enuoya monsieur de Bussy d'Amboise avecques deux mille francs archers.

Monsieur l'Amiral voyāt Perreur qu'il auoit faict d'auoir temporisé sur vne vaine esperance, marcha droit à Milan, mais ce fut trop tard: car desia le seigneur Prosper y auoit assemblé le non bre de dix mille hommes de guerre, sans les citadins qui tous auoient prins les armes: ce-nonobstant il planta son camp deuant, entre le chemin de Laudes & de l'aue. Ce faict, enuoya saisir la ville de Monche, dedans laquelle il mit bonne garnison pour empescher les viures d'aller à Milan: puis ayant eu auertissement que le Duc de Mantoue estoit arriué à Laudes avecques cinq cēs cheuaux & deux cens hommes de pied, que le Pape enuoyoit pour le secours

le secours de la ligue, depeſchale capitaine Bayar accompagné de viij.mille hommes de pied, quatre cens hommes d'armes, & huit ou dix pieces d'artillerie pour marcher droit audit lieu de Laudes, y penſant ſurprendre le Duc: lequel eſtant aduertý & ſe deſſiant de ſes forces, ſe retira abandonnant ladite ville. Parquoy le capitaine Bayar entra dedans, puis y ayant laiſſé bonne garniſon print le chemin de Cremonne, pour tenter ſil pourroit prendre la ville, par le moyen du chateau qui tenoit pour le Roy: auquel lieu arriué, ſe vint ioindre avecques luy le ſeigneur Rence de Cere Baron Romain, accompagné de quatre mille hommes de pied Italiens, qu'il auoit leuez pour le ſeruiſſe du Roy au Ferrarois, & aux environs. Le capitaine Bayar & ledit ſeigneur Rence aſſembiez, & cognoiſſans que par le chateau ny auoit ordre de forcer la ville, à l'occaſion des grandes tranchées que les ennemis auoient faiſtes entre la ville & ledit chateau, delibérerent de paſſaillir par ailleurs, & tenter la fortune de la pouoir forcer, encores que l'armée Venitiéne qui eſtoit de la part de la ligue, fuſt à Pontiuy pres de là: mais elle auoit commandement de la ſeigneurie de ne ſortir hors de leurs confins ſans leur expreſſe iuſſion.

Le ſeigneur Proſpere aduertý que l'armée du Roy prenoit le chemin de Cremonne, ne tarda gueres qu'il manda à Paue qu'on euſt à enuoyer trois mille cinq cens hommes à Cremonne, pour la deſſence d'icelle: manda pareillement au Duc d'Vrbain general de la ſeigneurie, & au marquis de Mantoue, general de l'Egliſe avecques grandes inſtances, qu'ils euſſent à approcher leur armée pres la noſtre, pour ſ'empêcher de donner paſſault: toutesſois cela ne retarda que le capitaine Bayar, le ſeigneur Rence, & le ſeigneur de Lorges, general de l'infanterie Francoiſe, ne fuſſent leurs approches, & en telle diligéce firé la batterie, qu'en trois iours la breche eſtoitraiſonnable pour aſſaillir. Mais l'oudain vint vne pluye ſi abondante, que noz gens voulans marcher en auant pour paſſault, reculloient en arriere, tant il faiſoit glifſant: & dura ladite pluye quatre iours & quatre nuicts ſans

celler, ainsi qu'estoit aduenue au seigneur de Lautrec l'an precedant deuant Pauie : à cause dequoy le capitaine Bayar fut cōtrainct de remettre l'assault à vn autre iour, pendant lequel les ennemis eurent loisir de remparer la breche. Et pour les continuelles pluyes, les chemins deuindrent si mauuais, que quelque part que ce fust re pouuoient venir viures en nostre camp: qui fut l'occasion de la famine qui sy mist, ioinct que l'armée Venitienne rompoit les viures d'un costé, & l'armée de l'Eglise d'autre. Ce que voyant le capitaine Bayar, apres auoir refreschy le chasteau tant d'hōmes que de viures, fut cōtrainct de se retirer vers Milan, ayant trouué audit chasteau le seigneur de Bunon, qui en estoit capitaine, mort, & tous les soldats que le mareschal de Foix y auoit laissé, hors mis huit, lesquels auoyent delibéré de mourir comme les autres plustost que de rendre la place, encores qu'ils eussent esté enfermez deux ans en extreme necessité: ce que n'auoient faict ceux du chasteau de Milan. Car si tost apres que mōsieur de Lautrec eut faillly à les secourir (où Marc Antoine Colonne fut tué) ils rendirēt la place, encores qu'ils eussent des viures suffisamment pour attendre le secours qu'y amenoit l'Amiral de Bonniuet. Aussi le seigneur Prospere quād il se retira de deuant no<sup>s</sup>, apres que eulmes passē le Tesin, n'eust iamais entrepris de fairester dedans la ville, si le chasteau eust tenu nostre party: dequoy le capitaine Mascarō, qui en auoit eu la charge fut fort blasmé, & en hazard d'en receuoir vne honte.

L A I S S O N S mōsieur l'Amiral de Bonniuet deuant Milan, iusques à ce qu'il soit temps d'en parler, & venōs à ce qui se faisoit au mesme temps tant en Champagne qu'en Picardie. Incontinent apres que mōsieur de Bourbon se fut retiré hors de France, la Motte des Noyers, que i'ay dit cy deuant, auoir esté par ledit de Bourbon enuoyé en Allemagne pour faire leuée de lansquenets, fait telle diligence qu'en peu de temps il descendit en Champagne avec le Comte Guillaume de Furstberg, &

le Comte

Armée de  
lansquenets  
en Bourgō-  
gne & Cha-  
mpagne.



le Comte Felix & vint assieger Coiffy: qui est vne place aux confins de ce royaume à l'entrée de la Franche-comté, à six lieues par de la Langres. Auquel lieu estans arrivés, le capitaine qui en avoit la charge festonna, de sorte qu'il leur rendit la place sans coup ferir, dès la première sommation qui luy fut faicte: ce faict, laissant Montigny le Roy à la main gauche, passans la Meuse, au dessus du Neuf-chastel, prirent le chemin de Montclair, qui est vn chasteau assis sur vne montagne pres la riviére de Marne, environ mi-chemin de Chaumont en Bassigny, & de Janville, lequel chasteau se rendit pareillement. Le Duc de Guise, lequel estoit demouré lieutenant de Roy en Bourgongne pour l'absence du seigneur de la Trimouille, qui estoit lieutenant de Roy en Picardie, aduerty de la perte desdites places avecques la gendarmerie qu'il avoit: scavoir est la compagnie de cent hommes d'armes, celle du Duc d'Alençon & du Duc de Vendosme de pareil nombre, avecques quelques autres compagnies, vint à Chaumont pour se joindre aux forces de monsieur d'Orval gouverneur de Champagne: lesquelles forces assemblées se trouuerent de cinq à six cens hommes d'armes, sans les arrierebans qu'ils mirent dedans ledit Chaumont & autres places, afin de n'enfermer la gendarmerie, ains s'en servir à la campagne. Les ennemis se confians à la cavallerie que monsieur de Bourbon leur devoit fournir, n'en avoient amené, de sorte que nostre gendarmerie qui estoit ordinairement à cheval, & les ennemis n'ayans aucune cavallerie pour faire escorte à leurs fourrageurs, en peu de iours, y furent affamez, de sorte qu'ils furent contrains de faire leur retraite, prenant le chemin du Neuf-chastel en Lorraine, pour audit lieu passer la riviére de Meuse.

Le Duc de Guise estant aduerty de leur retraite, & du chemin qu'ils prenoient, despescha deux ou trois cens hommes d'armes pour passer ladite riviére de Meuse, & gagner le devant pour les prendre en teste: & luy

avecques le reste de la gendarmerie les charger sur la queue, à demy passez : car ils menoient vn grand butin, qui estoit le moyen de plus aisément les mettre en desordre. Mais il aduint que le soir que deuoit partir la compagnie de monsieur de Guise, que conduisoit le seigneur de Couruille, sous la conduite duquel pareillement deuoient marcher tous les autres, s'ourdut querelle entre ledit seigneur de Couruille, & le seigneur de Chastel de Lorraine, porte-en-seigne dudit seigneur de Guise, telle qu'ils mirent la main aux armes: de maniere que Chastellet donna vn coup d'estoc audit Couruille dedans la bouche, qui perca de part en autre, dont retarda leur parlement. Mondit-seigneur de Guise pensant que ceux qu'il auoit ordonnez de passer de là la Meuze y fussent delia, se mit à la queue des ennemis avecques le reste de l'armée, lesquels arriués deuant le Neuchastel il print à demy passez. & ce qui estoit demouré sur la queue fut taillé en pieces, & le butin recoux. Si ceux qui estoient ordonnez pour estre de là l'eau eussent executé ce qui leur estoit commadé, peu des ennemis se fussent sauez, pour l'effroy auquel ils estoient entrez. Les dames de Lorraine & de Guise estoient aux fenestres du chasteau, qui enuoyent le passe temps.

Armée de  
Anglois en  
Picardie.

A L O R s que ces choses se faisoient tât en Italie que Champagne, la Picardie n'estoit en patience : car le Due de Norfolk estant descendu à Callaiz avecques quatorze ou quinze mille Anglois, & festât ioinct avecques luy le Comte de Bure, lieutenant pour l'Empereur, leurs forces vnies ensemble se trouuerent le nombre de cinq à six mille cheuaux, & de xxv. à xxx mille hommes de pied avecques bonne quantité d'artillerie: & prindrent le chemin entre Montreul & Terouenne, pour assaillir ou Hedin ou Dourlan. Le seigneur de la Trimouille cognoissant les grandes forces qu'il auoit sur les bras, auoit delia pourueu aux places où il estoit apparant que Penne ny fattaquerait: premierement dedans Terouenne auoit  
laidé

laissé le seigneur du Fresnoy, bastar de Mörreul, qui estoit gouverneur dudit lieu, ayant charge de cinquante hommes d'armes, & le capitaine Pierre-pont avec cent hommes d'armes de la cōpagnie du Duc de Lorraine, duquel il estoit lieutenant, & deux mille hommes de pied. Les ennemis la voyans si bien pourueue, passerent outre sans Passaillir: puis prenan's le chemin de Dourlan, passerent deuant Hedin, où ils firent le semblable. Estans arriuez audit Dourlan, deliberez de Passieger, trouuerent vn chasteau de terre que seigneur du Pontdormy, par le commandement du Duc de Vendosme l'an precedant auoit faict edifier sur la montagne, tirant vers Amiens, bien pourueu d'hommes & de munitions: auquel, apres l'auoir bien recognu, ne furent d'aduis de fattaquer, & y ayans sejourne quatre iours pour refreschir leur cāp, prindrent le chemin de Corbie, où ils trouuerent le seigneur de la Trimouille en personne, qui fut cause qu'ils passerēt outre sans s'y amuser.

Il fault entendre que le seigneur de la Trimouille auoit si petit nombre d'hommes qu'il estoit contraint, quand l'ennemy auoit abandonné vne place de retirer les forces qui estoient dedans, pour les mettre en vne autre au deuant dudit ennemy. Le seigneur du Pontdormy voyant les ennemis passer outre Corbie, & prendre le chemin contre-mont la riuere de Somme, se meit dedās Bray, où est vn passage de ladite riuere, entre Corbie & Peronne, pour empescher le passage à l'ennemy: ayant en sa compagnie enuiron cent cinquante hommes d'armes, & douze ou quinze cens hommes de pied, encores que la ville ne fust gardable, d'autant que la muraille ne vault riens, & ne se peult fortifier à l'occasion de trois montagnes qui la cōmandent de si pres, qu'à coups de pierre on peult desloger ceux qui sont à la garde. Il auoit esperance qu'au cas que l'ennemy le forcast qu'il auoit moyen de se retirer le long de la chaussée, rompant les ponts apres luy, mais autrement en aduint: car il fut

Vaillances  
du seigneur  
du Pōtdor-  
my.

tellement presse qu'il n'eut moyen de se retirer qu'en desfordre, en sorte que les ennemis passerent ladite chaussee pelee-melle avecques luy, il y perdit environ quatre vingts ou cent hommes. Et entre autres y mourut le capitaine Adrian qui auoit charge de mille hommes de pied, & eust esté le reste taillé en pieces sans ledit seigneur du Pontdormy qui retourna la teste, & soustint l'effort avec la gendarmerie, pendant que les gens de pied se retirèrent à Corbie où estoit le seigneur de la Trimouille. Lequel estât aduertý que l'ennemy ayât passé la ruiere prenoit le chemin de Roye & Montdidier, delibera d'en uoyer secours audit Montdidier: mais ne trouuant homme qui le voulsist entreprendre, par ce que le camp de l'ennemy estoit sur le chemin, le seigneur du Pontdormy (lequel ne trouua iamais entreprise trop hazardeuse) entreprint d'y mettre ledit secours. Parquoy estant la nuict venue se mit en chemin avecques bons guides, & sans rencótre meir dedans la cite ville de Montdidier le seigneur de Rochebaró d'Auuergne, ayât charge de cinquante hommes d'armes, & le seigneur de Fleurac avec pareille charge, estant lieutenant de la compagnie du Comte Dammartin, & le capitaine René de la Palletiere, avecques mille francs archers, dont il auoit la charge.

Le seigneur du Pontdormy apres auoir executé ce qu'il auoit entrepris delibera sa retraite, & scachát bien q'les ennemis estás aduertis de son partemēt de Corbie & de son arriuee a Montdidier mettroient peine de le rencontrer par les chemins à son retour: toutesfois ne voulut attrédre la nuict, craignát que mōsieur de la Trimouille eust affaire de luy. A ceste occasion il se mit à faire sa retraite en plain iour, delibera de charger toute ce qu'il trouueroit sur son chemin, encores qu'il n'eust que sa compagnie qui estoit de quatre vingts dix hommes d'armes, & celle du Vicomte de Lauedan. Estát sur sa retraite, rencontra cinq cens cheuaux, sur lesquels il char-



il chargea de telle furie qu'il les mist à vau de routte: mais trouuant deux mille cheuaux qui venoient pour soutenir les autres, fut contrainct de faire sa retraite, pour laquelle luy-mesmes demoura sur la queue avecques trente cheuaux, faïant retirer le reste sur le chemin d'Amiens. Mais les ennemis luy firent vne charge telle qu'il fut porté par terre, & son cheual tué, toutesfois il fut secouru du seigneur de Barnieulles son frere, & lieutenant de sa compagnie, & du seigneur de Canaples son neveu & son guidô, qui le remirent à cheval: & demourerent lesdits de Barnieulles & de Canaples sur la queue, pendant q le dit seigneur du Pôrdormy se retira à Amiens avec sa trouppe, par-ce que le chemin de Corbie luy estoit fermé de toute l'armée des ennemis. Mais lesdits de Barnieulles & de Canaples avecques vingt hommes d'armes qui estoient en leur compagnie furent tant & si souuent chargez qu'ils furent portez par terre, & pris prisonniers avec sept hommes d'armes. Les ennemis apres auoir pris & brulé la ville de Roye, marcherent droict à Montdidier, où apres auoir faict breche, ceux de dedans se deffians de leurs forces, se rendirent leurs bagues sauues, & se retirerent deuers monseigneur de la Trimouille. Toutesfois ce ne fut sans estre blasmez de fester rendus si legeremēt: car les ennemis ne pouuoient faire long séjour par faulte de viures. Il fut dit que le capitaine René de la Palletiere ne voulut iamais consentir à ladite composition.

Le Roy pour lors estant à Lion, aduerry comme les choses se passoient en Picardie, que les ennemis estoient venus iusques sur la riuiera d'Oyle, à vñze lieues pres de Paris, depescha le Duc de Vendosme en toute diligence pour y venir: luy donnant pouuoir de commander & pourueoir à toutes choses de deca, & quand & quand manda quatre cens hommes d'armes, tant de Bourgogne que de la Champagne pour suiure ledit seigneur de Vendosme, & faire ce qu'il leur cōmanderoit. Mais de

uant enuoya le seigneur de Brion pour asseurer les habitans de Paris, auquel apres auoir declare ce qu'il auoit de charge en plaine assemblée de ville, sans faire mention de la despêche du Duc de Vendosme ny de la compagnie qu'il amenoit, fut respondu pour toute l'assemblée par monlieur Baillet leccod presidant de la cour, Qu'il fust le bien venu come mandé de la part de leur Roy & souuerain seigneur, toutesfois que quād le Roy Louis xj. enuoya reconforter ceux de sa bonne ville de Paris, pour la descente du Duc Charles de Bourgongne deuant Beauuais, il n'y enuoya en poste, mais y enuoya le mareschal Ioachin Rouault accōpagné de quatre cens homes d'armes, & que cela les reconforta: & encores que ledit seigneur de Brion fust homme de bien, fauorilé du Roy, si n'estoit-il suffisant luy seul pour asseurer vne telle ville que Paris. Ce-neantmoins ils auoient nouuelles que le Duc de Vendosme venoit en telle compagnie que ledit Rouault testoit venu, chose qui leur donoit grande asseurance tant pour les vertus & qualitez dudit personnage, que de sa compagnie.

Les Anglois apres auoir pris & bruslé lesdites villes de Roie & Montdidier, estans aduertis de la venue de monsieur de Vendosme, craignās que monsieur de la Trimouille vint d'une part, & mōseigneur de Vendosme d'autre, & que par ce moyen leur armée fust affamée, delibererent de faire leur retraite par Feruacques, à l'endroit que la ruiere de Somme prend sa source, quatre lieues au dessus de S. Quentin: & en passāns leur chemin bruslerent Nelle qu'ils trouuerent abandonnée pour sa debilité. Le iour ensuiuant prindrent le chemin de Ham, pensans trouuer la ville despourueue, mais la nuit precedente le Comte de Brene surnommé de Sallebruce estoit entré dedans avecques sa compagnie de cinquante homes d'armes, & enuiron sept ou huit cens homes de pied, ayās deliberé de garder la ville, car le chateau n'est ny prenabie à vne armée qui se retiroyt les ennemis voyans la place si bien pourueue, passerent outre sans l'assailir. Le deuxiesme iour apres laissant S. Quentin  
à leur

à leur main gauche allerent loger à Feruacques, & le lendemain à Premont, faisant contenance de vouloir assieger le chasteau de Bohain, durant d'une lieue dudit Premont: touteslois ce logis de Premont ne monstroie point que les ennemis voulsissent assaillir Bohain, car il estoit sur le chemin de Bohain à Cambray, où y auoit plus d'appareil que qu'ils se voulsent retirer qu'assaillir la place. Mais le capitaine dudit Bohain sentant l'ennemy si pres, n'ayant cette consideration, ne luy donna la peine de l'enuoyer sommer, ains alla iusques audit Premont, & rendit le chasteau entre les mains du Duc de Suffolc & du Comte de Bure, moyennant que luy & ses soldats sortiroient leurs bagues sauues. L'Anglois ayant laissé bonne garnison dedans ladite place, se retira en Artois, & licencia son armée: & sur cela peu apres la Toussaincts, mille cinq cens vingt-trois, & enuiron dix ou douze iours apres la saint Martin que les bleds gellerent presque vniuersellement par tout le Royaume de France, le seigneur de la Trimouille seachant l'ennemy estre retiré auant que monseigneur de Vendosme fut arriué, marcha droit audit lieu de Bohain avecques six canôs, dët il feit si furieuse batterie, que ceux de dedans se voyans sans esperance de secours, pour estre leur armée separée, se rendirent. Ce fâict le seigneur d'Estree fut ordonné capitaine de ladite place, & partit ledit seigneur de la Trimouille de Picardie, ayant eu vne armée si puissante sur ses bras, & si peu de gens pour la garde du pais, sans que l'ennemy au partir tint vn pied de terre de sa conqueste.

Ce temps pendant, monsieur l'Amiral de Bonniuet estoit tousiours deuant la ville de Milan, en laquelle vint Siege de  
uant Milan. telle necessité de viures, pour les moulins que les François auoient rompus es ennirons, & aussi pour le canal qu'ils auoient diuersy d'entrer en ladite ville, que sans le grand nombre de moulins à bias qu'auoit fâict faire le seigneur Prospero, sans point de doubte les soldats & citadins fussent morts de faim. Aussi reingregea la

maladie dudit seigneur Prospere, de sorte qu'il fut contraint de bailler la charge de la guerre au seigneur Alarcon Espagnol, lequel puis peu de temps, par le commandement de l'Empereur, estoit venu de Calabre pour commander à l'infanterie Espagnolle, pour l'absence du Marquis de Pesquaire, qui n'agueres estoit retiré, pour vn differant suruenu entre ledit seigneur Prospere Colonne & luy. Ledit seigneur Alarcon ayant eue à son arriuée de faire quelque chose de reputation, feit dresser dedans la ville vn caualier fort hault, pour tirer dedans nostre camp, & sur iceluy feit loger sept ou huit grosses pieces d'artillerie: le seigneur Prospere cognoissant que l'effect dudit caualier estoit inutile & perte d'admonitiō, feit cesser l'ouillage, & manda au marquis de Mantoue qu'avecques les cinq cens cheuaux de l'Eglise desquels il auoit la charge, il eust à se retirer dedans l'auie pour rompre les viures à nostre camp qui venoiēt du costé de Laudes. Les Florentins, Luquois, Senois, & autres de la ligue commencerent à se retirer de la despense, par ce que desia ils auoient fourny les trois mois qu'ils auoiēt promis: parquoy le seigneur Prospere ne pouuant plus trouuer moyen de recouurer deniers, conclud de rendre Modene au Duc de Ferrare pour de l'argent, laquelle ville le Côte Guy de Rangon tenoit au nom de l'Eglise. Et pour ce faire, depeſcha ambassadeurs vers iceluy Duc de Ferrare: mais apres les choses conclues, fut enuoyé de la part de Dom Charles de Launoy vice-Roy de Naples, lequel rompit ledit traité, assurant qu'il fourniroit deniers pour les frais de la guerre, & luy-mesmes partit de Naples pour venir à Milan, depeſché par l'Empereur pour prendre charge de l'armée durant la maladie du seigneur Prospere, amenant avecques luy quatre cens hommes d'armes du Royaume de Naples: & en sa compagnie le marquis de Pesquaire, lequel auoit abandonné l'armée (comme il est ia predit) pour quelque diuision suruenue entre ledit Prospere & luy. Monsieur l'Amiral ayant crain-

se que



te que le marquis de Mantoue & Antoine de Leue, qui estoient à Paue, ne vinrent le saisir du pôt qu'il auoit fait faire à Vigee, par lequel venoient les viures en son cāp, & par ce moyen l'assamer: mada querir le seigneur Bayar, & le seigneur Rence, qui estoient à Monche, pour le venir loger à Vigee mais le deslogement dudit lieu de Moche fut cause de nostre ruine, car estant ce passage ouvert, les viures arriuerent à Milan en toute abondance.

MONSIEUR l'Amiral voyant son esperance perdue d'assamer Milan, & meismes quelques intelligences que on disoit qu'il auoit dedans la ville descouuertes, resolut de leuer son siege: par ce qu'il n'auoit plus moyen de tenir ses gens en campagne, pour les grandes neiges & rigoureux hyuer qu'ils auoient eue six mois deuant. A cette occasion, pour mettre son armée à couuert, se retira à Biegras, & autres lieux circonuofins, où arriué qu'il fut depecha le seigneur Rence, & le Comte de S. Pol, & le seigneur de Loiges general des gens de pied Francois pour aller assieger Eronne, qui est vne ville sur le lac Maiour. Mais ledit Prospre Colonne voyant le deslogement de nostre camp de deuant Milan, auoit desia enuoyé pour renfort dedans ladite ville d'Eronne le nombre de douze cens hommes, chose qui vint mal à propos pour noz gens. Le seigneur Rence estant armé deuant ladite ville d'Eronne, feit soudainement faire les approches, & après auoir mis ses pieces en batterie, & auoir battu vingt ou vingt cinq iours, & fait donner deux ou trois assaux auxquels noz gens furent repoussez, delibera tenter autre sorture, ce fut de miner la place: mais apres auoir miné vn grand pan de mur, faisant mettre le feu dedans les mines, la muraille estant enleuée en Pair, en lieu de se renuerser dedans les fossiez, retomba dedans ses fondemens, & demoura debout, à raison de quoy se voyant frustré de son intention, & auoir perdu tant de temps feit la retraite en nostre camp. Et furent noz audis siege plusieurs gens de bien des nostres, ainsi sur

Retraite  
du siege de  
Milan.

il des ennemis, & entre autres de nostre part y moururent le seigneur de Pommereul maistre de nostre artillerie en Italie, & vn ieune gentil homme de Normandie surnommé de Roncerolles, fils du seigneur de Huguenille, qui fut grande perte pour ledit Pommereul vn des plus experimentez en Partillerie de ce Royaume. Et le ieune homme promettoit beaucoup de loy, plusieurs autres y moururent qui ne sont icy nommez à cause de breueté.

DURANT ce temps l'armée Imperiale n'auoit bougé de Milan, attendant la venue de Don Charles de Lau noy, vice-Roy de Naples, lequel venoit pour estre lieutenant general de l'Empereur : mais ledit vice-Roy temporisoit, attendant quelle fin prendroit la maladie du seigneur Prospere, laquelle desia auoit duré sept ou huict mois, ne voulant venir où il estoit pour de luy estre commandé. Aussi luy faisoit mal de destituer de son pouuoir vn si gentil cheualier qu'estoit le seigneur Prospere : mais ayant entendu que desia il auoit perdu son entendement, partant de Paue s'en vint à Milan, & pense que le iour de son arriuée mourut ledit seigneur Prospere. Arriué que fut à Milan le Vice-Roy apres auoir veu son armée, arresta avecques l'ambassadeur de Venise, que les six mille lansquenets qu'il faisoit venir d'Allemagne estans ioincts avecques l'armée Venitienne, les deux ensemble passeroient la riuiere d'Adde pour se venir ioindre avecques luy, sous deliberation que leur armée vnie ensemble, viendroit chercher l'armée du Roy pour la combattre, ruinée (comme il estoit vray) d'un si long hyuer qu'elle auoit enduré, & des grandes fatigues qu'icelle auoit porté durant six mois, ne voulans attendre que elle eust refreschissement de France.

IL estoit le mois de Mars quand l'armée Venitienne, & le secours desvj. mille lansquenets, & l'armée du Pape Clement passerent la riuiere d'Adde, & se vindrent ioindre à Milan avec le vice-Roy. Estans assemblez se ietterent en

rent en campagne, & vindrent loger sur le chemin qui vient de Milan à Paue: auquel lieu estans arriuez, le vice-Roy eut aduertissement comme le capitaine Bayar avecques sa compagnie de cent hommes d'armes, le seigneur de Mezieres, & le seigneur de sainte Mesmes, ayant chacun cinquante homes d'armes, & le seigneur de Lorges avecques les gens de pied Francois, dont il estoit colonnel, estoient logez à Rebec, assez loing de nostre camp, & en lieu mal-aisé pour y estre secourus, delibera leur donner vne camifade, & de les faire surprendre en leurs logis. Pour lequel effect de pescha le marquis de Pesquaire avecques l'infanterie Espagnolle, & le seigneur Iean de Medicis, nepueu du Pape Clement, avec bon nombre de gens de cheual: & par-ce que la nuit se deuoit faire l'exécution, il feit prendre à chacun vne chemise blanche par dessus ses armes pour mieux se recognoistre. Ils firent si bonne diligence qu'ils arriuerent deux heures deuant le iour sur nostre guet, lequel ne trouuans suffisant pour soutenir leur effort, le reuerterent dedans nostre logis: de sorte que le capitaine Bayar, & les autres capitaines veirent leur guet reuerlé sur leurs bras, aussi tost qu'ils eurent l'alarme. Ledit seigneur Bayar encores qu'il fust malade, ayant pris medecine, monta soudain à cheual, aussi se trouua pres de luy le seigneur de Lorges avec ce qu'il peut proprement assembler de ses soldats, lesquels soutindrent l'effort des ennemis, pendant que le reste se mit ensemble pour se retirer en nostre camp: & en chemin rencontrerent monsieur l'Amiral qui marchoit avecques l'armée au deuant d'eux pour les secourir, nous y perdismes peu d'hommes, mais tout le bagage y demoura. Le lendemain matin, mondit-seigneur l'Amiral voyant de iour en iour nostre armée diminuer, de pescha en Suisse pour faire l'enée de six mille hommes pour refreschir son armée: si est-ce que luy & le mareschal de Montmorency qui menoit l'auant-garde, encores que leur armée fut ruinée, cherchoient tous les iours le moyen de donner la bataille:

Camifade à  
Rebec.

mais l'ennemy la fuyoit, esperât sans cōbatre nous chasser hors d'Italie sans riē mettre en hazard, scachât tresbien que le secours de France est rousiours long à venir.

Prise de  
Garlas.

Les Imperiaux voyās le logis de Biegras que tenoit monsieur l'Amiral estre fort avantageux pour luy, ayans seulement laissé deux mille hommes pour la garde de la ville de Milan, passerent deca le Tesin, & se vindrent cāper à Gambelot, pour nous couper les viures venans de l'Omeline: & par. ce aussi que la garnison de Garlas ordinairement couppoit les viures venans de Pauie au cāp Imperial, le Duc d'Vrbin avec l'armée Venitienne auisā de leuer ledit Garlas d'entre noz mains, auquel lieu estāt arriué, & ayāt fait breche, feit dōner deux assaulx, dont il fut repoulsé, & y perdit beaucoup de gens & des meilleurs: mais au troisieme assault, estās noz gens travailliez d'estre tant souuent assaillis, n'eurent la puissance de soustenir l'effort de l'ennemy, & furent forcez, puis y ayant laissé bonne garnison, ledit Duc d'Vrbin se retira au camp Imperial. Ceste prise fut fort commode à l'ennemy, par. ce qu'apres icelle les viures venoient de Pauie à leur camp en toute liberté. Monsieur l'Amiral voyant les ennemis auoir passé le Tesin & auoir pris Garlas, ayāt peur q̄ le chemin de l'Omeline luy fust clos, & consequēment d'estre affamé, d'autant que de ce costé là luy venoiet tous les viures, laissant à Biegras mille hommes de pied, & cēt cheuaux legiers, vint loger à Vigueu.

ESTANT logé le camp Imperial audit Garlas, & à Binasq, le seigneur Jean de Medicis estant en campagne, rencontra deux cens Suisses des nostres qui estoient allez au fourrage, lesquels ne se sentans nombre suffisant pour le combatre, se retirerent en lieu fort: mais apres s'estre rendus audit seigneur Jean la vie sauue, nonobstant la foy à eux baillée, les feit passer au fil de l'espée. Les Suisses irritez de cest oultrage, demanderent à monsieur l'Amiral qu'il leur permist de faire la mauuaise guerre, laquelle pour les contenter leur accorda: de sorte que du-

rant



rant trois septmaines aucun des ennemis ne tomba entre les mains desdits Suisses qu'il ne fust massacré, & fil fâmenoit quelques prisonniers en nostre camp, il leur estoit permis de les tuer. Si nous eussions cōtinué ce train, il est apparant que la fin de la guerre eust esté à nostre prouffit: car naturellemēt l'Espagnol craint plus la mort qu'autre natiō, & va plus à la guerre par avarice que pour autre occasiō. & où il cognoist qu'il y a plus de perte que de gain, peu ou point, il ne se hazardera, ie parle de la plus grande part & non de tous. Et qu'il soit vray, durant le dit temps de la mauuaise guerre, peu d'Espagnols se hazardoient de se ietter en campagne, tellement que nous commencions d'estre en plus grād repos que par deuant. Mais les Espagnols ne cesserēt de praticquer iusques à ce que la bonne guerre fust accordée.

L'ARMEE Imperiale estant à Gambelot, & la nostre à Vigee pour estre si proches, trois iours subseqüement monsieur l'Amiral mist son armée en bataille deuant l'ennemy, pensant le prouoquer de venir au combat, encores que les Imperiaux fussent deux hommes pour vn; toutesfois le Vice-Roy de Naples & le Duc d'Urbin ne voulurent hazarder ce qu'ils esperoient estre à eux sans combat. Et pour trouuer moyē de nous tirer de Vigee, marcherent droit à Sartirague, dedans laquelle ville estoient le Comte Hugues de Pepolo, Boulonnois, & le seigneur Iean de Birague en garnison de nostre part. Arriuez que furent les Imperiaux deuant Sartirague, firent extreme diligence de mettre leurs pieces en batterie. Monsieur l'Amiral aduertý du chemin qu'auoit pris l'ennemy & scachant la debilité de la ville, sous esperance de sauuer les hommes qui estoient dedans, partit pour leur donner secours: mais à son arriuée pres Morterre, fut aduertý que ladite place estoit forcée, & la pluspart des soldats tuez, & le Comte Hugues de Pepolo, & Iean de Birague prisonniers: parquoy ne passa outre, & se logea audit lieu de Morterre.

Prise de  
Vercel.

Les Imperiaux ayans pris Sarrirague, chercherent par le moyen d'un Vercelois nommé Hieronyme Petir, de leuer Vercel hors de la deuotion des Francois, ce qu'ils firent aisément: par ce que la part Gibeline est plus forte dedans la ville, que la part Guelfe. De ladite reuolte vint grand preiudice à nostre armée, d'autant que la plus part de noz viures venoient du Vercelois, & des enuironz de Turin: & ladite ville de Vercel leur couppoit chemin: chose qui donna grande esperance aux ennemis de nous auoir à leur mercy par faulte de viures, & mesmes d'empescher (si bon leur sembloit) nostre retraitte en France, & pour cest effect vindrent loger à Camelian. En ces entre-faictes nous aduint vn grand desastre, car le seigneur de Monteian & le seigneur de Boutieres, lieutenant de la compagnie du capitaine Bayar firent vne entreprise assez mal digerée: par ce qu'ayās leué cēt ou six vingts hommes d'armes les mieux à cheual & choisis sur toute nostre gendarmerie (ioinct qu'il fault entendre que la pluspart de ce qui demoura n'estoit monté que sur courtaulx, car leurs grands cheuaux estoient morts de pauvreté) estās mal guidez furent rencontrez des ennemis, iacoit qu'ils fissent leur deuoir de bien combattre, en fin furēt deffaits, & furent pris prisonniers lesdits seigneurs de Monteian & de Boutieres, & toute la troupe qui estoit avecques eux: qui fut vn grand affoiblissement pour nostre armée sur vne arriere saison.

Deffaitte  
de mōsieur  
de Mōteia.

Monsieur l'Amiral esperant tousiours temporiser, attēdant le secours de Suisse qu'il auoit enuoyé querir, & quatre cens hōmes d'armes de renfort que le Roy luy deuoit enuoyer, & six mille Grisons, lesquels par le Bergamasque se deuoient venir ioindre à Laudes avec le seigneur Federic de Bozzolo, pour de ceste part assaillir le Duché de Milan, & les terres des Venitiens, & par ce moyen diuertir les forces de Pennemy, sen alla loger à Noare. Mais le seigneur Jean de Medicis avecques quatre mille hommes de pied & trois cens cheuaux, fut despesché

pesché par le Vice-Roy, pour empescher le passage desdits Grisons: lequel estant arriué sur la frontiere dudit Bergamasque, estant secouru des Venitiens, tourmentea lesdits Grisons, de sorte (par-ce qu'ils n'auoient point de caualerie) qu'ils furent contraincts de se retirer à leur pais. Estans les Imperiaux hors de la crainte des Grisons, chercherēt le moyē de leuer hors de noz maīs la ville de Biegras, d'autant que de ce costé là venoient les viures à nostre camp: à ceste fin depescherent le seigneur Iean, lequel d'arriuée forca le pont qui estoit gardé par noz gēs, puis estant arriué deuant la ville, ayant mis, son artillerie en batterie, sortirent de Milan cinq ou six mille citadins en bon equipage pour renforcer l'armée dudit seigneur Iean. Apres auoir faict batterie de quatre ou cinq, ils donnerent vn assault, auquel ils furent repoussez: mais au second la place fut forcée, & y fut trouué fort grand butin qui cousta bien cher aux Milanois, par-ce que toutes les maisons de Milan où fut porté dudit butin furent pestiferées, de sorte que la ville fut tant infectée qu'on tenoit pour certain qu'il y mourut quarante ou cinquante mille personnes.

La peste à  
Milan & au  
camp.

LE Vice-Roy pour acheuer de fermertous les passages à nostre armée, & aussi pour empescher les Suisses qui estoient descendus à Ivree de se ioindre à monsieur l'Amiral, alla loger à Marian. Cependant la mortalité se mist en nostre camp, & mesmes parmy les Suisses, & autres indifferemment: & entre autres le mareschal de Montmorency, qui auoit la conduite de l'auant-garde, tomba en si grosse maladie qu'il y auoit plus d'apparence de la mort que de la vie. Monsieur l'Amiral considerant qu'il estoit plus honneste de hazarder le reste de son armée que de la laisser mourir de peste, partit de Noare prenant le chemin de Romagnan, en esperance de se venir ioindre avecques les Suisses, puis apres retourner la teste pour donner la bataille à son ennemy: au partir de quel lieu le mareschal de Montmorency fut contrainct de

se faire porter dedans vne litiere, n'ayant la puissance de monter à cheual.

Arriuee des  
Suiſſes, &  
deffaitte de  
monſieur  
l'Amiral.

LE Vice-Roy de Naples & le Duc d'Vrbain eſtans aduertis du deſlogement de noſtre armée, en toute diligence la ſuiuirent, & apres auoir marché ſix mille, delibere-  
rent de ſe loger: mais le Duc de Bourbon nouuellement  
arriué à leur camp (comme j'ay dit) les perſuada de paſ-  
ſer outre, pour au point du iour arriuer ſur noſtre logis,  
& nous contraindre de combatre auant que le ſecours  
fut ioinct à nous. Durant leurs diſputes environ minuit  
l'Amiral deſlogea, prenant le chemin de la riuere de Cer-  
te, auquel lieu eſtant arriué ſur le point du iour, les  
Suiſſes du ſecours arriuerent ſur l'autre bord de ladite ri-  
uiere, leſquels eſtans mandez & priez par monſieur ſei-  
gneur l'Amiral de paſſer vers luy, eſperant qu'eſtans  
ioints enſemble ils ſeroient ſuffiſans pour combatre les  
Imperiaux. Aux meſſagers ils firent reſponſe qu'il leur  
ſuffiſoit de retirer leurs compagnons pour les reconui-  
re en Suiſſe, attendu meſmement que le Roy ne leur a-  
uoit tenu promeſſe: car ils deuoient trouuer à leur deſ-  
cente à Ivree le Duc Claude de Longueuille avecques  
quatre cens hommes d'armes pour les accompagner, ce  
qu'ils n'auoient trouué & (ce qui plus porta de ſauueur à  
noſtre armée) les Suiſſes, qui de tout temps auoient eſté  
à noſtre camp, ſcachans bien leurs compagnons arriuez  
ſur le bord de l'eau, la plus part d'iceux ſe miſt à vau de  
routte pour ſe ioincre avecques leurſdits compagnons  
nouueaux venus. Monſieur l'Amiral voyant ce deſordre,  
& voulant oſter la cognoiſſance de ce deſaſtre aux enne-  
mis, avecques ce qu'il peur aſſembler de gendarmerie,  
demoura ſur la queuë pour ſouſtenir le faix, où à la  
premiere charge il fut bleſſé d'une arquebouzade au tra-  
uers du bras, duquel coup pour la grande douleur qu'il  
portoit, fut contrainct de ſe retirer, laiſſant la charge  
du reſte de l'armée & de la retraite au Comte de ſainct  
Pol, & au capitaine Bayar. Cependant le Vice-Roy deſ-  
branda



benda mille ou douze cens cheuaux legers, & sept ou huict cens arquebouziers Espagnols pour attracquer Pescal mouche, & amuser nostre armée: pendant qu'il y arriueroit avecques la grosse troupe. Le capitaine Bayar, & le seigneur de Vandenesles estans demourez sur la queue, soustindrēt l'effort de ceste charge, mais to<sup>9</sup> deux y demourerent: le seigneur de Vandenesles mourut sur le champ, & le capitaine Bayar fut blessé d'une arquebouzade au trauers du corps, lequel persuadé de ses gens de se retirer ne le voulut consentir, disant n'auoir iamais tourné le derriere à l'ennemy. Et apres les auoir repoussez, se fait descendre par vn sien maittre d'hostel, lequel iamais ne l'abandonna, & se fait coucher au pied d'un arbre le visage deuers l'ennemy: où le Duc de Bourbon, lequel estoit à la suite de nostre camp le vint trouuer, & dit audit Bayar qu'il auoit grand pitié de luy le voyant en cest estat, pour auoir esté si vertueux cheualier. Le capitaine Bayar luy fait response, Monsieur, il n'y a point de pitié en moy, car ie meurs en homme de bien: mais i'ay pitié de vous, de vous veoir seruir contre vostre Prince, & vostre patrie, & vostre serment: & peu apres ledit Bayar rendit l'esprit, & fut baillé sauf conduit à son maittre d'hostel pour porter son corps en Dauphiné, d'où il estoit natif.

Mort du capitaine Bayar

Le seigneur Bayar estant mort, le Comte de saint Pol seul print la charge de la retraite, en laquelle se fait autant de bonnes choses qu'il est possible pour si peu de gendarmerie qu'il y auoit, dont la pluspart n'estoient que sur courtaulx, comme il est predict. Et entre autres, se fait vne charge en laquelle fut tué le lieutenant de monseigneur de sainte Mesmes, nommé Beauuais le Braue, qui auoit esté l'un des deux lesquels à la prise de Prosper Colonne, à Ville-franche sur le Pau, par mille cinq cens quinze, auoient empesché de fermer la porte de la ville. Aussi fut tué le cheual du Vidame de Chartres, & celui du seigneur Dennebault son lieutenant: où le sei-

gneur de Lorges, avecques si peu de gens de pied François qui luy estoient restez, arriva si à propos que les ennemis furent contraincts d'eux retirer à la troupe. Ce faict, le Côte de saint Pol apres avoir passé la riviere avecques peu de perte, bailla l'artillerie entre les mains des Suisses, lesquels firent leur retraitte avecques icelle par le val d'Oste, & luy se retira par Turin iusques à Suzane: entre Suze & Briancon il trouua le Duc Claude de Longueuille avecques quatre cens hommes d'armes qui venoient à son secours, mais ce fut trop tard: car s'ils fussent arrivez quinze iours plustost, ils se fussent ioincts avecques les Suisses nouvellement venus, & lesdits Suisses eussent combattu: considéré qu'ils ne firent excuse de combattre, sinon sur ce qu'on leur avoit promis qu'ils trouveroient lesdits quatre cens hommes d'armes à leur descente à Ivree. Autant en advint-il l'an mille cinq cens vingt-deux, quand on envoya le secours de Gennes. Finablement nous envoyons du secours, mais mal à propos, quand l'occasion est faillie, & ne laissons à y faire despée inutile, au moins ie pay veus souvent advenir de mon temps.

Reddition  
de Laudes  
& Alexandrie.

Le Vice-Roy de Naples voyant le Duché de Milan delivré de l'armée de France, fut d'avis que le Duc d'Orléans avecques l'armée Venitienne se retireroit: & en passant mettroit la ville de Laudes, encores tenue par le seigneur Federic de Bozzolo au nom du Roy, entre les mains du Duc Sforce: & le marquis de Pesquaire iroit avec une partie de l'armée pour reduire Alexandrie entre les mains dudit Duc, pour lors encores gardée par le seigneur de Buffi d'Amboise au nom du Roy. Lesdits seigneurs Federic & d'Amboise voyans entierement nostre armée retirée, & nulle esperance de secours, apres avoir faict leur deuoir, capitulerent qu'il leur seroit permis d'envoyer devers le Roy, & que si dedans quinze iours ils n'auoyent response dudit seigneur, ils remettroient lesdites places entre les mains de l'Empereur. Ayans dedans ledit temps eu response du Roy qu'il n'avoit le moyen

moyen de les secourir, & qu'ils eussent à faire la plus honorable composition qu'il leur seroit possible, sen reuin drēt en Frâce par cōposition faicte, bagues sauues & enseignes desployées, conduits à seureté iusques à Suze, remettans lesdites places és mains des deputez de l'Empereur.

En ce temps arriva mandement au Vice-Roy, de la part de l'Empereur & du Roy d'Angleterre, par lequel luy estoit cōmandé qu'ayant mis nostre armée hors d'Italie, suiuant la victoire, il eust à faire faire l'entreprise sur le Royaume de France : car ils se promettoient de grandes choses, par la faueur & intelligence que le seigneur de Bourbon disoit auoir en Frâce. Et pour cest effect, auoiet esté enuoyez de la part de l'Empereur deux cens mille escus à Gennes, avecques autre grosse somme de deniers que deuoit le Roy d'Angleterre cōtribuer tous les mois pour ladite execution. Pour conduire l'armée fut ordonné monsieur de Bourbon chef, le marquis de Pesquaire en la compagnie avecques xv. mille hommes de pied, deux mille cheuaux, & dixhuiet pieces d'artillerie. Le Duc de Bourbon, suyuant son desleing, se persuadoit qu'estant arriué en ce Royaume, la plus part de la noblesse se retireroit à luy : de laquelle esperance il fut frustré, car le naturel du Francois est de n'abandonner iamais son Prince. Ayant receu son armée en main, entreprint d'aller assaillir Marceille, esperant par ce qu'elle n'estoit remparée, & aussi peu flâquée, aisément la pouuoir conquerir : aussi qu'il la trouueroit despourueue d'hommes & de munitions.

Le Roy aduertty du chemin q̄ prenoit ledit de Bourbon, despescha le seigneur Rence de Cere homme fort expert au faict des armes : & avecques luy le seigneur de Brion, & enuiron deux cens hommes d'armes & trois mille hommes de pied, pour se mettre dedans Marceille. Auquel lieu estans arriuez, seirent telle diligence de rāparer & faire plateformes, qu'en peu de iours avecques

1514  
Armée Imp  
periale de  
uant Mar  
ceille.

Armée du  
Roy en Pro  
vence.

l'ayde tant des soldats que des citadins de ladite ville, la mirent en tel estat, que pour faire recevoir honte à leurs ennemis, comme ils firent: car estans le Duc de Bourbo & le marquis de Pesquaire arriuez deuant la ville, furent si bien recueillis tant par escarmouches qu'à coups de canon, qu'ils cogneurent bien qu'elle n'estoit despourueue de gens de bien. Le Roy pareillement aduertý de l'armée de l'ennemy deuant Marceille, feit en toute diligence remettre son armée sus, laquelle en l'année mesmes auoit esté ruinée: & desia auoit enuoyé en Suisse faire leuée de xiiij. mille hommes & six mille lansquenets, scauoir est troismille sous la charge de Francois monsieur de Lorraine, & trois mille sous la charge du Duc de Suffolc Roze-blanche, duquel i'ay parlé en plusieurs de ces memoires, & dix mille tant Francois qu'Italiens: lesquels mis ensemble avec quatorze ou quinze cens hommes d'armes, delibera d'aller combattre son ennemy deuant Marceille, lequel y auoit desia tenu le siege six semaines. Pour proceder à laquelle entreprise, le Roy enuoya deuant le mareschal de Chabannes, auquel il auoit baillé son auantgarde à mener, pour se saisir de la ville d'Auignon, craignant que l'ennemy ne s'en inuestit, ce que ledit mareschal executa: puis sentant le Roy approcher, marcha à Salon de Craux à huit lieuës d'Auignon, & huit de Marceille. Mais le seigneur de Bourbon se sentant approché de si pres avecques telle puissance que celle du Roy, diligenta sa retraite, & pour ce faire feit embarquer sa grosse artillerie pour la mener à Genes, & feit mettre par pieces la menue pour la porter à dos de mulet: par ce q' les chemins de sa retraite estoient presque impossibles pour y conduire charroy. Le mareschal de Chabannes se mettant à la suite, enuoya quatre ou cinq cens cheuaux, lesquels arriuant sur la queue de l'ennemy, desirerent bon nombre d'hommes & gaignerent vn fort grand butin, car chacun pour se sauuer laissoit son bagage derriere, & les soldats n'ayans puissance de por-



ter leurs armes, les laissoient par les chemins. Aussi le mareschal de Montmorency avecques bonne trouppes les suivit iusques par delà Tolon, ne leur donnant loisir de reprendre leur alaine.

Le Roy ayant aduerrissement de leur retraite, delibera l'entreprise de Milan, encores que de plusieurs fust d'uertu, pour estre l'hyuer desia prochain, car il estoit la my Octobre mille cinqcens vingt quatre, neantmoins voyant son armée prestee, & la retraite dudit de Bourbô, entreprint de luy coupper chemin, ou d'arriver en Italie premier. Et pour ce faire incontinent sans autre sejour dressa la teste de son armée en Italie: ayant en sa compaignie le Roy de Navarre, le Duc d'Alençon, le Comte de saint Pol, le Duc d'Albanie, le Duc Claude de Longueville, le mareschal de Chabannes, le mareschal de Montmorency, le mareschal de Foix, le grand maistre bastar de Sauoye, l'Amiral Bonniuet, du conseil duquel il vsoit plus que de nul autre: messire Louis seigneur de la Trimouille, Michel Antoine marquis de Saluces, le Comte de Vaudemont Francois, monsieur de Lorraine son frere, qui estoit colonnel de trois mille lansquenets, le Duc de Suffolc Anglois avec pareille charge, le seigneur Rence de Cere Rommain, Philippe Chabot, seigneur de Brion, Galeas de saint Seuerain, grand escuyer de France, le capitaine Louis d'Ars, & plusieurs autres gros personnages qui seroient de trop longue deduction à nommer: laissant Madame Louise de Sauoye sa mere regente en France. En Picardie & Pisle de France, laissa le Duc de Vendosme son lieutenant general, en Champagne & Bourgogne le Duc de Guise, en Normandie messire Louis de Brezé grand tenechal de Normandie, en Guienne & Languedoc le seigneur de Lautrec, en Bretagne le Comte de Laval.

En ce temps, vindrent nouvelles au Roy que la Royne Claude sa compagne & espouse estoit trespassée au chasteau de Bloys, laissant du Roy & d'elle trois fils

Mort de la  
Royne Clau  
de & ses  
enfants.

Passage du  
Roy en Ita-  
lie.

& deux filles : le fils aîné nommé Francois fillueil du Pa-  
pe Leon , le second Henry , Duc d'Orleans à present Roy  
fillueil de Henry huitiesme de ce nom , Roy d'Angleterre,  
le tiers nommé Charles Duc d'Angoulesme fillueil de Mes-  
sieurs des Lignes. Des filles madame Magdalene , depuis  
mariée au Roy d'Ecosse, la seconde nommée madame Mar-  
guerite encores viuante, & de ceste heure encores à marier.  
Le Roy ayant mis ordre aux choses dessusdites, feit diligen-  
ce de marcher & passer les montagnes pour arriuer au Du-  
ché de Milan, auant l'arriuee de l'armée Imperiale : aussi le  
Duc de Bourbon & le marquis de Pesquaire faisoient pa-  
reille diligence pour ce meisme effect. Le vice-Roy de Na-  
ples, qui cependant que l'armée de l'Empereur estoit en Pro-  
uence auoit faict son séjour en Ast, sentant nostre auantgar-  
de qu'il menoit le mareschal de Chabannes approcher, se re-  
tira en Alexandrie, auquel lieu ayant laissé deux mille hom-  
mes de pied , pensant que le Roy s'y deust amuser , se retira  
à Pauie : mais le Roy laissant toutes choses derriere , mar-  
cha droit à Milan, sans nulle part s'arrester. Dequoy le vi-  
ce-Roy aduertty, manda au Duc de Bourbon & marquis de  
Pesquaire qu'ils eussent avec toute diligence à se venir ioin-  
dre avecques luy à Pauie : ce qu'ils firent , & arriua quand &  
eux la cavallerie & l'infanterie Espagnolle , mais leurs lan-  
quenets ne sceurent faire si grande diligence. Parquoy apres  
auoir ordonné le seigneur de Leue pour demeurer à Pauie  
& quand & luy mille ou douze cens Espagnols , & six mille  
lanquenets de ceux qui estoient retournez de Marceille, en  
toute & extreme diligence avecques le reste de l'armée s'en  
alla à Milan, craignant que le Roy y arriuaist le premier. Au-  
quel lieu trouua les rampars & bastions tous ruinez : à raison  
dequoy il assembla tous les citadins , pour leur persuader de  
prendre les armes, dont ils firent refus, voyans l'armée d'un  
si grand Roy pres de leurs portes.

Prise de Mi-  
lan par le  
Roy.

Le Roy cependant estoit arriué à Vigee, duquel lieu il  
despescha le marquis de Salluces Michel Antoine, accompa-  
gné de deux cens hommes d'armes & quatre mille homes  
de

de pied, en esperance qu'il arriueroit à Milan premier que l'armée Imperiale. Estant le marquis par les chemins, fut aduertý que le vice-Roy estoit arriué à Milan : mais pour cela ne laissa son entreprise, & donna droict à la porte Vercelez : & trouuant les Espagnols dedans le faubourg, de viue force les remist dedans la ville, lequel apres l'auoir cõquis il garda, encores que par plusieurs fois les Espagnols füsset des saillies pour le luy faire abandonner. Le Roy apres auoir despesché ledit Marquis, enucya le seigneur de la Trimouille avecques bõ nõbre de gens de cheual & de pied pour le soutenir : dequoy le vice-Roy aduertý, doubtant d'estre là dedans enfermé, sentant la volonte des citadins n'estre à la deuotion, auant l'arriuee dudit seigneur de la Trimouille sortit par la porte Rommaine, & avecques luy le Duc de Bourbõ, & le marquis de Pesquaire, & le reste de leur armée, prenans le chemin de Laudes. Les Milanois se voyans hors du danger des Imperiaux, ouurirent la porte au marquis de Salluces, lequel fut receu à grande ioye : & pareillement le seigneur de la Trimouille qui y arriva peu apres.

Le Roy estât aduertý de la prise de Milã, mist en deliberation ce qui estoit à faire. Plusieurs furent d'auis qu'il deuoit suiure son ennemy droict à Laudes, laissant dedans Milan quelque nombre d'hommes pour la garde d'icelle : mesmes qu'on deuoit mäder aux seigneurs de la Trimouille & marquis de Salluces, de gagner les deuans pendant que le Roy les suiuroit, & de ne laisser prendre pied à l'ennemy. Autres furent d'aduis d'aller assieger Paue, remonstrans qu'ayans deslogé de Paue les forces qui y estoient demourées, aisément le Roy pourroit conquerir le reste du Duché de Milan. En fin, ceste opiniõ fut suiuite, & fut mandé au seigneur de la Trimouille de demourer dedans Milan, & au marquis de Salluces de se venir ioindre avecques le Roy : lequel partât de Vigee, alla à Biegras, & de là deuant Paue. Plusieurs ont estimé, & y a eu grande apparence par les choses qui depuis sont aduenues, que qui eust suiuy la premiere opinion, qui estoit de poulsier viuement apres l'armée Im-

Discours sur  
le conseil du  
Roy.

pétiale, la victoire & la conquête du Duché de Milan estoit nostre: car leur armée sen alloit en tel desordre que les soldats Imperiaux, pour le trauail des chemins qu'ils auoient passé venans de Prouence iettoient leurs armes dedans les fosses, n'ayans puissance de les porter. Parquoy l'ennemy n'eust eu le moyé de garder Laudes, & estoit en hazard d'abandonner Cremône: car au passage de la riuere d'Adde, le seigneur de la Trimouille, & le marquis de Saluces y sans de diligēce les eussent peu arrester, attendans le reste de nostre armée, & par ce moyé ceux de Paue & d'Alexandrie, qui demouroient derriere, eussent esté contraincts de parier, par ce qu'il n'y auoit apparēce qu'ils peussent estre secourus: mais Dieu ne voulut permettre de prendre le meilleur conseil.

Siege de  
Paue.

Le Roy estant arriué deuant Paue, le xxvij. ou xxvij. d'Octobre l'an mille cinq cens vingt-quatre, ordōna du logis de son armée: logea le mareschal de Chabannes avecques son auantgarde vers le chasteau, du costé du Tesin, luy se logea avecques la bataille à l'abbaye de S. Louffran, assez pres de la ville, puis enuoya le mareschal de Mōtmorency avecques trois mille lanquenets, deux mille Italiens, mille Cortès, & deux cens hommes d'armes pour passer le Tesin, & se loger au faubourg saint Antoine, dedans vne Isle. Pour gagner ledit faubourg, ledit seigneur de Mōtmorency, fut cōcrainct de battre vne tour qui estoit sur le pont, ayant gagnée, la feit ramparer & garder: faisant pendre ceux qu'il trouua dedans, pour auoir esté si outrageux d'auoir voulu garder vn tel poullier à l'encōtre d'vne armée Francoise. Le Roy ayant logé son armée en la maniere dessusdire, delibera de forcer la ville, à cause dequoy feit faire les approches, & mettre son artillerie en batterie: de laquelle ayant batu quelques iournées, fut fait breche, mais non raisonnable. Toutesfois fut ordonné de donner vn assault pour tenter l'opinion de ceux de dedans, auquel assault noz gens ayans donné iusques au hault de la breche, pensèrent la ville gagnée, mais autremēt en aduint: car ils trouuerent par dedās de larges & profondes tranchées bien flanquées, & les mai-  
sons e-



sons estans pres desdites tranchées persées bien à propos & pourueues d'arquebouzerics. Qui fut cause que noz gens apres auoir long tēps cōbaru sur le hault de la breche, furēt contraints d'eux retirer : par-ce qu'il n'y auoit ordre de passer plus outre. Audit combat moururent plusieurs gens de bien, & entre autres le capitaine Hutin de Mailly, & le frere puisné du seigneur Dauchy, tous deux de Picardie: & le capitaine saint Iulian, ieune homme Basque, & beaucoup d'autres desquels ie n'ay memoire. Ce faict, le Roy ordonna que la gendarmerie se mettroit à pied, pour par deux endroits donner l'assault, & deuoit le mareschal de Foix mener l'une des troupes: lesquels estans en bataille, & tous à pied, ayans choisy de toute la gendarmerie les plus dispos, le Roy ayant entendu ceux qui auoient recogneu la breche, ordonna de faire differer l'assault, & fait retirer la gendarmerie.

QUEL QUE temps au-parauant le Duc Claude de Longueuille, ieune prince de grande volenté, estant dedans les tranchées en sortit pour recognoistre quelque chose le long de la ville: mais si tost qu'il fut descouuert, fut frappé d'un coup de mousquet dedans l'espaule, venant de dessus la muraille, duquel coup il mourut sur le champ. Plusieurs qui cherchoient de faire seruice au Roy mirent en auant vn moyen de forcer la ville, qui estoit tel : le Tefin coule le long de la ville, duquel costé les ennemis se fians à la force de la riuiera, par-ce qu'elle n'est gaiale, n'auoient faict aucun rampar : parquoy ils entreprirent de diuer tirer ladite riuiera avecques des toilles, mettans en auant qu'estât diuertie, & le cours asséchè, & faisans en cest endroit vne soudaine & furieuse batterie, la ville seroit aisée à forcer, premier que l'ennemy eust loisir d'y pour uoir, chose qui auoit apparence de raison: & estoit chef d'icelle entreprise Jacques de Silly baillif de Caen, lieutenant de la compagnie du Duc d'Alancon. Il y meit gens en besongne: mais apres auoir beaucoup despendu d'argent & de temps, toba vne

pluye soudaine, dont la riuere augmenta, de sorte qu'en vne heure elle emporta ce qui auoit esté faict en plusieurs iours, & par ce moyen leur labour fut inutile.

**Traitez de  
accord entre  
le Roy &  
l'Empereur  
par le Pape  
Clement.**

Estant le Roy deuant Paue comme vous oyez, le Pape Clement voulant mettre en repos l'Italie enuoya deuers le vice-Roy de Naples qui estoit à Laudes, pour trouuer moyé d'accord: lequel n'estant assésuré du secours qu'auoit promis le Duc de Bourbon amener d'Allemagne, des deniers qu'il auoit recouuers sur les bagues que monsieur de Sauoye luy auoit presté, accorda vne trefue de cinq ans, pendant lequel temps deuoit demourer entre les mains du Roy tout ce qui estoit deca la riuere d'Adde, hors mis Laudes. Lesquelles conditions furent refusées par le Roy, à la persasiō (à ce qu'on disoit) de monsieur l'Amiral Bonniuer, qui auoit la superintendence des affaires du Roy, & à l'instigation du seigneur de saint Marfaut, qui estoit fort pres de la personne du Roy, & bien ouy dudit seigneur, encores qu'il ne fust en estime d'homme de guerre, mais bien entendant les pratiques de la cour.

**Separer  
de l'armée  
du Roy pour  
enuoyer à  
Naples.**

Ledit Pape Clement vij. de ce nom, apres auoir failly à la trefue cy dessus montionnée, persuadé par le Comte de Carpy ambassadeur pour le Roy deuers sa sainteté, laissa les anciennes haines qu'auoit porté le Pape Leon son cousin contre le Roy, & feit alliance avecques luy. Puis despescha le seigneur Mathée son dataire, pour confirmer ladite alliance: & persuader le Roy de faire faire l'entreprise de Naples, pestimant aisée, pendant que l'armée Imperiale estoit empeschée audit Duché de Milan, & estant l'armée Francoise fauorisée de sa sainteté. Le Roy s'accorda à icelle entreprise: pour l'exécution de laquelle il ordonna le Duc d'Albanie son lieutenant general, en sa compagnie le seigneur Rence de Cere, & vj. cens hommes d'armes, du nombre desquels estoit le bastar de la Claiette, le seigneur d'Esquilly avec sa compagnie de genit'armes, & trois cens cheuaux legers, cent de monsieur d'Albanie, la compagnie du Duc de Longueuille conduite par le seigneur de Lorges son lieutenant

lieutenât, dix mille hommes de pied, & quelque nôbre de cheuaux legers, avec x ou xij. pieces d'artillerie, ce qui sembla à plusieurs n'estre raisonnable q̃ le Roy separait son armée. Le Vice-Roy de Naples & le marquis de Pesquaire, qui estoient à Laudes (car monsieur de Bourbon n'y estoit pour lors, par ce qu'il estoit allé en Allemagne faire leuée de xij. mille lâsquenets des deniers (come l'ay n'agrees dit) q̃ le Duc de Sauoye luy auoit presté, auertis du partement de monſieur seigneur d'Albanie, estimans seulement qu'il fustal é pour receuoir du Duc de Ferrare vn nombre de pouldres, de bouilllets, outils à pionniers, & autres munitions de guerre qu'il prestoit au Roy: partirent de Laudes avec leurs forces, & passerent le Pau, pour couper chemin au seigneur d'Albanie. Mais estans arriuez à Moucelles v. mille pres de Cremône, du costé de Plaisance, deliberez de marcher à Fleuranfolles, leur furent amenez de l'armée de monsieur d'Albanie deux cheuaux legers qui auoient esté surpris au fourage, par lesquels ils furent asseurez que l'entreprise du seigneur d'Albanie estoit pour le Royaume de Naples. Lesquelles choses entendues, se fermerent à Montissel, ne se sentans assez forts pour combattre nostre armée. & la laisserent passer.

Le Vice-Roy de Naples ayant entendu l'entreprise du Duc d'Albanie qui marchoit avec la faueur du Pape, sentit le Royaume de Naples en hazard, parquoy resolut d'y tourner la teste pour y pourueoir, mais il en fut dissuadé par le marquis de Pesquaire: luy remonstrant que si l'abandonnoit l'estat de Milan, le Roy aisement viendroie à fin de son entreprise, & se mettroit à sa queue. A raison dequoy ayant monsieur d'Albanie en teste, & le Roy derriere, son entiere ruine estoit manifeste: à ceste cause il changea d'opinion. Peu apres estans les forces Imperialles augmentées pour le secours qui leur estoit suruenu, & ayant le Vice-Roy la cognoissance de la ruine de l'armée du Roy, pour le long hyuer qu'elle auoit

enduré en campagne, & aussi que le Roy auoit séparé son armée (sçauoir est ce qu'auoit mené monsieur d'Albanie, & quatre ou cinq mille hommes qu'auoit avec luy le marquis de Saluces, qui estoit lieutenant de Roy à Saluonne, & aux enuiron, sans autre grand nombre qu'auoit le Roy, tant à Milan qu'aux autres places, pour la seurété des viures) delibérerent qu'attendans l'arriuée des lansquenets qu'amenoit monsieur de Bourbon, ils se ietteroient en campagne. Apres laquelle resolution, le marquis de Pesquaire avec vne partie de l'armée marcha droit à Cassan, qui est sur la riuere d'Adde, ville tenue par les Francois, mais mal fortifiée. Auquel lieu estant arriué, apres auoir mis son artillerie en batterie, les soldats se rendirent leurs bagues sauues.

Le lendemain vindrent nouuelles au Vice-Roy, de la part d'Antoine de Leue, comme les Allemans estans dedans Paue, menassoient qu'au cas qu'ils ne fussent payez, ils rendroient la ville entre les mains du Roy. Ces choses entédues chercha les moyens d'y pourueoir car il n'estoit en leur puissance de recouurer argent, & ecores qu'ils en eussent, ils n'auoyent le moyen de le mettre dedans la ville en seurété. Sur la fin ils fauiserent d'un stratageme qui fut que deux hommes, auxquels ils auoient fidelité, porterent en nostre camp sur deux cheuaux quatre barils de vin à vendre, dedans lesquels estoient trois mille escus, & allerent loger pour vendre leur vin le plus pres de la ville qu'ils peurent, faisans entendre par un espion au seigneur Antoine de Leue l'estat de leur affaires dequoy estant auerty, feit faire vne saillie de l'autre costé, & durant que l'escarmouche estoit bien attaquée, vn des villains rōpit ses barils, & print les trois mille escus, avecques lesquels il se sauua dedans la ville. Antoine de Leue pour monstrer aux lansquenets que ce n'estoit faute d'argent, ny de bonne volonté qu'ils ne fussent payez, mais par faute d'auoir moyen de mettre l'argent dedans la ville en seurété, feit assembler le Ban, & leur remon-

Inuention  
de faire en-  
trer argent  
en Paue.



sur le hazard où festoit mis le villain pour apporter cest argent, & que tout le reste de leur payement estoit au camp Imperial. Les lansquenets pensans que ce qu'il leur disoit fust veritable, leuerent tous les mains en signe de bonne volonte, declarans tous en general, que tât que le siege durerait ils seruiroient sans argẽt la majestẽ Imperialle: moyennant qu'apres le siege ils fussent satisfaits, ce qui leur fut promis.

A v commencement du mois de Mars audit an mille cinq cens vingt-quatre, Michel Antoine marquis de Saluces, lequel (comme j'ay dit) auoit estẽ enuoyẽ lieutenant du Roy à Sauonne: apres auoir fait faire la monstre de ses gens de pied, en enuoya deux mille en garnison dedans Varas, petite ville mal fermee sur le bord de la mer, mi-chemin de Sauonne à Genes. Dom Hugues de Montcade, Vice-Roy de Sicile, qui pour lors estoit gouverneur de Genes pour l'Empereur, estant auerty que lesdits gens de pied estoient dedans Varas, delibera de les aller deffaire: & pour cest effect, feit faire force à toutes les galleres de l'Empereur, pour du costẽ de la mer donner des canonnades dedans la porte dudit Varas, esperant que les soldats, pour la debilitẽ de la place ne pouuans endurer la batterie, prendroient leur retraite droit à Sauonne, tout le long de la marine: & sur ceste esperance luy-mesmes s'en alla mettre en embuscade avecques quatre mille hommes de pied, entre Varas & Sauonne pour deffaire noz gens sur leur ditte retraite. Mais estans ses galleres arriuees deuant Varas, & ayã commencẽ leur batterie à la porte, ainsi qu'il leur estoit commandẽ, le marquis de Saluces qui estoit à Sauonne voyant la batterie soudain trouuant deux galleres prestes se mit dedans avecques si peu d'hommes qui se trouuerent aupres de luy: commandant au reste des galleres, dont auoit la charge le seigneur André Dorie, & aux autres gros vaisseaux, & mesmes au seigneur de la Fayette, qui pour lors estoit Amiral sur l'armee de mer, qu'ils

Esmeute à  
Sauonne, &  
deffaitte de  
Espagnols.

eussent à le suivre. Approchant le Marquis pres de Varas avecques ses deux galleres, & les assiegez l'ayant decouvert prirent cœur, de sorte qu'en toute diligence se meirent à ramparer leur porte ia toute ruinée. Le reste de nostre armée de mer approchant celle des Geneuois, commença à les saluer de canonnades: les Geneuois ne se sentans suffisans pour soutenir le combat prirent le largue, & nostre armée se mit à leur suite. Dom Hugues de Montcade se voyant abandonné de son armée de mer, & par consequent hors d'esperance d'exercuter son entreprise, commença à faire sa retraite droit à Genes, le long de la marine: dequoy le marquis de Salluces aduerty, feit mettre à terre le seigneur de la Milleraye gentil-homme de la chambre du Roy nouuellement venu deuers luy de la part du Roy, & luy commanda de faire sortir les soldats qui estoient dedans Varas, & les conduire à la suite dudit Dom Hugues: & que luy avec les galleres, iroit terre à terre à coups de canon pour les mettre en desordre, car ils estoient contrains de suivre le long de la marine, à cause des montagnes.

Le seigneur de la Milleraye suivant ce qui luy estoit commande, fist telle diligence qu'il mit à vau de route les quatre mille hommes Imperiaux avec l'ayde des galleres (comme j'ay dit) Voyant ledit Montcade ses gens en route, print avecques luy les principaulx de ses capitaines, desquels il auoit fiance, & demeura sur la queue pour soutenir l'effort: mais il fut chargé de telle furie, qu'il fut prins, & tous ceux qui estoient avecques luy. Puis apres les auoir enuoyez à Sauône en seure garde, noz gens suivirēt leur victoire iusques à trois mille de Genes, metans au fil de l'espee tout ce qui s'en trouua deuant eux.

Le marquis de Salluces avecques l'armée de mer suivit les galleres iusques à Genes, auquel lieu estant arriué trouua l'Amiralle de Genes à la rade, laquelle il assaillit à coups de canon: où, apres long combat ladite Amiralle se rendit, dedās laquelle fut trouué grand nombre

bre d'artillerie, & d'autres munitions & richesses. Aussi  
 noz galleres poursuivirent celles des ennemis, dont ils  
 en prindrent deux. Ce fait, le Marquis avecques les pri  
 sonniers & butin se retira à Saunne : il eust eu armée  
 pour assieger Genes aussi bien par terre que par mer,  
 veu l'estonnement qui festoit mis dedans la ville, pour  
 avoir perdu leur chef avecques plusieurs capitaines &  
 soldats, elle estoit en grand hazard d'estre perdue pour  
 l'Empereur, & remise entre les mains du Roy.

DURANT ce temps que le Roy estoit devant Pavie,  
 & que monsieur de Vendosme estoit demouré lieutenant  
 du Roy en Picardie, se faisoit ordinairement la guerre  
 guerroyable, vn iour à l'avantage de l'un, autrefois de  
 l'autre : & entre autres choses vn iour messire Antoine  
 de Crequy, seigneur du Pontdormy, lieutenant du Roy  
 audit pais en l'absence de mondit seigneur de Vendos  
 me, partant de Montreuil feit vne entreprise pour met  
 tre viures dedans Terouenne, & en ce faisant, tenter la  
 fortune il pourroit forcer le Neuf-fossé. Qui est vne  
 grande tranchée plaine d'eau qui ferme le val de Cassel,  
 depuis S. Omer iusques à Aire : & à chaque entrée qu'on  
 arrive audit val le long de ladite tranchée, y a des blocs  
 de terre, que nous appellons boulleuers, dedans lesquels  
 se retirent en seureté les soldats de la garde d'iceux, es  
 tans bien pourueus de grosse & menue artillerie pour  
 garder lesdits passages & entrées dudit val, dedans lequel  
 tous les biens & bestial du pais sont retirez. Ledit sei  
 gneur du Pontdormy pour executer son entreprise man  
 da au baillif de Somer au Bos, gentilhomme Boulle  
 nois ayant credit parmy les soldats, qu'il eust à faire le  
 uée dedans ledit pais de mille ou xij. cens hommes de  
 pied, & de se trouver le lendemain au village de Fou  
 quamberge sur le soir : auquel iour le seigneur de Pôrdor  
 my partant de Montreuil, arriva environ deux heures de  
 vant soleil couché, ayant avecques luy la compagnie de  
 monsieur de Vendosme de cent homes d'armes conduite

Guerre en  
 Picardie.

par le seigneur de Torcy son lieutenant, & la sienne de pareil nombre : & le Comte Dammartin ayant cinquante hommes d'armes sous sa charge. Et cependant que la gendarmerie faisoit repaître les chevaux, il fit entrer dedans Terouenne les viures qu'il auoit amené de Montreul, pour faire entendre à l'ennemy qu'il n'estoit venu pour autre occasion que pour ledit ravitaillement : puis enuiron vne heure de nuict, partit dudit Fouquamberge, pour l'exécution de sadite entreprise où par les chemins le vindrent rencontrer les cinquante hommes d'armes de la compagnie du seigneur du Fresnoy, gouverneur de Terouenne, & enuiron deux cens hommes de pied de ladite garnison, qui amenerent deux longues couleuvrines pour forcer lesdits passages. Estant ledit seigneur du Pontdormy arriué au Neuf fossé auant le iour, encorés que lesdits blocus fussent pourueus tant d'hommes que d'autres choses necessaires pour la garde d'iceux, li est ce que le passage fut forcé : & se fit au val un butin inestimable de bestial & autres biens. On auoit delibéré de faire la retraite à Fouquamberge, toutesfoiſ par ce que ceux d'Aire, de Betune, & de Lilliers, estant le seigneur du Pontdormy retiré avecques les grosses forces, pouuoient couper chemin à ceux de Terouenne, fut conclu de les accompagner iusques au lieu de seureté, avecques la gendarmerie, afin que l'artillerie amenée de Terouenne ne se perdist. Et furent renuoyez les gens de pied & le butin le droit chemin de Fouquamberge. Passant aupres d'Arques, qui est a demie lieuë de saint Omer, la cavallerie dudit saint Omer sortit, ayant mis les gens de pied dedans des carrieres qui sont assez pres de l'Eglise pour soustenir leur dite cavallerie : de laquelle vne partie se ietta à l'escarmouche, en esperance de nous amuser, pendant que ceux d'Aire & de Betune se pourroient venir joindre avec eux. L'escarmouche se chauffa de sorte qu'en fin les Bourguignons furent renuersez sur leurs gens de pied. A ladite charge le seigneur de Licques



lieutenant du Duc d'Arctot, lequel ce iour là auoit espousé la sœur du seigneur de Fonquesolles (de laquelle le seigneur d'Estrée, guidon de monseigneur de Vendosme auoit esté seruiteur) estant demouré sur la queue pour soutenir les hommes, fut chargé par ledit seigneur de Estrée, & par le seigneur du Rum, & fut prisonnier: tellement que ce iour là il ne coucha point avecques son espousée.

Le seigneur du Pontdormy craignât ce que les ennemis attendoient, qui estoit que ceux d'Aire, de Betune & Lilliers se vinssent ioindre avecques eux, pour empescher sa retraite & celle de ceux de Terouenne, vint luy-mesmes retirer Pescarmouche: estant arriué pres de Terouenne, au lieu où se deuoit separer ladite garnison d'avecques luy, l'alarme vint du costé d'Aire, où il fut enuoyé quelque caualerie pour entendre que c'estoit la ieunesse sans commandement y alla à la file, en espoir vn chacun de rompre sa lance, ainsi qu'est la coustume le plus souuent des ieunes gentils-hommes de France, de porter peu d'obeissance à ceux qui leur commandent. Toute ceste troupe sans chef estant arriuée pres vn village nommé Roud, enuiron mi-chemin de Terouenne à Aire, rencontrerent la garnison dudit Aire & Betune, la quelle venoit en esperance avecques l'ayde de ceux de la garnison de saint Omer, de pouoir empescher nostre retraite: ceux desdites garnisons d'Aire & Betune pouuoient estre le nombre de huit à neuf cens Espagnols naturels, & de cinq à six cens hommes de pied Walons, & trois cens chevaux de leurs ordonnances. L'escarmouche se dressa par nostre ieunesse contre leur caualerie, de sorte que les plus vieils & les plus sages des nostres furent contraints de suivre la ieunesse pour la conduire: le seigneur du Pontdormy auerty de ladite escarmouche, cognoissant que d'estre là arresté il n'auroit moyende se retirer à Fouquamberge, ains seroit contraint de loger à Terouenne, qui ne se pouoit faire sans manger les

viures qui estoient dedans, enuoyale Comte Dammartin pour faire retirer l'escarmouche. Mais y estant arriué la trouua si meslée, qu'il estoit impossible de la retirer sans mettre en hazard tous ceux qui y estoient, car le seigneur du Pontdormy avecques la grosse trouppé estoit liéü & demie en arriere: parquoy se retirans sans auoir personne pour les soutenir, sans aucune difficulté il seussent esté deffaits. Le Comte Dammartin ayant bien considéré tant la contenance de noz ennemis que de ceux de nostre part, s'arresta sur vn hault lieu. & de lo<sup>s</sup> ceux qui venoient à la file des nostres, en fit vne masse pour soutenir l'escarmouche, si d'auenture noz gens estoient renuerlez. Et quand & quand manda au seigneur du Pontdormy qu'il estoit d'auis qu'il marchast en diligence, autrement il ne voyoit apparence que tout ce qu'il y auoit d'hommes ne fust perdu: car les gens de pied des ennemis approchoient fort, marchans en bõ ordre pour soutenir la cauallerie.

Le seigneur du Pontdormy ayant eu cest auertissement, ne voulut perdre ce qui estoit la: parquoy feit marcher les enseignes droict au lieu où estoit ledit Comte Dammartin, pour diligemment le secourir, ayant en sa compaignie le nombre de deux cens hommes d'armes. Cependant le Comte Dammartin auoit amassé de toutes bandes enuiron deux cēs cheuaux & ne bougea d'où il estoit: mais voyant le seigneur du Pontdormy approché si pres de luy qu'il en pouuoit estre soutenu, chargea les ennemis à toutes brides, & il renuerla leurs gens de cheual sur leurs gens de pied Espagnols: & y entrant pelle-messe, les rompit, à la faueur de la grosse trouppé qui arriua au poinct de la charge. Et fut tué à ladite defaite le nombre de douze vingts Espagnols, & pris de cinq à six cens. Leur cauallerie durant le cõbat des gens de pied se sauua de vitesse: vray est que quelques vns des nostres les pourchasserent de si pres, qu'aucuns entrèrent pelle-messe dedans les barrieres d'Aire, qu'on leur ferma  
au doz,

au doz. & entre autres y fut pris des nesties le seigneur d'Etanae, qui depuis fut guidon de monsieur de Vendosme. Le seigneur du Pontdormy apres ceste deffaiete se retira à Terouenne avecques les prisonniers, qui pouuoient estre le nombre de huiet ou neuf cens : & par ce qu'il y auoit trop grande subiection de les garder, furent tous renuoyez le lendemain pour leur souue de cent sols pour mois, retenans seulement leurs capitaines pour respondans : le seigneur d'Estree requis par la dame dont il auoit esté seruiteur, luy renuoya le seigneur de Licques son mary.

QUELQUE temps apres, & enuiron quinze iours deuant la bataille de l'auie, les soldats de la garnison de Hedin estās alleez à la guerre, l'un d'eux appelle le Bastar, fut pris prisonnier des ennemis & mene à Betune : lequel fut par le seigneur de Fiennes, gouverneur de Flandres, pratiqué pour luy liurer le chasteau de Hedin, lequel Bastar luy dit en auoir bien le moyen : mais qu'il estoit besoing de le renuoyer sur sa foy, saignant d'aller pourchasser la rancon, afin de pratiquer vn sien compaignon & fidelle amy qui auoit les clefs du chasteau, chose qui luy fut accordee. Lequel estant arriué a Hedin, trouua moyen d'aller deuers le seigneur du Pontdormy, faisant entendre à ses seruiteurs qu'il auoit cognoissance en la maison, & qu'il luy presteroit l'argent de sa rancon : y estant arriué, feit entendre au seigneur du Pontdormy les pratiques que faisoit le seigneur de Fiennes par son moyen, & que son intention estoit de luy liurer entre les mains le seigneur de Fiennes, le Duc d'Arleot, & la plus part des grands seigneurs de par-de-là, avec la garnison d'Aire & de Betune. Le moyen qu'il meit en auant, estoit que ledit seigneur du Pontdormy luy adressast vn homme fidelle qui eust la garde des clefs du chasteau dudit Hedin, & qu'il feroit entendre à l'ennemy qu'il auoit pratiqué cest homme, & mesmes ameneroit vn des leurs dedans le parc : avec lequel le portier & luy pour-

Pratiqué  
pour He-  
din.

roient communiquer, pour donner à l'ennemy plus grande seureté de son faict. Et qu'au iour assigné qu'il ameneroit la trouppe, il viendrait avec celui lequel premierement il auroit amené pour communiquer de recheue avecques ledit portier: avec lequel il auroit vn signal, auquel iceluy portier respondroit à leur arriuée, briefs choses furent arrestées tant d'une part que d'autre. Le iour prefix le seigneur du Pontdormy se trouua dedans le dit chasteau, accompagné de deux ces homes d'armes enuiro iour couché: & à ce q le bagage ne fust cause de descouuir l'entreprise, chacun homme d'armes y arriva Parmes en teste: & la lance au poing sans page & sans varlet. Ledit seigneur du Pontdormy auoit ordonné au seigneur de Serce, gouverneur de Hedin, de faire faire à la porte du parc, sous vne grande voulte qui estoit à l'entrée où l'ennemy deuoit arriuer, deux ou trois herfes coulissées afin que si de fortune l'ennemy entroit en si grand nombre dedans, qu'il fust pour forcer le chasteau, on laissast tomber lesdites herfes pour la seureté de ladite place: mais à l'arriuée dudit seigneur du Pontdormy les herfes n'estoient acheuées, dont il aduint grand inconuenient, ainsi que sera dit cy apres. Au deuant de ladite porte y auoit vn petit reuellin de pierre, par dedans lequel deuoient passer les ennemis, qui fut tout pavé de fricassées & feux artificiels couuers de paille, où ceux de dessus la porte deuoient ietter feu lors qu'il leur seroit commandé: & deuoit le seigneur du Pontdormy, quand il verroit l'ennemy en desordre, monter à cheual pour luy couper le chemin de sa retraite,

Les choses ainsi ordonnées, l'ennemy conduit par le bastar enuiron minuit arriua à vne lieue pres de Hedin auquel lieu vindrent deux espies deuers monsieur de Fiennes, l'auertir comme le seigneur du Pontdormy à iour couché estoit arriué dedans le chasteau de Hedin avec grand nombre de gendarmerie. Le seigneur de Fiennes pensant estre trahy, voulut faire mettre en pieces le

Bastar



Bastar. mais de grande assurance il luy dit, que ses espies estoient faulces, & à ce qu'il cogneust la venue, qu'ils le fissent lier de cordes, & qu'ils luy bai lassent deux ou trois homnies avec la dague au poing, qui le menassent sur le bord du fossé, & avec eux celuy-mesmes qui par cy deuant auoit esté en la compagnie parler au portier, lequel entendroit bien le signal qu'il auoit avecques luy. Ainsi fut il ordonné, & fut ledit Bastar lié luy baillans trois ou quatre des plus dispos soldats qu'ils eussent à le tenir, chacun la courte dague au poing pour le tuer, si faisoit faulte, lequel les mena sur le bord duoit fossé, & y estât arriué si la: celuy qui estoit sur la porte luy respondit, alors ledit Bastar luy demanda si estoit temps, l'autre dit, Ouy, & que toutes choses estoient preparées, parquoy ils le ramenerent à la troupe: apres lequel rapport les Bourguignons entreter en plus grande assurance que iamais, suiuant laquelle ils marcherent à la conduite dudit Bastar tousiours lié comme dessus. Entrans dedans le parc, trouuerent autres espies qui les assurerent qu'ils estoient trahis: mais le Bastar les persuada de sorte qu'à nul d'eux ils ne volurent adiouster foy, & concieurent de paracheuer leur entreprisse. Estans arriuez dedans le reuellin, & entrez vn nombre d'hommes dedans la porte, le seigneur du Pontdormy qui estoit dessus icelle pour commander, voyant que les herbes pour estre mal agheuees ne pouuoient tomber, commença à crier à ceux qui estoient au dessous de luy, qu'ils eussent à ietter le feu, craignât qu'il entrast si grand nombre qu'il fust forcé là dedans: mais la fortune fut telle que celuy de dessous luy iettant le feu mal à propos, iceluy du Pontdormy ayant la bouche ouuerte pour parler, luy entra le feu par la bouche qui luy brussa les entrailles. Si est-ce que soudain il commanda que le seigneur de Capapleston ne peu montast à cheual pour executer leur entreprisse, Mort duseigneur du Pontdormy.

à cheual:parquoy l'executiō demoura. Telle fut l'issue de la dite entreprise:le seigneur du Pōtdormy mourut deux iours apres,à la mort duquel le Roy perdit vn bon & affectionné seruiteur,& grand homme de guerre : il mourut des Bourguignōs enuiron quatre vingts ou cent de ceux qui estoient entrez au reuellin,lesquels furent bruslez. Le Bastar entra le premier dedans le chasteau,qui sauua la vie à ceux qui le tenoient lié & les feit ses prisonniers. Les Bourguignons s'en allerent en effroy, persans tousiours estre suiuis, ne scachās rien de l'inconuenient auenu au seigneur du Pontdormy: tellement qu'une grande partie perdit parmy les bois sur leur retraite. Il y a grande apparence que sans l'inconuenient dudit seigneur du Pontdormy i's estoient tous def. faicts ( car la nuict n'a point de honte ) & en hazard qu'il eust entré pesse-messe ou dedans Betune ou dedans Aire, estans les ennemis en tel effroy:eux mesmes depuis me l'ont confessé.

Siege deuāt  
Paue.

En ce temps, mourut dedans Paue le capitaine general des lansquenets,soupeconné d'auoir esté empoisonné : ayant doubte Antoine de Leue qu'il eust intelligence avecques le Roy,dōr iamais ne fut cogneu autre chose. Au mesme tēps estant l'armée Imperiale renforcée & ioincte ensemble, le vice-Roy de Naples delibera d'aller secourir Paue:mais par ce que le payement luy estoit failliy,& qu'il auoit grand doute que les soldats ne fissent difficulté de marcher, fut conclu entre tous les chefs que le marquis de Pesquaire appelleroit en concion les Espagnols,desquels il estoit general, pour trouuer moyen de leur persuader de marcher au combat, ce qu'il feir:leur remonstrant les victoires que par cy deuant ils auoient obtenues sous sa conduitte, & que ceste seule victoire seroit la remuneration de tous leurs labeurs: car prenans vn Roy de France avecques les princes de son sang, & la principale noblesse de son Royaume, ce seroit tout à vn coup aquis honneur & cheuance. Leur remonstrant pareillemēt que la victoire estoit apparēte pour eux, estimant l'armée du Roy ruinée pour le long temps qu'elle auoit

auoit campigé, & séparée en diuers lieux, comme à Naples, Sauonne, & Milan: concludant par là qu'il ne restoit qu'à l'entreprendre, que la victoire ne fust seure. Les Espagnols tant pour la creance qu'ils auoient audit Marquis, que pour le grand butin qu'il leur promettoit, luy offrirent de viure ou de mourir avec luy, & de le suiure en to<sup>s</sup> lieux & d'agers que il les vouldroit conduire, & sans argêt, moyennant qu'ils eussent viures dont ils se peussent substantier. Les Allemans estans auertis de la responce des Espagnols, la feirent semblable, disans qu'ils n'estoient moins gens de guerre que la nation Espagnolle: lesquelles choses entendues, le vice-Roy, le Duc de Bourbon, & le marquis de Pesquaire conclurent de executer leur entreprise chaudement, cependant que leurs hommes estoient en bonne volonté.

Le Roy auerty de la deliberation de son ennemy, sachant que sur le chemin de Laudes à Paue, y auoit vn chasteau nommé Castel saint Ange, duquel Dom Petre de Gôzague, frere du seigneur Federic de Bozzolo auoit la charge de par le Roy: & craignant que l'ennemy ne surprist ladite place, qui estoit d'importance pour rompre les viures de l'ennemy, fil venoit deuant Paue, y enuoya le mareschal du Chabannes, & ledit Federic de Bozzolo pour la visiter, & la pourueoir de ce qu'elle auoit besoing. Ce qu'ils firent, & sen retournans au câp laisserent audit chasteau huit cës hommes de pied Italiens, & deux cens cheuaux sôubs la charge dudit Dom Petre. Noz ennemis ayans (comme i'ay dit) vny toutes leurs forces, partirent de Laudes & sen vindrent loger à Marignan, pour tenter si noz gens qui estoient à Milan la vouldroient abandonner, pour se venir joindre à nostre armée: mais cognoissans que le seigneur de la Trimouille n'en auoit aucune volonté, changerent de dessein, & tournerent la teste droit à Castel saint Ange, pour mettre en liberté le grand chemin de Laudes à Paue, pour plus aisément faire suiure les viures. Estans arriuez audit lieu de saint Ange, firent en diligence leurs approches, & mirent leurs pieces en batterie, puis ayans fait breche, donnerent

Prise de Castel S. Ange  
pres Paue.

vn assault, auquel ils furent repoussez: mais en fin noz gens voyans la diligence que faisoient leurs ennemis, se tonnerent & se rendirent à la discretiō du vice-Roy, lequel retint les capitaines prisonniers, & licentia les soldats sans armes, leur faisant faire serment de ne porter d'vn mois armes contre l'Empereur.

Le Roy estant auerty de la prise du Castel saint Ange, se tint pour aisé d'auoir la bataille: à raison dequoy il manda querir le seigneur de la Trimouille qui estoit à Milan avecques les forces qu'il auoit, laissant dedans la villé le seigneur Theodore Treuoulte, & le seigneur de Chandieu capitaine de la iustice, avecques quelque nombre d'hommes pour la garde des tranchées du chasteau: & de toutes parts rassembla les forces, hors mis le marquis de Sallucés (que l'ay dit cy deuant estre du costé de Gennes) & quelques gens qui estoient dedans les chasteaux pour tenir les chemins leurs. Peu de temps au parauant, le Roy auoit retiré à son seruice le seigneur Jean de Medicis, ayant soubz sa charge trois mille hommes de pied & trois cens cheuaux legers: lequel seigneur Jean venant au seruice du Roy, auoit practiqué pour le seruice dudit seigneur plusieurs capitaines Italiens, & entre autres le Comte Guy de Rangon, homme de grande reputation parmy les gens de guerre, & son frere le Comte Francisque de Rangon. Vous auez bien entendu par cy deuant comme messire Chrestophe Paluoisin auoit eu la teste couppée à Milan dez l'an mille cinq cens vingt & vn: toutesfois ledit seigneur Jean reconcilia avecques le Roy Jean Ludouic Paluoisin son frere, homme qui auoit le moyen de luy faire seruice. Le Roy pour empescher ses ennemis de mettre viures dedans Palue, vint loger en vne vallée sur vn petit ruisseau nommé la Vermicule, par lequel estoit besoing q' l'ennemy passast pour secourir les assiegez. Et outre celà mada querir mille Italiens nouuellement venus de Marceille à Sauonne, lesquels passans par Alexandrie las & trauaillez du long chemin, furent surpris de la garnison dudit lieu d'Alexandrie, & furent deffaits.

Enuiron

Jean de Medicis au seruice du Roy.



Enuiron ce temps, Iean Iacques de Medicis , autrement dit le Medequin Milannois Castelan de Muz, qui est vn chasteau sur le lac de Come, sur les confins des Grisons , estant au seruice du seigneur Sforce scachant qu'il y auoit six mille Grisons nouuellement venus au seruice du Roy deuant Pautie , voulut chercher moyen de diuertir lesdits Grisons & les faire retourner en leur pays. Estant auerty qu'il y auoit vn chasteau de l'obeissance desdits Grisons nommé Chauenne , sur l'autre costé du lac ( dont le capitaine ne se doutant de rien, pour estre en paix, sen alloit tous les iours promener sans compagnie assez loing de sa place ) trouua moyen de se ietter en embuscade au lieu où il auoit accoustumé de se promener : & arriva si à propos, que le Castelan sorty à l'accoustumée, tomba en ladite embuscade : parquoy il fut pris & mené soudain deuant ladite place, auquel lieu estant arrivé ledit Medequin, tenant l'espee nue, appella la femme dudit Castelan , l'asseurant qu'ou elle faudroit de luy ouurir la porte du chasteau, il couperoit la teste à son mary: la femme craignant de le perdre, ouurit la porte audit Medequin , & soudain trois mille hommes qu'il auoit embusquez pres de là se vindrent ioindre avecques luy , de sorte qu'ils se faquirent de la place, puis l'ayant pourueue comme elle meritoit, se retira à Muz. Les Grisons auertis de ceste perte, entrerent en telle crainte, pensans qu'il y eust autres pratiques sur leurs places, qu'ils manderent au vj. mille Grisons de leur nation qui estoient au seruice du Roy deuant Pautie, qu'ils eussent à se retirer pour la conseruation de leur patrie : lesquels apres ledit mandement, quelques remonstrances qu'on leur sceust faire, & mesmes la honte qui leur estoit mise en auant, d'abandonner vn Prince prest à combattre, ayans pris la soulde & fait le serment, ce-nonobstant ils sen allerent cinq iours deuant la bataille. Qui fut teille defaueur pour le Roy que vous pouuez estimer, veu mesmemet que le cap de l'ennemy n'estoit logé qu'à demy mille de nous: neantmoins pour lesdites defaueurs iamais le Roy ne voulut changer d'opinion. Quelques vns luy persuada-

Prise de  
Chauenne

doient de se retirer à Milan, attendant que l'armée Impériale le cōsommeroit par faulte de payement, car fail-  
lant la paye les viures faillent: mais estant Prince ma-  
gnan me, ou Dieu l'ayant ainsi ordonné, ne voulut onc-  
ques tourner la teste ailleurs que deuers l'ennemy.

Le Roy auoit aussi despesché le Paluoin, duquel n'a-  
gueres auons parlé, avecques argent pour leuer bon nô-  
bre de gens de cheual & de pied, & aller surprendre Cre-  
monne qui n'estoit gardée que de cinq ou six cēs homes  
de pied: & par ce moyen leuer les viures au camp Impe-  
rial deuant Paue. Ledit Jean Ludouic Paluoin ayant  
mis ensemble deux mille hommes de pied, & quatre cens  
cheuaux, attendant autres trois ou quatre mille hom-  
mes de pied qui luy venoyent de renfort, alla loger sur  
le Pau à Casal Majour. Le Duc Sforce qui estoit dedans  
Cremonne, craignant que le Comte Guy de Rangon se  
vint ioindre avecques le Paluoin, delibera auant que  
leurs forces fussent vnies de le surprendre: & pour cest  
effect leua vn bataillon dedans Cremonne, dont il as-  
sembla iusques au nombre de deux mille homes de pied  
& quelque caualerie, desquels il donna la charge au sei-  
gneu. Alexandre Bériuolle, lequel incontinant print son  
chemin droict à Casal Majour. Ledit seigneur Paluoin  
festimant iussant pour le combatre en campagne, com-  
me mal auise, abandonna son fort, dont mal luy print: car  
fil y fut demouré, le lendemain le Comte Francisque  
de Rangon, frere du Comte Guy le venoit secourir. Le  
Paluoin estant sorty en campagne, marcha droict à ses en-  
nemis, & d'abordée mist à vau de routte toute la caualle-  
rie du Duc de Milan: mais arriuant le Côte Alexandre Ben-  
riuolle avecques les gens de pied, fut tellement comba-  
tu tant d'vne part que d'autre, que le dit Paluoin fut  
porté par terre, & puis prisonnier, & tous ses gens mis  
à vau de routte, chose qui donna grand desfaueur aux  
affaires du Roy.

Ces x de Paue voyans le logis du seigneur Jean de  
Medicis

Medicis malgardé, firent vne saillie sur luy, lesquels trou-  
 uans son guet vn peu foible, le forcerent, & taillerent en  
 pieces grand nōbre de ses soldats, deuāt qu'ils eussent le  
 loisir de prendre les armes. Ledit seigneur Iean malcon-  
 tent d'auoir eu ceste bastonnade, se voulut venger, par-  
 quoy dressa vne amorse à ceux de la ville, lesquels sorti-  
 rent pensens faire comme l'autre coup, mais ils furent  
 deceus: car le seigneur Iean ayant mis double embusca-  
 de, l'vne dedās des fosses pres de la ville, l'autre assez loig,  
 les Espagnols suiuaux ceux qui premiers les auoient at-  
 taquez, ayans la cognoissance de l'embuscade qui es-  
 toit vn petit loing, se mirent à faire leur retraite,  
 mais celle qui estoit pres la ville leur couppa chemin:  
 tellement que lesdits Espagnols se trouuerent entre deux  
 troupes, si bien fermez que tout ce qui estoit sorty  
 fut mis au fil de l'espee. Et à ladite faction fut bleś le  
 seigneur Iean d'vne arquebouzade au tallon, dont il fut  
 contrainct de se faire porter hors du camp, qui fut vne  
 grande perte pour nous: car c'estoit vn grand homme  
 de guerre. Ses soldats estans sans chef s'esbenderent de  
 sorte qu'ils reuindrent à rien, sinablement tant les Gri-  
 sons, que ceste troupe affoiblirent nostre armée de  
 huit mille hommes. Au mesme temps le seigneur Al-  
 bert Comte de Carpy, ambassadeur pour le Roy à Rom-  
 me, luy manda par plusieurs fois de la part du Pape, que  
 sur tout il eust à se donner de garde de hazarder la ba-  
 taille: car il estoit assēuré que temporisant quinze iours  
 les Imperiaux seroient en telle necessité, par faulte  
 de payement, que leur armée s'en iroit en fumée, ayans  
 perdu tout le moyen d'auoir deniers, ne tenans plus  
 la ville de Milan, & estant l'armée de monsieur d'Albanie  
 la plus forte au Royaume de Naples. Qui estoient les  
 deux moyens desquels l'Empereur feisoit aydē par cy  
 deuant, pour auoir deniers: mais le Roy comme pre-  
 destinē en la volonté de Dieu d'auoir mauuaise fortune  
 demoura tousiours en sa premiere opinion, de ne se vou-

loir retirer de deuant son ennemy.

Occasions  
de la batail  
le de Pauic.

OR est-il que ce n'estoit la deliberation du Vice-Roy de Naples, ny du Duc de Bourbon de donner la bataille au Roy, si l'occasion ne sy presentoit à leur aduantage : mais seulement essayer de gagner le logis de Mirabel pour retirer leurs hommes qui estoient dedans la ville, & le refreschir de nouvelles gens, toutesfois cela ne se pouuoit faire sans passer à la teste de nostre camp. Et par ce que le Roy estoit campé en lieu fort, se preparerent à deux effects, scauoir est si on les vouloit empêcher de passer, & le Roy sortoit de son fort à ceste fin, le combattre : sinon, passeroient outre. Or estoient venus les Imperiaux loger hors du parc, du costé de deuers la chartrouise, à la portée du canō de nostre camp : auquel lieu peu de iours apres il commencerent la nuit à sapper la muraille du parc, de sorte que deux heures deuant le iour, feste de saint Matthias mille cinq cēs vingt-quatre, firent renuerser quarante ou cinquante toises de ladite muraille : laquelle estant tombée, firent passer deuers nostre camp par ladite breche deux ou trois mille arquebouziers Espagnols, accompagnez de quelques cheuaux legers, ayant chacun vne chemise blanche sur leurs armes pour se recognoistre, par ce que le iour encores n'estoit clair. Puis suiuit lesdits arquebouziers vn bataillon de quatre mille, tāt lansquenets qu'Espagnols des vielles bandes meslez ensemble, apres lequei marchoiēt trois bataillons, lvn d'Espagnols & deux de lansquenets, avecques deux grosses troupes de gendarmes sur les asles : tous lesquels prindrent le chemin de Mirabel, laissant l'armée du Roy à leur main gauche, ne voulans (comme i'ay dit) Passaillir, par ce qu'il estoit logé en lieu trop auantageux.

IE vous ay dit cy dessus qu'il falloit que noz ennemis passassent à la teste de nostre armée : parquoy le seigneur Iacques Galliot seigneur d'Acie, seneschal d'Armignac, grād maistre de l'artillerie de France, auoit logé  
son



son artillerie en lieu si auantageux pour nous, qu'au passage de leur armée ils estoient contraincts de courir à la file pour gagner vn vallon, afin de s'y mettre à couuert de ladite artillerie : car coup à coup ils faisoient des breches dedans leurs bataillōs, de sorte q̄ n'eussiez veu que bras & testes voler. Qui fut cause que le Roy les voyant à la file, se persuada que l'ennemy estoit en effroy : avecques vn rapport qui luy fut faict, que la compagnie du Duc d'Alancōn, & du seigneur de Brion auoient deffaict quelque nōbre d'Espagnols qui vouloiēt passer à nostre main droicte, & qu'ils auoient gagné quatre ou cinq pieces de menue artillerie : lesquelles choses mises ensemble, futēt cause que le Roy abandonna son auantage pour aller chercher ses ennemis, tellement qu'il couuria son artillerie, & luy osta le moyen de iouer son ieu.

Les Imperiaux se voyans hors du danger de nostre artillerie, & le Roy qui les venoit chercher : la teste qu'ils auoient dressée vers Mirabel, la retournerēt vers le Roy, ayans esbādē deux ou trois mille arquebouziers parmy leur gendarmerie. Le Roy ayant en sa main dextre le bataillon de ses Suisses qui estoit sa principale force; marcha droict au marquis de saint Ange, qui menoit la premiere troupe de leur gendarmerie : laquelle il rompit, & y fut tué ledit Marquis de saint Ange : mais les Suisses qui quand & quand deuoient attaquer vn bataillon de lansquenets Imperiaux, qui faisoit espaule à leur dite gendarmerie, en lieu de venir au cōbat se retirerēt le chemin de Milā pour se sauuer. Noz lansquenets qui ne pouuoient estre plus de quatre ou cinq mille, desquels auoit la charge Francois monsieur de Lorraine, frere du Duc de Lorraine, & le Duc de Suffolse Rozeblanche, marcherent la teste baissée droict au gros bataillon Imperial, qui venoit charger le Roy : mais estant peu de nombre (comme i'ay dit) furent enuolopez de deux gros bataillōs d'Allemãs, & en bien cōbatāt furent deffaicts. Si les Suisses eussent faict le semblable, la

victoire estoit douteuse, & moururent audit combat ledit  
 Francois m<sup>o</sup>sieur de Lorraine, & le Duc de Suffolc, & leurs  
 soldats n'en eurent pas moins. Le Roy (ainsi que i'ay pre-  
 dit) ayant deffait la premiere troupe qu'il auoit trouuée,  
 estans les lanquenets deffaits & ses Suisses retirez, tout  
 le fais de la bataille t<sup>o</sup>ba sur luy: de sorte qu'en fin son che-  
 ual luy fut tué entre les iambes, & luy blessé en vne iambe,  
 & de ceux qui estoient pres de luy furēt tuez l'Amiral Bô-  
 niuet, le seigneur Louis de la Trimouille, agée de lxxv. ans,  
 le seigneur Galleas de Saint Seuerin grand Escuyer de Frâ-  
 ce, le seigneur de Saint Seuerin premier maistre d'hostel du  
 Roy, le seigneur de Maraphin aussi son premier Escuyer d'es-  
 cuyerie: & furent pris le mareschal de Foix, & le Battar de Sa-  
 uoye grãd maistre de France, lesquels depuis moururēt des  
 bleffures qu'ils y receurent. Le Comte de Saint Pol y fut  
 pris pres du Roy, estant blessé tant au visage qu'ailleurs, si  
 qu'on en estimoit plus tost la mort que la vie: toutesfois il  
 fut guery dedàs Pauie, où il fut mené. Le Mareschal de Cha-  
 bannes avecques l'aduantgarde dont il auoit la charge, com-  
 battoit de l'autre part, lequel n'eut meilleure fortune que  
 les autres: car estant nostre armée tant ruinée que plus ne  
 pouuoit, n'y eut ordre qu'il peüst soutenir le fais de son co-  
 sté: parquoy tomba sous iceluy & fut tué sur le lieu, & la  
 plus part de ceux qui estoient avecques luy eurent pareil-  
 le fin. Le Mareschal de Montmorency, qui le iour prece-  
 dant auoit esté enuoyé avecques cent hommes d'armes &  
 mille hommes de pied Frâcois, qui estoient (ce me sem-ble)  
 sous la charge du seigneur de Busly d'Amboise, & deux  
 mille Suisses à saint Ladre pour garder vn passage: auquel  
 lieu estant arriué il estoit demouré en armes iusques au  
 poinct du iour, qu'il ouyt l'artillerie tirer se retira pour se  
 venir ioindre avecques le Roy, mais ce fut trop tard: mes-  
 mes il fut empesché de ce faire, car il fut enuoloppé, deffait  
 & pris auant qu'il sy peüst ioindre, aussi desia la ruine tom-  
 boit sur nous.

Reuenons où i'ay laissé le Roy à pied, estant par terre fut  
 de

de tous costez assailly & pressé de plusieurs debailler sa foy: ce qu'il ne vouloit faire, & tousiours tant qu'alaine luy dura se deffendit, encores qu'il cogneust qu'il ne pouuoit resister à la volôré de Dieu: mais il craignoit que pour les quelles que desia il voyoit entre les Imperiaux, pour le butin, qu'estât rendu par despit l'un de l'autre ils le tuassent. A l'instant y arriua le seigneur de Pôperant duquel i'ay parlé qui s'en estoit allé avec monsieur de Bourbon, pour auoir tué le seigneur de Chisse à Amboise, lequel soudain se meit à pied aupres du Roy, l'espée au poing, & feit retirer chacun d'aupres de sa personne, iusques à ce que le vice-Roy de Naples arriua, auquel le Roy bailla sa foy. Le Duc d'Alancon, lequel auoit la conduite de l'arrieregarde, voyant l'armée deffaicte, le Roy pris, & n'y auoir esperance de secours, par le conseil de ceux qui estoient pres de luy, avec si peu qu'il auoit de reste, se retira par dessus le pont qu'auions faict sur Tesin. Le seigneur Theodore Treuoulse, & le seigneur de Chandiou, qui estoient dedans Milan, auertis de la ruine de nostre armée, le retirerent en France, avecques leurs gens.

En ladite bataille moururēt & furent pris plusieurs gens de biē, & entre les morts le mareschal de Chabannes, messire Louis seigneur de la Trimouille, Guillaume Gouffier, seigneur de Bonniuet Amiral de France: le Bastar de Sauoye grand maistre de France mourut prisonnier, le mareschal de Foix, Galeas de S. Seuerin grand Escuyer, Francois monsieur de Lorraine, le Duc de Suffole, le Côte de Tonnerre, le seigneur de Chaumôt, fils du feu grād maistre d'Amboise le seigneur de Bussy d'Amboise, le Baron de Buzances, le seigneur de Beaupreau, & vn si grand nombre d'autres que i'ennuiroye le lecteur de les nommer. Des prisonniers le Roy Henry de Nauarre, le Comte de saint Pol, Louis monsieur de Neuers, le seigneur de Fleuranges, fils de messire Robert de la Marche, le mareschal de Montmorency, le seigneur de Brion, le seigneur de Loges, le seigneur de la Rochepot, le seigneur de Monteian, le seigneur d'Annebault,

Morts &  
prisonniers  
en la bataille.

le seigneur de la Rochedumaine, le seigneur de la Milleraie, le seigneur de Montpesat, le seigneur de Boisy, le seigneur de Curton, & le seigneur de Langey, avec si grand nombre d'autres que les nommer suffiroit pour remplir mon liure. Des ennemis estans victorieux ie ne m'amuseray à les nommer, car qui a la victoire n'a-

stme auoir riens perdu, ie le laisse à la discretion des lecteurs.

FIN DV SECOND LIVRE.

# TROISIÉSME LIVRE DES MEMOIRES DE MES-

SIRE MARTIN DV BELLAY,  
pour lors estant à Lion.

Ordre donné aux affaires de France par madame la Regente, apres la prise du Roy.



ADAME Louise de Sauoye. Duchesse d'Anjou & d'Angoulême, mere du Roy, que ie vous ay dit estre demeurée Regente en France, ayant eues ces nouuelles, on peult estimer le deplaisir qu'elle en porta, voyant son fils captif, & l'armée de France ruinée. toutesfois comme femme de vertu, delibera remedier à ce qui luy seroit possible. Et pour ceste effect, manda querir les princes & seigneurs qui estoient demourez en France, & entre autres le Duc de Vendosmois, qui estoit demouré gouverneur & lieutenant du Roy en Picardie & Pisle de France, le Duc de Guise qui estoit demouré lieutenant du Roy en Champagne & Bourgogne, & le seigneur de Lautrec gouverneur de



neur de Guienne, & lieutenant du Roy en Languedoc, lesquels apres auoir pourueu à leurs frontieres, se retirerent à Lion deuers elle. Le Duc de Vendosme partant de Picardie pour venir à Lion deuers madite Dame, arriué à Paris, luy fut remonstré par quelques vns de ladite ville & mesmes par de gros personages Conseillers de la Cour de Parlement que luy estant la premiere personne & plus proche du sang, pour estre le Roy prisonnier, Messieurs ses enfans en bas aage, le Duc de Bourbon reuolté de l'obeissance du Roy, le Duc d'Alençon n'estant encores de retour à Lion, à luy seul appartenoit le gouuernemēt du Royaume: & que s'il le vouloit entreprendre, la ville de Paris avecq's toutes les autres bones villes d'iceluy luy assisteroient à ceste fin. Le pēse que l'occasion qui les mouuoit, estoit pour la haine qu'ils portoient au Chancelier Antoine du Prat, par le conseil duquel ils ne vouloient estre gouuernez. Charles Duc de Vendosmois considerant que ceste noualite ne seroit seulement la ruine du Roy, mais aussi du Royaume, & que madame la Regēte ayant pris le maniement des affaires depuis le partement du Roy, eust trouué estrange de s'en desister, & que finablement il en sourderoit vne partialité en ce royaume qui causeroit la ruine entiere de ceste Monarchie Francoise. A ceste cause leur feit response qu'il se retireroit à Lion où tous les princes se deuoient assembler, & que là seroit auisé au faict du Roy & du bien public, enquoy il feit grand seruice à la couronne & au Royaume: car plusieurs demâdoient noualitez, & ne leur estoit besoing q' d'un chef pour ce faire, & leur seruir de couuerture: estant mondit. seigneur de Vendosme arriué à Lion, fut ordonne chef du conseil de France.

MADAME la Regente (comme i'ay predict) en toute diligence regarda de pourueoir aux choses concernans la tution de ce Royaume: premierement elle manda au seigneur André Dorne, general des galleres du Roy, & au seigneur de la Fayette, qui estoit Vice-Amiral des nau

res tous à Marceille, qu'ils eussent à faire voile & s'en aller au Royaume de Naples, pour rapporter en France le Duc d'Albanie avec l'armée qu'il auoit menée: car par terre il n'y auoit ordre de le retirer, pour estre noz affaires en Italie trop desfavorisées. Ce qui fut fait & se retira ledit Duc d'Albanie sans riens perdre, horsmis quelques vns qui estoient deuant avecques le seigneur d'Esquilly Velistre, qui eurent la chasse par les Colonnaïs iusques dedans Romme, où ils furent recueillis par la part Vrsine. En apres ordonna que tous les capitaines & soldats reuenans de la bataille fussent payez de ce qui leur estoit deu, & à la pluspart feit donner argent pour payer leurs rancons: puis estant le marquis de Salluces Michel Antoine retourné de Sauonne, où il estoit demouré lieutenant du Roy, & le Comte Ludouic de Belle-ioueuse avecques luy, ayant la charge de deux cens hommes de pied Italiens, iceluy Ludouic avecques sadite charge fut enuoyé en Bourgogne pour faire teste aux ennemis, si par la Franche-Comté ils vouloient descendre. Puis s'achant que le Roy d'Angleterre suiuant le traité qu'il auoit fait avec l'Empereur, deuoit estre à Douures avecques son armée, prest à s'embarquer pour descêdre à Cal-laiz, enuoya les ambassadeurs qui estoit Iean Iouachin Genneuois, pour luy faire entendre la fortune auenue au Roy son fils: le priant ne vouloir assaillir vn Prince prisonnier, mais vouloir entendre à quelque traité gracieux avecques le conseil de France. Le Roy d'Angleterre craignant que l'Empereur ne se voulüst faire si grand, qu'apres il luy courust sus, tourna sa malueillance enuers le Roy en amitié: de sorte qu'il traita avec Madame & le conseil de France: promettant tout le secours qui luy seroit possible, tant d'hommes que d'argent pour mettre le Roy en liberté: & encores que son armée luy eust beaucoup cousté à mettre ensemble, n'en demanda toutesfoi aucune recompense, & la licentia.

En ce temps se leua en Allemagne vn populaire, qui  
voulait

vouloit maintenir tous les biens estre communs, sous lequel pretexte se meirent ensemble quatorze ou quinze mille villains pour marcher droit en Lorraine, & de là en France, estimans pouuoir tout subiuguer: par-ce qu'ils auoient opinion que la noblesse de France estoit morte à la bataille. Lesquels païsans assemblez, par-tout où ils passoient pilloient maisons de gentil hommes, tuoient femmes & enfans avecques cruauté inusitée. Pour à quoy obuier, monsieur le Duc de Guise, & le Cōte de Vaudemont son frere, apres auoir assemblé toutes les garnisons de la Bourgongne & Champagne, tant de cheual que de pied: & entre autres le Comte Ludouic de Belle-ioyeuse, (duquel j'ay parlé cy deuant, qui auoit deux mille hommes de pied Italiens) marcherent au deuant de la furie de ce peuple: lequel ils rencontrerent à Sauerne au pied de la montagne, tirant le chemin de Strasbourg. Et encores qu'ils fussent xv. mille contre vj. mille, se fians lesdits seigneurs à leur gēdarmerie, les chargerent & les desfirent, & teillerent tout en pieces, hormis ceux qui se sauuerent à la montagne: & y moururēt de ce populaire de huit à dix mille hommes, & des nostres peu, & entre autres de nostre part y furent tuez le capitaine S. Malo, & le seigneur de Betune, capitaine de la garde dudit Duc de Guise. Onc depuis ceste deffaicte ne fut nouuelles que ceste canaille se deust rassembler.

MADAME la Regente ny le Conseil de France ne trouuerent bōne l'entreprise dudit Duc de Guise, d'auoir hazardé les forces que nous auions ensemble, pour soutenir vn effort au cas que l'armée victorieuse d'Italie eust marché en ce Royaume: mais bien en prist. Dom Charles de Launoy Vice-Roy de Naples, lieutenant general de l'Empereur en Italie apres la bataille gagnée fut en grande pensée du moyē qu'il pourroit tenir pour contenter son armée: n'ayāt argēt pour la payer de trois ou quatre mois qui luy estoient deuz, craignoit que les soldats se mutinans ne cherchassent le moyen par for-

La cōmune  
des Zuin-  
gliēs d'Al-  
lemagne  
deffaicte  
par Mes-  
sieurs de  
Lorraine.

Ce que feit  
le vice-Roy  
de Naples  
apres la ba-  
taille.

ce d'auoir le Roy entre leurs mains pour seureté dudie payemēt. Pour à quoy obuier, il menale Roy au desceu de sadite armée à Pissequetō, place forte sur la riuere de Adde, le baillant en garde au seigneur Alarcō Espagnol, auquel l'Empereur auoit grande fiance. Puis chercha les moyens de trouuer deniers pour contenter lesdits soldats, il eut du Pape Clement cent cinquante mille frācs, du Duc de Ferrare quarante mille : les Venitiens offrirent luy en bailler bonne somme, mais par ce que le Vice-Roy les vouloit contraindre à plus grande quotisation, ils remponserent de sorte qu'ils ne baillèrent rien. Estant le Roy à Pissequeton, y sejourna iusques apres Pasques, que lon comptoit mille cinq cens vingt-cinq, que l'Empereur estant en Espagne enuoya deuers luy le seigneur du Ru son grand maistre, avecques articles par lesquels il demandoit que le Roy inuestist monsieur de Bourbon de la Comté de Prouēce, & du Dauphiné, pour ioindre avecques les terres desquels ledit seigneur de Bourbon auoit au parauant iouy, & le tout estre erigé en Royaume, duquel il ne recognoistroit superieur. Par mesme moyen que le Roy luy remist entre ses mains le Duché de Bourgongne, & autres plusieurs articles que ie laisse, comme non raisonnables à demander. Auquel seigneur du Ru fut respon lu par le Roy, Je suis marry de quoy l'Empereur vostre maistre vous a donné la peine de venir en poste de si loing, pour m'apporrex articles si desraisonnables : vous luy direz de ma part que i'aymeroy mieuz mourir prisonnier que d'accorder ses demandes, luy faisant entendre que mon Royaume est encores en son entier, lequel pour ma deliurance ie ne vueil endommager : & sil veut venir traittez, il fault qu'il parle autre langage.

PENDANT ce temps le Comtee de saint Pol qui estoit sorty de prison ayant praticqué les gardes, le Comtee de Vaudemont, & le marquis de Saluces Michel Antoine faisoient dresser quelques praticques avecques au-

cuns

1525  
Articles en-  
uoyez par  
l'Empereur  
pour la deli-  
urance du  
Roy.



Uns princes & capitaines d'Italie, dela quelle estoit con-  
 ducteur le Comte Francisque de Pontresine : esperans  
 trouuer moyē d'empeschē que le Roy ne fust transpor-  
 té hors du duché de Milan, & que le temps ameneroit  
 que le potentats d'Italie craignans que l'Empereur ne  
 se voulsist faire Monarque, puis apres les suppediter,  
 dresseroient armée pour mettre le Roy en liberté, de-  
 quoy le vice-Roy de Naples ayant eu quelque vent, feit  
 entēdre au Roy qu'il auoit seureté de l'Empereur, & luy  
 en monstroit lettres: que là où il se passeroit en Espagne  
 leurs deux majestez apres auoir parlé ensemble feroient  
 vne paix finale, par laquelle il seroit mis en liberté. Le  
 Roy ayant cognoissance que Monsieur de Bourbon es-  
 toit passé en Espagne, & que les propos du mariage du-  
 dit seigneur de Bourbon & de Madame Alienor seur de  
 l'Empereur se continuoient, & qu'on en esperoit la con-  
 clusion, resolut & accorda de son passage, encores que  
 plusieurs de ses seruiteurs ne fussent de ceste opinion : &  
 l'occasion à ce le mouuant estoit qu'il esperoit qu'estant  
 arriué en Espagne, ladite Dame Alienor aimerait mieux  
 espouser vn grand Roy comme le nostre, qu'un Prin-  
 ce desherité. Par ce moyen elle pourroit diuertir l'Em-  
 perer son frere de ceste opinion, car aduenant le mari-  
 age dudit Bourbon & d'elle, c'estoit mis la guerre de-  
 dans le cœur de son Royaume, veules demandes que  
 desia luy auoit faictes le seigneur du Ru au nom de l'Em-  
 pereur. Il estoit apparant que ledit Empereur fauorise-  
 roit de se forces ledit seigneur de Bourbon espousant sa  
 seur : mais il falloit que le Royournist pour sa condui-  
 cte six de ses Galleres qui estoient à Marceille, lesquelles  
 seroyent armées d'Espagnols, & qu'il feist desarmer les  
 autres pour la seureté dudit passage : chose que le Roy  
 trouua bonne, & depecha le seigneur de Montmorency,  
 Marechal de France pour cest effet deuers Madame la  
 Regente sa mere.

L E D I T de Montmorency estāt arriué à Lion deuers

ladite Dame, luy fit entendre l'intention du Roy, chose que elle & son conseil trouuerent bonne : esperant par ce moyé auoir plustost la deliurance du Roy son fils. Incontinent que ledit de Montmorency fut depesché de Pissequeton, le Roy partit accompagné dudit vice-roy de Naples pour prendre le chemin de Genes: auquel lieu de Genes estât le Roy attendant ses galleres, arriua ledit mareschal de Montmorency : mais par-ce qu'il ne trouua bon, sans reiteratif commandement du Roy, de mettre les Galleres entre les mains des Imperiaux, les auoit laissées à Toulon, en intention de les auoir assez à temps quand il seroit besoin. Toutesfois le vice-Roy de Naples sentant l'armée de mer du Roy plus forte que la siéne, & craignant que se mettant au passage il seroit en danger de perdre son prisonnier & son armée, ou pour crainte de quelque noualité en terre, ne vouloit plus temporiser, à ceste occasion print la Routte de Naples, partant de Génes pour mettre son prisonnier en seureté, qui fut vn grād ennuy au Roy de se veoir mener en pays si loingtain de ceulx desquels il pouuoit auoir faueur. Mais estant arriné à Porto Venere, où il feit séjour d'vn iour ou deux, les vint ioindre le mareschal de Montmorency avec les six galleres que le Roy auoit promises. A ceste causé ils changerent incontinent la Routte de Naples, & prindrent celle d'Espagne, passans aux Isles d'Ieres, & par le goulfe de Leon arriuerent à Barcelonne. Puis peu de iours apres estās à Taraconne en Espagne les Espagnols qui estoient de la garde du Roy se mutinerent contre le vice-roy, par faulte de payement: de sorte qu'il fut contrainct de se sauuer par dessus les gouttieres de maison en maison, où le Roy ne fut sans grād danger, pour les arquebouzades qui passoient pres de la personne. De là allerent à Valance, duquel lieu le Roy depescha derechef ledit de Montmorency deuers Madame la Regente, pour scauoir d'elle & du conseil quel appointement il deuoit offrir à l'Empereur: aussi pour entendre comment on auroit traité avec le Roy d'Angleterre. Lequel seigneur de Montmorency rapporta au Roy comme le Roy d'Angleterre

d'Angleterre estoit entré en ligue avecques madame, & le conseil de France pour le mettre en liberté, luy raporta aussi comme madame auoit delibéré de luy enuoyer la duchesse d'Ancon sa sœur nouuellemēt vefue par la mort de Monsieur d'Alancon qui estoit mort à Lion, & que pour cest effet il eust à obtenir saufcōduit, afin de pouuoir traiter de sa deliurance: & que ledict Anglois auoit quelque malcontentement de ce que l'Empereur apres ceste grande victoire fauoir dedaigné, attendu qu'il auoit fourny d'argent pour la souldie de l'armée Imperiale. Peu deuant estoit arriué deuers le Roy le seigneur de Brion qui luy portoit argent & des fourreures: & auoit commission de madite Dame pour estre associé avec l'Archeuesque d'Ambrun depuis Cardinal de Tournon, & Iean de Selua premier presidant de Paris, qui de long temps estoient enuoyez pour traicter de la deliurance du Roy pres de l'Empereur.

En ce temps tomba le Roy en vne sieure fort vehemente au chasteau de Madril, dont peu de gens auoient esperance de conualeſcence: & desia les passages d'Espagne estoient fermez, de sorte qu'on n'en pouuoit auoir nouuelles: parquoy Madame la Regente entra en grād ennuy, ne pouuāt scauoir la verité ou de la vie ou de la mort de sondicts fils. Mais le seigneur de Langey entreprint de passer, ce qu'il feit, cherchant les passages qui n'estoient gardez, & reuint deuers elle luy apporter certaines nouuelles.

Maladie du  
Roy à Ma-  
dril.

Madame Marguerite, leue du Roy, vefue du Duc d'Alancon estoit par les chemins pour aller visiter le Roy son frere, quand vn saufconduit de l'Empereur luy fut apporté pour passer seurement: parquoy au mois de Septembre elle sembarqua à Aigues-mortes, & vint descendre à Barcelōne, de là à Sarragosse, & de Sarragosse à Madril, en intention de traiter de la deliurance du Roy son frere. Son arriuee vint bien à propos, car ayant trouué le Roy en si extreme maladie que dit est, elle seruit plus à sa conualeſcence que n'auoient faict tous les medecins. A son arriué à Madril, elle trouua l'Empereur qui l'estoit venu visiter: non (à mô auis)

par charité qu'il eust vers luy, mais craignant qu'il mourust, & par ce moyen il perdist son prisonnier, qui estoit le fruit de sa victoire: car depuis son arriuée en Espagne jamais ne l'auoit veu, quelque promesse que luy eust faite le Vice-Roy de Naples. Ladite Duchesse d'Alancon apres auoir veu le Roy hors de danger, & trouuant l'Empereur tousiours obstiné en ses demandes desraisonnables (horsmis qu'il ne parloit plus de faire monsieur de Bourbon Roy) delibera en retourner en France: laissant près de l'Empereur l'Archeuesque d'Ambrun, depuis Cardinal de Tournon, & le premier President de Paris de Selua, & messieurs de Montmorency & de Brion, rapportant quand & elle pouuoit du Roy tel qu'il le pouuoit donner au lieu qu'il estoit: par lequel il remettoit le gouvernement du Royaume à monsieur le Dauphin son fils aîné, avec permission de le faire couronner: se deliberant plustost mourir prisonnier, que de faire chose qui portast preiudice à son royaume. Et depecha le mareschal de Montmorency & le seigneur de Brion pour aller seruir mōdit-seigneur le Dauphin en France, lesquels toutesfois ne partirent si soudain: car l'Empereur voyant la sœur du Roy retirée & malcontente, & le dit seigneur resolu de tenir prison plustost que d'endommager son royaume en la sorte que vouloit l'Empereur, donna esperance de plus gracieux traitté. Le voyage de Madame la Duchesse d'Alancon dura trois mois, sur son retour elle fut auertie que l'Empereur auoit donné charge de Parrester, estant son faufconduit expiré, car il ne l'auoit voulu porlonger, parquoy elle feit telle diligence que le chemin qu'elle auoit delibéré de faire en quatre iours, elle le feit en vn: & auertit le seigneur de Clermont de Loddesue, qui estoit lieutenant de Roy dedans Narbonne, de la venir recueillir à Saules, par-ce que c'estoit le dernier iour du faufconduit. Ce qu'il feit en si bōne compagnie, que ceux qui auoient charge de Parrester n'oserent entreprendre d'exercuter leur charge, & là elle eut nouuel-

les com-



les comment le roy Henry de Nauarre estoit par subtils moyens sorty & eschappé des prisons des Espagnols, où il estoit demouré depuis la bataille de Pauie.

OR à la fin il fut accordé par les deputez ce qui sensuit: scauoir est, que le Roy, arriué en France mettroit entre les mains de l'Empereur le Duché de Bourgogne, promettant d'employer son pouuoir à le faire accorder aux estats du pais: quitteroit la souueraineté de Flandres & Artois, & son droit du Duché de Milan, & du royaume de Naples, & esponseroit Madame Alienor, sœur de l'Empereur, & doueriere de Portugal, avec plusieurs autres conditions. Pour seureté desquelles promesses, le roy partant de Fontarabie, mettroit entre les mains des deputez de l'Empereur, en entrant en son royaume, monsieur Francois, Dauphin de Viennois son fils aîné, & monsieur Henry, Duc d'Orleans le second. Ce que le roy volontiers accorda: entendant bien que quelque promesse qu'il fist estant prisonnier, gardé & non sur la foy estoit de nulle valeur: & que par cy apres il pourroit par argent sauoir messieurs ses enfans.

LES choses ainsi conclues & accordées, partit monsieur le mareschal de Montmorency pour venir deuers Madame, à ce qu'elle eust à prendre le chemin au plus tost que possible luy seroit, à Bayonne, & y mener Messieurs les hostagers. Pareillement l'Empereur vint à Madrid veoir le Roy, auquel lieu ils eurent long propos ensemble: puis allerent en vne mesme litiere veoir la royne Alienor, sœur de l'Empereur, & vefue du roy de Portugal, laquelle par ledit traité auant que partir d'Espagne, le roy deuoit fiancer, ce qu'il feit: puis le roy marcha droit à Fontarabie, où fut fait l'eschange de luy & de messieurs ses enfans. L'Empereur feit conduire le roy iusques à Bayonne par ses ambassadeurs, pour luy faire ratifier ledit traité incontinent qu'il seroit en son royaume: ausquels le roy (y estant arriué) feit response qu'il estoit besoing qu'il sceust premierement l'inten-

Traité de  
Madrid.

Deliuérance  
du roy.

tion de ses subiects de Bourgongne, par-ce qu'il ne les pou-  
uoit aliener sans leur consentement : & que debref il feroit  
assembler les estats du pays pour scauoir leur volonté.

Distributio  
des estats  
& compa-  
gnies d'hô-  
mes d'ar-  
mes vacan-  
tes.

Estant le roy de retour en son royaume, ordonna des  
estats vacans par le decez de ceux qui estoient morts à la  
bataille: au lieu du grand maistre Bastar de Sauoye, ordon-  
na le mareschal de Montmorency grand maistre & mares-  
chal: au lieu de l'Amiral Bonmuert, ordonna le seigneur de  
Brion Amiral: au lieu du mareschal de Chabannes, le seigneur  
Theodore Treuouffe fut mareschal: & la compagnie dudit  
de Chabannes fut séparée, scauoir est cinquante hommes  
d'armes au seigneur de la Milleraye Charles de Mouy, &  
les autres cinquante à Antoine des Prez seigneur de Mon-  
pelat: au seigneur de Fleuranges, fils aîné de messire Robert  
de la Marche seigneur de Sedan, la Mareschaucie du ma-  
reschal de Foix: lequel seigneur de Fleuranges auoit esté pris  
à la bataille, & auoit esté prisonnier à l'Ecluse en Flandres  
fort estroittement, pour la haine que portoit l'Empereur à  
sa maison. Et par-ce que le iour de la bataille, ayant le roy  
son cheual tué entre ses iambes, ledit seigneur de Pompe-  
rant, qui s'en estoit allé avecques monsieur de Bourbon, des-  
cendit à pied pour le secourir: de sorte qu'il estimoit que  
sans ledit Pomperant auant l'arriuée du vice-roy de Naples  
il eust esté en danger de sa personne: le roy retira ledit Pô-  
perant, à son seruice, & luy donna la compagnie de cin-  
quante hommes d'armes, vacante par la mort du seigneur  
de sainte Mesme qui estoit mort prisonnier. Vray est que  
luy estant prisonnier à Pissequeton, auoit ia donné audit Pô-  
perant les cinquante homes d'armes desdits, & l'auoit en-  
uoyé deuers Madame: & au seigneur de la rochedumaine  
donna la moitié de la compagnie de monsieur d'Alacon  
de cent hommes d'armes, dont il estoit lieutenant, lequel es-  
toit mort à Lion au retour de la bataille. De la compagnie  
du seigneur Louis de la Trimouille donna cinquante à son  
petit fils, & cinquante à messire Jean d'Estempes seigneur  
de la Ferté Nabert. A l'Amiral de Brion le gouuernement  
de Bour-

de Bourgogne, vacant par la mort du seigneur de la Trimouille: celui de Dauphiné au Comte de S. Pol, vacant par la mort de l'Amiral Bonniuet: & au seigneur de Montmorency donna le gouuernement en chef de Languedoc, dont au parauant il estoit lieutenant sous monsieur le Dauphin, auquel le Roy fauoit baillié apres le partement de monsieur de Bourbon. Et au grand sénéchal de Normandie, messire Louis de Breze, donna le gouuernement de Normandie, vacant par la mort de monsieur le Duc d'Alancon, dont par deuant il estoit lieutenant du Roy.

Pour reuenir à l'Empereur, ayant entendu la response faicte par le Roy à ses ambassadeurs à Bayonne, despescha le Vice-roy de Naples Charles de Launoy, seigneur de Mingoual, le Duc de Traiette, le seigneur Alarcon pour venir deuers le Roy, esperant que la response des estats de Bourgogne seroit suiuant son intention; ce que non: lequel ils vindrent trouuer à Cōgnac, auquel lieu ils furent receus & festoyez magnifiquement. Mais peu de iours apres ils virent chose qui ne leur pleut gueres, car ils virent & ouirent publier en leurs presences vne ligue faicte entre le Pape Clement, le Roy de France, le Roy d'Angleterre, les Venitiens, les Suisses, & les Fleurentins, qui sappella la sainte ligue, pour mettre l'Italie en liberté, & en chasser tous estrangers, & remettre le Duché de Milan entre les mains de Fracisque Sforce avec qlques cōditiōs: laissant place à l'Empereur pour y entrer si bon luy sembloit, chose qu'ils trouuerent estrange, dequoy ie ne m'esbahy: car au lieu qu'ils pensoient prendre possession du Duché de Bourgogne (estant ia party le prince d'Orange pour aller prendre ladite possession, cōme gouuerneur) on leur presenta vn traitté entierement cōtraire à l'Empereur leur maistre. Parquoy apres auoir pris congé du Roy, retournerent en Espagne rapportans qu'ou l'Empereur vouldroit prendre argent pour la rancon du Roy, & redre Messieurs les enfans de

Franc, ledit seigneur le luy fourniroit, autrement non.  
Et pour l'exécution desdits traittez, chacun pour sa portion deuoit mettre ses forces ensemble: & pour conduire l'armee que le Roy deuoit fournir pour son respect, en fut donnée la charge à Michel Antoine, marquis de Saluces, lequel fut despesché avec iiii. cens hommes d'armes & x mille Suisses que le Roy auoit enuoyé leuer, dont estoit colonnel le Comte de Tende, & quelque nombre de gens de pied Francois.

Ce pendant que ces traittez se faisoient, le Duc François Assiegement cisque Sforce qui estoit assiégué dedans le chasteau de du Duc François Milan, tomba en telle necessité de viuers qu'il n'y auoit cisque Sforce plus que manger. Or estoit à l'heure mort le marquis ce dans le de Pesquaire: parquoy le seigneur Antoine de Leue & le chasteau de marquis du Guast cousin germain dudit Marquis, auoient pris l'admonestration de l'armee & de tout l'estat du Duché de Milan, ensemble de l'assiegement du chasteau: lesquels firent grande diligence de pourueoir à ce que secours de viures n'entraist dedans. Et par ce que le payement estoit failly à leurs soldats, mirent vne imposition sur la ville de Milan intolerable: l'Empereur estant auertty de la mort du marquis de Pesquaire, despescha soudain le Duc de Bourbon pour estre son lieutenant general en Italie, lequel vint descendre à Genes: puis arriué qu'il fut à Milan trouuant la ville en desesper, pour les grandes cruantez qui leur estoient faictes, tant par impositions insupportables, que pour la tyrannie que leur faisoient les soldats, assemblea les habitans de la ville, & leur remontra l'ennuy qu'il portoit pour les iniures qui leur auoient esté faictes par cy deuant: mais qu'il estoit deliberé du tout les soulager. Si est ce qu'il estoit besoin de trouuer xxx mille escus pour contenter ses soldats, & cela fourny si iamais leur estoit faict tort, il prioit Dieu qu'au premier lieu qu'il se trouueroit, fust en bataille ou auant, il fust tué d'un coup d'arquebouze, ce que depuis luy aduint deuant Romme. Pendant que ces choses se faisoient



faisoient à Milan, le Pape & les Venitiens faisoient toute diligence d'assembler leur armée pour venir à Milan secourir le chasteau, le sentans en grande extremité, & firent marcher leur dite armée droit à Laudes. Le marquis du Guait & Antoine de Leue de ce auertis craignās que leurs ennemis ne se missent dedans Laudes, qui leur eust esté grand empeschement pour les viures de la ville de Milan, en toute diligence depeschèrent iij. enseignes de Espagnols pour se mettre dedans. Mais arriuez qu'ils furent audit lieu, vint vn bruiet parmy eux, que la cite ville de Milan deuoit estre liurée à l'ac: lesquels à ceste cause, pour ne perdre leur part du butin, sans aucun commandement en retournerent à Milan, laissant dedans Laudes Fabrice Maramaut avec vij. cens hommes de pied Italiens, lequel permit à ses soldats de faire aux citadins toutes cruautés, tant vísitées que non vísitées.

Quoy voyāt le seigneur Ludouie Vistarini citadin de Laudes homme noble, se delibera de secourir sa patrie & pour cest effect enuoya deuers Francisque Marie Duc d'Urbain, capitaine general de la seigneurie de Venise, à ce qu'il eust à marcher, & qu'il le mettroit dedans la ville, moyennant qu'il luy promist la foy de ne souffrir faire extortion aux citadins, ce qui fut executé: & c. l'auua ledit Fabrice avecques sesdits soldats dedans le chasteau. Le marquis du Guait auerty de la perte de Laudes, partit de Milan en toute diligence pour trouuer moyen de la reconuer, deuant que l'armée du Pape & des Venitiens y fust arriuée, pensant par le moyen de ceux du chasteau pouuoit entrer dedans: mais le Duc d'Urbain qui estoit homme de guerre y auoit si bien pourueu par trāchées, q̄ ledit Marquis laboura en vains & ce qu'il peut faire fut de retirer les soldats qui estoient dedans le chasteau avecques lesquels il sen retourna à Milan. Ce temps pendant, la reste de l'armée des Venitiens & celle du Pape marchoient en toute diligence par le Plaisantin, aussi faisoit Michel Antoine marquis de Sal-

Reddition  
du chasteau  
de Milan  
entre les  
mains de  
monsieur de  
Bourbon.

lucce, avecques l'armée des Francois, & desia auoit passé le pas de Suze & estoit descendu en Piemôr: aussi les dix mille Suisses que le Roy auoit fait leuer marchoiert par le pays des Grisons, sans lesquels les Francois ne vouloient combattre. Mais lesdits Suisses furent lents à marcher, si que ce tēps pendant la famine pressa de sorte le Duc de Milan, que il fut contraint de remettre le chasteau de Milan entre les mains de monsieur de Bourbon: sōubs condition que ceux de dedans ledit chasteau s'en iroient avecques leurs armes & bagues sauues, & que la ville de Come tenue par les Imperiaux seroit remise entre les mains dudit Duc de Milā, pour faire sa demeure iusques à ce que l'Empereur eust cogneu la iustificacion, disant qu'à tort & sans cause le marquis de Pesquaire l'auoit spolié dudit Duché. Estans donques ces traittez signez & accordez, & apres auoir mis le chasteau entre les mains de monsieur de Bourbon, lequel en feit capitaine le seigneur Tansane viel gentil-homme de Bourbonnois, partit ledit seigneur Sforce pour s'en aller à Come, mais par les chemins luy fut rapporté que les Imperiaux en lieu de luy liurer la ville de Come auoient delibéré de le mettre prisonnier: & mesmes que ses meubles qu'il auoit laissez à Milan en garde par faulte de charroy pour les emporter, auoient esté baillez à sac aux soldats. Cela entendu par ledit Sforce, il se retira au camp de la ligue, se ioignant avecques elle, pour les iniustices qui luy auoient esté faictes: cependant, le marquis de Saluces avec l'armée du Roy qui estoit de quatre cens hommes d'armes, & quatre mille hommes de pied Gascons, & cinq cens cheuaux legers, arriva au camp de la ligue: luy arriué, fut conclu d'enuoyer Malateste Baillon avecques huit mille hommes de pied, & quelque nombre de caualerie pour prendre la ville de Cremonne, par le moyen du chasteau qui tenoit pour le Duc: dedās laquelle estoit mille lansquenets, cinq cens hommes Espagnols, & deux cens cheuaux legers pour la part Imperiale. Apres auoir esté ledit Malateste plusieurs iours deuant Cremonne sans riens prouffiter, fut aduisé que le Duc d'Vrbain

general

general de la seigneurie de Venise, iroit en personne avecques l'armée Venitienne à l'expugnation de ladite ville de Cremonne: auquel lieu arriué qu'il fut, en peu de iours contraignit les Imperiaux de sorte, qu'ils firent capitulation telle: que si dedans dix iours ils n'estoient secourus, ils remettraient la ville entre les mains de la ligue, ce qu'ils feirent, par ce qu'il ne leur vint point de secours.

Prise de Cremonne par le capitaine de la ligue.

Pendant que ces choses se demenoient au Duché de Milan, le Pape Clement estant à Romme, voyant la grâde despece en laquelle il estoit de tenir vne armée au Duché de Milan, autre en la Romagne: pour le souspeçon qu'il auoit de la part coullonnoise, feit vn traitté avecques Vaspasien Colonne fils du feu seigneur Prosperi Colonne, au nom de toute la maison Colonnaise: par lequel furent remises, toutes les iniures precedentes tant d'un costé que d'autre, faisant vne paix generale. Les choses ainsi accordées & iurées, le Pape rompit son armée qu'il auoit en la Romagne, dont mal luy print: car peu de iours apres le Cardinal Colonne & le seigneur Ascagne Colonne leuerent à l'improuiste dedans leurs terres, qui sont vers le royaume de Naples, grand nôbre de soldats, & marcherent droit à Rome: de sorte que deuant que le Pape en fust auerty ils furent à S. Jean de Latran. De la chose si soudaine & inopinée le Pape fut si estonné, que le principal remede qu'il sceut faire fut de se retirer au chasteau S. Ange: & avec luy se retirerent tous les Cardinaux, & si grand nombre de citadins pour sauuer leurs personnes, que les viures qui estoient dans ledit chasteau n'estoient pour les nourrir iij. iours. Qui fut cause que le Pape craignant la famine, fut contraint de capituler: par laquelle capitulation il promist faire retirer son armée du Duché de Milan, & de quatre mois ne donner secours à la ligue. Les Imperiaux estans dedans Milan, ayans eu ceste nouuelle, leur augmenta grandement le cœur: semblablement le seigneur Georges de Frôsper scachant que son fils Gaspard de Frôsper general des lâsqueuers qui estoit dedans Milâ estoit en extreme necessité, tâta pour le seruice de l'Empereur, que

Les Colonnais enuahissent Rome.

pour la saluation de sondit fils, auoit leué de ses propres deniers xiiij. mille lanſquenets : & avec bon nombre de caualerie & d'artillerie qui luy fut baillée par Ferdinand Roy de Hongrie frere de l'Empereur, marchoit en toute diligence pour ſecourir ceux de Milā & deſia auoit paſſé le pas de Trente, & le pais des Venitiens, qu'il auoit paſſé de force par la faueur du Duc de Mantoue.

Retraite  
du marquis  
de Salluces  
de deuant  
de Milan.

Le marquis de Salluces chef de l'armée du Roy, & le Duc d'Vrbino de celle des Venitiens ( car deſia l'armée du Pape feſtoit retirée ) auertis dudit ſecours abandonnerēt le ſiege dudit Milan, pour aller trouuer leurs ennemis & les combattre au paſſage: mais ils vindrent trop tard, car deſia ledit Georges de Frontſpec auoit gaigné la pleine, parquoy ne ſy feſt que quelques legeres eſcarmouches.

Mort de  
Jean de Me  
dicis.

A vne deſquelles, au paſſage d'une petite riuere, le ſeigneur Jean de Medicis fut frappé d'un coup d'arquebouze par la iambe, dont il fut contraint de ſe faire porter à Mātoue, auquel lieu peu de iours apres il mourut dudit coup: qui fut vne grande perte pour la ligue, car il eſtoit tenu vn des plus hommes de guerre d'Italie. Eſtant le ſiege leué de deuant Milan (cōme j'ay dit) les Eſpagnols voulurent contraindre mōſieur de Bourbon de les payer de vj. mois qui leur eſtoient deuz: autrement il's eſtoient deliberez de ſacager la ville & ſe retirer. Pour à quoy obuier & contenter les ſoldats, ledit de Bourbon feſt prendre la puiſt les principaux & plus riches de la ville: leſquels avec aſtrapades & autres inuentions de tourmens il contrainoit de bailler argent, de ſorte qu'il paya ſes gens de guerre pour deux mois. Peu apres voyant n'y auoir plus de moyen que le Duché de Milan peuſt ſouſtenir ſon armée, meſmes eſlans Cremōne & Laude entre les mains de la ligue, delibera d'aller chercher paſture ailleurs: parquoy lauiant Antoine de Leue à Milan avec la ſuperintē

Mōſieur de  
Bourbo ſur  
les terres  
de l'Egile.

dence de l'eſtat du Duché, ſe reſolut d'entrer dedans les terres de l'Egile, deſquelles aiſemēt il pouuoit vſer à ſon pluſiſ, eſtāt le Pape deſarmé pour la paix qu'il auoit fai-

cte avec



Ete avec les Colunnois: & pour cest effect manda Georges de Frôsper pour se venir ioindre avec luy à Plaisance. Le marquis de Saluces avec l'armée Frâcoise auerty de l'entreprise dudit Duc de Bourbô, laissant le Duc d'Vrbîn à la campagne avec l'armée Venitienne, feit telle diligēce qu'il arriva avec son armée le premier à Plaisance. Monsieur de Bourbon voyant la ville si bien pourueue & de si gens de bien, & l'armée Venitienne en campagne, n'osa entreprendre de l'assailir.

I'ay laissé à vous dire comment le Pape cognoissant l'iniure qu'il auoit receüe des Colunnois ses subiets, & que le vassal ne peut capituler avec son souverain chose qui luy puisse servir ayant pris les armes contre luy, rompit lesdits traittez, & appella à luy le Comte de Vaudemont frere du Duc de Lorraine descendu de la maison d'Anjou, maison fort desirée par les Napolitains: lequel estant party de Marceille avecques les galleres du Roy, ayant en sa compagnie le seigneur Rence de Cere Baron Rommain, arriva à Romme: puis y ayant drelie vne armée de huit ou dix mille hommes & de quelque cavallerie, marcha droit au Royaume de Naples, lequel de arriuee print la pluspart des places Colunnoises, & la ville de Salerne: & festant presenté iusques deuant les portes de Naples, & chassa Dom Hugues de Montcade vice-Roy de Naples, & leuē le siege de deuant la ville de Frezelon que les Imperiaux tenoient assiegée. A ceste occasion le Vice-Roy de Naples Dom Charles de Launoy voyāt les choses malbaster pour luy, feit vue trefue avec le Pape au nom de l'Empereur pour quatre mois, au moyen dequoy sur nostre armée licenciée chose qui vint mal à propos: car il estoit apparant qu'on eust mis l'Empereur hors de l'estat de Naples, par ce que tout le royaume estoit mutiné ayant prins les armes contre les Espagnois pour les tribus que le Vice-roy leur demandoit: ioinct que l'Empereur n'auoit armée à Naples, & que toutes ses forces estoient avec monsieur de Bourbon.

Ces fait, mondit seigneur de Vaudemont sur ses galleres se retira à Marceille fort mal content dudit accord : car les Napolitains le demandoient pour estre comme dit est de la maison d'Anjou.

Le seigneur de Bourbon voyant son entreprise de Plaisance faillie, se delibera tenter autre fortune, car la faim & la faulte de payement le chassoit : & conclud en toute diligence de surprendre Florance ( sentant qu'elle estoit reuoltée de l'obeissance du Pape & de la maison de Medicis, & qu'il n'est que pescher en eau trouble ) pour la bailler à sac à ses soldats. Mais le seigneur de Langey qui pour lors estoit audit lieu de par le Roy pour la conservation de la saincte ligue auerry de ladite entreprise, donna auis au marquis de Saluces du chemin que deuoiens prendre les Imperiaux : & que venant par autre chemin qu'il luy manda, il pourroit preuenir ledit de Bourbon & arriuer le premier à Florance, & par cemoý sauuer la ville du sac. Le Marquis qui n'estoit paresseux, feit telle diligence avec son armée, & le Duc d'Vrbinge neral de la seigneurie de Venise, qu'ils arriuerēt le soir à Florance : de quoy monsieur de Bourbon auerry changea de chemin pour tirer à Romme. Le seigneur de Langey voyans Florance en seureté, ayant auis, que l'entreprise dudit de Bourbon estoit, au cas qu'il faudroit son entreprise de Florance, qu'il vouldroit executer celle de Romme, nonobstant la trefue faicte par le Vice-Roy de Naples avec le Pape, estant en tel desespoir qu'il n'auoit elgard à aucune toy promise : ledit seigneur de Langey prenant la poste, en vint auertir le Pape d'heure, tellement qu'il auoit moyen d'y pourueoir : car les bandes noires qui estoient celles du feu seigneur Iean, n'estoient qu'à j. journée ou ij. de Romme, lesquelles le seigneur Horace Baillō auoit en charge : mais le Pape se fiant aux accords par luy faicts avec le Vice-Roy, n'y voulut pourueoir, aussi le seigneur Rence de Cere luy offroit dedans trois iours mettre ensemble cinq ou six mille hommes de la  
part

part Vrsine. Toutesfois le Pape estant ou abusé ou estonné, ne voulut pourueoir à chose du monde, qu'il ne veist les ennemis deuant sa porte: de sorte que son principal combat fut de se retirer dedans le chasteau saint Ange avec vne partie des Cardinaulx & ambassadeurs, laissant la ville sans garde: ce que voyans le seigneur Rence & le seigneur de Langey, trouuerent moyen de proprement leuer ij. mille hommes pour faire ce qui leur seroit possible attendans le marquis de Saluces, mais il aduint vne chose estrange: car vn porteur d'enseigne ayant la garde d'une ruine qui estoit à la muraille au bourg S. Pierre voyant monsieur de Bourbon venir avecques quelques soldats à trauers les vignes pour recognoistre la place, entra en tel effroy que cuidât fuir deuers la ville, passa (l'enseigne au poing) par ladite ruine, & s'en alla droit aux ennemis. Monsieur de Bourbon voyant ceste enseigne venir droit à luy, estima qu'elle fut suivie d'autres gens, & que ce fust vne saillie faicte sur luy: parquoy s'arresta pour recueillir les hommes qui venoient a son secours, & faire teite attendant son armée, laquelle incontinant se mist en armes. Ledit enseigne ayant marché enuiron trois cens pas hors la ville, & oyant salarme au cap dudit seigneur de Bourbon se recogneut: & ainsi qu'un homme qui vient de dormir reprist ses esprits, & tout le pas s'en retourna deuers la ville, & par la mesme ruine dont il estoit sorty reentra dedans. Monsieur de Bourbon ayant veu la contenance de cest homme, & ayant cogneu ladite ruine, commanda de donner le signe de l'assault, & luy mesme marcha le premier l'eschelle au poing. Mais arriué qu'il fut pres des murailles, fut tiré par ceux de dedans vn coup d'arquebouze qui luy donna au trauers de la cuisse, dont il mourut soudain: plusieurs estimerent que ce fut punition diuine, pour le serment qu'il auoit faict aux Milannois lequel apres il auoit faulxé. Le prince d'Orange estant plus prochain de luy quand il tomba, le feit tost couvrir d'un manteau: à ce que les soldats

Monsieur de  
Bourbon de-  
uant Rome  
me.

Prise de 25.  
me.

voyans mort leur chef ne festonnassent, puis suivit chauc  
dement l'entreprise, de sorte qu'ils entrerent pelle-mel-  
le dedans la ville. Le seigneur Rence & le seigneur de  
Langeyauecques ce qu'ils peurent ramasser de leurs nô-  
mes, en combatans se retirerent au chasteau de saint  
Ange, apres auoir long temps gardé le pont d'iceluy, &  
qu'ils y furent forcez: lesquelles choses arriuerēt le sixies-  
me iour de May mille cinq cens xxvij.

Il n'ay que faire de vous dire les cruantez lesquelles  
furent cōmises à ladite expugnation: car il est assez ma-  
nifeste ce qu'on a accoustumé de faire en tels actes, &  
aussi que la plus part de l'armée estoient Allemans, qui  
ourepassent les autres en ferocité: & mesmes estoient  
presques tous protestans, parquoy grands ennemis du  
Pape, & dura le pillage enuiron deux mois. Aucuns ont  
estimé que si mōsieur de Bourbon ne fust encores mort, il  
se fust faict Roy de Rōme & Roy de Naples, pour le mal-  
cōtētemēt qu'il auoit cōtre l'Empereur qui l'auoit trōp-  
pé: car luy ayant promis sa sœur la Roine Aleonor douai-  
rie de Portugal, il ne l'auoit faict: puis l'enuoyant au Du-  
ché de Milan, l'auoit laissē sans le secourir d'argent com-  
me le laissant en proye, mais Dieu voulut les choses au-  
trement.

ESTANT mort monsieur de Bourbon, Philibert de  
Chalon prince d'Orange, par le consentement de tous  
print la charge de l'armée lequel assiegea le chasteau S.  
Ange, dedans lequel le Pape, & presques tous les Cardi-  
naux festoient retirez, mesmes les ambassadeurs des  
princes Chrestiens. Ledit prince d'Orange faisant les ap-  
proches pour battre le chasteau, fut frappé d'un coup de  
arquebouze par la teste, dont il fut en danger de mort,  
mais pour cela ne laissa le siege d'estre continué: à cause  
dequoy le Pape Clemēt desesperé de secours, & craignāt  
tomber entre les mains des Allemans ses ennemis, ioinct  
qu'il auoit faict de viures capitulauecques le Prince  
d'Orange, par laquelle capitulation luy & tous les Car-  
dinaux



dinaux demourerent prisonnier entre les mains dudit prince: mais le seigneur Rence de Cere, le seigneur de Langey, & autres tenans le party du Roy ne voulurent accepter ladite capitulation, ains auoient delibere d'attendre le secours du marquis de Saluces: parquoy firent capitulation particuliere, & par icelle leur fut permis d'eux en aller armes & bagues sauues: & le Pape avecques ceux de son party fut retenu prisonnier au chateau en seure garde.

Le Roy, & le Roy d'Angleterre son bon frere voyans l'inhumanite de laquelle auoit esté vñ enuers la saincte-  
 té, & le scandale aduenü à l'Eglise Chrestienne, de retenir prisonnier le chef d'icelle, delibereient d'y pour-  
 uoir. Et pour cest effect le Roy d'Angleterre enuoya de-  
 uers le Roy le Cardinal d'lore, lequel auoit la principal-  
 le superintendence de ses affaires, & vint trouuer le Roy  
 à Amiens, où après plusieurs colloquutions & conseils re-  
 nus, fut accordé entre-eux d'enuoyer vne armée à com-  
 muns frais en Italie, pour remettre le Pape en liberté,  
 & les terres de l'Eglise entre les mains de ladite saincte-  
 té. Et pour la conduite de ladite armée fut ordonné mes-  
 sire Odet de Foix seigneur de Lautrec, avecques le nom-  
 bre d'hommes tel qu'il sera dit par cy apres. Puis estant  
 le Cardinal d'lore de retour en Angleterre, & le seigneur  
 de Lautrec ayant pris congé du Roy pour dresier son ar-  
 mee, a laquelle contribuoit le Roy d'Angleterre pour sa  
 quote part on soixante mille Angelots tous les mois:  
 fut ordonné messire Anne seigneur de Montmorency,  
 grand maistre & mareschal de France, pour de la part  
 du Roy aller en Angleterre confirmer les traittez, &  
 porter l'ordre dudit seigneur Roy au Roy d'Angleterre  
 son bon frere & perpetuel allié: lequel de Montmoren-  
 cyp. int congé du Roy enuiron le dixiesme d'Octobre  
 mille cinq cens xxvij. ayant en sa cōpagnie Jean du Bel-  
 lay Euesque de Bayonne, & depuis Cardinal du Bellay,  
 le seigneur de Humieres chevalier de l'ordre du Roy.

Ligue nou-  
 uelle entre  
 le Roy de  
 France &  
 d'Angleter-  
 re.

Ambassade  
 en Angle-  
 terre.

monſieur Brinon premier Preſidant de Rouen & chancelier d'Alancon, avecques douze ou quatorze tât gentilshommes de la chambre du Roy que capitaines de gés d'armes, tels que le ſeigneur de Rôchebaron, le ſeigneur de Boutieres, le ſeigneur de la Rochedumaine, le ſeigneur de la Guiche, le ſeigneur d'Allegre, meſſire Ioâchin de la Châſtre capitaine des gardes du Roy, avecques pluſieurs autres iuſques à cinq ou ſix cens cheuaux.

Recueil fait  
en Angleterre  
à Monſieur le  
grand maiſtre  
Montmorency.

Eſtant ledit grâd maiſtre arriué à Douvres, trouua grâd nombre d'Eueſques, gentils-hommes, & autres enuoyez de la part du Roy d'Angleterre, deſquels il fut recuilly fort honorablement, & accompagné iuſques à Londres: au deuant de luy ſortirent de ladite ville mille ou douze cens cheuaux avec nombre infiny de peuple pour le recueillir: leſquels l'accompagnerent iuſques au logis qui eſtoit ordonné pour ſa perſonne, qui eſtoit à ſainct Pol au Palais Episcopale de Londres. Deux iours apres fut conduit par barques ſur la riuiere de la Tamise à Grenouich, trois mille au deſſous de Londres ſur ladite riuiere: auq̃l lieu le Roy faiſoit ſa demeure, où il fut recuilly par le Roy & le Cardinal d'York en grande magnificence. Or fault-il entendre qu'en toutes choſes ledit mareſchal eſtoit honoré comme la propre perſonne du Roy, & ſeoir toutsours à ſa dextre, & en tous lieux où eſtoient les armes du Roy, celle du Cardinal eſtoient au meſme reng: ſi qu'en tous honneurs ils eſtoient eſgaux. Apres que ledit grand maiſtre eut expoſé au Roy ſa legation, & apres auoir eſté feſtoyé par pluſieurs iours tant audit Grenouich qu'à Lōdres, fut conduit par ledit Cardinal en vne ſienne maiſon qu'il auoit baſtie nouuellemēt à neuf mille au deſſus de Londres ſur la riuiere de la Tamise, nommée Hamtoncourt: auquel lieu luy & toute ſa compagnie fut par quatre ou cinq iours feſtoyé de tous les feſtiuens qui ſe pouroiēt ſouhaitter, avecques riches tapisſeries & vaiſſelle d'or & d'argent en nôbre preſque innombrable. Eſtant de retour à Londres, luy fut par le Roy d'Angleterre le iour de la feſte S. Martin fait vn feſtin en ſa maiſon de Grenouich,

Grenouich, autant magnifique que i'en vey oncques, tant de seruiues de table, que de mommeries, masques & comedies: ausquelles comedies estoit madame Marie la fille, iouâr elle meisme leuidites comedies. Puis apres auoir faict presens à vn chacun, donna congé ledit Roy d'Angleterre à mondit seigneur le grand maistre, lequel laissa ledit seigneur du Bellay Euesque de Bayonne, ambassadeur pour le Roy deuers ledit Roy d'Angleterre, pour entretenir les traittez. Estant mondit seigneur le grand maistre de retour, feit rapport au Roy des choses par luy nogotiées, qui furent fort à son contentement.

Vous auez ouy par cy deuant comme le seigneur de Lautrec auoir pris congé du Roy pour marcher en Italie, qui auoit esté enuiron la saint Iean. L'Empereur pour lors estant en Espagne, auerty de ladite entrepryse & dudir partement, feit arrester prisonnier l'Euesque de Tarbe depuis Cardinal de Grantmont: lequel estoit ambassadeur de la part du Roy deuers la majesté, avecques les autres ambassadeurs des aliez & cōfederez en la sainte ligue. Dequoy le Roy & le Roy d'Angleterre s'ōn bō frere auertis, firēt arrester pareillement les ambassadeurs dudit seigneur Empereur: & depescherent Guienne Roy d'Armes du Roy, & Clerence Roy d'armes du Roy d'Angleterre, de la part de leurs deux majestez, pour de leur part aller deffier l'Empereur: mandans premierement à leurs ambassadeurs, qui depuis auoient esté mis en liberté, de prendre congé dudit seigneur Empereur, & de se retirer deuers leursdites majestez.

Ladite depesche faicte, & le Roy ayant eu nouuelles comme les ambassadeurs estoient en liberté, & sur leur retour: manda querir l'ambassadeur de l'Empereur pour luy faire entēdre les occasions qu'il auoir eu de sa retentiō, se plaignāt de plusieurs autres torts qui luy auoiēt esté faicts par l'Empereur son maistre. Et pour cest effect le xxviij. iour de Mars l'an mille cinq cens vingt-sept auant Pasques, le Roy estant en sa bonne ville & Cité de Paris, accompagné des Princes de son sang & autres princes, prelatz & seigneurs

Emprisonnement des Ambassadeurs du Roy.

Congé de  
mōsieur de  
Granuelle  
pris du  
Roy.

tât de son royaume qu'estrangers, estans pour iors en la cour: & semblablement les ambassadeurs des princes & potentats eistās au tour de luy, feit venir deuers sa majeste l'ambassadeur de l'Empereur, nommé maitre Nicolas Perrenot seigneur de Granuelle. Iceluy Grāue, le apres auoir faict la reuerēce au Roy en la presence des deuilsuits, luy remōitra que depuis treze iours par l'adresse de monsieur le grand maitre de Frāce, il auoit receu lettres de l'Empereur son naturel & souuerain seigneur, du sepiesme du mois de Feurier, contenant que meilleurs les ambassadeurs du Roy auoient le xxj. iour de Ianuier pris congé de son lit maitre, & le lendemain le xxij. vn hierault luy auoit de par le dit seigneur intimé la guerre & deffē: & qu'à ceste cause luy mādait son dit maitre de prēdre cōgé du Roy le plustost qu'il pourroit, & sen retourner deuers luy. Et desplaisoit audit ambassadeur que les choses fussent passées en ces termes, ainsi eslongnées & mises hors du chemin & moyen d'establissement de paix & amitiē: laquelle son dit maitre auoit tousiours desirée & esperée, atten lu ledit traitté de Madril, dont festoit ensuiuie la deliurance du Roy, & auoit tenu ledit ambassadeur la main de tout son pouuoir & deuoir au biē de la dite paix: mais puis quelō estoit venu a ceste rigueur q̄ obeissant au bon plaisir de son dit maitre, il supplioit au Roy luy donner congé: luy requerant qu'il le luy voulsist octroyer avec bon & suffisant saufconduit, pour en liberte & seureté retourner vers son dit maitre, comme la raison & hōnestete le vouloient, & auoit tousiours esté faict & obseruē par les princes magnanimes & vertueux: & qu'il ne pensoit auoir faict durant sadite legation chose pour bailler occasiō d'en faire autrement, & neantmoins fide son particulier & priuē endroict il auoit esté enuieux ou py fust inuilement conduit, il supplioit au Roy l'excuser, & le luy pardonner: en le merçant de l'honneur que luy, messieurs de sa cour, & autres de son royaume luy auoient faict durant sa legation. Ces porpos finis, le

Roy



Roy de sa propre bouche luy parla en ceste maniere.

Monsieur l'ambassadeur, il m'a despleu & desplaist tresfort, que i aye esté contrainct de ne vous traiter iulques icy si gracieusement & humainement, que par le bon & honneste offise que vous euez faict, estant par deca au tour de moy, vous auez tesbien merité: où ie vueil bien dire que vous estes tousiours acquitté tant à l'honneur de vostre maistre, & contentement d'un chacun, que ie suis tout asseuré qu'il n'a tenu à vous que les choses n'ayent pris autre fin & issue qu'elles n'ont peu faire, pour le bon zeile & affectiō que ie vous ay tousiours cogneu auoir au bien de la paix, cōduitte, & adressemēt des choses: enquoy ie ne fay doubte q̄ vous n'ayez tousiours faict vostre bon & loyal deuoir. Mais ayant entendu ce que l'Empereur vostre maistre auoit commandé contre tout droit tant diuin qu'humain estre faict à mes ambassadeurs, & à tous ceux de la ligue estans par deuers luy, pour le bien de la paix, & contre toutes bonnes coustumes qui iulques icy ont esté gardées & obseruées entre les princes, non seulement chrestiens, mais aussi infidelles, il m'a semblé que ie ne pouuoy rien moins faire pour le deuoir que l'auoy à mesdits ambassadeurs prins contre raison & detenus, que de faire de vous le semblable, encores que ie n'eusse aucune enuie de vous maltraiter pour les raison dessusdites. Pour lesquelles & pour le detioir auquel en ce faict vous estes mis, ie vous auise (monlieur l'ambassadeur) qu'oultre ce que ie pense que vostre maistre ne taudra à vous en recōpenser, vous estes asseuré que là où ie vous pourray particulièrement en aucune chose faire plaisir, ie le feray d'aussi bon cœur que vous voudriez m'en vouloir faire requerir.

Et pour satisfaire & respondre à ce que vostre maistre a dit de bouche à Guiēne & Clerence Roys d'armes du Roy mon bon frere perpetuel & meilleur aillié & de moy, sur l'intimation de la guerre qui luy a esté faicte de par nous, qui consiste en huit points, ie vueil bien que

Respon  
du Roy à  
l'ambassadeur  
de l'Empe  
reur.

chacun l'entende. Premièrement quant à ce qu'il dit qu'il fesoit que m'ayant prisonnier de iuste guerre, & ayant ma foy ie le deffie: & que par raison ie ne le puis ny doy faire: Je vous respon pour luy dire, que si i'estoy son prisonnier icy, & qu'il eust ma foy, il eust dit venté: mais ie ne scache que ledit Empereur ait iamais eu ma foy qui luy sceust de rien valloir: car premierement en quelque guerre que i'aye esté, ie nescay que luy aye iamais ny veu ny réconté. Quand i'ay esté prisonnier gardé de quatre ou cinq cens arquebouziers malade dedans le liét à la mort, il n'eust pas esté malaisé à m'y contraindre, mais peu honorable à celuy qui Peust faict: & depuis que i'ay esté retourné en France, ie ne cognoy ne luy ny autre qui ayt eu puissance de la me pouoir faire bailler: & de ma liberale volonté, c'est chose que i'estime trop pour si legerement m'y obliger.

**Excuse de  
l'ambassa-  
deur.**

Et pour ce que ie ne vueil que mon honneur demeure en dispute, encores que ie scache bien que tout homme de guerre sceust assez que prisonnier gardé n'est tenu à nulle foy, ny ne se peult obliger à riens: si enuoye-je à vostre maître cest escrit signé de ma propre main, lequel (monseigneur l'ambassadeur) ie vous prie vouloir lire, & apres me promettre le luy bailler, & non à autre. Et ce faict, le luy feit ledit seigneur Roy presenter par Iean Robartet l'un des secretaires d'estat & de sa châtre: lequel escrit print iceluy ambassadeur en ses mains, faisant son excuse de le lire, disant audit seigneur Roy comme par les lettres de son maître apportées ouuertes, & qui supposoit le Roy & son conseil auoir veues: par lesquelles lettres il n'auoit plus de pouoir, ains estoit reuoké de sa legation, & ne pouuoit ny entendoit plus negocier ny prendre de charge: requerant au Roy (combien qu'il fust en sa main & puissance) qu'il voulsist en honnesteté auoir regard à ce qui estoit de la faculté & puissance dudit ambassadeur: & encores aux choses conuenables & qui pouuoit concerner & estre de la charge & qualité d'un ambassadeur, & non le presser plus outre.

À quoy respondit le Roy, Monsieur l'ambassadeur, puis  
que

que vous ne voulez prendre ceste charge de lire cest es-  
crit, ie le feray lire en ceste compagnie, afin que chacun  
entende & cognoisse comme ie me suis iustifié de ce que  
contre la verité vostre maistre m'a voulu accuser. Et si  
apres vous ne voulez le luy porter & presenter, ie depe-  
cheray l'un de mes heraulx pour aller en vostre compa-  
gnie, & pour lequel vous obtiendrez saufconduit bon  
& vallable pour pouuoir aller vers vostre maistre porter  
ledit escript protestant & demandant acte deuant ceste  
compagnie, que là où il ne voudroit qu'il vint en sa co-  
gnoissance, ie me suis acquitté de luy faire entendre tout  
ainsi que ie le deuoy: de sorte qu'il ne scauroit pretendre  
cause d'ignorance. Apres auoir acheué lesdits propos le  
Roy appella Robertet, & tout hault luy commanda lire  
ledit escript: ce qui fut faict par luy de mot à autre en la  
maniere qui s'ensuiuit.

Replique  
du Roy à  
l'ambassa-  
deur.

NOVS FRANÇOIS PAR LA GRACE DE  
DIEU ROY DE FRANCE, seigneur de Genneſ, &c. A VOUS CHARLES par la meſme grace eſleu Em-  
pereur de Rôme, & Roy des Espagnes: faisons ſcauoir, q  
nous eſtâns auertis qu'en toutes les reſponſes qu'auiez fai-  
ctes à noz ambassadeurs & heraulx enuoyez deuers vous  
pour le bien de la paix, vous voulant ſans raiſon excu-  
ſer: nous auiez accuſé en diſant qu'auiez noſtre foy, & que  
ſur icelle oultre noſtre promeſſe nous en eſtions allez &  
partis de vos mains & de voſtre puiſſance. Pour deffen-  
dre noſtre honneur, lequel en ce cas ſeroit trop chargé  
contre verité, nous auons bien voulu enuoyer ce cartel:  
par lequel (encores que tout hôme gardé ne puiſſe auoir  
obligation de foy & que cela nous fuſt excuſé aſſez ſuffi-  
ſante: ce non-obſtant voulant ſatisfaire à vn chacun & à  
noſtre-dit honneur, lequel nous auons voulu garder &  
garderons ſi Dieu plaiſt, iuſques à la mort) vous fai-  
ſons entendre que ſi vous nous auiez voulu ou vouleſz  
charger, non pas de noſtre-dite foy & deliurance ſeule-  
ment, mais que iamais nous ayons faict choſe qu'un geſte

Cartel du  
Roy à l'Em-  
pereur.

til. homme ayment son honneur ne doive faire, nous disons que vous auez menty par la gorge : & qu'autant de fois que vous le direz, vous mentirez : estant delibéré de deffendre nostre honneur iusques au dernier bout de nostre vie. Parquoy puis que contre verité vous nous auez voulu charger, desormais ne nous escriuez aucune chose, mais nous assurez le camp, & nous vous porterons les armes : protestans que si apres ceste declaration en autres lieux vous escriuez ou dites paroles qui soyent contre nostre honneur, que la honte du delay du combat en sera vostre, veu que venant audit combat, c'est la fin de toutes escritures. Fait en nostre bonne ville & cité de Paris le xxviij. iour de Mars l'an mille cinq cens xxvij. avant Pasques, ainsi signé Francois.

Propos du  
Roy à l'ambassadeur  
sur son cartel à l'Empereur.

L'ESCRIT acheué de lire, le Roy continuant son propos dit audit ambassadeur, Monsieur l'ambassadeur, il me semble que l'Empereur cognoistra par ce que vous venez d'ouir lire, que ie satisfay assez à ce qu'il m'a chargé, & à mon honneur, qui me gardera vous en dire autre chose: mais quât à ce q' vostre maistre dit que ce luy est chose nouvelle d'estre deffié, veu qu'il y a six ou sept ans que ie luy fay la guerre sans l'auoir deffié, ie voudroy qu'il souuint mieux à vostre maistre des choses qu'il fait, où à son conseil pour l'en auertir apres qu'elles sont faites: car sil sen veult bien enquerir, il trouuera que Dom Preuost du Trecq lors son ambassadeur deuers moy, me deffia estant à Dijon, contre le contenu du traitté d'entre luy & moy. Parquoy puis qu'il me deffioit, il me semble qu'il se deuoit tenir pour aduertty que ie me vouloy deffendre. Et entant que vostre maistre dit qu'il ne pense auoir en riens demerité enuers Dieu, iceluy Dieu sera iuge de noz cōsciences, & non pas nous: & tesmoing quant à moy, que ie ne desire tyrannie, ny usurpation, ny chose qui ne soit raisonnablement mienne: ny pretendan ny aspirant à l'Empire, ny à la monarchie.

Et au regard de l'excuse que vostre dit maistre a faicte  
de la



de la prise & detention ( contre tout droict ) de nostre  
 saint Pere vicair & lieutenant de Dieu en terre , per-  
 sonne sacrée & inuolable , ie m'esbahy comme propos  
 où il y a si peu d'apparence de verité soient mettre en a-  
 uant parmy les gens : car comme est il vray semblable  
 que vostredit maistre n'ayt esté consentant de ce qui a  
 esté faict en la personne de nostredit saint Pere, veu que  
 sa prison a esté longue, & qu'au lieu de chastier ceux qui  
 sans son commandement auoient ( cōme il dit ) faict acte  
 si execrable & si peu Chrestien comme cestuy-là, il leur  
 a permis prendre & traiter avec la sainteté de la rancō,  
 luy en faisant payer & debourcer deniers : iusques à ven-  
 dre & prendre argent des benefices & choses diuines dās  
 ses royaume & pais. Chose qui n'est seulement contre  
 Dieu & la sainte Eglise, mais tresdangereuse à pronon-  
 cer & dire, veu les heresies qui ont cours pour le temps  
 qui est à present.

Et quand à ce que vostre maistre dit que ie scay bien  
 q mes enfans sont entre ses mains hostagers, & q mes  
 ambassadeurs scauent bien qu'il ne tient à luy qu'il  
 n'en sont deliures : vous luy direz que ie scay tresbien  
 que mes enfans sont entre les mains, de quoy il me des-  
 plaist tresfort, & a ce qu'il dit qu'il ne tient point à luy  
 qu'il ne les deliure, ie ne vueil autre aduocat en cela pour  
 me deffendre le deuoit en quoy ie me suis mis de les ra-  
 uoir, si nō que chacun scait que ie suis leur pere : & quād  
 ils ne seroient mes enfans, mais seulement gentils-hō-  
 mes, estans au lieu où ils sont pour ma rancon, si deuroy-  
 ie pourchasser leur liberté de toute ma puissance. Laquel-  
 le chose i'ay faicte par si grādes & excessiues offres, q i'a-  
 mais les Roys mes predecesseurs qui ont esté prisonniers  
 des infidelles ne furent requis de telles & si desraisonna-  
 bles sommes, à la quarte partie pres, que toutesfois ie ne  
 refuse de vouloir baillet, pour paruenir au biē de la paix,  
 & pour entre tant de grandes offres vous en recirer v-  
 ne seule, vostredit maistre scait tresbien que ie luy

ay faict offrir à la deliurance de mesdits enfans; luy baillet & faire deliurer la somme de deux millions d'écus, tant en argent cōptant qu'autremēt, du deu d'Angleterre, que reuenu de terres & rentes en ses propres pais. Qui est si horrible & si grande qu'elle me rend innocent enuers tout homme qui sera de bon iugemēt, que ie ne me feussie voulu destituer de telle force, pour apres faire la guerre à celuy à qui ie l'eussie baillée.

Toutesfois, si pour la detention de mes enfans il ne vouloit venir à nulle raison de traitté, vouloit me faire abandonner mes amis auant la restitution de mesdits enfans, ayant pris vn Pape lieutenant de Dieu en terre, ruiné toutes les choses sacrées & saintes, ne vouloir entēdre & remédier à la venue du Turc, ny aux heresies & sectes nouuelles qui pulluent par la chrestienté, qui est office d'Empereur, estant pere, & portant le nom de Treschrestien. Je ne scay si toutes ces choses ne me pouuoient esmouuoir à la guerre, quelles autres iniures ou raisons seroient iustifantes à m'y prouoquer & faire venir. Neantmoins pour tout cela n'ay ie laissé à luy faire les offres que ie vous ay dites (comme vous scauez assez) & par ceste raison se peut clairement cognoistre & iuger qu'à mon grand regret & deslailleur ie suis venu à faire la guerre, veu que l'achetoy la paix si chere: sans les autres quittances, renonciations de diocēs & restitutions de viiles & pays, qui excedent assez la somme que ie vous ay cy deuant dictée.

Quand au Roy d'Angleterre mon bon frere & perpetuel allié, ie le tien pour si sage, si vertueux, & si bon, qu'il n'a faict & ne fera chose là où son honneur n'ayt esté & n'y soit entierement gardé: & aussi qu'il scaura si bien & si vertueusement respondre des choses qui luy touchent, qu'on luy feroit tort d'en vouloir respondre pour luy. Bien vous dy-je (mon sieur l'ambassadeur) que la bonne, ferme, & perpetuelle amitié, qui est entre mon bon frere perpetuel allié & moy, est telle que là où il seroit en estat pour indispositiō de la personne (dont Dieu le gard) de n'en pouuoir respondre,

dre, ie vous auise q̄ ie ne voudroy en riē moins faire que ie voudroy faire pour moy mesme: y employant non seulement mes royaume, pays & seigneuries, & subiects, mais ma propre personne: laquelle n'y sera iamais espargnée, là où il en aura besoing, & cela veux-ie que tout le monde entende.

Aussi (monſieur l'ambassadeur) pour-ce que mon herault Guienne m'a dit que vostredit maistre luy donna charge me dire, qu'il croit que ie n'ay esté auerty de quelques propos qu'il tint à mon ambassadeur le Presidant, luy estant en Grenade, pour me faire ſcavoir, lesquels me touchoient tresfort: & qu'il m'estimoit si gentil Prince que si ie les eusse ſceus i'y eusse respondu: ie vueil bien à cela vous dire, que mondit-ambassadeur m'a auerty de beaucoup de propos, mais non point de chose qui rien ſceut toucher mon honneur: & ſil Peust faict, vous estes aſſeuré que ie n'eusse failly, ne si longuement demouré à y répondre: car dès que i'ay entendu les choses que ie vous ay dittes, i'y ay faict la reſponſe que ie vous ay bailée à lire, ſignée de ma propre main: laquelle ie tien ſi ſuffiſante, qu'elle ſatisfaict non ſeulement à ce que vostredit maistre ſcavroit auoir dit par cy deuant, mais entierement à tout ce qu'il pourra dire contre mon honneur par cy apres.

Et au regard de ce qu'il dit que par leſdits propos ie connoistray qu'il m'a mieux tenu ce qu'il me promiſt à Madril, que ie ne luy ay tenu ce que ie luy promis, il ne me ſouuient point luy auoir faict quelque promeſſe: car quant au traitté qui eſt par eſcrit, ie m'en tien aſſez iuſtifié du peu d'obligation que i'y ay, veu que ie ne fu en liberté ny deuant ny depuis ledit traitté, iuſques à ce que i'ay esté en mon Royaume: ny mis ſur ma foy pour pouuoir la garder & obſeruer. Et du demeurant quand i'y ay bien penſé, ie ne trouue point auoir eu auecques luy autre propos d'obligation, ſi ce n'eſt quant à l'entreprinſe du Turc, que toutesſois & quâtes qu'il l'entreprindroit & que ſa perſonne y ſeroit, que ie ie m'y trouueroy pour l'accompagner auecques mes forces: laquelle chose i'auoue & trouue tresbonne, & pleuſt à

Dieu de vouloir conuertir les passions particulieres d'un chacun, tant au bien general de toute la Chrestienté, que toutes noz forces fussent employées en vn si saint & bon effect: luy promettant qu'à moy, qu'il peult estre tout ailleuë qu'il n'aura iamais pour ceste occasion si tost le pied à l'estrier, que ie n'aye plustost le cul sur la selle pour ce faire. encores q'ie n'aye les Turcs si pres mes voisins, cōme de nouueau il les a en Hōgrie, & par cosequent en Allemagne. Ces propos paracheuez, le Roy licentia ledit seigneur de Granuelle avec bones & gracieuses poroles, quant à sa personne, le priant ne vouloir faillir de faire donner saufconduit au herault qui l'accompagneroit pour presenter l'escriit cy dessus dit à l'Empereur son maître: & ce faict la compagnie se separa.

1528.

Armée de  
monsieur de  
Lautrec en  
Italie.

Lo r s que ces choses se faisoient en France & en Angleterre (come i'ay dit cy dessus) le seigneur de Lautrec auoit passé la montagne avec vne partie de son armée, mais encores n'estoiet arrivez dix milie Suisses, desquels le Roy auoit enuoyé faire leuee: aussi n'estoit arrive que vne partie des lansquenets qui deuoient estre sous la charge du Cote de Vaudemont: parquoy pour les attendre s'en alla sejourner en Latisane. Or poui vous faire entendre vne partie des forces que ledit seigneur menoit: de là gendaiement y estoit la compagnie de mondit seigneur de Lautrec de cent homes d'armes, conduite par le Baron de Granmont son lieutenant: celle de monsieur de Vaudemont autre cent, conduite par le seigneur de Gruffy son lieutenant: celle de monsieur de Lorraine cent, conduite par le capitaine Pierreport son lieutenant: la compagnie de monsieur d'Albanie cent, conduite par le seigneur de Montiac son lieutenant: le seigneur de Lignac cinquante homes d'armes: a compagnie de monsieur de la Fayette cinquante, conduite par son fils: le seigneur de Montpelac cinquante: le seigneur de Pompefant cinquante: cinquante ou seigneur de la Trimouille, petit fils de feu messire Louis de la Trimouille, con-

duite



duitte par Louis de Beauuillier seigneur de la Fertéaux  
ougnons son lieutenant: le Côte Hugues de Pepolo Boulô  
nois cinquante, le seigneur de Tournô cinquante, & son  
frere son lieutenant messire Claude d'Estampes seigneur  
de la Ferté Nabert cinquante, le seigneur de Neigre Pe  
lisse cinquante, le seigneur de Laual de Dauphiné cinquā  
te, & maistre Iermingan Anglois gentilhomme de la  
chambre du Roy, & du Roy d'Ang eterre, ayant charge  
de deux censcheuaux legers, homme bien estimé, & son  
lieutenant maistre Care, lesquels moururent audit voyage  
cōme les autres Francois de Pinfection de Pair deuant Na  
ples. De gēs de pied, le Côte de Vaudemôt six mille lans  
quenets, le Comte Petre de Nauarre six mille Gascons,  
le seigneur de Burie iiii. mille Francois, & x. mille Suisses  
auec bon nōbre d'artillerie, desquels auoit la charge le  
seigneur de Mondragon Gascon. Ayant le seigneur de  
Lautrec sejourné quelques iours en Lattilane, fut auerty  
que le Comte Ludouic de Lodron, lequel estoit dedans  
Alexandrie avec six mille lansquenets, en auoit enuoyé  
deux mille au Bosc, petite ville pour contraindre le peu  
ple des enuirs de fournir deniers pour la soulde desdits  
lansquenets estans en Alexandrie.

Le seigneur de Lautrec considerant que sil pouuoit  
deffaire lesdits lansquenets, se luy seroit grande faueur,  
& a ffoiblissement pour son ennemy: depecha bon nom  
bre de gendarmerie auecques vne partie des Suisses qui  
ia estoiet arriuez pour aller clorre ledit lieu du Bosc, &  
empescher que leslansquenets ne se peussent retirer en A  
lexandrie, cependant qu'il marcheroit avec le reste de son  
armée & l'artillerie. Estant partie ce ste troupe, ledit sei  
gneur de Lautrec marcha apres en toute diligence, puis  
estant arriué deuant Bosc, soudain feit faire les approches,  
& planta son artillerie au lieu qu'il cogneur le plus auan  
tageux pour luy, & dōmageable à l'ennemy: dont il feit  
telle & si furieuse batterrie, que n'ayans les ennemis loi  
sirs de remparer voyans l'assault prest à donner, capitu

lerent de sorte qu'il sen allerēt la vie sauue & sans armes, mais depuis vindrent au seruice du Roy sous les enseignes du Comte de Vaudemont. Aussi le seigneur de Lautrec encores que par la compositiō ils deussent laisser les armes, par l'honestetē de la guerre les leur rēdit, qui fut cause à mon auis qu'estans mal recens & soldoyez d'Antoine de Leue, estans quittes de leurs sermens ils prindrent la solde du Roy.

Prise de Gē  
nes au nom  
du Roy.

P E N D A N T ce temps le seigneur André Dorie qui auoit la charge des galleres du Roy estāt party de Marceil le auec xiiij. galleres, feit telle guerre aux Gēneuois, que nul foloit trouuer en mer le long de la riuierē de Gēnes: en sorte que viures & marchandises y defaillirent, & faisoit sa retraitte à Sauonne. Cependant le seigneur Cesar Fregoze, lequel depuis peu de temps estoit venu du seruice des Venitiens à celuy du Roy, auerty par les amy que il auoit à Genne de la necessitē de viures en laquelle estoient les habitans, fut depeschē par le seigneur de Lautrec auec bon nōbre d'hōmes, tāt de pied que de cheual, pour leur aller faire la guerre par terre; & leur feit tel. le, qu'en peu de iours n'y demoura ny grains ny bestial, ny autres viures, desquels les habitāns de ladite ville peussent estre substantez à six lieues à la ronde. Les Gēneuois estans en telle extremitē, ne veirent autre moyen de leur saluation, sinon par mer: parquoy armerent six galleres, lesquelles ils mirent à l'auenture pour auoir viures. Or la fortune leur fut si bonne qu'estans en mer se leua vne tourmente telle que André Dorie fut contraint de se retirer à Sauonne, sur laquelle retraitte le Comte Phelippin nepueu dudit André Dorie fut pris & mené à Genne: dont lesdits Gēneuois furent si enorgueilliz, n'estimans plus les Francoiz, qu'ils feirent vne saillie sur Cesar Fregoze, telle qu'ayans mis en chasse les premiers qu'ils trouuerent, comme mal aduisez chasserent si auant que les Francoiz leur coupperent chemin entre la ville & eux: de sorte que tout ce qui estoit sort y

fut deffaict, & le Côte Gabriel de Martiniques leur capitaine general fut pris prifonnier, pour lequel infortune ils feftonnerét tellemét qu'ils mirét la ville entre les mains dudit Cefar Fregofe au nom du Roy: où peu de iours apres arriuant ledit feigneur de Lautrec y ordôna pour gouuerneur & lieutenant de Roy le feigneur Theodore Treuoulce marfchal de France: puis peu de iours apres les Imperiaux & ceux de la part Adorne qui feftoiét retirez dans le chafteau, le remirent entre les mains du Roy.

Av temps que le feigneur de Lautrec pouruoioit à Peftat de Gennes, il manda aux lansquenets qui estoient au Bofc qu'ils euſſent à marcher à Alexandrie, pour empetcher le fecours d'entrer dedans: puis ayant pourueu comme dit eſt à Peftat de Gennes, les ſuiuit avecques ſon armée, auquel lieu d'Alexandrie eſtant arriué, en toute diligence feit mettre ſon artillerie en batterie: & n'eust eſté le feigneur Albert Barberan qui la nuict entra dedans avec mille hommes de guerre, dés ce iour eſtoit en hazard d'eſtre priſe d'aſſault: par-ce que les habitans eſtoient ſi eſtonnez pour la perte de leurs lansquenets qu'ils auoient perdus au Bofc, que peu de gens mettoient la main aux armes.

Le lendemain les Venitiens enuoyerent renfort de bon nôbre d'artillerie, de pouldre, & boulets: dequoy ledit feigneur de Lautrec feit telle batterie, que le Comte Ludouic de Lodron, qui eſtoit chef en ladite ville, la rendit par compoſition telle: que les lansquenets & autres gens de guerre eſtans dedans la ville ſ'en iroient leurs bagues ſauues, faiſans ſerment de ne porter armes de ſix mois contre les François, ny leurs alliez. Eſtant la ville entre les mains du feigneur de Lautrec, la remiſt entre les mains des deputez du feigneur Francisque Sforce, ſuiuant la l'gue faiſte & iurée entre les alliez de la ſaincte ligue. Au meſme tēps Iean Iacques Medequin Caſtelan de Muz, & depuis marquis de Marignan, auoit faiſt liuée de quelque nombre d'hommes pour amener au ſeruite du Duc Sforce, & ſe venir ioindre avecques l'armée Francoiſe: dequoy le feigneur Antoine de Leue

Priſe d'Alex  
lexandrie  
pour le Roy.

Deffaict  
du marquis  
de Muz.

auerty, & scachant que ledit Medequin estoit logé à quatorze mille de Milan en lieu ouuert & non fortifié, partit de Milana l'improuiste avecques toutes ses forces, & feit telle diligence, qu'arriuant au poinct du iour sur le logis dudit Medequin depuis nommé Iean Iacques, de Medicis le surprint de sorte que ses forces furent desfaites, & luy se sauua a Muz. Ce faict, craignant que monsieur de Lautrec vint a Milan, qu'il auoit laissée despourueue, sen reuint en toute diligence loger aux faubourgs de la ville: auquel lieu estât arriué, ayant les nouvelles de la prise de la ville de Genes & d'Alexandrie, & se voyant peu de gés sans payement desesperer de pouoir garder la ville de Milā, deslibera de labandonner, & de se retirer a Pauie: mais estât auerty du peu de viures qui estoient dedans, changea d'opinion, & y enuoya le Cōte Ludouic de Belleioyeuse (lequel depuis peu de temps auoit abandonné le seruice du Roy, pour vne querelle qu'il auoit contre le seigneur Federic de Bozzolo) accompagné de deux mille cinq cens hommes de pied.

Le seigneur de Lautrec ayant remis Alexandrie entre les mains du Duc Sforce, sen alla à Vigene, laquelle se remist en son obeissance, aussi feit tout le pais de l'Omeline: auquel lieu de Vigene il passa le Tesin pour aller à Biengras, laquelle pareillement il print & remist entre les mains du Duc Sforce. Ce faict, faignant de prendre le chemin de Milan, tourna tout court à Panie, laquelle il assiegea du costé du chasteau, & l'armée Venitienne par l'autre part: lesquels commencerent vne furieuse batterie, chacun de son costé. Le seigneur de Lautrec ayant fait breche, mais non raisonnable, quelques Francois se presenterent a donner l'assault sans commandement: mais ainsi que follement ils estoient allez, follement furent repoussez. Le lendemain de la part de monsieur de Lautrec fut faicte telle batterie, q̄ la breche fut si raisonnable, q̄ la ville fut emportée d'assault & n'y mourut tāt de ceux de dedās q̄ de dehors qu'en uirō trois cēs homes:

par



par ce que ceux de la ville se voyans forcez, se sauuerent par dessus le pont, le rompant apres eux afin de n'estre suivis. Le feu fut mis en quelques maisons au milieu de la ville, laquelle fut sacagee, & n'eust esté la diligence dont vint ledit seigneur de Lautrec, ladite ville eust esté mise en cendre : pour la memoire qu'auoient les soldats de la bataille qui auoit eüe perdue quatre ans au parauant. Ayant ledit seigneur de Lautrec laüé la ville du feu, & payant remise es mains du Duc de Milan, vint deuers luy le Cardinal Cibo Legat de la part du Pape pour le sommer : à ce que suiüant les traittez d'entre le Pape, le Roy, & le Roy d'Angleterre il eut à marcher pour mettre l'armée Imperialle hors des terres de l'Eglise, & mettre Rome en liberte. Le Duc Sforce de ce auerty, accompagné de grand nombre de gentils hommes Milannois, vint deuers ledit seigneur de Lautrec, le suppliant ne passer outre, que premierement il n'eust mis le reste du Duché hors des mains des Imperiaux, chose (à ce qu'il disoit) aisée à faire par ce que desia Antoine de Leue estoit denué d'hommes & d'argent, & la ville de Milan en nécessité de viures. parquoy il seroit contraint de l'abandonner ne trouuant lieu seur pour sa retraite.

Le seigneur de Lautrec combien qu'il eust la cognoissance que ces remonstrances estoient raisonnables, & mesmes estoit son opinion & intention de ce faire, mais le Legat au contraire le pressoit de passer outre, disant que c'estoit chose aisée à l'armée Venitienne & celle du Duc de paracheuer ladite conquête : veu qu'Antoine de Leue pour toutes choses ne tenoit plus que Milan desia demy affamee, & l'armée Imperialle ruinée. Parquoy ledit seigneur de Lautrec condescendit aux remonstrances dudit Legat, toutesfois il fut contraint de faire sejour à Pauen plus qu'il n'esperoit : car encores n'estoient arrivez tous les laniquenets qui estoient sous la charge du Comte de Vaudemont, & les Suisses firent refus d'entreprendre le voyage de Rome. Et sans le direz lanquiers arrivés, marcha ledit seigneur de Lautrec à Platan

Nouvelle  
entrepinte  
de mōseus  
de Lautrec

Alliance a-  
uec le Duc  
de Ferrare,

sance ( auquel lieu Alfonso Duc de ferrare ce ioingnit en ligue auecques le Roy ) laissant la part Imperiale : & là se traitta le mariage d'Arcules, fils dudit Duc Alfonso de ferrare, & de Madame Renée fille du Roy Louis douziésime & sœur de la feu Royne de France: lequel Mariage fut con-  
sommé au Palais à Paris, peu de temps apres en grande magnificence, & en la salle de saint Louis ce feit ce festin. Plusieurs ont estimé, & c'est mon opinion, que si le seigneur de Lautrec eut employé le temps qu'il seiourna à Plaisance & à Bou'ongne, aisément il eust remis en Pobeissance du Duc Sforce tout le Duché de Milan, & n'eut laissé à executer son entreprise de Napies : car ayant chassé de la Lombardie les Imperiaux, il eust esté plus formidable à toute l'Italie, mais ie pèse qu'il estoit si bié auisé que ce qu'il faisoit estoit à bõ ne intentiõ, ou par cõmandement qu'il auoit de son Prince,

Discours sur  
le conseil de  
mõsieur de  
Lautrec.

Antoine de Leue voyant les forces de France partir du Duché de Milan, & n'ayant en grande reputation ny l'armee des Venitiens, n'y l'armee du Duc qui estoient demou-  
rées entre le Pau & le Tesin, entreprint d'elargir ses limites, pour plus aisément auoir viures. Et pour cest effect, partant de Milan vint assai lir Biegras, laquelle ville il print sur les gens du Duc Sforce ; puis mettât en ordre des barreaux, delibera de faire vn pont sur le Tesin pour faire le semblable à Vigee, Morterre, Noare, & toute l'Omeline, dequoy monsieur de Lautrec qui estoit à Plaisance aduertty, depe-  
cha le Comte Petre de Nauarre auecques cinq ou six mille hommes de pied Francois, & quelque gendarmerie, lequel à son arriuee reprint ladite ville de Biegras, taillant en pie-  
ces ce qu'il trouua dedans: puis la remist entre les mains du Duc de Milan, lequel y mit meilleure garde qu'il n'auoit fait au precedant.

Le seigneur de Lautrec ayant executé ladite entreprise, partit de Parme & Plaisance enuiron le commencement de l'hyuer mille cinq cens vingthuit, & marcha à Bou'ongne la grace, passant à Rege, audit lieu de Bouiõgne il trou-  
ua le Cardinal Cibo Legat & gouuerneur de ladite ville, au-  
quel

quel lieu il hyerna son armee iusques enuiron le commencement de Feurier. Cependant qu'il sejourna à Boulongne, les Imperiaux voyans la bonne fortune dudit seigneur de Lautrec, craignans perdre leur butin, mirent le l'ay e à rancon pour faire le payement de leur armée, failans entendre qu'ils auoyent commandement de l'Empereur de le mettre en pure liberté: mais que pour contenter leur armee, ils estoient contraincts encores que ce ne fust le vouloir dudit Empereur, d'auoir argent de luy, craignans que les soldats estans mutinés ne feissent offense a sa personne. Mais à vray dire ils auoyent doubte qu'arriuant le seigneur de Lautrec, ils fussent contraincts de le mettre en liberté, car ils fauoyent mis à vne somme si desraisonnable qu'il n'auoit le moyen de la payer: parquoy ils le mirent en vne rigoureuse garde, encores qu'il eust baillé ostages. En fin il trouua moyen de tromper ses gardes, & montant sur vn genet de Espagne se sauua au chasteau d'Orbiette. Mais les ostages depuis payerent sa rancon. Partant de Boulongne le seigneur de Lautrec prist le chemin de Rimini, & de là à Senegaille, de là à Anconne & à Recanat, auquel lieu (par ce que c'estoit du patrimoine de l'Eglise) il fust tresbien receu: car les Imperiaux le sentans approcher auoient abandonné toute la Romagne, se retirans vers le Royaume de Naples. Au dit lieu de Recanat sejourna le seigneur de Lautrec quelques iours pour refreschir son armee, partant de ce lieu, dressa son chemin par Pezaire & autres villes du Duché d'Urbain: de là entra en la Brusse pays de petites montagnes, fort fertiles & plantureux de vins, bleds, & huilles, & alla loger à Lencanne. Puis suiuant le bord de la mer Adriatique, s'en alla loger au Marquisat du Guast, au partur da Guast, l'armee entra au pais de L'aquille: auquel iour fust telle tempeste de temps, que (encores que les soldats fussent frais & repolez) si en mourut il plus de trois cens tant de pied que de cheval, pour la tourmente & les froidures qui feirent. Partant dudit lieu, l'armée tira le chemin de la Pouille, par ce que le seigneur de Lautrec vouloit receuoir le tribut de la soue de la

Deiurance  
du Pape &  
de sa raçon

Douane qui sont cent mille ducats, pour luy servir au paiement de son armée, ce qu'il feit : audit pais de la Pouille estoit le Haras de l'Empereur, duquel les cheuaux furent distribuez par les compagnies.

Approches  
des deux ar  
mées.

A v mesme temps estant encores a la Pouille; fut auerty que Philebert de Challon prince d'Orange; lequel depuis la mort de f u monsieur de Bourbon estoit demouré lieutenant de l'Empereur en son armée, marchoit avec ladite armée pour luy empescher le chemin : apres lequel auertissement, il s'en alla loger à Nochieres avecques l'infanterie Francoise, & seulement les gentils-hommes, lesquelles estoient venus pour leur plaisir pour veoir la guerre, & le reste de l'armée les enuoya loger à Foge, distant dudit lieu de Nochieres de quatre ou cinq mille. Estant l'armée ainsi diminuée, l'ennemy se vint camper à Troye sur le chemin de nostre armée: le seigneur de Lautrec voyant l'ennemy si pres, manda à la gendarmerie qui estoit logee à Foge de se venir ioindre avec luy, de quoy l'ennemy auerty, sortit de son camp avecques toute sa cauallerie; pensant empescher ladite gendarmerie de se ioindre avec le reste de nostre dite armée : mais voyant nostre gendarmerie marcher en tout ordonnance l'armet en teste, & la lance sur la cuisse deliberez de combattre, se retira en son fort, sans mesmes offer leur dresser l'escarmouche : parquoy nostre gendarmerie sans empeschement vint a Nocere trouuer mondit seigneur de Lautrec.

Le seigneur de Lautrec ayant assemblée son armée, & scachant l'ennemy estre campé audit lieu de Troye; partit de Nocere avec toutes ses forces pour l'alier combattre : l'ennemy de sa part sortit de son camp pour venir au deuant de luy : mais il n'approcha de trop pres, si est-ce qu'il fy feit de belles escarmouches deux iours durant. Le seigneur de Lautrec ne feit que deux lieues pour iour, dont le deuxiesme iour passa vn canal pour lors estant sans eau, mais fort profond, & vint loger son camp.



camp pres du pied de la montagne là où estoit l'ennemy, & pres de la ville de Troye : lequel logis ne se feist sans y auoir de belles & braues escarmouches, où vn chacū feist son deuoir tant d'un costé que de l'autre. Le lendemain qui estoit le premier samedy de Carême, l'armée de France marcha en ordre de bataille toute preste à combattre, & montra la montagne, laissant l'ennemy à main gauche, pour trouuer moyé de le tirer hors de son fort, mais iamais il n'en voulut desloger : parquoy nostre armée tourna la teste vers l'ennemy, marchant nostre artillerie la bouche deuant, scauoir est douze canons, six bastardes, & six moyennes. Les enseignes d'Allemands desquelles estoit generale Comte de Vaudemont, qui pouuoient estre iusques au nombre de huiet mille hommes, & le nombre de trois mille Suisses, desquels estoit colonnel monsieur le Côte de Tendes (qui estoient les vieilles bandes qui depuis deux ans estoient en campagne avecques le marquis de Saluces) les enseignes de trois mille hommes de pied François, desquels estoit colonel le seigneur de Buri: quatre mille Gascons desquels estoit colonel le Côte Pierre de Nauarre, & le seigneur de Candalle avecqs luy, & les enseignes de dix mille Italiens. Et marcherēt les colonels desdites troupes chacū à la teste de leur bataillō.

Or est-il que l'auantgarde bataille, & arrieregarde marchoiēt tout d'un frōt, seulement y auoit distāce entre deux bataillōs de deux cēs pas, & marcherēt avec la plus grāde volōté de cōbātter qu'on q̄ gēs eust veu de nostre viuāt: de sorte qu'il y a grande apparence que si ce iour on eut cōbattu (veu le volōté des hommes) la victoire eust este pour le François. Sur les ailles de chacun bataillon y auoit vne troupe de gendarmerie pour les soustenir : à l'aille droicte des Suisses estoit ordonné la compagnie de cent hommes d'armes du Duc d'Albanie, conduite par le seigneur de Moriac son lieutenant, & le seigneur de Pomperant avec cinquante hommes d'armes dont il estoit capitaine. L'escarmouche se dressa sur lesdites

compagnies pendant laquelle apres que noz Suisses eurent ( comme il ont accoustume ) baillé la terre esperant combattre, & que tous ceux de l'armee d'une voix crioient bataille, mondit-seigneur de Lautrec feit tourner son artillerie sur le costau d'une montagne, & la feit tirer sur l'ennemy. Les escarmouches estoient encores mellees, mais chacun fut contrainct de se retirer de son costé, pensans iouer le gros jeu, & y perdirét les Imperiaux de leurs hommes, mais peu, sur les bataillons qui marchoiént apres l'artillerie, descendit iusques au nombre de trois ces cheuaux des ennemis: quoy voyant mondit seigneur de Lautrec, luy en personne, l'armet en teste l'espee au poing vint commander aux seigneurs de Moriac & de Pomperat d'aller charger ceste troupe d'ennemis, ce que soudain fut executé. A ladite charge se trouuerét les seigneurs de Tournon avecques leurs homes d'armes, aussi feit la ieunesse Francoise qui y estoit venue pour son plaisir, tels que le seigneur de Bonniuet, de Iarnac, le Baron de Conty, Chasteigneraye, Cornillon, & autres iusques au nombre de trente ou quarante: la charge fut si vigoureusement faicte, que tous les ennemis qui estoient sortis furent deffaicts, & les enseignes & les guidons gagniez.

Ce-pendant que ladite charge se feit, monsieur de Lautrec logea son armee vis à vis de l'ennemy, sur vne platte montagne, où y auoit vne vallee entre luy & l'armee de l'ennemy assez ample: auquel lieu estant campé, se firent ordinairement de belles escarmouches, charges, prinſes, & recourses. Le lendemain que le camp de France fut logé, fut dit audit seigneur de Lautrec que si le iour precedant il eust combatu, il estoit apparant qu'il eust gaigné la bataille: à quoy il feit responce, Je ne pouuoys donner la bataille sans y perdre beaucoup de gens de bien, mais ie les auray la corde au col. L'armée fut audit lieu huit iours, durant lequel temps se leua vne tempeste de vents telle & si impetueuse, qu'il ne demou-

ra pa-

la paillon ny tente debout: & y feit vne telle froidure, & le temps si cotraire, qu'il y morut grand nôbre d'hommes deuant que partir de là. Aussi vne des occasions qui meut monsieur de Lautrec de ne donner la bataille le iour qu'il la presenta, fut qu'il attendoit le seigneur Horace Baiô qui amenoit treze enseignes de gens de pied des plus agguerris d'Italie, qui estoient les bandes noires qui auoient esté de longue main sous la charge du seigneur Iean de Medicis.

VN vendredy au soir arriua ledit Horace Baiou avecques ses bandes, de quoy l'ennemy estant auerty, la nuict d'entre ledit vendredy & le samedi meit toutes les campans des mullets dans les coffres, & sans sonner trôperes ny tabourin deslogea, prenant le chemin des bois droict à Naples: de quoy le seigneur de Lautrec auerty, enuoya quelque compagnie de gendarmerie, & quelque troupe de cheuaulx legers a leur suite, qui en desfirent quelques vns demeurez sur la queue, mais bien peu. Plusieurs capitaines Francois furent d'avis que mondit-seigneur de Lautrec deuoit suivre le prince d'Orenge, & s'il Peust faict, il estoit apparant qu'il Peust desfaict: car arriuant ledit prince à Naples, Dom Hugues de Môrcade, lequel pour lors estoit Vice-Roy de Naples; & autres principaux seruiteurs de l'Empereur auoit ledit prince d'Orenge en telle haine, que les portes de Naples luy eussent esté fermées. Et arriuant nostre armée sur ces disputes, elle eüst separé la querelle: mais Dieu le voulut autrement, & ne voulut que mondit seigneur de Lautrec print le meilleur avis. Beaucoup de gens eurent opinion que le Comte Petre de Nauarre luy donna ce conseil, qui estoit homme qui auoit esté nourry au pais, disant qu'ayant pris le reste du Royaume, il auroit la ville la corde au col: mais il auint le contraire de son dessein, car il leur donna loisir de se pourueoir & de mettre ordre à leurs affaires.

Le lendemain que le prince d'Orenge fut deslogé de

Mauuais es  
seil de m  
sieur de  
Lautrec:

Prise de  
Melphe &  
du prince.

Troye, le seigneur de Lautrec depescha le seigneur Pe-  
tre de Nauarre avec bon nombre de gens de pied Fran-  
cois, & les bandes noires, & bon nombre de gendarme-  
rie, avec vne bande d'artillerie bien pourueue de muni-  
tions pour aller deuant Melphe, & la mettre en l'obeis-  
sance du Roy, à ce que nostre cāp estant deuant Naples;  
le prince de Melphe, qui auoit iusques au nōbre de trois  
mille hōmes de pied, & vne bōne troupppe de cauallerie,  
ne rōpist les viures à nostre armée, faisant souuēt des sail-  
lies. Arriué qu'il fut deuant Melphe, meit son artillerie  
en batterie, où apres auoir battu deux iours, fut dōné vn  
assault auquel furēt repoussēz les soldats de la Toscane,  
encores qu'ils feissent fort biē leur deuoir: mais le secōd  
donné par les Gascons, la ville fut forcée, nō sans grande  
perte, pour la resistance que feirent ceux de dedans. Les  
Francois animez de la perte de leurs compagnons, Payāt  
forcée, y feirent vn grand carnage: carde compte faict  
il y mourut tant de guerre que des habitans de la ville,  
iusques au nombre de vj. à vij. mille personnes, dont de  
gens de guerre y auoit enuiron trois mille, & fut pris ledit  
prince de Melphe prisonnier en combatant les armes au  
poing: aussi fut prise sa femme & ses enfans qui festoiēt  
retirez dans le chasteau. Estant le siege deuant Melphe,  
le seigneur de Lautrec enuoya vne troupppe de gendar-  
merie & de gens de pied pour prendre Venouze, lesquels  
estans arriuez audit lieu, apres auoir dressē quelques es-  
chelles cōtre les murailles, ceux de la ville estans surpris,  
l'abandonnerent, & se retirerent dedans le chasteau, qui  
estoit vne tresforte place: mais quelqs iours apres n'ayās  
esperance de secours, se renderent eux & le chasteau par  
composition. Ladite place de Venouze estoit celle que le  
capitaine Louis d'Alt, du tēps du Roy Louis douziēme  
garda vn an apres que tous les Francois furent hors du  
Royaume de Naples, contre toute l'armée du Roy d'Ar-  
ragon, & au bout d'vn an sen reuint en Frante par com-  
position armer en teste & enseignes desployées.



Le sac de Malphe paracheué, le seigneur de Lautrec passant son armée par le pais de labour, arriuant deuant Naples le premier iour de May, mille cinq cens vingt-neuf: auquel lieu estant arriué se logea à Poge Real, & la pluspart de toutes les villes & places du Royaume se mirent en son obeissance, au nom du Roy, hors mis le chasteau de Manfredoine, assis sur la mer Adriatique, tirant à S. Nicolas du Bar, & Gaïette. D'aucuns cognoissans la nature du pais, ne furent d'avis qu'il logeât son armée à Poge Royal, d'autant que venantes les chaleurs l'air y est incontinant infecté, pour les caues qui n'y sont salubres: mais le seigneur Petre de Nauarre l'asseurait que deuant que lesdites chaleurs vinssent la ville seroit assaillée, d'où vient la principale ruine de nostre armée. Estant logé le camp deuant Naples, se feit vne entreprise de quarante hommes d'armes estans de la cōpagnie du Duc d'Aibanie & du Comte de Vaudemont, conduits par le seigneur de Gruffy sur la ville & chasteau de Vic, laquelle pour la diligence qu'ils feirent ils surprindrent, de sorte qu'ils prindrent & ville & chasteau: où fut trouué du butin inestimable, tant de vaisselle d'or & d'argent, que d'autres riches meubles: de sorte qu'il y eut environ douze cēs estus pour homme d'armes, de ce qui vint au butin. Vous pourrez estimer quels autres biens il y pouuoit auoir qui ne vindrent à cognoissance, mesmes y fut pris le sceau de l'Empereur. Estant nostre camp logé & assis deuant Naples, fut faict vn fort dedans les marais de la Magdalene, pres de Naples, qui fut nommé le fort de Basque: par ce qu'il fut commis à la garde de deux capitaines Basques, scauoir est du capitaine Martin le Basque, & du capitaine Ráymonner, qui estoient deux vaillans capitaines ayans des soldats de mesmes, cōme ils monstrent ainsi qu'entendrez par cy apres. Aussi fut entrepris pres saint Martin vn autre fort par le seigneur Petre de Nauarre plus grád que le precedât, pour y loger bō nōbre d'hōmes & garder que les assiegez n'y

1525

Sacle Vie

Siege de  
Naples.

seissent faillies sur les cheuaux du camp, pour les surprendre à l'abreuoir, où il y eut grand combat, pour vne sortie qu'eurent les Imperiaux pour empêcher ladite fortification: mais en fin estans repoussez iusques dedans les barrières, sur ledit fort paracheué, & y fut mis pour la garde le seigneur de Burie avec la charge de gens de pied francois auxquels il commandoit, & le baron de Grantmont avec des Gascons, aucuns le nommerent le fort de Gascogne, autres le fort de France. Lequel fort feit beaucoup d'ennuy à ceux de la ville, pour les entreprinës qu'ordinairement faisoit ledit seigneur de Burie & de Grantmont sur eulx: & entre autres s'en feit vne pres nostre Dame de pied de Crotte, où le seigneur de Bonniuet ieune gentil-homme & vaillant, apres auoir fort bien faict son deuoir, fut blessé de sorte que les entrailles luy sortirent du corps: toutesfois fut porté à Venouze, & fut guerie sa playe, mais depuis il mourut par maladie.

Entreprise  
sur nostre  
fort-

La veille de la Penthecouste subléquente, les ennemis p'e sans surprendre le fort de Balque lequel les tenoit de pres, partirēt de la ville sept ou huit cens homes pour leur donner vne camifade: enuiron minuiēt le guet du fort qui estoit vigilant entre-vit quelque blancheur, parquoy le mōstrans l'un à l'autre sans faire bruit, estimoient que ce fussent mou tons couchez là aupres: tant que l'un ayant la veue plus certaine que les autres, iugea que cestoient gens de guerre couchés sur le ventre avecques des chemises blanches pour les surprendre. A cause dequoy ils auertirēt leurs capitaines, lesquels sans faire alarme de main en main le feirent entendre à leurs soldats, & les feirent mettre chacun en sa deffence, preparez de receuoir leur ennemy: puis estans les capitaines sur vne platte forme, apres auoir mis quelques fauconneaux aux lieux dont ils se pouuoient ayder, demāderent Qui va là? &, Qui viue: mais l'ennemy sans faire responce, donna de la teste de furie droit aux remparts, lesquels n'estoient gueres haults, de telle hardiesse que lesdits ennemis monterent iusques sur le hault du fort: mais ainsi que furieusement ils mō-

ils mōterent ; ils furent recueillis de ceux de dedans en telle assurance, que tout ce qui monta hault fut tué, & ceux aussi qui sefforcerēt de ce faire. Et y mourut des assaillās de cōpte faict deux cens cinquante, & y furent blellēz de la part de dedans les deux capitaines, sçauoir est le capitaine Martin dequoy il mourut peu de iours apres, & le capitaine Raymōnet d'une arquebouzade à trauers du genoil, dōr il fut contrainct pour ne se pouuoir tenir debout : long temps combattre sur vn genoil : & telle fut l'issue de ladite entreprise. Peu de iours apres le seigneur Horace Baion, chef des enseignes noires ayant faict entreprise d'aller chercher les ennemis entre ledit fort & la Magdalene, les ayans trouuez les chargea de telle vigueur, qu'il les remist dedans la ville : mais mal suuy de ses hommes, fut tué à coups d'hallebarde sur la retraitte sans estre cogneu, qui fut grand dōmage. Sa charge fut donnée au Côte Hugues de Pepolo Boullenois, duquel a esté parlé en plusieurs endroits de ces memoires.

Durant ledit temps, le Comte Phelippin Dorie, nepueu du seigneur André Dorie, estoit avec huit galleres pres de Naples : le seigneur Dom Hugues de Montcade vice-Roy de Naples estant dedans la ville auerty que les soldats desdites galleres ordinairement s'en alloient au cāp, de sorte que lesdites galleres le plus souuēt demouroiēt sans grāde garde, fait armer six galleres qui estoient au port de Naples pour aller surprendre les huit galleres de Phelippin. Le Seigneur de Lautrec par ses espies estāt auerty de l'entreprise, enuoya le faire entendre audit Phelippin, & quand & quand secrettement & sans bruit luy enuoya iiii. cens arquebouziers esleus, conduits par le seigneur du Croq Galton, pour recueillir la furie de l'ennemy. Dom Hugues de Montcade n'estant auerty du renfort venu dans lesdites galleres, partit du port de Naples avecques les six galleres qu'il auoit equippees de tous gens esleus, & entre autres du marquis du Guast, du seigneur de Ris Bourguignon, pour ceste heure sommelier du corps de l'Empereur, & plusieurs autres gros personnages, & fait voile droit à noz galleres sans les

Combat sur  
mer deuant  
Naples.

marchander: mais ainsi que gaillardement les auoient assaillies, ils furent receus. Et de Première abordée les gal-  
leres Francoises en mirent deux des leur en fond à coups  
de canon, les autres furent inuesties, & furent combat-  
tues main en main, & pied à pied: tel emēt que ce combat  
tant furieux dura l'espace d'heure & demie, avecques  
grande perte d'hommes tant d'un costé que d'autre: de  
sorte que des Imperiaux n'en reschappa que biē peu. Et  
entre autres y mourut Dom Hugues de Montcade Vice-  
roy de Naples, & fut prisonnier le Marquis du Guast,  
le seigneur de Ris Ascagne Colonne, le beau Vauldre, &  
plusieurs autres gros personnages: des quatre censarque  
bouziers Francois n'en reschappa que soixante qu'ils ne  
fussent morts ou grandement blesez. Ceste victoire ob-  
tenue, deux de leurs galles qui n'auoient point esté mi-  
ses en fond à l'arripée furent prises, les deux autres festās  
sauuées à la fuitte se rendirēt à Naples: de l'une desquel-  
les galles le prince d'Orège fait pendre le patron, de-  
quoy l'autre ayant la cognoissance, s'en alla rendre au Cō-  
te Philippin Dorie.

Cause du  
reuoltemēt  
d'André  
Dorie.

Armée de  
mer pour al-  
ler en Sicile  
pour le  
Roy.

Le seigneur de Lautrec auerty de ladite victoire, man-  
da que lon enuoyast en France les prisonniers, ce qui fut  
faict, & furent baillez à Philippin Dorie avec deux gal-  
leres pour les conduire: mais passant à Gēnes le seigneur  
André Dorie les retint, mettant en auant que le Roy ne  
luy auoit satisfait de la rancon du Prince d'Orange que  
il auoit pris prisonnier à Porte. fin, dūtant que le Roy  
estoit au siege dūant Paue: dont depuis auint la ruine de  
nostre armée de Naples, par ce que ce fut le motif de  
la reuolte d'André Dorie, & le marquis du Guast estant  
son prisonnier, le pratiqua pour l'attirer au seruice de  
l'Empereur.

O Ray-ic laissé à vous dire que peu apres la depes-  
che de monsieur de Lautrec pour aller à Naples, le Roy  
pareillement auoit depesché vne armée de mer pour al-  
ler en Sicile, sous l'esperāce des pratiques & intelligen-  
ces que



ces que disoit auoir vn Sicilian nommé Cesar Imperator, & autres Siciliens de la faction: cuidant par ce moyē diuertir les forces Imperialles du Royaume de Naples, ou bien finuestir de l'Isle de Sicile. De ladite armée le Roy auoit faict son lieutenant general le seigneur Rance de Cere, & le seigneur André Dorie Amiral de l'armée de mer, esperant qu'au temps que monsieur de Lautrec arriueroit deuant Naples, ladite armée de mer arriueroit en Sicile: chose qui fut tresbien pourueue, si Dieu eust permis qu'elle fust venue à execution. Mais l'armée estant partie des haüres de la Toscane, fut surprise d'une tourmente telle, qu'elle fut contraincte de prendre la volte de Corseque, & pour auoir viures prindrēt le train de Sardaigne, où ils prindrent terre. Auquel lieu ayans mis leurs homes en terre, le Vice-roy de Sardaigne pour l'Empereur vint recobrer nostre armée qui n'estoit que de deux à trois mille hommes, & luy estoit accompagné de quatre à cinq mille hommes de pied, & de trois à quatre cens cheuaux, ce-nonobstant noz gens les rompirēt; & de la mesme furie emporterent la ville de Sacery d'assault auquel combat fut tué des nostres le seigneur Jacques du Bellay colonnel de deux mille hommes de pied. Apres laquelle executiō la peste se meit dās leur armée, pour les viures qu'ils y trouuerent en abondance, attendant la grande necessité que les soldats auoient enduré, & venus à en auoir largesse, tomberent en fieures qui se tournerent en peste. Aussi se meit quelque diuision entre le seigneur Rance & le seigneur André Dorie, pour lesquelles deux occasions ils furent contraincts de se rebarquer & se retirer à Gennes, ayans consumé les viures qu'ils auoient pour leur voyage de Sicile. Et eux arriuez à Gennes fut enuoyé le Comte Philippin avec les viij. galleres qui combattirent deuant Gennes, ainsi que dessus à esté dict.

P o v r vous faire entendre les occasions de la reuoltę d'André Dorie, avecques les praticques que ie vou

Plus ample  
discours sur  
le reuolte-  
ment d'An-  
dré Dorie.

ay dit du marquis du Guast, de quoy depuis arriva l'entree  
re ruine de nostre armée de Naples: car sans le secours de  
André Dorie la ville de Naples n'eust eu le moyen d'estre  
secourue de viures, ayans (comme i'ay dit) perdu leur  
armée de mer, chose qui les amenoit la corde au col. Ap-  
pres que ledit seigneur de Lautrec eut remis en l'obeissan-  
ce du Roy la ville de Genes, le Roy par le conseil d'au-  
cuns delibera de fortifier Sauonne, & y faire le port, qui  
eust esté l'entree de la ruine de Genes: & des l'heure transpor-  
ta à Sauonne le commerce de la marchandise, & princi-  
palement la gabelle du sel qui estoit à Genes, luy fai-  
sans entendre que par ce moyen il tiendrait les Genes-  
nois en plus grande obeissance, mais ce fut bien le contrai-  
re: car eux desespererent de ladite nouualité, laquelle à la lon-  
gue seroit la ruine de leur ville, les principaux citadins  
vindrent deuers André Dorie, & luy remonstrent qu'il  
estoit en son pouuoir de remettre sa patrie en sa premie-  
re liberte, chose qu'il ne deuoit differer estant amateur  
du pais; auxquels ledit André Dorie feit response, Que ce  
qu'il pourroit faire pour son pais avec son honneur, il le  
feroit. Or sur ces malcontentemens, auint l'occasion cy  
dessus ditte des prisonniers qu'il retint: parquoy les ayant  
entre ses mains, delibera d'enuoyer vn gentilhomme  
deuers le Roy, pour luy supplier de luy faire raison de la  
rancon du prince d'Orange, & autres prisonniers prins  
quand & luy, & pareillement de l'estat de ses galieres qui  
luy estoit deu: & quelà où le Roy luy en feroit refus, il  
promist aux Genesnois de tenir la main à ce qu'ils fus-  
sent remis en liberte.

Le seigneur de Lautrec auerty de ceste pratique par  
le moyen du seigneur de Langey, de pescha ledit Lan-  
gey deuers le Roy, pour luy supplier d'y pourueoir: le-  
quel seigneur de Langey passant à Genes, pour la gran-  
de familiarité & habitude qu'il auoit audit André Do-  
rie, logea en son palais, où il trouua moyen d'entendre la  
volonte dudit André Dorie, & y feit telle diligence que  
ledit

ledit Dorie passeura que là où il plairoit au Roy luy faire raison de ses prisonniers, & remettre le trafic de la gabelle du sel à Gennes, & autres libertez qu'ils auoient accoustumé d'auoir tant de son temps que des Roys ses predecesseurs, il feroit avecques le peuple que pour seurcté de leur foy il liureroiét au Roy douze galleres entretenues à leurs despens, sur lesquelles il pourroit mettre tels capitaines & soldars que bon luy sembleroit, retenant seulement deux galleres pour la garde du port. Le seigneur de Langey vint en poite à Paris trouuer le Roy logé en la maison de Ville-roy : auquel il exposa ce qu'il auoit de charge de la part de monsieur de Lautrec, aussi ce que il auoit entendu de l'intention d'André Dorie, chose qui fut remise au conseil, où les demandes dudit André Dorie ne furent trouuées raisonnables, & mesmement par le Chancelier du Prat qui auoit grande autorité : & quelques remonstrances que feit ledit seigneur de Langey de l'apparence qu'il y auoit que mal contentant André Dorie, le hazard estoit tant de la perte de Gennes que de la ruine de nostre armée estoit deuant Naples, au cas que ledit André Dorie se reuoltast : estant le plus fort sur la mer & le plus riche en argent comptant, lequel fil se voyoit dedaigné exposerait tout son bien & sa vie pour s'en ressentir. Mais toutes choses debatues fut conclu de depescher le seigneur de Barbezieux pour aller à Gennes se saisir tant des galleres du Roy que de celles d'André Dorie, le faisant Amiral sur la mer de leuant, & destituât André Dorie, & fil veoit l'occasion, qu'il se faisisst de la personne dudit Dorie.

Les choses ne furent si secrettement ordonnées que ledit André Dorie n'en fust auerty, parquoy pour sa seurcté se retira sur ses galleres. Le seigneur de Barbezieux arriué à Gennes, alla parler à luy suivant le commandement que le Roy luy en auoit fait, lequel Dorie feit response qu'il scauoit bien qu'il auoit charge de se saisir de la personne & de ses galleres, mais que quât aux galleres

du Roy, il les luy remettroit entre les mains suivant le commandement que le Roy luy en faisoit, & quant aux siennes, il en feroit à sa volonté. Le marquis du Guast & autres prisonniers qui estoient entre ses mains, voyans ces troubles, secrettement acheuerent leur pratique: de sorte qu'ils eurent promesse de luy d'aller au seruice de l'Empereur, iuxte le concordat de ce faict & passé entre eux, promettans le faire ratifier à l'Empereur. Vray est qu'il déclara au seigneur de Barbezieux qu'il n'auoit intention autre, sinõ de seruir sa patrie: mais peu de temps apres fessant déclaré, donna tel refreschissement à ceux qui estoient dedans Naples, que sans son secours on les eult eus la corde au col par famine. Il me souuient qu'en ce temps là venant par les postes d'Italie deuers le Roy qui estoit à Paris, ie rencontray Antoine Doric cousin dudit André, au pont à Gailson pres Montargis, qui alloit en poste à Marceille, qui me dist les nouuelles de la reuolte de son cousin, le detestant cõme homme qui auoit faict acte d'infamie: mais peu de iours apres i'eueu nouuelles cõment ledit Antoine Doric auoit desrobé les galieres desquelles il auoit la charge du Roy, & qui n'estoient siennes, fessant rendu au seruice de l'Empereur.

Quelque  
secours du  
Roy a son  
armée de  
Naples.

PENDANT que ces choses se traittoient, le Roy estoit ordinairement sollicité par le seigneur de Lautrec de luy enuoyer secours, d'hõmes & d'argent: par ce que fessant mise la mortalité en son cãp, il en auoit beaucoup perdu. Parquoy le Roy auoit ordonné d'y enuoyer l'Amiral de Briõ, pour y mener le secours par mer & le faire Vice-roy de Naples, d'autant que le seigneur de Lautrec pourchassoit son retour en France, mais les choses se changerent ie ne sçay pour quelle occasion: car il y enuoya le prince de Nauarre, frere du Roy Henry de Nauarre, accompagné de peu des gens desquels la pluspart estoient ieunes gentilshommes y allans pour leur plaisir, & pour aquerir honneur. Aussi y fut conduit quelque argent, nõ en telle somme que monsieur de Lautrec esperoit: le quel  
prince



prince de Nauarre arriua à Nolle cōduit par le seigneur de Barbezieux, mais estant descendu en ladite ville de Nolle, il se trouua accompagné de si petit nombre de gens qu'il fut contraiect d'enuoyer en nostre camp querir escorte pour le conduire: & pour cest effect, monsieur de Lautrec y enuoya monsieur de Candalles, lequel passant par deuant Naples à son retour, conduisant ledit Prince de Nauarre, ceux de la ville firent vne saillie sur luy, telle & si gaillarde que nous y perdisime beaucoup de gens: & entre autres ledit seigneur de Candalles fut fort blessé, & mené prisonnier dedans Naples: mais estant racheté pour vn des leur pris audit combat, mourut de ces bleśeures dès qu'il fut en nostre camp: aussi y fut pris le Comte Hugues de Pepolo, lequel (comme i'ay dit) auoit eu la charge des bandes noires, par la mort du seigneur Horace Baillon, lequel aussi fut racheté pour vn Imperial pris des nostres à ladite faction, qui fut le premier lieu là où depuis dixhuiēt mois que le seigneur de Lautrec estoit party de France, les ennemis auoient combatu en combat esgal: si est-ce qu'estant sorty renfort de nostre camp, les ennemis furent repoussez iusques dans leurs barrieres. Durant ce temps le seigneur Rance de Cere, lequel depuis le retour de Sardaigne estoit tousiours tenu avecques l'armée des Venitiens, & du Duc de Milan en Lombardie, fut mandé par le Roy d'aller à Naples pour luy faire seruire, par-ce qu'il auoit le moyen de ce faire pour auoir la part Vrsine à son commandement: & à ceste fin ledit seigneur Rance alla à port Hercule, auquel lieu il trouua messire Nicolas du Bellay cheualier de Rhodes, lequel avecques deux gallions & quelque fusle qu'il auoit, embarqua ledit seigneur Rance & le descendit à Nolle en seureté.

Le seigneur  
Rance à Na-  
ples.

ARRIUE qu'il fut en nostre camp, il trouua la mortalité telle que les deux parts de l'armée estoient mortes ou malades: & entre autres de mors le Comte de Vaude-  
mort, le seigneur de Gruffy, & plusieurs autres capitaines.

Mortalité  
au camp de  
monsieur de  
Lautrec.

& le seigneur de Lautrec malade : toutesfois il despescha le dit seigneur Rance, pour aller à la Brusse leuer gens nouueaux pour refreschir nostre armée, delibérant ledit seigneur de Lautrec mourir sur le lieu plustost que se retirer vn pas : aussi luy viuant les ennemis n'entreprendrent iamais d'assaillir nostre cāp. Le seigneur Rance auoit charge de prédre argent en la Brusse pour soldoyer des hômes, mais il trouua des treforiers qui n'auoient vn liard par leur dire : parquoy fut cōtraint de se ioindre avecqs le seigneur Neapolitain fils du feu seigneur Iean Iourdan Vrlin, qui auoit leué des hommes pour le seruice du Roy à ses despens. Il fut dit que ceux qui auoient la charge pour le Roy en la Brusse auoient mangé les deniers, & mesmes la Foucaudiere, auquel le seigneur de Lautrec en auoit donné la charge : aussi estant de retour de Naples il en fut prisonnier, mais par le moyen d'Antoine du Prat Chancelier, il en eschappa. Vous auez ouy cy deuant comme le prince de Melphe auoit esté pris dans la ville de Melphe faisant bien son deuoir, aussi auoient esté pris la femme & ses enfans : ledit prince de Melphe auoit enuoyé par plusieurs fois deuers l'Empereur, le suppliāt de le secourir pour payer sa rancō, luy remonstrāt la perte qu'il auoit faicte de sa ville & de ses biens pour le seruice de sa majesté : mais voyant que l'Empereur n'en faisoit compte, fut contrainct de prendre le party du Roy, lequel le mist en liberté avec sa femme & les enfans. Parquoy ayant renuoyé à l'Empereur son serment, le seigneur de Lautrec le despelcha pour faire leuée de quelque nombre d'hommes, tāt de pied que de cheual pour aller assieger Gaiette, ce qu'il auoit faict, & la tenoit de pres. Durant ce temps de iour en autre à la veue de nostre armée de mer, André Dorie mettoit viures & refreschissement dedans Naples.

Le Roy auerty que le Duc de Brunchuig marchoit pour secourir Naples avec douze mille lansquenets, & bon nombre de caualerie, & desia estoit passé le pas de Trente : aussi auerty comme Antoine de Leue auoit repris Paue sur le Duc Sforce, & que les Imperiaux commandoient en toute la

Le prince  
de Melphe  
au seruice  
du Roy.

te la champagne, nonobstant l'armée des Venitiens & dudit Duc de Milan, depescha le Comte de S. Pol avec vne armée de cinq cens hommes d'armes & cinq cens cheuaux legers, sous la charge du seigneur de Boisy, & six mille hommes de pied sous la charge du seigneur de Lorges, & trois ou quatre mille lansquenets sous la charge du seigneur de Montian: & de la gendarmerie y auoit la compagnie dudit Comte de S. Pol de cent hommes d'armes, de monsieur de Chanubrians sous la charge du seigneur de Montian de cent autres, cent de la cōpagnie du grand seneschal de Normãdie, de laquelle estoit lieutenant le seigneur Dannebault: le seigneur d'Allegre cinquante hommes d'armes, & cinquante de monsieur de Boisy.

Le Roy feit commandement audit seigneur Comte de saint Pol qu'au cas que ledit Duc de Brunchuig marcheroit à Naples pour la secourir, qu'il se meist à sa queue, & se vint ioindre avecques monsieur de Lautrec: mais passant les montagnes, ledit Comte de saint Pol eut nouuelle comme ledit Duc de Brunchuig par faulte de payment s'estoit retiré en Allemagne avecques ses lansquenets: parquoy il auertit l'armée des Venitiens, de laquelle estoit general François Marie de la Romiere, Duc d'Vrbain, pour se venir ioindre avec luy: & en l'attendant mit en son obeissance toutes les places que tenoient les Imperiaux entre le Pau & le Tesin iusques à Pauie, auquel lieu de Pauie se vint ioindre l'armée Venitienne: lesquels estans assemblez, conclurent d'assaillir la ville de Pauie, par ce qu'elle estoit d'importace: pour estre assise au milieu du Duché de Milã. Apres laquelle deliberation le Comte de saint Pol l'assiegea d'une part & le Duc d'Vrbain d'une autre. Antoine de Leue cuidant donner faueur aux assiegez se vint camper à Marignan: toutesfois cognoissant qu'il n'estoit suffisant pour nous cōbatre, & craignant pour sauuer l'un perdre tous les deux, se retira dedans Milan.

Le Comte de saint Pol & le Duc d'Vrbain apres auoir fait breche raisonnable, estans en dispute à qui toucheroit

Voyage de  
monsieur de  
S. Pol en I-  
talie.

Siege de  
monsieur de  
S. Pol deuant  
Pauie.

Prise d'as-  
saut de Pa-  
ule.

de donner l'assault, car les Venitiens disoient leur appartenir, les Frâcois au contraire : en fin fut arresté q̃ les deux chefs ietteroient le dez pour veoir a qui toucheroit le sort d'assailir le premier, la fortune toucha pour les Venitiens. Le Seigneur de Lorges voyant lesdits Venitiens trop longuement temporiser d'exécuter ce qu'ils auoient gagné au hazard, samusans à escarmoucher de loing à coups d'arquebouzades se ietta entre-eux & la breche; & donna droict à ladite breche: de sorte que deuant que les Venitiens eussent mis les armes au poing, la ville fut prise d'assault : auquel assault ledit seigneur de Lorges montant le premier auoit pris pres de luy le capitaine Florimond de Chailly & le seigneur de Grandzay pour estre à ses deux costez pour le fauoriser & soustenir là où besoing seroit, lesquels y furent tous deux tuez, aussi fut l'enfeigne qui marchoit deuant luy, mais soudain trois autres reprindrent leurs places, tellement qu'il forcea la breche. Le seigneur Petre de Birague & l'entre de Bourigeres estans chefs dedās la ville se retirerent au chasteau: lesquels deux iours apres se rendirent.

Les sei-  
gneurs qui  
moururent  
deuant Na-  
ples.

DURANT ce temps, enuiron la fin de Iuillet mille cinq cens vingt-huict la mortalité se renforça dans nostre cap deuant Naples, tellement qu'en moins de trête iours de vingt-cinq mille homes de pied n'en demoura pas quatre mille qui peussent mettre la main aux armes: & de huit cens homes d'armes n'en demoura pas cēt. Et mesmement y mourut le seigneur de Lautrec, le Comte de Vaudemort, le prince de Nauarre nouuellement arriué, le seigneur de Tournon & son frere, messire Claude d'Estāpes seigneur de la Ferté Nabert, le seigneur de Negrepeilisse, le seigneur de la Val de Dauphiné, le baron de Grantmōt, le seigneur de Gruffy, le seigneur de Moriac, le seigneur de Mondragon capitaine de l'artillerie, le seigneur du Croq, le seigneur de la Chasteigneraye, le seigneur de Candalle, le seigneur de Luppe, le seigneur de Cornillō, le seigneur de la Grutture, le seigneur de Mau-  
nourry.



nourry, le baron de Buzacés, l'aisné Iarnac, le seigneur de Bonniuet, le Côte Hugues de Pepolo, le baron de Côté, le Comte Wolt, & vn infiny nombre d'autres bons personnages & soldats, & de gentils hommes qui y estoient allez pour acquerir honneur & sans solde, & vne legion d'autres que ie laisle, par ce que ce papier ne scauroit suffire à les nômer. Si le Roy eut secouru ledit seigneur de Lautrec d'hommes & d'argent ainsi qu'il pouuoit faire il fut demeuré possesseur du Royaume de Naples: car nostre armée fut ruinée par faulte d'estre refreschie.

Le Roy ayât eu les nouuelles de la mort du seigneur de Lautrec, fil en fust fâché il n'est besoïng de le descrire, car vous pouuez estimer quel ennuy luy fut d'auoir perdu vn tel personnage, & pour luy faire l'honneur tel qui luy appartenoit, outre les honneurs qu'on a de coustume de faire aux lieutenans de Roy, luy fist faire son seruice à nostre Dame de Paris, où assisterēt tous les princes du sang en tel dueil que si c'eust esté pour monsieur le Dauphin.

Le seigneur de Lautrec mort, Michel Antoine Marquis de Salluces homme autant courageux, aimé & suivy des gens de guerre que nul autre, print charge de la conduite de ceste armée ruinée: parquoy ramassant le surplus de ceux qui pouuoient porter les armes, fut conseillé de leuer son siege de deuant Naples & se retirer à Auerse, attendant le secours que pourroit amener le seigneur Rance de Cere. Sur sa retraite l'armée Imperiale sortit sur la queue: mais il y meit si bon ordre qu'il se retira avec peu de perte de ce qui estoit avecques luy en son auantgarde. Or ayant laissé le seigneur Petre de Nauarre à la bataille en forme d'arrieregarde, fut ordonné le seigneur de Pôperant, le seigneur de Negrepelisse, & le seigneur Paule Camille Treuoulce tous trois capitaines de homes d'armes, des ordônances du Roy, ces deux dernieres troupes furēt rompues par ceux qui sortirēt de Naples, & fut mené Petre de Nauarre à Naples où il mourut.

Estant le marquis arriué au lieu de Auetse, quand & quand il fut assiégué des ennemis, où apres longue & fureule batterie, sur biesle d'un estelat poulse par l'artillerie qui luy rompit le genoil. Parquoy se voyant inutil & sa playe rengreger, chercha moyen de sauuer le reste des hommes qui estoient avecques luy, & feir la capitulation telle avecques le prince d'Orenge que sensuit.

Capitulatio  
du marquis  
de Saluces  
avec le prin-  
ce d'Orenge.

Premierement est accordé que le marquis de Saluces incontinant la presente capitulation signée rendra & mettra es mains du prince d'Orenge ou ceux qui par luy seront ordonnez, la cité & chasteau de Auetse, que pour ceste heure il occupe & detient au nom du Roy, avec toute l'artillerie, munitions, viures, & autres biens qui sont dedans ladite cité & chasteau.

Item est accordé que ledit seigneur Marquis comme lieutenant general du Roy, & le Comte Guy de Rangon demoureront prisonniers dudit seigneur Prince, avec promesse de les bien traiter iusques à ce qu'ils soient en liberté ou autrement.

Item est accordé que tous les capitaines & gens de guerre qui sont en ladite cité, tant à cheual qu'à pied, hommes d'armes, archers, chevaux legers tant Francois qu'Italiés, lansquenets, Suisses & autres soldats de quelque nation que ils soient estans à ladite ville au seruice du Roy, doivent laisser en la puissance du dit seigneur Prince toutes les enseignes, guidons, & banderolles, & toutes leurs armes. Et est accordé par ledit seigneur Prince, que tous les capitaines, lieutenans, enseignes, guidons, gens d'armes, & chevaux legers pourront amener quand & eux trois mœurs, comme courtaulx, roussinors, & mulles ainsi qu'ils verront pour le meilleur: scauoir est l'un des trois, & chacun capitaine lieutenant ou enseignes de gens de pied, pourront amener un courtaulx ou mulle.

Item est accordé que les ges de guerre Italiés ne seront aucun seruice de six mois prochains venans pour le Roy ny ses aliez, ny autres contre l'Empereur: mais se retireront en leurs

leurs maisons, ou bien en autre lieu ou bõ leur semblera. Et les Fräcois, Gascõs, Suisses, & autres soldats, gës de guerre, capitaines enseignes, tant de cheual que de pied estans en ladite citë fen iront en leurs maisons sans auenement farrester en quelquelieu que ce soit.

ITEM est accordé, & ainsi le promet ledit seigneur Marquis, qu'il fera tout son effort de faire rendre & mettre entre les mains dudit seigneur prince, ou à ses deputez, toutes les places & villes fortes, tant du pais de Callabre, de la Brusse, qu'autre terre de Labour & de la Pouille: & aussi toutes les terres du royaume de Naples qui se trouuerõt en la puissâce du Roy, celle des Venitiës ou autres alliez, & de remettre tout le Royaume en la puissâce dudit Prince, comme il estoit alors que le seigneur de Lautrec le vint assaillir. Et sentend que tous les capitaines & soldats qui sont aux fortes places & prouinces iouiront des graces desquelles iouissent ceux qui sont dans ladite citë d'Auerse: aussi promet ledit Prince au dit Marquis de faire accompagner lesdits capitaine & soldats avecques seurere & bonne sauuegarde, sans leur faire aucune violence ny fascherie, iusques aux limites du royaume, & de là en auant ne sera plus obligé.

LESQUELLES capitulations lesdits Prince & Marquis ont promis & promettent sur leur foy obseruer & garder & n'y point contreuenir en maniere que ce soit: & en verité de ce ont affermé & signé de leurs mains, & fait sceller du seel de leurs armes, fait au camp Imperial deuant Auerse le trentiesme d'Aoust mille cinq cens vingt-huict.

LES choses ainsi passées, le Marquis fut porté dans vne litiere à Naples, où peu apres il mourut: aussi fut le seigneur Do, & le cheualier Nicolas du Bellay. Ce fut vne perte grande de la mort de ce gëtil Prince, car c'estoit vn autant vertueux Prince qui ayt eüst de son temps, & autant aymé des soldats & gens de guerre: dedans Auerse mourut de maladie le seigneur de Pomperant gentil

Mort du  
Marquis de  
Salluces &  
autres sei-  
gneur en  
Naples,

capitaine, Vne partie des nostres qui auoient santé se retirèrent à la Brusle, pour trouuer le seigneur Rence & le Prince de Melphe, lesquels festoient ioincts ensemble & festoient retirez dās Barelette, & autres villes maritimes: lesquelles ils garderēt iusques à ce que par le traité de Cambray elles furent remises entre les mains de l'Empereur. Autres se retirèrent le chemin de Romme, desquels peu se retirèrent iusques en France, pour la poutreté qu'ils endurent par les chemins durant tous ces voyages, tant du marquis de Saluces que de mōsieur de Lautrec, que du Côte de S. Pol. Il y auoit bonne patience entre les pais de Picardie, & les bas pais de l'Empereur, & toutes leurs frontieres de par de ca: hors mis quelque rourure qui auint Phyuier d'apres le partement du seigneur de Lautrec, qui ne dura que sept ou huit mois que tourne fust rappaissé. Autres se retirerēt sui nor galleres: le seigneur de Burie, & le Baron de Grantmôr, aussi ceux qui estoient dedās le fort de Balque ayās tousiours gardé leurs fors, quelques iours apres n'ayans espoir de secours, & cōmençans à auoir faim, capitulerent, de sorte qu'ils sortirēt avecques les armes: mais ledit Barō peu de iours apres mourut du trauail qu'il auoit porté.

Il a y oublié à vous dire que le Comte Guy de Rango estoit fortty au cāp Imperial pour parlementer, mais estant sur son partement, ceux de dedans firent la composition cy deuant ditte sans en auertir ledit Comte: parquoy il maintint qu'il n'estoit compris en la capitulation, & fut mis en liberté par le iugemēt des capitaines. Le seigneur de Barbezieux apres auoir recueilly ce que il en peut charger, fait voile, & sen alla ioindre avec les galleres Venitiennes pour aller rencontrer André Doria, qui estoit ietté en mer pour destroussier les Francois retourmans de Naples. Mais ayant descouuert nostre armée qui estoit ioincte à celle des Venitiens, & ne se sentant suffisant pour les combattre se retira pres du chasteau de Pisse d'Isque: auquel lieu nostre armée le tint assiégué deux



deux iours sans oser attaquer, pour le lieu auantageux où il estoit, estant deffendu du chasteau.

COGNOISSANT le seigneur de Barbezieux & aussi le general de l'armée Venitienne que c'estoit temps perdu de cuider combattre ledit André Dorie, veul le lieu fort où il estoit surgy à la garde de l'artillerie du chasteau, firent voile pour tirer le chemin de France: mais les Venitiens estans en mer abandonnerent nostre armée, & se retirèrent en leurs ports. André Dorie sentant l'armée séparée, feit voile & se mit à la suite de noz galeres, lesquelles estans arriuées à Gennes, & senrans que André Dorie estoit à leur suite, abandonnerent le port de Gennes, & prindrent la route de Sauonne. Mais ils furent suivis de si pres, que la patronne du capitaine Ionas fut inuestie & prise par les ennemis: & de la mesme entreprise ledit seigneur André Dorie reuolta Gennes & s'en feit seigneur & maistre: quelques autres nauires où estoit le seigneur de Termes, & le fils aîné du seigneur de Sercu & autres, pensans se retirer à la Calabre furent pris des Turcs. Telle fut la fin de ceste armée tât superbe laquelle xxviij. mois durans auoit commandé à route l'Italie, la Romaine, & le Royaume de Naples. Et ne pouuant estre vaincue par les hommes, Dieu y mist la main, pour monstrier qu'à luy seul appartient l'honneur & la gloire des victoires.

LES habitans de Capoue deffaillans de leur foy, sachans que le seigneur Rance de Cere marchoit avecques viij. ou dix enseignes des gens du seigneur Neapolin Vrsin fils du seigneur Iean Iourdan, pour se mettre dedés Capoue & donner faueur à nostre camp, aussi sachant la mort du seigneur de Lautrec, aduertirent le seigneur Fabrice Maramault qu'il eust à marcher avecques quelque nōbre de gēs de pied & de cheual, pour ce mettre en embuscade pres la ville, en lieu à propos, & ils metteroiēt peine de le faire maistre de leur ville, & d'en expulser les Francois, ce qu'il feit. Les Capouans ayans dressé

Prise de la  
ville de Gē-  
nes par An-  
dré Dorie.

leur trahison, vindrent persuader aux Francois qu'il estoit behoing de faire vne saillie pour mettre du bestial dedans la ville & autres viures auant que la necessité y vint, & qu'il auoit moyen de ce faire. Les Francois: voyans qu'il y auoit grande apparance à leur dire, sortirent, mais voulans rentrer trouuerent les portes fermées, & que les Capouians auoient mis par l'autre porte le seigneur Fabrice dedans: parquoy chacun regarda a se retirer au lieu qui luy sembla plus à propos pour sa sauueté. Nolle & les autres villes feirent le semblable, car ils mirent les ennemis dedans, voyans la ruine tourner sur nous.

Le Comte de saint Pol auerty de la reuolte de Gennes, esperant par diligence la pouuoir recourir partit du Duché de Milan avecques trois mille hommes de pied, & quelque caualerie pour les soutenir: & marcha droict à Gennes avecques promesse d'aucuns de la luy faire surprendre: mais ayant failly son entreprise & noz gens repoussez de Passaule de la ville, fut contrainct de se retirer, par-ce qu'il n'auoit mené artillerie ny porté viures que pour vingt-quatre heures: puis se voyant estre desia bien auant en l'hyuer, & son armée fort trauaillée, se retira en Alexandrie pour hyuerner. Pendant ce temps le leigneur Theodore Treuoulse par faute de viures fut contrainct de rendre le chasteau de Gennes, sortans luy & ses hommes leurs bagues sauues.

Redditiō du  
chasteau de  
Gennes.

Les Genneuois ayans le chasteau entre leurs mains, mercherent à Sauonne, dont estoit gouuerneur le commandeur de Moxette: laquelle ville peu de iours apres il rendit entre les mains desdicts Genneuois: non sans en estre fort blasmé, par ce que le Côte de saint Pol marchoit en toute diligence pour luy donner secours. Estant doneques Sauonne entre les mains des Genneuois, raserent la forteresse & gasterent le port, pour auoir meilleur moyen de la tenir en subiection. Le Comte de S. Pol ayant tousiours deuant les

Prise de Sa-  
uonne.

Succes de  
monfieur de  
S. Pol.

yeux la perte de Gennes, cherchoit tous les moyens à luy possibles de la pouuoir recourir: parquoy estant aduerty que ladite ville estoit mal pourueue d'hommes, & mesmes que le

que le plus du temps le seigneur André Dorie se tenoit en vn sien palais hors la ville, depescha le seigneur de Montecian avecques vne troupe d'hommes pour aller assaillir ladicte ville: & cependant vn capitaine Italien nommé Valsferque avecques vne autre troupe deuoit aller surprendre ledict André Dorie dedás son palais hors la ville: mais ils furēt si mal guidez, que le iour les surprint auant que d'arriver audict lieu: à ceste cause ayans failli à lvue & l'autre entreprise, se retirerent sans perte & sans gaing en Alexandria.

Peu de temps apres, estant venue la primeuere, le Comte de saint Pol avecques si peu d'hommes qui luy estoient restez ( parce que la plus grande part festoyent retirez en France pour l'hyuer & les maladies ) se ietta en campagne, & marcha droict à Morterre: laquelle ville il print de force, & tailla en pieces tout ce qui estoit dedans. Le Comte Philippe Tourniel de ce aduerti, abandonna Noare, & se retira à Milan, parquoy le Comte de S. Pol remist en son obeissance la dicte ville & toutes les dependances d'icelle.

Le Duc d'Vrbain auerty que nostre armée estoit en campagne, avecques l'armée Venitienne dont il estoit chef passa la riuere d'Adde, & se vint ioindre à Marignan avecques nostre armée, aussi firent ceux de la part du Duc Sforce.

Estās les armées assembles audict lieu de Marignan, cognoissāns n'estre suffisans pour assaillir Milā: mesmes que la gendarmerie Francoise qui festoit retiree l'hyuer en Frāce, n'estoit encores de retour, & qu'il estoit entré dedans Milan trois mille Espagnols de renfort, fut conclud que l'armée Venitienne se retireroit à Cassan, l'armée des Francois à Biegras, & celle du Duc à Pauie, afin que chacun de son costé mist peine d'empescher de mener viures en la ville de Milan, laquelle en ce faisant en peu de temps seroit affamée, par ce qu'à dix mille és enuirs il n'y auoit rien labouré. Suiuant ladicte conclusion les Venitiens se retererent à Cassan, & le Duc à Pauie & à Vigeue. Mais le Côte de S. Pol ayāt tousiours les affaires de Gēnes en fantasie changea

d'opinion: car laissant le chemin de Biegras, print le chemin de Landrian, qui est à douze mille de Milan, & y arriva le samedi: mais toute la nuit il feut vne pluie si extreme, que la riuere qui est fort petite, deuint si grosse qu'il n'y eut ordre de faire passer l'artillerie: parquoy on fut contrainct de sejourner le Dimanche, auquel iour Antoine de Leue estant auerty de ce faict, partit de Milan sur le soir: & avecques toutes les forces vint planter son armée pres de la nostre deuant le iour, sans que noz gens en eussent la cognoissance.

Le Comte Hannibal de Lainuolare ayant charge de deux cens chevaux legers, & le capitaine Piton avecques pareille charge auoit este ordonnez pour recognoistre les chemins venans de Milan, & entēdre si de la part de l'ennemy rien se remuoit: lesquels trouuerent la peste de l'armée Imperialle, mais ils ne la suivirent, ny avertirent les nostres: & à ce qu'on dit par ialousie l'un de l'autre, prindrent autre chemin qui ne leur estoit commandé. Qui fut la ruine de nostre armée: car le Comte de S. Pol se reposant sur lesdits quatre cens chevaux legiers, n'y auoit autrement pourueu.

Le lundy matin estant la riuere retirée de sorte que on pouuoit passer, monsieur de saint Pol feut passer l'artillerie & tout le bagage & carriage pour marcher droit à Paue, se reposant sur ledit Comte Hannibal & Piton (comme dit est) estimant le pais estre biē descouuert, mais sur la fin du passage vne piece d'artillerie demoura embourbée: parquoy mondit seigneur de saint Pol demoura luy. mesmes avec si peu de gendarmerie qu'il auoit, & enuiron xv. cens lansquenets sous la charge du capitaine Nicolas de Rustici, dit le Bosu: & commanda d'abatre vne maison pour auoir des cheurons pour mettre sous le rouage, & faire passer ladite piece. Mais estant embesongné pour cest effect, luy suruint vn affaire de plus grande importance, car à l'improuiste l'arquebuzerie Espagnolle fut sur ses bras: laquelle de prime abordée fut

Deffaitte  
de mōsieur  
de S. Pol.



dée fut par nostre gendarmerie rembarree dans le bataillon de leurs Allemans : mais se trouuant vn ruisseau profond entre les Frâcois & Espagnols, leur arquebouzerie se retira derriere le dit ruisseau, où y auoit vn pas de xxx. ou xl. pieds de large. Les lansquenets Francoiſ se firent reste, & de grande furie repousserent ce qui estoit passé le ruisseau: mais arriuez sur le bord furent fort fouillez de leur arquebouzerie qui estoit de là le canal, parquoy furent contraincts de se retirer hors du danger desdits arquebouziers. Le soir precedant auoit esté conclu que le Comte Guy de Ragon ayant charge de l'auangarde, dès le matin prendroit le chemin de Pauie: ce qu'il feit, de sorte qu'il neut cognoissance du cōbat qu'il ne fust à Pauie en seureté: aussi le Cōte Claude Ragon avec la troupe qu'il auoit sur la queue y fit bien son deuoir avec la troppe qu'il auoit avec luy: Jean Thomas de Galleras, & le Castellan de Laudes colonnels de gens de pied Italiens voyans le combat, par autre chemin se retirerēt à Pauie, laissant combattre ceux qui en auoient enuie. Ce temps pendāt quelque nōbre de leur cauallerie passa le canal, laquelle fut soustenue par si peu de gendarmerie que nous auions : où fut porté par terre messire Jean de Cambray guidon de monsieur le grand seneſchal de Normandie, & autres sept ou huit avecques luy & furent pris. Alors noz Allemans furent cōtrains de se retirer vers vne cassine, tenans bataille avecques mōsieur de S. Pol au mieux qu'il leur estoit possible pour la contraincte du lieu: mais tout en vn coup leur cauallerie ayant passé le pas avec vn gros bataillon d'Allemans, vint charger monsieur de S. Pol de telle furie qu'ils luy firent abandonner la cassine: & noz Allemans se voyans inuestis sans plus d'esperance de combat, se rendirent aux Allemans Imperiaux pour sauuer leur vie.

Le Comte de S. Pol & le seigneur d'Annebault avecques si peu de gendarmerie qui leur resta commencerent leur retraite, tousiours tournans visage: mais estans

retirerz iusques à vn quart de mille, trouuerent au deuant d'eux vn canal, lequelle seigneur d'Annebault passa: mais le Comte de saint Pol pour la foiblesse de son cheual demoura dedas, & là tout ce qui estoit demouré avecqz luy fut pris ou tué. Et entre autres ledit Côte de S. Pol, le seigneur Iean Hieronyme Castellan nouuellement venu de Naples, le Comte Claude Rangon furent pris & menez en vne cassine pres de là où estoit le seigneur Antoine de Leue. Le seigneur d'Annebault avecques si peu de gendarmerie qui auoit passé le canal avecques luy, tourna vers ladicte cassine par autre chemin, & donna alarme aux Imperiaux, pensant recouurer ledit Comte de S. Pol: mais voyans qu'il n'y auoit ordre, se retira à Pauie où estoit l'armée du Duc: & le seigneur Antoine se retira à Milan avecques ses prisonniers. Telle fut l'issue de ceste armée.

1529:  
Traité de  
Cambray  
pour le de-  
liuement de  
Messieurs  
les enfans.

PENDANT que ces affaires se passoient ainsi en Italie, Madame Louise mere du Roy, & Madame Marguerite tante paternelle de l'Empereur, traittoient ensemble pour faire vne paix generale entre les deux majestez: & auoient tant trauaillé pour cest effect, que le iour estoit prins de se trouuer elles deux à Cambray, avecques le conseil de l'Empereur & du Roy, auquel lieu ils se trouuerent enuiron la fin de May mille cinq cens trente. Estans doncques lesdites Princesses arriuées à Cambray, avecques tout pouuoir desdites majestez de conclurre vne paix finale. Apres auoir esté trois sepmaines ensemble, & plusieurs choses debatues tant d'un costé que d'autre, estans quelques fois les affaires prestes à conclurre, autrefois desespérées, en fin fut traitée vne paix: par laquelle fut dit que le Roy payeroit pour sa rancon a l'Empereur deux milliôs d'or: desquels en seroitourny douze mille escus alors que l'Empereur mettroit les enfans du Roy en France, & en liberté: & seroyent baillées pour quatre cens mille escus rachetables dedans vn temps, les terres que Madame Marie de Luxembourg mere du

L. Duc

Duc de Vendosme auoit en Flandres, Artois, Brabant, & Hainault: & aussi les terres qu'auoit dedans lesdits païs le Duc de Montpensier conuin germain dudit Duc de Vendosme. Et pour les autres quatre cens Mille escus restans desdits deux milliõs, le Roy deuoit acquitter l'Empereur de pareille somme enuers le Roy d'Angleterre: car ledit Empereur estoit obligé enuers iceluy Roy d'Angleterre en quatre cens mille escus, à cause de prest: pour seureté de laquelle somme l'Empereur estoit tenu de bailler audit Roy la ville de saint Omer & celle d'Aire en gage, chose qu'il n'auoit fournie. Et outre lesdits deux milliõs de rancon, le Roy deuoit acquitter l'Empereur enuers ledit Roy d'Angleterre de cinq cens mille escus: enquoy l'Empereur luy estoit redeuable pour l'indamnité du mariage d'entre ledit Empereur, & Madame Marie fille dudit Roy d'Angleterre, ayant depuis lesdites obligations prise en mariage la fille de Portugal, & laissé ladite Marie: car passant l'Empereur par Angleterre pour aller en Espagne, apres le trespas de Ferdinand Roy d'Aragon son grand pere, il auoit promis espouser ladite Madame Marie, & au cas de default deuoit payer audit Roy d'Angleterre cinq cens mille escus d'indamnité. Et outre par ce que le Roy Dom Philippe pere de l'Empereur passant en Angleterre pour aller en Espagne, auoit engagé au pere du Roy d'Angleterre pour cinquante mille escus, vne fleur de lys d'or enrichie de piereries, ou y auoit de la vraye croix, venant du bon Duc Philippe de Bourgogne, le Roy la deuoit degager & la rendre audit Empereur. Et deuoit le Roy quitter la souueraineté de Flandres & Artois, & espouser Madame Alconor sœur de l'Empereur: & au cas qu'il en vint enfant masle, il deuoit auoir le Duché de Bourgogne: & deuoit le Roy quitter à Madame Marguerite de Flandres ce qu'il auoit droit de prendre sur la seigneurie de Salins: & deuoit le Roy cõtenter les heritiers de feu mōsieur de Bourbon de sa succession encores qu'il l'eut confisqué. Les

traitez ainsi cōclus, fut pris iour de se trouuer au dixiesme de Mars subsequent à Bayōne & à Fontarabie, pour executer le contenu d'iceux : & quittoit le Roy ce qu'il pretendoit au Duché de Milan, & au Royaume de Naples. Ce qu'il ne pouuoit, par ce que desia c'estoit chose acquise aux enfans de France, par la succession de Madame Claude leur mere fille du Roy Louis douziesme Duc d'Orleans, duquel dependoit ladite succession de Milan, à cause de Madame Valentine son ayeulle.

Mōsieur de  
Langey en  
Angleterre  
pour le four  
niment de  
la rancon  
du Roy,

Ces choses ainsi accordées fut enuoyé le seigneur de Langey en Angleterre pour traiter avec le Roy d'Angleterre des neuf cens cinquante mille escus, tant pour les quatre cens mille escus, & pour les cinq cens mille escus de l'indamnité, & des cinquante mille escus pour la fleur de lys dōt le Roy estoit tenu d'acquitter l'Empereur envers ledit Roy d'Angleterre, chose qui fut malaisée à conduire, pour le mal contentement qu'auoit le Roy d'Angleterre pour n'auoir esté appelé ausdits traittez.

Or est-il, qu'alors ledit Roy d'Angleterre vouloit repudier Madame Catherine sa femme tante de l'Empereur & fille du Roy d'Espagne, disant (comme il estoit vray) qu'elle auoit premierement espousé son frere aîné, & que le Pape ne pouuoit dispenser vne femme d'auoir espousé les deux freres, mais estant empesché par l'Empereur & ses ministres, n'en pouuoit venir à bout. Qui fut cause qu'en fin il se ramodera du malcontentement qu'il auoit du Roy, esperant que par le moyen dudit seigneur de Langey, qui estoit fort fauorisé aux Vniuersitez tant de France, Italie, qu'Allemagne, il pourroit obtenir ce qu'il demandoit (ainsi qu'il feit tant à Paris que par les autres vniuersitez de France, aussi à Paue, Padoue, Bologne la grasse, & diuerses facultez) qui estoit de faire declarer par les Vniuersitez, que le Pape ne le pouuoit dispenser dudit mariage, comme estant de droit diuin. Parquoy pour venir à ses fins, accorda audit seigneur de Langey plus que le Roy ne demandoit, car les quatre  
cens

Liberalité  
du Roy de  
Angleterre.



cens mille escus, qui estoit l'une des principales sommes des deux millions qu'il falloit bailler comptant, il les presta au Roy à payer à cinq années, les cinq cens mille escus d'indamnité il les donna au Roy, & à son filliciel Héry Duc d'Orleans il donna la fleur de lys, qui estoit cinquante mille escus. Les choses ainsi accordées, le Roy de Angleterre enuoya quand & ledit seigneur Langey Maistre Briant gentil-homme de sa chambre, lequel apporta avec luy toutes les obligations, quittances, & autres pieces necessaires, & mesmes ladite fleur de lys, pour le tout fournir quand le temps en seroit.

Liberalité  
du Roy de  
Angleterre.

Le Roy estant asseuré du Roy d'Angleterre au commencement du mois de Feurier s'en alla à Blois pour acheminer toutes choses, à ce qu'au dixiesme de Mars lors en suiuant ses deputez se trouuassent à Bayonne, pour ues de ce qui leur estoit necessaire, & pour executer les choses traittées & accordées, esleut le seigneur de Montmorency grand maistre & mareschal de France, auquel il auoit toute fiance. Lequel ayant pris ceste charge, fachemina à Bordeaulx & à Bayonne, luy ayant le Roy donné tout pouuoir de faire & accorder comme fil y estoit en personne, & avecques luy l'Archeuesque de Bourges, qui fut fait Cardinal luy estant à Bayonne, & se nomma Cardinal de Tournon, & grand nombre de la noblesse de France, menant ledit seigneur de Montmorency quand & luy les douze cens mille escus que le Roy estoit tenu deliurer comptât. Arriué qu'il fut à Bordeaulx, aussi y arriua maistre Briant en poste, conduit par le seigneur Martin du Bellay frere du seigneur de Langey, par ce qu'iceluy seigneur de Langey estoit demouré pour le fait du Roy d'Angleterre cy deuant mentionné, pour ues de tout ce qui estoit necessaire à fournir de la part dudit Roy d'Angleterre.

Au dixiesme de Mars (ainsi qu'il estoit promis) arriua mondit-seigneur le grand maistre à Bayonne, aussi feit le Connestable de Castille à Fontarabie, & avecques luy

le seigneur du Prat cheualier de l'ordre de l'Empereur, a-  
 yans toute puissance de sa majesté. Estans tous arriuez au  
 lieu ardonné, conuindrent ensemble pour trouuer le moyē  
 de la forme de faire l'eschange de Messieurs les enfans a-  
 uueques l'argēt, en seureté d'une part & d'autre, car chacun  
 se desioit de son cōpagnon. En fin routes choses debatues,  
 fut conclu que les douze cens mille escus en la preſence des  
 gens à ce deputez de la part du Conneſtable de Chastille ſe-  
 roient nōbrez, & mis en des caſſes de boys, en chacune caſ-  
 ſe vingt-cinq mille escus, puis ſeroiēt emballées leſdites caſ-  
 ſes & ſcellées des ſeaux deſlits deputez, & pareillemēt des  
 deputez de la part de mōſieur le grād Maistre, & ſeroiēt leſ-  
 dits escus to<sup>9</sup> esprouez: & pour ceſt effect eſtoiēt venuz les  
 maistres des monnoyes d'Epagne & de France, qui fut cho-  
 ſe longue, de ſorte que cela dura pres de quatre mois. La  
 cauſe de ce long ſejour fut que le Chancelier du Prat ( le-  
 quel au traitté de Cambray auoit plus foreille de Madame  
 la Regente que nul autre ) perſuadé par quelques gens des  
 monnoyes meit en auant ( encores que les deputez de l'Em-  
 pereur fuſſent contents de prendre les escus marchans &  
 ayans cours ) pensant faire le prouffit du Roy qu'on miſt  
 leſdits escus au marc & à Paloy: de ſorte que les prenant à Pa-  
 loy & fondant leſdits escus, ſe trouuoit grand intereſt, ſi que  
 finablemēt pour demourer d'accord, fut baillé aux deputez  
 de l'Empereur quarante mille escus d'auantage pour les in-  
 terests de Paloy, ſur la ſomme de douze cens mille escus.

Il y a vne riuere venant des montagnes de Nauarre, qui  
 vient tomber en la mer paſſant tout au long des murailles  
 de Fontarabie: laquelle riuere ſepare la France d'auueques  
 la Biſquaye, & y reſtote la mer deux fois le iour: de là l'eau  
 eſt aſſiſe Fontarabie, deçà l'eau y a vn village Francois nō-  
 mé Andaye. Il fut ordonné qu'à mi-chemin de Fontarabie  
 & Andaye il ſeroit mis vn bac pareil de ceux qui ſeruent à  
 paſſer les cheuaux ſur les riuieres en France, lequel ſeroit  
 enfonſe en forme d'un ponton par deſſus: & par ce que la-  
 dite riuere quād la mer eſt reurée eſt ſi petite qu'elle ſe paſ-  
 ſe aſſiſement

Facon de la  
 deuurance  
 de Mes-  
 ſieurs.

se aisément à gué fut ordonné qu'à chacun coing dudit ponton seroit vn gros cable, & à chacun cable vn ancre: en sorte que flottant la mer elle leueroit ledit ponton iusques à la hauteur de l'eau, qui tiédroit ferme à cause desdits cables & ancrés: & y auroit au milieu dudit ponton vne barriere, à ce qu'arriuans les batteaux aux costez, les Francois passeroient d'un costé de la barriere, & les Espagnols de l'autre: & deuoit auoir mondi-seigneur grand Maistre partât de S. Iean de Luz pour venir audit lieu d'Andaye pour la seureté de son argent, quatre enseignes de gens de pied, & deux cés cheuaux: & le Conestable de Castille de là l'eau pareil nombre pour la garde de Messieurs, & seroit permis à monsieur le grand Maistre d'enuoyer six gentils-hommes Francois par tout le pais de Bisquaye & de Nauarre, pour cognoistre si aucune assemblée sy seroit: & deuoit auoir pareil nombre le Conestable de Castille en Frâce. Plus fut permis que les Francois pourroyent enuoyer librement courtiers en Espagne, & les Espagnols en France: & se deuoit faire le passage en la sorte que ie vous diray. Il deuoit auoir vne barque dedans laquelle seroyent mis les douze cens mille escus & la fleur de lys, avecques les obligations d'Angleterre au costé de deuers Andaye: & deuoit estre dedans le seigneur de Montmorency grand maistre de France, accompagné de douze gentils-hommes Francois, chacun la cappe, l'espée & le poingnard sans autres armes, & douze bateliers Francois tirans la rame: puis deuoit auoir vne autre barque Françoise à l'embouchement de la mer, & vne Espagnolle pour recognoistre chacun de sa part, si rien finnouoit du costé de la mer: & au dessus de la ruiere deuers Behaubie & sainte Marie, deuoit pareillement auoir deux batteaux pour pareille seureté de la venue de la ruiere. Puis deuoit auoir deuant Fontarabie vne barque de pareille grâdeur que celle où seroyent les douze cens mille escus: & dedans ladite barq deuoit auoir du fer, à raison de la pesânteur desdits douze cens mille escus, dans laquelle deuoient estre Messieurs les enfans, & le Conestable de Castille avecques douze gen-

tils-hommes Espagnols, ayans l'espée & le poingnard, & douze batteliers Espagnols aussi tirans la rame. Puis deuoit auoir autres deux batteaux, en l'un desquels deuoit auoir six gentils-hommes Francois & deux Espagnols, conduits par six batteliers Francois: lesquels gentils-hommes auoient la charge qu'à l'embarquement de deuers Fontarabie ils iroient visiter si les Espagnols auoient autres armes que celles qui auoient esté ordonnées, ou autre plus grand nombre d'hommes: & pareillement autre bateau auquel estoient six gentils hommes Espagnols & deux Francois, faisans pareil effect de nostre costé. Puis deuoit estre la Royne Aleonor en vne autre barque sur la main droite de Messieurs les enfans, accoupgné du Cardinal de Tournon, & de dix gentils-hommes Francois, & le seigneur du Prat avecques dix Espagnols: & en vne autre barque ioignante seroient les Dames de ladite Royne: puis y deuoit auoir deux gallions Francois, & deux Espagnols en mer, dont les Francois deuoient estre du costé saint Sebastien en Biscaye, & les Espagnols deuers S. Iean de Luz & Bayonne, pour veoir si de costé ou d'autre viendroient quelques autres nauires: & les batteliers qui conduiroient la Royne ne deuoient vauguer sinon à mesure que Messieurs vaugueroient. Et deuoit estre toute l'artillerie de Fontarabie demontée: & pour cest effect deuoit auoir deux gentils-hommes Francois dedans ladite ville.

Les choses ainsi concludues vint le iour que se deuoit faire ledit eschange (qui fut enuiron la fin de Iuing ou le commencement de Iuillet) monsieur le grand Maistre partit de S. Iean de Luz, qui est à deux lieues de Fontarabie, avec xxij. mullets portans xij. cens xl. mille escus en caisses: car il y auoit quarante mille escus pour la tare de Por, outre lesdits douze cens mille escus dont i'ay parlé: & partit ledit grand Maistre des minuit pour arriuer à Andaye au point du iour, par ce que la marée estoit du matin. Partât de saint Iean de Luz, iceluy grand  
maistre



maistre enuoya vn gentilhomme à Fontarabie auertir le Connestable Castille de son departement, à ce qu'il se tint prest de sa part : mais arriué que fut le gentil homme à Fontarabie trouuant encores le chasteau fermé, & le Connestable de Castille au liect, se retira au logis du seigneur du Prat qui n'estoit encores leué, auquel il dit l'occasion qui l'auoit là mené. Et ne trouuant moyen de parler audit Connestable, qu'il vouloit bien l'auertir que il eust à se preparer de sa part, comme auoit faict monsieur le grand Maistre de la sienne: mais ledit du Prast fist response, Que s'ils n'estoiēt venuz pour autre effect que pour auoir Messieurs les enfans, ils sen pouuoient bien retourner: car ils n'estoient deliberez de les rendre, parce que nous auions rōpu le traitté (à ce qu'il disoit) pour auoir arresté vn courrier à Bayonne : & que desia Messieurs qui estoient à la Rauterie auoient esté faicts retourner a Renary quatre lieuës en arriere. Le gentil homme retournant deuers mondit seigneur le grand Maistre, le trouua à mi-chemin de S. Jean de Luz & de Fontarabie, & luy feit entendre la depesche qu'il auoit eu dudit seigneur du Prat. Nonobstant ledit rapport, il delibera de marcher iusques sur la greue, pour se mettre en son deuoir : auquel lieu arriué qu'il fut, appella les deputez de la part du Connestable de Castille, leur demandant s'ils estoient satisfaits des choses qui estoient promises par le traitté. Lesdits deputez firent response, qu'ils se tenoient satisfaits, & qu'en tous lieux ils en porteroient tesmoignage.

Le v r response ouye, monsieur le grand Maistre depescha le seigneur de la Guishe, par-ce qu'il parloit Espagnol, lequel estoit gentilhomme de la chābre du Roy: auquel il comāda d'aller à Fontarabie, & declarer de la part dudit grand Maistre au Connestable de Castille, cōme il estoit là arriué pour fournir à tous les articles conuenus es traittez qu'ils auoient faicts ensemble : & qu'il le sommoit de sa part faire son deuoir, autrement il y

faisoit faulte, il estoit delibéré de l'appeller en lieu qu'il luy feroit cōseiller auoir failly de sa foy. Mais a l'heure le trouua vn des duputez dudit Connestable de Castille commandeur de S. Sacques, lequel pria mōdit-seigneur le grād Maistre de luy permettre alier à Fōtarabie parler audit Cōnestable, l'asseurant qu'ayant parlé à luy, il n'auoit besoing de luy faire tel mādement: ce que par ledit grād Maistre, de l'opinion des capitaines & gentils-hommes y estans, luy fut accordé. Parquoy ledit commandeur fēstant embarqué, feit telle diligence qu'à son retour il asseura monsieur le grand maistre, que deuant que la marée fut basse, Messieurs les enfans de France se trouueroient sur le bord de la greue deuers Fōtarabie, pour excuter les choses promises entre eux deux: & que dedans vne heure elles se pourroient paracheuer. Sur la parolle duquel monsieur le grand maistre feit descharger les mullets, & preparer toutes choses pour faire le passage: puis enuiron trois heures apres midy, messieurs arriuerent sur la greue deuers Fontarabie. Alors chacun se prepara selon l'ordōnance que l'ay dit par cy deuant: de sorte que le batteau où estoient Messieurs, arriué qu'il fut au pōron, sacrocha de plat contre ledit ponton, & celuy où estoit l'argent à l'autre costé, acrochans lesdits batteaux par les deux bouts au ponton. Puis estans deux gentilshommes sur ledit ponton, l'vn Francois, l'autre Espagnol, l'vn du costé de la barriere, l'autre de l'autre (& estoit le Francois, le seigneur de S. Pey Basque) l'Espagnol appella le Cōnestable de Castille, le Francois le grand maistre de France: lesquels ayans chacun deux batteleurs, passerent, scauoir est le grand Maistre dedans la barque de Messieurs, & le Connestable dedans la barque de l'argent: puis consecutiuement iusques à ce que tous les Francois furent dedans ladite barque où estoient Messieurs, & tous les Espagnols dedans celle où estoit l'argent. Ce fait, chacun feit force de gagner sa rive: mais ne sceurent faire si grande diligence, que quand monsieur le Dauphin, monsieur d'Orleans & la Royne Aleonor arriuerent à S. Jean de Luz, il ne fust nuit.

Ce faict, le seigneur de Montpesat fut despesché en poste pour en auertir le Roy qui estoit à Bordeaux: vous pouuez penser l'aise que receut le pere de veoir ses enfans en liberté. Ces nouuelles entendues, le Roy partit de Bordeaux pour aller au deuant de la Royne Alconor & de ses enfans: aussi firent le semblable Messieurs, & la Royne pour aller au deuant du Roy, & le vindrent rencontrer entre Rocquehor de Marcan & Captieux, en vne petite abbaye: auquel lieu, vne heure deuant le iour, mariage du le Roy & la Royne furent espousez. Puis ayant ladire Roy François Royne faict son entrée à Bordeaux, prindrent le chemin avec la roy par Congnac pour venir à Amboise & à Bloys, puis à S. ne Alconor: Germain en Laye: auquel lieu firent séjour, attendans les preparatifs, tant du couronnement de la Royne à S. Denis, que de son entrée à Paris. Lequel couronnement fut faict à saint Denis, & l'entrée faicte le Tournoy fut faict en la rue S. Antoine en grande magnificence (ainsi qu'il est accoustumé de faire aux autres Roynes) au mois de Mort de Mars milie cinq cens trente. En ce temps le Duc Maxi- Maximilia Milan Sforce, au parauant Duc de Milan (lequel apres Sforce. la iournée de Marignan auoit remis entre les mains du Roy le droit par luy pretendu au Duché de Milan) mourut à Paris.

D V R A N T ce temps l'Empereur ayant assurance du Succes des Roy, qui estoit celuy qui plus luy pouoit empescher affaires de ses desseings, delibera de se faire couronner: & pource l'Empereur faict cognoissant que du Pape il falloit qu'il print la couronne, chercha de le gagner. Ce dont l'Empereur vouloit rechercher le Pape, le Pape mesmes le rechercha: pour par son moyen auoir la raison des Florentins, & le venger de l'injure qu'ils luy auoient faicte durant qu'il estoit captif des Imperiaux: car ils auoient saccage tous les biens de ceux de la maison de Medicis dont il estoit le chef, & les auoient bannis de Florence avec tous leurs bien-vueillans & adherans: parquoy pour estre restitué à la patrie fait vn concordat par ambassadeurs avec l'Em-

Redintegra  
tiō de Fran-  
cois Sforce  
au Duché  
de Milan.

pereur. Par lequel il estoit dit, que là où ledit Emperent le voudroit fauoriser & secourir de son armée pour estre remis en sa patrie, il consentoit de luy bailler la couronne Imperiale, laquelle de son predecesseur il n'auoit iamais peu obtenir. Les choses ainsi accordées, l'Empereur sembarqua à Barcelonne, & vint descendre à Gennes, auquel lieu le vindrent congratuler les Legats du Pape: aus si feirent ceux de la plus grāde part des autres potentats d'Italie. De Gēnes l'Empereur vint à Plaisance, où le Duc Francisque Sforce voyant ses affaires mal-baster (car de nouveau il auoit perdu Paue) chercha par le moyen du Pape & des Venitiens d'estre remis en la seigneurie de ses predecesseurs: remontrant n'auoir fait faulte, & que la tyrannie du marquis de Pesquaire qui l'auoit spolié de son estat l'auoit contrainct de chercher moyen d'y rentrer. En fin estant l'Empereur à Boulogne la Grasse, par le moyen du Pape fut remis en son estat auecques quelques conditions appolées en l'investiture: & demeura entre les mains de l'Empereur le chasteau de Milan & le chasteau de Cremonne, iusques à ce que les conditions fussent accomplies. Aussi par apres l'Empereur pour plus grande seureté luy bailla en mariage la niepce fille du Roy de Dannemarc, qui estoit prisonnier & spolié de son Royaume.

Siege de  
Florēce par  
l'Empereur  
& le Pape.

L'Empereur ne se pouuoit resouldre de dresser son armée contre les Florentins, d'autāt que le Turc auec vne trespuissante armée estoit en campagne, monstrant vouloir assieger Viēne: à ceste occasion il craignoit auoir besoing de ses forces, pour secourir son frere le Roy Ferdinand, aussi pour garder ses pais. Mais estant à Boulogne eut nouuelles que le Turc selloit retiré de deuant Vienne auec perte & honte: parquoy accordā au Pape de faire marcher son armée deuant Elorēce, estant mal content d'eux pour auoir seruy les Francois contre luy au Royaume de Naples soubz la conduite du seigneur de Lautrec: mais couuroit son entreprise sur la restitu  
tion



tion de la case de Medicis en leur pristine authorité. Pour  
executer ladite entreprise ordonna messire Philebert de  
Chalon Prince d'Orenge, chef de son armée, luy man-  
dant se retirer de l'Apruise où il sejournoit son armée, luy  
mandant de prendre le chemin de la Tuscan: aussi man-  
da à Don Ferrant de Gonzague general de la cavallerie,  
& au marquis du Guast general de l'infanterie Espagnol-  
le de faire le semblable. Le siege fut assis deuant Floren-  
ce, lequel dura xj. mois continuels, durant lequel se feit  
de belles entreprises par les assiegez: & entre autres y fut  
tué ledit Prince d'Orenge chef de l'armée Imperiale, à  
une entreprise par luy faicte pour rompre un secours ve-  
nant aux assiegez. Dedans Florence estoit capitaine ge-  
neral le seigneur Malateste Baillon de la nation Perou-  
sine, & le seigneur Stephe Colonne de la nation Ro-  
maine: lesquelles y feirent tellement leur deuoir, qu'ils  
en sont à recommander. Autres ont escrit de ladite guer-  
re Tuscanne, parquoy ie m'en passeray à tant: aussi se  
n'est de la matiere dont i'ay delibéré traiter, mais  
de celle de ma patrie, & aussi de ceux qui  
en dependent, dont i'ay eu la  
cognoissance.

FIN DV TROISIESME

LIVRE.

c a

# QUATRIESME

## LIVRE DES MEMOIRES.

DE MESSIRE MARTIN  
du Bellay.

Discours sur  
la paix fai-  
cte avec  
l'Empereur.



Ous auez entendu cy denant comme c'estoient portées les affaires entre ces deux grâds Princes, de sorte qu'un chacū estimoit vne paix par toute la Chrestienté leur vie durant: mais ceux qui par longue experience auoient la cognoissance des choses de ce monde, pensoient à mon certain iugement que le Roy ne pouuoit autrement qu'il n'eust quelque ressentiment du traitement que l'Empereur luy auoit faict en la redemption de Messieurs les enfans. Car s'il feust seulement ranconné en deniers, c'estoit chose qui se pouuoit oublier en peu de temps. Mais veu les rigoureuses conditions qu'il auoit apposees audit traitté, comme de quitter la souueraineté des païs de Flandres & d'Artois, de toute ancienneté estans de la couronne de France: & aussi quitter le droict du Duché de Milan appartenant à ses enfans, & non à luy, & le droict du royaume de Naples & de Sicile, ne pouuoit que le Roy ou seldits enfans avec le temps ne sen ressentissent; pour auoir amoindry les bornes & limites de son Royaume. Or ainsi qu'ils penserent en auinir: car plusieurs qui mieux aymoiēt le trouble de la Chrestienté que le repos, mettoient en auant à l'Empereur que si le Roy auoit recouuert l'estat de Milan, iamais ne le laisseroit en repos en ces Royaumes de Naples & de Sicile. Parquoy à leur auis il estoit requis audit seigneur Empereur de forclorre au Roy toute esperance d'y retourner: ce qu'il pouuoit

pouoit faire en rendant iceluy Duché à Francisque Sforce, duquel il tireroit vne grosse somme de deniers : & qu'en ce faisant il contenteroit tous les potētats d'Italie lesquels aymeroient mieux à Mialn vn Duc egal ou moindie qu'eux, qu'vn Empereur ou Roy, duquel lapuissance leur fust suspecte. Et qu'à ce moyen il les attireroit tous à quelque ligue deffensiue pour ledit Sforce: enquoy il se fortifiroir de nouuelles alliances, & affoibliroit le Roy en les luy ostant. Autres luy mirent d'auantage en auant qu'estant le pais de Sauoye assis au passage de France en la Lombardie, il attireroit le Duc à sa deuotion & à ceste ligue : cela ieroit mettre vn grand obstacle & boulleuert au deuant du Roy, à ce que iamais il n'entreprint en Italie. Et pour ceste fin luy conseil loient de bailler à ce Duc la Comté d'Alt avecques ses appartenances, afin que d'icy en auant il eust particulier intereist és guerres de Lombardie. Aussi des Suisses & grisons luy fut parlé, pour les dissouldre par le moyen dudit Duc de Sauoye, de l'alliance & amitié du roy, & les tirer & conuer tir à la sienne: & par tous moyēs tascher à le denuer d'amis, & le mettre si bas qu'il n'euit moyen de se resouldre. Mesmes il auoit desia (comme i'ay dit en la fin du precedant liure) accordé par le moyen du Pape & des Venitiens avecques le Duc de Milan.

Et se firent tous ces discours deuant que l'Empereur passast de Barcelonne a Genes: & sur ceste occasion ledit Empereur faignant se laisser aller à la persuation du Pape & des Venitiens, mais a vray dire il l'auoit ya conclu en son serueau pour les raisons susdites, de restituer ledit Duché à Francisque Sforce: lesquelles remonstrances furent faictes tant & si longuement a l'Empereur, qu'il l'accorda de suiure ce train. De l'autre part a l'estour du Roy & de Messieurs ses enfans, y en auoit d'autres qui par occasiōs & opportunitiez leur remonstroient ceste indignite dont enuers eux vloit l'Empereur: en ayant mieux bailler vn tel estat que celuy de Milan és mains de Sforce, yllin de basse condition & d'vne ballarde, & lequel il auoit souuent dit & maintenu

publiquement luy auoir esté faulſeur de foy & traifſtre, qu'à luy qui eſtoit ſon beau frere, ou à Meſſieurs ſes enfans, auxquels il appartient ſi iuſtement. S'il peuſt retenu pour luy, bien de par Dieu: mais de le bailler à vn tel comme par meſpris & deſpit d'eux, c'eſtoit vne choſe intollerable. Et qui euſt auſſi penſé (diſoient ils) qu'un Duc de Sauoye euſt ſi auant contemnē les forces & autorité d'un Roy de Frāce, que d'accepter la Comté d'Aſſancien patrimoine de la maiſon d'Orleans? ſi contre l'Empereur on ne ſ'en peut venger, ou qu'on ne puiſſe le faire (obſtant les traittez) contre le Duc de Sauoye le peut on faire? car on a contre luy aſſez d'autres bonnes & iuſtes querelles. Et ſi l'Empereur entreprend de le ſouteſtenir, comme il eſt apparant qu'il le voudra faire, ne ſera il pas infracteur de paix? n'aura pas le Roy occaſion treſiuſte de repeter à l'encontre de luy Pobeyſſance & ſouueraineté de Flandrens & d'Artois? luy & Meſſieurs ſes enfans de recouurer l'eſtat de Milan? ils y ont tant d'intelligences, il y a tant de mal-contens qui les y appellent, les maulx que leur ont fait endurer les Eſpagnols y ont canonisé le nom des Francois, faut-il perdre l'occaſion que la fortune nous offre?

T E L S & ſemblables propos luy eſtoient tenus ſouuent, & tous autres qui peuuent eſmouuoir vn cœur vicié, pour ſe reſſentir d'un outrage & deldaing: le Roy ſe reſſentoit bien du dommage, plus encores du meſpris, & voyoit bien que ſil ne tenoit qu'à iuſte occaſion, il n'en pouuoit auoir faulte: car l'Empereur auoit dès les commencement contreuenu au traité, d'autant qu'il n'auoit rendus les officiers de Meſſieurs les Dauphin & Duc d'Orleans, leſquels iniuſtement il auoit mis en galeres par force, encores qu'il en euſt eſté ſommé par le Roy, en vertu d'iceluy traité de Cambray. D'auantage il n'ignoroit point les pratiques & menés qui ſe faiſoient par les gens de l'Empereur, du Roy Ferdinand ſon frere, & des Ducs de Sauoye & Sforce, pour diuertir les

Suſſes



Suiſſes & autres de ſon alliance & amitié, qui eſtoit directement contreuenu au traité. Mais il auoit deuant les yeux les maux auenuz en la Chreſtienté durant les guerres paſſées, & qui auientroient ſils retournoient à prendre les armes. A ceſte cauſe vouloit traiter par amitié, pour recouurer le ſien avecques le temps par le moyen de quelque argent: & pluſtoſt vouloit vſer d'amiable cōpoſition que de voye de la guerre, & pour ceſte occaſion enuoya le ſeigneur de Rabodanges deuers l'Empereur & la le Roy Ferdinand ſon frere, en ceſte opinion de chercher le chemin de plus eſtroitte alliance: & en ce eſtoit entretenue par la Royne Aleonor, laquelle comme femme de l'un, & ſœur de l'autre, & comme ſage & vertueuſe Princeſſe, n'obmettoit rien enuers l'un ny l'autre qui luy ſemblait eſtre requis à les entretenir en bonne paix, & confermer en plus grande amitié.

A ceſte cauſe eſtans le ſeigneur de Morette en Allemagne, ambassadeur de la part du Roy pres de l'Empereur. ladite Dame moyēna que le ſeigneur de Courbarō, vn des gētils-hōmes de la chambre de l'Empereur, & qui auoit eſté fort priuē de l'Archeduc Philippe ſon pere, fuſt enuoyé deuers le Roy eſtant lors à ſainct Germain en Laye, pour moyenner l'appointement des Genneuois avecques le Roy, à ce que le cōmerce & traffic de la marchandiſe leur fuſſent permis en France. Et ſoubs couleur de ceſte negotiation, eut charge ledit de Courbaron de ſ'addreſſer à ladite Dame, & de moyenner vne entreueuē de l'Empereur & du Roy, pour entr'eux-mêmes conclure de ces eſtroittes alliances (choſe que le Roy ne deſirant rien plus que bonne paix & oſter toute occaſion de rancūne ne trouua mauuiſe) Mais par-ce que ceſte pratique ſe dreſſoit avec la Royne, ne ſ'en voulut entremettre iuſques à ce que les choſes en fuſſent plus auant: & en laiſſa faire à ladite Dame & à madame la Duchefſe d'Angoulesme ſa mere, auxquelles en diuiſa ledit de Courbaron par pluſieurs fois, & ſi auant que la Roy-

Pratiques  
de la royne  
Aleonor  
pour faire  
entreuenir  
l'Empereur  
& le Roy.

ne sur les propos de luy, enuoya premierement le seigneur de Gôbes, & depuis Pescuyer Silly vers l'Empereur pour arrester le lieu & temps de ceste entreueüe.

L'EMPEREUR alors, soit qu'il eust mis ces propos en auant pour mettre en ialousie les aliez du Roy, ou pour crainte que les siens n'y entraissent, ou qu'il voulust en vn mesme tēps auoir pratique en diuers lieux, pour s'attacher a celle qui mieux feroit pour luy, enauertit le Cardinal Campeige lors estans Legat deuers le Roy, pour moyenner la reunion de l'Eglise, & la paix vniuerselle entre les Chrestiens. Puis en escriuit lettres au Pape, l'assurant par icelles que quelques pratiques qu'il eust avecques le Roy, que toutesfois il ne feroit rien pour luy, & que sa saincteté n'en deuoit entrer en ialousie ny en souspeçon. Le saint Pere (ce nonobstant) ne folsant trop fier en ceste assurance, enuoya vers le Roy, se doloir & plaider que sans son sceu & communication telles pratiques se demenassent: de quoy ledit seigneur s'excusa, remonstrant que ladite pratique n'estoit encores si auant qu'elle meritaist d'estre communiquée legieremēt avecques la saincteté, deuant qu'il y eust aucun fondement: car c'estoit chose tant seulement mise en auant aux dames par l'Empereur. Et de faict fist le Roy cesser icelle pratique, & ne peut autrement imaginer sinon que l'Empereur eust mis les propos en auant, afin de tirer de luy chose qui mist tous les aliez en souspeçon, & les fist ietter en les bras: ne voulut toutesfois en prendre ouuerte diuision avecques luy. Mais de la cassation & rouverte d'iceux propos, enuoya par le seigneur de la Pommeraye s'excuser audit seigneur Empereur, sur le trespas alors interuenü de feu Madame sa mere, laquelle auoit avec la Royne manié la dite pratique: les meurs, conditions, & vertus de laquelle dame, & le grand regret que elle a laissé d'elle, me semblent estre chose trop prolix, si ie vouloy amuser ma plume à les raconter.

ESTANT le seigneur de la Pommeraye arriué deuers l'Empereur,

1531.  
Mort de  
Madame la  
Regente.

l'Empereur, ledit seigneur luy declara pour dire au Roy cōment il s'en alloit en Germanie dresser vne armée contre le Turc, qui se prepaioit de faire nouvelle descente en Autriche: priant le Roy que ce pendant il voulsist demeurer son amy. Ce que le Roy non seulement luy accorda, mais le fist prier de faire vne assemblée des Princes & Potentats Chrestliés. pour auiser de faire & dresser vne armée à communs frais, pour resister à l'entreprise dudit ennemy de nostre foy. Et ceste mesme requeste & offre le Roy fist faire à nostre S. Pere par l'Eueque d'Auxerre de Tainteuille son ambassadeur deuers sa saincteté: lequel S. Pere fist à scauoir au Roy qu'il enuoyast pouuoir à son ambassadeur d'en communiquer & traiter avec les autres ambassadeurs des Princes & Potentats Chrestiens. A quoy obtint l'edit seigneur, & y enuoya le Duc de Albanie avec ample pouuoir, y offrant non seulement ses forces, mais sa propre personne.

EN Germanie à l'autre voyage auquel auoit esté l'Empereur, il auoit beaucoup promis de choses aux Princes & autres estats de l'Empire, lesquelles ils pretendoient ne leur auoir esté obseruées & tenus par sa majesté, combien qu'elles concernassent grandement les droicts, priuileges & libertez du saint Empire. Aussi tendoit iceluy Empereur à contraindre lesdits Princes & autres estats de l'Empire, qu'ils receussent le Roy Ferdinand son frere à Roy des Romains, approuuans l'election faicte de luy contre & au preiudice de la Bulle dorée & obseruances anciennes dudit saint Empire, dont y auoit plusieurs d'entre eux tresmal contens. Et de faict le Duc Iean electeur de Saxoigne, le Duc Iean Federic son fils, les Ducs Guillaume & Louis de Bauiere Lansgraue Philippe de Hes, & autres Princes firent entr'eux aucunes assemblées & parlemens, & mesmement vn traité pour la conseruation & deffence de tous les droicts, priuileges & libertez du saint Empire, & par plusieurs fois auoient enuoyé deuers le Roy le requerrir d'y vouloir

Discours  
sur les an-  
ciennes al-  
liances &  
traictez a-  
vec les Al-  
lemans.

entrer en vertu d'une ancienne ligue & alliance, qui a esté inuolablement obseruée de fort long temps entre l'Empire & la couronne de France. A quoy ledit seigneur auoit tousiours respondu en termes generaux, & enuoyé deuers eux vn Docteur Alleman nommé Geruais Wain, pour entretenir iceux Princes en son amitié: sans toutesfois faire ou promettre particulièrement aucune chose qui peust contreuenir aux traitez qu'il auoit avecques l'Empereur.

Et sur le poinct que ledit seigneur Empereur auoit de fresche memoire descouuert au Pape les propos de l'entreueüe cy dessus mentionnée, & que le Roy auoit occasion de penser & prestere Poreille a ce que plusieurs luy auoient dit souuent: c'est assauoir que ledit Empereur ne tendoit qu'à l'entretenir le bec en Peau de toutes choses, ce pendant qu'il se fortifieroit d'amis & d'alliances & l'en discommoder à son pouuoir, retournerent deuers luy les messagiers d'iceux Princes, avecques amplex instructions signées de leurs seings, & scellées de leurs seaulx, & luy apportèrent vn double autentique de leur traitté: afin qu'il vist & cogneust leur intention n'estre pour inuasion quelconque, mais seulement pour la tution de l'Empire: à laquelle il estoit obligé par leur ancienne alliance, sans generally ny particulièrement deroguer par la teneur d'icelle aux traitez faicts avecques l'Empereur. Luy remonstrâs au surplus comme s'ils estoient par luy abandonnez, ils seroient contraincts ou de hazarder leurs estats en euidentz perils, ou d'entièrement se soubmettre au vouloir & intention de l'Empereur: lequel apparemment ne tendoit à autre fin qu'à les assubiectir & rēdre l'Empire hereditaire à sa maison & n'estoient aucuns d'iceux sans crainte que ledit seigneur Empereur soubz vmbre & couleur de ceste armée contre le Turc ne conuertist contre eux les forces mesmes qu'ils luy bailloient pour fayder contre l'ennemy commun de nostre religion. Finablement tant luy fut  
dit



dit & persuadé, qu'il se delibera d'enuoyer deuers eux hō me bien instruit & informé de son vouloir & intention, & avecques ceste promesse furēt les messagers reuoyez. Lesquels arriuez en Germanie ne furent negligents de renouueller ceste requeste, & par plusieurs iteratiues lettres hastter le Roy d'executer la promesse, d'autant plus que desia l'Empereur auerty de leur alliance & traitté, se hasttoit de venir à Ratisbonne, tenant propos & vsant de menassēs à leur desauantage.

Le Roy qui en toutes choses vouloit vser de communication avecques le Roy d'Angleterre son bon frere & perpetuel alié dès le commencement des susdites pratiques auoit enuoyé deuers luy ambassadeurs pour resider aupres de luy, & luy faire entendre les requestes & offies d'iceux Princes de l'Empire, & sur ce luy demander conseil & auis: cōment ils pourroient eux deux ensemble y entrer sans rōupture & infraction des traittez qu'ils auoient avecques ledit Empereur. Le Roy de Angleterre ayant entendu ceste demande, auoit enuoyé l'Euesque d'Wincestre trouuer le Roy qui lors estoit à Vatteuille en Normandie, pour faire avecques luy quelque nouveau traitté: tendant par toutes les voyes à luy possibles à faire entrer le Roy en ligue offensive ou defensiue contre ledit Empereur, ce que ledit seigneur ne voulut accorder, voulāt tousiours obseruer sa foy promise. Biē estoit-il consentāt d'entrer en despense pour ayder les Princes de l'Empire à la conseruation & deffence de leurs biens, franchises, & libertez: & au seigneur de Liquerques ambassadeur de l'Empereur (lequel ayant eu nouuelles de ceste pratique, luy en estoit venu parler) ledit seigneur Roy auoit dit couuertement, que ses traittez il les garderoit inuiolablement avecques l'Empereur; mais de faire en faueur & pour le particulier bien d'iceluy chose quelconque outre le traitté, ledit seigneur Empereur luy en donnoit trop peu d'occasion, attendu le trop peu d'amitié qu'il trouuoit en luy, & la peine

Estroict alliance avec le roy d'Angleterre.

que ledit seigneur Empereur prenoit au contraire de luy  
 toilir & faire perdre tous ses amis & alliez.

L'Eueſque d'Winceſtre ce pendant print congè du Roy  
 ſans faire autre concludion, dont le Roy d'Angleterre ſon  
 maĩſtre qui auoit le cœur amèrement vlcéré contre l'Em-  
 pereur, pour les propos & menaces dont il vſoit contre luy,  
 print tel regret & deſplaiſir qu'il ſembloit en pluſieurs des  
 propos qu'il tint à l'ambaffadeur du Roy eſtant pres de luy,  
 qu'il le vouluſt eſloigner de l'amitié du Roy ſon frere. Pour  
 à quoy remedier ledit ambaffadeur le pria de luy bailler de  
 rechet ce qu'il demandoit par eſcrit, alleguant qu'il pou-  
 uoit eſtre que ledit Eueſque ne ſeſtoit pas bien faiçt enten-  
 dre: ce qui meut ledit Roy de luy bailler de nouveau les ar-  
 ticles du traitté qu'il entèdoit faire, & qu'il appelloit plus e-  
 ſtroĩtte alliance. Leſquels articles en grande partie rédoient  
 en ligue offenſiue, mais après auoir entendu les remõſtran-  
 ces de l'ambaffadeur, il fut content de les moderer, & iceux  
 moderez furent enuoyez au Roy par homme expres.

**Inſtruçtiõs  
 données à  
 Mõſieur de  
 Légey pour  
 aller en Al-  
 lemagne.**

Ce-pendant fut depeſché par le Roy vers les Princes d'Al-  
 lemagne meſſire Guillaume du Bellay ſeigneur de Langey  
 gentilhomme de ſa chambre, auquel il ordonna premie-  
 rement de l'excuser enuers eux, & declarer les cauſes du re-  
 tardement de ſa depeſche: interuenu non par negligence du  
 dit ſeigneur, ou fauite d'affection & bon vouloir à la deffen-  
 ce & conſeruatiõ des droicts, vs, & couſtumes dudit Empi-  
 re, mais pourautant qu'il auoit enuoyé deuers le Roy d'An-  
 gleterre ſon bon frere & Perpetuel allié, lequel monſtroit  
 affection & deſir de leur aider à ceſte entrepriſe. Et auoit en  
 uoyé deuers luy l'Eueſque d'Winceſtre qui auoit ſejourné  
 plus d'un mois avecques luy, & ſeroit depuis retourné vers  
 ſon dit maĩſtre, pour luy faire rapport de ſa negociation: af-  
 ſeurant à ſon partement que ſon maĩſtre ſourniroit à ſon  
 pouuoir quelque bonne ſomme de deniers, combien qu'il  
 ne fuſt encores reſolu de vouloir contribuer à icelle: mais  
 que pour n'apporter la dilatio & dõner occaſiõ auidits Prin-  
 ces de penneyer, & penſer que ledit ſeigneur fuſt refroidy  
 en

en cest affaire, il auoit bien voulu enuoyer ledit du Bellay deuers eux, tant pour purger ladite demeure, qu'aussi pour les asseurer en parole de Prince : que pour l'affection qu'il portoit à la conseruation des priuileges, vs, & coustumes dudit saint Empire, ils le trouueroient prest à leur secours: quand ores il aduendroît qu'il se trouuast seul à leur donner ayde, & que sondit frere (qu'il ne pensoit) ne fust aîlez à temps resblu de l'ayde qu'il luy voudroit faire.

Secondement il fut par le Roy ordonné audit du Bellay d'asseurer iceux Princes, que fil estoit ainsi que l'Empereur (enuers lequel il desiroit inuolablement obseruer & garder les alliances & traitez) qu'il auoit avec luy voullist, à cause de ladite conseruation des anciennes obseruances du saint Empire, se mettre en armes à l'encontre d'eux (ce qu'il ne pensoit qu'il deust auenir) en ce cas ledit seigneur n'estoit pas pour les abandonner, ains les ayder & secourir à son pouoir sans y riens espargner. Et pour ce que lesdits Princes auoyent requis par les ambassadeurs, iusques à quelle portio des frais il contribueroit à la guerre si elle auenoit, & quelle somme il consignerait preallablement à ce qu'ils ne fussent si tost surprins & opprimez, qu'il n'eust loisir d'y enuoyer secours de si loingtaine prouince, fust baillé tresample pouuoir audit du Bellay d'en traiter & accorder avecques eux. Mais avecques tresexpres commandement, que ces deniers ne fussent employez à l'offension ou inuasion d'aucuns ses confederéz, & mellemier de l'Empereur, mais seulement à la deffence & conseruation des droicts & priuileges du S. Empire, ou protection & deffence d'iceux : & qu'à ce faire & tenir il print bonne & seure obligation d'iceux Princes. Et quand au Duc d'Wurtemberg, ledit seigneur Roy de tresbon cœur s'emploiroit à luy faire tout le secours & plaisir, que sans contreuenir à ces traitez il pourroit faire. Au demourant fut donc charge audit ambassadeur de veoir & entendre, quels moyens y pourroit auoir de mettre vniou en Germanie, touchant le faict de la religion, & de remonstrer ausdits Princes & estats, comment pour ceste leur

diuision ils pourroient entrer en guerres intestines, & les mau'x & inconveniens qui en pourroient auenir, à eux particulièrement, & vniuersellement à toute la Chrestienté. Au lieu de Honnefleur fut despesché ledit du Bellay vers la mi-Mars, l'an mille cinq cens trente-vn : & enuiron la mi-Auril ensuiuant, arriua deuers iceux Princes de l'Empire.

**Ambassade  
de Hongrie  
& Empe-  
reur vers le  
Roy.**

Ce temps pendant arriuerēt deux ambassadeurs vers le Roy, l'un par le Roy Iean de Hongrie, qui fut le seigneur Hierome de Lasco principal homme de la cour, & l'autre par l'Empereur, qui fut le seigneur de Ballancon second sommelier du corps dudit seigneur. Celuy de Hongrie demandoit alliâces de mariage & secours d'argent pour subuenir aux necessitez de son royaume, qui par les guerres passées auoit esté grandement destruit, & les places demolies. Sur le premier article fut proposé le mariage de Madame Isabeau sœur du Roy de Navarre, sur le second luy fut accordée vne somme de deniers, par cōdition qu'elle ne fust employée à faire guerre ou inuasion contre aucun des confederez du Roy : & fut faicte grande instance audit de Lasco de remonstrer au Roy son maistre, qu'il se donnast de garde sur toutes choses, & quelques guerres qu'on luy fist, de n'inuader son ennemy avec le secours & ayde du Turc : obstat que fil le faisoit, ledit seigneur Roy seroit contrainct de prendre les armes contre luy, sans aucun esgard de leur alliance, pour obuier que le Turc ennemy de nostre foy n'enjambast sur la Chrestienté. Puis apres ledit Lasco portant la somme d'argēt promise, afin de la faire distribuer aux vsages & non autres qu'elle auoit esté ordōnée, fut enuoyé Antoine Macault Secretaire & valler de chambre du Roy, lequel depuis rapporta ladite somme.

BALLANCON de par l'Empereur feit entendre la grosse & puissante armée que le Taurc auoit amenée en Hongrie pour inuader le païs d'Autriche, ensemble les grands preparatifs que l'Empereur auoit faicts autan-



par mer que par terre, pour resister à ses entreprises : tellement que ledit seigneur Empereur n'auoit quant à la force aucune cause de le craindre ne doubter. Demandoit toutesfois au Roy qu'il luy voulust secourir de quelque bonne somme de deniers, d'un nombre de ses hommes d'armes, & de ses galleres qu'il auoit en la mer de Leuant. A quoy ledit seigneur respondit que quand aux deniers, l'Empereur auoit puis n'agueres eu de luy deux millions d'or qui luy deuoient suffire, & que au demeurant il n'estoit marchand ne banquier pour seulement fournir deniers, mais Prince Chrestien qui en vn tel affaire vouloit auoir sa part du danger, ou honneur, ou perte.

Quant à sa gendarmerie, c'estoit la force de son royaume, & que l'ayant perdue il demoureroit inutile à iamais faire entreprise honorable pour la Chrestienté, & au demourât en proye & à l'iniure de tous ses ennemis, parquoy ne la vouloit hazarder, mais il hazarderoit quand & quand sa personne, & l'accompagnant de tel nombre de gens de pied & d'artillerie à ce requise, que il ne la pourroit perdre sans faire grand dommage à son ennemy : & que nous estions sur la fin de l'esté, & que sa gendarmerie ne pourroit estre auant le fort del'hyuer en Autriche: parquoy elle seroit desconfite & rompue du chemin, du temps, & de malaise auant que veoir l'ennemy & sans faire seruice: ioinct qu'ayant l'Empereur assemblé vne telle force comme ledit Ballancon l'auoit magnifiée, il n'estoit mestier d'enuoyer secours en Germanie, mais plustost en Italie, où il n'y auoit aucun preparatif pour resister à autre armée du Turc que lō disoit y deuoir descendre, & pour en estre le Roy plus voisin que d'Autriche, son armée pourroit y arriuer plus à tēps, & qu'il offroit de la garder avecques cinquante mille cōbatās, & que l'Empereur soustint de sa part ceste premiere impetrasité du Turc en Germanie, & que luy de la siéne avecques l'ayde du Roy d'Angleterre son bon frere

& perpetuel allié seroit prest à l'esté ensuiuant d'aller en personne avecques les forces dessusdites, ou plus grandes, en quelque part qu'il seroit besoing : & quant à son armée de mer, il auoit grande cote es pays de Prouence & Languedoc subiette aux incursions des pirates qui lors estoient sur la mer à grosse puillance : parquoy il ne pouuoit honnestement prestier, & abandonner en proye seildits pays de Languedoc & Prouence : aux despens desquels ladicte armée estoit souldoyée. Telle fut la responce du Roy, laquelle rapporté à l'Empereur estant lors a Ratisbonne, la recita en plains estats de l'Empire, tendant par tous moyens à l'imprimer en mauuaise part aux oreilles des Princes & potentats de la Germanie : afin que par ce moyen il peult mettre ledit seigneur Roy en leur haine, comme ne tenans compte de leurs perils & dangers.

Quoy entendant ledit du Bellay ambassadeur du Roy deuers les Princes de l'Empire, & cognoissant apres auoir communiqué avec le seigneur de Veilly aussi ambassadeur du Roy deuers l'Empereur, le peu d'esperance qu'il auoit de bien asseurer la paix & amitié entre ledit seigneur & l'Empereur. Voyant aussi que pour la longueur & dissimulation dudit Empereur les Princes commençoient desia de branfler de peur qu'ils auoient d'estre surpris de luy & abandonnez du Roy, accorda les articles qui par les ambassadeurs d'iceux Princes luy auoient esté proposez, & entre-eux accordez au lieu de Cebeng es pays du Duc de Saxe, qui fut cause que le Duc Iean Federic de Saxe, qui ia estoit acheminé pour venir à Ratisbonne, se retira, & au lieu d'Estingnan es pays de Bauieres, se trouuerent tous lestdits ambassadeurs où ils accorderēt lestdits traittez, & confirmerent amitié entre le Roy & lestdits Princes & potentats.

Articles des  
traitez a-  
uec le Roy  
d'Angleter-  
re.

Durant qu'en Germanie se tenoit la diette Imperialle, le Roy qui auoit receu les articles du Roy d'Angleterre son bon frere, moderez ainsi que dit a esté, apres y auoir aiousté & diminué, les renuoya en Angleterre, avec pouuoir au seigneur de la Pommeraye son ambassadeur, pour traiter

& capituler selon iceux. Les principaux articles furent, que si l'un ou l'autre Roy estoit assaillly en son Royaume, le Roy de France seroit tenu d'ayder au Roy d'Angleterre du nombre de cinq cens hommes d'armes François, souldoyez toutesfois aux despens du Roy dudit pais & pour la deffence de ses mers depuis les Rads saint Mahe iusques au destroit de Callaiz, de douze nauites equippees & auitaillées à la raison, avecques trois mille hommes de guerre sur iceulx nauires. Et reciproquement seroit tenu & obligé le Roy d'Angleterre fournir de pareillequippage de nauires, en cas que le Roy de France fust assaillly en son royaume, & de luy enuoyer six milie Anglois, qui toutesfois seroyent souldoyez aux despens du Roy.

A V S S I par ledit traité fut accordé qu'incontinant apres que l'un ou l'autre seroit assaillly, seroyent tenus reciproquement d'arrester tous marchands subiects du Prince agresseur, lesquels pour lors se trouueroyent en leurs Royaumes: sauf routesfois à semordre par apres ledit Prince agresseur de rendre ceux de celuy desdits deux Princes qu'il auroit retenus en commençant la guerre: & en cas de reffus, seroient baillez tous les marchands ainsi retenus entre les mains du Prince assaillly, pour recouurer les siens & se recompenser de sa perte.

A V S S I que l'un ny l'autre Prince ne pourroit par cy apres faire traité ny alliance avecques aucun autre Prince, potentat, ou communauté, sans le sceu & associement l'un de l'autre. Lequel traité conclu de ceste sorte, ledit seigneur de la Pommeraye porta de par le Roy de Angleterre au Roy son maistre lors estant en Bretagne en la maison du Sire de Chasteau brian: ensemble luy porta la depesche de cinquante mille escus que ledit Roy d'Angleterre consentit de fournir & contribuer à la deffence & conseruation des droits & priuileges du saint Empire, avecques charge de moyenner enuers le Roy son maistre vne entreeue, pour ensemble traiter des

Retour de  
mōsieur de  
Langey &  
voyage en  
Angleterre.

Incorpora-  
tion du Du-  
ché de Bre-  
tagne à la  
courōne de  
France.

moyens de resister au Turc, au cas qu'il perseuerast d'en-  
uahir la Chrestienté, ce que ledit seigneur accorda tres-  
uolontiers. Et estant arriué sur cest accord le susdit sieur  
de Langey retournant de deuers les Princes dudit Empi-  
re, le Roy incontinant le renuoya deuers ledit Roy d'An-  
gleterre, pour luy communiquer le traité faict en Alle-  
magne, & luy compter au long tout le discours de sa ne-  
gociation.

ESTANT le Roy en Bretagne (comme dit est) fut ac-  
cordé par les estats d'iceluy païs de Brétagne, que François  
fils aîné du Roy, Dauphin de Viennois seroit recogneu  
pour Duc de Bretagne, à la charge que luy venant à re-  
gner, ledit Duché seroit reuny à la courōne, & que le fils  
aîné de France par cy apres porteroit le tiltre de Dau-  
phin de Viennois & Duc de Bretagne, & seroient mes-  
lées les armes de Bretagne auecques celles de France &  
de Dauphiné, & ainsi consecutiuelement aux autres qui  
viendroient à regner, au cas que ledit Dauphin mourust  
sans hoirs. Et par là fut aboly le traité faict par le ma-  
riage du Roy Charles huictiesme auecques Madame An-  
ne Duchesse de Bretagne aussi celuy du Roy Louis xij.  
de ce nom auec ladite Anne, & celuy du Roy Francois  
premier de ce nom pour lors regnant, auecques Madam-  
e Claude fille dudit Roy Louis douziesme, & de ladite  
Anne, & furent les choses emologuées auecques toute  
seureté pour l'aueuir.

ESTANT arriué ledit du Bel'ay en Angleterre auec  
ledit de la Pommeraye, par-ensemble ils accorderent a-  
uecques iceluy Roy d'Angleterre du iour, lieu, moyen,  
ordre, & ceremonie de ladite entreuë: dont pour con-  
clurre des ceremonies qui se deuoient faire, le Roy don-  
na la charge au seigneur de Monzmorency grand Mai-  
stre & mareschal de France, & le Roy d'Angleterre au  
Duc de Norfolc: pour toutes choses accorder ainsi que  
par cy deuant auoit faict ledit grand Maistre auecques  
le Cardinal d'York, quand il vint à Compiege, & que le-  
dit



dit grand Maistre alla en Angleterre, ainsi qu'il est recite au premier liure de ces memoires.

Les choses bien arrestees, arriva à Boulongne sur la mer le Roy d'Angleterre, environ le vingtiesme iour d'Octobre mille cinq cens trente deux, auquel lieu il fut receu par le Roy & messieurs les enfans: ou apres grâdes amitez, fraternitez & priuantez qui le pouuoient faire entre tels Princes à sa reception, furent le Roy & ledit Roy d'Angleterre logez tous deux dedans la maison Abbatiale dudit Boulogne, dôt la moitié fut departie pour le Roy, l'autre moitié pour le Roy d'Angleterre son bon frere. Auquel lieu le Roy donna son ordre de S. Michel au Duc de Norfolk, & au Duc de Suffolc, cōme aux deux estans plus pres de la personne dudit Roy d'Angleterre: aussi le dit Roy d'Angleterre dōna son ordre de la Jarretiere à messire Anne seigneur de Montmorency grand Maistre & mareschal de Frâce, & à messire Philippe Chabot seigneur de Brion Amiral de Frâce. Et apres que tous les festins & autres resiouissances furent paracheuees au dit lieu de Boulōgne, où festoiēt trouuez to<sup>s</sup> les Princes, Cardinaux, & grande partie des Prelats & noblesse de ce Royaume, aussi pareillement d'Angleterre, allerent les deux Roys de compagnie à Callaiz où se fait pareil reueuil au Roy, que celuy qui auoit esté faiet à Boulongne au Roy d'Angleterre, au grand contentement des Princes & de tous leurs subiets: & audit lieu de Callaiz fut passé du xxviij. iour dudit mois & an vn traitté entr'eux contenant en substance ce qui sensuit.

Que combien qu'ils ceussent fermement que les propos scaudaleux semez à l'encontre d'eux n'eussent lieu ne foy parmi les gens de bien, & qu'ils fussent tenus a tels qu'ils deuoiēt estre, c'est à scauoir bons zelateurs du biē & augmentatiō de la Chrestienté, de quoy pouuoient assez faire foy les offres souuent par eux faictes pour resister contre le Turc: toutesfois eux desirans de plus en plus dōner cognoissance parfaite de ceste leur volon-

1532.  
Entrenue  
des Roys de  
Frâce & de  
Angleterre

Chapitre  
de capitula  
tion entre  
lesdits deux  
Rois.

ré,& afin que les autres princes se peussent ioindre à eux , & regarder par vn mutuel consentement quel ayde chacun pourroit faire à ce saint euure,& pour doner ordre à pourueoir aux parties & confins plus prochains du danger d'iccluy Turc , au cas qu'il poursuuiſt ſon entrepriſe, ou en commencaſt vne nouuelle, ils leſtoient aſſemblez en intention d'en deliberer & conclurre.

Et nonobſtant qu'en ceſte leur aſſemblée leur fuſſent venues nouuelles de la retraite du Turc, eux neantmoins craignans que ſa retraite fuſt pour aucun nouveau deſſeing, attendu qu'il laiſſoit en Hongrie bonne partie de ſon armée, delibererent de mettre enſemble ( le cas auenant ) iuſques au nōbre de quatre vingts mille hommes, dont y en auroit dix mille de cheual avec l'artillerie requiſe pour ledit cāp, & de ne ſeparer ne deſioindre leurs forces ſans le conſentemēt l'un de l'autre. Enſemble fut accordé par iceluy traité qu'ils enuoiroient par deuers les potētats où ils auroient à paſſer fuſt en Italie , ou Germanie , ſelon l'occurrence, leur demander paſſage & viures en payant raiſonnablement.

Outre ledit traité le Roy d'Angleterre ſeit au Roy ſon frere grandes plaintes & doleances du tort qu'il maintenoit luy eſtre faiet par le Pape ſur la matiere de ſon diuorce : & meſmement qu'il vouloit le contraindre ou d'aller en perſonne à Romme, ou d'y enuoyer homme avecques procuration expreſſe pour couſter à droict. Choſe que ledit Roy maintenoit eſtre contre toute diſpoſition de droict, ſans aucun exemple du temps paſſé: mais au contraire que toutes les fois que pareils cas eſtoient auenus entre Princes ſouuerains, on leur auoit enuoyé iuges ſur les lieux: car d'un affaire tel & touchant ſi pres la conſcience , & dont il eſtoit beſoing que les parties parlaſſent par leur bouche, il n'eſt raiſonnable de le commettre à procureur: & d'aller vn Prince ſouuerain à Romme, laiſſant l'adminiſtration & regime de ſon pays il n'eſtoit raiſonnable. Encores ſe plaignoit il des griefs & exactions de l'Egliſe Rommaine ſur le clergé & peuple d'Angleterre, tédant à fin d'animer le Roy ſon frere  
contre

Je Pape & l'Eglise Rommaine : & le requist tresinstantment qu'eux deux ensemble enuoyassent ambassadeurs deuers le Pape, pour le sommer & appeller au concile, pour venir veoir les abus & grief qu'il faisoit aux Princes Chrestiens & leurs subiets, & iceux estre par ledit Concile reparez & reformez. Ce que ledit seigneur Roy ne voulut entierement reffuser : mais pour autant que ledit saint Pere luy auoit faict porter parole par le Cardinal de Grantmont de se trouuer ensemble à Nice ou en Auignon, apres que l'Empereur seroit de retour en Espagne, il requist le Roy son bon frere, qu'il fust content de sur-attendre. Et pour monstrier qu'il auoit bonne enuie, & volonte aussi de se plaindre, luy racôpta ses griefs & doleances, de ce que ledit S. pere l'auoit tenu en l'ogee dissimulation de quelques decimes, que ia au-parauant la sainteteré luy auoit accordé leuer sur le clergé de France, pour resister aux entreprisès du Turc.

Secondement pour les nouuelles & indeuies exactions dont festoient plaincts à luy ceux de l'Eglise Gallicane que lon faisoit à Romme, pour l'expedition des bulles, par lesquelles l'argent de son Royaume se vuidoit iournellement & se transportoit hors d'iceluy. Outre plus que le clergé sapauurilloit, & ne se faisoient les reparations des Eglises, ne les alimens & nourritures des pauvres ainsi qu'ils doiuent. Et pour plus clairement monstrier ce que dessus, ledit clargé mettoit en auant les annates excessiues qu'il couiét payer, esquelles n'y a aucune equalité. Et avecques ce plusieurs officiers nouueaux auoir esté creéz, qui sont payez sur l'expedition d'icelles bulles, outre ce que lon auoit accoustumé d'en payer le temps passé : lesquels offices quand ils viennent à vacquer, se vendent au prouffit dudit S. Pere, & se payent propines grosses aux huissiers, chambriers, protenotaires, leurs seruiteurs & vallets, les hortolans, & autres : & pour la restauration de l'Eglise des Apostres, grande somme de deniers, qui estoient toutesfois ordinairement emp'oyez à faire la guerre au Roy.

Et outre cela qu'il y a grande multiplication de bulles,

Plainctes du  
Roy d'An-  
gleterre &  
de Frâce sur  
les exactions  
de cour de  
Romme.

où il ne seroit besoing d'en auoir qu'une: & que plusieurs autres choses frustratoires se payent, ou n'y a raison ny apparence, de sorte que c'est (ce disoient-ils) vn vray engin & filet à prendre argent. D'autre part quil ne se pouloit prendre qu'une annuë du benefice qu'on imperroit: mais de present on la faict payer de tous les autres benefices qu'on imperre par dispense. Et quant aux compositions arbitraires qui se payent des dispenses que lon baille sur les cas prohibez de droit, elles sont excessiues & pernicieuses: & outre ce que dit est, la prorogation des six mois pour prendre possession à ceux qui ont des benefices par resignatiõ, estoit cause de cõmettre plusieurs faulcetez. ainsi qu'on auoit veu par experience.

Pour reparation desquels abus, le Roy auoit esté souuent requis de conuoyer vn Concile de l'Eglise Gallicane: ce que ledit seigneur auoit tousiours delayé de faire, attendant que le Pape mesmes y pourueust. Mais ayã n'aguères ledit seigneur tenu les estats du païs & Duché de Bretagne, luy auoient esté presentez les griefs & doléances du clergé d'icelluy pays, où il y auoit des choses si trescãdalenues, & tãt contraires & esloignées de l'honneur & charité qui doit estre en l'Eglise, quil ne seroit possible de plus: de sorte que ledit seigneur ne pouuoit bonnement croire que cela fast venu à la cognoissance de sa saincteté.

D'AVANTAGE auoit ledit seigneur autres grandes causes de se douloir: d'autant qu'avant esté la saincteté auertie du grand debuoir à quoy festoit mis iceluy seigneur, pour la protection & deffence de la Chrestienté, ledit S. Pere toutesfois auoit souffert & enduré ledit seigneur estre calomnié au contraire, sans quil ayt faict aucun semblant de faire entendre sa iustification: chose en laquelle ledit seigneur n'auroit esté negligẽt enuers ledit S. Pere, quand on l'a voulu charger à tort en aucune maniere. Se douloit aussi ledit seigneur que l'Euesque Verulan enuoye par le saint pere au pays des ligues, a-



uoit entierement fait ce qui luy estoit possible par menées & practiques secretes, & autrement, pour rompre la ligue & confederation que ceux dudit pays ont avecques luy, ce qui luy sembloit n'auoir merité enuers le S. siege Apostolicque, ny mesmement enuers sa saincteté, depuis son assomption à la dignité Papale : car en tout & par tout il festoit monstre enuers elle tresobeissant & deuot fils de l'Eglise. Toutesfois il luy sembloit bon auant qu'enuoyer les ambassadeurs ( ainsi qu'il auoit accordé au roy son bon frere, pour sommer le saint Pere de reparer les fautes que dessus ) y proceder par autre plus douce voye : veu que l'occasion & opportunité s'y adonnoient.

EN ce temps estant arriué l'Empereur à Gennes luy vint nouuelles, comme le Turc estoit descendu en Hongrie, & deliberoit de marcher iusques en Autriche, mais cela ne diuertit son entreprise d'Italie, & delibera de plus tost laisser ses pays & son frere en proye à l'ennemy: ainsi passa outre pour rencontrer le Pape pour parler ensemble, ainsi que par cy deuant j'ay parlé en autre article & de sa retraite. Le roy treschrestien qui scauoit assez le mauuais vouloir que luy portoit l'Empereur, & que pareillement le roy d'Angleterre son frere, qui pareillement le scauoit bien, ne luy en portoit moins à cause du diuors qu'il entendoit faire, pour lequel aussi le saint Pere estoit animé contre luy, de sorte qu'il pensoit que ces deux majestez assemblées facilement pourroient traiter quelque chose à son preiudice. A ceste cause delibererent que les Cardinaux de Tournon & de Granmôr, comme créatures dudit saint Pere, iroient deuers luy sous vmbre de l'accompagner à ceste veüe, lesquels pourroient aucunement obuier à ce que contre leurs dites majestez ne se feist quelque mauuaise conclusion, à tout le moins ( si elle se faisoit ) les en aduertir pour y estre par eux pourueu & donné ordre. Et leur donneroit commission de remonstrier audit saint Pere comme les créatures

Instructions tenues & obligées à luy : les torts, griefs & doléances données aux qu'ils auoient entendues, desdits princes d'iceux deux cardinaux Roys, & le mal contentement qu'ils auoient de la saincte de Tournô té : & comme ils auoient delibéré d'enuoyer vers luy am- & Grant- bassadeurs communs, pour le sommer de reparer iceux mont pour griefs, sinon, qu'ils y pouruoiroient de sorte que la sain- remonstret été cognoistroit qu'eux deux ensemble n'estoient à au Pape, mespriser. A ceste causé remonstteroient & persuaderoièr

par tous les moyens dont ils se pourroient auiser à la sain- cteté, qu'elle deuoit tascher sur toutes choses de conten- ter lesdits seigneurs, & mesmement le Roy d'Angleter- re, l'affaire duquel luy estoit en recommandation autant que son propre. Luy remonstroient pareillement qu'il voulsist bien meurement & prudemment considerer de combien luy pouuoit ayder & seruir d'auoir pour amis deux tels Roys : & au contraire les entreteuans mal con- tens, quelle desfaueur se pouuoit estre à luy, & au S. sie- ge Apostolic : attendu mesmes qu'iceux deux Roys a- uoièr pris vne telle & si parfaite amitié ensemble, que l'on pouuoit tébir clairemēt & reputer pour chose seure que l'un & l'autre avecques tous & chacuns leurs affaires n'e- stoient qu'une mesme chose : au moins on ne pouuoit i- gnorer qu'ils ne fussent avecques toutes leurs amitez & alliances publiques & secrettes, pour faire & executer quād bon leur sembleroit de grandes choses : à quoy la saincteté deuoit biē auoir esgard, afin de ne les iuxter & induire d'eux mettre en chemin d'entreprendre aucune chose cōtre elle, dont luy en pourroient ensuiure vn gros dommage & regret perpetuel à l'auenir.

CAR où ils entreprendroient de demander vn Con- cile vniuersel (ayans la commodité d'en celebrer vn par- ticulier de leurs Royaumes, pais, terres, & seigneuries, & d'autres qui voudroient y adherer) & la saincteté ne l'ac- cordoit ou delayast, ils prenoient son delay pour reffus, & le fissent sans elle, facilement ils se pourroient iustifier de ce que dessus : en recitant leurs griefs aux autres Prin-

ces Chrestiens, lesquels se resentiroient de pareils griefs ou plus grands : & en auendroit qu'ils denierroient à leurs subiects d'estre si osez ny hardis que de porter ou enuoyer argent à Rôme, directement ou indirectement par lettres de banque, change, ou autrement sur telles peines qu'ils se feroient obeir. Disoient d'auantage iceux Cardinaux auoir entëdu du Roy tres Chrestien, qu'au cas que sa saincteté voudroit proceder par censures à l'encontre de luy & de son Royaume ( chose que ses predecesseurs n'ont iamais accoustumë de faire par le passé cõtre le de Roy Frãce ) & que ledit seigneur fust cõtrainct d'aller à Romme querir son absolution, iroit si bien accëpagné que sadite saincteté seroit trefaise de la luy accorder: adioustans iceux Cardinaux aux deslusdites remonstrances, qu'elle eust à considerer l'estat où sont les Allemagnes, le païs des ligues, & autres plusieurs païs de la Chrestienté, comme ils se sont disioincts de l'obeïssance de l'Eglise Romaine, dont il seroit a craindre, que si deux si puissans Roys sen destournoient à faulte de iustice ( comme ils pourroient dire & alleguer ) ils trouueroient plusieurs qui leur adhereroient: & eux deux ensemble avec leurs amitez ouuertes & secrettes ( comme dit est ) pourroyent faire vn tel effort, qu'il seroit bien difficile d'y resister: & au lieu de la paix qui est de present en la Chrestienté, se pourroit causer vne guerre plus grande que celle qui auoit eu lieu par le passé.

F V T outre plus apposé aux instructions desdits Cardinaux, quelà où ils trouueroient nostre saint pere en bonne disposition de moderer les choses, & principalement enuers le Roy d'Angleterre, ils luy mistent en auãt comme par auis, qu'il feist vne entreueue avecques le Roy Tres Chrestien à Nice ou en Auignõ, suiuant le propos cy deuant mentionne: & que ledit seigneur moyenneroit enuers le Roy son frere, pour sy trouuer pareillement, en laquelle veuë se pourroient toutes choses rabiller par bon & honneste moyen: laquelle assemblée il

seroit bõ de faire auât qu'iceux Roys eussent enuoyé faire ladite sommation, & que les choses fussent plus auant aigries. Telle fut la conclusion entre les Roys, & en fut par le Roy tres chrestien donné auis à l'Euesque d'Auxerre de Tinteuille son ambassadeur, comme lesdits Cardinaux se trouueroient à l'entreueue du Pape & de l'Empereur, pour là respondre en ce que mestier seroit de l'intention dudit seigneur: aussi leur fut expressement ordonné de faire ce pendant toute extreme instâce enuers ledit saint Pere, de vouloir donner au Roy d'Angleterre iuges en ses pais. Et ce faict prindrent les Roys congé l'un de l'autre à S. Iluert, entre Callaiz & Boulongne: où se feit la separation des deux seigneuries: iusques auquel lieu le Roy d'Angleterre estoit venu avec le Roy de France: & passa la mer avecques ledit Roy d'Angleterre, le seigneur de Montpesat gentilhomme de la chambre du Roy, afin de seruir d'Ambassadeur pour le Roy enuers ledit Roy d'Angleterre.

Accord de  
grosse deci-  
mes au Roy.

ESTANT le Roy de retour, alla passer son hyuer à Paris & aux enuirs, où il feit assembler vn bon nombre de Prelats de son royaume: ausquels il remõstra les grosses affaires qu'il auoit euz par le passé, l'apparence des affaires auenir, & la prouision qui estoit necessaire pour y obuier: leur demandant quelque volontaire subside pour y satisfaire. Ce que lesdits Prelats, encores que ledit seigneur n'en eust point de bulle ( chose qui est accoustumée d'auoir en pareil cas ) luy accorderent liberalement & iusques à deux ou trois decimes à son plaisir: & là eut nouuelles de l'Euesque d'Auxerre son ambassadeur à Rome, comment le Pape auerty de la deliberation des Cardinaux de Tournon & de Grantmont de venir assister à ceste veue, l'auoit trouuée tresbonne: & auoit requis que ils apportassent pouuoir du Roy pour y traiter selon les occurrances qui foffriroient pour le bien de la Chrestienté: dõt ledit seigneur auertit le Roy d'Angleterre son bon frere, pour entendre son vouloir, & filluy sembloit bon



bón d'y en enuoyer vn pareillement de sa part: à quoy il  
s'accorda, & en enuoyèrent tous deux chacun vn de pa-  
reille teneur & puissance.

L'AN mille cinq cens trente trois le quatriesme iour  
de lanuier arriuerent noz Cardinaux à Boulongne la  
grasse, où ia estoiet arriuez nostre S. Pere & l'Empereur:  
lequel Empereur entre autres choses principalement ré-  
doit à renouvellet, & en renouvellet declarer plus à son  
auantage & au delauantage du Roy la ligue auparauant  
faicte entre luy & les potentats d'Italie, voulant y com-  
prendre Gennes, sous couleur & espee, que le Roy par  
le traité de Câbray auoit quitté toute l'Italie, sous les-  
quel termes deuoit Gennes estre comprise: & remon-  
stroit audit saint Pere & autres potentats, que ledit sei-  
gneur Roy ne pretendoit la querelle de Gennes n'estre  
comprise en sa renouciation, sinon en intention de se re-  
seruer vne porte ouuerte pour y entrer, inquieter, & trou-  
bler tout le demourant: parquoy il estoit besoing pour  
en foreclorre entierement, faire declaration que ladite  
seigneurie de Gennes estoit comprise en la susdite li-  
gue, & par icelle receue en la protection dudit seigneur  
Empereur, & de tous les dessusdits potentats aliez &  
confederéz.

NOSTRES Pere qui auoit ia eu quelques nouuelles  
du malcontentement des deux Roy de France & d'An-  
gleterre: & n'auoit quasi aucun espoir d'estre fauorisé  
ny soutenu du Roy de France, & d'autre part se veoit  
pressé de l'Empereur vne fois par offres & douceur, au-  
tre par menasses & rigueur de consentir à ceste declara-  
tion de ligue, auoit presque resolu en sa deliberation de  
condescendre à la volôte dudit seigneur Empereur, & de  
se ietter entièrement entre ses bras, pour avecques luy  
courir vne mesme fortune, & alloit tant seulement vn  
peu temporisant & delayant, attendant veoir que luy ap-  
porterait la venue de ses Cardinaux.

Iceux Cardinaux quâd ils entendirent à leur arriuee

Traitez  
des Cardi-  
naux Tour-  
nō & Grant  
mont avec  
le Pape.

comment les affaires se portoient, & cōbien il estoit à craindre fils a'leguoient audit S. Pere tout le mal contentement des Roys, ils luy augmentassent son desespoir, & que l'Empereur au moyen de ce le fust precipiter en sa deuotion, & en faire à son apetit contre le Roy d'Angleterre, chose qui faigrift plus fort, & dont sensuiuit vn trouble de la Chrestienté, se deliberent d'entrer à l'execution de leurs instructions par le dernier article d'icelles: & au lieu de commencer par la voye de rigueur, & finir par douceur, ainsi qu'il leur estoit ordonné, prindrent le chemin du tout contraire, & commencerent à luy faire entendre comme desirans (ainli que de faict ils desiroient) le bien de luy & du siege Apostolicque: combien il deuoit tascher à entretenir le Roy tres-chrestien au bon vouloir qu'il auoit tant enuers sa sainteté, que au bien & repos d'Italie, & que ledit seigneur Roy, outre le bon office qu'il auoit faict, pour adoucir l'aigreur où il auoit trouué le Roy d'Angleterre son bon frere, enquoy il n'auoit peu profité (comme ils remettoient à luy dire par apres) & qu'incontinent qu'il auoit entendu la deliberation dudit S. Pere touchant la pacification & repos d'Italie, & que sa sainteté craignoit que ledit seigneur, à cause de la querelle qu'il pretendoit à la seigneurie de Genes, ne vint quelque fois à troubler ledit repos: il leur auoit donné charge, que là où il ne tiendrait à autre chose que le faict de ceste pacification ne fust bien & entierement effeuré, ils offrissent à sa sainteté, de soumettre au iugement d'icelle tous les differends & querelles qu'il auoit avec les Geneuois: & que toute la reseruation qu'il en faisoit, n'estoit que pour seulement chastier aucunes particulieres offenses d'iceux Geneuois, que la sainteté n'ignoroit.

A ceste cause qu'elle se deuoit bien garder de comprendre Genes en aucune ligue, en laquelle ladicte sainteté fust contrahente: pour autant que l'Empereur & le Roy par le traité de cambray festoient soumis aux censures Apostolicques, & auoient consenty que sa sainteté peust vser d'icelles à l'encontre de celuy qui premier contreuiendrait audit traité.

té:

té:enquoy gisoit cognoissance de cause, laquelle luy appartenoit. Parquoy la saincteté demoureroit iuge entre lesdits seigneurs, si auenoit que le Roy entreprenant quelque chose contre les Genneuois, l'Empereur voulust a ceste cause pretendre que ce fust enfreindre ledit traité: de laquelle cognoissance & du moyen de faire ce bien à la Chrestienté de la mettre en paix, la saincteté iugeant ce differend se priueroit & se feroit partie, s'elloignant de l'office & de uoir de Pape & pere commun en ligue ou les Genneuois fussent compris.

Offroient d'auantage iceux Cardinaux audit saint Pere, que si luy vouloit en ensuiuant la parole qu'autre fois il auoit fait porter au Roy de parlementer auecques luy à Nice, ou Auignon, ou autre part es enuiron, ledit seigneur sy trouueroit & le feroit iuge de tout le differend qu'il auoit auec lesdits Genneuois, & mettroit peine autant que luy seroit possible d'y faire aussi trouuer le Roy d'Angleterre son bon frere, ou personnage ayant de luy toute puissance de mettre fin à la difficulté de son diuorce. Priât iceux Cardinaux la saincteté de ne riens innouer ce-pendant contre le dit Roy d'Angleterre: plus luy offrir de par le Roy qu'à ladicte entreueue (si elle se faisoit) on pourroit cōclurre & mettre à execution certains propos autres fois mis en auant entre la saincteté d'une part, le Duc d'Albanie & le Cardinal de Grantmont d'autre au nom du Roy.

Toutes ces choses pleurent grandement au saint Pere, principalement par ce qu'il pouuoit encores esperer appuy du costé de France, & fut trelaïse d'auoir trouué ceste eschappatoire pour s'excuser enuers l'Empereur, qui tant le pressoit & incitoit d'entrer en ceste declaration & ampliation de ligue. Et fault entendre que les propos que ramenerent iceux Cardinaux au-parauant mis en auant par ledit saint Pere auecques les dessusdits Duc & Cardinal, estoient merueilleusement auantageux & honorables audit saint Pere, & à la grande exaltation & appuy de sa maison, laquelle il auoit en recommandation singuliere,

& tel estoient les propos que maintenās vous entendrez.

ESTANS le Duc d'Albanie (comme il est dit cy dessus) enuoyé vers nostre saint pere, pour avec les ambassadeurs des autres Princes & potentats Chrétiens traiter des choses concernans le bien & repos de la Chrétienté, & de la resistance contre le Turc, & autres ennemis d'icelle: apres que les ambassadeurs de l'Empereur & autres eurent declare n'auoir commission ny pouuoir de ce faire, ledit saint Pere ayant opportunité de parler & conferer priuement des affaires de sa niece la Duchesse d'Vrbain avec ledit Duc d'Albanie proche parent, & qui autrefois auoit espouie la tante maternelle de ladite Duchesse, entreut (entre autres propos) sur ceux qui autrefois auroient esté mis en auant par le pape Léon, & depuis reschis par sa sainteté, du mariage de monseigneur Héry alors Duc d'Orléans second fils de France avec ladite Duchesse: offrant le dit S. Pere au Duc d'Albanie d'accroistre le bien d'icele par cestuy mariage, faisant des seigneuries de Rheige, Modene, Rubiere, Vise, & Ligorne, & d'auantage de Parme & de Plaisance: sinon à meilleure condition, à tout le moins par eschange & recôpense d'autres terres. Outre laquelle donation ainsi par luy accordée, & apres que les dits d'Albanie & Cardinal eurent le consentement du Roy, & charge d'y consentir en son nom, dès le mois d'Auril l'an mille cinq cens trente vn, ledit S. pere promist de donner audit futur espoux l'ayde & secours qui entre eux seroit auisé, pour le recouurement de son estat de Milan, à luy appartenant: en partie à cause de Pinuestiture donnée au feu Roy Louis douzieme par le feu Empereur Maximilian, & pour autre partie luy appartenant par le transport & cession que luy en deuoient faire le Roy, & messeigneurs les Dauphin & Duc d'Angoulême ses autres enfans: aussi tout ayde & secours à sa dite niece future espouse pour le recouurement de son dit estat & Duché d'Vrbain. Et le ix. iour de Iuing ensuiuant sa sainteté fit la dite donatiō, par lettre signées de sa main

&

Du mariage de Henry second fils du Roy François.



& des lors cōme maintenant, promist de rechef sur sa foy deliurer au Roy lesdites villes & terres, aux termes qui le roient entre eux aduisez (la consommation du mariage prealable) & que pour le recouurement d'Vrbain il fourniroit à la moitié des frais, excepté de ceux de la gendarmerie du Roy: par-ce qu'elle estoit à sa souldo ordinaire.

Neantmoins ce pourparlé de mariage, si est-ce que le S. Pere n'osoit tenir pour assuré ny se persuader que le Roy luy voulust tant faire d'hōneur que d'entendre à la consommation d'iceluy, mais ceste cōfirmation de propos offerte de nouveau par iceux Cardinaux, dont l'un auoit esté à la premiere ouuerture qui en auoit esté faicte, le resiouit merueilleusement & le rassura qu'il ne se laissast du tout aller à la deuotiō & appetit de l'Empereur: ains accorda l'entreueue & parlemēt avecqs le Roy, auquel il en escriuit de sa main, priant toutesfois que la chose fust tenue secrette, iusques apres le partement de l'Empereur & que desia il peust estre arriué en Espagne. Et rassuré qu'il fut, noz Cardinaux au plus dextremēt qu'il fut possible, luy exposerēt le demeurāt de leur créace, & principalement de l'affaire du Roy d'Angleterre, pour lequel il auoient ordinairement recharge du Roy vne fois ou deux la sepmaine, avec expresse cōmission de ne s'employer moins aux affaires de luy qu'aux siens propres & particuliers, & mesmemēt qu'en ses propos ils ne traitassent n'y arrestassent rien de chose qui leur fust mise en auāt, sans le sceu, vouloir & consentement des ambassadeurs dudit Roy d'Angleterre, ausquels ambassadeurs iceux Cardinaux cōmuniquerēt tousiours, nō seulement ce qu'ils entē doiēt mettre en auāt, mais toutes les lettres qu'ils receuoient dudit seigneur Roy Tres-chrestien: lesquels ambassadeurs apres auoir cōsideré l'estat present des choses, surēt d'auis que pour lors on ne pouuoit moins faire pour le Roy leur maistre que de ne riens precipiter, & remettre le tout iusques apres le partement de l'Empereur, & ce pendant donner ordre seulement que le saint Pere ne

passist outre, au preiudice & grief de la cause de leur dit maistre.

QUELQUE iours apres la venue d'iceux Cardinaux, l'Empereur cogneut bien aux propos & contenance de nostre S<sup>r</sup> Pere qu'il estoit moins inclin à luy qu'auparavant, & se doubta bien d'où estoit cela procede. Car autrefois auoit il entendu quelque chose de ces propos de mariage, mesmement ledit sainct Pere les luy auoit fait declarer, & sur iceux demander son auis: & estimant toutesfois que la chose iamais ne vint a fin, ledit l'Empereur l'auoit grandement conforté d'y entendre. A ceste cause pour en scauoir la verité, & pour rompre le dessein du Roy, l'Empereur feit par les seigneurs de Cannes & Grantueile mettre en auant audit sainct Pere le mariage de ladite Duchesse d'Vrbinauec le Duc Francois Sforce, laquelle offre nostre sainct Pere monstra bien de la trouuer grande & le party bon, toutesfois il leur declara ouuertement l'autre party dont il estoit en propos: bien disoit il, qu'il le trouuoit si hault & si honorable pour sa maison, ayant esgard aux dignitez & degrez des maisons, que sans point de faulte il n'oïoit esperer tant de bien & d'honneur, mais puis que les propos en estoient si auant, qu'il ne pouuoit (ce nonobstant) sans offencer le Roy qui tant d'honneur luy presentoit, entendre aillieurs à quelconque autre party, si la rompture ne venoit premierement du coste dudit seigneur, ioinct que sa niepce auoit du bien en France iusques à v. ou vj. cens mille escus vaillant, qu'elle confisqueroit au Roy en prenant hors de son Royaume, party de mariage sans son consentement & congé.

A cela fut repliqué par les dessusdits Cannes & Grantueile que quant à la perte & confiscation du bien, l'Empereur auoit bon moyen de l'en recompenser. Car il luy bailleroit en contrechange de ce quelle auoit en France autant & plus vaillant au Duché de Milan pour estre propre d'elle & des siens, & dont il l'innestiroit des lors  
du, con.

du consentement d'iceluy Duc, lequel à ce tenir & observer inuolablement s'y obligeroit, & ses successeurs apres luy, par toutes obligations & seuretez que la saincteté demanderoit. Quât au mariage d'Orleans qu'ils ne vouloient ne pouuoient nier que ce party ne fust trop plus honorable & auantageux que l'autre, mais qu'il ne falloit que la saincteté en fust fondemêt, ne qu'elle esperait que le Roy en mist les propos en auant siu en intention de l'amuser, pour ce pèdant faire son prouffit de luy puis le quitter quand il auroit faict. Au demourant ils conseil loiet à la saincteté que pour sen esclarcir promptemêt, il demandast auidits Cardinaux s'ils auoient pouuoir de traiter d'iceluy mariage, & au cas qu'ils ne Peussent què c'estoit bien suffisant indice pour euidemment cognoistre l'intention du Roy estre telle qu'ils alleguoient. Ainsi qu'ils conseil lerent il fut faict, & a ce respondirent les Cardinaux que pouuoir & mandement auoient ils bien, mais par lettres missiues & verbalement, & non point sous les seings & seal dudit seigneur, toutesfoi ils offroient à la saincteté de l'enuoyer querir & de l'auoir en peu de iours signé & scellé.

L'EMPEREUR (neantmoins) continuoit ce pèdauè la poursuite de faire confermer declarer & amplifier ceste ligue, y comprenant l'estat de Genes, & nostre sainct Pere tousiours se couuroit de l'excuse deuant-ditte, que estant iuge accepté par les parties, il ne pouuoit ne deuoit se renger de l'un ny de l'autre collé. Le Duc d'Urbin comme ayant interest en l'affaire, print charge d'aller vers la seigneurie de Venise, de la part de l'Empereur, essayer s'il pourroit attirer les Venitiens à cest effect, mais il n'y peut riens obtenir, car les Venitiens declarerent absolument qu'ils n'y vouloient entrer plus auant qu'ils y estoient. Leurs ambassadeurs firent scauoir à noz Cardinaux que lesdits Venitiens auoient faict ceste response, ne voulans comme en rien offencer ny irriter le Roy, le sainct Pere & à l'Empereur ils alleguoient autre rai-

son, c'est à scauoir, qu'ils ne pouuoient faire sans irriter le Turc avecques lequel ils auoient trefue ou paix iurée, & cōtre lequel André Dorie auoit faict rigoureuse guerre, qui de sa nation estoit Genneuois, ainsi en diuers lieux ils se seruirent de diuerses raisons pour vne mesme responce & à mesmes propos. Le Duc de Ferrare y vouloit bien entrer voire en pressoit bien fort, esperant au moyen de ceste declaration faulseur des seigneuries de Rheige & Modene: & offroit à nostre saint Pere outre & par dessus la sentence donnée par l'Empereur en son conseil de luy payer cēt mille escus comptant: mais le S. Pere n'y voulut entendre ny consentir ny approuuer la dite sentence. Or auoit l'Empereur dès le commencement qu'il mist ceste declaration de ligue en auant, requis aux confederes & alliez, que tous ensemble fissent vne taxe entre eux pour contribuer à la soulde des gens de guerre, qu'il remonstroit estre requis d'entretenir en Italie, pour la seureté du repos & tranquillité d'icelle: à ce que surprise n'y fust faicte inopinément: laquelle soulde pouuoit monter à la somme de six vingt mille escus par chacun moys, & pour l'entretienement desdits gens de guerre, il demandoit expressement que lon consignast promptement le payement du premier moys entre les mains d'un banquier Genneuois, fondant ceste contribution & entretenemēt des gēs de guerre sur le danger des inuasions du Turc, & quant à sa part il ne vouloit estre subiect à laditte contribution, alleguant les grands frais & despense qu'il luy conuiendroit faire au cas que lon vint quelque fois à la guerre, ainsi qu'il estoit assez apparant & croyable, & tellement auoit ia persuadé que la chose valoit presque autant que conclue: mais depuis qu'il eut commence à faire si grande instance d'y comprendre l'estat de Genneues, il fut contrainct d'oster le masque & d'auouer que c'estoit seulement pour crainte du Roy, & proposà cōtre luy de grandes & griesmes plainctes, comme contre un turbateur ordinaire de

Confederation & contribution pour le repos d'Italie.



la paix & tranquillité publique.

SUR QUOY les Cardinaux Francois & Pambassadeurs du Roy ne faillirent de chaffauder & bastir des remonstrances à vn chacun a part, & puis à tous en general, en alleguant & deduisant par bonnes & viues raisons, comme la chose que demandoit l'Empereur estoit pour mettre le trouble & non le repos en Italie, & qu'indubitablement il ne rendoit à ceste poursuite, sinõ pour entretenir son armée en Italie aux despēs d'autry, prest à marcher contre le Roy à toutes occasions & opportunitiez sans y frayer vnescu du sien: quoy auenant il ne falloit point doubter que le Roy ayant ceste occasion de se tenir sur ses gardes n'entretint vne autre armée en la frontiere d'Italie sur le Marquisat de Saluces & sur ses pais de Dauphiné, de peur que l'Empereur à l'improuiste luy vint courir sus: enquoy il estoit grandement à craindre que deux armées né fussent lōg temps si prochaines sans que par la coulpe de l'vne ou de l'autre elles fattachassent ensemble, & que d'vne petite estincelle fallumast vn grand feu, au danger euidet de toute l'Italie. Ioinct que les potentats d'icelle auroient ce pendant entretenu à leurs despens vne armée laquelle parauanture seroit vn iour employée contre eux mesmes pour les opprimer & leur tollir la liberté: car ils pouuoient assez iuger & recueillir par la pratique oblique qu'il auoit faicte que les Geneuois entraissent en ceste ligue non comme Republicque & membre d'Italie, mais comme ses subiects particuliers, & par tant d'autres diuers & apparens indices que son intention aspirait entierement à reduire & remettre la totale monarchie en sa main.

Ces remonstrances leur toucherent si auant, & furent prises par eux de telle sorte qu'à la longue il fut arresté de ne faire point de consignation, mais que seulement chacun des confederez se quottiseroit à ce qu'il deueroit fournir auenāt la guerre en Italie, & bailleroit baques respondentes de sa taxe & quottisation: laquelle

contribution montoit de cent à vj. xx. mille escus par chacun mois en temps de guerre. Aussi fut arresté que l'Empereur osteroit son armée hors de Lombardie, afin de ne donner au Roy occasion d'en dresser vne autre sur la frontiere, & que seulement il laisseroit Antoine de Leue pour capitaine general de la ligue, & avec luy aucuns capitaines pour estre prests à leuer gës quād besoin en seroit: pour l'estat desquels capitaines general & capitaines particuliers, iceux confederes payeroient vingt cinq mille escus par chacun mois. L'Empereur apres ces choses ainsi conclues renuoya en Espagne trois mille hommes de l'aditte armée, autant ou enuiron à Naples, & au surplus il donna congé. Le Duc de Ferrare entra en ceste ligue moyennāt la suspensio pour dixhuiēt mois que luy accorda nostre S. Pere de ne riē entreprendre sur luy à cause des villes de Rheige & de Modene, sans toutesfois approuuer la desluidite sentence de l'Empereur: aussi y entrèrent les Genneuois, mais comme contrahans, & non comme subiects de l'Empereur, encores que derechef ils en fussent tresinstamment recherchez & sollicitez. L'ambassadeur des cinq cantons, lequel estoit allé demander au saint Pere & à l'Empereur ayde & secours, au cas que les autres cantons substraicts de l'obeissance de l'Eglise Romaine leur feussent guerre fut pareillement recherché d'entrer en ligue au nom de ses superieurs: à quoy il feit response de n'en auoir charge ny mandement.

Durant ce temps, & dès enuiron la mi-Feurier estoit arriué le pouuoir du Roy, adressant aux Cardinaux & à son ambassadeur, avec clause expres de traiter & conclurre le mariage du Duc d'Orleans avec la Duchesse d'Yrbin, dont l'Empereur se trouua moult esbahi, & n'eust iamais pensé (si comme il disoit à nostre saint Pere) que ledit seigneur Roy le deust enuoyer: parquoy il s'efforçoit de remonstrez & persuader à sa sainteté que le Roy ne l'auoit enuoyé sinon pour mine, & que sil pressoit les ambassadeurs de tirer auant & de conclurre le traité, ils n'y vouldroient aucune-

sent de ce faire, dont l'Empereur fut encores plus estonné par-ce qu'il se voyoit frustré de son intention d'attirer ledit saint Pere contre le Roy. Requist lors à sa sainteté qu'au moins elle ne traitast point sans y comprendre quatre articles, lesquels il disoit luy auoir esté par ledit S. Pere accordéz & promis d'y comprendre, alors qu'il luy conseilla d'entendre audit mariage, chose toutesfois dont ledit saint Pere n'yoit auoir iamais ouy parler. Le premier article estoit de faire enuers le Roy, qu'il promist de ne rien innouer en Italie: l'autre de faire qu'il reconfermast les traittez de Madrid & de Cambray: le tiers de prendre dudit seigneur assurance de consentir au Concile: le quart de faire obliger le Roy, & promettre que par le Roy d'Angleterre il ne seroit riens innoué plus auant qu'il auoit esté touchant le faict de son diuorce. A ce respondit nostre S. Pere, que le bien & honneur qui à sa maison estoit accordé par le Roy, en acceptant son alliance, estoient tels & si grands, que c'estoit audit seigneur, & non à luy d'y appoler & ordonner les conditions: bien offroit-il de l'employer en ce qu'il pourroit, & moyenner enuers ledit seigneur & tous autres, que toutes choses demourassent en bonne paix & repos.

Ceste incidente mention du Concile maintenant me semond & rappelle à reciter ce qu' auparauant en auoit esté propose. L'Empereur ayât promis aux Allemans de le faire conuoquer au dedans d'un an, auoit enuoyé vers nostre S. Pere le requerir de ce faire, & luy auoit enuoyé quelques articles de modificatiōs qu'il iugeoit estre bōnes & raisonnables à tenir en la conuocation d'iceluy: principalement pour la reformation des heretiques, s'condemēt pour resister aux inuasions du Turc, & tiercement pour assopir les diuisions d'entre les Princes & potentats de la Chrestienté. Nostre saint Pere apres auoir leu iceux articles, donna charge à un nombre de ses principaux conseilliers & gens de bon cauoir, que derechef ils les vissent & examinassent, & luy en repporassent leur auis: à ce que sur iceux il delibérast & concludt, ce qu'il luy sembleroit estre bon d'y respondre. Les-

Sur le faict  
du Concile  
vniuersel.

quels gens doctes & scauans luy en firent les remōstrances qui sensuiuent, & lesquelles nostre-dit saint Pere fit entendre à l'Empereur, premierement par la bouche de l'Archeuesque de Cortonne gouuerneur de Boulongne, & depuis par escrit à luy présenté par le Cardinal Campeige Legat, & par le protenotaire de Gambare son nonce & ambassadeur aupres de sa majesté Imperiale. Premierement sur le premier article qui estoit la reformation des heresies, il leur sembloit estre grandement à considerer, que faisant la congregation & Concile vniuersel expresslyment & particulierement à ceste fin, si on y admettoit les heretiques à disputer les opiniōs de long temps reprouuées par les saints Conciles, ce seroit chose de tres-mauuais exemple & apparence de dengier, qu'à l'auenir ils estimassent tousiours leur estre licite de reuoker en doute les choses resolues & determinées, & par long traict de temps & ancienne obseruation approuuées: de maniere que toutes choses & iusques aux articles de la foy, se pourroient iournellement disputer & mettre en controverse, & ne se pourroit faire certain fondemēt sur aucune doctrine, dont resulteroiēt nouuelles & infinies occasions de nouueaux erreurs, & innouition des anciens.

Si au contraire ils n'estoiēt admis à disputer leurs dites opinions, ils ne se voudroyent tenir pour conuaincus par la seule autorité du Concile, ains allegueroient qu'ils auoient esté condamnés sans estre ouys & piecement traitez que ne furent les Arriens & autres, lesquels eurent audience és congregations des Conciles anciens, pour y disputer ce qu'ils sentoient & entendoient de la foy: & avec telles & semblables doléances se departiroient du Concile sans attendre la determination & fin d'iceluy, & par icelles ils confermeroient en leurs erreurs & intelligences le peuple credule & adherant à eux. Secondement ils se sont opposez aux Conciles passez, & ont nié l'autorité d'iceux, commēt peult on espe-



rer que du futur ils se doiuent contenter: & fils veulent y contredire, quel scandale sera-ce en nostre temps, que la conuocation demeure infructueuse: si pour autre empeschement ou pour les inuasions du Turc, ou pour la diuision d'entre les Princes Chrestiens, ledit saint Pere & l'Empereur estoient sans moyen de pouuoir avecques armes executer la determination d'iceluy contre les rebelles & desobeissans? Tiercement qu'ayant tousiours esté grande l'obstination & pertinacité de tous les heretiques qui oncques furent, encores est plus celle de ceux de present: lesquels adherent (à ce qu'ils disent) à la lettre de la sainte escripture, en reiettant l'autorité des saints Conciles & l'interpretation des saints peres, qui par inspiration diuine ont esclarcy ce que par auenture la pure lettre bailloit douteux & ambigu: parquoy seroit à craindre que si les choses du Sacrement & de l'autorité de l'Eglise venoient à estre disputées, ils ne se voulussent iamais rendre vaincus: chose qui non seulement redroit la determination du Concile illusoire, mais scandaliserait grandement ceux qui auroient attendu plus grands effects d'iceluy. Quartement, que si comme lon a peu euidentement cognoistre: par-ce que lesdits heretiques ont proposé à la diete Imperiale à Ausbourg, ils ont demandé le Concile à la seule fin de perseuerer en leurs mauuaises opinions, iusques à la conuocation & determination d'iceluy, lequel (ainsi que bien ils cognoissent) ne peut apres qu'il sera indict estre assemblé en moindre espace de temps que d'un an ou plus, & pourra durer la congregation non seulement quelques mois, mais quelques années. l'édant lequel temps ils esperent que pourra suruenir des empeschemens: si que ledit Concile se dissouldra ou interrompra sans determination, ou sans execution de ce qui sera déterminé: à ceste occasiō ils perseuereront en leur erreur & doctrine, & euiront le chastiment de la majesté Imperiale. Quintement fait à considerer que si lesdits heretiques prennent ainsi

qu'ils firent à la diete d'Ausbourg occasions de se departir du Concile auant qu'il soit determiné ( lesquelles occasions iustes ou iniustes ne leur peuuent deffaillir ) il en pourroit auenir pis qu'au Concile de Basle: car si au tēps de lorsestant l'estat de l'Eglise pacifique, & si peu de tēps au parauāt par le Cōcile de Cōstance fust leuē le schisme qui auoit si long temps duré, & la question qui estoit lors entre le Pape Eugene & le Concile, scauoir si le Pape estoit par dessus le Concile, ou le Concile par dessus le Pape, fut occasion de si grand desordre en l'Eglise, que en vn mesme temps furent deux Conciles, dont par la creation du Pape Fœlix resulta vn schisme qui dura iusques au temps du Pape Nicolas: il ne fault faire doubte qu'au temps present que la doctrine Chrestienne est en si grande confusion par la coulpe & malignité des heretiques, la mesme difficulté se remettroit en auant: & si le Concile determinoit que le Pape fust par dessus (ain si qu'à la verité il est) lesdits heretiques prenans fondement sur la determination contraire du Concile tenu à Constances, & n'ayans esgard à ce qu'alors ils estoient trois foydisans Papes, & non vn seul vicaire de Dieu, ainsi que nous auons à present: alors ils allegueront ce Concile n'estre point libre, cōme desia ils murmurent, & son autorité n'estre point supreme à laquelle aucune raison vueille qu'ils se submettent, & chercheront de diuiser & dissoudre ledit Concile, se separans des autres, & retenās avec eux quelques prelatz, ainsi qu'il s'en trouuera de curieux des choses nouuelles, aspirans & par ce moyen esperans de paruenir à plus grands biens & autorité: dont à ceste cause ils pourroient tenir vn autre Concile, & y creer vn Antipape qui approuuast leurs heresies, & meist la religiō Chrestienne en plus grande confusion qu'elle n'est encores. Et si au contraire le Concile terminoit l'autorité sienne estre par dessus celle du Pape, ce seroit vne difficulté grande, & vn danger nō moindre. car si la majesté Imperialle vouloit par là puissance

& autorité mettre fin audit Concile, ou le transferer en autre lieu, pour interrompre les brigues faictes à l'encontre de l'autorité du Pape (comme en tel cas seroit requis) ledit Concile prétendroient ne pouuoir estre conclu ne transferé en autre part sans sa propre autorité meismes, & se pourroit de soy transferer ailleurs outre le gré de ladite majesté, sans qu'elle peust (encores que son pouuoir soit grand) remedier. Comme par exemple il aduint à l'Empereur Sigismond de bonne memoire, auquel (apres auoir tant labouré pour l'Eglise, & encores que par son indultie & autorité avecques gros frais & trauaulx extremes il eust leué le schisme tant inueteré) ne fut toutesfois possible d'obuiuer en quelque deuoir qu'il s'en sceust mettre aux discordes & diuisions du Concile de Basle: dôt faict à croire que si le futur Concile venoit à durer quelques années, comme il est à presupposer qu'il durera, si la supreme autorité luy demeure, il pourroit succeder occasion que sa majesté Imperiale ne pourroit si longuement y estre presente.

Quant à la seconde cause de la conuocation dudit Concile, afin de pourueoir à la repulsiō du Turc: iceux deputez mettoient en auant, qu'estans ses apprests si grāds & si prochains pour inuader la Chrestienté, que la conuocation du Concile seroit (quant à cest effect) par trop tardiuē, & seroit besoing en premier lieu de pourueoir & donner bon ordre à y resister & repousser: ce que trop à tard s'excuteroit, au cas que lon attendist iusques à ladite conuocation: ioinct que ladite conuocation de Concile seruiroit d'excuse & dilation à ceux qui deuroient & ne voudroient assister & donner ayde à ladite repulsion du Turc, & se couuroient de dire que selon la determination dudit Concile ils donneroient tel ayde que par commun consentement seroit conciu & arresté.

Disoient d'auantage, que si ores le Turc n'auoit volonté de s'i tost faire entreprisé contre la Chrestienté,

neantmoins voyant ladite conuocation en termes de traiter à son grâd dômage, il se pourroit tât plus hasten & amener de tant plus grâde force, pour preuenir la determination de l'entreprîse qui se dresseroit pour luy resister. Plus ils remonstroient que si estant le Concile assemblé il se trouuoit moyen de reduire les heretiques à l'vniõ de nostre sainte foy, & qu'ils se departissent sans conclusion dudit Concile, il y auroit danger qu'ils faccordoassent avec le Turc, ainsi qu'a faict le Vaivode de Transylvanie, sous esperance qu'il leur seroit permis & loisible d'occuper les biës de l'Eglise, & de viure en la liberté (qu'ils disent) Euāgelique, mais qui plus tost est semblable a la loy Mahometiḡ, chose qui seroit cause de la ruine Chrestienne, à tout le moins d'engendrer vne perpetuelle guerre entre eux & no<sup>s</sup>, cōme elle fut engēdrée & dure encores entre nous & lesdits Mahometans.

Lesdits articles proposez de la part de l'Empereur à nostre Saint Pere, ensemble la response de sa saincteté, auoient esté communiquez au Roy par le seigneur du Prat Cheualier de l'ordre de l'Empereur, afin de scauoir aussi son intention tant sur laditte proposition que sur la response faicte à icelle : à ce respondit le Roy que nonobstant qu'en la response & remonstrance dudit S. Pere y eust des raisons fort apparentes du danger & inconuenient qui pourroit auenir de la conuocation du Cōcile: il y auoit de l'autre part autres grâdes raisons qui faisoiet moult à cōsiderer, & principalemēt de la disposition & termes esquels estoient reduites les affaires de la religiō lesquels (si Dieu par sa grace n'y mettoit la main) estoient beaucoup plus en apparence d'auoir pis qu'en esperance de mieux auoir : dont grand inconuenient pourroit aduenir en la Chrestienté: lequel auenant (que Dieu ne vueille) il estoit certain que les Princes Chrestiens qui seront par cy apes donneront (de quiconque en fera la coulpe) grand blasme & charge audit saint Pere & audit Princes Chrestiens qui auicourd'huy sont, d'a-  
voir



voir laissè tomber les choses en telle confusion, ou par faulte d'auoir conuouqué le Concile, ou pour auoir en le conuouquant adioûsté telles modiûcations & restrictions, qu'elles puissent seruir d'excuse & couleur à qui voudra dire que prou de gens à cause d'icelles n'y auroient voulu entendre.

PAR QV OY son auis estoit (attendu les deux poinçts principaux cy dessus touchez és remonitrances dudit S. Pere) entèdre à l'vn sans obmettre l'autre: c'est à scauoir que tous les potentats Chrestiens, quelque particuliere doctrine qu'ils eussent par lettres & ambassadeurs, communiquassent preallablement ensemble de cest affaire, & lesquels ambassadeurs & chacun d'eux au plus tost que faire ce pourroit enuoyassent à Rome, avecques pouuoirs amples & suffisâs pour auiser & arrester ensemble de la cōmodité, du lieu, & du tēps ou se pourroit sans le danger d'aucun celebrer ledit Concile, comme pour ieter & mettre par escrit d'un commun accord & consentement tous les poinçts & articles dont il sera besoing & requis de parler en iceluy. Laisant toutesfois à tous & à chacun plaine & franche libirté (moyennant qu'il ne se parle des particulieres querelles en quelque facon & maniere que ce soit) d'y proposer & mettre en auant tout ce qui luy viendra en fantasie pour l'union, bien & repos de la Chrestienté, seruice de Dieu, & repression des vices, extirpation des heresies & confirmation de nostre foy, sans y particulariser autrement, ne faire mention du contenu és remonstrances de nostre saint Pere, comme d'y articuler, spécialement qu'il n'y soit point disputé des choses desia traittées par les Conciles, ne que cela fust ouurir la voye pour faire par cy apres le semblable, sur ce qui seroit arresté en ce nouveau Concile: car aioustant vne partie en premiere instance, & auant que les ambassadeurs & deputez des vns & des autres eussent communiqué ensemble des dessusdits articles & restrictions touchant le faict & ce qui concerne la reli-

gion, c'estoit donné à plusieurs occasion ou excuse de ne s'y trouuer ainsi que dit est. Mais enuoyant vn chacun ses ambassadeurs & depurez avec pouuoirs non limitez, telles occasions & excuses faudroient: & se trouuans ensemble ny auroit celuy auquel il ne semblast trelbon de rediger & mettre par escrit selon Paus & consentement cōmun, les poincts principaux dont lon voudra & deura traiter audit Concile, & que les particulieres querelles qui pourroient mettre diuision entre les assistans, ce-temps pendant demourassent assopies.

Lesquels articles & poincts ainsi redigez estoit Paus dudit seigneur Roy que lon intimast alors le Concile & nō plustost, & que chacun en apportast vn double à ses superieurs, afin que tous au temps prefix y retournaissent instruits & biē resōlus de ce qu'ils ont de dire la dessus: où sil auenoit que ceux qui auourd'huy se sont separez de l'obeissance de l'Eglise Rommaine faccordoassent avec les autres des dessusdits poincts qui se deuoient traiter, il seroit à esperer qu'ils prinnissent avec les autres le chemin de salut: & là où ils ne raccorderoient, à tout le moins ne pourroient ils nier qu'ils n'eussent refusé la raison & le Concile qu'ils auroient tant demandé: & quant au demourant pourroient leddits ambassadeurs en ceste leur premiere assemblée, & sans attendre l'indiction du Concile, deliberer & arrester entre-eux le moyen & chemin que l'on auroit à tenir, pour y pourueoir & donner ordre, & leurs superieurs aussi chacun en son endroit mettre peine que les erreurs ne pullulassent en leurs pays & subiection: ainsi (conduisant les choses à la sincerité cy dessus recitée) estoit biē l'auis dudit seigneur Roy, que lon ne pourroit esperer avec l'ayde de Dieu, sinon bonne & louable issue dudit Concile.

Replique de  
l'Empereur  
sur l'aduis  
du Concile.

Peu auant la fin de Feurier receut l'Empereur ceste respoſe & aus du Roy, lesquels il interpreta & print tout autrement que ne speroit & ne festoit persuadé ledit seigneur. Premièrement en ce qu'il sembloit au Roy estre cōuenable à l'effect du futur Concile, que les ambassadeurs des Prin-

ces & potentats Chrestiens prealablement proiectassent les poincts & articles dont il seroit traitté audit Concile, l'Empereur estoit d'aus que cela seroit de plain fault, restraindre & diminuer l'autorité dudit Concile: lequel & tout ce qui sy traittera doit entierement dependre de l'inspiration du S.Esprit, & non de l'appetit & restriction des hommes. Secondement il sembloit à l'Empereur, & de ce grandemēt se plaignoit, que le Roy à l'article faisant mention de resister aux inualions du Turc n'auoit faict aucune cffie ne response, comme fil eust iugé que le danger particulier des plus voisins du feu ne deust toucher à luy qui en estoit des plus loingtains: & furent ces remonstrances en forme de re- plique ou doleance, apportées de par l'Empereur au Roy, lequel ne se peut assez emerueiller, sinon qu'aucun afin de le calonnier eust desguité sa response à l'Empereur, dont pro- cedoit & pouuoit estre la cause que ledit seigneur Empe- reur se plaignoit, & sur ce dernier article print occasion & couleur de sa plainte.

Car attendu que par saditte response apres auoir ample- ment déclaré son aus touchant le faict de la religion, il a- uoit sur la fin aioucté, que les ambassadeurs & deputez en vertu de leurs pouuoirs auisassent & arrestassent entre eux ce qui seroit de faire pour donner ordre & pourueoir au de- mourant: il luy sembloit auoir suffisamment faict entendre son bon vouloir, d'autant qu'il estoit essez plus conuenable au bien, tuition & deffence de la Chrestienté, que par iceux ambassadeurs & deputez qui proprement se pouuoient en- uoyer a Romme il fust traitté dudit affaire, que non pas at- tendre à en traitter au Concile. Lequel (ainsi que ci deuant a esté dit) ne se pouuoit encores assembler d'un an, pendant lequel temps on donneroit pron de loisir au Turc ia pre- paré comme d'assaillir & endommager la Chrestienté, aussi quāt à l'autre poinct où l'Empereur alleguoit qu'en traittāt & promettant par les ambassadeurs des potentats Chre- stiens, les poincts & articles dont au Concile il seroit deci- dé, cela seroit restraindre l'autorité dudit Concile, lequel

(à ce qui sy traittera) ne doit dependre que du saint Esprit, sembloit au Roy que sa responce auoit esté sinistrement & malheureusement iterpretée: car enuoyant ambassadeur avec plain & ample pouuoir, & d'une pure & sincere affection au bien & vnion de l'Eglise Chrestienne, son opinion & auis estoient que leur assemblée ne pouuoit estre sans le saint Esprit, & que tout ce qu'ils arresteroient deuoit estre tenu pour vn preambule & commandement de Concile.

P O U R toutesfois satisfaire entierement à son deuoir, il enuoya plus ample & certaine declaration de son vouloir audit seigneur Empereur: & quant au premier point luy feit entendre, puis que sa majesté vouloit que le Concile fust intimé sans aucune restriction, & sans prealable conuocation entre-eux qui deuroient y assister luy de sa part en estoit trescontent, & n'auoit esté le premier qui eult parlé de restriction ou limitation, ainsi qu'il pouuoit estre cuidât à qui liroit les articles que luy auoit ledit du Prat apportez & presentez de la part dudit seigneur Empereur: & qu'au surplus ce qu'il auoit mis en auant de ne parler des particulieres querelles, il l'auoit faict en bonne intention, & pour obuier à ce que le Concile ne fust empesché à la widange d'icelles au lieu d'y traitter des affaires de la religion & nonobstant qu'il n'y eust Prince en toute la Chrestienté auquel on detint du bien autant que lon faisoit à luy, toutesfois auoit il bien voulu pour le bien & prouffit vniuersel, oublier ou delayer la querelle de son interet particulier.

P R O T E S T A N T derechef & ouuertement, qu'à son auis, il ne fust oncques temps qui plus requis que celuy de present, de conuoyer & celebrer vn bon Concile: & puis qu'il auoit pleu à Dieu les constituer es lieux & dignitez où ils estoient, que la meilleure, plus sainte, & salutaire euure que chacun d'eux puisse faire, estoit



estoit de s'employer à ce qu'il fust celebré le plus tost que faire se pourroit, avecques telle & si Pure intention que les vices & abus qui s'y commettoyent, ne meissent tous les precedens en dispute, & feissent soupçonner qu'il eust esté procedé de mesme sorte: afin qu'il finist en lieu commode & de seur accès, à ce que nul fust refusant d'y aller, & qu'il se puisse veritablement dire Concile vniuersel, & non pas national ou prouincial, ainsi que lon pourroit le baptiser, si toutes les nations Chrestiennes n'y assistoient: & quant a la resistance contre le Turc, encores qu'il eust payé douze cens mille escus, & luy en conuint encores payer huit cens mille, pour le parfaict des deux millions, outre les gros frais & pertes qu'il auoit supportez: que toutesfois la finale & certaine resolution estoit, nonobstât lesdites insupportables charges qu'il a soutenues & luy cōuenoit encores soutenir, quand il verroit que le Turc seroit, pour en personne assaillir la Chrestienté, d'y employer non seulement ses force & le sang de sa noblesse, mais aussi sa personne & propre vie, esperant & se tenant assuré que ledit seigneur Empereur fera le semblable, lequel il prioit de vouloir prendre lesdittes responses en bonne part, comme procedantes d'homme qui sur toutes choses du monde desire, n'auoir iamais cause, de viure autrement, qu'en bonne & loyale amitié avec luy.

Telles furent les demande, response, repliques & remonstrances entre le Pape, & ces deux Princes, touchant l'intimation & celebration du Concile: mais nonobstant que ce pendant vinssent nouvelles vnes sur autres qui bien deuoient faire hastier la conclusion, comment le Turc apres son retour en Constantinople, qu'il feist en triomphe cōme victorieux & cōme ayât empesché l'Empereur de conquerir le Royaume de Hongrie, ainsi qu'il s'en estoit vâté, auoit faict publier la

guerre contre ledit seigneur Empereur, ses pays, & subiects autant par terre que par mer, & des grands preparatifs qu'il faisoit en diligence de l'armée qu'il dresseoit à lacinthe pour le recouurement de Coron pris par les Imperiaux & ceux de Malthe l'année mesmes, toutesfois autre chose ne fust executée ny cōdue, & ne se peurent le Pape ny Princes entendre l'un l'autre, ou (à mon auis) ne voulurent: car accordant l'un ce que l'autre demandoit, il y auoit entre-eux si grande deffiance que l'autre ne le pouuoit trouuer alliez bon. Ainsi se passa ceste negociation par dissimulation des vns enuers les autres, pour quelque secrette & à nous inconnue volonté de Dieu, qui par la grandeur de nos pechez ne veult parauenture nous enuoyer encores tant de bien.

Cardinaux  
nouveaux.

Reuenons maintenant à la ligue que feit l'Empereur à Boulongne. Apres qu'il eut conclu ladicte ligue, il delibera de se retirer en Espagne, & auant son partement demanda la creation de trois Cardinaux à nostre saint Pere, mais il ne luy en fut accordé qu'un. L'ambassadeur de France aussi demanda vn chapeau en faueur du Roy, lequel luy fut accordé pour monseigneur Iean d'Orleans Archeuesque de Tholouse, & oncle du Duc de Longueuille: apres en demanda vn en faueur du Roy d'Angleterre, pour l'Euesque de Wigornie auditeur de sa chambre, lequel pour lors ne fut depesché: laquelle requeste l'Empereur print merueilleusement en mauuaise part, ou pour la cognoissance qu'il auoit par ce moyen, que les affaires de ces deux Rois alioient tous d'un branle, & que l'un ne faisoit pour l'autre moins que pour soy, ou qu'il interpretoit ou auoit opinion que l'ambassadeur de France l'eust faict par emulation de luy, à cause du mal-cōtētement qui estoit entre luy & le Roy d'Angleterre, en sorte qu'il declara ouuertement que ceste requeste luy venoit plus à desplaisir & contre-cœur, que si ledit ambassadeur en eust demandé quatre pour son meistre. Il se partit toutesfois de Boulongne le dernier iour de Feurier sans faire autrement declaration publique de son vouloir à l'encontre du Roy.

Audie

**A** V D I T seigneur Roy, pendant que ces choses se de-  
 menerent à Boulongne, & que les Cardinaux Francois  
 au desceu de l'Empereur & des siens, praticanrent l'en-  
 treueue cy dessus mentionnée. L'euesque de Come depuis  
 Cardinal de Carpy, nuncce de nostre saint Pere aupres  
 de sa majesté, auoit propose de moyēner vne entreueue  
 non seulement dudit saint Pere & de luy, mais de l'Em-  
 pereur avec eux: auquel le Roy dissimulant l'assurance  
 que desia il auoit dudit saint Pere, ne s'en voulant des-  
 courrir à luy trop auāt, que premierement il n'en sceust  
 l'intention de sa sainteté, à cause que ceste praique  
 iusques alors auoit esté menée sans le sceu d'iceluy nun-  
 ce: respondit que quant à l'entreueue dudit saint Pere  
 & de luy, bien estoit-il content d'y entendre, mais non  
 à celle de l'Empereur avec eux, sinon que le Roy d'An-  
 gleterre fist le quatriesme, chose que toutesfois il disoit  
 ne luy sembler estre faisable: car luy de sa part, & le Roy  
 d'Angleterre de la sienne, s'y voudroient trouuer de peur  
 de surprise, chacun aussi fort en son endroit comme s'y  
 trouueroit l'Empereur: & que de la pourroit auenir (ce  
 me semble) trois forces de trois Princes assez peu amis,  
 qu'en lieu de confermer vne paix, ils entreroient en v-  
 ne guerre. De ceste ouuerture à luy faicte par le nuncce,  
 & de ce qu'il luy en auoit respondu, il auoit dés xj. du-  
 dit mois auerty les Cardinaux Francois & son ambassa-  
 deur à Romme: aussi leur auoit faict responce à ce qu'ils  
 luy auoient escrit touchāt l'eslectiō du lieu de ladite veue  
 en la ville de Nice: que ce lieu ne luy sembloit estre pro-  
 pre, obstant que la ville estoit à vn Prince qui luy auoit  
 vsé de si estrāges & mauuais tours, qu'il ne vouldroit au-  
 cunement employer, aussi qu'il ne se vouldroit mettre  
 dedans laditte ville sans auoir la ville & chasteau en sa  
 puissance, qui seroit chose de grande difficulté, & de gros  
 frais & despenſe sans besoing, veu qu'ils ne pouuoient  
 auoir faulte d'autres lieux aussi commodes, esquels ledit  
 S. Pere pourroit commander comme chez soy.

Negotiatio  
de mōſieur  
de Langey  
en Angle-  
terre.

Et pour ce que ſur le point de ceſte depeſche, le Roy auoit eu lettres du Roy d'Angleterre, qui le prioit de luy enuoyer homme, auquel il peult declarer priuement pour luy dire quelque choſe qu'il ne vouloit eſcrire, ne pour l'heure encores communiquer à perſonne, ſi non audit Roy ſon bon frere, & au perſonnage fidelle qu'il choiſiroit pour luy en porter la parole. A ceſte cauſe tāt pour ceſt effect, comme pour faire entendre audit Roy d'Angleterre toute la negociatio faite à Romme, touchant la ligue d'Italie, le reſſus des Venitiens d'y entrer, celui du Pape d'y comprendre Genneſ, la propoſitiō, reſponſes, & replicques ſur le ſaiēt du Concile, & ſur la reſiſtence aux entrepriſes du Turc, auſſi de paſſeurance de l'entreueue du Pape & de luy, les propos du mariage de la Duchefſe d'Vrbin, & de l'autre entreueue du Pape de l'Empereur & de luy, de ſa reſponſe ſur ce, des nouuelles du Turc & de Coron venues par la voye de Veniſe: & generalement tout ce qui auoit eſtē par luy negociē depuis le congē pris entre-eux à Callaiz. Ledit ſeigneur Roy Tres chreſtien depeſcha vers luy meſſire Guillaume du Bellay ſeigneur de Langey deſia mentionnē cy deuant, auquel (entre autres choſes) il donna charge de luy declarer cōme ſuiuant la concluſiō par eux priſe en leur parlement ſecret, non ſeulement il auoit accordē le mariage de monſeigneur le Duc d'Orleans ſon ſecond ſils avecques la Duchefſe d'Vrbin: mais que pour mieux aſſurer noſtre-dit ſainēt Pere, & le diuertir totalement de la deuotiō de l'Empereur, il luy auoit accordē qu'à ceſte entreueue il meneroit mondit ſeigneur ſon ſils, afin que ledit ſainēt Pere pareillement y amenast la-ditte Duchefſe, & qu'il ſe miſt vne fin au ſaiēt dudit mariage. Remonſtrant audit Roy d'Angleterre, cōbien il luy ſembloit eſtre requis que luy auſſi ſe trouuaſt à la-ditte veue, pour eſtre l'homme du monde qui plus à propos, plus efficacement, & avec plus apparentes perſuaſions pouuoit faire entendre la iuſtice de ſa cauſe: attendu meſ-



mes la seureté que sa majesté pouuoit auoir en ceste dite veue, & la consequence qui en pouuoit redonder à la pacification & repos de ses affaires: car quand à la seureté du voyage il auroit à venir par le royaume de France, où il pouuoit estre en telle seureté qu'en Angleterre. Quāt à la seureté du lieu lequel on auoit voulu choisir à Nice (ce que ledit seigneur n'auoit trouué estre à propos, pour estre ladite ville és mains de celuy qu'il n'auoit eue se d'y vouloir employer) il y seroit pourueu, de sorte que ils n'auroient occasion en quelque lieu que fust ladite entreueue, de craindre par terre ne par mer en aucune maniere leurs ennemis. Et qu'à ceste cause ledit seigneur fesoit arresté en la ville de Paris, pour mettre fin à ses ordnōances tant de gens de cheual que de gens de pied, que paraillement du faict de sa marine selon qu'entre eux deux auroit dernièrement esté conclu: remettant la deliberation d'y venir ou non, à l'auis & conseil dudit Roy d'Angleterre, & selon que ses affaires le requeroient, si toutesfois il luy sembloit n'y deuoir venir en personne, ledit seigneur luy conseilloit d'y enuoyer tel personnage qu'il se peust entierement fier en luy comme à soy-mesmes. Ceste fut la principale charge donnée audit Langey, & de communiquer avecques ledit Roy d'Angleterre, & prendre son auis des affaires dont de rechef les Princes de Germanie le recherchoient tresfinstamment.

L'AFFAIRE que le Roy d'Angleterre voiloit faire entendre au Roy estoit, qu'apres tant de dissimulations & remises que l'Euesque de Rōme (car ainsi nommoit il le Pape) par si long temps auoit vſé enuers luy sur la matiere de son diuorce, il auoit procuré qu'elle fust vuidée par l'Eglise Anglicane, l'Archeuesque de Cantorbery primat d'Angleterre y presidant, & que par sentence de ladite Eglise son mariage auoit esté declaré nul, & la dispense nulle, comme donnée sur vn cas non dispensable, & qui ne depend de la puissance du Pape n'y de

**Mariage**  
du Roy de  
Angleterre  
avec Mad.  
Anne de  
Boulan.

l'Eglise, ſuiuſant laquelle ſentence il ſe ſeroit entierement de party de ſon premier mariage, & auoit eſpouſé Madame la Marquiſe Anne de Boulan, à ce preſens iceluy Archeueſque les pere, mere, & freres, & le Duc de Norſolc onde de ladite Dame, ſans y appeller autres teſmoings, & qu'il uoluit encores le tenir ſecret pour quelque temps, en attendant ſi à ceſte entreueue dudict Eueſque de Rōme & du Roy (laquelle on eſperoit deuoir eſtre en May enſuiuant) ledit Eueſque luy voudroit faire iuſtice, & au cas que nō, alors ſeroit il delibéré (voulſt ou non toute l'Eglise de Romme) manifefter & publier ſondit mariage, & ſe ſubſtraire entierement du ioug & ſeruitude d'icelle Eglise: de la tyrannie & uſurpation de laquelle il auoit compoſé vn traitté biē ample. Mais qu'il ne entendoit encores le publier iuſques à ce qu'il veiſt en quel deuoir ſe mettroit ledit Eueſque de Romme, touchant de luy adminiſtrer iuſtice.

Priant ſur ce le Roy ſon bon frere luy uoloir eſtre aidant ainſi qu'il auoit en luy parfaitte fiance, en cas que l'Empereur & ledit Eueſque de Romme luy vouluffent à cauſe de ce courir ſus, & mouuoir la guerre, car il auoit entendu que ledit Eueſque feſtoit vante de ſuſciter toute la Chreſtiēté, à l'encontre de luy ſil reſuſoit de ſe rendre obeiffant à ſa determination de la deſſuſdite matiere de diuorce. Auſſi que l'Empereur à deux fois qu'il auoit parlé audit Eueſque, luy auoit faiēt vn ditcours long & plain de grande paſſion, de la cruelle guerre qu'il entendoit faire contre ledit Roy d'Angleterre, au cas qu'il ne reprinſt & reſtituaſt en ſes hōneurs la Roynie Catherine ſa tante, & luy auoit declaré les moyēs qu'il auoit d'executer viuement icelle guerre, & principalement au moyen de la bonne intelligēce qu'il diſoit auoir avec le Roy d'Eſcoſſe. Or eſt à ſcauoir que de tous ceux qui entendoient parler de ces affaires, n'y auoit homme qui ne creuſt certainemēt que ledit ſeigneur Empereur fuſt pour executer ceſte deliberation, & pour-ce y auoit beaucoup de bons perſonnages qui ſemployoient en tout ce qui leur eſtoit poſſible, à inuēter quelque graticuſe voye de rapaiser

païser ce differéd, de peur que d'iceluy sourdist vne guerre, en laquelle entraissent tous les autres Princes Chrestiens: les vns pour l'vne, & autres pour l'autre partie: desia l'Empereur auoit praticque le roy d'Escoffe, & luy auoit enuoyé son ordre.

Le commencement de diuision & les causes d'icelle entre lesdits Roys d'Angleterre & d'Escoffe oncle & nepueu, en ce temps vindrent par le costé d'Escoffe, dont fut le Roy premierement auerty par le rapport du seigneur de Lâgey, lequel estant embarqué sur vn gallion de la trauerse de Boullogne, & ayant desia faict plus que la moitié du chemin dudit Boullogne à Douures; apparurent au long de la coste au dessus de Douures, enuiron les dix heures du matin trois nefes equippez pour guerre, & que nō obstant qu'elles feussent voile ne faisoient point de chemin, ains se tenoient au dessus du vent, comme si elles fussent là (ce qu'en effect elles estoient) pour y guetter les nauires qui arriuerioient audit lieu de Douures. Parquoy ledit Langey (encores que le roy ne fust en aucune ouerture de guerre) voyant toutesfois leur cōtenāce & doubtrāt plus qu'autre chose, que ce fussent nefes de coursaïres qui en voulussent au premier trouué, feit sans attendre changer la voile, & tirer au large de la mer, afin de veoir que feroient icelles nefes: lesquelles aussi voyans qu'il auoit chāgé la voile pour crainte d'elles, incontinant tournerent la proue deuers luy, & iusques aux dix heures de soir que le vent leur saillir, & que l'obscurité de la nuit leur osta la veue de son gallion, ils luy donnerent la chasse, en le seruant continuellement à coups de canon, dont plusieurs tomboient pres de luy: d'vn coup entre autres tuerent le patron d'vne nef de Bretagne venant auecques luy de Conserue, & prindrent ledit nauire qui ne pouuoit si bien diligenter que le gallion, lequel faydoit de voile & de ramme. Au lendemain matin ledit seigneur de Lâgey qui auoit gaigné la nuit le port de la Rye, veit iceux nauires desia multipliez iusques au nombre de neuf à cause des autres vaisseaux qu'ils auoient prins, esquels ils a-

uoient mis de leurs gens de guerre & artillerie, dont ils auoient à ceste intention apporté plus qu'il ne leur estoit mestier pour iceux trois nauires: & par les pescheurs affuyans au port il entédit que c'estoiet Escossois, lesquels auoient armé lesdites nauires en ceste premiere declaration d'hostilité, que les choses estoient encorés comme entre paix & guerre, dequoy arriuant en poste vers le Roy d'Angleterre, il luy en donna le premier auis: & peu apres luy en vindrent autres auertissemens de plusieurs endroits, lesquels ne pleurent guerres à sa majesté, non qu'il fut meut tant pour les forces & puissances de cest ennemy, comme pour doubte de la suite de l'Empereur & de ces alliez: mais auant bien peu de mois fut ceste guerre appaisée au moyen & par l'interuention du Roy de France, & à tant laissant celluy ie retourne au propos de l'Empereur que j'ay entre-laiissé.

PARTY qu'il fut de Boulogne il continua son chemin iusques à Gênes, où il sembarqua le huictiesme iour d'Auril, prenant sa routte droict en Espagne, & le seigneur de Veilly ambassadeur de France le suiuit & les Cardinaux François accompagnerent le Pape depuis Boulogne iusques à Romme, auquel lieu estant arriué nostre saint Pere, lesdits Cardinaux François persenererēt tousiours à moyenner que ce trouble d'Angleterre se peust appaiser sans qu'il en auint quelque tempeste en l'Eglise: & continuellement en estoient semonds par lettres & messagers du Roy, lequel desiroit merueilleusement que ceste chose se terminast auant que nostre dit S. Pere eust nouuelles de ce qu'auoir faict ledit Roy de Angleterre, & à ce ceste cause insistoit plus chaudement à ce que lon auancast ceste entreueue, en esperance que parlâr à sa sainteté il y trouueroit quelque expediant, & ouure plusieurs autres de pesches auparauint enuoyées en faueur dudit Roy d'Angleterre eslat dès le iiii. d'Auril arriué deuers luy le Milor de Rochefort frere de la nouuelle Roync, il en escriuit à nostre S. Pere ynes let-



tres fort affectionnées, dont le Roy d'Angleterre mesmes luy auoit enuoyé la minure : tendant à fin que sa saincteté acceptast l'exoyne dudit Roy, & luy enuoyast des iuges au pais d'Angleterre qui decidassent la matiere sans la tirer en la cour de Romme. Au contraire de ce Pambassadeur de l'Empereur & plusieurs Cardinaux ou adherans à luy, ou poursuiuans que l'authorité de l'Eglise Rommaine fust maintenue & gardée, ne faisoient moindre instance enuers nostre-dit sainct Pere, à ce qu'il procedast contre ledit Roy d'Angleterre, & mesmement par ce qu'ils auoient eu nouuelles (combien que non encores certaines) non pas que ledit Roy eust consommé ledit mariage avec madame Anne de Boulan ainsi qu'il auoit en effect, mais seulement qu'il faisoit proceder à la declaratiō de nullite de la dispense du premier. Ce qu'ils estimoient & maintenoient estre entrepris au preiudice de la puissance & authorité du sainct siege Apostolique.

NOSTRE sainct Pere qui volontier eust temporeisé, pour essayer d'y mettre vne gracieuse fin, d'autre part leur remonstroit que de proceder à la condemnation, & puis ne faire executer la sentence reallement & de faict, seroit vne entreprise frustratoire qui tourneroit au grād mespris & villipendement dudit S. Siege, & de la faire executer il ne pouuoit (ainsi qu'il disoit) entreprendre si non que l'Empereur ensemblement avecques luy s'entreprint, & quand ores ils entreprendroient ensemble, si luy sembloit il à craindre, que le Roy Tres chrestien lequel auoit avecques ledit Roy d'Angleterre, telle & si estroicte alliance, ioingiſt ses forces avecques luy, dōr il auint vne combustion & trouble en la Chrestienté plus grande que au parauant. Ainsi falloit excusant nostre-dit sainct Pere qui peu apres eut nouuelles certaines, non que le Roy d'Angleterre eust encores effectuellement procedé au faict de son nouveau mariage : mais que pour tout viay l'Archeuesque de Cantorbery auoit prins cognoissance de la matiere, chose qui tournoit au

grand rauellement dudit saint Siege, attendu mesme-  
ment la litispence qui en estoit deuant les iuges à ce  
deputez par sa sainteté, dont ledit S. Pere se plaignoit  
fort ausdits Cardinaux Francois, à cause que durant le  
temps qu'on le prioit de superseder & de ne riens inno-  
uer iusques à ceste entreueue, ledit Roy rousiours inno-  
uoit & passoit outre.

Sur l'abou-  
chemēt du  
Pape avec  
le Roy à  
Marceille.

ENTRE les poursuittes d'une part & d'autre, & apres  
les nouuelles certaines veues à Romme de l'embarque-  
ment de l'Empereur à Genes, le Pape enuiron la fin du  
mois d'Auril, non en cōsistoire public, mais en congrega-  
tion d'un bon nombre de Cardinaux, auoit proposé la re-  
queste à luy faicte par le Roy, de s'approcher en quelque  
part ou ledit seigneur se peust aboucher avec luy, & diui-  
ser ensemble des choses concernantes la religion Chre-  
stienne, & repulsion du Turc ennemy de nostre foy, &  
pour autres si saintes occasions portées amplement par  
lettres dudit seigneur, qu'aucuns des Cardinaux ausquels  
ne plaisoit ceste entreueue, ne trouuerent chose que bon-  
nestement ils sceussent alleguer au contraire. L'ambassa-  
deur de l'Empereur feit entierement tout ce qui luy fut  
possible, & allegua toutes les raisons qu'il sceut imagi-  
ner, afin de rompre ceste entreprise, à tout le moins de  
differer la conclusion iusques à ce que l'on eust nouuelles  
de l'auis dudit Empereur son maistre; mais il ne peut obte-  
nir la requeste, & les Cardinaux qui luy adheroyēt & de-  
siroient faire entendre ceste nouuelle audit seigneur Em-  
pereur, oncques ne peurent se resouldre en chose qui hō-  
nestement se peust faire ou demander pour l'interrom-  
pre, sinon que nostre-dit saint Pere auant qu'en con-  
clurre en escriuist vn brief au Roy: ce qui fut faict, &  
le brief enuoyé ne tarda gueres que nostre S. Pere n'eust  
la response du Roy.

CESTE response vers la fin de May fut presentée à  
nostre saint Pere en congregation à laquelle assisterent  
les Cardinaux Francois: & pour ce que aucuns autres  
Car-

Cardinaux qui eussent bien voulu rompre ce coup. & par l'Empereur en auoit esté requis, n'osans parler si librement, deuant eux demanderent iour à vne autre congregation, ce qui leur fut accordé à la quelle ne se volurent trouuer les Cardinaux Frâçois, non ignorâs pour quelle intention les autres auoient demandé terme de respondre, auouans premieremēt que les causes proposées par le Roy estoient telles & si saintes, que nul pourroit les condamner. Remonstroient neantmoins que peu de causes ne leur sembloient estre suffisantes pour remuer vn Pape de son siege, & qu'il seroit bon enuoyer deuant quelque prelat, pour entendre plus particulièrement l'intentiō du Roy : ce que nostre dit S. Pere leur accorda, & fut despesché l'Eueque de Sauance, lequel desia auparauant nostre saint Pere auoit mandé au Roy de l'enuoyer vers luy, pour auiser du lieu plus commode à executer ceste entreueue. Car quant au temps desia estoit il arresté que nostre saint Pere pour le danger & inconuenient de sa personne, à cause des extremes chaleurs de Prouēce, ne partiroit que iusques apres les premieres pluyes & mesmes luy auoit le Roy donné ce conseil, lequel ce temps pendant alla visiter ses pais de Languedoc & d'Auuergne.

Et quant au lieu nostre S. Pere (ainsi que nous auons dit cy dessus) auoit designé que ce fust à Nice: & pour-ce que le Roy ne vouloit employer le Duc de Sauoye en son nom, la sainteté l'auoit faict au sien propre, & auoit pour ceste cause, enuoyé deuers vn de ses plus priuez chambriers, auquel pour quelque temps le Duc auoit librement offert de faire le vouloir de sa sainteté, se reputât (à ce qu'il disoit) heureux qu'vne si sainte chose se traittast en ses pais, & a vray dire, ce luy eult parauanture esté vn grand heur, qui eult peu obuier aux infortunes qui depuis luy sont auenues: car en effect la grande instance que faisoit nostre S. Pere de saboucher es pais d'iceluy Duc, estoit pour l'y faire venir quād

il verroit le moyen de pouuoir le recôcilier au Roy. Toutefois l'Empereur auquel ne pouuoit plaire ceste entreueue & ne vouloit riens laisser intenté, moyennant qu'il la peust rompre, luy enuoya faire telles remonstrances que peu apres il commença de varier, & alleguer des difficultez. Parquoy fut entre l'Eueque de Sauance, & monseigneur Anne Sire de Montmorécy alors grand Maistre & mareschal, & à present Connestable de France, apres auoir deuisé de Villefranche, Antibes, Freius, Tholon & Marceille, & faict vísitation de tous lesdits lieux, arresté pour la conclusion qu'elle se feroit à Marceille.

L'EMPEREUR cherchât encores les voyes & moyes de la rompre, ou de la faire si longuement differer que l'hyuer vint, enuoya vn gentil-homme expres enuiron la fin de Iuing, solliciter nostre saint Pere de faire & administrer iustice à la Royne Catherine sa tâte, avecques grandes protestations, au cas que sa sainteté la luy deniast ou delayast: pour ayder a ceste poursuite, nouuelles vindrent à Rome, ainsi que telle chose ne se peult longuement celer: comme l'Archeuesque de Cantorbery soy intitulant Legat né en Angleterre, auoit donné sentence contre la premiere dispence du Roy d'Angleterre, & qu'espouse ledit Roy auoit la Marquise Anne de Boulan, aussi qu'il auoit faict le liure cy dessus mentionné contre les prééminences & autoritez de l'Eglise. Lesquelles nouuelles esmeurent tellement tout le college des Cardinaux que tous en vne voix vindrent demander iustice à nostre saint Pere contre les attentats & entreprinſes du Roy d'Angleterre: ausquels obtemperant ledit saint Pere prononca les censures à Pen contre dudit Roy d'Angleterre, au cas que dedans certain temps il ne reparast lesdits attentats. Ce nonobstant il ne desista de ses propos touchant l'entreueue de luy & du Roy, ains proposa en plain consistoire la deliberation & arrest pour ladicte veue; ordonnant à ceux qui

auroient



auroient à faire le voyage, que chacun se tint prest & en  
 ordre. Les Imperiaux apres auoir entendu ceste delibe-  
 ration, & aduertis que le Pape auoit à faire le voyage  
 sur les galleres de Rhoddes, lesdemanderent pour ayder  
 à secourir Coron à l'encontre des entreprinſes du Turc,  
 esperans ou de rompre par ce moyen ceste entreueüe, ou  
 de prendre occasion & couleur de dire que par sa faulte  
 & pour auoir sa saincteté diuertie lesdictes galleres ail-  
 leurs, l'Empereur auroit esté contrainct d'abandonner  
 Coron, ville si propice & de telle consequence à le Chre-  
 stienté, aduenant opportunité de faire entreprinſe con-  
 tre ledit Turc, & pour deliurer de seruitude les Grecs  
 noz freres Chrestiens, & tout l'Empire de Constanti-  
 nople. Quoy preuoyant sa saincteté ne voulut acquerir  
 ceste reputation d'estre cause d'un si grand mal, & non  
 seulemēt accorda que lesdites galleres feissent le voyage  
 de Coron, mais d'auantage yaioüſta les ſiennes, & de-  
 libera de faire son passage sur celles de France. D'autre  
 costé les ambassadeurs de l'Empereur & du Roy Ferdi-  
 nand son frere des Ducs de Sauoye & de Milan & au-  
 tres, craignans qu'en ceste entreueüe il ſe braſſaſt quel-  
 que choſe à leur deſauantage, faiſoient d'un commun  
 accord & conſentemēt tout ce qu'ils pouuoient imagi-  
 ner qui ſeruſt à diuertir & aliener meſſieurs des Lignes,  
 de la confederation & amitié du Roy, & principalement  
 les Cantons obeiffans à l'Eglise Romaine, leur dōnant  
 à entendre que ledit ſeigneur Roy fauoriſoit les prote-  
 ſtans contre eux, & à mener ceste pratique leur adhe-  
 roit l'Eueſque Verulan nūnce du ſainct Pere, apres  
 deſdits ſeigneurs des Lignes, lequel eſtoit chargé d'y  
 faire mauuais office à l'endroiect du Roy, & tellement fu-  
 rent meſdits ſeigneurs des Lignes perſuadez par tels rap-  
 ports, qu'ils furent en grand branſle d'entrer en la li-  
 gue d'Italie contre le Roy: mais ledit ſeigneur auertie de  
 ceſte pratique y obuia ſans en faire ſemblant, en leur en-  
 uoyant argent cōptant, & promettant contribuer en leur

deffence six mille escus par chacun mois, au cas que les autres Cantons leur fissent la guerre pour le faict de la religion, & par plusieurs siennes depesches à Rôme se plaignit audit saint Pere, du mauuais office que faisoit ledit Verulan, lequel à cause de ceste plaincte fut finablement reuoké par ledit Saint Pere, qui dudit mauuais office se excusa enuers le Roy, & audit Verulan ordonna se trouuer à laditte entreueue, pour se iustifier dudit faict.

Enuiron la mi-Iuillet estoit le Duc de Norfolc arriué deuers le Roy, pour se trouuer à ladite entreueue au nom & de la part du roy d'Angleterre son maistre: mais arriué qu'il fut, il entendit qu'à Romme auoit esté innoué quelque chose, mais ne scauoit quoy, à l'encontre de son maistre: parquoy il voulut prendre congé, & s'en retourner. Le Roy toutesfois le retint, & luy dissimula tant qu'il luy fut possible la verité du faict, esperant trouuer encores voye de gracieuse conclusion: car il auoit incontinent enuoyé deuers nostre S. Pere luy remonstrer le lieu que tenoit ledit Roy d'Angleterre, combien de temps on l'auoit tenu suspens, & que la longueur de son affaire, l'affection qu'auoit sa conscience d'estre hors de scrupule, & le desir qu'il auoit d'auoir en son Royaume heritier de sa chair, l'auoient contrainct de passer outre sans attendre la resolution de sa sainteté, laquelle deuoit considerer & auoir esgard, qu'il valoit trop mieux le retenir en l'obeissance & deuot fils de l'Eglise comme il auoit esté au-parauant, que de l'auoir rebelle, desobeissant & ennemy, dont ensuiuit inconuenient & pernicieux exemple, & tresdangereuse consequence.

Aioustant ledit seigneur aux autres remonstrances, que entre luy & ledit Roy d'Angleterre estoit telle fraternité que tous les outrages qui se feroient audit Roy d'Angleterre, il les estimeroit faicts à soy-mesmes, & ne s'en ressentiroit moins en quelqueque maniere que de son propre & particulier outrage. Toutesfois le Duc de Norfolc enuiron la mi-Aoust, entendit au vray le contenu de la sentence prononcée contre le Roy son maistre: & à ceste cause il enuoya vers  
sondit

fondit maistre : le Milor de Rochefort sur cheuaux de poste lequel seigneur Roy manda incontinent audit de Norfolc prendre congé du Roy de France, & se retirer : aussi reuouqua le Duc de Richemont son fils naturel estant lors à la cour dudit seigneur Roy de France, & ses ambassadeurs estans nre nostre S. Pere. Ledit seigneur Roy ne pouuant retenir iceluy de Norfolc par remonstrances ny prieres qui luy sceust faire, s'accorda de luy donner congé, en le priant de moyenner que le Roy son bon frere y enuoyast autre bon & sçauant personnage, pour voir & estre tesmoing du bon office qu'il entendoit faire pour luy enuers ledit S. Pere: ce que ledit de Norfolc procura, & y furent enuoyez l'Euêque de Wincestre par deuant appellé le Docteur Stephné, & maistre Briant gentil-homme de la chambre dudit Roy d'Angleterre & cousin garmain de la royne Anne Boulan.

Enuiron ce temps, estant le roy à Thoulouse arriua vers luy messire Bonacurse Goine secretaire des Ducs Guillaume & Louis de Bauiere, par eux enuoyé, tant en leurs propres & priuez noms, cōme des autres Princes & alliez avec sa majesté, suivant l'aliāce n'agueres faicte entre-eux: & fut sa charge de faire entendre au roy, comme sur la consignation des cent mille escus qu'il auoit par le traitté promis, eux tous estoient cōdescendus & demourez de bon accord ensemble, qu'elle se fist entre les mains desdits de Bauiere, sur-ce toutesfois le requerans, attendue l'impossibilité de bailler par eulx les cautions promises, sans euenter trop auant, & diuulguer l'occasion de la susdite consignation que ils desiroient (& la raison de leurs affaires vouloit) estre secrette, qu'il fut content de sen fier en eux, & sur l'obligatiō, qu'ils en feroient telle que son cōseil aduiseroit. Auquel Bonacurse le Roy feit telle & si gracieuse resposie qu'il sen cōtenta, luy promettant que ceste entreueue partie, il enuoiroit homme avec pouuoir de traiter à eux ou leurs commis & deputez à ceste fin.

Ce-temps pēdant se dresserent tous les preparatifs pour ceste entreueue, & partit monseigneur le Duc d'Albanie a-

neques les galleres de France, pour aller querir nostré S. Pere: ausquelles fut adioutté vn nombre d'autres vaisseaux pour appotrer les trains & bagages des Cardinaux & autres estâs à la suite de la saincte. Le seigneur Laurens Cibo & le Comte de Masse vindrent de par nostre-dit saint Pere visiter monseigneur le Duc d'Orleans, & luy apporterent quelque present. Monseigneur le Comte de Tonnerre fut pareillement depesché du lieu de Carcassonne, pour aller visiter la Duchesse d'Vrbin, à laquelle aussi il porta quelque present de par le Roy. En ce mesme temps vindrent nouuelles au Roy de la Mort de l'Escuyer Merueilles son ambassadeur aupres du Duc de Milan gentilhomme Milanois, nourry de toute ancienneté en la maison de France, & escuyer d'escuyerie du Roy. Et estoit venu au seruice du Roy Louis douziesme avecques le seigneur Galeas de saint Seuerin, qui depuis fut grand Escuyer de France, & perseuera ledit Merueilles iusques à la mort dudit Roy Louis, & depuis estoit demouré au mesme estat & seruice du Roy Francois premier de ce nom, auquel Escuyer Merueilles le Duc de Milan feit trancher la teste pour les causes, & en la maniere qui sensuit.

Histoire de  
l'Escuyer  
Merueilles.

L'AN mille cinq cens trente & vn, ledit Merueilles auoit demandé congé au Roy pour aller en Lombardie visiter les parans: & pour auoir esté bien traité en France, de maniere qu'il s'y estoit faict riche il y alla en gros equipage, tint maison, & festia les principaux & plus prochains seruiteur du Duc, ausquels & au Duc mesmes feit des presens: & par apparance finisua fort en la grace d'iceluy Duc, & du Comte Maximilian Stampe, qui lors auoit le principal maniement de la maison & affaires du Duc. Quelque temps apres estant ledit Merueilles retourné en France, au temps que l'Empereur dressoit en Allemagne son armée contre le Turc, messire Francisque Tauerne nepueu dudit Merueilles & Chancelier du Duc allant de par luy en Allemagne passa par France,



France, & au nom de son maistre visita le Roy lors sejour-  
nant à Fontainebleau: auquel il dit en deuissant de plu-  
sieurs choses, que s'il plaisoit à sa majesté enuoyer quel-  
que ambassadeur aupres d'iceluy Duc son maistre, ce luy  
seroit chose fort agreable, & que par ce moyē se pour-  
roit guider beaucoup de bonnes choses, & qu'y enuoyāt  
quelqu'un, ledit Merueilles seroit fort à propos & bien  
au gré dudit Duc son maistre. Mais pour autant que le  
Duc son maistre auoit tant à faire de s'entretenir en gra-  
te de l'Empereur, lequel pourroit (si à son sceu il y auoit  
un ambassadeur de France deuers le Duc) luy en tenir  
quelques rigoureux termes, il vouloit bien supplier le  
Roy, que ce tiltre d'ambassadeur fust & demonstast se-  
cret entre lesdits seigneurs Roy & Duc, & que pour la  
iustification de sondit maistre (au cas que l'Empereur  
en entraist en souspeçon à l'encontre de luy) le plaisir  
fust du Roy, de donner audit Merueilles vnes lettres à  
part adressantes au Duc en faueur d'iceluy Merueilles,  
& en recommandation de ses particuliers affaires, afin  
que par icelles sondit maistre peust en un besoing faire  
foy que ledit Merueilles estoit pres de luy, non comme  
ambassadeur, mais comme sollicitant ses propres affai-  
res. Ce que le Roy facilement luy accorda, & outre les  
lettres de créāce & instructions qu'il feit depescher au-  
dit Merueilles, il luy feit aussi bailler lesdites lettres ne  
faisans mention que des propres & particuliers affaires  
de luy: & pour son estat & moyen de viure aupres de la  
personne d'iceluy Duc, il luy ordonna certaine somme  
par mois, outre les autres estats & bien-faicts qu'auoit  
ledit Merueilles de luy.

A Boulongne la grasse estoit le Duc avecques l'Empe-  
reur, alors que ledit Merueilles arriua en Lombardie, &  
pour ne mettre le Duc en souspeçon de l'Empereur, ne  
voulut passer outre: ains s'arrestant à Milan feit scauoir  
sa venue au Duc, comme il auoit lettres à luy presen-  
ter de la part du Roy, & aucunes choses à luy exposer

En sorte que les paroles qui estoient mises en auant de son mariage avecques la niepce dudit Empereur en furent presque en totale ruytture. Parquoy le Duc enuoya s'excuser & monstrer a l'Empereur (afin de luy faire foy q̄ ledit Merueilles estoit pres de luy, pour les particulieres affaires) les dessusdites lettres de recommandation qui auoient esté dressées par le conseil dudit Chancelier Tauerne, pour auenant (ce qui auint) seruir au Duc à ceste fin, non pourtant estoit ledit Empereur encores satisfait, ayant opinion que ledit Merueilles eust pris ceste vmbre & couleur en intention de manier plusieurs tretttement autres choses de plus grand poix avecques le Duc, & s'en plaignit tellement que le Duc luy enuoya de rechef faire nouvelles excuses, l'asseurant qu'auant peu de iours il feroit telle demonstration que ledit seigneur Empereur auroit cause de se mettre hors de tout soupçon, que ledit Merueilles n'aurait le sceussent iamais attacher à la deuotion du Roy de France: Or luy auint l'occasion dece faire en ceste maniere.

Le premiet iour de Iuillet audit an allant ledit Merueilles avec ses seruiteurs, accompagner le Duc parmy la ville, vn gentilhomme de la maison Castillon s'adressa de fortune où de propos delibeté à l'un des seruiteur dudit Merueilles, nommé Baptiste homme idiot & sot, auquel demandant qui estoit son maistre, ledit Baptiste monstrant son maistre respondit qu'il estoit au seigneur Merueilles de France, mais à Merueilles de la Fourche repliqua ledit Castillon. Quoy entendant vn autre des seruiteurs de Merueilles, qui toutesfois n'en donna mot pour l'heure, artêdit que le Duc fust môté & entré au chateau; & ceux qui l'auoient accompagné sortis dehors, & luy sortant alors à la queue dudit Castillon, auquel il s'adressa. Seigneur (dit il) vous auez tantôt dit que monsieur de Merueilles mon maistre allast à la Fourche, qui n'a esté bien dit à vous, & ne sont paroles à dire ne proférer contre vn tel personnage: à quoy respondit ledit gé-

riihomme, qu'il n'en auoit iamais parlé, le seruiteur  
 lors repliqua qu'il ne falloir point qu'il le piast, car luy  
 fauoit ouy & entendu, le gentilhomme dit de rechef  
 qu'il n'en auoit parlé, & que tous ceux qui le disoit en a-  
 uoient menty : & adonques le seruiteur dit que festoit  
 luy mesmes comme vn belistre, & ce disant mist la main  
 à l'espée. Le gentilhomme estimant parauanture que  
 l'autre ne fust de qualité pour s'attaquer à luy se retira, &  
 deux siens seruiteurs desgueinerent contre celuy de Mer-  
 ueilles, mais ils furent par les assistans separez. Ce faict,  
 & ledit de Merueilles estant retiré en son logis, son ser-  
 uiteur luy compra ce que dessus, & comment le tout es-  
 toit allé, & pour ceste cause ledit de Merueilles appella  
 vn gentilhomme sien amy & parent dudit Castillon, &  
 l'enuoya vers luy scauoir s'il auoit vsé de telles paroles, le-  
 quel Castillon luy assura & iura que non: au moyen de-  
 quoy ledit Merueilles enuoya derechef en luy faisant sca-  
 uoir qu'il luy desplaisoit doncques de ce que son serui-  
 teur luy auoit dit & faict, le priant sur ce le tenir pour  
 excusé. Le Duc auerty de ce debat, enuoya deffendre à  
 tous deux qu'ils ne passassent plus outre, ains qu'ils eus-  
 sent à s'en celler & deporter : a quoy respondit Merueil-  
 les qu'à ceux qui auoient le debat se deuoient telles in-  
 hibitions adresser, & nō point à luy qui n'auoit querel-  
 le ny debat à personne du monde. Pour cela ne laissa le-  
 dit Castillon de l'accompagner tousiours de dix ou dou-  
 ze personnes ayans peituyfanes & haquebuttes, & a-  
 uecques ceste compaignée passa & repassa souuent au long  
 du logis de Merueilles, tellement qu'un soir il trouua  
 cinq ou six des ses seruiteurs, lesquels il sefforca d'outra-  
 ger (ce qu'il eust faict s'ils ne se fussent retirez) Merueil-  
 les voyāt ceste cōtinuation, & craignant que plus grand  
 inconuenient n'auint, enuoya deuers le capitaine de la  
 iustice, le prier qu'il y voulust pourueoir: car de sa part il  
 ne vouloit point que ses seruiteurs se vengeassent aucu-  
 nement de l'outrage que lon auoit essayé de leur faire,

mais

mais aussi ne vouloit qu'on continuast à les outrager. Le capitaine de iustice n'en tint cōpte, ains endura que le dit Castillon cōtinuast de passer & repasser en ceste maniere par deuant le logis dudit de Merueilles, de maniere qu'un autre soir il aborda ses seruiteurs ainsi que la premiere fois il auoit fait, mais il trouua qu'ilste tenoient sur leurs gardes, & qu'ils se mitēt si bien en deffence, que luy fut tue, & les autres mis en fuite. Au leudemain matin qui fut le quatriesme iour de iuliet, le capitaine de iustice vint au logis de Merueilles & feit inuentaie de tous ses biēs, & le constitua prisonnier, ensemble tout ce qu'il trouua de ses seruiteurs, & à l'un d'eux aagē pres de quatre xx. ans, & qui par vieillesse estoit deuenu sourd, le dit capitaine feit bailler l'estrapade pour eslayer de tirer de luy quelque cōfession contre son maistre: auquel Merueilles ce pendant qu'il fust prisonnier, ne permit que homme de ses amis parlast ou le visitast, aucuns d'entre eux (ainsi qu'à Milan est la coustume en pareil cas) couchèrent les iustificacions par escript, & les présenterēt audit capitaine, qui les print & rōpit en pieces sans les daigner lire ne regarder. Et le Dimenche ensuiuant apres la minict ledit capitaine ayant premierement sceu la volontē du Due, luy feit trancher la teste, & au lundy auant le iour le corps sans teste fut trouuē deuant la place des marchans audit Milan.

Vn nepueu dudit Merueilles se sauua, & vint en diligence sur cheuaux de poste, apporter nouuelles au Roy, & se plaindre de Pourrage & iniustice qu'il alleguoit estre apparente: premierement par la requeste qu'auoit fait ledit Merueilles au capitaine de iustice, seconderment pour le refus d'accepter les iustificatiōs, tiercemēt par la precipitation de son procēs, condemnation & execution, à quoy il fut procedē à iour de feste, executē de nuit sans forme ny figure de iustice, & le tout en trois iours. Encores que par les status & coustumes de Milan à tout hōme condāné à mort, de quelque estat, &



qualité qu'il soit on doit donner trois iours apres la condé-  
nation, pour alleguer & mettre en auant les iustifications.  
Et à plus forte raiſon qu'ils ſe deũoient donner à vn tel per-  
ſonnage ancien ſeruiteur & ambassadeur d'vn tel Prince  
qu'est vn Roy de France. La plainte dudit nepueu & la fa-  
con de ceste mort fut tresmal prise du Roy & de ſon conseil,  
& n'y auoit homme de ceux qui auoient accoustumé de  
voyager & aller en ambassade pour le Roy, qui n'estimast  
luy en prendre autant à Pueil : & à ceste cauſe faisoient tous  
instance avec ſolicitation extreme enuers ledit ſeigneur &  
ſon conseil, qu'ils euſſent à ſen reſſentir, & en faire telle de-  
monſtration que ce fuſt exemple à tous autres de ne violer  
le droit des gēs, que les ambassadeurs (deſquels le nom en-  
tre les armes des ennemis doit eſtre ſacrosainct & inuiola-  
ble) fuſſent en ſeureté, au moins à l'endroit de ceux deuers  
leſquels ils ſont enuoyez.

Le Roy pour ne precipiter la vengeance autant qu'auoit  
eſlé le faict, delibera premierement de demander au Duc  
meſmes reparation de ceſt outrage, ſecondement d'en eſ-  
crire à tous les Princes & potentats de la Cheſtienté, com-  
me de choſe touchant & appartenant à tous vniuerſelle-  
ment. Au Duc il eſcriuit en ceste maniere.

Mon Couſin i'ay entendu comme ces iours pavez con-  
tre tous droits anciens & louables couſtumes de tout réps  
gardées & obſeruées entre les Princes, vous auez faict tran-  
cher la teſte à Pelcuyer Merueilles mon ambassadeur reſi-  
dant à l'entour de voſtre perſonne : choſe qui m'a tant & ſi  
griueusement deſpleu & deſplaist, pour le gros outrage & in-  
iure qu'en ce faiſant m'a eſté faict, qu'il n'eſt poſſible de  
plus, & dont ie ſuis deliberé, perpetuellement me reſſentir  
iuſques à ce que reparation m'en ſoit faicte telle qu'il appar-  
tient. Je l'auoy enuoyé pres de vous, comme celuy que ius-  
ques icy i'auoy trouue & cogneu en rous actes ſi honne-  
ſtement ſe porter & conduire, qu'il meſt difficile à perſua-  
der qu'il euſt voulu faire choſe meritant vn tel ſupplice. En-  
cores qu'ainſi fuſt, qu'il euſt faict vn cas pour le meriter, ſi  
faut-il

faulx-il que vous entendiez que vous ne deuiez de tant vous oublier, que de proceder à faire vne telle executiō sans prealablement m'en aduertir, & m'enuoyer son proces, attendāt sur ce ma response qui eust esté si iuste & raisonnable, que eussiez eu cause de vous en contenter : qui estoit la vraye voye qui de tout tēps & ancienneté a esté enliuie en telles manieres. Et pour ce que de la mort qu'il a soufferte l'iniure principale s'en adresse & est faicte a moy, laquelle pour rien du mode ie ne suis delibere souffrir, ie vous aduise qu'il fault q̃ vous mettiez en debuoir de la reparer, tāt & si auant que i'en sois satisfait, cōme la raison le requiert. Sinō & en default de ce, ie vous signifie que par tous les moyens dont ie me pourray aduiser ie procederay à l'encontre de vous, & vous feray cognoistre que tresindiscretement & sans vous en auoir donné cause, vous m'auiez faict iniure par trop grande, de laquelle ie me plains, & en escry à tous les Princes Chrestiens mes amis alliez & confederez, comme à ceux auxquels semblablement cest affaire touche, comme pour estre commun entre nous : afin qu'ils cognoissent & entendent que si ie me ressen d'une telle iniure & outrage, & que ie m'en attache à vous, pour le vous faire sentir & cognoistre, i'en ay tresbonne & raisonnable cause.

A nostre saint Pere, comme à pere commun en escriuit semblablement, afin qu'il cogneust, si pour ne luy estre cest outrage reparé, il en pourluiuait la reparation par la voye des armes, qu'il ne le faisoit sans grande occasion & bien iustificée.

A l'Empereur (à ce que si la chose procedoit iusques aux armes, il n'eust cause de penser que ce fust pour autre occasion) il en escriuit en la forme & teneur qu'il sensuit.

Tres-hauts, tres-excellent, & trespuissant Prince, nostre trescher frere, cousin, & allié. Combien que par tous droits ne soit permis ne loisible offenser les ambassadeurs, lesquels de tout temps ont iusques icy iouy des prerogatiues & priuileges que par lonable & ancienne coustume leur ont esté octroyez, & que de faire le contraire tous Roys Princes

& potentars y ont grand interest: d'autant qu'au moyen de cela communication & entretenement de la paix, & amitié entre-eux se pourroit perdre, par succession de tēps, au grand detrimēt & danger de leurs royaumes, pais, & estats. Toutesfois tref hault, tref-excellēt, & tref-puissant Prince, nostre trel-cher, tref-aimé frere, cousin, & allié, le Duc Francois Sforce (cōme nous auōs esté auertis) a ces iours faict trancher la teste à Pescuyer Merneilles nostre ambassadeur residant à Pétour de sa personne, lequel iusques icy auons cogneu en tous actes festre si honnestemēt conduit & porté, que c'este chose difficile à nous persuader, qu'il eust faict n'y voulu faire chose pour meriter en tel supplice & punition. Et encores que cest incōuenient luy fust auenu, de cōmettre cas pour lequel il eust meritē ladicte punition, neantmoins ledit Duc ne pouuoit ne deuoit faire proceder à ladicte execution, sans prealablement nous enuoyer son proces, & surce attendre nostre responce laquelle luy eussions faict telle & si raisonnable qu'il eust eu bonne cause de sen cōtenter. Et ce que trouuons encores grandement estrange, c'est que il a esté procedé si sommairement en cest affaire, qu'en deux iours la prise, le proces, la condemnation, & execution de mort sen sont ensuiuies. Qui nous est vne telle & si grande iniure & qui nous reuiet à si grād ennuuy, que il n'est possible que la puissions comporter: & à ceste cause luy auons escript nous en faire la reparation telle qu'il appartient. Ce que vous auons bien voulu faire entendre & semblablement aux autres Princes Chrestiens noz bōs amis, alliez & confederez, comme à ceux qui y ont interest, & ausquels cest affaire touche, pour estre commun entre nous: afin qu'il soit claiemēt cogneu que la poursuite que pourrons faire en cest endroit ne procede pour autre cause q̄ pour ceste seulemēt: ne que sous couleur d'icelle ayons vouloir d'entendre au recouurement du Duché de Milan. A quoy (cōme Dieu scait) ne tascōs auenemēt par ceste voye, ains nous suffira d'auoir reparation

ratio de laditte iniure, à laquelle quād ledit Duc vouldra entendre & se mettre en deuoir de la nous faire, telle que la raison & Poffence à nous faicte le requierēt, ne procederons plus auant à l'encontre de luy. Mais aussi au default, voulons bien vous auertir que chercherons par tous moyens à nous possibles, de luy donner à cognoistre que ne sommes pour souffrir vn tel outrage. Et quand vn chacun pensera à par luy, si le semblable luy estoit faict, comme il le prendroit, & la demonstration qu'il en feroit, il trouuera que nous auons bonne cause & raisonnable de nous ressentir de faire poursuite de laditte reparation. Tres-hault, tres-excellent, & trespuissant Prince nostre trescher & tres-aimé frere, cousin & allié, nous supplions le createur vous auoir en sa tres-saincte & digne garde.

A v Roy Ferdinand, au Roy d'Angleterre, & autres Princes & porentats en escriuit en pareille substance, & aux seigneur des ligue. A Romme se preparoit nostre S. Pere pour executer ceste entreueue, quand il receut la lettre du Roy touchant la mort dudit Merueilles.

A l'Empereur furent presentées les lettres par le seigneur de Veily ambassadeur du Roy, lequel aussi en parla de bouche selon qu'il en auoit charge dudit seigneur son maistre. Sa responce fut, Que ledit Merueilles auoit tresbien meritē la mort, & qu'il n'estoit aucunement ambassadeur, ains gētil, hōme priué, subiect du Duc, & pour suiuant au pres de luy ses particulieres & propres affaires: cōme il apparoissoit par lettres du Roy mesmes recō-mandāt ledit Merueilles au Duc en sesdits propres & particulieres affaires. L'ambassadeur luy mōstra sur le chāp autres lettres du Duc mesme au Roy, par lesquelles il apparoissoit q̄ ledit Merueilles estoit ambassadeur du Roy vers iceluy Duc. Mais l'Empereur n'en feit autre demonstration, ains se voyāt de rāt plus asseuré du Duc, & que iamais ne seroit pour s'addōner à la deuotiō du Roy, de pecha peu de iours apres le seigneur du Prat ia plusieurs



sois deuant nommé, pour aller querir en Flandres la seconde fille du Roy Cristienne de Dannemarc niepce dudit seigneur Empereur, & la donnera femme au Duc, ainsi qu'il luy auoit promis auparauât. Et presque en vn mesme tēps furent faictes les nopces dudit Duc, & du Duc de Orleans avec la Duchesse d'Yrbini: car le viij. iour de Septēbre, audit an mille cinq cens trēte trois, partit nostre S. Pere de Rōme y laissant le Cardinal de Mōré oncle du Pape Iulles dernier decedé, legat en son absence, le quel toutesfois mourut biē tost apres. Le Roy auoit ordonné plusieurs brigantins & fregattes armez pour deslouir en la haulte mer, & au long de toutes les costes, à ce que d'aucune part il n'auint surprise ny inconuenient à nostre dit S. Pere. Et attendant sa saincteté le Roy se pourmenoit à l'entour de Marceille visitāt le pais, auquel lieu il feit cependant vn court voyage pour veoir quel ordre auoit esté mis à la receuoir honorablement.

Avdiť lieu de Marceille vint deuers le Roy de la part du Duc Francisque Sforce pour l'excuser de la mort de Merueilles, messire Francisque Tauerne deuant nommé Chancellier d'iceluy Duc, lequel par ordonnance du Roy fut ouy au cōseil estroict. L'excuse & remonstrance qu'il proposa, fut que le Duc son maistre ne pensa iamais que ledit seigneur Roy deust prendre ceste mort en la sorte qu'il la prenoir, par les lettres pleines d'expostulatiō que sa majesté luy en auoit escrites, d'autant que ledit Merueilles n'estoit ambassadeur, & n'en auoit ordre ne lieu, ny estoit estimé ne tenu tel en la cour du Duc son dit maistre: mais qu'il y estoit cōme son subiect & vassal, & pour ses propres affaires & negoces ainsi que les autres vassaux & subiects de son dit maistre, lequel iamais n'auoit sceu ne pensé qu'iceluy Merueilles fust domestique ou seruiteur, nō qu'ambassadeur ou messager du Roy: & que quād il Peust sceu, il luy eust porté le respect qu'il cōuiēt porter aux seruiteurs de si grand Prince, & de la personne du monde à laquelle il auoit autant d'obligation, &

à laquelle il vouloit porter autant d'honneur & de reuerence, & qu'il n'eust souffert estre touché à la personne dudit Merueilles sans prealablement en auertir ledit seigneur Roy. Mais ignorant qu'il fust autre que son subiect & vassal, il auoit permis & souffert que la procedure & iustice fust faicte contre luy cōme contre tel, & cōme contre hōme meritant telle punition, pour le conflict & homicide commis à l'encontre d'un gentilhomme de la maison de Castillon, l'un des gentilshōmes ordinaires de la maison d'iceluy Duc. Aussi que ledit Merueilles estoit homme vicieux, sedicieux, scandaleux, receptateur ordinaire d'homicidaires, & autres gens mal viuans, & mesmement d'aucuns lesquels auoient conspiré en la mort d'iceluy Duc son maistre, & d'aucuns autres ses prochains & priuez seruiteurs, & tellement que ledit Duc par plusieurs fois luy auoit faict dire qu'il n'auoit sa demeure agreable à Milā. Aioustant ledit Chācellier auoir luy mesmes dit souuent audit Merueilles que le Duc vouloit & besoing estoit qu'il se retirast: à quoy il n'auoit obtenupe ré: pendant lequel temps estoit auenue la mort dudit de Castillō, laquelle iceluy Chācellier recita lors, ensemble la prise & execution dudit Merueilles presque de mort à mort, ainsi qu'elle est cy deuant couchée, seulement obmist & ne voulut mentionner la requelle dont nous auons parlé, faicte par ledit Merueilles au capitaine de iustice, & les iustifications presentées par les amis de luy estant prisonnier.

C E S T E legation & remonstration fut trouuée par le conseil incroyablement estrange & mal à propos, d'autant que ledit Chācellier estoit propre nepueu, & fils de la sœur dudit Merueilles, & que luy plus que nul autre estoit informé du contraire de ce qu'il mettoit en auant, ce que luy fut alors remonstré de poinct en poinct, & premieremēt que le Duc son dit maistre ne pouuoit ignorer que ledit Merueilles ne fust seruiteur voire ambassadeur du Roy aupres & deuers luy, & qu'il en apparoissoit

assez, tant par les propres lettres dudit Merueilles escriptes estât a Boulongne, desquelles le Roy auoit le double, & par la response que luy feit le Duc, dont ledit seigneur auoit l'original en sa puissance. Ioinct que ledit Merueilles auoit demouré premierement au seruice du feu Roy, & depuis à celuy du Roy present l'espace au moins de vingt cinq ans: parquoy il estoit impossible que le Duc n'en fust auerty, lequel n'auoit esté si negligent que de ne scauoir les noms & les biens de tous les gentilshommes du Duché de Milan qui en estoient hors. Aussi qu'il n'estoit vray semblable que ledit Chancelier qui bien scauoir les causes de sa depesche, & qui l'auoit présenté au Duc, & auoit ordinairement hanté avec luy, en eust aduerty ledit seigneur Duc, afin de ne luy laisser cōmettre vn tel erreur à l'encontre d'vn tel & si puissant Prince que le Roy, sur ce poinct cōfessa bien ledit Chancelier, que voirement festoit Merueilles adressé à luy, pour le faire parler au Duc son maistre, mais ne luy auoit aucune chose déclaré plus auant, & qu'il n'auoit iamais pensé qu'il sadressast à luy, que comme oncle à nepueu en ses affaires, ne qu'il eust à parler d'autres negoces au Duc, sinon par auanture en intention de tirer quelque chose de luy pour en escrire au Roy, & pour s'en remettre (s'il estoit possible) de estre mediateur de bonne & seure amitié entre eux. Si la premieremonstrance de ce Chancelier auoit semblé à tous moult estrange, encores plus qu'impertinente sembla ceste repliche: & luy fut remonstré combien à luy seioit mal d'vser de ce langage, attēdu qu'il scauoir bien que ledit Merueilles auoit lettres de creance au Duc, & sa creance portée par instruction signée du Roy: aussi que luy-mesmes au lieu de Fontainebleau auoit procuré la depesche, & mis en auant ce moyē de luy donner autres lettres de recomandation particuliere, pour seruir d'vmbre & couuerture aux fins, & intent. on qu'il à esté dit cy deuant: & quand tout ce ne letoit, si n'estoit il excusable ny soustenable en droit & iu

stice, veue la precipitation de la procedure faicte contre luy, lequel fut seulement par souspeçon, & comme presumptiuement consentant de l'homicide faict par ses gés, emprisonné le vendredy, & le Dimenche iugé & executé clâ destination & de nuict. Chose pour môstrer euidentement que le Duc eust peur & crainte qu'en le faisant executer publiquement, la pluspart du peuple y mist empeschement & fust tumulte, pour crainte que le Roy sen ressentât contre le Duc, ils se sentissent aussi sans coulpe de vengeance qu'il en voudroit & pourroit faire, & qu'à Milā mesmes en estoit le bruiet commun. C'est grande force que de conscience, & qui merueilleusement faict perdre sans & propos à ceux qu'elle condamne.

Il me souuent auoir veu en mes ieunes ans ledit Chancellier estre estimé l'un des plus subtils & prompts aduocats & plus argut en ses responses qui fust pour lors en Lombardie, mais a ceste objection le sens luy faillit au besoing, ou sang qui ne peult mentir le feit respondre si mal à propos, & contredisant à tout ce qu'il auoit dit au-parauant, que pour excuser ceste execution nocturne & clandestine, il allegua que le Duc son maistre l'auoit ainsi voulu, nō pour la peur & crainte de dessusdittes, mais pour autant que ledit Merueilles estoit au seruice d'un si grād Roy, il luy auoit porté ce respect de ne luy faire ceste honte que de l'executer publiquement. A ceste cause on luy rompit alors la broche, en luy remonstrent, puis que par son dire il confessoit le Duc auoir bien sceu que ledit Merueilles estoit seruiteur du Roy (ce qu'au-parauant il auoit nié) la raison vouloit qu'à l'homme niant chose si manifeste, il n'en fust disputé plus amplement, & que le Roy auoit tresbien entendu ses excuses fondées en paroles sans iustification aucune, & qu'au contraire le Roy luy auoit montré par lettres & autrement deuement & clairement, que le Duc son maistre ne pouuoit soustenir qu'il ignorait ledit Merueilles estre son seruiteur & ambassadeur. Et pourtant il vouloit que



reparation de ceste iniure luy fust faicte, selon que premierement il luy en auoit oſent, autrement il la se feroit faire en temps & lieu.

Telle fut la responce & depesche baillé audit Châcellier, & n'y auoir homme du conseil du Roy, qui ne iugeast cest outrage si grand & infame, que non seulement il auoit iuste cause d'en entreprendre la vengeance contre le Duc, mais qu'à grand peine fen pouuoit il passer à son honneur, & pensoit bien vn chacun que si à ceste entreueue ne fy en moyennoit quelque reparation, le printemps ensuiuant ne se passeroit sans qu'il y eust de la meslée.

Entreueue  
du Pape &  
du Roy.

Le mois d'Octobre fut de la tour d'If & de nostre Dame de la garde descouuert l'armée de mer, laquelle apportoit nostre S. Pere, desquels lieux fut faict le signal, lequel veu de Marceilles partirent du port vn bon nombre de brigantins & fregattes, pour aller au deuant de sa saincteté: dedans lesquels y auoit bonne compagnie de noblesse avecques force trompettes, clairons & haultsbois. Arrivé qu'il fut à l'entrée du port sur salué de la maiour de nostre Dame de la garde, de la tour S. Iean, de l'abbaye de S. Victor, & de plusieurs autres lieux eminents, de plus de trois cens grosses pieces d'artillerie: ausquelles les galleres rendirēt leur salur, de sorte que tout le port & les enuironse monstroiet estre en feu. Ce faict l'aditte saincteté descendit en terre du costé de saint Victor à l'opposite de la ville, le port entre-deux, en vn palaiz estant au seigneur de Montmorency, grand Maistre & mareschal de France, lequel il auoit faict preparer pour la reception de l'aditte saincteté, attendant qu'il feroit son entrée. Pareillement ledit Sire de Montmorency (sur lequel le Roy festoit reposité de toutes choses, pour la reception de sa saincteté) auoit faict preparer dedans la ville deux palaiz, l'vn pour le Pape, l'autre pour le roy: & y auoit entre les deux vne rue sur laquelle il auoit faict edifier de charpenterie vne grande saile par laquelle on alloit d'vn logis en le autre: & estoit l'aditte salle grande, & fort à propos pour tenir le consistoire du Pape & des Cardinaux, & aussi pour faire

faire les assemblées de sa saincteté & du Roy, & le tout tenu du de fort riches tapilleries.

La saincteté du Pape apres auoir esté conduite iusques au palaiz que i'ay dit luy auoir esté prepare de là le port, chacun se retira en son quartier iusques au lendemain que ladicte saincteté se prepara pour faire son entrée, laquelle fut faicte en fort grande sumptuosité & magnificence, luy estant assis sur vne chaire portée sur les espaulles de deux hommes, & en ses habits pontificaux, hors mis la Tyare, marchant deuant luy vne hacquenée blanche, sur laquelle reposoit le sacrement de l'Autel, & estoit ladicte hacquenée conduite par deux hommes à pied en fort bon equippage avecques deux resnes de soye blanche. Puis apres marchoient tous les Cardinaux en leurs habits, montez sur leurs mulles pontificales, & Madame la Duchesse d'Vrbain separemēt en grande magnificēce accompagnée d'un grand nombre de Dames & de gentilshommes tant de France que d'Italie. En ceste compagnie estant le Pere Sainct au lieu prepare pour son logis, chacun se retira, & tout ce fut ordonné & conduit sans nul desordre ny tumulte. Or ce-cpédant que le Pape faisoit son entrée, le Roy passa l'eauue dans vne fregate, & alla loger au lieu dont le Pape estoit party, pour de ce lieu le lendemain venir faire l'obeissance au pere sainct, comme Roy Tres-chrestien. Or auoit il esté ordonné de long tēps que maistre Guillaume Poyet President, & depuis Chancelier en la cour de Parlement de Paris feroit l'oraison au Pape quand le Roy luy feroit la reuerance, & estoit ledit Poyet le plus eloquent aduocat de son temps & mieux parlant la langue Francoise, mais ie pense bien que la Latine ne luy estoit si commune. Et pour ceste raison auoit faict forger son oraison de longue main par les plus doctes hommes de ce Royaume & l'auoit bien estudiée: mais il auint autrement qn'il ne pensoit, car le matin au leuer du Roy, le maistre des ceremonies vint deuers sa maiesté luy faire entendre la substance sur laquelle la saincteté prioit ledit seigneur qu'on fist ladicte oraison, afin de n'offencer les autres

Princes & potentats: laqueulle instructiō estoit toute contraire à ce qu'auoit proiecté ledit Poyer, parquoy se voyant surpris, supplia le Roy de donner ceste charge à vn autre, remontrant que c'estoit le faict d'un Prelat, attendu que c'estoit pour l'vniō & bien de l'Eglise. Mais à bien dire, c'estoit qu'il n'auoit le temps de pouuoir changer le langage ne la substance de l'aditte oraison, parquoy en fut baillée la charge à Iean du Bellay Euesque de Paris le quel encores qu'il fust prias à l'improuiste s'en deschargea au contentement, tant des estrangers que de ceux de sa nation.

ESTANT le Roy préparé, partit pour venir au palaiz où estoit le Pape, accompagné des Princes de son sang, comme monseigneur le Duc de Vendosmois, le Comte de saint Pol, messieurs de Montpensier & de la Rochefuryō, le Duc de Nemours frere du Duc de Sauoye, lequel mourut audit lieu, le Duc d'Albanie & plusieurs autres, tant Comtes, Barons que seigneurs, estāt tousiours pres de luy le seigneur de Montmorency son grād Maistre. Estāt le Roy arriué au palaiz, fut receu par le Pape, & tout le college des Cardinaux assemblez en cōsistoire fort humainement. Ce faict chacun se retira au lieu à luy ordonné, & le Roy mena avecques luy plusieurs Cardinaux, pour les festoyer, & entre autres le Cardinal de Medicis nepueu du Pape homme fort magnifique & bien accompagné. Au lendemain ceux ordonnez par sa saincteté & par le Roy commencerent à s'assembler pour traiter des choses, pour lesquelles l'entrecue se faisoit: premierement fut traité du faict de la foy, & pour autant que les choses n'estoient préparées pour le Concile, ainsi qu'auex peu veoir par ce qui en a esté dit cy deuant, fut despeschée vne bulle pour (en attendant ledit Concile) reprimer les heresies en ce Royaume, & empescher que les choses ne vissent en plus grande combustion qu'elles n'estoient. Puis fut cōclu le mariage du Duc d'Orleāns secondz fils du Roy avecqs Catherine de Medicis Duchesse d'Yr-

d'Virbin niece de sa saincteté, avec les conditions telles ou semblables que celles qui autresfois auoient esté proposées au Duc d'Albanie, ainsi que pouuez auoir entendu par cy deuant: ledit mariage fut consommé en grande magnificence, & les espousa nostre saint Pere. Ce mariage ainsi consommé, le saint Pere tint vn consistoire, auquel se crea quatre Cardinaux à la deuotion du Roy, scauoir est le Cardinal le Veneur, par deuant Euesque de Lizieux & grand aumosnier du Roy: le Cardinal de Boulongne de la maison de la Chambre, & frere maternel du Duc d'Albanie: le Cardinal de Chastillon de la maison de Colligny, nepueu du Sire de Montmorency, fils de sa sœur & du mareschal de Chastillon: le Cardinal de Giury oncle paternel de madame l'Amirale de Brion. Ce faict fut celebrée vne messe Papalle, à la fin de laquelle nostre S. Pere donna sa benediction & absolution generale par toute la Chrestienté, comme au ieudy de la sepmaine Sainte. Les choses ainsi paracheuées, le Pape sembarqua pour retourner à Romme en uinon le xx. iour de Nouembre, & le Roy print son chemin pour se retirer vers Auignon, aussi fut parlé de Passaire du Roy d'Angleterre, pour lequel le Roy feit grâde instance: mais estâs les choses si auant, que d'auoir esté ieter la fulminatiō cōtre ledit Roy, les Cardinaux cōtestèrent, de sorte que la chose fut remise à Romme, où tout le college seroit assemblé, ce pendant le Roy pouroit enuoyer deuers ledit Roy d'Angleterre pour luy persuader, de se remettre en l'obeissance de l'Eglise Romaine.

DE PUIS le partement de Marceille ne sejourna le Roy iusques à ce qu'il fust à la coste saint André, sinon deux iours en passant en Auignon: auquel lieu il assembla son estroict conseil, & delibera sur vne requeste à luy faicte, tant de la part du ieune Duc Chrestosle de Wirté berg au nom de luy & de son pere, cōme des Ducs Guil- laume & Louis de Bawiere les oncles. Nous auons dit par cy

Des affai-  
res d'Alle-  
magne &  
des Ducs de  
Bawieres.



par-cy deuant la gracieuse response que fit ledit seigneur à messire Bonacuisle Gryne secretaire desdits Ducs de Bauiere, & comment il leur auoit promis d'enuoyer homme auecques pouuoir de traiter & conclurre auecques eux selon leur intention & requeste: de laquelle response il auertit ses Princes & maistres, & luy demoura en ceste cour attendant la despesche dudit personnage iusques apres le pailement de ceste assemblée. Le dit ieune Duc Chrestofte de Wirtemberg auoit eu désle mois d'Aoult response des alliez & confederes en la ligue de Sueue à vne sienne longue lettre du dernier iour de Iuillet, laquelle il leur auoit faict entēdre les ius des causes de doleance sur le traitement rigoureux donē sans sa coulpe on auoit vīē à l'encontre de luy: & par laditte response luy auoiēt les commis & deputez d'icelle ligue signifié q̄ pour estre son affaire fort intrinquē, tellemēt qu'il estoit preique impossible de la decider, & y faire fin par lettres & response entre absens, ils les auoient semonds à se trouuer en personne au commencement de Septembre prochain à vne diette pour entendre à la decision de sondit affaire qu'ils offroient de tenir en la ville d'Ausbourg, où ils estoient lors assemblez à la deliberation d'autres affaires. Et à ceste fin leur auoiēt enuoyé saufconduit en ample forme soubz les seings & seaux secrets des Triumuires ou trois capitaines, lesquels estoient alors messire Guillaume de Rue Ringan, Leonard de Bappahein mareschal du S. Empire, & Viricq Naytarei Bourgmestre de la ville de Vlme. Or est la coustume en Germanie qu'en toutes les assemblées qui se font à la requeste d'aucun personnage, & pour ouir & decider ses propos & particulieres affaires, le dit personnage y mene le plus grand nombre qu'il peut assembler de ses familiers amis & adherans ou leurs commis & deputez pour assister à l'audience & decision de la matiere.

Lequel nom & titre d'assistance est de telle cōdition, que quicōques assiste à autrui faict la cause & matiere sienne, & tacitement soblige à luy donner ayde & faueur, & iusques à prendre les armes pour luy, en vn besoing: en cas de denegation

negation & maligne dissimulation de iustice. Suiuant laquelle coustume ledit Duc Chrestosse auoit enuoyé deuers plusieurs Roys, Ducs, & Princes les requerir & suplier de luy vouloir assister en cestuy sien affaire : scachant doncques la promesse qui aux Ducs de Bauiere ses oncles auoit esté faicte par le Roy nostre maistre, d'en uoyer vn personnage avec pouuoir de traiter, ainsi comme i'ay dit avec eux, il luy escriuit de fort gracieuses & humbles lettres la substance desquelles il m'a semblé estre bien à propos d'insérer en cest endroit, ensemble la response du Roy & recharge faicte par luy accompagnée de la priere & grande instance de ledits oncle les Ducs de Bauiere, qui par ledit Gryne leur secretaire fut faicte de bouche, & baillée par escrit audit seigneur Roy de France.

La salutation accoustumée premise il luy exposoit comment en la grande & longue affliction & calamité de son pere & de luy qui estoient (ia xvij. ans auoir) expulsez & chassez hors de leur pais & biens, la premiere esperance qu'ils auoient eue de se resouldre auoit esté par la nouuelle qu'il eut de la consommation du mariage de sa majesté, avec la Roynne Madame Aleonor son espouse, & sœur des Empereur & Roy des Rommains, auxquels estoient leurs biens appliquez & paruenus, se confians iceux Ducs pere & fils, qu'estant la mere d'iceluy Duc Chrestosse fille, d'une sœur de l'Empereur Maximilian pere du Roy Philippe de Castille, pere dudit Empereur Charles & du Roy Ferdinand, & de laditte Roynne Aleonor, il ne pouuoit estre que luy comme vn allié des parties, interpolant son credit & autorité sur cest affaire, lesdits seigneurs Empereur & Roy n'y eussent esgar, & les iertassent hors de ceste grâde leur misere & calamité, laquelle interposition de son credit & autorité ils ne pouuoient non esperer pour son accoustumée bonté, compassion & promptitude de secours enuers tous affigez & opprimez de necessité. A ceste cause luy estant accordé

faufconduit de venir à vne assemblée des alliez & confedererez en la ligue de Suaue spoliateurs & expulseurs de son dit pere, par eux à luy octroyé pour ouir & entendre ses doléances, il suplioit sa majesté vouloir escrire aux dessusdits Empereur & Roy, & enuoyer autre ambassadeur ausdits alliez & confedererez de Suaue, leur recommandant affectueusement & prenant en sa protection les affaires de luy & de son pere: lesquels affaires il ne doutoit que par sa protection & assistance, ils ne se portassent fauorablement & bien, & qu'ils n'en demourassent perpetuellement & infiniment obligez à saditte majesté, à laquelle pour fin de lettre ils se recomandoient de rechet & treshumblement.

C E S T E fut la requeste dudit ieune Duc Chrestophe, sur laquelle apres auoir meurement pensé, le Roy luy feit responce qu'estant de sa nature & coustume enclin & prompt à secourir quiconque en auoit besoing, non seulement ses alliez de sang, il luy desplaisoit merueilleusement que sans le iceu & consentemēt de dits seigneurs Empereur & Roy des Rommains ausquels touchoit l'affaire d'iceux Ducs & pere & fils, qui estoient iouissans & saisis des biens & estats d'iceux, il ne pouuoit sans offension de ses traittez entreprendre la protection de leur dit affaire, ne pour ceste fin escrire ou enuoyer ambassadeur ausdits alliez & confedererez de Suaue: car ce feroit tacitement les blasmer & reprendre d'iniquité, fil requeroit ou poursuiuoit que les biens & estats d'iceux pere & fils, leur fussent par iugement de la ligue, rendus comme iniustement & à tort occupez & detenus par les dessusdits Empereur & Roy: ausquels vouloit il bien de bon cœur & affectueusement escrire, qu'ayant esgard à la prochaine alliance d'iceux Ducs avec leur majesté, ils eussent esgard à leur donner moyen de viure & entretenir en tel estat qu'il appartenoit à gens de telle estoffe & de si noble alliance cōme ils estoient, offrant au demourât audit Duc Chrestophe payer & secourir de son

son propre, duquel il pouuoit disposer à son plaisir & sans offension ou iuste malcontentement de personne, & faire pour eux & en tout & par tout ce que sans contreuenir à ses traittez il pourroit & seroit loisible de faire.

LA verité estoit en effect que le Roy desiroit moult de veoir les Ducs susdits remis en leur estât, & que volentiers il eust trouué moyen de les y ayder y despendant du sien, tant pour affoiblir d'autant les forces de l'Empereur & de son frere, comme pour acquerir en Allemagne nouuelles amitez, & par bien faicts y consermer celles que desia y auoit acquise, & rendre à l'Empereur la pareille qui en toutes pars s'esloyoit à luy substraire ses alliances, & les vuir & ioindre à luy. Mais il le vouloit faire avec occasion si coulourée qu'il peust deffendre & maintenir n'auoir en ce faisant contreuenue audit traitté, lequel il se contentoit assez gardet au pied de la lettre sans en riens s'estendre, en faueur & auantage de qui ne luy donnoit la cause. Parquoy de ceste sienne volenté n'estoit ignorant ledit Bonacurse secretaire des Ducs de Bauiere, & par lettres en chiffre la feist entendre à ses Princes & maistres, qui pareillement en aduertirent le Duc Chrestoffe leur nepueu, auquel ils portoient affection toute autre qu'ils ne faisoient au pere. Et si eust esté en leur puissance de le remettre au Duché sans y remettre le pere, ils s'y fussent employez tresuolontiers, & s'en estoient assez ouuertement laissez entendre, ne pensans toutestois en pouuoir venir à bout, à cause que la plus part de ceux qui tendoient au recouurement de ce Duché fauorisoient au pere principalement, & ne leur sembloit estre raisonnable d'y mettre le fils & abandonner le pere. Donc voyans qu'ils ne pouuoient ce qu'ils vouloient, voulurent à la fin ce qu'ils pouuoient, ou iugeoient estre plus facile. Et de rechef en escriuirent amplement audit Bonacurse leur ambassadeur & secretaire, lequel apres auoir declaré leur intention au Roy, la luy bailla par articles escripts contenans en substance ce qui sensuit.



Premierement qu'ils le remercioient de la bonne & gracieuse response qu'il auoit faict audit leur ambassadeur, en promettant & asseurant audit seigneur Roy qu'à tousiours-  
 mais ils iroient & tiendroient le droict chemin avecques luy. Secondement ils l'aduertissoient du fausçoduit octroyé audit Duc Chrestofle leur nepueu par le moyen d'eux & de leurs secrettes practiques & menées : & qu'en ceste diete nese traitteroit chose en laquelle sa meicsté ne puisse par quelque sié ambassadeur assister audit ieune Duc Chrestofle avecques les ambassadeurs & commis d'autres plusieurs Roys & Princes Chrestiens, lesquels aussi leur presteroyēt assistance & adherance pour le pacifier & accorder avecques le Roy Ferdinand, & laquelle pacification ne se traitteroit, sinon amiablement, & suiuant les droicts, vs, status, immunitéz, & preuileges du sainct Empire, & de la nation Germanique: ausquels statuts & priuileges ledit Roy Ferdinand n'oseroit ne pourroit contreuenir, autrement il faquerroit ennemis, & susciteroit à l'encontre de soy tous les estats du S. Empire, si que le Roy fauorisant à ceste entreprise ne failliroit à faire de deux choses l'une, ou d'obtenir du Roy Ferdinand la restitution de ces Ducs, lesquels & leur adherans en seroient les obligez à iamais, & ledit Roy Ferdinand affoibly d'autant de pays, & d'autant d'amis & adherans: ou de le contraindre à refuser iustice, enquoy il acquerroit toute l'inimitié de la Germanie, qui l'en pourroit par force destituer non seulement de ce Duché, mais du tiltre & non de Roy des Rommains, & ce sans que le Roy de France en empeschast si ouuertemēt qu'on le peust accuser d'auoir le premier enfreint les traittez & capitulations avec l'Empereur.

Et à ceste cause le prioit attendu que desia il auoit deliberé d'enuoyer le seigneur de Langey en Allemagne, pour avec eux traiter & conclurre de la forme & maniere de la consignation par luy promise pour la conseruation d'une ligue defensiue non offensiue, & que les deputez & commis de tous les Princes contrahans au traité de Shemalcade se trouue-

trouueroyent ensemble à ceste diete pour y assier & adherer à la poursuite de ceste restitution. Ce consideré, son bon plaisir fust d'escrire & recommander cest affaire aux allies & confederez de Soaue, & ordonner audit Langey d'y assister ainsi & en la maniere que feroient les autres, à tout le moins selon que par ledit Langey son ambassadeur seroit conuenu & accordé avecques les dessusdits Ducs de Bauiere. Aussi que son plaisir fust d'escrire à monseigneur le Duc de Lorraine & à monseigneur le Duc de Guise son frere, à ce que fil auenoit audit Duc Chrestofle, ou aucun de ses gens & seruiteurs aller ou venir, ou sejourner parmy leurs pays, il fussent cõtens de le luy souffrir & permettre, luy vñant au demourant de toute raisonnable & honneste faueur & humanité, selon qu'ils esperoyent dudit seigneur Roy de France que volontiers il accorderoit & obtiendrait d'eux sans aucune difficulté.

Ces remonstrances ainsi faictes & baillées au Roy par escript, furent accompagnées d'vnes lettres de recharge par le Duc Chrestofle, par laquelle entre autres choses il remonstroit que ceste diete nō seulement se faisoit du seul consentement de l'Empereur & de Ferdinand son frere, mais que ils y auroyent eux-mêmes leurs commissaires & deputez: ensemble que ledit Roy Ferdinand auoit consenty & accordé que ceste matiere fust mise en dispute de droict, & decidée par l'assemblée d'iceux cōfederez. Et qu'il fust vray enuoya au Roy pour en faire foy, le double d'un saufconduit dudit Roy Ferdinand à luy accordé en date du xxv. iour du mois de May lors dernier passé, & d'vnes lettres en date du lendemain adressantes au capitaine de laditte ligue touchant l'affaire dudit Duc Chrestofle, par lesquelles il foffroit à faire non seulement iustice, mais traitement gracieux, & encores enuers l'Empereur tout l'auancement qu'il pourroit de sa parole, faueur, & recommandation. Si que ledit Seigneur Roy nostre maistre ne deuoit plus craindre ne doubter, qu'en assistant & adherant à ceste poursuite de iustice, il offensaist ny l'Empereur ny le Roy son frere, ny fust cho-

se que les propres vassaux & subiects de l'Empire ne fissent en cas pareil, & sans commettre en ce faisant aucune cause de reprehension.

Le Roy ainsi que i'ay dit, apres auoir entendu toutes ces remonstrances, & veu les doubles des lettres & saufconduit, encorcs que par la teneur & substance d'iceux il fust assez aisé à cognoistre que ledit seigneur Roy Ferdinand n'auoit aucune volôté de rēdre ce Duché, se cōtenoit toutesfois d'auoir la couuerture desdittes lettres & saufconduit, lesquels il interpretoit au meilleur sens, & qui faisoit selon son intention, c'est à dire, selon que chantoit la lettre: ne se voulant persuader que ledit Roy Ferdinand voulust escrire autrement qu'il pensoit. Et pour ce delibera & arresta en son conseil d'obtemperer à la requeste d'iceux Ducs de Bauiere & Wirtemberg: & enuoya ledit seigneur de Lāgey avecques charge de traiter & conclurre de la consignation dessusdite: avecques ceste clause ( toutesfois ) que ses deniers ne pourroient estre employez à l'iuasion d'aucun, ains seulement à la deffence desdits anciens vs, obseruances, & priuileges de l'Empire, & autres certaines clauses, limitations, & restrictions contenues au traitté qu'il en passa. Luy donna pareillement charge de faire pour la restitution de ces Ducs entierement tout ce qu'il pourroit faire avec suffisamment colourée couuerture, & sans ouuertement contreuenir au texte de ses traittez & conuenances. Aussi luy enioignit sur toutes choses d'essayer tous moyens possibles à faire que ceste ligue de Suaue ne se renouast, inais que de tous poincts elle se dissolust: & sur ce luy donna lettres de creance aux commissaires de l'Empereur, au Roy Ferdipand fil se trouuoit à ceste assemblée, & en son absence à ses commis & deputez, & à tous les autres confederéz de laditte ligue vniuersellement.

Le seigneur de Langey à son arriuee aduertty que le Roy Ferdinand ne se trouuerroit à ladite assemblée, voulut bien faire entendre à ses ambassadeurs son arriuee, &  
 l'occasion

Occasion pour laquelle le Roy pouoit depesché : & pour cest effect leur enuoya vne lettre qui leur escriuit avecques celles du Roy, adressantes au Roy Ferdinand, ou à eux en son absence. Laquelle i'ay icy interée avec deux oraisons qu'il feist en laditte assemblée, pour induire les deputez à reintegrer les Ducs de Wirtemberg en leurs seigneuries.

MESSIEURS quād le Tres chrestien Roy de France mon maistre fut prié par les ambassadeurs du Duc Chrestofle de Wirtemberg qu'il luy pleust deffendre sa cause & celle de Vlrich son pere, enuers le Roy Ferdinād, combien qu'il leur deust octroyer cela, d'autant plustost que plus il auoit deu apprendre par ses afflictions propres à secourir les affligez: toutesfois la parenté du Roy Ferdinand Pen destournoit, voyant qu'à luy touchoit principalement cest affaire. Mais apres qu'il a generalelement & particulièrement entendu comme tout l'affaire fust porté au commencement, & en quel estat il est maintenant, & qu'à la requeste du Roy Ferdinād mesmes on auoit donné vne iournée pour les remettre en leurs biens, de sorte qu'il sembloit y auoir plus de besoing d'amiable confirmation que de deffenec. Alors il a cogneu appartenir à son deuoir (estant commun amy) de faire vne recōmandation de ces alliez, & principalemēt de ce Ruy pauvre innocent enuers le Roy Ferdinand aussi son allie & amy, ayant grande occasion de congratuler à tous deux, aux vns pour auoir trouué vn port en la tourmente de leurs biens, & au Roy Ferdinand pour raison du bon aduis & conseil qu'il a pris d'user de misericorde. Je ne suis donc pas venu pour excuser la faulte de Vlrich, combien qu'il en ait quelque cause, sinon iuste, à tout le moins conioincte avec vne iuste douleur, mais pour congratuler du pardon faict, & de la vengeance moderée, ou (si les choses sy adonnoient) pour les obtenir de vous par prieres: si suffisamment il a enduré & souffert estant chassé hors de sa maison & tiré d'avec les

Lettres on  
oraison par  
escriit en-  
uoyée par  
monieur  
de Langey  
aux ele-  
cteurs & e-  
stats de  
l'Empire.



enfants, lesquels il n'a peu veoir depuis, il est temps que  
on rende maintenant ce seul & vniue fil au pere, & le  
pere au fil, & à tous deux leurs estars. La restitution des-  
quels quant à l'un depend entierement de la misericor-  
de du Roy Ferdinand, mais quant à l'autre il y va du de-  
voir, il a desmaintenant beaucoup ( & peult à l'auenir au-  
oir d'auantage ) de moyens pour fentrichir, plus dignes  
de sa grandeur, que de vouloir accroistre le sien ( quand  
il luy seroit permis ) par la ruine & destruction de ceux  
cy ses parens, desquels fil n'a pitié ( ce qu'il a delibéré  
d'auoir ) il ne leur demeure rien entierement que la vie,  
& vne perpetuelle calamité. Toutes lesquelles choses &  
semblables combien que par le Tres-chrestien Roy de  
France mon maistre fussent fort bien entendues, toutes-  
fois il l'a voulu admonester amiablement, afin qu'il ne se  
laissast diuertir d'une si bonne & si sainte entreprise, qui  
est la plus excellente chose & la plus honorable qu'il  
scauroit laisser à la posterité, & si les prieres y peuuent  
ayder, il l'en supplie tres-affectueusement, ou si l'autorité  
d'un commun amy peult donner quelque moyen à vui-  
der tels differends, il y offre tout son pouuoir : m'ayant  
commandé proposer icy en son nom quelques amis qui se  
trouueront honnestes & prouffitables pour paruenir à  
vn bon accord. Mais puis que i'enten que le Roy Ferdi-  
nand n'assistera point à ceste assemblée, qui est contre ce  
que l'on auoit faict entendre au Tres-chrestien Roy, &  
qu'il vous a donné, tresreuerends & tresmagnifiques sei-  
gneurs, plein & entier pouuoir de composer & appoin-  
cter tous differends : ie vous enuoye les lettres de mon-  
dit seigneur Roy qui appartenoient au Roy vostre mai-  
stre, & en son absence à vous, afin que vous scachiez par  
icelles que tout ce que ie vous declare est en son nom &  
procede de son vouloir & intention.

De s le vingt-cinquiesme iour de Nouembre audit  
an mille cinq cens trente-trois, arriva le Duc Chrestofle  
à Auspourg, & avecques luy se trouuerent pour y assister  
&

& adherer au nom du Duc Iean Federic electeur de Saxonie, messire Chrestofle de Tambanhain cheualier, messire Theodore Spieger Docteur és droicts : au nom du Duc Henry de Brunswic & Lembourg vn homme de loy : au nom du Duc Ernest aussi de Brunswic & Lembourg, messire Chrestofle de S. Ampergh, & Balazar Clauier au nom du Duc Albert de Prusse, messire André Rip Docteur au nom du Duc Albert de Mechelpurg, messire Sebatien Chancelier de Schwenisburgh au nom du Duc Iean de Cleues & Iuliers, messire Charles Harst Docteur, au nom de Lâsgraue Philippe de Hesse messire Herman de Malspeirg son mareschal, & messire Iean de Finsy de Lieuchamp son Chancelier, au nom du Comte Georges de Wirtemberg, messire Jaques Truch cheualier, & messire Iean Cuoder Docteur son Chancelier, & de Princes Ecclesiastiques au nom du Duc Francois Euesque de Munstre, messire Thomas de Hordo son mareschal, & Iosse Rullant Docteur son Chancelier.

Le seigneur de Langey dessus nommé ambassadeur du Roy nostre Sire, fut instamment requis de se vouloir inscrire au nom des assistants, mais aduertuy de l'importance de ce nom, & que quiconques assiste à vne cause la faict sienne, comme à esté dit cy dessus, ne voulut y entrer comme ambassadeur de Prince assistant, mais comme mediateur de paix & d'amitié entre les parties. Aussi veoit il que les ambassadeurs mesmes des Ducs de Baviere qui auoient procuré la despêche n'y entrerent point comme assistants, mais seulement comme du nombre des alliez & confederéz de la ligue, parquoy il sen excusa au mieux que possible luy fut. Le Roy d'Angleterre y auoit aussi enuoyé vn sien ambassadeur, mais il partit d'heure qu'il y arriua tard : & apres que l'assemblée fut departie, le Roy Iean de Hongrie pour la difficulté des chemins n'y enuoya point d'Ambassadeur, mais bien y escriuit lettres fort affectionnées en faueur des Ducs dessus nommez.

Le viij. iour de Decembre fut faict à scauoir au Duc Chrestofle qu'au dixiesme iour à sept heures il auroit audience à l'assemblée. Et autant en fut faict à scauoir audit seigneur de Langey, qui estoit seulement arriué au mesme iour huictiesme de Decembre, lequel tout le lendemain feit diligence ainsi qu'il luy auoit esté ordonné, d'entendre au long & à la verité le faict & les merites de cest affaire de Wirtemberg, outre ce que par les chemins il en auoit appris de l'un des gens du Duc Chrestofle qu'il rencontra passant à Souleurre, & qui pour instruction luy auoit baillé vne longue lettre imprimée du Duc son maistre, du trente-vnniesme iour de Iuillet precedât (car il n'en auoit autremēt esté instruit à son parlement) & comme si le Roy en eust esté informé du commencement iusques à la fin, ceux qui le prierent & sollicitèrent d'y enuoyer ne furent si aduisez que de luy en enuoyer information ou par escrit ou de bouche.

A y iour & heure assignez se presenta le Duc accompagné de tous ses assistants qui furent tous assis de rang à vn costé des sieges. Et ce-pendant aucuns commissaires de la ligue enuoyez à ceste fin entretindrent vne espace de temps ledit seigneur de Langey ambassadeur du Roy dedans vne autre salle, ce-pendant qu'il se disputa du rang & lieu qu'il deuoit tenir: car il ne vouloit se seoir au dessous des ambassadeurs & commis du Roy Ferdinand, & luy sembloit suffire qu'il cedast le premier lieu aux deputez & commissaires de l'Empereur, mais le second appartenir au Roy son maistre. Pour cuit ce differend, & ne preiudicier audroict de l'un ny de l'autre Roy, fut aduise que pour ce iour & autres, si l'ambassadeur de l'un se trouuoit à la diete, l'ambassadeur de l'autre ne sy trouueroit. Et fut ledit seigneur de Langey ambassadeur conduit & mené par messire Guillaume Kueringan l'un des capitaines de la ligue, & par messire Leonard Eloq Docteur ambassadeur du Duc Guillaume de Baviere capitaine general de ladite ligue, & fut  
assis

assis auprès des commissaires de l'Empereur, lesquels estoient monseigneur Chrestoffe de Stayn Euesque d'Ausbourg, & le Comte de Montfort. Si presenta ses lettres de creance aux dessusdits commissaires & deputez des confederes de laditte ligue, dont ie infereray icy le commencement de laditte lettre de creance, afin que la longueur d'icelle n'importune le lisant.

FRANCOIS PAR LA GRACE DE DIEU  
ROY DE FRANCE, à Tresseuerends, tresillustres,  
magnifiques, & spectables, Electeurs, Princes & autres  
estats de l'Empire assemblez à tenir la diette en la ligue  
de Soave, noz treschers amis, cousins, & confederes,  
Salut.

APRES la lecture de laditte lettre, le seigneur de  
Langey declara à l'assistance ce qu'il auoit de charge du  
Roy son maistre: puis par le Duc Chrestoffe de Wirtem  
berg fut mis en auant ce qui sembloit luy seruir pour son  
faict. Ses remonstrances furent prises, horsmis des deputez  
du Roy Ferdinand de Hongrie, lequel estoit iouis  
sant dudit Duché, & ceux qui luy estoient adherans: de  
sorte qu'il n'y eut ordre qu'il se feist aucune conclusion  
pour ce iour, encores qu'ils en fussent fort persuadez  
par vne oraison qui leur fut faicte sur le  
champ par ledit seigneur de Langey,  
laquelle vous verrez icy tra  
duitte de Latin en  
Francois.



380 M.D.XXXIII. III. LIVRE DES MEM.  
LA PREMIERE ORAISON DV  
seigneur de Langey faicte à messieurs des e-  
stats d'Allemagne, pour & en la faueur du  
Duc de Vvirtemberg, traduit de  
Latin en François.



I le Tres-chrestien Roy de France mō maistre eust voulu iusques auioird'buy seulement auoir esgard à son deuoir, & à ce que l'humanité requeroit, long temps a que enuers ces estats, cest à dire enuers ses amis & confederz anciens, il eust entrepris de deffendre & fauoriser la cause des illustres & miserables Ducs de Wirtemberg. A quoy faire l'exemple de sa recente calamité l'admonnestoit, comme celuy qui se deuoit efforcer de releuer les miseres d'autrui par la memoire & souuenance des siennes propres, attendu mesmement que beaucoup d'autres raisons le mouuoient: c'est assauoir l'authorité & faueur de plusieurs grands & tres-vertueux Princes qui prioient pour eux, leurs alliances & affinitez, la grande apparence & esperance que la vertu de l'un deuoit croistre avec les ans, sa grande in indubitable innocence, & de tous deux la fortune telle, qu'elle peult esmouuoir leurs ennemis mesmes à pitié & compassion. Car certainement l'un pour l'exigence du crime, a suffisammēt souffert & l'autre pour son innoence a esté trop miserablement traité: mais à dire la verité, autant que toutes ces considerations enflammoient le Roy Tres-chrestien de les secourir, autant Pen refroidissoit le bruit commun d'aucuns, qui n'entendoient les desseings de voz affaires, ainsi que maintenant il se peult iuger. Et auoient faict courir  
iusques

iusques à ses oreilles que par edict perpetuel auiez transporté au Roy Ferdinand tous leurs biens & estats, tellement qu'il luy estoit à craindre que prenant en main la tuition & défense de ceste cause, il offensast ceux avec lesquels il est lié de trefestoitte alliance & confederation. D'auantage il scauoit fort bien que pour le respect & honneur du Roy Ferdinand, & mesmes pour le regard de vostre estimation, il ne deuoit penser qu'un Prince non ambitieux voulust vsurper les biens de ses voisins & alliez, sans estre iugez par les loix & coustumes: ny que vous tant estimez prudents & vertueux deussiez sans occasion imposer & estendre la peine du forfait du pere sur le fils innocent. Car si cela n'estoit couuert de quelque execrable indignité de crime, ce vous seroit à iamais vne tache d'inhumanité, de cruauté: & à luy pareillemēt d'impiété, & d'auarice. Mais ayant depuis entēdu & en general & en particulier par les lettres du Duc Chrestosle, en quelle sorte a esté cest affaire entrepris & cōmencé, & en quel estat il est de présent, apres y auoir songneusemēt pēsé, il n'a voulu refuser secours à ses alliez, Princes dignes de cōmisération, en pendroicts, mesmement où il est question de tous leurs biens & fortunes: ou pour mieux dire, les voyant sauorisez de tant de seigneurs qui se ioignent à leur cause, il n'a voulu faillir de les congratuler, de ce que le recouurement de leurs estats n'est point fondé & assis sur vne opinion incertaine & douteuse, mais despend de vous & de vostre clemence, & de la benignité du Roy Ferdinand. Et pour vous faire bien entendre la charge qui m'a esté cōmise de ceste congratulation, i'espere vous monstrier clairement, qu'ils ne doiuent seulement estre remis en leurs biens, & principalement cestuy pauvre innocent, mais que ils le doiuent estre par vous: & tellement par vous, que si plus long temps ils en demeurent priuez, toute la coulpe d'oresenauant en tombera sur vous, & nullement sur le Roy Ferdinand.

Et si ie vous mōstre cela euidēment & aussi que le Roy mon maistre vous estimāt tels que ne pouuez auoir oublié

Pequité, la misericorde, la prudence, & autres vertus que il a cogneues en vous, à tresbõ droict il a peu & deu congratuler à ceux cy & à vous : à ceux cy de ce qu'ils ont trouué vn port gracieux, pour passeurer apres vne rât impetueuse tourmente & tēpeste : & à vous aussi est à bon droict deu ceste cōgratulation, d'autāt qu'aucez pris ce bõ auis a tressainct cōseil de vouloir vser de clemence & misericorde, par laquelle il me semble que les hōmes s'approchent de Dieu. Ie vien dont au faict auquel ie ne voy point auoir besoing de beaucoup de paroles, car il vous peut souuenir à tous, qu'apres la mort du pere de cestuy-cy, alors que ce Duché par vous fut transporté à l'Empereur, & par luy peu apres au Roy Ferdinād son frere, vous adioustastes par mors expres ceste condition, qu'il en appointast avec Vlrich, & au regard de cest innocēt qui en l'aage de quatre ans où il estoit, n'a peu cōmettre crime, ne faire acte deshonnelle, vous luy reseruastes la poursuite de tous ses droicts, & nōmément des chasteaux de Tubinge & de Neyffen, non long temps apres qu'il vint à demāder d'estre remis en la possession d'iceux, lesquels estoient entre les mains du Roy Ferdinand, & voulant poursuiure ce qui luy appartenoit, iceluy Roy declara ouuertemēt qu'il luy permettoit tout ce qui seroit de droict & d'honesteté. Et n'a pas consenty seulement que ceste iournée soit assignée pour vider ce differend, mais il en a voulu estre le principal auteur.

C'EST acte certes du Roy Ferdinand tant plus ie le considere, tāt plus ie cognoy qu'il n'a peu faire plus prudemment, car fil eust deliberé de leur rendre & restituer leurs biens & estats, lesquels il tient par vostre moyen, sans vous en communiquer, ie dy à vous qui estes aucunemēt cause de la fortune, à laquelle ces Ducs sont maintenant reduits, il eust peu sembler qu'il n'eust tenu compte de vostre bienfaict, ou qu'il se fust voulu separément acquerir leur bonne grace & les rendre obligez à luy seul, les laissant ce pendant irrité contre vous, comme  
fil

Il eust desiré & pourchassé, que ce qu'ils auoient perdu  
 par vous il pensassent sans vous, & peult estre malgré  
 vous l'auoir recouuert de la main de celuy auquel estoit  
 commode & profitable le retenir. Mais puis que les cho-  
 ses sont encores en leur entier, & qu'il remet en vostre  
 vouloir de restituer en leurs estats les Ducs de Wirtem-  
 berg, les deux ensemble ou l'un seul, ie vous laisse à iuger  
 en quelles de leurs seigneuries vous semble qu'ils doi-  
 uent estre reestablis, ayment mieux que lon estime qu'ils  
 y soient rentrez par vostre iugemēt que par son bifaict.  
 Puis aussi qu'il a voulu auoir tel esgard qu'il doit, tant au  
 bien qu'il a receu de vous qu'à vostre repos & à vostre re-  
 conciliation avec eux, & estant content de ceste seule  
 louāge que n'ayāt esté trop arrogant, ny presumptueux,  
 en receuant vn bien-faict de vous il a voulu apparoir, que  
 n'estre point tant inique detenteur de l'autrui que libe-  
 ral du sien: il se peult facilement iuger, qu'il ne vous a  
 point ce-pendant oslé par enuie, ne la bonne grace ny  
 l'honneur: la bonne grace que l'un tiennē de vous les or-  
 nemens de sa ieunesse, & l'esperance de son plus fort aa-  
 ge, & que l'autre vous doiue paier & la tranquillité de sa  
 vieillesse. Mais l'honneur sans doubte sera entierement  
 vostre, & non comme aux faicts de guerre, où les gens-  
 d'armes s'attribuent vne grande partie de la gloire, car  
 en cecy n'aurez point de compagnon, vous d'autāt que  
 chacun peult veoir & cognoistre que vous auez aydē &  
 secouru le fils innocent de vostre ennemy, & rendu la  
 main pour releuer vostre amy abatu & vaincu. Et cer-  
 tes le Roy Ferdinand ce faisant, combien qu'il ne le vous  
 ayt expressément declairé, si est-ce qu'il monstre assez  
 par cest effect qu'il vous a voulu tellement laisser toute  
 la gloire & la bien vueillance qui se peult attendre d'un  
 tel acte, qu'il n'en puisse cy apres en aucune maniere en  
 courir blāme, ou reproche, en quelque part que puisse  
 tourner vostre iugemēt. Car il est necessaire que celuy là  
 se condāne de soy-mesmes, qui n'ose remettre sa cause à



Popinion de personne, & celuy qui se veult submettre aux  
 loix & coustumes, monstre qu'il espere deux choses l'une, où  
 qu'il n'a volonté de retenir le bien d'autrui contre raison,  
 où que ceux, auxquels il fest submis luy seront iniustement  
 gaigner la cause, dont l'un ie croy facilement, & l'autre est  
 trop esloigné & indigne de sa reputatiō & de la vostre. Et de  
 faict quant à luy touche, ie n'auray iamais opinion qu'il  
 voulist (encore qu'il en eust la puissance) entreprendre cho-  
 se illicite & desraisonnable, ains aymeroit beaucoup mieux  
 môstrer son autorité & amployer ses forces au secours de  
 ses alliez qu'à leur ruine. Il m'est certainement aduis qu'il  
 ne pretend aucune chose en leurs biens, mais plustost veult  
 entendre s'ils les peult iustement retenir, ou si de vostre con-  
 sentement il les leur doit laisser. Et quoy qu'il en soit ie ne  
 penseroiy jamais que vous pussiez trouuer bō ny raisonna-  
 ble de despouiller ceux desquels ne se dit point que l'un ayt  
 commis faulte excessiue, & l'autre n'a rien faict. Plustost  
 ie penseroiy, veu qu'il fault distinguer les crimes & que les  
 peines sont diuerses, que l'on ne scauroit mieux faire que  
 vous eslire pour iuger si Vlrich le pere ( car du fils qui en  
 peult doubter ) na pas assez souffert en xvij. ans, & fil n'a pas  
 faict suffisante penitēce pour la qualité du crime qu'il a cō-  
 mis: car nonobstant qu'il ayt faict faulte enuers vous, il est  
 certain neātmoins que ce n'a esté en haine de vostre ligue,  
 ains contre son gré, & sans y penser, par vn desir ardent  
 de se venger, & par vne iuste ie ne scay quelle douleur. Et  
 peult estre ( ie diray ce mot avec vostre cōgé & permission )  
 qu'il a tellement failly qu'il n'y a personne d'entre vous es-  
 tant en sa place qui n'en eust autant faict: car vous scauez,  
 messieurs, que les habitās de Reuthling chasteau en Soaue,  
 lequel est maintenant de ceste ligue, ont porté longues &  
 grosses inimitiez aux predecesseurs d'Vlrich, & les ont cōti-  
 nuez en son endroict: tellement qu'aucuns d'eux ont mal-  
 heureusement tué & massacré les habitans coustumiers de  
 ses forests, dont il a resinstamment requis luy estre faict rai-  
 son par les gouuerneurs du chasteau. Mais tant sen fault  
 qu'il

qu'ils ayent faict demonstration exemplaire des meurtriers, que plustost les ont retirez dedans leur ville, & les ont nourris & soustenus : au moyen dequoy se voyant indignemēt offensé, il nese fault esmerveiller si se est enflammé de cholere, & si promptemēt enflâmé que vous auez plustost entendu le chasteau auoir esté pris & assaillly. En cecy (messieurs) ie ne dy rien de la vengeance que auez faicte de luy, car i'ay delibéré de deduire seulement les raisons pour lesquelles i'estime qu'il est raisonnable qu'elle soit moderée, vous priant deuant toutes choses vouloit représenter à voz yeux les corps morts de ceux qui estoient en sa protection, estans cruellement hachez en pieces, & iettez deuant ses pieds.

CONSIDEREZ aussi si vous plaist les pleurs & plainctes de leurs parens, femmes, & enfans se iettans à genoux deuant luy, & reduisez en vostre memoire quel ducil il pouuoit auoir d'estre ainsi cōtemné, & quels propos tenoient ses subiets qui le persuadoient de se venger autrement on luy feroit encores pis. le me rapporte à vous, & vous laisse à penser quel courage là dessus il pouuoit auoir. Quāt à moy ie suis d'aduis que si y a quelque temps d'obeir à vne iuste douleur, & de se venger (comme ie croy que vous me confellerez en estre quelque-fois temps entre les hommes) cestuy là certes est aucunement necessaire, quand apres auoir demandé iustice d'un forfait, en lieu d'en faire la raison, on voit les malfauteurs non seulement mis en sauue-gar de dedans les murailles de la ville, mais estre appellez aux hōneurs publics. Certainemēt il faict grand mal à toutes personnes, & singulierement aux grāds seigneurs, de veoir leur autorité contemnée & mesprisée: & cognoissons que nature nous a appris de nous esmouuoir ala deffendre par armes, si autrement il n'est commode d'en auoir satisfaction. Lisez les histoires des anciens & il se trouuera que peu de guerres ont esté entreprinſes par noz predecesseurs sinon pour ceste occasion. Et afin que par vostre

cogé il me soit permis vous dire de rechef ce que i'en ay sur le cœur, i'estime que si vous eussiez esté au lieu de Vrich, les mesmes caules qui l'ont meu eussent eu pareille puillance sur vous que sur luy. Il a esté esmeu de iuste douleur estant outrageusement offensé & iniurié, de sorte qu'il ne fest peu commander qu'il n'ait vengé la mort des tiés: ce que ie vous supply ne pēser estre dit par moy pour vous rendre reprochable, ce qui vous doit estre honorable, ayant faict la vengeance de celuy qui a destruiet voz confederez. Je ne voudroye aussi l'auoir dit pour faire comparaisson de la faulte de Vrich avec vostre acte tant vertueux, & encores moins pour nier qu'il n'ayt failly, veu que luy mesmes le cōfesse: car il deuoit faire plainte du tort qu'il auoit receu en ceste assemblée, sous l'authorité de laquelle il s'en fust beaucoup plus commodément resenty. Parquoy il a failly & temerairement faict: il le confesse & s'en repēt, il en porte la peine dure & longue, son recours est à vostre bonté, il demande pardon, & promet que d'oresnauant il sera paisible: & si autres fois il a esté bouillant & trop outrageux, l'age maintenant, le lōg exil, & ses aduersitez l'ont refroidy & moderé.

PARDONNEZ donc si vous plaist (Messieurs) à celuy qui deteste son delict, pardonnez à celuy qui le confesse, pardonnez luy à ceste heure que l'enuie est moindre sur luy, puisqu'en la chaleur de son meffect luy auez laissé quelque esperance de misericorde. Vous auez faict vostre deuoir, & n'ayant peu à temps secourir & sauuer voz confederez, vous auez pris la vengeance de l'outrage qu'ils ont enduré, & cela est le prochain remede de la desffence & tuition qui leur estoit due. Vous auez tiré voz alliez hors de seruitude, & auez chassé hors de sa maison & de son païs celuy qui leur auoit osté leur liberté. Vous auez fait iusques icy tous actes de magnanimité & de vertu, vous auez faict cognoistre que vous n'estes ceux desquels on doie outrager les amis & confederez, le vous prie (Messieurs) ne prendre garde aux paroles

paroles de ceux que j'ay entendu à mon arriuée en ce lieu, lesquels toutesfois ne veulent qu'on pense qu'ils en soient auteurs, & vous font souffrir aux oreilles que pour conseruer la reputation de vostre constance, vous ne deuez aucunement receuoir en vostre bonne grace, ceux desquels vous ayez quelque fois voulu prendre vengeance: mais auisez plustost que ce qu'ils veulent maintenir pour constance, ne soit droictement vne opiniastre cruauté, & cruelle opiniastrerie. Les conitans, sans doute ont accoustumé de pardonner (ainsi qu'auiez fait) & à mesure que celuy qui a merité vengeance se retire de ses mauuaises entreprises, aussi se fault il retirer de toute seuerité & rigueur. Et a l'on cogneu par experience que plusieurs grands & illustres personuages de la memoire de noz antecesseurs & de la nostre, ont au commencement esté fort vicieux, & à la fin se sont changez & rengez au bon chemin: de maniere qu'apres leur feu de ieu nelse passé, ils ont recompensé leurs follies de plusieurs vertueux actes, & de grands merites enuers la Republique. Je les pourroy cy nommer, si ie ne pensoy estre odieux, de reduire en souuenance les fautes des gens de bien ia par le temps abolies & oubliées.

Vous auez aussi leu que voz majeurs apres sestre vengés de leurs ennemis, & apres les auoir vaincus, leur ont assez souuent pardonné: & qui plus est aux estrangiers ont quelque fois restitué leurs biens, & en ont rapporté tant en la guerre qu'en la paix, non seulement grande gloire, mais grand prouffit. Combien deuez vous plus esperer & attendre de cestuy cy, & ne doubter qu'il ne doiué, & qu'il ne puisse par cy apres estre paisible à ses voisins, & profitable à la Republique: veu qu'au moyen d'une iuste douleur & pour l'affectio qu'il porte aux siens, faisant vne faute cōmune, il a troublé vne fois seulement le repos public: & a plustost pensé faire chose digne de luy, qu'il n'a crainct qu'on luy en sceust maluais gré, & qu'on le prist en mauuaise part. Et encores



que son crime fust si grand, qu'il ne deust estre aboly par le temps, ny adoucy par la peine, ny remis pour les prieres de ceux qui sollicitēt pour luy, si est-ce qu'il appartient à vostre constance d'entretenir la condation promise à ces Ducs, estant le crime recent & nouvellement perpetré, alors que leur ostant leur Duché vous le dōnastes à vn autre. Car cōme il vous a esté honorable de prendre les armes contre celuy qui a destruit voz alliez & confederez, il est plus hōnorable au mēme cours de la victoire d'auoir donné lieu de repentance, & espoir de misericorde, suiuant l'exception appoſée dedans l'apoinctement par vous faict: ie diray d'auantage, comme il vous a esté tref hōnorable d'auoir ſecouru le fils innocent de vostre ennemy, ainsi sera-il maintenant deshōneſte, qu'il ne iouiſſe par vostre moyen du bien de ceste exception, & que l'enuie ſe renouuelle, laquelle par le temps ſe deuoir enuieillir, & oublier, & ſera plus deshōneſte d'adiouſter à la premiere peine ceste calamité. C'est à ſeauoir que pour ſon erreur ou crime, il voye ſon fils vnique innocent estre à iamais participant de ſes aduerſitez, en lieu d'eſtre l'appuy, & le repos de ſa vieilleſſe. Ie puis dire d'auantage, qu'il ſera tres-deshōneſte que ceſt innocent en temps de paix ſoit deſpouillé des reliques des biens de ſes ayeux, que vous luy auez laiſſé durant la guerre: & que la peine de la faulte d'autrui ſoit tranſmiſe ſur celuy qui n'en fut iamais ſouſpecōné, tant ſ'en fault qu'il l'ait perpetrée. Voz majeurs en ſe vengeant des offences à eux faictes, ſouuent ont remis les faultes des peres à la misericorde des enfans, & les faultes des ieunes gens ont esté par eux pluſtoſt attribuées à Paage qu'à malice: & voudriez vous ordonner, que ceſtuy tref innocent, de la bouche duquel il ne ſortir oncques parole qui peult offencer perſonne demourast en miſere perpetuelle, pour le delict d'un autre? lequel toutesſois n'eſt ſi grief, ne ſi melchant que la peine ne deust estre diminuée par le temps, & la haine aſſopie: tournez vous la vègeance du crime du pere, ſur l'enfant qui eſt au berceau?

Conſiderez ( Meſſieurs ) ie vous ſupply de n la vieilleſſe

Iesse calamiteuse, & de l'autre la miserable ieunesse, sans  
 qu'il l'ait meritée: afin qu'en l'innocence de l'un vous ayez  
 esgard à vostre bonté & iustice, & en l'amendement de l'autre  
 vous vſiez de vostre clemence. Considererez qu'ils sont  
 venuz & extraicts de hault lieu, & qu'ils n'auront faulte ny  
 de parents ny d'amis pour les secourir: & encores qu'ils per-  
 mettent qu'ils soient punis, ils ne veulent neantmoins que  
 du tout ils soient destruits & ruinez. Car pour ne parler de  
 ceux qui sont aux elcoutes attendans de ſcauoir cōment cha-  
 cun de vous se cōportera en c'est affaire, vous voyez quel-  
 le assemblée de gens il y a qui soustiennent leur party, non  
 pas d'Allemagne seulement, mais des Royaumes loingtains.  
 Tous ceux cy estimeront auoir receu faueur de vous, si vous  
 fauorisez ces pauvres miserables, & au contraire ils penſe-  
 ront estre offeulz, si vous leur tenez la rigueur, & leur fai-  
 ctes quelque tort: & pour le faire brief, ie pēse que vous de-  
 uez considerer, que vostre trop rigoureux iugement laissera  
 à vous & à voz enfans, vne semence de la guerre, avec quel-  
 que deshonneur d'auoir vſé de cruelle vengeance contre l'un,  
 & n'auoir gardé la foy à l'autre, & au contraire, vostre douce  
 sentence sera cause du repos public, & vous engēdrera grād  
 honneur. Mais quand ie dy cecy, ie ne le dy pas pour-ce que  
 ie pense qu'ils veulent chercher le moyē de recouurer leurs  
 biens par voye de faict & par armes, car de gens vaincuz,  
 n'est le courage tel, ny l'audace si grande: mais d'autant  
 que i'enten qu'il y a nō des hōmes, mais des pestes entre les  
 hommes qui sement en derriere vn venin pour vous faire  
 croire, que fils sont remis en leur entier, à la premiere occa-  
 sion qui se pourra offrir, il est à craindre qu'ils ne se vengent  
 de tous en general, au moyen des torts & griefs qu'on leur  
 aura faict en particulier, sans aduiser au trouble de la paix  
 publique. Ie le dy afin que vous entendiez que vous deuez  
 plus auoir craincte que les bannis entreprennent quelque  
 nouuelleté, que ceux qui par vostre bien-faict auront esté re-  
 mis en leurs estats. Car comme la perte de tous biens est vn  
 poignant esguillon pour essayer tous moyens possibles &

impossibles de les recouurer, ainsi tousiours se trouuent quelques personnes qui ont pitié de ceux qui sont foullez & opprimez. Donc (Messieurs) pour oster de voz esprits tout soupçon de guerre, aydez à ce pauvre innocent, retirez à vous ce penitent, afin que luy aduenât ce nouveau bien, tous les viels maux soyent oubliez, & que désormais les esprits des deux trauaillér plus à vous rendre la pareille, qu'ils ne font maintenant pour estre restablis & reintegrez en leur pristine & ancienne dignité.

A I N S I faisant, vous aurez vne plus certaine & plus assurée paix du seigneur Dieu des armées, lequel recoit à grace les repentens, & est deffenseur des innocens: car c'est le seul qui peut mettre la paix en vos terres, & fil ne cōserue la cité, pourneât vaille celuy qui la veut garder. Faictes donc que ceux qui sement tāt de mauuaises nouueites, puissent cognoistre que le bon Dieu est appaisé par sa pitié & misericorde, moyennant laquelle la guerre est destournée & la paix assurée: non par meschantes assemblées & seditieuses pratiques d'aucuns qui vouloiet chasser le penitent, & ruiner celuy qui n'est coupable. Mais il me semble que i'eyassez dit pour l'equite de ceste cause, & trop pour vostre misericorde & prudence: car vous pouuez auoir suffisamment entendu, que comme tous deux doiuent iouir de la clause de l'exception cy deuant touchée, ainsi l'innocent doit estre totalement restitué en son premier estat. Et cela se doit faire par vous, au iugement desquels le Roy Ferdinand s'est soumis, en intention que toute l'enuie de ce iugement, ou la bonne grace, l'honneur, ou l'infamie tombe sur vous, & si vous suinez sa volonté, & que vous iugiez selon l'honnesteté & equité, necessairement tous deux seront par vous restablis: & au pis ailer quand vous vserez de rourigueur, il ne pult à tout le moins que cestuy cy ne soit restitué en ses biens & honneurs.

E T si n'avez changé d'opinion, ie puis hardiment sortir tant par où ie ius entré, leur congratuler de ce qu'ils ont  
trouué

crouné en la perte de tous leurs estats vn dernier refuge en vous: ie vous doy semblablement congratuler, de ce que par la bonté du Roy Ferdinand, l'occasion vous est offerte d'acquiescer leur bonne grace. Car apres que par ce bien faict les auez liez & obligez à vous, iamais ne pourront estre sinon tresaffectionnez enuers vous & voz enfans, & auront d'autant plus grande occasion de conseruer l'vniõ & paix commune, que plus ils se sentiront estre tenuz à vous. Cela vous promet, ce suppliant, tant en son nom, qu'au nom de son pere: cela vous promettent tous ces ambassadeurs au nom de leurs Princes: & outre leurs prieres & promesses, si celles du Tres-chrestien Roy mon maistre sont de quelque efficace (comme certes elles doiuent estre) il vous en promet autant, & vous prie tresaffectueusement croire fil y a chose (comme en tels differents souuent aduient) dont on ne puisse demourer d'accord, que vous le vueillez employer. Et si l'autorité d'un amy commun y peult ayder, vous pouvez faire estat qu'il n'y esparnera la peine, le soing, & la diligence qu'on doit attendre d'un Prince qui grandement desire la reconciliation d'entre les alliez: & sur toutes choses, ala paix publique en recommandation ressinguliere.

TOUTES les remonstrances & persuasion dudit Languey au nom du Roy son maistre, ny celles des assistans de messieurs les Ducs de Wirtemberg, ne peuvent amollir les cœurs des commissaires & capitaines de la ligue de Souabe, auxquels touchoit de donner iugement: & encores que le Duc Guillaume de Bauiere qui estoit capitaine general de la dite ligue meist peine de fauoriser lesdits Ducs de Wirtemberg pere & fils, pour estre ses proches parens, si n'eut il moyen d'y remedier, pour les grandes brigues qui ce faisoient tant de la part de l'Empereur, sous main, que du Roy Ferdinand son frere. Parquoy à la requeste des assistans desdits Ducs le seigneur de Laguey delibera à la premiere assemblée leur vler d'autre



persuasion, au nom du Roy Tres-chrestien son maistre, pour tenter si les remonstrances faictes au nom d'un si grand Roy que ledit Roy Tres-chrestien les pourroit induire à quelque raison. Parquoy à la premiere assemblée vsta de Poraison qui fensuit, traduite de Latin en nostre vulgaire Francois.

Seconde o-  
raison de  
Môieur de  
Lâgeypour  
les Ducs de  
Wirtem-  
berg.

MESSEIGNEURS, vous auez par mon oraison en ce mesme lieu entendu les causes pour lesquelles le tres-inuincible & Tres-chestien Roy de France mon maistre a du commencement differé, & depuis fest condescendu à vous recommander la cause du Duc Chrestosie de Wirtemberg icy present, & supliant enuers vous, tant pour soy-mesme que pour le Duc Ulrich son pere. Vous auez eutendu pareillement quelle estoit son intention & deliberation en ceste-ditte maniere, & comme à Pheure de ma depesche on luy auoit faict entendre: & telle estoit son esperance que par vostre moyen & bien-faict, & par la clemence & benignité du serenissime Roy Ferdinand, ceste assemblée leur seroit porteur & prompt refuge de leur miserable & longuement agitée fortune. Et à ceste cause il ne m'ennuyoit point tant pour leur donner aucun reconfort ou faueur en leur affliction, comme pour congratuler & à eux, & à vous, & audit serenissime Roy Ferdinand: à eux, pour ceste porte qu'il pensoient leur estre ouuerte à rentrer en leurs premiers tiltres & dignitez: à vous (Messieurs) & audit serenissime Roy Ferdinand, de ceste vostre bonne & sainte deliberation, d'vser en leur endroict d'equité, ou misericorde. Leur estât cependant si mal aduenue, qu'ils sont non seulement deceus de leur attente (qui desia ne pend plus qu'à vn extreme & debile espoir) mais que pour le comble de leur malheur, leurs aduersaires (qui pour vous faire approuuer & trouuer bonne leur entreprise, ne se fondent tant en la iustice de leur cause, qu'en faulx & calomnieux rapports) tendent à vous amener en haine, & mauuaise re-  
putation cestuy vostre supliant innocent.

I e suis certes contrainct par les importunes (mais iustes) prieres, puis qu'en ceste calamité ie le voy encores auoir esperance que ma parole & recômandation au nô du Tres-chrestien Roy mon maistre pourra grandement luy seruir, tant à se purger enuers vous, qu'à vous mouuoir de reprendre ceste voye, soit d'equité ou de miséricorde, dont faulse calomnie vous destournoit. Ie suis, dy-ie, contrainct changer mon instituée oraison gratulatoire en recômendatoire & paroles excusatoires, en laquelle, l'occasion de porter paroles en ce lieu m'est offerre telle & si abondante que langage a moy n'a autre en la deduisant ne peult faillir, comme à celuy qui n'ay sinon à faire requeste à ceste vostre noble assemblée de gens eus (c'est à dire tres-bons, & tres-iustes) & vous persuader que contre iustice & verité vous ne veuillez en vostre protection receuoir mensonge & iniustice.

Vne chose principalement m'a troublé & diuertey de si promptement & volontairement entreprendre ceste charge: c'est que les aduersaires de ce Duc ou en effect ont aigry à l'encontre de luy, ou faulxement, & (ce qui plus me plairoit, & que ie croy) vous mettent en auant qu'il soit ainsi. Ledit serenissime Roy Ferdinand que i'atrendoy luy deuoir estre bien veillant & benin: auecques lequel l'alliance est telle & si estroicte du Roy mon maistre tant par affinité que par traitté, que maintenant il trouue ceste charge de vous porter parole trop plus dure & difficile, que de prime face ie ne la pensoy: & ne m'a esté peu mauuais d'arrester en ceste controuersie, ce que en faueur de luy ie pourroy dire sans offenser l'autre, cōtre lequel ie ne voudroy ne doy vouloir proferer ou dire vne seule mauuaise parole, ne qui touchast a son honneur: & scay bien quand ie le seroy, que ce ne seroit sans encourir l'indignation du Roy Tres-chrestien mon maistre. Toutesfois quand ie considere qu'à l'vn en se departant de ceste querelle, tous les estats qui sont tres-grads demeurent saufs & entiers, & que sa reputation

en accroist, que l'autre est reduit en ceste extremité, que de vostre iugement auourd'huy depend entierement tout son bié, estat, & moyé de viure, ce peu que luy reste des miserables & affligées reliques des anciens tilres & dignitez de ses ancestres, ensemble que sa reputation & bonne opinion demeureroit blessée, si vous Pestimez tel que ceux cy le vous peignent.

Q V A N d ie considere aussi que ie suis appelé de par luy, & qu'en sa faueur ie suis depesché vers vous, ie trouue ( Messieurs ) que ie ne suis plus en mon entier, & que ie n'ay aucune apparente excuse de luy refuser ma parole en cest endroit, sans trop grandemēt blesser Phonneur, rant dudit Roy Tres-chrestien mon maistre, que dudit serenissime Roy Ferdinand. Du Roy mon maistre, en le faisant apparoitre seul inhumain, impitoyable, & inexorable, si en la si grande affliction de son allié innocēt ( pour lequel ie voy de toutes parts accourir estrangers, & qui en rien ne luy attouchent, pour assister à sa cause, & la prendre comme la leur ) il ne vouloit au moins prester la parole d'un sien seruiteur pour vous recōmander son affaire en iustice: du Roy Ferdinand d'autre part, en Pestimant de telle sorte, qu'à son escient il voulust soustenir vne mauuaise querelle, & que mesmes il voulust contre iustice vsurper le total bié de son proche parent, pauvre, & innocēt, qu'il d'eult prendre en mauuaise part qu'auec reuerēce & hōneur on luy face entendre la verité, qui luy est faulcement deguifée par ceux qui sous son nō (cōme ie monstrey, & au grād preiudice de sa reputation) veulent executer leur particuliere & priuée mal veillance cōtre cest innocent, & toute sa maison. Toutesfois ie mettray peine (& cognoy bien que la raison le veult ) d'vsér en ceste partie de telle raison & moderation de dire, que tous amis & ennemis entēdrōt bié que ma parole ne sad dressera point cōtre l'intentiō ou propre volōté dudit serenissime Roy (lequel ie pēse estre Prince iuste, equitable, & modeste) mais seulement cōtre l'effect & iugemēt  
que

que gés malings & peruers ont captieusement extorqué à l'encontre de cestuy pauvre innocent son parent.

Et pour ce qu'en ceste assemblée ie ne voy point les deputez (ou pour mieux dire) les aduersaires & parties de cestuy nostre suppliant, ie vous supplie tous Messieurs me vouloir estre tesmoings & arbitres de ce que iediray: & à mon esperance vous direz au departir que ie n'auray oublié, qu'en parlant de la tresmiserable misere d'un amy & allié dudit seigneur Roy mon maistre, en chose toutesfois qui aucunement se pourroit estendre iusques à la personne aussi de son amy & cōfederé, il me faut sobrement & modestemēt parler, & que ie ne me seray ny abandonné à la recommandation de l'un, ny à mō escient soulié l'honneur de l'autre, ny mis en arriere la consideration de la commune alliāce avecques les deux. Et si vous Messieurs (en excusant prealablement la longueur de mon exorde qui a esté necessaire pour esclarcir & faire entendre l'intention dudit seigneur Roy mon maistre) voulez en ceste action m'escouter aussi attentiuement, & avecques telle beneuolence qu'en la precedante vous m'escoutastes, i'espere vous faire cognoistre & toucher au doigt l'innocence de ce Duc, & la iustice de sa cause, les faulx & impudentes calomnies de ses aduersaires, ensemble que sa protection & deffence est vnīe & conioincte inseparablement au prouffit de vostre Empire, à la reputation de ceste compagnie, à vostre deuoir enuers la patrie & ses habitans, enuers vous mesmes & voz enfans à iamais, en sorte que sans dommage, forfaict, & reproche vous ne pouuez l'abandonner. I'espere esclarcir cela, non seulement sans offente, mais avecques bonne grace dudit serenissime Roy Ferdinand, du nom duquel ces imposteurs veulent couurir leurs calomnies & melchancetez.

Et afin que pour entrer en ma narration ie parte de mesme lieu dont part & procede la source de ceste matiere, il vous souuient bien Messieurs alors que vous des-



pouillastes le Duc Ulrich de son Duché & ornemens, & reuestistes vostre tresauguste Empereur alors Roy des Romains sous quelques restrictions & conditions, dont en ma precedente oraison a esté faict mention, vous ne voulustes que du sorfaict du pere la perpetuelle vengeance festendit sur ce ieune Duc Chrestoffe son fils, alors enfant de quatre ans : & à ceste cause vous luy reseruaastes l'action de les droicts generalement sur son Duché, & particulierement le meistes en possession des places de Tubinge, & de Neyff, que par le traité de reddition d'icelles vous luy auiez expressement reseruées, lesquelles estans par luy possédées, & quelques tēps apres aucuns soy disans estre cōmis & procureurs de vostre-dit Auguste Empereur, & de treshault & puissant prince le Duc Guillaume de Bauiere ( lesquels ils disoient estre les tuteurs du dit ieune Prince ) par fraudes & machinations le debouterēt de sa possessiō, & fut ledit Prince enfant & non entendant ses droicts avecques ses places hereditaires baillé en garde, pour estre nourry & institué, audit serenissime Roy Ferdinand, auquel l'Empereur auoit baillé le surplus de laditte Duché, non tant à tiltre n'a droict de propriété, que de garde & possession preciaire.

Estant depuis ce ieune Prince venu en aage de cognoistre ses affaires, & reputant à bien faict receu de vous, ce que ne luy auez faict du pis, que vous luy eussiez peu faire, fest resolu deuoir vser de vostre bien-faict, & a requis estre restitué & remis en ses droicts. Mais alors qu'il a pensé la chose estre en ces termes, qu'il fust à tout le moins restitué en ses places, il fest soudainement trouué deictté de son attente : & luy ayant ledit serenissime Roy Ferdinand accordé ceste diete, & qu'en icelle raison luy seroit faicte selō la loy, lesdits ennemis & aduersaires ayans vne haine extreme & enracinée à l'encontre de luy & de toute sa maison, à cause d'aucuns leurs amis & le pere de l'un, autresfois attainct conuaincu & condamné, & par la loy & coustume du pays executé par officiers du Duc Ulrich, pour crime de leze majesté, jamais n'ont laissé à toutes opportunités de importuner,

tant qu'à la requeste & cōtinuelle interpellation de plusieurs ledit serenissime Roy fest laissé vaincre & gagner, & vous a enuoyez icy pour agēs, & ambassadeurs à debattre sa raison. Les dessuidits expres & capitaux ennemis de ceste maison de Wirteberg, lesquels se voyans en si belle occasion & opportunité de la ruiner & totalement destruire, vous pouuez croire qu'ils n'auront failly à estendre leur charge & creance enuers vous, selon qui leur a semblé d'estre le plus auantageux & à propos.

Pour acheuer & mettre à execution leur entreprise, & de prime face quand le Duc a parlé de ses droicts en general luy en ont couppé la broche, disans que de ce ils n'auoient charge, parlant de sa restitution & reintegration particulierement en seldites places ils luy respondent de recompence, & luy proposent des conditions Dieu scait quelles & combien approchantes de raison. Et pource qu'il ne luy semble les deuoir accepter, à cause que par icelles se veoit à iamais deboutté, non seulement de son Duché, mais du nom & tistre de sa maison, qui est ancienne: ils vous le paignent homme contumax, rebarbatif, reculant à toute raison, & font de belles protestations en ceste assemblée deuant vous & deuant le peuple icy assemblez publiquement, que pour autre intention, il ne refuse les plus que raisonnables offres qu'on luy faict, sinon pour auoir occasion de commencer la guerre, pour dissiper & abolir la paix & vnion publique, & alumer vn feu qui pourroit embraser toute la Germanie, pretendans vous induire sous ceste couleur à faire ou renouuelle vne ligue, de laquelle en la faisant telle, & en la forme qu'ils la demâdent, ie vous feray cognoistre qu'entierement la conséquence est pernicieuse, & mettra vous & voz enfans à iamais en infinité de perils & dangers. Et à ceste cause vous auez mestier aujourdhuy (si onques vous l'eustes) d'vser en voz deliberations de grauité de iugement, de constance, d'humanité, & de vertu, & de foy, & de prouidence: de grauité de iugement, en n'adioustant legierement foy à gēs qui vous

mette en auant chose pareux controuués & non apparentes: de constance, en ne priuant celuy qui se tient obligé à vous de vostre biē-faict sans la coulper d'humanité, en ayant compassion de l'innocēt affligé: de veru, en declarant libremēt & ouuertement que vous n'estes tels personnages, sous la faulte cōmencée, & dissimulation dequels aucun doieue prendre occasion d'opprimer & de struire vn innocent: de foy, entant que vous par ancienne obseruance estans tenuz à garder les estats & honneurs reciproquement les vns des autres, par plus forte & meilleure raison estes tenus d'y conseruer cestuy cy duquel le bien (sa maison de fail'aut) reuiert à l'Empire, auquel vous auez la foy & serment: de prouidence, en ouurant les yeux de vos esprits & preuoyant cōbien de cest exemple il pend à chacun de vous de mal & de danger.

Mais afin que par la cognoissance des principes vous puissiez mieux entendre l'issue & consequence d'iceux, & plus certainement ordonner ce que finablement vous auez à faire: entendez vn peu la iustice de ceste cause, le plus que deuoir où cestuy fust submis, ensemble les impostures & faulx donnez à entendre de ses ennemis. Et premierement ie vous ameneray & mettray en auant ce droit commun: que iamais par les loix de ce saint Empire n'a esté: que l'homme fust contrainct d'accepter (auant que d'estre restitué) aucun traitté ou condition de recompense, encores moins de la prendre au choix & appetit de ses aduersaires, & renoncant par luy à tous les anciens droicts, tilres, dignitez, & remembrances de la maison dont il est issu. Ils me diront qu'à prendre ceste recompence ce Duc Chrestofle est tenu & obligé par vn contract, sur lequel ils se fondent qu'ils disent estre faict par ses tuteurs: de ce traitté il vous fault veoir fil est supposé ou veritable, si subsistant ou inualide. Quant à moy, il ne peut cheoir en mon entendement qu'il puisse estre appellé contract fil ne conuiēt à la definition & description de contract, & puis que sur iceluy  
ils

ils veulent faire fondement, qu'ils montrent premiere-  
ment que cedit Duc Cretellie eust oncques mestier de  
tuteurs, qu'il montrent que ceux luy ayant esté ou peu  
estre baillez lesquels ils mettent en ieu: montrent que  
lesdits supposez tuteurs ayant entre eux faict ce traité,  
ou que ceux qui en leur nom le feirent en eussent onc-  
ques d'eux mandement ne pouuoir: montrent que les-  
dits supposez tuteurs ayant ce traité approuué apres le  
faict, ou qu'il leur ayt esté loisible, ou de le faire ou de  
l'approuuer. Cela montré il fault qu'ils conuainquent  
que Ferdinand en son endroict l'ayt gardé, alors on leur  
aduouera qu'ils le puissent appeller contract: alors on  
leur aduouera qu'ils y puissent faire fondement, & qu'ils  
puissent cestuy cy contraindre à le garder. Mais puis  
qu'il est certain qu'il ne luy a point fallu de tuteurs, &  
qu'il estoit en puissance de pere, puis qu'il est certain que  
ces pretendus tuteurs ne luy furent oncques baillez, &  
ne pouuoient à tels estre baillez, admis, & receus, dont  
l'un estoit saisy du bien du mineur, l'autre auoit esté chef  
d'armée pour le spolier.

Et puis qu'il est certain qu'ils n'ont faict ce contract,  
& que par iceluy il appert qu'à ceux qui le feirent ils  
n'en donnerent oncques mandement ne pouuoir, qu'il  
n'appert point qu'ils ayent ratifié, qu'il est certain assez  
qu'ils n'eussent peu s'ils eussent voulu, & qu'il ne leur  
eust esté loisible d'aliener à leur apetit les biens stables  
& immeubles du mineur, & posé ores & non admis le cas  
que toutes solemnitez y eussent esté gardees: puis toutes  
fois qu'il appert que ledit contract a esté limité de tēps  
& de conditions, puis qu'il appert le temps estre expi-  
ré, & les conditions n'auoir esté gardees par Ferdinand,  
puis qu'il appert de sa volonté contraire, & que Peschāge  
que par ledit pretendu contract il deuoit bailler n'est  
plus en sa puissance, & que ceux de vous icy assistans qui  
l'auiez de luy acheptée, d'autant que vous scauez bien  
que vous n'auiez aucune volonté de la luy rendre, scauez



consequemment, qu'il n'est en luy de purger sa demeure: qui a-il plus qui puisse le iugement d'aucun tenir en sus-pend? & ne doute que leur contract qu'ils appellent ne soit inualide & nul? Maintenant doncques ils disent que lors de la reddition de ses places, & que par la mesme cōposition qu'elles luy furent reservees & demie baillées, en vertu d'icelle il fut accordé qu'en luy baillant recopence il se roit tenu de les restituer, & que ceste-dite condition & article fut redigé par escrit: pourquoy ne les produisent ils dôcques: ils disent qu'ils ont perdu les lettres, ô belle inuention! pour-ce qu'ils n'osent produire de faulces lettres, de peur de estre cōuaincus faulxaires. Ils aymēt mieux dire les auoir perdues: qu'ils s'en taisent dôcques, & souffrent que la perte de leursdites lettres soit le gaing de cestuy-cy, & qu'il la puisse cōpter à son aduantage. Il est bon à scauon (Messieurs) que ceux que vous voyez estre si songneux, & se mettre par forceés biens d'autrui, si curieux à donner couleur de droict à leurs vsurpations eussent esté si peu diligens à garder la piece surquoy ils fondent leur principale couleur.

Or soit ainsi (ce que non) qu'en la composition desdites places, cest article fust couché de quelques-fois les pouuoir recompencer. Certes Ferdinand n'y estoit lors entreuenant, ne veu, n'ouy. Et si ce droict de permutation fut à quelqu'un reserveé, ce fut au profit de ceste vostre ligue, auquel fil vous eust ores este reserveé, vous auez depuis renoncé en n'en v-sant: quand librement & franchement, & sans condition aucune, ne modification, vous auez remis le Duc Chrestophe en possession d'icelles, cōme de ses choses hereditaires, & cōme telles l'auiez faict aduouer, & obeir, & seruir par les subiects, & vassaulx d'icelles. Et n'est besoing de m'ar-rêter à la preuue de ceste pure & libre possession, & qu'elle fust sans aucune charge ou recusation, puis que ie parle de-uant ceux qui estoient au faict, auxquels il en souuiēt, & qui peuuent cestuy-cy dedire fil ment. Lesquelles choses, cōme elles soient entierement ainsi que ie dy, & que ce mineur a esté deietté de sa possession, non violente, non clandestine,

non

non preciaire, en laquelle il a par temps legitime & prefix de droict perseueré: si tous les droicts de toutes gens & nations chantent le spolié de uoir estre auant tout euvre restitué: si ce Duc en requerant qu'enuers luy on vse de ce droict, demande chose que par les loix ciuiles on ne luy peult nyer. Voyez toutesfois à quelle raison il fest voulu soubmettre.

**M**A I s quelle desraison ? il a esté content de souffrir, pour à ceste vostre compagnie donner à entendre qu'il n'est si mal aisé à contenter qu'on le vous faict: c'est que pour donner temps a ses aduersaires de meurir leur aigreur, & de luy faire raison d'eux mesmes, il a cōsenty de laisser endormir & reposer sa demâde, moyénant que les fructs seulement du passé de sedites places luy fussent reestablis iusques à present, & pour l'auenir assurance baillée iusques à dix mille florins pour son moyen de viure en attendant. Est-ce point cecy ( Messieurs ) que sedit aduersaires appellent refuser la raison ? est-ce pour cecy que par leurs calomnieuses protestations publiques ils veulent contre ceituy assembler ciel, terre, & mer ? & que pour le vous amener en haine ils le vous preschent homme cōtumax, intraitable, estrangé de toute raison, de toute equité, de toute voye d'amitié, ennemy, infracteur de paix & repos public ? Ordonnez leur ( messieurs ) qu'ils ne posent en faict ce qui n'y est. Ordonnez leur qu'ils ne baillent nom de contract, à ce que leurs ancestres n'appellerent oncques ainsi, & n'estimerent de uoir oncques estre obserué: autrement vous estes indoctes non Docteur endroict. Ordonez leur qu'ils ne vous allegués plus ce tel quel suppose contract auoir esté par le maistre obserué: autrement ils se conuainqueront d'euidente mensonge enuers vous qui scauez le contraire.

**O**RDONNEZ leur quand on leur met en auant droicts euidemment, expres, qu'ils se taisent s'ils ne scauent y respondre, & qu'ils ne mettent en ieu des traictés imaginaires qui ne sont ne furēt oncques, & desquels s'ils

faisoyent ores apparoitre ils ne seroyent de rien mieux appuyez: autrement ils apresteroient à rire à ceste compagnie. Ordonnez leur qu'ils ne vous protestent plus de belles & plus que raisonnables conditions par eux offertes, & par cedit Duc refusées: autrement que vous qui cognoissiez assez la condition d'icelles, & quelle trenchante cognée ce Duc en leur obtemperant eust esbranlée contre la racine & fondement de sa petitiõ, les ferez mettre hors de ceste cõpagnie cõme refuseurs, & qui tels vous estimet. I'oubliroy quasi (Messieurs) à vous alleguer vn autre bien ferial & solemnel argument, dont impudemment ils vsent parmy les banquets & assemblées de peuple, c'est qu'il touche à vostre reputation, & à vostre deuoir en vers ces deux Princes, que vous auez esleuez, l'vn Empereur, & l'autre Roy des Romains leur asseurer ce Duché, lequel est tant en leur bien seance que plus ne peut: pour'en venir des autres pays qu'ils tiennent en Germanie iusques en leur país bas passant sur le leur. N'est-ce pas (Messieurs) vn singulier fondement, & digne que par eux & deuant vous, & pour fonder vne telle cause soit allegue? comme s'ils vous pensoient si estourdis, si aueuglez, si hors de sens, que vous ne sentissiez, vous ne veissiez, vous n'entendissiez, quelle puissance & liberté, en accordant ceste raison, vous bailleriez d'icy en auant à tous voz futurs Empereurs, d'estimer leur estre loisible vser de mesme loy, & d'entreprendre sur les biens de vous & voz successeurs, non ce que la loy veult, non ce que la raison, non ce que la foy naturelle entre le seigneur & le vassal, mais ce qui leur viendrait à plaisir, à bien seance, & à volonté.

M A I s ie voudroy biẽ (Messieurs) laissant cepẽdant cestuy & tous autres argumens: car ie scay bien que ces menées ils ne font, & que ces propos ils ne tiennent au sceu desdits seigneurs Empereur & Roy. Je voudroy biẽ discire, qu'on leur demandast de quel visage, de quelle contenance, de quelle assurance ils oseroient entreprendre

de mettre ce conseil en auant à leur maistre, à vous, à leur Auguste & inuicte Empereur: à leur maistre, que, contre la religion du sermēt qui l'oblige à garder les droicts de ce saint Empire, il vsurpast & appropriast à soy ce Duché, qui de son institution premiere (la ligue de ces Ducs deffault) est affecté & incorporé des maintenant comme pour lors à la chambre & recepte Imperiale: à vous qui estes membre de l'Empire, de faire ligue & alliance pour maintenir ladite vsurpatio: à leur Empereur, de l'approuuer, ratifier, & l'en inuestir. Ce seroit certes chose trop indigne en cest Empire (qui se regist par loy & religion) du serment qu'on luy doit, que pour gagner vn tel Duché, celuy se departist de la loy, celuy faillist de son serment à l'Empire, qui, estant par vous esleu à Roy des Romains, est obligé à faire obeir les autres à la loy, & à garder le serment qu'ils ont à l'Empire. Autant seroit ce chose indigne à celuy, qui de tous les autres prend le serment, contre son serment appliquer & approprier à sa maison les indubitables droicts dudit Empire. Mais ie veux (Messieurs) en cest endroit que vous me croyez. Il n'est rien plus esloigné de tels conseils, que sont ces deux serenissimes freres: & iamais aux machinateurs d'iceux ils n'adiousteront foy, sinon qu'on les leur desguise en toutes autres couleurs comme maintenant les susdits conseillers de Ferdinād, (qui est vn vice commun & regnant sur beaucoup de personne) sous vmbre de se monstret diligens, assidus, & industrieux, distrayens tant à tort ou droict les seigneurs de leurs maistres: veulent (comme ie disoy n'agueres & vous trouuerez estre veritable) executer leurs propres & particulieres affectations, & ont pour ce faire embrasé cette cause plus aigrement & opiniaistrement, que par le Roy leur maistre il ne leur est ordonné, aumoins qu'il n'est conuenable à l'integrité de son nom. Et tellement sont audacieux en leur calomnie, que pour estranger d'vne part & diuertir le Roy leur maistre de sa premiere & bonne delibera-



tion qu'il auoit conceuë enuers cestuy vostre suppliant, luy donnât à entendre que de vous mesmes, & volôtairement, vous ne desiriez autre chose sinon de renouueller ceste ligue, & par icelle à tout iamais luy asseurer ce Duché, mais que pour la reputation seulement vous en voulez bien estre requis.

A vous d'autrepart ils doiuent aussi donner à entendre l'affection & volôré de leur maistre, ce qui leur plaist, & qui mieuz leur semble à propos, pour vous émuouir à ce faire: & pensent bien vostre affection enuers luy estre telle qu'à la requeste vous le faciez sans cōtredit. Aussi pensent ils que en ce faisant, si bien vous ne condânez ouuertement & par mots expres ce pauvre innocent, en effect toutesfois, & par consequence, vous le condânez, & entierement destournez ledit seigneur Roy Ferdinand de luy faire la raison: laquelle à ce que i'enten il luy eust long temps à faicte, si par le faux rapport qui luy a esté faict de voz opinions, il n'eust esté deconseillé. Or cōsiderez (Messieurs) autant qu'il vous a esté honorable estans armez & victorieux artemper & moderer au cours de victoire la vengeance contre le pere, & à cest innocent reseruer le moyen de viure & esperance de retourner à ses estats, si maintenant il ne vous seroit pas autant deshonnorable de non seulement clorre les yeux au deuant de la ruine & oppression du mesme innocent, mais l'opprimer & ruiner vous mesmes. Vous mesmes certes le ruinerez entierement par ceste ligue, donnans au môde occasion de penser que vous ayez approuué ce que par-cy deuant a esté faict contre luy, & que vous approuuiez ce que par cy apres se fera. Car on ne pensera point qu'une telle assemblée de gens choisis de tous estats, sans le trouuer expressement & grandemēt coupable, eust faict vne ligue au preiudice de tout son bien, de laquelle au temps aduenir la consequence & le danger de l'exēple redonde sur eux. Ou si on pensoit que sans grande & meure deliberation, & sans prendre garde à tort ou droit, vous Peussiez faicte, ou qu'à vostre esciēt (ce que Dieu ne vueille) vous eussiez voulu aprouuer

uer vn innocent, vous associez vne tache sur vostre reputa-  
 tion, que toute l'eau de la mer ne seroit suffisante à effacer,  
 ne toutes les tenebres du monde pour la cacher: car vous  
 pouuez assez entendre que luy estât ainsi denué de tous biens  
 iamaïs ne pourra porter, fil est de cœur aussi haultain cōme  
 de lieu illustre, qu'on le voye en ce pays miserable viure, au  
 quel il a de sa naissance nom & tiltre de Prince. Estant, doc-  
 ques, necessairement contrainct de se bannir hors du pays,  
 que pourroit-il emporter avecques luy, sinon la honte & re-  
 proche de l'Empereur, du Roy son frere, de vous tous, en  
 quelques parts du monde qu'il se puisse trouuer? & donner  
 à vn chacū matiere de dire, en le mōstrāt, C'est celuy là, qui  
 autresfois, qui maintenant, qui sans sa coulpe, qui hors d'Al-  
 lemagne. Vouz entendez le surplus des sentences, & ie me  
 deporter volōtiers de les acheuer, car ie voy voz cœurs desia  
 se mouuoir, & que tacitement, & par signes & visāges vous  
 aduouez, & recognoissez, ce que ie dy estre verité. Mais ne  
 pensez point que ce pendant ces bons forgeurs de calom-  
 nies (pourueu que ce que par eux mesmes ne peuuent, ils le  
 puissent faire par vous, soubs l'autorité ou de leur maistre  
 ou de l'Empereur) facent grand cōpte ne de ce que le mon-  
 de en dit presentement, ne de ce qu'à mille ans on en dira.  
 Je pourroy en cest endroict (& les propos, s'y offrent) vous  
 reciter cōbien & quelles paroles, à cause de tels cōseils, se di-  
 sent publiquement en toute la Germanie à l'encōtre des sei-  
 gneurs dessus nommez: & à grand tort (selon mō aduis) par  
 gens qui descrient maintenāt leur miserable ambitio & au-  
 rice immoderée. Maintenant leur puissance trop peu feable  
 & trop suspecte vous aduile de prendre garde à eux, & qu'ils  
 n'abbayent à autre chose qu'à occuper & à soy assubiectir  
 toute la Germanie, & qu'en opprimant maintenant l'un  
 & maintenant l'autre, & y occupant leurs biens, il semble  
 qu'ils veulent asseoir leurs garnisons en plusieurs & diuer-  
 ses parties d'icelle, pour apres à leur a point, & quand ils la  
 voirront affoiblie de ses principaux membres, l'assailir alors  
 vniuersellement, plus hardiment, & à moins de danger.

Je vous pourroy aussi reciter infinité d'exemples que son amene tant d'estrangers que de vostre nation, tant de modernes comme d'anciens, de ceux qui en voyant opprimer leurs voisins, n'en ont tenu cōpte ny fait semblant, & n'ont iamais cogneu qu'en l'oppression d'eux on machinoit la leur, iusques à ce qu'ils se sont veuz eux-mesmes trebucher en pareille seruitude. Lesdits exemples ainsi mis en auant, tendans à ce que vous pensiez à nostre fait, & à la conseruation de vostre liberté, & que en remettant deuant voz yeux le danger de voz voisins, vous pensiez à ce que vous mesmes deuez ou esperer, ou craindre. Mais ie m'en deportte legierement, de peur qu'aucuns qui parauenture pensent ( quoy que ce soit ) qu'ils voudroient bien qu'entre le Roy mon maistre & lesdits seigneurs, les choses ne soient point entierement accordées, ne feissent du cœur d'autrui iugement selon le leur, & meissent en auant, ou que ledit seigneur Roy mon maistre expressement m'eust auitré; ou que de moy-mesmes ( en esperant de luy complaire ) i'eusse affecté ceste occasion, de vous reciter & descouurir chose, à quoy parauanture aucuns de vous ne pensent encores.

Quoy toutesfois que lon vous en puisse dire, ne croyez point si par inaduertance il m'eschappe quel que mot qui puisse desplaire auldits seigneurs si d'auanture ils estoient tendres des oreilles, que ie le face ou par ordonnance, ou au sceu, ou au nom dudit seigneur Roy mon maistre. Voz bons visages en grande partie m'ont inuité à dire franchemēt ce que i'auoy auparauant deliberé de taire, & en grande partie m'y a contrainct Pourrecuidance de ses gens icy: lesquels sont cause qu'à l'encontre desdits seigneurs telles paroles sont dites & semées. Et afin qu'en ceste partie ie porte tesmoignage de moy-mesmes, il ne fut oncques homme plus malaisé à persuader en choses dites à l'encontre des Princes que ie suis, & tousiours ay esté, tant de ma nature, que de mon  
insti-

instituee forme de viure. Et quant ausdits serenissimes seigneurs qui sont tant tenus & obligez à vous, qui tant sont creuz & augmentez en biens, en forces, en dignitez, au hazard de voz personnes, de voz biens, de voz puissances, ie ne penseray iamais que d'eulx vous deuiez riens craindre. Bien suis d'auis seulement qu'avec telle & si grande reuerance qu'il appartient à leurs majestez, on leur ramentouie aucunesfois ce qui est de leur deuoir, & qu'ils ne se laissent seduire par faulx cōseil. Ils sont exorables & benins, ils ont sur tout en singuliere recommandation leur bon renom, & la bonne conscience que Dieu no<sup>s</sup> baille, pour en toute nostre vie estre tesmoinge d'honestes entreprisse, & vertueux faicts. Qui est la cause pour laquelle ce Duca plus grand regret, se veoir priué de son bien: car il entend & cognoist (comme i'en ten aussi & cognoy) que si seulement quelqu'un aduertissoit le Roy Ferdinand de son deuoir, ou qu'il ne fust destourné par autre de sa naturelle clemence, il luy feroit la raison bien tost & volontiers.

En ceste mesme opinion estoit le Roy Tres-chrestien mon maistre, quand il me despescha de sa cour, non tant pour autre chose faire, que pour venir congratuler (comme i'ay dit) Combien que preuoyant en soy & cognoissant que ces cōtreuerfes qui sont de grandes choses, encores que les parties au principal demeurent d'accord, il est neantmoins biē malaisé que les dependances en brief temps soient appaisées, & qu'à ceste cause pensant, que si quelque chose y auoit (auiant que ie le trouue en effect) qui fust encores à demeller son autorité fust de quelque credit (ainsi que par raison elle doit estre, & croy qu'elle soit enuers le Roy Ferdinand, le quel il pensoit que ie trouuasse icy) il me bailla lettres de creance à luy porter, & en son absence à ses ambassadeurs estans de pardeça, & n'eut oncques plus grand desir de faire chose, que d'interposer son autorité, comme amy & allié commun des deux parties, & s'employer à les mettre



d'accord. Et m'auoit donné charge de leur proposer vn moyen de paix infallible : & aux deux parties expedient & prouffitabie, lequel alors il auoit en sa main, & fil eust pleu à Dieu, ou que ledit serenissime Roy Ferdinãd eust icy enuoyé autres personnages qui eussent esté ambassadeurs & non parties, ou que sans m'arrester à eux, ie fusse droict allé deuers luy, ie suis bien assésuré que non seulement il ne se feust laissé destourner de la voye de clemence, & d'equité où il estoit ja entré : mais quand il n'y eust encores entré, il l'eust faict alors la creance ouye que i'auoy à luy dire : & ne seriez maintenant ô illustre seigneur Duc Chrestosse, en ceste perplexité d'attendre iugement au iourd'huy duquel entierement depend tout vostre bien.

M A I S puis que de mauuaise fortune ie ne l'ay trouué, & que m'estant adressé à ses gens & deputez, il leur semble non seulement ne deuoir employer en cest affaire l'autorité du Roy nostre maistre, mais ont reiecté insolentement & refusé d'accepter ses lettres, & faict en sorte que ie ne suis en mon entier de maintenant pouuoir aller vers ledit serenissime Roy, sans commission & ordonnance nouuelle : vous ne prẽdrez en mal si quant à ce point ie n'obtempere à vostre requeste. Car il m'a semblé de pouuoir & deuoir faire honnestement & sans offense de recommander vn affaire en ceste compagnie de la part du Roy mōdit-seigneur & maistre, ce que i'ay songneusement accompli & accompliray de bon cœur : & ne fairay chose pour vous qui soit au preiudice, ou puisse estre iustement trouuée mauuaise dudit serenissime Roy Ferdinand. Le Tres-chrestie Roy mōdit-seigneur & maistre, si le vouloit il ne pourroit par les traittez qu'ils ont ensemble : & si par les traittez il le pouuoit, il ne vouldroit pour l'alliance du sang qui est entre-eux, mais en toutes autres choses, que sans blesser sa foy, son honneur, & le deuoir du sang, il pourra faire en vostre faueur, vous le trouuerez à iamais vostre allié & bon

amy, & ne sera bien espargné en vostre necessité. Tousiours a esté la cour de France la plus liberale de toutes au tres sans contredict: tousiours a esté ouuerte & abandonnée, & oncqs si liberale ne fut que sous ce Roy, au refuge & repos de to<sup>s</sup> Princes exilez & souffreteux. Par plus forte raison deuez vous esperer qu'elle ne sera close à vous qui en estes alliez: à vous qui pour la iustice de vostre cause, pour l'innocence de vostre personne, semblez àvoz ennemis mesmes estre tresdigne de misericorde & compassion.

I'ay toutesfois opinion & ose vous augurer, que du serenissime Roy Ferdinand vous deuez encores esperer meilleure chose que l'apparence iusques icy ne monstre: & quand ie seroy en ceste noble assemblée interrogué par serment, i'oseroiy affermer, qu'il n'a commandé ne sceu, & que iamais il ne trouuera bon que ses agens desdits ayent refusé les lettres du Roy mon maistre. Et me laissera iamais persuader que luy qui franchement n'auoir fait refus d'accepter lettres assez iniurieuses du Turc Soliman ennemy commun de nostre Foy, leur auoir souffert de refuser lettres gracieuses & de recommandation d'un Roy Tres-chrestien son amy, son confederé, son allié si proche. Aussi peu me laisseroy persuader, que luy qui au different d'un riche Royaume fest volontairement soumis au iugement arbitraire dudit Soliman son ennemy, refusast maintenant d'ouir les moyens qui de la part d'un Roy (comme ie dy son amy confederé, allié si proche) fussent mis en auar pour la pacificatiō d'un Duché, lequel eu esgard à ses autres estats ne luy peult estre de fort grande consequēce. Mais afin que vous entendiez dont cela procede, ces bons ambassadeurs ont crainct (ce que fust adueni en effect) que pour l'ouverture d'icelles lettres, & le recit de ma creance, le moyen leur fust clos d'assouir leur haine & volonté particuliere: en laquelle ils sont si animez, que tout ainsi que Dido de Vergile, ils seroient contents de se perdre & ruiner,

moyennant qu'ils ruinaissent, qu'ils destruisissent & pere & fils, & toute la race & la memoire de la maison.

Mais estant son intention bonne, & ne tendant sa volonté à faire tort à autrui, estant seulement dissuadé par les dessu'dits qui ne sont ne de grand nombre ne de grande autorité, lesquels pour ceste heure luy desguisent les matieres, vous pourrez esperer que ceste couverture & desguisement ne puisse longuement durer, & que le temps qui tout descouvre, luy fera cognoistre & descouvrira leurs calomnies, impostures & faulx-donnez à entendre. Alors pourront de luy impetrer vostre susdite innocence, & si estroitte parenté, nō seulement ce que vous demandez, mais plus grande chose, y entretenant le iugement bon & iuste qui auiourd'huy procedera sur vostre faict de ceste solemnelle & sainte assemblée, entre les bras de laquelle vous deuez vous rendre & abandonner. Et comme desia ils soient par moy suffisamment informez que vostre matiere est conioincte & vnice avec le prouffit de leur Empire, avecques leur deuoir enuers la patrie qui les a engendrez & nourris, enuers leurs patriotes, enuerseux mesmes & leur enfans. En eux (apres Dieu) vous deuez mettre vostre esperance, & y fonder vostre appuy & support, les requerrant humblement qu'ils veuillent (comme il est en leur puissance) auiourd'huy exterminer la consequence de mauuais conseil, qu'elle n'opprime la iustice de vostre cause, le prouffit de leur Empire, la dignité de leur patrie, l'esperance de tous autres, d'eux mesmes, & des leurs à iamais. De vous (Messeigneurs) il me semble, la chose biē entendue, que il peult & doit esperer ce que dessus : & si voz ancestres, pour soustenir les causes des innocēs qui en rien ne leur atouchent ont entrepris plusieurs loingtains & difficiles guerres, de cōbien deuez vous embrasser & prendre en la protection, à tout le moins de vostre iugement, la cause de cestuy qui vous atouche, & qui est inseparablement conioincte avec le prouffit ou dommage de vostre Empire,

Empire, avecques la bonne ou mauuaise reputation vostre? Et entendu mesmes que cestuy vostre suppliant estimera que vous ayez assez grandement fait pour luy, si tant seulement vous prenez resolutiõ ou de rompre entièrement ceste vostre ligue, ou en la renouellant excepter & forclorre ceste sienne querelle : laquelle ny comprenant & exceptant, vous cõfermerez les mensonges qu'eux en ont portées au Roy Ferdinand : vous assiègerez à cest innocent le pas de rentrer à ses biens : vous obligerez vous à le priuer de vostre bien fait sans sa coulpe & à contrenenir à vostre propre fait?

A v contraire l'y comprenant, & sans autre chose faire pour luy, vous le remettrez sus faisant cognoistre au Roy Ferdinand ce qu'on luy a tousiours deguise, quelle opiniõ est la vostre en ceste cause, & ce que vous desirez que de sa part il y face. Finablement il y a vn poinct, lequel (à mon aduis) me reste seul à vous esclaireir pour m'acquitter enuers vous de ma promesse: ie vous ote bien asseuerer qu'en ce faisant vous vous acquitterez enuers le dit serenissime Roy Ferdinand de la foy que vous luy pouuez deuoir, & que non seulement ne ferez chose qui luy doie tourner à desplaisir, mais luy ferez chose agreable, & dont il vous deura scauoir gré, en luy donnant ceste occasion de recognoistre ce qui est de son deuoir, & luy descourant les impostures & deguisemens de ceux qui sans auoir esgard à sa reputation donnent matiere au monde de mal parler de luy, de son ambition, & cupidité insatiable: tous lesquels propos, pour la cause que ie vous ay ditte, ie ne vueil icy reciter plus amplement. Faites vous donc aucune doute encores, Messieurs, que vous ne duez esté de vostre misericorde sur cestuy vostre suppliant? qui oncqs de nul de vous, qui oncques a autre quel qu'il soit feist mal ne desplaisir, qui onques ne dist ne fist chose qui deust desplaire ny aux yeux, ny aux oreilles de homes du monde, qui a ia si long temps porté si griesue penitence du fait d'autrui. En la misericorde duquel



(ainſi que ie vous ay faiât aparoiſtre ) la gloire de voſtre nom, la foy à celuy que voulez regner ſur vous à voſtre Empire, à voſtre patrie: aux habitans d'icelle, à vous & aux voſtres euidemment ſe conſerue la gloire de voſtre nom, ſoit que vous deliurez l'innocent d'oppreſſion, ſoit que luy maintenez voſtre bien faiât: la foy à celuy que voulez regner, auquel vous deuez bon conſeil: à voſtre Empire, à cauſe de la protection de ſes droits: à voſtre patrie, à cauſe de la conſeruation des eſtats les vns des autres: à voz patriotes & à voz enfans à qui vous deuez la diuerſion, non ſeulement du dâger, mais de la crainte de tels exêples, de telle ſorte que ſeptreprenât ſur vn, mais auſſi touchant à tous. Si toutes les cauſes ne vous ſont ſuffiſantes (ce qu'elles ſont) pour vous eſmouuoir à ce faire, adiouſtez y la requête q̄ vous en ſont tant de Roys, Prelats, Ducs, Côte, Barons, & de tous autres eſtats: leſquels pour vous monſtrer Paſſection qu'ils portent à ceſte matiere, ont enuoyé avecques luy par deuers vous leurs ambassadeurs'pour luy aider & fauoriſer ſon party: ſâns parler de ceux là ce-pendant, qui pour la briefueté du tēps & diſtance des lieux n'ont peu y enuoyer, leſquels eſtimez y eſtre d'eſprit, combien qu'ils n'y ſoiēt de corps. Tous ceux cy (Meſſieurs) enſemble avec celuy, receurent bien, & ayde de vous: tous ceux cy di-ſe ne renderez point ſeulement voz debtors ny obligerez à vous, mais comme ie puis apperceuoir de voz viſages & contenance les auez deſia pour iamais à vous & à voz enfans obligez.

Effect de la  
ſuſditte o-  
raiſon.

Ceſte oraïſon paracheuee donna grande viguer à l'affaire du Duc Chreſtoſte de Wirtemberg, avec Paſſection que deſia pluſieurs Princes y auoient, tant pour la tyrannie dont l'Empereur & le Roy Ferdinand ſon frere vſoient enuers luy innocent, que pour la parenté dont il attouchoit aux plus grandt Princes de l'eſſemblée: de ſorte qu'en premier lieu la ligue de Soane laquelle auoit duré ſoixante & dix ans à l'auantage de la maiſon d'Autriche fut diſſolué & annullée. Puis apres les Ducs de Bauiere, Lanſgraue de Heſſe, & leurs aliez & confederez eurent pluſieurs parlemens pour la redinte-

integration du Duc de Wirtemberg dedans ses pays detenus, & possédez par force par Ferdinand Roy de Hongrie frere de l'Empereur: mais en fin tout considéré & debatue ne virent autre moyen, sinon d'y aller par armes, puis que iustice n'auoit lieu, chose qui ne se pouuoit faire sans argent. Parquoy ayant recherché le seigneur de Langey pour cest effect, & pour trouuer la seureté de la consignation de cens mille escus, dont par cy deuant a esté parlé, & ledit seigneur de Langey trouuant qu'il n'y pouuoit entrer sans directement aller contre le traité de Cambray ( car ce seroit bail-  
 ler deniers pour faire la guerre à l'Empereur) trouua vn expediant qui fut tel. Que le Duc de Wirtemberg estoit seigneur de la Comté de Mötbelliar assise aux confins du Duché de Bourgogne, de la Franche-Comté & de la Comté de Ferrette, laquelle Comté de Montbelliar ledit Duc de Wirtemberg vendroit au Roy pour le pris & somme de six mille escus, à condition toutesfois de rachat: puis ledit Duc de Wirtemberg ayant les deniers siens, en pourroit disposer à son vouloir, ou au guerre, ou en paix sans que le Roy con-  
 treuint en aucune chose audit traité de Cambray. Les choses ainsi proposées furent executées, & furent les deniers li-  
 urez es mains dudit Duc de Wirtemberg, ou de ses deputez, & le Roy mis en possession de la Comté de Montbelliar: auquel lieu fut mis pour baillif & gouuerneur le seigneur de Cermes.

Des deniers de laditte vendition, fut promptement, & deuant que l'Empereur & le Roy de Hongrie y peussent pour-  
 uoir, dressée vne armée par les Ducs de Bauiere, Land-  
 graue de Hesse, & le Duc de Wirtemberg, & autres leurs al-  
 liez, telle qu'en peu de temps ledit Duché fut leué hors de la  
 main dudit Roy de Hongrie, & le Duc de Wirtemberg & son  
 fils remis en possession: & fut chef de laditte entreprise Philip-  
 pe Landgraue de Hesse. Et peu de temps apres furent les den-  
 niers restituez au Roy à trête, ou quarante mille escus pres,  
 dont lesdits Ducs de Bauiere furent respondans, & par ce moyen  
 laditte Comté de Montbelliar remise entre leurs mains.

Des affaires du Roy d'Angleterre sur son mariage.

Il me suis assez longuement tenu sur ce propos. Il fault reuenir au Roy qui estoit parry d'Auignon, lequel estoit arriué à la coste S. André enuiron le premier iour de Decembre, preuoyant l'incouenient qui pourroit aduenir de la sentence donné par le Pape. Mais le Roy auoit obtenu de sa saincteté partant de Marceille, qu'il seroit delayé à la fulminatiō, iusques à ce qu'on eust nouuelles de la volonté du Roy d'Angleterre, scauoir sil se pourroit trouuer moyen de le faire reuenir à Pobeissance de l'Eglise Romaine: & pour cest effect despescha Iean du Bellay Euesque de Paris, pour aller en poste deuers iceluy Roy d'Angleterre, afin de l'induire d'enuoyer ses ambassadeurs à Romme pour le faict de laditte sentence. Ledit Euesque de Paris arriué qu'il fut, trouua le Roy d'Angleterre en grande colere contre le Pape, & tout le sainct siege Apostolique, se plaignant des iniustices qui luy auoient esté faictes, d'autant qu'ils luy auoient refusé d'enuoyer commissaires pour cognoistre de sa cause, le voulans contraindre d'abandonner son Royaume pour aller à Romme en personne assister à droict. Mais après plusieurs remonstrances qui luy furent faictes par ledit Euesque de Paris, se condescendit que là où ledit sainct pere voudroit superseder en laditte sentence, iusques à ce qu'il eust enuoyé iuges deputez pour estre ouy, il supersederait aussi l'exécution qu'il auoit deliberé de faire, qui estoit, de se separer du tout de Pobeissance Romaine. Et par ce que ledit Euesque de Paris se presenta luy-mesmes pour faire ledit voyage de Romme, luy asseurer que là où il luy feroit entendre qu'il auroit obtenu la demande, incontinent luy enuoiroit pouuoir suffisant, pour confermer ce qu'il auroit accordé: se confiant en luy, attendu la grande amitié, laquelle de long temps il luy auoit portee, pour auoir esté deux ans Ambassadeur du Roy pres de luy.

L'Evesque de Paris ayant obtenu ce que dessus du Roy d'Angleterre, encores qu'il fust Noel, & que l'hyuer fust

fut autant extreme que iamais, n'estima sa peine à rien, veu le bien qu'il cognoissoit pouuoir aduenir de sa legation. Parquoy partit en telle diligence qu'il arriua à Romme deuant que chose eust esté executée contre le dit Roy d'Angleterre plus auât que ce qui auoit esté fait au precedant: & ayant eü audience au consistoire, remonstra ce qu'il auoit obtenu pour le bien de l'Eglise enuers le dit Roy d'Angleterre. Les choses furent trouuées raisonnables, & luy fut prefix temps pendant lequel il deuoit auoir response du Roy d'Angleterre. A ceste cause il depescha vn courrier deuers le dit Roy, luy dōnant charge de faire toute diligence pour estre de retour au temps limité. Estant le temps venu, & le courrier nō de retour, fut procedé au consistoire à la fulmination de la sentence. L'Euesque de Paris remonstra au Pape particulièrement, & en general à tous les Cardinaux, leur suppliāt luy donner encores temps de six iours, alleguant qu'il pouuoit estre qu'il estoit suruenü inconuenient au courrier, ou que la mer auoit esté tempestatiue (comme souuent il aduenoit) que le vent estoit contraire, ou pour l'aller, ou pour reuenir que la diligence dudit courrier auoit esté empeschée: leur remonstrant aussi que si le Roy d'Angleterre auoit eu patience six ans, ils luy pouuoient donner six iours de delay.

T E L L E S furent les remonstrances qu'il leur feit en plain consistoire: auxquelles plusieurs des plus voyans condescendirent, mais la pluralité des autres l'emporta contre le moindre nōbre de ceux là qui auoient biē considéré l'inconuenient qui en aduiendroit à l'Eglise: & fut la chose si precipitée, que ce qui ne se pouuoit faire en trois consistoires, se feit en vn seul, & fut la sentence fulminée. Ne passerent deux iours apres que le courrier arriua, lequel apporta tous les pouuoirs & declarations du Roy d'Angleterre, dōt le dit Euesque de Paris festoit fait & fort, chose qui estonna merueilleusement ceux qui auoient esté d'opinion de precipiter les choses: & par plu-



Cause de la  
séparation  
du Royau-  
me d'Angle-  
terre de l'E-  
glise Romai-  
ne.

seurs fois fasssemblerent, pour trouuer moyen de rabiller ce qu'ils auoient gasté, mais ils ne trouuerent moyen d'y remedier. Le Roy d'Angleterre voyant l'indignité dont on auoit vſé en son endroict & le peu de respect qu'ils auoient en sa majesté, ayant fait aussi peu de cas de luy, que du moindre de la Chrestienté, se separa luy & son royaume de l'obeissance de l'Eglise Romaine, se faisant immediatement apres Dieu chef de l'Eglise Anglicane. Voila en somme ce qui en aduint, & à tant mettray fin à ce propos.

Institution  
de Legion-  
naires en  
France.

Le Roy voyant l'indignité dont auoit vſé enuers luy le Duc de Milan par la mort de son ambassadeur Meruelles: & cognoissant que par iustice il n'en pouuoit auoir raison, & mesmes que l'Empereur n'en auoit fait grand cas quand il leur en auoit fait sa plaincte, delibera par armes en auoir reparation. Et par-ce qu'il estimoit bien que l'Empereur vou droit estre de la partie, voulut pourueoir à ce qu'il fust suffisant, & preparé pour soustenir l'effort de ceux qui le voudroient empescher d'auoir saditte reparatiō: & cognoissant qu'il pouuoit tirer des estrangers se voulut toutesfois fortifier de sa nation. Et afin que soudain il eust les hommes à son premier mandement, ordonna avec ceux de son conseil de dresser à l'exemple des Romains en chacune prouince de son Royaume vne legion de six mille hommes de pied, dont il bailleroit la charge a six gentilshommes, lesquels au roient pour chaque mille homme deux lieutenans, & sous chacune enseigne cinq cens hommes, & donna grands priuileges ausdits Legionnaires, tant aux capitaines que soldats, lesquels deuoient vne fois l'an en temps de paix faire vne mōltre generale. Et afin que les capitaines peussent respondre de leurs soldats, ils deuoient scauoir le nom & surnom de chacun, & le lieu de sa demeure, tant pour les auoir soudainement prests a tous mandemens, que pour les chastier, s'ils faisoient faulte: & pour cest effect depescha les commissaires a ce necessaires.

1534

Enuiron le mois de May mille cinq cens trente-quatre  
estât ledit seigneur aduertty que les legions estoient prestes,  
voulut

voulut bien aller visiter les prochaines de luy. Et pour cest effect se trouua en la ville de Rouen, capitale de Normandie, auquel lieu les monstres de la legion d'icelle prouince furent faictes en sa presence, dont estoient capitaines six gentilshommes, scauoir est le seigneur de Bacqueuile, le seigneur de la Salle, le seigneur de S. Aubin Phermite, le seigneur de saint Aubin gobellet, le seigneur de Cantelou aux deux amants, & le seigneur de Sanneuelles. Ayant veu ladite legion de Normandie de laquelle il se contenta fort, print le chemin d'Amiens pour là faire le semblable de la legion de Picardie, & environ le xx. iour de Iuing se trouua ladite legion en armes en la plaine tirant d'Amiens à S. Fuscien, de laquelle estoient capitaines le seigneur de Sercu, Iean de Mailly seigneur d'Auchy, Iean de Brebantou seigneur de Cany, le seigneur de Saisseual, le seigneur de Heilly surnommé de Pisseleu. A ladite monstre se trouuerent toutes les dames, en la presence desquelles, se dresserent plusieurs escarmouches fainctes, tant à cheual qu'à pied, tant de la gendarmerie que de la noblesse de la cour. En ce temps là estoit l'Empereur à son voyage de Thunis.

AYANT le Roy faict la monstre de Picardie, print son chemin par la Champagne pour veoir faire la monstre de la legion de laditte prouince, laquelle fut faicte pres de la ville de Reims. Apres laquelle monstre il dressa son chemin par Mesieres pour visiter la frôtiere, tant de Châpaigne, que de Bourgongne: mais estant arrivè à Mesieres fut aduertty qu'un gentilhomme de la maison d'Aspremont seigneur de Buzancy auoit fortifié vne sienne maison nommée Lumes, à demi lieu pres au dessus de Mesieres sur la riuier de Meuze tirant à Sedan, & apres l'auoir fortifiée se descognoissant ne la voulut releuer du Roy ne du Comte de Retheil dont elle estoit mouuante, à cause de la seigneurie de Mesieres & Comté de Retheil. Le moyen pour lequel on luy auoit souffert de la fortifier fut que son pere estoit gouuerneur de Messies.

Rebellion  
du seigneur  
de Lumes,

res & de Rethelois, estant en tel credit pres du seigneur d'Orual que toutes choses luy estoient permises, pour l'assurance qu'il auoit de sa fidelité. A ceste occasion les officiers dudit Mesieres auoient tolléré ladicte fortification: au surplus ledit gouverneur pere dudit seigneur de Buzancy ayât les tiltres du Comté de Rethel auoit desrobé ceux qui concernoient la fidelité qu'il deuoit de ladicte maison de Lumes.

Le Roy de ce aduertty, & qu'il auoit refusé l'ouverture de la porte à ses officiers, qui estoient allez deuant pour habiller son disner, trouua ce refus de mauuaise digellio: parquoy feist equiper six canons, & mada faire marcher la legion de Champagne, deliberé de ce faire obeyr à son subiect rebelle: de laquelle chose aduertty ledit seigneur de Buzancy, & voyant les forces du Roy tourner sur luy, craignant y perdre la vie, se ramodera. Et par le moyen & a la requeste de Messire Robert de la Marche seigneur de Sedan, obtint grace du Roy, moyennât qu'il remist sa place entre les mains du Seigneur de S. André cheualier de l'ordre du Roy, au nom de sa majesté: en laquelle place, depuis le Roy en la faueur dudit seigneur de Sedan le reestablit, luy donnant estat pour la garde d'icelle, faisant le serment de la garder au nom de sa majesté enuers & contre tous. Mais depuis estant la guerre suruenue, diuertty de l'affectio du seruice du Roy, par la persuasion de sa femme, laquelle estoit natifue des pais de l'Empereur, se reuolra faisant le serment à l'Empereur: pour punition de ladicte rebellion, le Roy Henry à present regnant a prins depuis ladicte place, & faict raser, & confisquer ladicte terre.

**Touchant  
la successio  
de Sauoye.**

Vous auez entendu comment le Roy se preparoit pour auoir raison de l'iniure quiluy auoit eüe faicte en la personne de son ambassadeur: & pour cest effect depescha le Comte Guillaume de Fustemberg en Allemagne, pour faire leuée de vingt enseignes de lansquenets. Puis enuoya ambassadeurs deuers de Duc de Sauoye pour

pour luy demander passage par ses païs, pour auoir raison de l'offence à luy faicte par le Duc de Milâ: ce que le Duc de Sauoye luy refusa, à la persuasiō (à ce que lon dit) de la Duchesse son espouse, chose que le Roy trouua fort estrange: veu l'ancienne alliance & prochaineté de parentage qui estoit entre eux, & aussi la grande patience qu'il auoit eue depuis le trespas de Madame Louise de Sauoye sa mere de demâder le parrage de laditte Dame, dōt il estoit heritier par la successiō du Duc Philippe pere de laditte Louise & du Duc de Sauoye. Or est il que ledit Duc Philippe en premieres nopces espousa vne fille de Bourbon, de laquelle il eut le Duc Philebert de Sauoye, & laditte Louise mere du Roy. Puis en secondes nopces espousa vne fille de Pontieu, dont il eust le Duc Charles de Sauoye dont à present est faicte mention, & le Côte de Geneue depuis Duc de Nemours. Parquoy le Roy maintenoit qu'à luy appartenoit vne grande portion de laditte succession de Sauoye, attendu que sa mere estoit du premier liēt, & seule heritiere du Duc Philebert, qui estoit mort sans enfans. Pour ceste occasion le Roy enuoya deuers ledit Duc de Sauoye maistre Guillaume Poyer quart Presidēt de la cour de parlemēt de Paris, avec autres gēs de loy, pour luy demâder raison & luy faire apparoit des droicts du Roy. A laquelle chose le Duc de Sauoye en facon du mode n'y voulut entendre, & renindrent les depaitez du Roy sans riē faire. D'autre part le Roy fut aduertty cōment par tous moyēs il taschoit de diuertir les Suisses de l'alliance de France. Aussi scauoit comment auant le partement de l'Empereur pour le voyage de Thunis il auoit obtenu de l'Empereur en achapt le Comté d'Ast, qui est l'ancien parrage de la maison d'Orleans.

Le Roy voyāt toutes ces choses precedentes, cogneut bien par les effectz la mauuaise volōté que luy portoit ledit Duc de Sauoye son oncle. Parquoy luy manda pour la derniere fois qu'il eust à luy faire raison, autrement qu'illa chercheroit par armes, à laquelle sommation



le Roy n'eut responce où il peut faire fondement : & sca-  
chant aussi que ledit Duc de Sauoye auoit assiegé Gene-  
ue, souffrit que le seigneur de Verez gentilhomme de  
sa chambre & natif de Sauoye avecques vne partie  
de la compagnie du seigneur Rence de Cere entraist de-  
dans Geneue pour donner secours aux assiegez. Aussi  
Messieurs de Berne qui auoient pris la ville de Geneue  
en leur protection manderent par leurs ambassadeurs au  
Duc de Sauoye qu'il eust à laisser en patience ceux de Ge-  
neue leurs allies, mais n'ayans eu dudit Duc responce suf-  
fisante se mirent aux champs avec dix ou douze mille  
hommes pour secourir les assiegez, mais ledit Duc de  
Sauoye n'osant attendre leur puissance, se retira: ce que  
ne firent Messieurs de Berne, car ils entrerent dedans  
les pais du Duc, & les spolierent d'une bonne part du meil-  
leur pais qui fust en son obeissance, & fût attribué à eux.  
Puis passans à Lozanne en chasserent l'Euesque, & l'ont  
attribué à leur iurisdiction, en faisant quelque part à leurs  
alliez, & de present en iouissent.

ESTANT le Roy en Bourgongne il eut nouvelles de  
la victoire de l'Empereur à Thunis, dont il sen congratu-  
la avec le sieur de Deuergues ambassadeur dudit Em-  
pereur pres luy, mais il n'eut aduertissement du chemin  
qu'il prenoit, sinon peu apres qu'il fut auerty de son ar-  
riuée à Palerme, du retour de son voyage, & de la grâde  
ruine de son armée, pour les grands travaux & chaleurs  
qu'ils auoient endure, & comme il auoit faict vne assem-  
blée pour faire demâde d'une somme de deniers au pais:  
à la requeste luy furent accordez deux cens cinquante  
mille escus, outre dix mille hommes que ledit pais luy  
auoit souldoyé l'eslé precedant pour trois mois. Estant  
encores le Roy à Dijon de peicha de rechef deuers mon-  
seigneur de Sauoye pour entendre de luy sa derniere re-  
solutiō, mais ledit Duc de Sauoye se cōfiant à l'heureu-  
se victoire de l'Empereur ne luy feit responce sur quoy on  
eust peu faire fondement.

L'EMPEREUR estant arriué à Palerme, enuiron la my Octobre mille cinq cens trente-quatre feit grâde demonstration au seigneur de Velly ambassadeur pour le Roy, du cōtentemēt qu'il auoit de l'apparence de la ioye & plaisir que le Roy auoit eu de sa victoire de Thunis, & aussi de l'entreueue de la Royne Aleonor sa sœur, & de la Royne de Hongrie son autre sœur. Puis luy comprit la perte qu'il auoit receue à Minorque par Barberousse, & le desir qu'il auoit d'en nettoier la mer: & que pour cest effect il desiroit faire avecques le Roy son maistre de plus estroictes alliances, à ce qu'eux deux participassent à l'honneur & au prouffit qui pourroient aduenir des conquestes qu'eux deux ensemble pourroient faire sur la Grece. Et puis le laissa sans conclusion, le remettant à ce que le seigneur de Granuelle luy en diroit.

O R ie pense bien que c'estoit le fondement que l'Empereur vouloit prēdre pour abuier le Roy & l'amuser, craignant que ce temps pendant que ses forces estoient debiles, & l'armée du Roy preparée, le vint assaillir au Duché de Milan, detenu contre raison par ledit Empereur de l'heritage de messeigneurs les enfans de France. Car ledit seigneur de Velly parlāt à Grāuelle ledit Granuelle luy renouuella les offres que par cy deuant l'Empereur auoit faict au Roy d'une pension de cent mille escus sur ledit Duché de Milan, au nom de mesdits-seigneurs les enfans, ou de celluy d'eux que le Roy vouldroit nommer. Puis luy parla du Marige de Madame Marie fille d'Angleterre, sans autrement (quelque instance ou poursuite que feit ledit seigneur de Velly) luy declarer l'intention de l'Empereur. Au moyen de quoy vous pouuez coniecturer ce que i'ay dit cy dessus, que l'Empereur auoit soupcon pendant qu'il n'auoit le moyen de secourir le Duché de Milan, que le Roy le vint assaillir.

A v mois de Nouembre ensuiuant l'Empereur faisant doute que le Roy ne cogneust les abus & dissimulations dont il estoit en son endroict, & que cela inuitast le Roy

à se haster, attendu mesmement qu'il se preparoit pour demander par armes au Duc de Sauoye ce qu'il n'auoit sceu obtenir par doulce & amiable composition: & pour encores tousiours l'abuser, iceluy Granuelle se laigrit enuers ledit seigneur de Velly ambassadeur de luy declarer la volôre qu'il disoit qu'auoit l'Empereur de faire le mariage de la fille de Portugal fille de la Royne Alconora avecques Monseigneur le Dauphin: disant que la Princesse d'Espagne estoit trop ieune pour mondit seigneur, & par ce qu'il vouloit estraindre les alliances plus fermes, d'autant que la fille d'Angleterre Madame Marie estoit trop aagée pour mōseigneur d'Angoulesme, l'Empereur presenteroit autre party, dont le Roy se contenteroit: & sembloit à ces propos qu'il voulust parler de la Princesse d'Espagne.

P E u de temps apres survint la mort de Francisque Sforce Duc de Milan: & l'Empereur ayant nouuelles que le Roy se preparoit de plus en plus pour auoir la raison du Duc de Sauoye, & craignant qu'il marchast iusques à Milan (comme il estoit aise) ledit seigneur de Granuelle parlant au nō de l'Empereur, proposa au seigneur de Velly ambassadeur du Roy, comme estant mort le Duc de Milan, & ayant tous les capitaines dudit Duché releué les places de l'Empereur, alors se pouuoit faire vne ferme & estroicte alliance entre l'Empereur & le Roy: par ce qu'estant mort ledit Duc de Milan, l'Empereur n'estoit plus obligé, & pouuoit disposer à son plaisir dudit Duché. Parquoy furent mis en auant les mariages que par cy apres vous entendrez: & par là cognoistrez amplement, que tout le faict de l'Empereur ne tendoit qu'à toute dissimulation pour faire temporiser le Roy, ainsi qu'il feit, & faire entendre à tout le monde qu'il auoit cherché la paix, & remettre sur le Roy l'infractiō d'icelle: aussi vous apparoiſtra comme les choses se passerent, & quelle fut l'issue.

FINABLEMENT vous pouuez auoir entendu comme

me

me i'ay procedé à reduire par memoires, ce qui est adue-  
 nu depuis l'an mille cinq cens treize, esperant continuer  
 iusques au trespas du Roy Francois de bonne memoire,  
 pour supplier & amender aucunement la perte irrepara-  
 ble de ce qu'auoit escrit mon frere auant son trespas,  
 non si au long ny du stile dont mondit frere auoit vsé,  
 ainsi que par euidéce le demōstrent ses œuures, mais ce  
 que i'ay veu & peu entendre, ie l'ay discouru au mieux &  
 plus pres de la verité qu'il m'a esté possible, pour laisser  
 memoire aux autres qui le pourrōt mieux faire q̄ moy,  
 mais malaisémēt, plus fidellement, ny plus pres de la ve-  
 rité. Vous verrez par cy apres trois liures que i'ay recuei-  
 lis des fragments de ceux qu'auoit composé feu Messire

Guillaume du Bellay mon frere, puis apres ie suiuray  
 au mieux qu'il me sera possible, & au plus  
 pres de la verité, ce qui est adueni ius-  
 ques au trespas du feu Roy Fran-  
 cois de bonne memoire  
 premier de ce  
 nom.

FIN DV QVATRIESME LIVRE



# PROLOGVE DES OGDOADES DE MESSIRE GVILLAVME DV BELLAY, SEIGNEVR de langey, de la perte desquelles ne reste, que les trois liures qui ensuiuent avec quelques fragmens espars en ceste ceuvre, & les E- pitomes de l'antiquité des Gaules qui sont imprimées à part.



Tort se plaignét au iour  
d'huy les historiens Frâ-  
çois, & regrettent sans  
raison la fortune & con-  
dition des temps passez  
cōme si pour auoir este  
fleurissante en faitz ver-  
tueux, & recommanda-  
bles, elle eust par abondance de matiere in-  
duitz & comme contraintz, les nobles & re-  
nommez historiens passez à exercer leurs es-  
prits en stile, & par escripts magnifier & con-  
sacrer leurs noms à perpetuelle memoire. Et  
qu'au temps present ils trouuassent à ce faire  
vn aiguillon semblable. Leur honneur sauue, il  
semble que s'ilz vouloient considerer, & bien  
peser les choses qui seulement depuis cēt ans  
sont aduenues en ce Royaume, ils cognoistroiēt  
clairement que les escriuans ont plus deffail-  
ly à

ly à la matiere, que la matiere à eulx: Et que ia eust peu vn diligent & bon historien, sans rien toucher ne de superflu, ne d'inutile, plus mettre en lumiere de liures, & decades que Tite Liue ou Troge Pôpee ne firent en si long tēps. Lesquels s'ils eussent escrit aussi crûement, & sans artifice, qu'aucunesfois ont fait ceux de France, sans incerer ne debatre les causes & motifs des choses dont ils escriuoient, & sans deduire les deliberations sur ce prises en conseil, avecques les concions & oraisons, tant militaires que politiques demonstratiues, que deliberatiues: peu de plaisir auroit-on à lire leur histoire, & ne sembleroient les choses, si grandes qu'elles sont, qui sont trouuees telles, pour estre ennoblies & enrichies de l'excellence & singularité du stile, avecques l'elegante distribution de la matiere subiecte. Si qu'à bon droit Alexandre le grand iugea estre l'vne des plus grandes & principales felicitez d'Achilles, d'auoir trouué Homere tel & si noble recitateur de sa prouesse. Et certes si on me confesse la definition d'histoire, estre la vraye & diligente expositiō des choses faites: l'en retireray qu'il ne suffist dire ( quand-on voudra escrire histoire ) cecy fut dit, celà fut fait, sans remonstrer comment, par qui, par quel moyē, à quel tiltre, & a quelle fin: i'accorderay bien pour le present, que quelcun ayt

fidelement & veritablement escrit, de maniere que son labour se puisse dire vraye narration des choses: mais ie demande lors, enquoy consiste celle diligence qui par la confessee definition est necessaire? On me dira qu'en ordre, & en narration des choses bien poursuiue & continuee. Si aucuns doncques veulent garder cest ordre prosecutif ou continu, ie vueil que premierement ils proposent ce dont ils veulent parler: si d'apointemens ou alliances, fault reciter les causes finales, & inductiues, & qui ont à ce meu les parties, fault inserer de l'une & de l'autre les remonstrances griefs, debats, capitulations, & traitez: & si de guerre, fault qu'ils me dient à quelle cause, & pour quelle occasiō elle s'est meue: fault reciter les querelles debatuës, les parlemens, les deffiances, les apareils & entreprises, executions, moyens, & conduites d'icelles. mettre les batailles en ordre, représenter la rancontre, le conflit, l'execution de l'artillerie, le traict des haquebutiers, archiers, & arbalestiers, poulfiz de piques, chocs d'hommes d'armes, heurtis de cheuaulx, coups d'espee, chapliz de massës, haches, & halebardes: l'effroy des vaincus, rouverte, fuyte, & desolation d'iceux: Le cœur, hardiesse & poursuyte des victorieux, iusques à quelque fois raconter nō seulement le maintiē de l'une ou de l'autre armee, mais

ce que chacun de son coste aura particulie-  
rement dit & fait. Par tous ces poinçis fault  
paruenir, à Petter, & a l'auenture de l'issuc,  
Ceste anēture fault encores specifier par mout  
de circonstances : A scauoir est, si par vertu  
ou par nombre de gens, si par diligence, pru-  
dence, & bonne conduitte d'une part, si par  
mauuais ordre & negligence de l'autre, si par  
remerité, outrecuidance, & precipitation des  
vns, par ruse, ou dissimulation des autres : &  
par cent telles ou semblables circonstances,  
qui en l'histoire ne sont à mespriser ains à di-  
ligement obseruer : En representant artifi-  
cieusement tous les mandemens, sommatiōs  
& responses des vns aux autres : avecques  
la majeste, audace, desdaing, mesprisement,  
timidé, sans, astuce, malice, ou trayson,  
qu'elles auront este portees, ouyes, & re-  
spondues. Et ceste est la vraye diligence, &  
le vray ordre prosecutif, qui en hystoire sont  
desirez. Pour exemple ce n'eust assez este, si  
Tite Liue eust recite la victoire des Romains  
contre Perseus Roy de Macedone, s'il n'eust  
premis les occasions & preparatifs de la guer-  
re : & comment ayant desia Perseus son ar-  
mee preste, & les Romains encores assez mal  
esquippez, L. Martius Legat Romain, Pa-  
mus souz esperance de paix, & le fait conde-



scendre à demander vne courte trefue, pendant laquelle les Romains au lieu de traiter la paix, se preparerent aux armes: & à la fin le deffirent, & reduirent son Royaume à leur obeissance: Laquelle ruse ou astuce du Legat Romain, comme ayant beaucoup diminué de la gloire & reputation de la victoire, fut fort blasme & reprouuee par les anciens & plus honorez peres & Princes du Senat Romain, qui vouloient obtenir les victoires non par malice, mais par vertu. Par cest exemple donques, lequel ie mets au lieu d'une infinite d'autres semblables qui se pourroient acumeler, apparroist quel ordre & diligence sont requis en vne hystoire, & que là ou ils ne sont gardez, posé ores que l'historien (comme dit est) n'ayt rien que veritablement escrit, si ne meritera son œuure à mon iugement, le iuste tiltre & nom d'hystoire. Que pleust à Dieu, que par aucun qui bien le sceust, & voulust faire, en ensuyuant telle definition & regle, nous puissions veoir descrits tant de faits d'armes, rencontres, batailles, assauls, & deffences de villes & chasteaux: tant de querelles, traictez, apointemens, & ambassades, entreueues entre les Princes, depuis seulement le commencement de cestuy Regne. Certes les faits combien qu'ils soyent d'eux mesmes si haults & magnifiques, qu'ils peuuent assez nourrir & esle-

uer vne basse & affamée oraison, si se monstrent ils au iugemēt des hommes assez plus dignes & recommandables, qu'ils ne se montrent. Et lors pourroient les diligens estimateurs des choses, iuger & cognoistre par celle monstre, que si en France nous eussions eu vn Tite Liue, il n'y eust entre les hyistoires Romaines exemple ou vertueux fait, auquel ne eussions vn respondant. Car ne desplaist aux autres nations, desquelles ie ne vueil en rien diminuer la reputation, ie n'en sache aucune, en laquelle ou plus souuent, ou plus lōg tēps, se soit fortune monstree amye ou ennemye alternatiuement: & proprement semble qu'en ceste seule nation françoise, elle ayt voulu esprouuer l'vne & l'autre sienne puissance, pour à toutes autres donner exemple & mirouer, tāt de suporter en magnanimité, & auecques force & constance les infortunes & aduersitez, comme de soy gouuerner en prosperité auecques modestie & atemperance. Laquelle chose comme ainsi elle soit à mon auis a donné à plusieurs ocaſion de grande merueille, considerant que bien mil ans ou plus, France a eu bruyt & reputation, auant que nul, au moins qui soit à estimer, ayt mis la main à l'œuvre, pour escrire tant de faictz memorables, qui en icelle sont auenuz. Mais nos ancestres & fondateurs du Royaume, naturellement (&

comme par auenture alors estoit beſoing) furent tousiours trop plus inclins à faire qu'à eſcrire : lequel vouloir certes ie ne blaſme, ains trefort loue. Deſlors eſtoient ſuruenues les mutations vniuerſelles des Royaumes, deſirutions des païs, & aboliffement des lettres & arts, qui par long temps ont eſte cōme enſeuellies & endormies: ce que ie pēſe auoir eſte cauſe, que nous n'ayons hyſtoriens de l'origine, progres & actoiſſement de noſtre Royaume. Et neātmoins par cy, par là, s'en trouue quelque choſe eſcrite au ſtyle & narration telle que alors, plus digne toutesfois (à mon iugemēt) de commiſeration, que de moquerie: car ils ont fait en tāt que poſſible leur a eſte, que des choſes de leur tēps la memoire n'eſt entiere-ment enſeuellie, & qu'en eux trouueront matiere, ceux qui apres les voudront celebrer en plus elegant & orné langage: Mais depuis le temps que les ſciences ont commence à ſe reſſouldre, & que par la benignite de noſtre ſouuerain, treſchreſtien, treſmagnanime, & treſliberal Prince, elles ont preſque recouuert leur anciē regne & dignite: Je voy neātmoins, que tant plus elles fleuriffent de iour en iour, tant moins nous trouuons d'hyſtoriēs, qui entre tant des hautes & louables entrepriſes, ayent applique leur eſtude à les eſcrire, & conſacrer à eternitē le nom & los des vertueux:

Dont

Dont au cōtraire de ceux qui sur faute de matiere acusent & blament à tort le temps present, ie non sans cause me voudroye plaindre & lamenter de la fortune & condition du mesme temps, auquel ie voy que nul autre art ou science est si abiectie & contemnee, que ceste seule, qui par raison d'eust estre plus exaltee, ainsi qu'elle est entre les autres tresdigne & profitable. Et certes iamais aux humains n'auins si bien comme du temps que toutes choses dignes, ou de louange ou de reprehension, estoient transmises à la posterite par vraye escripture: car tout ainsi que par louange nourrice de vertu, sont les cœurs nobles aiguillonez & resueillez: ainsi n'est chose qui plus destourne de vice les fressles & tendres esprits, que la reprochee memoire des vicieux: dont par hystoire nous sont les exēples proposez pour en suyure les vns & fuyr les autres. Doncques de hystoire tous ces biēs viennent, premieremēt le Prince ou priué qui deuant soy à ceste consideration, que tout le bien ou mal qu'il puisse faire, sera vn iour representé par vraye hystoire, ainsi que sur vn theatre en ieu public: & à la venē & iugemēt de tout le monde, mettra peine & trauaillera de laisser de soy plus tost recommandable que reprehensible memoire. Pour ceste cause l'Empereur Caligula, combien qu'en autres plusieurs choses il soit grā-



dement blasmé, est toutesfois loué, de ce qu'il premist les hystoires escrites par Labienus & Cassius, ia condamnées & mises au feu par auctorité du Senat, en complaisant à ceux qui se sentoient en icelles veritablement taxez, estre toutesfoys remises en lumiere disant que il touche à l'interests de la chose publicq, les faits d'un chacun estre escrits & leuz, quelzcoques ils soyent, recommandables ou reprehensibles. Secondement quand il aduiendroit (cōme souuent il est aduenü) qu'à vn loyal & bon seruiteur, son bon seruice n'auroit este remuneré, ou par preuention de mort, ou par opportunité non escheuë, ou par encombre de trop d'affaires, le Prince ou son successeur auquel par hystoire est ramenteu ledict bon seruice, en temps & lieu le recognoist linō enuers le mesme seruiteur, à tout le moins enuers les successeurs & descendans de luy. Et à ceste cause entre les plus dignes offices es maisons des Emperours de Grece, estoient anciennement les interpretes de memoire, desquels estoit la charge d'escire & puis reciter deuant l'Empereur, ceux qui es affaires de paix ou de guerre s'estoient noblement portez, au profit & hōneur de la chose publique afin que l'Empereur en eust la cognoissance, tant pour en temps & lieu le recognoistre, cōme pour autre-foys les employer es affaires publiques:

&amp; toutes-

& toutesfoys quand ainſi ſe fera, cōme vrayement il a ſouuent eſte fait de ce regne, nul ne craindra d'expoſer & corps & biēs au ſeruiſe de ſon ſeigneur, pourtant qu'alors n'aura plus lieu es cœurs humains la crainte naturelle que pluſieurs ont eue qu'en auançant leur mort, par trop ſouuent ſ'abandonner aux hazards, il aduienne que leurs enfans en demurent indigens de biens & d'amys, & deſpourueuz de recognoiſſant Seigneur. Au demourant, de ceux qui tant vertueuſement auront expoſé leurs biens & vie, pour le ſeruiſe de la Republique & de leur Prince, quand leurs enfans, & ſucceſſeurs viendront à lire leurs loz & recōmendation, ſans nulle doute ce leur ſera vn eſperon à gloire, pour enſuiure les meurs & la vertu de leurs anceſtres. Et au contraire ſ'il aduenoit en quelque race (comme l'on a autresfoys veu) que par mauuiſe inſtitution ou compagnie, il ſe trouuaſt aucun ſeduit & forlignant de la vertu de ſes progeniteurs, ſes ſucceſſeurs qui parmy pluſieurs nobles & honorables tiltres rancontreront celle reproche, ſ'eſforceront à leur pouuoir, d'icelle tache effacer & reparer, par entrpriſes hautes & en vertu recommandables: a quoy heureuſement mener à chef, ne peut aucun recouurer meilleur gui de que l'hyſtoire. Par ceſte, nous auōs cognoiſſance de tous ciuile & militaire diſciplines

En elle nous auons les droicts, les loix, les ordonnances, les arts, vertuz & moyens, par lesquelles nouuelles principaultez sont esleuees & entretenues, les vices & fautes par lesquelles sont aucunes tombees en ruine & decadence. Ceste mesmes est la maistresse, qui Luculle. Imperateur Romain, au parauant non vste aux armes, rendit en peu de temps vn des meilleurs Capitaines & chefs de guerre, qui ayt de son temps este à Rome: Cest ceste cy par laquelle Cyneas acquist par remonstrances, & persuasifs exemples mis en auant par luy, tant de pays & prouinces au Roy Pyrrhus son maistre: que par confession d'amys & ennemys, il feit plus grans choses par luy, que par sa force & puissance. C'est celle en somme, sans laquelle nul est receuable à l'administration de la chose publique, mais à dechasser comme inutile. Et pour exemple, si aux consultations des affaires nous apellons les anciens Capitaines, qui en leurs temps ont veu l'experience de plusieurs choses, par moult plus forte raison y pourront entrer ceux qui outre les aduentures de leurs temps, peuuent raconter de milliers de ans en arriere, les entreprises, & executions, & les ruses, simulations & dissimulations d'icelles. Et à vray dire, ie ne voy autre difference entre l'hystoire bien descrite, & l'hô-

me

me ancien qui a moult veu, considéré, & retenu, sinon que l'un est hystoire parlante & viue, mais mortelle, l'autre est hystoire morte & mute: mais à perpetuite ressusçitable, & apte à recouurer la parole, par le moyen d'un lecteur studieux & diligent. Encores offeray- ie dire d'auantage, que tout ainsi que le vieil homme qui a moult veu mais peu considéré moins retenu, n'est en rien à preferer à vn enfant: Ainsi l'homme ignorant d'hystoire & mesmement de celle de son pays, se peut aussi estimer non seulement enfant, mais estrange en sa propre maison. Dont bien souvent ie m'esbahis & de rechef accuse la condition des temps, que sur la chose qui entre les humaines inuentions requiert à mon opinion plus grâde celerite d'ayde & secours, nous commettons la plus notable nonchallance & tardiuete. Je ne vueil en rien reculer l'auancement des autres arts qui se resueillêt, mais tout à tēps on leur pourra donner secours: à cause que bōs aucteurs nous en ont laissé tels liures, preceptions, & reigles: que pour en icelles profiter, ne restera qu'estude & diligence, mais en hystoire de tant plus est la tardiuete perilleuse, que la vie des mortels est courtes: & si par ceux qui ont cognoissance & memoire des choses de leur temps, il n'en est rien



mis par escrit, ceux qui viendront apres, tant puissent ils auoir bon stile, bon vouloir, & diligence: si n'en pourront ils escrire certainement & à la verite. Ce que desia nous pouuôs voir d'aucunes prochaines procendantes annees, desquelles parler au long & veritablement est chose difficile, en partie par la negligence, en partie aussi par la temerité des mesmes hystoriens, qui cependant se plaignent de n'auoir assez digne matiere pour bien employer leur estude & labeur, lesquels neantmoins eussent beaucoup mieux fait & pour eux & pour nous, de se tenir en repos & à leur ayse, que de semer sous nom d'hystoire, vn incogneu recueil de fabuleuses & mensongeres narrations, dont au-iourd'huy nous auôs trop plus que d'hystoire. I'ay leu en quelque cronique (ce que ie crains que l'on m'estime auoir songé) d'vn Roy de France, qui en vne apres disnee vint de Compiegne courant vn cerf iusques à Lodū, ce sont cēt lieuës ou enuiron. Chacun sçayt que le tant vertueux Prince & de si louable memoire Charles Duc d'Orleans apres auoir esté pres de trente ans prisonnier en Angleterre, pour le seruice de la couronne de France ? à la fin en retourna, & mourut plain d'ans & d'honneur en ce Royaume. Et toutesfois on list, mais c'est en plus de vingt diuers auteurs, qu'il fut à Paris

de capité pour crime de leze-majesté. Le Roy d'Escoffe dernier, mourut il pas en la bataille qu'il donna cōtre les Angloys, en l'an mil cinq cens quatorze? Si ay-ie leu que de celle bataille il retourna en ses pays victorieux & triumpant. Je me deporté pour euitér prolixité, de plus auant nombrer telles mensonges, lesquelles certes ne sont semées, sinon par la temerité, indiligence, & indiscretion d'iceux hystoriens & croniqueurs, qui plus souuent escriuent pour chose seure, ce que leur aura dit le premier venu, sans faire election ou choix de la personne qui le leur rapporte: ou biē en disant selon le bruyt qui aura couru parmy le peuple, auquel à peine peult auoir mot de verité. Dont vient aucunesfoys que les liseurs informez du contraire, plus enuys croyent aux autres bons & ancien aucteurs, les estimans auoir escrit de mesmes. Et en auiet ainsi que tresbien dit en autre cas le Cardinal Bessarion, voyant à Rome tant esleuer & canoniser de saints nouueaux, desquels il auoit cogneue & peu aprouee la vie, encores mois la façon de proceder à leur canonisation: ces nouueaux saints (dist-il) me iettent grandement en doute & scrupule, de ce qu'on list des anciens. Et au mien vouloir que tels autheurs & croniqueurs se reposassent, ou qu'à leurs liures ils imposassent nom conuenable au cō-

tenu, & que ceux qui bien pourroient & scauroiēt à la verité en parler, aymassent tant l'honneur & gloire de leur nation, que d'en escrire en tel langage qu'ils scauent, selon les choses veues par eux, ou entendues par fidelle & biē certain rapport d'autrui. Alors seroient les gēs de lettre qui par apres voudroient les enrichir de stile & diction plus elegante, hors de la peine & ennuyeux trauail, de rechercher la verité entretant de mensonges, contrarietez, & repugnances, qui sont diuulgees par les desusdits croniqueurs, soy confians temerairement à l'ouyr dire du premier trouuē. Non que ie vueille maintenir ou dire que nul doye escrire des choses, sinon celuy qui les aura veues: car non obstant qu'en vn tesmoing de veuē à plus de foy, qu'en dix d'ouye, & que S. Iean pour estre creu, assure qu'il parle des choses veues: si est-ce qu'un homme seul ne peut estre par tout, ou les affaires sont demenees, & y estant ne peut ensemble faire son deuoir & s'amuser à voir ce qu'autrui fait: mais vn hystorien s'il est possible doit auoir veu ou cogneu vne bonne partie de ce qu'il dit, & au demourant auoir vne extreme & merueilleuse discretion de s'en enquerir à ceux, qui mieux au vray le pourront dire: iusques à entendre par le rapport des ennemis, non seulement de ceux de son party. Ainsi lisons

nous de Thucydide, lequel encores qu'il fust  
present es guerres d'entre les Atheniens &  
Lacedemoniens, & au nombre des princi-  
paux Capitaines, pour toutesfois auoir plus  
grande certainete de tout ce qui se faisoit en  
l'vn & en l'autre exercite. y tenoit à ses despen-  
ses (cōme puissant & riche qu'il estoit, extrait  
des Ducz Milciades & Cymon d'Athenes, de  
la ligne d'Aeacus filz de Iupiter) gens d'esprit  
& de sçauoir, autant Lacedemoniens qu'A-  
theniens, ne se voulant fier en ce que les vns  
seulement luy en diroient, fauorisans par a-  
uanture chacun à sa patrie. Apres sa mort,  
& à l'endroit ou il fina son hystoire, Tymon-  
genes de Milete, & apres luy Xenophon A-  
thenien la reprindrent & continuèrent y ad-  
ioustant chacun, ce qu'il auoit veu ou enten-  
du. D'iceux l'vn fut des Princes du Senat de  
sa cite: L'autre apres la mort de Cyrus en l'ex-  
pedition duquel à l'encontre du Roy de Perse  
son frere, il eut charge, & cōduite de gens, de-  
moura Chef & Capitaine general de toute le  
armee des Grecs, pour iceux retirer & recon-  
duire en Grece. Et qui voudra diligemment  
considerer la condition, & qualite des anciens  
hystoriens estimez, & receuz pour telz, &  
non pour fabuleux & mensongers, lesquelz  
ayāt escrit les auētures de leur temps: on trou-  
uera qu'ils ont este presque tous, ou Chefs d'



treprise, ou Capitaines particuliers, ou à tout le moins personnages de credit & autorité: qui es choses dont ils ne parloyent de veuë, auoient moyen de s'en informer au vray. Dares de Phrygie, & Dictis de Crete fôt plus creus ez guerres de Troye, que ne sont Dion, & quelques autres: car ces deux là y mirent la main, & à la plume & à l'espee. Corinnus aussi de Phrygie né d'Illion, pour s'estre trouue ausdites guerres, en a este receu à vray tesmoin: & de luy a pris Homere toute la matiere de son Iliade. Marsias de Pelle, frere du Roy Antigone, & nourry d'enfance avecque Alexâdre le grâd, Onesicritus d'Aegin, Calisthenes d'Olinthe disciple & parët d'Aristote, Aristobulus de Iudee, Diognetus, & Menedomus de Sicyone, tous cōpagnons en l'expeditiō & peregrination dudit Alexandre ont escrit les vns depuis sa natiuite autres depuis qu'il commença porter les armes, aucuns depuis le commencement de son regne: & autres depuis seulement qu'il eust dressé son armee pour entreprendre ses conquestes: a tous ceux cy est adioustee foy, en ce qu'ils disent dudit Alexandre, & à ceux qui apres eux en ont escrit, cōme sont Quinte Curse, Arrian poëte domestique & familier de l'Empereur Tybere, Arrian hystorien qui au temps de l'Empereur Adrian paruint à ladignite du consulat, &

Plutarche qui au temps de Traian vſa parcille-  
ment de puissance conſulaire en Illyrie, com-  
mandant à tous les Magiſtrats de la prouince:  
de tous les autres qui n'ont parlé de veue, ne  
ſuyui l'hystoire de ceux qui auoient veu, on ne  
reçoit que le langage. Et à ceſte cauſe Pale-  
phatus quand il a voulu parler de la ſtatue de  
Niobé, à preallablement proteſté de l'auoir  
veuë. En autre lieu il eſcrit que pour fidelle-  
ment deduyre les choſes, il a viſite pluſieurs  
regiõs, ne s'en raportât à ce que par autres en  
eſtoit eſcrit. Auſſi Lucian quād il a voulu cō-  
parer les ſacrifices des Ebrieux aux Egyptiës,  
il aſſerme premierement auoir hante avec-  
ques les vns & les autres. Agathiſides de Gni-  
de en deduiſant les choſes d'Asie, donne à  
cognoiſtre en pluſieurs endroits qu'il y a hâte  
long temps es guerres, cherchāt par ce moy-  
en d'en eſtre creu. Pour meſme raiſon a eſte  
creu Philiftus de Syracuſe en l'hystoire qu'il a  
eſcrite de ſon temps, par ce qu'il auoit l'vn  
des principaux manimens d'iceluy Royau-  
me duquel il fut deiette par Denys le Tiran  
l'aiſne mais depuis reſtably par le ieune, &  
appelle à la ſociete du Royaume. Eratoſthe-  
nes Cyrenien n'eſt dementy en ſon hystoire  
de Ptolomeus Euergeres iuſques au temps  
du cinquieſme Ptolemee, car il eut charge de  
leurs affaires, es autres choſes n'a foy ſemblable.

ble. Hierōyme Rhodiē pour auoir eu ſo'le Roy  
 Demetrius Poliorcetes adminiſtration de ſon  
 eſtat, & le gouuernemēt du Royaume de Beo-  
 tie, eſt aduoué pour veritable, es annales qu'il  
 a laiſſez de la vie, faits & geſtes de ſon maĩſtre.  
 Aux hyſtoires de Herodote, Halycarnaſſien,  
 & de Helanicus de Metelin on a plus facile-  
 ment adiouſtē foy, d'autant qu'ils auoyent  
 le principal & premier credit au tour du Roy  
 Amyntas de Macedone, par le moyen duquel  
 ils eurent cognoiſſance de pluſieurs & gran-  
 des choſes. Pareille foy a trouuē Symonides  
 Magnēſien, pour ce que conuerſant familie-  
 rement auecques Antioche le grand, il a peu  
 veritablement entendre les cauſes mouuan-  
 tes, les deliberatiōs, & les exploits de ſes guer-  
 res, & principalement de celle qu'il eut con-  
 tre les Galathes, en laquelle ſe trouua ledit Sy-  
 monides en ſa compagnie. Les dix liures des  
 ports & plages de mer, mis en lumiere par  
 Demosthenes ont eſtē recueillis ſans contradi-  
 ctiō, par ce qu'il les auoit veus & hātes eſtāt  
 Amiral & Capitaine general de l'armee du Roy  
 Ptolomee Philadelphie d'Egypte. Semblable-  
 ment eſt auenu à Damis en ſes liures de la pe-  
 regrinatiō, & miraculeux faits d'Apollonius  
 Tyaneus: pour autant qu'il luy auoit par tout  
 fait cōpagnie: Et à Philoſtratus pareillemēt:  
 pour ce qu'il ſuyt le teſmoignage dudit Da-  
 mis

mis. Aussi Ennius Poëte a peu veritablement  
escrire l'expedition de Marcus Fuluius en Ae-  
tholie, & cōtre les Anbraciens, car ils feit le  
voyage avecques luy. Aussi feit L. Lucullus a-  
vecques L. Sylla en la victoire par luy escrite,  
& par ledit Sylla obtenuë contre les Marliës:  
Et peu apres fut ledit Lucullus chef d'entrepri-  
se, & adiousta le Royaume de Pōte à la seigneu-  
rie Romaine. Valerius Antias & Polybe sont  
par tous autres hystoriës ensuyuis en la descri-  
ption des guerres Puniques, pource que l'un  
fut precepteur de Scipiō Africā, & depuis l'a  
cōpagna toute sa vie: l'autre au voyage par luy  
celebré de Valerius Leuinus cōsul, alors qu'il  
vainquit Hāno de Carthage, & prist Agrigēte  
par force, auoit soubs luy cōduict de gēs. Mes-  
me foy à este adioustee aux annales de Q. Fa-  
bius pīctor, d'autant plus qu'il estoit homme  
de maison & d'auctorite: & avecqs, Q. Fabius  
Labeo auoit este Preteur de Rome. Chacun a  
receu ce que Theophanes Lesbië a escrit des  
faits de Pōpee, aussi Pōponius Atticus du con-  
sulat de Cicero: d'autant qu'avecqs ceulx dōt  
ils parlerent, ils auoient l'accès & familiari-  
te plus q̄ nulz autres, pour entēdre d'eux mes-  
mes la verite des choses. De l'un est la familia-  
rite assez cogneue, par les epistres de Cicero  
à luy: de l'autre par l'association du nom, à la  
quelle fut son filz appellé par Pōpee, leq̄l vou-



lut qu'il fust nomme Marcus Pompeius, & fut celuy que Auguste Empereur institua depuis gouverneur au pays d'Asie. Crispe Salluste, a peu parler au vray de la coniuration Catilinaire: car il ne fut exempt de la meslee, & pour biē descrire la guerre Iugurtine, il passa, & fist long temps seiour en Afrique. Nous recenōs pour verite ce que Iules Cesar, & apres luy Hircius & Oppius escriuirent des guerres de Gaule, & des ciuiles: car ils faisoient & escriuoient. A Diodore Sicilien nous donnos foy es choses d'Aegypte: car il escrit de veuē, & fut tresfamilier de Iules & Auguste Cesar, ainsi que furent Ienestella Romain, Denys Halycarnefsien, & Nicolas Damascene dudit Auguste, dont leurs hystoires en sont trouuees plus auctorisees. Arthemidore aussi est creu des conquestes faistes en Arabie par Aelius Galus car il luy fait compagnie en tout le voyage, qui donne en pareil cas auctorite, reputation & foy à Ioseph es guerres iudaïques, à Tacite es germaniques, sinon que l'un fut participant des miseres & calamitez de la destruction, & ruine de sa cite, l'autre fut gouverneur de la Gaule Belgique s'estendant en la Germanie inferieure, esquelles prouinces furent principalement icelles guerres. Par quel moyen l'on trouuē Suetonius Tranquillus, Dio Cassius, Gargilius Martialis, Callistus Benarchius,

chius, Iulius Frōtinus, Fauorinus Arclatensis, Dionisius Milesius, Ephorus Cumæus, Aelius Spartian<sup>s</sup>, Iulius Capitolinus, Aeli<sup>s</sup> Lâpridi<sup>s</sup>, Volcatius Gallicanus, Trebellius Pollio, Flavius Vopiscus, Herodianus, Festus, Aurelius Victor, Ammianus Marcellius, Apianus Alexandrinus, Eustachius Epiphaneus, Eusebius Cēsariensis, & autres semblables? sinon pour auoir eu moyen & credit autour des Princes, pour entendre & scauoir en grande partie les secrets de leurs affaires. Dion Prussius a si auant este familier de l'Empereur Traian que ils alloient ensemble par pais & par la ville en vn mesme chariot, & auant qu'iceluy Traian fust Empereur auoit este auecques luy esexpeditions Germanique & Getique, lesquelles il a escrites. L'autre Diō, & Suetone, furēt des principaulx secretaires du conseil, & Fauorinus homme ayāt charge des affaires de l'Empereur Adrian: & sous le mesme Empereur a este Dionysius Milesius l'vn des satrapes d'Orient: Iulius Frontinus homme consulaire fut precepteur d'Alexandre Empereur: Gargilius Martialis qui a escrit la vie dudit Alexandre, fut l'vn de ses plus intimes familiers: aussi fut Iulius Capitolinus de Dioclitian: Ephorus Cumæus de Galien: Benarchius & Eusebius de Constantin: Eustachius de Anastase: Callistus de Iulian, lequel Iulian est aussi receu en

ce qu'il a escrit des Gaules, pour y auoir hâte  
 deuant & apres qu'il fut Empereur. Lāpridius  
 & les autres dessus nōmez, en cas pareil ont e-  
 ste chacun en son tēps de la maison des Empe-  
 reurs & Princes, dōt ils ont escrit: & apres eux  
 Procopius, Agathias, & Theodot' ne sont cō-  
 tredits en l'hystoire des Gots: car ils se sont  
 trouuez, ou à la deliberation, ou à l'execution  
 des affaires. Eusebe dont i'ay cy deuant parlé,  
 a eu moyen d'escire au vray les choses non  
 veuēs par luy, & d'autrui tēps: car Constantin  
 le grand luy feit apporter, & mettre en main  
 tout ce que par les autres auoit este mis en  
 memoire par plusieurs ans. Telle estoit lors &  
 au parauant la diligence & curiosite descrire  
 ou faire escire les hystoires au vray, & en bail-  
 loiet les Roys, & Princes eulx mesmes, ou de  
 bouche, ou par escrit amples memoires & in-  
 struētīōs. Cesar escriuit ses cōmentaires à ce-  
 ste intention, mais il les escriuit tels qu'ils ne  
 trouua homme, qui entreprint de le passer: de  
 maniere que cōme dit Hircius, voulāt se faire  
 prebiteur, il se feit precepteur de la maniere  
 d'escire ses faits. Cicero sachāt que L. Luce-  
 ius Patrice Romain hōme de scauoir & aucto-  
 rite, s'estoit adonnē à escire l'hystoire de son  
 temps, luy enuoya memoires de tout ce qu'il  
 auoit fait durant son consulat, & par vne lon-  
 gue epistre le pria tres affectueusemēt de l'in-  
 serer

serer & deduire en son hystoire. Agrippine fille de Germanicus laissa pareillement des memoires de la vie & gestes de son pere, avec les succes & infortunes de sa maison. Zenobia Royne des Palmiriens, laquelle apres la mort de son mary mania l'Empire Romain en Surie, escriuit aussi en abbrege pour aux autres bailler matiere de la deduire & amplifier, l'hystoire de son temps, & au parauât des affaires d'Alexandrie, & d'Orient. Le iour me faudroit en somme, auant que ieusse recite tous ceux qui en ont vsé de ceste sorté, & lesquels à ce faire ont este meus par bonne & honneste raison: car Princees & personages de supreme excellence, peuuent de toutes autres choses abonder iusques à satiete: de ceste seule (c'est de laisser de soy heureuse & recommandable memoire) ils ne peuuent estre trop insatiables: car homme ne peult estre amoureux de vertu, qui n'est songneux & curieux de sa renommee. Et est mon auis que le seruiteur en nulle, ou peu de choses, se peult monstrier plus studieux, & affectionné enuers son Prince & seigneur, qu'en escriuant ses faits & actes vertueux, & à son pouoir le garétir de l'iniure du temps, & de l'obscurité de tenebreuse oubliance. De memoire de noz peres Aeneas Syluius, qui depuis a este Pape Pie second, Iouinian Pontan, Leonard Aretin, Anthoine Panormi-



tan, & autres ont inuité les dessusnommez, & de fresche memoire le sire d'Argenton en France, louablement s'en est acquite. Auparauant de luy Ian Froissart, & Engueirant de Monstrelet, mirent par escrit, ce que par inuestigation diligente ils peurent entendre, inuestigation diligente ay-ie dit: car apres ceux qui parlent de veuë, les plus croyables sont ceux, qui auecques iugement & discretion se sont enquis & informez: comme Iuba Roy de Numidie, qui par escrit a baillé la science de Cosmographie, laquelle par inuestigation telle il auoit cogneuë. Et Claudius Ptolemeus d'Egypte, qui en partie a veu & escrit, en partie a eu par toutes prouinces leurs messagers dignes de foy, pour luy en rapporter certaines & veritables nouuelles, ie ne dis sans cause dignes de foy, car en ce gist la discretion. Strabo reprend Eratosthenes qui s'est fié au tesmoignage de viles personnes: mesme reproche est mise sus à Patrocles, par Hipparchus son emulateur: Quintilian reprouue en son precepteur Senèque, pource que desirât auoir cognoissance de plusieurs choses, y employa trop legerement en son ayde gens negligens, qui le deceurent. Et ceste crainte par aduenture aura destourné puis n'agueres aucuns sçauans hommes, qui volontiers eussent entrepris d'escire les hystoires de France, s'ils eussent eu le moyen

de fidellement, & à la verite s'en informer. Et certes ia par long temps me faisoit mal : que ie ne veoye aucun les vouloir secourir en ceste part: Et nonobstât que plusieurs suiuent le iugement de celuy, qui iadis interrogue, meit entre l'hystorien, & celuy qui fait chose digne d'hystoire, pareille difference qu'entre le herault, ou trompette, & le tournoyant en la lice: ie toutesfois meu à l'exemple des personnages dessus nommez, qui en faisant n'ont desdaigné descrire: apres mon adolescence & & ma premiere ieunesse, que ie commençay à suyure les armes, ainsi qu'est l'acoustume & ordinaire vocation de la noblesse de France: & par laquelle mes progeniteurs & ancestres au temps passé sont paruenuz en reputation, & hault degrez: n'ay point estimé de faire chose indigne & mal seante à l'estat de noblesse (encores que ie sache l'opiniõ d'aucuns estre contraire) quand ie m'apliqueroy à vn estude auquel nõ seulement se soyent employez tant de grâds & notables personnages dessus nommez: mais lequel ne se trouue auoir iamais este traitte, sinon par gens de noble maison, iusques à ce que L. Octacilius precepteur de Pompee, qui fut le premier homme non noble qui escriuit hystoire, fut par ledit Pompee authorise de ce faire. Et pour ce me suis ie delecté souuent pour en aucune maniere

laisser memoire des choses en mon temps ad-  
 uenuës, à en escrire Dyalogues, Epigram-  
 mes, Elegies, Sylues, Epistres, & Panegeri-  
 ques selon que la matiere subiecte estoit à l'v-  
 ne ou à l'autre forme d'escrire à mon iuge-  
 mēt plus cōuenable & propice, sans espargner  
 peines, voyages, ne despens pour retirer de  
 diuers lieux ce q̄ faisoit à m'esclaircir la cho-  
 se dont ie vouloye escrire. La mesme affection  
 & desir de voir aucunesfoys les dicts, faiets, &  
 choses memorables de Gaule & de France e-  
 stre mis en lumiere & à la cognoissāce des au-  
 tres nations ( qui pour la bonte des escriuans  
 nous surpassent esdites choses, & ne seroyent  
 à comparer à nous si escriuās ne nous eussent  
 failly) m'auoit meu picça de trauailler & d'es-  
 fayer en remuant tiltres, liures, chartres, e-  
 pitaphes, fondations, & autres choses anti-  
 ques, si on pourroit deduire l'anciennete d'i-  
 celles deux nations, en forme d'hyistoire prose  
 cutiue & continēte: chose que ie sache iamais  
 au parauant entreprise, & par moy souuēt  
 desesperee: laquelle toutesfois i'espere met-  
 tre en auant, & au hazard du iugement di-  
 uers, & correction, aprobaton ou reproba-  
 tion de tous lecteurs: ensemble vn mien re-  
 cueil & vocabulaire en ordre alfaberique,  
 de toutes les prouinces, citez, villes, chaste-  
 aux, montagnes valles, forestz, riuieres, & au-

tres lieux de ce Royaume, avecques exposition  
des denominations d'iceux, & des batailles,  
rencontres, sieges, & autres choses dignes de  
moires qui se trouuent y estre aduenues: aussi  
à l'imitation de Valere le grand, autre recueil  
d'exemples d'iceux faits & dits memorables,  
& autre à l'exemple de Plutarque de la conferen  
ce des vies & gestes d'aucuns Roys, Princes &  
Capitaines de ce Royaume, avecques celles  
d'aucuns autres Grecs, Latins, & Barbares. En  
quoy ayant este mené à l'intention que dessus, ie  
me tiendray pour bien satisfait, si par ce mien  
labeur, j'excite & semons à entreprendre de  
mesmes ceux qui trop mieux le pourront fai  
re que moy. Or m'ayant le desir de plus co  
gnoistre attiré en ceste court, puis qu'il a  
pleu au Roy mondit seigneur, non seulement  
m'y retenir à son seruice, en si honorable estat  
qu'aupres de sa personne, mais bien souuent  
m'employer en, & dehors son Royaume en  
plusieurs & principaux de ses affaires d'estat:  
si que non seulement ie puis parler au vray de  
l'exécution & yssue des guerres, depuis ice  
luy temps aduenues, & auxquelles presque  
tousiours me suis trouué, autant par mer  
que par terre: & eu moyen & occasion  
d'entendre & sçauoir les causes, fins, & de  
libérations d'icelles, non seulement de no  
stre costé, mais du costé aussi des ennemis.



il m'a semble que durant le repoz des armes, ie ne pourroy mieux, ne plus honorablement employer & conuertir mon estude, qu'à rapporter en ceste partie aucun secours aux erudits, & doctes hystoriens, qui apres moy en plus elegant & poly langage en voudront escrire. Bien sçay-ie combien il m'estoit moins suiet à calumnie de m'arrester à ce que i'auoye entrepris sans m'adonner à si perilleuse chose, que d'escrire les verruz ou vices des viuans: car de l'un on acquiert hayne & malveillance: de l'autre on est tenu pour blandisseur & flateur: mais en tout ce ma conscience me iuge, & auecques elle ie me reconforte, me sentant net de toute maligne simulation ou dissimulation. Et tout ainsi (que vueille ou non) il m'est force de m'en rapporter au iugement des liseurs, auquel ie ne puis ne dois reculer: ainsi ie souhaite les auoir tels, & aussi purement iugeans, comme i'ay voulu purement escrire. Car tant y a qu'en ceste mienne entreprise, qui est d'escrire ou commentaires, ou memoires des choses, ie ne me vueil attribuer la perfection de stile, ne presumer qu'en suyuant autre vacation ou quotidien exercice, ie puisse escrire ce qu'au iugement des sçauans homme puisse satisfaire, veu qu'à grand' peine y arriuent ceux qui ont ceste seule, ou propre vacation: mais ie vuel bien  
tout es-

toutesfois , & oze affermer certainement, que tout y sera fidelement escrit , & sans alterer la verite , pour grace , ambition, hayne , ou faueur d'aucun: ains est & sera ma principale intention, fournir aux plus sçauans , experts, & doctes hyftoriens matiere de veritablemēt escrire, & leur representer en tant que possible me sera , ce que pour leur estude domestique ils ne peuuent à la verite cognoistre : enquoy si ie puis obtenir d'estre receu à fidele & vray tesmoing, ou d'inciter autres à mieux faire que moy , i'auray ( comme ie disoye n'augures ) en ceste partie suffisante cause de me esjouyr, & paistre du fruiēt de mon labeur: ainsi comme entre les statuaires , & entailleurs d'images , ceulx qui se trouuent insuffisans à biē parfaire & polir vne image, & sont toutesfois expertz à bien choisir & esbaucher la pierre ou le boys , & à compasser les traits & membres , pour releuer de ceste peine les plus subtils & diligens entailleurs , se contentent assez quand iceulx excellens, & singuliers maistres les employent & reçoient en société de l'ouurage, ne les fraudant de leur honneur. Et pourroit estre parauanture ( ainsi que le mareschal en forgeant se fait ) que par continuation d'escrire i'amēderoye aussi & meuriroye mon stile, pour apres reformer de moy-mesm es tout l'œuure, en meilleur & plus suffi-

sant langage: car à vray dire ce me seroit bien  
 estude perdu, si ie ne pensoye en continuant  
 tousiours apprendre, Si sera quant à present  
 le commencement de ces memoires des la  
 premiere adolescence du Roy mondit souue-  
 rain Prince & Seigneur, lesquels memoires  
 si on veult mettre au parangon des hystoires  
 qui ont este puis n'agueres escrites si tres au  
 bref & crument, que tous les faits de vingt  
 ou trente ans, ne montent tant que l'vne an-  
 nee d'iceulx, & que toutesfois on trouue que  
 plustost i'y aye obmis aucunes choses memo-  
 rables, que deduyt choses non necessaires ou  
 inutiles: on cognoistra lors qu'il fut necessai-  
 rement, que les autres ayent obmis prou d'en  
 treprises assez recommandables, & dignes d'e-  
 stre par vraye hystoire rememorees. Or auois-  
 ie auant qu'entrer en matiere, premis vn re-  
 cueil, sommaire & abregé recit, de la premie-  
 re origine, & du premier nom & descēte, tant  
 des Gauloys que des François, & des allian-  
 ces, & vnion d'icelles deux nations Gauloi-  
 se & Francoyse, vnies & reduites en vn corps  
 de Republique, pour soy vindiquer, & retrai-  
 re en leur ancienne franchise & liberte natu-  
 relle, hors de la contrainte submission, para-  
 uant faite aux Romains: en laquelle liberte  
 par eux recouuerte, ils ont iusques à huy per-  
 seueré, & au vouloir de Dieu perseuereront à  
 jamais

iamais. Lequel abregé recit, pour cē qu'il sem-  
bloit à aucuns mes amys estre aliene en cest  
endroit, & non seruant à mon propos, i'ay re-  
seque depuis, & totalement oste non pas qu'il  
fust à mon aduis reprehensible, si par vn mes-  
mes moyen on ne vouloit taxer Thucydide,  
Saluste, & Tite Lue: car l'vn d'iceux pour  
tomber à la guerre des Atheniens & Lacede-  
moniens, n'a estimé à vice de premettre l'ori-  
gine & progres non seulement d'icelles deux  
citez, mais vniuersellement de toute la Grece  
& Isles voy fines. Le second auant qu'entrer à  
la coniuration de Catilina priue citoyen de  
Rome, à commance des la fondation d'icel-  
le, avecques recit des artz & moyens, par les-  
quels Rome de si extreme petitesse, paruint à  
extreme domination, & d'icelle retōba en de-  
cadēce, & ruyne. Le tiers pour escrire les fai-  
t Romans a preoccupe comme chose necessai-  
re, l'origine & succession des Roys latins &  
Albains, progeniteurs de ceux de Rome. Ce  
nonobstant i'ay bien voulu satisfaire au iuge-  
ment d'autrui: & ce principalement à cause  
qu'en iceluy abrege recueil, ie deduisoye les  
dessusdites choses sommairement, & sans alle-  
gation de mes auteurs, dont à plusieurs elles  
sembloient estre controuuees & fabuleuses; Et  
si pour y obuier, i'eusse en chacun article vou-  
lu alleguer mon tesmoing, la nomenclature



seule des aucteurs eust plus monté que la narration entiere: si que pour euitier vn vice ie fus se tombé en vn plus grand. A ceste cause, & pour auoir moyé de reciter les choses au lóg, & allegant mon aucteur en chacun point, les rendre croyables ainsi quelles m'aparoissent estre veritables: à fin aussi quand ie viendray à la narratiõ des affaires, il ne me faille la interrompre, & m'amuser à faire entendre la variation des noms des prouinces, citez, montagnes, riuieres, aussi des offices, estats, charges, & magistrats, desquelles choses declarer, occasion ou besoing s'offrira incidemmet: & à ce qu'il ne my aduienne, comme aux paresseux & negligens mariniers, lesquels à l'heure de la plus forte tourmente, & plus dangereux fortunal, sont contrainsts de s'embarasser & empescher, à recouldre, & rapiecer les vieilles voyles, & à renouer & trenchefiller leurs cables & cordages: chose qu'ils auoient peu, & deuoient faire auant la main, au temps du sejour, & quand ils estoient surgis en port ou plage de seurete. Et pource dóques ayie bien voulu de ce que parauant (ainsi que i'ay dit) i'auoye de diuers lieux recueilly des choses que dessus faire vne Ogdoade à part (celuy est le tiltre que i'ay imposé aux Tomes, ou particuliers nombres des liures de mes memoires) en laquelle Ogdoade i'ay recueilly &

compris

compris en huit liures, premierement l'antiquite des Gauloys & François, des vns depuis la destruction de Troye, & des autres de plus loing en arriere : le tout iusques à l'vnion des deux nations, & conionction des noms de Gaule & France, avecques la supputation des ans, & succession des Princes, qui cependant y ont regné. Secondement i'ay inseré la diuision & description des Gaules, tant Cisalpine, que Transalpine, & de la France tant Cislethenane, que Translethenane: ensemble la concordance des noms antiques, avecques les modernes, autant qu'il m'a esté possible d'y arriuer. Tiercement i'ay recueilli les vz, coustumes, & loix, tant limitaires que politiques: & les noms des charges, estats, dignitez, & magistrats, en apropiant le temps passé au present au mieux & au plus pres que i'ay peu faire, suyuant l'interpretation & propriete des vocables. Lesquelles choses offrant & soubzmettant au iugement & amendement d'autrui, ie descens à mon institutede narration.

Fin du Prologue.

F 5

# CINQVIESME

## LIVRE DES MEMOIRES

### DE MESSIRE GVILLAVME DV

#### Bellay seigneur de Langey

1556.  
Cause de la  
roupture  
entre l'Em-  
pereur &  
le Roy.



OVTES les actions, nego-  
ciations, & praticanes de ces  
deux grands Princes en tout  
le cours de ces precedentes  
annees, ( esquelles encores  
qu'ils ne fussent en guerre, il  
ne se pouuoit dire toutesfoi  
qu'ils fussent en paix ) don-  
noient assez grande apparen-  
ce de ce qu'à la fin en aduie  
droit. Et desia combien que les propos de la confirma-  
tion de ceste paix, & multiplication d'estroittes alliances  
entre eux se continuassent tousiours, toutes choses ne rât  
moins tendoient apparemment à roupture de guerre : &  
bien iugeoient tous personages de bon esprit, qu'à  
l'vn ne à l'autre ne restoit plus sinon le moyen & cou-  
leur de deffendre & courir enuers le monde du blasme  
& charge de la premiere inuasion. Le Roy auoit les cau-  
ses de regret & desplaisir que vous auez peu entendre  
par les precedens liures de ces memoires : & l'Empereur  
cognoissant bien ceste iuste cause de regret ( ainsi que le  
feu se pouuoit plustost conseruer & nourrir en cœur de  
Prince magnanime pour s'en flamber en temps & lieu,  
que s'amortir & estaindre en le courrant ) cherchoit à  
cette cause tous les moyens possibles de se fortifier à Pen-  
côte des futures inuasions, & de rât debilitier le Roy de  
ses forces, alliances, & bons voisins, que si ores volon-  
sé luy venoit, moyen & puissance de s'en ressentir luy  
deffalloient. Mais tortue, ou pour mieux dire Dieu  
courroucé

controucé contre noz pechez, & ne nous voulant en-  
 cores faire dignes de seure & ferme paix en noz iours,  
 permit & voulut que les mesmes occasions que chercha  
 l'Empereur, & par lesquelles estoit son intention de di-  
 uertir le Roy, ou par nouvelles difficultez, opposées à  
 ses desseings le mettre en crainte de faire entreprise, es-  
 chauffèrent & haisterent d'auantage ledit seigneur. Les  
 bagues que le Duc de Sauoye auoit engagées pour faire  
 prest au Duc de Bourbō, rebelle, & faisant guerre contre  
 le Roy. les lettres qu'il auoit esrites gratulatoires de sa  
 prise: les praticques qu'il auoit faictes pour alier les  
 Suisses de l'alliance de ceste couronne: l'achat du Comté  
 d'Ast: le refus de prester Nico pour l'entreueue du Pape  
 Clemēt & de luy, & le passage par ses païs qu'il luy auoit  
 freschement refusé de bailler, pour aller faire la vengen-  
 ce de l'outrage queluy auoit faict le Duc Sforce en la  
 mort de Pescuyer Merueilles son ambassadeur, auoient  
 assez donné à cognoistre audit seigneur combien luy  
 portoit le Duc de bonne volonté. Le Roy auoit aussi  
 pour ceste cause esté content de donner au Duc quelque  
 empeschemēt à son entreprise de Geneue: & combiē que  
 non ouuertement, de maniere toutesfois qu'il se vou-  
 loit bien laisser entendre, & luy faire cognoistre que peu  
 de prouffit luy aduiendroit de ne l'auoir amy. Et bien e-  
 stoit à penser que le Duc ne pouuoit ignorer aucunemēt  
 que le seigneur de Verors n'ay son subiect, mais dome-  
 stique & de la chambre Du Roy; ne se fust ingeré si a-  
 nant, & aussi peu la compagnie du seigneur Renee, que  
 de favoriser sans le lceu & consentement, ou par auan-  
 ture sans secret commandement du Roy, les habitans de  
 la ville de Geneue contre luy. Ceste cognoissance avec  
 la consideration de la puissance & prochaineté d'un Roy  
 de France (qui peut tousiours en vn moment ou nuire  
 ou ayder grandement à vn Duc de Sauoye) la considera-  
 tion aussi que ceste grāde & voisine puissance, pour estre  
 successiue de pere en fils, se peut estimer perpetuelle.

Entreprises  
 du Duc de  
 Sauoye con-  
 tre le Roy,  
 & du Roy  
 contre luy

Discours  
 sur le choix  
 de l'alliance  
 du Duc de  
 Sauoye



au prix d'une puissance Imperiale electiue, deuoit par  
 raison mouuoir le Duc à se retourner & rallier au Roy:  
 & ne point abandonner du tout vne ancienne, voisine,  
 & perpetuelle alliance, pour en accepter vne nouuelle,  
 loingtaine & temporaire. Mais sa conscience desia le iu-  
 geoit auoir si grandement offensé le Roy, que sa recon-  
 ciliation luy sembloit estre comme impossible: & en ce-  
 ste persuation la Duchesse son espouse ( qui l'auoit faict  
 entrer en ceste dance ) l'entretenoit & nourrissoit en tāt  
 qu'il luy estoit possible. Desia les Suisses à la requeste de  
 Messieurs de Geneue leurs alliez auoient faict enten-  
 dre au Duc, que s'il continuoit à les greuer & molester,  
 force leur seroit de s'en entreprendre: & n'auoit satisfait  
 la responce du Duc à messieurs des ligues. Parquoy il fa-  
 rendoit bien qu'il ne faudroit d'auoir la guerre sur les  
 bras: laquelle, à son aduis, ne se desmelleroit sans que le  
 Roy en fust de la partie: & pour ce, auoit il enuoyé vers  
 l'Empereur, alors arriué nouuellement à Palerme en Si-  
 cile du retour de son voyage de Thunis, luy demander  
 secours & ayde pour ceste guerre. Tant secrettement ne  
 feist le Duc ceste depesche, que tost apres le Roy n'en eut  
 nouuelle: & luy fut d'auantage rapporté que le Duc a-  
 uoit faict porter parole de bailler à l'Empereur en con-  
 trechange d'autres terres en Italie, tout ce qu'il tenoit de  
 pais deca les monts, en commencēt depuis Nice iusques  
 à l'entrée du pais des ligues, y cōprenant aussi la ville de  
 Geneue. Si cest eschange se fut faict il ny auoit point de  
 doubte que l'Empereur n'eust bordé ce Royaume de to-  
 costez, en maniere qu'il fust venu au dessus de son intē-  
 tion, de mettre au deuant des desseings du Roy tant de  
 nouuelles difficultez, qu'il eust eu beaucoup à penser &  
 à craindre, deuant qu'entreprendre à se ressentir, & faire  
 demonstration de desplaisir & regret qu'il auoit en son  
 esprit. Sur ceste nouuelle vouloient toutes humaines &  
 diuines raisons, que le Roy en toute diligence pourueust  
 & ouiaist à vn tel & si grand inconuenient, & ne souffrir

dreller

dresser vne telle eschelle pour enuahir par cy apres & transgresser les bornes & ceinture de son Royaume, vou-  
lut bien toutesfois encores vn peu temporiser & delayer  
tant pour raison de la depesche qu'il faisoit lors au sei-  
gneur de Velly son ambassadeur vers l'Empereur, com-  
me pour pouuoir enuoyer encores vne fois tenter la der-  
niere resolution du Duc, auquel il se delibera de deman-  
der non seulement passage par seldits pais, mais deliuran-  
ce de la pluipart de ses places, & comme siennes, & que  
il pretendoit à luy appartenir, a cause de feue Madame  
Louise de Sauoye la mere, sans pl<sup>s</sup> les laisser à es mains de  
personnage si mal feable, & en qui fust de les bailler aux  
ennemis de ceste couronne. Pour ce delay & temporise-  
ment n'auoit il toutesfois laisse de faire lecauoir au Cō-  
te Guillaume de Fultēberg, encores que depuis la mort  
du Duc Sforce il luy eust ordonné de seulement payer ses  
capitaines sans faire leuée de lansquenets, dont il auoit  
eu intentiō de se seruir en la poursuite de la reparation  
de la mort dudit Merueilles, que nonobstant ceste sien-  
ne precedante ordonnance il les leuast & feist passer en  
France, en intention que si par amiable composition il  
ne pouoit recouurer du Duc de Sauoye ce qui estoit  
sien, il eust de tant plustost son armée prestee pour y pro-  
ceder par autre voye.

**Demande**  
du Roy au  
Duc de Sa-  
uoye.

La cause de sa depesche que faisoit lors ledit seigneur  
au seigneur de Velly son ambassadeur estoit en substan-  
ce telle que sensuit. Le seigneur de Grauelle auoit sur  
chemin tenu propos audit sieur de Velly cheuauchant  
en la suite de l'Empereur, que l'intentiō dudit seigneur  
estoit de ne disposer aucunement de l'estat & Duché de  
Milan iusques à ce qu'il eust des nouuelles du Roy, &  
plusieurs fois estoit rentré avecques luy sur ces propos,  
conseillant toutesfois de n'en parler audit seigneur sans  
en auoir premierement charge du Roy. Combien que là  
dessus ledit seigneur de Velly luy repliquast que si on  
auoit bonne volonté, le Roy auoit par cy deuant fait

**Occasiō de**  
vne nouuel  
le depesche  
vers l'Em-  
pereur.

assez à scauoir son intention, & en auoit baillé articles par escrit selon ce qu'il en auoit esté pour parlé avec ledit seigneur de Noircarmes. En ces entre-faictes ayât ledit seigneur de Velly occasion de parler à l'Empereur, & de luy faire à scauoir la restitution & passage à la requeste des cheuaux de Viroy de Sicile, & de la deliurance d'un Ragusien qui festoit ingeré d'entier en maniere plus auant, & de dire audit seigneur entre autres choses comment le Roy fil pensoit que l'Empereur voulsist maintenant luy complaire de l'heritage de Messieurs ses enfans reprendroit & restraindroit volontiers la pratique de plus estroite conionction avec luy: qui seroit cause de confermer entre leurs deux maisons vne parfaite & inseparable amitié & intelligence, moyennant laquelle ne seroit à douter que chacun d'eux ne fust de là en auât pour auoir les affaires de l'autre enuers qui que ce fust en pareille recommandatiō que les siens propres, ioinct qu'ils seroyent vn bien vniuersel à la Chrestienté en seruissant ensemble pour resister aux entreprises q̃ le Turc ennemy de nostre foy menassoit alors de faire. Sur ceste remonstrance luy auoit respondu l'Empereur qu'il auoit tousiours volōtiers escouté (& maintenant n'en vouloit moins faire) toutes les choses que le Roy auoit mises en auant, ausqueiles fil n'auoit satisfait, ce auroit esté parce qu'il ne l'auoit peu faire, car on scauoir bien qu'il auoit laissé le Duc Sforce en l'estat de Milan du bon consentement du Roy, & pour mettre l'Italie en repos: à ceste cause que le Roy regardast & declarast comment il entendoit de faire, tant en cela qu'es choses concernantes la foy & la paix vniuerselle de la Chrestienté. Declarant toutesfois ledit seigneur Empereur qu'en ce faisant il voudroit auoir toutes les plus grandes seuretez qu'il pourroit prendre, pour l'obseruation des choses qui se traitteroient: selon lesquelles il seroit aussi de la part tant que le Roy ce deuroit contenter. Ce

ste fue

Respōce de  
l'Empereur  
aux propos  
de monseigneur de  
Velly.

ste fut la response, le remettant à en deuiser plus ample-  
ment avec le seigneur de Granuelle, lequel en effect se-  
stoit vn peu plus ouuertement laissé entendre, si ces pro-  
pos estoient selon que la pensée. C'est à scauoir que les  
trois poincts sur lesquels demandoit l'Empereur que le  
Roy dist franchement son intention, l'vn estoit de la  
guerre contre le Turc en laquelle il offroit de partir  
auecques le Roy tout le bien & le mal qui en procede-  
roit : l'autre quant à la foy & reünion de l'Eglise, en  
laquelle il fattendoit bien que le Roy conuiendrait à  
toutes choses raisonnables, & mesmement quant à la  
reduction d'Angleterre, touchant laquelle prome-  
toit bien ledit Granuelle que l'Empereur ne requerroit  
le Roy de chose qu'il ne peust faire fort raisonnable-  
ment & à son grand honneur : le tiers poinct de la  
paix vniuerselle en Chrestienté il le reduisoit au re-  
pos d'Italie, lequel il ne pensoit point pouuoir estre  
conserué sans que le Roy le desistast du faict de Gen-  
nes, & sans forclorre monseigneur d'Orleans du Du-  
ché de Milan, & que plus volontiers on orroit parler  
de monseigneur le Duc d'Angoulesme : donnans assez  
à entendre qu'ils vouloient en tant que possible seroit  
esloigner le Duché de Milan de toute apparence de  
retomber à la couronne de France. Et au demourant  
& sur toutes choses pria ledit de Granuelle ledit sei-  
gneur de Velly que toute ceste pratique se demenast  
secretement & sans passer par trop de mains : met-  
tant en auant que pour traiter la chose plus couuer-  
te, il seroit bon que monseigneur le Cardinal de  
Tournon monstrant d'aller pour le debuoir du degre  
qu'il tenoit faire vn temps de residence aupres de nos-  
tre saint Pere, se trouuast à l'arriué de l'Empereur  
à Rome. Enuers lequel indubitablement fil y venoit  
bien resolu du Roy, il trouueroit telle correspondance  
qu'estât la matiere desia si souuēt discutée, il seroit inco-



tinant aisé à veoir quelle yssue lon deuroit esperer de toute la negociation. Tous ces propos auoit ledit seigneur de Velly par le seigneur d'Espercieu faict à scauoir au Roy, & depuis auoit trouué les choses en si bon train à son aduis, qu'il auoit eu opinio, & l'auoit ainsi mädé au Roy, qu'il eust cité bon d'enuoyer vers l'Empereur monseigneur l'Amiral de France pour traitter & conclurre de toutes choses; & ceste estoit la cause pour laquelle se faisoit la depesche cy dessus mentionnee vers ledit seigneur de Velly, car nonobstant que les nouuelles qu'il mädloit ne semblaissent tendre sinon à bien, le Roy toutesfois auoit nouuelles certaines qu'es pais bas de l'Empereur on se preparoit à la guerre; & mesmes que le Cöre de Näsau auoit enuoyé faire vne grosse leuée en Allemagne, que l'Empereur faisoit repasser en Italie Dom Ferrand de Gözague & ses Espagnols qui estoient demourez en Sicile. Parquoy ne se volant tant amuser (que mal luy en prist) sur ces propos mis en auant en termes generaux par l'Empereur & par les gens qui auoient le maniemment de ses affaires, il depeschä ledit Espercieu avec responce de ce qu'il auoit apporté, mandant par luy au seigneur de Velly son ambassadeur, qu'il eust au plus promptement que faire se pourroit, & quoy que fust auant la fin du mois de Ianuier, qui ia estoit entré, à luy faire entendre la finale & claire resolutio del'Empereur. Et fut telle qui s'ensuit, la charge qui audit Espercieu en fut donnée. Premièrement quant aux estroittes alliances entre l'Empereur & le Roy c'estoit chose que le Roy non seulement desiroit mais qu'il vouloit estre bastie de si böne facö, que la grandeur de l'un iamaiz n'engendrait ialousie ne souspecon à l'autre. Quant à bailler au Duc d'Angoulesme son fils, Restat & Duché de Milan en excluant le Duc d'Orleans son autre fils, c'estoit chose où il ne vouloit aucunement entendre, car ce seroit occasion de haine & de picque, & à l'aduenir de guerre entre lesdits freres, qu'il auoit nourris & vouloit entretenir en paix & amitié. Quant à of-

Replicque  
du Roy sur  
la responce  
de l'Empe-  
reur.

fit à l'Empereur voulant entreprendre la conqueste d'Ar  
gie de luy enuoyer ledit Duc d'Orleans son fils, aussi peu  
le trouuoit il raisonnable: car en ce faisant il y seroit  
plustost en espee & lieu d'hostage qu'il ne feroit de  
monstration de bonne affection & confidence entre les  
deux Princes. Qu'il ne vouloit pourtant laisser de secou  
rir & assister à l'Empereur en la susdite entreprife, ains  
luy offroit à l'entrée du printemps ses galeres avecques  
deux mille hommes payez, & sur icelle vn bon chef per  
sonnage d'experience & d'autorité: adioustant que si l'an  
née enliuant ledit seigneur entreprenoit le voyage de  
Constantinople, luy de bon cœur y assisteroit en person  
ne & l'y accompagneroit avecques toutes ses forces. Et  
quant à la reformation & reünion de l'Eglise il auoit e  
sté, estoit & seroit tousiours prompt, & affectionné, auiant  
en Allemagne qu'en Angleterre, & par tout ailleurs. Bien  
estoit d'aduis quant au fait d'Angleterre, afin qu'il eust  
plus de couleur de presser le Roy dudit pais à se condes  
cendre à l'opinion vniuerselle des Chrestiens, que l'Em  
pereur fit que nostre S. Pere sommast de ce faire tous  
les Princes & potentats Chrestiens, & à luy assister & do  
ner main forte pour faire obeir ledit Roy à la sentence  
& determination de l'Eglise. Quant à la paix & repos  
d'Italie, que luy (au cas qu'au Duc d'Orleans son fils l'Em  
pereur donnast & deliurast le Duché de Milan) renonce  
roit à iamais à sa querelle du Royaume de Naples, & fe  
roit renoncer ledit d'Orleans son fils à celles de Floren  
ce & d'Vrbain, avec telles & si grandes seuretez que l'Em  
pereur mesmes aduiferoit: comme de faire de vne ligue  
vniuerselle, laquelle d'un accord & consentement com  
mun fust obligée à conseruer & maintenir ceste renon  
ciatiõ, & courir sus au premier qui au tẽps aduenir y con  
treuendroir, declarât toutesfois qu'il n'entendoit point  
accepter l'investiture de Milan pour ledit Duc d'Orleans  
son fils, autrement qu'en la mesme forme & maniere  
que l'auoient eue ses predecesseurs: en quoy faisant il

donneroit tres-volontiers à l'Empereur iusques à la somme de trois à quatre cens mille écus, pour s'en ayder à la premiere entrepryse qu'il feroit : & au demourant s'employeroit en faueur dudit seigneur Empereur, esperant biẽ d'en venir à bout, enuers les Princes & estats de l'Empire, qu'ils aduoueroient & receueroient vnanimemẽt le Roy Ferdinand son frere à vray & legitime Roy des Romains. Luy ayderoit à reduire en son obeissance toutes choses de droit appartenantes à la maison d'Autriche : & generallyment s'employeroit à toutes autres choses où aultement employer se pourroit, & sans aucune chose y esparagner, pour la grandeur & accroissement desdits seigneur Empereur & Roy des Romains son frere : renoncant à toutes autres praticques & alliances preiudiciales à leur dit accroissement : reseruant seulement de ne riens entreprendre par voye de faict iniustement à l'encontre de ses anciẽs amis & alliez, & cõprenant au nõbre d'iceux le Duc de Gueldres, auquel il auoit sa soy promise. Biẽ offroit-il toutes fois, au cas que l'Empereur vouluz entrer en ceste grãde confidẽce, de renoncer au droit à luy acquis par la donatiõ que luy auoit faicte iceluy Duc de Gueldres, & le remettre en puissance & liberte d'en disposer de rechef à son plaisir, & signãment au prouffit dudit seigneur Empereur & de sa posterité. Et pour ce que ledit seigneur de Granuelle auoit tenu quelque propos des lãsq̃uenets qui se leuoient en Allemagne au nom du Roy: biẽ vouloit aduouer qu'il en faisoit leuer six mille, mais nõ pour enuoyer ailleurs, qu'à recouurer du Duc de Sanoye (au cas qu'il fust delayant de luy faire raison) les païs & terres à luy appartenãtes par successiõ de feue Madame sa mere, pour le recouurement desquelles choses il enuoyoit ses ambassadeurs en faire demande & offrir amiable composition au Duc: au refus duquel il entendoit poursuiure son droit par la voye des armes, se tenant seur & certain, que l'Empereur ayant transigé & appointé de toutes autres choses, ne voudroit au preiudice de

ce de luy fauoriser ledit Duc de Sauoye contre raison. Telle fut la response du Roy, avec promesse qu'incontinent la declaration de l'Empereur sur ce venue, il enuoyeroit par mer, afin de faire meilleure diligence, mondit-seigneur l'Amiral qu'ils demandoient ou à Naples ou à Rome, selô ce qu'il luy seroit faict à scauoir, pour de toutes choses traicter & cōclurre, en sorte que chacun d'eux en demourast content.

Ces trespas de pesche faicte le Roy perseuerant en sa deliberation apres auoir en son conseil estroict deduit les droicts & querelles qu'il auoit contre le Duc de Sauoye, & par l'aduis de sondit conseil ordonné cōment il procederoit en ceste affaire, depescha monsieur le President Poyet deuers mondit seigneur de Sauoye, lequel y prouf fita autant qu'on auoit faict aux procedentes legations: car la Duchesse de Sauoye entretenoit ledit Duc en ceste opinion, l'asseurant du secours de l'Empereur.

ESPERCIEU cependant arriué à Naples le seigneur de Velly se retira vers l'Empereur, auquel de l'instruction qui auoit esté baillée audit Espercieu il declarace que luy sembla selon les occurrēces & occasions estre requis de declarer, mais il n'en retira de luy aucune plus ouuerte demonstratiō de vouloir venir à conclusiō & fin des propos mis en auant. Il trouua toutes fois grande multiplication de bonnes paroles sans venir aux particularitez, avecques iteratiues protestations que les choses fussent tenues secretes, & mesmement à nostre saint Pere, lequel auoit le moyen, & ne faudroit de le mettre à execution de donner de grandes trauerses ou à l'Empereur, ou à la pratique, sil entēdoit qu'elle se menast sans luy: & qu'à ceste cause estant le Cardinal du Bellay aupres de sa sainteté, de laquelle il depēdoit entiere ment, il estoit requis & necessaire de luy dissimuler & cacher ceste negociation, de peur qu'il luy aduint de la declarer, & que de la declaratiō il aduint rōupture. Toutes fois il fist en aduertir ledit saint Pere, & mesmement

Effect de la  
premier de  
pesche du  
Roy vers  
l'Empereur.



par le seigneur André Dore, qui vint vers sa sainteté à Rome, en partie pour les propres affaires, & pour obtenir vne dispense qu'il impetra pour le fils de sa femme, de pouuoir espouser la seconde fille d'Antoine de Leue, nonobstant que il eust auparauant espousé l'aînée qui depuis estoit decedée; aussi en partié enuoyé par ledit seigneur Empereur, tât pour luy rendre cõpte du voyage de Thunis, comme pour luy de clarer ceste pratique, laquelle il luy declara bien au long, & luy donnant assurance que sa majesté encores qu'elle prestast l'oreille aux gens du Roy qui luy en portoient parole, estoit toutesfois resoluë de n'en traitter ne conclurre aucune chose, sinon apres en auoir communiqué avecques icelle, & par son consentement, aduis, & bon conseil. Or ne tarda gueres que le Roy fut aduertý, & de la grande instance que l'Empereur faisoit de renir ceste pratique secrette à nostre saint Pere, & de la declaration que ce neantmoins il luy en auoit fait faire. Laquelle chose avecques la longue dissimulation, & les remises dont il vsoit sans venir au point, luy donnerent grande occasion que l'Empereur en cest affaire taichast mettre ledit saint Pere en soupçon & deffiance de luy; & pource fait dès le cinquiesme iour de Feurier vne depesche au seigneur de Velly, en l'aduertissant de rechef que il eust à presser l'Empereur & ceux de son conseil de se laisser plus clerement & ouuertement entendre, & qu'autrement ils luy donneroyent cause pèser par les friuoles excusés que ils mettoient en auant pour ne bailler le Duché de Milan au Duc d'Orleans, que l'Empereur ne tendist sinon à l'amuser & mener de paroles cependant que luy farmeroit & fortifiroit. Car quant à dire que le Duc d'Orleans estoit trop prochain de la succession à la courõne, on pouuoit bien considerer que son frere le Dauphin estoit en aage & de complexion d'auoir enfans, plustost que de n'en auoir point. Secondement qu'il n'estoit raisonnable qu'en forcluant le plus aagé, luy qui estoit pere de tous deux, baillast ou pourchassast de bailler vn tel estat au plus ieune, qui seroit mettre vne diuision, picque, & occasiõ de pis entre lesdits freres,

Autre depesche & recharge du Roy monseigneur de Velly.

& seroit retôber à mettre l'Italie en guerre, non pas (comme l'Empereur le desiroit) en paix, repos, & trāquilité. Car il falloit penser de deux choses l'une, ou que son fils le Duc de Orleans irrité de ceste sienne exclusion, entreprendroit la guerre contre son propre frere, pour recouurer ce qu'il penseroit luy appartenir, ou (pour le mieux) qu'eux deux ensemble faccorderoient, & laissant le Duc d'Orleans le Duché de Milan paisible au Duc d'Angolesme son plus ieune frere, le Duc d'Angolesme luy bailleroit le passage, gens, viures, & tout ce qui seroit en sa puissance, iusques à l'assistance de sa propre personne, pour luy ayder à recouurer lesdits Duchez de Florence & d'Vrbī, pour doubre desquelles l'Empereur differeroit de bailler Milan audit d'Orleans. Parquoy sembloit au Roy que le plus prompt expedient pour assôpir les querelles de Florēce & Vrbī, & tenir Italie en repos, estoit de contenter le Duc d'Orleans par le Duché de Milan, & au moyen de ce faire renoncer & luy & sa femme aux autres querelles, & faire vne ligue (comme il est dit cy deuant) cōseruatrice de ceste renonciation: adioustant d'auantage que il vouloit absolument que l'Empereur se declarast quand il bailleroit inuestiture dudit Duché, à quel titre, en quelle forme, & sous quelles conditions il le voudroit faire: car quant à luy son intention estoit qu'elle fut ample, & fessendit à tous les descendens du premier Duc Louis d'Orleans. Se contentant toutesfois quant à sa personne pour sa rīsfaire à la volôte de l'Empereur qui ne vouloit mettre ledit Duché de Milan entre les mains d'un Roy de France, de n'en estre inuesty, sinon comme v'sfructuaire, & comme ayant le bail & iouissant des fruiets au nom de ses enfans Ducs titulaires,

Telle fut en substance la depesche que seit le Roy au seigneur de Velly sur la responce qui luy auoit faicte a ce que Espercieu auoit par instructions respondu audit de Velly sur les premiers propos mis en auāt depuis la mort du Duc Sforce: & au seigneur de Leidequerque ambassadeur del'Empereur, lequel en auoit autant déclaré de bouche au Roy,

comme luy auoit le seigneur de Velly mandé par lettre. Ledit seigneur fait pareille respõse, adioustant que là où il voudroit retenir en son cœur aucune mauuaise volõte contre l'Empereur, il accepteroit ledit Duché à quelques conditions que ce fust, & puis en feroit comme il entendroit, mais qu'il le vouloit auoir à tel party qu'il demourait content & amy de l'Empereur, & qu'entre eux deux ny eust iamais ialousie de la grandeur ou de l'un, ou de l'autre : laquelle y estant, iamais ne seroit possible qu'il y eust amitié durable. Quant à luy qu'il ne vouloit estendre sa grandeur plus auant que Milan : celle de l'Empereur il la desiroit autant auant qu'il plaisoit audit Empereur, & à l'accroistre luy assisteroit par tout de son ayde & faueur, en gardant toutesfois chacun ses amis tant d'une part que d'autre, car il ne vouloit des siens en abandonner aucun. Et quant au faict de Genes dont l'Empereur auoit faict mention, que luy estoit content de superseder la querelle en faueur de luy, iusques à ce qu'elle se puisse vuidier par quelque bon & honnestes moyen. Sur ce concludant (& priant le seigneur de Leide querques d'ainsi le remõstrer à l'Empereur) que plus grande seureté ne pouuoit ledit seigneur auoir de luy, qu'auoir ceste cognoissance : qu'il ayroit mieux entrer en rouverte que de faire vn traitté à regret, que par apres il ne voulust ou sceust tenir. Pendant ces allées & venues l'Empereur eut nouuelles de Venise, comment le seigneur de Beauuois y estoit allé pour faire mettre en auant quelques partis nouveaux avecques la seigneurie : & de son ambassadeur estant riens le Roy, que l'Esque de Wincestre y estoit aussi arriué de la part du Roy d'Angleterre, aussi pour la conclusion de quelque nouveau traitté. pareillement d'Allemagne touchant la negociation qu'y auoit faicte le seigneur de Langey de par le Roy. Et (comme la coustume de qui se desie penser du mal d'auantage, & du bié moins qu'il n'y a) en fait faire de grandes plainctes au seigneur de Velly par les seigneurs

seigneurs du Prat, de Cannes, & de Granuelle, & principalement du faict d'Allemagne: dont il feit aussi faire les plainctes à nostre saint Pere, lequel toutesfois auoit desia esté aduertý de toute ladicte negociation par le Cardinal du Bellay, & par l'Euesque de Mascon ambassadeurs du Roy aupres de sa sainteté: laquelle à ceste cause sen esmeut moins qu'elle n'eust faict ausdites plainctes. Respondit ledit seigneur de Velly que ce n'estoit chose inconueniente ne desraisonnable que le Roy son maistre en traittât avecques ledit seigneur entretint ses autres amis & confederez, & quant au faict d'Allemagne que ledit seigneur de Langey auoit parlé publicquement, & non d'autre chose que de la reduction de l'Eglise en bonne occurrence & vnion de doctrine: ce nonobstant il aduertiroit tres-volontiers de l'ombre que ledit seigneur en prenoit, & se tenoit bien assuré qu'il en auroit response à son contentement & satisfaction. Si est-ce que l'Empereur print là dessus ou occasion ou couleur de refroidir pour vn temps les propos qui se demenoient avecques luy de ceste inuestiture & deliurance de Milan: & despescha le sieur du Prat en Allemagne sous ombre de l'enuoyer entēdre la verité des pratiques & menées qu'y faisoit le Roy, mais en effect pour y en faire d'autres contre luy, & pour y faire nouvelle leuée de l'asquenets, ainsi que depuis il a esté sceu & cognéu. Aussi enuoya le seigneur André Dorie à Genes equipper son armée de mer, pour faire (ainsi qu'il feit) courir le bruit de son entreprise d'Argier, mais ala verité pour vn faux alarme qui luy fut donné, ou pour soupçon que des fiance luy auoit engendré, que le Roy pratiquast à faire reuolter ledit estat de Gēnes, ne voulut toutefois qu'il en fust aucune chose communiqué à l'ambassadeur de France, & fut le partement dudit Dorie sans bruit, chose qui donna depuis estre venue à la cognoissance du monde grande matiere & occasion d'en estimer & craindre ouuerture prochaine de guerre plu-

Plaincte de  
l'Empereur  
sur les en-  
treprises du  
Roy.

Despesches  
de l'Empe-  
reur.



stost, qu'en esperer confirmation de paix & d'amitié.

LE Roy ce pendant fut aduertty par lettres de monsieur le President Poyer de la respõce du Duc de Sauoye, laquelle n'estoit selon son intention. Bien vint deuers le Roy le Comte de Chalan de par le Duc de Sauoye pour pëser reparer la deffaicte qui auoit esté faicte par les gës du Duc de la compagnie du seigneur Rence, comme i'ay dit cy dessus) la response doncques de monseigneur de Sauoye n'estoit que dissimulatiõs. Le Roy festant mis enuers luy en toutes les raisõs qu'il estoit possible, & voyãt qu'il falloit que les armes en fissent le iugement, de pescha le Comte de S. Pol pour entrer en Sauoye; ce qu'il feit en telle diligence, qu'auant que monseigneur de Sauoye eut loisir de pourueoir à son faict, il conquist toute la Sauoye sans trouuer resistance, hors mis à Montmelian, où y auoit vn capitaine Napolitain nommé Fracisque de Chiaramõt, lequel en fin se voyant sans viures & esperãce aucune de secours, rendit la place ses bagues sauues: & depuis mesprisé par ledit Duc de Sauoye, vint au seruice du Roy, où il luy a faict plusieurs bõs seruices en plusieurs lieux.

Conqueste  
de toute la  
Sauoye par  
monsei-  
gneur de S.  
Pol.

Dissimula-  
tion des Im-  
periaux sur  
le traitté de  
paix.

LE Roy ne laissoit ce temps pëdant à poursuiure son entreprise enuers l'Empereur, & n'estoit chose qu'il eust peu faire à son honneur, encores que c'eust esté à son dommage: à laquelle il se fust tres-volontiers condescendu, pour aucques paix & amitié de l'Empereur auoir le Duché de Milan, pour le Duc d'Orleans son fils. Et à ceste cause pour satisfaire audit seigneur Empereur, il trouua moyen de contenter le Roy d'Angleterre, & de son consentement differer pour quelque temps la cõclusion du traitté avec l'Euesque de Wincestre. Aussi reuouqua le seigneur de Beauuois qu'il auoit enuoyé à Venise, & de la negociatiõ du seigneur de Lägey en Allemagne escriuit en sorte que l'Empereur sen cõtenta, ou (pour le moins) monstra de sen contenter: & tellement que le dixneuuesmes iour de Feurier estant le seigneur de Velly prest à de-  
pescher

pescher vn courtier vers le Roy, les seigneur de Caunes & de Grâuelle luy firēt instance de différer pour ce iour là, & que luy de sa part, aussi eux de la leur pēpassent plus auant sur ceste difficulté du Duc d'Orleans au Duc d'Angoulesme. Au lendemain matin ils Pennoyerent querir, & apres longue dispr̄tation, voyans qu'ils ne pouuoient rirer de luy autre chose, luy accorderent le Duché de Milan pour monseigneur le Duc d'Orleans, moyennant toutesfois que le Roy trouuaſt party pour la vesue Duchesse niepce de l'Empereur, & sans se declarer ouuertement donnerent occasion de penser qu'ils entēdiſſent qu'elle fust donnée au Roy d'Escoſſe. Ce qui feit audit seigneur de Velly plus adiouſter de foy à leur dire, & qu'ils parloient cōme de chose conclue & arrestée, ce fut ce que ils luy remonſtrèrent & prierent de remonſtrer au Roy qu'ils n'auoyent si peu trauaillé en ceste affaire, qu'ils ne pēpassent biē auoir meritē que le Roy leur laissaſt ce que le Duc Sforce leur auoit donné audit Duché. Parquoy il ſenhardit & iugea d'entrer plus auāt aux particularitez, & mesmemēt des ſeuretez qu'ils demanderoient; à quoy ils respondirent qu'ils ne les demādoient ſinon honnestes & raisonnables, & telles qu'eux mesmes les baille-roient de leur coſté. Aussi parla des conditions de l'incuſtiture, ſurquoy ils interrompirēt ſa parole, diſans qu'il ſuffiſoit pour ceste fois d'auoir cōſenty & accordé le principal, & que monsieur l'Amiral à ſa venue acheueroit le demourant, auquel on feroit tort eſtant tel personnage qu'il eſtoit, & attendu le lieu qu'il tenoit aupres de ſon maistre, si on le faiſoit venir pour ſeulement ratifier ce qui auoit eſté faiſt par autrui, mais que bien pouuoit on aſſeurer le Roy qu'à la venue dudit ſeigneur Amiral, tout le ſurplus ſe concluroit, & ſans aucune difficulté. Priant toutesfois ſur toutes choses que ceste conſclusion fuſt ſecrete entre-eux, & qu'ils ſe gardaſſent bien de faire ne dire chose, au moyē dequoy il vint à la cognoiſſance du Cardinal du Bellay que ceste difficulté fuſt vuidée, &

qu'eux aussi donneroient garde que le Comte de Sisfentes leur ambassadeur aupres de nostre saint Pere n'en scauroit riens. A tout ce parlement assisterent outre lesdits seigneurs de Cannes & Granuelle autres deux secretaires de l'Empereur : & au lendemain l'un d'eux apporta monstrier audit seigneur de Velly vnes lettres de pareille substance qu'auoient esté les propos du iour precedent, laquelle escriuoit l'Empereur au seigneur de Leidequerques son ambassadeur, avec charge expresse qu'il la monstrast, & leust de mot à mot au Roy. Bien luy dit celuy qui luy apporta monstrier les lettres, que depuis ceste difficulté vuidée, l'Empereur auoit eu telles nouvelles du traitement que le Roy faisoit au Duc de Sauoye, que si plustost il les eust entendues, iamais ne fust condescendu à dire le mot: mais puis qu'il estoit dit c'estoit assez, & que l'Empereur esperant que par vn mesme moyen s'appoincteroient les choses de Sauoye, ne s'en desdiroit iamais.

En vn mesme temps eut le Roy ceste nouvelle, & autres qui diminueient beaucoup de la foy qu'autrement il y eust adioustée. Premièrement que nostre saint Pere auoit esté par les gés de l'Empereur aduertty par le menu de toute ceste conclusion ou pour mieux dire (& comme par les effects il a depuis esté cogneu) simulation : dont ledit saint Pere entra en tresgrande des fiance & suspicion contre le Roy. Secondement qu'incontinant apres la reuocation de Beauuois, l'Empereur auoit tant pressé les Venitiens qu'ils estoient entrez en ligue defensiue pour le Duché de Milā, en faueur de tel personnage qu'à sa majesté plairoit en inuestir : & qu'il faisoit tresgrande instance d'y faire aussi entrer nostredit saint Pere. Tiercement qu'il auoit enuoyé offrir de grands partis au Roy d'Angleterre pour le tirer à sa deuotion. Quartement de l'allée du seigneur du Prat en Allemagne, & que en passant à Milan il auoit porté paroles entierement contraires à ce que demandoit & esperoit le Roy de l'Empereur :

reur: passant aussi par Flandres, il auoit avecques les deputez du pais, & des autres pais bas de l'Empereur à ceste fin conuoequez & assemblez, conclut, & arresté de grâds preparatifs de guerre. Pour la cinquieme estoient les preparatifs que faisoit le seigneur André Dorie. Lesquelles choses de tant plus luy estoient suspectes que l'Empereur luy faisoit dire sous main que tous ces preparatifs se faisoient, les vns pour l'Entreprise d'Argier, & les autres pour mieux courir & celer à nostre S. Pere que la susdite difficulté du Duc d'Orleans au Duc d'Angoulesme fust vuidée: & le Roy toutesfois estoit aduertý de plusieurs bons lieux que nostre-dit saint Pere estoit informé de tout par le menu. Et à ceste cause il se resolut de poullier outre en Sauoye, & plus auant, sans interrompre toutesfois sa negociation avec l'Empereur, à quel que fin qu'elle se deust reduire.

C E S T E année fut vn grand & merueilleux cours de prophetes & pronostications, qui toutes promettoient à l'Empereur heureux & grands succés & accroissement de fortune: & quand plus il y adioustoit de foy, de tant plus en faisoit son semer & publier de nouuelles: & proprement sembloit à lire tout ce qui espandoit ca & là, que ledit seigneur Empereur fut en ce monde nay pour imperer & commander à fortune. Ce nonobstant & combien que le Roy ne fust en aucune doubte que mouuant guerre au Duc de Sauoye, il l'attireroit sur les bras toutes les forces de l'Empereur: encores aussi qu'il sceust tresbien, quelle estoit l'incination des aucuns en. Conferant telles pronostications avecques l'heur & felicité qui auoyent par si long tēps accompagné toutes les entreprises dudit seigneur Empereur, à esperer & attendre, & des autres à craindre, qu'il en aduint tout ainsi que les prognosticatiōs promettoient, cōme si elles fussent procedées du propre oracle du saint Esprit, & de maniere que iusques en ce Royaume aucuns superstitieux en fesoient espouuer & effrayez. Luy toutesfois ne sen estoit

Des pronostications  
qui coururent celle  
année.



Nôbre des  
gés de guer  
re du Roy.

ne changea iamais sa deliberation , pour chose dont il en fut menassé par telles inuentées prononstications , ains demoura tel que tousiours il auoit esté, c'est à dire , magnanime, & constant , à mespriser & contemner ceste maniere de supersticieule & abusiues propheties, cōme celuy qui ne varia oncques de la cognoissance & foy qu'il a , & tousiours a eue en Dieu seul cognoissant & dirigeant le cours des choses futures , & qui en sa puissance a retenu & reserué la disposition des temps & des moments, & lequel il esperoit certainement luy deuoir estre en ayde, attendu le grand deuoir où il felloit mis de chercher par amiable composition, non tāt à recouurer le sien, qu'à faire au moins que l'occupateur l'en seruist: non pas en fait (cōme i'ay dit) eschelle à ses ennemis, pour enuahir & trāsgresser les bornes & limites de son Royaume. A ceste cause il ordonna que l'equippage fust prest, duquel il auoit faiēt estat pour l'entreptise & conqueste des choses que luy occupoit le Duc de Sauoye, en laquelle entreptise il auoit estably & ordonné son lieutenant general messire Philippe Chabot Côte de Busāncrez Amiral de France, & avec luy les chefs & capitaines particuliers qui ensuiuent. Et premierement hommes d'armes, le nombre de huiēt cens & dix lances, à scauoir est la bande dudit seigneur lieutenant general, celle de messire Iaques Galiot grād escuyer & maistre de l'artillerie de France, celle de Messire Robert Stuard mareschal de France, & capitaine de cent Escossois de la garde du Roy, celle de messire Renē sire de Montecian, chacune de cent hommes d'armes: celle de mon seigneur Francois marquis de Salluces, de messire Claude d'Annebault, de messire Antoine seigneur de Montpesat, de messire Iean de Touthville seigneur de Villebon preuost de Paris, de messire Gabriel d'Alegre, de messire Charles Tier celin seigneur de la roche du Maine, chacune de cinquante, & celle du seigneur Iean Paule de Cere de soixante hōmes d'armes. Cheuaux legers mille, c'est à scauoir soubz la charge du seigneur d'Esse cēt, le seigneur de Termes cent, le seigneur d'Ausfun cent, le seigneur de Verets Sauoisien cent,

la char-

la charge generale desquels fut donnée audit seigneur d'Annebault cheualier de l'ordre, & depuis mareschal de France. Gens de pied Francois douze mille du nombre des legionnaires, scauoir est, deux mille Picards sous la charge de messire Michel de Brabant seigneur de Canny, & messire Antoine de Mailly seigneur d'Auchy, d'eux mille Normans sous la charge du capitaine la Salle, & du capitaine S. Aubin hermite. Deux mille chapeinois sous la charge de messire Iean d'Anglure seigneur de Iour, & du seigneur de Quinsimille de Languedoc: sous la charge du cheualier d'Ambrès, quatre mille de Dauphiné & du seigneur de Bresieux & autres: & mille sous la charge du seigneur de Forges, l'un des eschansons ordinaires du Roy. De toutes lesquelles bandes de gens de pied la charge generale fut donnée audit sire de Montecian aussi cheualier de l'ordre, & depuis mareschal de France: lansquenets six mille sous la charge du Comte Guillaume de Fustemberg: soldats Francois, nō legionnaires, le capitaine Lartigue Dieu cinq cens, le capitaine Blanche cinq cens, le capitaine Auguar cinq cens, le capitaine Vattris Nauarrois cinq cens: Italiens sous la charge du seigneur Marc Antoine de Cusan gentilhomme milanois l'un des escuyers d'escurie du Roy deux mille, & sous la charge du seigneur Chrestophe Guast mille, avec bon nōbre d'artillerie. Pour le faict de laquelle furent ordonnez trois commissaires, deux Contreroolleurs, xl. canonniers, xj. conducteurs de charroy, deschargeurs, charpentiers, charrons, & forgeurs, & pour les cas inopinez lx. personnes extraordinaires, pionniers viij. cens, cheuaux six cens octate, & la principale charge de laditte artillerie à messire Charles de Coucis seigneur de Burie, l'un des gentilshommes ordinaires de la chambre du Roy.

De Cremieu en Dauphiné partirent le vj. iour de Mars le nombre de trois mille legionnaires dudit pays, & les mille estans sous la charge du seigneur de Forges: avec lesquels partit le seigneur d'Annebault, auquel se vint iondre la bade du seigneur Iean Paule de Cere au lieu de Briacō: &

Commen-  
cement de  
guerre en  
Piemont.

Prise de Tu-  
rin par les  
seigneurs  
d'Anne-  
bault & de  
Monteian.

quelques iours apres le seigneur de Monteian les accord-  
sunt en poste: & à ij. iournées pres les suiuiot les lan-  
quenets. Là vindrent nouuelles ausdits seigneurs d'Anne-  
bault & de Monteian, cōment le Côte Philippe Torniel  
& Jean Iacques de Medicis marquis de Marignan mar-  
choit au deuant d'eux avec quatre mille hōmes de pied,  
pour gaigner & leur clorre le passage de Suse: parquoy  
ils se hastierent de marcher à l'encontre d'eux, craignans  
que si l'ennemy gaignoit le passage avec les gens qu'il a-  
uoit aguerris, eux qui auoient presque tous gens nou-  
ueaux, & de nombge aussi peu qu'en auoit l'ennemy, fut  
difficile, voire impossible d'y faire ouuerture: leur dilige-  
ce fut telle qu'ils eurent passé iusques en la pleine au des-  
sous de Suse, auant que les ennemis y arriuaissent, les-  
quels ne les oserent attendre, mais se retirerent en arrie-  
re: & furent par noz gens suiuis de logis en logis iusques  
à Thurin ville capitale de Piemont, en laquelle ils ne fo-  
serent mettre. Parquoy les habitans ainsi destituez & a-  
bandōnez se rendirent à la sommation desdits seigneurs  
d'Annebault & de Monteian, qui entrerent dedans, & la  
mirent es mains du Roy. Les ennemis se logerent à Che-  
uas, & là fut enuoyé vn trompette les sommer, parquoy  
ils en deslogerent, & se rendit Cheuas à l'obeissance du  
Roy. Ce pendant arriuerent les lansquenets à Thurin, &  
peu apres monsieur l'Amiral lieutenant general du Roy,  
qui là ferma son camp, & depuis au lieu de Chauas en at-  
tendant le surplus de son armée, qui estoit encores par  
les chemins, & qui arriuoit iournellement à la filē, dont  
plusieurs le blasmerent, dequoy il ne poursuiuit sa fortune  
contre gens estonnez.

Le xij. iour d'Auril arriua l'artillerie que cōduisoient  
lesdits deux mille legionaires des seigneurs d'Auchy &  
de Canny. Le xv. iour au matin il deslogea de Cheuas en  
intention d'aller compaier sur la grande Doaire: ceste  
Doaire s'appelle grande à la difference de l'autre Doaire  
qui sort du mont Geneue. Desia estoit le camp dudit sei-  
gneur

gneur Amiral depuis son arriuee renforcé de iiiiij. à v. mille hommes de pied Francois, & enuiron de quinze cens Italiens: & pouuoit auoir en tout le nombre de xv. à xvj. mille hommes de pied, y comprenant les lansquenets: de gēs de cheual, il n'en pouuoit encores auoir plus hault de deux cens cinquante en hommes d'armes, archers, & cheuaux legers. De l'autre bort de la riuiera estoient les seigneurs Dom, Laurens Emanuel ambassadeur de l'Empereur, Iean Iacques de Medicis, & Iean Baptiste Castalde avec le nombre de quatre à cinq mille hommes de pied, & gens de cheual le nombre de quatre à cinq cens, qui monstrent contenance de vouloir faire telle, & de garder le passage de la riuiera. La deliberation dudit seigneur Amiral n'estoit point de passer ce iour la riuiera: mais incontinant que noz gens veirent l'ennemy en teste, ils furent surpris de telle ardeur & impetuosité de combattre, que commandement ne remonstrance du pont qui n'estoit encores faict n'eurent lieu enuers eux, qu'ils ne le pressassent & importunassent de leur donner congé de passer outre: tellement que vaincu de leur importunité, il fut contraint de leur donner congé. Ce qu'il ne fit si tost, qu'avecques le mot ils ne se gettassent en la riuiera iusques à l'estomach: & bien que l'eau fust forte & roide, toutesfois iamais ne lansquenets ne Francois ne perdirent leur ordre en la trauersant, & comencèrent à s'approcher de l'ennemy, par telle furie, qu'il n'osa faire contenance de les attendre, ains print le chemin pour se retirer aux grandes allures à Verceil. Et si tous noz gēs de cheual ordonnez à ceste entreprise, ou quelque nōbre d'eux eussent alors esté arriuez, en sorte que noz gēs eussent esté les plus forts de cheual aussi bien qu'au contraire l'estoient les ennemis, pour les escarmoucher souuent, & contraindre le marcher en bataille, tant que noz gēs de pied les eussent acconuiuus, il n'y a point de doubte qu'ils n'eussent esté defaicts par les noz, auant que iamais ils fussent arriuez audit Verceil.

Les ennemis forcez au passage de la riuiera de Doaire.



Vn legionnaire passa la riuere à nage pour aller querir vn barreau de l'autre costé, lequel il amena en despit des ennemis, encores qu'ils luy tirassent des coups d'arquebuse sans nombre: mais iamais il ne fut touché. Monseigneur l'Amiral pour dōner cœur aux autres, luy fist donner en presence de tous vn anneau d'or ensuiuant l'ordonnance du Roy. Et ce iour alla nostre cāp loger au lieu de Sauillā, ou il sejourna tout le lendemain, attendant les viures qui n'estoient arrivez, à cause que le pōt (ainsi que j'ay dit) n'estoit encores faict, quand ledit camp passa la riuere.

Continuation des  
traictez de  
paix.

Ce temps pendant ne se discontinuoient à Naples les praticques de confirmation de paix, & de plus estroittes alliāces d'entre l'Empereur & le Roy: & d'autant plus les entretenoit l'Empereur (à ce que depuis il a esté cogneu) pource que qu'il esperoit sous couleur de ceste pratique moyenner que l'entreprise du Roy contre le Duc de Sauoye procederoit plus lentement: & qu'il auroit tant plus de loisir & de cōmodité de se preparer à la guerre, au cas que la paix ne se peult cōclurre à son intention: car il se tenoit à offense du Roy, & souuent sen plaingnoit au seigneur de Velly ambassadeur de France. Lesdits seigneurs de Canes & de Granuelle principaux entremetteurs des affaires de l'Empereur, allegans en somme que le Roy sur & pendant les praticques de paix n'auoit deu entrer en guerre, le seigneur de Velly au contraire leur remōstroit que ceste guerre ne pouuoit aucunement toucher à l'Empereur: & que la pratique mise en auant estoit seulement sur les querelles qui estoient ou auoient esté entre-eux & non point sur celles de Sauoye, pour lesquelles ceste armée du Roy estoit dressée: mais auecques expres commandement de ne toucher aucune chose que l'Empereur tint ou possedast, à quelque tiltre & couleur que ce fust. Que l'on pourroit toutesfois, si ledit seigneur Empereur le trouuoit bon, en voidant les autres querelles, y uider aussi celle de Sauoye par vn mesme moyē.

L'Em-

L'Empereur monstroit de n'estre du tout hors de volon-  
té de conclurre les praticques, & tousiours les entrete-  
noit, meslant entre deux vertes vne meure, aujourd'huy  
doubte, demaine esperance, iusques au iour de son parte-  
ment de Naples, qu'il dist au seigneur de Velly, qu'estant  
sur son deslogement il ne luy pouuoit donner responce  
resolue, mais qu'à Gaiette les seigneurs de Cānes & Grā  
uelle la luy donneroient. Ceste remise ne scauoit le sei-  
gneur de Velly fil deuoit interpreter à cerimonie de vou-  
loir faire les choses meurement, ou dissimulation, atten-  
dant nouuelles de la leuée de ses lansquenets. Et ce pen-  
dant l'Empereur ne perdoit temps à presser en toutes ma-  
nieres nostre saint Pere dese vouloir declarer parti-  
san enuers luy. Au lieu de Gaiette le seigneur de Velly  
pressa d'auoir responce, mais il n'en peut tirer autre, si-  
non que fil n'auoit nouuelle du Roy, qu'il attendist  
auoir la responce à Rome, pendant quel temps il pour-  
roit auoir nouuelles du Roy, aussi que l'Empereur alors  
pourroit parler du faict de Sauoye, lequel il ne pouuoit à  
son honneur dissimuler. Respondit le seigneur de Velly  
que le delayer iusques à ce que lon eust nouuelles du  
Roy, n'estoit sinon perdre temps, & que le Roy n'escri-  
roit riens, qu'il n'eust prealablement responce sur les ar-  
ticles dont on l'auoit remis, de respondre à Gaiette. Re-  
plicqua le seigneur de Granuelle qu'il craignoit fort que  
le traittement que lon faisoit au Duc de Sauoye nuisist  
beaucoup à la conclusion de ceste praticque. Item que la  
demande de l'usufruit, & pour le propos que mettoit en  
auant le Roy de ne vouloir abandonner aucun de ses cō-  
federez, desquels propos n'auoit esté parlé au parauant,  
sembloit à l'Empereur que le Roy pour la facilité qu'il  
auroit trouuée en luy, en haust d'autant plus les deman-  
des: & quāt aux cōfederez il n'estoit besoing d'en parler,  
tant que lon fust d'accord du principal, combien que sur  
cest article l'Empereur n'estoit pour demander choses  
que raisonnables: & quant à Gueldres, particuliere-

ment on le laisseroit iouir sa vie durant, accomplissant par luy les choses qu'il auoit traitées, & à l'observation desquelles le Roy par le traité de Madril estoit obligé des autres alliées d'Allemagne que l'Empereur les permettoit au Roy, pourueu qu'il n'en abusast point. Quelques iours apres fut déclaré au seigneur de Velly q<sup>e</sup> l'Empereur vouloit au cas qu'il traitast aucune chose, que tous les confederez du Roy signassent les traittez, & que luy en feroit autant faire aux siens: d'autant aussi que pour l'ineulture de Milan il vouloit exclurre quiconques vint à estre Roy de France, à ceste cause il vouloit que les estats & de France & de Milan le iurassent, & que cela fust publié par edict incommutable, lequel le Roy de France & les Ducs de Milan iurassent à leur aduenement d'observer & entretenir comme les choses d'ancienne obseruance. Puis demandoit l'Empereur estre assuré que le Duc de Lorraine iamais ne feroit que relle touchant le Duché de Gueldres: aussi vouloit que le Roy rôpist le mariage de la fille de Vendosme au Roy d'Ecosse, car il vouloit luy bailler sa niepce la Duchesse de Milan, & que la fille de Vendosme fust baillée au Prince d'Orange, & que le Roy print en soy la charge de bien colloquer la fille du Duc de Lorraine, de laquelle auoit esté mention pour ledit Prince d'Orange.

En ceste maniere se comporta l'Empereur depuis Naples iusques à Marine, place appartenante au seigneur Vespasien Colonne en terre de Rome, tenant les praticques en assez bon train, & avec esperance de paix vn iour plus & vn iour moins, & mettant au iourd'huy vne condition en auant, au lendemain vne autre, ainsi qu'un homme qui ne se vouloit laisser entendre. Et donnoit occasion de penser qu'en effect son intention fust bonne: mais qu'il craignist que le Roy entretenist ceste pratique, seulement pour sentir & cognoistre de luy par ce moyen à quoy on le porroit finalement tirer: en se tenant tousiours luy en son entier de dire apres ou  
si ou

Si ou non, selon que l'occurrence & auenement des choses & du temps luy donneroient iugement & cognoissance de ce qui luy seroit meilleur de faire : comment que ce fust, il vouloit bien qu'on le pensast ainsi, & à ceste fin mettoit & faisoit mettre toutes ces conditions en auant, pour donner à penser qu'il ne le feroit, si son intention n'estoit de conclurre. Et nonobstant qu'au lieu de Fundi le seigneur de Velly trouuaist quelque plus grande difficulté qu'auparauant, au lieu de Marine toutesfois il sembla que toutes choses fussent bien rabillée, & qu'il n'y eust plus de difficulté, sinon sur ce que le Roy vouloit estre inuesty luy-mesme de l'vsufruit: de maniere qu'il fut dict audit seigneur de Velly qu'il pouuoit bien escrire au Roy d'enuoyer mondit-seigneur l'Amiral pour conclurre & passer le traitté, comme de chose totalement accordée. Bien fut adioustée ceste condition, que le Roy prealablement fist retirer son armée qui estoit en Piemont : & sur ceste assurance le seigneur de Velly enuoya le seigneur d'Espercieu son cousin vers le Roy, pour l'aduertir au long & par le menu de toutes plainctes qu'on luy auoit faictes, de toutes les difficultez & conditions qu'on luy auoit mises en auant, & de la finale & à son iugemēt bonne resolution qu'il auoit eue.

Si l'Empereur de son costé monstroie de craindre que le Roy tendist par ceste pratique seulement scauoir à quoy il se voudroit laisser mener, autant & plus craignoit le Roy, ce que partant d'apparées il deuoit craindre, que l'Empereur (ainsi que les effectz depuis ont faict cognoistre la verité) ne l'amusast sinon pour l'entretenir en despense, ce pendant que luy à son plaisir se prepareroit à la guerre: & grande occasion luy en donnoient, non seulement les choses dessus deduites, comme la grande instance que ledit Empereur faisoit de tenir secretes les choses à ceux mesmes auxquels luy apres les deueroit, & taschoit à en faire son prouffit : mais autres certaines aduertissemens qu'il auoit de lettres escriptes

Intention  
de l'Empe-  
reur sur es  
faict.



par l'Empereur au Duc de Sauoye, par lesquelles il luy mandoit ne se soucier de chose qui luy fust aduenue, car auant peu de iours il luy feroit tout rendre. Chose que parauanture lon eust peu interpreter, comme si l'Empereur eust esté seür de le pouuoir faire amiablement, en rendant le Duché de Milan: mais qui rompoit & faisoit impertinente ceste interpretation, estoit que l'Empereur hastoit ce pendant la creue de lansquenets en toute diligence, luy qui n'estoit & n'est coustumier d'entrer en despése es choses que sans cela il pense pouuoir faire. Aussi qu'il auoit ordonné au seigneur Dom Ferrand de Gonzague aller mettre ensemble ses cheuaux legers, qui pareillement ne se pouuoit faire sans autre despense: plus qu'il prenoit des villes Imperiales en Allemagne artillerie & munitions, qu'il faisoit conduire à la volte d'Italie: & qui empeschoit de coniecturer qu'il le fist, afin de traiter les armes en la main aussi bien que le Roy, & plustost comme superieur que comme inferieur de forces, estoit que l'Empereur auoit déclaré aux Legats de nostre S. Pere, & par le moyen d'un Cardinal ( lequel pour cause ie ne vueil à present nommer ) estoit venu à la cognoissance du Roy, que ledit seigneur Empereur iamais ne baileroit Milan au Roy, ne permettroit qu'il eust vn seul pied de terre en Italie: & mesinement faisoit secretement pratiquer nostre S. Pere, la seigneurie de Venise, & les autres potentats d'Italie, à ce qu'ils l'opposassent à l'investiture dudit Duché en faueur de personne estranger quelcōques. Et pour mieux coulourer son affaire & secourir qu'il ne le fist pour le Roy, au cas qu'aucuns d'iceux potentats reuellassent qu'il pratiquoit ceste opposition enuers eux, il auoit faict sous main tenir propos que le Roy de Portugal luy fist demander ledit estat pour son frere, en fournissant quelque bonne somme de deniers: & tout ce que dessus vn des Legats estroitement adjuré par nostre saint Pere de luy dire à la verité tout ce qu'il auoit trouué aux propos dudit seigneur Empereur, auoit déclaré à sa sainteté, luy assurant certainement que l'Empereur n'auoit amy ne frere qu'il aymast,

aymast, tant qu'il luy voulust bailler ledit Duché : ains que son intention ferme & resoluë estoit de le retenir pour soy quoy qu'il aduint.

Le Roy qui iusques alors auoit esté content que son armée procedast lentement, se delibera de la faire plus viuement pousser outre, & à ceste fin enuoya messire Louis de Rabodanges l'un de ses eschansons ordinaire, faire entendre sa deliberation à monseigneur l'Amiral, & luy dire expressement, que sil trouuoit ses ennemis en lieu auantageux, voire seulement en lieu egal & sans auantage il se hazardast de les combattre: & mesmement qu'il marchast droit à Verceil, afin d'Attirer les ennemis à venir secourir la ville, & par ce moyen à la bataille. A Sauillan trouua ledit seigneur de Rabodanges nostre camp prest à marcher, & monlieur l'Amiral en deliberatiō d'aller essayer de forcer laditte ville de Verceil, en laquelle y auoit pour le Duc de Sauoye le nombre de trois mille hommes de guerre, dont les mille estoient lansquenets : & à quatre mille au dessus estoit le seigneur Antoine de Leue, avec enuiron si cens cheuaux, & douze mille hommes de pied, & là se portoit ledit de Leue non pour lieutenant de l'Empereur, mais pour capitaine general de la ligue d'Italie: faisoit toutesfois contenance, & se vantoit de courir sus a nostre camp, sil sefforçoit de passer outre. Or dès ledit temps que mondit-seigneur l'Amiral partit d'avec le Roy pour son entreprise, auoit esté depeiché Gaucher de Tinteuille vers les seigneurs Caguin de Gonzague, Côte Guy de Rangon, Hannibal de Gonzague, Côte de la Nugolares tous pëlionnaire du Roy: lesquels auoyent fait vne leuée de six mille hommes de pied avecques cinq cens cheuaux legers, la pluspart tous gens d'eslite, & nourris és guerres passées d'Italie: & ne pouuoient sans estre rencontrez par le seigneur Antoine de Leue, se venir ioindre avec ledit seigneur Amiral. Et à ceste cause auoit il desia quelques iours au parauant enuoyée demāder passage pour eux audit seigneur de Leue, & scauoir de luy sil auoit à sen aler cōme d'amy, ou sen garder cōme d'ennemy, à quoy

Poursuite  
de guerre  
en Picmōt.

auoit ledit de Leue respondu qu'il leur bailloeroit assistance, moyennant qu'ils vinsent pour la ligue d'Italie, dont il le disoit capitaine de par l'Empereur.

PARTANT doncques de Sauillan auoit bien voulu ledit seigneur Amiral, à cause de l'expres commandement qu'il auoit du Roy de ne riens attenter en chose qui fust tenue ou possédée au nom de l'Empereur, enuoyer derechef audit de Leue, & par vn trompette luy enuoya lettres pour entendre son intention, auxquelles lettres respondit assez brauement, toutesfois avecques dissimulation, de sorte qu'on n'eust sceu y faire fondement, & sur-ce marcha ledit sieur Amiral en auant tirant droit à Vercel. Ce iour là y eut quelque mutinerie entre les gës de pied Frâçois & lansquenets, en laquelle moururent des gens beaucoup & d'une part & d'autre, & plus grand inconuenient fut aduenus sans ce que le Comte Guillaume de Fustemberg y arriua, qui feit retirer les siens en telle obeissance, qu'onques depuis qu'il y eut parlé ne s'en trouua vn qui marchast vn pas en auant, encores que du cōmencement ils eussent eu du pire, & alors se veissent reforcez de gens, avecques moyen de se vèger de leur dōmage. Ce que i'ay biē voulu reciter en cest endroit, à ce que ce soit exemple, combien est requise la discipline militaire, & de cōbien sert vn chef en telle multitude qui sache tirer obeissance de ses gës. Au deuxiesme logis arriuerent noz gens à deux mille pres de Vercel, & furent les Frâçois & lansquenets logez séparémēt, pour euiternoise & diuision: mais ie laisse à tant ceste matiere, & retourne à la negociation des choses qui ce pendant se traittoient avecques l'Empereur.

EN ces entrefaites estoit ledit seigneur Empereur arriué à Romme, où auoient esté faicts long temps au parauant les preparatifs à le receuoir bien solennellement. Et pour-ce qu'entre plusieurs edifices qui pour luy faire la voye plus large & droicte auoient esté abbatus & demolis, fut aussi abbatu le temple de Paix, anciennement

& de

Mutinerie  
au cāp des  
François.

Entrée de  
l'Empereur  
à Romme.

& de long temps gardé, pour la memoire des anciennes structures, ainsi que sont autres plusieurs edifices & ruines à Rome: gens curieux & suspetieux, dont audit lieu a ordinairement grand nombre, interpreterent la chose à mauuais augure: & commencerent à en faire des preiudices & discours, en disant, que c'estoit signe que l'Empereur y estoit entré, non à heure d'y establir & confermer la paix ainsi qu'il se vâtoit, mais pour en oster au contraire toute memoire & souuenance. Et peu apres feist l'Empereur des actes assez qui confermerét beaucoup le monde en ceste opinion. Il auoit ledit sixiesme iour d'Avril esté de six à sept heures avec nostre S. Pere. A lendemain l'Euesque de Mascon ambassadeur du Roy vers nostre dit saint Pere: & le seigneur de Velly aussi ambassadeur du Roy vers l'Empereur eurent audience de sa sainteté, à laquelle ilsexposerent que iusques alors auoit esté la praticque de paix entrevenue par le Roy leur maistre, en esperance que le tour se conclutoit par le moyen & interuention de sa sainteté, lequel moyen & interuention y estoient fort necessaires, pour oster & purger les suspicions & deffiance qu'ils auoient l'un de l'autre, & les rendre bien confidens & vnis ensemble: prians sa sainteté vouloir y mettre peine, & mesmement à faire condescendre l'Empereur à l'investiture de Milan en la personne du Duc d'Orleans. A quoy ledit Velly, comme ayant long temps negocié avec l'Empereur, asseuroit sa sainteté qu'elle trouueroit ledit seigneur ellezenclin & disposé, ne passant toutesfois plus outre sur ce propos: car encores pensoit il que l'Empereur eust tenu secret à nostre dit saint Pere, ainsi qu'il auoit voulu estre tenu par le Roy, ce que desia il en auoit esté accordé. Et au surplus premierement prièrent sa sainteté leur faire part des choses qui en si long parlement auoient esté le tour precedent agitées entre-eux pour le bien & repos de la Chrestienté, seruice de Dieu, exaltation & gloire du S. siege. Respondit nostre saint Pere

Proposte-  
nuz en la  
presence du  
Pape sur le  
traitté de  
paix par les  
ambassa-  
deurs du  
Roy.



qu'il auoit trouué l'Empereur assez desirant la paix, & que luy par aduis dudit seigneur au lendemain seroit cōgreger ( ce qu'il feit ) les Cardinaux du S. siege les freres en consistoire, pour au ecques eux deliberer de ce qui seroit requis, tant pour l'intimation du Concile ( auquel il ne faisoit doubte que le Roy ne luy assistast ) comme pour ceste intelligence entre iceux d'eux Princes, & paix vniuerselle de la Chrestienté. Et qu'en cest affaire luy estoit resolu, ainsi que le debuoir vouloit, de s'en tenir en neutralité: & là dessus festendit à dire, combien il estoit tenu de maintenir iustice, & d'obuiier à l'obstination de celuy qui se monstroient desraisonnable: bien vouloit il les aduertir auant la main, qu'à ce qu'il en pouuoit entendre, iamais l'Empereur ne le cōdescendroir de bailler Milan au Duc d'Orleans. A ce n'osèrent repliquer les dessusdits de Mascon & de Velly, craignans d'offenser l'Empereur, au cas que sans son congé ils parlassent plus auant de la chose qu'il auoit pressé de tenir secreete. Mais puis apres en parla ledit de Velly au seigneur de Grâuelle, le priant de ne vouloir enuers nostre saint Pere trauerfer le Roy, pour la volonté qu'il auoit vsé de tenir secret, ce que ledit seigneur Empereur auoit ainsi voulu: & pensoient en effect que ceste difficulté que faisoit nostre S. Pere ne procedast d'autre occasiō, sinō que l'Empereur à son escient luy en eust faict le difficile pour luy donner ce contentement qu'il pensast d'auoir esté le mediateur & compositeur d'icelle & autres difficultez. Le seigneur de Grâuelle alors apres auoir faict quelque expositiō de ce qui se faisoit contre le Duc de Sauoye, assēura ledit de Velly, que l'Empereur ce nonobstant persistoit en sa promesse, combien que fil eust sceu ledit traitement qu'on luy faisoit il n'eust iamais promis ce qu'il auoit faict: mais que toute la difficulté procedoit de nostre saint Pere, lequel vouloit peu de bien à la maison de Medicis, & à ceste cause ne voudroit veoir yne fille de laditte maison estre Duchesse de

de Milan. Et à ce que mieux on adioustaist foy à son dire, permist audit seigneur de Velly de dire franchement à nostre saint Pere, & l'asseurer que fil vouloit bien à bon escient s'employer enuers l'Empereur, à ce qu'il inuestit le Duc d'Orleans de l'estat & Duché de Milan, ledit seigneur Empereur infalliblement le luy accorderoit. Je ne puis dire quelle intelligence secreete il y auoit entre ledit saint Pere & l'Empereur: bien scay-je dire qu'au lendemain les dessusdits Euesque de Malcō & seigneur de Velly allerent vers nostre saint Pere, & luy dit ledit seigneur de Velly ouuertement, que dés Naples il auoit peu (fil eust voulu) conclurre l'inuestiture du Duc d'Orleans: mais que le Roy auoit tant voulu deferer à sa sainteté, que de n'en vouloir rien conclurre sans elle, encores que ce fust chose qui luy touchast de si pres, comme d'euit le trouble entre ses enfans, & conséquement de tout son Royaume. Ledit saint Pere soit qu'il eust ainsi conclu avecques l'Empereur, ou qu'il fust vray ce que le seigneur de Granuelle auoit dit de luy, repliqua lors aux dessusdits de Mascon & de Velly, Que de parler du Duc d'Orleans, il n'y auoit aucune raison: & quant à luy qu'il estoit pere vniuersel, & deuoit peser à la tranquillité d'Italie, aussi bien qu'à celle du Royaume de France. A tant luy remonstra ledit seigneur de Velly que toutesfois qu'entre lesdits freres enfans du Roy y auroit trouble à cause du Duché de Milan, le mesme trouble redôderoit sur Italie, & tant insista que ledit saint Pere luy accorda d'en faire requeste à l'Empereur: auquel alla le seigneur de Velly gaigner le deuant, & le prier de n'espy vouloir rendre difficile: mais il ne tira de luy sinon expositions & plainctes, fors qu'à la fin il luy promist en termes generaux, de ne faire chose qui prejudiciaist à la bone volonte qu'il auoit de se bien entendre avecques le Roy. Vray est que partant ledit Velly d'avec sa majesté, les seigneurs de Cannes & de Granuelle luy donnerent meilleure esperance, voire assurance, que

là où nostre saint Pere ne feroit difficulté sur ceste investiture pour le Duc d'Orleans, ainsi n'en feroit point l'Empereur leur maistre. Et sur ceste assurance l'Euesque de Mascon aulendemain retourna dire ce que dessus à nostre saint Pere, en luy remonstrant que si l'Empereur estant arriué à Romme, & apres auoir communiqué avec la sainteté, se trouuoit estre variant de ce qu'il auoit promis estant à Naples, & tant de fois reiteré depuis, on auroit apparante cause de souspeçonner que d'elle & par ion moyen procedast ceste variatiō: attendu mesmement que saditte sainteté auoit tousiours des le commencement allegué ces mesmes difficultez. Nostre saint Pere le voyant ainsi pressé de pres, respondit alors, que les seigneurs de Cannes & Granuelle incontinant qu'ils eurent le iour precedant communiqué avecques lesdits de Mascon & de Velly, estoient venuz luy reciter tout ce que les vns & les autres auoient dit, respondu, & repliqué: & que parlant franchement luy se doubtoit fort que l'Empereur & eux entretenissent expressement ceste pratique pour les amuser, & à ce que sur ceste esperance ils amusassent le Roy, pendant le temps que ledit seigneur Empereur se preparoit à la guerre: que toutesfois pour leur complaire il s'emploieroit encores à obtenir ce qu'ils demandoient pour le Duc d'Orleans, combien qu'il fust certain que ce seroit peine perdue. A quoy repliquant l'Euesque de Mascon que le Roy sans cela iamais ne viendrait à conclusion, le pense doncques (dit nostre saint Pere) que les choses ne peuuent sinon estre en ruyne: car l'Empereur ne veut (& quand il le voudroit) ne peut bailler Milan sans le cōsentement d'aucuns, lesquels, à mō aduis, iamais n'y cōsentiront. Il vouloit dire des Venitiens, deuers lesquels auoit l'Empereur enuoyé, pour (ainsi qu'il disoit) qu'ils y cōsentissent, mais (comme courtoit le bruit) qu'ils y contredissent.

En ce mesme temps arriua le seigneur d'Espercieu, lequel j'ay dit par cy deuant auoir esté depeché sur les plainctes

plainctes que l'Empereur auoient faictes au seigneur de Velly. Sur ceste occasion enuoya ledit de Velly demander audience: & apres auoir saluë ledit seigneur Empereur de parie Roy, luy feit les responses & remonstrances sur chacun article, ainsi qu'il luy estoit ordonné de faire. Premièrement, quant à ce que l'Empereur alleguoit, que le Roy donnoit assez à cognoistre qu'il ne vouloit conclurre ledit traitté, puis qu'au lieu d'enuoyer monseigneur l'Amiral à ceste fin, il l'auoit enuoyé ailleurs, & pour effect contraire, c'est à dire pour faire la guerre. Le Roy respondoit qu'attendu la difficulté que on luy faisoit sur l'usufruit qu'il demandoit luy estre resseruë, aussi voyant la remise de Naples à Gaïette, & de Gaïette à Romme, & que l'armée qu'il auoit preparée pour auoir la raison de ce que le Duc de Sauoye luy occupoit, luy demouroit ce pendant inutile: il auoit enuoyé ledit Amiral poursuiure saditte raison, en attendant que ledit seigneur Empereur le mandast, lequel encores ne l'auoit mandé: mais que nonobstant qu'ayant le Roy à la requeste de l'Empereur, & à son instance reuoké vn gentilhomme de sa chambre qu'il auoit à Venise, luy eussent cependant traitté avecques les Venitiens qui se pouuoit dire innovation. Toutesfois la premiere & principale charge qu'il auoit donnée audit Amiral, estoit de ne toucher aucune chose qui à quelconque tiltre appartint à l'Empereur, ou dont il fust iouissant & possesseur. Ioinct qu'il n'auoit esté demandé prefixement que ledit Amiral y allast, mais luy ou autre personnage d'autorité: mesmement qu'il auoit esté parlé de vn Cardinal, & qu'à ceste cause le Roy auoit ia fait la depeche de Monseigneur Iean Cardinal de Lorraine: lequel faignant d'y aller afin d'assister à nostre S. Pere pour le deuoir du lieu que tiennent les Cardinaux, pourroit plus ouuertement manier ceste pratique, laquelle vouloit l'Empereur estre tenue si secreete: & auquel, pour estre prince & si prochain du Roy que nul autre pourroit

Responſe  
aux articles  
de l'Empe-  
reur par mô  
seigneur de  
Velly.



l'estre d'auantage, ledit seigneur Empereur adiouſteroit ſoy. Puis apres quand on auroit mis les choſes en bon train, le mäder alors audit Amiral, qui ſ'y trouueroit avecques ample & ſuffiſant pouuoir, dont il eſtoit deſia garny. La verité eſtoit en effect que l'Empereur ne ſes miniſtres n'auoient du commencement demandé ledit ſeigneur Amiral preciſement, & ſur-ce que depuis ils en firent inſtance fut aduiſé qu'il n'eſtoit raiſonnable de l'y enuoyer, & laiſſer ſon armée ſans chef, eſtant le ſeigneur Antoine de Leue ſi pres, & aſſez donnant à cognoiſtre que ſi le moyen & opportunité ſoſfroient, il euſt bien voulu iouer d'une ſurpriſe à laditte armée: mais pour oſter toute occaſion de dire ou penſer que le Roy ne vouluſt entendre à ceſte confirmation de paix, laquelle certainement il deſiroit, ſur toutes choſes fut aduiſé d'y enuoyer monſieur ſeigneur le Cardinal. Et (ce que beaucoup de gens rufeſz trouuerent faiçt plus bonnement que cautelement) fut ledit ſeigneur Amiral par hōme expreſ aduertty de ceſte conſeſion, avec mandement de ne marcher outre, auant qu'il euſt parlé à luy: & que cependant retirant ſon camp en quelquelieu de ſeuteré, il donnaſt aduis de ceſte depeſche au ſeigneur Antoine de Leue, à ce qu'il ne donnaſt empeſchement au courrier qui portoit ceſte nouuelle au ſeigneur de Velly, ainſi qu'il auoit faiçt à Eſpercieu venant au Roy. L'Empereur oye ceſte premiere reſponſe & remonſtrance à ſa premiere plainçte, ſans attendre quelle ſeroit la reſponſe aux autres, interrompit les paroles du ſeigneur de Velly: luy replicquant que par ſon dit traitté avecques les Venitiens il n'auoit rien innoué, mais ſeulement conſermé ce qui auoit eſté fait à Boulongne, & n'auoit faiçt chole qui l'empeſchaft de traitter avec le Roy: Item que ſon traitté n'eſtoit que paroles, ce que faiſoit le Roy contre le Duc de Sauoye eſtoit autre choſe que paroles, qui deuſſent preceſder les effects. Et quand au pouuoir qu'auoit l'Amiral, il n'eſtoit à propos, car luy n'auoit accouſtumé de traitter en ceſte ſorte: que bien ſeſtoit il veu plus au deſſous du Roy qu'il n'eſtoit, mais qu'il n'auoir iamais rien

faict

replicque  
de l'Empe-  
reur.

faict pour la force d'iceluy, & que iamais ne fut, & encores estoit moins pour se laisser conduire à traitter par force: ad-ioustant qu'estât le Duc de Sauoye son vassal, & son allié de si pres, raison ne vouloit qu'il luy faillist. Quant à vsufruct, puis que le Roy en attendoit respõse, que ledit Velly la pour-roit veoir sur les articles que luy auoit baillez à nostre S. Pere. Sur ce luy respondant ledit Velly que desia il les auoit veuz, & qu'il y trouuoit nouation sur la personne du Duc d'Orleans à celle du Duc d'Angoulesme. Dit l'Empe-reur alors que ce qu'il auoit accordé, il l'auoit faict sous cõ-dition que les seuretez se trouuassent telles, que luy eust cau-se de s'en cõtenter: ce qu'il voit estre impossible, ioinct qu'il n'estoit tenu d'observer son offre que le Roy n'auoit acce-ptée. Repliqua le seigneur de Velly quant à l'acceptation, que le Roy l'auoit faicte par ses lettres de l'huictiesme, & quant aux seuretez, que ledit seigneur Empereur auoit touf-iours dit qu'il ne les demanderoit sinon raisonnables: aussi que les demandant autres, il sembleroit qu'il eust voulu de-ceuoir le Roy, luy accordant vne chose dont il esperast inua-lider la promesse par impossibilité d'une autre. Dit l'Empe-reur auoir promis, voirement & promettoit encores de ne demander chose de raisonnable, & qu'il en vseroit du con-seil de nostre S. Pere, & de ses autres cõfederez. Le seigneur de Velly persẽuera, insistant qu'il ne retractast sa promesse, & alleguant les autres promesses faictes ailleurs pendant ceste pratique, lesquels pouuoient mettre le Roy en doubte de la volõté dudit seigneur Empereur: comme la pratique qu'il menoit en Angleterre, les lettres par luy escrites au Roy de Portugal en luy offrant l'estat de Milan pour son fre-re: aussi le bruit commun estoit en la ville de Rome, en tou-te Italie & Allemagne: que lon dõnoit paroles au Roy, pour l'amuser & faire surseoir son armée: & apres tout cela ceste retractation de la promesse faicte pour le Duc d'Orleans. Lesquelles choses assemblées & mises en consideration, ne pouuoient sinon ietter le Roy en desespoir: & le conduire à faire ou promettre ailleurs chose que puis apres il ne pour-

Contestatiõ  
de l'Empe-  
reur & de  
mõseigneur  
de Velly.

roit honnestement ne retracter ne dissimuler. En ceste maniere faisoit le seigneur de Velly ses remonstrances, comme celuy auquel il greuoit iusques au cœur, auoir si auant asseuré son maistre de chose qu'il voyoit lors aller à rebours, & ce pour estre lié sur la parole d'un si grand Prince qu'un Empereur. D'autre costé se sentoient l'Empereur picqué un peu plus auant qu'il n'eust voulu: & pour ce demanda en colere audit de Velly, fil auoit pouuoir & mandement de traiter au nom du Roy son maistre: à quoy il respondit que non, voulant au demourant alleguer les raisons, & paracheuer de dire les responses & remonstrances du Roy, sur le surplus des exhortations & plainctes qu'on luy auoit faictes. Mais l'Empereur ne le souffrit parler plus auant, & se tournant à luy, Doncques (dit-il) puis que vous n'avez pouuoir, ne pouuez vous dire que ie vous donne paroles, mais plustost vous à moy: & tant y a que de ce que ie vous ay dit, ie ne passeray plus outre, que ie ne voye vostre pouuoir.

CESTE response estoit telle, que si ledit Velly & autres manians à Rome les affaires du Roy n'eussent bien sceu l'intention dudit seigneur estre entierement encline à la paix, en la recourant avec honnestes conditions, ils auoient assez occasion de se desister entierement de la pratrique, iusques à ce qu'ils eussent autres nouuelles & mandement du Roy. Toutesfois l'Euesque de Mascon ayant sceu par nostre saint Pere, que l'Empereur entre plusieurs propos & parlemens qu'ils auoient euz ensemble auoit fait mention de luy, comme trouuant estrange que depuis son arriuee à Rome, ledit Euesque n'auoit encores esté vers luy, delibera sur ceste occasion d'y aller, & taster de luy, en deuissant, fil pourroit faire, qu'il retombast sur ces propos. Au lendemain qui fut le troisieme iour depuis l'arriuee de l'Empereur à Rome, apres toutes les ceremonies faictes en l'Eglise saint Pierre, auxquelles assista l'Empereur en ses habits Imperiaux portât la couronne sur sa teste, le seigneur Pierre Louis de Farnese

nese tenant deuât luy la pomme ronde, & le marquis de Brandebourg portant le sceptre, & messire Jacques de Longueual seigneur de Bossu grand escuyer portant l'espée: ledit Euesque de Mascon enuoya vers la maiesté luy demander l'heure qu'il luy plairoit luy donner acces pour luy aller faire la reuerence, laquelle heure luy fut assignée au lendemain matin.

A l'heure assignée vindrent ensemble ledit de Mascon & le seigneur de Velly, lesquels trouuerent les ambassadeurs de Venise desia entrez en la chambre dudit seigneur Empereur, qui tost apres en sortit pour aller à la messe: & s'approchant de luy, lesdits ambassadeurs de France, l'Euesque de Mascon prist la parole, & luy dist, Qu'estant ambassadeur du Roy Tres-chrestien son bon frere deuers la saincteté de nostre saint Pere, il n'auoit voulu faillir de luy faire la reuerence; & luy presenter son treshumble seruice. L'Empereur respondit qu'il estoit tresaise de le cognoistre, & auoir entendu de nostre saint Pere que ledit Euesque auoit tousiours fait treshon office, & qu'il desiroit à ceste cause luy faire plaisir. Puis s'adressant au seigneur de Velly, Il me semble (dit-il) par les derniers propos que vous me tintes qu'ad ie vous declairay le contenu és articles par moy communiquez à nostre saint Pere, que le Roy mon frere n'est point pour les accepter, d'autant que ie me suis retiré de ce qui auoit esté parlé pour le Duc de Orleâs son fils: & pour-ce ie desireroye merueilleusement scauoir, si vous auez rien d'auantage de son intention. Sur cela respondit ledit seigneur de Velly, qu'attendue la briueté du temps qu'il y auoit que lon estoit entré en ceste difficulté touchant ledit seigneur Duc d'Orleans, la maiesté pouuoit bien entendre & cognoistre, qu'il estoit impossible, qu'il en fust encores autrement aduertey, pour-ce qu'à peine pouuoit estre arriué en la cour du Roy son maistre le messager qui en portoit les nouuelles. Desquelles iceluy seigneur de Velly dist ne



doubter point qu'elles ne semblaissent bien estranges audit seigneur, attendu les propos qui luy en auoient esté tenuz par cy deuant, & les honnestes responses qu'il en auoit faites, ensemble les bonnes œuvres qu'il auoit offert exécuter, & en estoit prest, faisant sa majesté Imperiale ce qui auoit esté traité pour ledit seigneur Duc d'Orléans. Je ne vueil pas (dit l'Empereur) blâmer ses œuvres, aussi ne vueil ie pas iustifier les miennes en secret: & pour ce suis-je bien aise que vous monseigneur de Malcon soyez present, vous m'accompagnerez tous deux fil vous plaist deuers le Pape, & là ie vous declareray mon intention: & ce disant appella aussi les ambassadeurs de Venise pour le suiure. En ceste sorte entrerent tous ensemble en la chambre du consistoire, où le Pape est de coustume se vestir de ses habits pontificaux, & là trouuerent messieurs les Cardinaux attendans nostre saint Pere, avec lesquels famula ledit seigneur Empereur, en deuisant sur pieds l'espace d'un gros quart d'heure: ce pendant on aduertit nostre saint Pere, qui encores ne scauoit riens de sa venue, sa sainteté luy enuoya demander s'il luy plaisoit monter en sa chambre, & il respondit vouloir attendre ladicte sainteté. Nostre S. Pere descendit tost apres, & allerent eux deux ensemble appuyer au bout d'un lit qui estoit dressé en ladicte chambre, & là declara ledit seigneur Empereur à sa sainteté qu'il luy desiroit parler d'aucunes choses d'importance, en la presence du saint & sacré collegé des Cardinaux. Surquoy ordonnant sa sainteté que tous autres vuidassent la chambre, ledit seigneur le pria tres affectueusement que tous demourassent: & que il vouloit bien parler publiquement. Et alors messieurs les reuerendissimes Cardinaux s'assemblerent à l'entour d'eux, comme en demy cercle, auquel estoient les ambassadeurs de France, & derriere eux, ceux de Venise: apres grand nombre d'autres ambassadeurs & de prelatz, Ducs, Comtes, Barons, & autres personnes notables.

Adonques l'Empereur le bonnet au poing commença dire comment il estoit venu pour deux raisons principales,  
la pre-

la premiere baiser les pieds de sa saincteté, luy offrir sa  
 personne & son pouuoir, & le supplier de vouloir conuo-  
 quer le Cōcile vniuersel: en quoy ayāt trouuē sa saincte-  
 té non seulement bien disposée, mais si tresaffectionnée  
 & prompte, il la remercioit grandement du bon com-  
 mencement qu'il y auoit desia donné, & de la delibera-  
 tion qui en auroit esté arrestée au dernier consistoire  
 ou congregation generale: le suppliant vouloit conti-  
 nuer & paracheuer cest Œuvre si necessaire à toute la  
 Chrestienté: offrant tout ce qui seroit en sa puissancē  
 pour les conduire & heureux progres d'iceuluy. La secon-  
 de principale raison de sa venue, estoit pour luy faire en-  
 tendre combien de tout temps il auoit pour le bien de la  
 Chrestienté desiré auoir bonne intelligence & amitié a-  
 uecques le Roy de France: & qu'il n'eut point esté marry  
 que maintenant les choses se fussēt peu drecier entre-eux  
 à quelque meilleure cōclusiō. Mais qu'il auoit trouuē le-  
 dit Roy de France si desraisonnable, qu'il estoit contrainct  
 de toute sa vie & des choses qui ont passé entre-eux  
 deux rendre compte & raison, en presence dudit saint  
 college, des ambassadeurs, des Princes, & potentats;  
 & des autres seigneurs & nobles personnaiges y assistās;  
 afin que l'on sache lequel a plus iuste cause de se douloir  
 de l'autre: priant sa saincteté s'il se trouuoit long en cé  
 recit, le vouloit en excuser, tant pour la diuersité des  
 choses, que pour la debilité de sa memoire, & la nō trop  
 bonne disposition de sa personne. Ceste excuse premi-  
 se, l'entree de sa narration fut du traité de mariage  
 autresfois accordé par les defuncts de bonne memo-  
 ire Empereur Maximilian, & Roy Louis de France;  
 d'entre luy nepueu dudit Maximilian, & Madame Clau-  
 de fille aisnée dudit Roy Louis, laquelle depuis au-  
 roit esté Royne de France. Lequel mariage n'ayant es-  
 té accompli par la coulpe & faulte dudit Roy Louis  
 l'Empereur Maximilian irrité de cest outrage, entre-  
 print la guerre contre ledit Roy Louis, & le chassa de

Substance  
 d'une Ha-  
 rangue pu-  
 blique de  
 l'Empereur  
 au Pape cō-  
 tte le Roy.

Duché de Milan. Quelque temps apres estant luy es-  
 saage de quinze aus, le Roy Francois seroit venu à la  
 couronne de France, auquel il desira grandement a-  
 uoir alliance & amitié, & nonobstant qu'il fust encores  
 en si bas aage, si auoit-il deslors bonne cognoissance de  
 la prochaineté du lignage qui estoit entre eux, par le  
 moyen de madame Marie de Bourgongne son ayeule:  
 & qu'à ceste cause il auroit enuoyé deuers ledit Roy de  
 France grosse & notable ambassade (en laquelle estoit  
 le Comte de Nansau son cousin) renoueller & restrain-  
 dre ses alliances avec ledit Roy de France, & fut trait-  
 té du mariage de luy & de la belle sœur dudit Roy. Que  
 peu apres seroit suruenue l'entreprise de Milan par  
 le Roy, lequel auroit obtenu victoire: dont luy auroit  
 esté aussi aise que de chose qui luy eust peu aduenir, &  
 auroit laissé d'obeir à l'Empereur Maximilian son ayeul,  
 qui luy auoit commandé de l'empescher le plus qu'il  
 pourroit. Que tout ce nonobstant le Roy auroit depuis  
 voulu entrer en nouuelles capitulations avecques luy,  
 en luy voulant bailler Madame Louise sa fille aisnée  
 à femme: & au deffault d'elle, Madame Charlotte sa  
 seconde fille, & le requist alors d'entrer avecques luy  
 en guerre contre le Roy d'Angleterre, pour le recou-  
 uremēt de la ville de Tournay: chose dōt luy le descon-  
 seilla, & tant persista qu'il l'en feist desister à sa reques-  
 te. Que peu apres seroit interuenue la mort du Roy  
 Ferdinand d'Aragon son ayeul maternel: & que luy es-  
 tant à ceste cause besoing de passer en Espagne, forcé  
 luy fut pour fasseur du Roy, & pour n'entrer avec-  
 ques luy en rouverte, traiter avecques luy tout de nou-  
 ueau: à quoy luy ne voulut estre refusant, iusques à cōsen-  
 tir & accorder au Roy cent mille escus de pēsiō par cha-  
 cun an, sur le reuenu de ses Royaumes de Naples & de  
 Sicile. Depuis seroit ensuiuiue la mort de l'Empereur  
 Maximilian, & que vacant l'Empire tous deux au-  
 roient aspiré & cherché de paruenir à ce degré. Sur  
 lequel

lequel propos vſa ledit ſeigneur Empereur d'vne fort  
longue demonſtration des bonnes & raisonnables cau-  
ſes qu'il auoit eues d'y pretendre plus toſt que nul au-  
tre, veu que ſi grand nombre de ſes predeceſſeurs y ſe-  
royent paruenus, & que c'eult eſté à luy faillir grande-  
ment à ſon honneur, au cas qu'il n'eult employé tous  
ſes eſprits à recouurer vne telle dignité, qui eſtoit deſia  
comme hereditaire & acquiſe à ſa maiſon. Que ce non-  
obſtant il n'auroit iamais eu à mal que le Roy de France  
luy fiſt concurrence, lequel auſſi de ſa part auroit par  
pluſieurs fois dit à l'ambassadeur que luy Empereur ce-  
noit en France, que ceſte pourſuite deuoit entre-eux  
eſtre comme de deux amans cherchans tous deux l'a-  
mour d'vne meſme dame : & quand l'un y ſeroit parue-  
nu, que l'autre ne luy en deuroit porter aucun malalent,  
ains qu'ils deuroient (& que telle eſtoit ſa volonté) per-  
ſeuerer neantmoins en leur premier bien-vueillance &  
amitié. Mais que nonobſtant ces bons propos le Roy a-  
pres que luy fut déclaré Empereur, ſeroit entré en ia'ou-  
lie de ſa grandeur, & l'auroit faiſt preſſer de renouvel-  
ler leurs alliâces, ſoubs autre forme & conditions, en le fai-  
ſant obliger à eſpouſer Madame Renée ſa belle ſœur, qui  
à preſent eſt Duchefſe de Ferrare: & ne ſe cōtentât de ce-  
la, l'auroit auſſi faiſt preſſer d'aſſurer leſdittes alliâces par  
oſtages, ce que luy auroit refusé de faire, nō y eſtant ob-  
bligé, & que l'Ambassadeur du Roy de France eſtant lors  
en Allemagne y auroit faiſt de tresmauuiſes praticques,  
ne dit point ledit ſeigneur & ne ſcait paſſi ce fut par le  
commandement du Roy ſon maitre. Bien dit que ledit  
ambassadeur ſe ſeroit eſlargy iuſques à dire à luy Empe-  
reur deſſuſdit, que ſil ne cōfermoit & aſſeuroit icelles al-  
liâces en la maniere que le Roy ſon maitre le demâdoit,  
il ne pourroit penſer qu'il les vouluſt entretenir, com-  
ment que ce fuſt, deſlors ( dit ledit ſeigneur ) commen-  
ta le Roy de France à faire demōſtration de ſa mauuiſe



volôté contre luy, & à pretendre aux choses de Naples: mais quoy ne comment, ne dist plus outre. Puis adiousta que le Roy auroit d'une part suscité messire Robert de la Marche à faire la guerre audit seigneur, à cause de quelque sienne querelle, trouuant ledit messire Robert de la Marche homme propre & tel instrument qu'il le demandoit pour exécuter ses mauuaises intentions: ainsi qu'estoit le Duc de Gueldres en cas pareil, & que sont les deux personages dont ledit Roy de France & ses predecesseurs auroient accoustumé de fayder à faire ennuy à luy Empereur & aux siens predecesseurs. De l'autre part & en vn mesme temps auroit ledit Roy de France suscité le sire d'Albret à poursuivre le recouurement du Royaume de Nauarre, pretendunt luy estre loisible d'ayder audit d'Albret, en tant qu'il estoit dit par ledit traité d'entre-eux Empereur & Roy, que luy Empereur en cheuiroit auecques ledit d'Albret: ce que iamais il n'auroit refusé de faire, ains auroit offert de bailler recompense audit d'Albret, d'autant que vault ledit royaume de Nauarre, & que de ceste sorte se seroit allumée la guerre entre-eux deux. Qui fut au mesme temps que l'heresie Luterienne commença de pulluler en Allemagne, & qu'en Espagne en son absence se loubseuerent les payfans à l'encontre de luy, & laquelle guerre auroit entre eux duré iusques à la bataille de Paue, en laquelle ledit Roy de France fut fait son prisonnier: & depuis fut par luy deliurée auecques certaines conditions apposees & contenues au traité de sa deliurance, passe à Madril entre les deputez d'iceux seigneurs Empereur & Roy. Lequel traité non seulement les deputez du Roy auroient promis de faire garder & obseruer inuolablement: mais le Roy mesme, en passant auecques luy deuant vn crucifix que sur le chemin ils rencontrerent, le luy auroit ainsi promis & iuré, qui fut la cause que luy entra en quelque esperance qu'ainsi seroit: combien qu'il eust bien au parauant esté aduerty que ledit Roy de France auoit dit à quelque personnage que iamais il n'en tiédroit riens, côme à la vente il n'auroit fait: sinō autant qu'il en auoit accom

ply prealablement auant sa deliurance, s'excusant qu'il n'e-  
itoit en sa puissance d'accomplir les dessusdites condi-  
tions: & que quand il auroit esté recherché, au cas qu'il ne  
fust en sa puissance de les accomplir, que doncques il sen re-  
touraast en Espagne prisonnier, ainsi qu'il estoit au-pa-  
uant: il auroit respondu n'auoir promis ne donné sa foy de  
ce faire. Et qu'alors fut par ledit Roy traitté la ligue qui se  
nomma sainte: de par laquelle auroit luy Empereur esté ad-  
monné de rendre & deliurer au Roy ses enfans, ainsi que  
fil les y eust euz par mauvais art & enchantement, & non  
bailliez ostages pour la seureté & obseruation du traitté: à  
fauite de laquelle deliurâce, & pour ce que luy n'auoit obey  
à la sommation de ceste sainte ligue, seroit ensuiuite la  
guerre: pendant laquelle ainsi que ledit Roy auant sa pri-  
son auroit enuoyé le Duc d'Albanie avecques armée au  
Royaume de Naples, ainsi enuoya le seigneur de Lautrec  
à la mesme entreprise, en laquelle il mourut. Depuis au-  
roit enuoyé le Comte de saint Pol à l'entreprinse de Lom-  
bardie, lequel y auroit esté pris enuiron le temps que luy  
Empereur passa d'Espagne en Italie: & que ledit Roy de  
France qui tousiours auroit voulu laisser passer qlque chose  
te auât que prester l'oreille eux propos de paix, alors se laissa  
conduire à en ouir parler: & fut fait ledit traitté de Cam-  
bray, que ledit Roy n'auoit depuis gueres bien obserué.  
Mesmemét qu'estans pen apres venus nouuelles des prepa-  
ratifs que faisoit le Turc, & de son entreprise de descendre  
encores en Germanie, & luy Empereur se preparant à y  
resister: ledit Roy de France auroit tenu plusieurs propos à  
son desauantage, sous vmbre qu'il n'y auoit esté appelé,  
disant meriter bien que ledit seigneur Empereur tint com-  
pte deluy, & qu'il ne faisoit ceste entreprise seul, sinon  
pour desdaigner les autres Princes Chrestiens, & par am-  
bition & affection qu'il auoit de paruenir à la monar-  
chie, dont luy Empereur se vouloit bien iustifier en la pre-  
sence d'iceux assistans. Et propola que quand à l'ayde ou  
secours du Roy de France, il n'en auoit voulu user, obstât

qu'au seigneur de Balancon qu'il auoit enuoyé vers ledit Roy, il auoit faict responce que pour le secourir il viendroit en Italie avecques cinquante mille hommes de pied accompagnez de trois ou quatre mille cheuaux ce que luy auoit iugé n'estre à propos, ne pour le particulier interest de sa majesté, pour le bien & repos de l'Italie. Et quant à la monarchie, que fil y eust aspiré, iamaïs n'en eust esté contredit par ledit Roy de France, ains luy auoit ledit Roy offert son ayde à luy faire paruenir enuers & contre tous, moyennant qu'on luy eust voulu accorder seulement le Duché de Milan. Dit d'auantage que depuis son retour de Germanie ayant sa majesté faict vne ligue à Boulongne pour la deffension d'Italie, ledit Roy sen seroit plainct, & ces sans aucune occasion qu'il eust de iustement sen plaindre: car icelle ligue n'auoit esté faicte qu'à bõne fin & avecques Princes Chrestiens: disant ces mots avecques vne contenance, par laquelle & autres propos qu'il auoit souuent tenus, il vouloit donner à entendre que le Roy en eust faict vne avecques Princes non Chrestiens. Apres allegua comment le Roy se seroit plainct de la mort de Merueilles, que le Duc de Milan auoit faict executer, & en laquelle mort iceluy Duc auoit eu tresbonne & tresiuste occasion, pour les meschantes praticques dont estoit ledit Merueilles autheur & entreteneur. Lesquelles plainctes disoit ledit seigneur estre procedées de la seule enuie qu'auoit ledit Roy de France, de trouuer occasion ou couleur de rompre les traittez dernièrement faicts entre eux, desquels lon pouuoit iuger comment ils auroient esté obseruez & accõplis de bonne foy par ledit Roy: lequel ayant promis entre autres choses de ne faire aucunes praticques en Allemagne, y en auoit faict infinies: & entre les autres suscitè le Lausgraue de Helle à faire Pentreprise de Wirtemberg: chose que ledit Roy ne pourroit nier, attendu qu'icelle entreprise auroit esté faicte de ses deniers, & qu'en Italie aussi peu

é seroit-il abstenu de faire menée & pratiques au pre-  
 jndice des traittez, & mesmement depuis peu de iours en-  
 sa par le seigneur de Tinteuille, & au parauant alors  
 que luy Empereur se preparoit pour aller en Afrique. Du-  
 rant lequel preparatif ledit Roy pour le mettre en ialousie  
 & le tenir en crainte, auroit aussi faict de son costé  
 gros appareil de guerre: cōbien que depuis il sen seroit  
 desisté facilement, non en faueur de luy, mais estimant  
 qu'il seroit plus à son propos de le laisser aller au hazard  
 de ceste entreprise, & y despendre ses deniers, afin que  
 si pis ne luy aduenoit, à tout le moins il en eust faulte  
 par apres. Dit d'auantage en se plaignant comment le  
 dit Roy de France luy auoit contre ledit traité retenu  
 long temps aucuns ses subiects en ses galleres par force,  
 & ce sous vmbre seulement que luy n'en pouuoit ren-  
 dre autres du Roy qui se perdirent avecques Portunde-  
 sur ses galleres: lesquels subiects du Roy il auroit depuis  
 rendus incontinent qu'il les auroit peu auoir en sa puis-  
 sance, c'est à scauoir apres la victoire de Thunis: de la-  
 quelle seroit au moins redondé ce bien particulier audit  
 Roy de France. Bien disoit il estre vray, & ne vouloit de-  
 sauouer que ledit seigneur Roy ne luy eust aussi rendu  
 les siens apres auoir eu les prisonniers de Thunis: mais  
 que cherchant tousiours nouvelle occasiō de se douloir,  
 luy auroit apres faict faire instâce par le seigneur de Vel-  
 lyon ambassadeur de luy rendre certains autres prison-  
 niers que tenoient les seigneurs André & Antoine Do-  
 rie en leurs galleres: lesquels tourefois estoient prison-  
 niers pour autre occasion que pour la guerre, & pour la  
 deliurance desquels y auoit de grandes disputatiōs à de-  
 messer. Item que depuis la mort du Duc Francisque Sfor-  
 ce le Roy luy auroit faict demander le Duché de Mi-  
 lan, ou pour luy, ou pour l'un de ses enfans: à quoy il au-  
 roit faict telle responce, que tous ceux qui l'entendront  
 tesmoigneront par icelle combien il est affectionné-  
 ment desireux de la paix: car nonobstant que le Roy de France



y eust renoncé, & que luy eust grande occasion & iuste tiltre de le retenir à soy, il ne luy auoit toutesfois voulu refuser. Bien auoit il auant la main voulu scauoir l'intention du Roy, sur ce qui appartient au general de la Chrestienté, comme du Concile & de la reduction des Luteriens: aussi d'establiſſir vne bonne & ſeure paix en Italie: & de quelles forces ledit Roy de France luy vouldroit ayder à l'encontre du Turc: & que ſoubs ces conditions il luy auoit acordé donner ledit Duché de Milan au Duc d'Angoulême. Chose de laquelle il pensoit que ledit Roy se deuoit raisonnablement contenter, par-ce que la Royne de France sa ſœur luy en auoit eſcrit au parauant, en luy donnant à entendre par ſes lettres que ledit Roy deſiroit grandement auoir avecques luy bonne intelligence & ſeure amitié: laquelle amitié ſe pouuoit aſſeurer en baillant à l'un de ſes enfans iceluy Duché: biē aduoua il eſtre vray que par ſes dites lettres elle donnoit à cognoiſtre que le Roy aymeroit mieux ledit Duché pour le Duc d'Orléans: toutesſois que non pourtant il ſe contenteroit de l'auoir pour l'un ſil ne le pouuoit obtenir pour l'autre. Et que luy à ceſte cauſe, encores que il eust peu d'occasion de faire plaisir au Roy de France: attendu qu'en faiſant porter parole de paix à ſa maiesté, venue ſeulement pour viſiter ſes Royaumes de Naples & de Sicile, faiſoit ſi grands preparatifs de guerre, voire auoit aſſailly deſia le Duc de Sauoye, ſans auoir aucun eſgard, & qu'il eſtoit ſon oncle, & que par les capitulations il ne pouuoit riens pretendre en Italie, ne faire entrepriſe contre les allies de ſon Imperiale maiesté. Toutesſois afin de monſtrer ſa bonne intention, & cōbien il deſiroit la paix de la Chrestienté, auſſi pour eſtre par cy apres excuſé deuant Dieu & deuant les hommes, il offrit de nouueau trois partis au Roy en la preſence de ſa ſaincteté, du S. college, & de tous les autres aſſiſtans. Dōc le premier fut de bailler le Duché de Milan à l'un des enfans du Roy, moyennant que par là il ſe trou-

past moyen d'asseurer vne bonne & durable paix, sans la-  
 quelle voye il ne le voudroit aucunemēt faire : & neant-  
 moins ne voit point, tandis que le Roy persisteroit (ainsi  
 qu'il en monstroir auoir la volōtē) à demander ce Duché  
 pour le Duc d'Orleans son fils, & non pour l'autre, que la  
 dessusdite voye se puisse trouuer : à cause que l'experien-  
 ce des choses passées donnoit assez à cognoistre, que le  
 Roy ne demandoit ce Duché pour s'arrester à tant, mais  
 pour luy seruir de degré à passer plus outre. D'autant que  
 ledit Duc d'Orleans pourroit pretendre aux estats de  
 Florence & Vrbin, comme mary de la niepce des Papes  
 Leon & Clement : & que si bien on luy mettoit en auāt  
 que ledit Duc d'Orleans renonceroit à ses querelles, ainsi  
 qu'offroit le Roy de France : luy Empereur ne voit  
 point que lesdites renonciations fussent plus fortes que  
 celle qu'auoir fait le Roy du Duché de Bourgogne. Et  
 qu'à ceste raison ce qu'il feroit pour le Duc d'Angoulē-  
 me avec autant de seurētē (monstrant son doigt) il ne le  
 feroit pour le Duc d'Orleans avecques tant, & monstroir  
 alors son bras : pour autant que faisant nouueau traitté  
 de paix avecques le Roy, il vouloit que ce fust vraye  
 paix, & non moyen de nouuelle guerre. Aussi vouloit  
 que le Roy en ce faisant declarast en quoy, & avec quel-  
 les forces il luy assisteroit à la celebration du Concile  
 & à toutes choses qui tendroient à la reformation de la  
 republique Chrestienne, à l'extirpation des heresies, & à  
 l'entreprīse contre les infidelles. Lesquelles choses ne se  
 pouuans accorder sans prealablement oster toutes offen-  
 ses, il demandoit que le Roy auant tout œuure, & que  
 proceder aux articles de paix, reuocast & retirast son ar-  
 mée de Piemont : car sans cela il ne vouloit entendre à la  
 paix, & moins pouuoit s'esperer. L'autre party qu'il of-  
 froit au cas que le Roy ne voulust entendre au premier,  
 dont il luy donnoit terme de vingt iours à respondre, nō  
 pour vser de brauerie, mais pource qu'il pensoit bien  
 qu'environ ce temps là leurs deux armées seroient si pres

l'une de l'autre, qu'à peine s'en departiroient elles sans  
 meslée. En ce cas & pour euitier plus grande effusion de  
 sang, dont tant & trop festoit espandu à cause d'eux, aus-  
 si qu'il estoit raisonnable que ceux se misent au danger  
 pour lesquels estoit excitée ceste tempeste, ils vuidassent  
 entre-eux deux leurs differends, de personne à personne,  
 & que c'estoit ce qui auoit autrefois esté fait, comme  
 par Dauid & autres: car encores qu'il fussent Roys, ils n'e-  
 stoient toutesfois autres qu'hommes, combien qu'ils  
 fussent vn peu plus polis & mieux equippez que les au-  
 tres. Dist au surplus en ceste matiere, que pour autant  
 qu'il sembleroit à plusieurs estre chose fort difficile de  
 mettre ceste theoricque en praticque, pour l'infinité des  
 difficultez qui peuent sourdre à trouuer lieu conuen-  
 able & commun pour le combat: qu'à luy ne sembloit  
 point estre plus difficile de trouuer lieu propre à ceste af-  
 faire, que d'en trouuer vn à conuenir & traiter de paix  
 entre eux: & quand ores il seroit plus difficile, si estoit ce  
 qu'il sy pouuoit trouuer moyen, comme de combattre  
 en vne ile, ou sur vn pont ou batteau en quelque riuie-  
 re. Et quant aux armes, eux deux se pourroient aillement  
 accorder à les prendre quelles fussent esgalles, & que luy  
 de sa part les trouueroit toutes bonnes: fust-ce de l'espée  
 ou du poingnard en chemise. Mais que venât à ce poinct  
 il vouloit que celuy qui obtiendrait la victoire fust obli-  
 gé de bailler ses forces à nostre saint Pere: pour luy  
 donner faueur, à l'indiction & celebration du Concile,  
 à la reduction des rebelles & desobeissans de l'Eglise, à  
 l'obeissance d'icelle, & à la resistance du Turc ennemy  
 de nostre foy: aussi que vaincu à faire & accomplir ce  
 que dessus, assistast de toutes les siennes forces au vain-  
 queur. A quoy ledit seigneur Empereur dès lors comme  
 pour le cas aduenant s'obligea enuers nostre-dit saint Pe-  
 re & le saint siege apoitolique: requerant d'auantage sa  
 maiesté que le cas aduenant de ce combat, le Roy mist  
 en deposit le Duché de Bourgongne, & luy le Duché de  
 Milan.

Milan, pour estre les deux deliurez au vainqueur : & que de tous lesdits poincts accōplir ils baillassent & l'un & l'autre bons & seurs ostages. Le troisieme party fut la guerre à laquelle protesta ledit seigneur Empereur de iamais ne venir sans contraincte: disant qu'il scauoit bien si on venoit à cela qu'elle seroit si cruelle que le vainqueur y auroit peu de prouffit: mais que la victoire appareilleroit au commun ennemy de nostre foy le pas & l'en-trée pour nous venir courir sus, en esperance qu'il trou-ueroit au moyen du dommage ( qui d'une part & d'autre aduiendroit, à l'occasion de ceste guerre ) trop moins de resistance à l'encontre de ses forces qu'il ne seroit requis au bien commun de la Chrestienté. Qui estoit la seule cause que sa majesté moult enuis descendoit à ce party : mais que force luy estoit de ce faire, & que pour son honneur il n'y pouuoit plus reculer : attendu la pro-uocation que luy en auoit faicte le Roy de France si à grand tort & iniustement, & ce pendant qu'il luy faisoit tenir propos de paix, sans toutesfois luy auoir iamais en-uoyé homme qui eust charge de commission ne pouuoir de la traiter. Mais puis qu'il se voyoit en ceste sorte con-trainct à prendre les armes maugré luy, qu'il les prédroit de telle heure que chose du monde ne l'en destourneroit iusques à ce que l'un ou l'autre des deux en demourast le plus pauvre gentilhomme de son païs. Lequel malheur il esperoit & se tenoit seur & certain qu'il tomberoit sur le Roy : & qu'à luy Dieu seroit aydant, ainsi qu'il auoit esté par le passé. Adioustant ledit seigneur Empereur à ce propos que pour trois bonnes & iustes cause auoit il ceste esperance voire assurance de la victoire, l'une que le droict estoit de son costé : car il n'estoit agresseur ne prouocateur en ceste guerre : l'autre que le Roy la luy auoit commencée au temps plus oportun & plus à propos, & plus à l'auantage de luy Empereur, qu'il eust esté possible de imaginer: la tierce qu'il trouuoit ses sub-jects, capitaines & soldats si bien disposez en si bonne



amour, affection, & volōté vers luy, & si biē experimentez en Part militaire, qu'il se pouuoit entierement reposer du tout sur eux. Chose qu'il scauoit certainement estre du tout au contraire enuers le Roy de France: duquel les subiects capitaines & soldats estoient tels & de telle sorte, que si les siens de luy estoient semblables, il se vouldroit lier les mains, mettre la corde au col, & aller vers le Roy de France en cest estat luy demander misericorde. Sur ce protestāt au lieu de cōclusion que ce qu'il auoit mis en auant de la paix, n'estoit point pour crainte ou peur qu'il eust du roy: car ce ne fut iamais la coustume de s'abaisser à demander paix en la perte, mais seulement quand il estoit vainqueur, & pour obuier aux desusdits inconueniens qui aduiendroient indubitablement de ceste guerre. Et à tāt il discourut & deduisit par infinité de paroles les maux qui estoient à venir de la guerre, outre l'occision & mortalité du peuple Chrestien: comme la ruine des villes & pays, suscitatio de sectes & heresies, esmotion de peuple, & rebellion contre les seigneurs, & à eux telle necessité imposē, qu'ils soient contraincts de se rendre subiects aux passions & volonte de leurs propres subiects, voire des plus vils & plus melchans: là où de paix viennent & procedent tous biens au contraire. Parquoy derechef il protesta que si l'on trouuoit quelque bon moyen de paix, il ne seroit pour la refuser: & que nul sien particulier bien ou interest l'en detourneroit, moyennant toutesfoi que le Roy prealablement & auant qu'en parler plus outre retirast sadicte armée qu'il auoit au Piemont. Et à tant disant à haulte voix qu'il conseilloit, qu'il desiroit, qu'il demandoit la paix, fina la parole baissant la teste pour lire en vn petit breuet qu'il auoit enuironné à l'entour de son doigt.

Ce que respondit le Pape aux protestations de l'Empereur.

Nostre saint Pere en reprenant ses propos auoit commencé à louer les bonnes paroles & offires dudit seigneur Empereur, alors que sa maiesté apres auoir ietté les yeux sur son breuet, luy dist en l'interrompant, lauoye (tres-saint Pere) oublie à vous prier en ma cōclusion, d'accepter & receuoir mes iustificacions: & de vouloir prendre la peine de bien

de bien peser les choses, & entendre lequel a tort ou du Roy, ou de moy: vous assurant que là où vous trouuerez que le tort soit de mon costé, ie suis content que vous fauorisez & secouriez le Roy à l'encôtre de moy: aussi là où vous trouuerez au contraire, que ie me mette à la raison, & que le Roy n'en tienne compte, en ce cas ie prie & inuoque Dieu, vostre sainteté, ce saint college, & tout le monde à l'encontre de luy. Ceste protestation ainsi finée, nostre saint Pere continuant sa parole leua les bons propos & bonnes offres dudit seigneur Empereur, en ce qu'elles tendoient au bien de la paix, à laquelle il esperoit que le Roy ne seroit moins enclin de son costé, veu qu'ils en auoit desia déclaré sa bonne intention. Parquoy ledit S. Pere esperoit qu'ils ne viendroient n'à la guerre, n'au combat: & qu'ad il faudroit venir à l'un ou à l'autre (que Dieu voulust) sa sainteté toutesfois estoit d'aduis, qu'estans iceux deux Princes tels membres & principaux appuis de la republicque Chrestienne, il ne pourroit à icelle republicque venir si grand dommage de la guerre, quelque grande & cruelle qu'elle fust, que du combat de personne à personne entre-eux, fil aduenoit (comme il estoit à craindre) que l'un ou par auanture tous deux y mourussent. Parquoy il cōseilloit qu'en delaisant les autres deux partis, on s'attachast à l'un, qui estoit de paix & d'amitié entre leurs maiestez: pour à laquelle paruenir il estoit delibéré s'employer en tout ce qu'il pourroit enuers l'un & l'autre, & qu'à ceste intention il festoit resolu par la deliberation & aduis de ses freres les Cardinaux du saint Siege, demourer neutral entre eux deux, & pere commun: afin de pouoir plus egallement & sans estre suspect de l'un ou de l'autre, conduire les choses à ceste fin, enquoy il auoit esperance de les trouuer (ainsi qu'il desiroit) tous deux raisonnables. Bien protesta qu'il ne pourroit autrement faire là où l'un ou l'autre seroit pertinax & desraisonnable, que d'inter enuers luy de la puissance & autorité de l'Eglise, de ceste responce monstra l'Empereur estre moult satisfait & content, & voulut en remerciant baiser la main de sa sainteté. Ce fait

l'Euesque de Mascon sauauca, & dist audit seigneur Em-  
 pereur qui auoit faicte sa proposition ou protestation en  
 langue Espagnolle, que pour n'entendre ladicte langue,  
 il n'auoit pas bien compris le tout: parquoy il respōdroit  
 seulement à l'article cōcernant la paix, à laquelle il asseu-  
 roit bien que le Roy son maistre ne se trouueroit dur ne  
 desraisonnable: remettant au surplus la responce au sei-  
 gneur de Velly son cōpagnon, qui pour auoir long tēps  
 esté ambassadeur aupres de sa majesté, le pouuoit mieux  
 auoir entendu que luy. Ledit de Velly s'approchant pour  
 respondre, & demandant estre ouy sur-ce, ledit seigneur  
 Empereur reprit la parole, disant que touchant la paix  
 on luy en auoit tenu propos assez souuent, & que luy  
 maintenant demādoit des effects, & non des paroles, ad-  
 ioustant que tout ce qu'il auoit dit, il le bailleroit par es-  
 crit, mais que pour l'heure il n'auoir point d'autre au-  
 dience. Et à tant se leuerent & separerent lesdits saint  
 Pere & Empereur: les ambassadeurs de France aussi se re-  
 tirerent à part: en attendant que ledit saint Pere fust re-  
 uestu de ses habits pontificaux: & reuestu qu'il fūt, l'E-  
 uesque de Mascon se tira pres de luy, en le priant vouloit  
 tenir la main à ce que ledit seigneur Empereur luy bail-  
 last sa dessusdicte propositiō par escrit, le seigneur de Vel-  
 ly aussi en fist instance à sa majesté, qui luy promist de ce  
 faire. Apres luy remonstra ledit de Velly, voyant l'opor-  
 tunité qu'il auoit de luy dire en absence de nostre saint  
 Pere que la faulte n'estoit point au Roy son maistre, fil  
 n'auoit là enuoyé homme avecques pouuoir de traiter  
 la paix: car sa majesté n'auoit iamais declaré qu'il la vou-  
 lust traiter à Romme, ains auoit tousiours dit qu'il ne  
 vouloit point que nostre S. Pere entendist en quels ter-  
 mes estoient les praticques iusques à ce qu'elles fussent  
 conclues. A quoy ledit seigneur Empereur respondit,  
 Vous scauez bien (dit-il) long temps a que ie venoye i-  
 cy, & ie le vous auoye dit pour l'escire au Roy vostre  
 maistre: & ce disant il se vint rassembler avecques nostre  
 saint

S. Pere, & allerent ensemble à la messe. Au sortir de là, nosdits ambassadeurs trouuerent les seigneurs de Granuelle & cōmandeur de Cannes, lesquels par contenance monstrentent d'estre fort desplaisans de cest à faire, disans qu'ils ne farrendoient que ledit seigneur Empereur fust venu pour faire vn tel sermon, mais qu'il n'en falloit prendre que la premiere partie. Lesdits ambassadeurs respondirēt que le Roy leur maistre estoit pour satisfaire de response, & à l'vne, & à l'autre partie: & à tant se departirēt les vns des autres assez gracieusement.

Sur le soir enuoya nostre saint Pere vers l'Euesque de Mascon, à ce qu'il vint parler à sa sainteté deuant qu'escire au Roy son maistre, ce qu'il fist: & au lendemain à l'issue du dîner de sa sainteté, se trouuerent ledit Euesque de Mascon & le seigneur de Velly, ausquels ledit saint Pere avec visage correspondant à ses propos, assura qu'il estoit fort malcontent de ce qui estoit aduenu, & que iamais n'en auoit entendu aucune chose au parauant, affermant bien que si l'Empereur s'en fust descouuert à luy, iamais il ne leust supporté ne souffert. Toutefois pour ce que les choses passées se pouuoient mieux blâmer que corriger, il les prioit bien instamment de vouloir faire bon office au bien de la paix, & d'escire au Roy ceste nouuelle au plus dextrement qu'il leut seroit possible, raissant ce qu'ils pouuoient taire, sans faire faulte enuers luy, & qui seroit pour plus paigrir. Lesdits ambassadeurs luy remonstrentent qu'ayans esté la déclaration faicte par l'Empereur, ainsi publicquement, & en si grande compagnie, il estoit impossible de la desguiser audit seigneur, ce nonobstant ils vseroient en l'aduertissant de la plus grande douceur qu'ils scauroient aduiser. Bien craignoiēt ils qu'il en fust d'ailleurs aduertty, par aduventure autrement qu'eux ne l'en aduertiroient, car ils entēdoiēt de maintes personnes que les chose auoyēt esté diuersement prises, & tresmal interpretées, dont il ne pouuoit estre que ledit seigneur Roy n'en fust aduertty

Suite des  
protesta-  
tiōs du Pa-  
pe & de  
l'Empereur  
vers le Roy  
& replique  
de ses am-  
bassadeurs.



par plusieurs voyes & moyens. Ledit saint Pere à ce propos ayant l'occasion opportune, s'excusa vers eux de la réponse qu'il auoit faicte à l'Empereur, disant l'auoir faicte à l'improuiste comme homme surpris, & que iamais n'eust pensé qu'il eust deu tenir les propos qu'il auoit tenuz : & qu'il auoit entendu que ladicte respõse auoit aussi este finistrement interpretée: car son intention n'estoit, & iamais n'auoit esté se departir de neutralité, laquelle il vouloit obseruer inuolablement, & en tous cas. Et ce qu'il auoit dit d'vser de la puissance de l'Eglise contre celuy qui refuseroit la raison, il ne l'entendoit sinon par exhortation & admonnement, ainsi que sa qualité le requeroit, dont ledits ambassadeurs le remercièrent, & au demourant le prièrent croire que leur maistre ne seroit celuy qui refuseroit ladicte raison, apres luy declarerent combien ils desiroient de mieux entendre dudit seigneur Empereur en presence de sa sainteté aucuns articles de sa dessuidite protestation, pour selon iceux les deduire au Roy leur maistre en la plus grande douceur qu'il leur seroit possible.

L'Empereur alors estoit prest à partir, & sur ces propos suruint pour prendre congé de nostre saint Pere: parquoy ledits ambassadeurs se tirerent vn peu en arriere, en attendant qu'on les appellast, si comme on feit quelque espace de temps apres, mais auant la main furent par nostre S. Pere aduertis & priez de ne poit ennuyer l'Empereur en propos, par ce iour là il auoit a faire grãd chemin. L'entrée de leur deuis fut sur ce quel'Empereur auoit le iour precedent parlé du combat, au cas que la paix ne se puiße conclurre: mais qu'il n'auoit point déclaré qu'il eust aucune cause ou querelle, sur laquelle il pretendist fonder le combat: sinon qu'il sembloit que pour euitier la guerre qui pourroit aduenir, a cause de leurs differends, il offroit de les vuidier de personne a personne. Desquels propos ils desiroient estre esclarcis, assauoir, si ledit seigneur entendoit par iceux auoir appellé le Roy au combat: auquel cas ils pouuoient bien respondre de l'intention du Roy leurdit maistre, qu'il ne se-

rois

soit pour le refuser, & que bien pouuoit souuenir  
audir seigneur Empereur qu'autresfois auoit esté que-  
stion de telle matiere : mais qu'à present il n'en es-  
toit point qu'ils sceussent : ne mesmement que le Roy  
leur dit maistre voulust, ou quoy que ce soit eust faict au-  
cune demonstration de vouloir auoir le Duché de Milan  
par force, attendus les propos que le seigneur de Velly  
l'un d'iceux ambassadeurs en auoit tenuz, & les offres  
que luy de Velly en auoit de la part du Roy faictes à l'Em-  
pereur. Ausquelles offres il auoit esté par sa majesté re-  
pondu, en sorte que ledit seigneur Roy leur maistre sen  
estoit contenté, qui pouuoit assez estre suffisant testmoi-  
gnage de sa volonté, ioinct que monseigneur l'Amiral de  
France à son parterment, qu'il commença faire marcher  
son câp en Piemont, auoit eu (côme souuent il a esté dit)  
expres commandement de ne toucher en aucune chose  
qui fust es mains & puissance de sa majesté Imperiale,  
comme de vray il n'auoit faict, & aussi peu estoit pour  
faire à l'aduenir. Et quant aux choses traittées entre leurs  
deux majestez, elles estoient par escrit, & facilement  
pouuoit ledit S. Pere iuger de ce q̄ depuis estoit aduenu  
d'une part & d'autre, en quoy ils ne vouloient lors entrer  
plus auant : mais entendre seulement si ledit seigneur  
Empereur auoit intention d'imputer au Roy qu'il eust  
faillly de sa parole, ou faict chose dont on le puisse char-  
ger de son honneur, & si par ses paroles il l'eutendoit a-  
uoir deslié. Ce pendant qu'ils parlerent, estoient main-  
tes personnes en la salle du Pape. & toutes fois ils furent  
ouis à part & sans y appeller les assistans, iusques à ce  
que l'Empereur y voulust respondre. Et alors il leur dist,  
que pour auoir le iour precedant parlé en plaine & pu-  
blique audience, il vouloit bien pareillement leur re-  
spondre en la presence de tous les assistans : & mesme-  
ment pour ce qu'il estoit aduertty que lon auoit mal en-  
tendu & mal interpreté les choses par luy dites, & pour-  
ce il fist approcher iceux assistans, & puis comença dire en

Explicatio  
par l'Empe-  
reur mes-  
mes despa-  
roles de la  
precedente  
protestatio.

langage Italien, comment il auoit esté requis par les ambassadeurs de France, de mieux & plus ouuertement se declarer es choses qu'il auoit hier dites, à cause qu'il entendoit que maintes personnes les auoient mal interpretées: parquoy il vouloit bien satisfaire à cela, & declarer plus entendiblement les quatre poincts qu'il entendoit auoir touchez ledit iour precedant. Qu'en premier lieu il auoit vn peu proluxement compté les choses qui estoient par cy deuant passées entre luy & le Roy, en quoy faisant il n'entendoit ne pensoit point auoir aucunement taxé ne blasmé ledit seigneur Roy: mais seulement de s'excuser & deschaiger. Et qu'il seroit tres-marry que lon tournast ses paroles en autres sens qu'il ne les auoit dites: car quant au Roy, il l'estimoit tant, qu'il n'auoit aucune cause de mal dire de luy. Bien estoit il mal cōtent d'aucunes choses dites & faictes par luy, desquelles dire & faire il eust peu bonnement se passer, attendue l'estroite alliance qui estoit entre-eux deux, & les bons tours qu'il auoit faictz, & encores estoit prest de faire au dit seigneur Roy. mais quelque chose que luy eust ditte, ce n'auoit point esté en intention d'aigrir les choses, de ne rōpre avecques le Roy, aincois qu'il desiroit (si cōme il auoit tousiours desiré) s'accorder avecques luy, & paruenir à vne bonne paix, qui estoit le second poinct par luy touché. Laquelle paix il desiroit, comme la chose qui plus luy estoit necessaire & plus à son prouffit que nulle autre: car il cognoissoit bien qu'ayant paix, il euitoit vn grand inconuenient vniuersel, & en particulier asséuroit son aise, son estat, & son honneur. Que bien estoit vray qu'à ce faire ne vouloit il point estre contrainct ne conduit par force, & que si vne fois il tornoit la teste vers le Roy, ainsi qu'il auoit deliberé, il n'y auroit chose, quelle qu'elle fust, qui puis apres le destournast de ce qu'il auroit commencé: quand ores le Turc entreroit & descendroit avecques toute sa puissance en ses païs & terres qu'il laissoit derriere luy: pource qu'il cognoissoit qu'en  
voulant

voulant entendre à l'un & à l'autre, il ne pourroit reme-  
 dier à tous deux Et à ceste cause il auoit delibéré de plu-  
 tost entendre au Roy, & que pour ce faire il assemble &  
 assembloit iourin lement toute la plus gran te puissance  
 que possible luy estoit d'assembler, pour vne fois pour  
 toutes y mettre fin, si aduenoit qu'il luy conuient venir  
 à la guerre: mais qu'il feroit ainsi que desia il auoit dit  
 tout ce qu'il luy seroit possible de faire pour n'y point ve-  
 nir: & que par les effects on verroit que nulle pro-  
 priété ne prouffit particulier l'en destourneroit. Au cas  
 aussi qu'eux deux ne pussent tomber en accord ense-  
 mble, bien luy sembloit en troisieme lieu plus conuen-  
 able & à moindre inconuenient, qu'ils vuidassent entre-  
 eux deux ces differends, à leur seul & propre danger, que  
 d'exposer tât de gés à la mort qui n'en peuuent mais: ce  
 qu'il vouloit auoir dit par aduis & opinion seulemēt, &  
 non que par cela il eust voulu defaict le Roy, mesme-  
 ment en la presence de nostre S. Pere, sans le congé du-  
 quel il ne voudroit entrer en tel affaire. Dauantage, que  
 il scauoit bien que le Roy estoit Princee grād, & de cœur,  
 & de stature, & qui maintes fois auoit monstté son hault  
 vouloir & magnanimité: parquoy ce n'estoit chose que  
 luy y voulsist legerement entreprendre, que de venir au cō-  
 bat avecques luy: ioinct qu'il ne scauoit point en auoir  
 cause ne matiere, si n'estoit pour obuier à vn plus grand  
 mal, quād on le verroit aduenir, & pour euitier plus grād  
 inconuenient: comme d'une guerre en Chrestienté, de  
 laquelle apparemment s'ensuiuroit la totale ruine, à tout  
 le moins grande inclination & diminution d'icelle. Et à  
 ce propos rentra sur le mesme discours que le iour prece-  
 dant il auoit fait, de tous les maux qui estoient adue-  
 nuz, & qui encores pouuoient aduenir de la dissension &  
 guerre d'entre-eux: aussi tous les biens & auantages qui  
 peuuent d'autre part aduenir d'une bonne paix & intel-  
 ligence entre eux: laquelle alors il magnifia par vne co-  
 pieuse multiplication de paroles, en deduisant com-



bien il desiroit que le moyen sen puisse trouver, & qu'en  
 faccordant ensemble ils accordassent aussi le differend du  
 Roy & du Duc de Sauoye : & concludant que si eux deux se  
 pouuoient asseurer, & prendre confidence l'un avecques  
 l'autre, ce seroit le plus grand bien & la plus grande felicité  
 qui puisse aduenir à la Chrestienté. Ainsi que par la guerre  
 tout le contraire, comme la porte ouuerte au Turc, & l'en-  
 trée donnée pour nous venir assaillir, la secte Lutherienne  
 & autres heresies, non seulement en liberté de s'entretenir,  
 mais de tousiours multiplier le Concile, & la reduction d'i-  
 ceux heretiques à l'obeissance de l'Eglise empeschez, & des-  
 uoyez, & tous affaires tombez en telle confusion, que les  
 Princes seroyent exposez aux dangers de leurs propres sub-  
 iects, les prelatz sans autorité, le monde sans foy & sans reli-  
 gion, la reuerence de Dieu aneantie, avecques toutes les mal-  
 heureuses & persecutions que lon peut & doit attendre de la  
 fureur & ire diuine. Et que ce sont choses qu'il veoit si appa-  
 rentes & si prochaines aduenir, que lon ne deuoit point es-  
 bahir s'il auoit ainsi parlé : pource que si leurs deux armées  
 s'approchoient (ainsi comme il estoit apparrant) en si grand  
 nombre de combatans qu'il y auroit d'une part & d'autre,  
 & qu'il n'y eust autre chose que la diuersité des langues, &  
 l'occasion du pillage, si n'en pouuoit on attendre moins que  
 ruyne : & que ceste estoit la cause qu'il auroit requis que  
 auant le terme de xx. iours à venir, le Roy fist retirer son ar-  
 mée: ce qui estoit le quatriesme poinct touché par luy: non  
 pas en intention, ne qu'il voulust entreprendre de limiter &  
 prescrire le temps au Roy, mais qu'il scauoit qu'environ  
 ledit temps pourroient estre leurs deux puissances si appro-  
 chées l'une de l'autre, qu'il seroit alors malaisé d'obuier à la  
 ruyne.

replique  
 du Pape à  
 ceste inter-  
 pretatio de  
 l'Empereur.

Nostre saint Pere prenant la parole luy commenca à di-  
 re, que sa part il auoit le iour precedant pris les propos du-  
 dit seigneur Empereur en bonne part: mais que voiremēt y  
 auoit eu maintes personnes qui les auoient autrement prises:  
 au moyen dequoy il estoit grandement aise, que sa maiesté  
 les

les eust plus entendiblement interpretées: pour obuier que aucuns malings n'en escriuissent au Roy, de sorte que les choses s'en aigrissent d'auantage, & fussent pour auancer la ruytture d'entre leurs maiestez: à quoy il esperoit que les ambassadeur de France qui là estoient, dont la sainteté pouuoit asseuer de l'un, & la maiesté de l'autre, pour la cognoissance qu'ils en auoient de longue main, feroient chacun bon office en cest endroit, en donnant cest aduis au Roy leur maistre, avecques toute la douceur à eux possible, afin d'obuier à ladicte ruytture. Lesdits ambassadeurs alors respondirent, que la sainteté pourroit à tout remedier par son autorité, en se monstrant ledit saint Pere comme il estoit pere commun, & demourant esgal à tous deux: ce que la sainteté accepta de faire, adioustant qu'entre les autres graces que leurs maiestez ont de Dieu, ils ont ceste particuliere de grande importance: c'est que par la diuine disposition la Chrestienté leur estoit commise, & que d'autant plus qu'ils acquerroient grande louenge d'en bien user, & aussi d'autant plus de blasme & vitupere s'en suiuroit, s'ils estoient cause de la ruine & distraction de la chose qui leur estoit commise. Parquoy il requeroit ledit seigneur Empereur estre contraint de mettre (ainsi que luy esperoit) à executiō & vray effect les bons propos qu'il luy auoit tenus de la paix, & qu'il auoit aussi esperance que le Roy qui luy en auoit escrit de pareils ne se trouueroit d'un mal traittable en cest affaire. A ce fure se soubmist l'Empereur, & de rechef entra sur le denombrement des biens qui aduiendroient d'une bonne confidence entre eux, & du desir qu'il auoit que le Roy (si cōme il s'en prioit) se voulust fier de luy. Et en ce disant estoient lesdits S. Pere & Empereur leuez pour prendre congé l'un de l'autre, quand le seigneur de Velly, l'un des ambassadeurs de France, s'approcha de l'Empereur, & luy requist que son bon plaisir fust de declarer en la presence de nostre saint Pere & des assistans, si la maiesté luy auoit pas accordé autrefois de bailler le Duché de Milan au Duc d'Orleans: par ce que ledit de Velly l'auoir ainsi escrit au Roy son mai-

stre, & voyant que ce propos ne sehtretenoit pas, craignoit d'en recevoir blâme, & que le Roy sondit maistre s'en estimast menteur & aduanceur de paroles.

L'EMPEREUR à sa contenance monstra qu'il eust bien voulu de se demesler de respondre à ceste requeste, sans en faire autre declaration: toutesfois il aduoia de l'auoir ainsi accordé audit de Velly, non seulement, mais de l'auoir ainsi escrit à son ambassadeur en France, pour le dire audit Roy son frere: mais qu'il n'auoit iamais pensé, & ne pensoit point encores qu'il fust possible d'y trouuer les seuretez suffisantes, ne que le Roy fust pour luy consentir les conditions qu'il luy entendoit demander à toutes fins. Surquoy repliquant ledit de Velly que c'estoit bien le moyen de mettre le Roy en plus grande deffiance, non pour le mettre en confidence avecques sa majesté Imperiale, de luy mettre en auant vne chose qu'en l'y mettant il n'eust intention, ou ne pensast qu'il se trouuast moyen de la mettre en effect. D'auantage que saditte majesté luy auoit rous. Jour dit qu'en baillant ledit Duché de Milan au Duc d'Orleans, il ne demanderoit au Roy conditions quelconques non raisonnables: ains se departiroit en aucunes choses de ses noms, droicts, raisons, & actions. L'Empereur alors s'excusa que le Roy n'auoit pas accepté l'offre en temps deu, aussi qu'il auoit faict passer son armée en Italie, & faict trop de dommage au Duc de Sauoye: lequel il estoit tenu de deffendre, non seulement pour luy estre si estroittement allié cōme il est, mais aussi pour estre son vassal: car tout ainsi que les vassaulx sont tenus mettre & mettre leurs biens & vie pour leur seigneur naturel & droituier, le semblable doit le seigneur faire pour eux. Adioustant sa majesté Imperiale, qu'elle n'auoit iamais accordé bailler ice'uy Duché au Duc d'Orleans sinon moyennāt & sous condition que ses allies & confederez le voulussent, lesquels ne le vouloient en aucune maniere consentir: car ce seroit mettre

vn nouveau feu en Italie, pour les raisons qu'il auoit le  
 iour precedant alleguées: mais que là où le Roy voudroit  
 accepter cest estat pour le Duc d'Angoulême, sa maje-  
 sté estoit encores en dispositiō de le luy bailler, avecques  
 les conditions qui en partie auoient esté mises, & en par-  
 tie se mettroient en auant à la conclusion de traité: mais  
 pour le Duc d'Orleans non. Car outre les obstacles pre-  
 alleguez, il seroit du tout dependant & partisan du Roy:  
 Ja où le Duc d'Angoulême, si ores il dependoit dudic  
 Roy son pere, toutesfois en prenant à femme l'une des  
 nieces de sa majesté Imperiale, la femme en depen-  
 droit & seroit partisanne, de maniere que les choses de-  
 moureroient moyennées. Le seigneur de Velly auoit ia  
 ouuert la bouche pour remonstrier audit seigneur Em-  
 pereur que ce scrupule & doute de partialité n'estoit  
 ne moyen ne signe de confidence: aussi que sa majesté  
 quand elle luy accorda le Duché pour monseigneur le  
 Duc d'Orleans, ne luy auoit point alleguées ceste condi-  
 tion de vouloir & consentement de ses confederéz: quā-  
 l ledict seigneur Empereur se leua, luy faisans signe de ne  
 parler plus auant, & se tournant vers nostre saint Pere,  
 est-il pas beau ( dit-il ) qu'il fault que ie prie le Roy de  
 France d'accepter vn Duché de Milan pour l'un de ses en-  
 fans, & que nonobstant que seldits enfans ne soiēt point  
 de la Roynie ma sœur, on me vueille cōtraindre à leur dō-  
 ner partages, & au choix d'autrui? & en ce disant print  
 congé de sa saincteté, sans plus auant donner audien-  
 ce ausdits ambassadeurs de France. Iceux ambassadeurs  
 toutesfois, tant pour obtemperer à la requette que leuc  
 en auoit faite nostre saint pere, comme pour la bon-  
 ne affection qu'ils portoiēt au bien de la paix, ne vou-  
 lurent escrire au Roy leur maistre tous les propos qu'ils  
 auoient entendus, ains luy en dissimulerent grande par-  
 tie: comme du combat avecques l'espée, ou le poingnar &  
 en chemise, la facon & terme dont auoit l'Empereur



vse, magnifiant la force & vertu de ses subiects & villi-  
pendant ceux du Roy, & que si les siens fussent tels que  
ceux du Roy, il se lieroit les mains, & iroit en cest estat  
luy demander misericorde: aussi l'article où il auoit dit,  
que le Roy luy auoit offert de le faire Monarque (dont  
luy-mesmes apres festoir repris) & autres articles que  
son pourra iuger en conferant la protestation dudit sei-  
gneur Empereur à la responce qu'y fist le Roy, lequel a  
respondu seulement aux articles dont il a eu aduertisse-  
ment.

**De pesche & voyage du Cardinal de Lorraine,** pour aller vers l'Empereur, ainsi  
que vous auez cy deuant ouy. Et nonobstant que depuis  
son partement le Roy auoit eu des nouuelles de la susdite  
ne deuers te mutation, & des propos que l'Empereur auoit tenuz  
l'Empereur. (mais n'en auoit encores eu certain ne particulier aduer-  
tissement, ne par la voye de sesdits ambassadeurs, ne par  
celle de l'ambassadeur dudit seigneur Empereur estant  
sire luy) pour cela ne contremanda il point ledit sieur  
Cardinal, ain qu'en tout euenement il mist le bon droict  
de son costé, tant enuers Dieu qu'enuers le monde, &  
qu'il fust chacun notoire & manifeste qu'il n'auoit re-  
culé à la paix, ains se seroit mis à en tous deuoirs possi-  
bles de la demander.

**Le dit seigneur Cardinal** arriva le dixhuitiesme  
iours d'Auril au soir, au lieu où estoit nostre camp logé,  
apportant lettres de creance, escrites de la main du Roy,  
auecques mandement qu'il declara de bouche à monsei-  
gneur l'Amiral lieutenant general du Roy, qu'il se gar-  
dast d'innouer chose quelconque, ains aduisast d'eslire  
vn lieu opportun à retirer son camp en seureté, sans mar-  
cher outre, iusques à ce qu'il eust dudit seigneur Cardi-  
nal nouuelles du lieu où il alloit, ou que le Roy luy en-  
uoyast nouuel ordre d'autremét sy gouverner. De ceste  
nouuelle fut ledit seigneur Amiral en grande perplexi-  
té, comment il auroit a proceder, & prendre conclusion

en ses affaires : car il auoit d'une part nouuelles seures  
 que l'Empereur en toute diligence se preparoit à la guer-  
 re, & que de la paix il y auoit peu d'esperance. Parquoy  
 il luy sembloit estre chose de dangereuse consequence  
 (outre la perte de reputation qui luy en pourroit adue-  
 nir) de reculer ou arrester vn camp estant desia entré  
 en cours de victoire. Il consideroit d'autre part, & auoit  
 tousiours deuât les yeux, que s'il passoit outre apres le co-  
 mandement contraire qu'il auoit du Roy, tant par lettres  
 reiterées, que par la bouche de mondit seigneur le Car-  
 dinal, encores que de son entreprise il vint à bonne fin, si  
 toutesfois l'Empereur se retireroit de la promesse qu'il a-  
 uoit faicte du Duché de Milan, il pourroit prendre &  
 coulourer son excuse sur ce que depuis sa promesse on  
 auroit innoué : dont luy pourroit estre blasmé du Roy,  
 lequel auoit singuliere affection de recouurer le sien par  
 amiable composition plustost que par exploit de guer-  
 re, & là où il luy couuiendrait venir aux armes, le faire  
 avecques telle iustification, que lon cogneust euidem-  
 ment qu'il n'auoit rien obmis de ce que pour n'y venir  
 se pouuoit faire. A ceste cause il feit appeller au conseil,  
 afin de deliberer sur ceste matiere, tous les capitaines  
 estans en sa compagnie : & assemblez qu'ils furent, &  
 apres auoir faict lire en leur presence les lettres qu'il a-  
 uoit du Roy, ensemble la creance redigée par escript que  
 luy auoit mondit seigneur le Cardinal exposée de bou-  
 che, leur en demanda leurs aduis & opinions. A quoy re-  
 spondirēt aucuns en peu de paroles que sur choses expres-  
 sement comandée par le maistre ne gisoit deliberation,  
 mais obeissance & execution. Aucuns alleguerent d'auan-  
 tage la doubte & incertaineré de l'issue, laquelle arriuant  
 autre qu'à poinct, ne laissoit aucun moyend'excuse à qui  
 auroit entrepris cōtre l'expresse inhibitiō & deffense du  
 maistre. Le seigneur de Burie qui auoit esté recognoistre  
 la ville de Vercel, & auoit charge de l'artillerie, interro-  
 gué sur cest article, respondit, & se fist fort de faire telle

Craincte  
 de monsei-  
 gneur l'A-  
 miral sur le  
 commandement  
 du Roy  
 de ne pailler  
 outre.

breche au dedans de vingt-quatre heures, que l'assault  
 sy pourroit donner au grand desavantage de ceux de  
 dedans: & sur la response fut replicqué alors, que ce n'e-  
 stoit assez de faire breche, mais qu'il falloit considerer  
 le nombre de gens de guerre qui estoit dedans, le nom-  
 bre des nostres, & celuy du prochain secours auquel e-  
 stoit fondée l'esperance de l'ennemy. Dedans la ville y  
 auoit le nombre de trois mille hommes, dont les mille e-  
 stoient lansquenets: les nostres ne pouuoient encores e-  
 stre plus de quinze à seize mille hommes de pied, de gens  
 de cheual il n'y auoit que soixante & dix hommes d'ar-  
 mes, & cent archers de la compagnie dudit seigneur A-  
 miral, & des compagnies du seigneur Iean Paule: & du  
 marquis de Saluces, enuiron de trente à quarante hom-  
 mes d'armes: le double d'autant d'archers: de cheuaux  
 legers enuiron deux cens: & des gentilshommes de la  
 cour venuz à ceste guerre pour acquerir honneur, & fai-  
 re seruice au Roy de cinquante à soixante: le surplus de  
 noz gens aurt de cheual que de pied, arriuoient enco-  
 res iournellement à la file. Sur le bord de la riuere de Sei-  
 te à quatre mille de là festoit venu loger le seigneur An-  
 toine de Leue, avecques douze ou quatorze mille hom-  
 mes de pied, & de cheuaux enuiron six cens: & de là  
 pouuoit facilement, au cas que la ville ne fust prise du  
 premier assault, la refreschir de gens & viures, & empes-  
 cher noz forrageurs ou viandiers: ou cependant que  
 noz gens doneroient l'assault, venir par autre costé nous  
 donner la bataille, ou passant l'eau par endroit aller sur-  
 prendre la ville de Turin, qui n'estoit point encores for-  
 tifiée. Et quand ores nous eussions eu Verceil du premier  
 assault, il conuenoit y laisser gens, & l'autant affoiblir  
 nostre camp, en hazard d'y recevoir honte & perte de  
 gens. Autres en eut qui repliquerent à toutes les difficul-  
 tez des assultes: premierement que lon pouoit avecques  
 vne partie de noz gens donner l'assault, avecques les au-  
 tres de fendre à l'ennemy le passage de la riuere, & si c'est  
 bien

Discours  
 sur ce qu'il  
 deuoir fai-  
 re sur l'as-  
 sault de Ver-  
 ceil.

bien aduenoit de Pentreprise que de reduire la ville en l'obeissance du Roy, qu'alors on pourroit obeissant au mandement dudit seigneur departir & retirer nostre camp en laditte ville & autres, attédait nouuelles de ce que le dit seigneur Cardinal auroit negocié avecq's l'Empereur.

C'EST l'opinion (si la chose eust esté executée auant que ledit seigneur Cardinal eust esté arriué, à tout le moins auant que ledit seigneur Antoine de Leue en eust la nouuelle) n'eust point semblé mauuaise à la pluspart des assistans : mais desia ledit seigneur Amiral auoit aduertty le lit de Leue de la venue & de la commission dudit seigneur Cardinal, & luy auoit enuoyé demander la seureté de son passage, & hōme pour le conduire la part que l'Empereur alors se trouueroit : parquoy en passant outre, & ne venant au dessus de Pentreprise, il ne demouroit (ainsi qu'il est dit cy dessus) aucune excuse dont ledit seigneur eust moyen de couvrir sa faulte, & si bailloit on à l'Empereur, ou bien ou mal executât, excuse & couuerture de ne riens accomplir de la promesse. A ceste cause se commencerent tous à se resouldre qu'en obeissant au Roy on se retireroit en arriere : le sieur d'Annebault fut bien d'aduis de ne passer outre, mais non de reculer en arriere, pour n'aquerir à leur camp ceste defaueur, en donnant à l'ennemy occasiō de se vèter que peur & crainte le leur fist faire : & par son opinion fut conclu & arresté de sejourner au meisme lieu où ils estoient, qui n'estoit point contreuenir au mandement du Roy, iusques à ce que mondit seigneur le Cardinal arriué au camp de Leue, mandast ce que lon auroit à faire, afin que si on se retiroit en arriere, ce fust avecques reputation & à la requeste de l'ennemy. A la pluspart des compagnons qui desia tenoient Vercel en leur esperance pour ville gagnée, & auoient leur attente fondée sur le butin, ne fut ceste nouuelle ne la venue de qui l'apporroit agreable : & de tant plus que le passer outre leur estoit defendu, de tant plus braquement en parloient & demandoient essuy



menez à l'assault, & de telle assurance en deuisoient entre eux, qu'il a semblé à beaucoup de gens, autant des ennemis comme des nostres, que si on leur eust laissé faire ils eussent emporté la ville d'assault.

Monseigneur le Cardinal arriuant vers le seigneur Antoine de Leue, fut honorablement & humainement receu de luy: si luy feit entédre sa charge, & comment le Roy pour obtemperer à la requeste de l'Empereur, & pour luy donner à cognoistre combien il desiroit auoir avec luy parfaicte intelligence & amitié, n'auoit voulu (encores qu'il luy semblaist bien y auoir quelque perte de reputation) luy refuser de faire arriuer son camp en plain & apparant cours de victoire: par laquelle facilement il pouuoit obtenir & recouurer ce qui estoit sien à l'encontre du Duc de Sauoye, occupateur & detenteur iniuste: afin que la poursuite de l'adite victoire n'alterast & interrompist les pratiques & moyens de la paix, en laquelle en faueur de l'Empereur estoit ledit seigneur Roy content de comprédre iceluy Duc de Sauoye, abandonnant plustost vne partie de ce que iustement & indubitablement luy appartenoit. Assez gracieusement luy respondit le seigneur de Leue à ce propos, sans aduouer toutesfois que la victoire nous fust si certaine, & firét eux deux ensemble quelques accords, c'est à scauoir, que luy de Leue ne passeroit point deca la Seisse, & ledit sieur Amiral se retireroit au deca de la Doaire, en attendant nouuelle de la negociation dudit seigneur Cardinal, avecques nostre S. Pere & Empereur à Romme: car encores les pensoit trouuer ledit seigneur Cardinal ensemble. A monseigneur l'Amiral furent ces accords enuoyez avecques lettres iteratiues du commandement & volonté du Roy, suiuant lesquels, & aussi pour ce que nostre camp estoit logé en lieu estroict entourné de trois ou quatre villes de Montferrat, où il y auoit garnison d'ennemis, lesquelles se pouuoient renforcer & donner de l'ennuy aux viures qui venoient en nostredit camp: ledit seigneur aduisa de se retirer au lieu de saint Germain, en esperance de passer, y estant de la ville d'Ivrée, & de tour

leual

Retraire  
de monsei-  
gneur Ami-  
mal.

le val du costé de Guise, pour en tirer gens au seruice du roy, au cas que lon perseuerast à la guerre, & secourir Turin til aduenoit qu'il en eust mestier.

L'Empereur (ainsi que l'ay dit) apres les propos cy dessus recitez aucunement declaratif de sa precedante protestatiõ, auoit pris congé de nostre saint Pere, & sans faire autre sejour estoit party de Rome, laissant derriere luy pour apporter les articles de neutralité signez de la main de nostredit S. Pere, Messieurs de Cannes & de Granuelle, avecques lesques noz ambassadeurs à l'instance de nostre-dit S. Pere auoient encores communiqué touchant la pratique de paix, & n'en auoient du tout esté reboutez, ne mis entierement hors d'esperance. Mesmement leur auoit esté dit & respondu sur ce qu'ils requerroient ainsi que l'Empereur auoit promis, auoir le double par écrit de la dessusdicte protestation que sa maiesté pour bonnes causes & raison à ce la mouuans auoit depuis aduisé de ne leur bailler point, ains de l'en-uoier au seigneur de Leidekerke son ambassadeur en France, afin que luy-mesmes la leust au Roy, & la lisant adoucist les choses qui pourroient aigrir ledit seigneur, en sorte que ceste pratique se continuast encores, & le conduisist à bonne fin. Ceste response & ce que l'Empereur en ses seconds propos auoit rabillé, donnoient esperance au seigneur de Velly qu'à la fin se pourroit tirer quelque bonne conclusion, & eut opinion ou que l'Empereur eust esté publiquement de ceste haultainereté de langage & brauerie, pour donner à cognoistre qu'il ne craignoit l'effort du Roy, & que pour cela ne luy feroit rien faire : & que pour auoir vscé de ses termes haultains, il auoit peu penser d'auoir acquis vne grande reputation de magnanimité, surquoy il se pourroit persuader & induire à prendre cela pour cõtrepoix de la declaration d'hostilité, qu'auoit faicte le roy contre le Duc de Sauoye: ou bien que la venue de monseigneur le Cardinal de Lorraine (laquelle il scauoit estre prochaine, & avecques lequel il pouoit tout rabiller & conclurre) l'auoit meue à user de ses termes, afin de donner aux potentats d'Italie &

Reprise des  
accords de  
paix par les  
ambassa-  
deurs du  
Roy.

Articles de  
neutralité  
du Pape.

autres ses confederez, occasion de penser qu'au parauant  
n'y auroit encores eu entre luy & le Roy aucune allurâ-  
ce ne promesse. Et bien Paydoit nostre S. Pere à s'en re-  
nir en esperance, de sorte que ledit Velly craignant que  
ledit Cardinal entendant sur chemin les nouuelles de ce-  
ste protestation s'en retournast arriere sans passer outre,  
voulut bien enuoyer au deuant, & luy persuader de ce nō-  
obstant acheuer son voyage. Aussi escriuit au Roy, luy  
conseillant & suppliant, que, nonobstant que laditte prote-  
statiō fust par trop aigre & piequante, son bō plaisir fust  
toutesfois d'y reispandre modestement, & de maniere  
que les choses ne s'en aigrissent d'auantage. Les articles  
cependant furent signez, lesquels en somme contenoient  
cōment ledit S. Pere tresdeplaisant de la mauuaise intel-  
ligence & apparence de prochaine rōupture entre l'Em-  
pereur & le Roy, & desirant estre entre-eux deux bon &  
cōfidant mediateur: se declairoit estre neutral, & ne vou-  
loit assister d'aide ne de conseil au faict de la guerre à l'un  
ne à l'autre partie, ne souffrir qu'en ses terres, ou de sa  
iurisdiction, se fist aucū amas ou assemblée de gēs de guer-  
re, pour aucū d'eux. Aussi de n'accepter autour de sa per-  
sonne homme quelconque, & de quelque estat ou condi-  
tion, qu'il luy portast paroles contraires ou prejudicia-  
bles à sa neutralité: ne souffriroit qu'en ses places & vil-  
les fortes entrassent & sejournaissent gens de guerre de  
l'un ou de l'autre party; mais les feroit garder & tenir  
en bonne seurété par les propres subiects ou souldoye.  
N'empescheroit aucun durant laditte neutralité d'entrer  
en la ligue deffensue d'Italie, qu'il sursoiroit les differēs  
& cōtrouerſes de la saincteté, c'est à scauoir avec le Duc  
de Ferrare pour vn an, & pour six mois avec le Duc d'Ur-  
bin & son fils, à cause du Duché de Camerieu: qu'il entre-  
tiendroit l'assistēce promise par le feu Pape Clemēt aux  
cinq Cantons de Suisse à l'encontre des autres Cantons  
alienez de l'obeissance de l'Eglise: & que deslors il consi-  
gueroit quelque bonne & raisonnable somme de deniers  
pour

pour estre presté à tous besoins & toutes occurrences.

C E S T E neutralité signée, & deliurée aux seigneurs de Cannes & de Granvelle, ils se partient de Rome, & avecques eux le seigneur de Velly ambassadeur du Roy: pour venir au lieu de Siene, où estoit l'Empereur alors, auquel lieu arriva aussi monseigneur le Cardinal, & à son arrivée faisoit son compte de seulement faire la reuerence à sa majesté, & de remettre à luy dite sa creance apres dîner, à cause qu'il estoit de si heure de messe: mais luy ayant fait la reuerence, & dit seulement en termes generaux l'occasion de sa venue, y adioustant toutes les plus conuenables paroies qu'il auoit peu, sans entrer au faict de sa principale charge, ledit seigneur Empereur de luy. mesmes respondit estre bien aise de sa venue, pour fesclearcir (ainsi qu'il disoit) & veoir quelle esperance il pourroit auoir de la bonne confidence & amitié du Roy. Et se voyant ledit seigneur Cardinal vsà de ceste occasiō & opportunité, luy declarant particulièrement comment le Roy entendoit de se conioindre avecques luy par toutes les plus estroittes facons que lon pourroit aduiser, & que pour y paruenir & donner à cognoistre cōbien franchement il alloit en besongne, il auoit non seulement deffendu à monseigneur l'Amiral de France son lieutenant general en l'armée de Piemōt, de ne passer plus outre que le lieu où lors il se trouueroit: ains auroit aussi fait retirer son armé dudit lieu, où alors elle estoit, afin de ne faire chose qui alterast l'esperāce de paix: paruenāt à laquelle ainsi que lon sen pouuoit comme asséurer, attendues les praticques qui en auoiēt esté iusques à l'heure que luy auoit esté depesché de la part du Roy, ledit seigneur n'estoit pour luy espargner chose qui fust en sa puissance: & mesme ment oyāt que sa majesté auroit plaisir qu'allant en son entreprise d'Alger, monseigneur le Duc d'Orleans luy fist compagnie, ledit seigneur Roy ne seroit delayant de le luy enuoyer, avec telle suite & compagnie qu'il appartient à vn fils de Roy de France

Paroles du  
Cardinal  
de Lorrain  
ne à l'Empe  
reur.



pour estre presté à tous besoins & toutes occurrences.

CETTE neutralité signée, & deliurée aux seigneurs de Cannes & de Granueille, ils se partirent de Rome, & avecques eux le seigneur de Velly ambassadeur du Roy: pour venir au lieu de Siene, où estoit l'Empereur alors, auquel lieu arriva aussi monseigneur le Cardinal, & à son arrivée faisoit son compte de seulement faire la reuerence à sa majesté, & de remettre à luy dire sa creance apres dîner, à cause qu'il estoit de si heure de melle: mais luy ayant fait la reuerence, & dit seulement en termes generaux l'occasion de sa venue, y adioustant toutes les plus conuenables paroies qu'il auoit peu, sans entrer au faict de sa principale charge, ledit seigneur Empereur de luy mesmes respondit estre bien aise de sa venue, pour se clarcir (ainsi qu'il disoit) & veoir quelle esperance il pourroit auoir de la bonne confidence & amitié du Roy. Et se voyant ledit seigneur Cardinal vsa de ceste occasiō & opportunité, luy declarant particulièrement comment le Roy entendoit de se conioindre avecques luy par toutes les plus estroictes facons que lon pourroit aduiser, & que pour y paruenir & donner à cognoistre cōbien franchement il alloit en besongne, il auoit non seulement deffendu à monseigneur l'Amiral de France son lieutenant general en l'armée de Piemōt, de ne passer plus outre que le lieu où lors il se trouueroit: ains auroit aussi fait retirer son armé dudit lieu, où alors elle estoit, afin de ne faire chose qui alterast l'esperance de paix: paruenāt à laquelle ainsi que lon sen pouuoit comme asseurer, attendues les praticques qui en auoient esté iusques à l'heure que luy auoit esté deuesché de la part du Roy, ledit seigneur n'estoit pour luy espargner chose qui fust en sa puissance: & mesmement oyāt que sa majesté auroit plaisir qu'allant en son entreprise d'Alger, monseigneur le Duc d'Orleans luy fist compagnie, ledit seigneur Roy ne seroit delayant de le luy enuoyer, avec telle suite & compagnie qu'il appartient à vn fils de Roy de France

Paroles du  
Cardinal  
de Lorrain  
ne à l'Empe  
reur.

pour aller en vn tel voyage. Et pour autant que iusques alors auoit le Roy accordé tous les articles qu'on luy auoit mis en auant, excepté celuy de Pvsufruiſt, que pour les raisons au parauant aduittes par son ambassadeur, il auoit tousiours demandé pour luy : maintenant il estoit content de ne sy arreſter plus. Bien vouloit il que pour oſter à tout le monde occaſiõ de penſer qu'entre eux n'y euſt pleine & entiere confidence, ſa maieſté fuſt content de luy accorder, en ſaſſeurant de luy qu'incontinant il ſen demettrait audit Duc d'Orleans ſon fils, & que cela fait, ledit ſeigneur Roy ſeroit content de venir au deuant dudict ſeigneur, afin de ſentre-veoir & aſſeurer l'vn de l'autre, iusques à Mantoue, ou ailleurs, ainſi qu'à ſa maieſté plairoit en deuſer. & de faire toutes les choſes qu'il ſauroit luy eſtre agreables, & qu'il pourroit faire ſans contreuenir à ſes alliances. Leſquelles offies eſtoient toutes ſi bonnes entrées à paruenir à confidence & amitié entre eux deux, que ledit ſeigneur Cardinal, encores que ſur les chemins il euſt entendu la partie des parolies & declarations que ſa maieſté auoit propoſées à Romme, n'auoit toutesfois voulu faillir ne differer de les venir faire entendre à ſa maieſté : les eſtimant telles & ſi rationnables, que pour les paroles ce pendant interuenues il ne penſoit vn ſi grand bien deuoit eſtre interrompu.

Reſponſe  
de l'Empe-  
reur.

S V R ces paroles commença l'Empereur à luy reciter la plus grande partie des poincts qu'il auoit touchez en ſa proteſtation, pour ſe iuſtifier & fonder la doubte qu'il auoit de ne pouuoir aſſez ſeulement beſongner avecques le Roy : pource qu'il ne veoit point qu'il puiſſe ne doit accorder le Duché de Milan au Duc d'Orleans : & comment que ſoit, il n'en vouloit rien faire, mais que bien ſeroit il content de le bailler au Duc d'Angouleme, avecques vne de ſes niepees en mariage, ſous les conditions qui en traittant ſeroient aduittes, pourueu que le Roy n'eust aucunemens affaire audit eſtat. Car il eſperoit que ledit ſeigneur d'Angouleme outre ſa liaiſon qu'il

qu'il prendroit avecques luy, seroibaussit tenu & obligé à luy d'un tel & si beau present que le Duché de Milan & qu'à ceste cause il viuroit avecques luy en bone paix & amitié, & luy Empereur aussi luy porteroit reciproquement telle faueur, que paisiblement il pourroit iouir dudit estat sans y tenir aucune garnison à la foudre du peuple: & quant à l'usufruit, qu'il ne le consentiroit au Roy directement ou indirectement en quelconque maniere. Le Cardinal luy remonstra que sil vouloit traiter avecques le Roy, pour amour de luy, qu'il ne deuoit point faire ceste difference, ne s'attacher à autre seuerité qu'à la sienne, pource qu'il estoit celuy avecques lequel sa majesté auroit affaire, & duquel elle pouuoit esperer ayde & support presentemēt, & nō pas de messeigneurs ses enfans: que d'autre part ayant esté ledit estat leue au Roy auquel il appartenoit, la raison vouloit bien puis qu'à luy ne se rendoit, aumoins que ce fust luy qui ordonnast auquel il seroit réduit de ses enfans. A ce propos l'Empereur interrompit sa parole, en maintenant qu'à luy appartenoit iceluy estat, & non à autre.

Sur quoy replica le Cardinal, qu'à cause de la renonciation faicte par le Roy, sur laquelle il ne vouloit lors insister à debatre la validité ou inualidité: ou pourroit coulourer que ledit seigneur n'y eust plus de droit, mais quant à Messeigneurs ses enfans, on ne pourroit nier que ce ne fust leur propre & vray heritage, & qui justement ne leur pouuoit estre tollu: toutesfoi que pour le bien de paix il estoient contents de l'accepter & recevoir de sa majesté, ou en don, ou autrement, en telle forme qu'il luy plairoit, moyennant que ce fust selon & en la sorte que sadite majesté desia auparauant l'auoit accordé à l'ambassadeur du Roy. Et sur ce mot l'Empereur luy treucha la parolle, disant, que iamais n'en auoit riens accordé par sa bouche. Monseigneur le Cardinal qui ne vouloit pour ceste premiere venue rompre la pratique entierement, print couleur d'en vouloir deuiser audis

ambassadeur, & à tant print congé de luy, ioinct aussi qu'il vouloit bien, auant que la chose vint au desespoir, gaigner le loisir de depescher vn courier expres deuers le Roy, pour l'aduertir de ce qu'il auoit trouué en ceste premiere arriuée, aussi pour en donner en passant aduis à monseigneur l'Amiral : afin que venant les choses en ruyture on ne le surprist à l'improuiste.

Le lendemain au matin ainsi que ledit seigneur Empereur acheuoit de s'habiller, retourna vers luy ledit seigneur Cardinal, & luy dist comment il auoit communiqué particulièrement de sa charge avecques ledit ambassadeur du Roy, & de luy entendu ce qu'il auoit parcy deuant traité: mais que tout bien considéré, il ne vroit point qu'il peust passer outre si sa majesté ne vouloit en facon qu'il fust ouy parler de monseigneur d'Orleans. Car celluy là estoit le seul fondement de sa depesche & commission conclue & dressée sur le consentement que sa majesté en auoit baillée, & qu'à ceste cause il auoit deliberé avecques son bon congé de s'en aller vers nostre S. pere, pour luy exposer l'intention du Roy au bien de la paix, & les choses que pour y paruenir il auoit offerres: ensemble la responce & refus de sa majesté Imperiale, & retractation qu'il faisoit de l'article accordé pour monseigneur le Duc d'Orleans.

SA Majesté ne monstra point apparence que le parlement dudit seigneur Cardinal luy desplust: seulement luy replicqua les iustificacions cy deuant recitées du refus qu'il faisoit de bailler cest estat audit Duc d'Orleans: & pource qu'entre autres choses il auoit dit n'en auoir iamais rien promis de sa bouche: le seigneur de Velly, auquel touchoit cest article, pour n'estre du Roy son maître estimé menteur, pria sa majesté de ne luy faire ce tort, que de luy laisser vn tel blâme enuers son dit maître. Sa majesté aduoila lors auoir donné charge aux seigneurs de Cannes & de Granuelle de luy en porter en son nom la parole: aussi d'en auoir escrit à son ambassadeur



deur Leidekerke étant riere le Roy, pour de sa part le luy faire entēdre. Mais que le Roy n'auroit accepte ceste offre, alors qu'elle luy fut faicte, ains en contre-venant aux traittez d'entre eux (à prēdre iceux traittez au pied de la lettre) auroit enuoyé son Amiral de la sorte quelon le scauoit estre venu: dōt luy n'a peu ne se mal contenter & ressentir. Et d'auantage que les seuretez n'est pourroiet trouuer telles qu'il les voudroit pour le Duc d'Orleans, & telles qu'elles fussent, pour contenter ses confederez. Ledit seigneur Cardinal le pria qu'il voulust declarer quelles seuretez il demanderoit, & qu'elles seroiet bien estranges, si le Roy, pour l'enuie qu'il auoit de venir à ceste mutuelle confidence entre eux, ne les accordoit. Il respondit en somme qu'il en auoit dit son intention à nostre S. Perre, lequel il pensoit en auoir aduerty le Roy. A ce luy respliqua le dit seigneur Cardinal, en luy remonstrāt qu'il n'estoit croyable, qu'alors qu'il accorda bailler cest estat, il n'eust parauant pensé aux seuretez qu'il deueroit demander au cas aduenant: & qu'à luy qui estoit de si loing venu pour traiter & conclurre avecques sa majesté, il pouuoit bien faire cest honneur que de luy declarer son intention. Et sur ce l'Empereur respondit qu'il n'estoit point conseillé de parler autrement sans veoir pouuoir, & sans scauoir l'intention des ses confederez: encorcs qu'il se promettoit bien qu'ils ne refusoient ia chose qu'il vueille: d'auantage il adiousta, que si ores il bailloit ledit Duché à qui que fust des enfans du Roy, il n'entendoit de le bailler que par inuestiture nouvelle, & comme fief escheu & reuenu à l'Empire, estant en sa plaine disposition & volonté.

A tant fut prest le dit seigneur Empereur, & partit de Siene au mois d'Auril. Monseigneur le Cardinal luy feit compagnie iusques hors la ville: & au prendre congé, l'Empereur le pria qu'à son retour il repassast par luy: Sur ce retourna ledit seigneur Cardinal en son logis pour, auāt que prendre son chemin vers Rome, faire vne

Prouision  
& ordre  
que donna  
monseigneur  
l'Amiral au  
Piemont.

depesche au Roy, & l'aduertir de sa negociation, ce qu'il  
fut, en le confortant autant que possible luy fut, de ne re-  
spondre à la protestation de l'Empereur aucune chose qui  
accellerast la rouverte. Par le mesme courrier il fit pareille de-  
pesche à monseigneur l'Amiral suivant la premiere delibera-  
tion, en l'aduertiſſant que tous les propos qu'il auoit ſceu ti-  
rer en tout ſon parlement avecques l'Empereur, estoient dou-  
teux & ambiguz, tels toutesfois que par iceux on pouuoit  
plus attendre prochaine guerre que diurnité de paix. Mon-  
seigneur l'Amiral desia quelque temps auparauant pource  
qui luy auoit esté escrit par ledit seigneur de Montmorency  
alors grand maistre & Mareſchal de France, qu'il ne pouuoit  
(estans les choses ainſi qu'elles estoient) faire plus grand ſer-  
uice au Roy, que de fortifier quelques lieux & places, afin  
d'y retirer ſon armée, attendant ſecours du Roy, au cas que  
l'Empereur deſcendiſt à trop groſſe puissance. Auoit à ceſte  
cauſe entrepris la fortification de Turin, & deſpeſché le ſer-  
gneur Stephe Colonne avecques cent hommes d'armes, &  
quatre mille hommes de pied, tant pour auoir l'œil à ladicte  
fortification, comme pour auiser à ſept ou huit mille deca  
le Pau, quelque lieu fortifiable pour y aſſeoir ſon camp en  
ſeureté: auſſi pour doubte qu'estant le pays deſgarny de gés,  
le capitaine Iacques Scalenghe qui estoit arriué à Gènes ne  
fiſt reuolter le Mont-deus, Foſſan, & Sauilan, auſſi auoit  
esté viſiter la ville de Ivree, laquelle ne trouuant fortifiable,  
à cauſe de ſon aſſiette, qui eſt telle que la montagne regarde  
à l'entour dedans la ville: il auoit ce nonobſtant mis dedans  
le ſeigneur Marc Antoine de Cuſan, avecques ſes deux mil-  
le hommes, pour (ſi beſoing estoit) y amuſer l'ennemy, quel  
que eſpace de temps: & donner lieu ce pendant à ladicte for-  
tification de Turin. Ayant doncques eu ceſte nouuelle, a-  
uoit enuoyé diligenter les rempars & boule-verts commen-  
cez en ladicte ville & donner ordre à fortifier vn cap au deſ-  
ſous de Carignan le long du Pau: pour y retirer ſon armée,  
au cas que l'Empereur vint avecques tel effort qu'elle ne  
fuſt ſuffiſante pour l'attendre en plaine campagne. Et de  
tout

tout aduertit le Roy du lieu Marcenasch, en l'asseurant que  
 fil auoit seulement terme d'un mois, il attendroit l'Empe-  
 reur & tiendrait Turin contre luy & toute sa puissance. De-  
 puis aduertyz de la diligēce dont l'Empereur vſoit à vnir &  
 accroistre ses forces, & qu'Antoine de Leue auoit delibéré  
 de passer en l'Artisane pour nous rompre les viures par der-  
 riere: aussi ayant descouuert que le Duc de Sauoye menoit  
 quelque pratican pour reuolter Fossan. A ceste cause &  
 pour fauoriser le pays tout au long du Pau, il enuoya le sei-  
 gneur de Montpesat avecques sa compagnie, & celle de mō  
 seigneur le grand escuier, quatre mille hōmes de pied Fran-  
 cois, & huit cens Italiens se saisir dudit Fossan, Vigon, Sa-  
 uillan, Connis, & Mont-deuis, & autres villes à l'environ:  
 & de ce donna il aussi aduis au Roy du xxix. iour du mois,  
 en luy enuoyant les lettres de monseigneur le Cardinal: &  
 au demourant luy conseilloit que si ores il n'auoit delibéré  
 d'accorder les conditions que demandoit, l'Empereur, il  
 remporist toutesfois vn mois en dissimulant, & que ce  
 pendant la ville de Turin seroit mise en telle fortification  
 que si l'Empereur y venoit, il en remporterait honte &  
 confusion.

Le dernier iour du mois arriua le courrier vers le Roy: &  
 le mesme iour luy apporta le seigneur de Leidequerques  
 ambassadeur de l'Empereur, & luy leut de mot à mot, la  
 protestation dudit seigneur Empereur son maistre: non pas  
 telle qu'il l'auoit eue, mais telle qu'elle auoit depuis esté mo-  
 derée, dont toutesfois il ne voulut bailler le double, la cause  
 pourquoy ne la declara, mais depuis elle a esté sceue, comme  
 nous dirōs en autre endroit de ces memoires. Le Roy sur ce  
 qu'il retint en memoire de la lecture qui luy en auoit esté  
 faicte, & sur-ce que ses ambassadeurs luy en escriuirent, dres-  
 sa vne response, laquelle pour auoir esté dictée par luy mes-  
 me, qui de son fait pouuoit respōdre mieux que nul autre,  
 il m'a semblé deuoir inserer de mot à mot en cest endroit,  
 sans aucune chose y adiouter, diminuer, ou diuersifier, la-  
 quelle fut de la teneur qui ensuit.

Responce  
par escript  
du Roy à la  
protestatiō  
qu'auoit  
faicte con-  
tre luy l'Em-  
pereur à  
Rome.

I' E V S S E merueilleusement desiré (tres saint Pere, & vous messieurs les Cardinaux du S. siege Apostolique, & ambassadeurs) qu'il m'eust esté possible d'estre present quaud l'Empereur vous a par long ordre deduit publicquement l'affaire d'entre nous deux: afin d'auoir peu respondre à vn chacun article, & ne laisser voz esprits suspens: us n'ayās ouy parler qu'une partie. Toutesfois puis que cela m'a esté impossible, i'ay pensé par escriture la satisfaire à ce que touche mon honneur & la verité: chose à moy assez difficile, d'autant que ledit Empereur n'a voulu bailler à mes gens par escript ce qu'il a dit: ne son ambassadeur pareillement me bailler la lettre, ne double apres l'auoir leuë: parquoy ie suis contrainct de respondre à ce seulement, dont mes gens m'ont aduertey. Toutesfois la confiance que i'ay au certain iugement & bôté de vostre-ditte saincteté, avecques l'estime que r'ay de toute la compagnie, laquelle ie desiré m'entendre, me font penser que la cause de la nue verité sera sans passio d'un chacū de vous bien entendue. Et pour commencer, il me semble que l'Empereur n'a recite que la moytié de la cronicque, prenant seulement ce que faict pour luy, & laissant ce que faict pour moy: & qu'il soit vray, en ce qu'il commence à dire que moy estant venu à la couronne, il enuoya deuers moy le seigneur de Nansau pour estraindre noz amitez: ie croy qu'il ne trouuera point que de mon costé elle luy fust refusée encores croy-ie qu'il ne niera point que mon amitié & intelligence ne luy nuisit pas à le tirer hors des mains de madame Marguerite sa tante, & de la subiection de son grand pere, qui à ceste heure là estoit son mainbrug. Et quant à ce qu'il dit que continuant ceste amitié il fut aussi ioyeux de ma victoire contre les Suisses qu'il estoit possible, ie l'entendy ainsi par mon ambassadeur estans pres de luy: qui me rendit tresgrande obligation à luy, & eusse faict en cas pareil si telle victoire luy fut aduenue. Quant à ce qu'il dit qu'il n'obeit point à l'Empereur son grād Pere, le pres

lana



tant de me traualier du costé de deca durant ladire guer-  
 re, sil eust faict le contraire, il eust faict contre le traitté  
 qu'il auoit iuré: & si scait bien que ie faisoy lors entiere-  
 ment tout ce que ie pouuoy, & sy encores depuis pour le  
 rēdre obey & paisible par routes les Espagnes, & eit tes-  
 moing luy mesme de ce que mō ambassadeur en fist par  
 mon cōmandement: & croy que ma faueur ne luy nuisit  
 de rien en ce tēps là. Quant au mariage de mes filles, cō-  
 bien que leur mort il me despleust cōme à pere, encores  
 n'en eu ie moins de desplaisir pour l'alliāce & amitié que  
 elles pouuoient entretenir entre luy & moy. Quant au  
 faict de l'Empire, où il dit qu' alors cōmença à naistre la  
 ialousie d'entre nous deux, il est vray que ie dy à son am-  
 bassadeur les paroles qu'il alegue, que c'estoit comme si  
 nous estiōs tous deux à la poursuite d'vne dame: & que  
 aduenant ce qu' auenir pourroit, nous ne l'aitrions à de-  
 murer bons amis ensemble: & certainement ie le pen-  
 soy ainsi que ie le disoy. Quant à ce qu'il dit que depuis  
 qu'il fut esleu Empereur, ie le priay de renoueller noz  
 alliāces: & de les aileurer par ostages, il est bien vray que  
 ie desiray d'asseurer & de perpetuer nostre amitié: car es-  
 tant morte ma fille aisnée, & l'autre si ieune que l'atten-  
 te luy en estoit trop longue, i'eu desir de reuenir au traitté  
 qu'auoit faict monsieur de Nansau touchant ma belle  
 sœur, qui n'estoit chose nouuelle, ne donné à cognoistre  
 audit Empereur que ie ne cherchasse son amitié par tous  
 moyēs que ie pouuoy. Quant à ce qu'il dit, que ie l'ay vou-  
 lu presser de dōner ostages pour la seureté des alliances:  
 il scait biē que par les traittez que nous auīōs ensemble,  
 il me deuoit par chacun an bailler cent mille escuz, pour  
 le Royaume de Naples, & que ce fut à faulte de paye-  
 ment que ie luy demanday seureté ou respondant: &  
 qui m'eust bien payé, ie n'auoy que faire de demander  
 cela. Et quant aux praticques qu'il dit auoir esté faictes  
 par mon ambassadeur estant en Allemagne: mondit am-  
 bassadeur est icy qui m'asseure & afferme n'auoir iamais

praticqué chose contre ledit Empereur. Bien auoit tous-  
jours voulu faire le deuoir en mon nom, comme Duc  
de Milan, enuers le sainct Empire, & m'entretenir a-  
uecques les estas d'iceluy en bonne intelligence comme  
j'estoy tenu: & quand il aura fait deuantage, il aura fait  
contre mon vouloir, dont ie ne le laisseray impuny en  
me faisant apparoir du messaict.

Quant au fait du Roy de Nauarre: l'Empereur  
sçait bien le temps contenu en noz traittez, dedans le-  
quel il deuoit satisfaire au Roy de Nauarre: & qu'en def-  
fault de ce, ie le pouuois secourir, sans rompre avecques  
ledit seigneur Empereur: le quel terme ie laissay passer de  
long temps, pensant tousiours qu'il luy satisferoit, mais  
à la fin il a fallu que ie satisfisse à ma promesse. Et au re-  
gard de messire Robert de la Marche, ie ne luy sy iama-  
is taine la guerre: & qu'il soit vray, i'offry à l'ambassadeur  
dudit seigneur Empereur de le luy faire ayde contre le-  
dit messire Robert (ainsi que le traitté le portoit) mais  
que i'en fusse requis: & reuocquay par effect les gës qu'il  
auoit sans mon sceu leuez en mon Royaume, qui fut cau-  
se qu'il perdit plusieurs de ses places. Parquoy (treffainct  
Pere) vous pouuez assez iuger qu'en ceste premiere guer-  
re ie ne suis en rien coupable de la ruyne. Quant au  
traitté fait à Madril: i'en ay tât respõdu par le passé & si  
au long, que ce seroit vser de reditte. Bien diray ie que  
vn chacun sçait que prisonnier gardé demeure en liber-  
té de sa foy: & que mesme à Fontarabie où ie fu deliuré,  
& par tout le chemin à mon retour, i'estoy plus gardé  
q' dedãs Madril, & iamaïs ie ne fus sans auoir gardé, par-  
quoy ie sorty de prison en liberté de ma foy & sans au-  
cune obligation. Et quant à ce qu'il dit auoir esté au pa-  
rauant aduertiy comme i'auoy dit que le traitté ne se tie-  
droit, i'aduouie de l'auoir dit, cognoissant qu'il n'estoit  
renable, & qui m'eust mis sur ma foy, ie l'eusse accepté à  
cette condition.

Quant à la ligue, & à ce qu'on luy fit entēdre pour  
la

la restitution de mes enfans, ce fust pour le faire venir à party & traité iuste & raisonnable, en payant ma rancon cōme ie deuoy, & non pour autre raison. Et l'allée de môseigneur de Lautrec fut pour deliurer nostre S. Pere de la prison où il estoit, & en ensuiuāt le vestige de mes predecesseurs. Apres voyant que la deliurance de nostre S. Pere estoit, & que l'Empereur ne vouloit entendre à aucun party, & ne voyant seurētē d'aucune paix avecques luy, ie ne voulu perdre ceste occasion, & à ce qu'il dit que ledit seigneur de Lautrec y mourut, il est vray, & non luy seulement, mais la pluspart de mon armée, que fil eult pleu à Dieu les deffendre de la mortalité, comme il auoit faict iusques là de leur ennemis, ie ne scay cōme les choses fussent depuis passées. Quant au traité de Cambray, en lieu d'adoucir celui de Madril qui estoit importable & intolérable, ils y adiouterent beaucoup d'articles d'auantage, & pource que la prison des enfans est celle du pere, ie fu contrainct passer outre. Toutesfois encores que ledit traité fust de la sorte que ie dy, il ne se trouuera iamais que i'aye rien faict au cōtraire, quelque occasion que i'en aye eue. Et quant à la venue du Turc en Allemagne, & à Balacō, qui fust enuoyé pour cest effect de uers moy, ledit Balancon me demanda ayde pecuniaire, & mes gendarmes, ie luy respondy que ie n'estoy ne banquier, ne marchant pour bailler argent, & que l'Empereur venoit d'auoir de moy deux millions d'or pour ma rancon, de laquelle somme il se deuoit contenter. Mais ce nonobstant, combien que i'eusse assez d'occasion de me reposer, ie luy offry ce que les Rois mes predecesseurs ont tousiours offert (lesquels n'ont iamais esté taxez par Princes de la Chrestienté, pour faire leur deuoir contre les infideles) qui estoit ma personne, & mes forces, pour aller en Italie & ailleurs, laissant à l'Empereur le lieu honorable comme ie deuoy. Luy disant en outre que la pluspart de mes gens de pied ie les feroys de la nation d'Allemagne, & qui m'eust demandé,

ie fusse allé en tel equippage, que i'eusse eu part ou de l'honneur, ou du dommage. Quant à la ligue de Boulogne, chacun scait assez pourquoy elle fut faicte. Quant à la mort de l'escuyer Merueilles mon ambassadeur: encores qu'il eust faict des praticques contre Francois Sforce (ce que ie ne croy, car il n'en auoit point de charge) si fut le cas si meschant & infame, que ie ne croy que ledit seigneur Empereur le voulust trouuer bõ, veu qu'estant grand Prince (comme il est) il a besoing de beaucoup d'ambassadeurs: & fault dire vray, qu'apres en auoir faict ma plaincte audit Empereur, comme à mon beau frere, i'ay trouué moult estrange ledit Sforce auoir esté par luy soutenu en son tort. Quant à auoir praticquez en Allemagne, depuis le traite de Cambray: il n'est rien si vray que moy & mes predecesseurs n'auõs iamais esté sans auoir bonne intelligence & amitié au saint Empire, & aux Princes d'iceluy: & quelquefois ay veu de mon temps qu'encores que l'Empereur & le Roy de France se fissent la guerre, lon ne perdoit point du costé de France l'amitié que lon auoit en Allemagne. Mais quant à la guerre de Wirtemberg, il est vray que i'achetay du Duc de Wirtemberg le Comté de Montbelliard à rachat d'un an, & depuis il m'a rendu mon argent, dõt il ne ma poinct fait de plaisir: car i'eusse mieux aymé ledit Montbelliard: & au regard de ce qu'il feir dudit argent, ie n'ay eu cause de m'en enquerir. Quand aux iubiectz dudit Empereur estans en mes galleres, il scait bien que sil m'eust rendu ceux qu'il auoit faict prédre estans au seruice de mes enfans en Espagne, ie les luy eusses renduz, ce que i'ay faict inconcinant qu'il m'a rendu les miens. Quant au faict d'Eschenaiz, de ce que ledit Empereur dit qu'il a praticqué contre luy en Italie, ie ne croy point que ledit d'Eschenaiz l'ait faict, veu qu'il n'en a point de commission, & attendu aussi que ie n'ay point de guerre avecques l'Empereur: & n'ay iamais pensé, ne pensé, que pour prendre des gentils-hommes Italiens



Italiens en mon seruice, c'estoit rompre la paix, & veu  
 que l'Empereur ne parle que de la liberté d'Italie, & du  
 repos d'icelle, ce seroit sous ceste vmbre rendre trop  
 grande captiuité ausdits gentilshommes d'Italie, si sous  
 ceste couleur ils n'osoient prendre party d'autre Prince  
 que de luy, & seroit sous le nom de liberté les travail-  
 ler de seruitude. Et quant à la pratiques du Duché de  
 Milan, vray est que ayant tousiours entendu par les gés  
 dudit Empereur que ledit seigneur estoit tresdeplaisant  
 qu'il n'auoit le moyen de pouoir y satisfaire durant la  
 vie de Sforce, d'autant que l'obligation qu'il auoit à luy  
 Pen empeschoit, ie le luy ay (cessant ceste occasion apres  
 la mort dudit Sforce) faict demander pour moy, & voyant  
 qu'il vouloit que ce fust pour l'un de mes enfans, luy  
 ay nommé mon fils d'Orleans, pour les raisons que ie  
 luy ay faict alleguer, tant pour la pacification de mes es-  
 tats, que pour le bien & repos de la Chrestienté, priant  
 audit Empereur se vouloir faire entendre clairement,  
 ainsi que de mon costé ie faisoys à son ambassadeur, au-  
 quel ie parloy franchement: à la fin apres beaucoup d'al-  
 lées & venues il le m'accorda, comme m'a dit son am-  
 bassadeur, & ne restoit plus article en dispute, que le  
 faict de l'vniuersité pour moy, dont ie me suis desisté, co-  
 me ie l'ay faict entendre audit Empereur. Parquoy ie ne  
 voy aucune difficulté à la paix, si l'Empereur veult re-  
 tenir ce qu'il m'a faict dire, car il m'a faict asseurer qu'il  
 ne demandera seuretez qui ne soyent honnestes & rai-  
 sonnables, & si les demandoit autres, ce seroit signe de  
 ne vouloir point traiter. Doncques de mon costé ne se  
 scauroit dire que noz pratiques de paix faillent ne de-  
 meurent, car i'ay accordé les propres articles que son  
 ambassadeur m'a dit, parquoy si il ne les accorde, la rou-  
 pture vint de luy & non de moy. Et bien qu'il ne m'ay  
 baillé ledit Duché ne pour moy ne pour mes enfans, si  
 n'ay ie encores rié faict cōtre luy, mais au cōtraire quād  
 le Turc est venu en Autriche ie ne me suis point re-

mué, ains ay offert l'ayde que dessus, & luy allant en Afrique que suis demouré comme il a voulu pacifique, & sans faire guerre: chose que ieusse peu plus aisément faire que maintenant qu'il est en Italie, cōme vous tressainct Pere scauez.

Quāt à toutes les choses qui touchēt le biē de la Chrestienté, ie ne donneray auantage à aucun Prince de le desirer plus que moy:& la facon dequoy ie fay viure mes subiets le tesmoigne. Parquoy, tressainct Pere, la patience dont i'ay vsé, attendu les iniures & torts qui me sont faits, l'heritage de mes enfans vsurpé, le retiremēt de mon armée, le cōmandement que ie leur ay fait d'entrer en garnison pour ne troubler l'esperance de paix, le pouuoir de la traiter que i'ay enuoyé à mon cousin le Cardinal de Lorraine, le desistement que i'ay fait de l'usufruit, sont assez iustes resmoings si ie desire auoir ce qui m'appartient, ou par paix, ou par guerre. Et ne doit trouuer estrange vostre sainteté si ie parle si auant: car si celuy qui occupe le bien d'autrui se peult plaindre, que doy-ie faire m'estant detenu le mien, & de mes enfans contre raison?

Quant au fait de monsieur de Sauoye, ie n'y trouue nul fondement, qui par tant de fois a esté requis de me faire la raison, tant de ce que indeuēment par occupation de ses predecesseurs il me detient, que du partage des biens qui auoient appartenu à feu Madame ma mere, que Dieu absolue, laquelle en son viuāt auoit à diuerses fois enuoyé plusieurs personages deuers ledit seigneur de Sauoye son frere: & depuis son trespas ay encorés enuoyé deuers luy personages bien instruits, avecques mes tiltres & enseignemens, pour faire entendre clairement à luy & à son conseil le bon & euidant droit à moy appartenant és terres & seigneuries qu'il a indeuēment detenues, à quoy il n'a voulu entendre: si que besoing m'a esté d'y proceder par la voye des armes. En quoy faisant n'ay aucunement contreuenu aux traittez faicts avecqs ledit seigneur Empereur, esquels est dit q ne me melleray des praticques d'Italie, en faueur de quelque potentat que ce soit, contre ny au prejudice du seigneur

seigneur Empereur: & ne puis entendre comment il puisse pretendre que ceste guerre soit contre luy, veu qu'il n'a esté touché à chose qui luy appartienne, mais au contraire ayt tousiours esté défendu de n'y attenter aucunement. Et ne peult la comprehension dudit seigneur de Sauoye en tiltre d'allié faicte au traitté de Cambray l'exempter & faire tenir quitte de ce qu'il me doit & detient: car il n'est mis au traitté cōme principal contrahant, & n'y fut disputé des droicts à moy appartenants: parquoy ne peuuent auoir esté cōprins ne remis par ledit traitté. Et m'attendoy (comme encores say-ie) veu la proximité du lignage & prochaine alliance qui est entre l'Empereur & moy, qu'il soustiendroît & prefereroit mō droict à celuy dudit seigneur de Sauoye, & ne voy point que de tous autres qui ont pris les biens de monseigneur de Sauoye, on le trouue mauuais que de moy, encores que ie soye beau frere, ayant bonne & iuste querelle, & ne voulant auoir que ce qui est mien. Et quand il plairoit à vostre-ditte saincteté, ie vous feray mōstrer mes droicts qui tesmoigneront ce que ie vous dy, & tousiours en me rendât ce qui est mien seray-ie content de luy rendre le surplus de ce que ie tien. Et quât à ce que l'Empereur dit que pour le bié de la Chrestienté (ne pouuât estre la paix) il seroit meilleur que par nous deux, de personne à personne noz differēs fussent vuidéz: ie respon à cela que n'estant chargé d'aucune chose touchant mon honneur, à laquelle ie n'aye satisfait, & cest offre de cōbat estant de volōté seulemēt & sans cōtraincte dudit honneur, il me semble que noz espées sont trop courtes pour nous cōbattre de si loing: Mais si l'ocasiō nous faict aprocher (comme il est croyable qu'il le faudra si nous rentrons à la guerre) & si ledit Empereur demeure en ceste volōté de combattre, & que ceste heure là il m'en appelle, ie suis content, si trouue que ie refuse de satisfaire à mō honneur, d'estre condamné par tous gens de bié: ce que ie crain plus que le combat. Et quant à ce que l'Empereur a declaré depuis n'auoir dit aucune chose pour me taxer ou blâmer, & par ses lettres n'auoir entendu tenir la paix pour

rompue, c'est chose dont ie suis trefaïse.

VOILA tressainct Pere, & vous messieurs les Cardinaux du saint siege Apostolique, & ambassadeurs esians presens, ce que ie vueil bien estre declare en vostre presence, non pour offendre personne: mais seulement pour ma iustification, & faire clairement apparoir a chacun la droicte & sincere volonte que i'ay à la paix. & au bien vniuersel de la Chrestienté: & que de moy ne procede ne procedera l'ouuerture de la guerre, ce que lon peut facilement iuger par les grãd. deuoirs, où ie me suis mis & mets pour y obuier.

Occasïo de  
vne depes-  
che en An-  
gleterre.

TELE fut la response du Roy à la proposition faicte par l'Empereur à Romme, pource que l'est. oïte amitié confermée en luy & le Roy d'Angleterre, ils festoient promis l'un à l'autre, fentre communiquer toutes les nouvelles qu'ils receuroient d'importance, & que sur icelles ils auroient conclu & arresté, il enuoya vn double par le poste apres le seigneur de Polisy, de la maison de Tinteville baillif de Troyes, lequel puisnagueres il auoit depesché vers ledit seigneur Roy d'Angleterre, & luy auoit baillé vn double de la lettre d'aduertissement, de la susdite proposition que luy en auoient escripte les Euesque de Mascon & seigneur de Velly les ambassadeurs.

LA cause de la depesche dudit baillif auoit esté sur ce que ledit Roy d'Angleterre auoit communiqué à l'Euesque de Tarbes, de la maison de Castelnau ambassadeur du Roy nostre dit. maistre en Angleterre, vne lettre fort affectée que l'Empereur luy auoit escripte, contenant en substance cinq principaux articles. Le premier estoit du iour que ledit seigneur Empereur esperoit arriuer à Romme, & de ce qu'il disoit pretendre y vouloir faire. Le second de l'iuuation faicte par le Roy nostre dit maistre, sur les pais du Duc de Sauoye, surquoy il le prioit dese vouloir employer à moyenner & faire enuers ledit seigneur Roy, qu'il voulust rendre ce qu'il auoit



uoir pris & occupé sur iceluy Duc de Sauoye. Le tierse-  
 stoit de la craincte que disoit l'Empereur auoir, & avec-  
 ques iuste & apparète raison que ledit seigneur Roy pas-  
 fait outre, & luy fist la guerre au Duché de Milan: quoy  
 aduenant il le prioit de luy vouloir en ce cas dōner ayde  
 & secours. Par le quatriesme il le prioit de vouloir met-  
 tre en oubly ce qui estoit passé de malcontentement en-  
 tre-eux à cause du diuorce de la Roynne Catherine sa tâte:  
 duquel malcōtētement estoit alors cessée l'occasiō par  
 le trespas de laditte Roynne. Parquoy il le prioit que pour  
 leuer d'ētre-eux tout suspēcō & racine d'inimitié, il fust  
 cōtēt de renoueler les vels traittez de leur cōfederatiō  
 & amitié. Pour le v. & dernier il l'aduertissoit, comme il  
 dresloit contre le Turc vne grosse armée pour la defensiō  
 de la Chrestienté, à quoy il le prioit de vouloir estre con-  
 tribuable: veu que c'estoit cōtre les ennemis de la foy.

Le Roy d'Angleterre qui de sa nature depend volon-  
 tiers à tenir gens en diuerses prouinces pour entendre  
 des nouuelles de tous costez, & à faire des presens se-  
 crets à ceux qui ont le moyen d'entrer avecques les pria-  
 cipaulx entremetteurs d'affaires des Princes & potērats  
 estrangers (encores qu'en aucuns endroiets son argent  
 soit mal employé, de sorte qu'aucuns parmy vn ou deux  
 aduertissemens veritables luy mandent en plusieurs au-  
 tres choses le blāc pour le noir) auoit toutesfois ordinai-  
 remēt du costé de Rome assez seurs & veritables aduertif-  
 semens: mesmement auoit desia sceu que l'Empereur pre-  
 tēdoit à Rome de faire, & brasser le contraire de ce qu'il  
 luy mandoit. Quand au second article, scauoit qu'il n'e-  
 stoit raisonnable d'en faire la requeste au Roy son fre-  
 re, lequel n'estoit entré en la participation de ceste en-  
 treprise. Quant au troisieme, scauoit non seulemēt que  
 l'Empereur ne craignoit estre assailly à Milan, ains qu'il  
 estoit deliberé de donner au plustost qu'il pourroit la  
 bataille aux gens du Roy au pais de Piemont. Quant au  
 quatriesme, scauoit qu'il auoit esté accusé par l'Empe-

reux enuers nostre saint Pere, & plusieurs autres d'auoir  
 fait empoisonner la Royne Catherine, & quels autres  
 propos l'Empereur en auoit tenuz. Et quant au cinquies-  
 me, scauoit que l'Empereur se preparoit à la guerre, non  
 pour aller contre le Turc en la defension de la Chrestien-  
 té, mais pour la raison ia deuant ditte. Et à ceste  
 cause fist la response audit seigneur Em-  
 pereur, ainsi qu'il auoit declaré  
 audit Euesque de  
 Tarbes.

FIN DV CINQVIESME LIVRE.



# SISIESME LIVRE

DES MEMOIRES DE MES

SIRE GVEILLAVME DV BELLAY

seigneur de Langey.



EMPEREUR en faisant tout Appareil de  
 tes les praticques, ne laissoit guerre par  
 toutesfois encores d'entre l'Empereur.  
 tenir en quelque esperance le  
 seigneur de Velly, ambassa-  
 deur du Roy: non pas qu'il  
 eust aucune volonte de venir  
 à conclusion ( car en effect il  
 ne l'auoit iamais eue, comme  
 peu apres nous declarerons)

mais il ne vouloit entrer en ouuerte declaration de guer-  
 re, que premierement il n'eust certaine nouuelle que  
 l'armee du Côte de Nansau fust preste à descendre en Pi-  
 cardie au mesme temps que luy commenceroit de l'autre  
 part à faire acte d'hostilité contre le Roy. Encores espe-  
 roit il en dresser vne autré ( non toutesfois si prompte-  
 ment ) laquelle il vouloit enuoyer au fort des affaires  
 descēdre en Champagne, quand les garnisons du pais en  
 seroyent deslogées: pour se venir ioindre ( ainsi qu'apres  
 elles firent ) avecques celles de Picardie. Le Roy encores  
 qu'il dissimulast d'entendre que l'intention de l'Empe-  
 reur fut telle, si en estoit suffisamment aduerty: car ou-  
 tre le bruiet qui en estoit commun en Italie, en Fran-  
 ce, en Allemagne, & en Angleterre, il auoit ordinaire-  
 ment nouuelles d'Allemagne, du nombre de gens que  
 l'Empereur y faisoit leuer, combien & quels estoient ses  
 capitaines, quand, & par qui, est de quels deniers ils de-  
 uoyent receuoir payement, & en quel tēps ils pourroient  
 estre mis ensemble. En auoit aussi du costē de Picardie de

quelque amas de Wallons qui iase faisoit, & de Pargé qui leur deuoit estre baillé au lieu de Lensen Artois; mais bien scauoit que lesdittes forces ne pouuoient pas encores estre si tost prestes. Parquoy il luy suffisoit, en attendant ce quele temps ameneroit, tenir ceste frontiere là en seureté de surprise, & en Piemont garder bien ce qu'il y auoit.

**Opinion de** lors il voulust y faire appeller pour estre à la deliberation  
**versus du** de ses affaires, estoient d'aduis contraire: & mesme-  
**seil du Roy.** ment apres auoir sceu la ciue response que l'Empereur  
 auoit faicte à monseigneur le Cardinal de Lorraine, eus-  
 sent bien voulu, que tout ainsi que l'Empereur s'am-  
 uisoit de paroles, il eust vŕe contre luy d'un mesme art:  
 & que durans ces allées & venues, & sous couleur de  
 enuoyer audit seigneur Cardinal au iourd'uy vne instru-  
 ction, & demain autre nouuelle, il eust faict tenir argée  
 en Italie, ou par banque, ou par autre voye, pour en  
 diligence renforcer la troupe des seigneurs Caguin &  
 Comte Guy Rangon, & en un mesme temps faire pas-  
 ser en Italie les Suisses que desia ledit seigneur auoit re-  
 tenuz en son seruice, pour ŕen venir ces deux bandes  
 venir avecques les forces que desia ledit seigneur auoit au  
 Piemont: & puis que voyant son poinct il vŕast de l'oppor-  
 tunité ŕoŕtrante, & sans auoir tant de respect à qui n'e-  
 ŕtoit pour le luy auoir semblable. D'autres en auoit, qui  
 bien approuuoient ceste opinion, mais ils iugeoient les  
 forces de l'Empereur estre desia si pres des nostres, qu'ils  
 ne pensoient point que ceste opinion fust executable à  
 temps, ioinct qu'il scauoient plus intrinsequement que  
 les autres, la finale intention & resolution du maistre  
 & la cognoissant pleine de iustification enuers Dieu & le  
 monde, y vouloient bien adherer, & demourer en cest  
 aduis de bien garder ce que nous tenions, & sans entrer  
 en plus grande despense, sur-attendre tant que l'Empe-  
 reur fust agresseur indubitable. A tant le Roy repre nant



Les propos conclut sur iceux en ceste maniere.

Si nous n'essions aux actions humaines à satisfaire à autre qu'à Dieu seul seruateur, estimateur, & iuge des cœurs & pēssées des hommes: & auquel n'est incogneüe la volonté que me garde l'Empereur en son courage, & que pour obuier en preoccupant à saditte volonté, ie me fusse contenté de iuste querelle, pieca Peussay-ie peu faire a grand marché, ou du temps qu'il estoit empestché contre le Turc en Autriche: ou du temps que l'armée des lansquenets qui auoient remis le Duc de Wirtemberg en son Duché, ou depuis quand celle des Suisses qui ont secouru Geneue, se sont enuoyez offrir à moy: l'une des offres alors que l'Empereur entroit en son expedition de Thunis, & l'autre luy estant de retour en Sicile moult affoibly de gēs & de deniers. Mais à mes propres amis & iuges equitables, ie n'eusse peu iustifier mō fait & sinon par apparences & presumptions: aux iniques & non amis, encores à present ne le scauroy-ie suffisammēt faire par autre voye: & vous scauez ce qu'en plusieurs autres deliberations en tels affaires ie vous ay tousiours déclaré de mon intention. Mais entendez toutesfois que quant à moy ce n'est de ceste heure que le cœur m'a preslagé & iugé, que l'intention de l'Empereur enuers moy auant son partement, & depuis son retour du voyage de Thunis estoit, & tousiours esté telle, qu'aucuns de vous à present commencez à cognoistre. Et si parauant i'en eusse esté en quelque doubte: croyez que de l'heure qu'il respondit à mon ambassadeur, que puis qu'il n'auoit pouuoir de moy, il le passoit & entretenoit de paroles, ie m'en fusse tenu assésuré du tout & hors de doubte: car qu'elle occasion eust il eue d'alleguer à mon ambassadeur vne telle raison? sinon que par luy-mesme il iuge autrui: & scait trebien qu'alors qu'il m'en uoya le Côte de Nansau (lequel aussi vint sans pouuoir) luy ne le fist que pour me donner paroles & m'amuser cependant qu'il feroit son voyage: afin que sous ceste

Paroles du  
Roy en son  
Conseil.

esperance ie ne pourfuiuisse la reparation de Pourtrage que m'auoit faict Francisque Sforce: & luy durant sondit voyage fist (sans que ie m'en doubtrasse) faire en Allemagne par le Comte de Nansau ( qui sous vmbre & couleur de ceste negociation abbregea son chemin par mō Royaume) ceste assemblée que maintenant vous luy voyez mettre sus. Vous scauez assez combien de fois i'en ay esté aduertty d'Allemagne, par mes amis, & que nonobstant que ledit Comte fist courir le bruit que c'estoit pour le recouurement du Comte de Carzenellenbogn, i'eusse toutesfois à me tenir sur mes gardes. Or quelque mal ou biē qui m'en aduienne, encores à present vueil- ie persister à me gouverner plustost sur- ce- que me faict entēdre, que sur- ce- que faict aucōtraire l'Empereur: afin d'euitier entierement que l'assaillant sur le bruit de ce qu'il se prepare contre moy: toute couleur luy faille de pouuoir dire que non pour m'assaillir, ains pour le garder il se fust preparé: ou que pour affection que i'eusse de trouuer occasion de rōupture contre luy, i'ay bien voulu à vn bruit incertain legerement adiouter foy. Et ne pensēz point que ie prenne telle conclusion, sur opinion que i'aye de n'auoir mes forces prestes à temps: car auant que l'Empereur ait pris tout ce que i'ay ordonné fortifier au Piemōt elles y seroient facilement arriuées: mais ie vueil entierement que le tort & blāme de l'aggression tombe sur luy. Et pour plus luy oster d'excuse & de couleur des siennes forces qu'il met sus, ie suis deliberé, puis qu'il faict telle instance, que ie retire mon armée deca les monts, & en Piemont laisser seulement garnisons es villes que i'ay ( comme dit est) ordonne faire fortifier. Et si bien ie fay en ceste deliberation quelque tort ou reculement à mes affaires: si ay- ie telle confiance en Dieu vray iuge & vengeur de foy desguisee, que si bien l'Empereur en ce commencement se conioist de ma negligence, autant esprouuera il la guerre ouuerte & rompue par luy de desplaisir & de dommage du temps perdu, que i'espere apres recouurer par diligence, persouerance & viue force.

Sur- ce

Sur ce propos & auant que le Roy eust finé sa parole, sur apporté au conseil vn pacquet du seigneur de Velly depesché par la poste: lequel ouuert, & leu deuant le Roy, auquel estoit par ledit de Velly entre autres choses donné aduis: que les seigneurs de Cannes & Granuelle luy auoient demandé, si monseigneur l'Amiral viendroit point trouuer l'Empereur, ainsi qu'il auoit esté aduise. Adioustant qu'il n'y auroit mal de faire encore durer ceste pratique sous le nom de monseigneur le Duc d'Angoulesme, si de monseigneur le Duc de Orleans ne vouloit l'Empereur ouir parler, afin au moins de gagner ce peu de temps pour acheuer la fortification de Turin encommencée, au cas que la pratique en autres choses fust infructueuse. Le Roy alors en se loubriant, dit, Encores nous veult donner l'Empereur à entendre, que nous deuons quelque chose esperer de luy. Or il fault imaginer de deux choses l'une: ou que ses lansquenets ne peuuent arriuer si tost qu'il esperoit, ou s'ils sont arriuez, que là dessus il veult pour ambassadeur auoir mon lieutenant general, afin d'enuoyer ce pendant assaillir mon camp, & le trouuer & surprendre sans chef à l'improuite. Que ferons nous doncques à cest homme icy? si nous ne l'enuoyons, il prendra là dessus son excuse & couleur de dire, que quand c'est venu au ioindre, nous auons par cela donné à cognoistre, que nous ne voulions venir à la conclusion: si nous l'enuoyons, il n'y fera rien d'auantage, mais ie me seray iustifié, luy sera en peine de trouuer vne autre excuse. Aduienne de par Dieu ce qu'aduenir pourra, paroy desia ainsi conclu & arresté de retirer par deca mon armée, tant seulement laisser des gens de guerre en Piemont, ce qui suffira pour mettre és garnisons des villes tenables: accordons luy ce qu'il demande, voyons quand il acouchera de ce dont il est gros: & faisons cognoistre à tous amis & ennemis que de nostre costé nous auons fait plus que raison & deuoir.

A tant il depescha vers ledit seigneur Amiral, & luy manda de ne plus tenir camp, & que seulement il paracheust de fortifier Turin, & quelques autres places. Premierement il

Prouisions  
du roy sur  
le fait de  
la guerre.

escriuit de Carmagnolles, mais depuis il escriuit de Fos-  
 san ou Cony ou toutes deux, & qu'il y mist le nombre de  
 xiiij. ou xv. mille hommes de pied, ensemble ce qu'il iu-  
 geroit estre necessaire de gendarmerie & de cheuaux le-  
 gers : & si ledit nombre estoit plus qu'il n'en estoit  
 beloing, à fournir bien & suffisamment esdittes villes,  
 qu'il mist ce qu'il restoit dudit nōbre de xiiij. ou xv. mil-  
 le hōmes en quelques places au deca, lesquelles fussent  
 couuertes des autres: & qu'en chacune il mist vn chef au-  
 quel eussent les autres à obeir en toutes choses, & que le  
 reste de son armée il renuoyast deca: luy se tint prest d'al-  
 ler vers l'Empereur, à toute heure que par monseigneur  
 le Cardinal de Lorraine il feroit mandé, aussi que de ce  
 que dessus il donnast aduis au seigneur de Velly. Par le  
 seigneur de Rabodāges fut enuoyée ceste depesche, & par  
 le seigneur de Renty vne autre à messeigneurs Charles  
 Duc de Vêdōsmois, & Claude de Lorraine Duc de Guise,  
 Vngouuerneur de Picardie, & l'autre de Chāpagne, leur  
 ordonnant fortifier quelques places en Picardie, & en  
 Champagne, & qu'ils departissent leur gendarmerie &  
 leurs legionnaires es lieux qu'ils verroient estre plus à  
 propos & à main pour luy faire seruice. Leur feit d'auan-  
 tage enuoyer argent, pour leuer promptement le nom-  
 bre de xiiij. mille aduenturiers, pour aussi les departir es  
 villes de frontiere: ensemble le payement d'autres deux  
 mille aduenturiers à leuer quand le besoing en seroit,  
 & autre bonne somme de deniers pour employer, tant  
 aux fortifications qu'aux enuiraillemens desdittes villes.  
 Et particulièrement escriuit à messire Francois de Mont-  
 morency cheualier de son ordre, & son lieutenant audic  
 pays de Picardie sous la charge & en l'absence dudit  
 seigneur Duc de Vendōsmois, qu'il eust à y auoir l'œil  
 & vacquer diligemment, & principalement d'aller en  
 personne faire l'auitaillement de Terouenne, & en pas-  
 sant visiter la ville de Montereul, & l'auertir de ce qu'il  
 trouuerois y estre necessaire. La cause pour laquelle par-  
 ticulierement



iculièrement il voulut luy donner ceste charge fut pour  
 autant qu'il en vouloit trauailler le Duc de Vendomois,  
 qui alors estoit empesché sur la conclusion qui se deuoit  
 faire du Mariage de sa fille aînée avec le Roy d'Escoffe.

En ce temps estoit le Marquis de Saluces arriué en  
 poste à la cour, auquel le Roy donna des villes du Pie-  
 mont qu'il pretendoit estre des anciennes appartenan-  
 ces du Marquisat, à scauoir est Sauillan, Cony, Fossan,  
 Saualimont, Mont-deuis, & plusieurs autres iusques au  
 nôbre de xvij. Et à ce que depuis il a esté sceu, n'estoit le-  
 dit Marquis venu les demander en esperance de les obte-  
 nir: mais pour auoir cause ou couleur en cas de refus de  
 coulourer ce que depuis il feit: car à ce que lon a certai-  
 nement entendu, il y auoit long temps que sa pratique  
 trainoit, qui estoit telle. Ledit Marquis par le moyen  
 du Comte de Pauquepaille, & d'un sien contrerolleur  
 pratiquoit avecques Antoine de Leue, promettant es-  
 pouser sa fille: & par ce moyen luy promettoit ledit  
 Antoine de Leue luy faire gagner le proces qu'il auoit  
 intenté deuant l'Empereur pour le Marquisat du Mont-  
 ferrat qu'il maintenoit luy appartenir, à l'occasion (à  
 son dire) que ledit Marquisat estoit substitué, que là &  
 au cas qu'il y eust faulte de hoir mâle, il n'alloit en fille,  
 mais retournoit à celuy qui estoit ou seroit Marquis de  
 Saluces estant de la maison. Or estoit-il que du Marquis  
 de Montferrat, & de Madame d'Alancon sœur du Duc  
 d'Alancon estoit sorty vn fils & vne fille mariée au Duc  
 du Mantoue: & le fils qui fut Marquis de Montferrat  
 en picquant vn cheual, le cheual tomba, dont tour sou-  
 dain il mourut sans estre marié: parquoy vouloit dire  
 ledit Marquis Francois de Saluces qu'à luy appartenoit  
 la succession dudit Marquis nouuellement decedé, & nō  
 à sa sœur. Aussi ledit Marquis François estoit fort supersti-  
 cieux, & auoit à lioulté foy aux propheties qu'auoient esté  
 faictes, qui di. qu'il que l'Empereur deuoit estre Monarq,

Causes de  
 rebellion  
 du Marquis  
 de Saluces.

de sorte qu'il craignoit de perdre son estat de Saluces: & mesme ledit Marquis vn iour à Fossan, parlant au seigneur Martin du Bellay, luy disoit qu'il auoit pitié de ses amis de France qui perdroient leurs biens, par ce que on ne pouuoit aller contre les oracles de Dieu, dont les prophetes estoient denonciateurs.

Des le deuxiesme iour de May auoit esté depesché le seigneur de Rabondanges avecques la charge que vous auez entendue. Et depuis par ce que monseigneur l'Amiral estoit d'aduis de ne rompre encores son camp qu'il auoit fortifié au lieu de Carignan, luy fut enuoyé vne iteratiue de pesche conforme à la premiere, & ordonné que lesdites garnisons mises à Turin, & à Fossan, & autres villes qu'il aduiferoit, pour soutenir & rompre la premiere impetuosité de l'Empereur, au cas qu'il entraist à ruyture, il renuoyast incontinant le surplus de son armée en France: sinon qu'il veist apparemment qu'Antoine de Leue n'eust forces plus qu'esgales, & fist contenance de vouloir passer ou deca de la Saïse, contreuenant aux promesses accordées entre monsieur le Cardinal de Lorraine, & ledit de Leue: auquel cas il luy estoit ordonné de hazarder la bataille, la raison de la guerre toutefois gardée & moyennant qu'il feist tousiours ledit seigneur Empereur agresseur & luy deffendeur: & au cas qu'il ne vist apparence de ce faire, il ensuiuiſt la premiere ordonnance qui luy auoit esté enuoyée par ledit seigneur de Rabondanges: & luy se tint prest à mōter incōtinant à cheual, au premier mādement qu'il auroit dudit seigneur Cardinal de Lorraine de Passer trouuer.

A v lieu de Pittoye receut le seigneur de Velly aduertissement de ce que par la depesche du seigneur de Rabondanges auoit esté ordonné audit seigneur Amiral. Et sur ceste occasion, estoit rentré avecques l'Empereur en propos de ceste negociation de paix. A quoy luy fust respōdu que l'Empereur aucunement n'y attendoit, si non qu'auāt tout euure l'armée du Roy eust repassée les mōts,

& le

& le Duc de Sauoye fust entieremēt reintegré. Surquoy replicant ledit Velly, que nostre saint Pere auoit bien dit à P'uesque de Mascon & à luy, que sa majesté feroit ceste response, mais a la fin le contenteroit, que seulement les offensés supersedassent d'une part & d'autre à quoy le Roy non seulement auoit optemperé, mais, qui estoit grande approbation de sa bonne volonté, auoit delia mandé que son arriuee des garnisons en hors se retirast en France, & que lon donnast congé aux gens des seigneurs Caguin & Comte Gui de Rangon, & à monseigneur l'Amiral de se trouuer avecques monseigneur le Cardinal de Lorraine, si par ledit seigneur Cardinal il luy estoit mandé. L'Empereur ce nonobstant persista en ses demandes sans aucune chose moderer, si non qu'il sen conseileroit, & puis donneroit response. Ceste response il bailla par escrit au troisieme iour, mais si confuse, qu'il estoit allé zapparaht, que de propos deliberé il l'auoit baillée telle, pour ne dire chose qu'il n'eust moyé, au cas qu'il luy en vint aduantage, de la desguiser. Et ce pendant il ne perdoit tēps, heure, ne moment à faire diligenter ses forces: & ia dès le viij. du mois le seigneur Antoine de Leue estoit venu contre la promesse campaire au deca de la Seise, entre Turin, Vercel, & S. Germain, avec son nombre de cheuaux accoustumé, vnze mille lansquenets, & sept mille Italiens & ij. mille Espagnols: sans ceux de Sicile, & sans la troupe qu'amenoit l'Empereur avec soy. Monseigneur le Cardinal de Lorraine estoit ce temps pendant arriué à Rome: où il trouua qu'il ne se parloit plus que de la guerre, & que desia publiquement se vantoient les Imperiaux que l'Empereur la vouloit faire au Roy, non seulement au pais de Piemont, & pour la restitution du Duc de Sauoye, mais en vn mesme tēps au cœur & aux frōtiers de son royaume: par rāt de lieux & endroits que le Roy ne sceust auquel entendre. Si enenuoya demander son audience à nostre saint Pere, & au iour & heure qu'elle luy fust signifié, proposa la

charge en ceste maniere.

Harangue  
du Cardi-  
nal de Lor-  
raine au Pa-  
pe.

Si oncques ( tres-sainct Pere ) vous fustes en doute auquel il tient ou de l'Empereur ou du Roy, qu'entre-eux & sous vostre autorité il ne sont venus à quelque bonne & seur intelligence & amitié : & si par ce que vous mesme en auez veu & entendu à la venue dudit seigneur Empereur en ce lieu, vous n'auiez du tout esté mis hors d'iceluy doute : ie suis seur & certain que vous en serez entierement hors, apres auoir entendu ce que m'auoit ledit seigneur Roy ordonné luy proposer & offrir en vostre presence, & par vostre conseil : & que le récontrant sur le chemin des postes, au lieu de Siene, ie luy ay offert & mis en auant : ie ne perdray temps à vous reciter les allées, & venues, offres, acceptations simulations & dissimulations, entreuenues de l'un à l'autre depuis cinq ans en ca, sur les moyens de confirmation de paix, estroictes alliances, & fraternele amitié : car vous en deuez estre assez & plus que informé, voire ( si l'affection que vous auez à l'vnyon de la Chrestienté ne vous supportoit ) attedié. Ie viendray doncques au but, & à la derniere conclusion que le Roy à mon partement tenoit pour indubitable : c'estoit que l'Empereur ( ainsy que vos tres-sainct Pere auez sceu ) accorderoit bailler à monsieur le Duc d'Orleans second fils du Roy, l'estat & Duché de Milan, mais l'usufruit & que le Roy en vouloit retenir, il ne luy vouloit aucunement accorder : encores vouloit que le Roy ce pendant cessast toute hostilité contre le Duc de Sauoye, iusques a ce qu'il fust cogneu & iugé du different d'entre eux. Là dessus, tres-sainct pere, fut faicte ma depesche par le Roy. Passant en son camp, premierement i'ay faict desister son lieutenant general de l'entreprise qu'il auoit, & ia estant apparemment sur le point d'emporter d'assault la ville de Vercel. Secondement, & apres auoir parlé au seigneur Antoine de Leue capitaine general de la ligue d'Italie, i'ay faict retirer ledit lieutenant general du Roy iusques par delà la Doaie, &c



re, & mettre les gensés garnisons, cessant effectuellement tout acte d'hostilité. Ce faict, ie suis venu vser ledit Seigneur Empereur, & de par luy ay quicté l'instance auparauant faicte de cest vltimict, offert de mettre en iustice le different d'entre luy & le Duc Sauoye, presenté toutes les forces & puissances dudit Seigneur au seruice non seulement de la Chrestienté, mais au particulier & propre de l'Empereur & de sa maison, en reseruant seulement les alliez dudit Seigneur Roy, que il ne pouuoit sans reproche & charge de son honneur abandonner. Tant s'en a fallu que luy portant ceste ambassade, ie l'aye trouué en la mesme deliberation, que tout au contraire il a du commencement differé de confesser (combien qu'à la fin il l'ait aduoué) d'auoir iamais accordé tout ce que dessus: mais en conclusion m'a déclaré, au moins assez donné à attendre qu'il ne le feroit: & à ce que ie puis comprendre, & le bruit commun est parmy ceux qui sont à sa suite, il s'en va droict faire la guerre au Roy. Si est-ce, tres saint Pere, que bien considérant comment sont passez entre ces deux Princes les affaires des precedentes guerres, chacun d'eux ou en sa propre fortune, ou en celle de l'autre, ou en toutes deux, trouuera par quoy estre induict à se deuoir renger à party raisonnable, & que par la vicissitude & alternation des heureux succes & malheureux euenemens, ils ont tous deux de quoy cognoistre & iuger combien chacun se doit affermer ou desesperer de fortune.

Soit ainsi que l'Empereur & plus souuent & plus inspercemēt l'ayt esprouuee amie & fauorable: si trouuera il qu'en toutes ses victoires les affaires du vainqueur ont esté la plus part du temps en aussi grand danger & branle que ceux du vaincu. Messire Robert de la Marche (duquel sourdit le commencement de toutes ces guerres) auoit à l'encontre de l'Empereur vsé de quelque maniere d'inauasion, ledit seigneur print sur luy la plus grande partie de toutes ses places: & comme si le Roy

eust donné cause à ceste inuasiō, le vint assaillir en son Roy-  
aume, print Moson, assiegea Mesieres : fut depuis repoussé  
par le Roy, perdit quelque sienne places de nom, & feit vne  
retraite de nuit assez approchante de sulte, se retirant en  
Espagne: où il trouua que Fontarabie, l'vne des clefs & prin-  
cipaux bouleuers de son Royaume d'Espagne, auoit esté pri-  
se par les gens du Roy. Fortune d'autre costé le recompensa  
les liens prindrent Tournay: il fist reuolter le Duché de Mi-  
lan contre le Roy, lequel y enuoya nouuelle armée, qui pro-  
spera du commencement: à la fin fut defaite à la Bicoque.  
Le Roy dressa vne autre armée qui tellement exploicta, que  
à peine auoit l'Empereur vne place tenant pour luy en Lō-  
bardie. Derechef la mutation de fortune fut soudaine: l'ar-  
mée du Roy fut rompue: celle de l'Empereur osa passer  
Prouence: trouua la ville d'Aix capitale du pays, & assez  
d'autres abandonnés, assiegea & grandement trauailla Mar-  
seille: puis à la nouuelle de l'arriuée du Roy marchant co-  
tre eux se retira en desarray. Le Roy de ceste empraincte re-  
passa deca les monts par autre & plus court chemin, reduisit  
presque toute la Lombardie à son obeissance. L'armée de  
l'Empereur vn peu apres se renforça: celle du Roy se con-  
somma, & fut vaincue: luy prisonnier conduit en Espagne,  
en sortit par composition assez rigoureuse. Sur le refus que  
peu apres feit l'Empereur à la ligue de toute Italie, France,  
& Angleterre de moderer les conditions desraisonnables:  
il fut bien pres de perdre non seulement la Lombardie, mais  
tout le Royaume de Naples: fortune le releua, recouura ce  
qu'il auoit perdu: eut le Pape Clement son prisonnier, pour  
la deliurance de sa sainteté: le Roy dressa vne armée, qui  
pour vn temps fut victorieuse, tant en Lombardie, & en  
la riuere de Genes, qu'au Royaume de Naples: iusques  
à ce que sur le poinct de la tresgrande ruine dudit seigneur  
Empereur. Et apres qu'il eut perdu plusieurs armées de mer-  
cennement defaictes par celle du Roy, ses principaux  
chefs prisonniers, eurent moyen de corrompre ceux de l'ar-  
mée du Roy, & de tourner la victoire en desconfiture. Sou-  
dainement

lainement il repara ses forces, & d'arriuée toute Italie trébla deuant elles : à la fin en aduint aussi malheureuse issue.

Voila iusques alors (tressainct Pere) la veritable histoire abbregee, & que vostre saincteté ne peult ignorer, de toutes les guerres d'entre ces deux Princes : en laquelle ie ne voy point que l'Empereur ait eu si ferme & si constante felicité, ne que les forces de France en soient si affoiblies, que sur ceste esperance il doie, estant bien conseillé, mettre de rechef à la discretion de fortune ses victoires du temps passé, au hazard de perdre aussi tost en vn iour, ce qu'en tant d'années il peult dire auoir acquis de reputation & gloire, come de les augmenter & accroistre, iusques à la conformation & comble d'honneur. Vray est que sur la felicité, tenant le dessus à l'endroict du Roy, pacification est entreuenue entre-eux, laquelle à ceste cause fut à telle condition, que ledit seigneur Empereur a peu se glorifier, d'auoir plus tost donné qu'accepté la paix. Cestuy m'a tousiours semblé le principal auantage qu'il y ayt eu, fil ne l'eust donnee avec certains trop rigoureux articles, & tels qu'il a eu iuste occasion & remorts de crainte que messieurs les enfans du Roy se ressentissent vn iour de leur ancien patrimoine, qui par ce traite de paix leur a este toliu. Les praticques & moyens d'oster toute racine de regret, & de tenir ces Princes en bõne intelligẽce & amitié, par lesquels moyens nous sommes entrez sur ceste matiere, estoient desia si auant que plusieurs gens les tenoient pour conclues: esperat que ledit seigneur Empereur qui souloit dire que la desiance & seule crainte qu'il auoit du Roy le diuertissoient de plusieurs haultes entreprises, apparemment d'heureuse & facile yssue, seroit par ceste reconciliation (ainsi qu'en effect il eust fait) non seulement deliuré de ceste crainte, mais esleuré qu'estant desia vne partie de la Chrestienté à sa deuotion, & le surplus à celle du Roy, il auroit le tout à la sienne, au moyen de l'ayde & association des forces & alliances dudit seigneur Roy: & pourroit faire avecques ceste accession de forces, vn tel & si grand accroissement à la Republique Chrestienne, que

nul autre depuis. Charles le grand n'en auroit fait de pareille. Quel mal-heur, & quelle mutation, tressainct Pere, peult estre cecy? ne quel auantage au bien & augmentation de la fortune & gloire de l'Empereur y peuuent esperer ou comprendre ceux qui le detournent de ceste sienne à luy vile, honorable, & seure intètion? Pay bien voulu dire ( tressainct Pere ) qu'on Pen destourne: car Dieu ne vueille qu'en cœur de Prince, de telle & si supreme excellence se trouuait si vile & infame simulation, que d'auoir scientement voulu au contraire de son intention, vsfer des propps qu'il la tenuz.

Si le prouffit de l'Empereur les mene, quel prouffit a-il d'un Duché qui tant luy a cousté à conquerir, & à garder luy coustera dauantage? & tiendra ces deux si puissantes & inuincibles maisons, qui doiuent estre le port & refuge de noufrage de toute la Chrestienté, perpetuellement en diuisiō & despense? ostant a l'une & a l'autre occasion & moyen d'entendre à plus grandes & honorables choses? Or mettōs en vne balance toute la cōqueste qu'à faict l'Empereur, en l'autre le cōtrepoix que fortune ce pendant luy a enuoyé. Premièrement que durans ces affaires il n'a peu satisfaire au deuoir de fraternité enuers le Roy Chrestienne de Dannemarc son beau frere lequel a perdu à faulte de ce son Royaume & sa liberté. Secondement qu'aussi peu à il eu moyen de secourir le Roy Louis de Hongrie son autre beau frere, qui contre le Turc, ennemy cōmun de nōstre foy, a perdu son royaume & sa vie, avecques telle playe que chacun scait en redōder à la Chrestieté. Ie ne dy pas que l'estat de Milā ne soit bel & gros, mais il ne scauroit approcher d'estimation aux dessusdits dommages, à l'effusiō de tant de sang Chrestien, qui pour ceste querelle a esté respandu: à la perte de tant de bons & vertueux capitaines, de tant de puissantes armées perdues, & par mer & par terre: lesquelles si nous eussions employées en plus sainte & recommandable guerre, nōstre Sauueur Iesus-Christ fust à present



Tent cogneu par toutes les plus & estrâges barbares con-  
 trées du môde. Quât au Roy (tressainct Pere) qui en a es-  
 té spolié, diuine & humaine raison l'excusent de ce que  
 il en a faict iusquesicy : & si plusauant il en faisoit , en-  
 cores que son traitté l'accusast , par lequel il luy est pro-  
 hibé, si luy seruiroient les melmes raisons de quel que  
 excuse pour le deuoir auquel il est tenu enuers ses en-  
 fans, enuers son Royaume, enuers son peuple, de parta-  
 ger seldits enfans , en sorte que leur patrimoine ne dimi-  
 nue, & que leur contentement & satisfaction tienne seldits  
 Royaume & peuple en paix, repos, & vnion. Si aus-  
 si l'honneur & gloire dudit seigneur Empereur le mene,  
 quelle gloire peult il auoir plus grande, qu'apres auoit  
 obtenu glorieuse victoire, en vser encores plus glorieu-  
 sement & magnifiquement, acquerant avecques le tiltre  
 de la liberalité le moyen de paruenir à plus iustes & ho-  
 norables conquestes, dont ne luy peult matiere faillir, &  
 aussi peu l'executio à l'ayde mesme du Roy, & de ses cōse-  
 derez : Et fils sarreissent sur là seureté, laquelle à ce que  
 i'entré ils ne peuuent trouuer suffisante pour biē affermer  
 l'intelligēce, & foy amitié entre deux Princes si fresche-  
 ment reconciliez apres si grande inimitié. Le dy au con-  
 traire ( tressainct Pere ) que tout ainsi que si iamais n'e-  
 ussent eu diuision, & que l'un ne l'autre iamais n'eust  
 eu aduersité, l'amitié se fust peu concilier plus facilement  
 entre eux, ainsi plus facilement se fust elle peu dissoul-  
 dre: car cōtractât ensemble de per à per, & sans que l'un  
 eust quelque auantage sur l'autre, l'obligation de ceste  
 amitié seroit esgale: là où maintenant le Roy demoure-  
 roit tenu de la liberale gratuité dont luy auroit l'Empe-  
 reur usé, avecques l'obligation à la recognoissance du  
 bienfaict: sinon qu'il voulut estre du tout estimé ingrat  
 & indigne de toute amitié, support & faueur de Dieu &  
 des hommes. Le dy dauantage: qu'estant le Roy de cœur  
 zel qu'il est, & que longue & priuée hantise m'a faict

cognoistre en luy entierement ce bienfaict qu'il auroit receu seroit celuy qui produiroit le reciproque biē-faict avecques la recognoissance que ie disoy : & parainſi ſeroit ceste mutuelle amitiē confirmée par les deux plus estroits & ſeurs liens qui oncques depuis le monde crée, ſoyent viſitez en tels affaires est à ſeauoir du commun & reciproque prouffit, en reſultāt à l'vne & à l'autre partie : & de la foy qui est de teille nature, que nul homme ſcauroit mieus obliger à ſoy la foy d'autrui, qu'en ayant foy & fiāce en luy. Iuſques icy (treſſainct Pere) i'ay parlē en partie cōme enuoyē vers voſtre ſainctete de par ledit ſeigneur Roy, en partie comme Prince Chreſtien, affectionné ſingulierement au bien & repos commun de la Chreſtientē, ſuiuāt les anciens veſtiges de mes progeniteurs : encorē de ſa part vous aſſureray- ie que ſon intention est & ſera ( Dieu vueille qu'auiſi heureuſe que bonne ) de ceder vne partie de ſes droicts, pluſtoſt que ſarrestant opiniaſtremēt à obtenir tout ce qu'il luy appartient, eſtre contrainct de venir aux armes avecques l'Empereur. Au cas toutesfois que force luy ſoit d'y venir, il le fera ( ie parle à ceste heure, treſſainct Pere, cōme l'un des freres & membres du corps du ſainct ſiege Apoſtolique. ) de ſorte que- ie crains beaucoup que nous donnions au commun hereditaire ennemy de noſtre foy vn trop ioyeux ſpectacle de ceste guerre : & que des corps des Chreſtiens qui en icelle mourront ( qui deuroient eſtre vn oſtacle & auant- mur au deuant de luy ) nous luy dreſſions vn pont & paſſage pour nous venir aſſailir en noz foyers. Dieu tout puſſant y vueille remedier & vous treſſainct Pere qui ſcauez aſſez comment il en va, & quelle est la puſſance & par terre & par mer de noſtre dit commun ennemy, vous y employer de ſorte, que vous en laiſſiez en ce monde la gloie immortelle de voſtre nom : & en l'autre vous entriez en triomphe, menant captif & vaincuz par voſtre integritē, prudence, & ſolicitude, la haine, rancune, diuiſion, guerre, cruauté, avec-

ré, avecques toutes les autres pestilentes malheuretez qui auourd'huy trauaillent ceste republicque Chestienne, dont Dieu par son eternelle prouidence vous a donné la charge. A vous touche, tréssainct Pere, & d'autant plus vous touche d'y trauailler (vostre saincteté veut bien que ie parle librement) que i'ay desia ouy quelque murmure (telle est auourd'huy la malignité du monde) que l'Empereur apportant icy bonne disposition & volonté à la paix, à son partement ne l'a telle remportée.

Ces remonstrances ouyes, nostre sainct Pere monstra tant en Paroles qu'à son visage auoir vn merueilleux regret que les choses ne se fussent autrement conduites: & montrant en soy-mesme la fin & conclusion d'icelles remonstrances aduoila franchement audit seigneur Cardinal, auoir desia esté aduertty des propos qui sen tenoiēt en la ville de Romme. La dessus il fit vn assez long narré du bon office qu'il auoit faict en ceste matiere, de l'obstination en laquelle il auoit trouué l'Empereur, & de l'assurance en laquelle il estoit party de trouuer au Roy peu de resistance, & du bon ordre qu'il disoit auoir mis en ce que ledit seigneur Roy ne tirast des lansquenets outre ce qu'il en auoit, & des Suisses encores moins: & tellement sen estoit ledit sainct Pere laisser persuader, que peu sen falloit qu'il ne voulut conseiller au Roy de prendre à perte ou à gain apoinctement à l'appetit & volonté de l'Empereur. A la fin toute sfois il se resolut de enuoyer deux Legats vers ces deux Princes: l'un qui fut le Cardinal de Carpi vers l'Empereur & le Cardinal de Treuoux vers le Roy, avec charge toutesfois que tous deux iroient de compagnie, iusques à ce qu'ils arriuaissent la part où se trouueroit l'Empereur, afin que parlans eux deux ensemble à sa majestée, l'autre passast outre vers le Roy, d'autant plus resolu de ce qu'il auroit à luy proposer, & de ce que l'Empereur luy pourroit promettre. A tant ledit seigneur Cardinal de Lorraine prenant congé de nostre S. Pere, alla passer à Venise.

PARACHEVANT son chemin il vint trouver l'Empereur au lieu de Petreslacte : auquel apres avoir fait vne recharge, tant en son propre & particulier non, comme de la part & commission de nostre S. Pere, pour le convertir & induire à la conclusion de ses precedentes promesses : voyant finalement que remonstrances n'y avoient lieu, il print congé de luy en paroles de telle ou semblable substance.

Paroles du  
cardinal de  
Lorraine à  
l'Empereur.

IE voy & cognoy, Empereur tresauguste, par le chemin que vous tenez, & par tous voz preparatifs, & propos, que quant à vous, le Roy vostre frere n'a plus occasion de fonder son esperance en autre party que celuy des armes. Et d'auantage par aucuns propos que m'ont tenuz les entremeteurs de voz affaires, j'enten que maintenant voz desseings ne tendent tant à la restitution du Duc de Sauoye, comme à l'inuasion du Roy en son royaume. Si ne laisseray pourtant à vous supplier encores ceste fois, que vous vueillez vn peu estre maistre de voz passions, & que ne vous laissiez entierement conduire à courroux & esperance les deux plus mal seurs & malisables auteurs du monde. L'auenement de la guerre est commun & incertain, & tant plus vous auez eu de victoires, tant plus vous auez a vous garder de faire entreprise, qui puisse obscurcir la gloire des choses passées, par quelque malheur qui vous aduint plus grand que n'est l'occasion de vous en abandonner au hazard : & lequel malheur vous auenant seroit sans point de faulte attribué à vostre conseil & mal fondée opinion, & tous les succez passez à fortune & auenture non premeditée. Quant au Roy vostre frere ie puis encores vous asseurer que si vous ne prenez premier les armes : si la trompette premierement ne sonne de vostre costé : si vous ne faictes acte d'inuasion contre luy, certainement il ne rentre point en guerre avecques vous. Mais si vous l'assaillez, & mesmemet en ses pays, ainsi que sen ventent voz gés (vous me pardônez, Sire, si ie vous parle librement, & comme



comme ie le pense ) mais ie vous ose denôcer & predire, que si i'ay bonne cognoissance de forces de son Royaume, de l'unanimité, consentement & vnion de son peuple, & de l'affection & foy qu'il porte à son prince: & si auecques ce ie cognoy du Roy ( duquel ie suis nourry & esleué ) le cœur, assurance, & perséuerance en vne grosse entreprise quand il y est: & la grande diligence de pourueoir, & au besoing doner ordre à les affaires: le réps ne tardera gueres à venir, que pour vn grand bien vous souhaitterez de Dieu, vous en pouuoir retirer, à bagues sauues. Car il fault que vous entendiez, Sire, que le Francois a toute autre facon de faire à deffendre vn pays de conqueste, qu'à deffendre son propre pays, les villes, les champs, les possessions, les foyers, Eglises, & autels: & les y ont bien peu de gens assaillis sans prompte ruine, ou à toute le moins tresgrand & extreme danger. Par quoy ie vous dy, Sire, de rechet, aduisez vous, & vous donnez garde que mal entreprenant vous ne ennoblissiez & faciez cognoistre par quelque incogneu & auparavant non celebré quartier de France vostre calamité. Mais perspere pour conclusion, Sire, que vous aymerez mieux vous souffrir icy desconseiller & diuertir de vostre entreprise que d'aller en France à l'apparant hazard d'y receuoir honte & dommage.

L'EMPEREUR encorcs que telle proposition ne luy fut agreable, ne fist toutesfois semblant de prendre trop en mauuaise part la liberté de langage dont luy vsoit ledit seigneur Cardinal: & à ce ne le mouuoit tât la qualité du personnage (qui de soy meritoit assez estre respectée) cômme la grace & facon de le dire, dont estoit la qualité du personnage accôpagnée. Si le remercia de l'aduertissement qu'il luy donoit, en priât Dieu ne luy faire tât de grace qu'il eust veritablemēt prophetisés adioustant neantmoins que encorcs n'auoit il closes les oreilles à party raisonnable de paix, moiennant que le Duc de Sauoye (auquel il ne pouuoit honnestement

faillir) fust reintegré preallablement, & auant toute euures & au cas que non, ses deliberatiōs (quelles qu'elles fussent) estoient si bien instituées, qu'il n'en pouuoit esperer sinon bonne yssue. Si est-ce toutesfois que parlant depuis audit Seigneur Cardinal: il luy ramenteut gratieusement, que, des propos qu'il luy auoit tenuz à Petresancte, il l'auoit experimenté trop veritable prophete.

Le dixseptiesme iour de May arriua de retour à la cour, estant au lieu de sainct Rambert au pays de Forest monditz seigneur le Cardinal de Lorraine: & fit rapport au Roy de tout ce qu'il auoit trouué or recueilly, tant des propos, visages, & contenance de l'Empereur à l'aller, & au venir, & de nostre S. Pere à Rome, que des nouuelles qu'il auoit entendues ca & là depuis son partement. En substance que de bonne composition avecques l'Empereur il n'en falloit esperer aucune: que la deliberation estoit de venir faire la guerre en France: que les gēs se vantoient d'auoir mis si bon ordre que d'Allemagne le Roy n'auoit point de gens, & aussi peu des cārōs ecclesiastiques des ligues: & que des protestāts ils estoient l'auoir si bien brouillé enuers eux: autant en Suisse qu'en Allemagne, que d'eux aussi ne tireroit il ayde ne support. Aussi rapporta comment le seigneur Antoine de Leue auoit (comme nous auons dit dessus) passé de la riuere de Seize, & n'estoit plus pour dissimuler long temps, sans faire quelque effort à l'encontre de noz gens.

Le Roy sur ces nouuelles, & autres qu'il auoit eues de ses frontieres de Champagne & Picardie de l'amas qui se y commençoit à faire, apres en auoir conféré avecques aucuns de ses plus prieuz, & qui auoient le principal manierement de ses affaires, fist assembler son conseil, & proposant premierement les choses ainsi qu'elles passoient tant de la les monts qu'en sesdictes frontieres de Picardie & de Champagne: Tantost (dit il) serons nous au bout des simulations & dissimulations de l'Emperere: & ne serons plus en noz consultations en la difficulté que nous auons esté, à deliberer & conclure si nous deuons nous preparer à la guerre com-

Proposition  
du Roy en  
son conseil.

re comme contre vn tel ennemy que luy, ou differer encores quelques temps, iusques à ce que les effectz contraires à ses propos le declarassent estre inuasseur. Or à ce que pouuez comprendre par les nouuelles ouyes, il aura bien tost osté le malque : & si bien à aucuns il a semblé que la facon de faire dont j'ay vsé fut par trop plus consciencieuse & scrupuleuse, que bonne & duiuante à l'auancement de mes affaires, si est-ce que ie ne me repen : car à ceste heure serons nous arriuez au poinct, auquel apres seure & raisonnable paix, ie desiroy plus de paruenir : c'est de n'entretener avecques luy en guerre, que premierement à Dieu, secondement aux hommes ne s'en blast iuste. Si donques toute guerre est iuste qui est necessaire & forcee, & par le commun consentement des humains celuy est forcée à la guerre, & prent iustement les armes qui est forclos de toute autre esperance, il me semble que au iugement de tout le monde non que de Dieu ( duquel iamais ie n'ay doubté ) nous auons tout le bon droit du nostre, & tout le tort mis du costé de l'ennemy. Et pour entrer par le Duc de Saouye, le monde vniuersel me sera telmoin de combien de fois j'ay peu ( ie ne dy pas conquerir ne prendre ) mais retenir, alors que j'ay eu en ma puissance, la plus part de ce qu'il occupe, & tient du mien : & ce du temps qu'il n'estoit si fortifié d'alliances qu'il est. Mais ie me suis contenté cependant qu'il me laissât le passage ouuert & libre sur le mië propre, de luy en faire seulement porter aucune fois quel que parole pour euitier la prescriptio : & iusques icy eusse continué, s'il eust aussi continué à m'estre bon & fidele voisin. Ie me deportte ( car vous le scauez bien ) de reciter cômēt depuis que par ceste alliance de Portugal il a eu celle de l'Empereur, il s'est maintenu en mon endroict les bagues prestées à mon subiect rebelle pour auoir argent à me faire la guerre : les lettres gratulatoires de ma prison : les brigues faictes pour detourner les Suisses de mon alliance, l'achat de l'heritage de moy & de mes enfans, & iusques à refuser au Pape Clement la ville de Nice qui m'appartient pour y parlementer

avecques moy, & de fresche memoire le passage par le mien propre en affaire qui de si pres me touchoit, q̄ le mespris outrageux vse contre moy Roy, de France, par vn Sforce sans force, Duc titulaire & precaire de Milan. Mais sur vn tel & si mal fondé reffus, qui est celuy (ie vo<sup>a</sup> prie) qui n'eust pris incontinent les armes, pour recouurer ce qui seroit sien? Et i'ay voulu toutesfois en m'y preparât essayer encores la voye de raison, & en deffault de la trouuer en luy, ie n'ay peu faire par la voye des armes que ie me treuve en main.

L'EMPEREUR encores que nous soyons parens, & que ie soye son beau frere, a voulu toutesfois entreprendre ceste querelle pour le Duc de Sauoye cōme pour son vassal & allié, & a demandé que ie feisse surseoir & arrester les exploicts de guerre: ie les ay faict arrester, voire en plain cours de la certaine & deltinee victoire. Il a plu voulu que ie fisse reculer mon camp de deuant Verceil, en cela luy ay-ie obréperé. Il a demandé que pour traicter la paix, ie luy enuoyasse le lieutenant general & chef de mon armee (requeste certes assez, ors de propos) ie le luy ay toutesfois accordé. Il a d'auantage voulu que ie retirasse mon armée deca les monts, encores en cela luy ay-ie voulu complaire, mandant à mondit lieutenant general, que delaisant seulement des garnisons en quelque places, il me renuoyast par deca le surplus des Italiés des seigneurs Caguin & Comte Guy en hors, auxquels i'ay ordonné qu'il donnast congé. Aussi a mis en auant que fisse decider par iustice, le differant que i'ay avecques le Duc de Sauoye: à cela mesme ie me suis offert, & m'en suis voulu soubsmettre au iugement de nostre saint Pere. Et pour vne fois conclurre, que ay ie (pour Dieu) obmis a faire, de tout ce que se doit & peult faire pour contenter Dieu & les hommes, & leur approuuer ma iustification? Et luy ce pendant a faict passer son camp de ca les termes & limites prescripts entre nous: a augmenté ses forces à raison que i'ay diminué les mien-



nes : & ne reste plus que le mot que (comme il est passé en proverbe) on ne donne l'assaut à Sagonce, cependant qu'à Rome icy, & ailleurs ie laisse couler temps & consultations : voire qui plus est ne tient propos entre ses gens que de me venir faire la guerre en France, & de me rendre l'un des plus pauvres gentils hommes de mon Royaume. Certainemēt encorés que le mōde fust si aveuglé de tous les sens, nō q̄ des yeux corporels, si ne peult l'Empereur abuser Dieu, tour voiat, schachant & pre-cognoissant, que si autre affection ne le mouuoit que de reintegrer le Duc de Sauoye, il se contenteroit de rattachier au recouurement de ce que i'ay pris sur ledict Duc : & non à la prise de quelques villes de mon Royaume, desquelles ie bailleroiy plustost recompense au Duc, en acheprant de luy ce qui est mien pour euitter guerre, que de le plus laisser en main si suspecte & mal fiable. Mais il se vante de deux choses l'une, & faict son compte de la premiere partie de la disionctiue, ou qu'il sera Roy de France, ou moy Empereur. Estre Empereur ie ne preten : & si i'ay satisfaiet (ainsi que i'ay) à tout debuoir enuers le Duc, enuers l'Empereur, enuers Dieu tesmoing & arbitre de tous traittez, Roy de France ne sera-il iamais : & le mesme Dieu vltre & iuge de superbe & intollerable contumace, tournēra la fureur & vengeance à l'encontre de celuy enuers lequel ne se peuuent trouuer aucunes assez agreables raisons de pacifier & oublier inimitié. Doncques, d'autant que nous cognoissons quelle difference il y a de celuy qui a Dieu propice à celuy qui la contraire : & que nous pouuons maintenant (auecques noz consciences bien informées & satisfaites entrer en ceste guerre) portons y tous non seulement le mesme cœur de bien faire qu'en autres entreprises nous auons porté, mais vne certaine ire & indignation, comme à lencōtre nō que d'ennemis, mais d'infracteurs, abuseurs, & deguiseurs de foy. Reste maintenāt à deliberer, en tāt que nous auōs nouuelle que l'ennemy dreile deux

armées, en quelle part nous ferons tirer noz principales forces, & qui nous sera plus à propos (encores que ce depende du chemin que luy tiendra) lequel nous mettra mieux, ou de passer les monts au deuant de luy, ou d'attendre à le combattre en nostre pais: & l'un & l'autre party le peult fonder & en raisons & en exemples. Mais vous auant assemblez icy pour en dire chacun sa franche & libre opinion, & non point celle que vous iugerez m'estre plus agreable, ie ne vous deduiray les vnes ne les autres raisons, mais sur ce que vous autres m'écouteriez l'esprit, prenant des opinions des vns & des autres, ie concluray.

ALA PROPOSITION du Roy assentirent vniuersellement tous ceux qui furent appelez à ce conseil: car outre ce que tous estoient en bonne persuasion du plus que de buoir où il festoit mis auant que prendre les armes contre le Duc de Sauoye, à aucuns deux sembloit qu'il eust aussi bien fait de poursuiure vigoureuſement, comme d'vser de tant de respect à l'Empereur, aux plaintes duquel estoit la response tousiours aussi raisonnable comme facile & prompte, moiennant qu'à riens du sien il n'eust esté touché par nostre armée, suiuant la premiere deliberation qui en auoit esté prise. Et bien eussent aucuns voulu que monseigneur l'Amiral n'eust esté si promptement obeissant aux mandemens du Roy, ains qu'il se fust saisy de Vercel en attendant vne seconde iussion. Or ne se peuent plus reuocquer les choses vne fois passées. Et quant à la deliberation sur la maniere de se gouverner aux affaires presentes: tous furent de auis (& bien estoit il ainsi à presumer) qu'entreprenant l'Empereur, ainsi qu'il se vantoit, la conqueste du royaume de France, & du tout ruiner & en depousseder le Roy, que là part ou seroit sa personne, là seroit le fort de l'affaire: & qu'il y auroit toutes, ou (quoy que soit) la plus part de ses forces ensemble: & si bien d'autre costé il faisoit quelque entreprise, ce seroit seulement pour trauailler & diuertir les forces du Roy, & le

mettre en plus grande despense, non pas pour faire vn gros & vif exploit de guerre Carattendu que le Roy auoit ordonner de fortifier & tenir deux ou trois places en Piemont, & y ietter bonnes & fortes garnisons autant à pied que de cheual, la raison de la guerre vouloit, ou que l'Empereur auât que passer en France les forcast, ou qu'il laissât en Piemont suffisante force pour les tenir toutes assiegées, ou qu'il assist autres aussi puissantes garnisons que celles du Roy en quelques places voisines, pour tenir celles du Roy en subiection, à ce que moyennant quelque peu de renfort, elles ne faisoient, & tinssent la campagne, & fissent par occasion quelque autre effort, parauanture de grosse consequence. A ceste cause n'estoit il vray semblable, qu'estât le Roy seruy cōme il appartenoit, & l'Empereur voulant nettoier le Piemont auant que passer outre, il feist de l'année grosse enuahie au Royaume de France: & aussi peu qu'en laissant seulement quelques villes garnies, & non pas armee pour assieger les nostres, il luy fust possible sans ayde d'autrui dresser & entretenir en vn mesme temps, apres vne si grosse despēse qu'il venoit de faire en Barbarie deux grosses & puissantes armees, pour faire en deux diuers lieux du Royaume entreprises quelconques de notable conqueste: & principalement en ses deux prouinces de Champagne & Picardie, qui d'elles mesmes ne sont aisées à forcer, ne grandement oportunēs & subiectes à Piniure & proye de l'ennemy. Et à ceste cause leur sembloit à tous estre requis que le Roy en pouruoyant seulement les principales desdittes frontieres, retirast aupres de soy le surplus de ses capitaines, & plus experimētez gens de guerre, au meilleur nombre que possible luy ieroit: & dressast vn bon & puissant equippage, avecques lequel il fut prest à tourner la teste en quelque part, ou deca, ou delà les monts que son ennemy sadresseroit à luy faire guerre. Aucuns adioustoient que lon deuoit hastier & diligenter ces forces, en sorte que

elles fussent à temps prestes, pour aller recueillir nostre ennemy delà les monts, auant qu'il eust passé iusques deca: & que plustost on entreuint & feist la guerre en pays de conqueite, que sur le propre & naturel, & duquel nous tirions les commoditez requises à soustenir le faix de la guerre: ce que ne pourrions faire si abondamment en Payât au milieu & cōme ésentrailles de nostre royaume.

Resolution  
du Roy d'at  
tendre l'en-  
nemy en  
France & ne  
le cōbatre.

Le Roy apres auoir entendu leurs opinions, fut bien aussi de cest aduis, d'assembler le plus qu'il pourroit de ses forces aupres de sa personne pour s'en ayder, & les employer ensemble ou separées, ainsi que les entreprises de l'ennemy luy en donneroyent occasion & opportunité, fust de passer de là les monts, si ledit ennemy entreprenoit de nettoier le Piemont auant que passer deca, ou de l'attendre à combattre en ce royaume, il se hazardoit d'y faire descente. Mais quelque part (dit-il) qu'il entrepreigne à faire son effort, mon intention n'est point de luy presenter, ne luy donner occasion de me presenter la bataille: ains luy laisser consommer gens, temps, munitions, viures, argent, à sieges & batteries de villes, afin qu'il espreuue sa part des incōmoditez qu'en pareil cas nous auons esprouuees par cy deuant. Tant y a que la raison & le deuoir de la guerre ne portent point qu'il doieue entreprendre de passer deca: car en laissant telles garnisons derriere, que i'ay ordonné mettre en mes places de Piemont, il eit impossible, qu'y laissant autres pareilles, afin de tenir les Miennes subiectes, qui est le moins qu'il puisse faire, il demeure encores assez puissamment equipé, pour nous venir rencōtrer en barbe avecques toutes nos forces vnies. Et là où il passeroit avecques toute sa puissance, ce seroit bien la chose que plus ie desireroi, pour la raison que ie deduiray, & à laquelle ie m'arreste iusques icy, nonobstant l'inconuenient que vous m'auetz allegué estre à craindre à qui a la guerre en son pays: car tel inconuenient ne se peut estendre sinon en bien petite contree de nostre pays. Ceste raison (oultre ce que

vous



vous me auez mis en auant de l'effort que ce pèdant pour-  
 roient faire noz garnisons, avecques tant soit peu de ren-  
 fort & supplement qu'ils eussent ) est que tant plus il a-  
 mennera de gens, tant plus il luy faudra de viures, tant  
 plus de cheuaux, iumès & asnes à les conduire à sa quenë  
 à trauers les montaignes: dont il luy faudra tel nombre,  
 que double d'autant de forrage qu'il en faudra pour  
 sa caualerie, ne pourroit suffire à les nourrir. Oriugez  
 doncques estans les lieux où il aura de passer ( encores  
 que ie n'en feisse detourner ou gaster, ainsi que ie feray,  
 tous les viures & fourrages qui y pourront trouuer ) as-  
 sez de nature malaisée à soutenir & nourrir vne armée  
 d'amis passant en diligence & par estappes, ia de long  
 temps ordonnées & preparées : en quel estat se trouuera  
 vne armée ennemie, qui a chacun passage rompu ( com-  
 me ie les feray tous rompre , & plus en vn iour qu'il ne  
 rabilleront en quinze ) sera contraincte de sejourner icy  
 vn, là deux, là trois, & en tel lieu huiet ou dix iours, pour  
 les refaire? Croyez que le passage seulement auant qu'ils  
 soient descendus en la plaine : les aura cobattus à demy.  
 Et quād apres leur passage ils pèserōt de mieux trouuer,  
 alors ils aurōt en teste bones villes & biē fortifiées, biē es-  
 toffées d'artillerie & de munitiōs, grosses & puissantes  
 garnisons dedās, & telles de nōbre, de bō courage, & d'ex-  
 perience que i'ay bien moyen de les y mettre : autour  
 d'eux ne trouueront riens à la campagne, ne verront cho-  
 se qui soit à leur commandement, ne rencontreront vil-  
 les ( si elle n'est galtée & deserte ) qui les recoiue: de  
 tous costez auront païs ennemy, & au lieu qu'en Piemōt  
 ils auroient à leur doz la Lombardie plantureuse, les peu-  
 ples amis & fauorables, les grosses riuieres pour appor-  
 ter les viures, le moyen prompt, & en main de se raffer-  
 chir aucunesfois de gens, en contre change ils auront les  
 Alpes haultes, malaisées, steriles, les passages assiegez,  
 & tousiours à combattre incontinant qu'il ieront en ca-  
 passez, par aussi peu de seureté, l'ordre mis tel que ie peu-  
 se y mettre : de iour à autre par le moyen de tels empe-

chemens, retardement de la soulde a leurs gens de guerre. Ceste difficulté qui de soy est grande, & de tresmauvaise consequence, le cours du temps, les surprises, en pais ennemy, incogneu oportun à ambuches, la faulte de viures qui en aduiendra, le tout concurrent ensemble eût bien suffisant pour faire d'une grosse armée vne petite, Nous au contraire aurons tout pais nostre à Pentout de nous: ne verrons rien qui ne soit en nostre dispositiō, & si verrons de toutes parts abondance & planté, toutes contrées grasses & opulantes, & forces rivières à nostre commandement: noz deniers ainsi qu'ils se recueilleront attireront sans aucun besoin d'escorce en toute seureté: le temps qui ruinera l'ennemy, renforcera, multipliera, aguerrira noz gens: & aurons nostre passetemps, si nous voulons de voir l'ennemy se deffaire de luy mesmes, en nous seant (par maniere de dire) ou nous pourmenant à noz aises en vn beau camp & bien fortifié. Non toutesfois que ie vueille, ne que mon intention soit d'y demourer tousiours oisif & sans rien faire, mais ie vuel dire que quand nous aurons à faire entreprise, la raison & oportunité nous y conduira, & non fortune ou appetit de l'ennemy, c'est a dire que nous aurons noz forces puissantes & gaillardes, que nous serons prompts & vigilans, pour ne faillir à nostre occasion, & à l'ennemy ne donner la sienne.

TELL E est en substance ma conclusion, pour entrer de bonne heure, & sans perdre temps, à l'exécution des choses: d'autant que i'ay desia mandé à monseigneur l'Amiral, assis qu'il aura ses garnisons, qu'il me renuoye deca le surplus de mon armée, & qu'il donnast congé aux gens des seigneurs Caguin & Comte Gui, retenant seulement les capitaines, & aucuns des principaux compagnons en mon service. Je suis d'aduis, quant à ce poinct, de l'heure que l'Empereur entrera en guerre ouverte, Leur enuoyer dire qu'ils remettent leurs bandes sus: & quant au retour de monlieu l'Amiral, ie suis encores & demoure-

demoureray pour d'eux raisons en la mesme opinion: l'une pour continuer iusques au bout a donner tout le tort de l'iuasion à l'ennemy: l'autre qu'ayant assistés garnisons, ils seroit trop foible à la campagne. Parquoy mon intention est de luy mander qu'incontinent luy-mesme se retire vers moy, attendu qu'il n'a plus occasion d'attendre que monseigneur le Cardinal le mande, qui desia est icy de retour: & à to<sup>e</sup> ceux qui demureront delà, ordonneray d'obeir en son absence au Marquis de Saluces, auquel (ainsi que ie luy ay accorde) ie feray depescher vn pouuoir d'y estre & commander ainsi que mon lieutenant general. Au Dauphiné i'enuoieray vn autre bon chef, y recueillir les gens de guerre qui retourneront de delà, & par bō aduis les distribuer és lieux plus oportuns & propices à garder & deffendre le passage des Alpes. Ce tēps pendant que ie dresseray & assembleray mes forces: lesquelles vnies, si l'Empereur s'arreste au Piemont, i'y passeray en tel equippage, que ie ne craindray point à le reucontrer, & deliayer avecques vne bonne troupe de Francois, si encores auourd'huy la France porte les gēs que toute ma vie i'ay veu faire fuir les Espagnols deuant eux: ou si les Espagnes en ont produit d'autres que ceux qui tousiours ont accoustumé de fuir deuāt nous. Ie scay que sur nous ils ont eu depuis vn tēps quelques auantages, & voirement auātages, car pair à pair ie n'ay iamais veu que de viue force le Francois n'ait battu, & encores espere battra l'Espagnol avecques sa brauerie.

A nostre gendarmerie feroy- ie vne trop grosse iniure, si ie la mettoy en dispute de comparaison avec celle de l'Empereur. Italiens, en aura il, aussi aurons nous, & non des pires, & tant que nous en voudrons. Et quand aux lansquenets, si de nombre les siens passent les nostres, ils ne les passent ne de courage, ne de vertu, ne d'experience: & nous aurons des Suisses à suppleyer le nombre, quelque chose que l'Empereur ayt practiqué, ne qu'il se soit vanté au contraire. En Allemagne pourroit e-

estre que ses gens (ainsi qu'ils ont de bonne coustume) m'y auroient quelque peu brouillé, vñs de leurs accoustumées calomnies, & mensonges: si est-ce que vous auez tousiours veu la verité y auoir lieu quand elle est cogneue. Et à ceste cause ne me semble point hors de propos d'y enuoyer personnage instruit de mes affaires, qui sache vsier du langage qu'il cognoitra le besoin & occasion le requerir. Encores veulx ie que tant à mon nom comme en celuy de mes enfans il demande vne iournée Imperialle, pour y faire exposer & deduire noz droicts & raisons, desquels est meu le differend entre nous & l'Empereur: à ce que les estats de l'Empire en iugent comme vrayz iuges, & au'quels appartient de cognoistre des differends de l'Empereur, & des vassaux de l'Empire, tels que nous aduouions estre, & moy, & mes enfans, à cause du Duché de Milan. Et dauantage arriué que ie seray à Lion, auquel lieu penten incōtinant me retirer pour dōner ordre à mes affaires, mon aduis est d'autāt que nous sommes au temps des foires, faire venir à moy tous les marchans Allemans qui s'y trouueront, & leur tenir des propos accommodés au tēps, par lesquels ils puissent où besoing sera, & si on auoit en leur pays desguisé quelque chose au preiudice de mes affaires, eux-mesmes deposer du contraire pour la verité.

Depešches  
de mōsieur  
de Humie-  
res, de Lan-  
gey & au-  
tres.

À ceste deliberation s'accorda tout le conseil, & grandement louerent la sage preuoyance & meure prouidence du Prince en ses affaires. Suiuant laquelle deliberation & desle premier iour de Iuing il depešcha messire Jean seigneur de Humieres cheualier de son ordre, & capitaines de cent hommes d'armes de ses ordonnances, sous monseigneur le Dauphin: lequel il enuoya pour estre son lieutenant general audit pays de Dauphiné. Réuoya messire Francisque de Mocet Comte de Pontreme gentilhomme de sa chābre à mondit seigneur l'Amiral son lieutenant general de la les monts, approuuant la deliberation que par ledit Comte il luy auoit mandée des chefs  
& gar-



& garnisons qu'ils entendoit laisser à Turin, Fossan, & Cony: & luy mandant que cela fait il se retira vers luy. En Allemagne depeſcha meſſire Guillaume du Bellay ſeigneur de Langey, auſſi des gentils hommes de ſa chābre, tant pour les cauſes & raiſons cy deſſus touchées, que pour repeter des Ducs de Bauiere les cent mille eſcus conſignes entre leurs mains, en l'an mille cinq cens trente trois, attēdue l'occaſion d'icelle conſignation ceſſante, le terme de la rendre pieca eſcheu, & le preſent & vrgent affaire que ledit ſeigneur auoit de ſayder entiere-  
ment de tous les membres.

En Picardie il enuoya vn treſorier avec groſſe ſomme de deniers, tāt pour leuer gens où beſoing ſeroit, que pour la fortification & remparement des places, enſemble deux cōmiſſaires d'artillerie, qui furent les ſeigneur de Luſarches, & de la Magdalene, avec bon nōbre de canonniers. Et manda ſe retirer vers luy meſſire Iean de Crequy ſeigneur de Canaples, Comte de Mante & de Meulanc, cheualier de ſon ordre, & capitaine de cēt gentils hommes de ſa maiſon: & meſſire Odart ſeigneur du Biez, capitaine de cinquante hommes d'armes, & Senſchal de Boullenois, auquel à ſon arriuée il dōna le colier de ſon ordre.

A Marceille il enuoya ſon lieutenant & capitaine general meſſire Antoine de la Roche-Foucault, ſieur de Barbezieux, auſſi cheualier de ſon ordre, & capitaine de cinquante hommes d'armes: ſit creuē de gens d'armes, iuſques au nombre de trois cens lances. A monſeigneur Antoine Cōte de Marle ſils aiſné & à preſent Duc de Vēdoſmois, à monſeigneur Iean d'Orleans marquis de Rothelin, à monſeigneur Francois de Cleues Comte de Neuers, à monſeigneur le Prince de la Rochetur-Ion, à chacun d'eux cinquante lances. Feit auſſi creuē de cheuaux legers & de gens de pied. Au ſeigneur Iean Paule de Cere donna charge de deux cens cheuaux legers, & de deux mille hōmes de pied: audit ſeigneur de Canaples

Creuē & di-  
ſtribution  
des hōmes  
d'armes  
Francois, &  
gēs de pied.

deux cens cheuaux legers, & deux mille hômes de pied: à messire Martin du Bellay autres deux cens cheuaux legers, & deux cens arquebouziers à cheual, & deux mille hommes de pied Italiens, dont il en bailla cinq cens au capitaine Iean de Turin, cinq cens à saint Petre Corse, cinq cens à Colie Scorte, cinq cens au capitaine Chinche.

**Leuée en** P E V de iours apres ayant ledit seigneur aduertisse-  
**Guienne** ment qu'en Espagne se faisoit quelque leuée pour descen-  
 sous le Roy dre, ainsi que le bruit estoit en Guienne, encores qu'il  
 de Nauar- ne luy semblast croyable que l'Empereur vouloit distrai-  
 re. re ses forces en tant de lieux, pour n'estre toutesfois  
 surpris, & aussi pour tenir les Espagnols mesmes en crain-  
 te, & à ce que plus enuis ius fournissent argent à l'Empe-  
 reur, il ordonna y faire vne leuée de quatre mille hom-  
 mes de pied, lesquels en tout euenement fussent prests  
 à employer en telle part que se dresseroient les affaires.  
 Et à ceste cause y enuoya le Roy de Nauarre son lieute-  
 nant general & gouverneur audit pais de Guyenne, le-  
 quel mist toutes les Espagnes en vn grand soufpeçon.

**Ordre que**  
**donna mō-**  
**sieur de Hu-**  
**mieres en**  
**Dauphiné.**

E N Dauphiné le Sire de Humieres passant a Greno-  
 ble fist assembler le Parlement, les gens des Comptes, &  
 les gens de la ville, & leur remonstra les grands prepara-  
 tifs que le Roy faisoit, non seulement suffisans pour re-  
 sister aux ennemis & garder les subiects de violence, mais  
 pour la re contre l'ennemy vne bonne & grosse entre-  
 prise: qu'à ceste cause ils ne seistonassent, ne prinsient  
 peur, ains demourassent tousiours de bonne volonté.  
 De là passa iusques à Ambrun, & fist pareilles remonstrâ-  
 ces en toutes les deux villes & autres: ils trouua le peu-  
 ple assez estonné, mais au demeurant de bonne volon-  
 té, & furent grandement rassurez par sa venue. Par son  
 aduis & ordonnance i s'enuoyereut par tout le pays au-  
 cuns de messieurs de la Cour & de la châtre des Cōptes,  
 ensemble des gentils hommes du pays pour faire la des-  
 cription des viures qui sy trouuoient, en firent distri-  
 buer

buet par les estappes. A Grenoble en firent gros magazins, potir y estre prests à departir en tous les lieux où seroit besoing. Cela faict ledit de Humieres pourueut en diligēce les chasteaux d'Exiles, Chasteau-dauphin, la Buisiere, Bellecombe, Aualon, & autres de la frontiere, de gens, viures, & artillerie, telle que les places la requeroient, & munitions, & autre equipage selon le besoing. A Rocquesparuiere se mist messire Iean de Bouler esleu de Riez, frere du seigneur de Cētal, auquel appartient ladite place: & pour le renforcer, & à sa requeste, luy enuoya le sire de Humieres le nombre de cinquante hommes de guerre: mais ce fut faict quelque temps apres. Et pour cause que le seigneur Antoine de Leue auoit enuoyé sommer ladite place, semblablement autres places, ainsi que le temps en apportoit les occasions, furent par ledit de Humieres faictes & changées nouuelles prouisions, comme chacune en son temps sera declaree par cy apres. Luy ordinairement fit sa residence audit lieu d'Ambrun, allant & venant toutesfois à Briāçon, Exil, Gap, & ailleurs, selon que les affaires du Roy le requeroient: & si bien & sagement avecques diligence s'y gouuerna, que son seruice fut grandement loué & recommandé.

EN Allemagne le seigneur de Langey à son arriuee trouua les choses si aigries contre le Roy, que par certaine experience il cogneut, que non sans cause se vantoient les Imperiaux d'y auoir tellement brouillé ledit seigneur, que des Ecclesiastiques ne des Protestās il ne tireroit plus de Lansquenets. Aussi trouua que non sans cause l'Empereur auoit reuocqué sa promesse qu'il auoit faicte à Rome à nos ambassadeurs, de leur bailler le double de ce qu'il auoit proposé deuant nostre saint Pere: car luy ou ses gens en auoyent par toute Allemagne semé des doubles si diuers & differens les vns des autres, & desguisez selon qu'ils les

Ce que fist &c  
trouua mon  
sieur de Lan-  
gey d'Alle-  
magne.

estimoyent deuoir estre agreables à ceux ausquels ils les enuoyoyent, qu'il y en auoit autât de sortes comme il y a de sectes en la loy de Mahomet. Aux Protestans en auoyent esté enuoyez qui parloyent d'eux, en sorte qu'à les lire il sembloit plustost qu'autrement, que l'Empereur eust esté leur intercesseur enuers nostre saint Pere. Et d'auantage ledit seigneur auoit escrit vnes lettres à aucun d'eux, sçachant qu'il la publieroit à tous les autres : par laquelle il luy faisoit à scauoir que par deux ou trois fois il auoit eu longues & priuees communications avec nostre saint Pere, & aucuns des Cardinaux, tels que ledit saint Pere y auoit volu appeler. Esquelles communications il leur auoit déclaré les causes mouuantes iceux Protestans en certains principaux poincts, à dissentir de l'Eglise Romaine, & tellement leur auoit fait cognoistre lesdites causes n'estre estranges de la raison, que ia il estoit en esperance de remporter dudit saint Pere, approbation & confirmation d'iceux articles : si sur le poinct de la conclusion ne luy fust arriuee la nouuelle inopinee, comment le camp du Roy estoit deuant Vercel, ville dependente du Duché de Milan, & prest à passer outre audit Duché. Qui auroit esté cause que sans attendre la conclusion de nostre-dit S. Pere, force luy auroit esté prendre congé de sa sainteté, faire venir ses forces en diligence, & tourner droit la teste contre l'ennemy : à bien grand regret d'auoir laissé ceste œuvre imparfaicte, mais en esperance que bien tost avec leur bonne ayde, dont en si iuste & sainte cause il les requeroit, sans les taxer ne cottiser, mais le tout remettant à leur discretion, il auroit repouffé son ennemy, violateur de paix, & interrupteur de toutes saintes & bonnes entreprises, pour incontinant aller reprendre ses brisées, & paracheuer ce qu'il auoit encommencé.

A v x Ecclesiastiques auoyent esté enuoyez des doubles



doubles de ladite protestation desguisez en autre maniere. Car ores que pour le contentement d'iceux Ecclesiastiques il y fist quelque mention de la doctrine Lutherienne, c'estoit si sobrement, qu'il n'y auoit chose qui deust offenser la partie Protestante. Enuers chacune des parties vsoyent les Imperiaux de cest art, & pour animer toutes les deux, auoyent fait courir le bruit, qu'en France tous Alemans auoyent esté bannis du Royaume à son de trompe, & que tous subiects du Roy, qui se trouuoient auoir hanté en Allemagne, estoient indifferemment executez à mort cruelle comme Lutheriens heretiques. Par ce moyen incitoient les Protestans contre le Roy, comme persecuteur de leur doctrine, & les autres, comme contre celuy qui tous les pesait à vne balance. Et d'auantage leur auoyent aux vns & autres donné à entendre, que le Roy indubitablement ne faisoit la guerre tant pour sa propre ou particuliere querelle, comme pour intelligence qu'il auoit au Turc, & en intention de diuertir les forces & de l'Empereur & de l'Empire, ce pendant que ledit Turc ennemy de nostre foy par autre costé les inuaderoit. Et trouuerent des Euesques à leur deuotion, lesquels ou par malignité, ou qu'ils fussent ainsi persuadez, osèrent le faire publier, & par la bouche des prescheurs, & par attaches imprimées, aux portes des Eglises de leurs Dioceses.

Et pour comble de la persuasion, firent imprimer avecques priuilege Imperial (afin de mieux authentifier l'impression) vnes lettres de deffiance contenant le nom du Herault, la datte & lieu de la presentation d'icelle, faicte au Roy en grosse assistance de ses Princes & Barons: par laquelle deffiance ledit Herault en presentant au Roy vne espee, d'un costé forgee à flambes, & de l'autre esmaillee de rouge, luy auroit déclaré l'interpretation de ceste espee, qui estoit signification de guerre mortelle à feu & à sang, que l'Em

pereur son maistre luy denorçoit, au cas qu'il ne se retirast & departit de l'infame, malheureuse, & damnable alliance & conspiration qu'il auoit faicte avec le Turc, à l'encontre des Chrestiens, & de la religion Chrestienne. Laquelle des fiance en ceste sorte publiee par toute la Germanie, il est incroyable combien de genselle auoit esmeu contre le Roy: car il y en auoit bien peu qui ne creussent certainement que l'Empereur l'eust enuoyee telle.

Or n'estoit-il pas à presumer, qu'un tel Prince l'eust enuoyee telle, & à autre tel Prince qu'est vn Roy de France, s'il n'eust esté bien informé au vray que le dict seigneur Roy eust faict ceste conspiration avec le Turc. Aduint d'auantage qu'au mesme tēps se leuerent aucuns boutefeux, lesquels allans de nuit par pais bruslerent plusieurs bourgades & villes champestres en Allemagne: & firēt les Imperiaux courir le bruiēt, qu'iceux boutefeux estoient par le Roy attiltez & enuoyez pour ce faire: tellement qu'à l'occasion de cestes & autres persuasions, ceux qui au parauant ne se vouloyent mouuoir du pais auant que faire monstte, couroyent volontairement chercher les Capitaines pour les mener à la guerre contre le Roy: chose qui beaucoup seruit au Comte de Nansau, pour faire mettre ensemble les Lansquenets, que peu apres il mena en Picardie. Restoit encores à dresser l'autre camp, lequel ainsi que i'ay dit cy dessus, l'Empereur auoit deliberé de faire descendre en Champagne au plus fort des autres affaires, & lequel sans grande despense de l'Empereur eust esté prest, à poinct nommé, si par la preuoyance dont vsa le Roy, d'enuoyer voir en Allemagne quels troubles & tragedies on luy auoit excitees, n'y eust esté remedié.

En ceste persuasion contre le Roy trouua le seigneur de Langey toute la Germanie, & s'adressant à ceux ausquels il auoit plus de foy, & desquels il auoit plus

plus tiré de secours és autres affaires qu'au parauant il y auoit conduits & negocietz pour le seruice du Roy. Ils pensoyent auoir fait beaucoup pour luy, de tant se hazarder seulement que de ne l'encuser aux gens de l'Empereur, ou du Roy Ferdinand son frere, & de luy conseiller qu'il se retirast en diligence sans passer outre: & à la verité, allant plus auant, il luy eust esté de iour impossible de faire chemin sans estre cogneu ou arresté pour suspect, & de nuict luy estoient les chemins aussi mal seurs, à cause que depuis soleil couché iusques au iour, tous les paisans faisoient le guet aux champs à l'encontre des boute-faux, & ne laissoyēt passer allans ne venans sans parler à eux. A ceste cause trouuant vn sien particulier amy & seruiteur du Roy, qui fut content de le retirer & tenir en sa maison caché pour quelques iours, ce-pendant qu'il essayeroit dextremement, & feroit preuue de la volonté d'aucuns autres personnages, qui auoyent plus de puissance & autorité à luy tenir la main, & moyenner que la verité des choses fust cogneue, pour oster & abolir ceste sinistre opinion qu'on auoit dudit seigneur Roy, conclud & arresta d'vser de ce conseil: & par luy en fist tenter deux entre les autres, & de propos en autre les conduire si auant que de luy dire qu'ils desiroient merueilleusement ouyr parler quelqu'vn, qui de tous ces affaires dont l'on faisoit vn si grād bruit leur sceust compter au long la verité: car il leur estoit bien dur à croire que Dieu eust si auant abandonné le Roy. Et alors iceluy personnage, apres la foy prise & baillée entre-eux trois, se descourrit à eux que le seigneur de Langey estoit en sa maison, incogneu de toutes personnes, fors que de luy: si s'accorderent ensemble qu'ils le viendroyent voir & orroyent ce qu'il voudroit dire. En autre lieu ie pourray faire venir à propos de les nommer, afin de ne frustrer la memoire de leur bien-faict & seruice: mais à present ne vueil-je

les nommer, pour ne les rendre oportuns au mal-talent de qui n'a pris plaisir en ce qu'ils en firent.

A R R I V E Z qu'ils furent, encores qu'il semblaſt bien à leurs paroles & contenance qu'ils n'adiouſtaſſent foy aux plus enormes articles mis ſus au Roy: ſi eſt-ce qu'ils luy dōnoyēt le tort en aucunes choſes, & autres en reciterēt eſquelles pluſieurs grāds perſonnes non de legere, & temeraire creance, le luy donnoyent pareillement. A tous leſdits articles leur reſpondit lediēt ſeigneur de Langey, de maniere qu'ils en demeurèrent ſatisfaicts, & furent bien d'aduiz, auquel auſſi demoureroyēt pluſieurs autres ſi on leur auoit de meſme reſpondu: qui fut cauſe que lediēt Langey redigea les reſponſes qu'il leur auoit faiçtes par eſcrit, & trouua moyen de les faire ſecrettement imprimer, & publier par toute la Germanie, tant en Latin qu'en Aleman, & depuis en François: afin qu'en plus de lieux elles fuſſent leuēs, & la verité cogneuē. Auſſi pour faire cognoiſtre aux Proteſtans, combien ils eſtoyent abusez en la perſuaſion qu'ils auoyent ſur la lettre que leur auoit l'Empereur eſcrite, & ſur les doubles de la proteſtation dudit ſeigneur, il les fit de mot à mot tranſlater à la verité, & imprimer en Aleman, & publier par toute l'Alemagne: choſe qui diminua beaucoup de l'affection qu'iceux Proteſtans auoyent deſia miſe à l'Empereur, mais ne leur oſta encores la mauuaſe volonté que tant les Eccleſiaſtiques qu'eux portoyent au Roy. Car nonobſtant qu'aux deſuſdits perſonnages ledit Langey euſt faiçt conſter veritablemēt par lettres du ſeigneur de Leidekerke ambaffadeur de l'Empereur, eſcrites & ſignées de ſa main, qu'encores il eſtoit en la cour du Roy, qui eſtoit pour conſuter ceſte deſſiance de guerre imprimée, & leur euſt auſſi monſtré lettres qu'il auoit d'aucuns marchans Alemans, eſcrites à Lion de freſche datte, pleines de contentement & ſatisfaction qu'ils auoyent du

bon



bon traictement que leur faisoit le Roy en leurs affaires : & dont ils remercioyent ledit de Langey, comme celuy qui les auoit introduits & recommandez : qui estoit assez pour prouuer ceste nouuelle de bannissement cōtrouuée, si est-ce qu'au populaire qui plus auoit esté persuadé, n'estoit venue ceste cognoissance du contraire.

A DVINT si bien que sur ces erres les marchans venans des foires de Lion, & qui s'estoyēt hastez pour estre à temps à celle de Strasbourg, arriuerent les vns apres les autres: dont aduertiy ledit Langey, fist sauoir de ses nouuelles en diuerses villes, à quelques siens amis & seruiteurs du Roy. Et par iceux fist souuent & à diuers iours, & en diuerses compagnies, és lieux plus hantez & frequens interroguer lesdicts marchans quelles nouuelles ils apportoyent de France: si rapporterent lesdits marchans toutes choses conformes à ce que par cy deuant est plus amplement raconté. Premièrement interrogez sur ceste deffiance, asseurerent qu'au temps de leur deslogement de Lion, il n'y auoit point encores de deffiance entre l'Empereur & le Roy, & qu'encores estoient les ambassadeurs de l'un vers l'autre : que tousiours se continuoient propos de paix entr'eux, mais bien tendoyent les actes & demonstrations à la guerre. Plus affermerent qu'au temps contenu en ceste deffiance imprimée, faisant mention qu'elle auoit esté signifiée au Roy estant à Lion, ledit seigneur vn mois deuant, & plus de quinze iours apres la datte, auoit tousiours esté aux lieux de saint Cher, & de saint Rambert, & de Montbrison. Interrogez de ce bannissement, asseurerent que tout au cōtraire le Roy leur auoit offert, au cas que la paix (que Dieu ne voulust) se vint à rompre entre luy & l'Empereur, ils auroient ce nonobstant telle seurété que ses propres subiects parmy son Royaume. Et d'auantage, pour ce que les chemins pourroyent para-

uanture à cause de la guerre estre mal seurs à gens estrangers, apportans aux foires argent en grosses sommes, qu'ils trouueroyét en ses coffres à leur commandement, sans se mettre en hazard d'en apporter en France, les cent, & les deux cens, voire les quatre, & les cinq cens mille escus, pour employer au fait de leur accoustumée marchandise, & à rendre apres la guerre en France, ou en Allemagne durant icelle, s'il luy aduenoit besoin d'y en employer: & qu'au surplus il leur auroit vsé de telles & si gratieuses offres, qu'ils ne pouuoient sinon grandemēt s'en louer & contenter. Interrogez par aucuns Protestans de ceste grande persecution que lon disoit estre faite en France contre leur doctrine: respōdirent estre bien vray que le Roy ne vouloit souffrir aucune mutation és choses Ecclesiastiques, sinon par bonne & meure deliberation des superieurs, & ausquels il touche: mais qu'au contraire de ceste extreme rigueur & seuerité, il auoit fait publier vn edict (& aucuns d'eux en auoyēt des transcripts) par lequel il rappelloit & remettoit en leur acces & iouissance de leurs biēs, tous ceux qui pour estre accusez ou soupçonnez d'auoir attenté ou parlé contre la doctrine Ecclesiastique, moyennāt qu'ils fissent seulement promesse & vœu chacun és mains de son Diocesain, de viure doreseuuant en bons Chrestiens, & sous la doctrine & obeissance de sainte Eglise.

Le seigneur de Langey ce temps pendant que peu à peu s'espandoit la verité: voyant que toutesfois il ne luy seroit loisible d'aller publiquement en tant de lieux qu'il luy eust conuenu pour executer la charge qu'il auoit du Roy, & de messeigneurs ses enfans, de demander vne journée Imperiale, pour faire entendre & exposer leurs droicts & raisons és choses dont entre l'Empereur & eux estoient leurs differens, enuoya ses lettres de creance, avecques vne sienne bien ample conte-

contenant en effect la substance de sadite creance, à monseigneur le Duc Loys de Bauiere, comte Palatin, Electeur : à ce que comme Doyen des Electeurs seculiers (pourtant aussi qu'il estoit le plus voisin de France) il fist à sauoir aux autres ladite demande & requeste du Roy & mesdicts seigneurs ses enfans : & luy durant le temps que son messager alla & vint, estoit allé vers les Ducs Guillaume & Loys de Bauiere, pour repeter d'eux la consignation dessus mentionnée, dont il ne rapporta sinon paroles & excuses assez mal fondées : c'est à sauoir, qu'ils disoyent craindre qu'il si alors ils la rendoyent, estant la guerre ouuerte entre l'Empereur & le Roy, ledict seigneur Empereur auroit occasion ou couleur de dire qu'ils auroient baillé argēt au Roy pour luy faire la guerre. Et outre ce luy auoit esté dict par iceux Ducs qu'il se retirast de leur pais, pour doubte qu'il ne vint à la cognoissance dudit seigneur Empereur, ou du Roy des Romains, & que cōmandement leur fust fait (auquel ils n'osassent desobeir) de le deliurer entre leurs mains.

A Y A N T si peu exploicté en cedit voyage, il receut lettres sous les seings & seel du Palatin Electeur, avecques aussi froide respōse, sauoir est qu'il enuoyeroit les lettres du Roy & de messeigneurs ses enfans, ensemble celle dudit seigneur de Langey, contenant la substance de sa charge & creance, au Roy des Romains Vicair general de l'Empire, pour y pouruoir ainsi qu'il iugeroit bon estre. Laquelle response receüe, ledit de Langey desirāt, ores qu'au Roy son maistre ne fust accordée la iournée qu'il demandoit, qu'à tout le moins il fust à tous notoire & manifeste, combien grandement s'estoit mis ledit seigneur en son deuoir : & à luy ne tenoit que de ses differens ne fust iugé par ceux ausquels en appartenoit la cognoissance : escriuit autres lettres de pareille ou approchante substance aux Electeurs, & autres Princes de l'Empire;

& à chacun d'eux en fist tenir vne auecques vn double des lettres de creance du Roy, & de mesdits seigneurs ses enfans: lesquelles il fit pareillement publier & imprimer par toute la Germanie, de la teneur & maniere qui ensuit.

Lettres de  
monseigneur de  
Langey aux  
electeurs de  
l'Empire.

TRES REVERENDS, tres-illustres, & tres-excellens Princes, &c. Lors que le Roy Tres-chrestien mon souverain seigneur & maistre, me despescha pour venir en ceste Germanie: luy & messeigneurs serenissimes ses enfans, auoyent tant par le bruit commun, q par lettres d'aucuns entendu, q promptemēt il s'y deuoit tenir vne iournée Imperiale: & à ceste cause m'auoyent donné lettres & creance cōmune à vous tous mes deffusdits seigneurs, & charge de vous requerir & demander en leur nom assignatiō d'autre iournée Imperiale, en laquelle il leur fust loisible d'enuoyer seuremēt & sans offension de personne, ambassadeurs instruits & informez suffisamment, pour vous exposer & deduire les droicts, noms, raisons, & actions qu'ils pretendēt, tant en l'estat & Duché de Milan, qu'en autres choses violētemēt & à tort occupées, & retenues sur eux: aussi pour vous approuuer & iustifier leurs faicts, & deuant ce sacrosainct Empire (enuers lequel ils veulent & desirent leur splendeur & dignité demeurer entiere & immaculée) purger & refuter non point les crimes, mais les calōnies à eux imposees & mises sus.

A R R I V E doncques en ceste intētion, i'y ay trouué deux choses contraires à l'execution de ma charge: l'une, que ceste iournée dont i auoit eu nouuelles ne se tenoit point, l'autre que ie ne trouuoay seureté de chemins si i'entrepreney de vous aller trouuer chacun chez soy: & qui plus est aucūs personnages, & des plus principaux en degré & autorité, m'ont amiablement, mais acertes, aduertty que ie n'estoy menacé que de la fin de mes iours, si i'estoy rencontré où que ce fust en Germanie. Icy me faut confesser verité,  
ie ne



ie ne fus petitement esmeu de ceste nouuelle, & non seulement (encores que i'en eusse cause, & le fusse en effect) pour le danger particulier de ma personne, & pour celuy des affaires du Roy mon maistre, mais aussi tant pour la nouuelleté que pour l'indignité de la façon de faire. car en ce me sembloit outre l'offense faite au Roy, y estre aussi offensée la reputation & autorité de ce sacrosainct Empire, & de la nation Germanique: lesquels ayans esté par cy deuant en estimation de telle grandeur & excellence de cœur & de puissance, que de vindiquer de toute iniure, non seulement eux, mais autrui: qui est celuy qui ne s'esmoueroit à commiseration de voir maintenant vostre liberté, non que grandeur, estre si rauallée, qu'il vous conuienne souffrir & comme tacitement consentir qu'il y ayt homme à l'appetit duquel il vous faille ou accepter ou repudier les ambassadeurs des Roys, & Princes? Qui vous puisse ordonner & commander ausquels vous donnerez, & ausquels vous refuserez l'entree: & vous defendre encores particulièrement de ne la donner à ceux, la ligue desquels (soyent ou François, ou Francogermains) a descendance des mesmes autheurs de cestuy vostre Empire? Lequel Empire vous a par eux esté concilié, par eux remis & restably des Grecs aux Latins, comme par restitution postliminaire? Et par la liberalité desquels, outre les grandes prouinces qu'ils ont par grand travail, sueur, & sang acquises à l'enrichissement & ornement de cedit Empire, à la fortification & seureté de vostre liberté, ont dauantage esté augmentez les noms & limites de Germanie, & vostre dit Empire décoré de l'accession de tant de grosses seigneuries, qu'eux de leur propre & ancien patrimoine auoyent & possedyent des deux costez du Rhin? Et lesquels outre tous ces anciens bien-faits ont tousiours vne si grande conionction à vostre dit Empire, par amitié, par

accoustumance, & par deliberation, que mesmement entre les plus grands feux de la guerre, & plus embrassez, qui ayent esté entre leurs Roys & vos Empereurs (comme vous en auez n'a pas long temps veu l'experience) la societé d'entre vous n'en a iamais esté dis-soulte, ne la communication discontinuée.

ESTANS doncques les choses en ceste sorte, souffririez-vous, Tresreuerends, & Tresillustres Princes, que par iceux soit deschirée en vous l'observation du droit des gens, & de ceux qui avecques vous ont telle societé en cest Empire qu'ils vous ont acquis, les Legas & ambassadeurs fussent violez: le nom desquels doit estre en telle & si sacrosaincte reuerence, qu'ils soyent & conuersent seurement & sans danger entre les armes des ennemis? Si est ce quant au Roy mondict souuerain seigneur & maistre, que pour le respect qu'il vous porte, il remet ceste & autres iniures insolites, & indignitez à luy faictes entierement à la volonté de Dieu. Mais quant à moy, qui par luy & mesdicts seigneurs ses enfans ne suis icy enuoyé que pour deuant vous (ausquels ainsi que le droit de l'election de l'Empire, appartient la cognoissance & iugement des fiefs qui en dependent) deduire les droits qu'ils ont, & pretendent en la teneur d'iceluy, & pour en iugement (auquel ils sont deferez & accusez de ne vouloir ester) y faire appeler les detenteurs & occupateurs d'iceux leurs droits: desquels leur est la priuation de tant plus griesue, que les ayant ils peuuent (& le tiennent à tltre honorable) se dire & nombrer entre les Princes dudit saint Empire: ie n'ay peu certainement faire de moins, afin que ma legation ne leur fust entierement infructueuse, que d'executer par lettres & messages, ce que possible ne m'est sans extreme & apparât danger, executer de bouche. Et pource auoy-ie adressé les lettres du Roy & de mesdits seigneurs ses enfans, avecques vnes miennes  
contes

contenantes la substance de ma charge à Tresillustre Prince monseigneur Loys Comte Palatin, comme à celuy auquel pour estre voisin de France, & la retraicte d'autant plus courte, ie pouuoy le faire avec moins de danger : en le priant tresinstantment que son plaisir fust communiquer sur la requeste desdicts seigneurs, avecques messeigneurs ses collegues Electeurs, & autre tels Princes ou estats de l'Empire, ausquels il iugeroit en appartenir la cognoissance : & par aduis & deliberation commune d'eux respondre & faire droit sur icelle.

M A I S par ses lettres il m'a fait response qu'il enuoyeroit le tout au serenissime Roy Ferdinand, qui le feroit tenir à l'Empereur son frere, lequel scauroit tresbien comment en cest affaire se deuroit gouverner. Sur ceste sienne response (Trespudens & Tresillustres Princes) que puis-je ne dois-je esperer & attendre ou de l'Empereur, ou du Roy Ferdinand son frere, sinon qu'ils ayent à supprimer & lettres, & creance? Scachant que l'un se sent luy-mesme reuestu de la despouille, & enrichy du patrimoine de mesdits souverains seigneurs & Princes : scachant que tous deux en tous leurs faicts & dicts traouillent à mettre le Roy mon maistre en sinistre reputation & opinion du monde : & que l'accusant maintenant de vouloir outre droit & raison entreprendre sur le Duché de Milan, & auparauant l'auoir tenu & oëcupé sans titre, ils font (ainsi que vous voyez) assieger & guetter les passages : pour doute qu'estant la verité des choses tout au contraire, & n'estant rien de ce qu'ils luy mettent à sus, il ne s'en enuoye iustifier, & retorquer ceste mesme accusation ainsi qu'il appartient sur eux. C'est chose certainement seure & constante, que l'Empereur Maximilian apres cognoissance de cause, & parties ouyes en droit, & par l'aduis & deliberation des Princes de cest Empire. receut

en foy & hommage, inuestit & mist en possession le feu Roy Louys decedé, ensemble le Roy mon maistre son prochain heritier & gendre, dudit estat & Duché de Milan : comme de chose à eux appartenant de propre heritage de leurs ayeuls & bisayeuls. Et lequel Roy mondit souuerain seigneur & maistre non seulement ne refuse de se soubmettre en la decision de ceste cause au iugement des estats de l'Empire, mais de foy-mesme : & plusieurs fois l'a demandé, tant s'en faut ne qu'en ceste dite matiere, ne qu'en celle de Sauoye (laquelle aussi vous a esté desguisee) il ait iamais refusé d'estre à droict. Constitué doncques entre tant de difficultez, & voulant eiter reproche de m'estre si negligemment acquité de ma charge, que n'ayant eu moyen de satisfaire entierement, ie n'aye au moins en quelque partie satisfait à mon deuoir enuers luy, & mesdits seigneurs ses enfans. Il m'a semblé (Tres-reuerends & tres-exellens Princes) en esperance de remporter de vous quelque response, & leur pouuoir dire quelle attente & refuge & secours ils peuuent fonder en vostre equite, deuoir escrire & enuoyer par messager expres ceste lettre commune à tous vous ensemble, & vne particuliere à chacun, & implorant vostre foy, vous supplier auoir esgard à la sainte & ancienne cōiunction & alliance de nostre Royaume, & de nos Roys à vostre Empire, à la cognation ancienne & tant souuent renouuelee, à l'amitié iamais interrompue entre nos Princes, & ceux de vostre dit Empire : & qu'il vous plaise considerer quels personages vous estes, en quel degré constituez, quel est l'office de cest antique & veritablement Germanique liberté : quelle chose vous estes tenus faire enuers cest Empire, enuers la memoire des auteurs & instituteurs d'iceluy, enuers l'vniuerselle republique Chrestienne. Ne souffrez (s'il est possible) que ces deux principaux chefs de ladite republique se combattent & affoi-



& affoiblissent l'un l'autre. Considerez qu'en la grandeur & force d'iceux elle peut & doit esperer de chercher son accroissement de grandeur & gloire, sa fortification contre les aduersitez & perils que les ancestres d'eux ont tousiours & par sur tous autres employé leurs biens,puissances,& personnes, à l'entretenement, augmentation,& prouffit d'icelle.

CESTE cy est la principale requeste que ie vous fay, ainsi que la principale charge que i'ay de mesdits seigneurs & maistres est de vous requerir, que si par les fausses accusations intentees contre eux vous auez en vos esprits engédre quelque preiudice de leur cause, vous le vueillez demettre: & que du costé dont sera le droit, vous souffriez incliner & passer aussi l'opinion de iustice. Laquelle chose certes i'espere, si ensemble vous reduisez en memoire la declaration & approbation solénelle de leur ancien & certain droit hereditaire, par le tesmoignage & iugement de l'Empereur Maximilian en la personne du feu Roy Loys dessusnommé, & le tort que depuis luy en fit ledit Empereur Maximilian: lequel apres auoir extorqué de luy au dessus de cent cinquante mille escus, pour luy bailler l'investiture dudit Duché, peu de temps apres, & paraenture avecques les mesmes deniers qu'il auoit receuz de luy, assemblant vne puissante armee, l'en depossa violement. Et l'ayant depuis le Roy mon maistre recouuert, & ia par plusieurs annees possédé à l'encontre de l'occupateur iniuste, vostre Empereur l'en a pareillement & sans cognoissance de cause spolié: quoy que le droit voulust ainsi que vos ancestres & vous en auez tousiours vsé, que le pouuoir & autorité de transferer les fiefs Imperiaux d'un personnage à l'autre, appartienne à la loy, & non à l'audace ou volonté de qui que soit. Duquel droit & loy, comme ainsi soit qu'à vous proprement & peculierement appartienne la cognoissance,

voſtre plaifir ſera de bien deliberer quelle reſponſe vous aurez à faire ſur la raiſonnable requeſte de meſdits ſouuerains ſeigneurs & ſereniſſimes Princes, leſquels vous prient & requierent ne les auoir en ſi peu d'eſtime, que deſdaigner à entendre leur droit & raiſon, auſſi bien q̃ des autres Princes de ceſtuy ſainct Empire. A moy ſemble ſans point de doubte, que ſ'il vous ſouuient bien qui vous eſtes, c'eſt à dire ſeigneurs & Princes de liberté, iuges ſouuerains de toutes les choſes controuerſes en cedit Empire, vous deuez enuers ledit ſeigneur Empereur inſiſter à bon eſcient, à ce que iuſtice leur ſoit ouuerte, leur cauſe entendue & cogneuë, & luy content de ſe renger à la raiſon, & obeir à ce que par vous en ſera iugé, pluſtoſt que de perſeuerer en l'opinion, ſuyuant laquelle (ie ne ſcay ſi avecques la dignité gardee) il ſe vante de pluſtoſt vouloir aſſembler & vnir toutes ſes forces & puiffances, & les eſprouuer contre le Roy, que contre le Turc hereditaire ennemy du ſang & nom des Chreſtiens : & de mieux aymer luy abandonner en proye tout ce qu'il laiſſe de païs derriere ſoy, que de ſe permettre demouuoir de ceſte intention, & de retourner la teſte en arriere de l'inuaſion vne fois entrepriſe contre vn Roy, des anceſtres & predeceſſeurs duquel eſt aduenue à la maiſon d'Autriche l'occaſion des gros bien & puiffance, qui principalement l'ont miſe & colloquée en ceſte ſupreme haulteur, où main tenant vous la voyez.

Où tant y-a que là où ſa maieſté voudra perſeuerer en ceſte-dite ſienne volonté, & ſi vne fois il entre hoſtilement és païs dudit Roy Treschreſtien mon maieſtre, comme il ſe vante de vouloir faire, & parauenture a deſia commencé, il trouuera & luy & Meſſeigneurs ſes enfans preſts & ſi grandement equippez à le recueillir hardiment & ſans crainte de ſes menaces, qu'à layde de Dieu ils n'obmettront  
rien

rien de ce qu'appartient à Princes vigilans & bons protecteurs & amateurs de leurs subiects & de leur patric. Mais auant qu'en venir iusques à là, & qu'une telle tempeste s'excitast, par laquelle ils cognoissent toute Chrestienté estre opportune & exposée au hazard de grande ruine & vastité, ils ont bien voulu vous faire par moy entendre ce que dessus, & vous prier, que pour le deuoir du lieu q vous tenez, vous aduisiez de trouuer la voye d'obuiuer à ceste effusion de sang Chrestien, ou à tout le moins quelque moderation à l'apparence du prochain danger: afin que par ceste leur declaration, il puisse conster à vous & à tous autres, que s'ils viennent à la guerre contre ledit seigneur Empereur, ce ne soit par volontaire deliberation, mais par contraincte & par necessité de repulser iniure, & se defendre. A laquelle leur intention & commandement n'ayant peu satisfaire de bouche, encore que j'aye prou essayé de moyes, enuers plusieurs & diuerses personnes, j'ay eu mon dernier refuge & recours à l'escriture, tres-humblement suppliant voz excellences, qu'il ne vous soit grief ne moleste de me faire par ce messager entendre quelle sera vostre liberation sur ceste trespasquitable demâde & requeste.

TRES REVERENDS, Tres-illustres, &c. Dieu tout bon & tout puissant vueille conseruer & bien fortuner voz dessusdites excellences, & en cest vrgêt & pesant affaire, qui veritablement touche & appartient à tous, vous inspirer tel aduis & conseil que le requierent & vostre deuoir, & la necessité de la republique Chrestienne.

Ce temps pendant que le seigneur de Langey fit ceste & autres depeschés, la verité des choses qui faul sement auoyent esté mises sus au Roy, fut espandue par la Germanie, & les calomnies entierement decouuertes. Et mesmement és villes Imperiales aucuns des marchans nouuellement retournés de Lion,

ainsi que i'ay dit, firent grandement leur deuoir enuers le Senat chacun de sa ville, de reciter le bon & gracieux traitement, & les honestes offres que leur auoit faictes ledit seigneur Roy auant leur partement de Lion: chose qui tellement modera ceste indignation conceüe contre luy, que de xiiij. mille hommes qu'esperoit le Roy Ferdinád faire descendre en Châpaigne, & qui plus s'estoyent mis ensemble par vne particuliere affection les vns du butin, & les autres de vengeance, que pour le seruice de luy ne de l'Empereur son frere, il ne se trouua que le nombre de deux ou trois mille hommes: tous les autres declarerent ouuertement que sans paye entiere, ils ne feroient le serment: & ne le feroient sinon avec ceste exception, qu'ils ne porteroient les armes cõtre le Roy de France en guerre inuasiue, es pays & seigneuries de l'ancienne obeissance de la couronne. Ainsi fut ceste leuée rompue, & du peu de nôbre qui se cõtenterent de faire autre sermēt, les vns passerēt en Italie, les autres s'allerent ioindre avecques l'armee du Comte de Nansau.

En Piemont auoit desia monsieur l'Admiral ensuiuant l'ordonnance du Roy, assis la garnison dedans la ville de Turin, en laquelle il mist pour chef & lieutenant de Roy messire Claude seigneur d'Annebault, ayant charge de cinquante hommes d'armes, & cheualier de l'ordre du Roy, & Charles de Coueis seigneur de Burie par cy deuant nommé messire Gabriel seigneur d'Alegre, avecques sa compagnie de cinquante homme d'armes: cheuaux legers, le seigneur d'Ausun cent cheuaux, le seigneur de Termes cent, le seigneur de Dessé cent. Outre lesquels y demourerent plusieurs gentilshommes de grosse maison, lesquels s'y voulurent enfermer pour aequerir loz & bruit, & faire seruice au Roy, & à la chose publique. Entre lesquels furent le Seigneur de Piennes, surnommé d'Echaluin, le Comte de Tonnerre, le seigneur de Listenay,

Ordre donné au Piemont par monsieur l'Amiral deuant que se retirer.



nay, Guy Chabot fils aîné du seigneur de Iarnac, Paul Chabot seigneur de Cleruaux, le seigneur de Decars, messire Louys de Bueil Comte de Sancerre, François de Vitonne, Charles de Cossé seigneur de Brissac, Jean seigneur Do, Jean de Clermont seigneur de Traues. De gens de pied y demourerent le seigneur d'Auchy, & de Cány, avecques chacun mille hommes Picards, la Salle avecques mille Normans, Quincy avecques mille Champenois: Lartigue Dieu cinq cens Gascons: le capitaine Blâche cinq cens, Anguar cinq cens, le seigneur Marc Antoine de Cusan avecques deux mille Italiens: & desquels gens de pied demoura chef & capitaine general ledit messire Charles de Coucis seigneur de Burie, lieutenant pour le Roy avec ledit seigneur d'Annebault. Ledit seigneur Amiral avec sa compagnie de cent hommes d'armes, celle de monseigneur le Marechal d'Aubigny aussi de cét, celle du seigneur de la Roche du Maine de cinquante, & celle du seigneur de Villebon de cinquante, les lansquenets du Comte Guillaume, avec le reste de l'armée se retirera dedans Pignerol, & le surplus de son armée bailla au Marquis de Saluces, le laissant en sa place lieutenant general du Roy.

E S T A N T à Pignerol il eut vn messager de la part dudit seigneur Marquis luy demandant renfort de gens, par ce qu'il disoit se sentir trop foible attendu la grande puissance qu'il entendoit venir contre luy. Parquoy il luy renuoya la compagnie du seigneur de Bonneual absent, la conduisant alors le seigneur de Broses son lieutenant, les seigneurs de la Roche du Maine, & de Villebon, avec leurs compagnies chacune de cinquante hommes d'armes, celle du seigneur de Monteian de cent hommes d'armes conduite par le seigneur de Vasse, & de la Taille, & celle du seigneur Jean Paul de Cere lx. le chevalier d'Ambres avec mille homes de pied, Gascons: & le seigneur de S. Aubin avec

Dissembla-  
tions & long-  
ueurs du  
Marquis de  
Saluces.

mille Normans : le capitaine Vvartis Nauarrois cinq cens hommes de pied, lesquels dès le iour mesme vindrent loger à Vigon, & de là à Villefranche : & de là enuoyerent à Sauillan, sauoir audit seigneur Marquis ce qu'ils auoyent à faire : lequel deux iours apres escriuit au Seigneur de la Roche du Maine, pour le faire sauoir au seigneur de Villebô, qu'eux deux au lende main matin s'en vinssent à Villeneuve du Sollier, & qu'il s'y troueroit accompagné du seigneur de Montpesat, du Comte de Pontreme, & autres pour aduiser aux affaires du Roy. Aquoy ils obeirent, & dès le matin entrèrent en conseil, & apres disner le continuerent, sans aucune chose cōclurre, sinon que ledit Marquis ordonna que les seigneurs de la Taille & de Vassefey lieutenans du seigneur de Monteiean rameneroyent sa compagnie en France : & sans autre conclusion s'en retourna chacun au lieu dont il estoit party, iusques à ce q̄ ledit seigneur Marquis les remādast.

D E V X iours apres il les mādā derechef venir avec leurs cōpagnies au lieu de Sauillan, ordonnant au seigneur de Villebon qu'il s'y en vint deuāt faire les logis, & au seigneur de la Roche du Maine de demourer derriere avec les bandes, & qu'il aduisast à les conduire seurement, par ce que les ennemis estoient en campagne, & avec grosse troupe. Le lendemain qu'ils furent arriuez audit lieu de Sauillan, y vint le seigneur de Montpesat venant de Fossan, où il auoit esté pout ordōner la fortification du lieu. Monseigneur le Marquis ouy le rapport dudit seigneur de Montpesat, & l'opinion qu'il auoit, encores que les murailles dudit lieu fussent merueilleusement foibles, de la pouuoir ce nonobstant tenir, en ayant quelque espace de temps à la remparer, & y parfaire des bastiōs de terre qu'il y auoit fait commencer, ne se voulut condescendre à ceste opinion : ains fut d'auis de renuoyer tout ce qu'il auoit de gēs de guerre en France, & d'enuoyer le sieur  
de Ve-

de Verets en poste vers le Roy, pour luy faire entēdre ceste deliberation, & les raisons à ce le mouuās: sauoir est qu'estant desia l'ennemy si pres, & auecques si grosse puissance, il n'y auoit ordre ne moyen de pouuoir à temps fortifier & rendre tenable aucune autre ville de Piemont, que celle de Turin, & que de retenir gēs outre ceux qui ia y estoient, c'estoit les perdre à escient.

Les capitaines luy respondirent qu'ils estoient là pour luy obeir ainsi qu'à lieutenant general du Roy, & qu'ils auoyent commandemēt d'auiser le faire: que toutesfois il leur sembloit pour le bien & seruice du Roy, deuoir tenir encores vne ou deux places outre celle de Turin, à cause que n'en tenant qu'une, c'estoit ouurit à l'ennemy le passage en France, laissant seulement vn siege volant à Turin: ou parauāture luy donner occasion n'ayant à faire qu'à vne place, & qui n'estoit encores en deuē & suffisante fortification, d'y conuertir entierement ses forces, & quoy qu'il luy coustast l'emporter d'assault, afin que passant en France il ne laissast rien derriere qui luy fust ennemy: & persistoit le seigneur de Montpesat en son opinion de tenir Fossan. Le seigneur de la Roche du Maine estoit d'aduis que lon tint plustost Cony, à cause q̄ la ville estoit plus grande, & par ainsi capable de plus grosse garnison, aussi qu'il y auoit moins à fortifier qu'il n'y auoit à Fossan: car enfermant les faubourgs auecques la ville il ne pouuoit auoir plus hault de quatre à cinq cens pas à remparer: aussi que desia les viures & munitions y estoient, lesquels en tenant Fossan il y faudroit faire conduire dudit lieu de Cony: ioinct qu'à l'entour on auroit à commandement les pays de Saluces, du Dauphiné, & de Prouence, & pourroit-on mettre le Comte Guillaume auecques ses Lansquenets à Barselonne, ou ailleurs, où lon aduiseroit pour le mieux: & quelques autres garnisons à Demons, à

Roquesparauiere, & autres places à leur doz: en quoy faisant on donneroit à l'ennemy beaucoup à penser auant qu'il vint mettre le siege audit Cony: ou qu'il entreprist en le laissant derriere, de passer outre la montaigne. Pluseurs des autres capitaines se rengerēt à ceste opinion, & le seigneur de Môtpefat offrit luy-mesme de se mettre en laquelle des deux il luy seroit ordonné: priant sur toutes choses qu'on prist quelque briefue conclusion, sans perdre temps en deliberatiōs, qui se deuroit employer à l'execution.

**M O N S I E I G N E U R** le Marquis quoy qu'on luy remonstroit, ne voulut pour ce iour prendre autre conclusion, sinon qu'au lendemain iroyent le Sieur de la Roche du Maine, & le seigneur Chrestoffe Guascho reuisiter la ville de Fossan: & que leur rapport ouy, se prendroit lors vne conclusion de ce qu'on auroit à faire. Audit lendemain allerent les dessusnommez à Fossan, & retournerent le mesme iour. Estant ledit sieur de la Roche du Maine encores plus auant fondé que le iour precedant en sa premiere opinion de Cony, & d'autāt plus qu'à Fossan il n'y auoit eue que de cinq puis, & d'une fontaine hors la ville, que l'ennemy en l'assiegeant facilement leur pouuoit oster. Le Marquis cherchant (ainsi que depuis il a esté sçeu) matiere de dissimulation & temporellement, ne voulut encores conclurre: ains ordonna qu'au lendemain iroyent avecques luy tous les capitaines & de cheual & de pied, pour en conclurre audit Fossan sur le lieu: & meneroyēt chacun sa compagnie ou bande prestes à demourer de dans, au cas qu'il fust trouué raisonnable de le tenir: & au cas que non, d'aller pareillement visiter la ville de Cony, & ne la trouuant defensible, se retirer tous ensemble le chemin de France: & que luy entreprendroit de faire conduire l'artillerie apres eux, & la faire passer la montaigne seurement. Les capitaines ne furent point de celt aduis, alleguans que  
ce seroit



ce feroit chose honteuse (ores que force leur fust de se retirer) abandonner leur artillerie: & aussi peu estoient-ils d'aduis de mener à Fossan toutes leurs bades y commander les viures, dont ils auroient besoing s'il aduenoit qu'ils la deliberaissent tenir: mais le Marquis persista d'y mener tout, en disant, qu'ils n'y coucheroient plus hault d'une nuit. Et de ceste sienne deliberation aduisa le Roy par le Sieur de Verets en poste, combien qu'il desia luy en auoit donné autre, ensemble mandada qu'il ne pouuoit tirer obeissance des capitaines.

ARRIVEZ qu'ils furent à Fossan, trouuerent qu'en vsant de bonne diligence ils auroient tēps assez de paracheuer les bastions encōmencez s'y employās les gēs de guerre avecques huit à neuf cens pionniers qui auoyent cōmencé l'ouurage, & que du Montdeuis (qui n'estoit loing d'eux) ils y pourroyent faire venir de viures sans toucher à ceux de Cony: & par ce moyen faire au Roy ce seruice, qu'en tenant l'une & l'autre ville, arrester l'ennemy sur cul, & donner tēps à nos forces de se reünir & ioindre ensemble. Tel fut l'aduis & deliberation de tous les capitaines, & le declarerent ainsi audit seigneur Marquis, en le priant de promptement se vouloir resouldre. Pour ce iour ne voulut-il encores conclurre, remettant la chose en deliberation iusques au lendemain: & ce pendant les pionniers s'enfuirent tout au long de la nuit, en sorte qu'il n'en demoura point quarante: & depuis a esté sceu que ledit Marquis les en auoit fait fuir, combien que pour lors il ne fut sceu: bien y eut des gens beaucoup en la compagnie qui prindrent grand soupçon sur luy: & mesmement quant au lendemain il se monstroient entieremēt resolu de vouloir tenir la ville: ce que iamais il n'auoit trouué bon ce pendant qu'il y auoit moyen de la mettre en defense: tellement que ceux qui n'osoient soupçonner si mal de luy, ne pouuoient toutesfois n'attribuer ceste muration

à trop grande legereté ou faute de resolution. Autres en y auoit qui pensoyent pis : & ne trouuoient bon que le Comte de Pocquepaille qui estoit à luy , alloit & venoit ordinairement au camp des ennemis : mais il couuroit lesdites alées & venues sur sa querelle de Montferrat , disant que sous vmbre de ladite querelle il l'enuoyoit pour entendre nouuelles de leurs entreprises & deliberations : à quoy les vns adioustoyent foy , les autres non. Le seigneur Martin du Bellay en plein conseil, & deuant tous luy dist, qu'un cheuaucheur d'escuirie du Roy, nommé Bonfot , venant de Milan , auoit passé par Ast, & y auoit veu marqué le logis dudit seigneur Marquis aupres de celuy de l'Empereur : à quoy ledit Marquis en sousriant, respondit, estre bien assure que ledit du Bellay n'en croyoit rien, ne pareillement autre de la compagnie.

Tous assuerent que non , & qu'ils le tenoyent pour si gentil Prince, qu'il ne vouldroit faire vne si grande meschanceté : mais bien le prioient de vouloir prendre conclusion aux affaires : & ne perdre plus de temps en si longues & irresolues deliberations. Alors il leur dist, que la dissimulation dont il auoit vsé, auoit esté pour cognoistre quel cœur & volonté auoyent (non pas les capitaines, desquels il n'auoit iamais doubté) mais leurs soldats & gens de guerre, lesquels voyant en si bonne volonté, il se vouloit resouldre de tenir Fossan : & les prioit qu'en ensuiuant la promesse & instance qu'ils en auoyent faite , ils se deliberaissent d'y faire leur deuoir : & que le nombre ordonné de ceux qui deuroient y demeurer, ils deliberaeroyent apres sur le fait de Cony. Les capitaines replicquoyent qu'en leur rendant les pionniers qui alors y estoient quand ils offrirent à la tenir, ou autres en pareil nombre, eux nonobstant le temps perdu en rien faisant, seroyent prests d'accomplir

complir leur promesse, & mettroient peine d'en rendre bon compte : luy remontrant toutesfois le peu d'apparence qu'il y auoit de tât auoir perdu de temps en dissimulation, & sans auoir aucune chose fortifié ne réparé. Le Marquis monstrant d'estre bien mariy entre les autres choses de la fuite des pionniers arriuee si mal à propos, reconfortoit les capitaines, en leur disant que de son Marquisat il feroit venir du iour au lendemain le double d'autant de pionniers: & tous à demy aguerris, & qui au besoin seruiroyent & de gens de guerre, & de pionniers: mais ce pendant n'en venoit pas vn. Luy tous les iours assembloit le conseil en sa chambre, mais au partir les capitaines n'en rapportoyent conclusion: sinon que leurs viures tous les iours appetissoyent, pour cause du grand nombre de gens qu'ils estoyent, & du Mont deuis ne d'ailleurs il n'en venoit ne tant ne quand.

V o v s auez par cy deuant entendu comment le Marquis dès le commencement, & auant la despeche du seigneur de Verets qu'il enuoya du sceu des capitaines, auoit fait scauoir au Roy la grosse puissance qu'auoit l'Empereur, & la desobeissance que luy trouuoit aux capitaines qu'on luy auoit laissez: & qu'à ceste cause il ne voit moyen de pouuoir tenir ne Fossan ne Cony: & que le mieux qu'il scauroit faire, estoit de renuoyer en France tout ce qu'il auoit de gens de guerre outre ceux de Turin. Le Roy incontinant ceste nouuelle ouye, despecha le sieur d'Eschenais en diligence vers lesdits sieur Marquis & capitaines, pour entendre & scauoir commét il en alloit, en les priant tresexpressément, que sur tous les seruices qu'ils luy vouldroyent faire, ils vsassent de toute possibilité pour tenir lesdites villes, de peur qu'il eust l'ennemy si soudainement sur les bras en son royaume, que ses forces ne fussent à temps reünies & mises ensemble pour le recueillir. En ce faisant il

leur promettoit estre prest auant le terme d'un mois, ou de trois semaines, pour enuoyer les secourir, s'ils pouuoient tenir iusques à tant, & rompre ceste premiere impetuosité de l'ennemy : qui feroit fait à luy, & à son royaume vn tel seruice que iamais il ne le mettroit en oubly. Quand toutesfois elles ne leur sembleroyent estre gardables, qu'il aymoit trop mieux auant que perdre tant de gens de bien, qu'ils se retirassent, se sauuant, & son artillerie. Ledit sieur d'Eschenais trouua les capitaines en la meilleure volonté du monde, mais pourautant que l'Empereur & toutes ses forces estoient si pres (car à la verité le siege fut mis deuant Fossan, au dedans de huit iours apres) ils craignoient bien d'entreprendre à les garder, estans les villes si mal remparées, & eux sans pionniers, & sans moyen d'en recouurer : & se plaignoyent fort de la dissimulation du Marquis, lequel auoit tant laissé couler de temps sans y besongner, & sans se resouldre. Aussi compterent les soupçons qu'ils auoient contre luy : de maniere que peu s'en falloir, que se departans du tout de la deliberation de les garder, ils ne pensassent seulement qu'à sauuer les hommes & l'artillerie : & si n'en trouuoient pas les moyens aisez, attendue la prochaineté de l'ennemy : sinon que de la retirer en quelque place de seureté. Le Marquis vouloit qu'on la mist à Raueil, vn chasteau sié qu'il disoit inexpugnable, & veritablement est fort malaisé à prendre : mais les capitaines encores qu'ils ne luy voulassent declarer, ne s'osoient toutesfois fier de la mettre en sa puissance : & fut parlé de l'enuoyer à Roquesparauiere, moyennant qu'on trouuast par uisitation de la place qu'elle y peust estre seurement. Et à ceste cause furent enuoyez pour là visiter lesdits d'Eschenais, & le seigneur Chrestoffe Guasco & autres : lesquels rapporterent que l'artillerie n'y demoureroit point seurement.



SUR ce differant arriva le sieur de Sansac enuoyé par le Roy en poste apres avoir entendu la charge du seigneur de Verets, & ce qu'il avoit d'auantage rapporté de la cognoissance qu'il avoit des choses: lequel Sansac outre les lettres qu'il apportoit audit sieur Marquis, en avoit de particulieres avecques creance au seigneur de Montpesat & autres capitaines: par lesquelles expressement le Roy les prioit qu'ils essayassent plus que le possible à tenir l'une desdites places seulement quinze iours, & qu'en ce faisant ils luy feroient vn service inestimable. Parquoy ils conclurent entr'eux, & le declarerent audit seigneur Marquis de s'en mettre au hazard, & de servir chacun de pionnier. Ledit Marquis leur demanda en laquelle des deux villes ils se voudroyent plustost hazarder, ou s'ils estoient d'aduis de les tenir toutes deux: & sur la response qu'ils firent qu'à luy estoit (ayant desia ouy leurs opinions) de conclurre laquelle ils tiendroyent: mais que les deux ils y voyoyent alors peu d'apparence, veu le peu d'ordre qu'on y avoit mis, & que mieux valoit en bien garder vne, que de se mettre au danger que l'une fust perdre l'autre: & ie vueil (dist-il adonques) les garder toutes deux, & pource que vous monsieur de la Roche tenez ceste-cy pour la plus foible, ie vueil y demourer en personne: & sur ce ledit sieur de la Roche en se monstrant & offrant soy-mesme: voicy (dit-il) vn aussi homme de bien qui de bon cœur y demourera quant & vous & pour vous y obeir, ainsi que la raison veult.

Les autres capitaines ne peurent bien estre de cest accord: & nonobstant qu'ils se couvrirent d'autre excuse, disant qu'il n'estoit raisonnable qu'un lieutenant general du Ray se laissast assieger en la premiere place & plus prochaine du danger: à cause que ce seroit donner cœur aux ennemis de la forcer, en intentiō q̄ luy pris l'entreprise seroit vaincue, & aux assiegez

oster toute esperance du secours qu'ils pourroyent à vn besoing esperer du lieutenant general du Roy. Parquoy il leur sembloit beaucoup meilleur & plus à propos que laissant à Fossan telle force qu'il iugeroit estre suffisante, luy avecques le surplus de son armee se retirast à Cony pour le tenir tant qu'il pourroit : & ce pendant qu'ils entendroyent à remparer & fortifier la ville, il fist de son costé diligence de leur faire amener vins & farines, dont à Cony & aux enuirs y auoit grande abondance, & audit Fossan bien peu, & mesmement de farines, & de moulins point, & aussi peu dequoy en faire. Si n'estoit-ce toutesfois la principale intention qui les mouuoit à l'en dissuader, mais ils craignoyent que demourant audit Fossan il baillast & la place & eux ensemble es mains de l'ennemy: car le souspeçon tousiours croissoit sur luy, & leur venoit de plusieurs lieux aduertissement qu'il auoit traitté avecques l'Empereur: ils n'en osoyent neantmoins encores faire semblant auant que scauoir l'intention du Roy. Pour ce soir il arresta (quelque chose qu'on luy eust remonstré) de demourer audit Fossan, & y retenir avec luy le seigneur de la Roche du Maine, & autres iusques au parfaict de deux cens hommes d'armes, & trois mille hommes de pied: le surplus enuoyer dedans Cony. Ainsi se departit le cōseil: & au lendemain matin auant soleil leuë ledit sieur Marquis fist rappeler les capitaines, pour aduiser & conclurre ce que seroit à faire.

ASSEMBLEZ qu'ils furent, le sieur de Montpesat luy demanda sur quelle chose ils auoyent à deliberer, & si le soir precedant ils auoyent pas prise leur conclusion: à quoy il respondit en s'adressant au seigneur de la Roche que les paroles du soir (à l'auenture) ne ressembleroyent point à celles du matin: & sur ce que ledit seigneur de la Roche luy replicqua  
que

que les siennes quant à luy estoient telles au matin qu'au soir, il luy dist que non pas les siennes pour ceste fois. Car il vouloit que les seigneurs de Montpesât, de Villebon, & ledit de la Roche avecques leurs compagnies, & le seigneur de la Rocque avecques celle du grand escuyer, & les capitaines Anglure, & saint Aubin avecques leurs bandes chacune de mille hommes de pied Champenois & Normans, Vvartiz avecques la sienne de cinq cens Gascons, & saint Petre Corse avecques les Italiens qu'il auoit en nombre de trois à quatre cens demourassent audit Fossan: & que luy apres disner s'en iroit à Cony avecques le surplus de la troupe, & leur renueroit le cheualier d'Ambres avec sa bande, qui estoit de mille Gascons, lesquels seruiroyent de faire escorte aux viures, artillerie, boulets, & munitions qu'il promet toit leur enuoyer. Et sur ceste conclusion disna: puis s'en partit, laissant à Fossan les capitaines & gens de guerre dessusdits, & pour capitaine general & lieutenant du Roy, pour commander à tous, ledit sieur de Montpesât cheualier de l'ordre.

Après le partement dudit Sieur Marquis, vindrent nouvelles, combien que non certaines, au Sieur de Montpesât, & autres capitaines estâs à Fossan, comment ledit Marquis au parauant ceste conclusion prise (c'est à seauoir alors qu'il tenoit propos de s'enfermer quant & eux en ladite ville de Fossan) auoit mādé ceste sienne deliberation au seigneur Antoine de Leue, l'admonestant qu'il y vint hastiuement & sans se trauailler d'y amener grosse artillerie: car il luy bailleroit ensemble la ville & les hômes entre mains: aussi que depuis son partement pour aller à Cony il auoit renuoyé vers ledit Antoine de Leue, luy donner aduis de ceste mutation, & le faire hastier de venir auant que la ville fust en defense, parce qu'un chacun mettoit la main à l'œuure, autât capitaines q soldats.

& pourroyent en bien peu de temps mettre la ville en defense : mais qu'en se hastant de venir, il n'y trouueroit aucune resistance, & que se presentant deuant l'une des portes, ceux de dedans s'en iroyent par l'autre. Ce qui plus fit adiouster de foy à cest aduertissement, fut que le Marquis ne leur tenoit promesse de leur enuoyer les vins, farines, artillerie, boulets, & munitions qu'il leur auoit promis. Et à ceste cause le sieur de Montpesat accompagné du sieur de Sansac, du sieur de Castelpers son lieutenant, & de vingt cheuaux, se delibera d'aller vers luy iusques à Cony, sçauoir à quoy tenoit qu'il n'e auoit nouvelles. Si trouua ledit sieur Marquis, faisant fort l'empesché à mettre ordre au partement desdites munitions, & auoit desia fait tirer vne longue couleuline & trois canôs, & faisoit charger les boulets & poudres, & des farines enuiron de douze cens sacs, avecques bonne quantité de vins, & en presence dudit sieur de Montpesat fit acheminer l'artillerie, luy promettant qu'auant la nuit le tout seroit rendu audit Fossan.

Le sieur de Montpesat se confiant en la parole dudit Marquis accompagnée de l'apparence qu'il voyoit de l'execution, & aussi pource qu'il ne vouloit estre longuement absent de sa charge, s'en retourna plein d'esperance à Fossan, le cheualier d'Ambres & sa bande de mille hommes de pied Gascôs avecques luy: mais apres luy arriuerent seulement vn canon & vne longue couleuline, cinq caques de pouldre, & quelques boulets, mais peu, & d'autre calibre q n'estoyent les pieces. Tout le surplus de vins, artillerie, & munitions fut par ledit Marquis enuoyé à sa maison de Rauell, & luy dès la nuit ensuiuant s'y retira. Ce fut fait le ieudy septieme iour de Iuing: & le mardy ensuiuant enuiron les deux heures apres midy arriua l'auantgarde du seigneur Antoine de Leue, lequel au mandement dudit Marquis estoit party de deuant Turin



rindés le Vendredy precedant, y laissant pour conti-  
 nuer le siege le nombre de dix mille hommes, sous la  
 charge de Scalingue gouuerneur d'Ast, & ce iour vint  
 coucher à Carmagnolle. Et le mesme iour fut depes-  
 ché par le seigneur d'Annebault messire Jean de Cam-  
 bray son lieutenant, pour scauoir des nouuelles du  
 Roy, & luy en faire scauoir de celles de Piemont. Et  
 en ce temps mourut môseigneur Jean Duc d'Albanie,  
 cheualier de l'ordre du Roy, capitaine de cent hômes  
 d'armes, & gouuerneur de Bourbonnois, Auvergne,  
 Forests, & Beauolois: son gouuernement fut donné  
 à Messire Jean de Bretagne Duc d'Estempes, & sa  
 compagnie partie en deux, la moitié fut donnée à  
 Monsieur de Chabannes Baron de Curton, & l'autre  
 moitié à Monsieur de la Fayette. Aussi mourut messi-  
 re Louys d'Orleâs Duc de Longueuille, & Comte de  
 Dunois, aussi cheualier de l'ordre, & capitaine de cin-  
 quante lances, la compagnie duquel fut baillée à mes-  
 sire Louys d'Orleans son frere Marquis de Rothelin.  
 L'auantgarde du seigneur Antoine de Leue repoussa  
 le guet de ceux de Fossan à son arriuee, & faillit à  
 prendre ceux qui estoient au conuent de S. François  
 hors la ville, faisans abbatre le clocher de l'Eglise &  
 autres edifices dudit conuent qui pouuoient nuire à  
 la defense de la ville: & là se dressa vne grosse escar-  
 mouche entre ladite auantgarde, & ceux de dedans  
 qui sortirent au secours, & pour retirer leurs pion-  
 niers, dont en y auoit desia eu aucuns de morts & ble-  
 cez. A ceste saillie moururent des Imperiaux beau-  
 coup, & non seulement de coups de main, & d'ar-  
 quebutte, mais aussi de l'artillerie de dedans qui fit  
 grandement son deuoir à fauoriser nos gens. La nuict  
 suruenant separa ceste escarmouche, & arriua le sei-  
 gneur Antoine de Leue avecques toute sa force qui  
 se vint loger à la portee d'une arquebuse pres la  
 ville audit conuent de saint François, qui pour la

Siege deuant  
 Fossan.

briefueté du temps, & pour auoir peu de pionniers, n'auoit esté paracheué d'abattre.

Enormité de  
la trahison  
du Marquis  
de Saluces.

Le sieur d'Eschenais, qui apres la conclusion prise de garder Fossan auoit repris la poste, estoit cependant arriué deuers le Roy, & luy auoit rendu compte de ce qu'il auoit veu & entendu, & mesmemét du departemét du Marquis, & du soupçon que lon auoit sur luy, chose qui ne pouuoit entrer en l'entendemét de ceux qui l'oyoyent dire. Car ayant esté ledit Marquis nourry dès enfance avec le Roy, ayant eu de luy bon estat pour s'entretenir cependât que le Marquis Michel Antoine son frere auoit vescu, ayant esté fait par luy cheualier de son ordre, son Marquisat ayant esté par arrest adiugé au Roy (comme il a esté recité cy deuant) à cause de la felonnie & rebellion commise par le Marquis Iean Louys aîné de la maison apres le decés du Marquis Michel, & en ayant le Roy fait don & baillé inuestiture audit Marquis François luy ayant dauantage donné freschement de la conquête faite sur le Duc de Sauoye iusques au nombre de quarante six villes, estans la fleur du Piemont, & montans plus en reuenu que ne faisoit son Marquisat: au surplus luy ayant tant fait d'honneur & monstté de confiance, que de l'auoir fait son lieutenant general, & luy bailler sa force entre mains. Le cas insolite & nouueau, & duquel il ne se trouue aucun exemple en toutes histoires du temps passé, rendoit la chose à vn chacun non que difficile, mais impossible à croire: & certainement il ne fut encore iamais veu, ouy, ne leu, qu'un chef d'armée fist vne faute si orde & infame, que d'attirer & mettre (en tant qu'à luy en a esté) dedâs le cœur & és entrailles du Royaume de son Prince bien meritant de luy, en vn recours de fortune assez prospere, & alors que moins on s'en donnoit de garde, vne armée ennemie autant puissante, exercitée, & bien en ordre, qu'il en ait point esté veu de la  
memoire

memoire des hommes. Je vueil que Vitellius ait esté abandonné par Cecinna, prenant le party contraire de celuy qui l'auoit honoré & auancé, mais ce fut apres que les affaires dudit Vitellius furent du tout en desespoir, & pour se renger à la fortune qui à l'vn des contendans adiugeoit par son assistance la chose par eux deux ambitieusement pretendue. Stillico, Narfes, ayent commis pareille faute, mais ce fut pour grande & iuste occasion d'indignation, & pour se venger de la non meritee ingratitude. Cestuy-cy sans cause d'indignation a trahy son Prince naturel, en cours de fortune assez prospere, & sur le point que sondit Prince vsoit enuers luy de meilleur en meilleur traitement, & de plus grand en plus grand auancement en biens, honneur & autorité: ne faut doncques demander si ceste nouuelle fut au Roy merueilleusement estrange. Pour cela toutesfois ne voulut-il succomber à fortune, mais ensuiuant sa nature ou coustume, qui tousiours a esté de croistre de cœur en ses aduersitez, & d'icelles se refoudre plus terrible & formidable à son ennemy, depescha incontinent le seigneur Iean Paule de Cere avecques grosse somme de deniers, pour aller en toute diligence se mettre en l'vne desdites places de Fossan & Cony, & si mestier auoit de gens, leuer iusques au nombre de trois mille hommes de pied Italiens, & deux cens autres seruans sur cheuaux legers. Avecques luy renuoya ledit d'Eschenais, & par luy escriuit audit sieur Marquis, que pour certaines & bonnes causes il eust à faire vn voyage vers luy: laissant ce pendant ledit seigneur Iean Paule en l'vne des places, & le seigneur de Montpesat en l'autre. Mais arriuez qu'ils furent au col de l'agnel, ils rencontrerent la compagnie dudit seigneur Iean Paule, & celle du capitaine Bonneual, & le seigneur Chrestofle Guasco avecques mille Italiens, dont il auoit la charge, qui s'en retournoyent en France: & leur

compterent comment Fossan estoit assiégué, le Marquis ouuertement reuolté contre le Roy, & qu'il auoit enuoyé des lettres à la poste pour faire tenir audit seigneur: & que par icelles (ainsi qu'ils auoyent entendu) il luy demandoit congé, allegant les causes & raisons qui à ce le mouuoient. Parquoy ledit seigneur Iean Paule fut d'aduis de temporiser au lieu où il estoit, ce pendant que ledit d'Eschenais iroit vers le Roy, scauoir ce qu'il luy plairoit ordonner ceste nouuelle entendue: & pour ne perdre temps, fit par moyens entendre au seigneur d'Annebault à Turin, & au sieur de Montpesat à Fossan, la cause tant de sa venue que son arrest, & la charge qu'il auoit eu du Roy.

Les occasions surquoy fondeoit le Marquis sa reuolte, estoient telles, à ce qu'il en dit à messire Martin du Bellay estant à Fossan, mesme depuis qu'il eut pris le party de l'Empereur, estans ceux dudit Fossan en treue, iusques à ce qu'ils eussent nouuelles si le Roy auroit agreable la capitulation par eux faite, que tous Marquisats estoient de droict tenus de l'Empire: & que si ses predecesseurs s'estoyent retirez de l'obeissance dudit Empire, pour attribuer la souueraineté au Dauphin de Viennois, luy qui auoit cognoissance de ce faict, ne pouuoit moins, que de retourner à son seigneur naturel. Auquel fut respondu par ledit sieur du Bellay, que si ses predecesseurs l'auoyent tenu anciennement de l'Empire, & luy l'auoit tenu par temps immemorable du Dauphiné, il deuoit moins que ses predecesseurs se retirer de l'obeissance de celuy qui l'en auoit inuesty, non inuesty, mais donné en pur don (car estant adiugé au Roy par confiscation pour la rebellion de son frere aisné Iean Louys, ledit sieur luy auoit donné) & qu'il n'auoit titre que celuy du Roy Dauphin: & si le Dauphin n'y auoit droict, luy n'en pouuoit auoir, mais son frere

Iean



Jean Louys. En somme la maladie ne procedoit de là, il estoit homme qui adioustoit foy aux deuins, lesquels luy auoyent predict, que l'Empereur deuoit ceste annee deposseder le Roy de son Royaume, & mesme offrit audit du Bellay, que l'Empereur estant iouissant, comme il seroit dudit Royaume, luy faire plaisir. Or deux choses luy tourmêtoient l'esprit, l'une la craincte qu'il auoit de perdre son estat, l'autre l'esperance qu'il auoit faisant ceste reuolte, d'estre fauorisé de l'Empereur, en la cause qu'il preten-  
doit au Marquisat de Montferrat, de sorte que parlant audit du Bellay, dist, Je n'ay enuie d'aller en France contrefaire le Prince de Melphe, qu'il vou-  
loit dire estre desherité.

A v demourant le Roy ordonna & escriuit au <sup>Depesché</sup> sieur de Humieres, qu'outre les cinq cens hommes <sup>que fit le</sup> qu'il auoit leuez au pais, pour la garde & seureté des <sup>Roy.</sup> passages, il se seruist des bandes du seigneur Chrestophe Guasco, auquel il donna charge de les accomplir, iusques au nombre de deux mille hommes, & voulut qu'il seruist en celle frontiere, combien qu'il eust fait requeste d'estre employé ailleurs: pour doubte qu'il auoit, qu'estant si pres du Marquis de Saluces (auecques lequel il auoit longuement & priuement hâ-  
té, & mesmement se retirant ledit Marquis auecques l'Empereur, auoit demouré quelques iours avec luy, & s'il l'eust voulu croire, l'eust entierement suiuy, & laissé le seruice du Roy) on eust parauanture quelque soupçon, & deffiance sur luy: mais le Roy s'y voulut fier, & qu'il demourast là. Et y fut aussi enuoyé le sieur de la Tour à Essiles auecqs trois cës arqbusiers & audit sieur de Humieres ordonné mettre bône garnison dedâs Susc, pour auoir souuent nouuelles de la ville de Turin, en laquelle fut réuoyé le capitaine Câbray dessus nommé, auecques le payemêt des gens de guerre estans dedans. Aux compagnies du seigneur

Iean Paule de Cere , & du capitaine Bonneual fut mandé qu'ils s'en allassent en Prouence pour soulager le Dauphiné. Au Comte Guillaume de Fustemberg, qu'il prinst avecques ses bandes le chemin de Cisteron , & qu'y laissant le bagage, il les conduisist à Barcelonne, es terres neufues viuant gracieusement, iusques à ce qu'il eust certainté que l'Empereur passast deça les monts : & qu'ayant la deffusdite certainté, il commençast à faire le degast au païs, afin que l'ennemy n'y trouuast viures n'autre soulagement. A Grè noble fut enuoyé quelque quantité de poudres, & vne somme de deniers pour renforcer les estappes : & au sieur de Burie, qui estoit dedans Turin fut donnée la compagnie de cinquante hommes d'armes, qui au parauant auoit esté audit Marquis. Et le sieur d'Eschenais redepesché pour aller vers le sieur de Montpesat à Fossan, luy dire de par le Roy, que s'il estoit possible, il tint encores trente iours, à ce que le secours que ledit seigneur entendoit luy enuoyer fut plus puissant & mieux equippé que s'il estoit dressé à la haste : que s'il voyoit toutesfois ne le pouuoir faire, il ne se hazardast tant que par trop attendre à parler, il fust contrainct de prendre composition honteuse. Mais ledit sieur d'Eschenais voyant qu'il ne pouuoit seurement passer, bailla ses lettres & sa creance par escrit, signee de sa main, au seigneur Chrestofle Guasco, qui entreprit de la faire tenir.

Siege de  
Fossan.

Pour retourner à nos gens assiegez audit Fossan, est à scauoir, que quand ledit siege arriua, le bastion qui estoit toute la force de la ville ( si forteresse y auoit ) n'estoit encore de six pied de haut, & par aucuns endroits la terre estoit dehors plus haute que ledit bastion. Parquoy le seigneur Antoine de Leue pour faire ses approches, auant qu'ils fussent en plus grande defense, fit dès le lendemain qu'il fut arriué commencer les trenchées : où d'une part & d'autre

d'autre furent tirez force coups d'arquebuse, & furent tuez beaucoup de ceux de dehors, qui en faisant leurs trenchees se descouuroyent trop hardiment: aucuns des nostres aussi furent tuez & blecez cedit iour & autres, en besongnant audit bastion, pour cause de la terre qui estoit (comme i'ay dit) plus haute dehors que dedans, en sorte que nos gens ne pouuoient y aller ne venir, sans bien grand danger. Pour y obuier furent la nuit assis des gabions, au deuant des endroiets que la terre par le dehors estoit la plus haute: mais pour autant que la terre, dont ils furent remplis estoit seche, & non foullee, tout s'en alla en poudre quand l'artillerie de dehors eut commencé à tirer contre, qui tenoit ceux de dedans en grosse & merueilleuse peine. Pour le premier iour ne pour le second, elle n'auoit encores esté plantee: & fut la principale entente de ceux de dehors faire leurs trenchees, & amener leurs gabions, & de ceux de dedans se remparer & fortifier: au troisieme iour commença la batterie auecques seulement deux canons, & assez lente: la muraille toutesfois estoit si meschante & debile, qu'au lendemain toutes les defenses furent rasees. Enuiron le soir il fut arresté par ceux de dedans, de faire vne saillie à pied, & à cheual, les vns d'un costé, les autres d'autre: le Baron de Castelpers lieutenant du sieur de Montpesat eut charge de mener les gens de cheual: & le capitaine Vvartis Nauarrois, les gens de pied: par la porte du chasteau sortirent ceux de cheual, & les gens de pied par la Caze-matte du bastion, en vne vallee assez loing de la ville. Les lansqñets qui estoyét la force du cāp Imperial, estoyét logez dedās la prairie: & pour estre assez loing du danger auoyét leur guet assez foible, cōtre la coustume toutesfois de leur nation. Le capitaine Vvartis qui en estoit aduerty, & qui estoit (comme i'ay dit) failly à couuert, tira droict en celle part: & d'arriuee

leur fit du dommage. Le seigneur de Castelpers commença lors à apparoirre avecques ses cheuaux, qui fit donner l'alarme chaude: & pourtant le seigneur Antoine de Leue qui auoit autour de luy les Espagnols, y enuoya tresbonne troupe, en intention de clorre le chemin du retour à ceux de dedans. Ceux qui estoient ordonnez par luy à la garde des trenchees voyans ainsi courir chacun à l'alarme, y coururent aussi en diligence, laissant l'escorte de leurs pionniers assez debile. Le capitaine Sainct Petre Corse qui estoit avecques le sieur de Villebon ordonné à la garde du bastion, voyant la garde des trenchees ainsi desgarnie sortit dehors, & à l'ayde d'aucuns Champenois & Normans, qui aussi sortirent par vn autre costé, donna dedans leddites trenchees en telle furie, que d'arriuee y tua vingteinq ou trente hommes, & contraignit les autres à prendre la fuitte vers le logis du seigneur Antoine de Leue, qui enuoya pour les soutenir la plus part de ce qui luy estoit demouré de gens. Ceste meslee fut cause que les premiers qu'il auoit enuoyez tournerent chemin pour venir au secours. Noz gens de cheual qui d'autre costé voyoyēt vn chacun abandonner le conuent pour courir à ceste alarme, tirerent ceste part, aussi pour soutenir le capitaine Sainct Petre, qui auoit roidement repoussé ceux des trenchees iusques là endroit: & fut contraint ledit de Leue de se faire porter hors de son logis pour se sauuer: mais fut de si pres suivy, q̄ ses porteurs l'abandonnerent en vn bled, où fust pour se tirer hors du danger, ou pour donner occasion de les suivre par autre chemin qu'ils prindrent, & ce pendant guarentir ledit de Leue, qui demouroit en sa chaire caché, pour la hauteur des bleds qui en ostoit la veüe à ceux qui les suiuoyent: qui fut cause de sa sauueté. Ce fait noz gens se retirerent sans perte: mais aucuns bleffez, dont par apres en mourut trois ou quatre. Lesdits capitai-



capitaines S. Pierre & Vvartis furent tous deux blef-  
sez de coups d'arquebuse, l'un à la main, & l'autre au  
pied : mais furent bien tost guariz. Avec eux amene-  
rent prisonnier vn Napolitain , capitaine de trois  
cens hommes de pied.

I v s Q v e s alors n'auoyent encores les ennemis  
faict batterie bien asprement : car s'asseurans en ce  
que leur auoit mandé le Marquis , ils ne pensoyent  
point que les assiegez voulussent tenir : laquelle opi-  
nion seruit beaucoup ausdits assiegez : car le seigneur  
Antoine de Leue leur auoit tousiours laissé sur ceste  
esperance, & encores laissa l'espace de dix ou douze  
iours la porte tirant à Cony en liberté , pensant que  
par là ils se retireroient : qui donnoit ausdits assiegez  
grand rafreschissement, par ce que de sept puys qu'ils  
auoyent en la ville, les cinq furēt taris en deux iours :  
mais au moyen de ceste porte ouuerte, & à la faueur  
de leurs arquebusiers qui leur faisoient escorte, ils  
s'alloyent fournir d'eau à la fontaine, qui de ce co-  
sté là estoit au pied de la ville : & sans cela ne leur eust  
esté possible de tenir. Or entra en fantasie audit de  
Leue, que lesdits assiegez pour auoir plus hōneste ex-  
cuse de se retirer, ils attendissent qu'il eust faict bres-  
che : & à ceste cause deux iours apres ladite saillie (lais-  
sant toutesfois encores ceste porte ouuerte , pour al-  
ler à Cony) il fit de bien grād matin commencer à ti-  
rer en batterie avec quatre canons : & à tous les coups  
faussoyēt la muraille, & non sans bleffet beaucoup  
de noz gēs. Auāt le midy eurent faict bresche, & assez  
rase, par laq̃lle eussent peu entrer iusques à trente hō-  
mes de frōt : puis cesserēt de tirer enuiron d'vne à deux  
heures : qui fit penser aux nostres q̃ ce fust pour dōner  
l'assaut, & à la verité le pouuoyēt faire : car il n'y auoit  
point de fossé au deuant, & pouuoient venir au com-  
bat ceux de dehors aussi facilement que ceux de de-  
dans : parquoy il fut commandé aux gens d'armes

de descendre en vne trenchee qu'il auoit faicte par derriere la muraille, au dedans de la ville: & pour les soustenir furent les gens de pied mis sur le bord d'icelle trenchee.

Les ennemis firent bien contenance de venir à l'assault, qui fut cause que les nostres demourerent tout le iour à ladite bresche: les hommes d'armes l'armet en teste, & les gens de pied selon qu'ils auoyent esté ordonnez: & generally y furent tous, exceptez ceux qui auoyent esté ordonnez à se tenir en la place, pour secourir en la part qu'il seroit besoing. Ainsi se passa tout ce iour, & ne fut point donné d'assault: bien mirent les ennemis en leurs trenchees vn bon nombre de leurs gens esleuz, qu'ils y firent tenir toute nuit, espians s'ils pourroyent surprendre la bresche: & les nostres tindrent aussi toute la nuit cinquante hommes d'armes en leur trenchee, pour obuier à ladite surprise. Les autres tousiours cōtinuerent sans gueres prédre repos, à remparer au deuât de la bresche, & y firent vne trenchee par dedans auecques vn rempart, & la trêchee bien flancquee: & chacun en son quartier en fit le semblable: dont iamais ne s'en destournerēt pour quelque ennuy que l'ennemy leur fist, lequel toute la nuit tira par interualles en intétion de les empescher. Douze iours fut la bresche en ceste sorte, sans qu'il se donnast aucun assault. Le seigneur Antoine de Leue n'y vouloit hazarder ses Espagnols, les reseruant à entreprise de plus grosse consequence: parce qu'en eux, pour estre tous vieux soldats, estoit entierement toute son esperance. Les Italiens n'y vouloyent marcher s'ils n'estoyent payez. Les Allemans ne s'estimoyent point deuoit estre moindres en reputation que les Espagnols, & n'y vouloyent marcher tous seuls.

En somme, ledit de Leue se delibera de ne les point assaillir, tant pour raison dudit differēt, q̃ pour l'asscu-

l'assurance qu'il auoit d'emporter bien tost la ville par famine, & sans y hazarder ses gens hors de besoing: car il pensoit bien de vray, que les assiegez n'auoyent ne vin, ne farines, & se bien ils auoyent quelques bleds, ils n'auoyent point de moulins: & les manourriers qu'ils auoyēt euz au parauant pour en faire, en auoyent esté dès le commencement renuoyez par le Marquis, avec les pionniers. Et ores que parmy les bades des gens de pied, il se trouuaſt quelques maistres du mestier, ils y estoÿēt sans outils: & avecques ce, du peu de prouision qu'ils euſſent, & de quoy que ce fust, ledit Marquis auoit luy-mesme fait la description, apres y auoir tenu le plus lōg temps qu'il luy fut possible vn nombre superflu de gens, pour les faire plustost consumer & faillir: & la description qu'il en auoit faite, l'auoit-il enuoyée deſſors audit de Leue. En effect dès le xvj. iour du ſiege, ſe trouuerent les capitaines reduits iusques à là, qu'à viure maigrement, ils n'en auoyent plus que pour quatre ou cinq iours à toute extremité: de poudres à peine pour ſouſtenir vn aſſault: de ſecours de France auoyent eu nouuelles certaines, que de quinze iours ils n'en pouoyent eſperer: du coſté du Marquis point, car ils ſauoyent bien qu'il eſtoit deuenu. Or n'eust encores iamaſ penſé le ſeigneur de Leue, que leurs viures euſſent tant duré que deſia ils auoyent: car en matiere de mangeaille, il tenoit la nation Françoisiſe pour malaiſée à contenter de peu: parquoy il pouuoit croire que le Marquis n'eust mal diligemment fait ſa description, & commençoit moult à s'ennuyer de tant perdre de temps à vne telle ville, & pource fit-il drefſer ſes canons au droict du boulleuert qu'il pensoit luy eſtre plus dommageable s'il luy euſt conuenu venir à l'aſſault.

Le ſieur de Villebon auoit la charge dudit boulleuert avecques ſes cinquante hommes d'armes, &

sainct Petre Corse avecques trois cens hommes de pied pour les soustenir : & n'en bougeoient ne iour ne nuict avec ladite troupe. Les ennemis y ayās dresse leur artillerie, n'eurent pas grandement canonné, qu'ils n'eussent tout deseparé vn parapect qu'il y auoit fait de bois & chambres seulement entassez l'vne sur l'autre & sans terre, sinon peu. Battant plus bas, ils commencerent à plonger dedans le bouleuert : & courut vn bruiet en la ville qu'ils dressoyent vne platteforme pour battre en cheualier, & plonger au dedans du bastion : laquelle consideration ( avecques la petite prouision de viures & de pouldres, & l'aduertissement qu'ils auoyent eu du Roy à eux enuoyé par le moyen du seigneur Chrestofle Guasco, qu'ils n'entendissent tant à composer que force leur fust de faire composition honteuse ) fut en cause qu'ils deuiferent ensemble de trouuer quelque honneste moyen de faire, que non eux, mais l'ennemy parlast le premier : afin qu'ils en eussent de tant plus gratieuse raison. Cherchant l'occasion elle s'y offrit d'elle mesme : car le Seigneur Antoine de Leue enuoya vn trôpette demander vn prisonnier, & pource qu'il auoit cognoissance au sieur de la Roche du Maine, pour auoir esté ledit de la Roche prisonnier autour de luy apres la bataille de Pauie, il donna charge au trompette de le saluer de sa part, & luy demander s'il luy ennuyoit point d'estre si long temps sans boire vin. Le sieur de la Roche luy respondit, que veritablement luy ennuyroit-il, au cas qu'il fust en ceste necessité, que toutes fois il la supporteroit pour son hôneur, & pour le seruice du maistre : & pour donner à cognoistre qu'il n'estoit là reduict, en bailla deux flascons au trompette pour presenter en son nom audit seigneur de Leue. Le trompette entre autres choses en deuissant avec les capitaines, leur demanda, s'ils sauoient pas bien que le Marquis de Saluces estoit au seruice de l'Empereur : à  
quoy

Pour parlér  
sur la reddi-  
tion de Fos-  
san.



quoy le sieur le Montpesat respondit que non, & q̄ iamaïs il ne le croyroit sans auoir luy-mesmes ou quelqu'un de ses gens parlé audit Marquis. Sur ceste occasion ledit de Leue au lendemain matin enuoya le mesme trompette nommé Augustin, dire aux dessusdits capitaines que s'ils luy enuoyoyent vn gentilhomme, lequel pourroit venir à seureté avecques le trompette, il leur donneroit assurance que le Marquis estoit au seruice de l'Empereur: ensemble enuoya recommandations & remerciement audit sieur de la Roche du Maine, des amandes, & des concombres, & autres fruiçts nouveaux, en luy mandant qu'il auoit bien bonne enuie de le voir. Au sieur de Montpesat & autres capitaines sembla estre à propos d'enuoyer quelqu'un vers luy quand & le trompette: & y fut enuoyé vn gentilhomme de Perigort, homme d'armes de la compagnie dudit sieur de Montpesat, nommé ledit gentilhomme saint Martin.

ARRIVE que fut ledit saint Martin, apres auoir salué ledit seigneur Antoine de Leue de la part dudit sieur de Montpesat, il luy demanda que son plaisir fust luy donner saufconduit, pour aller iusques à Saluces parler au Marquis, & sauoir la verité de ces affaires. Surquoy ledit de Leue prenât la parole, Je say (dit-il) mon gentilhomme, que vous n'estes icy venu demander le Marquis en esperance de le trouuer à Saluces, car il est en Ast avecques l'Empereur: & si vous en estes en doute, ie vous donneray demain (si vous voulez retourner) vn trompette qui vous y conduira: mais i'enten tresbien que vous n'avez ceste charge de le demander, sinon pour vne couleur, & vous seruir d'excuse, pour venir sentir de moy ce que ie voudroy dire, & quelle grace ie vous voudroy faire pour vous tirer de la necessité où vous estes, laquelle ie say assez quelle vous l'avez: car i'ay icy la descriptiõ

de tous les viures & munitions que le Marquis vous a laissez ( & en ce disant luy môstra signée de la main du Marquis.) Or fault il cōclurre necessairemēt quelque bon mesnagement dont vous auez vsé, & que maintenant vous soyez bien pres du but: & m'esbahy au demourant, comment voz capitaines qui sont gēs de guerre, se sont voulu enfermer en vne pauvre ville qu'est ceste-cy. Tant y a quel'Empereur est Prince debonnaire, & n'est point cruel enuers les Chrestiens, mais seulement en veut aux infideles: parquoy ie conseille à vos capitaines, & à vous, que sans autrement enuoyer au Marquis, vous adressiez à moy, & ie seray moyen quel'Empereur vous vsera de misericorde. Entre autres vous direz au sieur de la Roche du Maine que pour la cognoissance que i'ay de luy, i'ay grand regret qu'il soit où il est, & là où ie pourray luy faire plaisir, ie le feray de tresbon cœur: & comme celuy qui l'ayme, luy conseille de bien penser à ce q̄ ie luy mande. Le gentilhomme luy respondit qu'il n'auoit charge de parler, & aussi peu d'ouir parler vn tel langage: & qu'en la ville il ne s'estoit point apperceu qu'ils en eussent occasion: q̄ toutesfois il en feroit volontiers le rapport au lieutenant du Roy, & aux capitaines, & qu'au lendemain il viendrait prendre le trompette pour le conduire en Ast, & luy rapporteroit la responce qu'ils luy auroient faicte.

Les capitaines apres longue deliberation faicte, furent d'auis, que ledit saint Martin gentilhomme de Perigort retournant le lendemain prēdre le trompette, essaiaist d'entendre du seigneur de Leue, quelle composition il leur voudroit faire: & trouuant ledit saint Martin l'occasion, tint au sieur de Leue lesdits propos. A quoy il respondit, que si l'vn des capitaines venoit vers luy pour en traiter, il l'offriroit telle qu'ils n'auroient cause de la refuser: ce que ledit saint Martin promit de rapporter aux capitaines, lesquels  
conclu-

cōclurent d'y enuoyer le lendemain : & y alla le sieur de Villebon conduit par le mesme trompette. Le seigneur de Leue luy tint d'arriuée semblables propos qu'il auoit fait audit saint Martin; y adioustant que nonobstant qu'il fust bien assuré d'auoir la ville quand il voudroit à sa discretion, il vouloit neantmoins vser de ceste courtoisie & gratiofeté aux capitaines, gentilshommes & gens de bien qui estoient dedans, que de les laisser sortir leurs vies sauues & sans rançon, à chacun le baston blanc au poing. A quoy le sieur de Villebon respondit, qu'il luy parloit vn langage qu'il n'auoit point accoustumé d'ouyr: parquoy il luy prioit luy donner congé de s'en retourner, en l'assurant que dedans la ville il n'y auoit telle nécessité qu'il se persuadoit : & quand elle y aduiendrait, qu'encores estoient assez gens de bien pour luy faire couster la moitié de son armée, auant qu'estre mis à ceste raison. Et sur ce prenant congé sans autre replique, s'en retourna dedans la ville, où il fit rapport aux autres capitaines de ce qu'il auoit trouué audit de Leue: lesquels tous d'un commun accord se resolurent de mourir plustost en gens de bien, que d'accepter cōposition si honteuse. Le iour ensuyuant dès le matin fut Augustin le trompette à la porte de la ville, apportant encores des fruiets nouueaux, avecques gratuites recommandations au sieur de la Roche du Maine, disant que le seigneur Antoine de Leue s'ebahissoit, veu qu'il n'estoit iamais venu homme de son costé, par lequel il ne fist à sauoir audit de la Roche, le desir qu'il auoit de le voir, ce nonobstant il ne luy en auoit iamais fait response: adioustant que s'il luy plaisoit venir disner avecques luy, ce luy seroit vn grand plaisir, & se mettroit volontiers en deuoir de le bien traiter.

Le sieur de Montpesat, & tous les autres capitaines estoient à la porte quand le trompette y arriua,

& avecques eux estoit le sieur de saint Martin dessus nommé: qui les pria, veu les affaires telles qu'elles estoient, de bien peser, & les paroles du trompette, & ce qu'aucuns d'eux mesmes auoyēt ouy, des propos q̄ le seigneur de Leue auoit tenus dudit sieur de la Roche: & qu'à son aduis ledit de Leue ayāt esprouuē q̄ sa braueté de paroles ne les auoit point estōnez, il seroit hōme de tenir plus gratieux propos audit sieur de la Roche. Tous s'accorderēt à ceste opinion, & ledit de la Roche ne voulant estre opiniastre, fit response au trompette, puis que le seigneur de Leue auoit tant enuie de le veoir, qu'au lendemain matin il iroit dîner avecques luy, mais que ce fust de bien bonne heure. Ne tarda pas demie heure que le trompette fut de retour à la porte, avec quatre petits panniens de poires, & apporta response qu'au lendemain à sept heures il viendrait querir ledit de la Roche: à quoy il ne faillit: mais le sieur de la Roche s'excusa pour le matin, & remist de se trouuer vers luy à midy. A l'heure dite le vint querir le trompette: avecques luy alla le cheualier d'Ambres: & à leur arriuée furent receuillis de plusieurs gentilshommes Italiens, Allemands, Espagnols, que le seigneur de Leue auoit enuoyez au deuant, luy se fit apporter en sa chaire pour les embrasser: & apres plusieurs ceremonies & propos longs & superflus à racompter, perseuerāt ledit sieur de la Roche de ne vouloir rēdre la ville, sinon en sortant ainsi qu'ils y estoient entrez, le seigneur de Leue repliquant qu'ils ne pouuoient faire ores que luy le consentist: car le Marquis ne leur auoit laissé que dix cheuaux d'artillerie, qui n'estoit nombre suffisant pour l'emmener toute, & replicquant le seigneur de la Roche qu'ils en emmeneroyent au moins ce qu'ils pourroyent, ne voulut toutesfois accorder d'en laisser emmener: aussi ne vouloit consentir que les hommes d'armes & archers emmenassent sinon vn cheual de



ual de seruice, & que les enseignes aussi demourassent: apres consentit bien qu'elles fussent emportées, mais non pas desployées, & finalement fut accordée la composition sous les articles qui ensuiuent.

Composition  
pour Fossan.

**P R E M I E R E M E N T**, que lesdits sieurs capitaines François pourroyent (si bon leur sembloit) tenir la ville iusques à la fin du mois complet, à commencer du iour & d'acte des lettres du Roy, dont estoÿt desia passez quatre iours: & qu'au dessusdit terme du mois complet, ils la consigneroyent audit seigneur Antoine de Leue: & de ce faire bailleroient dès à present ostages: dont luy seigneur de la Roche du Maine seroit l'un, & autres deux ou trois gentilshommes de sa maison. Si toutesfois il leur sembloit & venoit à propos d'en desloger plustost, que faire le pourroyent, avecques les mesmes conditions subsequentes. Item que si durant ledit terme le Roy de France ou son armée venoit leuer le siege estant deuant la ville, ou autrement luy donner secours, ledit sieur Antoine restitueroit les ostages, & laisseroit la ville en la forme & estat qu'elle estoit lors: aussi qu'audits sieurs capitaines durant ledit temps ne seroit loisible de fortifier ladite ville, ne d'y faire autres rempars que ceux qui ia y estoÿent, sauf qu'à la breche qui estoit tombée, il leur seroit permis de la racoustrer: & que ledit seigneur Antoine bailleroit deslors vn gentilhomme des siens pour regarder en quel estat elle estoit. Item que durant ledit temps ne seroit donné aucun empeschement ou trouble à ceux de dedans: & que ledit de Leue retireroit ce pendant son armée de là le pont d'Esture. Quant à l'artillerie & munitions, & tous les grands cheuaux qui excederoÿent la haulteur de six palmes, & quatre doigts demoureroient dedans la ville, sinon le nombre de douze cheuaux tels que vouldroyent choisir les capitaines, lieutenans, enseignes, & guidôs. Qu'au demourât ils sortiroyent enseignes desployées,

avecques tout le reste de leurs cheuaux, au deffous de ladite mesure, de leurs courtaux, bestes d'emble, mulles, mullets, & bagage : promettant de les assseurer, & faire accompagner iusques en lieu de sauueté, au pays & obeissance du Roy : & de leur faire prouision de pōts & viures par le chemin. Item que ledit seigneur Antoine permettoit au sieur de Montpesat enuoyer vn ou deux, ou trois gentilshommes vers le Roy, tels qu'il voudroit choisir, & les feroit accompagner iusques à l'entrée des pays du Roy, par gens qui les attendroyent douze iours au lieu où ils les laisseroyēt, pour les raconduire au retour en seureté. Plus permettoit ledit de Leue que l'argent passast seurement, venant de France pour le payemēt desdits gens de guerre estans en la ville.

LESQUELS articles ainsi accordez voulut le seigneur Antoine faire signer audit sieur de la Roche, qui le refusa, disant qu'il en vouloit communiquer & faire le rapport au sieur de Mompesat, & à ses autres compagnons: aussi que de les signer il appartenoit audit sieur de Montpesat, qui estoit chef en la garnison, & cheualier de l'ordre du Roy : mais que le lendemain il le luy emmeneroit en vne chappelle à mi-chemin de son logis & de la ville, & que là tout se parferoit. Ainsi qu'il le promit il l'acomplit, & se presentant pour ostage, & avec luy le sieur de la Palisse fils vnique de feu monsieur le Marechal de Chabānes, & le sieur d'Assier aussi fils vnique de monsieur le grand Escuyer de France : desquels il se contenta, disant que tousiours l'auoit trouué homme de parole, & raisonnable. Il luy fit alors vne requeste, auant qu'il y eust aucune chose signée, en le priant tresinstantment (veu qu'il l'auoit trouué tel) qu'il l'assseurast de ne l'en refuser aucunement: ce que ledit seigneur de Leue luy accorda & assseura, pensant que la requeste deust estre du bon traitement, & de laisser aller lesdits ieunes ostagers

stagers passer aucunement le temps avec les dames. Mais le sieur de la Roche ayant eu son assurance, luy demanda que durant ledit terme accordé, il fist aux gens de Fossan pour eux, & pour leurs cheuaux, deliurer viures en payant, & qu'autrement s'il aduenoit qu'ils eussent secours, il ne les redroit en l'estat qu'ils estoient à l'heure de la composition. Le seigneur de Leue monstra contenance d'auoir à desplaisir ceste requeste: ce nonobstant il l'accorda sous declaration qu'ils n'en prendroyent sinon ce que leur en faudroit par chacun iour, & non plus: & fut cest article adiouste aux precedens, & ce fait en furent escrits deux originaux, dōt l'un signé du seing & seellé du seel dudit de Leue fut baillé au sieur de Montpesat: & audit de Leue l'autre, sous le seing & seel dudit Montpesat.

LE xxiiij iour du mois de Iuing, audit an mil cinq cēs xxxvij. fut le sieur de Sāsac depesché vers le Roy, avecques ceste nouuelle. Durant ce terme sourdirent quelques altercations entre nos gens, & les ennemis: mais il y fut par les capitaines si bien pourueu des deux costez, qu'il n'en aduint inconueniēt: & alloyēt les François de Fossan au cāp de l'Empereur, aussi priuēment que dedans la ville. Enuiron huit iours apres ceste capitulation, l'Empereur qui estoit venu d'Ast à Sauillan, vint visiter le camp du seigneur Antoine, accompagné de plusieurs Princes & seigneurs, comme sont les Ducs de Sauoye, d'Albe, Bauiere, de Brunswich, des Princes de Salerne & de Bisignan, des Marquis du Guast, & autres: & y arriuant enuiron les six heures du matin, fit mettre toute son armee en bataille pour la voir: & la trouuant belle & bien en ordre à son gré, fit appeller le sieur de la Roche du Maine & ses compagnons, afin de la leur monstrier, lesquels y vindrent à cheual, avecques leurs sayes accoustumez à vestir sur le harnois, ainsi qu'ils estoient semez de croix blanches, & tout à cheual luy firent

Propos de  
l'Empereur  
à Monsieur  
de la Roche  
du Main.

la reuerence: il estendit vn bras, & embrassa le sieur de la Roche du Maine, puis le fit couurer pour le chault, disant qu'il ne vouloit pas qu'il fust malade, mais vouloit bien luy faire plaisir, & qu'il luy vouloit faire voir son armee: à quoy ledit de la Roche replica, qu'estant telle, ainsi qu'il l'estimoit estre, c'estoit bien le rebours de luy faire plaisir, que de la luy faire monstrier: car si elle estoit bien pietre & ruinee, plus de plaisir y prendroit-il, qu'à la voir belle, sinõ qu'ils s'accordassent ensemble luy & son maistre, sans faire combatre l'une contre l'autre, au si grand dommage de la chrestienté, deux si puissantes armées, comme ils pourroyent eux deux la mettre sus: & que si tous deux estoient bien conseilleez, ils s'appointeroient, & tiendroyent eux deux & Ture, & tous autres en subiection: mais de penser deffaire l'un l'autre, ils s'abuseroient: car quelque armee qu'il luy sceust monstrier, le Roy luy en presenteroit en barbe vne aussi belle. Et quant ores ceste premiere qu'il auroit dressée seroit deffaitte, que Dieu ne voulust, il en auroit remis sus vne autre dedàs quinze iours, & mettroit en vn besoin autant de gentilshômes à pied, cõme ledit sieur Empereur auoit en ceste armee de gês de toutes sortes. Sur ce retournant à sa premiere parole, qu'ils seroyent tres bien de s'accorder, & d'employer d'un cõmun accord ces tât puissantes & belles armées au seruice de la foy Chrestienne: L'Empereur à ce luy replica qu'il n'ignoroit point les forces du Roy, aussi cognoissoit-il bien les siennes: & quant à s'accorder ensemble, c'estoyent propos auxquels il n'auroit iamais les oreilles bouchees, mais qu'on les tint ainsi qu'il appartient.

A tant il ordonna au Marquis du Guast, & à vn seigneur Espagnol, de luy aller monstrier & à ses compagnons toute son armee, & commanda de les mener disner avecques les Princes d'Allemagne, & qu'apres disner il les verroit encores, ce qu'il fit: & demanda dere-



derechef audit seigneur de la Roche qu'il luy sembloit de l'armee qu'il auoit veüe, lequel respondit qu'il l'auoit trouuee tresbelle, & que c'estoit seulement dommage qu'elle n'estoit employee en autre entreprise. L'Empereur luy demanda où il presumoit qu'il la vouloit employer. Ledit de la Roche luy dit q'c'estoit en Prouence. l'Empereur luy fit response q'les Prouenceaux estoyent ses subiects: le fleur de la Roche luy respôdit qu'il les trouueroit ses subiects fort rebelles & mal obeissans. Or en deuisoit l'Empereur en vn langage qu'on cognoissoit facilement, qu'il s'estoit persuadé que iamais le Roy ne seroit pour luy resister, & s'auança iusques à demander combien de iournees il pouuoit encores auoir depuis le lieu où ils estoyent iusques à Paris: à quoy ledit de la Roche respondit, que s'il entendoit iournees pour batailles, il pouuoit encores y en auoir vne douzaine pour le moins, sinon, que l'agresseur eust la teste rompue dès la premiere. Sur ceste response se print l'Empereur à sousrire, & luy dist quelqu'un des assistans qui cognoissoit ledit de la Roche: Je vous auoy bien dit (Sire) qu'il vous sauoit dire quelque mot s'il vouloit. Et l'Empereur en reprenant la parole, redoubla que là où on parleroit de paix, ainsi qu'il appartenoit, on ne trouueroit qu'il y eust les oreilles closes: & en cedisant luy donna gracieusement congé, recommandant que luy & ses compagnons fussent humainement traitez.

Le Marquis de Salucés hantoit aucunes fois avecques eux, & s'efforçoit entierement à les persuader qu'ils se retirassent en France: sans attendre le terme qui leur estoit accordé: alleguant qu'il leur pourroit en l'attendant mal prendre, d'autant q'l'Empereur estoit deliberé de marcher outre: & q's'ils demouroyent derriere, les paisans pourroyent leur donner sur la queue & les deffaire, pour le moins leur donner vn

gros ennuy : mais ils persisterent d'attendre le retour de Sansac, & luy repliquoyent que si l'Empereur avecques toute sa puissance auoit crainct de leur donner assault, ayant bresche plus raisonnable, par plus forte raison craindroient les paisans de les assaillir. En somme ils attendirēt la venue de Sansac, & le iour du terme, qui greua beaucoup aux ennemis : car ils ne les vouloyent laisser derriere de peur qu'ils eussent moyen de se renforcer, & leur donner des affaires sur la queue, ou d'assaillir le nombre des gens qu'ils entendoient laisser à l'entretènement du siege de Turin. Si est-ce qu'à l'Empereur il desplaisoit grandement de tant donner de loisir au Roy, de se preparer & fortifier.

Le sieur de Sansac venu, & le iour prefix arriué ; le cheualier Cicongne Milannois ordonné par le seigneur Antoine de Leue, & le sieur de S. Martin, par plusieurs fois cy deuant nommé, de la part de ceux de Fossan, mesurerent les cheuaux qui deuroient sortir dehors, en quoy ledit Cicongne vsa d'exorbitante rigueur : & outre celle dont il vsa, fut encores tenu beaucoup de tort à d'aucuns gentilshommes François, ausquels furent ostez des cheuaux desia visitez & iugez estre de la mesure accordée, aussi plusieurs haquenées & autres bestes d'amble, contreuenant aux articles de la capitulation ; mais force fut qu'ils endurassent, estant le camp de l'Empereur si pres. Au demourant ils sortirent en armes, & enseignes desployées, autant les gens de pied, que les gens de cheual : estant le seigneur Antoine de Leue en sa chaire pour les voir passer, à deux geüs d'arc pres de la porte : & quand ils furent à demy mille ou enuiron hors de la ville, fut par aucuns des Imperiaux rué sur le bagage qui marchoit à la queue des gens de guerre, comme de gens qui pensoient cheminer (ainsi qu'il leur auoit esté promis) en bonne seureté. La charrette du sieur  
de

de Villebon entre autres fut prise & mençe en arriere: & fait plusieurs autres destrouffemens. Cest alarme rapaisé, les capitaines pour obuier qu'à l'aduenir n'en arriuaft de semblables, ordonnerent douze cens hommes de pied tous gens esleuz, qui de là en auant marcherent tousiours deuant le bagage: & sur les ailles autre trois cens arquebusiers: & sur la queue iusques à cent cinquâte hommes de cheual des mieuz montez & armez, avecques deux cens arquebusiers pour les soustenir: entre lesquels gens de cheual & le bagage marchoit tout le reste de leurs gens, tant de pied que de cheual, dont messire Martin du Bellay eut la charge des gens de cheual qui demeurèrent sur la queue: & le cheualier d'Ambres des gens de pied.

Et en cest ordre marcherent tout le iour, ayans tousiours sur les ailles vne troupe de la gendarmerie Imperiale, laquelle estoit sortie de Villefranche, où elle estoit en garnison, en intention de ruer sur le bagage desdits gens de guerre sortis de Fossan: & firent lesdits Imperiaux quelque contenance de ruer dessus, mais il en fut tué huit ou dix de coups d'arquebuse, parquoy à la fin ils se retirerent sans oser enfoncer les nostres, qui ceste nuit coucherent à Cardey. Et au lendemain marcherent en pareil ordre iusques à vn village sis au deffous de Pignerol, ayans tousiours ainsi que le iour precedant les gës de cheual de l'Empereur, & sur la queue, & sur les ailles, & s'escarmouchans souuent avec eux, sans toutesfois y auoir receu aucun dommage. Au iij. iour de là Pignerol, & deçà Perouse au milieu de la montagne se trouuerent en grosse troupe les paisans qui auoyent pris les armes, & marchans à couuert és voyes & sentiers de la montagne en costoyant noz gens, leur donnerent de l'ennuy beaucoup, & en blefferent plusieurs, à la fin toutesfois ils furent repoussez & contraincts de se retirer avec grosse perte de leurs gens: car il en fut tué de six à

sept vingts hommes, surpris entre les nostres, qui par deux endroicts auoyent gagné le dessus de la montagne pour venir enclorre & deffaire ladite troupe des païsans, laquelle deffaitte estonna tant les autres, qu'ils ne penserent plus chacun à autre chose qu'à se sauuer. Et sur le soir arriuerent les nostres à Fenestrelles, au dedans des pays du Roy à sauueté: duquel lieu fut despesché messire Martin du Bellay en poste, pour auertir le Roy comment les choses estoient passées, & pour entendre de luy ce qu'il vouloit que fust ceste troupe venant de Fossan.

DURANT ce siege, & pendant ce terme de la reddition de Fossan, le Roy encores qu'il n'eust esté desfié, ne par herault ne par lettre, iugea tou'esfois en hostilité si d'escouuerte, n'estre à propos d'auoir plus aucuns ambassadeurs ny messagers entre luy & l'Empereur: & à ceste cause escriuit à tous les gouuerneurs & capitaines de ses frontieres, que de là en auant ils arrestassent tous courriers allans à l'Empereur, ou venans de luy, ou de ses ministres. Et au sieur de Vely son ambassadeur qu'il print congé de l'Empereur: à celuy dudit seigneur Empereur, il ordonna pareillement de se retirer, & pour le conduire en lieu de seurété hors de son obeïssance, luy bailla messire Louys du Perreau de Castillon, l'un des gentilshommes ordinaires de sa chambre, & luy fit ce nonobstant honorable present, ainsi qu'est la coustume de faire aux ambassadeurs des Princes ou seigneuries de l'un à l'autre: mais ledit ambassadeur ayant sceu depuis q'le sieur de Vely, lequel il rencontra par chemin, n'auoit voulu accepter present dudit seigneur Empereur, enuoya celuy qu'il auoit accepté du Roy au sire de Humieres, dessus nommé lieutenant du Roy en Dauphiné. Peu apres luy escriuit de Suse, du xxv. iour du mois, commét il auoit vn pouuoir de l'Empereur son maître pour traiter quelques moyens de paix, s'il plai-

soit



Soit au Roy d'en enuoyer audit sire de Humieres vn semblable. Le Roy du commencement fit responce qu'il n'en enuoiroit point, & que les choses estoient trop auant pour entamer propos de paix : & pensoit bien q'c'estoit quelque nouuelle inuention pour encores l'amuser : mais quelques iours voulât tousiours confermer le deuoir de son costé, il reuocqua ceste depesche, & enuoya le pouuoir audit sire de Humieres, encore depuis il donna passage par son Royaume audit ambassadeur allant (si comme il disoit) pour le bien de la paix au pays bas de l'Empereur. Ce nonobstant il n'en sortit aucun effect : & a depuis esté cogneu que l'Empereur auoit vsé par sa confession mesme de ce moyen pour abreger le chemin de faire sauoir de ses nouuelles au Comte de Nansau, & pour en auoir des siennes, afin que ses deux armées se reglassent d'une mesme teneur.

Le Roy q' n'é pësoit pas moins, ne s'endormit, ainsi q' l'Empereur auoit eu opiniõ, sur la venue ne pratique dudit ambassadeur, ains en cõtinuât ainsi qu'il auoit cõmencé, de dõner ordre à to<sup>s</sup> ses affaires, depescha Ieã Cardinal du Bellay Euesque de Paris, pour aller cõme son lieutenant general en ladite ville & pays circõuoisins, pour y entretenir & assëurer le peuple, qu'il ne s'estõnast, ainsi qu'il aduient aucunes fois entre les peuples non accoustumez aux incommoditez de la guerre, quãd ils voyët leur pays assailly par tãt & diuers endroiçs, cõme l'Empereur menassoit & procuroit de faire: aussi pour auoir esgard au faiçt des finances, dõt le fons de la recepte des pays circõuoisins estoit à Paris, afin de secourir la Picardie, Chãpagne, & autres lieux de frõtiere, selõ l'exigëce des affaires. Au sire de Humieres ordõna, q' retournãs nos gës de Fossan il les departist au lõg de la môtagne, pour assëurer & tenir les passages: & q' sur tout il euoyast souuët espies sur espies, pour entëdre le cõuiue des ennemis,

Prouisions  
faictes par le  
Roy, sur les  
preparatifs  
de la guerre:

quel chemin ils entreprendroyent pour faire descen-  
te en France, & que là où ils montreroient de vou-  
loir prendre le chemin du Mont-Genève, il enuoyast  
en toute diligence rompre le passage à force de pion-  
niers, & rompre le Cabestan assis sur la montagne, à  
ce qu'ils ne s'en aydassent à passer leur artillerie : au  
Château-Dauphin qu'il mist le capitaine Monnein,  
avec ses gens, & les remplist iusques au nombre de v.  
cés. Au seigneur Iean Paule outre les deniers qu'il luy  
auoit au parauant fait deliurer, pour leuer les gés de  
guerre Italiens (ce qu'il fit, & la pluspart en retira du  
camp des ennemis) il enuoya par Picquet commissai-  
re ordinaire des guerres le payemēt des gens de guer-  
re estans à Turin, afin qu'il essayast de passer outre, &  
le porter en ladite ville: ce q̄ ledit seigneur Iean Paule  
executa, mais nō sans grosse difficulté, à cause que les  
ennemis auoyent garnisons à Buffolin, à saint Am-  
brois, à Riuales, & à Groullian, places assises entre  
Suse & Turin, en pais estroict, & des deux costez en-  
clos de montagnes: il y passa toutesfois sans perdre  
aucun de ses gens, sinon vn de ses cheuaux legers Ita-  
liens, nommé le Comte Sebastian de Monte-Cuculo,  
& luy blessé d'vn coup d'arquebuse en l'espaule, dont  
il fut guaruy en peu de iours.

A v s s i depecha le sieur de Noailles, avecques vn  
tresorier, & le sieur de Bourran commissaire ordina-  
re de ses guerres, pour aller faire la monstre & paye-  
ment des gens de guerre qui retourneroyent de Fos-  
san: ausquels pour le seruice qu'ils auoyent fait, &  
pour leur ayder à se remōter, il fist dōner vn quartier  
outre ce qu'il leur estoit deu. Et fut baillé audit No-  
ailles par instruction de faire marcher la gendarmerie  
vers Auignon, auquel lieu auoit le Roy deliberé de  
faire l'amas de son camp, pour apres le faire marcher  
outre, iusq̄s au lieu qu'il seroit auisé. Et pour choisir  
vn lieu cōmode furēt depechez messeigneurs le Prin  
ce de

ce de Melfe Napolitain, Stefe Colōne Barō Romain, tous deux cheualiers de l'ordre, Poton Raffin Seneschal d'Agenois, & capitaine de cent archers de la garde du Roy: & peu apres messire Iean de Bonneual, capitaine de cinquante hommes d'armes, des ordonnances dudit seigneur, avec commission pour faire le gast, tel que ie declareray par cy apres. La depesche faicte dudit Noailles, le Roy sur l'opinion qu'il auoit tousiours (comme i'ay dit cy dessus) eue que l'Empereur entreprendroit de passer en Prouence, il enuoya nouvelle instruction, ordonnant au sire de Humieres faire marcher ladite gendarmerie de Fossan, par ce qu'elle estoit moins que suffisamment remontee, le chemin droict à Marseille: auquel lieu elle pouuoit sans trop grand nombre de cheuaux faire le seruice requis à la defense de la ville: & furent pour seruir à la campagne retirees hors de ladite ville la compagnie dudit Bonneual, & autres qui estoient mieux montees & equippees pour ce faire. Par autre depesche fist ledit seigneur, à sauoir à messire Louys d'Angerand sieur de Boisrigault, qu'il fist auancer les Suisses de sa leuee, & qu'ils prissent le chemin de Montluel, auquel lieu se trouua ledit seigneur au iour qu'ils y passerent, & à chacun des capitaines donna en present vne cheine de cinq cēs escus: & de là il les fit marcher droict à Valence, auquel lieu il alla bien tost apres, c'est à sauoir incōtinant qu'il eut certainctē que l'Empereur auoit pris le chemin de Prouence. Et auant son partement depescha monseigneur Robert Stuard cheualier de son ordre seigneur d'Aubigny, mareschal de France, capitaine de cent lances de ses ordonnances, & de cent archers Escossois de sa garde: messire Iaques Galior aussi cheualier de l'ordre, capitaine de cent lances de scldites ordonnances, grand escuyer & grand maistre de l'artillerie de France: pour recueillir les capitaines & gens de cheual & de pied,

qui arriueroient audit lieu d'Auignon : mais pour y estre chef & ion lieutenant general par sur tous il auoit fait election de messire Anne de Montmorency aussi cheualier de son ordre , capitaine de cent lances, grand Maistre & Marechal , & à present Connestable de France: lequel toutesfois il retint encores en sa compagnie iusques au yingtiesme iour du mois de Juillet.

L'EMPEREUR attendant ce pendant le parlement des gens de Fossan , & que la deliurâce de la ville luy fust faicte , estoit allé seiourner à Saluces , faisant en diligence ses preparatifs : & au lieu de Sauillan, du Montdeuis, de Cony, & de Tende , faisoit ordinairement besongner tous les moulins & fours qui se trouuerēt, & fit grosse munició de biscuit, & prouisió de toutes les bestes de charge qu'il peut recouurer au pays, pour faire mener apres son camp ledit biscuit & autres viures. Le seigneur Antoine de Leue pour aussi ne perdre temps ce pendant que le iour de la deliurâce de Fossan arriueroit, auoit dés le dernier iour de luing enuoyé sommer la place de Roquesparauiere, appartenant à messire Iean de Boller sieur de Cental : mais le frere dudit Cental esleu de Riez, luy fit responce que la place estoit tenue du Roy, & que luy comme fidele & bon vassal n'y laisseroit entrer sinon par sur son ventre, homme qui ne fust ainy du Roy sondit Seigneur. Et pour accomplir sa promesse plus seurement, enuoya demander secours au sire de Humieres, qui luy enuoya tel nombre de gens de guerre & canonniers qu'il luy demanda : parquoy ledit de Leue ne fit point d'autre entreprise contre ladite place. Et fit tourner ses gens vers le Chasteau-dauphin, en esperance de le surprendre : lesquels faillans à leur entreprise, se mirent à l'assieger, mais aduertis que les bades du sieur Chrestoffe Guasco, & celle du seigneur de la Tour y venoyent au secours, ils se retirerent à S. Pierre



S. Pierre au Marquisat de Saluces. Le Roy pourtant ne laissa d'enuoyer renfort de gens audit chasteau par le capiraine Poulin, lieutenant dudit Monein, qui estoit venu vers luy, de par ledit Monein son capitaine.

A V D I T Sauillan arriuerent Messieurs les Cardinaux Treuoulce, ordonné d'aller deuers le Roy, & le Cardinal de Carpy deuers l'Empereur, enuoyez par nostre sainct Pere leur intimer le Concile, à celebrer en la ville de Mantoue au xxvij. iour de May l'an ensuiuant que lon cōpteroit mille cinq cens trente sept: aussi pour moyenner la paix entre lesdits seigneurs Empereur & Roy. Ils furent solennellement recueillis & ouys, en presence de plusieurs Princes & autres seigneurs: & quant au faict du Concile, l'Empereur y consentit, & promit de s'y trouuer en personne, & que nul autre que la puissance de Dieu l'en empescheroit. Quant à la paix qu'ils sauoyent bien qu'à Rome il auoit protesté, que s'il venoit à la guerre cōtre le Roy (chose qu'il ne voudroit faire q̄ moult enuis) il la feroit de sorte que nulle occasion, quelcōque elle fust, luy seroit tourner la teste en arriere qu'il n'eust executé son intention: disant ne se vouloir departir aucunement d'icelle sienne protestation, sinon que preallablement le Roy eust entieremēt restitué, reintegré, & desdommagé le Duc de Saurye: & alors s'il luy enuoyoit denaander la paix, il luy respondroit selon que les choses luy sembleroyent le requerir.

Legation de  
deux Cardi-  
naux vers  
l'Empereur.

A V Cardinal Treuoulce, lequel auoit charge de passer en France vers le Roy, sembla n'estre hors de propos de parler audit seigneur Empereur à part, & pensa que nonobstant ceste hautaincté qu'il mōstroit en public, il luy pourroit particulieremēt tenir quelques plus gracieux propos, & plus inclinās à raisonnable composition. Son audience obtenue, il demanda entre autres choses, si s'accordāt le Roy à ce q̄ demandoit sa maiesté Imperiale de la reintegratiō du Duc de

Sauoye, ou à tout le moins de mettre les choses en sequestre, sadite maiesté seroit contente que luy Cardinal allât vers le Roy luy tint encores propos, qu'en ce faisant sa maiesté Imperiale rendroit le Duché de Milan à monseigneur le Duc d'Orleans. A quoy respondit l'Empereur, que non : & le Cardinal replicquant auecques humble requeste, que pour chose qui fust aduenue il ne changeast de l'opinion qu'il auoit eüe de ce faire, & qu'il auoit déclaré en si bonne compagnie, qu'en plein consistoire de nostre S. Pere, de son college, de tant d'ambassadeurs estrangers. Respondit l'Empereur à cest article, qu'il n'auoit point changé d'opinion: car il n'auoit iamais eu volonté de bailler ledit Duché, seulement auoit voulu dōner au Roy bonnes paroles, & chercher tous les moyens de le faire desarmer, ce pendant que luy s'armeroit : ainssi que le Roy en cas pareil auoit en l'entretenant de belles parolles, assailly & spolié le Duc de Sauoye. Autre chose n'en peut tirer ledit Cardinal, & sur ce prenant congé passa les monts pour venir trouuer le Roy: son collegue demoura encores quelque temps auecques l'Empereur, & puis fut enuoyé par luy gouverneur audit Duché de Milan.

Tous les preparatifs que faisoit l'Empereur, estoient comme pour prendre le chemin de Prouence, luy s'en vantoit, & ne se vouloit laisser desmouuoir de ceste intention : & ordinairement auoit en main ou deuant les yeux vne carte des Alpes & du pays bas de Prouence, que luy auoit donnée le Marquis de Saluces: & là estudioit si souuent & ententiement, applicquant le tout à ses desirs & affections, que desia il presumoit d'auoir le pays en son bandon, ainssi comme il en auoit la carte. Et n'estoit point en ceste sienne persuasion sans y auoir aucuns astipulateurs, & qui le seruissent d'agreable au lieu de veritable conseil : & comme ceux qui donnent de l'esperon au cheual cou-

rant

Diuerſes opi-  
nions au cō-  
ſeil de l'Em-  
pereur.

tant volontairement & de soy-mesme, l'enhortoyent  
 à faire promptemēt passer son armée deçà les monts,  
 pour là y exploiter en ce cours de victoires quelle e-  
 stoit : & poursuyuant lequel ils ne faisoient doubte  
 que sans combat, au moins sans danger, il ne conquist  
 en peu de temps toute la Gaule, moyennant qu'ils se  
 hastast de passer : & que de l'occasion q̄ Dieu luy auoit  
 enuoyée, telle qu'il n'en vient souuent de pareilles, &  
 qui peu durent quant elles viennent, il voulust vser de  
 saison, & auant que le Roy eust temps de se renforcer  
 & preparer à soustenir le faix de son inuasion. Et  
 quant à ce dernier article, n'estoyent-ils point hors  
 de propos, si c'eust esté chose aussi facile à executer,  
 qu'à dire. Les autres & le plus grand nombre debat-  
 toient au contraire : & leur sembloit estre plus à pro-  
 pos de poursuyure la reconqueste encommentée des  
 pays gaignez par le Roy sur le Duc de Sauoye, & les-  
 quels ils auoyent presens & à main, que d'aller assail-  
 lir l'autrui & loingtain pays : & d'establis delà les  
 monts vn bon repos & seureté, que de venir faire la  
 guerre en France. De suiure & d'executer ce conseil,  
 nous esperons (disoyent-ils) qu'il aduiendra de deux  
 choses l'vne : ou que bien tost nous paracheuerons de  
 recouurer & nettoyer ce pays d'ennemis, ou que le  
 Roy (doubtant qu'ayant vaincu ceste entreprise, nous  
 ne passions d'autant plus forts & vigoureux sur luy,  
 & mieux ayant faire la guerre en pays d'autrui, que  
 la soustenir en son propre) se deliberera pour obuier à  
 cest inconuenient, de passer deçà avecques toutes ses  
 forces. Aduenant le premier article, alors pourrons  
 nous, sans crainte que mutation aduienne par deçà,  
 marcher asseurement contre luy delà les monts. Ad-  
 uenant le second, ce nous sera beaucoup plus grand a-  
 uantage de l'y attendre, & recueillir avecques toutes  
 les nostres forces, que si nous allions le combattre a-  
 uecques vne partie seulement, en laissant icy l'autre

(comme force nous seroit de faire) à la poursuite de la susdite conqueste encommencée : & au danger que le Roy, se confiant en la bône obeissance & vnion de ses subiects, & en la force & bon ordre mis à la seureté de ses villes, se contente de les bien garder & defendre. Et faisant le guast de trois ou quatre iournées de pays au deuant de nous, sans y laisser autre chose que solitude & desolation, sinon en aucunes places bien munies de viures, de gés, artillerie, & munitions : tellement que par la raison de la guerre nous ne puissions ne deuions passer outre, & les laisser derriere nous, il se vienne loger en vn camp auantageux, fortifié, couuert desdites villes, & qu'au siege de chacune il nous arreste pour le moins autant qu'il a faict deuant la ville de Fossan : deuant laquelle telle & si peu defensible, que chacun de nous la cognoist, nous auons seiourné autant que si d'eust esté pour conquerir Paris ville capitale de France. Cela aduenât, pourroit-il pas ce pendant nous suruenir quelqu'un des inconueniens qui autresfois luy sont en pareil cas suruenus en Italie ? Pourra-il pas aussi voyant l'Italie desnée de force, y enuoyer, si bon luy semble, autre nouvelle armée de France : où en Italie mesme, en laquelle deliurée de la peur & craincte de nous il peult faire leuer vne armée sous la charge mesme, & par le moyen de ceux qui nagueres luy en auoyent leuée vne ? Pourra-il pas cela faict, meslant la force avecques les praticques, ayant à faire à vne nation encline naturellement à reuoltes & mutations, acquerir & peuples, & pays cependant que nous serons amusez au deuant d'une seule ville ?

Nous ne voudrions (Sire) en cest endroiçt vous apporter mauuais augure, en vous ramenteuant à cōbien de grands Princes & seigneurs est autrefois aduenü, non seulement de perdre du leur, en voulant trop pertinacement enuahir autrui, mais d'y rece-

voir



voir telle perte, qu'onc depuis eux ne leur race n'ont eu moyen de s'en resoudre: ne dire que (si les choses autrefois aduenues sont tousiours en possibilité d'auoir encores, tant que les raisons & conditions seront pareilles) nul homme ne peut temerairement & inconsiderement assaillir autrui qui ne se mette grandement au mesme hazard. Car nous sauons bien que les forces de vous (Sire) sont telles, voz querelles si iustement fondées, voz entreprises si bien pesées, la faueur de Dieu & de fortune si bien accompagnans vostre vertu, que tel inconuenient ne peut vous aduenir: mais seulement pour acquitter nostre deuoir, & à ce que sur les difficultez que nous mettons en auant vous pouruoyez selon vostre prudence accoustumée, auons bien voulu les vous ramenteuoir, & vous faire souuenir, que vous aurez à faire à vne nation qui en son pays & d'hors a tousiurs esté fort belliqueuse, mais en son pays a esté plus retenue & mieux vsant de cōseil qu'elle ne fait de hors: à vne nation qui iamais par autre que vous ne fut battue, sans q'le vainqueur y ait receu tresgrosse perte: à vne nation laquelle encores que vous ayez souuent vaincue, si a ce esté de sorte que iusques icy nous ne cognoissions encores en riens, que vous soyiez enforçy sur elle de voz victoires, ne qu'elle soit debilitée pour toutes ses pertes.

TOUTES ces raisons ne nous desmouueroyent toutesfois, que nous ne suyussions vostre opinion, & de ceux qui à nostre aduis y adherent fidelement, & parauenture plus prudemment que nous, si nous n'auions à combattre que l'ennemy: mais nous auons à cōbattre les destroicts des Alpes, à vaincre vn long & malaisé chemin, & cela vaincu no' ne trouuerôs en aucun lieu, ne pour aller en auât, ne pour faire seiour, amitié, bien-vueillance, ne seureté. Iusques icy vous auez tousiours conduit vostre armée par pays d'amis mieux aymât le repos q' d'irriter nōz forces: derriere

nous auons le pays obeissant, & les passages ouuerts, pour auoir & viures & réfort de gens à toutes heures que besoing sera. D'icy en auant, en quelque part que nous tourniôs la teste, nous aurons deuât, & derriere, & par les costez toutes choses ennemies & contraires; & (qui n'est petitement à craindre) vn aër mal-sain & tresdangereux à gens qui ne l'ont accoustumé, si vous entreprenez, ainsi qu'est vostre intention, de faire vostre passage en Prouence: de maniere (Sire) que plus difficile nous sera le combat du long & mauuais chemin, de la faute de viures, de l'intemperie de l'aër, de la famine & pestilence qui en resulteront: que ne sera le combat de l'ennemy, lequel deffera moins de noz gens que ne fera le moindre de noz autres susdits aduersaires. C'est (Sire) ce que principalement nous craignons, & qui nous tient en ceste opinion, de n'enuahir le pays d'autrui, deuât que luy ait en cestuy-cy posé les armes, sans moyen & possibilité de les reprendre: en laquelle nous voudrions persister, si nous ne pensions certainement, que vous sçachez quelque chose à vostre auantage que nous ne sauons, & que parauenture la raison ne veult qu'aucuns de nous sçachent encores.

T E L L E fut la remonstrence de la pluspart de ses capitaines, & entre les autres du seigneur Antoine de Leue, lequel iusques à se vouloir faire mettre à genoux hors de sa chaire, le requeroit & supplioit de se laisser persuader à ses bons, loyaux, & anciens seruiteurs. Aucuns toutesfois estoient d'opinion, que secrettement ledit de Leue estoit d'aduís que l'Empereur passast deçà, mais du vouloir & sceu dudit seigneur il monstroït deuant le monde & publiquemēt le contraire, afin que venant l'Empereur au dessus de son entreprise (ainsi qu'il en auoit bonne esperance, voire s'en rendit pour assésuré) toute la gloire & honneur en fust attribué audit seigneur Empereur, & dit  
par le

par le monde que son cœur auoit esté si grand, sa preuoyance & conduite si bonne, que contre l'opinion de tous il eust osé entrer, & eust eu la prudence de conduire à heureuse fin vne entreprise desesperee.

L'EMPEREUR doncques ce neantmoins persistant tousiours en sa deliberation, print la parole, & concluant vsa de ceste remonstrance. Si ie n'auoy (dit-il) certaine cognoissance & de la guerre que nous entreprenons, & de l'ennemy auquel nous auons à faire, & de nous mesmes qui auons à l'executer, ie ne blasmeroy point, ains approuueroy plustost & ensuiuroy ceste deliberation, ou pour mieux dire consideration vostre: mais cognoissant que nous l'entreprenons eontre vn infracteur de foy, allant à l'encontre de ses traitez, & qui contreuenant à iceux, a contre le Duc de Sauoye (compris au traité de Cambray, ainsi q' noz autres confederez) commencé la guerre, qu'il sauoit bien estre reduite contre nous: ie ne say point de doute que nous n'ayons Dieu pour nous, lequel est iuste iuge, & vindicteur rigoureux des traitez non obseruez, & de la foy violce. Et adiousteray q' nous auons à faire à vn ennemy, cõtre lequel nous auons eu presque vingt ans durans vne perpetuelle victoire, & telle (afin que ie vous face entendre au contraire de vostre dire, nous estre demouré chose pour nous sentir d'auoir esté vainqueurs, & à eux d'auoir esté vaincus) que nous iouissions encores du Duché de Milan, pour tesmoinage & butin d'icelle nostre victoire: ce qui nous doit mouuoir à retenir en ceste guerre les cœur & esperance, tels que vainqueurs, & leur laisser l'effroy & le desespoir, tels que les vaincus ont accoustumé tousiours d'auoir. Contrepesant noz forces ouire ces deux poincts avec celles de l'ennemy, & que nous les auons quant au nombre trop plus grosses, & quant à la qualité mieux estoïees de gens experimenterz à la guerre, tellement qu'en laissant v

Conclusion  
de l'Empe-  
reur en son  
conseil.

ne partie deçà, encorés nous demourera-il dequoy  
fournir à la puissance de l'ennemy tel q̃ l'atons. ie ne  
trouue point si grād incōuenient cōme vous le me fai  
ctes, ne de separer & diuiser nosdites forces, ne de pas  
ser les monts, & assaillir nostre ennemy en France.

ET pour entrer par ce second poinct, lequel nous  
fera retomber sur l'autre, ie vous pourroy alleguer in  
finité d'exemples, esquels plusieurs assaillis en leur  
pays ont diuertý l'ennemy en le contre-assaillant au  
sien, & sauuant le leur ont acquis & tenu celuy dudit  
enuemy: mais i'ayme mieux sonder mes entreprises  
sur la raison qui est tousiours certaine, q̃ sur l'exem  
ple qui a bien grande difficulté se peut alleguer en  
cas entierement pareil, & en tous ses poincts esgal &  
semblable: Vous me dites que nous deurions auant  
que transferer la guerre en France, la paracheuer de  
çà les monts, & nettoyer le pays de ce qui reste icy de  
noz ennemis. ie tien au cōtraire, & non pour vne seu  
le raison, qu'il faict pour nous de passer delà plustost  
q̃ d'entretenir la guerre sur le nostre, & de noz amis,  
& de plustost la faire en France, que de la soustenir en  
Italie: laquelle en ayant esté vexee & trauaillee par si  
long temps, toutes raisons veulent que nous l'espar  
gnions maintenant, & la laissions, puis qu'il nous est  
loisible, reposer & reprendre ses esprits cependant q̃  
France sera en son tour courue, gaſtee, pillée, bruslee,  
esproouant la craincte, l'espouuantemēt, la cōsterna  
tion & fuite du peuple, le sac & robemēt de maisons,  
la desolation, ruine, & feu des villes, & autres telles  
malheurtz accompagnantes la guerre, qui par trente  
ans ont presque cōtinuellemēt regné sur Italie, Paris,  
& la courōne de France, faut qu'il soit le prix & le lo  
yer de ceste victoire, non pas Turin & le Piemont.

au Lvs Qv s icy nous auons trop enduré au Roy  
faire la guerre sur l'autruy: contraignons-le vn peu à  
bon escient de venir au poinct de defendre le sien.

Voyons



Voyons si le François autant dedans que dehors son Royaume est ainsi gentil compagnon: si dedans il est si sage & retenu comme vous dites. Ne cognoissez-vous point sa nature par tant d'espreuues que vous en auez faictes; qu'il ne vault sinon à vne premiere impetuosité? à dissimuler & temporiser il s'aneantit & perd courage? & d'autre part ie cognoy le Roy estre Prince de cœur si haultain, voire plustost temeraire, qu'il s'estimerait auoir receu vne grosse hôte, s'il me laissoit entrer & sejourner en son Royaume, sans qu'il me vint presenter la bataille: & s'il la me presente, qui est celuy de vous qui ne se tienne assure de la victoire? Croyez-moy certainement que le seul moyen de mettre fin à ceste guerre, c'est qu'il soit outre ce qu'il est, Empereur & Roy des Espagnes en ma place, ou moyen la sienne Roy de France outre ce que ie suis: & pour en venir à bout; il nous fault approcher de plus près; & le chercher aux entrailles de son Royaume, nō pas nous amuser en ce pays, en attendant qu'il y passe, pour luy donner moyen, espargnant son pays, qui luy fondera tousiours argent, de venir faire icy viure son armee à noz despens; & l'enrichir du pillage de ce dont nous deuons chercher de nous preualloir; à la soule & entretènement des nostres. Et n'est rien plus vray que le rebours de ce q̄ vous craignez, qu'en France il y ait plus grande commodité de se renforcer de gens: tout au contraire s'il passe deçà, l'esperance de la proye par la licence & liberté qu'il baillera de piller, & mettre tout à sac en pais de conqueste, luy attirera tous les iburs gens nouueaux, ce que ie suis seur qu'il n'aura point en France: car y tenant police, comme raison veult qu'il face en ses pais, tout ce que pourra faire le soldat, sera de viure de sa soule à bien grāde peine: & peu se trouuera de gēs qui sans esperance d'autre profit vueillent venir pour la simple soule de gaignier des coups, ou la mort à l'encōtre de nous.

Et y laschant la bride pour attirer le soldat, il foulera son peuple : & où l'ennemy ne pourra paruenir si tost, l'amy pillera, & dissipera les viures, les deniers Royaux n'en seront de si bon reuenue: mutineries, seditions, rebellions en aduiendront : & mesmement si le Roy se ioue à nous donner le passe-temps de voir cest exemple de iustice & vengeance diuine, que luy qui a tant gasté, pillé, bruslé le pays d'autruy, gaste, pille, brusle luy-mesme son propre, comme vous craignez qu'il face au deuant de moy : executant de luy-mesme, ce que faisant l'ennemy encorés le feroit à grand regret. Parquoy cela n'est chose qui m'estonne, ne pour laquelle nous laissions d'auoir viures à suffisance: car outre l'ordre que i'y ay mis, nous passerons si auant en ses pays que nous en aurons, & qui ne nous cousterois rien, en abondance.

Et quant à ce que vous craignez qu'il se renforce du costé de deça, ie vous assure que ie luy ay dressé assez d'autres empeschemens ailleurs, pour luy en faire diuertir la pensee. Car outre ceste armee à laquelle ie ne fay point doubte qu'il ne s'adresse avecques toutes ses forces, & celle que vous scauez estre desia prestee pour descendre en Picardie, sous la charge des Comtes de Nansau, & de Rieux, & autre qui au deuant de moy se viendra ioindre par le costé de Languedoc: qu'à la requeste de l'Imperatrice mes Royaumes d'Espagne mettent sus, & vers laquelle i'enuoye presentement xxiii. galleres, pour luy faire clairement entendre ma deliberation, & le temps qu'il deura commencer à marcher: i'en fay encorés dresser vne autre pour descendre au fort des affaires en Champagne, & de là passer en Bourgogne: esquelles deux Prouinces elle sera pour faire avecques les moyens qu'on m'y donne, non moindre effect en mon seruice que feront les autres chacune en son endroit. De maniere qu'ayans si beaux & grâds preparatifs en tât de lieux, & le

& le Roy si entrepris, qu'il ne scauroit à temps assembler forces suffisantes pour en vn mesme temps resister à tant d'armes, & ores que ie n'eusse les intelligences que s'y ay, il est impossible que d'une part oud'autre nous ne gaignions de vüe force l'entree iusqu'au dedans du cœur de son Royaume, & face tel amas de gës que bon luy semblera. Separons & diuisions hardiment noz forces, en laissant ce peu de nombre de gens qui est requis à entretenir le siege deuant Turin: ce que nous menerons avecques nous par delà sera toujours suffisant à le combattre, principalement s'il veult (ainsi que vous l'avez proposé) diuiser & separer luy-mesme les siennes, à la garde & defense des villes qu'il aura deliberé de tenir & fortifier à l'encôtre de moy. Ioinct que vous cognoissez tous aussi bië q moy, quels gens de guerre sont les François à pied. A cheual ils se veulent faire estimer quelque chose, & à la verité ils y sont plus diuës & accoustumez: mais vous scauez qu'à Fossan, & à Conflans, nous leur auons entierement desmonté deux cens cinquante hommes d'armes: à Turin y en a pres de deux cens, qui ne peuuent esperer meilleure fortune: les autres bandes qui ont esté deçà ne peuuent estre sinon à demy defaites, pour auoir en si peu de temps & sans sejour fait le voyage de passer & repasser les monts: en sorte que vous auez à combattre le reste & les reliques, & non la gendarmerie accoustumée de France. Tout leur refuge & esperance gisoit és Lansquenets & Suisses, desquels ils faisoient compte de recouurer à leur appetit & commandement: mais nous auons (Dieu mercy) donné si bon ordre que de Lansquenets ils n'en auront plus: & de ceux qu'ils ont, ie nedy pas tous les moyens que j'ay en main de les leur faire perdre. Et des Suisses j'ay promesse certaine & asseurée, qu'à leurs gens ils ne donneront congé d'aller au seruice de Prince quelconque hors de leurs pays.

A ceste cause ie suis encores tousiours en ceste opinion de laisser icy raisonnable force, pour entretenir le siege de Turin: & auecques la troupe que nous auons icy, & ce que nous retirerons encores d'Italiens, passer en France, & faire (nonobstant les difficultez q vous auez prudemment discourues) le chemin de Prouence, en suiuant le long de la marine. Car quant à la difficulté des passages, nous ne donnerons cest honneur aux François qu'ils sachent mieux supporter que nous. Quât aux viures, nous y auons pourueu & par la voye de la mer en serons ordinairement secourus. Aussi par la mesme voye ferons porter nostre artillerie & bagage, qui par l'autre chemin feroit chose de trop grande coustange. Et quant à l'intemperie & incommodité de l'aër du pays, elle n'y est point plus vehemente que celle d'Afrique, que ceste armee a vertueusemēt soufferte. Et toutes choses considerees, ie ne voy chose en somme qui me face moins doubter que ceste victoire nous soit trop hazardeuse, que contre vn ennemy si surpris & despourueu de gens de guerre peu honnorable.

VOILA en conclusion mon aduis, mais non que i'y vueille estre opiniaistre: ains ay deliberé de prendre telle resolution, conseil, & courage, que me donneront mes soldats, lesquels sont ceux que nous auons à mettre en œuvre. Chacun de vous face assembler les siens, & sortir les enseignes aux champs, à ce que ie les voye tous ensemble, & parle à eux publiquement. En peu d'heure estant chacun aduertiy auant la main fut ceste concion assemblee: & l'Empereur apres auoir vn peu regardé, leur commença parler en ceste maniere:

Concion de  
l'Empereur  
à ses gens.

IE ne voy (compagnons) à l'entour de moy, en quelque part que ie tourne les yeux, sinon tous bons visages, annonçans & me mettans ainsi qu'en euidence l'affection telle qu'elle est dedàs yoz cœurs. Ie voy

vnç



vne armee si florissante, & composee de gens tous es-  
 leuz, & comme choisis l'un apres l'autre, les gens de  
 pied tous vrais soldats & veterans, la caualerie si bie  
 equippee, telle compagnie d'artillerie, & si bien esto-  
 fee de tout ce qu'il luy fault, qu'à mon aduis nous  
 n'aurons plus faulte sinon d'ennemy qui ose nous at-  
 tendre, & ne nous priuer du moyen d'esprouuer la  
 vertu de ceste armee: tant y a que deçà les monts, nous  
 ne pouuons le trouuer tel, qu'il vaille & soit digne  
 que nous y employons vne telle puissance. Ils estoient  
 icy aduolez, comme vne volée d'oiseaux au pillage  
 d'un champ semé: aussi à la vostre arriuee se sont-ils  
 retirez, ainsi que la mesme volée d'oiseaux s'enfuit au  
 premier coup de traict qu'elle a ouy. Maintenanr nous  
 sommes en deliberation, à sauoir si nous deuons al-  
 ler chercher de là les monts vn ennemy moins indi-  
 gne de nostre effort: ou si nous deuons attendre qu'il  
 nous vienne chercher icy: l'y attendant, nous des-  
 truisons le pays qui est nostre, & vous autres consom-  
 mez vostre soulde sans en profiter, encores n'est-il à  
 croire qu'il y vienne iusques icy. Les François auant  
 qu'auoir esprouué noz forces se sont entretenus à la  
 guerre plus temerairement que constamment à l'en-  
 contre de nous, ainsi qu'ils sont bouillans & precipi-  
 tans de nature: mais ie cuide qu'ils ne l'entreprend-  
 ront maintenant, qu'ils ont si souuent & à leur grãd  
 dommage esprouué que nous sommes autres gens  
 qu'ils ne sont. En les allant chercher par delà, ie croy  
 qu'aussi peu attèdront-ils le choc, comme ils ont fait  
 deçà les monts, sinon q nous voulussions penser qu'a-  
 yant leurs forces à present diminuees d'un tiers, ils  
 eussent plus de cœur & d'esperance, qu'ils n'en ont eu  
 quand ils les auoyent entieres. Tout ce qu'ils feront  
 sera de tenir vn peu de contenance: & aujourd'huy  
 reculer vne iournee en arriere, demain vne autre, &  
 jamais nous faire résister. Et si d'auanture necessité les

contraignoit de venir au combat, à quoy le cœur iamais ne les menera, vous devez indubitablement estre assurez que la fortune de la guerre comme vray iuge, fera incliner la victoire de nostre costé où est le bon droit, & qui poursuivons la reparation de foy violée, avec restitution des choses surprises au preiudice de noz traittez. Reste à savoir seulement si vous estes ceux-mesmes que vous avez esté, si vous avez deliberé de faire ainsi que vous avez appris & accoustumé, c'est à dire, si vous avez du cœur assez pour passer les monts, & pour (ie ne dy combattre ne conquerr le Royaume de France) mais aller accepter la victoire contre l'ennemy, & la conquête dudit Royaume qui à vous se presente. Si vous n'avez du cœur assez, icy nous faut demourer & vitupereusement faillir à nostre fortune qui s'offre: si autrement, ce me fera tesmoignage de vostre vertu, cœur, & volonté, si vous esleuez ioyeusement vne acclamation & cry militaire, comme si maintenant vous aviez à marcher en bataille. A ces parolles tous s'escrierent vnaniment demandans à marcher & passer outre. Et l'Empereur alors en collaudant leur promptitude de foy & courage, Ma bonne fortune (compagnons) sera (dit-il) celle qui accompagnera ceste vostre acclamation, & prosperera ce que nous entreprendrons: & certainement si le Roy de France avoit telles gens comme vous estes, & ie les auoy tels qu'il les a, i'ay desia dit en bonne compaignie, & derechef dy encorés, q' ie me feroylie les mains derriere pour m'aller rēdre prisonnier, & luy demander misericorde, à telles conditions que bon luy sembleroit de les m'imposer, & suis assure que'il le feroit s'il vous cognoissoit tels q' ie vous cognoy, & il sauroit au demourant d'autres entreprises secrettes q' à présent ne sont à declarer, lesquelles me redroont la conquēte de Frāce si facile, q' i'espere en peu de iours estre paisiblement obey en la ville de Paris.

T E L L E

**T**ELLE fut la departie de la concion, & ces propos auoit il prononcez avec si asseurée contenance, que le cœur sembloit redoubler à ses gens, & ne leur ennuyoit sinon que sur l'heure on ne les faisoit marcher en auant. Quelles estoient ses secrettes entreprises dont il parloit, ie n'ay encores sceu entendre. Vray est que peu apres fut descouuert vn traitté qu'il auoit sur la ville de Langres, dont nous parlerons en l'autre prochain liure de ces memoires. Aucuns penserent qu'il eust quelques grandes intelligences en France, par le moyen du Marquis de Saluces: & à ce croire les induisoit l'estrangeté de son affaire, & le peu d'apparence qu'ils trouuoient qu'un homme qui n'estoit sans experience des choses de ce monde (oultre le blasme qu'il s'estoit acquis à perpetuité) eust voulu se faire ennemy de son seigneur & Prince naturel, & qui tost ou tard le pouuoit ruiner en vn instant: sinon qu'il ne fust seul de sa partie: & qu'auant qu'abandonner le Roy, il se fust persuadé quelque telle & si grande ruine prochaine dudit seigneur, que pour iamais il ne deust plus auoir cause de le craindre. Et de fait le Duc Guillaume de Baviere en racomprât dès le mois de Iuing precedant au sieur de Légey, lors estant ainsi que j'ay dit en Allemagne, ce qu'il auoit entendu de l'affaire dudit Marquis: faisoit son compte, & le disoit sauoir de gens estans pres de la personne de l'Empereur (à l'auenture du Duc Louys de Baviere son frere) que ledit Marquis ne se trouueroit estre seul de ceste pratique: & qu'en France y auoit d'autres assez, tenans secretemēt ce mesme party, & qui en leur faison se descouureroyent.

Discours sur  
les intelligences  
de l'Empe-  
reur en  
France.

**A**UTRES estimoyēt que l'Empereur tint ces propos, ainsi que plusieurs bons chefs de guerre en ont tenu par le passé, disans qu'ils auoyent vne embusche secrette contre leur ennemy, & le faisoient en partie pour accroistre le cœur de leurs gēs, & en partie pour

mettre leur dit ennemy en soupçon & deffiance des siens : chose qui a souuent gasté de gross.s & importantes entreprises. Autres depuis qu'ils entendirent la confession du Comte Sebastien de Monte-Cuculo, imaginerent que ceste fust la secrette entreprise, en laquelle prenoit l'Empereur vne si grosse assurance: comme s'il se fust fondé sur la mort esperée du Roy, & de Messeigneurs ses enfans: en s'assurant qu'eux estans morts, il passeroit sans grande resistance à trauers le Royaume de France. Mais ceste esperance est si meschante qu'il ne me sauroit entrer en teste qu'un si grand Prince que luy voulust vser d'une si malheureuse & damnable trahison. Toutesfois ceux qui en ont ce soupçon se sont fondez en ce que ledit Sebastien dit auoir esté par ledit seigneur interrogé, s'il sauoit bien l'ordre & façon que tenoit le Roy à son boire & à son manger. Aussi qu'alors que le seigneur Dom Ferrand de Gonzague presenta ledit Sebastien à l'Empereur, en disant qu'il estoit appareillé à ce qu'il auoit promis à luy, & au seigneur Antoine de Leue, & eux de par luy à sa maiesté: si ledit seigneur Empereur eust entendu que leurs propos eussent esté de la pratique de quelques villes ou places en France ou ailleurs (ce que disent ceux qui ne s'osent persuader vne telle meschanceté auoir trouué lieu au cœur de Prince) il n'eust eu que faire de s'informer dudit Sebastien du boire & du manger du Roy.

Encores en a confermé aucuns en ce soupçon que le seigneur Dom Loppes de Sorie ambassadeur à Venise pour sadite maiesté Imperiale, s'enqueroit sur le temps que ces choses auindrent, qui seroit Roy de France contre qui auroit ledit seigneur Empereur à poursuivre ceste guerre, au cas que le Roy & messeigneurs ses enfans allassent de vie à trepas: chose qui sembloit estre hors de propos, & impertinente à s'enquerir, s'il n'eust eu quelque opinion de mort prochaine



prochaine d'iceux seigneurs.

EN conclusion, quiconques ait esté autheur de cest enorme empoisonnement (car ie ne le say, Dieu le fait, & n'en vouldroy blasmer personne à tort) l'Empereur plein de grande assurance de remporter heureuse issue de son entreprise, se resolut sur icelle de passer, ainsi qu'il fût en Prouence: dont depuis il se repentit souuent, & de sa bouche a déclaré au Roy, combien ayant iusques alors fait profession de croire conseil, il s'estoit mal trouué de se gouverner à sa teste.

## FIN DV SIXIEME LIVRE.





# SEPTIEME LIVRE

## DES MEMOIRES DE

*Messire Guillaume du Bellay  
Seigneur de Langey.*



Passage de  
l'Empereur  
en Prouce.



A DESSUS DITE resolution prise, & le nombre ordonné des gēs qui demoureroyēt au siege de Turin, & à poursuyure ce qui restoit pour mettre fin aux affaires de Piemont, chose que l'Empereur estimoit trop plus facile que par effect il ne la trouua: il departit son armée en trois, afin de passer à plus grande commodité. Ceux de la premiere bande en laquelle fut la gédarmerie, avec les Lansquenets du sieur de Thamise, prindrent leur chemin par la riuere de Gennes, par ce qu'ils conduisoient l'artillerie & le bagage que ledit sieur auoit ordonné (pour euitier les difficultez du passage) faire embarquer & conduire sur son armée de mer, à ce qu'ils se vinssent joindre à luy en la ville de Nice, & partit ceste troupe le treziesme iour de Iuillet. En la seconde marcha Dom Ferrand de Gonzague, capitaine general des cheuaux legers, & avecques eux quelques hommes d'armes Napolitains, les sieurs de Iselsthein, Dietric Sepch, Vvolff Dietric le Kutrinhen, & leurs cheuaux. Apres eux le Marquis du Guast, avecques les Espagnols, puis la maison de l'Empereur, & à sa queue le seigneur Antoine de Leue, puis les Lansquenets du capitaine

pitaine Marc de Ebenstein : & apres eux se mit l'Empereur accompagné seulement de six de ses Chamberlans, & d'une troupe d'Espagnols: apres lesquels marchoyent les Lâsquenets du capitaine Gaspar de Fronspers; & prindrent le droict chemin de Fossan à Nice. En la tierce bande furent les Italiens qui prindrēt le chemin par Cony, ausquels il fut ordōné, qu'au plus tost que faire se pourroit, ils se rendissent à Nice, & aux lieux de saint Laurens & de Ville-neufue, pres de ladite ville de Nice.

Ce temps pendant le Roy estant à Lion où il tenoit ordinairement conseil, faisant les depeschés requises au precedent hure, & pouruoyant à tous les endroits par où son ennemy pouoit faire descente : apres qu'il eust certaineté de la deliberation de sondit ennemy, ne tarda plus à faire executer les choses qu'il auoit en son conseil arresté de faire, le dit cas aduenāt. A ceste cause il depescha messire Iean de Bōneual seigneur dudit lieu, capitaine de cinquante hommes d'armes de ses ordonnances, pour avecques sa compagnie (laquelle pour les raisons cy dessus declarées il luy ordonna retirer de Marseille) aller se joindre aux autres capitaines, estans desia sur le costé de Sisteron, pour faire le degast, & prendre garde aux passages de Rocquesparauiere, & de terres neuues : & luy donna instructions de ce qu'il auroit à faire, ensemble lettres adressantes à tous lesdits capitaines, & à tous les Baillifs, autres officiers, & subiects de sa maiesté: par lesquelles il leur estoit mandé obeir à Monseigneur Claude de Sauoye Comte de Tende, & audit capitaine Bonneual, ainsi qu'à sa propre personne: & comme à ceux qu'il ordonnoit ses lieutenans ensemblement, & chacun à part soy en l'absence l'un de l'autre: & à son partement luy donna charge sur toutes choses que luy & tous autres se gardassent de donner à l'arriuée quelque curée aux ennemis. Audit lieu de Si-

Soing & pouruoyance du Roy.

steron trouua ledit Bonneual le Comte Guillaume de  
 Fustemberg, & ses Lansquenets, qui auoyēt desia bien  
 auant commencé à faire le guast: & auoyent pillé  
 Barcelonne, & tout le pays des terres neuues, mais a-  
 uoyent excédé l'intention du Roy, d'autant qu'ils  
 n'auoyent eu respect aux Eglises ne choses sacrees. De  
 Sisteron arriuant à Aix, auquel lieu il auoit donné as-  
 signation de se venir rendre à trois espies qu'il auoit  
 despechees du lieu de Romans, il y trouua en compa-  
 gnie du Comte de Tende, messeigneurs le Prince de  
 Melphe, Stephe Colonne, & autres dessus nommez,  
 qui auoyent desia visité la ville, & l'auoyent iugee nō  
 tenable. Parquoy ils auoyent regardé de trouuer lieu  
 opportun à y dresser & fortifier vn camp qui la cou-  
 urist: & auoyent choisi le lieu où est vne Eglise de  
 saint Iean de Hierusalem assez logeable; mais il s'y  
 trouuoit plusieurs difficultez, & mesmement pour v-  
 ne montagne qui regardoit dedans: parquoy fut adui-  
 sé d'en aduertir le Roy, & q̄ ce pendant les seigneurs  
 Stephe Colonne & de Bonneual iroyēt visiter la vil-  
 le de Grasse. Et sur chemin ledit Bonneual bailla let-  
 tres du Roy par toutes les villes, comme à Trez, saint  
 Maximin, Brignolles, Draguignan, & autres: & sui-  
 uant sa creancee leur commanda de retirer tous leurs  
 viures & bestial, sur peine de confisquer tout ce qu'à  
 son retour de Grasse il trouueroit n'auoir esté par eux  
 retiré. Passant à Dragnignan ils prindrent avecqu'e-  
 ux la compagnie de cent hommes d'armes du sire  
 de Monteian, depuis Marechal de France, qui estoit  
 logé audit lieu es enuiron, & celle dudit de Bonne-  
 ual qu'il auoit retirée de Marseille. Et à Grasse trou-  
 uerent partie de celle du Comte de Tende, aussi de  
 cent hommes d'armes, sous la charge de messire Ger-  
 main de Vrrre sieur de Mollans son lieutenant, avec-  
 ques quatre mille hommes de pied Prouenceaux, des-  
 quels estoient capitaines le seigneur du Mas, Iean de  
 Esbe-



Esbenau't sieur de Villeneuve, Jean de Pontenes sieur de Carfes, & autres. Par les sùldits Colonne, Bonneual & autres capitaines fut visitée la ville par dedans & par dehors, & fut trouué qu'elle n'estoit tenable par aucune raison.

DE SIA, & dés le vingtecinquiesme iour de Iuillet, estoit arriué l'Empereur avecques les deux premieres bandes (mais non sans grande difficulté de viures par le chemin) au lieu de saint Laurens, premiere ville des pays du Roy, au deça de la riuiere du Var, separant la Gaule d'Italie. Or estoit-il ce mesme iour l'an reuolu, que l'Empereur auoit pris terre en Afrique, pour son entreprise de Tunis: & soit qu'il aduint ainsi de cas fortuit, ou que ledit seigneur Empereur (ainsi que plusieurs ont eu opinion, à cause que ce iour là il fist à son camp faire six lieues) eust de propos deliberé choisi son but d'y arriuer à cedit iour: afin de tourner en augure, comme chose auantureuse & non premeditee, ce que songneusement il auoit ia conclud & pourpensé. Si est-ce, qu'ayant ia autresfois esprouué qu'il n'y a chose de plus grande efficace que superstition, pour esmouuoir & persuader vn peuple à l'intention & opinion qu'on le veult regir & conduire: il voulut bien vser de ceste occasion à son auantage, & mesmement pource qu'audit iour estoit la feste de saint Iaques Apostre, lequel d'une part les Espagnols tiennent & reuerent d'ancienneté, comme le singulier patron & protecteur de leur natiõ & patrie: & les Allemans d'autre part ont aussi d'ancienneté coustume de le venir saluer & adorer en Espagne. Consistant doncques la principale force de son armée, & mesmement desdites premieres bandes, en deux nations, Espagnolle & Germanique, il les fist appeller & assembler en concion. Eux assemblez, il leur vsa d'une oraison ou proposition telle en substance, qu'elle se pouuoit esperer & attendre.

Substãce de  
la proposition  
de l'Empe-  
reur à ses sol-  
dats.

d'un homme alors outré de haine contre le Roy. En icelle generally il le descouppa de toutes les sortes d'opprobres conuitieuses qu'il est possible, le blasonnant, & appellant violateur de foy, infracteur d'alliances & traittez, défenseur des infideles, euerseur & ennemy du repos & tranquillité des Chrestiens: & au contraire parla de foy si magnifiquement, qu'à peine lon eust sceu iuger à quoy il prenoit plus de plaisir, ou de hault louer ses conditions, ou de blasmer celles de son ennemy. Et alors commença à celebrer & magnifier l'heureux & fortuné augure du iour de son arriuée en ce lieu, remonstrant comment il falloit bié dire, que miraculeusement son voyage estoit cōduit & dirigé par le vouloir de Dieu, dispensateur & arbitre des choses humaines: car au mesme iour que l'an passé il auoit pris terre en Afrique, iour qui estoit pres que vniuersellement sainct & celebré à toutes les nations dont son armée estoit composée: & quoy que ce soit, auoit esté à tous sans exceptiō heureux & fortuné, par la notable & insigne victoire qu'ils auoyent rapportée, arriuant à tel iour en Afrique, sous sa conduite, & à son seruice, où ils deliurerent ladite province de l'occupation & iniure du Turc ennemy de nostre foy, à celuy mesme iour auoyēt ils mis le pied au dedans des confins & limites de France. Surquoy il concludoit qu'à meilleur & plus iuste tiltre ils deuoyent non-seulement esperer, mais auoir foy & assurance certaine, qu'estans arriuez en France à mesme iour, & sous mesme chef, & avecques la mesme adresse & faueur de Dieu, ils conduiroient encores plus heureusement la guerre entreprise contre le Roy de nom Tres-chrestien, mais en effect rien moins que Chrestien: ou que pour mieux dire ils se pouuoient tenir seurs & certains, que Dieu luy-mesme entreprendroit la vengeance du mespris & contemnement de sa religion: & eux qui apres Dieu estoient ensemble

ble avec luy offensez & outragez, n'auroyent autre affaire, que de soy laisser mener & conduire à celuy Dieu, qui par la main d'eux l'executeroit & mettroit à fin. Et si à l'encontre du Ture ils auoyent obtenu en Afrique vne si noble & honorable victoire, plus noble & plus illustre seroit celle, qu'ils rapporteroyént indubitablement de ceste entreprise: car supposé que le Turc soit infidele & contraire à nostre foy, il ne l'est certes que par erreur & ignorance, mais le François instruit & appris en la foy, ne peut sinon malignement, s'en estre aliéné, s'alliant à l'encontre, & s'accompagnant honteusement à la cause & entreprise des Infideles.

Et pensez-vous (dit-il adonques) compagnons, si n'estoit l'offense de la religion par luy repudiee, le malheur de son enorme peché, qui l'exagite & conduit à perdition, que luy, qui tant de fois a esté vaincu par vous, & alors qu'il auoit Allemans & Suisses en son ayde & à son service, estant de stitué maintenât & hors d'esperance de l'un & de l'autre secours, osast entreprendre de venir, & se presenter en câp avecques gens nouueaux & leuez à haste, au deuant de vous autres vieux foldars, & qui pouuez nôbrer autât de victoires sur luy, comme vous luy auez donné de batailles? Croyez-moy certainement qu'il ne le feroit iamais, si son peché ne le conduisoit à ceste euidente ruine. Et ce que vous auez veu que freschement il a osé entreprendre contre les pays de Sauoye & de Piemont, encores qu'il les ait surpris à la despourueuee, & sans ce qu'ils se donnassent de luy garde, si ne l'eust-il iamais osé penser, s'il ne se fust fondé auant irreli gieusement que temerairement en vne folle esperance qu'il s'estoit persuadé, qz ceste nostre victorieuse armee iamais ne retourneroit entiere d'Afrique: estimât (comme le coide) que Dieu ne fust pour nous assister & donner ayde en telle guerre, laquelle pour luy &

pour son nom auoit esté par nous entreprise & dressée. Mais ie suis parauanture (compagnons) trop superflu & prolize sans besoin à vous deduire ces remonstrances & persuasions : car vous auez assez cogneu par experience qu'il en a en toute diligence incontinant la nouuelle sceuë de vostre retour, faict retirer son armee deçà les monts d'aucuns en hors, qui pour s'estre amusez au pillage, n'ont peu à temps arriuer & se ioindre à la troupe des autres. Et ne faut point que vous pensiez que ceux de Fossan ne de Turin s'y soyent iamais enfermez, sinõ par necessité de se defendre & couvrir des murailles, & nõ point en esperâce de pouuoir aussi defendre les murailles par la prouesse ou vertu qui soit en eux. Leur intentiõ seule mēt a esté de gagner vn peu de tēps, en esperâce pour la grande affection q' i'auoy de passer outre, & de n'auoir occasion de m'arrester longuemēt, à cause d'eux, ie les receuroy à mercy en leur donnant la vie de grace, avec leur passage & sauueconduit, pour eux retirer à sauueté en leurs maisons. Et qu'il soit vray, desia (compagnons) nous auons par vostre moyen & vertu contrainct ceux de Fossan de se rendre à nostre mercy, en vous quittant & delaisiant leurs cheuaux, harnoīs & bagage. Ceux de Turin nous auons iamis en telle necessité de viures, & de toutes autres choses & mesmement depuis que nous auons prise la forteresse du pont du Pau, où estoit toute leur esperance du secours de viures, que nous pouuons estre infalliblement assurez de recouurer la ville en peu de iours, & ceux-la toutesfois estoient & sont la fleur & l'essence de l'armee du Roy: de ceux-cy doncques nouuellement leuez, & gens seulement armez à demy, tirez par force de la charrue, qui n'ont encores aucune cognoissancede leurs capitaines, & de leurs capitaines sont aussi peu cogneus : iugeriez-vous qu'ils soyent (ie ne dy pas pour combattre) mais pour oser  
seule-



seulemene se mettre & presenter en bataille?

CR O Y E Z moy (compagnōs) q̄ tout ce q̄ gist entre les Alpes, depuis ceste mer iusques à l'Océan, tout ce q̄ est cōtenu entre le Rhin & le môr Pyrenée, sera vostre par vne seule bataille, ou pour mieux dire par vne seule monstre & contenāce de bataille: & n'y aura autre chose q̄ les chemins & nō point le combat qui vous esloigne, ne retarde ceste victoire. Cestuy est le loyer & la recompense q̄ Dieu vous a reseruez & preparez pour tāt de peines & trauxaux q̄ vous auez portez & soustenuz pour luy, & pour l'exaltation de son nom, & de sa gloire. Telle fut sa proposition en somme, combien qu'il y adiousta encores assez d'autres indignitez à l'encontre du Roy, en s'inuolant & fourrant si auant en ambages & superfluité de paroles, que grande partie des asistans (ainsi que j'ay quy dire à gens qui estoient presens) s'ennuyèrent & fascherent de la longueur & insolence de sa harangue. En y eut toutesfois aucuns (ie ne say si pour seruir à ses oreilles, sachans qu'en sa felicité il ne vouloit ouir autre propos: ou que leur opinion fust telle, & qu'ils ne pensassent point qu'il luy peust arriuer mutation de fortune) lesquels par vne militaire acclamation commencerent à regretter seulement & se douloir à luy, de ce qu'ils auoyēt à faire à tel ennemy qui n'oseroit les regarder en barbe: si q̄ l'occasiō leur defailloit de pouuoir monstre & faire cognoistre, combien par si lōgue exercitatiō & cōtinuation aux armes, ils estoient deuenuz excellens & singuliers en l'experience & art militaire. Se voyans doncques priuez de la tant desirée occasion, & puis qu'ils n'auoyent plus besoing de s'amuser à consulter ensemble, comment & par quel moyen ils pourroyēt auoir & obtenir victoire, commencerent deslors à consulter, comment ils diuiseroient & partiroient entre eux le fruct & gros butin d'icelle: & ia en auoit

qui demandoyent les charges & les estats, & autres qui les places & biens des principaux de la cour de France. L'Empereur esleué d'une certaine esperance & opinion des choses presentes, & se glorifiant au bruit, reputation, & bonne fortune des passees, prenoit plaisir à les escouter, adioustant foy à ce qu'il estoit: & ia recueilloit auant la main le fruit & contentement de la victoire qu'il tenoit sienne indubitable, & autant que si desia il l'eust obtenue. Huiet iours entiers qu'il fist sejour audit lieu, attendant aucunes bandes, lesquelles n'estoyent encôres arriuees de Piemont, ne fut mention d'autres depeschés que de dons & departemens d'estats, offices, capitaineries, gouuernemens, villes, chasteaux, & autres biens des subiects & seruiteurs du Roy.

Le huitiesme iour commença le seigneur Dom Ferrand de Gonzague, (lequel ainsi que j'ay dit, auoit la charge de tous les cheuaux legers du camp Imperial) à les acheminer & faire marcher auant, & avecques soy print le seigneur Dom Alfonse de saint Seuerin, prince de Sallerne, avecques le nombre de quatre mille hommes de pied. Son chemin fut tirant vers Grass, par vn pays montaigneux & aspre: parquoy il enuoya deuant bon nombre de gens, pour descouurir s'il y auroit quelques embusches par les montaignes. Sa contenance monstroient de vouloir passer plus auant en ça, si les auantcoureurs n'eussent descouuert de loing vne troupe des nostres, qui cheminoyent en ordonnance aulong du Costau, tendant au chemin que tenoit ledit Gonzague. Lesdites gens des nostres pouuoient arriuer au nombre de deux mille hommes au plus, mais i'estime que ledit Gonzague eust opiniô qu'il en y eust d'autres embusches deça la montagne, & q'ceux-cy se montraissent seulement pour l'attirer à son desauantage aux destroicts & difficultez des passages: quoy que ce soit, il se retira dont il estoit party:  
sans

sans dresser escarmouche ne combat. Par autre costé marcherent quelques gens de pied Espagnols deuers Antibes, lesquels furent bien viuement chargez de deux bades des legionnaires du pays, mais la tenue ne fut pas comme la charge, ains furent lesdits legionnaires repoussez de l'arquebuserie Espagnolle, laissant leurs capitaines en gros danger, lesquels toutesfoi s'en retirerent treshonnestement, en combattant toujours & soustenant l'ennemy, tant qu'ils se rendirent en lieu de seureté. Cecy estoit aduenu le iour precedant que lesdits seigneurs Colonne & Bonneual arriuaissent à Grasse, lesquels ayant trouué (comme j'ay dit) la ville n'estre tenable, delibérerent que l'un iroit vers le Roy en faire le raport, qui fut le seigneur Stephe Colonne, & ledit Bonneual executeroit sa charge de faire le guast: lequel fit emporter & amener hors tout ce que porter & amener se pouuoit, au demourât mettre le feu, & rompre les murs de la ville par cinq ou six endroits, chacune breche de trente ou quarante pas. Et cependant que ces choses s'exécutoient, il enuoya vers Antibes trente cheuaux, pour auoir nouvelles des ennemis: lesquels amenèrent trois prisonniers, qui rapporterent comment la troupe estoit fort creuë depuis le soir precedant, & asseurerent la descēte estre de cinq à six mille hommes. Parquoy ledit Bonneual voyant la chose requerir diligence, depescha le capitaine Molans, avec les gens qu'il auoit de la compagnie du Comte de Tende, & deux mille hommes de pied, pour aller le chemin de France, rompre tous les fours & moulins, brusler les bleds & fourrages, & defonser les vins de tous ceux qui n'auoyent fait diligence de les retirer és places fortes, aussi gaster les puits, iettant des bleds dedans afin de corrompre les eues. Luy s'en alla droit à Calien appartenant au sieur du Mas, qui commença le premier à rompre ses moulins & brusler ses granges & bleds: & à Calaz en

Guast fait  
par les no-  
stres en Pro-  
uence.

fit autāt le seigneur du lieu. De là il vint à Draguignā avecques sa troupe, duquel lieu il enuoya messire Gronguet, sire de Vassé, avec quarante ou cinquante hommes d'armes de la compagnie du sire de Montecian, dont il estoit lieutenant, pour soustenir & renforcer le capitaine Miolans. Et par le costé de la montagne deuers Dine il enuoya le capitaine Maure de Nouare, guidon du seigneur Iean Paule de Cere, & avecques luy mille hommes de pied du seigneur Chrestofle Guasco, venans alors du lieu où estoit le sire de Humieres : ausquels il ordonna faire le semblable tout au long de la montagne. Apres il print chemin droict à Carfes, continuant de faire le guast, & audit Carfes le sieur du lieu mist le feu luy-mesme en ses bleds qui estoient aux champs en moullons, & fist boire tous ses vins aux compagnons. Telle fut l'affection de tout le peuple gros & menu au bien & commodité de la chose publique, qui tous oublierent le regret du particulier dommage.

P E N D A N T le temps que se faisoit ladite execution, estoient arriuees les bandes que l'Empercur auoit attendues à venir de Piemont: lesquelles arriuees il se delibera de faire tousiours marcher son armee iusques en Auignon : chose qu'il iugeoit luy estre autant facile & sans resistance, comme vile & commode à la facilité de son entreprise : & de là faisoit bien son compte de pouuoir à son choix & appetit dresser la teste ou par delà, ou par deça le Rhosne, ainsi q' l'un ou l'autre luy viendroyt plus à propos. De ceste deliberation fut aduerty le Roy, & ia dès le commencement auoit bien preueu & pensé auant la main, que son ennemy s'il passoit en Prouence, ne pouuoit prendre pour soy autre meilleur aduis, ne qui luy fust de plus grande commodité, tant pour auoir les viures à son commandement, que pour donner traual aux pays, autant deça que delà la-riuere, laquelle en ce  
faisant

Diuers pen-  
semens &  
consultatiōs  
du Roy.



faisant il eust eue en sa puissance, au moyen du pont qui est dessus, ioignant aux portes & clostures de la ville: & pource estoit tousiours son intention & dessein d'y obuier en toutes manieres, & de se saisir de ladite ville, premier que l'ennemy s'en peust saisir. A ceste cause & pour autant que ses forces n'estoyent vnyes encores, avecques lesquelles il peust raisonnablement & à son honneur se presenter en personne au deuant de sondit ennemy, il auoit choisi le sire de Montmorency, alors grand Maistre & Mareschal, & maintenant Connestable de France; comme celuy en la vertu duquel, prudence, conseil, & diligence, entre tous autres ayans le maniement & disposition de ses affaires, il auoit plus de foy & d'esperance: lequel il auoit ordonné son lieutenant general, autant deça que delà les monts, avecques trel ample & pleine puissance & autorité de pouuoir ordonner & faire en son absence, en general & particulier, autant que luy en presence eust peu ordonner, commander & faire. Mais pour autant qu'il vouloit encores plus au long avecques luy consulter & deliberer des affaires de telle & si grande importance, il y enuoya ce pendant pour gagner tousiours le deuant Messire Robert Stuart seigneur d'Aubigny aussi Mareschal de France, avec huit mille Suisses, qui ia & nouuellement estoient arriuez deuers luy, ensemble quatre cens hommes d'armes complets, mais de diuerses compagnies: ainsi que les vns estoient plus voisins & prochains y estoient les premiers arriuez, ce pendât que les autres venoyent aussi journallemēt pour s'y trouuer au iour qui à ce leur estoit prefix & ordonné. Avecques ceste troupe s'en vint ledit seigneur d'Aubigny loger en Auignō, & attendant la venue du sire de Montmorency, ne deffailloit de cœur, ne de conseil à commander & pourueoir en diligence à toutes choses qui en telle presse d'affaires se peuuent & doiuent

pourueoir & commander. De ce trauail & manie-  
ment d'affaires il se trouuoit grandement soulagé par  
la presence de messieurs Guillaume Poyet, alors se-  
cond President en la cour de Parlement de Paris, &  
Conseiller du Royen son conseil estroit, & depuis  
Chancelier de France: Gilbert Bayard aussi Conseil-  
ler & Secretaire des finances dudit seigneur: Robert  
de la Martonie, & Gilles de la Pommeraye maistres  
d'hôtels ordinaires: & Charles de Pierreuue, l'un des  
quatre Tresoriers generaux de France, enuoyez de-  
uant audit lieu d'Avignon, pour y faire amener de  
toutes les prouinces de France, qui plus seroyent à  
main, toutes sortes de viures & de fourrages, tant  
pour le nombre qui ia y estoit, que pour celuy qu'on  
esperoit y arriuer apres: en laquelle charge ils s'ac-  
quitterent si grandement & songneusement, que de  
toutes choses y eust en nostre camp iusques en abon-  
dance, & non qu'à suffisance.

Le Roy cependant consultoit de toutes ses affai-  
res avecques le sire de Montmorency, & des moyens  
qui leur sembloient estre requis à tenir, pour mieux  
les conduire & gouverner, & pour en auoir issue plus  
heureuse & à moindre hazard: car ils sauoyent tous  
deux de quel poix estoient les choses à present, & de  
quelle consequence à l'aduenir. Le sire de Montmo-  
rency considerant en son esprit & apart soy, com-  
bien de la charge qu'il auoit, il luy pouuoit en la bien  
conduisant aduenir d'honneur & de gloire, & com-  
bien au contraire d'une malheureuse issue luy aduen-  
droit de honte & reproche, auoit ordinairement en  
imagination, & comme deuant ses yeux la grande ob-  
stinatio & opiniastreté de l'ennemy, accompagnée de  
puissance excédant & surpassant celle de tous les au-  
tres ennemis que iamais eut le Roy de France, le  
grand nombre de gens & de belliqueuses nations  
qu'il auroit à combattre, la prochaineté d'eux, telle q

desia ils se pouuoient dire presens, l'opinion & reputation de leur prouesse & vertu, le long temps qu'ils auoyent vescu ensemble suivant les armes, leur accoustumance de vaincre, non que de guerroyer, & non sous estranger, mais sous leur Prince naturel & droiturier. Tout au contraire il se veoit auoir plus de nom que de force d'armée, & ce qu'il auoit de gens avecques ce qu'il en esperoit encores, estre mercenaires en grande partie, en autre partie gens incogneux les vns aux autres, & lesquels il luy aduiendroit parauanture besoing & necessité de mettre aux champs, auât que les capitaines fussent bien stilez à commander, & les compagnons à executer leurs commandemens: & si de male aduéture il aduenoit qu'ils fussent battus, il ne veoit point que les ennemis vainqueurs trouuassent lieu de resistance, ne les vaincuz de senreté, iusques à ce qu'ils arriuaissent à Lion. Or estant telle auourd'huy la condition des temps, qu'on estime les entreprinſes selon l'issue, & non selon la conduite, il cognoissoit euidemment (aduint ce qu'auenir en pourroit) qu'on luy mettroit en compte & consideration plus la fortune que le conseil. Au Roy venoyent en ses discours toutes les mesmes imaginati-  
ons, & autres semblables, lesquelles mettant en auant, & proposant à son dit lieutenant general, & luy ordonnant ce qu'en chacun euenement il auroit à faire: eux deux ensemble sur toutes choses pesoyēt l'esperance, la crainte, la raison, & l'auenture, en mesurant & contrepesant les vnes avecques les autres, de leur victoire ne leur resultoit aucune esperâce de priuer l'ennemy, ne de l'Empire, ne des Espagnes, ne de quelconques autres de tous les Royaumes qu'il tient. De la victoire sienne non seulement en aduenoit la ruine de l'armée qu'ils dressoyent, mais le danger & trouble de tout le Royaume, comment que soit: le passage du Rhosne, la seigneurie de la mer de leuant, avecques assurance

de n'auoir iamais faute de viures, & le moyen de tra-  
uailer le Royaume par quelque endroit qu'il luy eust  
pleu, estoit le moindre fruct que l'ennemy pouuoit  
esperer de sa victoire.

L'ESPERANCE doncques & la crainte n'es-  
toient equipolentes l'une de l'autre: & bien qu'entre  
icelles y eust diuerse raison, toutes deux gisoient en  
incertaineté, & plus dependoyent de la fortune & ad-  
uenture, que de conseil & iugement, de maniere que  
tant plus ils discouroient diligemment, tant moins  
ils trouuoient de certain aduis & moyen d'y proce-  
der. Pour resolution apres auoir long temps debatü  
& l'une & l'autre partie, le Roy se tournant au sire  
de Montmorency, luy vfa de tel ou semblable langa-

Paroles du  
Roy à Mon-  
seigneur le  
grand Mai-  
stre.  
ge: Vous auez (dit-il) assez fait preuue aux guerres pas-  
sées de vostre hardiesse & assurance aux hazards: &  
me suis iusques icy trouué loyaument & vaillammēt  
seruy de vous, de iugement, & aduis, & bon conseil,  
qualitez propres & peculieremēt requises à qui bien  
veult faire son deuoir, en charge de chef & capitaine  
general d'une entreprise: & que par icelles autāt que  
par force les Royaumes & Empires se defendent &  
maintiennent en leur estat: aussi peu ay-ie eu occa-  
sion de rien en desirer en vous, mais de ces dernieres  
parties est la saison d'vser maintenāt plus que de cou-  
rage ne de hardiesse: mais tant y a que rapportant de  
ceste guerre la reputatiō telle que j'espere, & m'assu-  
re que vous en rapporterez, c'est celle qui accomplira  
iusques à consummation & comble d'honneur, tou-  
te la gloire & toute la louange que vous auez acquise  
es autres. Je vueil à ceste cause que vous entrepreniez  
la charge que ie vous donne en ceste esperāce, & vous  
assurant que ie ne vous laisseray auoir faute, retarde-  
ment, ne seiour de chose dōt vous puissiez auoir be-  
soin ou necessité en vostre camp. Quant au moyen  
de vous y conduire, vous sauez combien vaut fortune



en toutes choses, & au faict de la guerre plus qu'en nul autre : & que bien souuent d'un cas de petit moment, peut ruse vn grand changement & commutation des choses. Vous ferez en faict & sur le lieu, pour tout iuger & cognoistre à l'œil: ie ne doute point que vous ne sachiez bien prendre bon aduis, & bon conseil, selon l'occasion & opportunité du temps & des affaires, & mesmement par les propres desseins & entreprises de l'ennemy.

GRANDE assurance donnerent ces propos au Sire de Montmorency, lequel sur iceux prenant congé du Roy, arriua le quatrieme iour apres en Auignō, auquel lieu ayant le tout cōmuniqué avecques le Sire d'Aubigny, il fit venir à soy tous les Capitaines & de cheval & de pied, & avecques eux aucuns vieux gens d'armes qui par la longue experience du mestier, y auoyent acquis reputation & autorité. Assemblez que ils furent, il leur proposa & mit en auant le faict ainsi qu'il estoit, les forces de l'ennemy, celles que de present auoit le Roy, & celles qu'encores il attēdoit, tant de ses pays subiects, comme de Suisse & d'Allemagne: la difficulté de viures où se deuoit trouuer l'ennemy, l'abondance que nous en pouuions auoir: quel fruit, quelle commodité, quelle auantage nous pouuions attendre au cas que nous fussions victorieux: quelle perte, danger, & incommodité au cas cōtraire, & que nous fussions vaincus. De quelle part nous deuoit venir crainte, de quelle part esperance, combien nous deuions tascher d'obuier & remedier à l'une, combien d'accepter, accroistre, & mettre à execution l'autre: & mesmement en ce temps icy, auquel (si onques mais) il estoit requis, & deuions tous nous employer de corps & de biens, à faire quelque digne chef d'œuvre, pour l'assurance, tuition, & defense de la patrie: & pour en repousser & mettre hors nostre ennemy, qui par trop grāde confiance de sa fortune, & de ses

Arriuee de  
Mōseigneur  
le grād Mai-  
stre, Lieute-  
nant general  
du Roy, en  
Auignon.

Proposition  
au cōseil de  
ce qui estoit  
à faire.

forces, & par outrageux & superbe contemnement & mespris des nostres, deueroit desia en son esperance cestuy nostre opulent & glorieux Royaume. Sur ce leur fit autres plusieurs, mais briebs discours, & bien succinctement trouffez, en demandant l'aduis à vn chacun, à sauoir lequel estoit meilleur, ou de marcher plus auant en pays, ou d'attendre sur le mesme lieu, tant que le supplément & renfort des gens ordonné par le Roy y fust entieremēt arriué, aussi quelle voye & moyen leur sembloit estre plus à propos pour bien conduire ceste guerre, & pour heureusemēt la mener à chef.

Sur cest endroit, il voulut bien leur remōstrer & faire entēdre, que le Roy s'il eust voulu eust bien sceu de luy-mesmes perscrire & ordonner toute la raison, ordre, & moyen qu'il eust voulu estre tenu au faict de ceste guerre: & quant à luy venant du lieu dont il venoit, instruit de celuy auquel principalement touchoit, & qui autant que nul autre auoit le iugement accompagné d'experience au maniemēt de tels affaires, qu'il n'estoit ne trop perplex, ne trauaillé d'opinion en ce qu'il auroit à faire: mais que tous deux auoyent bien voulu tant deferer à la prudence, experience, & foy d'entre eux, que de leur en faire demander leur aduis sur le faict, & la chose encores estant en son entier: parquoy il attendoit d'eux tous, & de chacun la franche, libre, & liberale opinion. Telle fut sa proposition au conseil, & nonobstant qu'il auoit ia prise auecques le Roy ferme & resoluē deliberation de point venir au combat, & de ne iouer le gros ieu, sinon que extreme necessité l'y contraignist, ou qu'une seure ou certaine opportunité s'y offrist, d'autant qu'ils scauoient & cognoissoient tresbien, que beaucoup plus est le deuoir d'un chef & general d'armée, qui a de combattre pour & en son naturel & propre pays, de meuremēt & sagement, que hardimēt & soudainement

dainement s'exposer & mettre au hazard. Si auoit-il approprié ses parolles, & composé sa contenance de telle sorte & maniere, qu'on eust plustost iugé, que son aduis fust incliné à l'opinion contraire. Et cè faisoit-il à propos & à son escient, par ce qu'il cognoissoit la chose estre desia venue en coustume, que grande partie des capitaines & autres qui sont appelez au conseil tendent aujourdhuy à la faueur, & opinent communement selon qu'ils pensent & coniecturent, que le chef & principal capitaine le trouuera bon: & telle qu'ils estiment estre son opinion, telle la donnent-ils; & appliquent tous leurs esprits à la confermer & forrifier de raisons, en façon qu'elle puisse estre trouuee la meilleure. Et à ceste cause auoit-il cherché de donner aux assistans occasion de penser que son opinion fust autre, qu'en effect elle n'estoit. Et par ce moyen il faisoit son compte, qu'en voyant impugner & confuter l'opinion qui veritablement estoit la sienne, par gens qui penseroient faire tout le rebours, il auroit plus grande liberté de conferer & contrepreser les raisons & causes mouuantes de l'une & de l'autre opinion.

Les aduis du commencement furent plusieurs & bien diuers, mais peu apres se resolurēt tous en deux: les vns estoient d'opinion qu'on marchast plus outre, & qu'on logeast le camp plus prez de l'ennemy, pour le combatre es angusties & destroits des passages, en lieu où il ne luy fust possible de s'estendre, & de mettre en bataille toutes ses forces, plustost que d'attendre à cè faire, quand il auroit pris pied en lieu plus ample & spacieux, & auquel il eust ledit moyen & commodité de s'estēdre, & de s'ayder de toutes ses forces. Les autres estoient d'avis contraire, & leur sembloit plus à propos de sur-attendre au lieu où ils estoient, pour donner au renfort & supplemēt qu'on attēdoit, espace & tēps de pouuoir arriuer & se join-

dre avec eux. Ceux qui estoient de cest aduis, estoient meuz & fondez sur les raisons ia deuant desdictes, sauoir est sur la prochaineté du grand & bien aguerri nombre de gens estâs au camp Imperial, & sur le gros appareil qu'ils cōduisoient avec eux: aussi l'assurance & courage que leur donnoit la fresche victoire qu'ils auoyent obtenue en Afrique, avecques la longue cognoissance & habitude des vns aux autres pour la longue hantise qu'ils auoyent eue ensemble, suiuaus tousiours les armes à mesme soule, & sous leur mesme naturel & droicturier seigneur. Là où les nostres au contraire estoient en grande partie les vns mercenaires estrangers, & les autres leuez nouuellement & à la haste, qui n'auoyent encores cognoissance ne mutuelle affection les vns enuers les autres, & qui en effect ne pouuoient encores estre tels, que l'on s'y deust tant asseurer que de les conduire si auant, qu'on vint à la necessité du combat, & en lieu parauanture desauantageux. Et pour ceste cause il leur sembloit que pour le plus seur (en attédant que leursdites gens qui tous estoient differens de langue, de meurs, & de religion, s'accoustumeroyent & accointeroient vn peu ensemble, & apprendroyent à se renger, & retirer chacun en son ordre, & sous son enseigne, pour apres estre plus duiets à faire seruice) il valoit mieux se fermer & fortifier audit lieu où ils estoient, auquel ils auoyent singuliere commodité de viures, & grand moyen en attendant le renfort & secours des gens qui leur venoyent: & d'y temporiser & dissimuler, & de quelquesfois esprouuer contre l'ennemy par seures & legeres entreprises quelle seroit la hardiesse de noz gens à entreprendre, & quelle la vertu à executer. Sur ce concludans en somme, que le temps & consequence des choses considerées, il faisoit pour nous delayer & prolonger la guerre, & en amusant & ennuyant l'ennemy luy refroidir & amortir ceste impetueuse ardeur



deur, en laquelle pour lors il sembloit estre par tels moyens souuent aduenus, que par conseil, prouision, ordre, & dissimulation se sont bien grandes choses conduites à bonne & heureuse fin: lesquelles si elles eussent esté precipitées, fussent reuescies au contraire, & au grand & pernicieux dommage des Republiques.

AV CONTRAIRE alleguoyent ceux qui tenoyent l'autre opinion (& parmy eux peu auoit qui n'estoyent point sans experience) que le plustost marcher en auant & approcher de l'ennemy estoit beaucoup le plus expedient & le meilleur. Car il pouuoit encores auoir enuiron de cent & octante mille iusques au lieu où il estoit: & que de luy laisser gaigner autant de pays ouuert & sans resistance, ce n'estoit autre chose que luy bailler le chemin & l'ouuerture de recouurer viures & fourrages à foison: & que luy donnant ceste cognoissance de la crainte que nous ayons de sa force, estoit comme tacite confession, que nous n'osions approcher de luy. Chose qui estoit pour luy accroistre tousiours le cœur, ainsi que la peur & crainte aux nostres: & qu'à ceux qui encores estoient suspendus & en grand branle de se ioindre à l'un ou à l'autre party, en attendant quelque commutation & changement de fortune, nous donnions occasion (d'autant qu'ils n'auroient cognoissance de la verité du fait, ne des causes nous mouuantes à dissimulation) de s'attacher au bruit comme qui s'en espandroit tousiours au plus grand auantage de celuy qu'on cognoistroit estre craint & redouté: chose qui les consermeroit en l'opinion desia conceüe de l'heur & felicité de l'Empereur (à laquelle ils attribuoient toutes choses) iusques à les faire ioindre à luy, ou (quoy que ce soit) se diuertir & aliener de l'esperance & faueur du Roy. Là où (disoyent-ils) si nous approchons de l'ennemy, & auant qu'il ait

Raison de ceux qui disoyent qu'on deuoit aller au deuant de l'ennemy & le combattre.

fermé le pied en Prouence, nous arresterons sa fureur; & romperons ceste premiere sienne impressiõ, és de stroicts & angusties des Alpes: il ne peult estre (encores que nous ne tinssions ne Freiuks, ne Toulon) que pour le moins nous n'ayons bien loisir de fortifier la ville d'Aix, capitale de ceste Prouince, ou bien de la couurir de nostre camp (ainsi qu'il a desia esté aduisé) avant que l'Empereur y puisse iamais arriuer: & en la defendant luy empescherons le passage, & luy osterons le moyen de venir outre en auant. Et ne fault ia que ceux auxquels plaisent tant les dissimulatiõs, craignent aucunement, qu'en ce faisant nous puissions tomber en necessité du combat, ne de iouer le gros jeu, si bon ne nous semble, ains au cõtraire, nous pourrons iournellement faisans des ambuscades par les destours, & circuits d'entre les crouppes & vallées des Alpes, leur donner tant d'alarmes, ennuis, & dommages, que l'occasion se offriroit d'oser & d'entreprendre quelque chose d'auantage comme certainement elle s'y offrira. Et veult la raison de la guerre, & la necessité de noz affaires le requiert, que nous osions & entreprenions en telle assiette, ce que d'icy, & de pleine campagne nous ne deuons oser ne faire. Car l'Empereur a en effect vne armée autant ou plus puissante & de nombre; & de vaillance de gens de guerre, que nulle autre armée qui ait esté dressée de nostre temps: mais bien est vray qu'ils sont encores espars & non vnis, embrasez & trauallez du voyage, ne sans experience ne cognoissance des passages & destroicts des Alpes: là où si nous leur donnons le temps sans aucun cõtrariété, de gagner pays iusques en la pleine, ils se reduiront en vn camp, où ils se logeront au large & à commodité, se referont du traual, reprendront force & courage, & apprédront les chemins par biẽ s'en enquerir, & par experience. Et si bien nous attendõs renfort de gẽs, & de Frãce, & de Suisses, & d'Allemagne

gne, si est-ce que l'Empereur a de ce faire encores plus grande commodité que nous. Ioinct que toute la force que nous auons au Piemont, ne peut telle, qu'elle puisse aucunement empescher, qu'auant le bout du mois celle que l'Empereur y a laissée pour y poursuivre le surplus & reste de sa pleine victoire, ne puisse icy arriuer, & se ioindre aux forces que desia il a ensemble par deça, & faudra lors qu'aux deux qui sont tous experimenter & vieux soldats, nous enuoyons & leurs presentions en barbe noz gens nouveaux, & leuez en la haste pour les combattre.

**D A V A N T A G E** l'ennemy attend de iour à autre la venue du seigneur André Dorie, lequel venu nous donnera nouuel alarme delà le Rhosne, au pays de Languedoc, auquel il peut descendre & mettre ses gés en terre à son plaisir. Et au cas qu'il n'y descendist assez puissant pour y pouuoir faire vngros effort, il aura les Espagnes à son doz, dont tous les iours il luy pourra venir renfort & de gens & de cheuaux. Lesquelles choses estans vne fois ainsi conduites à l'intention de l'ennemy (ainsi que facilemēt il les y pourra conduire par nostre temporisement & dilation) nous ne voyons point qu'il puisse choisir ne souhaiter, ne qui luy puisse aduenir chose plus à son propos & auantage, que si (nous ayant ainsi enfermez entre deux armées, ayant d'un costé le Languedoc & les Espagnes ouuertes & à son commandement, de l'autre Italie & Sicile, & de toutes parts commodité de faire venir par mer & viures & autres choses necessaires à supporter vne longue guerre ( nous voulons continuer au mesme temporisement & dilation. Daurant q desdites Espagnes, Italie, Sicile, Germanie, & de ce qu'il tient en la Belgique, il recouvrera tousiours deniers à suffisace, qui sont le nerf & la principale force requise à faire la guerre. Et au contraire il n'est possible q nostre Royaume (parauant trauaillé des guer-

res passees, & maintenant de nouvelle guerre au pays de Picardie, outre celle que nous auons icy en Pro-  
 uence) puisse suffire à fournir argent au Roy, pour  
 entretenir en vne longue guerre si grand nombre de  
 gens qu'il en aura, mais qu'il ait adiousté à ce qu'il  
 en a le supplément & renfort qui luy est requis &  
 necessaire. Or est que tout ainsi que sans soldats  
 la guerre ne se peut faire, eux ne se peuuent aucu-  
 nement nourrir ne retenir ensemble, sans grande  
 somme & abondance de deniers, desquels s'il nous ad-  
 uient vne fois d'auoir faute à nostre besoing, que nous  
 auront lors valu noz dilations? Si au moyen d'icelles  
 argent nous fault (dont à present nous auons parauân-  
 ture telle quelle suffisance, mais par emprunt fait des  
 personnes priuees) que nous aura valu d'auoir fait ce  
 grand amas de gens, si sans les employer ils se separent  
 par faulte de payement? Au demourant il fait beau-  
 coup à considerer, que nostre armee consiste presque  
 toute de François, Suisses, & Allemans, qui sont na-  
 tions plus patientes naturellement de hazard & de  
 trauail, que de seiour & dilation: si promptement  
 vous le mettez en œuvre, elles osent, elles entrepren-  
 nēt, elles executent plus que force & nature humaine  
 ne porte: si vous les tirez de ceste premiere chaleur,  
 ils s'appesantissent, ils languissent, & s'aneantissent du  
 tout: & ne faut ia que nous soyons en peine d'en alle-  
 guer des vieils exemples, & du temps passé.

N'AGVERES & de fresche memoire, si de l'ar-  
 deur & courage que nous marchions droit à Ver-  
 ceil on nous eust laissé continuer & passer outre, il n'y  
 a point de doute, que nous n'eussions emporté la  
 ville, & maintenant porterions les armes victorieu-  
 ses en pays d'ennemy, non pas serions (comme nous  
 sommes) contraincts à soustenir la guerre en France,  
 & combattre pour la defense de la patrie, de noz for-  
 ces & de noz Eglises. A ceste cause & afin que vous  
 (Mon-



(Môseigneur) q estes nostre chef & lieutenant general du Roy, ne soyez point en doubte, q vous ne soyez acompagné de gēs qui soyēt pour executer le hault & entreprenāt vouloir qui est en vous, nous sommes d'aduīs que vous deuez marcher, & faire teste en lieu dōt vous puissiez entendre de pres toutes les allees, venues, & entreprises de l'ennemy: afin que si parauanture il venoit à faire quelque faute, ou (comme n'agueres vous auez pareillement discouru) il luy aduenoit par vne trop grande confidence de ses forces, ou par vn trop grand mespris des nostres, de se tenir peu sur ses gardes, ou de mal affermer & fortifier son camp, ainsi qu'il aduiēt souuent à qui trop peu estimē son ennemy, vous soyez prest à recueillir ceste occasion à poinēt nommé, & vser du benefice de fortune, auant qu'il coule & vous eschappe des mains. C'est chose seure que plusieurs fois en osant, en entreprenant, en mettant la main à l'œuure, choses grandes & de poix ont esté executees, lesquelles aux nonchallans & negligens auoyent semblé n'estre semblables n'y esperables. Encores osons-nous dire d'auantage, que la difficulté qui leur est apparente, que vous ayez en si peu de temps assemblé vne armee suffisante pour aller de vous-mesme assaillir vostre ennemy, vous rendra l'entreprise d'autant plus facile, quand vous oserez & entreprendrez chose, qu'il ne se puisse persuader, que vous eussiez osé entreprendre ne penser. Ceste fut la remonstrance de ceste partie: & ia la pluspart de la compagnie se laissoit conduire à ceste opinion, pensans entre autres choses auoir donné vn aduis agreable & satisfaisans à l'affection, & desir de leur chef & capitaine general: duquel ils auoyent ceste persuasiō que tant pour sa naturelle inclination à faire tousiours & entreprendre choses grandes & honorables, & vtils à son Prince, & à son Royaume, come pour la fresche memo-

re du dernier voyage de Piemont ( duquel on auoit donné quelque blafme au chef & lieutenant du Roy, de ce qu'il n'auoit plus pertinacement fuyui fa fortune) il n'auoit chose en plus grande ne plus finguliere recommandation, que d'accepter la premiere occasion & opportunité qui s'offriroit, de faire nouvelle preuue de sa vertu, d'augmenter & accroistre l'honneur & gloire, ia parauant acquis au faict des armes.

Conclusion  
de Monsieur  
le grand  
maistre.

ET en effect ledit seigneur (ainsi que i'ay dit cy deuant) afin de sauoir mieux discerner les opinions libres d'auceques celles des assentateurs & blandisseurs, auoit (comme souuent est aduenu de faire à plusieurs grands & xertueux capitaines) donné aux assistans de grâdes couleurs & occasions de penser qu'il inclinast à ceste opinion: & à son escient auoit laissé couller des paroles comme si elles luy fussent eschappes sans y penser, par lesquelles ils auoyent eüe occasion de iuger qu'il fust entierement d'opinion contraire qu'il n'estoit. Doncques apres qu'il eust bien songneusement consideré non seulement les propos mais aussi la contenance, regard, & visage d'un chacun, monstrant par apparence & de propos deliberé de penser dessus ce qu'ils auoyent d'une part & d'autre mis en auant, pour à chacun d'eux donner ce contentement, que nonobstant qu'ils eussent diuerfes opinions, chacun luy semblast toutesfois estre meü par bonne apparence, & bien fondee raison. Il commença lors à conclurre, louant Dieu premierement comme de chose qui plus ne luy eust sceu venir à souhait de ce qu'estans partis en deux diuerfes deliberations: l'une ne l'autre partie toutesfois n'auoit faute de courage & bonne volonté: ains que les vns plustost qu'en auoir faute, sembloient en auoir plus que besoing, & que plus auoyent mestier les vns d'estre un peu retenus, que les autres d'estre par exhortation

tatiō esguillonnez & incitez. Je voy (dit-il) euidement, que le but des vns & des autres, c'est de vaincre l'ennemy comment q̄ ce soit, & qu'à ceste guerre chacun veult employer ce qu'il peult & vaut au bien & à la defense de son Prince, & de la chose publique, tous ensemble ten-tez & accordez à ceste mesme fin, mais non pas à mesme raison & moyen d'y paruenir. Aux vns il semble mieux à propos de s'arrester icy, & d'attendre l'ennemy en nostre fort, aux autres semble meilleur de marcher outre, & de nous campayer plus auant en pays. De ce dernier aduis ie parleray premierement. Ceux qui sont en ceste opinion (à ce que i'ay recueilly de leur propos) craignent deux choses, & non sans cause: l'une que nous fermant icy, & laissant tout le pays ouuert & au commandement de l'ennemy, depuis ce lieu iusques à l'endroit où il est maintenant, nous-mesmes luy baillions plus grande & plus facile commodité de grains, de fourrages, & de tous viures pour hommes & pour cheuaux, qu'il ne l'auroit és destroits & difficultez du passage des Alpes. La seconde chose qu'ils me semblent craindre, c'est que l'Empereur interpretant nostre dilation & temporisement pour confession de nostre peur & crainte, & deffiance de nostre force, en fist courir le bruit encores plus grand & plus à son auantage, q̄ ne seront les choses en effect: & par ce moyē il destournaist de l'amitié du Roy, ceux qui encores sont en bransle & en suspens entre l'un & l'autre party, estonnant ceux qui sont du nostre, asseurant & confirmant ceux qui tiennent le sien.

O R afin que nous ostions l'occasion du premier doute, ie ne seroy iamais d'aduis de nous arrester & fermer en ce lieu, sinon que premierement on face (comme il a esté ordonné) de toute la campagne, & de toutes les villes, & bourgades, champestres, & non tenables, par où l'ennemy aura de passer, diligemmēt

retirer és villes & places fortes, tout ce qui se peult  
ou porter ou chasser auant, ou y conduire en quel-  
conque sorte. En ce faisant vous trouuerez que tant  
plus nous attirerons l'ennemy en ça: c'est à dire, que  
tant plus nous l'eslongnerons de la mer, tant plus au-  
ra-il de faute & difficulté de viures, & tant plus luy  
en sera le port cousteux & malaisé. Quant au second  
point, ie ne doubte pas que l'ennemy ne s'ayde en ce  
qu'il pourra de cest artifice. Si est-ce qu'il n'en peut  
aduenir chose qui tant nous soit à craindre, comme  
il seroit de marcher & campayer si auant que nous  
apportissions (ainsi qu'il est aduenu souuent) oppor-  
tunité à l'ennemy de nous assaillir à son auantage, &  
à nous force & necessité de combattre à son choix, &  
non au nostre, & de mettre au hazard & à discretion  
de fortune le salut de la patrie, qui en grande parrie  
consiste & depend de l'euenement & issue de ceste  
guerre. Tant y a que toute guerre qui aduiēt entre les  
humains, pour quelque cause & occasion que ce soit,  
faut qu'elle soit ou necessaire, ou volontaire: conse-  
quentement il faut diuerse raison & consideration à  
entreprendre l'vne, & à soustenir l'autre. Car tout  
ainsi qu'à celuy qui l'entreprend hors de son pays (il  
touche & appartient d'auoir auant qu'entreprendre)  
son armee avecques tout son equippage en ordre, &  
de premiere arriuee, assaillant son ennemy, estendre  
au long & au large la reputation & crainte de ses for-  
ces: ainsi (mais au contraire) touche & appartient à  
nous, qui la soustenons en nostre pays, vser de lon-  
gueurs & dissimulations, & en frustrant l'intention  
& impetuosité de l'ennemy, laisser avecques le tēps re-  
froidir son ardeur, & aneantir sa puissance. Car en ce  
faisant, & à vn besoin luy remōstrant aucunes fois d'a-  
uoir crainte & peur de luy pl<sup>e</sup> grāde q<sup>e</sup> nous ne l'auōs  
en effect, ou nous luy engēdrerōs vne telle cōfiance de  
sa force, & si temeraire contēnement de la nostre, q<sup>e</sup>  
nous



no<sup>r</sup> le pourriôs attirer à no<sup>r</sup> venir assaillir en nostre fort, & à nous combattre en lieu qui luy soit desauantageux, ou bien luy pourriôs tant dōner d'ennuy, & tant le faire amuser & consommer, que nous luy ferriôs rabaisser son haut courage, diminuer son esperance, & à la fin rôpre & deffaire s<sup>on</sup> armee d'elle-mesme.

Et quant à ce que vous mettez en auant, que l'Empereur a vne des plus belles & puissantes armées, de nombre, de gens, & d'experience de guerre, qu'il est possible de souhaitter, mais iusques à ores esparse & separee les vns des autres, embarrassee parmy les montaignes, trauaillee du long chemin, assez mal equippee de viures : iusques icy endroict suis-je bien de vostre aduis & opiniō : mais en ce que vous dites que leur donnant du temps ils se rassembleront, qu'ils se viendront loger plus commodemēt & au large, qu'ils se referont du travail, qu'ils reprendront force & courage: ie tien au contraire que si nous faisons bien & diligemment nostre deuoir à leur empescher & rompre les viures & les fourrages, le temps leur doublera toutes les incommoditez qu'ils ont maintenant. Et quant ores il sembleroit bon à l'Empereur (ainsi que vous monstrez en auoir doute) de faire venir ioindre & venir à ses forces presentes, celles qu'il a laissées au pays de Piemont: & qu'il n'auroit (ce qu'il a) occasiō de craindre qu'on luy fist venir au dos & par derriere vn autre nouuelle puissance de par delà : ie dy toutesfoiſ q<sup>ue</sup> quāt plus il amassera icy de gēs ensemble, tant plustost (si contre son esperance nous voulons mener ceste guerre à la longue) viendra son camp à la faim & à faute & necessité de viures. Ie vueil qu'il en trouue pour quelques iours en ceste Prouēce, & q<sup>ue</sup> nous n'y puissions si soudainement faire le guast ainsi qu'il appartient: si est ce qu'apres auoir consumé le peu qu'il en trouuera, il ne faut point qu'il fonde son esperance en ce qu'il luy en pourra venir des pays qu'il a laissez

Responce  
aux raisons  
de ceux qui  
vouloyent  
combattre.

derriere son dos : car vous sauvez que tout ce qui en l'Autonne passé fut mis en grenier, & tout ce qui s'en est recueilly ceste annee, à esté entierement consumé, pillé & mis à perdition tant par ses gens de guerre, q par les nostres, qui ont trouué le pays ouuert & abandonné : & si quelque peu s'en est sauué, croyez que ce ne peut estre, ne pour durer long temps, ne pour vae si grosse armee. Et quand autrement en seroit (ce que non) si ne luy sera-il iamais possible de tant recourir bestes qu'il luy en faudroit à l'apporter & conduire de si loing. Mais pour à tant retourner aux gés de guerre qu'il a laissez audit Piemont, ie puis bien vous asséurer certainement, que vous ne devez craindre, ne luy esperer aucun renfort de ce costé là : car à ce que i'en ay entendu iusques icy, noz gens n'y sont point encôres si estroitement assiegez, qu'ils ne fissent bien souuent des faillies contre l'ennemy, & que la plus part du temps ils ne se retirent victorieux, & chargez de butin.

ET d'auantage nous n'attédons que l'heure que les Seigneurs Conte Guy de Rangon, & Caguin de Gonzague se viendront ioindri à nosdites gens, avecques nouvelle armee nô moins puissante de nombre, d'experience, & de courage, que celle que l'Empereur y tient à present. Car il ne faut (messieurs) que vous pensiez que l'Empereur ait encôres aujourd'huy les mesmes gens de guerre qui luy ont tant gagné de victoires : ce sont ceux dont il a le moins : les vns sont morts és guerres de Lombardie, autres és guerres de Naples, autres en celles de Hongrie, plusieurs aussi par les chaleurs & intemperie de l'Autumne en Afrique, plusieurs sont periz en la mer, plusieurs se sont retirés en leurs maisons, avecqs le gaing & butin qu'ils auoyent faités à la guerre. Les bendes qu'il a maintenant, croyez qu'elles sont remplies & refaités de gés nouuellement leuez, & q n'ôt gueres plus q les nostres  
expe-

expérimenté les dangers, affaires, & difficultez de la  
 guerre. Et quant à ce que vous alleguez du Seigneur  
 André Dorie, ie ne voy point que l'Empereur puisse  
 affoier en luy aucune certaine esperance en chose de tel  
 moment & importance qu'est ceste guerre: car vous  
 sauez combien sont incertains, & mal asseurez les des-  
 seings qui sont fondez au faict de la mer, & n'a point  
 André Dorie commandement sur elle: parquoy aucun  
 puisse promettre qu'il arriue au iour nommé, & s'il  
 aduient qu'il n'y arriue à temps, ie puis vous asseurer  
 que l'Empereur & tout son camp en peu de iours se-  
 ront & à la faim, & à faute d'argent. Or vueil ie à pre-  
 sent poser le cas que André Dorie ait le vent & navi-  
 gage à souhait, qu'il vienne à iour & poinct nommé,  
 si ne me direz vous point q' ses galeres soyent si gran-  
 des, ne qu'elles puissent plus porter de gés que les no-  
 stres, tant que pour ce vous deuez craindre qu'il puis-  
 se descharger en Languedoc outre le Rhone si grosse  
 puissance & nombre de gens, qu'il soit pour seulemēt  
 combattre les garnisons que i'ay mises au pays. Aussi  
 peu ou moins deuez vous craindre que les Espagnes  
 soyent si fertiles & si productiues de gens, qu'elles  
 ayent moyen, quand il seroit en Languedoc, de luy  
 enuoyer le supplément & renfort de gens qui luy se-  
 roit necessaire, degarnissant cependant leur pays, qui  
 a mestier d'estre tenu en secrete, pour obuier aux en-  
 treprises que pourroyent faire ceux du Royaume de  
 Grenade nouuellement conquis, & qui moult enuis  
 & à grand regret ont abaissé le col sous le ioug. Quel  
 secours doncques pensez-vous (le tout bien considéré)  
 que puisse apporter à l'Empereur ceste tant desirée  
 venue de André Dorie? sinon de vinres & du paye-  
 ment de son armée pour quelques mois, ou parauan-  
 ture seulement pour quelques iours? Et quoy qu'il ap-  
 porte, si ne sera-ce chose dont on ne trouue le bout.  
 Et alors ie ne say, & aussi peu le pourriez vous com-

prendre que moy, où c'est qu'il en recouvrera d'autre, pour satisfaire à tant d'armées qu'en vn mesme temps il entretient en si loingtains & diuers lieux: car nous pouuons bien entendre, qu'il faut necessairement que ses finances soyent amoindries outre les frais des guerres passées, par la despenſe qu'il luy a conuenu faire en ce dernier voyage d'Afrique: encores que nous voulussions penser qu'en ses Isles nouuellement trouuées, & pour lesquelles il se plaist & baigne tant en gloire, il y eust des sources & fontaines d'or non tarifables.

Et quant à ce que vous alleguez de la nature & condition des nations dont nostre armée consiste, ie vous dy, & vous le ſauez, que ſa principale force (s'il veut venir au combat à la main) giſt auſſi bien que la nostre en gens de langue Tudeſque. Parquoy eſtans nez & nourriz en meſme terre, & ſous vn meſme ciel & climat, ie ne penſeray point qu'ils en ayēt apporté diuerſe complexion que celle des noſtres, ne qu'ils ſoyent mieux pour endurer ne faim, ne ſoiſ, ne froid, ne chauld, ne que ſans argent on les puiſſe mieux tenir en obeïſſance, ne qu'ils ſoyent moins pour s'ennuyer & aneantir à la longue, ne pour moins rabattre & diminuer de ceſte naturelle promptitude & hauteſſe de cœur. Encores oſeray-ie dire d'auantage (& ſera pour venir tomber à propos de l'autre opinion miſe en auant) que tous ces dangers & inconueniens que nous craignons, nostre ennemy a beaucoup plus cauſe de les craindre que nous n'auons: car en vſant nous autres à propos, & ainſi qu'il appartient de ruſes & diſſimulations en ceſte guerre, il deſcherra beaucoup nō ſeulement de leur ardeur & impetuofité, mais auſſi de leur equippage & appareil de guerre: & y en aura pluſieurs, quand ils la verront à la longue notamment plus qu'ils n'eſperoyent, qui auront ſouuenance & regret de leurs maiſons. Et quand ils verront tous les chemins



chemins assiegez de nos gës, en sorte qu'ils ne puissent aller loing au fourrage, ou sans extreme dâger d'y recevoir hôte & perte, ou sans y mener si grosse troupe qu'elle soit suffisante à consumer ce qu'ils trouueront, ce leur sera force & contrainte de se saouler, & appaiser leur faim de figues, raisins, & autres fruits qu'ils trouueront au tour du camp. Et de ce vous leur verrez bien tost aduenir qu'ayant à souffrir ensemble outre la mutation du ciel & de la terre qu'ils trouuēt icy contraires à leur naturel, & outre les chaleurs de l'Autonne, & l'air mal sain en ce pays à qui n'y est accoustumé, de ceste autre soudaine mutation de viandes, dont ils se rempliront sans en tirer grande substance, ils tomberont en maladies, & successiuelement en pestilence. Nous au contraire, si nous seiournons & nous fermons icy, aurons par le seiour abondance & superfluité, non que prouision & suffisance de toutes les choses dont le mesme seiour leur donnera fau-  
teicar tous les iours nous adiouterons premieremēt à la fortification de nostre camp, les forces, & consequemment les cœurs nous accroistrōit il nous viendra comme vne nouuelle armée, de ceste-cy riens ne diminuera.

Et pour commencer à l'vn des poincts, nous auōs icy facilité de nous fortifier autant qu'il est possible, & si auons du temps assez pour ce faire : là où si nous marchons en auant, autant de iours que nous marcherons, & autant de iours que l'ennemy aura moins à cheminer pour nous venir trouuer en campagne, nous defaudent & se diminueront du temps, qui en nous fermāt icy nous seruiroit à nous y fortifier. Pour le second, ie voy que tant plus nous irons en auant, tāt plus nous sera la conduite des viures malaisée, & de coustange : & au contraire en nous arrestant au long de ceste grosse riuiera du Rhosne, nous aurons tousiours & les viures du pays, & ceux aussi des loing-

taines parties & contrées de France. De sorte que ie puis conclure, que non seulement il y a plus de danger en trop nous auançant, que d'ennuy & d'inconuenient à temporiser : mais qui plus est, que nostre victoire consiste plustost à nous gouverner meurement, que hardiement ne vaillamment: car nous auons à nostre doz ( chose qui bien faict à peser ) tout le pays seur, & à nostre bâdon, & vn Roy qui a tresbien sceu, & encores saura pouruoir, qu'il ne nous aduienne d'ailleurs occasion de crainte inopinée. Il me souuiét que vous auez faict quelque doute, à cause de la guerre que d'autre part nous auons en Picardie, mais vous pouuez asseurement oster ceste fantasie hors de vostre teste: car quand ainsi seroit, que l'ennemy courust & gastaist le plat pays, que fera-il contre tant de villes & places fortes qui sont en icelle frontiere ? & qui sont remparées de closture, & fortifiées de gës & munitions, pour y attendre quelconques ennemis ? Et quand ores il plairoit au Roy d'y hazarder vne bataille, vous auez les gens du pays si aguerris & si affectionnez au Prince, les Allemagnes voisines, que ie vous asseure estre de bonne volonté vers le Roy, & le chemin si ouuert à y faire descendre & Allemans & Suisses, que ie ne voy point de cause pour laquelle (s'il sembloit bon au Roy) il ne le peust & deust faire : & mesmement ayant tant de places fortes, qu'une bataille gaignée ne peut conquerir le pays à l'ennemy. Mais il vaut mieux puis qu'on peut auoir victoire sans coup ferir, & en temporisant & delayant, le deffaire de luy-mesme, puis que nous auons ( quand tout est dit ) le moyen de delayer tant qu'il nous plaira, sans que nous en tombions (ce que vous me semblez craindre) en aucune necessité ne faute de payement. Car il faut, messieurs, que vous sachiez que la commune de France n'a point enuoyé moins offrir au Roy pour employer en ceste guerre & à la defense du Royaume,

me, que tout le pouuoir & le bien d'un chacun en general & en particulier.

Mais que diriez-vous en cest endroit, si ie vous mettoy en auar, q le Roy iusques icy n'a point encores mis la main à sa particuliere espargne, qu'il a specialement reseruee, & res. rue pour vn dernier & extreme besoing? Ce que ie vous en dy toutesfois, ce n'est pas pourtant que ie blasme vostre iugement ne consideration des choses alleguées, ne que ie condamne vostre opinion, ainçois seroy- ie du mesme aduis, si ie pensoy que d'une bataille il ne nous peust aduenir autre incouuenient que d'une desconfiture. Mais quand ie considere qu'à la conduite de ceste guerre il fault auoir esgard à tout le Royaume, duquel en la force & vertu de ceste armée, & en l'issue de ceste entreprise, gist le salut commun en grande partie, ie pense alors que de toutes noz cōsultations & deliberations, le principal point gist à bien estimer & peser le commencement, l'ordre, l'issue, le danger, & le profit. Sur ce voyant que du commencement & de l'ordre depend l'issue, & de l'issue le danger & le profit: trouuant apres que le profit ne contrepoise point au danger, d'autant que ceste armée rompue, il n'est rien que l'ennemy n'ose, & n'est rien que nous deuions oser entreprendre, & que nous rapportans la victoire, l'ennemy ne perd rien du sien, à nous ne vient aucun accroissement. Je concluen effect, qu'en vne guerre de telle consequence il ne faut rien mettre à la discretion de fortune, ne fonder son esperance sur les fautes que pourroit faire l'ennemy: ains que le meilleur commencement, le meilleur ordre, la meilleure esperance de victoire, que nous puissions auoir ne tenir, c'est de pouuoir, & faire que nous ne soyons point vaincuz. Je say tresbien que fortune autrefois a donné tel heur, & telle & si bonne issue de choses quasi non premeditées, que l'homme n'en eust osé tant souhaitter, si on

l'eust mis en liberté de choisir luy-mesme ce qu'il voudroit auoir : mais d'autrepart il est aussi aduenu plus d'une fois, que pour n'auoir fait iugement & distinction du temps, de l'occasion, de l'esperance, du danger, de l'issue, tel est descheu de son attente, qui estoit non seulement esgal, ains superieur de force à son ennemy. Pour faire fin, ie ne voy celle de voz deux opinions, qui ne soit fortifiée de bonnes & apparentes raisons, mais l'une gist au hazard, & peut y suruenir quelque danger, l'autre me semble seure & certaine en tout euement. Il est bien vray que pour les memes raisons que vous auez sceu tresbien deduire, ie desiroy fort si c'estoit chose possible, que nous n'abandonnassions la ville d'Aix : mais il me souuient qu'au temps de la descente de Bourbon, il fut iugé qu'elle ne se pouoit fortifier, ne rendre defensable, sinon par grande longueur de temps : & qu'à ceste cause elle fut abandonnée par aduis de plusieurs bons & sages capitaines & bien experimentez, & cognoissans des afflicttes & aduenues du pays. Pour toutesfois ne rien conclurre legerement, au preiudice d'une notable ville & capitale de tout le pays, ie suis d'aduis que demain de bon matin nous montions à cheval, avecques une moyenne troupe de gens choisis, & que sur le lieu nous en deliberions & iugions à l'œil : & là s'il nous semble qu'elle se puisse assez à temps fortifier, nous mettrons promptement & sans y perdre temps, force manouuriers à l'œuvre. Si au contraire il nous semble qu'il ne se doie faire, nous la ferons vider, abattre les portaux, & tout ce qui seruiroit (en l'y laissant) à l'ennemy : & là luy abandonnerons ouuerte, vuide, & inutile.

Prouisions  
données par  
monseigneur  
le grand Mai-  
stre en Pro-  
uence.

A ceste conclusion s'accorderent vnanimement tous les capitaines & autres appelez au conseil. Au lendemain le sire de Montmorency partant dès la pointe du iour, ainsi qu'il auoit esté deliberé, s'en vint à Aix, &



Aix, & passant outre, visita l'affiette du camp, dont il a esté parlé, laquelle pour les raisons ia deuant dites, il trouua estre fort mal à propos. Puis vint recognoistre la ville tout à l'entour: laquelle en somme il trouua que de deux costez elle se pouuoit facilement fortifier, des autres deux malaisément, à cause de certaines collines qui regardoyent de pres au dedans de la ville, & pouuoient seruir de cheualier à l'ennemy, pour y planter son artillerie, & de là faire sa batterie. Parquoy la plus grande partie des assistans qui furent appelez à en deliberer sur le lieu, & à veüe d'œil, furent d'aduis de l'abandonner, par ce qu'ils iugerent la fortification d'icelle requerir l'œuvre & besongne de plusieurs mois nō q̄ de iours. Aucuns y en eut toutefois q̄ nō seulement furēt d'auis qu'elle se deũt & peut fortifier, mais volontairement s'offrirent à la tenir & defendre. Le plus apparant entre ceux de ceste opinion, fut le sire de Monteian, homme hardy & entreprenant, lequel fit grāde instance & poursuite, qu'on luy en voulust donner la charge. Le sire de Montmorency louant son cœur & bonne volonté, encores qu'il fust bien d'aduis, qu'il esperoit plus que luy n'autre ne pourroit facilement executer, luy accorda toutesfoiſ qu'il y demeurast, & considerast plus à loisir & plus diligemment la charge qu'il offroit à entreprendre: car pesant bien & meurement ce qu'il deũroit oser, & ce qu'il oseroit esperer, cependant que luy feroit vn voyage à Marseille, & que luy son rapportouy, ordonneroit & cōcluroit au retour ce qu'il voudroit qu'en fust faict.

Cela arresté, il print le chemin de Marseille & arriué qu'il y fut, visita la ville, & par dedans & par dehors: considera & loua les fortifications que le sire de Barbezieux y auoit faictes, & la diligence dont y auoit esté vsé: y mist encores gens de réfort, sauoir est, les compagnies des gensdarmes, qui n'aguères estoyēt

retournées de Foffan : & les bandes Italiennes du seigneur Chrestofle Guasco. A tous les chefs & capitaines ordonna quelles charges chacun prendroit en son endroit, les asseurant de par le Roy, que ledit seigneur auroit en temps & lieu bonne souvenâce du bon service qu'ils luy faisoient: & luy s'offrant à eux, d'estre à ceste fin leur mediateur & intercesseur enuers sa maiesté. Ayant pourueu au faict de la ville, il alla visiter l'armée de mer, & entendant en quel equippage elle estoit de toutes choses à ce requises, fit faire reueüe des compagnons de guerre, & gens de camp, qui estoient sus, & prendre garde aux forçats s'ils estoient bien entretenus, & le nombre complet ainsi qu'il appartient. En toute ladite armée il fit election de treize galeres, les mieux en ordre & mieux fournies de gens, de viures, harnois, artillerie, munitions, & autre equippage. Entre les capitaines d'icelles il ordonna celuy auquel ils auroient à obeïr, qui fut le Baron de saint Blancart : & ce qu'au demourant ils auoient à faire, & quand, & à quelle occasion & opportunité. Aux autres il commanda de se tenir au port, pour la seureté d'iceluy, & pour la tuition & defense de la ville. En ladite ville de Marseille demourerēt à son parlement ledit sieur de Barbezieux lieutenant du Roy, avecques sa compagnie de cinquante hommes d'armes : les seigneurs de Montpesat, de Villebon, de la Roche du Maine, avecques leur compagnies chacune de cinquante hommes d'armes, le sieur de Boutieres avecques celle de monseigneur le Duc d'Orleans aussi de cinquante hommes d'armes, dōt il estoit lieutenant, & le sieur de la Rocque avecques celle du grand escuyer, laquelle estoit de cent : messire Antoine de Rochechouard, sieur de Chandenier, avecques mille hommes de pied de la legion de Languedoc, de laquelle il estoit chef & capitaine general, & avecques lesdits mille hommes auoit la porte en garde: messire

messire Jacques d'Amboise sieur d'Aulbigeau, & le sieur Foutrailles, & le Baron d'Escuiffon, & ledit Chrestofle Guasco, avecques auant, & les capitaines Vvartiz Nauarrois, & saint Petre Corse, avecques chacun six cens.

Le sire de Montmorency en pouruoyant à ce que dessus, & à toutes autres choses qui luy semblerent estre necessaires ou vtils au faict present, & à la garde de ladite ville, auoit toutesfois son entendement occupé aussi bien aux choses qui luy estoient de plus loing, & luy vint en deliberation de faire fortifier la ville d'Arles: & apres auoir en son esprit discoursu la commodité & incommodité, en voulut bien communiquer avecques les capitaines qu'il auoit en sa cōpagnie. Tous furēt d'aduis & opiniō d'y faire (puis q̃ le temps le portoit) vn voyage auant qu'en prendre certaine resolutiō. Et partās de Marseille en ceste deliberation, passerent premierement à Aix, où ils auoyent laissé le sire de Monteiean, qui auoit faict abatre quelques Eglises & autres edifices hors la ville, qui empeschoyent qu'on ne peust si veritablemēt iuger quel dommage pouuoÿēt faire les collines qui regardoyent dedans: & en partie pouuoÿēt seruir & de retraite & de cheualier aux ennemis. Là fut mis derechef en deliberation, si on deuroit tenir, ou abandonner la ville. Au sire de Monteiean n'estoit point encores abaissé le cœur, & le desir qu'il auoit d'accroistre son hōneur & gloire au faict des armes. Si se mist encores en auant, & offrit de la tenir & garder en sorte, q̃ tāt qu'il fust en vie, iamais l'ennemy n'y mettroit le pied, moyennant qu'il eust autres cent hōmes d'armes, outre les cent dont il auoit la charge: & gens de pied iusques à six mille, avecques l'artillerie & l'equippage y appartenant: & n'oublia rien à mettre en auant de l'auantage qu'on pouuoit auoir de tenir ladite ville, sinō iusques à l'extremité, à tout le moins

pour quelque long temps, y amusant l'ennemy tant qu'il se trouuaſt l'huyet ſur les bras. Mais le ſire de Montmorency cognoiſſant la difficulté fort approchante d'impoſſibilité, de la ſauoir bien fortifier: & quoy qu'il en fuſt, que ce n'eſtoit ouurage de peu de iours: auſſi q̃ le tēps preſſoit, & que les pionniers n'eſtoient en main en ſi grand nombre qu'il en faudroit pour ceſt affaire: conclut & ordonna qu'elle ſeroit abandonnee. Car il penſoit en ſoy meſme q̃ tout ainſi q̃ l'Empereur à la premiere ville qu'il aſſauroit ſans en venir au deſſus, & à ſon intention, amatiroit & aſſoibliroit le cœur de ſes gens, & apporteroit vn grād preiudice & deſperation à l'attēte & iſſue de ſon entrepriſe: nous en pareil cas rabbattons beaucoup de noz deſſeings & eſperances, diminuerions du cœur & de la vertu de noz gēs, & à noz ennemis l'accroiſtriōs d'autāt, ſi nous entrepreniōs de garder, & nonobſtāt perdiōs vne ville premiere & capitale de la Prouēce. A ceſte cauſe il luy ſembloit bien q̃ deſaccouſtument les ennemis de vaincre, & les François d'eſtre vaincuz, il donneroit aſſez bon commencement, & auroit ſuffiſantes arres pour la future & deſiree victoire. Et pource commanda il expreſſement qu'on deſlogeaſt, & transportaſt hors de la ville toutes choſes, qui reſtans en icelle pourroyent y ſoulager & ſecourir l'ennemy, & qu'au ſurplus on rafaſt les portaux, & tout le peu de deſenſe qui pourroyent y eſtre.

Deguast fait  
par les no-  
ſtres en Pro-  
uence.

Le capitaine Bonneual en continuant de faire le deguaſt (ainſi qu'il a eſté dict cy deſſus) eſtoit ce pendant venu loger à Brignolles, pour y trouuer ou attendre les deſſuſdits Myolans & Vatié, & autres capitaines, auſquels il auoit aſſigné de s'y retirer incontinant leurs commiſſions executees, afin d'aduifer tous enſemble ce qu'ils auroient à ordonner & faire de là en auant. Et audit lieu il trouua le Comte de Tende grand Seneschal & lieutenant du Roy en Prouēce, &  
avec-



avecques luy messire Claude Gouffier sieur de Boisy chevalier de l'ordre, & premier gentilhomme de la chambre du Roy: lesquels, luy apportoyent lettres du sire de Montmorency lieutenant du Roy, contenans en substance qu'il enuoyoit les dessusdits, pour avecques luy entendre au service dudit seigneur, & qu'ils donnassent ordre (s'il estoit possible) de surprendre quelques avant-coureurs de l'ennemy, pour entendre de sa conduite & desseing, & quel chemin il deuroit tenir: mais que tous en ce faisant s'employassent à cōtinuer le deguast encommencé, d'autant plus diligemment, que l'Empereur aussi diligentoit sa descente. Car à la verité il estoit desia alors arriué au plain des Canes, & par espies auoyent lesdits capitaines aduertissement, que le lendemain deuoyent marcher en ça le seigneur Dom Ferrand de Gonzague, menant l'avantgarde avecques dixhuiët cens cheuaux, & six mille lansquenets. Estans ensemble les dessusdits au conseil, eurent nouuelles que les habitans de Luc, petite ville sur le chemin de Freius, faisoient resistance à ceux qui vouloyent y faire le guast: parquoy ils y enuoyerent cinq cens hommes de pied de renfort, & fut le guast exécuté. Le sire de Vassé lequel venant de Freius, & passant audit Luc, auoit entendu que ladite avantgarde deuoit faire ce chemin, & que le Maistre de camp alloit aucunes fois trois ou quatre lieüs deuant toute l'armee Imperiale, s'offrit & demanda qu'il luy fust permis d'aller au deuant, & le prendre s'il le trouuoit à son auantage: pour auoir langue des ennemis, suiuant le mandement dudit seigneur lieutenant general du Roy. Mais la compagnie ne voulut y consentir, pout craincté d'inconuenient, & pour cause du commandement expres qu'ils auoyent du Roy, & dudit seigneur lieutenant general, de se garder sur tout qu'ils ne donnassent curee à l'ennemy: car ils auoyent scëu, & mesment ledit Bon-

neual par seures espies qu'il tenoit au camp de l'Empereur, & qui tousiours luy auoyent rapporté verité, quel'ennemy ordinairement quand il enuoyoit quelque petite troupe aux champs, enuoyoit par autre chemin autre plus grosse force, pour soustenir les premiers. Et le mesme iour en auoit ledit Bonneual faict l'esprouue : car ayant delibéré d'enuoyer gens pour rompre le logis d'octante cheuaux qui s'estoyent venus loger à vn moulin enuiron deux lieues au deça de Freius, il eut nouuel aduertissement d'espie sur espie, que la nuit s'estoyent venuz embuscher au dessus de six cens cheuaux à l'entour dudit moulin. Et à ceste cause fut le lendemain arresté que le iour mesme on iroit loger à saint Maximin, pour n'aitêdre de partir en alarme, au danger de quelque desordre, & deslors fut sonné bouttez-selle, & le bagage acheminé deuant, ce pendant que le quast se paracheueroit audit Brignolles.

LE seigneur de Vassé apres auoir failly à son congé d'aller voir la contenance de l'ennemy, s'en estoit allé en diligence deuers le sire de Monteian son capitaine estant lors auecques le sire de Montmorency, auquel il auoit cōpté d'vn bout à autre, tout ce qu'il auoit veu ou entendu depuis son partement d'auecques luy. Ledit sire de Monteian qui ne se pouuoit assez contenter de ce qu'il ne s'offroit quelque opportunité de faire en ce commencement de guerre quelque recommandable seruice à son maistre, & à la chose publique, s'adressa incontinant au sire de Montmorency, & tres-instamment luy requisit, que durant le voyage qu'il feroit en Arles, son plaisir fust de luy permettre qu'il se retirast au lieu où estoit sa compagnie, à ce qu'il se mist en son debuoir de faire quelque seruice, trouuant opportunité & occasion auantageuse : & luy compta la façon de marcher que tenoit le maistre de camp Imperial, quand il venoit reco-

reconnoistre la place & assiette de ses logis. Ne iamais ne desista de sa requeste & instance, iusques à ce que ledit seigneur luy consentist, combien qu'enuis & à regret, l'admonestant toutesfois qu'il se gardast d'estre surpris en voulant surprendre, & retenu en son entreprise, vsant plustost de sens & ruse que hardiesse; sur toutes choses qu'il ne marchast point si auant, que le mesme iour il se peust retirer, sans trop laisser ses cheuaux, en lieu où il fust à seureté, de peur de mettre chose quelcōque en hazard, dont à l'entrée de ceste guerre il aduint quelque malheur, qui apportast à l'opinion des hommes mauuais augure & preiudice de l'issue. Bien tost apres craignant ledit seigneur lieutenant (ce que depuis aduint) que ledit sire de Monteian, lequel il cognoissoit aduenteux, & plus accoustumé aux hazards, qu'aux dissimulations, ne retint bien l'aduertissement qu'il luy auoit donné, luy despescha vn cheuauteur d'escuirie avec lettres de contremandement, & coulourant sa mutatiō d'aduuis, sur ce qu'il luy escriuoit auoir en main vne'entreprise, laquelle executât (ce qui estoit facile) ledit sire de Monteian pouuoit beaucoup plus acquerir d'honneur, & faire au Roy plus notable seruice, qu'en executant sa premiere deliberation. Mais la fortune voulut que le cheuauteur print autre chemin, & aconsuiuit ledit sire de Monteia plus tard qu'il n'eust esté besoing: car ledit de Monteian incontīnāt qu'il eust obtenu son congé, estoit sans perdre temps monté à cheual, & rencontrant sur chemin le bagage qui marchoit vers S. Maximin (ainsi qu'il a esté dit cy dessus) l'auoit fait retourner en arriere, dont il estoit party, tant que ledit bagage fut rencontré par ledit de Bonneual, qui paracheuoit le deguast à l'entour de Brignolles, lequel ne souffrit retourner ledit bagage, ains le fist remarcher en auant, & suiure le chemin qui auoit esté ordonné par le conseil.

Le sire de Môteiean en ces entrefaictes estoit desia entré à Brignolles, & descendu au logis des dessusdits Côte de Tende, & de Boisy, auxquels il auoit declaré son intention d'aller voir de pres la contenâce de l'enemy, & d'essayer à surprédré ce Maistre de câp. Or auoit-il trouué ledit sieur de Boisy nô moins conuoiteux q̄ luy, de faire chose de memoire, & d'accroistre son bruit & reputation, parquoy facilemēt il luy accorda d'estre son compagnon en ceste entreprise. Furent toutesfois d'aduis d'en communiquer derechef avec ledit de Bonneual, par-ce qu'il estoit le plus ancien, & d'essayer à luy faire trouuer l'entreprise bonne. Si le firent appeller, & entré qu'il fut en la chambre du Comte de Tende avec eux, remirent en deliberation, à sauoir ce que seroit bon de faire, pour le bien & seruice des presens affaires du Roy, disant le sire de Monteiean, qu'il estoit là enuoyé par le lieutenant general dudit seigneur, pour estre avec eux, comme il estoit bien raisonnable puis que sa compagnie y estoit, & qu'il auoit congé de donner quelque charge à l'ennemy, là où il luy viendroit en main occasion & opportunité de ce faire, cōme en effect il luy sembloit bien qu'alors elle s'y offroit, pour les raisons desia par cy deuant deduites. Le capitaine Bonneual ce nonobstant persistoit en la deliberation arrestee par le conseil : alleguant que ladite entreprise ores qu'elle fust bien executee, ne dependoit point tāt d'auantage aux affaires du Roy, comme de desauantage d'vne curee dōnee (si mal en aduenoit) aux ennemis, & que c'estoit l'vne des principales considerations qui leur fussent enchargees & recommandees, tant par le Roy, que par sondit lieutenant general: parquoy son opinion estoit de l'ensuiure. A quoy replicqua le sire de Monteiean, que certainement il estoit raison d'ensuiure l'intencion du Roy & de son lieutenant general, mais qu'ils n'auoyent point commandé, q̄ si  
fut



sur chemin il se trouuoit quelque chose de bon, on le laissast. Au capitaine Bonneual (encores qu'en son courage il ne blasmast point ceste promptitude & gaillardise de cœur audit sire de Monteiean, ne la volonté qu'il auoit de rassembler encores aux ennemis, contre lesquels il auoit freschement fait bonne preuue en la guerre de Piemont) sembla toutefois q̄ ceste replicque luy touchast vn peu, & ne peust se contenir de luy respondre, que desia il auoit veu & fait voir la contenance de l'ennemy, & que s'il eust veu quelque chose de bon pour son honneur & pour le seruice du Roy, il eust bien sceu le choisir & prendre, sans y attendre ne luy, n'autre : mais que pour conclusion, attendues les nouuelles qu'il auoit dudit ennemy, l'intention du Maistre, & l'estat & consequence de ses affaires, il persistoit en cest aduis, de se retirer à S. Maximin, ainsi & pour les causes qu'il auoit esté aduisé au conseil. Et si bien ledit sire de Monteiean estoit resolu d'executer son entreprise (ce que par son aduis il ne feroit) si n'estoit-il raisonnable, q̄ la troupe qu'ils auoyent là pour le Roy (laquelle ne pouuoit estre en tout plus que de deux cent cinquante hōmes d'armes, & de trois mille hommes de pied) y demourast pour luy faire escorte, au hazard de luy arriuer sur les bras toute l'auantgarde de l'Empereur, & au danger d'y perdre prou, sous esperance de gagner peu.

A IN SI fut cōclu de destoger, & sur chemin cōtinuer le deguast. Les bâdes du pays marcherēt les p̄mieres, & sur la queuë le capitaine Claude Gascō pour acheuer de gaster ce q̄ les autres auroyent espargné, par ce qu'il auroit mois de respect à ce faire, q̄ n'eussēt eu les gēs du pays, ausquels il faisoit mal de gaster les bleds, & les maisons de leurs parens & voisins. Passant à Tourbes, enuiron mi-chemin de Brignolles & de S. Maximin, le sire de Monteiean y descēdit, par ce qu'il y auoit xx. hommes d'armes des siens logez, & avec

luy descendit aussi ledit de Bonneual pour prédre son vin. Là fut encores parlé de ceste entreprise, & declara le sire de Monteian, que pour ce iour il ne passeroit outre, car au lendemain il estoit deliberé d'aller donner quelque alarme aux ennemis: priant ledit de Bonneual qu'il luy prestast quelques gens des siens, pource que desia ils auoyent cognoissance du pays, ce que finablement il luy accorda, voyât qu'il ne le pouuoit destourner de son opinion, & luy laissa vn homme d'armes, & douze archers des siens, le recommandant à Dieu, qui luy donnast grace de bien faire, & ce fait, il acconsuiuit la troupe, marchât à S. Maximin. Au lendemain de grand matin le sieur de Boisy vint tout armé avec xxv. hommes d'armes des siens fort bien en ordre, trouuer les seigneurs Comte de Tende, & de Bonneual pour prendre congé d'eux, & s'en aller à Tourbes, ainsi qu'il auoit promis au sire de Monteian. Moul se trauailla ledit de Bonneual, non seulement à diuertir le sieur de Boisy de ceste entreprise, mais à luy persuader aussi qu'il en destournast les autres: luy remontrant q' s'il leur aduenoit inconvénient, le bruit nous en seroit de tât plus defauâtageux, q' to' deux estoient cheualiers de l'ordre, & l'vn premier gentilhomme de la chambre, & des plus priuez de la personne du Roy, l'autre aussi de la châtre, capitaine de cent hommes d'armes, & general de tous les gens de pied François. Mais le sieur de Boisy pource q' desia il auoit promis sa foy au sire de Monteian d'estre son compagnon en ladite entreprise, ne voulut faillir d'aller à Tourbes. Bien dist q' s'il estoit encores à la promettre, il ne la promettroit, & qu'il s'employeroit arriué qu'il seroit vers luy à l'e destourner autât qu'il luy seroit possible, & à tant print congé d'iceux & dressa son chemin à Tourbes.

A Saint Maximin demourerent les dessusdits Cōte de Tende & Bōneual lesquels enuoyerent le capitaine

raine Claude du costé de Marseille pour executer le deguast. Du costé de la montagne firent marcher la troupe de gens de cheual & de pied, du seigneur Iean Paule de Cerc, laquelle ils firent venir de Bargeaux, où elle auoit au parauant esté enuoyée, & la fist-on venir tousiours à main droicte sur le chemin dudit Bargeaux à Aix, laissant Marseille à gauche. Au lendemain ils eurent nouuelles de la prinse des sires de Monteian & de Boisy, de laquelle nous parlerôs par cy apres. Et sur ceste nouuelle ils depescherent vingt cheuaux pour aller iusques à Tourbes entendre la verité de cest affaire. Ceux rencontrèrent & amenèrent vn homme d'armes du sieur de Boisy, nommé le Bourguignon, qui asseura d'auoir esté à la deffaitte, & les auoir veu prendre, & ramener à Brignolles. La nuit estoit arriué messire Ieã sire de la Iaille, l'vn des lieutenans du sire de Monteian, lequel desiroit fort qu'on allast droict audit lieu de Brignolles, essayer à recouurer les prisonniers: mais les dessusdits Comte de Tende & Bonneual aduisèrent qu'ils n'auoyent que cinq enseignes ou guidons, & assez mal accompagnez, & que de gens de pied ils n'auoyent qu'environ de trois mille hommes au plus: qui n'estoit suffisante troupe pour aller forcer dixhuit cens cheuaux, & six mille lansquenets. Parquoy ils prindrent le chemin de Treiz, & y arriuant trouuerent que la compagnie du seigneur Iean Paule estoit à Porrieres pres de là, où elle auoit desia repeu. A ceste cause ils ordonnerent vingt cheuaux pour aller vers saint Maximin, entendre des nouuelles, si les ennemis marchoyent en auât, & le surplus de la compagnie à faire le guet, cependant qu'eux repaistroyent audit lieu de Treiz. Et là vint deuers eux Claude de la Val, sieur de Bois-Dauphin, qui leur apporta lettres de creance du sire de Montmorency lieutenant general du Roy, pour entendre ce qu'ils auoyent exploitté au fait de

leur charge , par lequel ils luy donnerent aduis de ce qu'estoit aduenü à Brignolles.

A P R E S auoir repeu , ils abandonnerent la ville à sac , à cause que les habitans pour quelque commandement qui leur eust esté fait , n'auoyent voulu ne transporter les viures, ne faire le guast: & de là se retirerent à Aix, auquel lieu dès le soir mesme arriuerent selon l'aduertissement de ce faire qu'eux en auoyent donné , tous ceux qui auoyent esté enuoyez parmy le pays executer le deguast. Audit Aix fut trouuee grande quantité de viures : car outre la prouision des habitans , plusieurs des autres villes qui auoyent transporté les leurs ainsi qu'il leur auoit esté commandé, les y auoyent amenez sur l'assurance qu'ils prindrent que ladite ville seroit tenue , alors qu'ils virent commencer à la fortifier. Et à ceste cause-autant les habitans qui eussent peu sans ceste esperance sauuer leurs biens , que les estrangers qui auparauant les eussent peu conduire ailleurs , de tant plus enuis & mal patiemment portoyent ce dommage , de les mettre lors à perdition. Et si la force n'y fust arriuee, à bien grande peine en eussent esté obeïs le sieur de Bonnes , & autres qui pour ce faire auoyent esté ordonnez. Chacun toutesfois sauua ce que possible luy fut en telle presse, & le surplus fut brulé ou ietté par les rues, les vins desfontez és caues, les moulins desmolis, les pierres de meule & moulages rompues & brisées, les fers des moulins emportez , & tous ceux qu'on peut trouuer au pays qui s'entendoyent à faire moulins, enuoyez en nostre camp sous couleur qu'ils y seroyent employez, mais à la verité de peur que l'ennemy s'aydast d'eux à refaire lesdits moulins. Là eussiez veu vn spectacle piteux & lamérable, pour la soudaineté d'un tel abandonement de pays, deslogement, & desolation de ville. Si est-ce toutesfois (encores que le deguast en fut plus grand) que la ville n'en demoura si entierement desgarnie



desgarnie de viures , comme elle fust demouree , si les choses eussent esté faites à loisir & à temps, auant que les dessusdits inconueniens fussent arriuez. Là vindrent nouuelles aux dessusnommez , Comte & Capitaines , comment les ennemis estoient desia venus à saint Maximin , qui fut occasion qu'ils deslogerent d'Aix , & vindrent loger à Salon de Crau , où estoit la compagnie de monseigneur le Marechal d'Aubigny, laquelle y auoit esté dès le commencement, pour là & aux enuiron faire le deguast : mais le lieutenant dudit seigneur qui auoit la charge de la compagnie, & de ce faire, auoit plus mis de peine à vider les bourées de deniers, que les greniers de bled , ne les granges de fourrages.

SUR ce point ie retourne au sire de Montmorency , lequel party de Marseille ( ainsi que j'ay dit cy deuant ) pour aller visiter la ville d'Arles, eut sur chemin nouuelles, tant par espies, que par rapport de prisonniers qui luy furēt enuoyez, que nonobstant qu'il se deuisast en plusieurs sortes du chemin que deuoit tenir l'Empereur, toutesfois la pluralité de voix estoit qu'il auoit intention de marcher droit à Marseille, pour l'assiéger autant par terre que par mer , & d'essayer de paruenir de deux choses à l'une : ou de l'emporter d'assault par vn soudain & grád effort, ou d'attirer le Roy à y venir donner secours, & le contraindre par ce moyen de venir à la bataille. Et au cas qu'il ne paruint à l'une ou à l'autre de ces deux intentions, qu'il iettoit ses desseings sur la ville d'Arles. Et que pour executer sa deliberation, il n'attédoit plus que la venue du seigneur André Doric, pour cause qu'il auoit sur son armée de mer bonne partie de l'artillerie, munitions, & autres appareils requis à batterie, mines, & assaux de villes. Tout ce que dessus encores qu'il vinst par aduertissement & rapport des ennemis, sur lequel fonder vne conclusion en chose de grande & notable

importance, semble aucunement auoir espèce de legere-  
 reté, estoit toutesfois si vray-semblable, & si approu-  
 chant du deuoir & raison de la guerre, que ledit sire  
 de Montmorency fut bien d'aduis d'auoir esgard au-  
 tant à ladite raison & de uoir, comme à la qualité des  
 personnes, dont procedoit l'aduertissement. Et pour  
 autant il conclut & delibera de haster son entreprise  
 de la fortification d'Arles: y arriuant il recogneut dili-  
 gemment la ville, en compagnie des capitaines qu'il  
 auoit menez. A tous vniuersellemēt sembla estre cho-  
 se requise & necessaire: mais difficile, & comme hors  
 d'esperance, de la pouuoir si promptement fortifier.  
 Luy voyant le grand besoing qu'il estoit de ce faire,  
 & le gros ennuy que nous pourroit faire vne ville en  
 telle assiette, si elle tomboit és mains de l'ennemy, fut  
 toutesfois d'y faire besongner & vaincre par sollicita-  
 tion diligence toutes les difficultez qui s'y pourroyēt  
 offrir. Si fist incontinant commander par tout le pays  
 à l'enuiron des pionniers & manouuriers, designa les  
 endroicts & forme des rempars, fit commencer de  
 mettre la main à l'œuure, ordonna gens pour con-  
 duire & auoir l'œil dessus l'ouurage, & pour haster &  
 faire diligenter les ouuriers: pourueut de chefs & ca-  
 pitaines en la place, donna ordre à y faire venir des  
 viures, arcellerie, & munitions. Ce faict il depescha  
 commission au sieur de Chandenier son lieutenant au  
 gouuernement de Languedoc, pour tenir gens prests  
 à leuer au pays, à la premiere nouuelle certaine qui  
 luy viendroit, que l'ennemy mōstrast d'y vouloir fai-  
 re entreprise: chose qui par les effects fut tost apres co-  
 gneuë auoir esté bien & à propos deliberée. Partant  
 de là il vint passer à Tarascon & Beaucaire, villes as-  
 sises de deux costez du Rhosne, & pour ne laisser au-  
 cun endroit despourueu, auquel par humaine preuoy-  
 ance y eust moyen de pourueoir, il delibera de les fai-  
 re reparer & fortifier, mais il remist à en conclure  
 iusques

iufques apres son retour en Auignon, par ce que defia il en estoit pres : auffi que sur chemin il auoit eu nouuelles de la deffufdite defaite des sire de Monteican & de Boify , & comment ils estoient prifonniers es mains de l'ennemy:parquoy il se hastoit pour obuier à tous inconueniens d'arriuer audit lieu d'Auignon, n'ignorant point que de l'auenture de telles premieres rencontres s'engendrent communement ou peur, ou assurance entre deux armées.

C E S T E defortune leur aduint en la maniere qui ensuit. Eux & leurs gens assemblez à Tourbes , ainsi qu'ils en auoyent prise entre eux la conclusion, c'est à fauoir de sept à huitz vingts cheuaux entre hommes d'armes & archers de leurs deux compagnies:& quelque nombre de ceux de la compagnie du Comte de Tende sous la conduite du sieur de Torines son guidon, & ceux que leur auoit baillez le capitaine Bonneual : ensemble les capitaines saint Petre Corfe, Vvartis Nauarrois, & la Molle Prouençal , avecques tel nombre choisis de leurs gens de pied, qu'ils aduiserent y deuoir suffire: aduint de cas fortuit que l'ennemy partant de Freius ( où il s'estoit arresté trois iours à consulter ce qui seroit de faire ) venoit loger au long de la riuiere d'Argèce, & que le seigneur Dom Ferrand de Gonzague auoit passé la riuiere pour venir avecques les gens de cheual, dont il auoit la charge en la deffusnommee ville de Luc. Les sires de Monteican & de Boify bien aduertis par leurs espies de cest affaire, monterent au matin à cheual , & apres midy arriuerent aupres de Luc, où estoient ledit maistre de camp, ou autre pour luy, & gens enuoyez pour visiter le lieu & prendre logis pour l'auantgarde : lesquels faillirent à estre pris par ledit de Vassé lieutenant dudit sire de Monteican, & ledit seigneur de Torines , qui auoyent charge de mener les auant-coureurs. Si se retirerent en vne vallee au deffous, où lors

Defaite &  
prise des sei-  
gneurs de  
Monteican  
& de Boify.

estoit ladite auantgarde en laquelle ils donnerent l'alarme aussi chaude comme s'ils eussent esté rencontrez, non seulement par les coureurs; mais par l'auantgarde entiere des nostres: & tel en firent courir le bruit parmy leur camp, de sorte que par tout le pays es environs ne s'entendoit autre chose que le bruit de gens aliens & venans de logis en autre, cheuaux hannir, trompettes sonner, & battre tabourins pour auancer l'alarme. Les fires de Montecian & de Boisy qui bien oyoyent ce chaut alarme, feirent sonner la retraite; & se mirent à chemin, en intention de se retirer au plus loing qu'ils pourroyent sur le chemin de la ville d'Aix: & arriuerent enuiron la nuit fermant à Brignolles, leurs gens de cheual & de pied moult las & trauaillez, tant par la grande chaleur qu'il auoit faict ce iour, comme pour le long chemin qu'ils auoyent faict d'aller & de venir. Et à ceste cause fut aduise entre eux, par ce que leurs gens de pied ne pouuoient plus marcher sans repaistre, que pour ceste nuit ils sejourneroyent audit lieu de Brignolles. Les capitaines demourerent à chetial cependant que les soldats se logerent: & fut ordonné au capitaine de Vassé de faire des barrières, & asseoir le guet à toutes les aduenues du village, & ce faict, vn chacun se retira pour repaistre en son logis.

Au camp des ennemis apres que l'alarme fut donnee, & toute leur auantgarde en armes, le seigneur Dom Ferrand pensant veritablement, ou monstrant de penser, que ceux qui l'auoyent donnee, eussent rencontré toute la nostre, se delibera de marcher apres, & chercher occasion & opportunité de leur donner sur la queue à son auantage. Si print vne bonne troupe de gens esleus, & avecques eux marcha le grand pas deuant, faisant suivre à son doz tout le surplus de ses gés de cheual, iusques au nombre ou enuiron de dixhuit cens cheuaux, avecques eux six mille lansquenets:

pour



pour se pouuoir (au cas que mestier luy en fust) retirer & ioindre à eux. Sur mi-chemin de Brignolles & de Luc, il entêdit par gens du pays qu'il rencontroit allans & venans, quel nombre de gens pouuoient estre les nostres, qui auoyent esté cause de donner ceste alarme: voulant toutesfois en sauoir mieux à la verité, pour entendre aussi quel chemin ils auoyent tenu, il enuoya des courriers deuant, & pour guide leur donna vn homme du pays & nay du lieu de Brignolles, qui auoit autrefois seruy le Duc de Bourbon, & s'estant avecques luy retiré quand il leua son siege de deuant Marseille, auoit par son moyen esté faict Sénateur de Milan. Cestuy fit diligence de rapporter seures & certaines nouuelles, que noz gens pour le plus ne pouuoient estre qu'environ huit vingts cheuaux, & trois cens hommes de pied, fort las & trauaillez, & que pour se rafreschir & repaistre, ils s'estoyent arrestez audit lieu de Brignolles, en intention de desloger auant le iour. Le seigneur Dom Ferrand aduertuy qu'ils estoyent si petite compagnie, choisit vn nombre des siens, auxquels il ordonna de marcher auant, & costoyant Brignolles, s'aller embuscher au dela du village en quelque lieu destourné, à costé du chemin que les nostres deuoyent tenir le lendemain. Ceux firent ainsi que commandé leur estoit, & quelque peu auant minuit, & vne heure ou peu plus apres que le guet des nostres fut assis, passerent à costé dudit Brignolles, hors de la veuë & de l'ouye de leurdit guet. Furent toutesfois ouys par les mastins couchez à la câpagne sur les fourrages, qui abbayerét apres eux assez lóg temps: parquoy les sires de Monteican & de Boisy firent incontînât sonner alarme, & mettre tous leurs gens en armes. Mais quelque temps apres, estant l'abbay des mastins cessé, aussi les gens retournez sans rien auoir trouué (lesquels ils auoyét mis dehors afin d'entendre dont venoit ce bruit) ordonnerent à leurs

gens de renuoyer leurs cheuaux repaistre, & eux se reposer vn peu, sans toutesfois se desarmer du menu harnois, ne desseller autrement leursdits cheuaux. Les nuicts alors estoient les plus courtes de l'an, parquoy ne tarda pas beaucoup que l'aube du iour commença de poindre. Nos gens toutesfois mettoient desia ordre à leur deslogement, en attendant qu'il esclarcist; & cependant auoyent mis dehors quelques cheuaux pour descouurir, esquels s'embarirent dix cheuaux legers de ceux que j'ay dit cy deuant auoir esté enuoyez par ledit seigneur Dom Ferrand, pour s'embuscher au deça du village, sur le chemin de la retraite des nostres, & s'en alloient donner aduis de ce qui auoit esté exploitté par eux, & du lieu où estoit leur embusche assise. Les nostres incontinant les chargerent furieusement, & des dix en prindrent huit, les autres deux se sauuerent de viffesse, & arriuerent vers ledit seigneur Dom Ferrand, qui desia estoit à vn demy mille pres de Brignolles: auquel ils dirent la nouuelle & de leur embusche, & de la surprise de leurs gens, & comme les nostres se preparoyent à la retraite. Luy ce rapport ouy, voyant qu'il auoit (ainsi qu'il auoit desiré) noz gens enclos entre sa troupe & son embusche, fit bien son compte qu'en se hastant vn peu il les pourroit encores trouuer en desordre dedans le village; lequel il pensoit estre (ainsi que ses espies l'auoyent laissé le soir precedent) ouuert & sans closture de toutes pars.

Sur ceste esperance il donna congé aux siens d'aller donner dedans à bride abbatue, par tous les endroits où ils s'adresseroient, pour y surprendre les nostres auant qu'ils fussent tous montez & rengés en bataille: ce qu'ils eussent fait facilement (car il y en auoit des nostres qui bridoyét encores leurs cheuaux, & autres qui attendoyent ou leur cuirasse, ou leur armet) si par la preuoyance des capitaines, & par la diligence

gence de ceux qui en eurent la charge les barrières n'y eussent esté plantées, ainsi qu'il a esté dit cy dessus. Le iour n'estoit encores clair, & ne s'apperceurent les ennemis d'icelles barrières, tant que leurs cheuaux les vinssent choquer, dont il en fut renuersé d'aucuns, & autres recueillis par le guet des nostres, tant de cheual que de pied, & mesmement par le capitaine Vvartis, auquel auoit esté ordonné de garder les deux flancs du costé de l'aduenue, où ils s'adresserent avec vn bon nombre choisi des meilleurs arquebusiers qu'il eust en sa bande, pour soustenir le faix avec les gés de cheual, ce temps pendant que lesdits seigneurs de Monteiean & de Boisy mettoient leurs gens dehors en ordonnance. La charge fut cruelle & bien combatüe pour si peu de gens, & en mourut beaucoup des leurs, & mesmement de gens de nom. Les chefs à faire la premiere poincte furēt le seigneur Valere Vrsin Romain, & le seigneur Iean Baptiste Peliacan Boulonnois, cestuy entre autres y mourut, & le seigneur Steffe Del camp, homme bien fauory & aymé du seigneur Dom Ferrand, de cheuaux en fut tué plus de quarante. Les siens de Monteiea & de Boisy se voyans reduits à ce choix party, que force leur estoit ou de se retirer vn peu honteusement, abandonnant leurs gés de pied à la mercy & discretion des ennemis, ou de se hazarder entre honneur ou perte, encores qu'ils entédissent bien qu'ils auoyent trop moins de force que de cœur, rengerent toutesfois leurs gens en bataille, & sortirent à la campagne, & rappelant le capitaine Vvartis, lequel & les autres capitaines de gés de pied avec leurs bandes, ils mirent sur les aisles des gens de cheual, & sur la queue (pour soustenir les ennemis, s'ils les vouloyent venir charger par derriere) laisserent le capitaine Vassé avec douze hommes d'armes tels qu'il voulut choisir. Ne tarda gueres q̄ les ennemis n'arriuaissent sur eux, sans toutesfois les approcher

du commencement de plus pres que d'un trait d'arc, sinon qu'un capitaine Espagnol nommé Sanche de Leue, demanda un coup de lance audit capitaine Vasse, qui le luy otroya, & leurs lances rompues, mirent tous deux la main aux masses, & tant s'esprouuerent l'un l'autre, que l'Espagnol donna la foy.

C E P E N D A N T noz gens marcherēt tousiours le petit pas, serrez ensemble avecques les arquebusiers, qui les couuroyēt tresbiē sur les ailles. Peu à peu s'attacha la meslee, & iamais les nostres ne la refuserent, se donnans toutesfois garde sur toutes choses de s'escarter, pour ne dōner à l'ennemy opportunité de les forcer: & pource ne failloit chacun incontinent qu'il auoit fait sa charge, de promptement se retirer en sa troupe & en son ranc: à quoy faire ils estoient grandement secourus par les gens de pied, lesquels tuerēt & blesserent beaucoup des ennemis à coups d'arquebuse. Ce-pendant qu'ils cheminerent en ceste sorte par les chemins estroicts, esquels l'ennemy ne se pouuoit ayder de toutes ses forces, mais estoit contrainct de combattre de pareil à pareil nombre, noz gens eurent presque tousiours l'auantage: mais de ius l'heure qu'ils furent arriuez en la campagne ouuerte, & que la grosse troupe des ennemis chargeant les nostres, & sur la queue, & sur l'un des flancs, ceux qui la nuit precedente auoyent passé deçà, sortirent de leur embusche sur l'autre flanc, les nostres alors furent assaillis de toutes parts. Les ennemis croissoient tousiours de nombre de gens venans de renfort à la file. Leurs lansquenets se commençoient à descourir & approcher la multitude, & le present secours haussioit le cœur aux ennemis, le petit nombre avec la nulle attente de secours le rabaissoit aux nostres, lesquels estoient si assaillis de toutes pars, qu'il ne leur estoit plus loisible quand ils auoyēt fait vne charge de se retirer en la troupe, ainsi qu'ils faisoient du commencement,



cement, & à quiconques auoit vne fois môstré le doz n'estoit en sa puissance de recouurer son ranc. Par ce moyen noz gens de pied (lesquels & mesmement les capitaines auoyent fait vn merueilleux deuoir en ceste rencontre) se trouuerēt à la fin entrelassez pesselles parmy les gens de cheual: de maniere que la victoire qui iusques alors auoit esté suspense & ambiguë, se commença d'incliner à l'ennemy, & noz gens qui parauant auoyent plus combatu de courage que de force, commencerent à estre aussi inferieurs en ceste partie. Depuis la poincte du iour dura le combat en ceste maniere iusques enuiron les huiet ou neuf heures, & en tout ce temps n'aduancerent les nostres plus haut d'une bonne lieue de chemin. Là furent-ils entierement rompus & renuersez, & y moururēt bien cent ou six vingts homes de pied des nostres, & huiet de la compagnie dudit sire de Monteicain: entre hommes d'armes & archers, quatre du seigneur de Boisy, & la pluspart des autres blesez, en sorte que de toute la troupe ne rechapperent plus haut de trois hommes d'armes que tous ne fussent morts, ou pris. Des ennemis moururent sans les blesez enuiron de cent à six vingts hommes de cheual, deux cens cheuaux y moururent, mais le nombre vainquit la vertu. Lesdits seigneurs de Monteicain & de Boisy, & les autres capitaines, & quelques ieunes gentilshommes de maison qui les suiuyoient par affection de voir la guerre, y furent pris, & entre les autres le sire de la Roche-Guyō ieune gentilhomme & de bone volôté, lequel y fist pour sa ieunesse telle preuue de sa personne, qu'il fut loué d'amis & d'ennemis. Les prisonniers furent ramenez à Brignolles, auquel lieu arriuerent bien tost apres les lansquenets qui estoient partis avec le seigneur Dom Ferrad. Ledit seigneur arriué qu'il fut audit Brignolles, assist son guet à toutes les aduenues du village, & au surplus de ses gens donna congé de s'aller repoi-

ser & refreschir. Ce temps pendant qu'ils se logerent, il se retira pour escrire, & donner aduertissement à l'Empereur de ce qui estoit arriué. Ledit seigneur Empereur incontinant ceste nouuelle ouye, la print en gloire, du tout en la mesme sorte, que si ses gens eussent vaincu, non pas par nombre, mais par vertu de gens, & pource fit à sauoir & publier ceste victoire par tout le monde, faisant les choses encores plus grandes & riches qu'elles n'estoyent, & de maniere qu'à voir le contenu de ses lettres, il ne sembloit rien moins à ceux qui les lisoient, sinon qu'il eust véritablement deffait l'auantgarde du Roy: à d'aucuns il sembloit encores plus, & que desia il eust eu plus que demie victoire. Par tels moyens il attiroit à son party ceux qui au parauant estoient encores demourez en suspens & incertains du party qu'ils deliberoient tenir, consermoit ceux qui la luy adheroient, & tenoit en crainte ceux qui luy estoient contraires.

Preuoyance  
& bonne  
conduite de  
m<sup>seigneur</sup>  
le gra. d  
Maistre.

EN Auignon apres que ces nouuelles y furent apportees, se mist entre noz gés vn merueilleux effroy, & s'augmentoit iournellement, à raison qu'un chacun aux legers & inconstans rapports qui se faisoient, y adioustoit encores quelque chose de sa particuliere peur & crainte. Le sire de Montmerency, qui au parauant auoit craint qu'il aduint de leur susdite entreprise ce qu'alors il entendit en estre aduenu, se trouua en difficulté non petite, pensant par quel moyen il pourroit reparer ceste faute à son honneur, & au profit de la chose publique, car il n'estoit point ignorant que le cœur ne fust creu notablement aux ennemis, & amoindry aux nostres de ceste maladuenture de Brignolles. Sauoit aussi q<sup>ue</sup> lesdits ennemis estoient assez aduertis du petit nombre de gens q<sup>ue</sup> nous auions, & à ceste cause il craignoit q<sup>ue</sup> ce premier heurt qu'ils auoyent eu, les fist plus hardiment entreprendre, & s'auancer de nous venir chercher, auant que nostre

renfort

renfort & secours fust arriué Et luy ne vouloit point, & luy sembloit chose trop dangereuse, auant qu'il eust forces raisonnables hazarder le combat en pleine campagne, auecques si peu de gens qu'il en auoit contre vne si grosse puissance, cōtre vieils soldats & agueris, & contre vn Empereur y estât en personne. D'autre costé il luy sembloit, que de planter son camp, & de s'y fermer pour attēdre l'ennemy, il n'estoit moins à craindre que ledit ennemy arriuaſt auant que son dit camp fust entierement fortifié de fosses, ne de rempars, & garny de gens, & artillerie à suffisance: quoy aduenant il pourroit à trop grand marché se presenter, & y receuoir luy honte, & le Roy dommage. De s'arrester aussi en Auignon, c'estoit se presenter à estre assiegé en ville non assez tenable, & malaisée à remparer si promptement en telle force qu'il appartiēdroit bien. D'aller iusques à Marseille, qui estoit la seule ville de la frontiere suffisamment remparée & garnie pour y attēdre vn siege Imperial, s'estoit laisser le chemin ouuert à l'ennemy, lequel pourroit laissant Marseille derriere marcher en auant, sans y trouuer aucune resistance, & se fortifier ou deça ou delà le Rhosne à son appetit: & par ainsi le remede d'vn inconuenient, luy en apportoit tousiours vn nouveau, & plus grand. Sur ces discours & disputations qu'il faisoit en soy mesme, ceste opinion vainquit finalement, de faire sortir ses gens hors de la ville, & de les loger en camp, pour monſtrer à l'ennemy victorieux contenance d'hardiesse, & assurance de se presenter contre luy, & que pour vne male-auenture, & vne rencontre desauantageuse, il n'auoit le cœur ne l'esperance faille. Le principal doubte estoit sur la fortification de son camp: mais bien luy estoit aduis que le grand nombre de pionniers qu'il y mettroit, & la diligence des soldats, ausquels il feroit mettre la main à l'œuvre, & l'assiduité cōtinuelle des capitaines ausquels il

ordonneroit auoir l'œil dessus compenseroit assez la brieueté du temps. A ceste cause il se hesta d'arriuer en Auignon: pour didit lieu donner aduis au Roy de ce qui estoit aduenü, & luy faire à sauoir la bonne esperance qu'il auoit, & le moyé qu'il vouloit tenir pour recouurer & reuencher ceste perte, lequel moyen sera par cy apres declaré par l'effect & l'executiõ d'iceluy. Mais auant que ses lettres arriuaissent au Roy, il luy arriua vn autre assez & trop pire, & plus douloureuse nouuelle de monseigneur le Dauphin son fils, laquelle ie differeray de reciter pour le present, & continueray les propos encommencez.

Le sire de Montmorency arriué qu'il fut en Auignon fit assembler les capitaines, & leur declara son intention (laquelle ils approuuerent) de faire logger ses gens en câp, & les rassurer vn peu de la peur & espouuentement qu'ils pouuoient auoir, à cause de la dite desconfiture de Brignolles. Executant doncques ceste sienne intention, il leur ordonna de mettre leurs gens aux champs en la prairie d'entre la ville & la Durance: & quand tous y furent assemblez autour de luy attendans ce qu'il leur voudroit dire, il leur exposa la verité, mais en paroles si bien trouffees qu'il n'y eut occasion de les estonner, à cause de la dessusdite desconfiture & prise des sires de Monteican & de Boisy, leur remonstrant que telles aduentures (qui sont choses ordinaires en toutes guerres de grosse importance) non seulement ne doiuent iamais estonner bõnes gens de guerre, ains leur accroistre plustost le cœur & affection de s'en reuencher, accompagnez de discretion, ruse, & prudence de ce faire, sans encourir nouveau hazard. Que bien estoit vray, qu'il ne pouuoit pas estre, que ceste nouuelle ne luy eust esté, voire fust encores desplaisante, par ce que l'entreprise auoit esté quelque peu mal & trop hazardeusement guidée, & parauanture sans necessité suffisante. Mais qu'il sup  
portoit



portoit la perte d'autant plus patiemment, que noz gens (encores que vertu succombast à multitude, & qu'ils se fussent trouvez assiegez entre toutes les incommoditez estimables) n'auoyent iamaïs toutesfois perdu le cœur ne faict chose contre le debuoir de gēs hardis & bien combattans: ains qu'ils auoyent si cher vendue ceste victoire à l'ennemy, que par le grand nombre de gens qu'il auoit ou perdus, ou remenez blesez, il pouuoit auoir appris à ses despens, que le Royaume de France ne se peut assaillir sans perte, ne profit (en l'assaillant) s'y acquerir, lequel ne soit accompagné de dommage au double. Sur ce concludant, qu'ayant fait telle preuue de la valeur des nostres à l'encontre dudit ennemy, ne restoit que luy dresser & dextrement executer vne bonne reuence, sans prestier aucunement l'oreille aux propos de ceux qui tournent à malheur, & au preiudice & consequence du gros ieu, la fortune des premieres & legeres pertes. Mais au contraire (comme ainsi soit, qu'une si grosse entreprise ne se cōduise iamaïs sans qu'il y interuiēne quelque contrarieté de fortune, au commencement, au milieu, ou à la fin) luy estimoit & pensoit, que par ceste seule aduventure de Brignolles, fust satisfait & purgé tout le defastre qu'auoit fortune préparé à nostre camp, & que la mesme aduventure nous tourneroit à si bonne fin que par icelle noz capitaines seroyent de lors en auant plus preuoyans & rusez, & les soldats plus enclins à exploiter leurs prouesses & gaillardises à l'appetit d'iceux leurs chefs & capitaines. Ceste remonstrance leur fit & proposa le sire de Montmorency, de si hault cœur, & d'une contenance si asseuree, qu'à icelle assentirent les soldats avecques vne militaire acclamation, si vnanime & si aligre, que ia ils monstroyent auoir en main, ou deuant les yeux l'assurance & certainté d'heureuse issue.

Ce s propos finez, choisit le sire de Môtmorecy, le Fortificatio

de nostre  
camp, & le  
bon ordre  
pour l'entre-  
tenement  
d'iceluy.

lieu & assiette de son camp, vn peu au dessus qu'il auoit autrefois esté, entre le Rhosne & la Durance, tirant de deux riuieres ceste opportunité, quel'vne luy seruoit d'apporter viures, & autres choses necessaires en son camp: l'autre estoit opposée & mise pour obstacle, contre les aduenues de l'ennemy. Ceste riuere laquelle trauersant la Prouence, se vient descharger dedans le Rhosne, a naturellement son bassin & cours incertain, & si tref-inconstant, qu'à grande peine, en bien peu de lieux, elle se peut passer à gué, par les gens propres du pays, & plus vîtez à y passer, & outre l'instabilité du fil de l'eau, elle est par fois & par endroicts si grosse, & traine telle quantité de gros cailloux, que gens & cheuaux à cause de l'vne & de l'autre incommodité se trouuent souuent empeschez à y fermer & asseurer le pied. En ceste difficulté naturelle ne voulut le sire de Montmorency fonder entièrement toutes les forces de l'assiette & de l'assurance de son camp: mais assist d'auantage garnisons en toutes les villes & chasteaux renables au delà de l'eau, pour rompre aux ennemis la liberté de courir & fourrager, & le moyen d'entendre des nouuelles de nostre camp, & l'esperance de pouoir à leur aise & appetit sans trouuer cōstrate ne rencōtre, taster & choisir le gué de la riuere. En ordonnant & commandât ce que dessus, il designa la forme, l'enclos, & le circuit de son dit camp, lequel il fit enuierement clorre d'un bon fossé parfond, large de vingt & quatre pieds d'ouuerture, & s'estreussissant au parfond à telle raison & proportion, q̄ le fons auoit le tiers moins de largeur, q̄ n'estoit la distance des bords d'enhaut. Fit faire d'auantage vn autre fossé large & parfond, par lequel couroit vn ruisseau, qui en diuisant & separant le camp presque par le milieu, & receuant l'esgout de toute la prairie par des trenchées obliques qu'il y fit faire en plusieurs endroits, rēdoit l'assiette des logis plus seiche, &

che, & portoit hors toutes les immundices & ordures d'iceux, & tenoit le cāp net & sain, selon la distictiō & cours dudit ruisseau, & des autres qui tomboyent dedans, il fit distribuer & assigner les quartiers à ses gens de guerre, les nations separees les vnes d'auccques les autres pour euitier l'occasion de murmure, & debat entr'eux, & ordonnant les endroicts, interualles, & ester duc des rues & chemins allans & trauersans parmy le camp. Enuiron le milieu d'iceluy, auoit vne petite leuce de terre, en forme d'vne colline : laquelle auoit regard à l'entour, en tous les quartiers & endroits où il auoit gens logez, là il choisit son logis, & pretoire, auquel il ordonna que les capitaines vissent tous les matins, pour entendre ce qu'il luy plairoit de leur commander. De là il voyoit tout ce qui se faisoit à l'entour de luy, & ne se pouuoit dresier noise ne tumulte, qu'il ne l'apperceust incontinant, de là il cognoissoit de quel costé on diligentoit, & de quel costé on cheminoit aux reparations & fortifications qu'il auoit ordonnees, & ordinairement faisoit ou commandoit tousiours quelque chose conducible & vtile à ceste fin.

Tous les matins au soleil leuant (sinon que la venue ou de paquets ou de messagers aucunes fois retardassent l'heure) la messe se disoit deuant luy : icelle cessée il se pourmenoit quelque espace au long de ses tentes, & là recuilloit humainement les capitaines venans vers luy, pour prendre ses commandemens, administrant raison à qui venoit la demander, & generalement donnoit gracieuse audience à vn chacun de ceux qui auoyent à faire à luy. Ce temps pendant on luy amenoit des cheuaux, & montant dessus en cōpagnie des capitaines & autres gens d'estoffe, se pourmenoit (en deuissant des affaires) vne fois autour du camp, vne fois dedans, vne fois dehors, & autre fois tout à trauers, donnant ordre qu'on ne s'appareillist à

la fortification, & que noise ou tumulte ne sourdift entre ses gens, & sur le chemin parlât aux vns, & puis aux autres, sçachant & cognoissant tresbien que la parole & conuersation avecques le chef n'est gueres de moindre efficace que l'exercitatio, pour diure & rengier à vraye obeissance vne troupe nouuellement assemblee de diuerses & differentes nations. Ayant fait ce tour, il venoit prédre son repas, & appelloit les capitaines & autres personages qui par long vsage estoient experimentez & cogneuz, ou esquels il y auoit quelque degré, ou de dignité, ou de bon conseil. Son repas pris & le conseil tenu, selon que les occasions le requeroient, il retournoit au mesme exercice de la matinee, sans refuser ou desdaigner ne veille, ne soing, ne travail en aucune maniere. Ainsi en continuant, & chacun faisant son debuoir en sa charge, son camp fut en moins de quinze iours enuironné de fossé par dehors & d'un rampart de terre par dedans, avec les flancs & plattes formes es endroicts où il estoit requis, de maniere qu'à peine il eust peu choisir beaucoup de villes, esquelles il eust voulu avec moindre crainte & danger attendre vne grosse puissance de l'ennemy : les temps & l'vsage toutesfois y adioustoient encores iournellement quelque nouuelle fortification. Les choses ainsi dressees, l'artillerie fut assise & plantee, pour receuoir l'ennemy de front, & pour la battre par les flancs, de sorte qu'il ne luy eust esté possible d'arriuer à faire les approches, ne se venir presenter à l'assault sans y recevoir perte & gros dommage. Et au surplus il auoit à vn chacun ordonné la distance & assiette de son guet, l'endroit & place, esquels tous ou chacun (selon que le requeroit le temps & le besoing) auroit à se venir rengier & presenter, au cas qu'alarme vint au camp, ce que toutesfois n'y aduint iamais : car il y auoit mis tel ordre & police, que non seulement il donna cognoissance de son



son cœur & hardiesse, venât avecques si petite troupe qu'il auoit du commencement, se presenter au deuant de l'ennemy, mais bien ou plus de sa bonne prudence, preuoyance, & consideration, & bien monstra qu'il estoit party du Roy suffisamment instruit par luy, & que de sa part il auoit tresbien retenu, & mieux sauoit executer ce que luy estoit besoin de faire & pouruoir en tout euement.

LE DIT seigneur Roy estoit à Valance, nō seulement comme le patron & chef de nauire en sa poupe, ordonnant & commandant de poupe en prouë, mais outre le renfort qu'il enuoyoit iournellement audit sire de Montmorency, fortifioit ladite ville, & y assembloit telle force, que là où à nostre camp il fust ores aduenue quelque desastre, l'Empereur eust trouué ledit seigneur en barbe, prest & appareillé de luy donner incontinant vne autre bataille.

CEPENDANT que les choses se conduisoient en ceste maniere és pays de Prouence & de Langue-doc, Henry Comte de Nansau, & Adrian de Croy Comte du Reu, & grād maistre de la maison de l'Empereur, estoient entrez en Picardie avecques armee, pillans & gastās en tous lieux où ils passoyent le plat pays, & les villes de petite resistance. Auoyent desia pris la ville de Bray sur Somme, & quelques villetes aux enuirs, s'estoyent essayez de prendre celle de saint Riquier, ou d'emblee ou d'affault, mais ils en auoyent esté repoulsez avecques perte de quelque artillerie, & assez bon nombre de gens, pour vne si petite & legere entreprise. Partans de là, & faisans contenance de s'acheminer ailleurs, auoyent failly de desrober Guise. Monseigneur Charles de Vendosmois, gouuerneur & lieutenant du Roy audit pays de Picardie, auoit assemblé des garnisōs dudit pays, iusques au nōbre de 300. homes d'armes, & de gēs de pied iusques à six mille, & avecques ladite force non seulement

Exploits  
d'armes en  
Picardie.

auoit contrainct lefdits feigneurs de Nansau & du Reu de repasser l'eau, mais auoit pour faire la reuanche du dommage qu'ils auoyent fait en la frontiere, marché auant dedans le leur, pris & pillé quelques villetes, chasteaux & bourgades. A Marolles ville champestre & ouuerte, estoient logez deux mille hommes des ennemis, il auoit là dressé son chemin, en intention de les y surprendre: mais le Comte de Nansau aduerty de l'entreprise, & lequel estoit desia renforcé de gens, marcha pour se venir ioindre à eux: qui fut cause que ledit seigneur de Vendosme repassa deçà l'eau, pour ne hazarder temerairement sa force, & attendoit la venue de monseigneur Claude de Lorraine Duc de Guyse gouverneur & lieutenant pour le Roy en Champagne, lequel venoit ioindre & vnir ses forces avecques luy, & cependant ordonna qu'on vuidast toutes les places non tenables en la frontiere. Entre les autres il auoit commandé qu'on abandonnast Guyse, & que seulement on mist garnison au chasteau, pour empescher que l'ennemy ne se vinst loger en la ville.

Le Comte de Nansau aduerty par ses espies de la diligence qui se faisoit audit lieu de Guyse, d'en emporter les meubles & viures, & d'en emmener tout le bestial, & que les gens ordonnez à la garde du chasteau estoient si amusez & ententifs à faire vider ladite ville, & en abatre toutes les defences qui pourroyent y seruir à l'ennemy, que cependant ils faisoient au demourant assez mauuais guet aux aduenues d'icelles: se delibera d'y marcher hastiuement, en esperance de les y surprendre en desordre, ainsi qu'en effect il aduint. Et ne se peurent les gens de guerre assez à temps sauuer & retirer au chasteau, que les gens dudit sieur Comte n'en tuassent & deffissent les plus paresseux à la queue: les autres retirez & enfermez dedans, il enuoya vn trompette les sommer: le capitaine & au-

& aucuns d'entr'eux qui n'auoyent du tout mis leur honneur en oubly furent d'aduis de tenir la place : le plus grand nombre estoit d'opinio contraire, & s'en trouua de si faillis de courage, qu'ils se ietterent par les creneaux és fosses, aymans mieux viure vn peu d'auantage avecques honte & reproche perpetuelle, que de soy hazarder à la sauuer ou perdre en acquerant honneur. Les autres, & non toutesfois sans en receuoir blasme, rendirent la place à la volonté de l'ennemy. La punition dont on a depuis vſé cōtre les moins delinquers, a esté telle, que tous ceux qui s'y sont trouuez extraicts de noble race, ont esté priuez & degradez eux & leurs descendans de tous tiltres & priuileges de noblesse, & faicts subiects aux subsides & impositions comme non nobles & roturiers.

A VALANCE furent en vn mesme iour apportees au Roy les nouuelles & de la prise des seigneurs de Montecian & de Boisy, & de la honteuse redditiō de Guyse : lesquelles furent à la cour prises & interpretees diuerſement, selon les differents iugemens & considerations des hommes. Les vns estimoyent lesdites pertes legeres aupres des grandes pertes passees, desquelles toutesfois on s'estoit releué : aucuns encores qu'ils n'estimassent point la perte grande, ne laissoyēt point à peſer & estimer le iugement & consequence de ses premieres arres sur le gros ieu. Et d'autres en auoit, qui estimoyent non seulement ceste consequence de preiudice, mais celle à quoy l'Empereur la pouuoit tirer, en semant & publiant les choses (ainsi qu'il fit) trop plus à son auantage qu'elles n'estoyent. Le Roy sans monſtrer contenance de s'en estonner, mais debattant & contrepeſant toutes les choses que dessus en son esprit, & pensant aux remedes & recouurement de l'vne & de l'autre perte, vindrēt à la cour nouuelles d'vn autre trop plus grand dommage & calamité. Ce fut de la mort de Monseigneur le Dau-

Annonce-  
 mét au Roy  
 de la mort  
 de monsei-  
 gneur le  
 Dauphin  
 François.

phin François son fils aîné : lequel nourry & esleué  
 par luy en singuliere expectation de tout le monde,  
 qu'il paruiendroit vn iour à estre grand & tres-excel-  
 lent Prince, estoit demouré malade au lieu de Tour-  
 non, venant par eue avecques le Roy son pere à Va-  
 lence, & là mourut auant la fin du quatriesme iour;  
 non sans soupson & vehemente opinion, qu'il eust  
 esté empoisonné. Sans grande & moult perplexe dif-  
 ficulté ne fut la deliberation de choisir le moyen,  
 l'entree, l'exorde, & commencement de harengue,  
 pour faire entendre au pere vne si dure, cruelle, & tri-  
 ste nouuelle : il estoit force toutesfois de la luy faire  
 entendre, & n'estoit chose que longuement on eust  
 peu dissimuler : mais il estoit extremement malaisé,  
 de trouuer hōme qui en voulust entreprēdre la char-  
 ge. Bien sembloit-il à tous auoir mestier de grand &  
 singulier artifice en son oraison, pour celuy qui vou-  
 droit appaiser le desplaisir & regret que paternelle af-  
 fection luy engendreroit de ceste nouuelle : mais ne se  
 trouuoit aucun consolateur assez à propos, car tous  
 en auoyent mestier eux-mesmes, tellement ils estoient  
 affliges & consternez vniuersellement & particulie-  
 rement, qu'il n'y en auoit aucun, que tous d'une affe-  
 ction & d'une voix ne pleurassent ceste mort, ainsi  
 que si c'eust esté de leurs propres enfans. Ceste amour  
 & affection de grands & de petits luy auoyent du cō-  
 mencement conciliee, le lieu où il estoit né, la succes-  
 sion à la couronne, la vigueur, la semblance, & la re-  
 presentation qu'il auoit du pere : mais il auoit en peu  
 de temps gagné ce poinct, que ses vertus auoyent lais-  
 sé à la naissance, à l'attente de la couronne, à la con-  
 sideration du pere, la moindre part en la faueur & af-  
 fection qu'on luy portoit : car il n'auoit oncques ob-  
 mis vne seule chose à son escient, qui affiere & appar-  
 tienne à personnage, qui soit pour paruenir à estre le  
 plus grand & le plus excellent Prince du monde. La  
 condi-



condition doncques & la male aduerture s'offroit d'annoncer au pere la mort d'un fils de si grande esperance, & le moyen de mort si tresindigne, que departant du Roy, nul autre pere se trouueroit qui n'en tombast en extremité de percussion & consternation de cœur & d'entendement.

En ceste fluctuation & perplexité d'election, & choix de personnage qui entreprist de porter ceste douloureuse parole, ne se trouuoit autre quelconque à propos que monseigneur Iean Cardinal de Lorraine, pour estre de plus long temps familier & priué du Roy. Mais de l'heure qu'il eut mis le pied à la chambre, propos & paroles luy saillirent, & oncques ne sceut tant asséurer sa contenance, que le Roy de prime face ne cognust à son visage, qu'il auoit eue quelque fascheuse & malheureuse nouuelle, & comme si le cœur luy eust presagi & dit ceste infortune, luy demanda incontinant quelles nouuelles de son fils? Monseigneur le Cardinal se trouua la lague attachee aux leures, & quoy qu'il l'eust naturellement faconde & disert, il luy mascha plus qu'il ne pronôça, & dit seulement en beguayât, q̄ certainement il luy estoit empiré, mais qu'il falloit auoir en Dieu esperâce de la guarison. L'enten bien (dit le Roy alors) vous ne m'osez de premiere entree dire qu'il est mort, mais seulement qu'il mourra bien tost. A ces mots respôdit môseigneur le Cardinal, en le cōfessant par signe plus que de bouche. Et lors n'eussiez veu sinon l'armes, ny entédu sinô sanglots & souspirs des assistans. Le Roy iettât vn haut souspir qui fut ouy des autres châmbres, se tira sur vne fenestre seul & sans mot dire, avecques le cœur pressé de dueil, & reprimant ce dueil outre la commune naturelle puissance, iusques à ce que sur le confliet d'entre constance & nature, il fut contraint de jetter vn autre souspir: & lors tendant la teste Oraison du  
nue, les yeux, les mains, & la pensee au Ciel: Mô Dieu Roy à Dieu.

(dit-il) ie n'ignore point qu'il ne soit raisonnable, que ie prenne en patience & en gré tout ce qui procede de toy : mais dont me peut venir, ne dont doy- ie esperer & attendre sinon de toy, ceste cōstance & force de cœur ? desia tu m'as affligé par diminution de seigneurie, & de la reputation de mes forces, tu m'as adiousté maintenant ceste perte de mon fils : que reste plus à présent, sinon que tu me deffaces du tout ? & quand ton plaisir seroit d'ainsi le faire, enseigne-moy au moins, & me fais cognostre ta volonté, afin que ie n'y resiste, & me confirme en ceste patience, toy qui seul es puissant de ce faire, aydant & renforçant la naturelle & humaine infirmité.

TELE fut son oraison en substāce, finie par semblables propos religieux & Chrestiens: mais les soupirs & larmes de ceux qui me les recitoient, accompagnes d'une admiration & merueille, d'une si grāde cōstance en cœur de pere, les empêcherent de me conter le surplus, & moy en semblable cas de maintenant ne m'arrestes plus longuement sur ce propos. Seulement i'y adiouteray ce mot avant que l'interroypre, que l'Empereur mesme, auquel pour le loz & bruit multipliant avec les ans dudit seigneur Dauphin, le pere estoit plus redoutable (encores qu'aucuns de ses principaux seuriteurs soyēt encoulpez de ceste mort) ne se peust abstenir toutesfois, quād il en ouit la nouvelles, qu'il ne parlast honorablement de la personne, meurs & cōditions dudit seigneur Dauphin. Duquel nous deuons esperer & croire, qu'estant en ses ieunes ans emply de telles vertus, qu'en vn autre ia homme j'ai faict eust esté appellé perfection, ce qu'en cestuy- cy estoit commencement de plus grande valeur : & qu'estant à l'attente d'un si florissant Royaume, esleué de telle nourriture, que l'expectation de luy surmontoit desia la grandeur d'un royaume, qu'il soit appellé de Dieu à vn autre plus grād & plus heureux Royaume,

me, que n'est celuy auquel il est, & sera regretté à tousioursmais. Et croy dauantage, qu'il n'y a point esté appellé par la voye qu'il y est allé, sans q Dieu ayt préparé par l'oracle de sa diuine iustice vne exēplaire de vēgeance, contre ceux q ont esté auteurs de ce fait si enorme & si execrable, que tout esprit & scauoir defaillēt à trouuer nom conuenable à son enormité. A tant ie retourneray au Roy, lequel au commencement qu'il eut nouuelle de la guerre de Picardie, à l'heure qu'il estoit assez empesché contre vn si puissant & non attendu ennemy en Prouence, s'estant trouué perplex (encores qu'il le dissimulast) comment il pourroit en vn mesme temps & sans ayde d'autrui, satisfaire à la guerre en tant de lieux: alors toutesfois qu'il eut ce grief & grand surcroist de desplaisir, & tel que tout autre que luy pouuoit y succomber, ce fut le poinct, auquel tous ceux qui au parauant & n'agueres estoient en peine, de trouuer langage assez exquis & efficax à le reconforter, trouuerent en son visage, en sa contenance, en ses paroles, dequoy eux-mesmes se reconforter. Car oncques puis qu'en ses grandes difficultez il se fust resolu de mettre du tout son esperance, & de n'attendre ayde ou secours d'ailleurs que de Dieu, iamais ne monstra signe ou apparence d'estre troublé: mais au lieu qu'autres se fussent descōfortez, il appliqua son esprit à remedier & donner ordre à ses affaires, & dés le soir mesme il assembla son conseil pour y entendre, à l'issue de son cōseil, il depescha lettres, & messagers à tous ses lieutenans generaux: aux gouuerneurs des prouinces & villes, & à tous autres qui auoyent maniement des affaires gisans en presente consideration.

Le lendemain il fist appeller monseigneur Henry son second fils n'agueres Duc d'Orleans, depuis Dauphin de Viēnois & Duc de Bretagne, lequel avec peu de gens il tira en sa chambre à part, & luy vīa seu-

Parolles du  
Roy à Mon-  
seigneur le  
Dauphin  
Henry.

lemét de ceste courté harangue. Mon fils (dist-il) vous auez perdu vostre frere ; & moy mon fils aisné ; en la mort duquel ie trouue que la mesme occasion me reconforte, qui m'atcroist & augmente le regret & desplaisir, c'est la memoire & satisfaction que j'ay de l'amour, & affection, & faueur qu'il auoit desia acquise en ce Royaume entiers les grands & les petits: mettez peine mon fils de l'imiter & ensuiure, en sorte q̃ vous le surpassiez, & de vous faire tel & si vertueux, que ceux qui aujourd'huy languissent du regret qu'ils ont en luy, recourét en vous de quoy appaiser & oublier ledit regret qu'ils ont de luy. Ie vueil qu'à ceste fin vous adressiez vostre intencion, & y employez vostre cœur, esprit, & entendemét: Dieu ne vous faudra de vous y estre en ayde & à secours. Telle fut la remonstrance du pere au fils, laquelle fut incontinant recueillie, ou pour mieux dire, interrôpue des pleurs & souspirs, qui du plus parfond des cœurs des assistans furent alors exprimez, par la douce memoire de l'un, l'agreable presence de l'autre, & consideration de la vertu & constance de leur commun seigneur & pere. Lesquelles choses certes m'admonnestent aussi & contraignent, de remettre le surplus de ceste matiere à vne autre fois, pour ne donner trop d'affliction à vn coup, & à moy en l'escruiant, & au lecteur en le lisant, par la trop longue ramenteuance du fait; duquel ie desire & ne puis me departir, afin d'estancher les larmes que me continue la souuenance du trepassé; duquel Dieu vueille auoir l'ame au nombre des bienheurez, & aux viuans donner longue & heureuse vie, à sa gloire & contentement, honneur, exaltation, & profit de leur Royaume, & de leurs subiets. Et à tant ie reuien au conseil tenu le soir precedant.

Depesche  
que fist le  
Roy.

Le Roy à l'issue du conseil se mist à faire les depesches cy dessus mentionnees, c'est à sauoir en Picardie,



cardie, deuers les Ducs de Vendosme & de Guyse, ausquels il ordonna de haster au plustost qu'il seroit possible, la nouuelle leuee de lansquenets qu'ils auoyent en main. Au Comte Guy de Rangon, seigneur Caguin, & autres capitaines Italiens, qu'en toute diligence ils fissent l'amas des gens de guerre dont il leur auoit donné la charge, & qu'ils missent peine de tant traualier l'ennemy en Italie, que ce luy fust cause de diuertir en celle part les grandes forces qu'il auoit en France. Au sire de Montmorency, qu'il continuast ainsi qu'il auoit commencé, à mettre peine de sauoir ordinairement nouuelles du chemin, du sejour, du conseil, & deliberations de l'ennemy, & que selon l'opportunité des lieux, & des temps, il accelerast, ou differast les siennes entreprises. Aussi enuoya deuers les Suisses gens pratiquez du pays & des chemins, pour les amener en Prouence, par le plus court chemin. De ces deux articles prochains ie parleray au dernier lieu, & premieremēt parleray du Comte Rangon, & de ce que depuis la reddition de Fossana esté iusques à ores fait en Piemont: apres ie viendray aux affaires de Picardie, & ausdits seigneurs Ducs de Vendosmois & Guyse.

Nous auons couché au precedant commentaire, comment le Roy quand il enuoya monseigneur le Cardinal de Lorraine, pour traiter paix avec l'Empereur; fist arrester (afin de n'attenter chose qui troublast ladite pratique de paix) l'armee qu'il auoit fait leuer en Italie, par le seigneur Comte Guy Rangon, & Caguin de Gonzague, & que pour les difficultez sur ceste leur demeure interuenues ladite armee se deffist, se retirant vn chacun où bon luy sembla. Cessant depuis ceste pratique & esperâce de paix, & continuant mais augmentant tousiours le bruit du gros appareil q̃ l'Empereur faisoit, pour venir faire la guerre en France, le Roy enuoya par

Amas à la  
Mirandole.

celuy mesme qui au parauant y auoit esté, mandemēt & pouuoir de lieutenant general audit seigneur Comte Guy Rangon: lequel fist incontinent sauoir à tous les capitaines de la precedente leuee, aussi au seigneur Cesar Fregouse son beau-frere, que tous eussent à remettre leurs gens ensemble, & les conduire au lieu de la Mirandole. Ce q fut fait en moins de quinze iours encores q la chose du commencement semblaist auoir quelque difficulté, pour cause q le seigneur Tamise auoit de l'autre costé de la riuere vis à vis de ladite Mirandole, sept ou huit cent cheuaux Allemans, & six mille lansquenets à pied, pour empescher que l'amas ne se fist: mais il fut en toutes ces difficultez obuie par la prudence & bonne conduitte des chefs, auec le travail & diligence des soldats.

DEUX mille hommes de pied leua ledit Comte Rangon, lieutenant general, & le seigneur Caguin autant, le seigneur Cesar Fregouse en leua nombre pareil, avec deux cēs cheuaux legers: le seigneur Paluoin Visconte Milannois, le seigneur Pierre Strozzi Florentin, le seigneur Balthasar, dit Cheualier Azzal Ferrarois, chacun mille hommes: le seigneur Berlinger de Caldore Napolitain, Comte de Mouté, de Ruse, & Jean de Turin Florentin, chacun cinq cens: le seigneur Auerolde Bressan, & le seigneur Bandin de Tuscanne chacun quatre cens, & ledit Bandin outre ses gens de pied, deux cens cheuaux legers. Autres deux cens cheuaux legers leua le sire de Taix: & bien qu'il fust de nation François, & l'un des gentilshommes de la chambre du Roy, se trouuant toutesfois en Italie, où il auoit esté pieça enuoyé, pour receuoir au seruice du Roy le Côte Galior de la Mirandole, il fist sadite troupe d'Italiens. Assemblez qu'ils furent, ledit seigneur Côte Rāgō ordōna & fist sauoir à to<sup>s</sup>, qu'ils se rinsent prests à partir au vingtiesme iour d'Aoust.

Ce que fist

Les sires d'Annebault & de Burie estans en la vil-  
le de

Monsieur  
d'Annebault  
à Turin.

le de Turin, ce-temps pendant ne laissoient rien ne iour ne nuit en arriere, de tout ce qui affiert & appartient à bons & diligens capitaines, & bien experimentez aux affaires de la guerre: se donnans garde songneusemēt de ne donner occasion n'opportunitē, ou à l'ennemy, ou aux gens de la ville nouvellement reduite à l'obeissance du Roy, d'oser faire dessing ou entreprise sur eux. Ne se contentoient point de ce faire tant seulement, ne de bien ascoir, reuisiter & rafraeschir leurs guets: mais se tenoyent tousiours prests & appareillez à toutes occasiōs & opportunitēz que leur bailloit ledit ennemy de faire des saillies hors la ville, quād ils voyoyēt ledit ennemy approcher d'eux trop asseurement, & q̄ sans se hazarder temerairement ils luy pouuoient donner quelque venue, & puis cela faict ils se retiroient, & quand ils en voyoyent estre le temps amenoyent le plus souuent & prisonniers & gros butin de bestes aumailles, & autre bestial de dās la ville. A Ciria ville suffisamment tenable distante enuiron de sept mille de chemin, le capitaine Fabrice Maramault auoit assemblé pour enuoyer au camp Imperial, toutes sortes de grains & autres viures, qu'il auoit peu assembler en tout le pays à l'environ, & auoit laissé trois cents hommes à la garde d'icelles munitions: lesquels estimans n'auoir grand mestier de guet, & que les François auoyent assez où s'employer à le bien faire en leur ville, sans faire aucune entreprise dehors, viuoyent audit lieu de Ciria cōme s'ils n'eussent eu aucuns ennemis au pays. De ce fut le sire d'Annebault aduertty par ses espies: & y enuoya le capitaine d'Essé avec enuiron de soixante à septante cheuaux, & les capitaines Auchy & de Cany avecques chacun cinq cens hommes de pied: lesquels partans le soir apres le guet assis, arriuerent sans estre descouuers au pied de la muraille, & leurs eschelles dressees furent montez dessus, & eu-

rent deffaiët ou repoussé les escouttes auant que ceux qui estoient couchez aux liëts eussent loisir de se vestir, armer, & rendre au lieu que se donnoit l'alarme. Ainsi prindrent-ils la ville, & mirent au fil de l'espee tous ceux esquels ils trouuerët resistance. Et apres auoir chargé de viures & butin tous les cheuaux & bestes portans charge, & fait acheminer deuât eux tout ce qu'ils y trouuerët de bestial, se retirerent sans rencontre dedans Turin. Peu de iours apres furent aussi prises par ceux de ladite garnison de Turin, les villes de Riuelles, Aueillanne, & S. Ambrois, cöbien qu'audit lieu d'Aueillanne y eust de garde au dessus de deux cens bons hommes de guerre.

L'H E V R E V X succes desdites legeres entreprises donna cöeur à ladite garnison d'aspirer & oser entreprendre des choses plus grandes, & vint en fantasie au sire d'Annebault d'essayer à surprendre Fossan: mais sur ces entrefaites, & sur le poinët qu'il ordonnoit ceux qui deuoyent conduire ceste entreprise, le seigneur Marc Antoine de Cusan eut nouuelles par ses espies, dont il aduertit lesdits sires d'Annebault & de Burie, qu'à Sauillan (où l'Empereur auoit laissé seize pieces d'artillerie, que grosse que moyenne, les poudres, boulets, cordage, & tout autre equippage à ce mestier appartenât, avecques vne grosse prouision de harnois, & à la legere que pour hommes de pied) les gens qu'il y auoit laissez en garnison alloient fourrager & viuander sans crainte ne respect és villages des environs, & que facilement on les pourroit surprendre, & se saisir de la ville, & de tout ce qui estoit dedäs. Audit Marc Antoine qui demandoit ils accorderent la commissiö de ce faire, avecques les deux mille hommes de pied dont il auoit charge: ils baillerent pour compaignon le capitaine Chambray lieutenant de la compagnie dudit sire d'Annebault, avecques le nombre de cinquante à soixante cheuaux choisis en  
route



toute la compagnie. Acheminez qu'ils furent, ils eurent nouuelle qu'assez pres du lieu où ils estoÿent, s'estoyent presentement retirez en vn chasteau aucuns eoueurs des ennemis portans & chassans deuant eux vn gros butin. Si tournerent la teste celle part, & prirent le chasteau d'assault encores qu'il fust vaillamment & pertinacement defendu. Et y fut pris le seigneur de Beneste de la maison Prouenne, & le Bailif Prouenne son frere, lequel chasteau ils s'amuserent à saccager, par auenture plus auarement que prudemment: car à l'opinion de plusieurs ils se fussent faits maistres de Sauillan, si sans s'arrester ailleurs ils fussent allez le droit chemin. Mais cependant qu'ils s'amuserent au pillage, les ennemis qui eurent aduertissement de leur entreprise, enuoyerent en diligence ce qu'ils peurent amasser de gens se mettre dedans Sauillan, en attendât qu'eux avecques plus grande force y arriuaissent. Lesdites bandes qui premierement y arriuerent, leuerent incontinent les ponts, barrerent les portes, mirent les gens autour de la muraille, & aux defenses par ce peu qu'il y auoit de flâc des arquebuses à croq, sacrets, passeuolâs, & autres petites pieces, se preparas en diligence de soustenir vn premier assault, en cas que besoing fust: & ce faisoient tant plus asseurement & hardiment, par ce qu'ils sauoyent que le secours leur arriueroit bien tost apres.

No z gens quand ils furent es fauxbourgs, & sceurent que leur entreprise estoit descouuerte, & la ville pourueue de gës, firent aumoins esdits faulxbourgs tout le dommage qu'ils peurent aux ennemis, rompirent & debriiserent à coups de haches & de marteaux deux gros canons qu'ils y trouuerent, en sorte que sans les refondre on ne peust s'en seruir à vn besoin, partirent entr'eux tous les harnois de la munition de l'Empereur, & au demourant firent butin de tout ce que bon leur sembla. Les capitaines qui

auoyent mis des descouureurs sur les champs, eurent tantost aduis que le capitaine Iacques de Scalenge approchoit avec le nombre (à ce qu'ils en auoyent peu iuger) enuiron de deux mille hommes, & bien autant de gens du pays amassez par les villages. Et pource voyás que force leur estoit de venir au combat, se delibérerent faire de necessité vertu, & en toute diligence rassemblerent & mirent leurs gens aux champs bié régez & serrez ensemble, ceux de cheual des deux costez sur les ailles, & sans attendre chargerét incōtināt les ennemis, lesquels ils trouuerent assez en desordre parce qu'ils s'estoyent hastez de venir, en esperance de trouuer & surprēdre les nostres audit desordre, & amusez au pillage parmy les rues. Les ennemis soustin drēt ce premier choc avecques plus grande hardiesse qu'obstination: mais tost apres se commēcerent à retirer & se mesler parmy les amassez du pays, en telle confusion, que pour se mettre en rouverte il ne restoit plus que de tourner le doz. Noz gens de cheual incōtinant qu'ils les virent esbranlez, & en suspēs du combat & de la retraite, les chargerent de telle furie, qu'il les contraignirent à tourner le doz: & sur ce noz gēs de pied les suiurēt de pres, & mirēt en telle rouverte q de là en auant y eut de la tuerie plus que de combat.

Le capitaine Scalinge voyant ceste desconfiture, & que desia exhortation ne chastiement ne luy profitoyent enuers eux: depescha des mieux montez de sa troupe pour aller aduertir en diligence le seigneur Ieā Iacques de Medicis Marquis de Marignā, de l'estat & danger où il se trouuoit. Ledit Iean Iacques amenoit deux mille Lāsquenets en sa compagnie, lesquels s'ils fussent promptement suruenus, & que force eust esté à noz gens desia las & trauallez de combattre en pleine campagne vne telle troupe de gens fraiz & reposez, il n'y a point de doubte qu'ils n'eussent esté deffaits. La pouffiere que leuoyent iceux Lans-

que-

quenets en approchant , donna occasion aux capitaines Cusan & Chambray de faire sonner la retraite & de cesser la chasse commencee: si est-ce qu'ils en tuerēt plus de trois cens , & en blessèrent beaucoup d'auantage: de neuf enseignes en prindrent sept, leurs gens de cheual en s'enfuyant arracherent les autres deux des mains des portenseignes, de peur que noz gens les prissent comme les autres. Les capitaines voyans la poulsiere croistre & s'approcher tousiours, & doutans que leurs gens qui auoyent le corps trauaillé du chemin, & les bras las de frapper sur l'ennemy ne fussent point pour soustenir le choc de ceux qui suruenoyent fraiz & entiers, reueillerent leurs gens, & se mirent au retour par autre chemin que celuy par où ils estoient venus, & aduertirent le sire d'Annebault par homme expres & bien monté, du chemin qu'ils entendoient faire, à ce qu'il enuoyast du secours au deuant d'eux, dont bien & heureusement leur en aduint, ainsi que l'issue le monstra par effect. Car ainsi qu'ils marchoyent apres leur butin & bagage qu'ils auoyent enuoyé deuant avec vne troupe d'arquebussiers pour l'accompagner, & eux le suiuaient avec le surplus de nos gens au petit pas, de peur que si l'ennemy les acconsuiuoit ils fussent rompus & deffaicts plus de leur lasseté propre, que par la force & vertu dudit ennemy: arriuerent sur eux les avant-coureurs, lesquels en les chargeant & puis se retirans par fois & alternatiuement, tendoyent à les arrester & amuser iusques à ce que la grosse troupe les approchast.

Noz capitaines qui entendoient bien à quelle fin les autres tendoyent, tascherent plus à cheminer pour se tirer hors du danger, qu'à repoulsier trop auant lesdits avant-coureurs, & s'ils estoient aucunes fois si pressez que force leur fust de tourner le visage, ils le faisoient de sorte que l'ennemy en rapportoit de la perte, & eux soudainement acconsuiuoient & hastoyent

la troupe de marcher. Aduint toutesfois que le seigneur Cusan eut en la teste vn coup d'arquebouse, qui l'empescha de si grandement faire son deuoir que iusques alors il auoit fait : & peu à peu les ennemis se renforçoient de gens qui arriuoient par troupes & à la file, de maniere que les nostres estoient en danger de desconfiture, si le secours enuoyé par le sire d'Annebault ne leur fust arriué à ce besoin. Mais il arriua si à propos que sur le point & au lieu où les ennemis auoient pris le large, tendans à enclore les nostres de toutes parts, noz gēs de cheual enuoyez fraiz à les secourir, s'embattirent pesse-messe parmy leurs gens de pied qui estoient espars, & les traueillât, tuant, & chassant, les contraignirent de se renger ensemble, & donnerent temps & lieu à nos gens de pied de se retirer, lesquels estoient de lasseté à demy recrez & combattus. Lesdits gens de cheual estoient iusques au nombre de deux cens, & les menoit le sire d'Alegre, homme hardy, entreprenant, & sage autant que nul autre capitaine de son temps: apres luy marchoyent de gens de pied iusques au nombre de douze cens, au moyen duquel secours les nostres avec bien peu de perte (quant aux gens) se retirerent avec leur butin & bagage dedās Turin à sauueté. Toutefois le seigneur Cusan se trouua si las, tant du chemin que de sa blessure, qu'il fut cōtrainct de s'arrester à Pignerol, auquel lieu il mourut bien peu de iours apres, laissant bon nom, & grand regret de luy entre les viuans.

Mort du seigneur Marc Antoine Cusan.

Affaires de Picardie.

A v mesme temps que ces choses se faisoient en Piedmont, le Comte de Nansau apres auoir saccagé Guyse, & toutes les villes chāpestres à l'entour, mettant le feu par tout où il passoit, & emmenant proye & butin d'hommes, de bestial, & de biens meubles, cōduisoit son armee droit au chemin de saint Quentin. Monseigneur le Marechal de la Marche, qui auoit ia commencé de fortifier la ville de Laon, en deslogea  
incon-



incontinent qu'il entendit ceste nouuelle, delibéré de s'aller mettre dedas ledit sainct Quentin, tant il auoit ceste entreprise à cœur de se trouuer chef assiegé en vne ville, pour donner preuue du cœur, du soing, de l'industrie, & diligéce qu'il auroit à endurer vn siege, soustenir vn assaut, & inuenter les moyēs de bien garder & defendre vne ville. Mais sur chemin il fut aduerty par ses descouureurs, que l'ennemy ayant eu aduis du bon ordre qui estoit mis à la garde & defense dudit sainct Quentin, auoit tourné bride soudainement, & tiroit le chemin de Peronne, pour auoir sceu que ladite ville encores qu'elle fust forte pour la nature & assiette du lieu, n'estoit toutesfois assez fortifiée suffisamment, & encores moins fournie du nombre des gens qui estoit requis à la tenir contre vne si grosse puissance. Et à ceste cause ledit seigneur Marechal aussi chageant de deliberation tourna son chemin deuers ladite ville de Peronne enuiron le dixiesme iour d'Aoust. Partant le camp des ennemis d'un petit village ou plustost cense, appelée la Catelle, somma en passant le chasteau d'Aplincourt, qui se rendit incontinent, car il auoit esté abandonné pour non tenable. Au lendemain ils passerent la riuiera de Somme au dessus dudit chasteau, & vindrent gastans & bruslans tout le pays iusques aupres de Peronne. Le mesme iour y estoit entré le sire de Cercus avec mille hommes de pied, qu'il auoit en charge particuliere de la legion de Picardie, dont il estoit capitaine general, & nonobstant qu'à venir de Ham dont il estoit party enuiron minuit, & depesché par Monseigneur le Duc de Vendosmois, il luy eust conuenu passer à trauers les villages & censes, qui encores fumoient de feu, que l'ennemy en passant y auoit boutté, si auoit-il eu si bonnes guides, & tant bien s'estoit tenu sur ses gardes, qu'il y estoit sans aucune perte passée. Le lendemain y entra môdit seigneur le Marechal

avec cent hommes d'armes, & luy seruit aussi l'obscurité des fumees du pays que les ennemis auoyēt bruslé, à ce qu'il ne fust descouuert par eux sur le chemin. Sur le soir le Comte de Nansau apres s'estre long temps pourmené à l'entour de la ville pour la recognoistre, s'en vint loger assez pres de l'abbaye du môct saint Quentin, autant fasché en son courage d'auoir failly à surprendre la ville auant que gens y fussent entrez, comme au contraire furent cõtens messeigneurs les Ducs de Vendosme & de Guyse, quand ils sceurent que lesdits seigneurs Marechal & de Cercus estoient entrez dedans à sauueté: car ils auoyent bien bonne esperance que les nouuelles bandes qu'ils faisoient leuer en toute la Picardie & la Champagne, & la leuee des Lansquenets qu'ils attendoyent sous la charge du capitaine Nicolas de Rusticis dit le Bossu, seroyent arriuez & prests assez à temps pour venir leuer ledit siege de Peronne. Tel estoit l'estat de nos affaires en la Belgique.

Deux leuees  
de Suisses.

Dv pays des liguez outre les huiët mille Suisses de la leuee faite par messire Louis d'Anguerant seigneur de Bois-Rigault, lesquels en plus grand partie estoient arriuez au camp, & en partie y arriuoyent de iour en iour par des chemins vn peu lōgs & destournez, mais plus asseurez que le droit chemin pour le destourbier & empeschement des passages: messire Estienne d'Aygue seigneur de Beauuois, & Guillaume seigneur d'Yzernay, l'vn gentilhomme de la chambre, & l'autre varlet de chambre ordinaires du Roy, en auoyent fait vne autre presque de pareil nombre, ausquels à raison qu'ils arriuoyent par diuers chemins au lieu qui leur estoit assigné, selon qu'ils se desroboient à la file de leur pays, outre le sceu ou sous dissimulation des superieurs & Magistrats de leurs cantons, on bailloit guides & commissaires pour les conduire par les estappes, qui à ceste fin auoyent esté ordonnees par le plus

plus court chemin droit à Valance, où ils estoient recueillis par commandement du Roy, qui à tous les capitaines fit faire present de cheines d'or pesantes chacune cent escus, & les adressoit au sire de Montmorency son lieutenant general, lequel ainsi qu'ils arriuoient leur faisoit deliurer les quartiers au camp pour se loger chacun avec sa nation, faisant retirer en sondit cāp & au dedans du fort, tous ceux qui sans son ordonnance auoyent dressé leurs tentes, ou fait leurs loges au dehors. Enquoy faisant, & vísant parmy les soldats d'une seuerité de discipline militaire attrempee d'equité, selon les occasions, il obtint en bien peu de temps, que nonobstant que son armee consistast de nations non seulement diuerses quant aux pays, mais aussi en opinions & sectes contraires, l'ordre & police furent tels entr'eux, que son camp à ceux qui arriuoient monstroient plus face & apparence d'une Cité policee, que d'un camp ainsi freschemēt & de si diuerses nations assemblée.

L'EMPEREUR au commencement qu'il entreprit la guerre en France, faisoit bien son compte que le Roy ne recouurerait point ne de Lansquenets ne de Suisses: de Turin il n'eust iamais pensé qu'il eust eu moyen de tenir: de la Belgique il la comptoit desia pour chose sienne: mais peu apres qu'il fut entré en Prouence, & qu'il entendit certainemēt qu'il arriuoit tousiours au Roy quelques bandes de Lansquenets, que de Suisses il en recouuroit plus qu'il ne vouloit, qu'en Italie il auoit fait son amas, & ses gens estoient desia prests à marcher: qu'en la Belgique la guerre y seroit plus longue, & difficile qu'il ne l'auoit esperé. Et dauantage que sur la mer Oceane ses subiets ordinairement y receuoient perte, & sur la Meditterance nos galleres se pourmenoyent en liberté: alors eust-il certaine cognoissance qu'il n'auoit sans ayde d'autrui telle issue qu'il la desiroit de son entreprise. Il se delibe-

Ambassades  
& depeschés  
de l'Empe-  
reur en Ita-  
lie.

delibera d'essayer tous moyens possibles pour attirer le saint Pere, & la ligue d'Italie à communication de frais & société de ceste guerre. Et à ceste fin auoit-il depesché le seigneur Ascagne Colonne auecques pouuoir, instructiōs, & lettres audit saint Pere, & à tous les Princes & Potentats d'icelle: protestât enuers eux (non qu'ainsi fust, mais pource qu'il seruoit à son intention) qu'entrepr'nant la guerre cōtre le Royaume de France, iamais il ne l'auoit fait pour sa particuliere & propre querelle, mais en cōtemplation du bien public & du repos cōmun de toute Italie, pour diuertir l'insatiable cupidité du Roy, de la cōtinuation de faire guerre en icelle. Qu'eux-mesmes sauoient bien, & il les en appelloit à tēmoignage, qu'il n'auoit laissé aucune voye intentee, pour obtenir du Roy que leurs differents fussent plustost vuidez par ordre & forme de droict & iustice, ou par appoinctement equitable, que non par armes & voye de faict, & iusques à s'estre condescendu de donner au Duc d'Angoulesme troisieme fils dudit seigneur Roy, l'estat & Duché de Milan, qui toutesfois luy appartenoit, non seulement comme à Empereur, mais en son propre nom. Premièrement comme chose conquise par armes, & par le droict de la guerre, & secondemēt comme cedee à luy par le transport du vray seigneur Francisque Sforce, qui estoit droict indubitable. Et que quand ores il ne tiendrait qu'à vider ses mains dudit estat & duché de Milan, qu'il ne se trouuast moyen de paix en la Chrestienté, luy estoit de son costé prest à y entendre, & d'endispōser entierement par le contentement & aduis commun de tous leldits Princes & Potentats d'Italie: tant s'en faudroit qu'il eust son bien particulier en plus grande recommandation que le public. Mais que nonobstant tous les deuoirs où il s'estoit mis si grandement, le Roy de France auoit tousiours superbement & obstinément refusé toutes honnestes &



& raisonnables offres, & preferé la guerre iniuste, cruelle, & d'incertaine issue, à vne honneste, vtile, & certaine paix, iusques à dresser encores à present nouvelle armee en Italie: en quoy il donoit bien euidement à cognoistre, combien il auoit plus d'affection à trauailler l'Italie, qu'à defendre son propre Royaume, auquel il auoit si grand faix de guerre sur les bras. Si touresfois il estoit mis ordre à obuier que ledit seigneur Roy de France ne mist ensemble les forces qu'il auoit leuees audit pays d'Italie, ledit seigneur Empereur ne doutoit point qu'il ne remportast de France vne si grande & insigne victoire, qu'il asseuroit à perpetuité le repos & tranquillité d'Italie, attendu que autre quelcôque ne la troubloit, sinon seulement ledit Roy de France.

Tout ces choses doncques cōsiderees, il concludoit en ses instructions, que comme ainsi fust que luy qui estoit leur Prince souuerain & Empereur, eust lors à entretenir en terre & en mer, en diuers lieux, & en mesme temps, quatre grosses & puissantes armées, plus pour le bien & repos d'entre eux, que pour aucune offense à luy particulièrement faite, & à ce qu'Italie ne soit assubiectie à domination & seigneurie estrangere, leur vray office & deuoir estoit de luy donner en leur propre cause, ayde, & secours, ou pout mieux entreprendre de consentement commun, & à communs despens avec luy, la tuition & defense de la liberté d'Italie: à laquelle faillans à ce besoing, en quoy pourront-ils iamais recognoistre l'obligation qu'ils ont enuers elle, qui les a heureusement produicts, esleuez, nourris, en la meilleure & plus amene & gratieuse contree du monde? ou quelle chose peut-elle iamais auoir affaire d'eux, si elle ne l'a en la defense & protection de sa liberté? Telles estoient les remonstrances que le seigneur Ascaigne estoit chargé de faire vniuersellement à tous, & par-

ticulierement à vn chacun des estats, Princes & Potentats d'Italie. Au saint Pere il auoit à les faire pres- que pareilles, mais il estoit expressement chargé de luy dire & faire entendre dauantage, commēt le Turc faisoit ses preparatifs pour faire en Chrestienté vne descente plus grande & mieux equippee qu'il n'en auoit encores fait iamais : & qu'à la prochaine prime- uere il seroit prest à y descēdre en personne, & qu'en vn mesme temps il vouloit & par terre & par mer as- saillir les Royaumes de Naples & de Sicile, & là se fortifioit, & y faire son magazin de tous equippages de guerre, pour à toutes ses commoditez poursuiure le surplus de l'Italie, & de là se transporter par toute la Chrestienté. Et afin que ledit saint pere n'en fust en doute, auoit aussi ledit seigneur Ascaigne charge de remonstrer à sa saintet, comment desia Barberous se estoit arriué auecques son armee en la mer Medi- terrance, qui la tenoit en telle subiection que le nau- gage par icelle estoit interdit, aumoins mal seur aux Chrestiens. Et mesmemēt par ce que le Roy de Fran- ce indubitablement s'estoit vny & allié auecques ice- luy Turc, & qu'il en auoit osté la masque, & cessé tou- tes dissimulations : car ouuertement il le semonnoit & pressoit de descendre, si que toutes excusations ces- santes ledit Sainct Pere ne pouuoit dissimuler, q̄ pour donner exemple à tous les estats de la Chrestienté, il ne fust le premier à les exhorter, & à commencer luy- mesme de prendre les armes, & que chacun en ce cō- mun dāger apportast quelque remede & soulagemēt, ainsi que le requeroit leur deuoir enuers la commune patrie, enuers la foy & la religion Chrestienne, en- semble la consideration de la cause, du temps, du salut present, & de la liberté à l'aduenir. Adioustoit enco- res, afin que ceste entreprise ne fust infructueuse à sa sainteté, que l'Empereur (en ce faisant) estoit contēt & luy offroit de disposer entieremēt de l'estat & Du- ché de

ché de Milan, ainsi qu'il plairoit à sadite saincteté, avecques participation de la seigneurie de Venise en ordonner.

Le premier iour d'Aoust estoit ledit seigneur Ascagne arriué à Rome: le lendemain il eut audience & exposa la creance dessusdite, en presence & compagnie du Comte de Sisuentes ambassadeur ordinaire de l'Empereur enuers ledit sainct Pere. Apres s'estant ledit Comte retiré, il parla encores à sa saincteté à part, & luy offrit que ledit seigneur Empereur cederoit & transporterait ledit estat & Duché de Milan à l'un des nepueux de sadite saincteté, & feroit au surplus que le Duc de Ferrare (touchant les choses qu'il auoit controuerses avecques elle) & le Duc d'Urbain (touchant le Duché de Camerin) en transigeroient & appointeroient au contentement & gré d'icelle sa saincteté, moyennant qu'elle fust seulement contente entrer en la ligue d'Italie, c'estoit à dire d'en dechasser entierement le Roy de France. A Genes, à Luques, à Florence, à Siene, auoit ledit seigneur Ascagne exposé sa creance en y passant, & de tous auoit remporté vne mesme responce, qui fut en somme, que tout autant qu'ils valloient & pouuoient ils employeroient de tresbon cœur, ainsi qui leur seroit ordonné par le commun aduis de nostre sainct Pere, & de sa maiesté Imperiale, au bien, tuition, defense, & salut d'Italie. Ledit sainct Pere apres qu'il eust grandement & singulierement loué l'affectiō dudit seigneur Empereur, à procurer le biē & repos particulier d'Italie, & le commun de Chrestienté, respōdit au surplus qu'il ne pouuoit blasmer l'aduis & consideratiō de sa maiesté Imperiale, de transferer si possible estoit la guerre hors d'Italie: mais qu'il le loueroit trop plus qu'elle ne fust ne là, n'ailleurs entre les Chrestiens: car en quelconque part qu'elle se face, soit en France, soit en Italie entre sadite maiesté & le Roy de France, tousiours

falloit-il que le sang Chrestien y fust espendu: & qu'il  
 s'en ensuiuist l'amoindrissement & debilitation des  
 principales forces de la Chrestieté. Et quant au Turc  
 sa saincteté estoit bien asseurée qu'on ne sauroit le  
 conuier à voir vn spectacle plus à songré, qu'à voir  
 vne si crûelle & mortelle guerre entre les deux plus  
 puissans Monarques d'icelle: car il estoit bié à penser  
 que quiconque en celle guerre soit le vainqueur ou le  
 vaincu, c'est faire vn pont & bailler le choix audit  
 Turc de venir apres assaillir lequel que bon luy sem-  
 bleroit, se tenant seur que la victoire ne pouuoit estre  
 sinon dômageable & preiudiciable aux forces & puis-  
 sance du vainqueur mesme. Mais que tant osoit bien  
 sa saincteté asseurer ledit seigneur Empercur, q̄ pour  
 celle annee qui lors couroit, le Turc ne feroit faire  
 aucune descête en Chrestieté: car sa saincteté auoit eu  
 plusieurs aduis certains & accordâs ensemble, & mes-  
 mement par la voye des ambassadeurs Venitiens à  
 Constantinople, que le Turc estoit resolu entiere-  
 ment de ne faire autre chose pour le demourant d'i-  
 celle annee, sinon de reparer en tant que possible luy  
 seroit la perte & domage qu'il auoit receu en Afri-  
 que, & recouurer la commodité qu'il s'estoit prepa-  
 ree, & depuis auoit perdue, de faire quand bon luy  
 semblera descence en Italie. Bien aduouoit sa saincte-  
 té qu'il estoit vray que ledit Turc cependant vouloit  
 donner ordre (encores qu'à cela il faillist) de preparer  
 sa descence, pour l'annee qui vient renforcer le nom-  
 bre & equippage de ses vaisseaux de mer, mettre pro-  
 uision aux finances, aux viures, aux munitions, & à la  
 leuee de ses gēs de guerre, pour faire ladite descence a-  
 uec gros effort & grosse puissance: & n'estre rien plus  
 vray q̄ tous ses plus auancez desseings tendoyēt sur la  
 Sicile, & sur Italie, ainsi q̄ le mandoit sa maiesté Impe-  
 riale. Et q̄ pour à ce remedier & obuier, il n'estoit pos-  
 sible de choisir autre meilleur chemin q̄ celuy qui e-  
 stoit



stoit par sa dite maiesté mis en auât, q̄ cōdonner chacun au bié public ses querelles & inimitiez particulieres, & q̄ tous ensemble d'un mutuel consentement s'appliquassent à la cōseruation & defense du salut & repos commun. Et qu'à ceste cause autant qu'il congratuloit à la maiesté dudit Empereur, ceste sienne continuation en bonne & sainte volonté de renouer la pratique de paix & vnion, autant desiroit-il d'y employer & de mettre non que son bien, mais aussi sa propre vie en hazard, pour estre arbitre & moyenneur de ceste paix : pour laquelle sienne affection & volonté mettre à execution, il ne sauoit trouuer meilleure entree, que de perseverer en neutralité, sans condamner preiudicialement la cause de l'une des parties, en adherant & se ioignant à l'autre. Tant s'en faloit que par vne telle voye & moyen il voulust mettre en sa maison aucun estat ne principauté, au dommage, regret ou desplaisir d'autrui, & que quand il plairoit à Dieu luy faire tant de bien & de grace, q̄ de le faire l'un des moindres instrumens qu'il employast à l'execution d'un si grand heur, ceste volonté de Dieu par luy ensuiuie, luy seroit suffisant contentement & satisfaction de son travail, si que plus tost il souhaitteroit la mort, que d'en chercher ou accepter autre loyer ne recompense.

DESIA estoit l'Empereur arriué à Aix, alors qu'il eut nouuelle de ceste respōse. Sur son chemin il auoit receu quelque perte, mais non du tout si grande en effect, comme elle luy auoit esté griefue & ennuyeuse pour la qualité de ceux qui luy auoyent fait le dommage: car s'auoyent esté seulement les payfans & montagnars, qui se tenoyent embuschez és destours & au dessus des passages estroicts au long des Alpes, & par occasions sortoyent à l'improuiste aucunesfois sur les auantcoureurs, & aucunesfois sur la queue de son armee, en sorte qu'il ne se pouuoit eslargir aucunement

Affaires de  
l'Empereur.

ne cheminoit iournée, que de deux cens en deux cens pas il ne fust forcé de s'arrester & de se defendre, sans toutesfois auoir moyen de grandement endommager lesdits payfans: lesquels soudainement qu'ils se voyoyent pressez, se retiroient à mont, par des chemins obliques & incogneuz à autres qu'à eux-mesmes, ainsi que s'ils se fussent euanouis de veüe. Au desloger fut contrainct l'Empereur de passer au lög d'une tourelle, en laquelle s'estoyent enfermez iusques au nombre de cinquante homes du pays, avecques des arquebuses qu'ils auoyent recouertes, en intètion de choisir ledit seigneur Empereur à leur aduis, & quand il passeroit, descharger tous à la fois sur luy, pour le tuer quoy qu'il leur en peust aduenir apres: car ils sauoyent bien qu'ils ne pourroyent executer vne telle entreprise, sans que la végeance ne s'en ensuiuiſt par apres, & en effect il s'en faillit bien peu qu'ils n'exécutassent leur intention: car ils en tuerent vn qu'ils pensoyent estre l'Empereur à cause du riche accoustrement qu'il auoit sur le harnois, & de la suite de gens apres luy qui luy deferoient & faisoient honneur. Force fut à l'Empereur d'y faire amener le canō, & y arrester son camp qui en souffrit moult de malaise, la tour fut battue, & les payfans contrains de se rendre à la mercy dudit seigneur Empereur, lequel les fist tous pendre tāt par courroux de sa demeure, q̄ pour exēple qu'autres n'eussent par apres la hardiesse de faire telles entreprises. Et aduertiy qu'en vn petit plain entourné de bois à l'entour & assis sur la croupe d'une montagne, à laquelle ne pouuoient ses gens arriuer, s'estoit retiré vn nombre de payfans avec femmes, enfans, & bestial, fist mettre le feu és bois en diuers lieux au dessus du vent, de maniere que tous y furēt miserablement bruslez, d'aucuns en hors, qui se voulās sauuer du feu tomberent és mains des ennemis, q̄ iamais n'en receurent vn à mercy. Dōt fut depuis le populaire

pulaire si aigry & animé cōtre l'Empereur & son armee, qu'onques homme qui tombast entre leurs mains, ne trouua d'eux plus gracieuse composition que de cruelle & inhumaine mort.

Av d i T lieu d'Aix arriua vn courrier enuoyé par le seigneur Ascagne, avec lettres & aduis de tout ce que ledit seigneur auoit exploicté ou fait de sa commissiō, de laquelle il n'auoit remporté le fruit qu'en auoit ledit seigneur Empereur esperé. Si commença lors en considérant & pesant les affaires plus songneusement & diligemment qu'il n'auoit fait au parauāt, & les choses estās encores en leur entier, apperceuoir & cognoistre que ce n'estoit entreprise legere, q̄ d'assaillir vn Roy de Frāce dedans son Royaume, & voit tresbien (mais vn peu tard) qu'il ne luy seroit aucunement possible de fournir & satisfaire long temps à l'entretienement de tant d'armees qu'il auoit en tant de lieux & en mesme tēps. Pour y remedier en quelque partie, & puis qu'il estoit entré au lieu dont il ne se pouuoit ou vouloit ainsi legeremēt retirer, il s'aduisa d'enuoyer à Anuers, & prier les marchans (auxquels il auoit baillé grandes assignations de remboursement sur les deniers qui luy auoyent esté ottroyez par les estats, & qui prouenoient du reuenu ordinaire de ses royaumes d'Espagne, Naples, & Sicile) qu'ils se contentassent de luy prolonger vn an le terme de leur remboursement, afin qu'il se peust ayder d'icelles assignations, en leur donnant recompense telle qu'ils voudroyent de l'interest qu'ils pourroyent auoir à cause de ceste plus lōgue attēte de leurs deniers. Pour à ce faire les induire il n'y obmist moyen quelconques de persuation, entrelassant ensemble prieres, promesses, recompense & crainte de plus long retardement, s'il aduenoit de male aduenture qu'estant ceste guerre de plus longue duree qu'il ne l'auoit esperee du commencement, son armee (que Dieu ne voulust)

se vint à deffaire par faute de payement. Quoy aduenant il estoit à craindre & penser que son ennemy pouffast sa victoire si auant, que sa maiesté fust par ce moyen contraincte de leur faillir à son grand desplaisir & dommage.

C E S T E depesche faite, ledit seigneur Empereur ayant en son cœur vn extreme & merueilleux regret, qu'ayant tant eu d'heureuses victoires és guerres qui auoyent esté menees par la conduite seulement de ses capitaines, luy estant en personne maintenant avecques telle & si puissante armee, & apres auoir brauadé de la sorte que chacun sauoit, il fust contrainct de s'arrester si longuement, sans faire aucune execution ou honorable exploit de guerre: print en soy mesme deliberation nouuelle ou pour mieux se resolut, mais trop tard, de mettre à executiō celle qu'il auoit au-parauant prise, d'essayer sa fortune, & d'affaillir viuement son ennemy, laquelle deliberatiō luy eust peu certes & luy eust esté auantageuse s'il l'eust executee à tēps & comme la raison de la guerre le vouloit, alors que les forces du Roy n'estoyent encores vnies, & q son peuple estoit intimidé pour la soudaine & non attendue descente d'un si puissant & grand ennemy. Au deffoubs d'Aix ayant la ville au doz estoit son camp logé en vne plaine, & sur deux collines doucement esleuees & par les deux costez regardantes en icelle plaine, la petite riuiera de Lary qui coule au long des murs de la ville passant par le milieu en la longueur de sondit camp. Estât le xv. iour d'Aoust en iceluy camp il choisit iusques au nōbre de trois mille Espagnols, quatre mille Italiens, & cinq mille Lansquenets, & sans declarer son intention à autres qu'aux capitaines, les fist partir enuiron la minuit, afin d'arriuer où il pretendoit, auant que noz gens en eussent nouuelles, luy mesme auant le iour fut prest à cheual menant en sa compagnie le Duc d'Albe, Espagnol, le seigneur

Surprise que  
voulut faire  
l'Empereur  
à Marseille.



seigneur Alfonse d'Aual Marquis de Guast , & le seigneur Dom Ferrand de Gonzague Italiens, & le Comte de Sorne Alleman accompagnez de toute la fleur de ses gens de cheual. Et avec ceste troupe acconsuiue ses gens de pied vn peu après le soleil leué assez pres de la ville de Marseille, en vne combe qui s'estendoit iusques à la plage de la marine.

EN celle combe il fist arrester ses gens , & prenant seulement ledit Marquis avecques luy , & vn bon nombre d'arquebusiers marcha en personne pour recognoistre la ville, tenât tousiours les chemins creux, & les voyes obliques, pour n'estre descouuert de ceux de dedans, iusques à ce qu'il arriva pres de la ville à vn iect de canon, où il se tint couuert d'une masure de maisons n'agueres abatues. Et de là il fist passer ledit Marquis outre la masure avecques gens choisis arquebusiers, pour recognoistre de pres vn endroit qu'on luy auoit dict estre propice & opportun à y planter l'artillerie, & sur le costé qu'on tenoit la ville plus foible & moins defensable. Ledit Marquis en regardant l'assiete du lieu, apperceut en vn mesme temps, & que la ville auoit esté diligemment reparee en cest endroit, & que luy auoit esté descouuert de ceux qui faisoient le guet sur les rempars, & que desia estoient sortis gens de la ville, qui auoyent prins le chemin hault, afin de le venir enclorre par derriere. La cause de sa descouuerture fut telle: les cheuaux que l'Empereur auoit laissez en la combe, dont i'ay dessus parlés, commencerēt fort à hannir, & tant que la combe enclose de môtagnes d'une part, & de la mer d'autre, en retentissoit en sorte que le vent en apportoit le bruit iusques dedans la ville. Qui fut en cause q̃ ceux qui estoient de guet sur les murailles furent d'autant plus ententifs à regarder autour des masures & chemins creux, autant que leur veüe pouuoit estendre, & regardant ainsi curieusement ils descourirent ledit

Marquis, & le voyans pres & à peu de compagnie auoyent mis lesdits arquebusiers dehors en assez bon nombre, tendans à l'enclorre s'il n'auoit autre suite que ce qu'ils en descouroyent, & pour estre au besoing assez forts, au cas qu'ils trouuassent autres gens en embusche parmy les destours & chemins croisans entre les collines. Le Marquis voyant qu'il estoit descouuert se retira par autre chemin qu'il n'estoit venu vers la masure dont il estoit party, & fut en cause que ceux du guet apperceurent que derriere icelle y auoit encores gens: & pourcé firent. ils encores saillir gens de renfort, & adressans à cest endroi& la bouche de quelques canons y mirent incontinent le feu, & firent vn exploict à cause des pierres que les coups de canó escarterent en donnant contre ladite masure, qu'il y eust des gens beaucoup & morts & blesez. L'Empereur en toute diligence se retira plus loing de la ville & hors de la portee du canon, en vne vallee qui estoit couuerte entierement d'un grand & large rocher, duquel sortoit vne fontaine d'eau viue, aupres de laquelle il fit vn léger repas. Et puis apres auoir communiqué sa deliberation avecques les principaux des capitaines estans avecques luy, il ordonna le Duc d'Albe, & le Comte de Sorne pour demourer és environs de Marseille, monstrant contenance de la vouloir assieger, & ledit Marquis du Guast avec le nombre de douze cens chevaux, & le capitaine Paule Saxe avec six enseignes de gens de pied, pour aller recognoistre la ville d'Arles: & s'il luy sembloit qu'elle fust pour estre facilement emportee d'assault, le faire à sauoir aux dessusdits Duc d'Albe & Comte de Sorne, à ce qu'ils se vinssent ioindre à eux, cependant q' luy en personne y viendroit avecques toute sa force. Leur donnant charge toutesfois au cas que ladite ville leur semblast estre en telle defense, qu'elle fust pour y amuser long temps son camp, eux en ce cas se retirassent avec

avec lesdits d'Albe & de Sorne deuant Marseille, iusques à ce qu'ils eussent de luy autres nouuelles.

Ces choses ainsi ordonnees, l'Empereur se retira en son camp par le mesme chemin qu'il estoit venu. Nos gens que ie vous ay dit estre sortis hors de Marseille (ainsi que les ennemis soudainement estonnez à cause des coups de canô qui auoyent donné dedans la susdite masure, se retiroyët hors de batterie espars en diuers lieux, selô q̄ chacuns s'estoit trouuë à propos de se retirer en lieu de sauueté, & côm̄e gēs, q̄ n'auoyent pas bõne cognoissance ne du pays, ne des chemins) en surprindrent & prindrent aucuns, lesquels ilsemmerent au seigneur de Barbezieux lieutenant du Roy, & aux autres capitaines estans en ladite ville de Marseille. Par iceux prisonniers entendirent lesdits capitaines comme L'Empereur estoit en personne avecques peu de compaignie derriere ladite masure alors que les coups de canon y furent tirez, ayant en teste vne salade bourguignonne avecques vn pennage de violet blanc & orengé, & sur son harnois vestu d'vn saye de damas blanc. Ceste nouuelle ouye ne faut demanders'il y eust prou de gens qui furent d'aduis de faire sur luy vne saillie, & que la cõsequence de prendre ou tuer vn Empereur en quoy gisoit toute la vietoire, n'estoit si petite qu'elle ne valust biē le hazard de perdre quelques gens au pis aller. Les autres auxquels plaisoyent moins les choses precipitees & de hazard, estoient d'aduis de ne point desgarnir la ville: estimans bien que l'Empereur ne seroit venu si pres sans auoir telle troupe à sa queue, qu'elle seroit bien suffisante à vn besoin de combattre toute la garnison de Marseille, & que parauanture faisoit-il marcher toute son armee apres luy. Et de le penser ainsi leur donnoient deux choses grande occasion: l'vne, qu'à ceux qui faisoient le guet, il sembloit à voir, de voir assez loin de la ville (c'estoit en la valee où l'Empe-

reur auoit laissé ses gens ) entreliure du harnois à la  
 reuerberation du soleil qui donnoit dessus: l'autre, que  
 les prisonniers disoyent n'auoir riens sceu quand ils  
 partirent du camp, ne quelle part on les conduisoit, ne  
 que l'Empereur deult venir les acconsuivre. Et à ceste  
 cause il leur sembloit bien à craindre que si on met-  
 toit grosse troupe de gens hors de la ville, & que l'es-  
 carmouche attachee suruinssent les ennemis mis avecques  
 trop grande puissance, ceux de la ville fussent cōtrains  
 de laisser à leur visage hacher leurs gens en pieces, ou  
 s'ils se mettoient à les soustenir ils fussent repoussez,  
 de sorte que les ennemis parauanture entrassent pesse-  
 melle avecques eux dedans la ville. Les autres en ceste  
 disputation choisirēt vne voye moyēne, qui fut de re-  
 tirer ceux qui estoient sortis sans les souffrir marcher  
 plus auant, de peur qu'ils ne s'embatissent en quelque  
 embusche, & au lieu d'iceux en enuoyer d'autres tous  
 frais sur des fregattes & barques de pescheurs, lesquels  
 allassent terre à terre costoyant la plage hors de la  
 veuë de l'ennemy, iusques à ce qu'ils eussent gaigné le  
 dessus de l'endroit où il leur sembloit auoir veu en-  
 treliure du harnois. Et qu'arrivant là s'ils voyoyent  
 qu'il y eust gens & cognoissoient que par eux ils n'euf-  
 sent point esté descouuers, ils prinsissent terre, & tour-  
 noyassent la combe respondant à la plage, tant qu'ils  
 vinsissent parmy les guarrigues donner alarme ausdits  
 ennemis, & missent peine en monstrant contenance  
 de se vouloir en combattant retirer, de attirer lesdits  
 ennemis iusques au droit d'une certaine plage qu'on  
 leur designeroit, en laquelle on enuoyeroit quelques  
 galeres qui temporiseroient iusques à ce qu'ils vis-  
 sent leur poinct, & le voyant à propos, descharge-  
 roient l'artillerie à trauers eux à l'improuiste. Faisans  
 leur compte, qu'ainsi aduenant, il ne se pouuoit faire  
 que sans danger de recevoir honte ne dommage, ils  
 ne fissent grosse tuerie, & pourroient estre (comme sou-  
 uent



uent tombent les hazards aussi tost sur les grans que sur les petits) l'Empereur mesmes, ou quelques autres gros personnages se trouueroient au droict de la male-aventure.

C E S T E opinion fut suiuite & mise à execution: mais l'Empereur estoit desia party. Noz gens quand ils furent mis à terre ainsi qu'il auoit esté aduisé, firēt vn long circuit parmy les Myrtes, Lentisques, & autres tels arbuſtes dont le pays est si grandement couuert, & puis se laisserent voir de loin comme si ce fussent gens qui vinſſent d'une autre part qu'ils ne venoyent. Le Duc d'Albe si tost qu'il les apperceut, enuoya quelques cheuaux legers au deuant, auxquels il donna charge d'en approcher si pres qu'ils peussent eſtimer le nombre qu'ils pouuoient eſtre, & luy en mander nouuelles incontinant. Lesdits cheuaux legers arriuez qu'ils furent, & qu'ils veirent les nostres eſtre si peu, enuoyerēt promptement en aduertir ledit Seigneur Duc, & eux ce pendāt pour les amuser qu'ils ne se retirassent, & en esperance de les attirer en lieu qu'il ne s'en sauuaſt vn pour en porter la nouuelle, les commencerent à vouloir charger. Et les nostres qui estoient tous arquebuſiers deſchargeans contre eux leurs arquebuſes monſtrerēt contenance de les craindre bien peu, qui estoit ce que lesdits cheuaux legiers deſiroient le plus, car ils tendoyent ſeulement à fin d'amuser les nostres tāt que la groſſe troupe des leurs arriuaſt, & les nostres en cas pareil tendoyēt à fin d'attirer ladite groſſe troupe des ennemis, laq̃lle ne tarda gueres à ſe deſcouriſſe. Et lors les nostres comme si ce leur euſt esté choſe inopinée, firēt ſemblant de ſ'eſtonner, & reculerēt touſiours ſans ſe mettre en fuite abandonnée, tāt que les ennemis fuſſent à l'en droit q̃ eux auoyent charge de les attirer: & lors ils tournerēt ſoudainemēt le doz, & ſe ſauuerēt parmy lesdits arbuſtes. Et ſur ce poinct comencerent coups de canon de tirer

à furie de nos galeres parmy la plage qui estoit descouuerte au beau milieu des ennemis, & leur firent en peu d'heure vn tel dommage, que les corps des vns, les bras & iambes des autres estendus sur la place, la lamentation des mourans, la consternation & desolation des fuians, estonnerent tant ceux qui estoient sains & entiers, qu'ils ne tascherent tous sinon à euitter le danger, auant qu'en faire l'esprouue. Leur fuite fut soudaine & pleine d'espouuement, mais il aduint vne chose qui la leur creust encores grandement: car nos gens qui s'estoyent retirez parmy les arbuistes & garrigues chargerent si furieusement sur les fuyans, qu'ils furēt cause de les mettre en opinion qu'ils fussent auantcoureurs de l'auantgarde de nostre camp, lequel sur les nouuelles du deslogement de l'Empereur, se fust aussi deslogé d'Auignon, en intention de presenter la bataille. Le mieux qu'ils sceurent faire fut de se rallier & retirer ensemble plus à l'escart & loing de la marine en vne vallee ceinte à l'entour de rochers & collines, esquelles ils assirent leur guet pour veoir si aucun viendroit sur eux. Là fit le Duc d'Albe reueuë de ses gens, & trouua en auoir beaucoup perdu, & mesmement de gens de nom, entre les autres le Comte de Sorne, & vn autre capitaine Alleman son parent prochain, lesquels furent de tous moult regrettez. Les nostres se retirerent à Marseille auecques bien peu de perte. Es mains des ennemis en tomba vn en vie, qui fut amené prisonnier au Duc, lequel entendit par luy tout le discours de ceste entreprise, & sceut qu'il n'estoit nouuelle que le camp du Roy fast deslogé. Le Duc & les autres capitaines en vengeance de la perte qu'ils auoyent faicte de gens de bien, firent cruellement tirer ledit prisonnier à quatre cheuaux, sous couleur qu'il estoit Italien, & auoit esté n'agueres à la soulde de l'Empereur, luy mettant à sus par ceste occasion qu'il estoit transfugé

fugé & traistre enuers ledit Seigneur.

Le Seigneur Marquis du Guast, & le capitaine Paul le Saxe auoyent, durant ce temps, continué le chemin qui leur auoit esté ordonné, auoyét trauersé tout le plain de Crau, dict autrement les champs pierreux, sans y auoir trouué rencontre : & à costé dudit plain vers les marais assez pres du pont de Crau s'arrestérét, & prindrent aduis de ce qu'ils auroyent à faire. Le capitaine Paule Saxe demoura audit lieu avecques la troupe : le Marquis avecques seulement trente chevaux vint iusques au pont, & y en laissa vingt à la garde, luy avecques le surplus passa le pôrt, & vint iusques en vn tertre regardant sur la ville, lequel on luy auoit dit estre moult propice (ainsi qu'estoit la verité) pour la tenir en extreme subiection: car y asseant quelques pieces d'artillerie, & faisant batterrie par le costé dont la ceinture ou courtine se venoit encoingner avecques celle qui est au dessous d'icelle montaigne, elles eussent battu par dedans la ville au long d'icelle courtine où seroit faicte la batterrie, en sorte que ceux de dedans ne se fussent osez presenter à soustenir l'assaut. En ceste sorte s'arresta le Marquis, & se tenant derriere deux moulins à vent qui le couuroyent, apperceut clerement qu'il auoit esté pourueu à l'encontre de la commodité qu'il y esperoit trouuer, & luy en cas pareil fut descouuert & apperceu des nostres. Mais tant y a que si l'Empereur, auant que le Sire de Montmorency Lieutenant general du Roy se fust aduisé de faire fortifier ladite ville, y fust venu droit ainsi qu'il auoit deliberé, sans point de faute il n'eust trouué aucune resistance, qu'il ne s'en fust saisi facilement, & de là il eust eu le passage du Rhosne à son cōmandement & à son choix, de nous assaillir ou en Prouence, ou en Languedoc, ainsi que le temps luy eust mieux presenté l'occasion d'entreprendre ou l'un ou l'autre. Mais en peu de temps elle fut en telle reparation, au moyen

Estat de la  
ville d'Arles

de la sollicitation qu'en fit ledit lieutenant general, & de la diligence dont les capitaines, & de l'assidu travail dont les soldats, & du deuoir dont les habitans en vserent, si qu'au trefsieme iour elle estoit en la plus grande assurance du costé dont treze iours auparavant elle estoit la plus doutable & moins en estat de defendre.

**LADITE** ville d'Arles siet sur le Rhosne à l'endroit de la poincte où il se fend en deux, & allât par deux bouches se descharger en la mer, encloist de ses deux bras vne Isle triâgulaire nommee la Camarolle. Le premier iour d'Aoust y entrerēt les seigneurs Iean Carracciol Neapolitain Prince de Melphe, & Stephe Colonne Romain, avecques pouuoir egal ensemble de lieutenant du Roy en ladite ville. Ledit iour y entra messire Antoine d'Ancienuille seigneur de Villiers aux corneilles, commissaire de l'artillerie, avecques douze pieces d'artillerie, que grosses que moyēnes, & deux cens cinquante pionniers ordonnez au seruice d'icelles pieces. Le lendemain y arriua le capitaine Bonneual avec sa compagnie de cinquante hommes d'armes de celle du seigneur de Boisy, lesquels menoit le seigneur de Montreul-Bonnyn son lieutenant. Ledit Bonneual estant ordonné avecques le Comte de Tende à faire le deguast ainsi qu'il a esté dit cy dessus, auoit receu lettres du seigneur de Montmorency lieutenant general dessusdit du Roy: par lesquelles luy estant mādē se retirer en ladite ville d'Arles: pour estre compagnon à la tuition & garde d'icelle, avec les dessusdits Melse & Colonne, & luy ayant adressé sa compagnie, passa en diligence parmy le camp, afin de plus amplement entendre dudit seigneur lieutenant general, ce qu'il auroit à faire, & quel ordre auoit esté mis à la fortification de ladite ville, laquelle il sauoit auoir esté auparavant tres-mal tenable. Son seiour audit camp fut assez brief: de là passant



ſant à Tarascon où il rencontra ſa compagnie, viſita le chateau dudit lieu, auſſi la place de Beaucaire aſſiſe de l'autre coſté du Rhodane, ainſi que par ledit ſeigneur lieutenant general il luy auoit eſté ordonné, auquel il fit ſauoir ſon aduis de ce qu'il y auoit veu. Suyuant lequel aduis ledit ſeigneur lieutenant general ne voulût obmettre choſe qui fuſt reparable par humaine preuoyance, fit reparer leſdites places, & y mit le ſeigneur de Rabodanges eſchanſon ordinaire, & de ſainct Remy commiſſaire de l'artillerie, avecques le nombre de cinq cens hommes de guerre.

ARRIVE que fut ledit capitaine en Arles, il preſenta ſes lettres & cōmuniqua ſa charge aux deſſuſdits Prince de Melſe & Steſe Colonne, qui auoyēt ia commencé quelques fortificatiōs aux endroits plus debiles. Mais quelque commencement qu'il y euſt, les habitans eſtoient ce nonobſtant hommes & femmes fort eſtōnez, & principalemēt le menu peuple: à cauſe que pluſieurs Dames qui ordinaiemēt y faiſoyēt leur demeure ( ainſi que la couſtume du pays eſt autre qu'elle n'eſt au cœur de Frâce, que les gentilhōmes & gentilles femmes ſe tiennent és villes ) auoyent fait ferrer leur bagage, pour ſe retirer ailleurs, qui dōnoit grand eſpouuement audit menu peuple, & occaſion de craindre que la ville fuſt en apparēt danger de tomber en incōuenient. Mais ledit capitaine Bonneual arriué, d'autāt qu'il eſtoit François, & que les gens de la ville entendoient ſon langage mieux que des autres, auſſi qu'il apportoit aſſurance dudit ſire de Montmorency lieutenant general (auquel auoit tout le pays vne grande fiance ) de ne leur laiſſer auoir faute de choſes quelconques neceſſaires à la garde & deſenſe d'icelle, leſdites Dames ſe rafferurent, & ne deſlogerent point, & dès lors commencerent tous & grands & petits à mettre la main à l'œuure, & ceux qui en auoyent le moyen offroyēt à y employer de leur propre bourse.

En ladite ville estoient alors environ de centtrente hommes d'armes des compaignies dessusnommees: mille hommes de pied Gascons sous la charge de Jean de Foix Comte de Carmain, mille Champenois sous la charge de messire Jean d'Anglure seigneur de Tour, & de trois à quatre cens arquebusiers Italiens: lequel nombre ne sembla aux dessusdits estre suffisant, pour soutenir la continuation des assaux qui pourroyent y estre dōnez par vn camp Imperial. De bleds y auoit bien grande quantité, mais peu de farines, & pas vn moulin, parquoy il fut ordonné de faire iusques à vingtcinq moulins à bras & à cheuaux. De vins y en auoit tres peu, mais le Rhosne estoit à commandemēt pour y en amener, & les chefs de bonne volonté pour à vn besoin boire de l'eau, aussi les soldats, car à la necessité tous breuuages sont bons à qui a volōté de biē faire: toutesfois il fut aduisé d'y en faire amener. Quant aux chairs ils auoyent moyen de recouurer en vn iour dix mille bestes à corne de ladite Isle de la Camorolle, qui estoit vis à vis de la ville, vn bras du Rhosne entre deux. De sel y auoit en abondance, de poudre n'y auoit pas grande quātité, ne d'autres munitions seruantes au faict de l'artillerie.

TOUTES choses ainsi que dessus considerees, fut aduisé que le Prince de Melfe, lequel on pria d'accepter ceste charge, (ce que tresvolontiers il fit pour le seruice du Roy) iroit au camp lez Auignon, pour en aduertir ledit sire de Montmorency, à ce qu'il y enuoyast les choses necessaires & requises à la defense & seureté de ladite ville. Aduint ce pendant que ledit Prince de Melfe fist son voyage, quelque debat entre deux soldats, l'un de la bande d'Anglure, & l'autre Italien: & tellement s'alluma la noise entre eux premierement, & puis apres entre les compaignons de l'un & de l'autre, qu'à la fin presque toute la compaignie s'esmeut & banda contre les Italiens, lesquels estoient par

Esmeute en  
Arles.

par trop petit nombre auprix des Champenois. Telle fut la meslee qu'il en mourut de soixante à octâte que d'une part que de l'autre, & furent lesdits Italiens repoussez iusques dedans le logis du Seigneur Stefe Colonne, auquel ils se retirerent pour estre ledit seigneur de leur langue, & lieutenant du Roy en ladite ville: mais les Champenois estoient desia si eschauffez, que sans aucune consideration du lieu que tenoit ledit seigneur, non seulement ils s'efforcerent d'entrer pesselme avec les Italiens, ains y accoururent à enseigne desployee, comme si c'eust esté contre les ennemis du Roy. Attrainerent vne piece d'artillerie iusques à la porte, les vns prests à la descharger contre icelle, les autres tirans à coups d'arquebuse contre ceux qui se môstroyêt aux fenestres, afin de parlaméter à eux, & appaiser la noise, & en auoyent desia tué trois ou quatre, les autres montans sur les maisons pour les descourir, & y entrer par là. De maniere qu'il estoit apparât d'y arriuer vn gros & lourd incôueniêt pour le seruice du Roy: si ledit capitaine Bonneual, oyant le bruit de ceste esmotion, n'y fust accouru soudainement avec seulement dix ou douze hommes d'armes de sa compagnie, qui se trouuerent à son logis: & à routes les autres fist à sauoir qu'ils le suiuissent montez & armez, luy pour la haste qu'il eut d'y arriuer auant que pis aduint, ayant seulement vne rondelle au poing, & son espee au costé, sans auoir eu le loisir de se couvrir d'autre harnois. Et arriué qu'il fut premierement au lieu de ce tumulte, il fist commandement au seigneur de Villiers qu'il rencontra de retirer l'artillerie, qui luy estoit chose fort difficile, car les susdits mutins l'auoyent attrainee par force & en despit des canonniers. Aussi fist commandement au seigneur d'Anglure, qu'il eust à faire retirer ses gens; mais peu y valut son commandemêt, ne le credit que trouua ledit Anglure avecques ses gens.

Sur ce poinct arriuerent les seigneurs des Broses Lieutenant dudit seigneur de Bonneual, & de Montreul Bounin Lieutenant du seigneur de Boisy avecques leur gendarmerie bien armee, & bien montee, & la lance sur la cuisse, qu'il leur auoit esté ordonné, dõt ledit seigneur de Bonneual en réuoya vingt, auxquels il dōna charge d'aller assembler de logis en logis tous les Italiens qu'ils trouueroyent, pour les mener à vn destour & lieu fort qu'il auoit autrefois choisy derriere l'Eglise qu'on appelle la Maïour, & que sur la vie ils dōnassent ordre qu'ausdits Italiens ne fust fait mal ne desplaisir. Aux autres il commāda de s'arrester apres du logis dudit seigneur Colōne, iusques à ce qu'il leur commandast ce qu'ils auroyent à faire. Et luy avec dix hommes d'armes qu'il fist mettre à pied, se pourmenant à l'entour du logis, trouua moyen de les mettre dedās par vn huis de derriere, leur commādant qu'ils se mōstrassent aux fenestres, afin que les mutins cogneussent q̃ le logis estoit garny de gens. Et luy ce faict, s'en retourna vers iceux mutins, lesquels voyans les hommes d'armes aux fenestres, firent contenance de se vouloir mutiner contre ledit seigneur de Bonneual: mais il leur monstra tel visage, ṽlant de remonstrances & de menasses, & leur faisant entēdre qu'oultre la gendarmerie qu'ils voyoyent à sa queue, estoit desia en armes en la place pour se venir ioindre à luy, la bande du Comte de Carmain, lequel ils fauoient estre son nepueu germain, & qu'il auoit la puissance en main de les faire venir à la raison, qu'à la parfin ils se retirerēt, ioinct qu'ils voyoyēt ledit seigneur de Villiers commissaire de l'artillerie, & d'Anglure leur capitaine rengez avec ledit seigneur de Bonneual, qui grandement s'acquitterent à rapaiser les choses, & auoyent suite d'aucuns de la mesme compagnie, auxquels desplaisoit ceste mutinerie & facon de faire, cōtre vn chetialier de l'ordre & lieutenant du Roy.



LA mutinerie appaisée, le seigneur Colonne enuoya prier ledit seigneur de Bôneual, de s'en venir vers luy à son logis: & arriué qu'il y fut, luy declara qu'atrendu l'outrage qu'il luy auoit esté fait, il n'estoit delibéré de plus demourer en la ville, & le pria tresinstamment de l'en vouloir mettre dehors, & faire accompagner iusques au lieu de seureté. Le seigneur de Bôneual au contraire luy remonstra, qu'ayant ledit seigneur Colonne charge de la ville de par le Roy, & l'Empereur estant ia si pres qu'au plain d'Auillanne au dessoubs d'Aix, il n'en deuoit ainsi desloger, ains faire à sauoir au Roy, ou à monseigneur le grand Maistre Lieutenant general du Roy comment les choses estoient passées: à ce qu'on luy ostast & chastiaist lesdits mutins: & qu'en leur lieu on luy enuoyast d'autres gēs plus obeissans & de meilleur seruice, & attendant la response du Roy, il ne deuoit; ne pouuoit riens craindre: car encores estoit la force entre les bōs obeissans, & sur ce luy offroit de venir luy-mesmes coucher audit logis avecques luy, & de faire que toute la gendarmerie avecques la moitié des bandes du Comte de Carmain feroient le guet toute la nuit, afin qu'il n'y aduinist pouueau desordre. Mais quelques remonstrances qu'il sceust faire, ledit seigneur Colonne (craignāt que ceste premiere picque en engēdrast encores quelque autre, dont le seruice du Roy se portast pis, & luy receust honte & reproche, alleguāt aussi qu'il ne laissoit la ville sans chef, y estant ledit seigneur de Bôneual, qui pour estre de la langue pourroit plustost que luy tirer obeissance des gens mesmes qui auoyent fait ceste esmotion, s'il aduenoit que l'Empereur approchast auant qu'on en y eust enuoyé d'autres) persēuera en son opinion de se retirer au camp, ou vers le Roy, & tant insista que ledit seigneur de Bôneual y assentit. Et pour-ce fist-il monter à cheual iusques à trente hommes d'armes des siens, dont il en

ordonna dix à marcher deuant, & apres eux les gens dudit seigneur Colonne, & puis eux-mesmes avecques dix autres hommes d'armes en leur compagnie, & les autres dix derriere: tât qu'ils arriuerent au port de Trinquetaille, auquel passa ledit seigneur Colonne, & prenant congé dudit Bonneual, luy recommanda & pria de mettre en pareille seureté ce peu de soldats Italiens qu'il auoit laissez en la ville: ce qu'il fist avecques le mesme ordre dessusdit: & audit port de Trinquetaille leur fist deliurer des viures iusques au lendemain. Ce fait il commanda tres-expressément audit d'Anglure qu'il fist chercher parmy ses bandes, & qu'il luy representast les principaux auteurs de l'esmotion: & cependant que ledit Anglure en fit la diligence, lequel estoit de sa personne gentil compagnon & de bonne volonté, mais tres-mal accompagné de gens, il fist vne depesche à monseigneur le grand maistre lieutenant general du Roy, l'aduertissant de ce qui estoit aduenu, & le priât d'envoyer homme d'autorité, pour entendre comment les choses estoient passees. Ledit seigneur grand maistre y renuoya incontinent le Prince de Melpe, & avecques luy messire Poton Raffin seneschal d'Agenois & l'un des capitaines de ses gardes, & apres eux enuoya bon equipage d'artillerie, & d'autres choses necessaires: car outre ce qu'il estoit generalement ententif à pourueoir, & faire toutes choses qui pourroyent apporter nuisance, empeschement, ou retardement à l'ennemy, & qu'il sauoit quel auantage seroit audit ennemy de se pouuoir saisir de ladite ville, il auoit encores particulierement vne singuliere affection à la bien fournir de toutes choses, d'autant que luy presque seul & contre l'opinion de plusieurs, auoit esté d'aduis de la fortifier: & à ceste cause si mal en fust aduenu, on luy eust peu mettre en auât, qu'il eust esté meilleur & plus expediât de la laisser ouuerte & desemparee à l'ennemy,

que

que la fortifiant insuffisamment, donner audit ennemy l'honneur de l'auoir prise d'affault, à la grâde augmentation de la gloire & reputation de ses forces, & diminution du cœur & de l'esperance des nostres. Ledit seigneur d'Anglure deliura és mains du seigneur de Bonneual deux des mutins de ses bandes, dont l'un se disoit estre gentilhomme: lesquels furent executez, & pèdus aux gouttieres de la maison de la ville &, furent ses bandes renuoyees au camp, luy demoura en la ville fort malade.

SEs bandes arriuees au camp, furent publicquement & en signe d'ignominie leurs enseignes ostees & desarborees, tous les mutins declarez indignes & inhabiles à iamais de prédre sould au seruice du Roy: & en leur lieu furent enuoyez deux mille hommes, dont estoit chef & Colonnell messire Louys de Luxembourg Comte de Rouffi: lequel toutesfois & vn sien frere nommé Iean de Luxembourg seigneur de Chistelle furent tost apres contremâdez par ledit seigneur lieutenant du Roy, pour les tenir pres de sa personne, laissant mille homes de leurs gens, dont le seigneur de Marieu de Dauphiné auoit la charge de cinq cens, & le seigneur de la Goutte de Bourbonnois les autres: & furent enuoyez au lieu des mille q̃ ledit de Luxembourg amenoit, cinq cens hommes que conduisoit le seigneur du palais de la Comté de Foix, & cinq cēs autres que conduisoit le Baron de Rixou du pays de Languedoc.

LES reparations cependant se continuoyent, en sorte que du costé qui plus estoit à craindre auparavant, il y eut des le trefsieme iour moins de danger qu'en tous les autres: & y auoit ia six grans bouleuers, & platteformes en defense. Puis fut l'artillerie assise sur iceux bouleuers, & és autres lieux, où l'on iugea qu'elle feroit meilleur seruice dedans la ville à vn ancien theatre di& les Arennes, lequel regarde merueil-

leusement bien & à propos le tertre & hault lieu dont nous auons cy deuant parlé, de sorte que gens en troupe ne s'y pouuoient aucunement tenir à couuert. Sur ce theatre fut aduisé de mettre deux pieces d'artillerie, en lieu qu'elles pouuoient battre de toutes parts à l'enuiron.

TOUTES ces fortifications voyoit le Seigneur Marquis du Guast dudit hault lieu où il s'estoit embusché derriere les moulins à vent ainsi que i'ay dit cy dessus, & bien iugeoit à l'œil, qu'il auoit esté suffisamment remedié contre toutes les incommoditez qu'il auoit esperé trouuer au siege & batterie de la ville: mais tost apres il eut moyen (& nō sans danger de sa vie) d'en iuger par experience, nō q̃ de l'œil: car il fut descouuert des nostres, & fut incontīnāt par ledit seneschal Dagenois, lequel se pourmenoit avecques ledit seigneur de Bōneual, mōstré au seigneur de Villiers commissaire tres-diligēt & tres-experimēté au faict de l'artillerie, lequel promptement adressa si à propos deuers le lieu où estoit ledit Marquis les deux pieces estans sur le theatre des Arennes, que si le Marquis voyant mettre le feu ne se fust tiré à costé, il n'eust failly d'arriuer à la fin de sa vie. Les boullerts qui tomberent pres de luy & firent iaillir la terre à l'entour effraycrent tellement le cheual sur lequel il estoit mōté, qui de fortune en auoit esté atteint, qu'il retourna la teste vers le chemin dont il estoit venu, & n'en sceut le Marquis estre maistre qu'il n'arriuaist au pont où il auoit laissé les vingt cheuaux de garde. Et de là se retira reconduisant ses gens plus viste qu'il n'estoit venu, car il entendit le bruit de l'alarme qui se donnoit en la ville, & craignoit d'estre surpris auant qu'arriuer au lieu où il auoit laissé sa troupe, qui estoit derriere le dessusdit lieu hault, tirāt vers les marais, hors de veüe & descouuerture de la ville: & auquel on pouuoit loger iusques au nombre de cinq  
à six



à six mille hommes. Qui auoit esté la cause qu'on craignoit ledit hault lieu regardant en la ville: car quand il n'y eust eu autre inconuenient, sinon que dudit regard en la ville, & de l'artillerie qui dudit hault lieu eust peu (si on n'y eust réparé) battre par dedans au long de la courtine, pour empescher qu'on se vinst presenter à defendre l'assault, & il n'y eust eu place pour loger à couuert gens pour defendre l'artillerie, que ceux de dedans ne la vinssent gaigner ou pour le moins enclouër, ledit hault lieu n'eust tant esté à craindre. Les seigneurs Prince de Melphe, de Bonneual, & seneschal d'Agenois voulurent bien que l'alarme se donnast chauld dedans la ville, non qu'ils voulussent faire quelque grosse faillie, mais pour esprouuer le cœur des gens qu'ils auoyent lesquels ils trouuerent de si bonne & prompte volonté que dès lors esperance de s'en bien ayder accompagna l'affection qu'ils auoyent de ce faire. Les murailles furent incotinât garnies, & de chacune bade le nombre ordonné, & au lieu qui leur estoit ordonné de se rendre en cas d'alarme, les enseignes aussi aux lieux qui leur estoient ordonnez, & toutes si bien accompagnées, qu'il ne sembloit point que ceux qui estoient sur les murailles y fissent faute, & ne parloit-on sinon de iortir hors à toute force. Mais les chefs qui auoyent souuent nouuelles du camp des ennemis, & mesmement par vn religieux de l'ordre de saint François, que ledit seigneur de Bonneual y entretenoit, & par lequel ils auoyent eues nouuelles, que l'Empereur menassoit fort de venir en Arles, ne les voulurent laisser saillir, craignans q̃ le cāp Imperial fust à la queue: loüerēt toutesfois leur bonne volonté, & les priant de là entretenir, & d'en reseruer l'execution au temps que les chefs iugeroyent estre opportun, & leur commanderoyent de ce faire. Mirēt seulemēt dix hōmes d'armes dehors ausquels il

fut commadé d'aller en auant iusques à ce qu'ils sceussent quelle suite pouuoient auoir eue ceux qui auoyent esté descouuers de la ville, & quelle pourroit estre l'intention des ennemis. Lesdits hommes d'armes allerent fort auant sans trouuer à qui parler: biē virent-ils le pistis des cheuaux en la vallee où ils auoyent esté embuschez au long des marais, & le train de la retraitte tant d'eux, que des gens de pied: mais ils s'en estoient allez plus viste qu'ils n'estoient venus, de sorte que leur diligence les osta de veue & de cognoissance des nostres. Deux paysans furent trouuez dedans des brandes ou guarrigues, qui là s'estoyēt mussiez de peur. Par eux entendirent noz gens & vindrent faire le rapport, que lesdits ennemis s'estoyent retirez auecques la grosse troupe, & auoyent tous ensemble passé au long d'un lieu qui s'appelle saint Martin, à plus d'une grande lieue de la ville, tendant au chemin de Marseille.

Ce temps pendant arriuerent les viures, artillerie, & autres munitions qui deuoyēt suiure les Prince de Melphe & seneschal d'Aginois, entre autres choses de dix ou douze batteaux de vin, qui estoit quant aux viures ce dōt ils auoyēt plus de besoin: & de poudres pour artillerie & harquebute, ensemble des matieres requises à faire lances, pots, & grenades, dont ils firēt faire grande quantité par vn canonnier habitant de la ville, compagnon expert à ce mestier, & lequel auoit esté au seruice de la religion de Rhodes. En ce temps arriuerent quelques galeres de l'Empereur au deuāt de la tour de bousche de Rhosne, laquelle ils canonnerēt long tēps. Ceux qui estoyēt dedās ne monstrent point contenāce de gēs estōnez, ains se defendirēt tresbien, & donnerent des coups d'artillerie dedans l'une de ses galeres, dont ils firent gros dommage aux ennemis, & à la fin les contrainirēt de se retirer, mais grādemēt ennuyez d'auoir failly en leur entrepri-

treprise: car ils auoyēt deliberé s'ils la pouuoyēt prendre, de faire là endroit vn pont pour passer en Languedoc, en esperance de se saisir de plusieurs bonnes & riches villes du pays, mais mal garnies de gens de guerre, & encores pis fortifiées. Et pour crainte qu'ils ne vinssent au dessus de leur entreprise d'icelle tour, auoit le Roy ordonné quelques gens pour mettre és villes de Nymes, Bessiers, & autres, & moyen de commencer à y reparer, outre les gens que le seigneur de Champdenier auoit parauant leuez ou commandez estre prests au besoin en tout le gouuernement dudit Languedoc: lesquels seruirent bien vn temps apres, mais pour le present n'en fut mestier: dont le Roy se contenta grandement du capitaine qui auoit la charge de ladite tour: lequel outre ce qu'il estoit gentil compagnon & seruiteur affectionné, s'efforçoit encores de faire seruice, de tant plus qu'il auoit en sa ieunesse fait quelque coup en vne querelle & debat, dont il taschoit effacer la coulpe & memoire par son bien faire, ainsi qu'il fit, car en recognoissance de ce seruice, le Roy luy pardonna son mal-talent: & a depuis eu ledit compagnon nommé Viconte, charge de cinq cens hommes de pied au seruice dudit Seigneur.

PRE de temps apres aduint autre mutinerie d'aussi mauuaise & dangereuse consequence que la premiere, & fut la cause & commencement en ceste maniere. Deux compagnons de la bande du capitaine Arzac de la Besse, natif d'aupres de Bordeaux en la basse Gascongne, lequel auoit cinq cens hommes sous la charge du Comte de Carmain, estans vn iour à leur guet, veirent passer deux viuadiers qui menoyent des moutons aux champs, & soudainement descendirent de la muraille par les eschelles qui tous les iours s'y dressoyent aux matins, & aux soirs se retiroyent, pour cause des gens qui y besongnoyent pour la fortification de la ville: & par force prindrent cinq ou six

moutons desdits viuandiers, lesquels en vindrent faire la plainte au Comte de Carmain, par ce qu'ils estoient de ses bandes, luy requerant de leur en faire la raison. A quoy faire il ne fut aucunement refusant, mais fit incontinent prendre les delinquans, & mettre entre les mains des dessusdits Prince de Melphe & seigneur de Bonneual, qui les firēt mener en la prison de la ville. Bien tost apres ledit Arzac vint au logis du seigneur de Bonneual, le supplier de luy vouloir rendre lesdits compagnons, & que ceste faute leur fust pardonnee: lequel fit response qu'il en parleroit au Prince de Melphe: car de soy-mesme il ne le vouloit ne deuoit faire, attendue l'importance & consequence d'un tel cas, qui ne pouuoit estre finō de mauuais exemple, pour deux raisons: l'une d'auoir abandonné son guet pour aller au pillage, & par dessus les murs de la ville: l'autre, pource que si iustice n'auoit lieu contre ceux qui destroussent les viuandiers, c'estoit pour mettre la ville en neccessité, mesmement l'Empereur estant si pres comme il estoit. Ledit Arzac repliqua ce que bon luy sembla, & entre autres choses, que si lesdits compagnons n'estoyent rendus, il y auoit beaucoup de gens es bandes qui ne le trouueroient pas bon. A quoy le seigneur de Bonneual respondit en luy commandant de par le Roy, qu'il eust luy-mesme à mettre hors la ville tous ceux de sa bande qui ne trouueroient bon que iustice fust faite des infracteurs de la discipline militaire, & des statuts & ordonnances de la guerre. Et à ce ledit Arzac ne fit aucune response, mais sortit hors avecques visage & contenance d'homme non content & marry. Aduint le soir apres soupper, qu'estans lesdits seigneurs Prince de Melphe & de Bonneual hors la ville où ils asseoient un guet d'iniquité, les compagnons de guerre qu'ils auoyent accoustumé d'y asseoir, espandus en diuers lieux, pour obuier à toutes occasions de surprise,



prise, la bande dudit Arzac qui estoit de cinq cens hommes se mutina, & commençant à crier Gascongne pour esmouoir les autres de la mesme nation, coururent droit à la maison de la ville, mettans peine & diligence de briser les portes, & de forcer si peu de garde qui estoit dedans: & à ce qu'aucun ne vinst à la secourir, garnirent de picquiers & arquebusiers tous les coings d'une petite place qui estoit deuant ladite maison. Le bruit de ce desordre vint aux oreilles du Comte de Carmain, lequel pour estre leur Colonel y vint promptement, & se mit au deuant d'eux l'espee en la main, faisant ce que possible luy fut pour appaiser la mutinerie, & faire retirer chacun en son logis: mais peu valurent ses remonstrances, ains il faillit deux ou trois fois à estre tué. Les dessusdits Prince de Melphe & seigneur de Bonneuil aduertis de ceste esmotion, y arriuerent aussi en diligence, mais ne peurent iamais y arriuer à temps, que desia la maison de la ville ne fust forcee, tous les registres & papiers bruslez, & lesdits compagnons de guerre, ensemble tous les autres prisonniers qui s'y trouuerent pleinement mis en liberté.

P O U R ce soir ne furent d'aduis les chefs d'en faire autre demonstration, pour doute qu'en faisant chercher les delinquans il aduinist autre incôuenient, comme pillage de maisons, ou forçement de femmes, & telles choses que commettent folles gens de mauuaise volonté, quand ils ont couleur d'aller cherchant par les maisons de nuict, qui (comme dit le prouerbe commun) n'a point de honte: mais aduiserent que cependant ledit seigneur de Bonneuil feroit venir à luy tous les capitaines des autres bandes vn à vn, à ce qu'ils gagnassent les principaux des compagnons chacun de sa bande, pour tenir main & auoir raison des auteurs de ceste mutinerie, leur remonstrant combien telles façons de faire estoient hors des limites de

raison, & quel detrimēt seroit enuers le Roy à tous les gens de guerre de la nation Françoisē, que telles esmotions aduinssent souuent par eux, & que ce seroit occasion audit Seigneur de prendre à son seruice gens d'estrangeres nations, & de plus ne se seruir de ceux de la sienne. Et tant vſa ledit de Bonneual de remonstrances avecques authorité, que tous luy promirent tenir la main à faire iustice des malfaiçteurs, iusques à faire mettre en pieces tous ceux qui oseroyent y contredire. Au lendemain au matin les dessusdits de Melphe & de Bonneual apres auoir communiqué ensemble, feirent venir à eux le Comte de Carmain, auquel ils ordonnerent faire sonner le tabourin, & mettre ses enseignes aux chāps, apprestier ses bâdes pour les conduire au camp lez Auignon: car ils n'estoyent deliberez de tenir gens ainsi mutins à vne ville de telle importance, & où ils attendoient le siege de iour à autre: toutes remonstrances cessans & apres toutes resistances furent lesdites bandes contraintes de sortir hors par le port de Cran. Par la porte du costé de Tarascon feirent lesdits de Melphe & de Bonneual sortir la gédarmerie à cheual, ensemble deux mille hommes de pied des autres bandes, & trois ou quatre cens du pays, que conduisoit le seigneur d'Eguieres habitant en ladite ville. Ce faict ils commanderent audit Comte de faire mettre ses deux enseignes chacune à part, pour voir (ainsi qu'ils dirent) quel nombre de gens il y auoit en chacune: & lors ils appellerēt à eux ledit Arzac capitaine de celle des deux bandes qui auoit faict l'esmotion, luy commanderent de leur amener les principaux mutins de sadite bande. Lequel Arzac leur amena deux pauures compagnons qu'il disoit estre ceux-la. Mais pource ne se tindrent lesdits chefs satisfaits, luy commandant qu'il en amenast encores d'autres & de plus apparens, car ils les vouloyēt faire pēdre en presence des autres troupes. A quoy respondit

spondit ledit Arzac, que qui vouldroit pendre tous ceux qui en estoient coupables, il ne faudroit aucun en excepter. Si furent lesdits compagnons deliurez au Preuost, qui les fit pendre en la presence de toutes lesdites troupes, lesquelles firent bon visage, disans toutes à vne voix, que telle & plus rigoureuse punition meritoient gens mutins & desobeissans, & indignes de se trouuer en bonne compagnie. Et lors fut audit Arzac son enseigne ostee, & luy & sa bande chassiez de la compagnie, lesquels passerent au long des bandes sans tabourin: & leur fut commadé se retirer au camp vers ledit seigneur de Montmorency lieutenant general du Roy, auquel ils remirent ou de leur vser de grace, ou d'executer le surplus de la punition qu'ils auoyent deseruie: & represta le Comte de Carmain audit Arzac son enseigne pour aller iusques au camp, à condition qu'il ne la peust par apres desployer sans la permission dudit seigneur lieutenant general du Roy: mais le capitaine print autre chemin, & ne fust possible de le rencontrer, quelque diligence qu'on en fist: car ledit seigneur lieutenant general auoit deliberé de s'en prendre à luy-mesme, & non aux compagnons, lesquels aussi se departirent & esquarterent par chemins diuers les vns des autres: & depuis ceste demonstration faicte, ne fut en ladite ville d'Arles nouvelle d'aucun mal-faict, desobeissance, ne mutinement. Si laisseray à tant ce propos, & retourneray au Roy, & aux nouvelles qui luy vindrent à Valence de l'arriuee (dont cy dessus a esté parlé) de l'Empereur deuant Marseille.

C E S T E nouvelle (encores que tost apres ensuiuit celle du retour, & du peu d'esperance que l'Empereur auoit remportee de sadite venue à Marseille) fut toutesfois en si peu d'heures espandue, voire augmentee parmy la court, de sorte que non seulement on deuisoit & de sa dessusdite venue, & des approches

Partement  
de Monseigneur le  
Dauphin de la  
Court pour  
arriuer au  
camp.

desia faites deuant la ville, mais que dedàs huit iours il deuoit venir nous assaillir en nostre fort : & arriua ce commun bruit du populaire iusques aux grans , & non point comme chose qu'on craignist ne doutast, auquel cas on va seulement deuifans les vns aux autres en crainte & en l'oreille , mais à haute voix & publiquement , comme de chose desirée , & de laquelle on esperoit bonne & heureuse yssue. Ne fait icy à demander, si Monseigneur Henry nouveau Dauphin & Duc de Bretagne, lequel estoit aupres de la personne du Roy son Seigneur & pere , eut en la teste de grans partis incontinent ceste nouuelle oye , ne s'il fut bien empressant à entour de ceux qu'il sauoit auoir enuers ledit Seigneur plus grād & plus fauorable aceez, pour luy aider & tenir main à impetrer son cōgé d'aller au camp. Et fut si grande son affection & ardeur à ceste entreprise, que pour la peur qu'il auoit de n'y arriuer à temps, il faisoit l'Empereur au double plus entreprenant & prompt de nous venir assaillir , que l'yssue & l'effect ne le monstrent : tant y a que tous les deuis & propos de luy avecques ses familiers n'estoyent iamais autres que de ceste affaire. Et s'il aduenoit (disoit-il entr'eux) que de male aduanture l'Empereur y arriuaist plus tost que luy en sorte que luy ne fust assez à temps pour le recueillir , quelle esperance pourroit estre la sienne de recouurer iamais occasion d'apprendre la guerre , ne de faire preuue de sa personne en si iuste & honorable querelle, ne contre si digne & sortable ennemy , au degre auquel il auoit pleu à Dieu le constituer? Qu'en la querelle & defense de la patrie, & pour en repousser vn aggresseur, & contre vn Empereur au parauant & tant de fois victorieux , & par apparence de l'appareil que nous auions , & du bon droit que nous soustenions expose maintenant à estre vaincu, & quoy que soit tel ennemy qu'en rapportât victoire de luy, elle ne pouuoit estre sinon l'une des plus



plus honorables & triumpantes qui fust oncques rap-  
portee d'homme : estant vaincu en bien combattant,  
on ne pouuoit auecques la perte en rapporter honte.  
Telles estoient ses considerations & remonstrances:  
& desquelles toutesfois ne se promettant assez breue  
expedition, par le seul credit de ceux qui lors estoient  
au tour du Roy, ainsi que riens n'est assez prompt à  
qui ardemment desirer & attendre, il y voulut adiouter  
tous autres moyens, & enuoya message sur message  
iusques au camp deuers le sire de Môtmorency Lieu-  
tenant general dessusdit, duquel il eut lettres au Roy,  
& homme portant parolles à ceste fin, telles que luy  
voulut les souhaicter. Le Roy qui en effect auoit plai-  
sir de recognoistre en son fils pareille ardeur & affe-  
ction au faict des armes & à faire actes de vertu, com-  
me il les auoit lors qu'il estoit en l'aage que mainte-  
nant il voyoit estre son fils, tant plus il approuuoit en  
soy-mesme ceste sienne bonne & prompte volonté,  
tant plus se rendit difficile à luy accorder sa requeste,  
voulant par ce simulé reffus luy enflamber dauantage  
le cœur ia embrasé d'honesteté, desir, & affection d'a-  
querir gloire & honneur en sa premiere ieunesse. A la  
parfin il se laissa vaincre de prieres, ou pour mieux di-  
re, saignant de se laisser vaincre, luy accorda comme  
demy enuis la chose que plus il desiroit. Desia voyoit  
il ses forces viues & prestes, & telles qu'il luy sembloit  
(sans encourir blasme de temerité) pouuoir assem-  
bler desormais auecques son ennemy, & mettre à exe-  
cution la volonté qu'il auoit tousiours eue, de tirer  
droit en personne à part que tiroit sondit ennemy  
pour le combattre. Et à ceste cause sachant que mon-  
dit Seigneur son fils (lequel il n'eust voulu souffrir  
faire sa preuue ou apprentissage aux armes en entre-  
prise trop hazardeuse) seroit si bien acompagné, qu'il  
ne pourroit (ayant Dieu en son aide) tomber en in-  
conuenient de honte ne de perte, aussi que luy estoit

pour l'acconsuiure bien tost apres; il voulut bien pour esleuer & nourrir tousiours ceste plante d'honneur & vertu fructifiante au noble cœur de ce ieune Prince, luy donner ceste vsure, & fruition de gloire, que de luy bailler en ceste ieunesse le nom & tiltre de chef & general d'une telle armee, & contre vn si puissant ennemy que l'Empereur en propre personne.

Donques accordé qu'il luy eust ceste requeste, se retournant vers luy & de regard & de pensee, luy commença dire en ceste maniere: Vous allez (mon fils) avecques mon bon congé, & d'une affection & desir, que ie ne blasme en vous, apprendre vn mestier, que (pour l'attente à laquelle vous estes nourry) il est requis & necessaire que vous sachiez: pour toutesfois en vser, quand pour ce faire vous aurez esperance d'estaindre les occasions d'en vser par apres, ou plus souuent, ou à la plus grande foule & hazard de la Republique. Vous trouuerez là Monsieur le grand maitre, & avecques luy plusieurs bōs capitaines, ausquels ie doy pour le grand desir qu'ils ont de faire bon seruice à moy, & à la couronne. A luy vous direz particulièrement comme vous allez là, non pour commander à present, mais pour apprendre à commander au temps aduenir à luy, & aux autres ensemble: vous direz, comment vous y allez, pour apprendre d'eux leur mestier, & les prierez qu'ils vous donnent le moyen de faire tel apprentissage, que ce soit à vostre hōneur, & au leur, & au seruice de Dieu premierement, & puis de la chose publique de ce Royaume. Soy: z doux & privé parmy eux, & mettez peine d'acquiescer leur grace ainsi qu'auoit tresbien commencé vostre frere: & gaignez ce point sur toutes choses, qu'on vous trouue tel, que si vous n'estes celuy que vous estes, on eust cause de desirer que vous le fussiez. Apres ces remonstrances faites mondit Seigneur le Dauphin print congé de luy, & ne tarda gueres à estre prest de desloger.

ger. Là se cogneut l'ardant desir & affection de la ieune noblesse de la cour au mestier & exercice des armes : car il n'y eut celuy , auquel naturelle inclination & appetit de gloire & honneur ne fist trouuer en vn instant son appareil & equippage prest à partir. Trois iours apres arriua Monseigneur le Dauphin en son camp , & vint le Sire de Montmorency au deuant de luy iusques au deça du pont de Sorgue le recueillir, avecques bon nombre de capitaines & autres plus apparans du camp : & ceste compagnie le conduisit en son logis, lequel il luy laissa comme à superieur & chef par dessus luy. Mais Monseigneur le Dauphin ne le voulut souffrir desloger, ains se contenta d'une partie dudit logis, & demourerent logez ensemble, & ledit Sire de Montmorency faisant sa charge ainsi qu'il auoit fait au parauant, & Mondit Seigneur se gouvornant entierement en toutes choses par le conseil & aduis de luy.

DE S I A estoit venue au camp la nouvelle commēt l'Empereur estoit party de deuant Marseille, mais le Duc d'Albe & les autres que ledit Seigneur y auoyent laissez tenoyent encores la ville assiegee, plus toutesfois par contenance, que sous espoir ou intention de la forcer, & seulement en esperance ou d'attirer ceux de dedans à faire quelque temeraire faillie, ou le camp du Roy à venir donner secours aux assiegez, & par ce moyen en quelque lieu opportun & à leur auantage pour le combatre. Car l'Empereur estoit si pres, qu'ayant aduis du deslogement du camp du Roy, il pouuoit facilement preuenir, & se venir à temps ioindre à eux, mais pour neant fut celle leur deliberation : car ceux de dedans auoyent bons chefs qui ne les laissoyent sortir sinon à propos, & au dommage tousiours de l'ennemy. Et quant au deslogement du camp, le Sire de Montmorency auoit pieça deliberé ce qu'il en vouloit & deuoit faire, & tous les iours ou

Rencontres  
& escarmou  
ches en Pro  
uence.

par espies, ou par le tesmoignage des prisonniers, ou par tous les deux accordans ensemble auoit si certaines nouvelles du camp ennemy, & de toutes les entreprises qui se dressoient, voire des deliberations de leur conseil, & incontinent qu'ils s'oublioyent, faisoit icelles mettre à execution encores qu'il se voyoit en main la victoire seure, & sans hazarder les forces, ne l'estat du Roy son maistre. Si estoit-ce que nonobstant qu'il eust tousiours depuis la surprise de Brignolles tendu principalement à ceste fin, de faire que noz gens en fussent d'autant plus aduisez & retenuz à essayer la fortune, que l'ennemy en estoit plus hazardeux & entreprenant, il n'auoit voulu toutesfoiſ laisser aneâtir & perdre le cœur & hardieſſe aux noſtres : mais ſelon qu'il auoit les aduerſiſſemens des entreprises & deſſeins de l'ennemy, luy meſme (autant que iugement d'homme le pouuoit preuoir) ordonnoit qui, comme, & iuſques à quel but on iroit au deuant de luy, & comme plus ou moins il voyoit proceder les choſes, plus ou moins il laſchoit la bride, ou la retenoit, à ceux qu'il auoit ordonnez à faire les executions de ſon conseil. Par ce moyen il fiſt ſans riens mettre en hazard telle reuenche de Brignolles, q̄ le câp ennemy ne fut oncques vn iour ou ſans alarme, ou ſans nouuelle de quelque rencontre, & ne paſſa iamais iour q̄ leurs gës & les noſtres ne ſ'aſſemblaſſent les vns contre les autres en quelque lieu, mais tous les iours & ſans aucun en excepter au deſauâtage & perte de l'ennemy, & oncques ne fut aux Imperiaux poſſible de partir ſi ſecretement, ne ſi à heures & tēps incertains, ne par chemins ſi eſtranges & diuers, que du venir ou du retour ils ne fuſſent rencontrez des noſtres. S'ils ſortoyēt forts ils mangeoyēt ce qu'ils pouuoient trouuer, & en leur camp ne leur venoit aucun reſreſchiſſement: ſi foibles, ils eſtoient taillez en pieces, ou pour le moins battus & pris, de ſorte qu'ils ne ſauoyent



sauroient pas bien se resouldre du chemin qu'ils deuoient tenir, ou de se laisser assaillir par crainte, & peur de ne s'oser eslongner du camp, ou de se mettre en peril euident du glaue de l'ennemy, pour euitier la mort orieuse & reprochable.

Il n'y auoit pas alors beaucoup de temps que le seigneur Iean Paule de Cere passant avecques la compagnie de gensdarmes dont il auoit la charge, & quelques cheuaux legers Italiens, & messire Martin du Bellay avecques deux cens salades dont il auoit la charge, avecques trois enseignes de gens de pied Italiens, & aduertis par les espies qu'aupres de Lormarin, petite ville, par laquelle estoit leur chemin de passer, estoient venues fourrager aucunes troupes de gens de cheual des ennemis, auoyent mis embusche de leurs gens de cheual en diuers lieux & endroiets, afin que s'ils failloyent en quelque part, en l'autre ils ne faillissent à les rencontrer. Or estoit aduenu que sur le chemin qu'eux mesmes faisoient s'embattirent lesdits gens de cheual ennemis, chassans deuant eux vn gros butin & de bestes blanches & d'aumailles, qu'ils auoyent assemblez parmy les champs aux enuirs & les auoyent chargé si furieusement & à l'improuiste, que la frayeur leur auoit osté le sens de considerer quel nombre ils estoient, & de quel nombre ils estoient chargez, car ils estoient de quatre vingts à cent, bien equippez & montez, & ledit seigneur Iean Paule n'en auoit point plus de quatorze, mais avec ce peu de gens il rescouit le butin, & print enuiron de trente prisonniers, & plus en eust pris, s'il eust eu des preneurs assez: tant est vray ce qu'on dit, qu'en vne rouverte, ne l'effrayé pour la peur qui l'estonne, ne le vainqueur pour le contentement de sa victoire a esgard à nombrer ses gens. Les ennemis desireux de venger ceste honte auoyent mis quelques iours apres cét arquebusier dedans le chasteau dudit Lormarin, pour y faire vne re

traicte & refuge de leurs coureurs, & en eſperâce auffi que s'ils pouuoient attirer noz gens à les en venir deſchaffer, ils ſe tiendroyent preſts de venir par autre chemin enclorre & ſurprendre noſdites gens. Ledit ſeigneur Iean Paule ayant eu aduis de ceſte leur entrepriſe, le fit affauoir aux ſeigneurs de la Fayette & de Curton qui ſe ioignirēt avec luy, & outre le nombre qu'ils voulurent prendre des gens de cheual de leurs compagnies, luy amenerent deux cens bons arquebuſiers. Avec ceſte troupe ils deſlogerent de Cauaillon garnis d'eſchelles faites à la haſte, leſquelles apres auoir garny de tous coſtez les aduenues de peur de ſurpriſe & inconuenient, ils drefſerēt contre les murailles, & donnerent vn ſi furieux aſſault, qu'ayant tué tous ceux qui plus vaillamment leur reſiſtērēt, ils prindrent le chaſteau de force, & tous les autres amenerēt priſonniers avec eux ſans trouuer aucune récontre ny encombrer, combien q̃ le ſeigneur Dom Ferrand de Gonzague leur euſt couppé le chemin avec biē douze cens cheuaux & ſeze enſeignes de gens de pied : mais par noz gens de cheual qui auoyēt eſté mis ſur les aduenues auoyent eſté pris quatre des auant-coureurs dudit Gonzague, & par eux auoit eſté ſceu le chemin qu'il tenoit, & en quelle part il attendoit les noſtres, parquoy ils ſe retirerent par autre chemin.

Es meſmes iours coururent les ennemis à Cenes villette diſtante de leur camp enuiron de huit mille, & deux de Cauaillon. Ledit ſeigneur Iean Paule aduertuy par ſes eſpies y alla incontinant en courage de les y rencontrer, mais il trouua que ia ils eſtoyēt partis, & à ceſte cauſe ſe mettant à chemin de ſa retraite, enuoya ſeulement douze cheuaux des ſiens pour rembourſer les chemins iuſques à Salon de Crau, qui récontrerent enuiron quarante fourrageurs des ennemis, partie à pied, partie à cheual, leſquels ils chargerent de premiere rencontre, & leur faiſant abandonner

ner leur butin qui apres fut rescoux par les paysans, les amenerent tous quarante prisonniers à Cauaillon. A Toulon auoit fait l'Empereur amas de toutes les bestes à charge qu'il auoit peu recouurer en tout le pays depuis Aix iusques à Nice & par delà, pour apporter le biscuit qu'il auoit fait faire audit Toulon pour subuenir à la faute qu'auoit son camp de farines, moulins, & fours. Les paysans qui furent aduertis du iour que le biscuit deuoit partir, firent si bon guet, & assirent leurs embusches si à propos, qu'ils amenerent, ou tuerent, ou blessèrent toutes lesdites bestes, en sorte qu'elles n'eussent plus sceu faire seruice, & continuant en ceste maniere, tenoyent ledit camp Imperial en extreme indigence & necessité de viures. De toutes ces entreprises & autres semblables qui seroyent longues à racompter, estoit le sire de Montmorency aduerty ordinairement, & bien pouuoit cognoistre à l'œil, que la famine auant peu de iours contraindrait & reduiroit l'ennemy à la necessité, ou de nous venir assaillir à nostre fort & à son desauantage, ou d'abandonner la Prouence avecques grosse honte & dommage, & ne voyoit point quel interest il y auoit de le desfaire sans combat & sans hazard, en luy ostant le moyen des choses sans lesquelles il ne pouuoit demourer, plustost que de vaincre en hazardant vne bataille.

TULLI auoit tousiours esté sa deliberation: mais il y auoit tousiours eu gens en sa cōpagnie, qui encores q̄ du cōmencement apres auoir esté la chose debatue d'une part & d'autre s'y fussent tous cōdescendus, ne la pouuoÿent toutesfois assez biē gouster. Soit qu'ē effect ils eussent plus deféré à son autorité que changé de leur opinion, ou q̄ biē ils en eussent chāgé pour loïs, voyans les apparentes raisons qui si auant faisoient contre eux, & que depuis voyans les forces du Roy multipliees & suffisantes pour cōbatre l'en-

Opiniōs di-  
uerſes au  
camp du  
Roy.

nemy, ils fussent à ceste occasion retombez en leur dite premiere opinion. Mais tant y a qu'en eux mesmes & quelquefois en leurs deuis priuez & particuliers ils ne louoyēt tant ceste sienne prudence & maturité, qu'ils ne laissassent part en luy à faulte de cœur & d'hardiesse. Mais depuis que Monseigneur fut arriué au camp, & qu'ils trouuerent toute la ieunesse de leur opinion, laquelle (ainsi qu'est la coustume) estime & crainct moins les hazards & dangers, d'autant qu'elle les a moins experimentez : alors recommencerent-ils toutes les fois qu'on assembloit le conseil pour aduiser à ce qui estoit à faire, & pour deliberer, à sauoir qui estoit plus à propos, ou d'approcher plus pres de l'ennemy, ou de continuer la guerre par dissimulatiōs & tēporisemēt ainsi qu'on auoit cōmencé, à en parler plus librement & hardiment, & à demander avec instāce qu'on marchast en auant, & qu'on leuast le siege de deuant Marseille. Et ia estoient de cest aduis, non seulement ceux qui en auoyent esté du cōmencement, mais avec eux aucuns de ceux qui en auoyent esté au-parauāt d'opiniō contraire: soit qu'ils se departissent de la premiere pour la confiance qu'ils auoyent des forces qu'alors ils voyoyent au Roy, ou qu'ils voulussent gratifier & complaire à l'appetit de leur ieune Prince, qu'ils voyoyent brusler d'ardeur & affection de s'esproouuer à la guerre, & de faire courir le bruit de sa vertu. Et pourquoy (disoyent-ils entre eux) ne luy obtempereroyēt-ils en vn si noble & hōnesté desir? Et pourquoy l'abuseroyēt-ils, & quasi malignement le frauderoyēt d'vne si belle & apparente occasiō & opportunité que Dieu luy offroit maintenant d'acquérir gloire & reputation aux armes en sa premiere & florissante ieunesse? Ne quelle raison y auoit-il, qu'ayans les grandes forces que le Roy auoit assemblees si cherement, ils s'arrestassent & apparefassent au mesme camp, où ils s'estoyent fortifiez, &

comme



comme couuerts alors qu'ils estoÿent foibles & nullemēt suffisans pour resister ou se presenter à l'ennemy? Leur deuoit-il suffire eſtās si forts & si puisſās au deſſus l'ennemy, de se tenir enclos attendāt qu'il viſt les aſſaillir, mais qui pis eſt, ſouffrir & endurer qu'il fiſt ſi peu d'eſtime & contre d'eux, que de venir à leur barbe aſſieger vne telle ville q̄ Marseille avec vne ſi petite troupe de gens qu'il n'y en auoit aſſez pour faire litiere & pour ſouler aux pieds de leurs cheuaux, auant que l'Empereur euſt loĩſir de venir au ſecours avec la groſſe troupe de ſes gēs? Nenny, nenny (diſoyent-ils) c'eſt ſur noſtre honneur que nous prenons & voulons que ſi on marche en auāt, on nous reproche par apres que nous n'entendons ne valons rien au meſtier, ſi iamais ceux qui aſſiegent Marseille ſe peuuent ſauuer & garentir de nous.

Il en y auoit toutesſois d'autres qui perſiſtoient en leur premiere opinion, & trouuoient qu'il eſtoit beaucoup plus ſeur contre l'ennemy, comme il eſtoit apparant & certain que bien toſt ils remporteroient, en continuāt ſeulement de luy rompre de toutes parts les viures, ainſi qu'ils auoyent tres bien fait iuſques alors. Car ils ſauoyent bien certainement q̄ Marseille eſtoit ſi biē ſournie & de gens & de viures, & de toutes autres munitiōs, & au demourāt ſi bien remparee, qu'elle eſtoit imprenable à toutes les puisſances du mōde, & qu'à ceſte cauſe (en continuant ce q̄ deſſus) il eſtoit force neceſſairemēt que la puisſance de l'Empereur ſe deſſiſt & ſeparaſt d'elle-meſme, pour la famine & mortalité q̄ eſtoit, & ſe multiplieroit touſiours en ſon cāp. Et quāt au ſire de Montmorency, le Roy en depeſchant luy auoit ſi biē fait entendre ſon intention, & luy l'auoit ſi bien retenue, & iuſques à preſent ſuiuie de point en point, qu'il ne vouloit ſur vn bon commencement ſe mettre en hazard de mauuaife iſſue, & nonobſtant qu'il euſt diligemment & ſongneu-

sement preparee toutes choses comme pour combattre dès le lendemain, si estoit-il tousiours constant & resolu en ceste conclusion de ne mettre en toute ceste guerre à la discretion, chose qui fust de consequence, sinon qu'il en fust contrainct par vne extreme necessité, telle que par preuoyance humaine elle ne se peust euitier, ne preuoir.

Et pourquoy (dit-il) ayant la victoire certaine non qu'apparante en main, l'eust-il à son escient remise en hazard, veu qu'il ne depend moins d'honneur & de gloire, de vaincre son ennemy par conseil & bonne conduite, que par bataille? Pourquoy eust-il abusé du sang & de la vie de ses gens, dont il estoit force qu'en vne bataille il en mourust, & communement des plus gens de bien, encores qu'il en rapportast la plus heureuse victoire du monde. Monseigneur oyant les raisons qui se deuisoyent pour l'une & pour l'autre partie, combien qu'il variaست quelquefois entre les deux opinions, & que la naturelle inclination de son cœur ardent & magnanime le tiraist plus à l'opinion contraire, voulut estre toutesfois maistre de soy, & s'arresta pour resolutiō à l'aduis dudit de Mōt-morécy. Et à vray dire, encores que le Duc d'Albe, & les autres qui estoient deuant Marseille n'eussent pas grand nombre de gens avec eux, si n'estoyēt-ils point si loing du camp de l'Empereur, q̄ s'il eust eu nouuelles (ainsi qu'apparemmēt il deuoit auoir) du deslogement de nostre camp d'Auignon, il ne luy eust esté facile ou de se venir mettre au deuant de nous entre Auignon & Marseille, ou de se venir ioinde aux gens qu'il auoit deuant, plustost que nous ne fussions arriuez à leur presenter la bataille: & si vne fois il se fust ioinct à eux la bataille ne pouuoit estre sans quelque incertaineté de la victoire, & là où elle eust esté pour l'ennemy, elle luy donnoit vn grand pays ouuert sur nous; au contraire quand elle eust esté pour nous, elle

elle ne nous donnoit conqueste de chose qui desia ne fust nostre , & pource conclut mondit seigneur , que lon se conduiroit de là en auant , ainsi qu'il auoit esté fait iusques alors , sinon que les desseings nouveaux de l'ennemy apportassent occasiõ de nouveau conseil.

FINDV SEPTIEME LIVRE.



# H V I C T I E M E L I -

V R E D E S M E M O I R E S

*de Messire Guillaume du Bellay  
Seigneur de Langey.*



**D**E T O V T E S parts auoit l'Em- Estat des af-  
pereur nouuelles defauantageuses faires de  
pour luy, & ne voyoit en son cãp l'Empereur  
que famine & mortalité. Mais le en Prouence.  
grand regret qu'il auoit de se re-  
tirer sans rien faire, estant venu en  
si grand equippage, d'auoir parlé si  
brauement, & reietté si audacieusement tous les pro-  
pos qu'on luy auoit tenu de prendre appointment a-  
uec le Roy: ensemble la haine qu'il luy portoit, & l'e-  
sperance qu'il auoit mise en sa bonne fortune qu'il  
pensoit deuoir estre immuable & inuincible, ioinct  
que la vertu & prouësse tant de fois esprouuee de ses  
capitaines & soldats, l'entretenoyent en son outrage,

& de iour en iour attendoit que André Dorié luy apportast deniers & refreschissement de viures & quelques bonnes nouuelles, aussi que du costé de Picardie le Comte de Nansau fist quelque chose qui contraingnist le Roy à y diuertir ses forces.

LE Roy d'autre part estoit à Valence, & faisoit en toute diligence remparer la ville pour y donner obstacle nouueau aux desseins de l'Empereur, si delaisant son entreprise de Prouence il eust voulu prendre le chemin de Dauphiné. Là il receuoit les nouuelles qui luy venoyent de toutes les parties de son Royaume, & de son camp d'Italie, & de tous ses alliez & confederéz, & pouruoyoit à tout selon l'exigence & occurrence des temps & occasions, en intention de ne marcher à son camp sinon que l'Empereur vinst l'assaillir: auquel cas il ne vouloit faillir de s'y trouuer, ou qu'il vist ses forces si bien vnies & assemblees, qu'il peust (sans rien euidemment hazarder) aller chercher son ennemy, sachant de quelle consequence luy seroit de perdre vne bataille en son royaume contre vn si puissant & obstiné ennemy quel l'Empereur, & quelle ouuerture sondit ennemy auroit apres vne victoire de pousser outre, là où au cōtraire l'Empereur ne pouuoit riens perdre du sien.

Arriuee de  
André Dorié.

EN ce temps arriua le seigneur André Dorié avecques les galeres de l'Empereur, qui luy apporta d'Espagne viures & argent, & vint deuers luy au camp, & fut par sa maiesté recueilly fort humainement & honorablement; & sur sa venue fut le conseil assemblé par plusieurs fois: quelle chose y fut concludue, ie ne say: mais il fit publier vn edict parmy son camp, que tous gens de guerre se tinssent prests à faire monstre & receuë, & toucher deniers, & s'appareiller de partir au iour qu'on leur feroit à sauoir, garnis chacun de viures pour huit ou dix iours, afin qu'ils n'en eussent faute sur le chemin qu'ils feroient, pour aller la  
part



part, qu'il les entendoit mener. Il auoit vn peu auparavant enuoyé son artillerie à Marseille la vieille, & icelle faict embarquer en ses galeres, qui auoit donné soupçon au Roy, qu'il eust deliberé d'aller par mer faire descente en quelque autre part, où il n'eust esté mis si bon ordre aux affaires, & à ceste cause estoit ledit seigneur ententif & tousiours prest à tourner le visage la part que tireroit sondit ennemy: soit que le vent fust trop contraire, ou que ledit Seigneur Empereur changeast d'opinion à la venue dudit Doric, il fit desembarquer sadite artillerie, & la ramener en son camp: chose qui donna occasion de penser qu'il voulust venir assaillir le camp du Roy, ou aller apres le Duc d'Albe mettre le siege deuant Marseille.

Le Roy eut nouuelles commett son camp de là les monts auoit mis en son obeissance grande partie du Picmont, & tout le Marquisat de Saluces, hors mis quelques chasteaux. Plusieurs de son conseil estoient d'auis, & luy conseilloyent d'annexer iceluy Marquisat au Dauphiné, comme commis & confisqué à luy par la rebellion & felonie du Marquis François: mais ledit Seigneur ayma mieux ensuyure sa naturelle clemence & liberalité, que la susdite opinion de son conseil. Et à ceste cause auoit mandé au Cardinal du Bellay son lieutenant general à Paris, qu'il mist hors de prison le Marquis Iean Louis, frere dudit François, lequel Iean Louis auoit esté priué dudit Marquisat, & constitué prisonnier pour autre rebellion par luy commise. Venu que fut ledit Iean Louis au lieu de Valence, & présenté au Roy, ledit Seigneur és presences du Duc de Touteuille, Cōte de S. Pol, gouverneur & son Lieutenāt general au Dauphiné, des Cardinal de Lorraine, & de l'Archeuesq de Millan, & autres plusieurs, l'inestit, & receut de luy le sermēt de fidelité cōtre & enuers tous, cōme son vassal & obligé

Des affaires  
des Marquis  
& Marquisat  
de Saluces.

à cause dudit Dauphiné, dont meut & depend ledit Marquisat. Puis ordōna luy estre deliuré argent, pour s'equipper & dresser son train, & s'en aller audit Marquisat, & iusques là le feit accompagner & conduire par l'Escuyer saint Iulian gentil-homme Gascon nourry en la maison de Saluces, qui auoit esté guidon de la compagnie du feu Marquis Michel Anthoine, & depuis sa mort lieutenant du Marquis François, auquel de saint Iulian iceluy seigneur dōna charge d'auoir l'œil aux allees & venues dudit nouveau Marquis, de peur que par simplicité il ne se laissast surprendre au Marquis François, lequel estoit plus cault & malicieux que luy.

A *Q V O Y* faire ledit de saint Iulian s'aquita son gneusement, & bon mestier en fut: car peu de sepmaines apres ledit François vint en la ville de Carmaignolle, & manda faire entendre sa venue à son frere estant au chasteau dudit lieu, & qu'il vouloit aller parler à luy. Jean Louis encores qu'il fust biē & prudemment conseillé par ceux qui estoient à l'entour de luy, de n'accepter sondit frere le plus fort audit chasteau, & ne se fier en luy que bien à point, & qu'aucuns seruiteurs du Roy estans avecques luy protestassent de rebellion enuers le Roy, au cas qu'il acceptast en ses places ledit Marquis rebelle & ennemy déclaré du Roy, ce nonobstant luy feit ouurir la porte, & arrivant sondit frere vint au deuant de luy, & s'embrace-  
rent l'un l'autre avecques larmes & souspirs, & principalement le Marquis François, lequel en peu de iours feit tant par belles & douces paroles, accommodant son visage & contenance à icelle, que sondit frere n'auoit autre fiance qu'en luy, dont mal luy aduint puis apres. Car le Marquis François ayant par confidence de l'autre meilleur moyen de l'abuser & surprendre, le tira hors de Carmaignolle, & le mena prisonnier au chasteau de Valfeniere, & eust peu en assez  
brief

Le Marquis  
François préd  
son frere Jean  
Louis pri-  
sonnier.

brieftemps reduire en sa n ain le Marquisat, si ledit sieur de saint Iulian (preuoyant dès le commencement que la simplicité ou stupidité dudit Jean Louis à la longue ne tourneroit à bien) n'eust cependant pratiqué le capitaine Saluadour d'Aguerres, capitaine pour ledit Marquis François de la place forte & chasteau d'Vrezeul, luy remōstrant qu'estant nay subiect du Roy, & mis à la garde d'icelle place par ledit Marquis François est at subiect & seruiteur dudit seigneur, il ne pouuoit estre par le serment qu'il auoit fait audit Marquis, obligé ny contraint à chose que vraysemblablement il n'eust voulu (quoy que ce soit) n'eust peu hoïest. ment promettre ne iurer: par quoy le Roy son souverain Seigneur ne pouuoit estre compris en la generalité du serment qu'il auoit fait audit Marquis, de luy garder la place enuers & contre tous. Et tant luy remonstra ledit saint Iulian lesdites raisons apertement veritables, que ledit d'Aguerres luy auoit liuré la place, & la tenoit ledit saint Iulian au nom du Roy, qui fut chose moult griesue & desplaissante audit Marquis François, & disoit souvent qu'Vrezeul luy estoit vne busche en l'œil, & le garroit de se pouoir faire & dire Marquis paisible.

Ce pendant que ces choses aduindrent, le Roy eut nouuelles que l'Empereur auoit fait reueuë de tous ses gens de guerre, tant de cheual que de pied, commandât par edict public par tout son camp, que tous se tinssent prests à desloger au iour qu'on leur feroit à sauoir, & se garnir chacun de viures pour huit ou dix iours, pour emporter avec soy, la part qu'il les voudroit mener, ainsi qu'a esté dit cy dessus, mais quelle part, ne leur declara. Le bruit fut bien que c'estoit pour venir assaillir le camp de Monseigneur le Dauphin lez Auignon. Ceste nouuelle rapportee au Roy, il assembla son conseil pour auoir aduis de ce qu'il auoit à faire, car son intention estoit d'aller se ioindre

Deliberatiō  
au cōseil du

Roy sur ce que l'Empereur venoit assaillir son camp en personne, il estoit fort affectionné de s'y trouuer aussi en personne, & s'il estoit possible rencontrer son ennemy en camp, de faire preuue de sa personne contre luy, & mettre à execution en presence de si gros exercites, ce que par le cartel autresfois enuoyé à l'Empereur il n'auoit sen executer. Le plus grâd nombre estoit d'auis contraire, & qu'il deuoit laisser cest hōneur à son fils, duquel on pouuoit esperer que vsant du bon conseil de Monseigneur le grand maistre de Montmorency, & autres experimentez & sages capitaines estans aupres de luy accompagnez de bon droit & iuste querelle, il sauroit bien donner à cognoistre à l'Empereur, qu'il auoit à faire aux François en leur patrie, defendans leurs femmes, enfans, maisons, & Eglises. Aussi luy remonstroyent l'incertitude de l'issue generalement en toutes choses, & principalement en fait de guerre: & que s'il aduenoit (que Dieu ne voulust) que l'Empereur eust du meilleur, ledit Seigneur en se tenant audit lieu de Valence, avec les forces qu'il y auoit, & celles qui iournellement y affluoyent, encores seroit pour recueillir les reliques de son ost, & de tout ensemble dresser vn nouuel exercite: avecques lequel il pourroit donner à son ennemy nouvelle bataille, & luy oster des mains la victoire, accumulant plusieurs exemples anciennes & modernes, estrange-res & domestiques sur ce passage.

Resolution  
des capitai-  
nes pres de  
Mōseigneur  
le Dauphin.

FINALEM<sup>T</sup> il fut cōclu que ledit Seigneur enuoyroit en son camp d'Avignon, sauoir au vray quelles forces il y auoit, quelles nouuelles on auroit de l'Empereur, & quel seroit l'aduis sur cest affaire dudit Sieur Dauphin, du Seigneur grand Maistre, & des capitaines estans aupres de luy: à ce s'accorda le Roy, mais en son cœur il auoit ia resolu ce qu'il en feroit. Au seigneur de Langey fut donné ceste charge,



ge, lequel estoit le iour precedant venu dudit camp apporter les susdites nouvelles du camp de l'Empereur. Arrivé que fut ledit Seigneur de Langry deuers Mondit Seigneur le Dauphin, & grand maistre, le conseil incontinant assemblé de notable nombre de capitaines, il exposa sa charge, & ce qui en sa presence auoit esté debattu deuant le Roy. Long temps dura ce conseil, & apres toutes les raisons pour & contre, bien & meurement debattues & poisees d'une part & d'autre, la conclusion fut que le Roy ne deuoit venir, allegans iceux capitaines, outre les raisons deduites par cy auant, que si l'Empereur venoit assaillir le camp dudit Seigneur, ce ne seroit honte à Monseigneur le Dauphin, ne pareillemēt audit Seigneur grand maistre, de se tenir en leur fort, & contraindre l'ennemy de les y assaillir à son desauantage, chose que l'Empereur ne feroit iamais, estant aduerty del'equippage & forteresse dudit camp: ainsi seroit-il contraint de soy retirer en despit de luy auecques grande perte de reputation. Là où estant le Roy en personne en son camp, si l'Empereur y venoit, & seulement y faisoit tirer trois ou quatre coups de canon, il se pourroit apres retirer, au cas que le Roy ne sortist hors de son fort, & se vanter de l'estre venu chercher à la portee du canon pres, & en ses pays, sans q' ledit Seigneur eust eu le cœur & hardiesse de le recueillir. Et si le Roy pour oster ceste occasion & couleur à son ennemy vouloit sortir hors de son camp, lequel estoit environné de répars & grands fosses, le dāger seroit qu'au sortir hors par les yssues qui estoient estroittes, il aduint du desordre, & que l'Empereur assaillist les gens dudit Seigneur, moytié sortis, & moytié dedans.

O V T R E ceste raison, il y auoit des seruiteurs du Roy beaucoup, autant en son camp qu'apres de sa personne, lesquels estoient entrez en vne superstitieuse crainte de la personne dudit Seigneur Roy, à cause

de certaines pronostications malicieusement semées & diuulgues par les Imperiaux, lesquelles menassoient fort le Roy de mort, ou de prison en celle année. Et tellement auoyent-elles trouué foy & credulité és oreilles & cœurs non seulement du simple peuple, mais des gros & notables personnages, que mesme à Rome aux changes fut argent baillé sur ceste opinion. Auant le departement dudit conseil arriuerent nouuelles confirmatiues des precedentes, quel'Empereur deslogeoit son camp, mais ne sauoit-on encores si c'estoit pour venir assaillir le camp du Roy, ou pour venir assieger Marseille, ou pour quelque autre intention. De ce rapporter au Roy, fut aussi donnée charge audit seigneur de Langey, mais principalement & sur toutes choses de le desmouuoir & desconseiller de sa deliberation de venir en son camp. Tât s'en falloit que le rapport dudit seigneur de Langey ne d'autres qui furent l'un sur l'autre depechez deuers le Roy, demeussent ou diuertissent aucunement ledit Seigneur, que tout au contraire il commanda qu'on luy appareillast des batteaux, & que chacun se tint prest à desloger lendemain, disant ledit Seigneur que il ne souffriroit iamais que veritablemēt on luy peust reprocher, que l'estant l'Empereur en personne venu assaillir de si pres, il fust demouré à Valence, pour luy seruir de prouidadour, qu'il entendoit bien que la pluspart de ceux qui luy desconseilloient, estoient persuadez & seduits de ces vaines & folles pronostications, ausquelles il qui estoit Roy Tres-chrestien, ne deuoit ne vouloit adiouter foy, ains esperoit que pour la bonne & ferme foy qu'il auoit à la parole de Dieu, qui defend croire en telles superstitieuses propheties, ledit Seigneur Dieu, Seigneur & Maistre des exercites, luy donoeroit l'heureuse victoire, pour subuertir & faire apparoitre mesongers tous les deuins, & tels superstitieux & reprouables pronosticateurs.

Av

Resolution  
du Roy de  
reuenir en  
son camp.

A v lendemain apres auoir deuotement prié Dieu de luy estre en ayde, & d'adresser & conuertir son voyage, il s'embarqua, laissant bonne & grosse garnison a udit Valence: & le deuxieme iour arriua en son camp accompagné triumpamment, tant de renfort qu'il amenoit avecques luy, q̄ de grād nombre de gēdarmerie de son camp, qui luy estoit venu au deuant. Il n'y eut pas seiourné long temps, qu'en donnant ordre & se preparant pour receuoir ou dōner la bataille, qu'il luy vint nouuelles mesme par le capitaine Martin du Bellay, comme l'Empereur & tout son cāp estoit deslogé; reprenant le chemin qu'il estoit venu au long de la marine, laissant derriere luy, outre les morts qui estoÿēt en nombre infiny, & tel que l'air en estoit corrompu tout à l'entour vne multitude de malades, lesquels ne pouuoÿent à pied n'à cheval suyure le camp. Je n'ay encores scēu (combien que i'y aye mis peine) entendre au vray si la nouvelle venue aux oreilles de l'Empereur de l'arriuee du Roy en son camp le meut de reprendre le chemin d'Italie, ou si dēs son partement il auoit deliberé de ce faire: bien ay-ie entēdu qu'à la reueuē qu'il fit auāt son partemēt d'Aix, il auoit trouuē que du nombre de cinquante mille hommes qu'il auoit au partir de Nice, il n'en pouuoit mettre en bataille plus hault de vingtcinq à trente mille. Les principaux gens de nom qu'il y perdit, fut Antoine de Leue, Marc de Bustin, & vn autre capitaine de Lansquenets siens parents, le Comte de Sorne, Baptiste Gastalde, & autres: quoy que ce soit, la retraite fut pour les premieres iournees assez precipitante, & la continua de ceste sorte iusques à ce qu'il se veist fort esslongné de son ennemy. Le iour qu'il deslogea il alla coucher à Trez, & sur la queuē fut donnee alarme par les gens du pays qui auoyent prins les armes, auquel alarme fut tue le maistre d'hôtel du seigneur Dom Francisque d'Est frere du Due

Deslogemēt  
de l'Empe-  
reur pour  
s'en retour-  
ner.

de Ferrare, & assez d'autres, & iournellement leur estoit donnee fascherie par les deffusdits payfans, lesquels estoient armez des armes laïssées par les malades & mourans, & auoyent assiegez tous les passages & destroits des chemins, & desinoly les ponts qui estoient sur les torrés alors impetueux, pour la descente de la môtaine, dont les ennemis se trouuerēt fort trauaillez. L'Empereur ce voyant, fit assembler force pionniers pour rabiller les passages, & cependant fit recueillir au mieux qu'il peust, & mettre au milieu entre l'auantgarde & l'arrieregarde tous les malades & blesez, afin de les sauuer hors du dāger de leur ennemy. Mais il n'y sceut tel ordre mettre que de iour en iour il n'en demourast grand nombre de ceux qui estoient si foibles, qu'ils aimoyent plus cher demourer au long des rochers, & attendre là, que les payfans irritiez d'ire & courroux à l'encontre d'eux, les acheuassent de tuer, & mettre hors de la misere où ils estoient, que de languir de maladie, endurās le trauail & ennuy du chemin. Pour soustenir lesdits payfans, furēt enuoyez les cheuaux legers, lesquels serroyent les ennemis de si pres, qu'ils en souffrirent beaucoup de faim, par ce qu'il leur estoit chose malaisée de se mettre aucunement hors du chemin pour fourrager, de maniere que depuis Aix iusques à Freius où l'Empereur auoit premierement logé son camp, tous les chemins estoient ionchez de morts & de malades, de harnois, lances, piques, & arquebuses, & autres armes, & de cheuaux abandonnez qui ne pouuoient se soustenir. Là eussiez veu hommes & cheuaux tous amassez en vn tas, les vns parmy les autres, & tant de costé q̄ de trauers les mourans pesse-messe parmy les morts, rendans vn spectacle si horrible & piteux, qu'il estoit miserable iusques aux obstinez & pertinax ennemis: & quiconque a veu la desolatiō ne la peut estimer moindre q̄ celles q̄ descriuēt Iosephe en la destruction



tion de Hierusalé , & Thucidide en la guerre de Peloponessé. le dy ce que i'ay veu, attendu le traual que ie prins à ceste poursuite avecques ma compagnie, & pareillement le seigneur Jean Paule de Cere, & le Cōte de Tende , de sorte qu'à mon retour à Marseille ie demouray quinze iours sans auoir puissance de monter à cheual. En ce peu de chemin, au iugement des hommes , perdit l'Empereur depuis son partement d'Aix iusques audit Freius le nombre de quinze cens à deux mille hommes. Il luy fut mis en auant de s'embarquer avecques ses Espagnols, mais crainte des Lâsquenets qu'ils ne se mutinassent, s'il se fust departy d'eux , les laissant en hazard & danger de l'ennemy, luy fit changer ceste deliberation.

Le Roy cependant auoit fait la reueuë , & payé ses gens de guerre , en intention de marcher en personne à la suite de son ennemy , & quelque part qu'il peust l'attaindre ne perdre ceste occasion de luy donner la bataille , & d'vne mesme impression passer en Italie, où il auoit desia son camp puissant à la câpagne. Mais sur ces entrefaites luy vindrent nouuelles par vn gentilhomme nommé Longueval expressement enuoyé de la part du Mareschal de la Marche, de la grande & horrible batterie de Peronne, & que les murailles en plusieurs endroits estoient rompues & debrisées, en sorte qu'il n'y auoit plus ordre de la pouuoir tenir, ny defendre longuement, encores que mondit seigneur le Mareschal de la marche, & les autres capitaines fussent deliberez , & en asseüroyent ledit seigneur par lettres & rapport dudit gentilhomme, que iamais ne la rendroyent par composition quelconque, & que l'ennemy n'y entreroit sinon par dessus leurs ventres, ou qu'ils fussent tous morts de faim. A ceste cause le Roy fit incontinant marcher & acheminer vers Lyon vne grande partie de sa gēdarmerie, & iusques au nombre de dix mille hommes de pied

François, delibéré de les suyure apres, à grâdes iournees, pour secourir ladite ville de Peronne, s'il y pouuoit arriuer à temps, & au cas que non, pour la reprendre auant que l'ennemy l'eust remparee & réuitaillee, car il fauoit de quelle consequence luy eust esté, si l'ennemy eust eu loisir de ce faire, d'autant que l'Empereur l'eust tousiours secourue & enuitaillee facilement, & à peu de depense, pour estre voisine de plusieurs fortes places des siennes.

Prouisions  
faites à Pa-  
ris par le  
Cardinal  
du Bellay.

D v costé de Paris, le Cardinal du Bellay (qui estoit lieutenant du Roy audit lieu) voyant l'affaire qui se presentoit à Perõne, & afin d'auoir moyë de pouuoir secourir messeigneurs de Vendosme & de Guise, voulut entêdre de ceux de la ville de Paris le secours qu'il pourroyent ou voudroyêt faire, auenant qu'il en fust besoin. Et pour cest effect assambla le Preuost des marchands avecques les Escheuins en la maison de la ville (où apres leur auoir remonstré le danger qui leur pourroit aduenir, si la ville de Peronne tomboit es mains des ennemis) ils offrirent de soudoyer dix mille hommes pour autant de tēps que l'affaire dureroit. Pareillement luy firent offre d'une fonte d'artillerie, avecques grande munitions de poudres & de boulets, puis luy offrirent pour remparer les lieux plus necessaires de la ville de Paris cinquante mille pionniers, ou plus, s'il estoit besoin: desquelles offres il accepta seulement la fonte d'un nombre d'artillerie, & le payement de dix mille hommes quand le besoin en seroit, dont la finâce fut soudainement leuee, & fut baillé la charge desdits dix mille hommes au seigneur d'Estree. Aussi fut-il accepté par ledit Cardinal du Bellay quelque nombre de pionniers, plus pour faire contenance de fortification, qu'autremét, afin q l'ennemy de tant moins eust enuie de le venir assaillir. Ce fait, voulut entendre quels viures estoient dedans la ville, cognoissant qu'il ne seroit temps d'y pourueoir quand

quand l'ennemy seroit à la porte : mais apres auoir fait faire la descriptiō, se trouua que vingt ans au precedant n'auoit esté si mal pourueü : & ce pour deux occasiōs : c'est que les Parisiēs n'ont accoustumé d'en faire prouision, se confians sur le cours du marché, à l'occasion de l'abondance qui en vient ordinairement des riuieres qui viennent tomber dedans Seine, lesquelles viennent des regions les plus fertiles d'Europe, mais ceste sterilité estoit aduenue d'autant que l'hyuer precedât la riuiere estoit gelee, de sorte qu'elle fut trois mois sans porter batteau, & l'esté pour les secheresses, auoit esté si basse qu'à peine pouuoit-elle porter les batteaux passagers.

N I A N T M O I N S pour monstrier l'vberté du pays, auquel est assise ladite ville de Paris, dès qu'il fut ordonné par ledit Cardinal, que de six lieues à la ronde chacun eust à amener ce qu'il luy seroit commode de viures, & mesmes de bleds le tiers de ce que chacun en auroit en sa grange ou grenier, il se trouua en huit iours dedans la ville viures pour vn an, pour le peuple qui lors y estoit, & pour trente mille hommes de guerre d'auantage. Mais ayât fait ledit Cardinal les preparatifs cy deuant declarez, & la leuee desdits dix mille homes, luy furent apportees nouuelles par vn gentilhomme enuoyé de la part dudit Marechal de la Marche, comme le Comte de Nansau auoit leué son siege, & s'estoit retiré, lequel gentilhomme passant outre, trouuant le Roy en son camp, luy apporta les pareilles nouuelles.

V O V S auez entendu par le precedant liure comme le Comte de Nansau estoit arriué deuant Peronne, & auoit assis son camp pres du mont saint Quentin, reste à vous descrire les progrès dudit siege qui s'ensuit. Le douzieme iour d'Aoust le camp des ennemis vint loger en vne cense pres de Peronne, avecques environ de mille à douze cens cheuaux, & neuf ensei-

Suite du  
Siege de  
Peronne.

gnes de gens de pied, & le lendemain vindrent passer l'eau à l'endroit du chasteau d'Haplincourt, lequel se rendit ainsi que j'ay predict, car il n'y auoit point de garnison, là autour ils pillerent aucuns villages & firent butin de bestial.

Or fault entendre deuant que passer outre, que la dite ville de Peronne estoit despourueü de toutes choses, de sorte que les habitans furent esbranlez d'abandonner la ville. Mais peu de iours au precedant le seigneur d'Etremel gentilhomme, voisin dudit lieu, se mist dedans avec sa femme & ses enfans, & y fit conduire tous les bleds, tât de luy que de ses voisins à ses despens, & y apporta tout l'argent tant sien, que celuy de ses amis, pour souldoyer les hommes, chose qui asseura le peuple: dont le Roy pour recognoissance, par apres luy donna vn estat de maistre d'hôtel de sa maison, & vne generalité de France. Dedans la ville estoient le seigneur Mareschal de la Marche, comme dit est, avecques sa compagnie de cent hommes d'armes, & le sieur de Moyencourt son lieutenant, messire Philippe de Bonniuiliers Côte de Dammartin, avec la cōpagnie de cinquâte hommes d'armes de Mōseigneur le Duc d'Angoulesme, depuis Duc d'Orleans, dont il estoit lieutenant, le seigneur de Sercu avec mille hommes de pied, le seigneur de saint Seual avecques autres mille, tous deux de la legion de Picardie. Le Comte de Nansau, pour eslargir son camp, aussi craignant qu'il ne se fist assemblee de gens es places d'entour, pour luy rompre & couper les viures, enuoya par vn trompette sommer le chasteau de Clery, seant sur la riuiera de Somme, à deux lieues dudit Perône. Le capitaine du chasteau (car le seigneur en estoit absent au seruice du Roy au camp d'Auignon) print terme de respondre, & cependant enuoya vers monsieur le Mareschal de la Marche, lequel ordonna cent soldats, tant de la bade du seigneur de Sercu, que de saint Seual,



Seual , pour s'aller mettre dedans: ce qu'ils firent, & passerent à costé du camp des ennemis sans dommage, mais non sans escarmouche par gens du camp Imperial qui les suyurent sur la queue.

LE Comte de Nansau fit mener dix pieces d'artillerie, dont il fit vne farieuse batterie, toutesfois pour ce iour il ne vint au bout de son entreprise, & perdit quelques gens qui furent tuez par ceux de dedans à coups d'arquebuses à croq. Au lendemain matin il fit recommencer la batterie, & si bien luy vint à propos que ce iour là monsieur le Mareschal de la Marche, auoit fait brusser les faubourgs de Peronne, pour cause qu'aucunes enseignes de gens de pied des ennemis s'y estoient venus loger. Surquoy prenant ledit Comte de Nansau occasion & couleur de donner à entendre à ceux de dedans que la ville de Peronne estoit prise d'affault, pillée, & brussée, leur persuada tellement qu'ils se rendirent à sa volonté, desquels il en fit pendre sept à la porte du chasteau, & les autres furent mis à rançon à quatre mille escus pour teste.

Av lèdemain q fut le xvj. iour dudit mois d'Aoust, vne troupe eleuë des ennemis se vint presenter deuant la porte de Peronne, pour attirer ceux de dedans à l'escarmouche, lesquels sortirent iusques au nombre de cët à six vingts, qui apres auoir escarmouché quelque temps, voyans que les ennemis se multiplioient de gens venans les vns apres les autres à la file, se retirerent dedans la ville, & y amenèrent quelques prisonniers, & y fut pris & blessé le seigneur de Rocourt guidon de monseigneur de Reu. Dedàs les vignes entre le chasteau & la porte saint Nicolas assez près du fossé en vn lieu assez eminent, & dont on peut regarder dedans la ville, là firent les ennemis asseoir quatre menues pieces d'artillerie, pour offenser ceux de la ville, allans & venans, ou pour réparer, ou pour se tenir

aux defences, desquelles pieces ils tirerent iusques à la nuit, mais ce fut sans tuer ne blesser personne. Le iour ensuiuant ils assirent six doubles canons au droit de ladite porte saint Nicolas, & trois canons pour battre des moulins à eau seans aupres de la porte de Paris, afin q̃ ceux de dedans n'eussent moyen de moudre. Mais peu leur eust profité la batterie, car elle ne pouuoit arriuer si bas que les meulles & mouuemens des moulins: mais vn musnier venu des pays de l'Empereur habiter esdits moulins passa deuers eux, & les aduisa de faire vne trenchee au lieu qu'il leur môstra, laquelle faite ils osterēt l'eau ausdits moulins, & mirent à sec vne grande partie des marais, esquels consistoit la plus grande part de la force & conseruation de la ville: & sans vne fontaine que ceux de la ville firent venir tomber ausdits moulins, pour renforcer si peu d'eau qui encores y couloit, la ville fust tombee en grosse necessité de farines. Cependant on fit telle quantité de moulins à bras & à cheuaux qu'on repara le dommage que les ennemis auoyent fait par leurs trenchees.

D'AUTRE costé se faisoÿēt deux batteries grossés & continuelles par deux iours ensuyuans, l'vne contre la porte saint Nicolas, l'autre contre la porte de Paris, & tellement qu'ils y firent bresche raisonnable pour assault, toutesfois ils furent d'aduis (afin de n'hazarder leurs gens) de faire encores batterie tout le lendemain, ce qu'ils firent depuis la poincte du iour iusques à la nuit: & au rapport de ceux qui estoÿent dedans, tirerent ce iour là xvij. cens coups de canon, chascune volée de quinze canons à la fois. Mais toute la nuit fut faite telle diligence de remparer, tant par les gens de guerre qui tous mirent la main à l'œuvre, chacun capitaine ayant pris vn quartier en sa charge, cōme par les gēs de la ville, lesquels tāt pour l'affectiō qu'ils ont à leur Prince, comme pour la crainte du mal

mal-traictement, si la ville estoit prise d'affault, y tra-uallierent hommes & femmes de toutes aages & con-ditions, qu'au lendemain matin qui fut le xx. du mois, les ennemis se deliberans de venir à l'affault, veirent les bresches entieren-ent reparees à force de fagots, de fens, de terre, & de grosses balles de laine, qu'ils furent contraints de recommencer la batterie, laquelle dura iusques enuiron deux heures apres midy. Et marcherent en auant à l'affault, c'est à sauoir à la porte saint Nicolas, les Allemans iusques au nombre de vj. mille homes, & à la porte de Paris les Hennuyers, Artisans, & Flamens iusques au nombre de deux mille. Le Comte de Nausau avecques quatre cens che-uaux y conduisit les Allemans, & se tint pres du mont saint Quentin regardant l'affault, & prenant garde en quelle part il faudroit donner secours. Le Comte du Reu grand maistre de la maison de l'Empereur avecques autres trois cens cheuaux cōduisoit les Hennuyers, Artisans & Flamens. Monsieur le Marechal, le Comte Dammartin, le seigneur de Moyencourt, & tous les autres capitaines, chacun selon sa charge, ce pendant ne perdoyent temps à mettre bon ordre parmy leurs gens, & les asseoir aux defenses. Le Comte Dammartin gardoit la breche du costé de la porte S. Nicolas: le seigneur de S. Seual celle de la porte de Paris, & le sieur de Sercu auoit la charge de la breche d'audeffous de saint Fourcin: & tellement firent leur deuoir chacun en son endroiçt, que les ennemis furēt repoussez, & y perdirēt iusques au nombre de quatre ou cinq cens hommes. De ceux de dedans y eut quelques blesez, mais n'y mourut autre de nom, que le commandeur d'Estrepigny nommé de Humieres, auquel la teste fut emportee d'un coup de canon. Les Comte de Nausau & du Reu voyans les choses aller autrement qu'ils ne desiroient, firent sonner la retraite.

Les trois iours ensuyuans ils tirerent continuellement à coup perdu dedans la ville cōtre les maisons, & y firent du domniage beaucoup. Le iour de la feste saint Berthelemy, le Comte de Nansau enuoya par vn trompette sommer ceux de dedans, qu'ils eussent à se rendre dedans vingt quatre heures, autrement s'il prenoit la ville il la mettroit à feu & à sang. A quoy fut respondu par Monsieur le Marechal, eu l'aduis & opinion de tous les autres capitaines, qu'ils auoyent deliberé de si bien garder la ville qu'on n'y entreroit sinon par dessus leurs ventres, mais que plustost il esperoit en sortir par dessus ceux des ennemis. Le Côte de Nansau ceste response ouye, ordonna qu'au lendemain on recommençast la batterie de plus fort en plus fort, & par tous les endroits & quartiers de la ville: à quoy fut si bien obey par le maistre d'artillerie ayant septantedeux pieces d'artillerie en batterie, qu'il fit breche en plusieurs lieux, & endommagea fort la grosse tour de la ville. Mais la diligence fut telle de ceux de dedans de remparer tout durant la nuit, que l'ennemy vit au l'endemain matin qu'il auoit fait breche pour neant. Le iour saint Louis ils recommencerent la batterie par quatre lieux, avec six canons entre deux tours, estans entre la porte saint Nicolas & la porte saint Sauueur, & d'autres dix contre lesdites portes, & contre la courtine des murailles, depuis l'une porte iusques à l'autre. Vn peu au dessous auoyēt mis six pieces dont ils battoient continuellement la breche du iour precedant, pour endommager le rempart qu'on y auoit fait, & empescher qu'on y reparast d'auantage. D'autres sept pieces ils continuerent la batterie commencee les iours precedens contre la porte de Paris, & contre la courtine prochaine, & dura ceste batterie iusques sur les trois heures apres midy. Et lors cessant la batterie, vindrēt les ennemis en grande furie, les vns avec grand nombre d'eschelles, bonnes,



bonnes, & bien doubles & renforcees, pour les dresser contre les murailles : les autres à l'endroi& des breches, en esperance que donnant l'assault en plusieurs & diuers lieux, ceux de dedans ne suffiroient à mettre gens par tous endroi&ts. Par trois fois ils s'efforcèrent de monter, & par trois fois furent vaillammēt repoussez avecqs grosse perte des leurs, entre lesquels y moururent trois porteurs d'enseigne, qui furēt tuez sur la breche de la porte de Paris, laquelle auoit en charge le seigneur de saint Seual, & bien cinquante homes d'armes, qu'archers, q̄ d'vne q̄ d'autres bandes.

Les Seigneurs de Nansau, & du Reu, qui estoient cependant en armes, l'vn d'vn costé du mont Saint Quentin, l'autre du costé de la porte de Paris, voyans la perte & dommage de leurs gens, firent sonner la retraite, auquel son se trouuerent leurs gens beaucoup plus prompts & diligens qu'ils n'auoyent esté à marcher à l'assault : car de la haste qu'ils eurent de se retirer, ils laisserent vingtsix eschelles dressées contre la muraille, lesquelles furent par ceux de la ville tirées dedans. Messieurs le Marechal & autres capitaines (cela fait) se retirerent à l'Eglise, pour louer & remercier Dieu, & là trouuerent le Clergé, qui durant l'assault auoit fait procession autour de la ville, recommandant à Dieu la protection & conseruation d'icelle. Voyans les Seigneurs de Nansau, & du Reu, qu'ils ne pouuoient riens profiter, & cognoissans que la grosse tour du chasteau defendoit la breche qu'auoit en garde le Comte Dammartin, & celle qu'auoit en garde le Seigneur de Sercu, dont ils estoient merueilleusement offensez, se cōuertirent à la mine, mais cependant ne laissoyēt à tirer ordinaiремēt cōtre les maisons de la ville à coup perdu, iettâs feuz artificiels pour embraser les maisons, qui sont en grâd partie edifices de bois, & de fait en bruslerent vn bon nombre. Car quâd ils voyoyēt le feu allumé en vne maison, ils

dressoyent en celle part l'artillerie, pour empescher que le peuple ne s'y assemblast à estaindre le feu, de sorte qu'il alloit prenant de maison en autre: & par vn iour entre autres eust esté la ville en danger d'estre bruslee, si Dieu n'eust par sa grace enuoyé vne forte pluye, laquelle estaingnist le feu, & non sans que ceste chose fust par amis & ennemis tournee à miracle diuin.

**M O N S E I G N E V R** le Marechal & les autres capitaines estoient bien aduertis, que les ennemis s'estoyent mis à miner, mais ne sauoyent pas bien au vray en quelle part. A ceste cause ils mirent dehors le capitaine Damiette, enseigne du Seigneur de Sercu, auecques enuiron douze ou quinze hommes choisis des bandes du Seigneur de Sercu, & de saint Seual, lesquels sortis par vne fausse porte du chasteau, marcherent du costé qu'ils virent les trenchets, & trouuerent les pionniers & mineurs au droict de la grosse tour du chasteau, sur lesquels chargerent à l'improuiste, & en tuerent iusques au nombre de xxiiij. ou xxv. & en amenerent six, entre lesquels estoit vn capitaine nommé le seigneur de Noyelles, qui auoit esté ordonné pour l'escorte d'iceux pionniers: lesquels rapporterent au vray l'estat & endroit de la mine, à quoy il fut diligemment pourueu pour contreminer, mais si mal aduint que le Comte Dammartin y fut tué, ainsi que ie diray par cy apres. La chose qui plus donnoit effroy à ceux de la ville, tant capitaines, gens de guerre, qu'autres, estoit la faulte qu'ils auoyent d'arquebusiers & de poudres: car ils en auoyent si peu que si l'ennemy fust retourné donner l'affault, à bien grád' peine eussent-ils eu moyen de se defendre. Mais quelques iours auparauant. Monsieur le Marechal preuoyant ceste necessité auoit à force de dons & promesses persuadé à vn bon soldat d'entreprendre le voyage deuers Messieurs de Vendosme & de Guyse estans

se estans à Ham, pour iceux aduertir de cest affaire. Ledit messager descendu par vne corde és marais, chemina tant qu'il en sortit hors, & eut si bonne fortune qu'il arriua deuers lesdits seigneurs, qui au plus diligemment que possible fut y donnerent ordre.

**MONSIEUR** Claude de Lorraine Duc de Guise print ceste charge sur soy, & deslogea avecques environ deux cens hommes d'armes, & arriua de nuit auprès du camp des ennemis, du costé où estoit logé Monsieur du Reu: & apres auoir conduit secrettement & sans bruit iusques sur le bord des marais environ quatre cés arquebusiers choisis, ausquels bailla pour guide le mesme messager qui estoit venu vers luy, il donna soudainement l'alarme par tous les endroits du camp des ennemis, & auoit de propos deliberé, amené tous les trompettes qu'il auoit peu assembler, lesquels tous en vn mesme instant espardus de toutes parts, leur commanda de sonner dedans, en telle sorte que le camp Imperial se meit en armes, & se ioingnirent ensemble lesdits Seigneurs de Nanfau, & du Reu, chacun en son ordre, comme pour donner ou receuoir la bataille. Les arquebusiers dont i'ay cy dessus parlé, durant ce gros alarme, qui empeschoit que l'ennemy entendist ailleurs, & qu'il ne pouuoit ouyr le flot del'eau, par où ils cheminoyent, suyans leur guide arriuerent au mesme lieu, par où leur dite guide auoit passé, & furent tirez dedans, chacun vn sac de pouldre pesant dix liures sur leur col. Desia commençoit le iour à poindre, & s'estoit mōdit Seigneur de Guise retiré avecques sa troupe, en lieu qu'il estoit hors du danger de l'ennemy, quand ces arquebusiers furent descouuers, & furent monstrez ausdits Conte de Nanfau, & du Reu, montans à la file sur la muraille, chose qui merueilleusement leur despleut, car ils ne sauoyent pas bien quel nombre de gens, ne quelle quantité de poudres on pouuoit auoir mis de-

dans. Pour aller sur la queue du Duc de Guise, qui se retiroit, ayât exploité son entreprise à souhait, ils ordonnerent quelque nombre de chevaux, mais ledit Seigneur auoit mis ses gens en bataille, de sorte que l'ennemy ne l'osa enfoncer. Le quatrième iour de Septembre le Comte de Nausau enuoya vn trompette vers ledit Seigneur Marechal de la Marche, luy dire de sa part, que s'il vouloit luy rendre la ville en proye & pillage pour trois iours durant, il donneroit la vie sauue à luy, & à tous les capitaines & gens de guerre, sinõ il mettroit tout à feu & à sang, sans excepter personne, de quelque estat ou cõdition qu'il fust. A quoy fut respondu par ledit Marechal, que si alors qu'il auoit faite & de harquebusiers & de poudres, on luy eust porté ceste parolle, il n'eust voulu y prester l'oreille, & moins le feroit à present qu'il auoit en abondance de ce que auparauant luy defailloit, pour recueillir son ennemy.

CESTE responseuyte par ledit Seigneur Comte, il commanda qu'au lendemain au matin on mist le feu en la mine, qui desia estoit preste sous la grosse tour du chasteau. Ce matin mesme le Comte de Dammartin (lequel iour & nuict trauailloit incessamment à faire tout ce qu'un bon chef & capitaine doit faire en telle necessité, & mesmes il auoit mis quatorze chesnes pour estançons, pour soustenir le costé de la tour du costé deuers la ville, & aussi auoit fait vne plateforme au milieu du chasteau de la hauteur desdits chesnes, pour (estant ladite tour par terre) venir au combat) estoit de bon matin entré en vne contremine qu'il faisoit faire, pour euenter la mine des ennemis: & cependant qu'il y estoit, fut mis le feu en ladite mine, laquelle emporta grande partie d'icelle grosse tour, & sous les ruines accabla ledit Seigneur Comte, dont ce fut aux François tres-grand dommage, car il estoit bon capitaine & bien homme de guerre. Le Roy depuis

Mort du  
Comte Dā-  
martin.



puis en memoire & contemplation des seruices qu'il luy auoit faiçts, retira & print en sa protection les enfans dudit Comte. La tour ainsi abbatue, les ennemis y vindrent donner l'assault, desquels de prime face y entra trois ou quatre enseignes des ennemis sur le haut du chasteau par ladite ruine: mais le seigneur de Moyencourt avecques trente ou quarante hommes d'armes, tant de la compagnie de mondit-seigneur le Marechal, dont il estoit lieutenant, q̃ de celle dudit Cōte, rassurant les soldats qui estoient estonnez, chargea les ennemis de telle vigueur, qu'il les renuersa dedās les fossez, & recouit le seigneur Couldray & ceux desdites compagnies, lesquels estoient enterrez sous vne tour: parquoy l'assault des Imperiaux fut inutil, & y perdirent deux ou trois cens hommes. Le iour ensuyuant qui estoit la feste nostre Dame, ils recommencerent la batterie contre ce qui estoit demouré debout de ladite grosse tour du chasteau, & la ruinerent entierement: puis y donnerent vn autre assaut autant furieux que nul des autres, mais ils en furent si vaillamment repoussez qu'il leur fut force de se retirer, & au lendemain furent trouuez morts en la tour plus de trois cēs Lansquenets & vingt hommes d'armes des leurs. Le lēdemain tirerēt encores à coup per du contre les maisons de la ville: le Dimenche ensuyuant ils battirent tout le iour la tour du Beffroy, où estoit assis la cloche du guet de la ville, & firent contenance de donner assaut, & en effect dresserent grand nombre d'eschelles contre les murailles, mais sur les dix heures du soir ils commencerent à retirer leur artillerie, & sur les deux heures apres la minuiçt ils deslogerent & meirent le feu en leurs loges, & par toutes les maisons du village. Le Comte de Nansau avec ses Lansquenets print le chemin d'Arras: le seigneur du Reu le chemin vers Cambray, avec

Retraite du  
Comte de  
Nansau.

les Hennuyers, Artisans, & Flamens, & les Liegeois & Namurois deuers Bapaulme, menant chacune troupe avecque soy vne partie de l'artillerie.

Succes des affaires du Roy en Provence.

C'EST E nouvelle entendue par le Roy il fit faire parmy son camp vne procession generale, où assisterent tous les Princes temporels & spirituels, mesmes tous les capitaines & gens de guerre pour louer Dieu, de l'ayde & faueur qu'il luy auoit faict. Apres la procession faite & le repas prins, il assembla son conseil & meit en deliberation, à sauoir s'il deuoit ensuyuât sa premiere intention, marcher à la suite de l'Empereur, & passer iusques en Italie. Mais il fut aduisé par le conseil qu'estant desia sa gendarmerie acheminée bien auant deuers Lyon avec le nombre de gens de pied qu'il y auoit ordonnez, ledit Seigneur Empereur auant que le Roy eust reuny son camp, pourroit estre eslongné si auant que ledit Seigneur Roy ne le pourroit plus acconsuyure, & q̄ de passer en Italie, sa personne ayant l'hyuer desia si pres, il ne sembloit estre chose raisonnable: toutesfoi ne fut le Roy, ne son conseil d'auis de rompre encores son camp: car il estoit bien aduertiy que l'Empereur estoit arresté (cōme l'ay dit) au lieu de Freius: & combien que ce fust l'opinion de tous, que le vent contraire l'y retenoit, le Roy nonobstant craignoit quelque autre entreprise. L'Empereur à la verité s'en alloit fort desplaisant d'auoir si mal executé qu'il auoit, & ne s'eslongnoit de vray semblable, que si le Roy se fust legeremēt party, l'occasion s'offrante eust peu mouuoir ledit seigneur Empereur de rebourser son chemin, & de nouveau tenter sa fortune: si est ce que son esperance ne tendoit point si haut, & auoit esté mis en deliberation de son conseil, qu'il s'embarquast avecques ses Espagnols, & se retirast en Espagne: mais crainte que les Lansquenets ne se mutinassent (comme par effect en fut quelque apparence) s'il se fust party d'eux, les laissant

laissant au hazard & danger de l'ennemy, luy fit changer ceste deliberation.

IOVRNELLEMENT estoit le Roy aduertuy par noz gens qui estoient à la suite dudit seigneur Empereur, & par espies & prisonniers, comme toutes choses se portoyēt au camp Imperial, si est-ce que doubte (comme dit est) de donner occasion à l'ennemy de faire nouvelle entreprise, retenoit (& non sans cause) le Roy en souspeçon : si ne voulut-il cependant perdre le temps, ains donna charge de son camp à monseigneur le Marechal d'Aubigny, luy avec la suite de sa maison, prenāt en sa compagnie le seigneur de Montmorency, delibera d'aller visiter le pays qui auoit esté gasté par les ennemis, afin de donner ordre par tout, & soulager son peuple qui auoit enduré pour la guerre : aussi pour ordonner les fortifications qu'il entendoit estre faites par apres, és principales villes de la frontiere, tant de Prouence, que de Languedoc. Et premierement il visita Marseille : à Aix, ne voulut aller, pour ne voir à l'œil la desolation qui y auoit esté faite, mais y enuoya le Seigneur de Langey, auquel donna charge de la bien visiter, & de luy faire rapport des plus necessaires & vrgentes reparations qu'il y conuiendroit faire. Ledit seigneur de Langey partant de Marseille vint à ladite ville d'Aix, laquelle il trouua fort gastee & desolee, de tous les gasts & desolations que guerre peult amener en vne ville rendue à l'ennemy sans resistance, fors du feu, d'où l'ennemy n'auoit vsé à son partement. Bien que plusieurs eussent esté de cest aduis, mais l'Empereur le defendit expressement, & ne fut mis le feu, sinon au Palais, où se tenoit le Parlement, & principalement à la chambre des Comptes, & ce par commandement du Duc de Sauoye, lequel voulut assister en personne à la voir brusler. Il ne se sayt q̃ par imaginatiō, qu'en ce faisant il ayt esperé brusler tous les titres, hōma-

ges, & denombrements rendus aux Comtes de Prouence, par la noblesse, ville, & communaucez de Piemont, & par lesquels il se peult faire foy, que ledit pays de Piemont appartient au Comte de Prouence.

Mais en cela son esperance a esté vaine, car dès le commencement que la ville fut iugée non gardable, monseigneur le grand Maistre preuoyant ce qu'aduenir pourroit, & qui aduint, auoit fait encaffer tous iceux tiltres & enseignemens, & les auoit sur mulets enuoyez en vn sien chasteau forte place nommée les Baulx. Ledit seigneur de Langey appellez avecques luy le Presidant, & vn nombre de Conseillers; & les principaux de la ville qui s'y trouuerent pour lors, & l'aduiz eu des maistres charpentiers, maçons, & autres seruans au fait de bastiment, fit estimer combien il pourroit couster à reparer le dommage fait, & l'estimation faite en deniers, retourna vers le Roy qu'il trouua sur le chemin, arriuant à Arles, auquel lieu ledit seigneur apres auoir ouy son rapport, ordonna ladite somme estre deliuree és mains de tresoriers & commissaires, pour employer ausdites reparations.

Le Roy apres auoir visité ladite ville d'Arles, s'en retourna en Auignon, pour estre pres de son camp, & là vint deuers luy de la part du Comte de Tende, lequel depuis le partement du capitaine Bonneual d'avecques luy, auoit tousiours avecques le seigneur Jean Paule & autres suyui la retraite de l'Empereur iusques à Nice, dont il enuoyoit asseurer & donner certaine & indubitable nouvelle au Roy, que non seulement l'Empereur (s'il eust voulu retourner en arriere) n'eust eu le moyen de trouuer viures, mais que mesme ledit Comte & ceux qui estoient avecques luy, encores qu'ils eussent le pays fauorable, estoient la plus part du temps sans manger vn iour entier; & leurs cheuaux sans manger autre chose que du broult.

Sur ce ledit seigneur se delibera de retourner à  
Lion,



Lion, & là faire quelque seiour pour donner ordre à ses affaires, & en passant reuifiter ses villes de Tarascon, Beauquaire & Valéce, pour ordonner sur la despense qu'il iugeroit estre necessaire par chacun mois, pour continuer les fortifications encommeneces. Sur chemin il receut lettres de l'Euesque de Therbes son ambassadeur residât aupres du Roy d'Angleterre, par lesquelles il fut aduertiy que les ambassadeurs estans aupres de luy, de la part dudit seigneur Roy d'Angleterre, auoyent informé leur maistre autrement que la verité n'estoit du fait de la venue & retraitte de l'Empereur, & de toutes choses qui en dependoyent, disans lesdits ambassadeurs q l'Empereur s'estoit retiré seulement par vn stratagemie, & que voyant sa maiesté que pour dommage qui se fist au pays du Roy, ne le pouuoit attirer à la bataille, auoit voulu essayer ce moyen de retraitte, pour essayer si le Roy pensant icelle retraitte estre veritable, prendroit courage de le suyure, & que luy par ce moyen attirast ledit seigneur Roy à la bataille: & pour faire sa retraitte plus vraysemblable luy-mesme auoit fait courir le bruit, qu'en son camp on mouroit de faim, & q desia il auoit perdu plus que le tiers de ses gës, & en apparence grande de bien tost perdre le demourant, s'il ne se retiroit: mais qu'en effect il n'auoit telle faute de viures qu'on disoit, & n'auoit point perdu iusques à deux mille hommes depuis son partement d'Italie. Adioustant lesdits ambassadeurs que iamais depuis la prise des seigneurs de Monteian & de Boisy, homme du camp du Roy, n'auoit osé entreprendre de donner vn seul alarme au camp dudit seigneur Empereur, ne mesme ment le suyure sur la queuë à son deslogement d'Aix. Et que ce voyant l'Empereur s'estoit arresté à Nice attendant que le Roy fust eslongné, pour incontinant retourner en Prouence, qu'il trouueroit desgarnie d'hommes: & qu'il pourroit auant que

Occasion de  
l'Ambassade  
en Angle-  
terre.

le Roy eust rallié ses forces occuper toutes les places de conséquence, tant dudit pays de Prouence que de Languedoc, iusques à l'entree d'Espagne: & pour conduire ceste entreprise plus brieuement à effect, il auoit fait leuer gens en Espagne pour venir au deuant de luy par le Languedoc.

Tels estoient les aduertissemens donnez au Roy d'Angleterre par ses ambassadeurs. Mais quant à la retraitte de l'Empereur, & ce qui auoit esté fait depuis la prinse desdits seigneurs de Boisy & de Monteian, ils escriuirent les choses tout au rebours. Quant aux desseings de l'Empereur de se faire seigneur & maistre des pays de Prouence & de Languedoc, pour auoir tout à luy depuis Italie iusques en Espagne, il est vray semblable que ledit seigneur Empereur s'estoit bien autant promis de sa felicité, sur laquelle il est accoustumé de fonder principalement ses entreprises. Et quoy que soit ne tarda pas beaucoup apres la retraitte dudit seigneur Empereur, que les Espagnols descendirent en la frontiere de Languedoc, gastans & pillans tout ce qu'ils trouuoient és villes champestres & ouuertes: mais le lieutenant de monseigneur le grand Maistre au gouuernement dudit pays de Languedoc fit tel amas de gens du pays, sans mettre le Roy en aucune despenſe pour ceste inopinee descête, que lesdits paysans repousserent & rompirent lesdits Espagnols d'une telle ardeur & furie, qu'aussi tost fut aduerty le Roy de leur retraitte, comme de leur descence.

LEDIT seigneur Roy apres auoir pesé la consequence de ce faux aduertissement donné audit Roy d'Angleterre par ses ambassadeurs, & pour raison aufſi qu'il auoit deliberé donner Madame Magdelaine sa fille au Roy d'Escosse qui la demandoit à femme (choſe que ledit Roy d'Angleterre auoit tousiours craint & empesché) à quoy toutesfois le Roy ne pouuoit faillir honnestement, veu l'instance & longue poursuite

suite qu'en auoit fait le Roy d'Escoffe. Et que sur la nouuelle à luy venue du gros encombrement de guerre qui estoit venu sur les bras du Roy de tant de pars, il s'estoit en vn mesme temps, de son propre mouuement, & sans aucune requeste du Roy, non seulement de courir vne mesme fortune avec luy, mais s'estoit resolu & mis en chemin pour ceste intention de venir en personne à son secours avec bon nombre de gens de sa nation (acte qui bien meritoit d'estre par raison grandemēt reconnu) pour ces deux causes, c'est à sauoir pour faire entendre au Roy d'Angleterre la verité du faict de Prouence, dont le seigneur de la Pommeraye son maistre d'hôtel, ia cogneu & bien voulu dudit Roy d'Angleterre pour les ambassades qu'il luy auoit faites, estoit amplement informé, pour auoir esté dès le commencement au faict des viures des places ainsi qu'il est dit cy deuant : & pour faire trouuer bon audit Roy d'Angleterre le mariage de la fille du Roy avec le Roy d'Escoffe, aussi pour entendre l'intention d'iceluy Roy d'Angleterre sur vne ouuerture que ses ambassadeurs auoyent souuent mise en auant audit seigneur Roy, qui estoit du mariage de monseigneur le Duc d'Orleans avec Madame Marie, fille dudit Roy d'Angleterre, & de la Royne Catherine sa premiere femme.

Le Roy ne voulant perdre l'amitié dudit Roy d'Angleterre, & desirant selon sa naturelle inclinatio de demeurer ferme en ses alliances, & ne les changer que par contrainte, & moult enuis, depescha ledit seigneur de la Pommeraye deuers ledit Roy d'Angleterre, lequel y estant arriué & gracieusemēt recueilly, luy exposa sa charge sur les trois points dessusdits. Quant au premier il le dissuada tellemēt-quellemēt, mais non du tout entierement de l'opinion qu'on luy en auoit imprimée. Quant au second incontinent qu'il ouit mentionner de ce mariage d'Escoffe, il s'en

troubla de telle sorte, que de quatre iours apres il ne voulut reparler audit Pommeraye, de peur (ainsi qu'il luy fit dire & remonstrier) de se colerer trop fort contre luy, & cependant fit reciter audit Pommeraye par les principaux de son conseil, ses doleances, & causes de malcontentement sur cest article: en somme n'y eut iamais moyen audit Pommeraye de rapaiser ledit Roy d'Angleterre, parquoy fut contrainct de se retirer sans faire grand exploit.

A X A N V le Roy sur le chemin d'Auignon à Lion fait ladite depesche, depescha pareillement monseigneur le Duc de Touteville Comte de S. Paul, avecques le regimen du Côte Guillaume de Furstemberg, & quelque autre nombre tant de gens de pied que de cavallerie, pour aller mettre en son obeissance le pays de Tarataise en Sauoye, lequel s'estoit reuolté peu de temps auparauant: lequel Comte de saint Paul les remist en l'obeissance du Roy, & pour punition donna à butiner aux Lansquenets toute ladite vallee, & mesme la ville de Conflans. Ainsi doncques donnant ordre à tous affaires, arriua le Roy à Lion, auquel lieu il pourueut avec son conseil à toutes choses necessaires, tant deça que de là les monts, chose que ie laisseray à reciter, pour retourner aux affaires de Piemont, que j'ay pieça entrelaissez. Deuers luy estoient arriuez vn peu auant le partement de son camp d'Auignon, & mesme auant qu'il partist pour aller à Marseille, les Seigneurs Dannebault, & Cesar Fregose, par lesquels il auoit entendu au long tout ce qui s'estoit executé ou entrepris audit Pays de Piemont, & autres endroits d'Italie, durant le temps que les choses estoient conduites, ainsi que ie les ay racontées, tant en Prouence & Languedoc, comme en Champagne & Picardie.

Assemblée  
faicte à la  
Mirandole.

D E s enuiron la mi-Iuillet, sur le temps que partit monseigneur le grād Maistre, pour aller en Auignon,  
Gau-



Gaucher Dinteuille seigneur de Vanlay fut despesché par le Roy pour aller en Italie, pour faire leuee de dix à douze mille hommes de pied, & iusques au nombre de six cens cheuaux legers. Et par-ce qu'à la Mirandole il trouua grande partie des capitaines de la premiere leuee, que i'ay dit par cy deuant auoir esté faite auecques les principaux de leurs bandes, ladite leuee fut faite en quinze iours, & se fit l'amas audit lieu de la Mirandole à la barbe de trois mille Lansquenets, & sept cens cheuaux Allemans nouuellement venus à Trente, & qui s'estoyent logez à Casal Major, vis à vis de ladite Mirandole, ayans toutesfois le Pau entre deux. Les capitaines furent le Comte Guy de Rangon capitaine general de ceste armee, auquel fut particulierement donné vn Colonel de deux mille hommes, le seigneur Caguin de Gonzague Colonel d'autres deux mille, le seigneur Cesar Fregose Colonel d'autres deux mille, le Visconte autre deux mille, le cheualier Assal gentilhomme Ferrarois, & le seigneur Pierre Strossy gentilhomme Florentin Colonel chacun de mille, le Comte Belangier de Caldora Neapolitain, & le capitaine Iean de Turin chacun cinq cens hommes, le cheualier Aueroide gentilhomme Bressan, & le seigneur Bandin chacun quatre cens hommes. Des capitaines de cheuaux legers, le seigneur Cesar Fregose deux cēs, le seigneur de Tais gentilhomme François & de la chambre du Roy deux cens, le seigneur Bandin deux cens.

Le vingtiesme iour d'Aoust partit de la Mirandole le Comte Guy de Rangon & son camp, & vint la seconde iournee loger à moitié du chemin d'entre Parme & Reige: de là commença le camp à marcher en ordonnance, & passant au long des murs de la ville de Parme vindrēt loger à Castelguelfo, & au lendemain à v.mille pres de Plaifāce. Puis passerēt en ordonnance au long des fossez de ladite ville de Plaifāce:

de là passerent la riuere de la Trebie, sur la minuiet y eut quelque alarme, mais il fut trouué faux. Le vingtsieptieme iour vindrent loger à quinze mille de Pauie en vne place qu'ils trouuerent abandonnee, car tout le peuple s'estoit retiré à Pauie. Le vingtsieptieme iour arriuerent à vne petite ville nommee Pontreme, à quatre mille de Tortone, où ils eurent grande faulte d'eau, car ceux de la ville l'auoyent destournee, afin que ledit camp n'y logeast, & sur la minuiet eurent alarme. Le xxviij. iour arriuerēt es fauxbourgs de Tortone où ils seiournerent tout ce iour iusques sur le soleil couchant: & là se ioignit à eux le seigneur Pierre Strossy. Enuiron le soleil couchant le Comte Guy fit donner alarme afin que chacun se ralliaist sous son enseigne, & quand tous furent ralliez, il les fit marcher en auant & cheminer toute la nuit, tellement qu'auant la poincte du iour ils eurent passé Sarraul. Et le vingtneufuisme iour sans s'arrester iusques à ce qu'ils arriuerent à vn petit chasteau nommé Bezolin, voisin (ce me semble) de Gennes de quatre mille, & là eurent grande faulte de pain. Le trentieme iour & dixieme du partement de la Mirandole enuiron les neuf heures du matin vn peu auant l'heure de disner arriuerent à vn pont voisin de deux mille de Gennes, là où ils s'arrestèrent, & furent enuoyez loger en Besaigne les Colônels du seigneur Cesar, & du seigneur Visconte, & les cheuaux legers du seigneur Baudin, & ceux de Michel Ange, pour donner l'assault à la ville de Gennes par ce costé là. Et d'autre part vindrēt nouuelles audit seigneur Comte Guy, cōme son entreprise estoit descouuerte, & qu'il estoit entré dedans la ville deux mille hommes de secours: depuis il a esté sceu qu'un Lucquois du Colonel mesme du Comte Guy s'estoit desrobbe la nuit precedante, & auoit aduertey ceux de la ville, qu'ils eussent à se tenir sur leurs gardes, & qu'à son aduis le

Comte

Comte Guy & le seigneur Cesar Fregose venoyent pour essayer de les surprendre, veu le chemin qu'ils auoyent tenu, & la diligence de marcher qu'ils faisoient.

Ce iour fut amené par les cheuaux legers vn prisonnier portant vne malle en croupe, lequel estoit seruiteur d'un gentilhomme Bourguignon qui auoit aussi esté prins, mais à l'ayde des payfans qui s'estoyent assemblez, il auoit eu le moyen de se sauuer. Aussi fut amené prisonnier par vn gentilhomme le secretaire du Cardinal Doria, lequel incontinent fut deliuré, car il estoit du party du seigneur Cesar, & disoit qu'il estoit venu expressement parler à luy. Ce temps pendant furent enuoyez aucuns arquebusiers à vne Eglise, & certaines maisons enuiron à vn mille de Genes, par ce qu'il fut rapporté au Comte Guy, que là s'estoyent assemblez quelques gens du pays, lesquels auoyent tiré à ses cheuaux legers quand ils passerent au long de ladite Eglise, & que c'estoyent ceux qui auoyent faict sauuer lesdits Bourguignons: mais incontinent que lesdits arquebusiers y arriuerent, les susdits payfans se retirerent à la montagne. D'autre costé furent iuez de coups d'artillerie qui furent tirez de la ville, deux cheuaux du camp François, ainsi que ledit camp se mettoit en bataille deuant la ville, en laquelle bataille demurerent noz gens iusques enuiron quatre heures auant la nuit, attendant s'il se feroit en la ville quelque nouueauté par le moyen des partisans dudit Cesar Fregose, mais il ne s'en fit aucune: car il y auoit dedans outre les gens de la ville iusques au nombre de trois mille hommes de guerre, dont y auoit quinze cens Lansquenets de ceux que j'ay dit estre nouuellement descendus à Trente. Ce voyant le Comte Guy fit retirer chacun en son quartier au lieu qu'il auoit choisi pour loger son camp enuiron à vn mille de Genes entre deux môtaignes,

sur lesquelles il auoit assis son guet, & là fut commencé à faire grand nombre d'eschelles. Puis enuiron la minuiet tout le camp fut en ordonnance sans sonner la trompette ne le tabourin, & commença puis apres à monter contremont l'une desdites montaignes avec vn grand & incredible trauail, car oultre ce que la montaigne estoit haulte & la montee roide, le camp ne marchoit point par le chemin frayé, & desia estoient les gens de guerre fimal menez & trauaillez de la peine des iours & nuicts passées, avec le default de viures qu'ils auoyent enduré, ioinct qu'ils portoyent les eschelles sur leurs espaules, qu'il y en auoit beaucoup qui d'ahan & lasseté se iettoient par terre, comme recreuz & demis morts, & falloit à vne force & par menaces les contraindre à porter les eschelles.

EN VIRON deux heures auant le iour, arriva l'auantgarde aupied des murs de la ville, & furent les eschelles dressées, desquelles il ne se trouua que deux faites à propos, & à vray dire on n'auoit point eu plus de quatre à cinq heures de temps à les faire. Ce nonobstant chacun de ceux qui estoient ordonnez à donner l'assault, commencerent à monter à mont, & les arquebusiers à coups d'arquebuse repousserent ceux qui se monstroyent à la defense sur la muraille, & dura cest assault continuant avecques grande impetuosité iusques enuiron à vne heure & demie de soleil: & si les eschelles eussent esté de mesure, ainsi qu'elles estoient trop courtes, l'opinion est de beaucoup de gēs, qu'elle eust esté emportee d'assault. Quoy q̄ soit le Côte Guy voyant q̄ sans autres eschelles il estoit impossible de la gaingner, & q̄ ses gens estoient tuez d'enhault, sans qu'il leur fust possible de se reuācher, fit sonner la retraite. De ceux de dedās y eut peu de morts, n'aussi beaucoup de blesez: bien y mourut vn capitaine de nom de ceux de dehors, & y en eut beaucoup d'autres de blesez & de morts, aucuns dis-

sent



sent cinquâtes, aucuns disent cent: entre autres y mourut le seigneur Hector de Caracciole gentilhomme Neapolitain, qui estoit au camp sans charge, & fut enterré dedans Genes, par congé de ceux de la ville, deuers lesquels auoit esté enuoyé vn trompette pour cest effect. Audit assault se porta vaillâment entre les autres vn portenseigne du seigneur Caguin, lequel monta iusques sur la muraille avecques son enseigne, & quoy qu'il y fust mal suyuy, pour auoir esté les eschelles courtes, ainsi que i'ay dit, & que ceux de dedans luy eussent empoigné son enseigne, pêsans la luy arracher des poings, il en rapporta toutesfois la haste avecques vne partie du taffetas, l'autre partie luy fut arrachée par pieces.

SONNEE que fut la retraite, le Comte fait retourner ses gens par la mesme môtaine qu'ils estoient venus, ce qui fut fait sans aucune contrariété, & sans que de la ville sortist homme de pied ne de cheual pour donner sur la queue, sinon quelques vns, estant desia nostre câp arriué au logis en la plaine d'entre les deux môtaines, qui se monstreient sous quatre enseignes, sur le plus haut de l'autre montaigne: le Comte Guy y enuoya des arquebusiers pour essayer à les attirer à l'escarmouche, mais ils se retirerēt incontinent. Tout ce iour demeura le Comte en sondit camp, pour attendre le retour des Colonnelles du seigneur Cesar, & du seigneur Viscôte, & des cheuaux legers qui estoient allez avecques eux en Besaigne, lesquels il auoit mandez pour se reuenir ioindre avecques luy, mais ils prindrent autre voyage, & tournerent vers Plaisance par vn autre chemin qu'ils n'estoient venus. Bien arriua le Colonel du Comte, qui le iour precedant auoit esté enuoyé pour donner l'assault en vn mesme temps au costé du palais d'André Dorie, mais l'artillerie des galeres, qui les descouurit, les contraignit d'abandonner ceste entreprinse. Ce temps pendant fut mis

le feu en quelques villages à l'entour, pour se venger des vilains, qui auoyent mis le feu en leurs pailles.

LE Comte apres que son Colonel fut reuenu assembla le conseil, & fut aduisé, attendu qu'ils n'auoyent aucune artillerie pour faire batterie, de ne plus hazarder leurs gens autour de Gennes, & sur la minuë deslogea le camp sans son de trompette ny de tabourin: & tout le lédemain qui fut le premier iour de Septēbre, cheminerent sans arrester, iusques à ce qu'ils arriuerent en certains chasteaux, nommez Herma, Tavier, & Vada, à bien trente mille de Gennes, au pied des grandes montaignes, où ils ne trouuerent pour les cheuaux sinon quelque peu de bled, & pour les hommes des chataignes, car les habitans estoient fuisés montaignes avecques tout leur bagage & leurs provisions: en haine de quoy les soldats bruslerent quelques villages, & saccagerent lesdits chasteaux, cōbien que le butin ne fust pas grand. Au lendemain à vne heure de iour, le camp deslogea, & vint à douze mille de là, en vn chasteau nommé Visan: & là fut desesché le seigneur de Vanlay, accompagné de vingt cheuaux legers du seigneur de Cesar Fregose, pour aller à Turin, aduertir le seigneur d'Annebault, de la venue dudit Comte, & de son camp. Le troisieme iour ledit Comte marcha quinze mille en auant, iusques à vn chasteau nommé Caue, & au lendemain passa la riuie-re du Tauners à gué, & vint à vn chasteau, nommé Serisolles, à quatre mille de Carmagnollis. Les ennemis aduertis que le Comte approchoit, si fort, abandonnerent le liege de Turin, faisans courir le bruit qu'ils s'en alloient au deuant dudit Comte, luy presenter la bataille, toutesfois ils ne luy donnerent aucun empeschement, & vint le cinquieme iour du mois loger à Carignan dedans la ville. Le seigneur d'Annebault voyant le camp desloger, saillit à la queue, avec sept ou huit cens hommes, & en passant au long de la tour  
du

du pont du Pau, de la prinse de laquelle l'Empereur auoit fait vn si grand cas, la fit sommer de se rendre à sa discretion: ce qu'ils firent, se voyans hors d'esperance d'auoir secours: & le lendemain le seigneur de Burie sortit avec sept ou huiet cens vaillans hommes, & print Groillah, où il trouua force bleds & vins pour refreschir Turin. Arriuant le Comte à Carignan, & passant en bataille au long du chasteau, où estoient enuiron soixante Neapolitains pour l'Empereur, lesdits Neapolitains tirerent & tuerent vn de nos soldats d'vn coup d'arquebuse: dont le Comte irrité, les enuoya sommer par vn trompette, de se rēdre à luy, ce que refusans de faire, derechef il les enuoya sommer avecques commination de les faire tous pendre s'ils attendoyent le canon: à quoy ils demanderēt terme d'enuoyer deuers ceux qui les auoyent mis dedans. Sur ceste responce le Comte de pescha vers le seigneur d'Annebault, à ce qu'il luy enuoyast de l'artillerie: ledit seigneur d'Annebault incontinant ces lettres receues, partit luy-mesme avecques deux canons & deux longues couleurines & deux moyennes, accompagné de cinquāte hommes d'armes & cent cheuaux legers, parce qu'il luy conuenoit passer au dessus de Montcallier, où s'estoit retiré le seigneur Scalingue, gouuerneur d'Ast, lequel Scalingue voyant arriuer le canon, & craignant que le Comte Guy se vint ioindre avecques ledit d'Annebault, pour assieger Montcallier, abandonna la ville, & se retira en Ast, où s'estoit retiré tout le camp de l'Empereur. Et puis apres vindrent nouuelles par les chemins audit seigneur d'Annebault, comme les capitaines qu'il auoit enuoyez à Quiers, estans aduertis que la ville estoit taxee à vingtcinq mille escus, par les Imperiaux, pour payer leurs gens (car autre moyen n'auoyent-ils d'auoir deniers) marcherēt audit lieu de Quiers, & y trouuant mauuaise garde, par ce que les soldats e-

stoyent empeschez à contraindre les habitâs à payer ladite finance, l'auoyent prinse d'emblee sur quatre cens hommes de guerre, qui la tenoyent pour l'Empereur.

Av deuant dudit seigneur d'Annebault, incontinant que ledit Scalingue fut deslogé, vindrent les deputes de Montcallier luy presenter & faire l'obeissance: de là il passa outre, & arriua qu'il estoit encores matin à Carignan. Ceux du chasteau voyans arriuer l'artillerie, enuoyerent deux des leurs avecques vn tabourin parler audit seigneur Comte, ausquels fut respondu par le Comte d'arriuee assez rigoureusement, à cause qu'ils l'auoyent contraint de faire venir l'artillerie, pour vne place qu'ils sauoyent bien n'estre tenable. Cependant qu'ils pretendoyent la finale response, fut menee vne praticque par vn Neapolitain qui estoit au seigneur Caguin, que ceux qui estoient Neapolitains se rendroyent à luy: & en effect dès le iour mesme, enuiron deux heures deuât la nuict, ledit seigneur Caguin enuoya son lieutenant avecques ses lancepessades prendre la possession du chasteau: & à vne heure de nuict lesdits Neapolitains furēt mis dehors, le capitaine & son port'enseigne avecques chacun vn cheval, & tous les autres à pied: de leurs cheuaux en demeura dix audit chasteau, avecques leur enseigne que ledit lieutenant retint entre ses mains, disant que le tout appartenoit audit seigneur Caguin: & alors se descouurit la similté d'entre lesdits seigneurs Comte & Caguin, laquelle n'apporta point de fruit au serui ce du Roy. Audit chasteau furēt trouuez outre le bled enuiron trois mille sacs de farine, qui estoit desia ensachee pour enuoyer au camp des ennemis, laquelle fut incontinant menee à Turin par l'ordonnance & commandement dudit seigneur Comte, & quelque quantité de vin qu'il assembloit.

Le vnziesme iour du mois vindrent gens de par la ville



ville de Saluces, faire l'obeissance au Roy, & demander vn Poteſtat: en vint auſſi de pluſieurs villes & chasteaux, tant du Piemont que du Marquiſat: & durant ce temps noz gens prindrēt auſſi la ville de Quieras. Le quatorzieme arriuerent lettres du Roy, de la reſtraite de l'Empereur, & des nouuelles gens que le Roy auoit pour mettre dedans Turin, ſauoir eſt deux mille hommes de pied François, ſous la charge du capitaine René, & du capitaine Godiniere, & autres deux mille ſous la charge du cheualier de Birague, pour tirer dehors les autres qui auoyēt beaucoup enduré durant les ſieges paſſez: & mādait ledit ſeigneur au ſeigneur d'Annebault qu'il viñt deuers luy, enſemble les autres capitaines, tant de cheual que de pied avecques leurs bandes & compagnies, & qu'il laiſſaſt ladite ville en garde au ſeigneur de Burie avecques les gens fraiz qu'il luy enuoyoit: auquel de Burie il dōna la charge de cinquante hommes d'armes, auſquels le Marquis François de Saluces auoit commandé deuant qu'il ſe fuſt reuolté. Ce meſme iour les capitaines ſainct Petre Corſe & Iean de Turin avecques leurs gens s'embattirēt avecques vne troupe d'ennemis, leſquels ils deſirent, & en rapporterēt quatre enſeignes, & amenerent de priſonniers le capitaine Baron, le capitaine Senegaille, & le capitaine Pacier. Le vingtcinquieme iour arriua le Marquis Iean Louis de Saluces à Carignan, enuoyé de par le Roy (comme dit eſt) & le meſme iour alla coucher à Carmagnolle: ce qui s'eſt enſuyuy de luy a eſté racompté par cy deuant.

Ce temps pendant arriua le Roy à Lion, & là ſe fit Condemnation de celuy  
 aſſembler tous les Princes de ſon ſang, cheualiers de ſon ordre, & autres gros perſonnages de ſon Royau-  
 me: les Legat & Nūce du Pape, les Cardinaux qui em-  
 poſſonna Mon-  
 ſe trouuerent en ſa cour, auſſi les ambassadeurs d'An-  
 gleterre, Eſcoſſe, Portugal, Veniſe, Ferrare, & autres: ſeigneur le  
 enſemble tous les Princes & gros ſeigneurs eſtrangers, tāt  
 Dauphin.

d'Italie que d'Allemagne, qui pour ce temps-là residoient en sa cour, comme le Duc de Vvirtemberg Alleman, les Ducs de Somme, d'Ariâne, d'Atrie, Princes de Melfe, & de Stillianne Neapolitain, le seigneur Dom Hypolite d'Est, le Marquis de Vigue de la maison Treuoulce Milannois, le seigneur Jean Paule de Cere Romain, le seigneur Cesar Fregose Geneuois, le seigneur Hannibal de Gonzague Comte de Lanyuolaire Mantouan, & autres en tref-grand nombre. Lesquels assemblez, il fit en la presence d'eux lire depuis vn bout iusques à l'autre, le proces du malheureux homme qui auoit empoisonné feu Monsieur le Dauphin, avec les interrogatoires, confessions, confrontations, & autres solennitez accoustumees en proces criminel. Apres que la lecture dudit proces fut paracheuee, & que tous les assistans, aumoins ceux qui peuvent selon la Loy opiner en matieres criminelles, eurent donné leur aduis de cest enorme & miserable cas, les iuges procederent à la condamnation, & l'arrest executé, qui fut d'estre tiré à quatre cheuaux.

Le Roy seiourna encores à Lion quelques iours, & fit auant qu'en desloger, deliurer le payemēt à tous ses gens de guerre, donna congé à ceux dont il n'auoit plus que faire, comme aux Lansquenets & Suisses, retenant seulement six mille Lansquenets du regiment du Comte Guillaume de Furstemberg, & tous les capitaines Suisses, ausquels il donna estat pour viure & s'entretenir en son Royaume : aux malades & bleffez d'iceux Lansquenets & Suisses il fit assigner logis & deliurer argent outre leur soualde, pour les faire penser & guerir. De ceux qu'il retint il enuoya les vns en garnison en Picardie, les autres apres le Duc de Touthuille Comte de saint Pol, pour le renforcer, & chasser aucuns Sauoisiens qui s'estoyent esleuez sur vn faux-bruit qu'on auoit fait semer entr'eux, que l'Empereur auoit donné & gaigné la bataille contre le Roy.

Roy. Le Comte de S. Paul fit telle diligence en sa charge, qu'il remit en l'obeissance du Roy toute la Sauoye & Tarantaife, & chastia ceulx qui auoyent esté cause de l'emotion, de sorte que depuis elle a esté obeissante au Roy, sans y auoir iamais reuolte ny tumulte.

Le Roy dés lors qu'il eut donné ordre à Lion pour toutes les frontieres de son Royaume, deslogea de Lion, & sur le chemin au hault de la montaigne de Tarare, entre ledit lieu de Tarare & S. Saphorin, où y a vn lieu qui s'appelle la Chappelle, auquel lieu estant là audisner, le vint trouuer le Roy d'Escoffe, lequel ainsi comme i'ay dit en autre endroit, ayant eu nouuelles de la descente de l'Empereur és pays du Roy, auoit fait faire en ses pays, description de seize mille hommes, pour venir au secours dudit seigneur, & ce sans requeste ny sceu d'iceluy: & ia estoit ledit Roy d'Escoffe embarqué par deux fois, mais auoit esté repoussé par vent contraire, finalement & sans difficulté, arriua iusques en Normandie, avecques aucuns de ses nauires, & print terre au haure de Dieppe. Là il ouit nouuelles que l'Empereur & le Roy estoient sur le poinct de se donner la bataille, & à ceste cause pour n'y faillir il print la poste: mais sur le chemin il eut nouuelles de la retraite de l'Empereur, qui fut occasion qu'il modera la diligence de ses postes, pour surattendre son train q venoit apres luy: mais le Roy enuoya au deuant de luy pour le hastier, & qu'il laissast venir son train apres: & trouua ledit Roy d'Escoffe, ainsi que i'ay dit cy deuant à ladite Chappelle, auquel lieu il fut grandemēt recueilly du Roy, & apres plusieurs autres propos luy demanda l'vne de ses filles en mariage.

Le Roy encores qu'il sceust tresbien combiē il seroit difficile de le faire trouuer bon au Roy d'Angleterre, aussi qu'il luy sembloit aucunement faire tort à la fille de Vendosme qu'il auoit desia comme future

Arrivee du  
Roy d'Es  
cosse.

Royne d'Escoffe adoptee en fille, n'osa purement esconduire ledit Roy, considerant la franche volonte dont il auoit enuers luy : considerant aussi l'anciene alliance des deux Royaumes de Frâce & d'Escoffe, & que le pere dudit Roy estoit mort en bataille au seruice du feu Roy Louys douzieme, ne luy voulut aussi pleinement accorder, mais remist la chose en deliberation d'entre eux deux, apres que ledit Roy auroit veu la Dame. Et tât pour ceste cause, que pour autres deux vrgentes raisons dont i'ay parle, auoit depesché par cy deuant le seigneur de la Pommeraye deuers le Roy d'Angleterre, ainsi qu'auetz veu par cy deuât en ces memoires. Encores sur le chemin arriuerēt deuers le Roy les ambassadeurs des Liges de Suisse, à la requeste & aux despens des estats de la Comté de Bourgogne, pour le supplier qu'il fust cōtent de n'innouer ou entreprendre riēs en ladite Cōté: ce que ledit seigneur Roy leur accorda pour vn an, voulant bien en ceste part gratifier à messieurs des Liges, combien que par plusieurs il en fust dissuadé, lesquels estoient d'aduis qu'il y deuoit enuoyer les bandes du Comte Guillaume, pour la s'hyuerner, & cependant y faire fortifier quelque place, pour la tenir par cy apres en subiection.

Av s s i luy vindrent lettrres de Rome, par lesquelles il estoit donné aduertissement comme nostre Sainct Pere, de son propre mouuement auoit proposé en consistoire le decez de feu Monseigneur le Dauphin que Dieu absolue : remonstrant luy sembler estre raisonnable, pour les merites du Roy & de ses predecesseurs enuers le S. Siege Apostolique, qu'on luy fist faire obseques solennelles, c'est à sauoir comme ils les font pour la mort d'un Cardinal. Et que sur ce y auoit esté quelque dispute, disans aucuns de messieurs les Cardinaux que par le Pape Alexandre, pour la mort du fils du Roy Ferdinand



mand d'Arragon, & que ledit Alexandre, pour estre Espagnol, auoit ce faict plus par affection particuliere à sa patrie, que par aduis & deliberation du consistoire: finalement vn chacun se reduisit à la volonté dudit saint Pere, & furent lesdites obseques honorablement faites en la chapelle Papale.

A v s s i sur le chemin vindrent nouuelles au Roy de l'arriuee de l'Empereur en Espagne, lequel en son passage auoit eu beaucoup à souffrir, à cause du mauuais temps qui l'auoit accueilly sur la mer, en sorte qu'outre deux nauires qui luy estoient peries à la veuë du port de Gennes, esquelles estoit son escuierie en l'vne, & son buffet en l'autre, il auoit perdu six de ses galeres, & en icelles bon nombre de gës de bië: & que ledit seigneur Empereur, ce nonobstant, perseuereroit en son accoustumee brauerie, menassant de bien tost retourner en France avecques plus grande & puissante armee qu'il n'auoit encores fait. D'autre costé vindrent nouuelles que les Normàs s'estoyent derechef rencôtrez sur la mer avec les Espagnols venâs du Perou, & auoyët fait gros butin sur eux, qu'ô n'estimoit moindre de deux cës mille escus. Luy vindrent aussi lettres d'Allemagne, comme l'Empereur y auoit enuoyé retenir des capitaines pour leuer gens au temps nouueau, & des propos que les Imperiaux faisoient semer à son grand desauantage, & auantage dudit Empereur, mesmement en deguisant la mort de feu mondit seigneur le Dauphin. De Romme & de plusieurs autres endroits d'Italie il auoit pareil aduertissement. Aussi peu de temps apres eut nouuelles de la mort du Duc Alexandre de Florence: & de costé de Picardie eut aduertissement que les Hennuyers cômençoient à courir & faire butin en la frontiere, & que ia ils estoient bon nombre de gens ensemble.

P A R Q V O Y pour aduiser à ce qui seroit à faire

Mort du  
Mareschal  
de la Mar-  
che.

sur toutes les nouvelles dessusdites, aussi pour la conclusion du mariage d'Escoffe, le Roy print son chemin par Amboise & Blois, pour venir à Paris. A quel lieu d'Amboise luy vint faire la reuerce môseigneur le Mareschal de la Marche, auquel le Roy pour le grand seruice qu'il luy auoit fait dedans Peronne, fit grand recueil : mais partât de là ledit Mareschal pour aller à Sedan, par-ce que nouuellement messire Robert de la Marche son pere estoit trespasé, par les chemins fut prins d'une fieure, dont il mourut à Longueumeau cinq lieues de Paris, qui fut grand dommage, pour auoir esté en son temps gentil cheualier, & grand homme de guerre. Finalement le Roy passant à Blois fut conclu le mariage d'Escoffe avec Madame Magdaleine, & là furent fiancez, & remises les nopces à faire à Paris : auquel lieu arriué, par aduis de son conseil, donna prouision requise à toutes choses. En Allemagne il escriuit lettres aux Estats de l'Empire, leur racomptant au vray comme il estoit allé de la mort dudit feu seigneur Dauphin, & leur offrant derechef de soubsmettre à leur iugement ses droicts pretendus au Duché de Milan, source & origine de toute ceste guerre. A Rome en escriuit aussi à nostre saint Pere, & au consistoire, & à ses ambassadeurs enuoya le double de ce qu'il auoit escrit en Allemagne, afin qu'ils en fissent entendre le contenu à sa sainteté, & qu'un chacun sceust en quel deuoir il s'estoit mis, & mettoit. Quant à la mort du Duc de Florence, ie laisse à escrire aux autres, par-ce qu'il ne touche à ma matiere, seulement me suffit de parler de ce qui touche le Roy & ses affaires.

Mariage du  
Roy d'Es-  
coffe avec  
Madame  
Magdaleine.

Vous auez entendu cy deuant comme le seigneur de Burie estoit demouré gouuerneur & lieutenant du Roy dedans Turin. Ayant iceluy entendu que ceux de Casal faisoient difficulté de recevoir le Duc de Mantoue pour Marquis de Montferrat (auquel l'Em-  
pereur

pereur l'auoit adiugé contre le Duc de Sauoye, & le Marquis François de Saluces, qui y pretédoÿt droit) par le moyen d'un cordelier, & d'un gentilhomme de Montferrat nommé le Comte Guillaume de Biédras, & d'un autre nommé Pierre Antoine de Valance, praticanua vn capitaine Neapolitain nommé le capitaine Damian Curial, q estoit en garnison à Casal de Montferrat au seruice de l'Empereur: lequel Damian promist au seigneur de Burie de luy liurer vne des portes de ladite ville de Casal. Le seigneur de Burie n'en aduertit le Côte Guy de Râgon, lequel estoit lieutenant du Roy en Piemont, & estoit avec l'armee vers Sauillan, craignant que ladite entreprinse eüst entendue de plusieurs homes, fust descouuerte, mais accôpagné du capitaine Chrestofle Gouast, qui auoit douze cens homes de pied Italiens, & du seigneur de Tays, avecques quelque nôbre de caualerie, delibera d'executer son entreprinse. Or auoit fourny audit Côte de Biédras vne somme d'argêt, pour faire prouisiô de pel'les, hoiaux, fappes, & autres oustils de castadoux, à ce qu'estant dedâs la ville, il peust soudain trencher entre la ville & le chasteau, pour empescher les saillies de ceux dudit chasteau, attendant que le Côte Guy peust venir à son secours avecques son armee & l'artillerie, pour battre le chasteau, leq'l estoit forsable tenât la ville. Mais eüst arriué à Casal, & son entreprinse executée, de sorte qu'il estoit seigneur de la ville, trouua q ledit Comte de Biédras n'auoit fait prouisiô d'oustils côme il auoit pmis, q fut cause cepédât qu'il en chercha d'autres pour faire trenchees, qu'il se perdit beaucoup de temps, & q le Marquis du Guast (q estoit lieutenant général pour l'Empereur eüst en Ast) eut loisir d'assembler son armee, & se venir ietter par la porte des châps dedans le chasteau, & du chasteau dedans la ville, où il ne trouua les trenchees pas à peine cômêcees. Ledit seigneur de Burie, q n'a-

Deffaite des  
nostres à  
Casal.

uoit(côme dit est) q̄ xij. cēs hōmes de pied, avecques lesquels il soustint le faix d'une si grosse armee, en fin fut forcé p les ennemis, & fut prins prisonnier au combat: aussi fut le seigneur de Tais, & le capitaine Chrestofle Guast tué, & tout le reste mort ou prins, hors mis le Côte de Biédras, & le capitaine Damié, & autres q̄ estoÿét de la marchâdise, lesquels se sauuerent.

IL est apparent que si le Comte Guy & ledit seigneur de Burie eussent eu bonne intelligence ensemble, & que ledit Comte Guy avec l'armee du Roy se fust voulu ietter pres d'Ast, iamais le Marquis du Guast n'eust entrepris d'aller au secours, craignant qu'en cuidant sauuer l'un, il perdist l'autre, & par ce moyen l'inconuenient ne fust venu audit seigneur de Burie. Le Roy aduertÿ de la prinse dudit seigneur de Burie, depescha messire Guy Guiffroy seigneur de Bourtieres, pour estre son lieutenant general à Turin: & manda au Cardinal de Tournon qui estoit son lieutenat à Lion, ayant audit lieu la superintendence de ses affaires, qu'il eust à secourir ledit Guiffroy de ce qui luy seroit necessaire. Le Marquis du Guast se contenta d'auoir rescous la ville de Casal, & apres y auoir pourueu, se retira en Ast pour faire teste au Comte Guy de Rangon.

ESTANS les nopces du Roy d'Escoffe consommées, dont le festin ce fit à la maison Episcopale à Paris, le Roy fut aduertÿ comme les ennemis ayans renforcé leurs garnisons en la frontiere de Picardie, commençoÿét à faire quelques legeres entreprinſes.

Deffaitte des  
nostres à A-  
uennes le  
Comté.

Et entre autres, sachâs que les cheuaux legers du Vidame d'Amiès estâs en garnison à Dourlans, auoyent dressé vne entreprinſe pour piller Auènes le Comté, trois lieuës pres d'Arras: lesdits ennemis s'estoÿent embusquez dedans ledit village, & à l'arriuee desdits cheuaux legers les auoyét desfaicts, non sans soupçon d'auoir esté vëdus par leurs guides. Le Roy aduertÿ de



ry de ce enuoya audit Dourlans le capitaine Martin du Bellay auecques deux cens cheuaux legers estans sous sa charge, & peu de temps apres y enuoya le capitaine George Cappusfement Albanois, aussi capitaine de deux cens cheuaux: & à la fin la bande du Comte de Ma le fils aîné du Duc de Vendosmois de cinquante hommes d'armes: à Saint Quentin les cēt hommes d'armes dudit Duc de Vendosme: & consequemment renforça toutes les autres garnisons de la frontiere, lesquelles garnisons continuerent tout l'hyuer en guerre guerroyable, sans faire grandes ny memorables choses, à cause des glaces & excessiues neiges qui durerent tout l'hyuer, ne pouuans aller les gens de cheual au pays.

C E S T fut la prouision qui soudainemēt fut mise pour la Picardie: mais cependant s'en dresseoit vne autre plus grande de force & d'entreprise: car le Roy assembla en sa bōne ville de Paris, au Palais ou se tiēt sa Cour de Parlemēt, les Pairs de France, & les Princes de son sang, & quarante ou cinquante Euesques, & sa Cour de Parlemēt dudit lieu, & plusieurs autres gros personages de tous estats. Deuant ceste assistāce, le Roy present, Monsieur Cappel Aduocat du Roy, print la parole, & remonstra les grandes & apparamentes rebellions & felonniees q̄ l'Empereur Comte de Flandres, Artois, & Charolois, & detenteur de plusieurs autres pays mouuans & tenus de la courōne de France, auoit cōmises & perpetrees à l'encōtre du Roy son Prince naturel & souuerain seigneur: sur ce concludant & requerāt iceux Comtez de Flandres, Artois, & Charolois, & autres pays mouuans de la couronne, estre declarez par arrest commis & confisque, adiugez, & reunis à la couronne.

Poursuite  
contre l'Em  
pereur en  
iustice.

Confiscatiō  
des pays bas  
de l'Empe-  
reur tenus  
de la cou-  
ronne.

L A requeste ouye dudit Aduocat du Roy, eü sur icelle meure deliberation, fut dit & prononcé, qu'on enuoyeroit aux frontieres, és lieux de seur acces,

adiourner à son de trompe ledit seigneur Empereur, à ce qu'il eust à enuoyer tel ou tels qu'il luy plairoit, instruits des merites de sa cause, pour alleguer ce que bon leur sembleroit à l'encontre de ladite demande des Aduocat & Procureur du Roy, & tout ce qu'ils iuroyent à dire, & cependât ausdits Aduocat & Procureur ne seroyent leur fins & conclusions admises: ausquels personages que ledit Empereur voudroit enuoyer, seroit donné bon & seur saufconduit de venir & de s'en retourner franchement. Les adiournemens bien & deuëment faicts par vn heraut d'armes du Roy, & n'y comparans aucuns de la part dudit Seigneur Empereur, fut la demande desdits Aduocat & Procureur interinee, selon leur forme & teneur: & delibera le Roy d'assembler au premier tēps opportun vne bonne & puissante armee, pour executer cest arrest en tout, ou en partie. Les ennemis au lieu d'enuoyer à Paris, alleguer leurs raisons, faisoient leur compte d'entrer es pays du Roy: & aduertis que Terouenne estoit tres-mal fournie de vins, & que de gens de guerre y auoit assez peu, par ce que puis n'agueres la compagnie de cinquante hommes d'armes du seigneur de Bernieulles frere puisné du seigneur de Crequy gouverneur de la ville de Terouenne, reuenant de courir apres auoir pillé le val de Cassal, attendue sur sa retraite pres de Terouenne auoit esté defaite, s'estoyent lesdits ennemis assemblez à Aire, Betune, & saint Omer: & faisoit le Comte du Reu grande diligence pour surprendre ladite ville, auant qu'on y meist renfort d'hommes. Parquoy le Roy ordonna que le capitaine Martin du Bellay avecques sa bande estant lors à Dourlas, s'iroit mettre dedās ladite ville de Terouenne: lequel du Bellay y entra le premier iour de Feurier sans dommage, encores que les ennemis eussent sept ou huit cens cheuaux sur le passage, mais le verglas & la tourmente fut si grand, & la nuit

Auitaillemēt  
de Terouēne.

nuiſt ſi obſcure, que l'ennemy n'eut moyen de luy nuire. Et enuiron Quareſme prenant enſuyuant y entra Senſac avecques pareille charge de deux cès cheuaux, & tout le demeurât de l'hyuer iuſques vers la miquareſme, continuans la guerre guerroyable entre les garniſons voiſines, touſiours à l'auantage de ceux de Terouenne: & tous les iours y auoit eſcarmouches ou de ceux de Terouenne deuant les portes des ennemis, ou des ennemis deuant les portes de Terouenne: & y vint pour veoir la guerre la plus part de la ieuneſſe qui eſtoit pres la perſonne de Monſeigneur le Dauphin, côme le ſeigneur de ſainct André, le ſeigneur de Dampierre, le ſeigneur Dandoyn, le ſeigneur de Decars, & le ſeigneur de la Nouë, leſquels n'y furent ſans auoir chacun iour du paſſetemps.

ENVIROn la miquareſme le Roy depeſcha le ſeigneur d'Annebault capitaine general des cheuaux legers, accompagné des ſeigneurs de Tais, du ſeigneur de Termes, & du ſeigneur d'Auſſun, François: des ſeigneurs More de Nouare, de Francisque Bernardin de Vieil-mercato, Italiens: de George Capuſſement, & Theode Manes Albanois, ayant chacun deux cens cheuaux legers: du ſeigneur du Bies Senefchal & gouuerneur de Boulôgne, & du ſeigneur de Crequy lieutenant du Roy à Monttreul, avecques leurs bandes de chacun cinquante hommes d'armes, pour aller mettre viures en ladite ville de Terouenne. L'amas des viures faiſt à Monttreul, ledit ſeigneur d'Annebault aduertit ceux de la garniſon du iour & heure qu'il ſe trouueroit avecques les viures, en la forêt de Foucambergue, afin qu'ils enuoyaſſent deſcouvrir le pays vers ſainct Omer & Aire, puis qu'ils vinſſent au deuant de luy, recueillir leſdits viures. A ceſte cauſe ſortirent les cheuaux legers de Terouenne, & eux eſtans en la campagne trouuerent aſſez pres de la ville quelques gens de cheual des garniſons d'Aire &

de saint Omer, lesquels estoient venus pour entendre des nouvelles, mais les cheuaux legers incontint les chargerent & leur donnerent la chasse iusques au pres de leurs barrieres, & ce fait se retirerent tout le chemin de Foucambergue au deuant des viures ainsi qu'il leur auoit esté mandé, laissans toutesfois quelque nombre de cheuaux au guet, pour aduertir s'il sortoit gens des garnisons des ennemis d'alentour.

A S A I N C T Omer estoit le seigneur du Reu, lequel aduerty de la venue des viures, se mist aux chāps incontinant avecques le nombre de cinq à six cens cheuaux des garnisons d'Aire & dudit saint Omer: puis en enuoya deuant Terouenne vn nombre pour attirer ceux de dedans à l'escarmouche, & luy & sa troupe se vindrent embuscher derriere la iustice patibulaire dudit Terouenne. Entre les cheuaux legers que ie vous ay dit cy deuant estre demeurez pour aduertir si les ennemis se mettroient aux champs, & les auāt-coureurs du seigneur du Reu, se dressa l'escarmouche forte & roide, & eussent lesdits cheuaux legers esté renuersez, mais ils furent soustenus par vne troupe d'hommes d'armes du seigneur de Bernieulles conduits par le Bastard de Halluyn son enseigne, qui fut cause que l'escarmouche fut plus longue, mais non si chaudement poursuyue, qu'elle estoit commencee. Car ledit seigneur du Reu auoit donné charge à ses gens de ne pouffer par trop auant, de peur qu'il ne fust descouuert: & de vray le guet de la ville, encores qu'il fust embusqué à la portee d'vne moyenne pres, ne le pouuoit descouurir: mais les cheuaux legers enfocerēt si auant qu'ils le descouurirēt: dōt ils enuoyerēt aduertir leurs capitaines qui estoient allez à Foucābergue.

L' I N T E N T I O N dudit seigneur du Reu estoit que ceux qui auoyēt conduit les viures iusques à Foucābergue, incontint qu'ils les auroient liurez à ceux de Terouēne s'en retourneroyēt, ainsi qu'auoit esté la  
coustume



coustume auparauant, & luy en ce cas eust esté assez fort, pour entreprendre de charger ladite garnison, & destrouffer les viures. Mais autrement luy en aduint, par ce q̃ les seigneurs d'Annebault & du Biez aduertis par les cheuaux legers de ladicte embuscade, faisoient marcher leur troupe sur la môtaine à la main gauche, tirant à S. Omer, en lieu à propos pour secourir les viures, si ledit seigneur du Reu les eust voulu charger: lequel du Reu voyât les choses ainsi ordonnées, se retira dedâs S. Omer, & le seigneur d'Annebault & Biez vindrent coucher à Terouenne, & renuoyerent le reste de la troupe à Montreul, afin de ne consumer les viures: auquel lieu aussi se retirerent deux iours apres lesdits d'Annebault & du Biez apres auoir visité tout le pays à l'environ.

ENVIRON la fin de Mars le Roy commença de mettre ses forces ensemble, & partant d'Amiens vint loger à Fliscourt, de là à Pernoy: & en ce tēps-là mourut Charles Duc de Vendosmois qui estoit demeuré malade d'une fièvre chaude audit lieu d'Amiens avecques le regret de ce Royaume, pour auoir esté Prince magnanime, ayant fait de grands seruices à la couronne. Le seigneur de Montmorency grand maistre de France, lequel le Roy auoit fait son lieutenant general en son armee, partant de Pernoy avecques l'avant-garde, aduertit que la place d'Auchy le chasteau, qui est assise sur la riuere d'Othie, mi-chemin de Dourlans à Hedin, portoit grand dommage aux viures, & aux allans & venans des garnisons des villes de Montreul & Dourlans, delibera de passer par là, & arriué qu'il y fut avecques l'artillerie, ceux de dedans se rendirent leurs bagues sauues. Au lendemain le Roy y vint loger, puis marcha deuant Hedin place forte & de consequence audit seigneur Roy, pour la seureté de ses autres places, & à l'Empereur fort nuisible estant entre noz mains: faisant les approches deuant

Mort de  
mōseigneur  
de Vendos-  
me.

Assault de  
Hedin.

ladite ville fut tué d'un coup d'arquebuse messire Antoine de Mailly, seigneur d'Auchy, capitaine de mille hommes de pied, qui fut grand dommage, & fut blessé en la jambe le seigneur de Helly, aussi capitaine de mille hommes. Les approches faites & commencement de la batterie, ceux de la ville se retirèrent tous avecques leurs biens, femmes & enfans dedans le chasteau: la ville fut prise par les François qui ne trouuerent point de résistance: mais le chasteau estoit à prendre, qui estoit tenu pour bonne place, & laquelle le Comte du Reu auoit tresbiē pourueüe de toutes choses necessaires à la garde d'une place d'importance, si est-ce que le Roy se resolut de l'emporter quoy qu'il luy coustast, & commanda faire les approches.

D E D A N S ledit chasteau estoit chef pour l'Empereur le capitaine Sanson vieil cheualier Namurois, estimé fort homme de guerre parmy les Imperiaux, le seigneur de Boubers avec cinq cens hommes de pied, le seigneur de Vandeuille surnommé d'Estumel avec autres cinq cens, & cinq ou six cens que Namurois que bas Allemans. Le Roy pour ce iour se logea à Fylieures au long de la riuiera de Canche au dessous de Hedin, auquel camp estoit le nombre de gens de pied qui s'ensuit, sauoir est, le Comte Guillaume de Furstemberg avecques huit mille Lâsquenets, le seigneur de Sercu mille hommes de pied Picards, les mille hōmes du seigneur d'Auchy mort le iour de deuant, le seigneur de Helly mille, S. Seual mille, de Normandie, le seigneur de Baqueuille mille, le de la Salle mille, le seigneur de S. Aubin mille: de Champagne le seigneur Quincy mille, le seigneur de Harancourt de Lorraine mille, avecques plusieurs autres bandes qui ne sont icy denommées. Le tout reuenāt au nombre, tant Allemās que François, de vingt cinq mille à vingt-six mille hommes de pied.

E T le lendemain vint loger le Roy au Mesnis, à vn quart

quart de lieuë du chasteau de Hedin, entre Hedin & le chasteau de Contes, auquel chasteau de Côtes auoit garnison de par le seigneur du Reu (car c'est maison à luy appartenante) les gens de pied furent régez partie en la ville de Hedin, & partie au parc, afin de tenir le chasteau assiégué de toutes parts. Aucuns capitaines qui disoyent auoir bien bonne pratique audit chasteau de Hedin, pour y auoir esté souuent & à loisir dedans, meirent en auant au Roy & à monseigneur le grand Maistre, sur qui le Roy se reposoit principalement, que le plus expedient estoit de prendre le chasteau par la sappe, & que par batterie ne s'y feroit iamais breche, obstant la grosse espaisseur de la muraille, & le grand rempart dont elle estoit soustenue: parquoy furent mis pionniers de tous costez pour besongner à la mine, & gros personnages ordônez sur eux à côduire l'œuure, comme le Prince de Melphe, les seigneurs de Barbezieux, & de Burie, & Villiers aux Corneilles, seruant pour lors de maistre de l'artillerie, & fut tellement diligenté, qu'apres ledit sappement qui dura environ quinze iours ou trois semaines, tomba la moitié d'vnecour, estant deuers la ville, en entrant de la ville au chasteau à main gauche: mais la part tenant au chasteau demeura en son entier, de sorte que la place en fut peu affoiblie.

Le Roy apres auoir consommé beaucoup de tēps & grand argent à ladite sappe, se delibera de l'essayer par batterie, contre l'opinion de plusieurs qui n'estimoient que par batterie on y fist breche, à l'occasion de l'espaisseur du mur & la largeur du rampar: mais luy-mêmes en personne alla monstrier par vn matin l'endroit & lieu, où il vouloit qu'on plantast son artillerie, ce qui fut fait, ainsi qu'il ordonna, & si pres dudit chasteau que la gueulle du canon touchoit iusques au bord du fossé. Si est-ce que les approches ne furent faites sans dommage & perte de commissaires

de l'artillerie & canoniers, & entre autres y moururent les seigneurs de Lusarches, & de Pontbriant, tous deux commiffaires d'icelle artillerie, gens bien expérimentez. Le seigneur de Villiers qui pour lors en auoit la superintendence & principale charge vfa de telle diligence, que les approches faites, fut la batterie si chaulde en deux iours que le troisieme enuiron vne heure apres midy la breche fut faite de bien trente toises.

Le Roy estant en personne à veoir & faire diligenter ladite batterie, fut cause qu'aucuns ieunes gentilshommes conuoiteux d'honneur & de reputation voyans le Roy present, tesmoin & remunerateur du bien faict, & de la vertu d'un chacun, sans attendre le commandement de l'assault, & auant que l'ordre fust mis à le donner, & sans regarder qui les suyuoit, marcherent d'une telle impetuosité, qu'ils donnerent iusques sur le hault de la breche: mais ils n'y furēt moins vigoureusement recueillis qu'ils assaillirent: les vns moururent sur la place, les autres s'en retournerent fort blesez: entre les autres fut blessé d'un coup d'arquebuse au trauers du corps, dont il mourut la nuit, Charles de Bueil Comte de Sanxerre, ieune homme, qui auoit grande apparence de suyure la vertu de ses progeniteurs, & le seigneur Dauphigny lieutenant du seigneur de Sercu, & le capitaine Damiette portenseigne de ladite bande. Le seigneur de Harancourt de Lorraine ayant charge de mille hommes, & son frere qui estoit son lieutenant, enfans du seigneur de Paroy, lieutenant de la compagnie du Duc de Guyse, & son lieutenant au gouuernement de Champagne: le seigneur de Flieueres fils du seigneur de Mardicoque, & plusieurs autres blesez. Parquoy le Roy fit publier à son de trompe & de tabourin, que nul sur la vie entreprist d'aller à l'assault, s'il ne luy estoit comandé. Ce fait il fit retirer toutes les troupes chacun sous son enseigne,



seigne, pour se refreschir iusques au lendemain matin: & dès le soir ordonna pour se mettre à pied, vn bon nombre d'hommes d'armes, avecques cinq ou six cés cheuaux legers, & deuoit auoir la charge de les conquiere le seigneur d'Annebault general des cheuaux legers. Puis fut ordonné que le matin toute la gendarmerie monteroit à cheual, & se ietteroit en bataille sur la venue de l'ennemy, avecques tous les Lansquenets, & autres gens de pied, qui n'estoyent ordonnez pour l'assault, à ce que l'ennemy durant ledit assault ne vinst troubler la feste. Aussi furent ordonnez le seigneur de Pais, & le capitaine Martin du Bellay avecques leurs bandes, l'vn pour aller rebourser le chemin d'Arras, l'autre celuy de Betune, Aire, & saint Omer, à ce que si l'ennemy marchoit pour donner alarme à nostre camp, ils en peussent donner aduertissement, & que l'alarme ne se donnast la nuit sans raison aux assaillans, estant l'ordre mis pour assaillir le matin, les vns pour marcher deuant, les autres pour les soutenir, & autres pour refreschir les assaillans. Ceux de dedans qui auoyent experimété le soir de quelle hardiesse & promptitude les autres auoyent donné sur la breche, craignans qu'au lendemain il ne fust en leur puissance de soutenir l'assault, ceste mesme nuit firent sortir par la breche vn trompette pour aller deuers Monseigneur le grand maistre, qui estoit dedans les trêchees sollicitant & donnant ordre aux choses expedites & necessaires au futur assault: & apres vn assez long parlement avecques luy, se rendirent au Roy leurs bagues sauues, laissant en la place toute l'artillerie, munitions, & viures. Et au matin ledit Seigneur grand Maistre vint apporter ceste nouuelle au Roy, lequel ratifia les articles par ledit grand Maistre accordez aux assiegez. Et sortirent du chasteau apres dîner, & leur fut baillé escorte pour les conduire à seureté.

LE Roy ayant pourueu à la garde, tant de la ville que du chasteau du seigneur de Sercu, qui en auoit autrefois rendu bon compte, auquel il donna cinquante hommes d'armes & mille hommes de pied, feit marcher son camp à Mouchy le Cayeu, à deux lieues de saint Paul, & au lendemain à Pernes: & par ce que de long temps on auoit mis en auant audit seigneur, que les ville & chasteau de Saint Paul estoient facilement fortifiables, & que cela faict se pouuoit donner beaucoup d'epnuy à l'ennemy, estant icelle ville assise à six lieues de Bethune, à neuf d'Arras, à six de Dourlans, à trois de Hedin, à six de Terouenne, & à cinq de Lillers. Dés son arriue à Hedin auoit enuoyé le seigneur d'Annebault audit Saint Paul, pour mettre ladite ville & chasteau en son obeissance, laquelle auèques le chasteau & tout le pays qui en depend auparavant, & durant les guerres passees estoient demourez en la sauuegarde du Roy, toutesfois ledit pays estoit administré par officiers & cōmis de l'Empereur: mais arriué que fut ledit seigneur d'Annebault, tout fut mis en l'obeissance du Roy. Audit lieu de saint Paul estoit Seneschal de par l'Empereur le seigneur de Liguereulles, lequel & autres officiers qui eussent payé grosse rançon, furent prisonniers du seigneur d'Annebault, mais le Roy les feit tous relascher sans payer finance, voulāt garder sa sauuegarde en leur endroit iusques à ce iour: combien que plusieurs luy conseillassent du contraire, alleguās des raisons beaucoup, par lesquelles il apparoiſſoit qu'iceux Seneschal & officiers auoyent contreuenue aux articles de la sauuegarde.

LES DITS ville & chasteau rendus à l'obeissance du Roy, ledit seigneur enuoya de nouveau la visiter, pour sauoir si & en combien de temps elle estoit fortifiable: les aduis en furent diuers, mais vn obtint, dont fut chef & principal authour vn Italien fortificateur

tateur nommé Antoine du Castel, lequel du Castel entreprint & se fit fort de rendre la ville en six semaines imprenable à tout le monde, non qu'à l'Empereur, & tellemēt en assura le Roy, qu'à ceste persuasion laissant autres entreprises en arriere, lesquelles il auoit au parauant delibéré d'executer, logea son camp à Pernes, pour faire teste à l'ennemy pendant que la susdite fortification se feroit.

C E P E N D A N T que le camp se logeoit, monseigneur le grand Maistre, & monseigneur le Duc de Guise, prenans avecques eux quelque nombre de gendarmerie & de cheuaux legers, se mirēt aux champs, pour aller visiter le pays. Lesquels s'approchans de Lillers ville distraite de deux lieus par delà Pernes, ayans enuoyé quelques auant-coueurs deuant, lesquels venus iusques aux barrieres, ne virent personne s'apparoir ny dedans ny dehors, si se jetterent quelques vns à pied, & avecques des eschelles qu'ils trouuerēt aux faubourgs s'hazarderent de mōter sur la muraille, ce qu'ils firent sans resistēce. Car en toute la ville n'y auoit personne q̄ des religieuses en vn monastere, ausquelles s'adresserēt lesdits auant-coueurs & d'elles entēdirent q̄ le seigneur de Lieuin capitaine de la ville, incontinant qu'il eut nouuelles du camp de France qui s'approchoit, s'estoit retiré par la porte des maraiz, avecques toute sa garnison droict à saint Venant & à Maruille sur la riuiera du Lys, esquels lieux estoit logé le seigneur du Reu avecques vne partie du camp de l'Empereur. Ce rapport firent lesdits auant-coueurs à mōdit seigneur le grād Maistre, lequel incontinant vint veoir la ville, & cōmanda q̄ sur peine de la vie, il ne fust fait mal ne desplaisir aux biens ne personnes desdites religieuses: & trouuant la ville à propos d'estre gardee pendant q̄ le cāp sejourneroit à Pernes, pour tenir le passage en seureté, à ce que ceux de S. Venant & Maruille ne vinsent

donner l'alarme en nostre camp, y laissa le capitaine Martin du Bellay avecques ses deux cens cheuaux legers, & luy bailla mille hommes de pied, sous la charge du capitaine la Lande, pour donner ordre que de ce costé là ceux de saint Venant & de Maruille ne peussent passer pour donner ennuy aux fourrageurs de nostre camp. Les cheuaux legers & gens de pied ordinairement faisoient des courses és marais, & en amenoient de gros butin, tant de bestial que de prisonniers des gens du pays d'alentour, qui s'estoient retirez ausdits marais, pensans y estre à seureté: mais ceux de saint Venant & de Maruille auoyent d'autres chemins obliques & trauersans à trauers les marais, parquoy ne laissoient de sortir par autre costé, & faisoient de l'ennuy beaucoup aux fourrageurs & viuadiers, & faisoient leur retraite aux marais en vn lieu merueilleusement fort d'assiette, nommé saint Venant, & qu'on iugeoit n'estre forçable. Car la riuere du Lys en cest endroit fait vne Isle, laquelle ils auoyent fortifiée de répars, & avecques des escluses faisoient flotter l'eau tout à l'entour, de sorte qu'on n'y pouuoit venir q par vne aduenue q n'auoit point cét pied de large: & au trauers de ladite aduenue auoyent fait vn fossé large & profond, bien bastionné par les flancs, & sur les bastions auoyent assis bon nombre d'arquebuses à croq és lieux qu'ils iugeoyent pouoir plus offenser leur ennemy s'il approchoit.

Assault &  
prise de S.  
Venant.

MONSIEUR le grand Maistre prenât avec soy le Côte Guillaume de Hurstéberg, & quatre mille de ses Lâsquenets, avec pareil nombre de gés de pied François, entreprint de forcer ledit passage: li deslogea de Pernes avec bône deliberatiô de ce faire, moyennant l'ayde de Dieu, & tellement poursuyuit son entreprise, qu'il le força mais nô sans grâde & merueilleuse difficulté, car d'arriuee les Lâsquenets furent repoussez par ceux de dedâs en grâde furie, où ils perdirent



dirēt des hōmes sans beaucoup de bleffez. Et ia com-  
mēçoit le iour à decliner quand Charles Martel sei-  
gneur de Bacqueuille Normand soustenu par le capi-  
taine la Lande Picard, apperceut vn endroiēt du fossé  
plus mal garny de gēs q̄ n'estoyēt les autres, & cepē-  
dāt q̄ l'ennemy estoit ententif à se defendre ailleurs,  
& q̄ les assaillās l'entretenoyēt, lefdits Normās se iet-  
terēt audit fossé sans crainte de mort ou de hazard, &  
depuis qu'ils furent venus iusques au combat de main  
à main, l'enuie d'acquérir hōneur, & le seruice qu'ils  
auoyent desir de faire à leur Prince les cōduisit si auāt  
qu'avecques grāde perte de gēs ils forcerēt fossé, rē-  
part, & bastion. Les ennemis se voyās forcez par cest  
endroit, abandonnerent les autres defences, parquoy  
le surplus des François & Lansquenets entra dedans,  
& parmy eux ledit seigneur grand Maistre leur don-  
nant courage, de sorte que lefdits ennemis de toutes  
parts furent contraints de se mettre en fuite, dont  
fut faite extreme boucherie par les dessusdits Nor-  
mans & Picards, pour reuencer la mort de ceux  
qu'ils auoyent perdus audit combat. Restoit encores  
le second fort à gagner, auquel n'y auoit qu'un pont  
à garder, lequel estoit entieremēt barré à grandes &  
grosses pieces de bois ioignātes biē pres les vnes des  
autres, & les interualles des barrieres garnies de bōs  
arquebusiers: plus y auoit aupres du pont vn moulin  
bastý de pierre de taille biē percé à propos, & garny  
d'arquebuses à croq, & d'autre arquebuserie, en sorte  
que sans l'effroy de ceux qui apres le premier pas for-  
cés s'en estoient fuis & retirez audit second fort, &  
que les victorieux les pourfuyirēt si viuemēt qu'ils  
ne leur donnerent loisir de prendre allaine, ne de se  
reconnoistre. la conqueste dudit second fort eust esté  
beaucoup hazard. use: mais ils furent si chaudement  
menez & de François & d'Allemands, que de ceste fu-  
rie ils furent forcez, & tous entieremēt mis à l'espee,

& iusques aux femmes s'estédit le courroux des Lâsqueners. Les morts furét estimez de douze à quinze cens, que d'un costé que d'autre, sans ceux qu'on presunt e auoir esté bruslez parmy les maisons. Car apres auoir recueilly le butin qui estoit grand, le feu fut mis par tout : la nuit estoit venue quand mondit seigneur le grand Maistre fit sonner la retraitte, & se retira menant son armee chargée de butin au lieu de Pernes, où il estoit attendu du Roy, lequel fut tresioyeux de ceste execution. Le seigneur de Chasteaubriant marchoit apres avecques quelques pieces d'artillerie, mais à l'occasion des marais qu'il trouua, ne peut ioindre iusques audit lieu de Sainct Venant.

Ne tarderét que de deux iours apres qu'il fut apporté nouuelles audit seigneur, comme les Bourguignons estoyent retournez dedans Sainct Venant, & s'efforçoient de le remparer & fortifier, chose qui est bien aisee, car c'est vne Isle triangulaire & mal accessible. Si despescha incontînât audit capitaine Martin estant à Lillers (comme dit est) à ce qu'il allast recognoistre ce que s'estoit, & s'il trouuoit le lieu forçable avecques ce qu'il auoit de gens de pied, qu'il s'en mist à son deuoir de le forcer: sinon, qu'il enuoyast querir du secours au camp, & il luy seroit tout soudain enuoyé. Suyuant lequel commandemēt, partirent de Lillers ledit seigneur du Bellay, & le capitaine la Lande avecques sa troupe de gens de pied, lesquels ietterent deuant eux vingt cinq ou trente cheuaux, & quelque nombre d'arquebusiers bien dispos, par ce que le pays est fort de grâds fossiez & cauaux, & le reste de la caualerie firent marcher quant & les gens de pied. Lesdits coureurs ne furét si tost descouuerts de ceux qui reparoyent le fort, qui pouuoient estre le nombre de cinq à six cēs hommes, qu'ils n'abandonnassent l'œuure, pour se sauuer à la fuite parmy les marais. Toutesfois auant que se retirer ils  
 rompi-

rompirent le pont, pour obuier qu'ils ne fussent fuy-  
uis: mais les auant-coureurs François incontînât mi-  
rent pied à terre, & à l'aide des arquebusiers qui es-  
toient à leur suite, refirent en haste le pôt au mieux  
qu'ils peurent de clayes & des portes des maisons qui  
auoyēt esté sauues du feu les iours precedans, & par  
dessus passerent leurs cheuaux, les menâs par la bri-  
de, faisans sauoir aux autres gēs de pied qu'ils eussent  
à s'auancer de venir garder le pas, & refaire le pont  
plus à loisir, afin qu'à leur retraite ils y peussent pas-  
ser à cheual. Ce fait ils se mirent à la poursuite des  
ennemis qui fuioient, les vns droict à Maruille, où  
estoit campé monseigneur du Reu avecques quatre  
mille hommes de pied, & quelque caualerie, les au-  
tres droict à la Mothe au Bos, où il y a vn chasteau  
fort voisin de là, mais ils ne sceurēt si bien fuir, q̄ les  
cheuaux legers n'e attaignisēt quelques vns, lesquels  
ils prindrēt ensemble gros butin autour de la Mothe  
& de la forest: & s'ils eussent eu nôbre d'hômes pour  
sejourner audit lieu de S. Venât, ils eussēt fait au pays  
de l'ennemy vn dommage inestimable: mais craignât  
q̄ le seigneur du Reu partant de Maruille, leur vinst  
couper chemin, prindrēt retraite à Lillers avec leur  
butin. Le seigneur du Reu qui auoit eu l'alarme par  
les fuyans, estoit sorty avec enuiron quatre ou cinq  
cens cheuaux, & les suyuoit tousiours de loing, mais  
ne les osâ attaquer.

QV ELQV ES iours apres, qui fut le premier iour  
de May, ceux de la garnison de Bethune, q̄ n'est qu'à  
lieuē & demie de Lillers, aduertis qu'il estoit party  
de nostre camp grād nombre de chariots pour venir  
querir & amener en nostre camp vne grande quanti-  
té de farines, que ceux de Lillers ayās fait reparer les  
moulins, auoyent fait mouldre, pour subuenir au  
camp, firent entreprisé de les venir destrouffer en  
chemin, & à vn quart de lieuē de Bethune, à vn pas-

Destrouffe  
& recourse  
de noz vi-  
ures.

sage d'un petit pôt, mirēt quinze cens hōmes de pied en embuscade, & enuoyerēt enuiron trois cens cheuaux qui vindrent coupper chemin ausdits chariots deuant Lillers, les enfermans entr'eux & les gens de pied, de sorte q̄ tous les chariots & charrettes furent pris, & avecques eux vn commissaire de viures qui auoit sur soy quinze cens escus pour le payemēt desdites farines: & tellemēt s'escrierēt à la charge qu'ils firent sur iceux chariots, que l'alarme en vint iusques à Lillers. Les capitaines qui estoient dedās, du commencement qu'ils ouyrent ce bruit & grand hāissement de cheuaux, eurent opinion que ce fussent ceux du camp de Maruille, lesquels eussent quelque entreprise de les venir surprēdre en ladite ville de Lillers, car à l'endroit des marais tendans audit lieu de Maruille y auoit vne breche à fleur de terre d'environ cēt cinquante pieds de long, & pource coururent tous à ladite breche, mais apres y auoir mis la fleur de leurs gens de pied pour la garde d'icelle, le sieur Martin du Bellay, avecques les gens de cheual, iusques au nombre de cent, sortit à la campagne pour entendre que c'estoit au vray, & n'ayans gueres cheminé, descourut les Bourguignons chassans le butin deuant eux: si les chargerent incontinent sans marchāder avecques telle impetuosité, que lesdits Bourguignons auant qu'auoir recogneu de quel nombre de gēs ils estoient chargez, se mirent en rouverte, & furent par ceux de Lillers entieremēt rescous tous les chariots, cheuaux, prisonniers, & argēt sans riē y perdre: encores donnerēt-ils la chasse aux fuyās iusques sur l'embuscade, où estoient les quinze cens hōmes de pied, lesquels eurent tel effroy de voir leur caualerie rōpue qu'incōtināt ils sonnerēt l'alarme, & sans cela lesdits cheuaux legers de Lillers s'alloyēt droitemēt ietter en ladite embuscade: mais au son du tabourin qu'ils ouyrēt, ils s'arrestèrent, & se retirèrent le pas & bien

serrez



serrez en leur garnison, menât outre le butin recoux six hommes d'armes, & huit archers qu'ils auoyent prins en ceste chaste estans de la compagnie de monseigneur du Reu, sans vn qui fut tué sur le champ d'un arquebuser à cheual, & quelques autres blesez & mis par terre: encores sans la pluye qui suruint, & qui empescha les arquebusiers à cheual de iouer leur ieu, il en fust demeuré d'auantage, aussi qu'il faisoit si glissant que les François poursuyuans leur victoire romboient par terre.

Le lendemain qui fut le troisieme iour de May, le Roy qui apres auoir eu souuent nouuelles du camp des ennemis qui se renforçoit en Piemont, & de la prochaine descête d'un nombre de Lansquenets nouvellement leuez pour y venir, auoit delibéré d'y enuoyer renfort de gens, & se contentoit pour ceste annee d'auoir prins Hedin, & fortifié saint Paul, ainsi qu'il pensoit, se deslogea de Pernes, & s'en alla loger à la Contey pres d'Aubigny. De là fit sauoir aux capitaines estans à Lillers qu'ils eussent à le suyure, & à mettre le feu dedans la ville, reseruant seulement l'abbaye des nonnains, & les Eglises, & faire à l'entour des murailles le plus grand nombre de breches qu'ils pourroyent, afin que l'ennemy n'y retournast loger pour faire ennuy à Terouène & à saint Paul: ce q fut par iceux capitaines executé. Quatre ou cinq iours se tint ledit seigneur à la Côtey, tousiours surattédât q ladite fortificatiō de S. Paul se paracheuast.

Et cependant le Comte Guillaume de Furstemberg ayant fait secrettemēt praticquer les Allemans estans dedans Arras, ausquels il estoit deu trois mois, & qui ia estoient quittes de leur serment, fit entreprise avec le seigneur d'Annebault, & les cheuaux legers qui estoient tous sous la charge dudit seigneur d'Annebault, d'aller courir deuant Arras: en intention qu'iceux Lansquenets, sous vmbre de sortir à

l'escarmouche, se viendroyent ioindre avecques luy quoy auenât la ville fust demeuree desgarnie de gés, parquoy elle eust esté aisee à surprendre. Mais le seigneur Distain fils du Comte de Bures estant en la ville d'Arras, eut crainte ou soupçon q' s'ils sortoyent il en aduint ce que ledit Comte Guillaume en attendoit, & à ceste cause ne voulut iamais souffrir qu'ils sortissent à l'escarmouche : & afin de leur dōner plus gracieuse & à eux agreable excuse, leur dit qued'heure en autre il attendoit les Commissaires, Contreroleurs, & argent pour faire monstre, & que ce faict il leur donneroit congé d'escarmoucher tant qu'ils voudroyent. Ainsi fut vaine l'entreprinse dudit Comte, & se retirerent luy & ledit seigneur d'Annebault au camp deuers le Roy, lequel ils trouuerēt deliberé d'aller en personne visiter la fortification de saint Paul, & à ceste cause partant de la Comté vint loger à saint Martin, qui est vn chasteau distât d'un quart de lieue audit saint Paul, de là où part le petit ruisseau qui passe par ladite ville appartenant ledit chasteau au seigneur de Baillueil. Estât sur le lieu il visita la ville dudit S. Paul, & les remparts encommēcez, & voyant que l'Empereur n'auoit aucune armee ensemble, ny apparence (aux nouuelles qu'il auoit) que de trois mois il peust mettre suffisantes forces ensemble, pour faire aucune entreprise de consequence, il se delibera de bien pourueoir ladite place, de gens, de viures, d'artillerie, munitions, & de toutes choses requises & necessaires à la garde d'une place d'importance, & ce fait donner congé à vne partie de son armee, autre partie enuoyer en Piemont avecques bon nombre de Lansquenets qui luy venoyent alors sous la conduite du Duc Chrestofle de Vvirtemberg.

Siege & prise de S. Paul      A V D I T saint Paul il mit pour chef & gouuerneur messire lean de Touteuille seigneur de Villebō  
Pre-

Preuost de Paris avec les cinquante hommes d'armes, par les ennemis. dont il auoit la charge, le seigneur de Moyencourt nommé de Hangey, avec cinquante autres hommes d'armes dont il auoit la charge, le capitaine Martin du Bellay avec ses deux cens cheuaux legers, le capitaine la Salle, & le capitaine saint Aubin Normans, avecques chacun cinq cens hommes de pied, le capitaine Blerencourt & Yulle Picards, chacun autres cinq cens hommes: & dedans le chasteau fut mis par ledit seigneur, le capitaine René de la palletiere avec mille hommes, dont il auoit la charge. Les choses ainsi ordonnees, & argent laissé tant pour le payemēt des pionniers, que pour acheuer la fortification, ledit seigneur vint loger à Sercamp, & le lendemain à Dourlans, où il donna ordre de rompre son camp, ayans mis premierement audit liu de Dourlans en garnison le Comte Guillaume de Furstemberg avec sa troupe de Lansquenets, qui pouuoient reuenir au nombre de huit mille, & de gens de cheual le sieur d'Estree avecques la compagnie du Duc d'Estampes de cinquante hommes d'armes, & le seigneur de la Roche du Maine avec la sienne de pareil nōbre, pour tousiours donner faueur à la fortification & paracheuement de Saint Paul.

En cependant arriua le seigneur de Langey vers le Roy, pour luy faire entendre au long & à la verité l'estat des affaires de Piemont: sur ce qu'il apporta fut tenu souuent conseil, & plusieurs choses ordōnees, & entre autres fut ledit seigneur de Langey redepesché en Piemont. Par cy apres vous pourrez entendre ce qui en aduint, qui me fait retourner à S. Paul. Le seigneur de Villebon apres le partement du Roy, assambla les capitaines qui estoient demourez avec luy: & par ce qu'aucuns d'entr'eux iamais n'auoyent veu la ville depuis le commencement de la fortification, fut aduisé que tous ensemble la visiteroyent, pour apres

rapporter chacun son aduis au cōseil, pour donner ordre de diligēter les choses qui sembleroyent estre plus hastiues & necessaires. Apres l'auoir visitee, se trouuerent par opinion commune, que sans toucher au dedans de la ville (laquelle estoit plus que necessaire de remparer) il estoit impossible que de trois mois les boulleuers fussent mis en defense, esquels toutefois cōsistoit la principale esperance & force de la ville. A ces causes pour mieux diligenter, fut aduisé de distribuer les quartiers aux capitaines, qu'ils deuoient garder, auenant le siege, afin que chacun en son endroiēt mist la main à l'œuure, & fist besongner ses soldats avec les pionniers.

A v seigneur de Villebon lieutenant du Roy escheut à garder avec sa compagnie & mille hommes de pied des capitaines la Salle & saint Aubin, le grand boulleuert qui respond au chemin tendant à Mouchy, au seigneur de Moyencourt avecques sa compagnie, & les bandes du capitaine René de la Paletiere, le chasteau & le boulleuert qui couuroit ledit chasteau, à messire Martin du Bellay avec sa bande de deux cens cheuaux legers, & les gens de pied de Blerencourt & Yuille, qui deuoient auoir chacun cinq cens hommes, les deux bastions d'embas qui respondent vers Hedin & Dourlans, avec trois courtines qui attouchent aufdits boulleuers. Ce departement ainsi fait, vn chacun meit la main à l'œuure, faisant diligēter les piōniers, besongnans eux-mesmes à l'enuy : mais leur ouurage paroissoit peu veu la mauuaise affiette de la ville. Ne passa la fin du mois de May, qu'ils eurent nouuelles comment l'ennemy dresseoit vne grosse armee à Lans en Artois, & autres lieux circonuoisins, desquelles nouuelles il leur sembla deuoir aduertir le Roy, & demander renfort de gens : car en effect les bandes estoient fort mal complectes, & sur le nombre de trois mille hommes de pied qu'ils deuoient auoir, il en faillloit



faillloit plus de xv.cens, & cent hommes d'armes n'en auoyent pas quatre vingts, ne des deux cens cheuaux legers, plus haut de huit vingts. Sur ce leur fut respõdu que de brief ils auroyent le renfort qu'ils demandoient: & cependant furent enuoyez vers eux le ieune Picquet commissaire des guerres, le seigneur de Mariuaux avecques argent, pour faire la reueuë des gës de guerre, & les payer, aussi pour faire description des viures & munitions, & de tout en faire rapport au Roy. Au deuant d'eux fut entuoyé escorte de ceux de S.Paul, iusques pres de Sercam, car iusques là furēt conduits par ceux de Dourlans: aduint que lesdits commissaires ne furent si tost retirez à S.Paul qu'il vint a larme des gens fuyans des chāps à la ville, qui disoyēt auoir veu les ennemis pres de là, pillans le pays, & amenans butin & prisonniers. Soudain remonta à cheual vne troupe d'hommes d'armes, de la compagnie du sieur de Moyencourt, & le sieur Martin du Bellay avec ses cheuaux legers, le sieur de Moyencourt marcha au pas, ledit du Bellay ce mist deuant, fuyuant le chemin que leur monstroyent les fuyans, & gueres ne marcherent auant qu'ils eurent nouuelles comme les ennemis auoyent pillé le village de saint Martin, & amenoyēt prisonniers aucuns des cheuaux legers dudit du Bellay, lesquels ils auoyent mis en garnison audit chasteau de saint Martin, en se retirant de la conduite desdits commissaires: ces nouuelles entendues, ils pouisuyrent lesdits ennemis à trois lieuës loing de S.Paul, & quatre d'Arras, & les ayans attains ils les chargerent & recouurerent tout le butin & les prisonniers, & prindrent des leurs cinq hommes de cheual & quelques gens de pied.

De s le viij.iour de Iuin le seigneur du Reu qui auoit la conduite de l'auanigarde de l'Empereur, accōpagné de mille ou douze cens cheuaux, vint recognoistre la ville, & visiter les auenues, pour choisir lieu

conuenable à planter son camp: à l'endroit de la iustice patibulaire de la ville il s'adressa pour regarder le pays: à ceux de dedàs sembla estre chose à eux deshonorable, s'ils ne failloyent au deuant de luy, & pource mirēt-ils vn nombre de gens de cheual de toutes bandes dehors, qui luy dresserent l'escarmouche, où il y eut quelques lances rompues, & vn homme d'armes des leur prins, qui estoit de la compagnie du seigneur d'Austrat, par le rapport duquel on sceust que tout leur camp estoit à Aubigny deux lieuës pres d'Arras. Mais pour en entendre nouuelles plus certaines, fut aduisé que sur soleil couché le capitaine Martin du Bellay iroit celle part avec vne troupe de ses cheuaux legers, pour y arriuer deuant le iour, & essayer de prendre quelqu'vn, pour sauoir si le rapport dudit homme d'armes prisonnier seroit certain. Ainsi qu'il fut ordonné il fut executé: lesdits cheuaux legers marcherent sans bruit iusques aupres d'Aubigny, & là par le grand nombre des feuz cogneurent certainement que leur camp y estoit logé: puis ledit du Bellay coupant entre leur guet & leurs sentinelles avec dix cheuaux, se renuerfant sur le chemin de sa retraite, emporta leursdites sentinelles, & fut sur sa retraite auât que leur camp fust à cheual: par iceux prisonniers ils sceurent asseurement que l'intention des ennemis estoit de venir assieger saint Paul. Il faut noter que la deliberation du Conte de Bures n'estoit de si tost assaillir S. Paul, mais d'aller chercher le Comte Guillaume de Furstemberg, qui estoit logé pres de la ville de Dourlans, car il luy sembloit bien qu'ayât desfaict le regiment d'Allemands dudit Comte, il auroit bon marché & de Dourlans & de saint Paul. Mais le seigneur de Licque lieutenant du Duc d'Arscot estant allé rebourser le chemin entre Dourlans & S. Paul rencontra vn messager qui estoit sorty de saint Paul, enuoyé de la part d'vn Italien, qu'on nommoit Mes-

sire

sire Francisque , qui auoit charge dedans la place de conduire pionniers , & portant ledit messager lettres de son maistre à vn gros personnage estant pres de la personne du Roy, par lesquelles il luy faisoit entendre la debilité de la place: mais q̃ si l'ennemy leur donnoit temps de vingt iours, il esperoit que la place meriteroit bien faire receuoir honte à l'ennemy. Monseigneur de Bures, ayant ces nouuelles, changea d'opinion: car laissant le chemin de Dourlans tourna la teste à saint Paul. Et le dimanche neufiesme iour de Iuin, au matin enuiron soleil leuant, apparut leur auantgarde deuant le bastion d'embas tirant droit à Dourlans, & la conduisoit le Comte du Reu grand maistre de l'Empereur, lequel en passant auoit prins le chasteau de saint Martin par composition, où y auoit seulement cinq hômes qu'on y auoit laissez pour fermer la porte, en retirant le plus grand nombre qui y estoit auparavant.

AL'ARRIVEE de l'auantgarde se dressa l'escarmouche par ceux de dedans, tant de gēs de cheual que de gens de pied, sans que les ennemis prinsent auantage sur eux, par ce que ceux de dedās auoyent pourueu d'arquebuserie tous les cauains & lieux auantageux, pour le soustenir, & dura ladite escarmouche iusques enuiron midy: & cependant arriua le Comte de Bures lieutenant general de l'Empereur, lequel se vint loger avecques la bataille audit lieu de saint Martin, & aux enuiron. Sur le soleil couchant à l'assiette du guet de l'aduantgarde se renforça l'escarmouche par ceux de la ville au deuant dudit bastion, mais seulement de gens de pied, car ceux de cheual ne pouoyent plus sortir, à cause qu'on auoit desia remparé la porte, par ce qu'elle ne valloit rien. Au lendemain tout le camp passa le ruisseau qui court au lōg du village de S. Martin, & vindrent passer par le haut au dessus du chasteau, entre la forest & ledit chasteau, &

logerent vne partie de leurs gens de pied en vn gros village, qui est au dessus du grand bastion, & le reste de leur armee, tant de cheual que de pied, au long de la prairie qui tire droit à Mouchy, parmy les prez, hayes, & villages à l'entour. Leur guet ordinaiement estoit de mille ou douze cens cheuaux, & deux mille hommes de pied, sur le chemin qui vient entre Hedin & Dourlans: car ils doutoyent tousiours que la garnison de Dourlans qui estoit forte, tant de gens de cheual que de pied, ioincts avec celle de Hedin, leur vint donner vne estroite, & mettre leur camp en desarroy.

Or est-il que pour venir de leur camp changer ce guet, il leur couenoit passer deuant le boullcuert d'embas, où estoient les cheuaux legers, & les gens de pied Picards, lesquels faisoient leurs saillies par vne canonniere: parquoy ordinaiement au changement du guet du matin, l'escarmouche duroit iusques sur le midy, où tous les bons compagnons du camp Imperial ne failloient iamais à se trouuer, aussi faisoient ceux de dedans: car ils auoyent la plus belle plaine qu'il estoit possible pour dresser l'escarmouche: & pareillement au changement du guet du soir se faisoit le semblable iusques à la nuit. En ces escarmouches furent plusieurs blesez, tant d'une part que d'autre: & entre les autres le seigneur de Gomicour guidon du seigneur du Reu eut vn coup d'arquebuse à trauers du corps, dont il fut en tresgrand danger, mais depuis il fut guery. Les ennemis durât sedites escarmouches ne perdoient toutesfois temps à faire leurs approches, en la plus grande diligence qu'il leur estoit possible, car ils craignoient que le Roy qui auoit encores bon nôbre de gens ensemble, remist son camp sus, & vint pour secourir la ville (comme de fait il fust aduenü, si ladite ville eust peu resister quelque temps à si grande force) & faisant leurs approches tiroient ordinaiement au defenses de la ville, & principalement à la grosse tour  
du cha-



du chasteau, par ce qu'au hault d'icelle on auoit guindé vne longue couleurine, qui leur donnoit de l'enuy beaucoup à faire leurs approches. Le mecredy au matin, qui fut le xij. iour de Iuin, ceux de la ville commencerent à descouurir les trenchées des ennemis, & voyans qu'ils faisoient leurs approches pour faire batterie, depuis la porte qui va à Mouchy iusques au petit bastion, qui auoit esté fait à l'endroit de la porte de Hedin, & en effect c'estoit le plus debile endroit de la ville, car il n'y auoit ny fossé, ny rempart, ny defense aucune que dudit bastion, lequel n'estoit encores si hault qu'il ne fust dominé par deux montaignes qui regardoyent dedans. Les capitaines s'assemblerent pour aduiser qui prendroit la charge dudit lieu, & de defendre la breche si elle s'y faisoit.

Ces t z charge escheut au capitaine Martin du Bellay auec ses cheuaux legers, & au capitaine Blerencourt auec ses gens de pied, & que le capitaine Yuille demeureroit auecques les siens à la garde du bastion deuers Dourlans. Ce iour en faisant les approches fut blessé d'un coup d'arquebuse venant de la ville le capitaine Courard de Bemnelberph, surnommé au camp Imperial le petit Hesse, duquel coup toutesfois il fut depuis guery. Enuiron quatre cens pas contenoit la longueur de la courtine, qui estoit baillee en garde auecques ledit bastion aux susdits du Bellay & Blerencourt, & n'y auoit en toute ceste longueur commencement de fossé ny de rempart, & n'auoit point la muraille plus de trois bons pieds d'espeisseur, de sorte que le nôbre des pionniers qu'ils auoyent estoit fort petit au regard de si grâd ouurage, toutesfois chacun y mettoit la main comme pour loy, & pour sauuer sa vie & honneur, & acquerir reputation. Les capitaines ne partoyent point de dessus le lieu, besongnâs eux-mêmes, & donnans courage aux autres, & faisoient ap-

porter à boire & à manger sur le lieu, pour departir aux compagnons, mais l'entreprise estoit si grãde que la iournee de tous y paroissoit peu, ioinct qu'ils estoient contraincts de consumer autant de temps à desinolir & battre les maisons voisines & contigues la muraille, comme ils faisoient à pionner & remparer: & telle estoit la diligence de l'ennemy, que faisant les approches de ce costé, il ne se reposoit de l'autre.

A v dessus du grand bastion d'enhaul y auoit vn grand chemin creux, qui excusoit l'ennemy de faire trenchees, & n'auoyent eu ceux de la ville loisir de l'esplanader, pour la soudaine arriuee du camp imperial. Par là vindrent les ennemis à couuert, & dès le mardy enuiron midy auoyent gaigné le pied de la poincte dudit grãd boulleuert, sans pouuoir estre aucunement deslogez de ceux de dedãs, & arriuez qu'ils y furēt, ne cesserent de sapper & iour & nuict, iusques au iedy ensuyuant, qui fut le xiiij. de Iuin, & par là donnerent l'assault ainsi que ie vous diray cy apres. Ceux qui auoyent la charge du pan de mur que j'ay predit, quelq̃ difficulté qu'il y eust pour les coups de canon qui ordinairement donoient parmy eux, & le peu de gés qu'ils estoient, auoyēt toutefois vsé de telle promptitude, sans perdre temps ne iour ne nuict, qu'au troisieme iour ils eurent remparé plus de cent pas, commençant depuis la porte iusques à vn hostel Dieu, qui touchoit contre la muraille, où ils furent contraincts d'interrompre l'entreprise, pour abbatre ledit hostel Dieu, chose qui ne se pouuoit si legeremēt faire. Et ledit troisieme iour, qui fut le vendredy quinziesme du mois, les ennemis ayans fait leurs approches, enuoyerent vn trompette auecques vn herault, & le capitaine Tonnoire Espagnol, capitaine de Grauelines, au petit bastion qui estoit à la porte de Hedin, enuiron le soleil leué, lesquels sommerent le sieur de Villebon, & autres capitaines, qu'ils eus-

sent à rendre la ville, pour & au nom de l'Empereur, és mains du Comte de Bures gouuerneur & lieutenant general pour sa maiesté Imperiale en tous ses pays bas, dedans xxiii). heures, autrement estans forcez (comme il estoit apparant, veu la debilité de la place) il les feroient tous passer au fil de l'espee : à quoy fut respondu par ledit seigneur de Villebon & autres capitaines, qu'ils auoyent charge du Roy leur maistre de la garder pour & en son nom, & que iusques à la mort ils en feroient leur plein deuoir. Lesdits capitaines & herault, apres plusieurs remonstrâces faites, s'en retournerent porter responce, & se plainquirent qu'aucuns soldats en maniere de derision leur auoyēt dit, qu'ils attendissent à sommer saint Paul iusques à ce qu'ils eussent prins Peronne, & que Peronne prise, s'ils retournoyent sommer S. Paul, ils penseroient alors ce qu'ils deuoyent respondre.

Le seigneur de Bures la responce ouye, fit commencer la batterie, depuis le portail où estoit l'horloge iusques au boulleuert où estoit la porte d'Hedin, & dura ladite batterie continuelle, depuis les quatre heures du matin iusques à cinq heures de soir, pendāt lequel temps il fut tiré par compte fait le nombre de seize à dixhuiēt cens coups de canon, de maniere q̄ la breche pouuoit auoir ouuerture de trois à quatre cens pas, & à la pluspart des lieux on y pouuoit bien monter à cheual. Et fault entendre que du costé de Dourlans en vn hault lieu qui regardoit dedans le bastion, ils auoyent mis sept ou huiēt pieces, qui cōtraignirent ceux de la ville d'abandonner ledit bastion, qui estoit leur principale, ou (pour mieux dire) seule defense. Cela fait, ils vindrent donner vn assault, avecques enuiron de cinq à six cens hommes, non pour intētion d'entrer en la ville de ceste pointe, mais seulement pour recognoistre la breche, & au demeurant faire selon que l'auenture en donneroit

occasion, & bié pouuoyēt lesdits six cens hōmes venir au pied de la breche à seureté, car le bastiō (comme ie vous ay dit) estoit du tout abandonné, & ceux de dedās estoeyēt contraincts de se tenir couchez sur le ventre à l'endroit de la breche, car autrement ne se pouuoient-ils garantir des pieces qui estoient au dessus, lesquelles battoient tout le long de la breche par dedans, & auoyent faict si grād meurdre de ceux qui remparoyent & abbatoyent les maisons pour remparer, q̄ de ceux qui estoeyēt ordōnez pour defendre la breche, plus du tiers estoient morts, ou tellement blesez qu'ils ne pouuoyēt faire aucun seruice.

Les ennemis ayans recogneu la breche, ordonnerent autres sept ou huiēt enseignes pour se venir ietter au fossé, qui separoit le grand bastion d'avec la ville, lequel estoit assez cōpetēment profond en terre seiche. Or est-il que pour entrer de la ville dedās ledit boulleuert falloit passer par le fons dudit fossé: & par ce qu'on n'auoit eu le loisir de faire deux courtines pour ioindre ledit boulleuert avecques la ville, on auoit seulement fait deux courtines de vaisseaux à vin pleins de terre, pour la defense dudit chemin q̄ alloit par le fons dudit fossé du bastion en la ville, & ce faict, mirent le feu dedans les estāçons qui soustenoient la poincte dudit bastion, où ils auoyent sapé les iours passez, de sorte que ladite poincte alla par terre, & quant & quant tomberent és trenchées des ennemis tous ceux qui estoient sur ladite poincte à la defense. Parquoy incontīnāt dōnerent l'assault par ledit endroit, où ils furent tresbien recueillis par les capitaines la Salle, & Saint Aubin, avecques leurs gēs, & iamais ils n'eussent prins le bastiō par là, mais tandis qu'ils donnoient l'assault, ceux qu'ils auoyent fait descendre au fossé, tournoyrent tant qu'ils arriuerent à ladite courtine faite de poinçons, laquelle ils trouuerent gardee seulement de vingtcing ou trente arque-



arquebusiers, lesquels ils forcerent incontinant, & mirent en fuite, par ce que depuis qu'ils eurent gagné le fons du fossé, ils estoient à couuert de toutes parts. Aucuns des fuyans se retirerent dedans le bastion, autres par la porte qui alloit de la ville au bastion qui estoit par dessous terre, se retirerent dedans la ville: les vns & les autres furent suyuis par les ennemis qui entrerent pêle-mêle avec eux. Ceux qui defendoyent le bastion contre l'assault qui se donnoit à la poincte, ne se donnerent garde qu'ils virent derriere eux quatre enseignes de Bourguignons, & se virent assaillis par deux costez: tout ce que vertu & force naturelle peuuent faire de resistance ils y firent, mais le grand nombre vainquit le petit, tous furent tuez & taillez en pieces, ou bien peus'en fault. Sainct Aubin, son lieutenant, & enseigne y furēt tuez: la Salle prins, mais si bleffé que peu apres il en mourut, son lieutenant & son enseigne y moururent pareillement, aussi fit le portenseigne du seigneur de Villebon, nommé Sainct Martin.

C E P E N D A N T q̄ telle execution se faisoit, l'assault cōtinuoit tousiours à la breche d'entre la porte d'Hedin & le portal de l'horologe, & se defendoyēt tresbien ceux de dedans, & desia auoyēt soustenu vn furieux assault, ne sachās riē de ce q̄ s'estoit fait d'autre costé, quand ceux qui estoient entrez dedās la ville par la porte du grand bastion, apres auoir gagné le marché, tirerēt droit à ladite breche, & furēt les defendās assaillis par deuant & par derriere. Le seigneur de Moyencourt capitaine de cinquante homes d'armes, q̄ estoit venu du chasteau au secours de son cōpagnon le capitaine Martin du Bellay, ayant l'un des bouts de la breche en garde le pl<sup>o</sup> pche de ladite place sentāt l'ennemy à son cul, tourna la teste droit au marché, auq̄ lieu il fut tué, & aupres de luy sō frere, sieur d'Yue, & tous ceux qui l'auoyent suyui. Les ennemis

suuans leur poincte vindrent donner par le derriere à la breche où estoit ledit du Bellay, là où estans assaillis par deuât & p derriere furēt massacrez vij. xx. de la compagnie dudit du Bellay, & lieutenant & neveu du seigneur de Villebō nommé Laubies, & le reste n'en eut moins. De ceste furie demeurerēt seulement en vie ledit du Bellay, sauué par vn capitaine Allema, nommé le capitaine Bose, qui le trouua porté par terre parmy les morts, aussi fut le seigneur de Blerencourt. Le seigneur de Villebon qui auoit autre quartier en garde y fut pris par le capitaine Tonnoire Espagnol, s'estant retiré dedās vne tour, où falloit monter par vne eschelle: aussi fut le capitaine Iuille, ayant le bastion de la porte de Dourlans en garde, auquel aduint vn fait estrange, & presque pareil que celuy qui arriua à Romme, quand monseigneur de Bourbon l'assaillit, & cestuy-cy ie le vey. L'enseigne du capitaine Iuille qu'on auoit en estime de bien homme asseuré, estant à sa defense sur le boulleuert, son enseigne au poing, voyant l'ennemy marcher à l'assault entra en tel effroy, q̄ pensant à mon aduis fuir dans la ville, sortit par vne canonniere, & fuit droit aux ennemis, son enseigne au poing, où il fut massacré: aussi vn gentilhomme qui estoit aupres de moy entra en telle frayeur, qu'il tomba mort sans estre frappé, car ie le feis visiter. Le capitaine René de la Palletiere, lequel auoit le chasteau en garde, fut pareillement forcé par le boulleuert, lequel n'estoit encores du tout en defense, & fut prins prisonnier: mais sur vn debat qui sourdit entr'eux, à sauoir auquel il auoit donné sa foy, fut tué. Il y mourut de toutes gens, tant de gēs de guerre, citadins, q̄ pionniers, enuiron quatre mille cinq cēs hōmes, & ne fut pardonné ny à femmes religieuses, ny enfans, car vous sauez de quelle gratieuseté vsent les Lansquenets quand ils sont victorieux: mesme le capitaine Martin du Bellay, de puis auoir

uoir esté prins & amené dehors par la breche pour le sauuer, faillit à estre tué deux ou trois fois des Cleuois, & l'eust esté sans les seigneur Distain, qui l'acôpagna iusques à la tête du Côte de Bures son pere.

Le soir apres la fureur de la tuerie passée, le Côte de Bures lieutenant general pour l'Empereur fit crier par le camp, que tous ceux qui auroient des prisonniers, eussent à les amener deuant luy, ce qui fut fait. Le seigneur de Villebon fut enuoyé à Grauelines, & depuis paya dix mille escus pour sa rāçon. le seigneur Martin du Bellay dès le lendemain fut mis à trois mille escus, & renuoyé sur sa foy, à la charge d'estre de retour dedahs dix iours, ou enuoyer lesdits trois mille escus, & le cautionna le seigneur de Glayon gentilhomme de la maison de l'Empereur, qui autrefois auoit esté nourry en France.

DES le temps que le camp Imperial commēça de marcher, le Roy auoit commencé à redresser le sien pour secourir S. Paul, esperant à ce que luy auoyent promis les fortificateurs, qu'elle pourroit bien arrester l'armee Imperiale, iusques à ce qu'il y arriuaſt, veu la grande diligēce dont il vſoit. Et ia eſtoyēt partis monseigneur le Dauphin, & monseigneur le grand Maistre, avec bon nôbre de la noblesse, pour aller faire teste à l'ennemy : & apres eux faisoient venir à grandes iournees les gens de cheual auparauant ordonnez pour aller au Piemôt, lesquels sur ceste nouuelle auoyent esté contremandez, quand deuers eux arriua vn trompette du Roy, lequel estoit party de S. Paul en diligence, incontīnāt qu'il vit la ville prise : & leur cōpra ceste mal-plaisante nouuelle, laquelle du commencement on voulut tenir secrette, de peur d'estōner le peuple, mais à la fin elle fut declaree avec telle dexterité q̄ l'inconuenient ne fut trouuē si grand cōme il eust esté, si on eust laissé courir le bruit temerairement par gēs qui vont tousiours adioustās

quelque chose à ce qu'ils ont ouy. Mondit seigneur le Dauphin & monsieur le grand Maistre voyans que de secourir S. Paul il n'y auoit plus d'ordre, prindrent resolution (ce nonobstant) de marcher en auant au plustost qu'il seroit possible, tant pour obuier au danger des autres places de la frontiere, que pour se reuencher du dommage receu.

TROIS iours demoura le camp Imperial deuant S. Paul apres la prise de la ville: pendât lequel temps, le Côte de Bures fit brusler la ville, raser le chasteau, & abbatre la grosse tour, pour raison qu'il ne trouua par l'aduis de son conseil, q̃ ville, ne chasteau se puisse mettre en telle fortification que ce soit pour attendre vne grosse puissance. Le quatrieme iour qui fut le xix. de Iuin, il fit faire les monstres de ses Lansquenets qui se trouuerent le nombre de xxij. à xxiiij. mille hommes, cinq ou six mille Vallons, & huit mille cheuaux, tât Cleuois, haults Allemans, que des ordonnances des pays bas de l'Empereur: le mecredi deslogea le camp, & vint l'auantgarde loger à Auchy les Moynes au bout du parc d'Hedin, & la bataille à Blangy en Ternois, qui fut cause de tenir les François en incertitude du chemin que lesdits Imperiaux vouloyent prendre, ou d'Hedin ou de Montreul. Dedans Hedin estoit le seigneur de Sercu avec les cinquante hômes d'armes, dôt il auoit la charge, & mille hommes de pied, dont estoit son lieutenant Philippe de Mailly, & le seigneur de Picennes aussi capitaine de cinquante hômes d'armes estans avecques luy: & auoyent ia tresbien reparable la breche que le Roy auoit faite, & au demourant estoient fort bien pourueuz de toutes choses necessaires à la garde & defense d'une place de telle importance. D'autât qu'Hedin estoit bien pourueu, autant l'estoit mal Montreul: car le seigneur de Canaples qui en auoit esté ordonné chef, n'y estoit entré que trois ou quatre iours deuant,



uant, avecques mille hommes de pied nouveaux leuez, & quelques deux cens cheuaux des arrierebans de Normandie. Or n'estoit alors la ville retranchée, parquoy pour la bien pourueoir, eust esté besoin d'y auoir au moins six mille hommes de pied, & trois cēs hōmes d'armes. Sur ce le Comte de Bures se delibera de ne s'amuser à Hedin, & print le chemin de Montreul, auquel lieu arriué asit son camp, vne partie vers la porte d'Hedin, du costé du bas de la ville, autre partie aux Celestins, tirant le chemin de Terouenne, autres vers la porte du grand marché qui tire à Abbeuille: ce fait planta son artillerie contre le bas de la ville, vne bande à l'endroit de la iustice, autre sur vn petit hault deuers la porte du grand marché, laquelle battoit le long de la courtine du bas de la ville par dedans, & vne autre bāde sur vn autre hault, où il y a vne chapelle tirant le chemin qui va à Beaurain. Apres auoir fait batterie le long d'vne grande courtine depuis le portail de deuers Hedin en tirant vers la porte du grand marché, se preparerent pour donner l'assault: vray est que la breche estoit raisonnable, mais malaisée aux ennemis à y venir, à cause des fosséz qui estoient pleins d'eau, car encores qu'ils eussent escoulé les caues, le marais estoit demouré.

Description  
& prise de  
Montreul  
par les ennemis.

D'AUTRE part y auoit vn grand desauantage pour ceux de dedans, car pour venir à la breche ils estoient descouverts de deux bādes de l'artillerie des ennemis, puis estans à leur defense, estoient encores veuz des deux costez par les flācs, & n'auoyent l'opportunité de faire traueses pour eux couvrir, aussi le peu de nombre qu'ils auoyent n'estoit suffisant pour garder la moitié du bas de la ville: parquoy l'ennemy venant à l'assault, tout le reste de la ville, qui a grād circuit, demouroit abādonné à l'ennemy. Toutes ces choses considerees, le seigneur de Canaples

par l'avis des capitaines & des soldats qui estoient avec luy, estant à ce sollicité par le Comte de Bures, fit capitulation telle, que tous les gens de guerre sortiroient leurs bagues sauues, & en armes, & les habitas, avec ce qu'ils pourroient emporter de leurs biens sur eux. Jamais le Comte de Bures, voyant la ville despourueüe de toutes choses comme elle estoit, ne leur eust accordé composition si honorable, n'eust esté la crainte qu'il auoit de ce qui aduint, qui estoit que cependant qu'il s'amusoit audit Montreul, on mit secours dedans Terouenne, d'hommes & de pouldres, car il estoit bien aduertý qu'elle en estoit fort despourueüe: & si partant d'Hedin pour aller audit Montreul, il fust allé droit à Terouenne, bien à peine eust-on eu le moyen de la secourir comme on fit.

Rafrechissement mis dedans Terouenne.

MESSIRE François de Montmorency seigneur de la Rochepot, estoit pour lors lieutenant general pour le Roy en Picardie, lequel cognoissant l'importance de Terouenne, & qu'il n'y auoit dedans plus hault de vingt cinq ou trente hommes d'armes de la compagnie de monseigneur de Bernyeulles gouverneur dudit lieu, & pareil nombre de la compagnie de monseigneur de Crequý son frere aîné, & environ cent hommes de pied, & cent mortepayes, y enuoya soudainement le seigneur de Caný lieutenant de la compagnie du ieune Duc de Vendosmois, avec quarante hommes d'armes de ladite compagnie, le seigneur de Foudras son lieutenant avec xx. hommes d'armes de la sienne, le fils du seigneur de Dampierre guidé de monseigneur le Dauphin avec xx. hommes d'armes de ladite compagnie, & le capitaine S. Brisse, l'un des lieutenans du capitaine la Lade, avec quatre cens hommes de pied, lesquels à grande peine y arriuerent à temps, car desjà Montreul estoit réduit, & le camp Imperial logé à deux lieues pres de Terouenne. Et si de fortune le Comte de Bures au desloger de Montreul eust enuoyé ses gens  
de

de cheual droict à Terouenne, sans sejourner en chemin, ou qu'il fust allé tout droict au partir de S. Paul, la ville estoit en danger, par faute d'hommes comme j'ay predict: car la puissance qu'amenoit monseigneur le Dauphin, ne fust iamais arriuee à temps pour la secourir.

Le xxij. de Iuin arriua môdit seigneur le Dauphin en la ville d'Amiens, accôpagné de monsieur le grand Maistre de Môtmorency, qui sous luy auoit la principale superintendence de l'armee, lequel incontinent mâda le Comte Guillaume de Furstêberg, estant pour lors à Corbie avec son regiment de Lansquenets, & le capitaine Nicolas de Rusticis, dit le Bossu, nouuellement arriue, ayant amené quatre mille bas Allemâs, gens bien en ordre, & aguerris és guerres de Munstre & de Dannemarc: à ce qu'au vingtdeuxieme dudit mois ils se trouuassent à Abbeuille, où il entendoit faire l'amas de ses forces. Le Comte Guillaume avec sa troupe fut logé dedans les faubourgs de Vimeu, le capitaine Nicolas de Rusticis és faubourgs de la porte S. Gilles tendant au Pontdormy. Et audit lieu d'Abbeuille sejourna monseigneur le Dauphin, attendant le reste de son armee, durant lequel sejour il eut nouuelles par vne mortepaye, qui estoit sorty de Terouenne nômé Pierre L'oyseau, qui auoit passé à trauers le guet des ennemis, comme dedans la ville de Terouenne on auoit grande necessité d'arquebusiers, & mesmes de poudre pour l'arquebuserie. A ceste cause fut conclu qu'il estoit necessaire de les en secourir, & fut esleu le seigneur d'Annebault, pour mettre ledit secours avec les cheuaux legers dont il estoit general, lequel incontinent se retira à Hedin, pour estre lieu le plus à propos pour executer ladite entreprise.

Le camp Imperial estant deslogé de deuant Montreul, l'auantgarde auoit esté loger à Renty, & la bataille à Verdures, & le lendemain deuant Terouenne:

auquel lieu estant arriué Monseigneur de Bures, auoit logé son camp partie à Delette, autre partie au dessous de la iustice, & l'autre au de là du chasteau en vn lieu où l'an mil cinq cens treize Talbot auoit planté son camp. Puis en extreme diligence fit faire les approches, & mettre leurs pieces en batterie, depuis la tour des marais iusques au dessous de la tour du chasteau, passant par deuant vn lieu nommé la Patrouille, où, apres auoir assis leur artillerie, firent telle diligence qu'en moins de douze iours ils battirent le chasteau, qui n'estoit q̃ de deux tours, par ce que quand le Roy d'Angleterre print la ville audit an mille cinq cens treize, ledit chasteau auoit esté rasé. Brief ils firent telle batterie que nos gens furent contraints de l'abandonner, & se retirans, retrancher par derriere. Ce faict continuerent leur batterie iusques à la Patrouille, de sorte qu'ils feirēt yne breche de deux cens pas de lōg. Vray est qu'elle n'estoit aisee à forcer, car nos gens s'estans retirez derriere (cōme il est dit) auoyēt trenché le répart, & iceluy mis en tel estat, que si les ennemis eussent gaigné le haut dudit rempart, ils eussent esté contraints de tomber en vn fosse bien flanqué. Entre tant le seigneur d'Annebault que ie vous ay dit, estoit venu à Hedin pour dresser son entreprise, laquelle estoit de mettre dedans la ville quatre cens arquebussiers, portans chacun lié autour de luy vn sac de cuir fait à poste, plein de poudre, & pour cest effect auoit choisi le capitaine Briandas.

A Y A N T mis ordre aux choses necessaires, ledit seigneur d'Annebault partit de Hedin à iour couché, ayant sa compagnie auecques luy de cinquante hommes d'armes, le seigneur de Piennes auecques pareille charge, le seigneur de Tais deux cens cheuaux legers, le seigneur de Termes deux cens, le seigneur d'Aussun deux cens, le seigneur de Sansac deux cens, le capitaine Francisque Bernardin de Vimarca deux cens, le sei-

gneur



gneur Maure de Nouate deux cés, le capitaine Georges Capuslement deux cens Albanois, & le capitaine Theode Manes pareille charge: & marcha le chemin de Guinegatte tenant tousiours le haut pays. Estant acheminé ietta cent cheuux de coureurs deuant, puis fait marcher les gens de pied à leur queue, & à la queue des gens de pied autres deux cens cheuaux, auxquels il donna charge de marcher droit à Terouenne, sans s'amuser en aucun lieu iusques à la porte, & plustost se hazarder d'estre pris & deffaict que d'y failir. Et ledit seigneur d'Annebault avec lagendarmerie, & le reste des cheuaux legers, & plusieurs autres gentilshommes qui estoient venus pour leur plaisir & acquerir honneur, tels que le Comte de Villars, le seigneur Do, & plusieurs autres, deuoit demourer avec la troupe au dega de Terouenne, au dessus de Guinegatte, ayant enchargé aux cheuaux legers qu'il auoit iettez deuant, que dès qu'ils auroient mis les gens de pied dedans la ville, ils eussent à faire vn signal, à ce qu'il eust à se retirer, & eux deuoient demourer sur la queue, pour l'aduerdir si l'ennemy se iettoit à la campagne. Les gens de pied furent mis dedans la ville sans perte & sans alarme: le signal fut montré, apres lequel le seigneur d'Annebault se mist à faire sa retraite, laquelle il eust faict aisément sans dâger, mais les cheuaux legers qui auoient esté iettez sur les ailles, induits par les ieunes gens qui vouloyent rompre leurs lances, allerent donner l'alarme au camp de l'ennemy, lequel ils trouuerent à cheual, par ce que ledit ennemy ayant eu aduertissement de ladite entreprise auoit delibéré de l'empescher, ce qu'à mon opinion il eust faict: mais estans montez à cheual pour attendre nos gens au passage, ceux de l'auantgarde qui venoient d'un costé, & ceux de la bataille de l'autre, s'entrecroiserent, & par faute de se recognoistre à l'occasion de l'obscurité de la nuit, se

Desfaite de  
mōseigneur  
d'Anne-  
bault.

chargerent les vns les autres, où y eust grand desordre, & beaucoup de bleffez, tāt d'un costé que d'autre, & cependant noz gens entrerēt dedans la ville, & cela fut cause que nos gens estās allez pour leur dōner l'alarme les trouuerēt à cheual. Le seigneur d'Annebault (lequel faisoit sa retraitte) estant aduertiy que ses chevaux legers estoient à l'escarmouche, voulut temporiser pour les retirer, mais l'ennemy ayant fait grand diligence, vint pour luy couper chemin au passage d'un pont, auquel lieu luy & ceux qui estoient en sa compagnie, combattirent si vigoureulement, que durant le combat il y mourut plus grand nombre d'Imperiaux que des nostres: mais en fin y arriuant toute la cavallerie du camp, fut ledit seigneur d'Annebault porté par terre, & prins prisonnier, & auprès de luy le seigneur de Piennes, le Côte de Villars, le seigneur Do, le capitaine Georges Capussement, le capitaine Francisque Bernardin, le seigneur de Sanfac, & presque tous, mesmes les chefs, hors mis ceux qui desia auoyent passé le pont. Aucuns desquels, & entre autres le seigneur d'Aussun, s'estans retirez à Hedin, apres auoir luy & ses compagnons changé de chevaux, retournerent au lieu où auoit esté le combat, lesquels trouuans les ennemis en desordre, cōme gens qui pensoyēt n'y auoir plus d'ennemis en campagne, les chargerent, & en desfirent, & prindrent bon nombre, & mesmes rescouirent plusieurs des nostres qui estoient prisonniers entre leurs mains.

Les ennemis d'une part se glorifierent d'auoir eu une telle victoire à leur auantage, d'autre part se trouuerent mal du secours qui estoit entré dedans la ville, car ils auoyent accoustumé ordinairement de venir sur le bord du fossé tout priuemēt & sans danger, parce que ceux de dedans auoyent faulte & d'arquebusiers & de poudre: mais les arquebusiers nouueaux venuz les seruirent de telle sorte, qu'ils leur firent chan-  
ger de

ger de façon de faire, qui fut cause que la ioye qu'ils auoyent eu de leurs prisonniers ne leur dura gueres. Peu de iours apres le seigneur de Cany lieutenant du Duc de Vendosme, & autres avecques luy, ayans cognoissance que le plus souuent des gros seigneurs de leur camp se venoyent esbatre dedans les trenchees, delibererent de les y surprendre: ce qu'ils firent par vne saillie que fit ledit seigneur de Cany avecques ses compagnons, lesquels trouuans lesdits ennemis dedas leursdites trenchees en mauuais equippage, & mal sur leurs gardes, en taillerent en pieces soixante ou quatre vingts, & entre autres le porte-guidon du Duc d'Arscot, & fut prisonnier le Seneschal de Henault, hōme de grande maison, auquel ledit seigneur de Cany sauua la vie, autrement il fust passé au fil de l'espee comme les autres, & depuis fut rendu ledit Seneschal en eschange pour le seigneur de Piennes.

PEN ANT ce temps Monseigneur le Dauphin, & monseigneur le grand Maistre voulans donner secours aux assiegez, ayans leur armee ensemble, s'en vindrent loger à Ham petit village, entre Dourlans & Auchy: de là ayans porueu à tous leurs affaires, allerent loger à Auchy le chasteau, sur la riuiera d'Authie, puis à Feruens sur la riuiera de Canche, deliberez de prendre leur chemin pres de Pernes, pour aller loger au dessus de Terouenne, entre Guinegatte & Terouenne, & de là (ayans le hault) à coups de canon leur faire abandonner le costé de delà l'eau vers Guinegatte, & par ce moyen secourir la ville, ou les contraindre de venir au combat à leur desauantage: & pouuoit auoir en nostre camp, le nombre de quinze à seize cēs hommes d'armes, & enuiron deux mille cheuaux legers, de dix à douze mille Allemans, & douze ou quatorze mille François. Cependant se commencerent à mener traittez de la part de la Roynne de Hongrie, par le moyen du Duc d'Arscot, pour

venir à quelque traitté de paix, ou bien à quelque trêue, pendant lequel temps les choses se deuoyent mitiger: & furent les choses tant demences, qu'en fin il fut arresté, que les deputez d'une part & d'autre se trouueroyent en vn village nommé Bommy, estant du Comté de saint Paul, deux lieues pres de Terouenne. De la part de Monseigneur le Dauphin fut député le seigneur de saint André chevalier de l'ordre du Roy, & le president Poyet, tiers President de la cour de Parlement de Paris, & Nicolas Berthereau secretaire du Roy, & de Monseigneur le grand Maistre, lesquels se trouuans audit lieu de Bommy avec les deputez de la part Imperiale, apres les choses bien debattues, fut conclu vne suspension d'armes pour trois mois, entre les pays du Roy, & les pays bas de l'Empereur, & cependant seroit aduisé s'il y auroit moyen de faire vne paix, entre ces deux grâds Princes & leurs alliez. Ie me suis long temps tenu à parler des affaires de Piemont, afin de mieux descrire les choses aduenues en la Picardie, maintenant ie parleray de ce qui aduint depuis ce temps-là.

Affaires de  
Piemont.

LE Roy partant pour son voyage de Hedin, auoit ordonné le seigneur de Humieres pour aller en Piemont, & premierement afin d'estre seurement aduertty en quel estat estoient ses affaires de par de-là, ayât entendu y auoir plusieurs differens entre les chefs de son armee, & pour sauoir les occasions desdites diuisions & differens qui y estoient, depescha le seigneur de Langey, messire Guillaume du Bellay, lequel à son retour vint trouuer le Roy à la Contey (comme i'ay dit) à l'heure qu'il se retira de Pernes avecques son armee, retournant dudit voyage, qu'il luy fit entendre ce qu'il auoit trouué & negocié audit pays, ainsi que ie vous reciteray cy apres.

Vous ne devez ignorer par ce que i'ay descrit au commencement de ce liure, comme le Comte Guy  
de



de Rangon arriua à Carignan avec l'armee du Roy, venant à la Mirandole pour le secours de Turin, & comme le seigneur Caguin de Gonzague sans le sceu dudit Comte composa, ceux qui estoient pour la part Imperiale dedans le chasteau dudit Carignan: dont il ne fut content, par ce qu'il luy sembla que c'estoit le mespriser, attendu qu'il estoit lieutenant general en l'armee du Roy. Et de là s'engendrerēt quelques particularitez entr'eux, qui continuerent en maniere, que lesdits Comte Guy & Cesar Fregose son beau frere se banderent contre ledit seigneur Caguin, de sorte que le Roy fut contrainct d'y enuoyer (ainsi que dit est) le seigneur de Langcy, pour cognoistre de leurs differens, & chercher le moyen de les mettre d'accord, & avec ce luy donna charge d'entendre en quel estat estoient ses affaires de Piemont: lequel partit pour cest effect, peu de temps auant que le Roy allast assieger Hedin.

ESTANT arriué la part où estoit le Comte Guy, Cause des differens entre les Comte Guy & le seigneur Caguin de Gonzague.  
voulut particulierement entendre les differens & raisons, tant d'une part que d'autre. Le Comte Guy disoit qu'encores qu'il eust pleu au Roy luy donner la principale charge, & le constituer son lieutenant general en son armee, il auoit toutesfois deferé en tout ce qu'il auoit esté possible au seigneur Caguin de Gonzague, tant pour l'ancienne seruitude dudit Caguin, & de sa maison enuers la couronne de France, que pour la qualité de sadite maison, & ce iusques à auoir esté le plus du temps tenir le cōseil au logis dudit seigneur Caguin. Nonobstant lequel sien plus que deuoir il ne l'auoit iamais peu entretenir en contentement, qu'il n'ait tousiours tendu à rompture, plustost qu'à amitié, tenant des propos de luy qu'il ne deuoit tenir, se vantant ledit Caguin de n'auoir changé de seruice comme ledit Comte, & d'auoir ouuertement porté l'ordre du Roy, & non pas caché comme luy, adioustant

outre ce autres paroles mal sonantes. Aussi ledit seigneur Comte Guy ne se pouuoit contenter de la façon dont auoit esté vsé à la reddition du chasteau de Carignan, & que depuis lors ils auoyent esté plus mal ensemble qu'ils n'estoyent auparauant, lequel malcontentement entr'eux s'augmenta encores d'auantage quand ledit Caguin sceut qu'on luy auoit cassé partie de ses gens de pied, & le bon recueil qu'auoit fait le Roy à Cesar Fregose, quand il luy vint faire la reuerence au camp lez Auignon, en la compagnie du seigneur d'Annebault. Et aussi dequoy le Roy auoit ordonné qu'auenant le partement dudit Comte Guy ledit seigneur Cesar demoureroit son lieutenant en l'armée: & furent lors escrites & diuulguees aucunes lettres au mespris & contemnement dudit Cesar Fregose au nom de Laretin, lesquelles iceluy Cesar disoit auoir verifié auoir esté composees par ledit Caguin, auquel pour ceste cause ledit Cesar auoit enuoyé vn cartel de defiance.

Le seigneur de Langey remonstra audit Comte Guy, & Cesar Fregose le reculement & preiudice du seruice du Roy, par le moyen de ces differens, & que par les chapitres de l'ordre du Roy, les Cheualiers dudit ordre ne peuuent enuoyer ny accepter cartel ne combat l'un contre l'autre, sans le congé de leur superieur, qui est le Roy. Ledit Cesar s'excusa, disant n'auoir iamais veu lesdits chapitres: aussi q pour son honneur il ne se pouuoit passer de faire ce qu'il auoit fait, attendu l'enormité des propos semez contre luy par les lettres diuulguees au nom de Laretin: toutesfoi pour ne desobeir au Roy, & ne retarder ou reculer le bien de ses affaires, il estoit content de ne passer outre, pendant que cest affaire dureroit, moyennant que ledit seigneur Caguin ne passast outre de son costé.

Le seigneur Caguin d'autrepart se plaignoit, qu'ayant

yant luy-mesme praticqué le Comte Guy, & amené au seruice du Roy, & se voulant accommoder & viure vnanimement audit seruice avecques luy, ce nō-obstant le peu d'amitié qui estoit entr'eux aupara-uāt, ledit Côte auoit fait moindre estime de luy qu'il n'appartenoit, & si bien en aucune chose il en auoit fait compte, ç'auoit tousiours esté avec certaines parolles ambiguës & à double entente: & que le Comte Guy pour auancer Cesar Fregose son beau-frere auoit tousiours tasché à le reculer, & luy faire & procurer choses par lesquelles il voyoit ledit Côte tendre euidentement à luy faire abandonner le seruice du Roy. Alleguoit aussi l'anciēne seruitude de sa maison, sa nourriture au seruice du Roy, sans y auoir iamais varié, combien qu'il en eust souuent esté recherché avecques grādes conditions. Alleguoit aussi outre ce, qu'il estoit autant homme de seruice (quant à sa personne) que ledit Cesar Fregose: il auoit outre, tant de luy que de sa femme, & de ses nepueux, dont il auoit la garde de la minorité, estats & pays, où il pouuoit leuer & auoir leué gens pour le seruice du Roy, & ses places prestes pour faire l'amas & le passage des gens, pour venir audit seruice: aussi disoit auoir attiré le Comte de la Mirandole audit seruice du Roy, & auoir pour ces causes perdu de son bien, & quelques vnes de ses places auoir esté desmolies.

D I S O I T d'auantage, que dès le commencement que le Roy voulut leuer gens, il n'auoit voulu capituler avecques ledit seigneur ainsi que les autres: seulement auoit déclaré l'affection qu'il auoit d'acquiescer audit seruice augmentation d'honneur & de credit, sans laquelle affection il fust demouré en sa maison, en laquelle il auoit dequoy se tenir honorablement: toutesfois voyant l'ennemy du Roy entré en Frāce, il auoit eu seulement esgard à son aff. & dō de le seruir à la necessité, non pas en ceste liēne diminutiō

de reputation, chose qui luy estoit mise en auant par tous ses parés & amis de par delà, qui luy desconseilloient de prendre & accepter vne si peu honorable charge. Disoit d'auantage, qu'ayant esté accordé audit seigneur Cesar Fregose, tant de beaux partis sur la promesse qu'il auoit faite de bailler Gênes au Roy, & lesquels partis estoient suffisans pour attirer au seruice du Roy vn Duc de Mantoue, ou autre gros Prince, d'autre credit que ledit Cesar, que toutesfois il n'auoit rien seulemēt executé de sa promesse, mais s'en estoit mis à son deuoir beaucoup moins qu'autres, se comprenant ledit seigneur Caguin au nombre d'iceux. Parquoy le Roy pouuoit honnestement differer lesdits partis à luy accordez, à tout le moins ne luy faire bien ny honneur à luy qui estoit nouveau seruiteur, outre ce qui luy auoit esté promis au commencement de la leuee, au preiudice de la reputation des anciens & bons seruiteurs: se pretendant interessé, que pour bailler augmentation de gens de pied audit Cesar, on luy auoit cassé les siens: disant que si on les y eust cassez pour euitier & diminuer la despense, non pas pour en bailler à autre, ou bien que le Roy le luy eust escrit, non pas y proceder en la maniere qu'il auoit esté, qui estoit (à ce qu'il disoit) qu'il n'auoit aucune chose entendu de la casserie, sinon par le bruit de ses malueillans qui s'en vantoient pour le vilipender, il eust plus patiemment porté.

DISOIT aussi que ceste auoit esté la cause qui l'auoit meu d'escire & dire ce qu'il a pensé seruir, à faire cognoistre aux gens qui l'eussent ignoré, que s'il estoit mal traité pour bien traiter ledit Cesar, cela n'estoit pour le merite dudit Cesar, ne pour chose qu'il valust mieux que luy: & si pour ceste cause ledit Cesar Fregose luy auoit enuoyé le cartel de combat, qu'il n'auoit peu faire moins que de l'accepter comme il auoit: & que nonobstant qu'il eust deliberé de  
faire



faire audit Cesar de l'auantage plus qu'il ne deuoit, afin de le faire venir au poinct du combat, il estoit toutesfois content pour ne reculer le seruice du Roy, de differer iusques apres l'execution dudit seruice: sinon que depuis sa responce faite par luy audit cartel Cesar Fregose eust escrit autre chose qui vint cy apres, ou qui encores ne fust venue à sa cognoissance, ou qu'il en escriuist d'icy en auant, à quoy il escheust de faire responce pour son honneur: auquel cas il vouloit supplier le Roy de ne prendre à mauuai se part s'il le vouloit garder.

Av demourant fit entendre audit seigneur de Langey qu'il luy estoit besoin pour sa santé, voyant les affaires pour lors n'estre gueres eschauffees, s'il pouuoit auoir sauſconduit de se retirer à sa maison, pour prendre l'eau des baings, & que s'eschauffant les affaires, s'il plaisoit au Roy luy donner charge honorable, il y viendroït en tel equippage, qu'il luy feroit seruice, & acquerroit honneur, sinon, il demeureroit en sa maison, sauſ que si le Roy marchoit en personne, il se retireroit vers luy pour luy faire seruice: & qu'il n'estoit deliberé, comme que ce fust, de iamais porter la croix rouge. De toutes les choses cy dessus le seigneur de Langey aduertit le Roy, lequel il vint trouuer à la Côtey, à l'heure qu'il se retiroit de Pernes avec son armee à son retour du voyage d'Hedin, & permist le Roy audit seigneur Caguin de se retirer en sa maison pour reconurer santé.

QV E L QV E temps au parauant le Tholosan qui estoit vn soldat natif de Cony, auoit assemblé quelque nombre d'hommes sans souldes, pour le seruice du Roy, ayant seulement l'adueu du Côte Guy, avec lesquels il auoit surpris la ville de Quiers sur les Imperiaux: mais le Côte Guy ayât aduertiffemēt cōme le Marquis du Guast se preparoit pour la venir reprendre, y enuoya le cheualier Assal avecques deux

enseignes de gens de pied, dont il auoit la charge, & cinq cens hommes des bandes du cheualier de Birague, lesquels avec ledit Tholosan la garderent, & repousserent leurs ennemis en deux assauls qui leur furent donnez, dont le cheualier Affal entra en vne certaine grandeur, de sorte qu'il escriuit lettres au Comte Guy aussi arrogantes, en se magnifiant autant que s'il eust conquis vn Empire. Choses que ledit Comte trouua de fort mauuaise digestiō, disant q̄ s'il y auoit honneur, il appartenoit au Tholosan, plustost qu'à luy, car il auoit prins la ville, & auoit aurant eu d'honneur à la garder que ledit Affal : bien aduouoit ledit Comte q̄ ledit Affal estoit gentil soldat, & qui auoit bien fait son deuoir. Brief ledit seigneur de Langey auoit trouué les affaires du Roy en telle combustiō, qu'apres auoir pourueu au Marquisat de Saluces au nom dudit Seigneur, ainsi qu'il en auoit commissiō, il reuint vers luy (comme dit est) pour l'aduertir de toutes choses, & qu'il estoit besoin d'y pouruoir promptement, s'il ne vouloit perdre le pays : car l'armee Imperiale de iour en autre se renforçoit, & la nostre diminuoit, pour les partialitez qui estoient entre les chefs. Et fit entendre au Roy, que si monsieur de Humieres (lequel partant pour son voyage d'Hedin il auoit ordonné pour aller en Piemōt) y arriuoit sans auoir vne teste de iiij. ou v. mille Suisses ou Lansquenets, & quelque renfort de gendarmerie, il ne voyoit moyen qu'il fust maistre de la campagne, & que l'abandonnant (veu la mauuaise prouisiō qui estoit dedans les places) il y auoit apparence d'euidente perte pour le Roy.

Preparatifs  
du Roy pour  
Piemont &  
Picardie.

Le Roy ayant entendu audit lieu de la Contey le rapport dudit seigneur de Langey, & apres auoir mis les prouisions à ses nouuelles cōquestes comme Hedin & Sainct Paul, delibera de rompre son camp, & ordonna de faire marcher les cheuaux legers droit en

en Piemont, pour renforcer l'armee qui y estoit, puis manda au Duc Chrestoffle de Vvirtemberg qui amenoit dix mille Lansquenets à son seruice, de prendre pareillement le chemin de Piemont, pour se ioindre avecques mondit-seigneur de Humieres. Mais auant que lesdits cheuaux legers eussent passé Lion, ayant aduertissement que l'armee de l'Empereur marchoit pour venir à S. Paul, ainsi qu'auiez entendu, contremâda les cheuaux legers, faisant tousiours acheminer les Lansquenets, & conclut de leuer la charge de son armee au Comte Guy, & l'enuoyer en Italie pour autres entreprises, à son seruice. Aussi furent enuoyez pour recueillir lesdits Allemans, & faire leurs monstres, & les conduire le seigneur de la Roche Matignon, & le seigneur de Borran commissaire ordinaire de la guerre. Et desia le Roy auoit depesché trois ou quatre cens hommes d'armes, sauoir est, le Baron de Curton avecques cinquante hommes d'armes, le seigneur de la Fayette cinquante, la compagnie du Prince de Melphe de cinquante, & soixante de la compagnie de Monseigneur le Dauphin, dont ledit seigneur de Humieres estoit lieutenant, & le seigneur de Brissac ayant charge de deux cens cheuaux legers, le seigneur de Lassigny mille hommes de pied, le seigneur d'Allegre autres mille, outre la gendarmerie, cheuaux legers, & gens de pied, tant François qu'Italiens, qui estoient en l'armee, dont auoit eu la charge le Comte Guy de Rangon. Aussi depescha pour faire marcher en Piemont le capitaine Nicolas de Rusticis, dit le Bossu, lequel amenoit quatre mille Lansquenets bas Allemans, lesquels il auoit sustraiçts de la leuee que faisoit faire l'Empereur pour venir à S. Paul, & douze cens cheuaux legers de l'armee qu'il auoit en Picardie, lesquels estoient desia fort auâcez pour aller trouuer le seigneur de Humieres : mais eût aduertie de la grâde puissance qu'amenoit le Côte

de Bures en Picardie , contremanda ledit Bossu , & lesdits cheuaux legers.

Mort du  
Marquis de  
Saluces de-  
uant Car-  
magnolles.

P E V de temps auparauant le Comte Guy craignant que l'ennemy (se faisant le plus fort en campagne) ne le contraignist d'abandonner le Piemont , auoit en toute diligence fait fortifier Pignerol , afin de se fermer là auecques le reste de son armee , & luy faire teste , attendât le secours qui luy pourroit venir de France : chose qui fut bien considerée , ainsi q̃ vous orrez cy apres. Aussi quelq̃ peu de tēps apres le Marquis du Guast s'estant mis en campagne auoit remis entre les mains du Marquis François tout le Marquisat de Saluces , hors mis le chasteau de Vrezeul , & celui de Carmagnolles , tenus encores par les François , à ceste cause ledit Marquis du Guast alla assieger le chasteau de Carmagnolles , dedâs lequel estoÿēt deux cens soldats Italiens q̃ Côte Guy y auoit enuoyé. Le Marquis du Guast estât arriué deuât les enuoya sommer de la part de l'Empereur , de rendre la place , à laquelle sommation ayant esté fait refus il fit approcher l'artillerie. Le Marquis François de Saluces , lequel mieux qu'autre cognoissoit la place , mena deux canons sur la main dextre , en allât de la ville au chasteau , & rôpit deux maisons pour se couvrir en lieu de gabions à mettre ses pieces , où apres auoir luy-mesmes seruy de canōnier , & tiré deux volees de canon , fut apperceu d'un soldat du chasteau , qui estoit sur la porte , lequel d'un mousquet tira si à propos qu'il donna audit Marquis du boulet au trauers du corps , dont il tomba mort sur le champ.

Prinse de  
Carmagnol-  
les par le  
Marquis du  
Guast.

Le Marquis du Guast craignant que sa mort n'estonnast les soldats , le fit couvrir d'un manteau , puis derechef enuoya sommer ceux de ladite place , leur promettât honorable cōposition : finalement leur fut accordé de sortir leurs bagues sauues : estans sortis , le Marquis du Guast les loua fort du bon deuoir qu'ils auoyent



auoyēt fait, leur demandāt qui estoit celuy qui si biē auoit tiré d'vne fenestre estant sur la porte : vn soldat ne sachant à quelle intention il le disoit, & n'estant aduertý de la mort du Marquis de Saluces, ne sachāt aussi qu'il luy eust donné dudit mousquet, declara q̄ s'estoit luy qui tousiours auoit tiré de ladite fenestre: ce rapport ouy, le Marquis contre sa promesse, le fit prendre, & pendre & estrangler à ladite fenestre. Depuis cela le Roy ayant remis le Marquisat en son obeissance, en inuestit le seigneur Gabriel Euesque d'Aire en Gascogne q̄ estoit frere dudit Marquis de Saluces, leq̄l espousa la fille de mōseigneur l'Amiral d'Annebault, & est mort sans enfans, à cause dequoy ledit Marq̄sat est retourné entre les mains du Roy.

PENDANT ce temps monseigneur de Humieres enuiron le huitieme iour de Iuin, arriua à Pignerol, dequoy le Marquis du Guast aduertý, retira ses forces hors de Poirin, prenant le chemin d'Ast : puis sachāt la descente des Lansquenets du Duc Chrestosse de Vvirtemberg, apres auoir laissé Dom Antoine d'Arragon chef dedans Ast, se retira avecques le reste de son armee le chemin de Versay. Mōseigneur d'Humieres qui estoit à Pignerol, ayāt entēdu q̄ les ennemis auoyēt abādonné Cheuas, mādā au seigneur Ludouic de Birague qui estoit dedās Vorling de mettre deux cens hommes des siens dedans ladite place de Cheuas. Et au mesme temps qui fut enuiron le xxv. de Iuin, arriuerent les bandes du Duc Chrestosse de Vvirtemberg à Montcallier : ce qu'ayant entendu le seigneur d'Humieres voulut partir de Pignerol, pour s'aller ioindre avecques eux, & là faire sa masse pour marcher en cāpagne: mais les bādes Italiennes firent refus de marcher q̄ prealablement ils ne fussent payez de ce qui leur estoit deu: qui fut cause de faire seiourner nostre armee dix ou douze iours, durant lequel temps, noz ennemis eurent loisir de se fortifier,

Descente de  
mōseigneur  
d'Humieres  
en Piemont.

ioinct aussi que le terme du payement de noz Lansquenets approchoit : chose (ie vous assure) qui fut en partie cause que ceste armee fut de peu de profits car (comme dit est) cependant le Marquis du Guast hastoit la leuee de ses Lansquenets, lesquels depuis vindrent descendre à Trente, qu'amenoit le frere aisné du Comte Guillaume de Furstemberg.

Le premier iour de Iuillet les Italiens estans payez de la simple paye avecques promesse du surplus, marcherēt à Montcallier, où estant arriué le seigneur de Humieres mit en deliberation des capitaines le chemin qu'on deuroit prendre, ou d'Ast ou de Vulpian: sur ce fut resolu d'aller en Ast esperant la surprendre, par ce qu'elle estoit mal pourueüe d'hommes pour la grandeur de la place: & pour cest effect le iij. iour de Iuillet nostre armee alla loger à Riu de Quiers, auquel lieu estans arriuez, les Lansquenets demanderēt d'auoir l'artillerie en garde, chose qui leur fut accordée. Le lendemain nostre armee alla loger à Belot, & le vj. dudit mois à vn mille d'Ast, dedans laquelle ville estoit (comme dit est) demouré lieutenant pour l'Empereur Dom Antoine d'Arragon beau-frere du Marquis du Guast, avec deux mille hommes de pied & deux cens cheuaux. Nostre armee estât logee, & apres auoir bien recogneu la place, fut ordonné que la nuit se feroyēt les approches, desquelles voulurēt la charge les Lansquenets, encores q par plusieurs fois leur fust reqs de laisser la charge d'icelles au seigneur Ieā Paule de Cere, chose qu'ils ne voulurent jamais cōsentir. Sur la minuit estât le seigneur de Humieres & autres capitaines venus pour voir la diligence qui se faisoit aux approches, trouuerēt qu'il n'y auoit aucune trenchee cōmencee, & cependant qu'ils estoeyēt en dispute de ce qui estoit à faire, le iour vint, qui fut cause de remettre lesdites aproches à la nuit subsequente. Estât le iour venu par ce q le payement des Lansque-

Lansquenets estoit escheu ils se mutinerent, & venans au logis du seigneur de Humieres, par l'enhortement principal de Hans, Ludouic de Landeberg, luy declarerent que si promptement ils n'estoyent payez, ils estoient deliberez de ployer leurs enseignes & se retirer. Pour à quoy obuier, d'autant que nostre principale force estoit de ceste nation, le seigneur de Humieres emprunta de toutes les bourses du camp, de sorte qu'il leur presta cinq cens escus pour enseigne, attédant leur payement: dont pour l'heure ils se contenterent.

SVR les trois heures apres midy, ceux de la ville donnerent l'alarme en nostre camp, pendant lequel, par le costé du pont qui est sur la riuiera du Tanare à l'opposite de nostre logis, entrerent dedans la ville sept enseignes de gens de pied, & trois cens cheuaux de secours, à cause dequoy le seigneur de Humieres par l'aduis des capitaines, ne voyant apparece de pouuoir forcer la ville, & aussi peu de l'affamer, delibera leuer son camp: & par ce qu'il estoit aduertty que la ville d'Albe estoit mal pourueüe, entreprit de l'aller surprendre. Sur la queue de son armee sortit toute la cauallerie d'Ast, mais il auoit laissé le seigneur de Brisfac avec les deux cens cheuaux, dõt il auoit la charge, avec luy quelque gendarmerie, qui firent si bien leur deuoir, que nostre camp sans perte vint loger au dessous de saint Damian, & le lendemain marchant nostre armee le chemin d'Albe, le seigneur Iean Paule de Cere rencontra sept ou huit cens Espagnols, qui estoient partis d'Alexandrie pour entrer dedans Albe, lesquels il desfit: qui fut cause qu'arriuant monsieur de Humieres deuant Albe, ceux de la ville n'ayans aucune garnison, sinon vingt cinq Espagnols qui s'estoyent retirez dedans le chasteau, se mirent eux & leur ville entre les mains dudit seigneur de Humieres: auquel lieu nostre armee seiourna trois semaines, cependât qu'on reparoit ladite ville, & celle de Quieras, laquel-

Prise d'Albe.

le pareillement s'estoit rendue entre les mains du Roy.

Pratique  
pour sur-  
prendre Tu-  
rin par les  
ennemis.

DURANT le temps que nostre armee estoit en Albe, Cesar de Naples, qui estoit gouverneur de Vvlpian, homme vigilant, subtil, & entreprenant, mais peu heureux en ses entreprises, sçachant nostre armee estre loing, & cognoissant que dedàs Turin n'y auoit que la compagnie de gës de pied, du capitaine Vvarty, & du capitaine Augar (qui estoit peu pour la garde d'une telle place) practiqua vn caporal Gascon de la garnison dudit lieu, pour luy liurer vn boulleuert de la ville, lequel est au droit de l'Eglise nostre Dame, tirât vers la Douaire, & fut le marché cõclu entr'eux. La nuit que ledit soldat deuoit liurer sa marchandise, escheut à son esquadre son rang de faire la garde audit boulleuert, parquoy meit ordre qu'il ne mena à sadite garde que deux ou trois soldats les plus malotrus qu'il eust, afin de plus aisément paruenir à son entreprise. Cesar de Naples partit de Vvlpian, qui n'est qu'à sept petits mille de Turin, accompagné de dix enseignes de gens de pied, & deux ou trois cens cheuaux. Estant arriué au boulleuert le soldat luy bailla le signal du lieu où il deuoit planter ses eschelles, ce qu'il fit en telle diligence, qu'auant que l'alarme fust à la ville, ils entrèrent cinq enseignes dedans ledit boulleuert: car les soldats qui estoient à la garde auecques ledit caporal s'estoyent sauuez à la fuite entre la muraille de la ville & la douue qui est de terre. Or est-il qu'à la muraille y auoit vne porte pour entrer dudit boulleuert dedans la ville, laquelle estoit ouuerte, dequoy l'ennemy pour l'obscurité de la nuit n'eut cognoissance: qui fut cause de la saluatiõ de la ville, & des hommes qui estoient dedans, car cependãt que l'ennemy s'amusoit à dresser des eschelles à la muraille pour entrer dedans la ville, l'alarme se donna.

Le seigneur de Boutieres qui estoit gouverneur & lieute-



lieutenant du Roy dedans Turin, s'estoit amusé la pluspart de la nuit à iouer au tablier, sortant de sa salle pour se retirer en sa chambre, ouyt l'alarme: parquoy ayant seulement avecques luy les Suisses de la garde, & quelque petit nombre de gentilshommes qui l'accompagnoient, sortit en la rue, où il trouua le peuple fuyant, qui luy dit, Monsieur sauuez vous, les ennemis sont dedans. Pour cest effroy ne laissa ledit seigneur de Boutieres à marcher droict au bastion, auquel lieu estant arriué vne hallebarde au poing, sans autres armes, accompagné des citadins, lesquels auoyent bonne volonté de faire leur deuoir, & à ceste occasion auoyent prins les armes, donna droict à la porte du boulleuert, laquelle il trouua encores ouuerte, mais de la poincte de la hallebarde la ferma, de sorte qu'un gentilhomme sien parent qui auoit marché le premier fut enfermé dedans le boulleuert avecques les ennemis. Les Imperiaux qui desia auoyent chargé l'artillerie qu'ils trouuerent dedans le boulleuert, bracquerent vne couleuvrine bastarde droict à la porte, & y mettans le feu fausserent ladite porte, & passant le boulet rasibus du seigneur de Boutieres qui renoit la porte, tua vn gentilhomme estant auprès de luy. Ce temps pendant les citadins auoyent gaigné le haut de l'Eglise & à toute diligence iettoyēt les tuilles à la ruelle. car il faut entēdre qu'entre l'Eglise & la muraille de la ville n'y a qu'une ruelle de sept ou huit pieds de large: parquoy elle fut remplie desdites tuilles, pour donner espaule, & seruir de rempart à la porte dudit boulleuert.

D V R A N T ce temps le capitaine Vvarty Nauarrois ayant charge de deux enseignes de gens de pied, apres auoir pourueu à la garde de son boulleuert, & autres lieux de la ville necessaires, craignant que par autre lieu on fust assailly, avecques deux cens arquebusiers arriua au combat, où apres auoir gaigné le

hault des tours & de la muraille fit si bien son deuoir à coups d'arquebuse, & d'arquebuse à croq qu'il contraignit les ennemis d'abandonner le boulleuert avecques leur cōfution & perte, car il mourut des leurs environ le nombre de sept à huit & ving. Le soldat qui auoit fait la menee fut prins, pendū & estranglé: si est-ce que tousiours il maintint que ce qu'il auoit fait estoit par le commandement dudit seigneur de Boutieres, pensant prédre les ennemis à la pipee, mais qu'ayant oublié le iour que se deuoit faire l'exécution, & n'ayant pourueu à son fait, luy en faisoit porter la penitence, toutesfois ie pense asseurement qu'il disoit ces propos pour alonger sa vie, car ledit seigneur de Boutieres n'estoit pour auoir mis en oubly vn fait de si grande importance.

Le seigneur de Humieres estant en Albe aduert du hazard auquel auoit esté la ville de Turin, voyant aussi la mauuaise volonté en laquelle estoient les Lansquenets, & estant tombé malade d'une fièvre, laquelle desia luy auoit duré sept ou huit iours, n'ayant homme sur lequel il se peust reposer, pour les partialitez & querelles qui estoient en son camp: car le seigneur Cesar Fregose qui auoit charge de mener l'auantgarde, & le seigneur Iean Paule de Cere qui estoit colonel de l'infanterie Italienne estoient en querelle, aussi estoit le seigneur Hannibal de Gonzague Comte de Laniouolare, & le seigneur de Brissac. Mesmes estant aduert que du camp Imperial estoient party six mille Espagnols & douze cens cheuaux, qui estoient entrez dedans Montcallier, & craignant que pendant qu'il seroit sa demeure il aduint inconuenient à Turin, qui estoit assez mal pourueü d'hommes, apres auoir laissé dedans Albe le seigneur Iules Vrsin cousin du seigneur Iean Paule, chef de ladite place, avecques mille hommes de pied, sous sa charge, & le capitaine Artigue-Dieu Gascon avecques cinq cens hommes,

&amp;

& cinq cens estans sous la charge du seigneur Pierre Strozzy:& dedans Quieras le seigneur Cesar Fregose avec tel nombre d'hommes qu'il voulut choisir, delibera avecques le reste de l'armee de dresser la teste vers l'ennemy, le pensant surprendre à Montcallier. Dequoy le Marquis du Guast aduerty retira audit lieu de Môrcallier tout le reste de son armee qui estoit en campagne: chose qui fut cause de rompre l'entreprise dudit seigneur de Humieres, lequel ayant esté aduerty que le desseing dudit Marquis estoit d'aller surprendre Pignerol, assez mal pourueü d'hommes, considerant que s'il pouuoit la surprendre, il osteroit le moyen à nostre armee de se pouuoir retirer,& d'auoir secours en gardant le pas de Suze.

P A R l'aduis des capitaines au partir d'Albe le vingtroisieme iour d'Aoust, print le chemin de Quieras: & cependant enuoya le Comte Francisque de Pontreme, pour en extreme diligence entrer dedans Pignerol avecques cent ou six vingts cheuaux legers, & deux cens arquebusiers à cheual, faisant marcher apres luy en toute diligéce le colonnel du seigneur Gabriel d'Arimigny. Puis depescha le seigneur d'Allegre & le seigneur de Lassigny, ayant charge chacun de mille hommes de pied François, pour entrer dedans Turin: aussi depescha les bâdes d'Aramont qui estoient de mille homes de pied pour se mettre dedas Quiers, outre les hui& cens hommes que deuoit auoir le cheualier Assal qui en estoit gouuerneur: aussi enuoya dedans Sauillan le capitaine Iean de Turin ayant charge de mille Italiens: & ayant ainsi pourueu à toutes les choses cy dessus, print son chemin avecques les Lansquenets & le reste de son armee, pour se retirer au Marquisat de Saluces, & là attendre des nouuelles du Roy, & le payement de ses Lansquenets.

S V R son chemin arriua deuant vne petite ville nommee Busque, laquelle ayant fait refus d'obeir,

commanda faire marcher l'artillerie, dont il estoit mal equippe, pour en auoir laisse la pluspart dedas les places qu'il auoit pourueu : mais apres auoir faict tirer quelques coups de canon, le Comte Hannibal de Lannyolaire ne voulât attédre que la breche fust raisonnable avecques quelque nombre d'Italiés, qui estoient sous sa charge, donna vn assaut duquel ils furent repoussez, & fut ledit Comte frappe d'une arquebuzade, dont il mourut, & fut son corps porté à Pignerol.

Noz gens repoussez de l'assault, & l'armee de l'ennemy logee à Poirin plus forte que la nostre, d'autant que leurs Lansquenets de secours estoient arriuez, fut conclud d'abandonner Brusque, & suyuant la premiere deliberation nostre armee print son chemin à Saluces: où estant arriué y pensant faire seiour, attendant des nouuelles du Roy, les Lansquenets contrainquirent le seigneur de Humieres d'aller à Pignerol, encores qu'il leur remonstra que c'estoit vne ville qu'il vouloit garder, & que si l'armee y logeoit, on auroit mangé les viures deuant qu'il en fust besoin, & mesme qu'il y auoit peu de pain, & encores moins de vin: mais ils luy firent response qu'ils chercheroient du pain, & quant au vin ils se passeroient à boire de l'eau, & qu'ils vouloyent aller à Pignerol attendre leur payement, & qu'ils ne souffriroient que luy ne l'artillerie les abandonnast : finalement il fut contrainct de leur obeir, & aller à Pignerol, les laissant à vn mille pres de la ville sur vn ruisseau qui vient de la Perouze, où ils retindrent l'artillerie avecques eux, permettās audit seigneur d'aller à la ville. Deux iours apres estant leur payement arriué contrainquirent ledit seigneur de Humieres de les payer sur les vieux roolles, sans auoir esgard au petit nombre d'hommes qu'ils estoient, car de x. mille payes ils n'estoient plus de quatre à cinq mille hommes, & estoit auheur de tout ce mutinement Hans Ludouic de Langeber qui auoit



auoit le plus fort regiment, auquel le Duc n'estoit obey pour son ieune aage.

A v mesme temps Cesar de Naples gouverneur de Vulpian, fit entreprisede pour surprendre Cazelles petite ville de l'obeissance du Roy, fise mi-chemin de Turin à Vulpian: & pour cest effect marcha avec viij. ou x. enseignes, & assaillit ledit lieu par trois endroits, mais ainsi que vigoureusement il assaillit, aussi en telle vigueur fut-il repoussé: car en trois assauts qu'il donna, perdit six ou sept vingts hommes, & avecques sa courte honte se retira, laissant dedans les f. f. z. trente ou quarante eschelles. Aussi le Marquis du Guast voyant le seigneur de Humieres retiré à Pignerol, enuoya treize enseignes de gés de pied dedans Siria petite ville, le long de la montagne, pour tenir le val de Suze en subiection, & empescher à ceux de Turin d'auoir nouvelles de France. Ce fait enuoya prendre le chasteau de Riuelle & le chasteau de Villanne, de sorte que ceux de Turin ne pouuoient auoir nouvelles par ledit Val de Suze, sans grand hazard & difficulté, ne par le chemin de Pignerol, d'autant qu'il tenoit Montcallier, Carignā, & Carmagnolles, & estoit le plus fort en campagne.

Le Roy apres que le seigneur de Langey luy eut fait le rapport qu'aucz ouy, l'ayant trouué à la Comrey, le renuoya en Piemont pour plusieurs occasions, lequel à son retour le vint trouuer à Melun, malade d'une fièvre, le xxv. d'Aoust, & luy fit entēdre bien au long comme s'estoyent portez ses affaires depuis l'arriuee du seigneur de Humieres en Piemont, & comme il estoit contrainct d'abandonner la cāpagne (ainsi qu'auetz entendu par cy deuant) aussi la necessité, tant de viures que d'argent, en laquelle estoyent ceux de Turin, de sorte que si dedās la saint Martin lors ensuyuant, ils n'estoyent secourus, il estoit apparant qu'ils seroyent contraincts d'endurer vne extreme

famine, laquelle mal-aisément ils pourroyent porter iusques à la saint André. Le Roy lequel desia auoit licencié la plus grande part de son armee, se voyant en hazard de perdre le Piemont qui desia luy auoit tant cousté, delibera de marcher en personne pour leur donner secours. Et à ceste fin depescha Monseigneur le Dauphin son fils, & Monsieur le grand Maistre de Montmorency pour aller deuant à Lion assembler son armee, & fait acheminer les bandes du Comte Guillaume de Furstemberg, aussi celles du capitaine Nicolas de Rusticis, pour suyure mondit seigneur le Dauphin: & manda la gendarmerie & les cheuaux legers, lesquels estoient ia retirez en leurs garnisons, de se trouuer le vingtcinquieme du mois de Septembre à Lion, & puis enuoya faire leuee de quatorze ou quinze mille Suisses.

A Y A N T mis l'ordre cy dessus mentionné, craignât que par faute de payemēt les soldats de Turin se mutinassent, redespescha le seigneur de Langey pour aller trouuer monsieur de Humieres, & prendre de luy vingtcinq mille escus, & trouuer moyen de les mettre dedans Turin, attendant qu'il la vint secourir plus amplement, lequel seigneur de Langey vint trouuer le seigneur de Humieres à Sésane qui desia auoit esté contrainct d'abandonner le Piemont, ayant laissé dedans Turin le seigneur de Boutieres pour gouuerneur avec sa compagnie de gens d'armes, & quelques cheuaux legers, & quatre mille hommes de pied. Dedans Quieras (comme i'ay dit) auoit laissé le seigneur Cesar Fregose, dedans Albe le seigneur Iules Vrsin, dedans Sauillan le capitaine Iean de Turin, dedans Pignerol le Comte Francisque de Pontreme. Estant le seigneur de Langey arriué à Sésane, monsieur de Humieres trouua chose fort difficile de pouoir porter lesdits deniers, d'autant que les ennemis tenoyent Bossolin, Villane, S. Ambrois, & Riuolles: & à cause de la

Rafreschissement d'argent porté à Turin.

de la vallee qui est estroite, on est contraint de passer à la venü desdites places. Toutesfois le seigneur de Langey craignät q par faulte d'argent Turin se perdist, se voulut hazarder de les y mettre, & s'en alla à Ours, auquel lieu estoient arrestez les Lansquenets: & pour le credit qu'il auoit enuers eux-mesmes, pour auoir esté instrument de remettre le Duc Chrestoffe de Vvirtemberg en ses estats, les persuada de retourner quant & luy iusques à Suze, dont le chasteau estoit encores en nostre obeissance. Y estans arriuez, les Imperiaux logez à Bossolin, Villane, & Riuele, & autres lieux le long du val, estimerēt q ce fust toute l'armee qui tournast la teste deuers eux, cependant que le Marquis du Guast estoit avecques son armee vers Quieras, & abandonnerent lesdites places: parquoy ledit seigneur de Langey apres auoir promesse desdits Lansquenets de l'attendre audit lieu de Suze, mena seulement quant & luy le capitaine la Mothe Gondrin, avecques vingtcing cheuaux legers de sa bande, & bonnes guides. Le iour de la nostre Dame d'Aouust entra dedans Turin avec l'argent à la grande ioye du seigneur de Boutieres, & de tous les soldats qui estoient dedans, car les paysäns des enuiron sentäs l'argent arriué, leur portēt gräd refreshissement de viures, ce qu'ils ne faisoient deuät que l'argent y fust. Puis ayant fait la monstre des gens de pied, & fait la description de viures, se retira non sans hazards: par ce que les ennemis ayans eu la cognoissance que les Lansquenets estoient arrestez à Suze, le vindrent attendre sur le chemin, & n'y eut qu'vn des siens tué, & deux de prins.

ENTR tant que ces choses se faisoient comme Prinse de  
i'ay recité, le Marquis du Guast ayant assemblé son Quiers par  
armee en Ast, marcha deuant la ville de Quiers ayant le Marquis  
vingtcing mille hōmes de pied, trois mille cheuaux, du Guast,  
& vingtquatre pieces d'artillerie, saouir est douze.

canons, & le reste grandes couleurines & bastardes. Estant arrivé deuant Quiers, qui estoit le vingthuitieme iour d'Aoust, fit diligence de mettre ses pieces en batterie pour faire deux breches, & en quatre iours si bien diligenta, que les deux breches furent raisonnables pour assaillir. Parquoy il ordôna l'assault aux deux breches tout en vn temps, puis esbâda deux ou trois mille hommes avecques eschelles, pour par plusieurs endroits donner l'assault: & par ce que dedans la ville y auoit peu d'hommes, au regard de la grandeur de la place, à cause que les enseignes n'estoyent bien completes, mesmes celles du cheualier Assal (duquel depuis i'euz la charge du Roy de faire son proces, & fut condanné, mais le Roy luy donna la vie, & depuis s'en est seruy) à ceste occasion les assiegez ne peurent soustenir la force des ennemis, à raison dequoy fut la ville emportee d'assault & saccegee. Et dudit lieu apres y auoir mis bone garnison, marcha à Albe. Le seigneur Iules Vrsin ne voyant apparence de secours, & la ville n'estant encores acheuee de remparer, ne flancquee en lieu du monde, & les ennemis ayans fait vne breche fort raisonnable pour assaillir, à laquelle noz gens ne pouuoient venir pour la defendre, à l'occasiô de quatre pieces que l'ennemy auoit mis de l'autre costé de l'eau sur vne montaigne qui les battoient par derriere, & ne voyans esperance de secours pour estre nostre armee retiree, fit composition telle qu'il fut conduit à Pignerol, & tous les soldats les armes & bagues sauues.

Prise d'Albe pour luy mesmes.

Prise de Quieras.

Le Marquis du Guast ayât seiourné deux iours au dit lieu pour y pouruoir, print son chemin pour aller assieger Quieras, qui est cinq mille au dessus d'Albe, sur la mesme riuiera du Tanare qui va descendre en Ast & en Alexandria, & est ladite ville de Quieras sise sur vne môtaigne qui n'a qu'une seule auenue qui est du costé du Montdeuis, laquelle auenue n'a qu'en

uiron

uiron  
tre pa  
Marc  
brech  
qui fi  
(cô  
uecq  
tez l  
sez,  
nuel  
lans.  
endi  
con  
bar  
rer  
l'en  
bar  
n'e  
uoi  
fau  
ger  
gne  
uez  
plu  
po  
ba  
d'l  
ch  
pe  
S  
r  
é  
g  
i



uiron iiii.xx.mille toises de l'og, & ne se peut par autre part approcher: du costé de ladite auenue assist le Marquis du Guast son artillerie, où, apres auoir fait breche raisonnable, fit donner vn assault fort furieux qui fut soustenu par le seigneur Cesar Fregose, lequel (côme i'ay dit) estoit demouré chef en ladite ville, avecques grande asseurâce, & par deux fois furét portez les ennemis du hault de la breche dedans les fosses, & dura le combat deux ou trois heures continuellement à la grande perte & dommage des assaillans. Le Marquis du Guast cognoissant que par cest endroit il perdoit ses hommes sans esperance de rien conquerir, la nuict sequente laissant des pieces pour battre à ladite breche pour empêcher de la reparrer, meit vne autre bande d'artillerie pour battre l'encoigneure du costé du Montdeuis, laquelle ayant battue noz gens venans à la defense de la breche, n'estoyent veuz par le flanc, de sorte qu'il n'y auoit ordre de se tenir sur le rempart, & ce par faute que de bonne heure ledit Cesar ou ses ingenieux n'auoyent fait vn Cauallier à ladite encoigneure pour couvrir ledit flanc & seruir de trauerse, parquoy ledit Cesar considerant qu'il n'y auoit plus de moyen de tenir, parla menta, & par la composition fut conduit à seureté avec tous les soldats bagues sauues, iusques au lieu où estoit le seigneur d'Humieres & le camp du Roy.

APRÈS la prise de Quieras le Marquis dressa son chemin pour aller assieger Pignerol, esperant q s'il la pouuoit mettre entre ses mains: & fortifiant le pas de Suz, il mettroit Turin en impossibilité d'estre secouru, & par ce moyen leueroit l'occasion aux François de plus passer en Italie. Estant sur son chemin de Pignerol passant pres Sauillan enuoya sommer le capitaine Jean de Turin de remettre la place entre ses mains, lequel luy fit response d'auoir promis de la garder

Siege de Pignerol.

au nom du Roy, & que là où il auroit prins les autres places de Piemont, venant à luy il seroit tresbié recueilly. Le Marquis cognoissant que de s'amuser là ce seroit temps perdu, & que prenant Pignerol, Sauiellan ne se pouuoit garder, pour n'auoir moyen d'estre enuillaiee, passant outre, suyuit son chemin de Pignerol, duquell lieu le seigneur d'Humieres se retirant à Sefane, ayant laissé le Comte Francisque de Pontreme lieutenant du Roy, avec cinq mille hommes de pied Italiens. Ladite ville de Pignerol est vne grande ville vague, laquelle pour l'estrangeté de l'assiette estant en môraignes & vallees, auoit esté auparavant estimée n'y auoir moyen de la fortifier: toutesfois le Comte Guy de Rangon par l'aduis de plusieurs fortificateurs, & mesme d'un Boullenois nommé Hieronyme Marin, y auoit si bien fait trauailler qu'y arriuant le Marquis trouua par l'aduis de ses capitaines qu'il n'estoit raisonnable de l'assaillir par force. Parquoy delibera de l'affamer, & pour cest effect se logea en l'abbaye qui est sur le chemin de la Perouze, & le reste de son armee tout à l'entour de la ville, de sorte qu'il estoit malaisé ou bien impossible d'y entrer viures: vray est qu'ordinairement ceux de dedans faisoient de belles saillies sur le camp Imperial, ne le laissant en repos iour ne nuit.

V o u s auez ouy cy deuant, comme nostre armee estant si belle & gaillarde estoit deuenue inutile par les mutinemens des Lansquenets, & la faulte d'obeissance: & le principal autheur desdites rebellions estoit le capitaine Hans Ludouic de Landeberg, l'un des principaux colonnels du Duc de Vvirtemberg. Ice-luy Ludouic entre autres choses auoit outragé le seigneur de Borran commissaire ordinaire de la guerre, pour auoir fait sô office, & mesme auoit mis la main sur l'espee contre le seigneur d'Humieres lieutenant general pour le Roy, dôt on n'auoit sceu auoir la raison,

son, pour estre trop bié accompagné: mais en ce tēps que les ennemis arriuerent deuant Pignerol, ledit Ludouic fut arresté prisonnier à Lion, où, apres son proces fait, eut la teste coupee sur vn eschaffault au lieu de la Grenette.

Le Roy, lequel en toute diligēce faisoit marcher son armee, arriua à Lion enuiron le sixieme iour d'Octobre, & estant aduertie que le Marquis du Guast, sentant l'armee du Roy se preparer pour passer en Piemont auoit fait retirer tous les viures de la plaine dedans les places fortes, & ce qu'il n'auoit peu retirer l'auoit fait gaster, esperāt par ce moyen empescher le passage du Roy pour la faulte de viures, & auoit enuoyé Cesar de Naples, pour avecques dix mille hommes fortifier & garder le pas de Suze, lequel y faisoit toute extreme diligence. Le Roy pour remedier à ce q son armee n'eust faute de viures, fit assembler tous les mulets, mules, asnes, iumens, & autres bestes de charge de tous les pays de Dauphiné, d'Auuergne, Forest, Beauuillois, Dombes, Lionnois, & Prouence, & d'une partie de Languedoc, pour porter farines & autres viures en telle abondance que cela peust suffire pour son armee. Et estant deliberé luy-mesme en sa personne de passer en Italie, & ne voulant laisser son royaume despourueu durant son absence, despescha Mōseigneur Charles Duc d'Orleans son fils puisné son lieutenant general en Picardie, Normandie, Paris, & Isle de France, & autres pays circonuoisins: & pour la ieunesse dudit Prince qui n'auoit encores grande experience du maniemēt des affaires, luy bailla pour l'accompagner & conseiller le Cardinal du Bellay: en Bourgongne & Champagne renuoya le Duc de Guise: en Guienne & Languedoc le Roy Henry de Nauarre: en Bretagne le seigneur de Chasteaubriant.

Le Roy apres auoir pourueu aux choses cy dessus

Passage de  
mōseigneur  
le Duc d'Or-  
leans en Pie-  
mont.

declarees, ordonna Monseigneur le Dauphin pour marcher deuant avec l'armee, & avec luy le grand Maistre de Montmorency, par le conseil duquel toutes choses se faisoient, & pour maistre d'artillerie le seigneur de Burie, ayant quatre enseignes de gens de pied sous sa charge, & au seigneur de Monteian donna charge de dix mille hommes de pied François. Et par ce que le seigneur d'Annebault qui auoit esté prins prisonnier deuant Terouenne, estant general de la cauallerie legere, n'estoit encores retourné de prison, donna sa charge de general en son absence au seigneur Cesar Fregose: & deuoit y arriuer iusques à quatorze cens hommes d'armes, & quatorze mille Suisses, dont il auoit enuoyé faire leuee, pour passans à Genesue & à Chambery, se venir ioindre à nostre armee à Grenoble, & aux enuirs. Et delibera de faire sejour audit lieu de Lion quelques iours apres le partement de Môdit seigneur le Dauphin pour faire acheminer les compagnies qui n'estoyent encores arriuees, venant de Picardie, Normandie, Bretagne, Champagne, & autres pays loingtains.

ENVIRON le dixieme iour d'Octobre, partit Mondit seigneur le Dauphin de Lion, prenant le chemin de Grenoble & d'Ambrun, & arriué qu'il fut à Briançon trouua ledit seigneur d'Humieres, & de Maugeron lieutenant du Roy en Dauphiné, en l'absence de monsieur de saint Paul, avec deux ou trois mille legionnaires du pays de Dauphiné, & les reliques de l'armee du seigneur d'Humieres, sauoir est les bandes qui estoyent sorties d'Albe & de Quieras par composition, ainsi qu'auetz entendu: lesquelles estans ioinctes avec le regiment d'environ viij. mille Lansquenets du Côte Guillaume, marcha iusques à Ours, attendant le reste de son armee. Estant arriué audit lieu d'Ours (qui est à quatre lieues de Briançon, & à quatre de Suze, auquel lieu se deuoient rendre les gës de che-



de cheual qui arriuerent de iour à autre à la file) Monsieur le grand Maistre de Montmorency avecques l'aduis des capitaines entreprint d'aller à Essilles avecques vne partie de l'armee, laissant le reste à Ours avec Monseigneur le Dauphin, pour recognoistre la contenance de l'ennemy, & tenter fortune, s'il y auroit moyen de forcer le pas de Suze, pour selon ce qu'il cognoistroit en aduertir Mondit seigneur le Dauphin pour le suyure. Auql lieu eüst arriué, marcha avec quelque caualerie d'escorte, pour luy-mesme visiter la fortification du passage, laquelle estoit à vn mille deçà Suze, à vn destroict de la descente de la mōaigne, venant de Chaumont à Suze, lequel Chaumont est le dernier village separant le Dauphiné du Marquisat de Suze. Estant arriué sur vn hault duquel il pouuoit considerer ladite fortificatiō, cogneut que sur deux petites montaignes tenās les deux costez dudit destroict, les ennemis auoyent fait deux bastions, & entre les deux vne grande & profonde trenchee bien remparee, de sorte que les hommes y estoient à couuert, & bien flanquee desdits deux bastions : mais il cogneut que gaignant deux autres montaignes plus eminentes que celles où estoient les fortifications des ennemis, à coups d'arquebuse on leur pourroit commander, & leur faire abandonner leurs fortifications.

AYANT recogneu ce qu'il auoit desir de voir, se retira à Essilles & aduertit Monseigneur le Dauphin qu'il eüst à marcher iusq̃s audit lieu d'Essilles, pour le soustenir, par-ce qu'il estoit deliberé de partir deuant le iour pour tenter s'il pourroit forcer le pas. A l'heure qu'il auoit deliberé il partit, ayant en sa compagnie les bandes du Comte Guillaume, & mille ou xij.cens soldats François, de ceux qui estoient retournez de Piemont, & deux ou trois mille legionnaires de Dauphiné, par ce q̃ le reste de l'armee tant de pied

Forcement  
du pas de  
Suze contre  
Cesar de Na-  
ples.

que de cheual n'estoit encores arriué, ce qu'il ne voulut attendre, craignant que temporisant, l'ennemy eust plus grand moyé de se fortifier. De gens de cheual n'auoit qu'environ quatre vingts ou cét cheuaux legers sous la charge de monsieur de Brissac, y estât en personne pour les conduire, & quelques gentils-hommes qui auoyent prins les deuant, ayans laissé derriere leur equippage. Avec ceste troupe mondit-seigneur le grand Maistre arriua au lieu de Chaumét, où il ordonna de la forme de marcher, qui fut telle à sa main droite tenant le pendant de la montaigne ordonna de marcher le Comte Guillaume de Furstenberg avec ses bandes, luy cōmandant desbander mille ou douze cens arquebusiers pour gaigner le dessus du bastion qu'auoyent fait les ennemis sur sa main droite, sur sa main gauche ordonna le capitaine Artigue-Dieu, & le capitaine Rat, avec autres capitaines François & Gascons: & luy marcha par le milieu avec le reste des hommes qu'il auoit. Le capitaine Artigue-Dieu, & autres François & Gascons estans mieux engambes que les Lansquenets, gaignerent le dessus du bastion de main gauche, lequel commandoit au passage plus que l'autre, pour estre plus prochain, de sorte q̄ dudit bastion on tiroit de poincte en blanc à coups d'arquebuse dedans le passage, & le forcerēt deuât q̄ les Lansquenets arriuaissent au leur. Les ennemis se voyās commâdez de hault à bas & le capitaine Gauaret Lieutenant de l'Artigue-Dieu auoir desia à la faueur de nostre arquebuserie gaigné le bastiō, & taillé en pieces ceux qui ne s'estoyēt peu sauuer à la fuite, abandonnerēt le passage, & se mirēt à uau de rouverte, lesquels mōdit seigneur le grād Maistre ayât à sa queuē Monseigneur le Dauphin pour le soustenir, suyuit de si pres qu'ils n'eurent loisir de s'arrester à Suze, où fut prins la pluspart de leur bagage, & furent suyuis iusques à deux mille par delà.

Vous

Vous pouuez estimer le traitement qu'eurent ceux qui demourerent sur la queue, car ceux qui fuyent trouuent tousiours qui les chassent: & si nous eussions eu deux cens hommes d'armes, ou quatre ou cinq cés chevaux legers pour les amuser à l'escarmouche, attendant l'arriuee de noz Lansquenets, l'estime que de dix mille hommes qui pouuoient estre, peu se fussent sauuez pour dire des nouuelles aux autres.

MONSIEUR le Dauphin & monsieur le grand Maistre ayans contre l'esperance de plusieurs forcé vn pas si malaisé, si bien pourueu d'hommes, & si bien fortifié, pour estre leurs gens trauallez, conclurent de se loger pour ceste nuit en vn lieu qui est mi-chemin de Suze & du Bosselin, à l'entree du val, & fut aduisé par Monseigneur le Dauphin avecques le conseil de monsieur le grand Maistre & autres capitaines, de temporiser vn iour, attendant l'artillerie, gendarmerie, chevaux legers, & gens de pied, qui venoyent à la file: par ce que dedans le chasteau de Suze estoient demourez deux cens Espagnols qu'on ne vouloit laisser derriere, craignant qu'ils ne dônassent empeschement à nos viures.

LE Roy qui desia estoit party de Grenoble, desirât luy mesme se trouuer au combat, marcha iusques à Ambrun: le Marquis du Guast lequel tenoit Pignerol assiégé en grande necessité de viures, aduertie de la deffaire de Cesar de Naples, leua son siege, & se retira à Rioule avec toutes ses forces, pesant audit lieu nous faire telle. Le seigneur de Burie, lequel auoit charge de l'artillerie, estant arriué à Suze avecques son equipage, apres l'auoir planté deuant ledit chasteau de Suze, & tiré vne volée de deux canons, ceux de dedans se rendirent à sa discretion, qui fut telle qu'on les enuoya sans armes & en chemise. Monseigneur le Dauphin estant l'artillerie arriuee & le reste de son armee, hors mis les Suisses qui venoyent à la file, desquels

La prinſe du  
chaſteau de  
Villane.

eſtoit capitaine general le Comte de Tende, marcha à S. Antoine, & de là à Villane, eſperant y trouver le Marquis du Guast pour le cōbattre, lequel eſtoit logé à Riuele : mais ledit Marquis ſçachant noſtre armee auoir dreſſé ſon chemin droit à luy, ne voulut attendre le hazard, & ſe retira vers Montcallier, où au bout du pôſt de deçà il ſe logea. Parquoy Monſeigneur le Dauphin & monſieur le grand Maiſtre ne voulurent paſſer outre Villane, que premicrement ils n'eufſent mis en leur obéiſſance le chaſteau dudit lieu, afin de faire le chemin libre. Ledit chaſteau eſt aſſis ſur la poincte d'une montaigne, choſe qui dōnoit grande eſperance à ceux de dedās que ne pourrions logger noſtre artillerie en lieu dont on les ſceuſt battre. Mais monſieur le grand Maiſtre apres auoir bien reuiſité les enuiron, trouua vne autre petite montaigne quaſi eſgalle à celle du chaſteau, du coſté qui tire à ſainct Michel : vray eſt qu'il y auoit loing, & qu'il eſtoit malaiſé d'y monter l'artillerie n'à bœufs n'à cheuaux, toutesfois avec des cordages & avecques l'ayde tant des Suiffes que Lanſquenets, à force de bras il fiſt guinder deux canons : puis enuoya ſommer ceux du chaſteau, qui pouuoient eſtre deux cens Eſpagnols, leſquels ayans fait refus de rendre la place, en toute diligence fit tirer l'artillerie, laquelle en peu d'heure fit breche, par ce que la place n'eſtoit rempatee & n'auoyent les aſſiegez moyen de la rempater, pour n'auoir dedans ladite place ſumiers ne terre, à raiſon qu'elle eſt ſiſe ſur vne roche. Les ennemis ne voyans moyen de ſe couvrir, demanderent à parlementer, mais ce fut trop tard, car cependant les gens de pied François les voyans eſtōnez à l'opposite de la breche, monterent contremōt le rocher, & avec eſchelles entrèrent dedans, & taillerent en pieces ce qui ſe trouua, hors mis le capitaine & l'enſeigne, qui furent prins en vie, leſquels monſieur le grand Maiſtre fit pēdre &

cſtran-



estrangler, pour donner exemple aux autres, de n'estre si temeraires d'attendre dedâs vne meschante place vne armee Françoise descendant en sa premiere fureur.

Après que le chasteau fut entre noz mains, & qu'ô eut pourueu à la garde d'iceluy, la veille de Touf saints marcha nostre armee à Riuele, auquel lieu nous seiournâmes deux iours, & logeâmes où le camp Imperial auoit campé les iours precedans: lequel sentantque Monseigneur le Dauphin marchoit en telle diligence, l'auoit abandonné, & s'estoit retiré à Montcallier, comme cy deuant est dit, & fut le déstogement des ennemis si soudain qu'ils n'eurent loisir de gaster les viures qui estoient dedans, & laisserent tous leurs malades à nostre misericorde. Audit lieu de Riuele s'assembla le reste de nostre armee, hors mis quatre ou cinq mille Suisses qui n'estoient encores arriuez: ce nonobstât fut mis en deliberation des capitaines, sauoir le chemin qu'ô deuoit tenir, ou de suyure l'ennemy, ou de prendre le chemin de Vlpia, Cheuas, & Vercel, ausquels lieux se pourroit faire quelque bonne execution, trouuât les places depourueues, lesquelles malaisémēt l'ennemy pouuoit secourir, estans ses forces de l'autre costé. En fin fut conclu d'aller loger à Grouillas, qui estoit lieu à propos pour prendre l'un & l'autre chemin, & est petite ville à iij. mille de Turin, & trois de Môtcallier, où s'estoit retiré le camp Imperial, par ce qu'estant audit lieu de Grouillas, on auroit moyen de faire cōduire des bleds dedans Turin des petits forts des enuirs, ausquels en auoit grande abondance, & là faire faire la munition de pain pour suyure nostre camp, par ce que c'estoit lieu fort propre pour cest effect, quelque chemin que nous voulussions prendre.

Estans logez audit lieu de Grouillas, noz cheuaux legers firent rapport que l'ennemy estoit campé au deçà du Pau, vis à vis de Montcallier, ayant tou-

tesfois le pont à son dos pour se retirer quand bon luy sembleroit : apres le quel aduertissement fut conclu de tourner la teste droit à l'ennemy, & luy donner la bataille, ou bien le contraindre de repasser le Pau honteusement. Et pour cest effect fut mise nostre armee en campagne, & fut mandé au capitaine Martin du Bellay (lequel auoit esté laissé à Riuele avec sa compagnie, & deux enseignes de gës de pied François, pour attèdre vne grãde part des Suisses, qui venoyët à la file, & là en faire vne masse pour les mener la part qu'il luy seroit mädé) qu'il eust à marcher avec sadite compagnie, & lesdits Suisses droit à la plaine de Mörccallier, laissant dedans Riuele les deux enseignes de gens de pied François pour la garde du passage. Cepédant que ledit du Bellay marchoit avecques quatre mille Suisses, Monseigneur le Dauphin & monsieur le grand Maistre estoient desia arriuez à la plaine, & auoyent ietté leurs batailles, tant de cheual que de pied, en la forme qu'ils estoient deliberez de combattre, & nos cheuaux legers auoyent attaqué l'escarmouche avecques les leurs, entre le Pau & nos batailles, à laquelle y eut beaucoup des leurs tuez, & quelques vns prins, & peu des nostres: entre autres y fut blessé des nostres d'un coup de lance le seigneur d'Auffun, capitaine de deux cens cheuaux.

Ce temps pendant noz batailles marchoyent gail-  
lardement, de quoy l'ennemy estonné ne se sentant suf-  
fisant pour soustenir nostre effort, passa le pont, faisant  
tousiours entretenir l'escarmouche pour couvrir sa  
retraite, & laissant deça pour le soustenir mille ou  
douze cens arquebusiers, & quelques picquiers: de-  
quoy Monseigneur le Dauphin & monsieur le grand  
Maistre ayans la cognoissance, de pescherent quelque  
nombre de gendarmerie & de gens de pied, pour les  
prendre à demy passez, chose qui leur fut empeschée à  
l'occasion d'une trenchée qu'ils auoyent faite pleine  
d'eau

d'eau, & bien flanquée, de sorte qu'on ne les pouuoit enfoncer. Estant le Marquis repassé le Pau avec son armée, ceux qu'il auoit laissé pour le soustenir, firent le semblable, rompsans le pont apres eux, ayans crainte d'estre suyuis, si est-ce qu'ils ne sceurent si bien faire qu'il n'y en eust de prins & de tuez de ceux qui estoient demourez sur la queue.

En l'armée du Roy y auoit de gendarmerie la compagnie de Monseigneur le Dauphin de cent hommes d'armes, conduite par le seigneur de Humieres son lieutenant: celle de monsieur le grand Maistre cent, conduite par le seigneur de la Guiche son lieutenant: le Marechal d'Aubigny cent hommes d'armes Escossois: le seigneur de Monteiean cent, la compagnie du seigneur de Beaumont Brisay cinquante, le seigneur de Bonneual cinquante, le Duc de Montpensier cinquante, le seigneur Jean Paule soixante, le baron de Curton cinquante, le Duc de Neuers cinquante, le seigneur de la Fayette cinquante, le seigneur de la Ferté aux oignons cinquante, & plusieurs autres compagnies dont ie seroy trop prolix de les nommer. Aussi y estoit le Duc de Vendosmois pour accompagner Monseigneur le Dauphin, mais estoit sa compagnie demourée en Picardie.

MONSEIGNEUR le Dauphin & monsieur le grand Maistre voyans l'ennemy estre repassé le Pau, delibererent d'aller passer à Carignan, auquel lieu ils pourroyent refaire le pont, s'ils le trouuoient rompu, sinon passeroient vn gué qui estoit au dessous du dit pont. Et pour cest effect, apres auoir laissé bon nombre d'hommes au bout deçà du pont de Môtcallier, pour empescher que l'ennemy ne repassast, estant desia le soleil couché, allerent loger à la Loge, & à Carpenay, & lendemain à Carignan, auquel lieu ils firent refaire le pont. La nuit quelques vns de Montcallier, qui portoyent affection aux Fran-

Prinse de  
Montcallier.

gois, passerent deçà l'eau, & trouuans le seigneur de Langey & autres en sa compagnie, luy firent entendre que le Marquis estoit deslogé dès le soir, & s'estoit retiré à Quiers avec toutes ses forces, ayant laissé vingt cinq ou trente mille sacs de bled, lesquels il auoit amassé sur le plat pays des enuirs, sous esperance de se fermer là pour nous attendre. Laquelle chose entendue par le seigneur de Langey, avec eschelles, portes, clayes, & autres choses, trouua façon luy deuxiesme de passer vers Montcallier: & arriué qu'il fut, tous les citadins vindrent au deuant de luy, lesquels en grande & acceleree diligence rabillerent le pont, si qu'auant qu'il fust iour tous les soldats que monseigneur le Dauphin auoit laissé à la garde de la riuiere, furent dedans la ville, sans faire tort aux citadins, ce qu'incontinent ledit seigneur de Langey fist sauoir à M<sup>seigneur</sup> le Dauphin, & à m<sup>dit</sup> seigneur le grand Maistre. Lesquels ayans cest aduertissement firent passer leur armee à Carignan la riuiere, & allerent camper à Villedestellon, esperans encores trouuer le Marquis du Guast à Quiers, mais il n'y estoit plus, car dès qu'il fut arriué il s'en alla à Ast, laissant quatre mille hommes dedans Quiers, & pour chef Dom Antoine d'Arragon son beaufre. Parquoy noz gens coururent de toutes parts sans trouuer personne qui les contredist, & prindrent Poirin, riue de Quiers, Villeneufue d'Ast, Montasye, Antignan, & tous les petits forts iusques aux portes d'Ast, de Quieras, d'Albe, & de Fossan: & par tous les petits forts mirent gens pour les garder, par ce que tous les bleds du pays estoient retirez dedans lesdits forts, qui fut vn grand soulagement pour enuillailler nostre camp & noz places. Aussi monsieur le grand Maistre enuoya le president Poyet & autres munitionnaires à Montcallier pour faire mener les bleds y estans à Turin, tant par eau que par terre, de sorte qu'en peu de

Reprinse de  
plusieurs  
forts.



de iours il y eut bleds & vins pour vn an : cependant y auoit ordinairement escarmouches deuant Quiers, & estoit nostre camp à Villedestellon, car le Roy auoit mandé à mondit seigneur le grand Maistre, qu'auyant passé le Pau, il n'eust à passer outre, qu'il ne fust arriué.

Le Roy estant à Briançon, delibera de passer la Passage du  
Roy en Pic-  
mont. montaigne pour suyure son armee, & par ce qu'il estoit mal accôpagné, d'autant qu'il auoit tout enuoyé apres monseigneur le Dauphin son fils, & qu'il scauoit que le capitaine Martin du Bellay estoit retourné à Riuo-  
le au partir de la plaine de Montcallier, pour l'escorte du passage, luy manda qu'il eust à le venir trouuer avec sa côpagnie au Boffolin, à la descente de la môtaigne, pour luy faire escorte, & qu'il eust à enuoyer gés le lóg de la riuere de la Douaire, à ce que ceux de Vulpian sur les chemin ne luy dônassent alarme, que premierement il n'en fust aduerty: ce que fist ledit du Bellay, & alla trouuer le Roy audit Boffolin, quelques iours deuant la feste S. Martin: & estoit le Roy acompagné du Cardinal de Lorraine, du Comte de saint Paul, & autres plusieurs gros personages. Partant dudit Boffolin ledit seigneur vint disner à saint Antonin, le long de la montaigne, assez pres de saint Ambrois: & apres disner passant par dedans Villane vint coucher à Iauan, auquel lieu il trouua le seigneur de la Ferté aux oignons, avec sa compagnie: enuoyé par monsieur le grand Maistre pour accompagner le Roy. Dudit Iauan print le lendemain le chemin de Carignan, & sur ledit chemin rencontra la compagnie du Duc de Montpensier, & celle des Biscoffois qui venoyent pareillement pour luy faire escorte. Estant arriué à Carignan, vint deuers luy Monseigneur le Dauphin, & monsieur le grand Maistre, pour conclurre avec sa maiesté ce qui estoit à faire: auquel lieu estans ensemble leur vindrét nouuelle,

comme ceux de Vulpian, par ce qu'il n'y auoit point de caualerie à Riuele, ny Villane, couroyent le val de Suze, & faisoient beaucoup de dommage à ceux qui suyuoient le camp. Parquoy fut soudain redepesché le capitaine Martin du Bellay pour y aller, lequel arriuant à Riuele, oyant l'alarme comme ceux de Vulpian auoyent destrouffé pres S. Antoine cinq ou six mulets chargez d'argent pour le payement de l'armee, & amenoyent ledit argent & les mulets, sans descendre passa la Douaire, coupât le chemin de Vulpian, & vint si bien à propos qu'à trois mille pres de Vulpian il attaignit les Imperiaux, lesquels s'estans mis à la fuite, abandonnerent les mulets, amenans seulement les tresoriers, sans auoir iamais eu moyen de rompre les balles. Ce voyant ledit seigneur du Bellay ne s'amusa à chasser les ennemis, mais seulement print peine de sauuer l'argent du Roy, & l'amena en seureté sans rien perdre dedans le chasteau de Riuele, où il y auoit le payement de nostre armee.

APRÈS que le Roy eut communiqué avecques monsieur le grand Maistre, fut conclu par l'aduis des capitaines que Monseigneur le Dauphin & le grand Maistre, retourneroyent le lendemain à Villedestellon, pour recognoistre la ville de Quiers, car à toutes fins le Roy la vouloit assaillir, chose qui fut executée: & cependant que mondit seigneur le grand Maistre recognoissoit la place, se dresserent de belles escarmouches, tant de gens de cheual que de pied.

PAR la trefue qui fut conclutte en Picardie, dont cy deuant est faite mention, fut permis à la Royne Marie de Hongrie d'enuoyer quelques gentilshômes siens en Espagne, passans seulement par le Royaume de France: aussi fut permis au Roy d'y enuoyer de sa part pour moyenner vne paix ou trefue generale: ce qui fut fait respectiuellement d'une part & d'autre, & telles executerent leur legation, ceux qui y furent en-

uoyez,

Trefue entre  
le Roy &  
l'Empereur.

uoyez, que la trefue & abstinence de guerre fut conclutte autant bien pour le Piemont qu'elle auoit esté pour la Picardie. Et par ledit accord estoit dit que chacun demoureroit possesseur de ce dôt il se trouue roit saisy lors de la publication de la trefue: parquoy ceux de la garnison de Turin, de Verolinc, de Sauillâ, & autres places limitrophes, estans de ce aduertis eslargirent leurs limites au plus loing qu'il leur fut possible, & par toutes petites places & castelletts mirent des gens au nom du Roy, ceux du Mont-deuis firent le semblable. Or il fut accordé entre ledit seigneur Marquis, lieutenant general de l'Empereur en Italie, & monseigneur le grand Maistre, lieutenant general pour le Roy, la forme dont on deuoit vser de ladite trefue, ainsi qu'il s'ensuit.

Il a esté aduisé, cōclu & arresté entre Messieurs les Marquis du Guast, lieutenant general de l'Empereur, & le grand Maistre de France, lieutenant general du Roy, Qu'ès villes que l'une & l'autre partie tiennent deçà les monts seront mises les garnisons, c'est à sauoir, en celles qui sont sous l'obeissance dudit seigneur Roy, en tel nombre, & ainsi que par ledit grand Maistre sera aduisé, & en celles qui sont sous l'obeissance dudit seigneur Empereur, ainsi qu'il sera pareillement ordonné par ledit Marquis, & le surplus des armées d'une part & d'autre seront renuoyees, & des demain xxix. de ce mois, ledit grand Maistre renuoiira celle d'iceluy seigneur Roy.

P L V s a esté accordé, qu'esdites villes & places d'une part & d'autre serōt portez & mis viures autres munitions, & se ferōt toutes reparatiōs, & fortifications necessaires, durant le tēps de la presente trefue, ainsi & par la forme & maniere, que ceux qui auront la charge desdites villes & places, aduiserōt, sans qu'il soit fait sur-ce mis ou donné d'une part ny d'autre aucun empeschement, & où il suruiendroit quelque

difficulté, elle sera vuidee par lesdits seigneurs Marquis & grand Maistre, tant qu'ils seront par deçà, & en leurs absences par ceux qui demoureront lieutenans generaux desdits seigneurs Empereur & Roy. Fait à Carmagnolles le xxviij. iour de Novembre, l'an mil cinq cens trentesept.

Le xxviij. iour de Novembre fut publiee la trefue à Carmagnolles, où le Roy estoit, & pareillement en Ast où estoit le Marquis du Guast lieutenant general de l'Empereur, à durer iusques au xxij. iour de Feurier subseqquent. Trois iours apres le Marquis du Guast vint faire la reueréce au Roy à Carmagnolles, où il fut receu dudit sieur humainement. Ce fait parce qu'il estoit accordé par ladite trefue que les deputez de par le Roy, & ceux de la part de l'Empereur, se trouueroient à Locate pour là ensemblement aduiser le moyen de faire vne bõne & ferme paix entre leurs deux maiestez. Le Roy delibera de se retirer en France, mais auât son partemét voulut bié pouruoir aux affaires du pays de Piemõt, & pour cest effect ordonna le seigneur de Monteiean gouverneur & son lieutenant general audit pays, le seigneur de Langey Guillaume du Bellay gouverneur & son lieutenant general dedans Turin, à Pignerol laissa gouverneur le Comte Francisque de Pontreme, à Sauillan le Baron de Castelpers, messire Charles de Dros Piemontois gouverneur du Môtdeuis, laquelle place il auoit sur prise sur les Imperiaux, & gardeee durant qu'ils estoient les plus forts en campagne, & dedans Verolinc laissa le seigneur Ludouic de Birague.

Les choses ainsi ordonnees le Roy prins son chemin par Pignerol, & apres auoir licentié les Suisses, pour se soulager de despenſe, amena quant & luy le Comte Guillaume de Furstemberg avec son regimét, laissant à Carmagnolles le capiraine Nicolas de Rusticis. Puis prenant le chemin par le Dauphiné arriua à  
Lion,



Lion, où peu de temps apres depescha monseigneur Iean, Cardinal de Lorraine, & mōsieur le grand Maître de Montmorency, pour aller à Locate conuenir avec les deputez de l'Empereur pour le fait de la paix. Lesquels apres auoir perdu beaucoup de temps, ne voyans moyen de paruenir à grande conclusion, en fin arresterent vne prolongation de trefue pour six mois, à commencer le xxj. iour de Feurier, dedans lequel temps on se deuoit raffsembler, pour encores chercher moyen d'accorder vne paix finale, & vindrent trouuer le Roy à Moulins, où il estoit venu cependant faire seiour. En ce temps fut deffaite par l'armee du Turc l'armee du Roy Ferdinand en Hongrie, où il y eut vne perte plus grande qu'il n'y en auoit eu de nostre temps. Le Roy voulant honorer ceux qui aux guerres precedentes auoyent trauaillé pour luy faire seruice, & entre autres messire Anne seigneur de Montmorency, pour les grâds & insignes seruices qu'il luy auoit faicts depuis trente ans au precedant, & mesme de fresche memoire à la descente de l'Empereur en Prouence, & au pas de Suze, où par sa diligence & vertu il força les ennemis: aussi aux guerres de Picardie tant à la prinse d'Hedin, qu'auoir secouru Terouenne, laquelle sans sa diligence n'auoit moyen encores de tenir huit iours, pour la famine qui desia pressoit les assiegez, l'honora de l'estat de Connestable, auquel n'auoit esté pourueu depuis le partement du Duc de Bourbon: aussi n'ayant pourueu à l'estat de Mareschal q. estoit vaqué par le trespas du Mareschal de la Marche, il en pourueut messire Claude d'Annebault, au precedant capitaine general des cheuaux legers: & la Mareschaucie vaquant par la promotiō de messire Anne de Montmorency à l'office de Connestable, il en pourueut le seigneur de Monteiean qui estoit demouré son lieutenant general en Piemont.

Promotion  
aux estats de  
Connestable  
& Mareschal  
de France.

TROIS ou iiii. iours apres fut vuidee vne que- Combat en

tre le sei-  
gneur de  
Veniers &  
de Sarzay.

relle laquelle de long temps auoit duré entre quatre gentilshommes de Berry, sauoir est le seigneur de la Tour Lâdry & de Chasteauroux, le seigneur de Sarzay, le seigneur de Veniers, & le seigneur Gaucourt. Le seigneur de Sarzay comme moteur de la querelle fut appelé, & luy fut demâdé s'il auoit dit que le seigneur de la Tour s'en fust fuy de la bataille de Paucie, il fit responce qu'ouy, & que le seigneur de Gaucourt luy auoit dit. Le seigneur de Gaucourt fut appelé, & luy fut demandé par le seigneur de Sarzay s'il luy auoit pas dit que le seigneur de la Tour s'en estoit fuy de la bataille: Gaucourt sans aduouer ny desauouer, luy dist, Vous m'avez dit que Veniers le vous a dit. Sarzay soudain respondit, Ouy, Veniers le m'a dit. Messieurs, dit Gaucourt, puis q Veniers le luy a dit, & qu'il le tient de luy, ien'ay que faire de respondre: parquoy ledit Gaucourt fut réuoyé, & fut appelé Veniers, qui nia audit Sarzay l'auoir dit & luy donna le desmenty. Pour en cognoistre la verité, & sauoir qui estoient faulx accusateurs, fut ordonné qu'ils combattroyent en camp clos: l'occasion qui meut le Roy de leur donner le combat, fut que tous les trois accusateurs n'estoyent à la bataille, mais en leurs maisons à leur aise, parquoy il leur estoit malaisé de cognoistre q auoit fuy. Le seigneur de Veniers porta les armes, qui estoient vn corselet à longues tassettes avec des manches de maille, & des gantelets, & le morion en teste, & vne espee bien tréchant à la main droite, & vn autre à la main gauche: en cest equippage entrèrent en câp conduits par leurs parrains, & accompagnez de leurs confidents. Le seigneur de Bonneual estoit parrain de Veniers, le seigneur de Villebô, de Sarzay, pour l'absence du sieur de Boisy, q estoit son parrain: apres les publicatiôs, sermés, & autres ceremonies accoustumees, faites, furent laissez aller. Ils firent tresbien leur deuoir de combattre de leurs deux espees,

espees: mais comme gens qui n'estoyent fort bien vstrez en telles armes en fin se saisirent au corps, abandonnans leurs espees. Le sieur de Veniers ayant desla la daguette au poing, & le sieur de Sarzay cherchant de tirer la sienne, le Roy ne voulant qu'ils passassent outre, ietta le baston, parquoy ils furent separez par les gardes du camp, qui estoient monsieur le Connestable, monsieur le Comte de Saint Paul, Duc de Touteuille, Louys monsieur de Neuers, & mōsieur le Marechal d'Annebault. Estans les deux champions remis en leurs chaires, pendant que le Roy avec son conseil, ordonnoit ce qu'il vouloit qui fust fait, le sieur de Veniers, lequel estoit blessé sur le col du pied d'un coup d'espee, par faute d'estre estaché, apres q le Roy eut donné sa sentence, les mettant d'accord, & apres auoir remis le seigneur de la Tour en son honneur, ayant le Roy affermé l'auoir veu le iour de la bataille faisant son deuoir pres de luy, vne heure quarte, qui de longue main tenoit ledit Veniers, fut conuertie en continue, dont peu de temps apres il mourut.

Av mois de May subsequence, le Pape Paule tiers de ce nom, voyant la misere estre vniuerselle par toute la Chrestienté, à l'occasion des guerres, desirant mettre en patience l'Empereur & le Roy, pratiqua de faire vne assemblee de ces deux Princes au lieu de Nice, à laquelle encores qu'il fust aagé de lxxv. ans, ils'y trouueroit, pour estre moyen de faire vne paix generale parmy la Chrestienté. Les deux Princess'y condescendirent, & le iour prins des'y trouuer au commencement de Iuin, qu'on comptoit mille cinq cens trentehuit, le Pape s'y trouua audit iour, aussi firēt leurs deux maiestez: & en ceste assemblée la sainteté du Pape trouua merueilleusemēt, pensant vider tous leurs differens, mais voyant n'y auoir moyen d'y trouuer vne paix finale, proposa vne trefue de dix

Entreueue  
du Pape,  
Empereur,  
& Roy à  
Nice.

Trefue pour  
dix ans.

Abouche-  
ment de  
l'Empereur  
& Roy à  
Aigues-  
mortes,

ans, esperât que durant ledit temps, les inimitiez enracinees dedans leurs cœurs, se pourroyent mitiguer: finalement ladite trefue de dix ans fut concluttre, marchande, & communicatiue entre les pays & subiets de leusdites maiestez, & toutes hostilitiez d'armes suspendues. Les choses ainsi cōfirmees & iurees par leurs maiestez entre les mains de sa sainteté, chacun print le chemin de sa retraite: le Pape print la volte de Rome, l'Empereur celle de Barcelone, & le Roy print son chemin par Auignon pour retourner en France. Auquel lieu d'Auignon estât arriué, eut nouuelles de la part de l'Empereur, qu'il auoit desir encores de cōmuniquer auecques luy, & que s'il vouloit se trouuer à Aiguesmortes, ledit seigneur Empereur y prendroit terre, chose que le Roy luy accorda: & se trouuans à Aiguesmortes, l'Empereur mist pied à terre, & vint dîner auec le Roy en grande demonstration d'amitié & fraternité: puis le Roy alla dedans la galere de l'Empereur, auquel lieu ils eurent ensemble de grands propos, quels ils furent ie ne say, mais on ne s'est apperceu qu'il en soit sorty aucun effect. Apres la trefue publiee, tout le reste de ladite annee, & de l'an mille cinq cens trentehuit, ne se firent autres choses, sinon limiter ce dequoy deuoit iouyr vn chacun.

Mort du  
Mareschal  
de Monte-  
iean, & suc-  
cession du  
Mareschal  
d'Anne-  
bault, pour  
estre vice-  
Roy en Pic-  
mont,

L'AN mille cinq cens trentehuit, le Roy estant à Compiègne tomba malade d'une apostume qui luy descendit au bas du ventre, dont il fut en grand danger de mort. Au mesme temps vindrent nouuelles au Roy, que le Mareschal de Monteiean son lieutenant general en Piemont, estoit en extremité de maladie, & hors d'esperance de vie, parquoy il depescha pour tenir son lieu le Mareschal d'Annebault, & auec luy le seigneur de Langey, pour tenir son lieu en son absence, & le capitaine Martin du Bellay pour gouverneur de Turin, lequel gouvernement il auoit remis entre les mains du Roy peu de temps au precedant.

Lequel



Lequel d'Annebault ayant nouuelles par les chemins du trespas du seigneur de Monteian, print la poste pour estre plustost en Piemont, ayant doubte qu'estant le pays sans gouuerneur il en aduint quelque inconuenient. Aussi durant ladite trefue le Roy fit fortifier & pourueoir ses places de Piemont : à Turin fit reueſtir de muraille les quatre boulleuerts, faisans les quatre angles de ladite ville : aussi fit faire les fossez tels qu'ils sont de present : fit pareillement edifier de nouveau vn chasteau à Pignerol, où estoit l'ancien chasteau, composé de quatre boulleuerts & quatre courtines, laissant au milieu ledit ancien chasteau pour seruir de roquette : & fit le ſéblable à Môccallier pour couvrir la ville, qu'elle ne fust venüe comme elle estoit de la montaigne. Aussi fist faire trois boulleuerts à Sauillan, & le seigneur de Cental, eſleu de Riez fist avecques l'aide du Roy fortifier Cental : aussi fist le Comte de Beyne sa ville de Beyne, & les mirent en tel estat, que depuis l'armee Imperiale, encores que maintefois elle ayt passé pres de leurs portes, ne les a osé attaquer.

Fortificatiõ  
des places de  
Piemont.

L'AN mille cinq cens trente-neuf, les Gantois ayans esté offensez de plusieurs nouueaux tributs qui leur auoyent esté imposez au nom de l'Empereur, & sentans que l'Empereur qui estoit en Espagne n'auoit grand moyen de promptement venir en ses pays bas, delibérerēt de s'en ressentir : & pour cest effect saccagerent les officiers de l'Empereur, & pour mieux se fortifier & venir à l'effect de leur entreprise, enuoyērēt secretemēt deuers le Roy luy offrir de se mettre entre ses mains, cōme leur souuerain seigneur ; luy offrirēt pareillemēt de faire le semblable aux bōnes villes de Flādres. Chose q̄ le Roy refusa, pour n'estre infracteur de foy enuers l'Empereur son bon frere, attendu la trefue iuree entr'eux depuis ij. ans, en aduertist l'Empereur : lequel cognoissant par cest aduer-

1539.

Passage de  
l'Empereur  
par la Frâce.

tissement & autres qu'il auoit de ses seruiteurs, que ses pays bas (qui estoient sa force) estoient en hazard d'estre perdus, ne pouuant trouuer moyen d'y pouruoir si promptement qu'il en estoit besoin, car passant par Allemagne il n'estoit pas asseuré des Protestâs lesq̃ls luy pourroyēt empescher son passage, & se mettât par mer se mettroit au hazard des vêts qui le pourroyent aussi bien ietter en Angleterre comme en Flandres contre son vouloir, car il n'estoit asseuré du Roy du pays pour les diuisions qu'auetz entendu par cy deuant qu'ils auoyent eues à cause du diuorce de la Royne Catherine sa tante: Ser esolut de se mettre sur la foy du Roy: & pour cest effect enuoya ses ambassadeurs deuers luy, estant encores malade à Compiègne luy offrir au cas qu'il luy baillast passage seur, de grandes choses, & entre autres d'investir luy ou l'un de ses enfans du Duché de Milan.

Le Roy iugeant le cœur d'autrui par le sien, & estimant qu'un tel Prince que l'Empereur ne le voulust abuser de paroles, apres plusieurs allees & venues, tant d'une part que d'autre, luy accorda telle seureté qu'il voulut demander, & mesme se mist à chemin pour aller au deuant de luy, encores qu'il ne fust bien sain de sa maladie, & enuoya Monseigneur Henry Dauphin de Viennois son fils aîné, & Monseigneur Charles Duc d'Orleans son fils puîné iusques à Bayonne, pour le recueillir à l'entree de son Royaume, & l'accompagner iusques au lieu, où le Roy & luy se pourroyent rencontrer. Or est-il que des promesses que ledit seigneur faisoit au Roy, il pria de n'estre importuné de les signer, à ce que par cy apres on peust dire qu'il les eust faites par cōtrainte, pour obtenir son passage, & qu'il pleust au Roy de s'assurer de sa parole. Mais qu'à la premiere ville de son obeissance où il arriueroit, il luy en donneroit telle seureté qu'il auroit occasion de se contenter.

Or est-il que l'Empereur de sa nature malicieux Occasion du  
voyant luy auoir esté accordé ce passage pour denuer voyage de  
le Roy de ses amis & alliez, attédu que ledit seigneur m<sup>seigneur</sup>  
y alloit de bonne foy, inuenta vne chose que ie vous le Marechal  
diray. Les Venitiens qui estoient entrez en ligue a- d'Anne-  
uecl'Empereur cōtre le grand Seigneur, se trouuans y bault à Ve-  
auoir esté abusez, car de iour à autre leurs richesses nise.  
diminuoyent, & cognoissans bien qu'il leur estoit be-  
soin pour la conseruation de leur estat d'appoincter  
avec ledit grand Turc, estoient sur le train d'entrer  
avec luy en vne paix, ou en vne bien longue trefue, &  
abandonner la ligue faite avec l'Empereur, qui seroit  
à son grand preiudice: pour à laquelle chose obuier  
persuada le Roy, en sorte qu'il commanda au seigneur  
d'Annebault Marechal de France, & son lieutenant  
general en Peimont, d'aller de cōpagnie avec le Mar-  
quis dn Guast à Venise, comme ambassadeurs solen-  
nels, pour faire entendre à la seigneurie de Venise la  
grande fraternité qui estoit entre leurs deux maistres,  
& qu'ils eussent bon courage, car le Roy de France se  
liant avec eux en ligue, comme il feroit, tous ensemble  
dresseroyent vne armee, tant par terre que par mer  
pour chasser hors de l'Europe la race des Ottomans:  
car en ce faisant il mettoit les Venitiens hors d'opi-  
nion d'accorder avec le grād Seigneur, & mettroit le-  
dit grand Seigneur en haine contre le Roy: aussi met-  
troit le Roy d'Angleterre en souspeçon, de sorte que  
ledit Anglois commença à se rassurer de l'Empereur  
& s'elongner de l'amitié de nostre Roy, mesme tous  
les autres alliez du Roy entierement en souspeçon,  
voyans les superintendens des deux maistres en Ita-  
lie, en telle fraternité, chose qui fut executée. Et s'em-  
barqua ledit Marechal d'Annebault au pont du Pau  
de Turin, & vint rencontrer le Marquis du Guast à  
Cazal Maiour, auquel lieu ils se mirent tous deux en  
vne barque, & en cest equippage allerent à Venise

faire leur legation.

1540. Or en ce faisant & durant les choses cy deuât dites, le mois de Decembre 1540. arriua l'Empereur à Bayonne, auquel lieu il fut recueilly par M<sup>seigneur</sup> de Dauphin, & Monseigneur d'Orleans en grande magnificence, & luy fut faite entree solennelle, où il donna graces & remissions, & deliura les prisonniers, ainsi qu'il eust fait en ses propres pays & Royaumes, & de là fut accompagné par mesdits seigneurs, & en toutes les villes où il passa luy fut fait semblable honneur qu'à Bayonne. Le mois de Ianuier arriua à Chastelleraut, où le trouua le Roy, duquel il fut receu en grande magnificence, ainsi qu'estoit la coustume dudit seigneur, car il n'eust peu faire les choses petites. Partant l'Empereur de Chastelleraut print son chemin à Amboise: or au chasteau d'Amboise y a deux grosses tours edifiees par le Roy Charles viij. par lesquelles on monte au chasteau, & sont lesdites tours si spatieuses, & si artificiellement construites, que charrettes, mulets, & littieres y montēt aisément iusques audit chasteau qui est assis sur le hault d'une montaigne. Et pour faire l'entree de l'Empereur plus magnifique, le Roy ordonna la faire de nuit par dedans l'une desdites tours ornee de tous les ornemens dont on se pouuoit aduiser, & tant garnie de flambeaux & autres luminaires, qu'on y voyoit aussi cler qu'en vne campagne en plein midy: mais estât l'Empereur à mi-chemin de ladite tour, quelque maladiſe portant des torches y mist le feu, de sorte que la tour fut toute enflambee, & à cause des tapisseries ou le feu se mist, la fumee fut si grande, ne pouuant expirer, qu'on fut en grande doubte que l'Empereur ne fust estouffé, & chacun taschoit à se sauuer pour eiter le danger: aucuns furent prins soupçonnez d'auoir fait ceste faute, mais non par malice, que le Roy voulut faire pendre, mais l'Empereur leur fist pardonner.

P A R -



PARTANT d'Amboise print s<sup>on</sup> chemin à Blois, puis à Orleans, de là à Fontainebelean, auquel lieu pour estre maison q<sup>ue</sup> le Roy auoit bastie pour les chasses & deduits, le festoya & luy donna tous les plaisirs qui se peuent inuenter, comme de chasses Royalles, tournois, escarmouches, combats à pied & à cheual, & sommairement en toutes autres sortes d'esbattemens. Dudit Fontainebelean tousiours accompagné de Messeigneurs les Dauphin & d'Orleans, s'en alla à Paris, & vindrent au deuant de luy tous les estats de la ville: en laquelle luy fut faite entree & recepti<sup>on</sup> toute telle qu'à la propre personne du Roy, & mist en liberté tous les prisonniers qui se trouuerent tant en la conciergerie qu'aux autres prisons de Paris. Partant duquel lieu alla à Chantilly maison de monsieur le Connestable, où il fut receu fort honorablement: puis prenant son chemin par la Picardie, arriua en seureté en sa ville de Vallentiennes, premiere place de son obeissance, iusques auquel lieu l'accompagnerent Messieurs les Dauphin & d'Orleans. Y estât arriué, les ambassadeurs du Roy estimerét que là il deust confirmer ce qu'il auoit promis au partir d'Espagne: mais le bon Prince lequel iamais n'auoit eu enuie de tenir sa promesse, les remist iusques à ce qu'il eust communiqué avecques son conseil des pays bas, mais asseura qu'ayant chastié ses subiets rebelles, il contenteroit le Roy. Le pense bien que si mal luy eust basté, & qu'il eust trouué son pays si esleué contre luy qu'il n'y eust peu remedier, il eust peu tenir sa promesse, esperant se pouuoir ayder des forces du Roy: mais arriué qu'il fut ded<sup>ans</sup> ses pays, les Gantois se voy<sup>ant</sup> abandonnez du Roy (lequel mesme luy auoit doné passage par son Royaume) & voyans l'Empereur marcher avecques grandes puissances c<sup>on</sup>tre eux, entrerét en desespoir de pouuoir soustenir cest effort, parquoy en lieu de combattre, enuoyerent deuers l'Empereur

chercher misericorde, chose qui leur fut accordée avecques telles conditions que l'Empereur leur proposa. Parquoy marchant à Gand avecques toutes ses forces se saisit des portes & de la place, mettant par tout garnison, & fist mourir sept ou huit des principaux auteurs de la sedition, & à tout le reste du peuple donna pardon, à la charge toutesfois qu'ils feroient edifier vne citadelle à leurs despès pour tenir la ville en subiection, & à perpetuité payeroyent la soulde des hommes qu'il faudroit pour la garde d'icelle: aussi leur osta leurs loix & franchises anciennes, & ordonna pour conduire & dresser ladite fortification Jean Iaques de Medicis Marquis de Marignan.

Ayant l'Empereur fait tout ce qu'il auoit delibéré, fut sollicité par l'Euesque de là Vaur, nommé George de Selua ambassadeur pour le Roy deuers luy, d'exécuter les choses par luy promises entre les mains dudit ambassadeur partant d'Espagne, & encores par plusieurs fois reiterees, passant par ce Royaume: mais l'Empereur se voyant hors de toute crainte, osta le masque de sa dissimulation, & declara entierement n'auoir rien promis: dont le Roy porta quelque mauuaise volonté à monsieur le Conestable, se disant auoir esté par luy assuré de la volonté de l'Empereur. Il estime bien que mondit seigneur le Conestable luy en auoit donné quelque assurance, par ce qu'il pésoit estre assuré de la promesse d'un tel Prince que l'Empereur, & qu'il se fondoit sur l'assurance de l'ambassadeur du Roy, estant pres de la personne dudit Empereur.

Accord du  
Mariage du  
Duc de Cle-  
ues.

L'AN 1540. se comença à traiter le mariage d'entre le Duc de Cleues, de Gueldres, & de Iulliers, avec la fille unique de Henry, Roy de Nauarre, & de Madame Marguerite sœur du Roy: lequel traité fut tant continué qu'il fut conclu que ledit Duc de Cleues viendroit en Frâce deuers le Roy, ce qu'il fit, & le vint

trouuer

trouuer à Chastellerault, où il fut honorablement recueilly: & audit lieu furent celebrees les nopces dudit Duc de Cleues, & de madite Dame fille du Roy de Nauarre, de parole seulement & non d'exécution, parce qu'elle n'estoit encores en aage nubile, mais fut accordé qu'elle estant en aage elle seroit conduite à Aix la chappelle, ville d'obeissance dudit Duc, pour la finale consommation dudit mariage. Ausdites nopces se firét de magnifiques tournois en la Garène de Chastellerault, d'un bon nombre de cheualiers errans, gardans entierement toutes les ceremonies qui sont escriptes des cheualiers de la table rôtée. Apres lesdits tournois, & autres festes & festins s'en retourna ledit Duc de Gueldres en ses pays, & s'en retourna le Roy vers Paris, & manda le Marechal d'Annebault qui estoit son lieutenant general en Piemont, lequel il mist pres de sa personne & au maniement de ses affaires: & demoura en son lieu lieutenant general en Piemont le seigneur de Langey messire Guillaume du Bellay.

Vous auez nagueres entendu, comme l'an mille cinq cens trente sept, le Roy passa en Piemont au pas de Suze, pour secourir son pays, & comme les Impériaux auoyent faict le guast pour nous empescher le passage, & s'estre ensuyue la trefue, que les deputez du Roy & la Roine de Hongrie auoyent moyennée, dôt l'Empereur s'estoit retiré & le Roy, & la pluspart de son armee en France: mais à cause que la trefue estoit courte, on ne voulut licentier les bandes Françaises iusques au retour de monsieur le Cardinal de Lorraine, & de monsieur le grâd Maistre, qui estoient allez à Locate, où la trefue fut prolongee de six mois. Cependant par faulte de payement le seigneur de Monteiran qui estoit demouré lieutenant pour le Roy en Piemont, fut contrainct de permettre aux soldats de viure à discretion, ou indiscretion, & mangerent ce qui estoit demouré: à ceste occasion le peuple mes-

Prouision  
sur la fami-  
ne de Pie-  
mont faite  
par Messire  
Guillaume  
du Bellay  
lieutenât ge-  
neral audit  
pays.

me desespéré de faim n'auoit semé en ladite annee, qui fut cause que la famine suruint l'an mille cinq cens trente-huict, telle qu'un sac de bled à Turin qui n'auoit accoustumé estre vendu qu'un escu, se vendit dix, & douze escus, & s'il y auoit du bled au marché, il falloit y mettre garde, à ce que le peuple ne s'entre-tuaſt pour en auoir: à ce moyen les terres demourerēt inutiles & incultiuës.

LE seigneur de Langey considerant que c'estoit la perte du pays, car l'annee subsequente si l'ennemy se mettoit en campagne rompant la trefue, on seroit contraint luy liurer les places par faute de viures, ou d'en amener de France, qui estoit chose impossible, pour fournir les places, nourrir le peuple, & semer les terres: car vous auez entendu comme le Roy quand il passa auoit mené toutes les bestes de somme, de trois ou quatre prouinces, & neantmoins les viures qu'ils auoyent porté n'auoyent peu suffire seulement à nourrir le camp. A ceste occasion il trouua moyen par dōs & autres choses, d'obtenir congé du seigneur André Dorie d'en amener par mer à Saoune, & de là par terre en Piemont, moyennant qu'il en donna audit André Dorie quelque portion en payant. Or y auoit il des bleds en Bourgongne en abondance, desquels il fit charger sur la riuere de la Saonne vn nombre suffisant, & de là en deualant sur le Roſne, & puis l'embarquer sur la mer, en quoy il fist telle diligēce, qu'en peu de temps les bleds furent à Saoune: puis fist trencher vne montaigne nommee Douillane, de sorte que par charroy il le rendit à Quieras, de là à Raconis, en trois iournees de charroy: puis en departit par toute l'obeissance du Roy, à trois escus le sac, qui couſtoit au precedāt dix escus, & à chaque village (apportant l'estat de ce qu'il en falloit, tant pour semer que pour viure iusques aux nouueaux, & en baillant vn ou deux respondans) fournissoit dudit bled pour ledit prix de  
trois



trois escus le sac, payant moitié comptant, moitié apres l'Aoust, tellement que toutes terres furent semees: qui a esté la saluation du pays, car peu apres la guerre se declara, comme entendrez cy apres, & eust esté ledit pays affamé: & le fist ledit seigneur de Langey à ses fraiz, de sorte que moy qui suis son frere en ay payé depuis sa mort cent mille liures à vn homme seul, enquoy il estoit en arriere, mais il ne luy challoit de la despense, moyennant qu'il fist seruice à son Prince.

FIN DV HVICTIEME LIVRE.



NEUVIEME LI-  
VRE DES MEMOIRES  
*de Messire Martin du Bellay*  
*Seigneur de Langey.*



ESTANT l'Empereur passé par ce Royaume, & ayant esté recueilly en telle fraternité du Roy son frere, comme auez entédu par le discours du liure precedét, avec tous les honneurs dont le Roy auoit peu vser en son endroict, & aussi apres que le Roy eut refusé ceux de Gand, qui de toute ancienneté estoient sub-

Iugement  
des hommes  
sur le passa-  
ge de l'Empe-  
reur en Fran-

iets de la couronne de France, lesquels s'estoyent mis entre ses bras comme entre les mains de leur souverain seigneur, luy offrans pareillemēt le semblable de la plus part des bonnes villes de Flandres: mais le Roy ne voulant en rien contreenir au traitté de la trefue, ains garder sa foy, estima que l'Empereur la luy garderoit en pareille fidelité, luy ayant aussi baillé passage libre par son Royaume, pour les reduire en son obéissance: car par ailleurs luy estoit malaisé d'y pourvoir d'heure, attendu que le passage de mer ne luy estoit seur, à cause des inimitiez d'entre luy & le Roy d'Angleterre, & par Allemagne aussi peu pour la crainte des Protestans, & aussi que ledit chemin estoit loing. Ces choses faisoient croire à toutes gens de bien, que l'Empereur n'auroit à deffaillir à ce qu'il auoit promis au Roy, mais au contraire estimoyent que ledit Empereur estant arriué en ses pays bas, en feroit d'avantage que sa promesse ne portoit, excepté aucuns qui cognoissoyent les humeurs de l'Empereur estre tel que ce qu'il peut, soit par tromperie ou autrement, luy est loisible pour paruenir à ses fins entièrement fondez sur ambition, ainsi que peu apres il fit cognoistre par les effects, & comme ie declareray. Aussi vous avez veu que pour mettre tous les Potentats & Princes de la Chrestienté en souspeçon, & mesme le grand Seigneur aussi auoit enuoyé deuers le Pape le sieurs de Gyé pour pareil effect, & pour mieux abuser le monde, il auoit persuadé au Roy d'enuoyer le seigneur d'Annebault son lieutenant general en Piemont, en la cōpagnie du seigneur Marquis du Guast, lieutenant general au Duché de Milan, deuers la seigneurie de Venise. Ce que le Roy qui rousiours auoit vsé de bonne foy voulut encores accorder, afin de faire cognoistre l'enuie qu'il auoit d'accorder vne ferme paix en la Chrestienté.

Le Roy se voyant ainsi loing d'esperance, par les  
dissimu-

diffimulatiōs dont vsoit l'Empereur en son endroit, voulut bien faire entendre à ses alliez, comme les choses estoient passées entre ledit Empereur & luy, & pour leuer le doubte qu'ils auoyent, d'autant que l'Empereur par ses ministres leur auoit sous main fait entendre, que ledit seigneur auoit traité avec luy à leur desauantage, pensant par ce moyen irriter tous les Potentats de la Chrestienté contre luy : à ceste cause depescha le seigneur Cesar Fregose cheualier de son ordre deuers la seigneurie de Venise, & le seigneur Antoine de Rincon gentilhomme de sa chambre deuers le grand Seigneur, pour leur declarer l'estat des affaires d'entre ledit Empereur & luy. Et pourautant que le chemin dudit Rincon estoit de passer par Venise, fut ordonné qu'ils iroyent de compagnie iusques audit lieu de Venise.

ESTANT le seigneur de Rincon arriué à Lion voulut y faire quelque seiour pour pouruoir à ses affaires, pendant lequel le seigneur Cesar Fregose vint deuant à Suze, voir sa compagnie de gensdarmes, dōt nouvellement le Roy luy auoit baillé la charge. Lequel seiournant audit lieu de Suze, le seigneur de Langey lieutenant general du Roy en Piemont, lors estant à Turin eut quelque vent, que le Marquis du Guast (ores que fussions en trefues) auoit mis aguets par les passages, pour surprendre lesdits seigneurs Fregose & Rincon. A l'occasion de ce ledit seigneur de Langey manda audit Fregose & Rincon qu'ils n'eussent à passer outre Riuele, que premierement il n'eust communiqué avecques eux: & enuoya de toutes parts pour entendre des nouuelles du departemēt dudit seigneur Marquis.

Depesche &  
mort de Ce-  
sar Fregose,  
& Antoine  
Rincon.

Le ieu dy premier iour de Iuillet mille cinq cens quarante & vn, arriuerent lesdits Fregose & Rincon à Riuele, & enuiron minuit y arriua le seigneur de Langey : aussi reuidrent ceux lesquels de toutes parts

il auoit depesché pour entédre nouuelles, qui tous unanimement luy rapportèrent que par tous les passages le Marquis auoit mis aguets, & mesme sur la riuere du Pau, par ce qu'il auoit esté aduertiy que pour raison que le seigneur Rincon estoit malaisé de sa personne, obstant la gresse dont il estoit chargé, se mettroit plustost en chemin par eau que par terre. Duquel rapport ledit seigneur de Langey leur donna aduertissement: & apres qu'ils eurent déclaré que leur intention estoit de se mettre sur la riuere, le prians ordonner que barques leur fussent appareillees au pont du Pau, pres Turin, pour l'accomplissement de leur voyage. Le seigneur de Langey preuoyant l'hazard où ils alloient entrer, par la notice qu'il auoit des mœurs du Marquis du Guast, les voulut par tous moyens suader de changer d'opinion, se faisant fort de les faire passer en seureté par terre, par le moyen qui s'ensuit. Il y auoit vn capitaine Milanois en sa compagnie, nommé Hercules Visconte, lequel partant à iour couché de Riuele les conduiroit, de sorte, qu'auant le iour ils artiueroient à la Cisterne chasteau de Lastizanne de l'obeissance du Roy, auquel lieu estans arriuez, tiendroyent les portes fermées toute iour, & partans la nuit sequente, iroyent coucher en vn chasteau appartenant au frere dudit Visconte, où feroient le semblable. La troisieme nuit deuoient arriuer sur le Plaisantin en seureté, pour estre terre du patrimoine de l'Eglise, & pour ce faire vouloit ledit seigneur de Langey bailler audit Rincon vn cheual d'Espagne fort aisé & allant l'amble.

Le seigneur Fregose n'estimant le Marquis du Guast homme qui eust voulu faire vne telle acte, que de faire assassiner les ambassadeurs d'un tel Prince treschrestien que le Roy, attendu mesmes qu'il estoit trefue, demoura obstiné en son opinion, & ne voulut changer sa premiere deliberation, ains resolut d'aller



d'aller par eau, persistât à faire instâce audit seigneur de Langey, de luy bailler barques suyuant le commandement du Roy. Le seigneur Rincon cognoissoit bié qu'il y auoit grande apparence au propos dudit sieur de Langey, mais auoit crainte d'alterer l'opinion de Fregose, ayât doute que l'alterât, & si mal en venoit, on luy pourroit reprocher, veu que Fregose l'auoit pris en sa conduite, il consentit d'aller par eau, aussi que c'estoit le plus aisé, non le plus seur.

Le samedi deuxieme iour de Iuillet audit an, ayans esté conduicts en deux barques lesdits Fregose & Rincon, & leur suite, iusques à la tour de Simenne pres de Vorling, le seigneur de Langey craignant ce qui aduint, parce que ses aduertissemens d'heure en heure luy redoubloyent, enuoya deuers lesdits seigneurs, pour leur persuader derechef de changer leur dessein, & où ils voudroyent perseuerer à leur obstination, ils eussent à luy renuoyer leurs instructions, lettres de creance, & papiers, à ce qu'auenant le cas qu'ils fussent saccagez ou prins, ils n'eussent trouuez chargez, lesquelles il leur feroit tenir seuremēt à Venise. Ce neantmoins ils demourerēt en leur premiere resolutiō, mais bié luy rēuoyerēt lesdites instructiōs par le Comte Petre Gentil, nepueu du Comte Camille de Sesse, lieutenant dudit Fregose. Puis le iour mesme s'embarquerēt avec ledit Comte Camille de Sesse en vne barque, & vne partie de leurs seruiteurs, & vn soldat du seigneur Ludouic de Birague nommé Boniface de S. Nazare en vne autre, ayant chacune quatre vogueurs, & cōmencerent à voguer enuiron les xxiiij. heures, & allerēt toute la nuit iusques à deux mille au dessoubs de Casal de Montferrat. Le lendemain enuiron midy estās arriuez en vn lieu appelé la Plage de Cantaloue, trois mille au dessus de la bouche du Thesin, se presenterent au deuant d'eux gēs en armes, estans sur deux barques, lesquels soudainemēt

assaillirent, & prindrent la barque où estoient lesdits Fregose & Antoine Rincon, & par ce qu'ils se mirent en defense, leurs ennemis monterent sur ladite barque, où lesdits seigneurs furent tous deux tuez. Dont promptement le seigneur de Langey fut aduertty, & peu apres eut autre aduertissement, qu'ils auoyent mené le Comre Camille de Sesse, lequel ils n'auoyent tué audie assassinement, dedans le chasteau de Pauie, puis la nuit subsequente l'auoyent mené dedans la Roquette de Milan, & auoyent mis au fond du chasteau de Pauie tous les batteliers qui auoyent conduict tant les François que les Espagnols, à ce que par eux on n'en peust auoir tesmoignage, & que les soldats qui auoyent fait ceste infame execution, estoient de la garnison du chasteau de Pauie, lesquels depuis trois iours & trois nuits n'auoyent sorty de dedans leurs barques, armez d'arquebuses, piques, & rondelles : & se faisoient apporter à manger d'une hostellerie qui leur estoit proche, & tenoyent leurs cheuaux au dessoubz, en lieu nommé le port de l'Estelle. L'autre barque où estoient Boniface de S. Nazare, & les seruiteurs donna à terre, & se sauuerent ceux qui estoient dedans en vn bois iusques à la nuit qu'ils se retirerent en seuereté.

**Diligence du seigneur de Langey, sur la verité des occasions & auteurs de la mort de Fregose & Rancon ambassadeurs du Roy.**

Le seigneur de Langey ayant eu les aduertissemens que cy deuant auz entendus, avec quelque asseurance de la verité, depescha le seigneur de Termes, capitaine de deux cens cheuaux legers des ordonnances du Roy, & gentilhomme de la chambre de Monseigneur le Duc d'Orleãs, deuers le Marquis du Guast qui estoit à Milan, pour l'aduertir dudit assassinement, luy mandant qu'il ne se pouuoit persuader qu'un fait si enorme contre tout droit naturel, diuin, & humain, fust executé par son sceu, ordonnance, ou commandement : parquoy le prioit d'y donner telle prouision qu'elle fist foy à tout le monde, que non

non seulement il eust voulu consentir, mais aussi peu souffrir que telles choses se fissent.

PENDANT que ledit sieur de Termes fit son voyage, arriua à Turin le Comte Francisque de Landrien avec lettres du Marquis du Guast, par lesquelles il escriuoit au sieur de Langey, auoir receu vne lettre enuoyee de la part de la femme du seigneur Cesar Fregose, denontiatue du fait aduenu à la personne de son sieur & mary, dont il auoit esté autant emerueillé que de nulle autre chose qui luy eust sceu aduenir: mesmes quand il la receut, il pensoit que ledit Cesar & seigneur Rancon fussent desia arriuez à Venise, pour auoir parauant des Casal, quand ils passèrent, esté aduertiy de leur passage. Et qu'il estoit bié asseuré q̄ le sieur de Lâgey estimoit bié q̄ l'inconueniēt aduenu audit Fregose auoit esté fait à son desceu, l'asseurât qu'il sentoit aurant ceste chose, q̄ si elle eust esté faite en sa propre personne, pour auoir tousiours tenu les seruiteurs du Roy en telle estime, & les auoir gratifiez autant q̄ ceux mesmes de l'Empereur. Et pour ce qu'il entendoit bien combien ce fait importoit, & le regret qu'en pourroyent auoir leurs maiestez, il auoit determiné de faire vsr de toute diligence, pour entendre au vray cōme la chose estoit passée, & si aucuns sur lesquels il eust pouuoir, estoÿēt trouuez s'en estre empeschéz, il en feroit faire telle iustice & demonstration qu'il en seroit memoire, & q̄ tout incōtināt auoit depesché le capitaine de la iustice de Milā, q̄ ne faudroit d'y faire son deuoir, luy offrāt q̄ (si bon luy sēbloit) il eust à enuoyer quelq̄ deputé de sa part avec ledit capitaine de iustice, pour assister & voir ce q̄ s'en feroit, le priant l'aduertir cōtinuellemēt de ce qu'il pourroit entendre estre reqs pour chastier ceux q̄ se trouueroyēt coupables, cōme il est necessaire & cōuenable à l'entretenemēt de l'entiere amitiē d'être leurs maiestez, & à la satisfaciō d'icelles. Or pensoit

le Marquis auoir fait faire cest acte si occultement, & y auoir si dextrement pourueu que iamais la verité ne viendroit en lumiere, & par ce moyen abuser le monde par ses paliations.

LE sieur de Langey qui desia auoit l'ombre de la verité, cognoissant bien que tous les mandemens du Marquis n'estoyent que fiction & abus, ne luy fit respõse attédât nouuelles dudit sieur de Termes, duquel le lendemain il eut respõse en substance, le Marqs ne pouuoit autre chose luy mander, sinõ ce q par le Côte Frãcisque de Landrië luy auoit desia fait sauoir, mais bien le remercioit de la bonne opinion qu'il auoit de luy, qu'il n'eust voulu estre consentant ne participât d'une telle meschâceré, l'assurât q iamais tel acte ne luy vint en fâtasie. Ce neâtmoins le sieur de Lâgey iusqs à ce qu'il eust bien auéré le fait, dissimula tousiours faisant entendre au Marquis qu'il auoit estimé qu'il n'en estoit participant, pour crainte qu'il ne luy empeschast par tous moyës de verifier ladite meschâceré. Bien luy mada qu'il ne trouuast mauuais s'il taschoit à descouurir la verité, & si apres l'auoir cogneue il en aduertissoit nostre S. Pere, l'Empereur, le Roy, le Roy d'Angleterre, & la seigneurie de Venise, & autres Potentats de la Chrestienté, à ce qu'ils iugeassent q si rouverte de trefue aduenoit pour ceste occasiõ (ce qu'il n'esperoit aduenir) tout le mode cogneust de qui viendroit le tort: aussi qu'il auoit ia fait comëcer les informatiõs, lesqelles il enuoiroit deuers le Roy son souuerain seigneur, pour en faire ce qu'il verroit estre bõ p son cõseil, & qu'il estimoit le Roy son maistre & son conseil n'auoir si peu de iugement q de ne cognoistre la verité apres les auoir veuës. Outre luy mada q le Côte de Lãdrië qu'il auoit enuoyé deuers luy, luy auoit fait entëdre, qu'il estoit à craindre, que le Duc d'Vrbain qui auoit querelle contre ledit seigneur Fregose, ou le Prince Dorie pour ialou-

sie de



ſie de l'eſtat de Gennes, euſſent fait faire ceſt aſſaſinemēt dont la verité par les informatiōs qu'il eſperoit eſtre parachenees dedās trois ou quatre iours ſe congnoiſtroit, leſquelles le ſieur de Langey faiſoit faire à Plaiſance comme en lieu neutre, pour oſter le doute de falſité.

LE Marquis renuoya deuers le ſieur de Langey le Côte de Landrien, le priant luy donner addreſſe & moyē neceſſaire à ce que ledit Côte peult aller & reuenir ſeulement deuers le Roy, pour luy faire entendre la diligence qu'il faiſoit d'informer qui eſtoient ceux qui auoyent eſté executeurs ou participans de l'execution de l'aſte rant execrable contre ſes ambafſadeurs:choſe que le ſieur de Langey luy accorda. Et parce que par ledit Comte de Landrien le Marquis ſe plaignoit fort, dequoy le ſieur de Langey faiſoit ſi grande inſtance d'auerer ledit aſſaſinemēt, ne ſe voulant fier à la diligence q̄ luy-meſme en faiſoit, le ſieur de Lāgey luy manda, qu'outre ſes premieres plaintes de la priſe ou aſſaſinement dudit Ceſar Fregoſe & autres, il auoit entendu qu'un pacquet venant de Veniſe au Roy ſon maiſtre, & vn autre de ſa maieſté allant à Veniſe, auoyent eſté deſtrouſſez ſur le chemin en la iuriſdiction Imperiale par gens veſtus à ſa deuifſe: qui eſtoit directement contreuenue à la trefue, & que pour ceſte occaſion luy prioit qu'encores que le deſtrouſſement n'eult eſté fait par ſon ſceu, de luy en faire raiſon.

DE V A N T la reſponſe du Marquis arriua le Côte de Landrien retournāt de deuers le Roy, lequel apporta lettres dudit ſeigneur audit Marqs, par leſquelles luy mandoit auoir entendu par la bouche du Côte de Landrien ce qu'il luy auoit mandé, & que pour l'auoir touſiours tenu homme vertueux, n'auoit voulu penſer que tels aſtes euſſent eſté executez par ſon ſceu, pour eſtre ſi odieux & reprochables, eſtant

seur que puis qu'il auoit moyen d'y remedier, sachant où seldits ambassadeurs auoyent esté pris, & qu'il pouuoit estre informé du lieu où ils estoient prisonniers, qu'ils luy seroyent renuoyez puis qu'il y auoit puissance : car le Roy faignoit que les seigneurs Fregose & Rancon fussent prisonniers & non occis, en intention d'attirer la confession de l'assassinement, par la bouche du Marquis, ou bien s'il n'en estoit participant, il ne failliroit d'en faire iustice exemplaire.

A V E C ledit Comte de Landrien partant de Turin pour retourner à Milã deuers le Marquis, le sieur de Langey enuoya le sieur de Termes, par lequel il fit entendre audit Marquis qu'outre ce que desia il luy auoit amplement mandé, ayant intention suyuant le vouloir du Roy, & pour complaire à la grande instance que ledit Marquis luy auoit faite, de luy faire communication des informations faites, de l'execution commise aux ambassadeurs du Roy, il auoit deliberé les luy enuoyer par ledit seigneur de Termes: mais estant pressé par le Comte de Landrien de partir si promptement, il n'auoit eu loisir de les faire doubler, & que pour le gratifier luy vouloit bien mander, afin d'en faire punition, & que l'age presente ou future ne luy donnast blasme d'en auoir esté consentant: & que le sieur de Termes luy feroit entendre sommairement que luy sieur de Langey, & autres ministres du Roy, luy seroyent apparoir du nombre & des noms de ceux qui auoyent executé le delict, de quelles nations ils estoient, & où furēt menez les prisonniers, par qui, à quelle heure, par quel chemin, avec quel ordre, par quelle porte, & à quelle heure ils furent mis dedans leur premiere prison, à qui confignez, où ils furent logez, combien de temps ils y demourerent, par qui, à quel iour, & à quelle heure ils furent transportez, par quel chemin, avec quel ordre,

dre, & par quel nombre de gens. Car entendez que le sieur de Langey pour mieulx le verifier, retira au seruice du Roy aucuns qui estoient mesmes de la faction, & les mariniers, tant ceux qui auoyent mené Fregose, que ceux qui auoyent conduit les soldats qui exercerent ceste tyrannie, que le Marquis auoit fait emprisonner au fons du chasteau de Paue, pensant cacher la verité, par lesquels il entendit comme les choses auoyent passé, les ayans tirez dehors, par le moyen qu'il trouua de faire limer de limes sourdes les grilles estans au fons des prisons deuers le fossé du chasteau, & les fit mener à Turin, qui ne fut sans frais & vigilance.

Les choses ainsi auerees, le Roy renuoya deuers le sieur de Langey pour entendre de luy quel homme il cognoissoit à propos, pour faire la legation, pour laquelle il auoit desesché le seigneur Antoine Rancou, & le moyen qu'il y auoit de le faire passer en secreté. Le sieur de Langey luy nomma le capitaine Poulain, capitaine de gens de pied, & depuis Baron de la garde, lequel dès le commencement de l'assassinement il auoit enuoyé deuers sa maiesté, & qu'il le feroit passer seurement iusques à Venise, ce qui fut fait, & fit tresbien sa charge ledit capitaine Poulain, de sorte que depuis le Roy s'en est seruy en plus grandes affaires.

En ce temps estoit l'Empereur en Allemagne à vne diette qu'il tenoit à Ratisbonne, où il accorda aux Protestans vn Interim, qui est autant à dire que iusques à ce qu'il y eust vn Concile, qui determinast des difficultez de la religion, chacun interim pourroit viure en la cerimonie qu'il auoit fait par deuant, & par ce moyen luy fut accordé à ladite diette, qu'au despens du ban d'Allemagne le Duc de Sauoye seroit reintegré en tous ses estats. Aussi peu apres Guillaume de Roquendolfe lieutenant general du Roy Ferdinand

fut deffait & deuant Bude , où mourut xx. mille Alle-  
mans , par l'armee du Turc , & le Turc en personne  
marchoit : quoy voyât l'Empereur cognoissant qu'e-  
stant en Allemagne, & voisin de ceste grande perte, ne  
luy feroit honorable de n'aller au deuant de ces for-  
ces Turquesques, parquoy pour couvrir sa peur deli-  
bera de faire l'entreprise d'Argeres, ne la sentant si dif-  
ficile que celle contre le grand Turc. Aussi passant par  
Italie trouuant le Roy au despourueu, il peust luy fai-  
re vne venue, ayant mieux laisser son propre patri-  
moine en proye, pour se cuider véger du Roy, lequel  
il auoit offensé par l'occision de ses ambassadeurs, a-  
pres auoir receu vne si grande grace, que de le laisser  
passer par son Royaume, & le fauoriser à dompter ses  
subiects rebelles. Mais estant arriué à Milan, & co-  
gnoissant que le sieur de Langey, qui estoit lieutenant  
du Roy en Piemont, y auoit pourueu, de sorte qu'il  
n'y eust moyen de rien entreprendre, & mesme que le  
Roy auoit pourueu Marseille, & la coste de Prouen-  
ce, suyuit son entreprise d'Argeres, laquelle fut mal  
fortunee pour luy, ainsi qu'autres ont descrit, parquoy  
ie me'n tais comme n'estant point de ma matiere: bien  
diray-ie pour vne parentaise, que l'Empereur estant à  
Luques parla menta avec le Pape. Le Roy enuoya de-  
uers eux deux demander la raison de Fregose & Rin-  
con, dont il n'eut responce que friuole. Reuenons à  
ma matiere.

LE Marquis du Guast voyant ses entreprises des-  
couvertes, & n'estre venu à la fin qu'il pretédoit d'en-  
tendre les desseins du Roy, par les instructions de Ce-  
sar Fregose, & du seigneur Antoine Rincon, sans qu'il  
luy eust esté possible de les sauoir de leur bouche, puis  
qu'ils estoient morts, & ayant aduis que le Roy auoit  
enuoyé demander reparation dudit crime (tant à  
l'Empereur qu'aux estats de l'Empire) delibera d'en-  
uoyer à vne diette (laquelle se deuoit tenir en Alle-  
magne



magne pour le faict de leur defense contre le Turc) lettres pour se iustifier, & accuser ceux desquels il estoit accusé, lesquelles furent presentees aux estats de l'Empire assemblez à Ratisbonne, & du depuis trauidites de Latin en François, dont la teneur s'ensuit.

AYANT entëdu qu'on a contre toute raison rapporté à voz reuerendissimes & illustrissimes seigneuries, que i'ay troublé le repos de la Chrestienté, rompant la trefue d'entre l'Empereur & le Roy tres-chrestien, ie suis demouré lög temps en doute, si ie deuois à telles objections faire response, par ce que voyant la verité estre assez euidente, i'estimois que d'elle-mesme sans autre mienne iustification, elle se pouuoit assez manifester, aussi me sembloit qu'en y respondant, ie serois forcé de me departir de m'a naturelle modestie, par ce que voulant à telles imputations faire cõuenable response, ie ne le pouuois faire, suyuant la reuerence de qui m'a telles imputations donnee. Considerant toutesfois que bien souuent la verité est si subtilement couuerte & adumbree de paroles, que sa lumiere luy peut estre otee, aussi entendant combien chacun doit à son honneur auoir esgard, il m'a semblé que si pour la defense du mien, ie ne m'efforçois de remettre la nue verité en sa vraye, propre, & naturelle lumiere, ie pourrois en quelque blasme & reproche encourir.

DONCQVS à voz reuerendissimes & illustrissimes seigneuries a esté donné à entëdre, que les Ambassadeurs du Roy tres-chrestien ont esté tuez, que ses messagers ont esté blesez par gens vestus à ma deuise, que d'Allemagne i'ay amené gens de guerre en Italie, & qu'à ce moyen on pretend que de ma part y ait rouverte de trefue.

AV premier article, pource qu'autrefois i'ay esté nommé coupable de tel effect, ie diray à present pour ma iustification vne chose seulement. I'offry de

Lettres iustificatiues de la mort des Ambassadeurs du Roy aux estats d'Allemagne par le Marquis du Guast.

constituer & moy & tous ceux que le Roy allegueroit suspects de cest affaire entre les mains de nostre saint Pere, afin que la verité par ce moyen fust cogneuë & iustifiée, & depuis le partement de sa maiesté ie retournay derechef à faire les mesmes offres: or si cest offre paraventure sembloit à aucuns n'estre assez iustificatoire, i'en feray vne telle à la fin de ceste lettre, qu'entre cheualiers elle pourra estre plus receuable.

Av second poinct, ie ne respondray autre chose, sinon qu'allant rencontrer sa maiesté Imperiale à Trente, vindrent avec moy plus de trois mille personnes habillees à ma deuise, de maniere que autres que les miens ont peu estre vestus d'icelle. Et d'auantage quād i'auroy intention de vouloir que telle chose se fist, ie scauroy bien deguïser mes gens, en sorte qu'ils ne seroyent si legerement congneus à l'habit.

Quant aux Allemans qui sont passez en Italie, il m'a semblé que tenant le lieu que ie tiens pour sa maiesté Imperiale, à moy touche d'y faire response. Scachant donc voz reuerendissimes & illustrissimes seigneuries, que ayant entendu que les François faisoient descendre en Italie de trois à quatre mille Suïsses, & congnoissant que telle nation ne se leue pour garnison de villes, mais pour faction à la campagne, ie despeschay le Comte de Lodrö en Allemagne, pour faire leuee de deux mille hommes. Et par la datte de mes lettres escrites au Roy des Romains, & par le temps que sont partis les Suïsses pour venir en Italie, il se cognoïstra que desia les Suïsses estoient en chemin auparauant que ie donnasse ordre par la leuee desdits Allemans: dont est que si par ce chef on tient que la trefue soit rompue, elle sera rompue par qui a premierement conduit les Suïsses, non par qui apres a conduit les Allemans. Cecy sera quant aux choses que ie pense vous auoir esté descrites de moy, & si ie  
vouloy

vouloy passer ouure, ie pourroy paraenture dire que les courriers de sa maiesté ont esté destrouffez, & les lettres de sadite maiesté, detenues, qu'on a tenu pratiquees es villes de sadite maiesté pour les surprédre & desrobber, que Maran a esté prins d'emblee, & que par mer a esté au sieur de Granuelle donné la chaffe.

LESQUELLES choses ie ne puis entendre, comme on les puisse faire sans rouverte de trefue, mais de ce ie ne vueil pour le present faire plus speciale mention, me reseruant à temps conuenable à telle iustification. Bien diray-ie que ceux mesmes qui ont fait retenir les lettres de sadite maiesté, se sont peu esclarcir par icelles q telle estoit son intention, en me donnant commission expresse qu'en aucune maniere ie ne fisse chose qui redondast à rouverte de trefue, & telle estant l'intention de sa maiesté, il n'est à croire que ses seruiteurs doyuent proceder au contraire.

Et puis que nous sommes entrez en ce propos de rouverte de trefue, ie dy qu'estât faite determination par vne tressaincte deliberation du saint Empire, de prendre les armes contre les ennemis des vrais Chrestiens, il me semble que qui voudra veritablemēt cognoistre dont procede ceste rouverte de trefue, on doit principalement regarder qui est celuy qui de la guerre entre les Chrestiens doit sentir aucune satisfaction. Or sçauent voz reuerendissimes & illustrissimes seigneuries, quel interest a sa maiesté Imperiale en la guerre contre les infideles, de combien grande affection elle à ceste fin a procuré l'uniō & accord de la Germanie, & combien aussi elle a ceste entreprise à cœur: pour l'execution de laquelle il est certain qu'il n'y a meilleur expediēt que la paix & vnion entre les Chrestiens. Ce presuppōsé, comme est-il vray semblable que par les gens de sa maiesté soit procuré de troubler ceste paix? & de detourber ce que de si grande affection elle desire? Et qui est plustost croyable d'a-

uoir cherché d'empescher ceste entreprise, ou de la partie qui en est auteur, & continuellement cherché qu'elle se face, ou de celle qui de tout son estude & engin se traueille à faire que la guerre ne se face contre les Turcs? Quelle chose est plus à croire ou que son Imperiale maiesté ayant vne telle guerre que celle du Turc, vueille par entreprise de nouuelle guerre separer & desunir ses forces, ou q̃ ceux qui voudroyent que ceste guerre se fist, cherchent par ce moyen de desvnir lesdites forces?

Qv i est celuy qui a cause de penser que sadite maiesté doye procurer que la puissance du Turc ne soit abaissée, où celuy qui de son abaissement espere son exaltation, ou celuy qui estime que l'exaltation de l'Empereur & de l'Empire soit sa depression & rauallément? La Germanie (Tres-reuerends & illustrissimes seigneurs) ainsi qu'elle est la plus grande partie de Chrestienté, ainsi est-elle le fondement & soustien de tout l'Empire.

Or à qui appartient plus qu'à l'Empereur de souhaiter & désirer qu'elle soit sauuee & entiere? Certainement à homme quelconque. Et comme peut elle mieux estre conseruee, sauuee, & entiere, qu'en resistant gaillardement & viuement aux entreprises du Turc? Ne comme peut-elle plus gaillardement y resister qu'en demeurant bien vnies? Si ceste vnion depend de son salut, & si l'Empereur sur toutes choses desire qu'elle soit sauuee, cōme est-il vray-semblable que luy en la desunissant par autres guerres, vueille amoindrir ses forces pour mettre son salut en danger? Voz reuerendissimes & illustrissimes seigneuries se vueille reduire à memoire, qui est celuy qui continuellement a cherché, & cherche de tenir lesdites forces separees: Qui est celuy qui ne voudroit point que les forces de l'Empire s'augmentassent? Qui est celuy qui avec les armes cherche de s'impatronir des choses à  
l'Em-



l'Empire appartenans? Qui est celuy qui ne voudroit point que la guerre se fist contre le Turc? Et par ce que pourront vosdites reuerendissimes & illustrissimes seigneuries asseurement iuger que ceux qui sont en telle volonté, sont ceux mesmes qui pour desunir la Germanie veulent interrompre le repos & tranquillité d'entre les Chrestiens, à ce que le saint Empire se faisant plus grand, ne vienne auoir puissance de recouurer les choses qui luy appartiennent, & de peur que le pouuoir de l'ennemy de Iesus Christ ne soit auec l'exaltation de l'Empire abaissé & ruiné: contre ceux-là me semble que iustement se doit conclurre estre recherchee la rouverte de la trefue, & non cōtre aucun de son Imperiale maiesté, qui est en diuerse & contraire volonté.

M A I S pour ne persister longuement en ceste matiere, laquelle à voz reuerendissimes & illustrissimes seigneuries doit estre désormais trop claire & euidente, pour sur icelle se deuoir estendre vn long propos, ie retourneray à mon particulier, & dy que des choses susdites, ainsi que ie les ay dites, ainsi me sousmets encores à la iustification toutes les fois que de personne à qui la chose appartienne i'en seray requis, auec le bon congé toutesfois de son Imperiale maiesté, de laquelle ie suis asseuré qu'elle me fera ceste grace.

E T pour ce qu'il y a deux voyes de se iustifier, l'vne ciuile, & l'autre cheualeresse, ie m'offre à defendre ciuilement, que de moy n'est procedee rouverte de trefue, & si aucun cheualier mon pareil me veult de telle chose imputer, & me vueille prouuer son intention auec les armes, ie defendray qu'il dit le faux, & qu'autant de fois il aura dit le faux, quantes fois il m'aura donné ou donnera telle imputation. A vous dire ce que dessus (reuerendissimes & illustrissimes seigneuries) m'a conduict le grand desir que i'ay d'e-

stre du tout iustificié deuât voz reuerendissimes & illustrissimes seigneuries : & si ie sçauoy autre voye de me pouuoir plus clairement iustifier, ie ne faudroy de la mettre en auant, par ce qu'en vne entreprise si iuste, si religieuse, & si sainte, ie ne voudroy que sur moy tombast vn tant soit petit soupçon, que contre la religion Chrestienne ie voufisse prendre les armes. Je dy cecy par ce qu'il sembleroit les prendre contre Christ luy-mesme, si nourrissant la guerre entre les Chrestiens, ie donnoy empeschement à la guerre qui s'entrepren contre ses ennemis, ainçois me reputeroie ie heureux si Dieu par sa grace me concedoit qu'en vne si glorieuse entreprise i'espādiffe mon sang, & rendisse mon ame à sa diuine maiesté.

Le sieur de Langey (auquel peu des actions du Marquis estoient incogneues) dès que ladite lettre eut esté minuitee, & auant qu'elle fust mise au net, en recouura secrettement vne copie, à laquelle il ne faillit de faire response, attendu que par icelle il estoit taxé, non ouuertement, mais il se pouuoit cognoistre : & que d'auantage n'y estoit obseruee la modestie dont il deuoit vser en parlant d'un tel Prince tres-Chrestien que le Roy son souuerain seigneur (car il l'accusoit couuertement) laquelle il enuoya en Latin, à Messieurs des estats de l'Empire, ainsi que celle du Marquis, & fit la traduction en François qu'il enuoya au Roy dont la teneur s'ensuit.

Lettres de  
Monsieur de  
Langey aux  
estats d'Al-  
lemagne re-  
sponsiue à la  
precedente.

Vous pourrez parauenture (tres-reuerends & tres-illustres Princes) vous esbahir de prime face, qu'entre voz si grandes occupations sur la defense & conseruation de voz pays, ie me sois meu à vous escrire d'autres affaires, sous couleür de respondre à lettres enquoy ie ne suis aucunement nommé : mais si il vous plaist prendre la patience de lire, ou d'ouyr lire ma lettre iusques au bout, vous trouuerez à la fin, que l'occasion qui m'a meu est conioincte à celle dont  
main-

maintenant la deliberation vous tient occupez, & que sans receuoir honte ie ne pourroy faire moins: car encores qu'en la lettre à laquelle ie respon, ie ne soy' expressement nommé, ceux toutesfois qui de plusieurs endroits d'Italie m'en ont enuoyé des doubles, les m'ont enuoyez en opinion qu'elle me touche, pour les raisons que vous mesmes en lisant cognoistrez. Et pleust à Dieu (Tres-reuerens & illustres Princes) qu'à ceux desquels la iuste plainte a induit le Marquis du Guast capitaine general & lieutenant de l'Empereur en Italie, à vous escrire vne sienne pretendue iustification, mais en effect accusatiō d'autrui, à laquelle par ceste mienne ie respon, iamais n'eust esté donné l'ocasiō d'icelle plainte. Si ainſi fust (Tres-reuerés & tres-illustres Princes) ie n'auroy presentemēt cause d'offenser voz publiques negoces, interrompre voz occupations pour entendre à moy, cependāt que ie confuteray, ou plustost vous monſtreray, comme d'elle mesme se confute la remonstrance que vous fait ledit Marquis, en laquelle sous vmbre de se vouloir iustifier, il accuse autrui contre raison, au contemnement & mespris de la grandeur & maiesté du Roy mon maistre: qui est aux cœurs nobles & hautains, le plus poingnant & virgée esguillon qui soit à l'esmouuoir & inciter à vengeance, & le forcer à se ressentir par effect (toutesfois à son grand regret & desplaisir) du lourd, & infame outrage que presentement l'ay à vous deduire. Je dy (Messieurs) à son grand regret, car telle est la verité, ainſi que Dieu à soy mesmes est tesmoin, & aux hommes en font foy la precedente tant gratuite poursuite, & la tant patiente & longue attente de la reparation dudit outrage, dont a ledit sieur Roy vsé iusques icy.

OR se plaint (Messieurs) ledit Marquis qu'on vous a donné à entendre qu'il est infracteur de la trefue entre le Roy & l'Empereur, & turbateur à ceste

ils s'allerēt embuscher sur le Pau, où ils firēt quelque sejour iusques à ce qu'ils eurent executé leurdite entreprise, ils s'en retournerent menans prisonniers avec eux tous ceux q au batteau desdits ambassadeurs, tant barquerots qu autres qui demourerent en vie. Item qu'iceux prisonniers furent quelques iours apres amenez & conduits ailleurs, en la puissance toutes-fois dudit Marquis. Ayant dauantage esté ledit seigneur informé, qu'iceux Espagnols apres ceste infame execution, s'estoyent retirez vers ledit Marquis, monstrans en apparence de plustost en esperer recompense, que d'en craindre aucune punition. Vous pouuez penser (Messieurs) que pieça ledit seigneur pouuoit estre assureé, que ledit Marquis en estoit consentant ou coupable, quoy que soit, inexcusable, que sans grande negligence en sa charge, il fust aduenu: mais pource que par vne sienne lettre il baptisoit cest acte en nom de meschandise, qui estoit pour donner occasion de penser, au moins qu'ainsi le baptisant il ne vouloit qu'ó creust qu'il en eust voulu estre participant ne consentant. Le Roy à ceste cause gracieusement luy manda par lettres, & quelque temps apres à l'Empereur, & depuis à nostre saint Pere, comme autheur & protecteur de la trefue, & derechef audit seigneur Empereur avec la protestation pertinente, que reparation luy fust faite de cest outrage, au moins contre ceux qui l'auoyent executé: & peut estre qu'il eust passé la chose soubs dissimulation, sans chercher expressement le scandale dudit Marquis, se contentant de laisser au iugement de l'aage presente ou future, s'il estoit possible de croire que telle chose fust aduenue avec les circonstances cy dessus specifiees, sans estre venue à sa cognoissance.

O R voyez-vous (Messieurs) combien il y a profité, combien de temps, combien patiemment ila attendu q quelque raison luy en fust faite, & com-



bien impudemment ledit sieur Marquis se couure de  
 l'offre, qu'il vous allegue & met en auant. Car s'il eust  
 eu tant soit peu d'enuie (comme il s'en vante) de faire  
 sortir en lumiere la verité de cest affaire, eust-il pas  
 bien esté en son pouuoir, laissant seulement en liberté  
 les vns & les autres barquerots q. en pouuoient par-  
 ler veritablement & de veuë, & qui n'auoyent aucune  
 occasion d'en deuoir en faueur de l'un ny de l'autre  
 mentir? Mais il a fait (Messieurs) tout le contraire,  
 car outre la detétion d'iceux (desquels toutefois i'ay  
 recouré aucuns eschappez de ses prisons) il a fait pu-  
 blier des edicts penaux és lieux où le fait pouuoit  
 estre cogneu, que nul fust si hardy d'en deuifer: & au  
 lieu des maltraitemens faicts à ceux qui desia en ont  
 parlé, a caressé, honorez, & creuz en estat non seule-  
 ment ceux q. ont executé l'entreprise, mais ceux aussi  
 q. ont trauaillé à desguiser la verité. Qui sont (Mes-  
 sieurs) actes & voyes de telle nature, q. non sans cause  
 le Roy tres-Christien a refusé d'accepter la protesta-  
 tion contraire aux effects, de laquelle faisant mentiõ  
 en cest endroit ledit Marquis l'a recitée plus grasse,  
 qu'à la verité paraenture il ne la fit, ou (comme ie le  
 vueil croire) ne se souuenant plus de si loing: car i'ay-  
 me mieux dire (Messieurs) qu'il en ait eu mauuaise  
 souuenance, q. qu'il ait voulu à son escient mettre de-  
 uant vous, c'est à dire, deuant la lumiere de tout le mon-  
 de. Encores me desplaist-il (Messieurs) q. ie n'ay autre  
 moyen sans le charger iteratiuemēt d'impudence, de  
 confuter l'autre, combien q. soit friuole l'excuse qu'il  
 met en auant, touchant les messagers du Roy assaillis  
 par gens vestus à sa deuise: & q. contre le fait cogneu  
 & verifié, il ait osé alleguer raisons & coniectures si  
 mal fondees, q. de dire, qu'il eust biē sceu (s'il eust vou-  
 lu telle chose commander à ses gēs) les desguiser en sor-  
 te qu'à l'habit ils n'eussent esté cogneuz: aussi q. pour  
 monstrier qu'autre que les siens l'ayent peu faire qui se  
 foyent

soyent vestus de sa liuree, il se couure de dire, que luy allant au deuant de l'Empereur à Trente, auoit bien avec luy trois mille hommes vestus à sa deuise.

Q V A N T à ce dernier poinct, ie ne le vueil aucunement contredire, ains l'aduoué sans difficulté, m'è rapportant à ceux qui par force l'accompagnoyent cōtraints de se vestir, armer, & monter à leurs despēs, ont pour y fournir engagé si auant leur patrimoine, qu'ils n'ont à present moyen de satisfaire aux tyranniques impositiōs, que iournellemēt il leur met sus. Mais quant à l'inuasion, ie voudroy, puis qu'elle ne se peult contredire, parce que les officiers de la seigneurie de Venise, es pays de laquelle est aduenue ceste inuasion, ont pris & executé à mort les delinquans, nō seulement vestus de la liuree, ains souldoyez en la garde dudit seigneur Marquis, que luy au lieu d'alleguer ceste mēsongere negatiue excuse, se fust plustost attribué l'honneur de les auoir fait luy-mesmes executer iusques esdites terres de la seigneurie, & pourchassé que lesdits officiers en fissent iustice. Mais il a de si long temps esté dit, & tant de fois que plus il n'è fault douter, & prouué que qui vne fois a passé les bornes de honte, il fault que tost apres il deuienne apertement & naïfvement impudent, & tellement (Messieurs) que l'homme plongé en ceste impudence, ne pense plus que la chose dont il n'a honte, semble à autruy honteuse ny reprochable, comme vous le pouuez outre les deux prealleguez exemples, non moins facilement cognoistre, que parce que pour se couvrir de la leuee de ses Lansquenets, qui seroit acte fort aisé a reparer s'il n'y auoit autre occasion de rouverte, & si en autres choses il n'eust ia esté procédé aux effectz.

L I D I T sieur Marquis aussi (Messieurs) vous allegue vne raison, & qui par nous aduouee, ne peult aucunement le releuer, & qui encores qu'elle soit ma-

litieusement deguisee, ne le peut toutesfois estre à bõne partie de vous: car il ne luy sert de dire que noz Suisses estoient en chemin au temps & darte qu'il escriuit au Roy des Romains pour sadite leuee de Lansquenets. Si bõne partie de vous, sauiez tresbien que dès le mois de Ianuier, & quelque temps aupara-uant, il auoit desia enuoyé retenir les capitaines, & ordonné qu'ils fussent prests à son premier mandement, si desia il s'estoit renforcé d'Espagnols, il auoit desia fait grosse creuë de cheuaux legers, il auoit desia depesché les capitaines d'un fort gros nombre de gens de pied Italiens, desia fait publier edict au Duché de Milan, que tous soldats & gens de guerre dudit Duché, eussent à se faire enroller és bédés d'iceux capitaines, sur grosses peines contenues en son edict. Encores pouuoie-je adiouster mille autres preparatifs de guerre, comme fortifications de places au prejudice de noz capitulations, fonte de nouuelle artillerie, amas de pouldres & autres munitions, ponts à passer riuieres, eschelles à assaillir places, cassons à porter pain en camp, & autres tels equipages qui se faisoient aupres de nous secretement, mais en extreme diligence. Et quand tout cela ne seroit (ce que si) & que le Roy auroit fait la premiere leuee, voire commencé la guerre effectuellement, quelle guerre fut oncques à plus iuste cause commencee, que pour la vengeance del'assassinement d'ambassadeurs, la réparation duquel il a si gratieusement poursuyue, & patiemment attendue, & apres toutes les solennitez & protestations requises, desesperee?

Or puis que ceste deduction nous a ramenez au propos de l'assassinement, qui est en effect l'estat & fondement de ceste matiere, confidez (Messieurs) encores que ledict sieur Marquis employe tous ses esprits, pour artificieusement s'en iustifier, comme il se couure, neantmoins si pauurement, que la verité de  
toutes

toutes parts y apparoist claire cōme le iour, & comme en disant vne chose, & taisant vne autre, & tournoyant ainsi qu'un chien, qui ne fait où trouuer le cheuet à se reposer la teste, il ne franchit toutesfois le fault de simplement & ouuertement nier ou aduouer le fait. Seulement dit qu'il s'est voulu représenter deuant nostre Saint Pere: & puis en la fin de sa lettre (où il semble qu'il vueille faire peur aux gēs d'ētrer en cāp sur ceste querelle) il ne cōclut point absolument à propos sur cest article, ains p astuce & cauteleusemēt baille le moyē pour se reseruer tousiours vne porte ouuerte à s'ē retirer hors si bō luy semble.

SECONDEMENT vous voyez, que tout ainsi qu'un homme surprins à l'interrogatoire, & qui ne se trouue bien estofé de responce, a de coustume de se sauuer par quelques autres diuerses interrogations: ainsi ledit Marquis voyant sa iustification si froide, qu'entre gens de bon esprit, elle peult estre prinse & interpretee pour vne tacite confessiō q court maintenāt aux subterfuges de contre-accusacion, disant q s'il vouloit, parauanture pourroit-il mettre en auant (ce qu'il fait) que du costé des gens du Roy on a surpris quelques courriers Imperiaux, retenu les lettres de sa maiesté, entretenu des praticques és terres de son obeissance, prins la place de Maran d'emblee, & au seigneur de Granuelle donné la chassē par mer. Apres ceste presupposition cōclut en demādant (cōme de question dont il ne se peult resoudre) cōme telle chose sans rouverte peult auoir esté faite en temps de trefue. Le le releueray (Messieurs) facilement, & par vn seul mot de ce scrupule, c'est que celuy ne rompt la trefue qui se reuēche, & contre l'infracteur d'icelle il est permis à l'offensé de s'en venger en quelque sorte & maniere que ce soit, & mesmement quand la reparation de l'offense luy est deniée, mais est par l'offendant perseueré, conuient à present accompler



& adioufter offenses sur offenses, deprisant, contemnant, & vilipendant si ouuertement & indignement la grandeur, puissance, & maiesté de l'offensé.

Or quand ie n'aurois comme i'ay ceste iuste réponse absolue & vniuerselle, qui subuertit & rue par terre le fondement & pied de la contre-accusation dudit Marquis, encores pourroy- ie particulièrement respondre à chasque article. Car quant à la plainte q' cest hyuer le Marquis me fit entendre par vn trompette, que sur le chemin en vn certain bois taillis, entre les villes de Conys & Fossan, vn courrier venant d'Espagne auoit esté destrouffé de ses bouges, paquets, & argent par gens de cheual armez, dont ceux que ledit courrier suspeçonnoit, luy furent representez, lequel les dechargea, & sur sa plainte on enuoya gens avecques luy reuisiter le bois, qui est situé au michemin desdites deux villes, qui toutes deux sont de la iurisdiction Imperiale, & non de celle du Roy, ne pres d'aucunes de ses garnisons, ie pourroy dire qu'au dit bois furēt trouuez plusieurs paquets espars çà & là, ouuerts les vns & les autres, entre les autres aucuns paquets de l'Empereur adressans à nostre Saint Pere: qui est chose assez donnant à penser, que ceux qui destroufferent ledit courrier, le firent pour auoir son argent, & non pour crocheter les lettres de l'Empereur, & que s'ils les eussent voulu crocheter aussi biē eussent- ils crocheté celles qui alloient à nostre S. Pere, comme les autres. Aussi pourroy ie dire qu'il n'est à croire que les soldats royaux eussent deuiné ny le iour ny l'heure, ny le lieu qui deuoit passer vn courrier venant d'Espagne avec lettres, pour ainsi se trouuer à point pour le detrouffer, & aussi peu eussent- ils sceu deuiner que ledit courrier qui estoit vn courrier ordinaire de depeschés de bulles & de marchans, eust deu apporter la depesche & paquets de l'Empereur: & si de long temps ils y eussent esté

esté embuschez en armes, attendans que ledit courrier passast, & que durant la longueur du temps, ils n'eussent esté par les allans & venans decouverts & cogneus, ie laisse à vn chacun penser s'il est croyable. Encores pourroy-ie dire, que ledit courrier dit luy-mesmes, en dechargeant ceux qu'il auoit souspeçonnez ( qui sont Gentils-hommes seruans le Roy sur cheuaux legers ) que audit Conys où il arriua vers la minuit, on l'auoit bien amusé deux heures auant que luy bailler cheuaux, de sorte qu'on peut penser (& luy n'en estoit sans souspeçon ) que les propres hommes de Conys sçachans qu'il auoit argent en ses bouges, l'eussent tout à propos arresté, pour cependant gagner temps pour s'aller mettre en embuscade. Et qui me pourroit aider à le croire, c'est que ie me suis trouué autrefois auoir fait pendre en la iurisdiction du Roy, pour crimes commis & perpetrez en icelle, vn hôme qualifié subiect & employé au seruice de l'Empereur, qui a confessé par son proces auoir fait delicts, actes, & assassinement contre les propres soldats Espagnols, & les auoir tuez & meurdrys de guet à pens, sans autre occasion que pour auoir leur argent.

Et quant au faict des praticques que dit le Marquis auoir par nous esté entretenues en ce pays, sur villes & places de l'obeissance Imperiale, s'il en parloit plus euidemmēt, & designoit le temps, les places, & les auteurs d'icelles praticques, ou ie luy microis absolument, ou luy dirois ainsi que la verité porte, que luy & les siés ont fait le semblable sur les nostres: encores pourroy dire d'auantage, que si bien il est prohibé de surprendre les villes l'un de l'autre en temps de trefue, il n'est toutesfois prohibé de prester l'oreille à qui se vient offrir, ny de preparer & entretenir des praticques & moyens de pouuoir endommager son ennemy apres la trefue expiree & corrompue. Et quant à la prise de Maran, certainement ie pourroy

dire qu'onques elle n'aduint du consentement, participation, ny sceu du Roy, ne de gés qui eussent charge, ny maniement de ses affaires: & que si quelqu'un veut maintenir de si, se trouuerôt des hommes prests à soustenir le contraire avec les armes & la verité. Vray est que ceux qui l'entreprendrent, l'exécuterent, cognoissans bien que sans gros adueu ils n'estoyent suffisans à longuement tenir leur prise, & aduertis de celsdits outrages faits par les gens de l'Empereur au Roy, & sur ce pensans que vray-semblablement ledit seigneur seroit bien aise de recouurer vne telle place en contreschange à recouurer ses ambassadeurs s'ils estoyent vifs, ou pour commencement s'ils estoyent morts d'en exécuter la deuë vengeance, bié tost apres haulserent les bandieres de France, & enuoyerent offrir la place au Roy, avec langage toutesfois equipollent à protestation, qu'à son refus ils trouueroient autre à qui en faire marchandise. Et se laisserent (Messieurs) entendre sur ceste marchandise, de telle maniere qu'il estoit facile à cognoistre qui seroit le marchand, & que la marchandise seroit preiudiciable & à nostre Saint Pere, & à l'Empereur, & à la seigneurie de Venise, à chacun en particulier & vniuersellement à toute la Chrestienté.

SVR QVOY (Messieurs) le Roy voyant de quelle importance & consequence estoit cest affaire, en communiqua incontinant aux ambassadeurs des dessusdits estans riere sa maiesté, qu'ils en escriussent a leurs seigneurs, en leur declarant, que si dedans le temps avec eux accordé ne luy estoit par les susdits seigneurs enuoyé meilleur aduis, il accepteroit ladite place, non pour la tenir comme sienne, car elle ne luy est, ores qu'il y eust iuste tiltre, d'aucun seruice ny commodité, mais pour euitier qu'elle ne rôbast en telles mains, que la Chrestienté en receust dommage, & pour apres en faire en temps & lieu ce qu'à un bon & iuste Prince

ce appartiendra d'en faire. Je vous laisse à iuger, Messieurs, que pouuoit faire le Roy en ceste occurrence, sinon qu'il eust fait rendre la place au Roy des Romains, ce qui n'estoit, ny pouuoit estre en sa puissance? Y pouuoit-il pouruoir avec plus grande satisfaction, ne dudit Roy, ny de l'Empereur son frere? Le Marquis parauanture dira: Et de ce par l'Ambassadeur de l'Empereur a esté faite remonstrance, que ledit seigneur Roy deuoit faire prendre le gentilhomme qui luy estoit venu offrir ladite place, & le faire pendre s'il ne la rendoit au Roy des Romains, mais parauenture quand il l'eust fait pendre, la place n'eust pourtât esté rendue, & puis si les Imperiaux pensent estre louables à leur maistre, de violer le nom sacrosainct de Legats & de messagers, ne tenir compte du droict des Gents, n'auoir ne tenir aucune chose sainte & inuiolable: le Roy n'a institué sa vie de ceste sorte, & n'est raisonnable que les droicts que pour soy-mesme il ne voudroit violer, il violast pour l'autruy bien de celuy qui pour l'offenser les viole, & monstre par ses effects ne penser estre mis en ce monde, que pour s'essayer à le ruiner & deffaire.

RESTE (Messieurs) à respondre sur ceste chasse que dit le Marquis auoir esté donnee au sieur de Granuelle. Or ie vous demande (Messieurs) attendu qu'estans n'agueres sortis hors de Vulpian Cesar de Naples, & autres capitaines Imperiaux, & venus de nuit avec grosse troupe de gens de cheual & de pied, iusques aupres de ceste ville de Turin, sur laquelle principalement il abbaye cōme le chien apres le cerf: monsieur le Marquis du Guast ne veut toutesfois que ie doye iuger ny penser qu'ils y vinssent en intétion de la vouloir surprendre, cōbien que ie sçache que ce temps pendant estoit à Quiers, ville distante de cinq mille de ceste-cy, autre gros nombre de soldats Imperiaux prests à marcher quand il leur seroit mandé.



Combien encores qu'un gentilhomme atilré pour mettre le feu en certaines maisons pour occuper chacun à l'estaindre cependant qu'on proposeroit les eschelles aux murailles, ait esté prins par noz gens, atteint & conuaincu du faict lequel il a confessé, & apres les deuës confrontations a esté mis en quartiers. Attendu (di-ie) ce que dessus, est il raisonnable (Messieurs) ores si ie vouloy aduouer que les capitaines des galeres du Roy estans au port, & voyans autres galeres en mer se mettre à la fuite, qui est donner occasion de se faire suyure, fussent sortis hors, & les eussent poursuyuis quelque espace, que pour ce le Marquis se doye promettre & iuger, qu'ils le fissent sous intention de courir sus audit sieur de Granuelle? A la verité ie tiens tant de vostre prudence, iugement, & equité, que vous ne voudriez luy estre loisible, qu'il face vne loy pour luy, & autre pour moy, ne que toutes ses coniectures, desguisemens, & palliations soyent tenues pour effect & verité, & que mes veritables allegations & mes expositions des effects ia ensuyuis, soyent au contraire repudiees ou refutees. Icy pour roy & me seroit loisible parler de luy en ceste matiere plus librement, mais ie vueil sous protestation me contenir en la modestie en laquelle il auoit protesté de se vouloir contenir, & ne l'a faict.

V R A Y est qu'en cest endroiect il pourroit dire que si bien il est sorty des chanceaux esquels il estoit enclos par sadite protestation, de vouloir dire seulement ce qui seruiroit à se decoulper, sans couler autrui, & ce qui seroit preiudiciable à son honneur, a toutesfois tousiours tenu vn pied dedans lesdits chanceaux: & en ce pourroit se couvrir de dire, que si ores obliquement il accusoit autrui, ce n'estoit toutesfois sa principale intention, mais vne forcee retorcution pour asseurer & fortifier sa iustification, & faire apparoirre que si ores il auroit fait quelque chose  
contre

contre la trefue, il l'auroit fait non volontairement, ains prouoqué par precedentes praticques & contrauentions.

Lv y soit donc permis iusques sur ce poinct de se couvrir sur ceste excuse, mais à ce que si apres il deduit trop plus au long & trop vehementement qu'il n'a deduit sadite pretendue iustification, qui autât luy sert, que cōtre la pluye la couuerture d'un sac mouillé, il ne sçauoit dire qu'il soit, ainsi qu'il aduient, coulé d'un propos en l'autre, ains appert que par volontaire deliberation, il va cherchant, comme iusques sous terre, occasiō d'aceuser le Roy, & de calomnieusement abuser de son nom, en hayne, enuie, & malveillance de toute la Chrestienté. Mais si Dieu, Tres-reuerens & tres-illustres Princes, qui luy-mesmes est la verité, me preste vostre beneuole audience, cependant que ie designeray, sans autrement deduire les moyens de respondre aux articles escheuz de ceste accusation, l'espere en luy, que la verité victorieuse trouuera lieu pour s'arrester, & fermer entre vous : quelques trauerses, calomnie, & fausseté qu'il luy ait donnees, ou pensé donner.

L E D I T sieur Marquis assiet (Messieurs) l'estat de son accusation, sur vn si saint fondement, que s'il bastissoit de mesmes, il pourroit conduire vn aussi saint œuure, comme pourra estre maudit celuy qu'on peut esperer de la manufacture, & taille des matiere & estoiffes de sa structure. Ce fondement est la veritablement sainte resolution, qu'auiez prise entre vous de conuertir voz armes à l'encontre de l'ennemy des vrais Chrestiens. Sur ce fondement se doit bastir vn saint discours, vne meure deliberatiō, sans haine, sans faueur, & sans enuie, avecques tous les preparatifs & moyens requis & necessaires, pour avec la propitiation de Dieu, bien commencer, heureusement conduire, & glorieusement mettre ceste sainte resolu-

tion à fin: mais au contraire ledit fleur Marquis y fonde vne calomnieuse accusation, d'un tres-chrestien Roy, d'un Roy vostre amy, d'un Roy qui autant qu'il luy a esté possible, & autant quel'a permis la malignité de ceux qui contre luy retorquent la propre coulpe dont ils se voyent attains, a empesché que la tempeste ne tombast sur vous, pour à laquelle remedier vous estes maintenant en peine & en trauail. Il est bié vray qu'il ne vous nomme point le Roy, mais pour le tirer plus auât en haine, il touche côme du doigt dessus, en le vous representant, non point tel, comme on dit de ses couleurs, mais côme auant la fin de ma lettre vous cognoistrez des leurs, indignement & malheureusement desguisees.

OR veut-il que vous croyez ( tresillustres & tres-reuerends Princes ) que le Roy sans en auoir occasion entend recômmencer la guerre entre luy & l'Empereur, pour empescher l'executiô de la vostre cõtre le Turc, ou pour le moins la reduire en trop plus grande difficulté, pour la desunion & separation de voz forces: veut aussi que ce nonobstant vous croyez que ledit seigneur ne vueille aucunement qu'on vienne à faire ceste entreprise. Certainement ( Messeigneurs ) en presupposant l'un estre vray, qui est entierement faux, ie penseroiy que tout au contraire le Roy deuroit par toutes voyes possibles faire conseiller à l'Empereur de se ietter à la campagne, & de haster ceste entreprise, afin de cependant que ses forces seront occupees, auoir de luy meilleur marché: car s'il est vray sans contredit qu'il vueille entreprendre guerre, doit chercher d'en faciliter la victoire, & qui diuise les forces de son ennemy la facilite: doncques doit qui contre aucun veut entreprendre guerre, chercher de diuiser & desunir ses forces: parquoy doit le Roy s'il veut entreprendre guerre contre l'Empereur, tel & si puisant ennemy, desirer & non craindre ou empesché qu'il

qu'il entreprenne la guerre contre le Turc, c'est à dire, qu'il desunisse ses forces, & qu'il luy facilite & avance la victoire.

Vous auez (Messeigneurs) ce que pour maintenant ie vous vueil dire quant à ce poinct: suyons à veoir les demôstrations & ratiocinations dudit Marquis, proposant l'interest, il a voulu dire le profit que peut l'Empereur esperer en ces armes, ainsi par vous prinſes contre les infideles, presupposant combien il a ceste entreprise à cœur: ce que presupposé son profit, ie croy finalement qu'il continue ses argumentations, se confondant en multiplicité de silogismes, en inutile redite de mesme langage, & interrogatoires, de vehemence hors de propos, ſçauoir est, comme il seroit vray-semblable, que par les gens de l'Empereur fut procuré la rouverte de ceste paix & vnion? Comme croyable, que luy ayât prins vne telle guerre contre le Turc, vueille par entreprise de nouvelle guerre desunir ses forces? Qui est celuy qui plus que luy peut desirer que la puissance du Turc soit abaissée? A qui touche plus qu'à luy de desirer que la Germanie soit conseruee, sauue, & entiere? Par quel moyen peut-elle mieux estre cōseruee, que par resister gaillardement & viuement aux forces du Turc? Par quel moyen se peut entendre que plus gaillardement elle y resiste, que par estre ensemble bien d'accord & vnies? S'il est vray-semblable que luy la desirant sauue & entiere, que luy ſçachant que tout depend de ceste vnion, voulust, en la desunissant par autres guerres, amoindrir les forces, & mettre le salut d'icelle en danger? Apres, Messeigneurs, il vous requiert auoir souuenance qui est celuy qui a cherché de tenir lesdites forces separees? Qui est celuy qui ne voudroit q̄ celles de l'Empire s'augmētassent? Qui est celuy qui avec les armes cherche de s'impatronir des choses à l'Empire appartenans? Et veut pour conclusion, que de celuy la



on pense que soit procedee la rouverte de la trefue, le trouble & le travail qu'on craint en la Chrestienté.

V E N A N T au premier article l'aouë & croy certainement, & en fait soy l'experience, que l'Empereur ne desire rien plus que le ravallement, non seulement du Turc, mais aussi de tous les Princes & Potentats de quelque tiltre ou loy qu'ils soyent, moyennât que sa grandeur seulement en resulte. Au second point, ie dy, que veritablement à luy appartient de souhaiter que la Germanie demeure sauue & entiere, mais comme il en œuvre vous le pouvez cognoistre par les effects, quand par son immoderee ambition & cupidité, refusant l'honneste moyen que ceux qu'il accuse luy bailloyent, de vous faire iouyr paisiblement, & en repos de voz honneurs : Il vous a volontiers attiré sur les bras vn tel ennemy, que pour sa temerité les Chrestiens ont perdu de son regne, autant où peu moins de pays qu'il leur en demeure & reste.

S V R le troisieme, quatrieme, & cinquieme articles, ie confesse que le moyen d'entretenir la Germanie sauue & entiere, est de gaillardement resister à ses ennemis. Ie confesse que le moyen de gaillardement y resister, est de la tenir vnie, & ie confesse qu'il ne voudroit point en la desunissant par autre guerre separer & amoindrir ses forces : mais pourquoy dōcques sçachant cela ne s'est-il gardé de bailler au Roy ceste inevitable occasion de rentrer en guerre? Veult-il par ceste friuole argumētation de ce que vray-semblablement il a deu faire, vous faire croire le contraire de ce que la veuë decouvre ce qu'il a fait?

S V R le sixieme point, ie dy, qu'à mon aduis, & de tout homme de sain iugement, celuy ne cherche de tenir voz forces separees, qui toutesfois qu'il a sceu quelque scintille de diuision entre vous, s'est efforcé d'y remedier, ainsi que tousiours a fait le Roy mon maistre, comme plusieurs de vous estes tesmoins, & de  
quants

quants voyages par son commandement l'ay faits vers vous, pour vous exposer & declarer les moyens qu'il a estimez raisonnables pour vous reduire (quād entre aucuns y a eu different) en mutuelle reconciliation & amitié. Au septieme article, ie dy, que ceux qui ont voulu demembrer les fiefs mouuans de l'Empire pour iceux eriger en particulieres seigneuries, non recognoissantes ledit saint Empire en souveraineté, sont ceux qui en la iournee d'Ausbourg refuserent de consentir, que ce qui sans aucun leur coust ou danger seroit par l'Empire conquis ou recouuré contre le Turc fust acquis en la table dudit Empire, ains ont particulièrement contendu qu'il fust acquis & appliqué à leur particuliere maison : ceux-là sont ceux, qui non seulement ne voudroyent que les forces de l'Empire s'augmentassent, mais qui pourchassent à les affoiblir & diminuer. Au dernier article, que ceux-la mesmes sont ceux qui se veulent impatronir des choses audit Empire appartenans, & non ceux qui iustement demandent à estre redintegrez à leurs anciens patrimoines, mouuans & tenus en fief dudit Saint Empire, offrans d'en faire & vser ainsi qu'à bons & fidelles vassaux appartient.

IE vous ay (Messeigneurs) esbauché la matiere, à laquelle ne restera (si par cy apres en estoit besoin) sinon luy bailler les traicts, & le polissouer, pour plus clairement vous représenter les choses, & plus diligemment les deduire, en confutant distinctement les argumentations dudit sieur Marquis. Ce que ie ne pense deuoir aduenir, si bien ie cognoy voz prudences & sincerés iugemens à discerner la verité de la mensonge, & pource me semble que sans plus longue argumentation, ie vous puis bien conclusiuelement dire, Qui est celuy qui trouble la paix & vnion des Chrestiens? Qui red difficile l'entreprise. cōtre les infidelles? Qui contre Iesus Christ mesmes prend les armes?

si comme conclut le Marquis, celuy les y prend, qui entretient la guerre contre les Chrestiens.

V o v s m'aduouerez (Tref-reuerens & tref-illustres Princes) si celuy qui renouuelle la cause de la guerre, la suscite, si celuy qui la suscite, empesche, & rend difficile l'execution de la guerre contre les infidelles, que celuy doncques empesche & rend ceste executiō difficile, qui a renouuellé cause de guerre entre les Chrestiens. Aussi m'aduouerez-vous, si la cause de ce renouuellemēt procede (ce qu'elle fait) de l'outrage fait au Roy, en la personne de ses ambassadeurs, inhumainement & contre le deuoir des gens, assassinez & meurdrez: si ceux qui les ont assassinez & meurdrez sont gés de l'Empereur, que ceux doncques sont à l'Empereur qui ont donné cause & commencemēt de renouuellement de guerre. Encores m'aduouerez-vous que celuy aduouē l'outrage qui peult & ne chastie les gens quād ils ont fait, que qui aduouē l'outrage, fait l'outrage, & que celuy doncques a fait l'outrage, qui quand par ses gens a esté fait, l'a peu & ne la chastié. Tant y a que l'Empereur a peu & n'a chastié l'outrage fait au Roy en l'assassinement desdits ambassadeurs: l'Empereur doncques aduouē cest outrage, l'Empereur doncques a fait l'outrage, l'Empereur dōcques en faisant cest outrage est cause de renouuellet la guerre, l'Empereur doncques trouble la paix & vnion des Chrestiens, l'Empereur dōcques empesche & rend difficile ceste entreprise contre les infidelles, & pour conclure l'Empereur au dire & induction du Marquis, prend les armes contre Iesus Christ mesmes entretenant la guerre contre les Chrestiens.

V o v s voyez (Messeigneurs) comme ces fillogismes & enthymemes procedent aupres des autres rondemēt, selō la vraye raison dialectique: voyez cōme ils subsistent & sont fermes & inuincibles, parce qu'ils sont fondez sur verité: quelle chose doncques  
repli-

repliquera le Marquis en cest endroit? S'il ne veut q̃ quād le Roy aura receu de l'Empereur vn aussi grand outrage qu'onques en fut fait à Prince de sa qualité, il doit toutesfois endurer & supporter patiemment si l'Empereur apres se vante de vouloir faire entre-prise cōtre les infidelles: mais qui est (Messeigneurs) plus infidelle que celuy qui n'a ne foy, ne loy? à qui n'est riens sacrosainct, respect, moyennant qu'il luy en vienne quelque profit, qui tient loisible tout ce qu'il luy plaist, qui ose tout ce qu'il estime loisible, & qui en tout ce qu'il ose, se targue toutesfois contre la reu-uenche, pour s'escrier à tout le monde qu'on le veut troubler & empescher és saintes entreprises qu'il ambrasse pour la foy? Mais ne sauons-nous pas bien (Messeigneurs) que toutes ses belles entreprises dont il s'est couuert & couure, ne furent oncques, ny ne sont pour le differend de la religion, mais pour sa pure & particuliere ambition & pour accroistre sa propre domination & tyrannie?

L v y suffit-il pas, que pour ne destourner son entre-prise de Tunis, le Roy tres-chrestien posa les armes qu'il auoit prestes & en main, pour venger l'ou- trage à luy fait en la mort de Merueilles son ambaf- sadeur? Quel fruit toutesfois en paruint iamais à la Chrestienté? Quelle augmētation à nostre foy? Le n'y en voy certainement point, s'il n'appelle augmenta- tion de nostre foy, d'auoir osté ce Royaume-là des mains d'un Machometan, pour le bailler à vn autre Machometan, & qu'en nostre religion soit auantagé qu'à Tunis il y ait plustost vn Roy More qu'un Turc, si ceste patiēte du Roy n'a séblé à l'Empereur luy deu-oir suffire, au moins luy a deu suffire, q̃ ledit seigneur a éduré ce secōd outrage ainfi fait à ses ambassadeurs, & plusieurs autres q̃ ie reserue à dire si on me con- traint de passer outre, & en a retardé la vëgeance ius- ques apres le retour du voyage d'Alger. Ores qu'il ait



eu pendant ledit voyage , pour cause de l'absence , & depuis à cause de la defaite de l'armee de l'Empereur, vne si belle commodité, tant de venger sans grande resistance ledit outrage, comme de recouurer l'ancien patrimoine de messeigneurs ses enfans si longuement & iniustement detenu & occupé.

Et iusques à quand (Messeigneurs) iusques à quād veult l'Empereur abuser de ceste patience & longanimité du Roy? Veult-il que ledit seigneur attende à se ressentir de rât d'outrages, & à recouurer ce qui est sien, iusques à ce qu'il l'ait spolié Prouince à Prouince de tout son Royaume & patrimoine, continuant cependant à mesure qu'il aura desrobé quelque chose, à faire pour empescher la reuence, semer & courir le bruit, qu'il veult faire vn voyage & entreprise contre le Turc? Je dy (Messeigneurs) qu'il ne le doit faire, & qu'il doit non seulement resister à ceux qui veulent occuper les finages du peuple qui luy est commis de Dieu, ains doit prendre les armes contr'eux au plustost, & au plus grand auantage que possible luy sera, lequel auantage luy resultant si grand que plus ne pouuoit de l'occupation & distraction des forces de l'Empereur en diuers lieux. Vous pouuez (Messeigneurs) clairement & euidemment cognoistre cōbiē sincerement il vous a par ses ambassadeurs aduertie & conseillé, comme celuy qui à ses particulieres affections a tousiours preposé le bien vniuersel de la Chrestienté, qu'entreprenans ceste guerre contre le Turc, vous eussiez à bien poiser & considerer auant la main, si vous auiez tout ce qui est requis & necessaire à commencer & soustenir vne telle guerre, laquelle pour vne seule bataille ou rencontre ne peut estre finie.

A v s s i pouuez-vous cognoistre combien malignement le calomniateur de ce conseil, qui s'est imposé le nom de Philaethee, vous a voulu desguiser la  
bonne

bonne intention, & le prudent & saint conseil dudit seigneur Roy, du quel vous pouuez bien estimer, que s'il eust preferé l'occasion & facilité de sa victoire particuliere au bien de voz communs affaires (qui est en effect le fondement & soustien de l'Empire, & la plus grande partie de Chrestienté, comme ledit Marquis autans veritablement que sans propos exclame par sa lettre, ainsi que si luy seul l'auroit trouué, comme les enfans la febue au gasteau) s'il n'eust, dy-ie, preferé le commun bien à son particulier, que plustost il vous eust conseillé d'entrer à l'estourdy en ceste entreprise, de laquelle particulièrement à luy resulloit l'occasion & facilité d'executer la sienne. Mais il a (Messeigneurs) dès le commencement de son aage institué sa maison de viure en estat Chrestien & irreprehensible, auquel iusques au bout il veult perseverer. Et si celuy veult comparoistre qui fait telles oraisons imprimer & publier, & veult maintenir (ainsi que le Marquis par la conclusion & epilogue de sa lettre entend à vous persuader) que le Roy vous desconseille ceste entreprise, de peur qu'avec augmentation de vostre Empire l'ennemy de nostre foy soit abaissé, pour laquelle foy desire ledit Marquis espandre son sang, & rendre l'ame, ie vous assure (Messeigneurs) & que ledit orateur, & que ce glorieux nouveau martyr, trouueront prou de seruiteurs & subiets dudit seigneur Roy, qui avec les armes leur soustiendront qu'ils en ont faussement & meschamment menty, & autant de fois en auront menty, comme de fois ils l'auront dit, & le diront.

Il me deplait (Tres-reuerens & tres-illustres Seigneurs) & vous supplie me vouloir excuser de ce que les trop excessiues & outrageuses parolles proferees contre le Roy mon maistre, m'ont forcé de venir iusques à ce poinct, auquel ie mettroys fin à ma lettre ne fust que par le precedent discours vous auez assez

peu cognoistre que ladite lettre du Marquis me touche, d'autant que la plainte qui a esté contre luy faite ne peut estre fondée, que sur l'aduis q' i'ay donné audit seigneur Roy, du progrès & façon de cest affinement : & qu'affirmant ledit Marquis qu'outre ce qu'il en a dit, il offre de nouveau à se iustifier, ou par la voye ciuile, ou par la cheualeresse. Je feroiy tort à mon honneur, si sur cest article ne respondois. Doncques pour respondre, ie dy, sous le bon plaisir du Roy mon maistre, duquel i'espere qu'il me fera ceste grace, que ie suis trescontent & accepte pour donner plus grâde lumiere à la verité, d'estre le cheualier qu'il appelle à voir sa iustification par l'une ou par l'autre voye, & me trouuera prest à chacune sa requeste & sommation, afin qu'estant par moy defendu le contraire de ce qu'il en a dit, vous Messieurs, & tous autres cognoissiez combien il s'est en son dire esloigné de la verité. Et à tant ie prieray Dieu (Tres-reuerens & Tres-illustres Princes) vous dōner en parfaite santé tresslōgue & tresheureuse vie : & à la Chrestienté tel repos & consolation qu'il fait le bien des affaires d'icelle le requerir.

Le Roy se voyāt hors d'esperance d'estre satisfait de ces iniures par autre voye que par celle qui à tout homme ne cognoissant superieur est permise par le droit des gens : & ne trouuant conseil domestique ny estranger, qui non seulement confortast son opinion, mais conseillast qu'il estoit de viuemēt s'en ressentir, à ce qu'il ne luy fust par cy apres imputé à faute ou de prudence, ou de cœur, là où il en auroit fait autrement : & que l'ombre d'une paix palliee par son couuert ennemy l'auroit empesché de prendre les armes iugees necessaires par tous ses amis : à la fin se resolut d'y entrer, estimāt q' quelque issue qu'il pleust à Dieu enuoyer (au saint vouloir duquel il s'e remettoit & en luy mettoit son bō droit & espoir de sa cause)

si ne

si ne pourroit l'êtreprise n'estre aussi louable, q la patrièce vituperable & hôteuse. Car durât vn faict si detestable impuny, q est celuy (disoit-il) q ne m'estimerait indigne de tenir le lieu, qu'avec si grande dignité mes predecesseurs ont acqs, gardé & maintenu? Qui est celuy q desormais autât renômé port de ceste courône voudra chercher refuge cōtre les griefues tēpestes & oppressiōs des tyrās, comme tousiours il a esté par plusieurs Roys & Potentats aussi necessairement cherché qu'heureusemēt recōtré? Ou finalement, q est celuy q plus osera mettre l'esperoir de son salut en la iustice des Roys de Frâce, si eux mesmes en leur'propre fait se laissēt opprimer par iniustice? Mais pourquoy voy-ie cherchant exemple des choses exterieures & friuoles sur l'opinion d'estrāgers? puis que de raisons domestiques & familiares ie puis prendre le reglemēt de mô faict, laissant à part les inconueniēs de dehors, comme ayans leur puiot seulemēt assis sur honneur: & à l'imitation d'un bon pere de famille, & sage administrateur, attachons-nous à ce qui à honneur & vtilité ensemble touche. Si aujourdhuy ie souffre que sans raison n'occasion, par l'autorité de celuy de qui moins ie deuoy' attendre d'offenes, m'ayent esté tuez & meurdriés si honteusement & si audacieusemēt, cōtre tout droit diuin, naturel, & humain, mes seruiteurs: mais (ô Dieu!) quels seruiteurs? gens d'estat, de reputation, & de maison, ayans par leurs merites acquis l'un, degré honneste entre les plus apparens gentilshommes: l'autre, lieu eminent entre les grāds seigneurs, & estans receuz en fraternité des Princes, sans que de leur mort ie face demonstratiō. Si ie laisse au tēps seul & à l'oubliāce des choses passées à faire l'effacement de leur sang, si cuidant enseuelir leur infortune, ie la ressuscite, si l'augmente leur calamité par ma honte, qui sera d'icy en auant celuy qui pour donner vie à ceste Monarchie, mettra la sienne en



danger? Certes il n'y aura nul qui nō seulement pour elle ne refuse à s'y presenter, mais qui ne la iuge ou indigne qu'on la serue, ou moy q̄ ie la gouuerne: dōt en brieſ à la Republicque infidiee d'ennemis, deſgarnie d'amis, priuee de bonnes & deuotieuſes volōtez, ne pourroyēt n'aduenir les inconueniens q̄ tousiours ſont aduenus à eſtats ou regis par mauuais adminiſtrateurs, ou depourueuz de feal & amiable conſeil.

LES Princes ont accouſtumé d'eſtre blaſmez, quād ils n'ont vengé la mort de ceux qu'alliance auoit mis en leur ſocieté: combien plus ceux que nature auoit mis en leur ſeureté? Peu d'honneur ont acquis ceux qui ont ſans reſiſtēce laiſſé demembrer vne partie de l'eſtat, qui par leurs anceſtres leur a eſté laiſſé, encorcs moins ceux qui ſans en faire demonſtration ont laiſſé opprimer celuy, ou qui par nature comme ſubieſt, ou par election comme ſeruiteur, eſt entré en leur ſauuegarde. Car qui laiſſe occuper partie de ſa prouince par autruy, quelquefois la laiſſe occuper à auſſi bon ou meilleur que ſoy, dont aduient qu'aucun fois la mutation du ſeigneur eſt aux ſubiets non ſeulement tolerable, mais profitable, car l'oppreſſion ne leur peut iamais eſtre q̄ mauuiſe: parquoy ne ſe peut nier plus n'eſtre à blaſmer celuy qui ſoubs ſon nom laiſſe outrager les ſiēs, que qui les ſouffre arracher de ſa main, & violement vſurper par autruy. Eſtans doncques ces raiſons ſi veritables, quelle vituperation auray-ie, ou pour mieux dire, quelle n'auray-ie point, ſi ie me rends pareſſeux à maintenir les miens en ſeureté, qui tousiours ay eſté ſi promptement à la tuiſion des autres? ou quelle honte me ſera-ce de n'oſer à ce coup expoſer mes forces pour garder le repos de mes hommes, ſi tant de fois i'ay oſé expoſer ma vie pour maintenir mes Prouinces? Autrefois ie n'ay ſaint (eſtant perſonne priuee) à couurir de ce corps la ſuitte d'un peuple battu, chaſſé, & eſpouuenté, n'oſant leuer les yeux

yeux contre deux Princes, dont l'un estoit victorieux & puissant Roy, l'autre assez belliqueux, combien que peu heureux Empereur. Estant auourd'huy chef & Roy de ce mesme peuple faindray-ie à le courir de mes forces, mesmement contre les iniures d'un seul, qui iamais n'a iceluy peuple endommagé & moins estonné, souuent l'a essayé, iamais entamé, trauaillé par cautelles, mais non par conquestes? Doy-ie craindre à le garentir encores ce coup de l'oppression de celuy que pieça ie luy auois peu liurer entre les mains, si de tant de fois qu'il m'a si brauement prouqué il m'en eust attendu vne seule: Rome, Allemagne, Espagne en ont ouy ses braueries, Valentiennes & Prouence ont veu & peu tesmoigner des ses fuites?

VOILA (disoit le Roy) la resolution après toutes disputes, laquelle embrasser vtilité nous admoneste, honneur nous incite, nécessité nous contrainct, car quât à l'infraction dont noz ennemis nous pourroyent calomnier suyuant leur inueterée coustume, ie trouue que c'est chose à quoy l'ay suffisamment (si dire se peut) satisfait enuers Dieu, & puis dire suffisamment enuers le monde, ainsi qu'il sera tousiours cogneu par bons iugemens, & aduoué par bonnes & saintes consciences: peu me doit-il chaloir que les autres en veulent dire ou penser.

A ces raisons s'estoyent facilement accordez tous ceux avec lesquels, on pour fiance de leur loyauté, ou par cognoissance de leurs esprits il auoit pleu au Roy s'en resouldre: car combien que les raisons contraires & tendantes à dissuasion, eussent bien quelque apparence beauté, pour estre garnies, quant à l'vniuersel, de ceste commune patience de paix, de repos, d'abondance de biens, d'entre-cours de marchandise. Quant au particulier mesmes en ce qui touchoit les Princes, & plus eminens qui fussent en la compagnie, de plaisirs, d'honneurs, de delices, & triomphes, singuliere-

Raisōs pour  
demouuoir  
le Roy de fai  
re guerre.

ment en ce qui regardoit le chef pour estre homme, à vray dire, qui ne les dedaignoit en leur saison, & qui demeurant en paix, comme lors il estoit, les pouuoit iouyr & auoir en plus grande abondance que nul autre: venant à la guerre en estoit en la plus part priué, & les luy conuenoit sequestrer pour quelque temps & parauanture pour toute sa vie. Neantmoins ayâs icelles raisons esté du commencement proposees, & apres mises en parangon des autres, soudainement perdirêt leur fuëille & couleur, si comme pour effacer pierres fausses on eust mis en ieu de fines & orientales. Par ainsi estoit demeuree la chose sans dispute au iugemēt & approbation de chacun: mais bien eussent voulu aucuns, pour estre l'entreprise de tel poix, y mettre vn peu de delay, & mieux se fortifier, tant d'argent que d'amis, mesmes estant le Roy recherché d'aucuns Princes & Potentats, qui eussent acheter de leur sang vn commencement de guerre entre ces deux grands Monarques, pour estre par le moyen & protection de l'vn mis en seureté, & hors du danger de l'autre, qu'ils scauoyent auoir de long temps, par espoir, comme englouty & deuoré tout le monde, en consideration de quoy ils n'eussent au Roy, duquel la foy estoit assez cogneüe, refusé chose qui raisonnablement il leur eust iceu demander, pour luy faire prendre les armes cōtre l'ennemy de la commune liberté.

A v s s i au cōtraire estoit vray-semblable, veu les experiences du passé, que là où desia de foy mesmes il les auroit prises, & que la guerre se verroit ouuerte entre ces deux grands, & les cartes entre eux bien meslees, chacū des autres leur laisseroit iouër leur ieu, & de là en auant ils fauoriseroyent plus le Roy de souhaits que de faits, plus de desir & affection que de forces, ne d'argent que de traitez & alliances. Entre autres estoit bien à presumer, & le tenoit le Roy pour certain, que si à la derniere guerre le Roy d'Angle-  
terre

terre obligé à sa defension, tant par traittez que par infinies promesses, l'auoit planté & laissé porter seul tout le frais d'icelle guerre, il seroit à ceste-cy pour faire le semblable, voire parauâtüre pis. Et ce qui luy faisoit presumer, c'estoit qu'il n'estoit pas bien content (ce monstroït-il) que ledit sieur eust donné si honorable passage à l'Empereur, & qu'en iceluy il luy eust vsé de tât de courtoisie: mais à la verité plus estoit il vlcéré, que ledit sieur eust fauorisé le Roy d'Escoffe de deux mariages, l'un apres l'autre, l'un de Madame Magdaleine sa fille, l'autre de la fille du Duc de Guise, vefue du feu Duc de Longueuille, & qu'il eust fortifié Ardres, qui est vne bride à Calais: & qui plus encores luy pesoit, combien qu'il n'en monstrast le semblant, qu'il n'eust sceu attirer ledit seigneur par offres ny alliances pour auantageuses qu'elles fussent, comme il disoit, mais à la verité non receuables, à muer en son Royaume le faict & estat de la Religion. Toutesfois encores n'estoyent les choses tant reculees de moyen, qu'il n'y eust bien quelque apparence de l'attirer à societé de guerre, veu d'une part l'estime qu'il auoit de la personne du Roy, & le grand honneur que de tout temps il luy portoit, & de l'autre le peu de contentement qu'il auoit de l'Empereur, se resentant cōtinuellement en son cœur, que souuent il luy auoit failly de foy, & aussi blasmant couuertement son ambition.

M A I S bien quand l'on eust pensé de l'attirer à ladite societé, par conditions raisonnables, si eust-il fallu du temps pour trouuer resolution en son esprit assez irresolu de foy-mesmes. Le semblable eust-on peu esperer d'une partie de la Germanie, & mesmes entre les estats Protestans: car s'estans trouuez par cy deuât, comme refusez de l'alliance par bonne partie d'eux proposée, & estant ledit refus procedé de l'exemple ou opinion que le Roy auoit craint d'en donner au



peuple pour la diuerſité des ſectes. Auffi pour ne mōſtrer à l'Empereur (auquel il ne vouloit laiffer aucune occaſion de ſe plaindre) qu'il ſe fortifiast de ſes couuers ennemis, les propos d'icelle alliance d'avec leſdits proteſtans eſtoyēt demeurez interrōpus. Neantmoins y en auoit aucuns d'eux qui ſecrettement cherchoyent de les renouer, & plus y en auoit d'apparence qu'au paſſé, que la choſe ſe peult bien conduire: car quant au reſpect que le Roy auoit eu à l'Empereur, il le pouuoit maintenant apres ſi grieues iniures raiſonnablement ceſſer. Quant à l'exemple deſſuſdict, la choſe auoit bien receu plus grande moderation, car à preſent il eſtoit propoſé au Roy, par la confederation qu'il feroit avecques eux, vn grand & quaſi indubitable eſpoir de reduire la Germanie à vnion & concord, tant de la foy, que des principaux differens regnās en icelle, dōt trop plus y auoit en l'alliance qui ſe fuſt faite avecques eux, de bon exemple que de mauuais, & fuſt-ce enuers les plus deprauetz iugemens du monde. Et avecques ce eſtoit beaucoup diminué du danger où les autres fois on auoit eſté, que l'Empereur empelchast ceſte praticanque, comme il auoit les precedentes. Car eſtāt ſon ambition mieux par leſdits Proteſtans deſcouuerte, que lors elle n'auoit eſté, & le maſque de ſon hypocrifie plus oſté, il luy eſtoit plus facile d'y pourueoir, & de plus ſecrettement ſe fortifier contre elle.

TELE donc eſtoit la raiſon qui mouuoit aucuns à vouloir differer la guerre, pour y attirer les deſſuſdits, auffi l'opinion qu'ils auoyent de faire plus grande prouiſion de deniers: car à la verité depuis la derniere guerre le Roy auoit plus aduiſé de ſoulager ſon peuple par diminution de tailles & impoſts, à enrichir ſa nobleſſe par dons & grandes penſions, à retirer ſon domaine aliené par les Roys ſes predeceſſeurs, & en partie par luy-meſme, & à rembourſer  
l'argent

l'argēt çà & là emprunté, qu'à en amasser de nouveau: faisant son compte que l'Empereur ( qui seul le pouuoit mettre en despenſe, au meū de la religion de tant & si ſolennels ſacremens que ceux qu'il auoit ſaits, ou de ceux de ſi grans & frequētement receuz benefices, ou aucunement touché, ſinon du bien & repos de la Chreſtienté, à tout le moins du ſien particulier) ne recommenceroit la guerre, ny le mettroit en neceſſité de la recommencer. Et à vray dire les affaires du Roy euſſent bien requis d'encores temporifer, tant pour les raiſons ſuſdites, que pour auoir temps d'acheuer la fortification d'aucunes places, ou nouuellement commencees, ou que tant delà les monts, que decà, on commençoit à mettre en deſenſe, & qui n'y eſtoient encores. Mais au contraire trois choſes luy venoyent au deuant des yeux: la premiere que ceſte vmbre de paix donnoit grande couuerture aux entrepriſes que faiſoit l'Empereur, pour luy ſurprendre ſes places de frontiere, & venoit iournallement en lumiere, que pour vne entrepriſe decouuerte & rompue, ſoudain comme d'une Hydre, en ſortoit vne autre: & à ce eſtoit au Roy malaiſé de remedier, pour ne luy eſtre permis par les voyes de la trefue d'empeschier les cōmerces & communications des ſubiets de l'un à l'autre, de laquelle communication procedoyent les menées & trahiſons.

Trois principales cauſes de la reſolution du Roy pour faire la guerre.

LA ſecōde raiſon & plus forte eſtoit, qu'il ne voyoit que ſans deſenſes expreſſes, & ainſi qu'ainſi declaratiues d'hoſtilité, il peult retirer ſes ſubiets de la frequentation des pays de l'Empereur, par laquelle les pources gens penſans eſtre en ſeureté, ſe trouuoient ſurpris, & inhumainement occis, ſans qu'on peult en auoir raiſon: & ainſi qu'il s'eſtoit fraiſchement (comme dit eſt cy deſſus) veu ſur le Pau, & en pluſieurs autres endroits, & en la mort d'iceux, le Roy naturel tuteur de leurs vies, ſe ſentoit (comme il de-

uoit) merueilleusement blessé, se iugeant (là où il n'y pouruoyroit) coupable de leur infortune. La troisieme vrgente, & qui se pouuoit dire insoluble raison, estoit qu'il faisoit bien à presumer ( & oultre la presumption, bons aduis & seurs en estoient venus ) que voyant l'Empereur la guerre luy auoir esté expressement denoncee, en cas qu'il ne faussist dedans certain temps, des meurdres cy dessus mentionnez , pour obuier à ce danger, & afin de gagner temps , attendant que toutes ses machinations eussent sorty effect , il faisoit son compte de proposer de nouveau quelque spectacle de zele enuers la Republique Chrestienne, telle ou semblable qu'auoyent esté ceux de Tunis & d'Alger, disant, l'ampliray les aureilles du monde d'une belle & grosse entreprise contre les ennemis de la foy , & feray vne representation de si gros appareil, aux despens de mes subiets les plus exposez au danger de mes voisins, les plus faciles à abuser, sans ce que de ma part i'y face gueres de mises , que j'auray occasion (faisant magnifiquement sonner ladite entreprise) de requerir le Roy Tres-chrestien, & le coniuurer, tant au nom de son tiltre , que de nostre mutuelle amitié, de m'y assister ou de forces, ou d'argent. Et cōbien que ie ne l'estime si aisé à tromper en chose si euidente, mesmement estāt desia batu du filé, si obtiendray-ie à l'exemple de ceux qui demandent le plus pour auoir le moins, que durant ce temps de ma telle quelle expedition , ou du nom de l'appareil d'icelle, il seruira tant à sa reputation & à l'opinion commune: & estant si ialoux de son honneur qu'il est, aura si grād respect aux paroles qu'on pourroit semer à l'encontre de luy, que craignant qu'on imputast à son emotion de guerre , le retardement du bien public , indubitablement il se contiendra.

TE L estoit le desseing de l'Empereur veritablement bien & malicieusement fondé, s'il eust eu affaire à  
homme

homme mal-prenant, & qui desia n'eust entendu ses  
ruses : car il est certain que si par le monde eussent esté  
respâdues les fumées d'une expedition Aphricaine ou  
Turquesque auant que la guerre fust ouuerte entre  
ces deux Princes, tous ceux à qui les arts de l'un n'es-  
toient encores bien cogneus, eussent imputé le re-  
tardement de la sainte expedition à l'autre. Pour à  
quoy obuier, & aussi voyant le Roy qu'en vne façon  
ou autre, tousiours estoit-il en vne grosse & conti-  
nuelle despenſe, & qu'il luy falloit tenir autant de  
gens à sa souldie, tant en Italie, qu'au long de la mer de  
Languedoc & Prouence, pour remedier aux surprises  
machinees par l'Empereur, que s'il eust esté en guerre  
declaree & ouuerte, il iugea avec les autres raisons  
cy dessus alleguees, qu'il ne luy fust loisible de plus  
longuemēt attendre pour executer ceste volōté. Deux  
voyes se presentoyent, dont l'une (qui estoit couuer-  
te) plus se monstroit accompagnée d'utilité : la secon-  
de (qui estoit la descouuerte & artificielle) n'en pro-  
mettoit pas tant : car quant à la premiere par gens  
meus qui de mal contentement, qui de vindicte, qui  
de partialité, qui d'auarice, ou autre passion des autres  
incitez de zele qu'ils auoyent au bien de leur patrie  
iournellement oppresse, estoient au Roy presentez  
partis, de secrettement & à l'improuist se saisir de plu-  
sieurs places estans ou sous la domination del'Empe-  
reur, ou sous sa protection, voire telles & de si grande  
consequence, que leur seule cōqueste se pouuoit bien  
compter pour grand loyer d'une longue & perilleu-  
se guerre.

Discours sur  
les voyes q̃  
deuoit suy-  
ure le Roy  
pour dōner  
commence-  
ment à la  
guerre.

P O V V A N T dōcques le Roy par l'aquisition d'i-  
celles, qui estoit le vray fruit de la guerre, & la fin  
qu'un conuoiteux aggresseur en eust peu demander,  
se venger, il n'y auoit grande apparēce qu'il deust re-  
fuser ces partis, attendu qu'ils se pouuoient executer  
sans bruit, sans peril, sans perte, sans mettre la main



à l'espee, & à la bourse que bien peu, eu esgard à la marchandise. En l'autre voye qui estoit de rouverte & d'ouuerte declaration, moins se trouuoit d'utilité, mais selon le commun iugement des hommes plus d'honnesteté: car veritablement la guerre prenant son commencement par surprises & emblees de places, eust aucunement peu ouurir la porte de calomnie à ceux qui eussent voulu imputer audit seigneur, que conuoitise l'eust plus incité à ce faire que la iustice, qu'en cest endroict nous appellons vengeance. Quoy considerant & voulant seruir à l'honneur plus qu'au profit, laissa le chemin auquel il estoit inuité par plusieurs, & qui à grād regret le luy voyoyēt laisser, & se delibera d'ouurir la guerre en diuers endroicts, mais principalement en deux: l'un du costé des Espagnes par la Comté de Roussillon, l'autre par le pays de Luxembourg. Et l'election de ces deux endroicts fit il pour iustifier son agression, non seulement par la raison qu'il auoit en general d'affaillir son ennemy, mais en particulier de l'affaillir es lieux qui de droict luy appartenoyent, & luy estoient vsurpez sans legitime tiltre: car quant à Luxembourg, outre les autres droicts & actions que de tout temps les Roys ses predecesseurs y pretendoyēt, mesme par l'acquest qui en auoit esté fait par le Duc Louis d'Orleans frere du Roy Charles sixieme du nom, qu'autres, il en auoit vne nouuelle par la cession, tant des chefs & vrayes seigneurs titulaires de la maison dudit Luxembourg, qui iniustement & par seule force en auoyent par le Duc Philippe de Bourgongne & Charles son fils, esté spoliez, que aussi par le transport que luy en auoyent fait ceux de la maison de la Marche, qui y pretendoyent grand droict.

Q V A N T au Comté de Roussillon, encores sont viuans ceux qui la virent laisser à Ferdinād Roy d'Ar ragon alors regnant, par le Roy Charles huitieme, seduit

seduit, & trompé par vn cordelier, nommé frere Oliuier Maillard directeur de sa conscience, homme appariant, de grande sanctimonie, mais (cōme il aduient où hypocrisie a lieu) auoit esté corrompu à force d'argent, par ce Roy d'Arragon, pour vendre & deceuoir son maistre. Or n'auoit peu le Roy Charles faire ceste alienation au preiudice de la couronne, & quand il l'auroit peu faire, si n'auoit le Roy d'Arragon, & moins ses heritiers, accompli les conditiōs reciproques, mises, & apposees au contract, par ainsi l'Empereur qui n'auoit droit que de luy, ne s'en pouuoit dire autre qu'vsurpateur, & violent possesseur. Vray est que voulant le Roy commencer la guerre, l'eust peu à aussi bon droit commencer ailleurs, fust de là les monts, ou deçà, car assez d'autres lieux y auoit qu'il pouuoit & plus facilement entamer, & aussi iniustement repeter: mais biē voulut pour son inuasiō choisir ces deux sur tous autres. Rousillon, afin d'attirer son ennemy au combat, car estant si prochain en ses pays, en sa maison avec ses forces, parmy ceux où le plus magnifiquement il auoit accoustumé d'extoller la gloire de son nom, il n'estoit croyable qu'il fust pour y fuir la lisse.

L'ENDROIT de Luxembourg choisit-il pour auoir plus aisé moyen de recueillir, & à moins de danger des personnes les Allemans venans à sa soulede, mais plus encores fut-il meū de ce faire, pour favoriser par la proximité des lieux, le Duc de Cleues, que l'Empereur à toute heure se vantoit de ruiner, & rendre le plus pauvre homme de la Chrestienté, disant hault & clair, qu'il quitteroit plustost sa couronne, que de luy laisser vn poulce de terre: & de fait, auoit de longue main commencé en ses pays bas à luy dresser secrettement l'appareil d'une grosse tempeste: ce que sachant le Roy luy vouloit bien dōner à cognoistre q̃ d'une part au lieu où estoit sa personne, de l'au-

Depeſche de  
M<sup>o</sup>ſeigneur  
d'Orleans à  
Luxembourg.

tre en celuy où plus il s'eſtoit préparé en ces deux  
endroits chercheroit de l'afſaillir. Doncques de pre-  
mier fault il enuoye vn chef de ceſte entrepriſe ſon  
fils puisné Charles Duc d'Orleans accompagné de  
cinq ou ſix cens hommes d'armes, & huit mille Lan-  
quenets, & ſix mille ſoldats de pied François, ayant  
auec luy Monſeigneur Claude Duc de Guiſe pour ſa  
conduite, & commander à l'armée ſous luy, à cauſe  
de ſa ieuneſſe, & le ſeigneur de Iamets, le ſeigneur de  
Sedan, le Comte d'Aumalle, fils ainſné dudit Duc de  
Guiſe, François de Bourbon, ſieur d'Anguien, frere  
de Monſeigneur de Vendosme, le ſieur de la Roche  
du Maine, la compagnie de Monſeigneur le Con-  
neſtable, conduite par le ſieur de la Guiche, & plu-  
ſieurs autres capitaines & cheualiers garnis de ſauoir  
de proüeſſe, & d'experience.

Depeſche de  
M<sup>o</sup>ſeigneur  
le Dauphin  
à Perpignan.

A Rouſſillon enuoya M<sup>o</sup>ſeigneur le Dauphin, luy  
voulant comme à ſucceſſeur de ſon nom, par l'aguil-  
lon d'honneur, & ſemences de haultes entrepriſes, de  
plus en plus inciter les eſprits à embraffer la ſplen-  
deur & imitation de ſes anceſtres, & au Mareſchal  
d'Annebault que pour vertu il auoit eleué, & auquel  
auoit aſſez grande fiance, ordonna d'eſtre aupres du-  
dit ſeigneur pour la principale conduite de la guerre,  
luy aſſiſtant pour partie des labeurs & charges le ſei-  
gneur de Montpeſat, pour lors lieutenant du Roy au  
pays de Languedoc, auec grand nombre de Princes,  
ſeigneurs, capitaines, & autres gens d'honneur, de ſa-  
uoir & conduite. Et ce que plus il commanda audit  
Dauphin, ce fut de ietter partie de ſes forces incont-  
inant & en toute extreme diligence au deuant de la vil-  
le de Perpignan, attendant le reſte de ſon armée, qui  
s'y viédroit ioindre, & que luy qui le vouloit ſuyure  
de pres ſe preſenteroit ſur les lieux : à quoy faire e-  
ſtoit conduit par pluſieurs raiſons, dont celle qui  
plus dominoit en ſon eſprit, & à laquelle grande par-  
tie

tie des autres se raportoit, estoit celle desia touchée du combat. Car il iugeoit que là où soudainement il auroit fait (comme il estoit faisable) enuoloper Perpignan ville capitale de Roussillon, & la principale, ou pour mieux dire la seule barriere & bouleuert des Espagnes, quât au costé de midy, & qu'il l'auroit forclose de plusieurs choses qu'il sauoit lors luy defaillir pour l'attente d'un grand siege, l'Empereur seroit contraint ou par le respect d'honneur, ou à tout le moins par celuy de necessité de se venir combattre : sinon qu'à sa barbe il aimast mieux se voir spolier d'une Prouince nourrice des Prouinces voisines, du meilleur & plus necessaire port qu'il eust és mers de delà. De la ville donc la perte luy apportoit perte, non seulement de ce qu'il auoit de ça la montaigne, mais donnoit à son ennemy tout ce qui estoit delà en proye, ou de venir au faict d'armes par luy de si long temps & en tant de lieux si haultement & si pompeusement presché.

C E P E N D A N T que le Dauphin se prepara à ceste ordonnance, qu'il fit marcher la gendarmerie, l'artillerie, les viures, & munitions, & que Montpesat pour lors lieutenant du Roy en Languedoc outre les forces ordinaires de la frontiere faisoit assembler les legionnaires de Languedoc, que le Roy de Nauarre en faisoit approcher d'autres de Gascongne, que le Mareschal d'Annebault s'acheminoit avec sa troupe, ramenant d'Italie les Suisses, les cheuaux legers, les vieilles bades de gës de pied Françoises & Italiènes, le Roy commençoit à se mettre à leur queue, non de si pres qu'il peust rompre les chemins aux soldats, ou empescher la facilité des estappes, mais non pourtant de si loing que d'heure en autre il n'en peust auoir nouuelles, comme ordinairement il auoit. Le Duc d'Orleans pareillement mettoit en toute diligence ses forces ensemble.



Desseings  
de monsieur  
de Langey.

OR vous ay-je dit cy deuant que quelques vns auoyent mis en auant au Roy plusieurs entreprises pour surprendre l'Empereur aux lieux les plus aisez, & desquels il auoit moins de souſpeçon: entre autres le ſieur de Langey lieutenant general pour le Roy en Piemont, apres qu'il eut la cognoiſſance de l'outrage fait par les gens de l'Empereur à ſes ambassadeurs, conſidera bien que le Roy s'en voudroit reſſentir, ainſi que la raiſon vouloit. A ceſte cauſe ſecretement auoit pratiqué pluſieurs places & capitaines au Duché de Milan, ayant intention que ſon amas d'hommes fait à la Mirandole (dont deſia il auoit couuertement les capitaines tous gabarez) & deuoit eſtre ſon amas de dix mille hommes de pied, huiſt cens cheuaux & dix pieces d'artillerie, & eſtoyent des principaux chefs d'icelle entrepriſe le ſeigneur Pierre Strozy, le Comte Petillane, le Duc de Somme, & pluſieurs autres tant Neapolitains, Romains, que des terres de la ſeigneurie de Veniſe, leſquels aſſemblez il marcheroit droit à Crémone, dōt il eſperoit auoir le Caſtellan, & des principaux ſoldats à ſa deuotion. De là à Laudes, de laquelle ville il ſ'affeuroit, & de deux mille hōmes de pied qu'il trouueroit audit lieu: & de là à Milan, où pareillement auoir intelligence, & y fortifier la citadelle aux deſpens des citadins, & par ce moyē brider & tenir en ſubiection tāt le caſteau que la ville, & oſter à l'Empereur le moyē d'en tirer argent dont ſe faiſoit ſa guerre. Or eſt-il que le ſieur d'Annebault apres la reſolution de la guerre, eſtoit marché en Piemont, ayāt huiſt mille Suiſſes, ſix mille hommes de pied François, ſans la garde des places, & ſix mille Italiēs, quatre cens hommes d'armes, & deux mille cheuaux legers: parquoy l'intētion dudit ſieur de Lāgey eſtoit, q̄ là où le Marquis du Guast partiroit de la frōtiere de Piemont, ou pour aller au ſecours de Milan, ou pour cōbatre ledit ſieur de Lāgey,

gey, ledit Mareſchal d'Annebault auoit en proye Quiers, Aſt, Vercel, Alexandrie, Cazal de Môtferrat, Foſſan, Cony, Albe, & Quieras, & grand nombre de petites places: car le Marquis n'eust ſceu tirer dix mille hommes pour mettre en campagne, ſans laiſſer ſes places depourueuës, & s'il marchoit, il demouroit entre deux armées. Si durant ſix ſemaines ou deux mois que ledit ſieur d'Annebault fut avecques leſdites forces en Piemont inutile, on euſt voulu, ladite entrepriſe euſt eſté executée au nom dudit Strozy, & des Neapolitains, demandans eſtre reſtituez en leurs biens que l'Empereur leur vſurpoit: mais voulant le Roy (comme vous avez entendu) commencer la guerre ouuertement, & non à l'improuiſte, encores que du commencement il euſt conſenty & arreſté ladite entrepriſe, en fut diuertie & la reſuſa, mais j'ay ouy des prouuerbes de noz peres, que qui a le profit de la guerre, en a l'honneur.

AYANT le Roy ordonné à Monſeigneur d'Orleans l'armée qu'il auoit à conduire, depeſcha Nicolas de Boſſu ſieur de Lōgueual pour aller à Gueldres & Iuilliers, deuers le Duc de Cleues faire vne leuee d'hōmes, tāt de pied que de cheual, & paſſant au trauiers du pays de Brabant, ſe venir ioindre avec iceluy Duc d'Orleāſ, ce qu'il fit ainſi qu'entendrez cy apres.

MONSIEIGNEUR le Duc d'Orleans ayāt prins cōgé du Roy à Ligny en Barrois, alla trouuer le Duc de Guiſe accompagné de quelque nombre de gens de pied François: & le lendemain qui eſtoit enuiron le dixieme de Iuin, mille cinq cens quarāte deux, aſſemblerent avec la gendarmerie vne partie des gens de pied, en vn grand village ſur la riuere de Meuze à deux lieuës pres de Verdun, mi-chemin dudit Verdū & de Dun le chaſteau, auquel lieu firent ſeiour trois iours attendans l'artillerie. Au partir de là, allerent loger deuant Danuiller, place de Luxembourg, ap-

Succèz du  
voyage de  
monſeigneur  
d'Orleans.

partenant à l'Empereur, auquel lieu se vint ioindre avec eux le Baron de Hedecq, lequel autrefois auoit esté lieutenant du Comte Guillaume de Furstemberg avec son regiment de quatre mille Lansquenets: aussi y arriua le Comte de Mansfeld, & le Comte Pigue-lin, & le Colonel Riqueroe, avec leurs regimens, & pouuoit estre estans assemblez le nombre de dix à douze mille Lansquenets. Et vint à ceste heure-là au seruice du Roy avecques le Comte de Mansfeld, le Comte Rinigraue ieune homme de bonne volonté, qui promettoit bonnes choses de luy, ainsi qu'on a cogneu par apres. Estans assemblez deuant Danuiller, fut presentee l'artillerie, dont fut tiré quelques coups à coup perdu sans approches ny trenchées: mais les soldats estans dedans la place, ne voulans attendre plus furieuse batterie, demanderent à parlementer, & durant ledit parlement, noz soldats sans aucune resistance entrerent dedans & la saccagerent, chose qui estoit bien aisee, d'autant que la place n'estoit defensible. Estât Danuiller entre noz mains, par l'aduis des capitaines Monsieur d'Orleans ordonna qu'elle fust rasée & bruslee, comme n'estant gardable, ce qui fut fait en toute diligence, mesmes par Monsieur de Jamets, à l'occasion qu'elle luy portoit grand ennuy à la place de Jamets.

PARTANT de Danuiller nostre armee print le chemin de Luxébourg, mais lendemain vint nouvelles qu'il estoit tombé vn pan de muraille à Yuoy, qui fut cause de faire tourner visage à nostre armee droit à ladite place, & y estant arriuee, en toute diligence mondit seigneur d'Orleans & le Duc de Guise ordonnerent de faire les approches, ce qui fut fait, mais mal à propos. car il fut assis trois canons & vne bastarde, si pres du bord du fossé sans gabions, trenchées, ny autre couuerture pour mettre en seureté l'escorte de la garde d'icelle artillerie, qu'il salut lei our venu q̃ ceux  
qui

qui l'auoyent en garde l'abandonnassent, pour les coups d'arquebuzé que leur tiroient les ennemis. Et en plein iour, à la veüe de nostre armée, sans que nul les peüst offenser, iceux ennemis sortirent de la ville, & attacherent des cordes ausdites pièces pour les tirer dedans leurs fosséz, mais ne leur fut possible à cause de la pesantur, & de quelques coups d'arquebuzé tirez (mais de loing) par aucuns soldats des nostres, q' s'hazardoyent plus q' les autres : ce que voyans les ennemis mirent le feu aux flasques, & les bruslerent, de sorte que lesdites pièces furēt mises sur le ventre, & cinq ou six iours apres furent retirées, & puis enuoyées à Sedan pour les remonter. Nonobstant ledit inconuenient ne fut cessée la continuation des tranchées pour mettre les autres pièces en batterie, du costé de vers les Ardennes, & fut faite breche assez raisonnable, qui toutesfois ne fut assaillie: puis on fut dix ou douze iours sans tirer cepédant qu'on enuoya à Sedan, à Mouson, & autres villes prochaines, querir renfort d'artillerie, & de munitions, lesquelles arriuees on fit nouvelle batterie à l'opposite de l'autre, tirant vers le chemin qui va à Lamets, dont ceux de dedans s'estonnerent, de sorte qu'ils demanderent à parlementer, à quoy ils furent receuz, & tellement se mena la pratique, qu'en fin leur fut accordé par Monsieur de Guise (lequel estoit ordonné de la part de Monsieur de Orleans pour les ouyr) qu'ils s'en iroyent leurs bagues sauues, & pourroyēt emmener six faucōneaux & de la munition pour tirer chacud six coups. Chose qui vint bien à propos, car à la verité la place estoit hazardeuse à assaillir sans grande perte d'hommes, veu le grand nombre de soldats d'artillerie, & de munitions qui estoient dedans, & mesmes qu'au milieu de la grāde breche au fons du fossé y auoit vn moineau qu'on ne leur pouuoit leuer, qui eust fait vn grād meurdre des assaillās, mais Dieu leur osta l'entē-



dement. De la part de l'Empereur estoient chefs audit Yuoy, le Bastart de Sombret, le sieur de Noyelles, Hennuyer, capitaine de cheuaux legers, le capitaine Famas, le capitaine Gilles de Leuant, & autres, iusques au nombre de deux mille hommes. Estant mondit sieur d'Orleans deuant icelle place, y arriua Monsieur de Longueuille accompagné de Martin Vanros Marschal de Gueldres, & dix mille Lansquenets avecques enuiron de seize cens à deux mille cheuaux Cleuois, qui auoyent passé par le pays de Brabant, ainsi qu'entendrez par ce discours.

**M O N S E I G N E U R** le Duc d'Orleans ayant mis Yuoy en l'obeissance du Roy (dont fut baillee la garde au seigneur de Sedan, & depuis au baillif de Vitry, Comte de Nanteuil, lieutenant de la compagnie du Duc Antoine de Lorraine) marcha pour aller deuant Luxembourg, prenant son chemin par Arlon, petite ville, à quatre lieuës au deça dudit Luxébourg, fise sur vne môtaigne en assez bonne assiette, mais nō fortifiée. L'armee approchant dudit lieu, le seigneur d'Anguien François de Bourbō avec sa compagnie, & quelques autres qui l'auoyēt suiuy, y alla deuant, & la fit sommer au nom de Monseigneur d'Orleans: ceux de dedans estonnez de la redition d'Yuoy qu'on estimoit la plus forte place du pays, & la mieux pourueuë d'hōmes, d'artillerie, & autres munitions, rendirent la ville, au deffoubs de laquelle se vint loger le camp, & dedās se logea Monseigneur d'Orleans, mais quelques pillards (encores qu'il fust defendu de piller) cherchās quelque butin mirēt le feu en vne partie de la ville, tellement que biē à peine peut-on faire retirer le bagage qu'il n'y en eust de brulé, & apres q le feu fut estaint, y fut laissé quelques gens à ce q l'enemy nes'y mist pour couper les viures qui venoyēt en nostre camp de Stenay, & de Mouson.

**P A R T A N T** d'Arlon le camp alla loger aupres  
de

de Luxembourg, où peu apres auoir fait les trenchées fut approchée l'artillerie au comg de la haute ville, à la main droite de la porte par ou on entre du costé de France, & fut fait breche, toutesfois non raisonnable pour assaillir, car le fossé y est à fons de cuue trenché en roc fort parfons: si est-ce q̃ ceux de dedans combien qu'ils fussent trois mille hommes de guerre, & quatre cens cheuaux, s'estonnerent de sorte qu'ils se rendirēt leurs bagues sauues, & les citadins demeurerēt en leur liberté. Estans sortis lesdits gens de guerre enuiron deux heures apres midy, Monsieur d'Orléas entra dedans, & fut mise si bonne police qu'une heure apres les boutiques des marchans furent ouuertes pour vendre & acheter en telle seureté pour eux qu'on feroit à Paris ou à Rouen. La ville ainsi reduite, Monsieur d'Orleans laissa pour la garde d'icelle le Comte de Mansfeld & le Comte Piguelin avec leurs regimens, lesquels promirent de la bien garder vers tous & cōtre tous, ce qu'ils ne firent, ainsi que tantost vous ordrez. Puis en passant deuant Montmedy petite ville, assise sur vne montaigne, laquelle on ne peut approcher que d'un costé, mondit sieur d'Orleans fit seulement monstrier l'artillerie, incontinent ceux de dedans esmeus des precedentes prises se rendirent, & y furent mis gens pour la garder: & telle fut l'exécution qu'il ne restoit es mains de l'Empereur du Duché de Luxembourg que Tionuille, ville sur la Moselle quatre lieues au dessous de Mets tirant à Trieues.

MONSIEUR d'Orleans ayant desir de se trouuer pres la persōne du Roy, & de Mōseigneur son frere, pour l'esperance qu'il auoit qu'il se donneroit vne bataille deuant Perpignan, delibera des'y retirer, laissant à Luxembourg & champagne le Duc de Guise lieutenant general du Roy: & pour separer son armee se retira à Verdun auquel lieu il ordonna d'enuoyer monsieur de Longueuille, avec Martin Vanros

& ses bandes, vers Lieffe (lieu entre les deux frontieres) pour y seiourner, & secourir ou la Picardie, ou la Champagne. Puis apres qu'il eut fait quelque seiour à Verdun pour pourvoir au reste de son armee, partit en poste pour trouuer le Roy à Montpellier, pensant de là aller deuant Perpignan, mais desia le Roy auoit deliberé de retirer son armee. Deux iours apres son arriuee deuers le Roy, vindrent nouuelles de la perte de Luxembourg, & comme le Comte de Mansfeld & le Côte Piguelin l'auoyent rendue bien legeremēt, & auecques peu d'occasion, dont le Roy fut fort mal content, & contre môseigneur son fils, & contre ceux qui luy auoyent conseillé de laisser son armee. mais ie croy que luy-mesme auoit esté son conseil. Aussi auoyent les ennemis reprins Môtmedy, qui nous portoit grand dommage, tant à Stenay qu'au long de la riuere de Meuse, mais monseigneur de Guise rassembla ce qu'il peut promptement recouurer de gendarmerie (car la plus part auoit esté licētiee) & avec quelques gēs de pied, tant Allemans que François, marcha deuant Montmedy, premier que ceux qui la tenoyent eussent loisir de se recognoistre, & la reprint, & y mit pour chef le capitaine Petrus de la Lande, lequel y feit depuis bien son deuoir, chose qui fort rapaisa le Roy. Le sieur de Guise n'ayant moyen de plus tenir la campagne, assit ses garnisons, & enuoya le regiment du capitaine Riqueroe Allemand, le droit chemin de Piemont.

Expeditiō de  
mōseigneur  
de Vendosme  
en Picardie.

D V R A N T que ces choses se faisoient, tant à Luxembourg qu'à Perpignan, Monseigneur Antoine Duc de Vendosme, qui estoit gouverneur & lieutenant pour le Roy en Picardie, ne voulut estre oisif, car apres auoir assemblé les garnisons de son gouvernement, tant de pied que de cheual, auecques vne bande d'artillerie, delibera de ne laisser dormir ses ennemis. Et par-ce qu'il y auoit vers Ardres trois ou quatre  
petites

petites places qu'ils tenoyēt, lesquelles faisoient grād dommage, rant à Ardres qu'au Boulonnois (entre autre le chasteau de la Montoire, sis en forte affiette sur vne petite montaigne à l'entree de la terre Doye, duquel on decouure tout ce qui sort de la ville d'Ardres, & vn autre au bord du Boulonnois tirant d'Ardres à Saint Omer, nommé Tournehan, appartenant au sieur de Beure, place de tout tēps tenue des plus fortes du pays) entreprint de les leuer d'entre leurs mains, & ayāt pourueu à faire suyure les viures apres son camp, faisant son estappe à Douere, marcha premierement droict à la Montoire, laquelle fut abandonnee des ennemis, & la feit desmolir aux gens du pays, lesquels en firent leur deuoir pour le dommage qu'elle leur auoit fait. Et de là tourna ses forces à Tournehan, & y feit faire batterie de cinq ou six iours. Les assiegez ne voyans remede de plus endurer la batterie, par ce que la place estoit petite (car il est certain qu'vne petite place ne vaut rien deuant la fureur de la batterie de maintenant) se rendirent leurs bagues sauues, laquelle il ordonna estre rasee, mais pour la grande espaisseur des tours, mesmement de la grosse, eust esté long à la desmolir, il les feit miner : & apres auoir fait mettre quelques barils de poudre sous la mine bien bouchée, les feit voler, & raser à force de pionniers ce qui restoit. Incontinant bon nombre de petits forts, que les ennemis tenoyent à la faueur de ladite place, se rendirent, & furent pareillement rafez. Puis apres auoir couru tout le pays vers Saint Omer, Aire, & Betune, n'osant son ennemy se presenter deuant luy pour le combattre, encores qu'il eust plus de gens que luy, se retira, mettant ses hommes aux garnisons sur laquelle retraitte le Côte du Reux lieutenant general de l'Empereur faillit d'estre surpris en sa maison, mais il se sauua par vn batteau passant la riuiera, & se retira à Saint Omer.



Succiez du  
voyage de  
M<sup>o</sup>seigneur  
le Dauphin  
à Perpignan.

N A G V E R E S ie vous ay dit que le Roy vouloit retirer son armee de deuant Perpignan, quand Monsieur d'Orleans le fut trouuer à Montpellier. Or afin de brieuement discourir ce qui fut fait en ce voyage, & venir à ladite retraitsse, Monseigneur le Dauphin assembla ses forces en Auignon, auquel lieu l'estoit venu trouuer le sieur d'Annebault avecques huit mil le Suisses, six mille hommes de pied François des vieilles bandes, dont estoit Colonel Messire Charles de Cossé sieur de Brissac, & six mille Italiens, & quatre cens hommes d'armes, & seize cens cheuaux legers, desquels estoit general le sieur de Termes. Et de là print son chemin à Nyines, & à Narbone, où se vint ioindre le sieur de Montpesat, avec la legion de Languedoc, & vne partie de celle de Guienne, & six mille Lansquenets, & bon nombre de Suisses nouvellement leuez : de sorte qu'il y pouuoit auoir quatorze mille Suisses, tout compris, & se montoit l'armee à trente six, ou quarante mille hommes de pied de toutes nations, & deux mille hommes d'armes, & deux mille cheuaux legers. De Narbonne alla loger aupres de Locate, partant duquel lieu, laissa à la main droite le chasteau de Saulces, & y enuoya vne troupe d'hommes suffisante pour le tenir en subiection, & empeschier les saillies que pouuoient faire ceux de dedans, car il ne voulut s'y arrester, en intention de surprendre Perpignan, mais autrement aduint. Vray est qu'il n'y auoit nombre suffisant d'hommes pour garder vne telle place, mais d'artillerie & d'amonitions, tout ce que l'Empereur auoit mené en son voyage d'Alger estoit dedans, tellement qu'à l'arriuee de tous costez on estoit salué à coups de canon & de couleurines, dont les ennemis estoient aussi liberaux que d'arquebuzades: chose qui fit cognoistre en peu d'heure que les aduertissemens qu'on disoit qu'auoit m<sup>o</sup>seigneur de Montpesat (par l'aduis duquel auoit esté dressée ceste entre-prise)

prise) n'estoyēt certains. Il est apparant qu'ils estoyēt aduertis, veu que le sieur d'Annebault auoit sejourné en Piemōt vn mois ou cinq sepmaines, & qu'il estoit commun des Piemont qu'on alloit à Perpignan: aussi le chemin que print l'armee leur en pouuoit donner vraye certitude.

ESTANS arriuez deuant Perpignan, ceux qui estoient ordonnez à ce faire aduiferent chacun en son endroiēt de l'approcher, mais la plaine estoit si rase, & la terre si sablonneuse, qu'il estoit malaisé de faire trenchées qui valussent, car la terre s'en alloit auant le vent, & amplifioit les gabions de sablon: vous pouuez estimer quelle seureté on pouuoit auoir, mesmes que la ville estoit si bien pourueüe de plateformes, garnies d'artillerie, qu'il sembloit d'un porcespy qui de tous costez estant courroussé monstre ses pointes. Aussi fut aduisé pour empescher qu'il n'y entraist secours, lequel n'y pouuoit venir que par deux endroiēts, l'un par la mer, & l'autre par le pertuis, par lequel pouuoit venir le secours du Royaume d'Arragon, & on n'y peult passer qu'à la file: là fut enuoyé le sieur de Termes avec les cheuaux legers, toutesfois si tard qu'auāt son arriuee le secours estoit passé & entré dedans la ville, qui encouragea fors les ennemis, & nous donna peu d'esperance de paruenir où nous pretendions.

VN iour ceux de la ville ayant de dessus le rempart cognoissance que nostre artillerie estoit mal gardee, firēt vne saillie à la garde de leur artillerie, telle qu'ils firent abandonner la nostre à ceux qui l'auoyent en garde, & se mettoient en effort de la tirer en leurs fossez, ce qui estoit apparant qu'ils eussent fait, mais le sieur de Brissac colonnel des gens de pied François, auquel ne touchoit de la garder, y arriua à l'improuiste, suyuy de peu de gens, & estoit sans armes (hors mis vn haussecol) lequel fit vne charge si furieuse qu'il leur fit abandonner, & la retira: aussi fut-il blessé à la

gorge, ou au col.

LE Roy, lequel ce temps pendant auoit fait séjour à Montpellier, esperant marcher si l'Empereur se fust mis en campagne pour secourir sa ville, voyant que son armee se consommoit, & que l'Empereur n'estoit pour se hazarder puis que sans bataille elle se pouuoit garder, enuoya le Côte de Saint Pol, & l'Amiral de Brion, deuers Monsieur le Dauphin, pour entendre quelle esperance il pouuoit auoir du fruit de ceste grosse armee : lesquels luy rapporterent qu'ils auoyent cogneu qu'il y auoit moins d'esperoir à la prise de la ville, que le iour que le camp y arriua, & que approchant l'hiver (auquel on alloit entrer) le pays estoit de telle nature, qu'aux premieres pluyes qui viendroyent, il n'y auroit ordre de retirer l'armee, pour les torrens, qui de tous costez coulent des montaignes, & que la mer feroit regorger lesdits torrens, de sorte qu'on se trouueroit enfermé entre deux mers & la montaigne. Alors il cogneur bien (mais trop tard) qu'il auoit esté mal seruy, parquoy manda à Monsieur le Dauphin, qu'il eust à faire sa retraite, à quoy il ne faillit d'obeir (combien qu'à son grand regret) considerant vne si triomphante armee auoir esté tant inutile, car l'erreur n'estoit de luy, mais de ceux qui auoyent abusé le Roy, ou par ignorance, ou par enuie qu'autres ne fissent mieux. Partant de deuant la ville, les Espagnols firent plusieurs saillies, mais il auoit mis si bon ordre à sa retraite qu'elles furent au desauantage des ennemis. Nostre camp deslogeà à telle heure, que s'il eust encores esté du trois iours, ce qu'on craignoit des inundations luy fust aduenü, car le lendemain & les iours suyüans suruint vne si extreme pluye, q la plus part de ceux qui estoient demeurez derriere, tant de cheual que de pied, furent contrains de passer à nau, & y en eut quelques vns noyez. Voila la fin de ceste armee, laquelle à mon iugement qui l'eust employé

ployé en Italie, l'estat de Milan eust esté bien esbranlé, pour les apparences que depuis on en a veu : mais l'assurance qu'on donnoit au Roy d'emporter Perpignan de premiere venue, luy feit prédre le pire party: parauenture en ay-ie mauuais iugement, mais c'est mon opinion.

L'AMIRAL d'Annebault partant de Piemont pour venir à Perpignan auoit laissé le sieur de Lâgey, Messire Guillaume du Bellay, accompagné du sieur de Boutieres, du sieur de Vassé, gouverneur de Pignerol, du capitaine Martin du Bellay Prince d'Yuetot, gouverneur de Turin, du sieur Daussun, gouverneur de Sauillan, avec leurs compagnies, tant de gendarmes que de chevaux legers, & deux mille Suisses, & quelques gens de pied, tant de François que Italiens, pour seulement bien petitement garder les principales places de surprises, demeurant le plat pays en proye. Dequoy le Marquis du Guast aduerty, assembla ses forces au pont d'Esture, lieu propre pour assaillir le Piemont en quelque endroit qu'il voudroit commencer, ou deçà, ou delà le Pau, pour auoir les riuieres à son commandement. Le sieur de Langey, qui estoit à Turin, sçachant de la deliberation dudit Marquis, & que du costé de Cony, Quieras, & Albe, n'y auoit grande garde, parce que le Marquis n'eust iamais estimé, qu'estant demeuré ledit seigneur de Langey si degarni d'hommes, eust voulu faire entreprendre: toutesfois il la dressa sur toutes les trois tout en vn coup, tirant de chaque ville quelque enseigne de gens de pied. Pour Quieras depescha le sieur d'Aussun pour lors gouverneur de Sauillan, & le sieur de Cental eleu de Riés, avec vne troupe, non pour forcer, mais pour surprédre, autre en Albe, autre à Cony, mais ceux qui allerent à Cony & Albe se perdirent, si que le iour les surprint: parquoy ce que monsieur de Langey tenoit le plus seur demeura inutile. Les sieurs d'Aussun & de

Faits du  
Marquis du  
Guast en  
Piemont.



Cental partans de Sauillan marcherent en toute diligence à Quieras avec eschelles, ayans pour leur conduite ceux que ledit Langey leur auoit baillez, pour les mener au lieu où il les deuoyent assoir: & par ce qu'il y a vn petit chasteau, on tint prests deux canons pour les faire marcher, s'il estoit besoin de le battre. Ils ne peurent neantmoins arriuer que le iour n'eclairast (car c'estoit aux nuicts les plus courtes de l'an) tellement que les intelligences que nous auions dedans ne s'oserent decouurir: si est-ce que lesdits sieurs ne voulans auoir perdu leur peine, donnerent iusques au lieu où leurs conducteurs les menerent, & encores que l'alarme fust à la ville, & que chacun vinst à sa defense, planterent leurs eschelles, & la forcerét, & monterent les premiers sur la muraille lesdits sieurs Daufsun, & de Cental. Estans maistres de la ville, mandèrent l'artillerie, laquelle leur fut enuoyee pour battre le chasteau, dedans lequel s'estoyent retirez les gens de guerre: mais des la premiere volée vne de leurs pieces se demonta, & quand & quand eurent aduertissement que le Marquis du Guast marchoit diligemment pour secourir la ville par le chasteau, ce qu'ils firent entendre au seigneur de Langey, qui desia estoit venu camper à Carignan, avec les Suisses, & si peu d'autres qu'il auoit fait tirer des garnisons, meismes que l'vne de leurs pieces estant ainsi inutile, ils estoient d'aduis de se retirer, & de brusler & ruiner la ville, à ce que l'ennemy ne s'en peust preualoir. Ce qu'ayant entendu, ledit sieur leur enuoya promptement le sieur de Vassé, avec cinquante homes d'armes de renfort, par lequel leur manda qu'ils n'eussent à vider delà, les asseurant qu'audit chasteau n'y auoit que deux sacs de farine, & vn cheual, & q̃ pour le grand nôbre d'hommes qu'il sauoit y estre, ils seroyent contrains le lendemain de parler, ou de mourir de faim, d'autant que des le matin meismes les viures leur failliroient, &

que

que le Marquis partant d'où il estoit, n'y pourroit arriuer de trois iours, & qu'il les aduertiroit d'heure & leur bailleroit le moyen, si besoin estoit de se retirer en seureté au Montdeuy, ou à Baine. Le lendemain les soldats qui estoient audit chasteau parlerēt, & sortirent avec leurs armes, & fut trouuē qu'il y auoit trente six heures qu'ils n'auoyent mēgé. Le sieur de Langey y ordonna le sieur de Cental gouuerneur, lequel soudainemēt y mist deux mille hommes, qu'il leua tant en ses terres qu'ailleurs.

LE Marquis du Guast aduertty de la reddition du chasteau, & de l'ordre qui y estoit, rompit l'entreprise qu'il faisoit de le venir secourir, & delibera de se recompenser ailleurs: parquoy estant delogē du pont Desture, tourna ses forces vers Villeneuve d'Ast, laquelle (encores q̄ le sieur de Langey l'eust bien pourueuē) pour la debilité du lieu fut forcee, avec toutesfois peu de meordre, aussi furent Poiriny, & Cambiā, petites places, non fortifiees. Le sieur de Langey, cōbien qu'il cogneust n'auoir les forces pour soustenir celles du Marquis, lequel auoit quinze mille hommes de pied, & enuiron deux mille cinq cēs cheuaux, & luy tout mis ensemble n'eust attaint à plus de cinq mille hommes de pied, estant aduertty que l'entreprise du Marquis estoit de ne plus s'amuser delà l'eau, mais venir passer la riuiera à Carignan pour y camper, & ce faisant nous oster tout le plat pays, depuis les montaignes iusques au Pau, pour affamer Turin, Pignerol, & le reste de ce que nous auōs deçà: & laisseroit fortes garnisons à Quiers, Ast, Fossā, Albe, & Cony, pour le semblable estre fait aux places q̄ nous auōs delà le Pau, & nous leuer la cōmodité du Marquisat de Saluces. Pour y remedier reuint avec ses petites forces camper à Carignan, & y cōmença vn fort en toute diligence, afin que par art il peust garder ce que par force luy estoit impossible: car d'attendre

son ennemy sans aduantage il n'auoit le moyen. Le Marquis ayant entendu la diligence qu'il faisoit d'empescher son entreprise, vint camper delà l'eau sur le bord de la riuere vis à vis de nous : & d'autant que c'estoit au mois de Iuillet que les eaues estoient retirees, aisément on pouuoit au dessus & au dessous de Carignan passer la riuere à gué : & quinze iours durant que les deux armées furent logees au deuant l'une de l'autre, il y auoit ordinairement escarmouches, & falloit que iour & nuict nostre armee fust en armes pour l'empescher de forcer le passage, de sorte qu'on se reposoit à tour de roolle. Le sieur de Langey considerant qu'à la longue ses gens n'auroient moyen de porter la fatigue, & que luy-mesmes pour les longs travaux précédens qu'il auoit endurez estoit devenu perclus, tellement qu'il ne s'aydoit que du cerueau & de la langue, trouua moyen de tirer du camp Imperial cinq ou six mille hommes de pied Italiens, & quelque caualerie, d'où il se renforça & affoiblit son ennemy d'autant. Dequoy le Marquis estonné osta sa fantaisie de plus essayer de passer le Pau, craignant qu'estant deçà l'eau, ceux qui ia s'estoyent rendus à nous, subornaissent les autres qui estoient en son camp, & que par ce moyen il demourast le plus foible, parquoy il commença sa retraite vers Villedestelon, s'approchant de Quers.

L'OPINION du sieur de Langey, & de la plus part des capitaines estoit de passer le Pau, & suyure l'ennemy, pour executer autres intelligences qu'il auoit en son camp & ailleurs: mais quelques vns (ie ne say pour quelle occasion, car au conseil ils auoyent monstré semblant de la trouuer bonne, & suyuant leur aduis il auoit parlé aux Suisses, qui luy auoyent accordé en leurs presences de passer outre) se retraisterēt & trouuerēt moyen de mutiner les Suisses, tellement qu'alors qu'on cuidoit marcher en auât ils tournerent  
leurs

leurs enseignes droit à Pignerol, chemin de la re-  
 traitte en Frâce. Leur Colônél S. Iulian en fut souspe-  
 çonné & croy q̄ ce fut à bõ droit: & audit Pignerol se  
 retira avec eux le sieur de Boutieres. Le sieur de Lan-  
 geys se voyât abādōné ne sceut autre chose q̄ de se fai-  
 re porter en vne chaire à Turin, avec le reste d'hōmes  
 qu'il auoit: & enuoya les Italiens qu'il auoit tirez du  
 cāp Imperial à Cazelles & Sirias, petites places entre  
 Turin & Vulpian. Le Marquis aduertiy de la soudai-  
 ne departie de nostre armee enuoya quelque nombre  
 de gēs passer le Pau, lesquels trouuans vn capitaine de  
 Lâguedoc avecques cinquante soldats dedans le cha-  
 steau de Carignā les sommerent au nom du Marquis  
 de rendre la place, leur faisans entendre que s'ils attē-  
 doient q̄ l'artillerie fust arriuee, q̄ son intétion estoit  
 de les faire pendre & estrangler. Le capitaine, & les  
 soldats n'attendirent à voir l'artillerie, mais se rendi-  
 rēt à la premiere sommation. Ce qu'ayant entendu le  
 sieur de Langeys qui estoit à Turin, à sept mille de là,  
 craignant q̄ le Marquis suyuiſt avec sa troupe & par-  
 acheuaſt le fort qu'il auoit commencé, depeſcha sur  
 l'heure le capitaine Martin du Bellay son frere, gou-  
 uerneur de Turin avec sa compagnie, pour aller en-  
 tendre comme les choses estoient passees, & quel  
 nombre d'hommes estoit dedans, afin que suyuant ce  
 qu'il luy manderoit il se fiſt porter luy-mesme sur le  
 lieu avec l'artillerie qu'il meneroit. Ledit capitaine  
 Martin pour auoir loisir de pourvoir à son affaire, au  
 partir de Turin ietta deuant luy le capitaine Maruil-  
 le & le Comte Maxime Antoine de Sesse ses deux  
 lieutenans avec quarante ou cinquante cheuaux, pour  
 se mettre entre le Pau & la ville de Carignan, pour  
 recognoistre si le Marquis voudroit repasser l'eau. E-  
 stans arriuez sur la riuiera, le Comte Maxime Antoi-  
 ne laissa son compagnon au guet, & par vn trompet-  
 te enuoya demander de parler à ceux qui estoient



dedans le chasteau: ce que luy estât accordé, le capitaine sortit en seureté, lequel estoit de la cognoissance dudit Comte Maxime, & autresfois auoit esté sous sa charge. Ledit Comte luy remonstra les grâdes forces qui venoyent, avec le grand nombre d'artillerie, & qu'ils estoient enuoyez là seulement pour les inuestir, attendant les forces: l'asseurant bié que s'il tarroit tant peu soit de parler, il ne seroit en sa puissance de luy sauuer la vie, dont il le vouloit bien aduertir estant son amy. Les choses furent tellement menées, qu'il remit la place entre les mains du gouuerneur de Turin, & furent conduits les Imperiaux seurement à Quiers: ce fait il fut pourueu à la place, à ce qu'il n'y aduint plus d'inconuenient. Le Roy ayant entendu la prise de Carignan par les Imperiaux, auoit depeesché vn courrier en toute diligence, mandant au sieur de Langey que toutes choses laissées il mist tout son effort à la recouurer: mais arriuant le courrier, la trouua desia entre noz mains, dont le Roy aduertiy en eut grand contentement.

PRE V de iours apres le Marquis du Guast repassant le Pau aupres de Cressentin, vint assieger Chiuas, dedans lequel estoit le seigneur Hieronyme de Birague, mais apres auoir esté repoussé de deux assaux, se retira avec son armee à Casal. Au mesme temps Cesar de Naples voulant ouurir le chemin de Vulpia à Turin delibera de prendre Cazelles, esperant le faire aisément: parce qu'il n'y auoit que les Italiens, lesquels le sieur de Lâgey auoit tirez du câp Imperial, & qu'il les pourroit retirer à sa deuotion, mais ledit sieur de Lâgey soudain y enuoya le cheualier de Villegaignon pour leur commander, craignant qu'entre tant de capitaines sans chef il n'y eust partialité. Ledit Cesar les vint assaillir, mais il fut si bien recueilli qu'il y perdit lx. ou quatre xx. hômes, & se retira avec sa courte hôte, & y demourerent ses eschelles pour les gaiges.

Le sieur de Langey voyât le Marquis retiré à Cazal, auoit cognoissance qu'une place nommée Barges, laquelle ferme le chemin de Pignerol à Ravel & à Saluces, portoit grand dommage à toute la plaine, d'autant qu'elle est enclauée au milieu de nos terres, & que le Marquis de long tēps ne la pourroit secourir: mādā au sieur de Boutieres qui estoit à Pignerol, qu'il pour ne laisser les Suisses inutiles il eust à marcher deuant Barges, & luy enuoya toutes les forces qu'il auoit pres de luy, retenant seulement gens pour la garde de Turin. Le sieur de Boutieres incontinant partit pour ladite entreprise, & mena quant & luy six canōs qu'il print à Pignerol: mais arriué à Barges, trouua que les Espagnols auoyent fortifié vn conuent ioignant le chasteau, & qu'il estoit impossible d'assaillir le chasteau sans premierement prendre le conuent. A ceste occasion soudain fit ses approches & mist ses pieces en batterie si diligemment que dedans vingt quatre heures il fit breche, de sorte que les soldats François mētez avec quelque gendarmerie qui se mist à pied, emporterent le fort d'assault, & mirent au fil de l'espee enuiron trois cens hommes qui estoient dedans. Ce fait approcha le chasteau qui n'est qu'un donjon carré, & gaigna les fauses brayes, ayant fait breche, ceux du chasteau demanderent à parlementer: en fin plusieurs choses proposees, fut accordé, que si dedans six iours le Marquis du Guast ne venoit assez fort pour leuer le siege, ou gens pour luy, ils se rendroient la vie sauue, dont ils baillerent ostages. Le Marquis aduertiy de ceste composition, laissa tous autres affaires, & partit à grandes iournees pour venir secourir les assiegez. Le sieur de Boutieres cognoissant que desia il auoit passé le Pau vers Ville-franche, & que pour attendre une si grosse puissance, ses forces estoient trop debiles, rendit les ostages aux assiegez, & par Brecqueras se retira à Pignerol. Cependant le Marquis refreschit

la place: puis ayant crainte qu'estant esloigné on ne surprinst quelques vnes de ses places ( car il estoit bien seur qu'on auoit de tous costez pratiques secrettes ) retourna promptement à Quiers, mais il ne sceut si tost venir que le sieur de Langey ne luy eust soustrait par menees le chasteau de Montault, & deux ou trois autres petites places du Montferrat, qui estoient mal aysees à reprendre, à cause de l'hyuer, où il n'auoit moyen d'y merer l'artillerie.

**Q**U E L Q U E S iours apres le sieur de Langey n'estant satisfait que Barges n'estoit mise entre les mains du Roy, manda au sieur de Vassé gouuerneur de Pignerol, de pratiquer par le moyen qu'il luy bailla, le capitaine d'icelle place de Barges nommé Paule Mōnet: puis qu'il prinst quelques bandes nouuelles venans de France, & auec quatre canōs qu'il eust à marcher droit audit lieu, ce qu'il fit en toute diligēce: car il n'estoit homme paresseux d'executer choses honorables & hazardeuses. Y estant arriué, mit ses pieces en batterie, encores qu'il n'eust commissaires ny canonniers, mais tous ceux qui estoient en sa compagnie mirent les mains à l'œuvre avec luy, specialement vn ieune homme de Picardie, frere du seigneur de Mailly, lequel naturellement s'adonnoit à l'artillerie: tous ensemble firent telle execution, qu'en deux heures fut fait vn trou dedans la tour, non toutesfois raisonnable pour assaillir, mais le capitaine se voyant occasion de parler, remit la place entre les mains du sieur de Vassé, & se retira au seruiue du Roy.

**V** O U S auez cy deuant entendu, comme le Roy auoit retiré son armee de deuant Perpignan, de quelles forces elle estoit composee, & le profit qu'elle luy apporta. Afin de ne la laisser inutile,  
ains

ains en employer vne partie si peu de temps qui restoit de bonne saison , le Roy ordonna le sieur d'Annebault pour aller en Piemont , & avec luy le regiment des Lansquenets du capitaine Riqueroe , & les vieilles bandes Françoises , les bandes Italiennes , tous les chevaux legers , & quatre cens hommes d'armes , esperant qu'avec tel renfort (estant l'armee du Marquis ruinee par faulte de payement ) on pourroit faire vn grand exploit. Le sieur d'Annebault avec lesdites troupes print le chemin de Briançon , & faisant passer vne partie de son armee à Pignerol , l'autre par Suze , l'enuoya loger à Carignan , à cause que le Marquis du Guast estoit logé à Carmagnolles , qui est delà le Pau deux mille contremont la riuere , & luy vint coucher à Turin pour là communiquer avec le sieur de Langey.

Arriuee de  
Monsieur  
d'Annebault  
en Piemont.

O R ledit sieur de Langey auoit fait secrettement preparer des batteaux sur le Pau , pour quand nostre armee seroit arriuee à Carignan , & durant que le Marquis seroit incertain du chemin qu'elle prendroit , porter noz gens de pied & artillerie contre bas l'eau : & pour la nourriture de l'armee , fait faire à Vorling par le seigneur Ludouic de Birague vne munition de pain pour dix iours , pour , auant que l'ennemy fust aduerty , surprendre Casal & autres places , ausquelles il auoit intelligence , car en vingtquatre heures elle y fust arriuee par eau , & le Marquis ne pouuoit venir au secours qu'en quatre iournees de camp , quelque diligence qu'il fist : mais il se trouua des enuieux qui diuertirent le sieur d'Annebault , combien qu'il y eust bonne fantasie.

L e sieur de Lâgey (toutesfois se voyât auoir perdu son temps & son argent ) mist en auât autre party :



c'est qu'un sien amy qui estoit avec le Marquis luy auoit donné aduis que si la nuit on vouloit avec l'armée passer le Pau, on ne failliroit de rencontrer les Imperiaux à un passage pres Villedestellon, dont estoit impossible de leur sauuer, moyennant qu'on enuoyast trois ou quatre cens cheuaux entre Carmagnolles & Villedestellon, & nostre armée en teste entre Villedestellon, & Quiers: car la nuit le Marquis craignant d'estre inuesty, se deuoit retirer à Quiers, & que celuy qui donnoit l'aduertissement, luy-mesme les conduiroit. Ce party mis en cōseil fut approuué, & fut ordōné qui iroit & en teste, & q en queue, mais la nuit venue, ie ne say pourquoy, ne pour quelle raison, on demoura. Seulement fut enuoyé le capitaine Francisque Bernardin de Vieilmerqua avec deux cens cheuaux legers, pour les recognoistre, lequel trouua les choses ainsi qu'elles auoyent esté mises en auant, & print sur leur queue plusieurs butins & bagages: l'entreprise estoit indubitable, car les ennemis n'estoyēt que trois mille Lansquenets, & mille Espagnols, qui estoit leur force d'estrangers: ainsi defaisant ceste troupe on pouuoit marcher en pays, parce qu'il ne demouroit au Marquis que les Italiens sans teste d'Allemands.

**FINALEM ENT** le sieur de Langey voyant qu'on ne vouloit executer ce dont il auoit tant trauaillé, & fait de si gros frais, tant à l'entretienement des hommes que pour la fourniture de ce qui y estoit necessaire; cōsidera bien q le pareil luy seroit fait en autres choses: à ces causes, pour la debilité de ses mēbres (car il estoit perclus à cause des longs trauaux) avecques le cōgé du Roy, partit de Turin en vne litiere, pour venir deuers luy, auquel il desiroit auāt q mourir declarer beaucoup de choses pour son seruice, qu'il ne vouloit mettre en la bouche d'autrui, craignant de faire tort à ceux qui en luy s'estoyent fiez, mais il  
ne

ne luy fut possible d'y paruenir : car le neuſieme iour de Ianuier mil cinq cens quarante deux , il trespaffa à S. Saphorin ſur le mont de Tarare , au grand regret de pluſieurs gens de bien , de ſçauoir & d'experience.

Mort de  
mōſeigneur  
de Langey,  
frere ainſné  
de l'autheur  
de ceſte hi-  
ſtoire.

L'AMIRAL d'Annebault ayant failly d'ex-  
cuter telles entrepriſes , alla loger à Carmagnolles d'où  
eſtoir deſlogé l'ennemy , auquel lieu il eut nouuelles  
des ſieurs d'Auffun & de Carſes, lors eſtans à Sauillan,  
que dedans Cony y auoit ſi peu d'hommes , que s'il  
vouloit faire diligēce de marcher pour l'inueſtir, afin  
que ſecours n'y entraſt, & amener artillerie pour faire  
batterie, il ne failliroit de l'emporter de premiere ve-  
nue, parce qu'il n'y auoit gens ſuffiſamment pour ſou-  
ſtenir vn aſſault. Ayant ceſt aduertiffemēt partit avec  
quatre canons, laiſſant le ſieur Martin du Bellay gou-  
uerneur de Turin, lieutenant du Roy deçà le Pau, pour  
pourueoir à tout , d'autāt que les forces de l'ennemy  
eſtoient vers le pont d'Eſture. Le lendemain ledit  
du Bellay ayant eu nouuelles que le regiment de Ri-  
queroc eſtoit arriué à Riuaſes, & qu'il leur ſaloit ve-  
nir trouuer le pont du Pau de Turin pour paſſer l'eau  
(car celui de Carignan & de Montcallier eſtoient  
rompus) leur y feit preparer le logis, & les viures, eſpe-  
rāt d'en tirer du ſeruice en paſſant chemin. Or à trois  
mille de Turin delà l'eau ſur la montaigne de Mont-  
ferrat y auoit trois ou quatre petites places, à ſçauoir  
la tour Sainct Bony, Chatillon, & Sainct Raphael,  
qui portoyent grand ennuy à Turin, d'autant qu'elles  
deſcouuroient tout ce qui en ſortoit, de ſorte qu'on  
ne peut aller à Caſal, Bourbon, n'y autres places que  
nous teniōs au Montferrat (dont il nous venoit beau-  
coup de viures, meſmes des vins) ſans eſtre decouuert:  
leſquelles places il auoit failly peu deuant de ſurpren-  
dre, & y auoit perdu des hommes : & entre autres le  
ſieur de Malicorne du Maine, capitaine de gens de  
piéd, y auoit eſté eſtropié de tout vn coſté d'une ar-

quebuzade. Ledit gouuerneur delibera à la faueur d'iceux Lansquenets, les emporter de force, parquoy feit mettre en ordre quatre canons avec leur equippage, & prendre des beufs par la ville pour les conduire, & au matin feit partir de Turin avecques lesdits Alle-mans, vne partie de la cōpagnie du sieur d'Annebault, celle de mōsieur de Langey son frere, lequel estoit sur le chemin de France où il mourut, comme dit est, & la sienne, avec trois enseignes de François, de la garnison de Turin. Estans arriuez deuant Sainct Bony, fut plantee l'artillerie, de laquelle en peu d'heure fut fait vn trou, auquel fut donné l'assault par les Lansquenets, qui l'emporterent de furie, & furent tous ceux de dedans tuez, hors mis le capitaine, qui fut pendu, pour auoir esté si outrageux, de vouloir tenir vne si meschante place deuant le canon. Puis feit marcher à Chatillon, petite ville, sur vne montaigne qu'on ne peut battre, sinon d'une autre montaigne opposite, mais il est impossible d'y mener artillerie sans engin, ou force de bras, car les cheuaux n'y peuuent monter. Les Lansquenets qui auoyent eu curee de ceux de Sainct Bony, mirent la main à l'œuvre, de telle façon qu'ils monterent deux canons aussi aiseemēt que si ce n'eust esté qu'un fauconneau. Les assiegez, lesquels estoient quatre cēs hommes de guerre en fort bon equippage, considerans le traitement qu'on auoit fait à ceux de Sainct Bony, aussi voyans ceste grosse armee de France venue à l'improuiste, entrerent en tel effroy, que sans laisser tirer, se rendirent, leurs bagues sauues, & sortirent quatre cens hōmes aussi bien armez, & aussi bon visage de soldats qu'il y eust en Italie: s'ils eussent fait leur deuoir (estant l'assiette telle) il y eust eu de l'honneur à les assaillir. Ceux de Sainct Raphael n'attendirent qu'on allast à eux, mais enuoyerent au deuant se rendre: aussi feirent deux ou trois autres petits forts, tous lesquels furent rasez, excepté la ville de  
Chatillon,

Chatillon, en laquelle fut mise garnison pour garder le passage, car elle estoit defensible: ce faict il enuoya passer les Lansquenets à Môtcallier le lög de la montagne, lesquels se rendirent lendemain avec monsieur l'Amiral qui marchoit à Cony.

AVQUEL lieu de Cony estant arriué avec toute son armee, planta son artillerie au lieu qui luy fut dit estre le plus debile, mais on l'abusa, car c'estoit le mieux remparé: & apres que la breche fut faicte, on donna l'assault: noz gens arriuez sur le haut trouuerēt vn rempart derriere la breche pourueu de bons hommes, de sorte qu'apres auoir combatu vne heure sur le haut de la breche, ils furent contraints de se retirer. Il y mourut des nostres beaucoup de gens de bien, entre autres le capitaine Bricotte Normand, son lieutenant & enseigne, le Comte Guillaume de Biendras Montferratin, & son lieutenant, le lieutenant & enseigne du capitaine Sainct Petre Corse, & luy fort foulé de coups de pierre, Sainct Esteue enseigne du capitaine Cauagnes, & plusieurs capitaines & enseignes bleffez. Estât retiré, deux cens cheuaux & sept ou huit cens hommes de pied enuoyez par le Marquis du Guast, la nuit entrèrent en la ville par l'autre costé de la batterie. Le iour venu, monsieur l'Amiral ayant cognoissance de ce renfort, & voyant ses munitions d'artillerie faillir, ordonna de se retirer, on disoit que s'il eust mené iusques à huit canons, & leur suite pour faire deux batteries, afin de diuertir les forces de dedans, qui estoient petites, il y auoit apparence, ou qu'on les eust forcez, ou qu'ils se fussent rendus: car assaillant par plusieurs endroits ils n'estoyent pour respondre à tout, mais ce ne fut le vouloir de Dieu. Sur la retraite le Comte Maxime Antoine, & le sieur de Maruille lieutenant du seigneur Martin du Bellay, & le capitaine Theode Bedaine Albanois rencontrèrent deux cés cheuaux Imperiaux pres de Bra, vis à vis de Quieras,



lesquels ils chargerent & les desfirent , dont ils prindrent la plus part:voila ce qui fut fait en ce voyage.

Le sieur d'Annebault de retour à Carmagnolles, se voyant n'auoir moyen de faire nouuelles entreprises pour l'hyuer qu'il auoit à dos , apres auoir remis en l'obeissance du Roy quelques petites places , comme Villeneuve d'Alt, Poiring, Câbian, & Riue de Quers, que les ennemis auoyët abandonnees, rompit son armee, laissant le sieur de Bouttieres en son absence lieutenant du Roy en Piemont , & à Turin, le seigneur Martin du Bellay, Prince d'Yuetot, pour gouuerneur à Pignerol le sieur de Vassé, à Chiua & Vorling le sieur Ludouic de Birague , à Sauillan le sieur de Termes , la reste de l'armee licentia , hors mis deux mille Suisses sous la charge du sieur de saint Iulian, & fit retourner en France le Colonel Recroc , avec son regiment de Lâsquenets, pour estre employez aux lieux que le Roy ordôneroit, & puis il partit pour retourner deuers le Roy, enuiron le premier iour de Iâuiier, prenât le chemin du mont Cenis. Arriuant à la Nou-

Fortune a-  
uenue à mô-  
sieur le Ma-  
reschal d'An-  
nebault sur  
le mont Ce-  
nis.

ualaise , on luy fit entendre que la tourmente estoit sur la môtaigne, ce nonobstât on ne luy feut dissuader de passer ce iour là, pensant corôpre le temps, contre l'opinion de tous les marrons, qui sont ceux qui cognoissent les tourmentes de la môtaigne, comme font les mariniers celles de la mer: mais estât à mi-chemin de la montaigne, entre la Ferriere & la plaine de l'hospitalet, la tourmente suruint si extreme, que la plus part de ceux qui estoient en sa compagnie furent en hazard d'estre peris, quelques bons guides qu'ils eussent. Il s'en perdit bon nombre sous les neiges, & entre autres le seigneur de Carrouges, ieune homme de bonne maison: autres y perdirent la veüe, autres les pieds, & la plus grand part depuis ne furent en santé. Semblablement plusieurs soldats Allemans & autres, lesquels sous esperâce qu'un tel personnage que mon-  
sieur

fleur l'Amiral ne s'estoit mis en chemin sans auoir  
 consulté du passage, l'auoyent suiuy, qui se perdirent.  
 Quant à luy ayant gaigné la plaine, il demoura per-  
 du luy & ses marrons qui le conduisoient, que sans  
 des hommes qui estoient dedans les tauernettes qui  
 sont au hault de la plaine, lesquels sortirent à son se-  
 cours, indubitablement il eust fait pareille fin que les  
 autres. Le sieur de Maugiron cognoissant la nature du  
 pays, mesmes que la tourmente venoit, demoura à  
 l'hospitalet au pied des eschelles, iusques au lédemain,  
 ayant retiré quelques gentils hommes passant par là,  
 demy gellez, lesquels furent sauuez par son moyen.  
 Ce danger procede à cause qu'à main droite de ce pas-  
 sage montant de la Ferriere pour venir à Lanebourg  
 y a vne haute montaigne, & vne autre à main gauche  
 qui font le chemin estroit, lequel est entre deux, &  
 quand la tourmente se leue sur icelles vous verriez des  
 plottes de neige que le vent pousse contre bas, qui se  
 font estant amassees au hault de la montagne fort pe-  
 tites (se monstrent-elles, mais auant qu'arriuer au pas-  
 sage se font aussi grosses qu'une montaigne, tellement  
 qu'elles perissent tout ce qui se trouue en ce destroi &  
 en temps de tourmente, mesme la plaine est si couuer-  
 te & les chemins, que les propres guides s'y perdent,  
 & menent leur suite perir dedans les cauains rem-  
 plies de neiges. Ledit sieur Amiral eschappé de ceste  
 fortune, arriué qu'il fut à Lanebourg au pied de deça  
 la montaigne, prit la poste, par ce qu'il auoit eu nou-  
 uelles du Roy pour le venir trouuer en Chastel-  
 raudais.

Le Roy à son partement de Montpellier apres  
 qu'il eut retiré son camp de deuant Perpignan, eut ad-  
 uertissement que les habitans de la Rochelle s'estoyent  
 mutinez, & auoyent fait quelque effort contre ses of-  
 ficiers de la gabelle, passant pays pour se retirer vers  
 Chastelerauld, & de là à Paris, les voulut chastier, &

Le Roy par-  
 donne aux  
 Rochelois &  
 lillois.

en ceste intention feit marcher en sa compagnie le capitaine Ludouic colonnel d'un regimēt de Lansqueniers, qui estoit celuy qu'auoit eue le Côte de Mäsfeld, lequel s'estoit retire en Allemagne. Mais arriué qu'il fut à la Rochelle, tous les habitans, nō sans cause, craignans que sa maiesté vſast de la rigueur qu'ils meritoient, chercherent tous moyens de se reconcilier, & remettre du tout à son obeissance. Et le premier iour de Ianuier s'assemblerent au iardin de la maison, où il auoit pris son logis pour luy demander publiquement pardon, de la rebellion attentee par eux en plusieurs voyes, contraires à l'obeissance que le subiect doit à son Prince & souuerain seigneur. Et le Roy estant audit lieu assis en son tribunal, & iceux ayans les testes nues, les mains ioinctes, & les larmes aux yeux, avec ceux des Isles prochaines, feirent faire vne requeste publique, demandans misericorde par l'aduo-car, à ce qu'on disoit, desdites Isles, qui parla en ceste façon : La malheureuse iournee (Sire) & detestable à iamais en laquelle nous vos tref-humbles & tref-obeissans subiets de ceste vostre ville de la Rochelle, & des Isles, auōs esté tant delaissez de bō sens, de bon iugement & de raison, qu'oublant la douceur & benignité de vostre maiesté royale, les bienfaits enuers nous, & les merites d'icelle, sommes tombez en tel inconuenient, que d'auoir failly à recognoistre l'obligation, & le deuoir que nous vous deuōs par les raisons dessusdites, & par tout droit tant diuin qu'humain, ayans commis chose (Sire) par laquelle nous deuons encourir vostre indignation, & perdre vostre bonne grace, par noz mesfaits: de sorte que de tāt est la faute que nous confessons plus grande, que vostre humanité & bonté enuers nous est plus cogneuë, & apparente: dont la coulpe de ces pources miserables que vous voyez prosternez à voz pieds pour requerir vostre misericorde, est (quant à nous, & nostre peché)

indigne

indigne de la recourir. Mais quant à la grandeur & infinité de voz pitiez, ainsi que le Roy Psalmiste David se confioit en la grandeur des misericordes de son seigneur, nous auons esperance (Sire) que vous entendrez la voix, & receurez les confessions à mercy de ceux lesquels presentement boisent les pieds du trône de vostre maesté, vous supplians tref humblemēt, Sire, avec desplaisir au cœur de vous auoir offensé, & les larmes aux yeux, ne regarder du tout à ce meffaiet qui nous est aduenu, pour raison duquel nous criōs publiquemēt à haute voix, & demādōs vostre misericorde: ains, Sire, ayez s'il vous plaist esgard à vostre bonté & clemence accoustumee. Et ainsi piteusēmēt criāt misericorde & se mettāt à genoux, avec vne voix tremblante, piteuse, & lamentable, assez long temps iceluy aduocat, comme continuant sa harangue, dit, A la mal-heure, Sire, nous-nous sommes tant oubliez q̄ de cōmetre chose qui nous ait fait encourir vostre indignation, & perdre vostre bonne grace & la reputation, en laquelle par le passé nous auōs esté tant enuers vous que voz predecesseurs Roys, pour estre presentement spectacle à tout le monde de desloyauté & de desobeissance, pour laquelle, Sire, nous vous supplions tref-humblement nous vouloir faire misericorde. Et le peuple incontinant commença derechef à crier misericorde, iusques à ce que ceste voix piteuse tira les larmes des yeux des assistans, & du Roy mesmes, qui bien peu apres commença à respondre en ceste maniere: Je ne suis venu icy pour dire l'ennuy que ie receu, quand moy estant empesché en personne, & mes enfans pour l'augmentation & tuition de mon honneur, & de mon royaume, les nouvelles me furent apportees de la miserable rebellion que presentemēt vous confessez: mais bien pour vous dire, mes amis, ( Car amis vous puis-ie appeller maintenant que vous estes retournez à la recognois-

Harengue  
du Roy au  
peuple de  
la Rochelle.



sance de vostre offense) que le mal que vous auez fait, quand vous auez oublié (comme vous mesmes confessez) l'office & deuoir de subiects enuers vostre Prince, est vn crime si grand & si necessaire à punir, qu'il ne pourroit estre plus, pour les inconueniens qui s'en ensuyuent. Car tout estat de Monarchie & de Republique bien institué ne consiste qu'en deux poincts, c'est à sauoir au iuste commandement des Princes & superieurs, & en la loyale obeissance des subiects : où si l'un des deux fait, c'est autant comme en la vie de l'homme la separation du corps & de l'ame, laquelle vie dure tant seulement autant que l'ame commande & le corps obeist. Dieu me doint grace de ne faillir au commandement qu'il m'a donné sur vous, & lequel ie tien & recognoy de luy, comme chose de laquelle il me faut rēdre compte: & combien qu'en ce commandement soit comprise la punition de la desobeissance, en laquelle ie n'ay faute d'exemples, tant vieux que nouueaux, que ie puis suyure pour l'executiō de iustice aspre & rigoureuse, qui a souuentefois esté necessaire, pour remedier à l'insolence d'un peuple, il me semble toutesfois n'estre moins raisonnable & conuenable à vn Prince (mesmement qui en toute sa vie a eu ce propos de preferer tousiours misericorde à seuerité & rigueur de iustice) de receuoir apres la confession de la coulpe son peuple, se repētant & demandāt pardon, qu'il est droit & equitable au peuple d'obeir, & garder la foy à son Prince, qui vse plus de clemence que de iustice. Ie sçay bien que la pitié & misericorde enseignée par nostre seigneur Iesus Christ, preschee par ses disciples & Apostres, & manifestee par tout le monde, pourroit non seulement non corriger, mais aussi corrompre vn peuple de mauuaise volonté. Mais ie sçay aussi que vous estes enfans de si bons peres, desquels la fidelité a esté experimentee par tant de nos predecesseurs, & vous mesmes iusques icy  
m'auuez

in'avez esté si bõs & si loyaux subiects, q' i'ayme trop mieux oublier ce meffaiet recét & nouveau, que voz vieils & anciens bien-faits, & aussi peu conuient à voz coustumes precedétes desobeir comme à ma nature de ne vous pardonner ceste offense presente. Facent les autres & exercent rigoureusement leur puissance, ie seray tousiours tant qu'il me sera possible pour la pitié & misericorde, & ne feray iamais volontaiement à mes subiects ce que l'Empereur a fait aux Gantois pour moindre offense que la vostre, dont il a maintenant les mains sanglantes, & ie les ay la mercy à Dieu encores sans aucune taincture de sang de mon peuple: aussi a-il avec l'effusion de sang des siens la perdition de tant de testes, & de tant d'ames perdu semblablement les volontez & les cours. Et i'espere que ma misericorde & clemence confermera voz courages, en sorte que de bons & loyaux subiects que vous avez tousiours esté par le passé, pour l'aduenir serez encores meilleurs: & ie vous prie oublier ceste offense qui est suruenue, & de ma part il ne m'en souuiendra iour de ma vie: mais aussi ie vous prie qu'il vous souuienne tant seulement d'estre tels que vous avez esté par cy deuant, & Dieu me doint grace de faire enuers vous encores mieux que ie n'ay fait. Quant à l'offense & à l'inconueniét qui vous est n'agueres aduenü; Dieu nostre seigneur & createur le vous vueille pardonner: quant à ce qui me touche ie vous remets tant le criminel que le civil totalement, & vous pardonne sans excepter aucune chose, moyennant ce qu'avez accordé, q' i'estime toutesfois beaucoup moins que voz cœurs repentans, sachant tresbié que le bien du Prince gist en la loyauté des cœurs de ses subiects plus qu'en autre chose. Et à ceste parole le peuple commença à crier, viue le Roy, priant nostre seigneur luy donner bonne vie & loigie, & continuant tousiours iusques à ce que le Roy dist d'avan-

tage, Je veux que tous les prisonniers soyent deliurez presentement, & que les clefs de vostre ville vous soyent rendues, & voz armes, & que les garnisons de gens tant à pied qu'à cheual s'en aillent, & que soyez reintegrez & restituez totalemēt en ma grace en vostre liberté & voz priuileges, & veux auourd'huy demeurer en vostre garde: & pour la resiouissance & congratulation ie veux q̄ vous sonniez voz cloches, tiriez vostre artillerie, faciez feu de ioye en rendant graces à Dieu, & vous & moy pour ceste bōne estraine. Et telle fut la fin de l'oraison du Roy avec larmes, tesmoignant sa bonne affection & charité enuers son peuple. Apres la fin de ceste harengue, la voix du peuple reconforté, & resiouy merueilleusement s'esleua tout en vn coup, & cria soudainement, en inuouqāt nostre seigneur, le suppliāt pour la longue vie, santé, & prosperité du Roy, lequel en cest acte ainsi qu'en plusieurs autres laissa suffisant tesmoignage de la clémence & bonté, dont il a tousiours vsé, aussi souuent comme l'occasion y a esté disposée.

Pratiques &  
entreprises  
du Marquis  
du Guast  
contre Tu-  
rin decou-  
uerte.

Av mesme temps messire Martin du Bellay gouverneur de Turin, ayant eu nouvelles du trespas du sieur de Langey son frere, demanda congé au Roy pour se retirer en France, & pourueoir à ses affaires (car il estoit mort endebté de trois cens mille liures) toutesfois ce ne fut sans mettre en seureté la ville de Turin, de plusieurs pratiques q̄ l'ēnemy auoit dessus. L'une desquelles estoit, qu'environ trois mois au precedant le Iuge de Turin natif de Quiers luy auoit porté paroles, que lors que ladite ville de Quiers auoit esté prise par le Marquis du Guast (estant dedans le chevalier Assal, ainsi que cy deuant auez entendu) ledit Marquis l'auoit enhorté que se retirant à Turin, & qu'il eust moyen de luy faire seruice, il le recognoistroit ainsi que l'Empereur auoit accoustumé de remunerer ses seruiteurs: disant pour conclusion audit gou-

gouuerneur qu'il auoit moyen de luy faire vn grand seruice, car il enuoiroit deuers ledit Marquis pour luy faire entendre qu'estant parueniu à cest estat de Iuge de Turin ( comme il estoit ) il auroit moyen de luy mettre la ville entre les mains: & par ce moyen ledit gouuerneur estant aduertý du temps & heure q̃ le Marquis viendroít, pourroit audit Marquis apprestier vne amorce, & le prédre, & tailler en pieces tout ce q̃ seroit en sa cõpagnie. Le gouuerneur ayant ouý ceste inductiõ, voulut encóres par aútres moyès plus amplement cognoistre la fantasie du Iuge, parquoy luy fit entendre qu'il la trouuoit bonne, mais il faloit téporiser pour quelque raison, & q̃ sur sa vie il n'eust à passer plus outre sans son expres commandement.

Or est-il que de long temps le gouuerneur auoit sousspeçõ sur ledit Iuge, parce que dés le temps du sieur de Monteian, iceluy Monteian eut opinion durant la trefue d'auoir de sa part vn ambassadeur à Milan pres du Marquis du Guast, & y enuoya l'vn des sieurs de la Molle de Prouéce, le Marquis luy enuoya à Turin le maistre de camp de la tierce de Lombardie, vn Espagnol autant subtil & aduisé qui fust en Italie, lequel demanda à loger en la maison dudit Iuge, qui auoit trois filles courtisanes des plus magnifiques de la patrie. Ledit Maistre de camp faisoit despense ordinairement de cét où six vingts liures par iour, chez lequel se retiroýent coustumierement les soldats, spécialement les Nauarrois & Basques: chose qui tousiours depuis auoit rendu suspect le Iuge audit gouuerneur, craignant qu'il fust corrompu à cause de sa pauureté. Parquoy il mist sur tous les passages gens pour surprendre lettres qui se porteroýent à Quiers où estoit le Marquis, finalement vn Marchand de Turin nommé Luquin Bergue que le gouuerneur auoit aduertý, s'assurant de sa fidelité, fit surpredre vn garçon portant lettres dudit Iuge, par lesquelles il



mandoit au Marquis que l'heure estoit venue qu'il luy pourroit liurer la ville de Turin: car estant mort le sieur de Langey, ils ne deuoyent plus estre en doute d'estre descouuers; & qu'il eust à luy enuoyer vn sien fidele tranuesty qui passeroit sur le pont du Pau, avecques deux ou trois iumens chargees de vin, lequel ayant passé le pont, prédroit le chemin à la main gauche, venant chercher la porte du palais, qui tire à la Douaire: & si on luy demandoit à la porte dont il venoit, qu'il dist qu'il venoit de Riuolles, & que c'estoit vin qu'une sienne fille luy enuoyoit, & qu'au cas qu'on luy feroit refus d'entrer, il iroit luy-mesmes au gouverneur pour auoir congé, & que par ledit messager pour plus grande seureté, on luy renuoyast vn signal, estant dedans sa lettre, qui estoit son cachet, entre deux papiers.

Le gouverneur voulant eclarcir la dite entreprise, à ce qu'en son absence n'en aduint inconuenient, manda le iuge venir vers luy, lequel il tira en secret, l'interrogant, si le moyé dont autresfois il luy auoit parlé de liurer le Marquis entre ses mains, estoit encores en son entier, il fit responce qu'ouy, & qu'il enuoiroit vne lettre audit Marquis sous son bon congé, par le prieur de Saint Dominicque, laquelle il luy mōstreroit, semblablement la responce, au bout d'une heure: luy ayāt accordé il apporta la lettre audit gouverneur à la reception de laquelle il appela le seigneur Regnal de Birague, President de Turin, & maistre Iean Vailant, Procureur general du Roy en Piemont. Apres la lecture d'icelle, le gouverneur luy demanda, s'il en auoit point escrit d'autres au Marquis, depuis qu'il auoit parlé à luy, il fit responce que non, & que s'il l'auoit fait, il auroit merité la mort, attendu la defense qu'il luy en auoit fait. Sur le champ luy fut presentee sa lettre surprise, à laquelle il ne sceut contredire, parquoy fut mené dedans le chasteau: inter-

interrogué par ledit gouuerneur, & par les President & Procureur du Roy, confessa que l'entreprise du Marquis & de luy estoit que le Marquis luy deuoit enuoyer vn nombre de charrettes chargees de vin, aujourd'huy deux & demain trois pour moins de soupçon, & que dedans les pieces de vin (parce que les vaisseaux sont de la longueur des charrettes) deuoit auoir aux vnes des arquebuses dedans le vin, aux autres perruisanes & corselets, avecques toutes autres sortes d'armes, hors mis picques, lesquelles il deuoit faire descendre dedans ses caues. Puis deuoyent venir plusieurs soldats Italiens à diuerses fois, transeuistis en paysans, apportans viures au marché, lesquels se deuoyent retirer en la maison dudit Iuge, dedans grandes caues haultes de vaultes, claires, & seches, pres de la place, & deuoyent venir iusques au nombre de soixante ou quatre vingts. Puis quelque matinee qu'ils orroyent tumulte à la porte de la ville & crier Sauoye, ils deuoyent sortir en armes pour gaigner la place, pendant que les soldats de la garde seroyent au combat de la porte.

BIEN estoit aduerty le gouuerneur qu'il se faisoit quelques charrettes à Ligny ville Imperiale estât aux prouanes pres de Vulpian pour faire entreprise sur Turin, & auoit gens ordinaiement pour l'asseurer du departement d'icelles, mais se voyant pressé de partir & esperant par ce moyen rompre ceste entreprise, fit faire le proces du Iuge, & luy fit couper la teste. Toutesfois il admonnesta le sieur de Boutieres, qui estoit demouré lieutenant du Roy, & le sieur de Monnin, qui estoit ordonné à demourer gouuerneur de Turin en son absence, à ce qu'ils eussent l'œil sur lesdites charrettes, car de brefs esclarciroit l'entreprise qui se deuoit faire, & leur laissa vn homme, qui se tenoit à Groillas, trois mille de là, nommé Messire Alexandre de Carara, auquel s'adressoyent ses espies, pour

les aduertir des choses qu'il pourroit entendre : priant ledit sieur de Boutieres de ne donner fausconduit aux ennemis, d'amener soyn dedâs la ville, parce qu'il estoit asseuré que ladite machination estoit par des charretees de soyn.

A v s s i y auoit-il vne autre entreprise, c'estoit q̃ deux caporaux de la bande du capitaine la Molle, ayans esté pris à la guerre, furent pratiquez par Cesar de Naples, gouverneur de Vulpian, de luy liurer vn boulleuert de Turin, & pour cest effect (les pensant auoir à sa deuotion) leur auoit auancé chacun deux cens escus, & vn patant du Marquis du Guast, de mille escus d'intrade chacun, au royaume de Naples. Apres laquelle composition, ou pour mieux dire collusion, les deux caporaux en aduertirēt ledit du Bellay, gouverneur de Turin, lesquels il cōforta de promettre audit Cesar le boulleuert qu'autrefois il auoit surprins (comme auez cy deuant entendu) ayant ledit du Bellay bonne intention de faire vn grand carnage des Espagnols: puis pour recognoistre si le lieu seroit bien à propos, s'estoyent laissez prendre à la guerre trois Espagnols, ausquels ils monstrerent le lieu & le moyen d'executer ce qu'esperoit ledit Cesar.

Le iour de l'execution ledit du Bellay deuoit faire venir à Montcallier les deux mille Suisses qui estoient demourez à Carmagnolles, & avec enuiron deux mille autres hommes de pied François qu'il tireroit de toutes les garnisons, & sept ou huit cens cheuaux, tant de la gendarmerie q̃ des cheuaux legers, deuoient venir passer le Pau sur le pont de Turin, pour charger les ennemis. Pendant lequel tēps le seigneur Ludouic de Birague, accompagné de douze ou quinze cens hōmes de pied des garnisons de Vorling, Chinaz, & des terres du Montferrat, viendrait par le costé de Vulpia, leur donner sur la queue, & luy mettroit dedans le corps de la garde du boulleuert, qui estoit

estoit au milieu lx. ou quatre xx. arquebusiers, & dedás les contremines autre nombre d'hómes, avecques corcelets & haliebardes: & fourniroit les tours de la ville d'arquebuses à croq & d'autre arquebuserie. Et à l'heure q̄ ceux qui deuoyent entrer dedans le boulleuert seroyét au cōbat, les Suisses qui auroyent passé le pont du Pau avec la caualerie, deuoyent venir charger ceux de dehors par les flancs, & le seigneur Ludouic sur la queue, & mille ou douze cens hómes qui sortiroyent de la ville par la porte du chasteau, q̄ leur donneroyét à l'autre flanc, de sorte qu'il y auoit grāde apparēce q̄ peu se fussent sauuez, mesmes estans en desordre, & suyuis iusques à Vulpian, il estoit apparāt de l'emporter, la trouuāt despourueüe, & ceux de dedans effroyez. Mais cognoissant que ceste pratique ne se pouuoit conduire si promptemēt, & qu'estāt absent en pourroit venir inconuenient, si les sieurs de Boutieres & de Monnin n'y estoient fort vigilans, se voulut asseurer auāt q̄ de partir, à ce que l'entreprise ne sortist à mauuais effect: parquoy commanda aux deux caporaux de faire venir le tabourin maiour du Marquis du Guast, nommé le Moret, qui estoit celuy qui faisoit les messages avec les deux Espagnols ordōnez, pour recognoistre le boulleuert, lesquels iceluy du Bellay fist prédre dedans leur logis, comme estans venus sans saufconduit, par le capitaine de la iustice: puis estās confrontez cōtre les caporaux, cōfesserent le faict, & eurent tous trois la teste coupee.

Le huiſieme iour de Feurier mille cinq cens quarante deux auant Pasques, & huiſt iours apres le parlement dudit messire Martin du Bellay, messire Alexandre de Carara, qui estoit celuy qu'il auoit laissé à Groillas, pour aduertir le sieur de Boutieres, des choses qui suruiendroyent, enuiron minuiſt enuoya à la porte de Turin faire sauoir audit sieur, qu'à Vulpian, & à Ligny estoýét assemblez viij. cens cheuaux & v.



mille hommes de pied, qui prenoyent le chemin de Turin, & qu'il pensoit bien que c'estoit l'entreprise dont de long temps ledit du Bellay l'auoit aduertie, qui se dressoit à Ligny. Le sieur de Boutieres soudain fit monter à cheual le capitaine Francisque Bernardin, avecques vingtreinq soldades de sa bande, pour rebourser le chemin dudit Vulpian, lequel arriué qu'il fut à l'abaye de Cette deux mille par delà Turin tendant le chemin de Verseil descouurit les ennemis au point du iour delà l'eau, & les ennemis luy: lesquels se voyans descouverts firent leur retraitte au lieu dont ils estoient deslogés sans autre chose executer.

Le douzieme dudit mois, derechef ledit de Carara enuoya vne lettre au sieur de Boutieres pour l'admonester du partement des ennemis, lequel par oubliance, ou par auoir trop d'affaires, ne regarda dedas ladite lettre: or, venât l'aube du iour il fit grand broilllas, les ennemis ietterent leur ambuscade de gens de pied au moulin de la Sye sur la petite Douaire à vn iect d'arc de la ville, & leur caualerie à nostre dame de Cápagnes. Puis firent marcher cinq chars de foin, cõduits chacun de quatre bœufs, qui est cõtre la coustume du pays, car on n'en met que deux à chacun chariot: & pource (cõme vous sauez) que le dessous des charrettes du pays est long & quarré & plat, vn peu plus long que large, fait en forme d'vn double rattelier, là dessus ils auoyent assis la forme d'vne grande cage avec botteaux de foin, si bien accoustrez contre leuidites cages, qu'il n'y auoit hõme q n'eust estimé estre vne charrette de foin: dedas chacune cage auoit six soldats avec iacqs & maches de mailles, le moriõ, l'espee, le poignart & la rōdelle, chacũ sur vn genoil, trois le visage d'vn costé & trois de l'autre, puis les deux costez coupāt vne corde par dedas q les tenoit serrez, tomboyēt cõme vne trappe en sorte q les soldats

dats pouuoient sortir tout à vn coup , & seruoient  
 lesdits costez en tombant de pont pour descendre. Ar-  
 riuant le premier chariot , dedans lequel estoit chef  
 Alexandre Dymage Milanois , & estoit le bouuier vn  
 soldat avec iacques de mailles , & courte dague sous  
 vne robe de toille : au premier pont les portiers leur  
 demâdrent, D'où vient ce foing? ils dirent de Ligny, &  
 monstrerent leur sauconduit du sieur de Boutieres, à  
 ceste occasion on les laissa passer. Estant le chariot ar-  
 riué deuant le logis du capitaine Raimonet, qui auoit  
 la garde de la porte avec sa bande, vn iect de pierre de-  
 dans la ville, le capitaine Raimonet demanda à ache-  
 ter le foing, le bouuier luy fit bien cher, esperant le  
 conduire iusques à la place, quoy voyant ledit Rai-  
 monet commanda à son lieutenant le capitaine Perri-  
 chon qu'il eust à donner d'une corcesque dedans ledit  
 foing, par ce que le gouuerneur au partir leur auoit  
 fait ceste ordonnance, de laquelle il se souuint, ce qu'il  
 fit, & la retira toute sanglante: soudain les deux costez  
 de la cage tōberent, seruâs de pôts à ceux qui estoÿēt  
 dedans pour descendre. Sortant le premier donna vn  
 coup d'espee dedans le corps au capitaine Raimoner,  
 & luy coupa vn doigt, Raimonet le saisit au corps, &  
 à coups de dague le tua. Les autres donnerent droict  
 à la place, cependant les autres quatre chariots, voyât  
 leurs compagnons decouverts, se ietterent dehors, &  
 forgerent la garde de la porte, tellement qu'ils leur  
 feirent abandonner leur garde, & en furent seigneurs  
 & maistres, ensemble de leurs armes estans aux rare-  
 liers. Sans point de faute si ceux qui estoÿent au mou-  
 lin de la Sye eussent faict leur deuoir de diligenter, la  
 ville estoit perdue, sans esperance d'y resister. Or y a-  
 uoit-il ordinairement vn esquadre tant de nuict que  
 de iour à la garde de la place, de fortune ce iour là il  
 touchoit au capitaine Saluateur d'Aguerre, lequel  
 oyant l'alarme à la porte, & crier Sauoye, tourna là

teste droict audit lieu avec son esquadre, si qu'il rencontra au droict de l'hostellerie de la courône les cinq soldats qui estoient eschappez du premier chariot, qui ia estoient au combat, mais les ayant mis en fuite, suyuit tousiours son entreprise de gagner la porte. Pendant ce combat vn mareschal de la ville, qui se tenoit pres la porte estât bien aduisé monta dessus icelle porte, & avec son grôs marteau fit tomber la sarasine qui estoit attachee d'une chesne, mais à cause de la rouille ne pouuoit descendre, toutesfois à force rompit la chesne & tomba la herse, qui osta le moyen aux Imperiaux qui ia estoient mille ou xij. cens sur le bord du premier pont, de pouuoir entrer. Sur ces entrefaites y arriuerent les sieurs de Boutieres & de Mouyn, & quant & quant fut fermee la porte, où fut enfermé entre la herse & ladite porte vn Espagnol. Il n'y a point de doute que si ceux qui auoyent à conduire les chariots en eussent versé vn dedans la porte, ou seulement detelé les bœufs, la ville estoit perdue, car on n'eust peu ny abattre la herse, ny fermer la porte, & desia leur armee estoit sur le bord du premier pont, quand la herse tomba. Cesar de Naples voyant auoir failly à son dessein, se retira avec peu de perte, hors mis le lieutenant, qui fut tué d'un coup d'artillerie, & ceux qui estoient sortis des charrettes, encores vne partie se sauua, car estant la herse trop courte, aucuns repasserent par dessous, qui eschapperent: tel fut le progres & l'issue de ceste entreprise: apres le sieur de Boutieres regardant sa lettre receuë la nuit, trouua que c'estoit l'aduertissement qu'on luy en auoit enuoyé, mais ne l'auoit encores veu, au moins n'y auoit-il pourueu.

1543.  
Faits d'armes en Picardie, sous la

PREV de temps apres Pasques mille cinq cens quarante trois, le Roy estant aduertý que sa ville de Tereuennne estoit mal pourueuë de viures, manda à monseigneur Antoine Duc de Vendosmois, qui estoit son lieute-

lieutenant general en Picardie, d'assembler son armee charge de  
pour la r'enuitailler, lequel à ceste occasiō mist tel or- mōseigneur  
dre, qu'au cōmencement d'Auril se trouua l'armee de Védosme  
ensemble, pres de Hedin, en laquelle estoient monsieur  
Frāçois de Lorraine Duc d'Aumalle, fils aisné du Duc  
de Guise, monsieur de Neuers, le Marechal du Biez,  
le seigneur de Lorges Colōnel des legionaires, le re-  
giment d'Allemands du capitaine Ludouic, & enuiron  
le nombre de cinq ou six cens hommes d'armes, & six  
cens cheuaux legers. Partant dudit lieu alla camper à  
Gournay, qui est vn village au deça de la forest de Fou-  
camberge, lieu fort à propos pour faire cōduire les vi-  
ures en son camp venans de Hedin, sans troubler l'a-  
uitaillement de la ville, qui venoit de Montreul : & e-  
stoit iceluy camp si bien ordonné qu'il estoit malaisé  
à l'ennemy de couper les viures, ny d'vn costé ny d'au-  
tre: audit lieu seiourna douze ou quinze iours, durant  
lesq̃ls il mist dedās Terouēne ce qui estoit necessaire.

P E N D A N T ce temps monsieur d'Aumalle ieune  
Prince de grande volenté, desirant voir les ennemis,  
s'en alla à Terouenne avec enuiron cent cheuaux de  
gentils hōmes volontaires qui l'accompagnerēt pour  
leur plaisir, ayant en sa compagnie le sieur de Lauail, le  
sieur de saint André, le sieur de Dampierre, le sieur de  
la Chasteigneraye, & autre bon nombre de ieunesse  
de la nourriture de monseigneur le Dauphin : estant  
audit lieu, alloit de iour en autre à la guerre accom-  
pagné du sieur d'Aiguilly lieutenant de la compagnie  
du sieur de Villebon gouverneur de Terouenne, avec  
sa cōpagnie de cinquāte hōmes d'armes, de sorte qu'il  
se faisoit ordinairement, tant deuant Aire q̃ S. Omer de  
belles entreprises. Entre autres vn iour estant sorty le  
seigneur d'Aumalle, & en sa cōpagnie outre les des-  
sus nommez, le sieur de Decars avec les deux cens  
cheuaux legers de sa charge, apres auoir esté long  
tēps à l'escarmouche deuant Aire, pour trouuer moyē



d'attirer les ennemis au combat, voyans qu'il estoit tard, & qu'il n'y auoit apparece qu'ils voufiffent sortir, se mirēt à la retraitte par le chemin qui viēt de Bonny & de Hedin, & demoura ledit seigneur d'Aumalle sur la queue, esperant que ceux de la ville sortiroient sur sa retraitte, & que par ce moyen feroit quelque faict d'armes: mais estāt sur le chemin pour se retirer à Terouenne, l'alarme se donna enuiron de quatre cēs cheuaux des ennemis, qui venoyent de rebourser le chemin entre Hedin & nostre camp, esperans rompre nos viures. Monseigneur d'Aumalle cogneut bien que le nombre des ennemis estoit beaucoup plus grād que le sien, mais se confiant à la vertu des siens, delibera de combattre. Et pour autant que c'estoit force aux ennemis de se retirer par vn pont prochain, les y attendit, & y feit vne charge brusque & furieuse, en laquelle furent portez par terre bon nombre de gens de cheual des ennemis, si est-ce qu'ils passerent ledit pont, pesselme, mōsieur d'Aumalle & sa compagnie, parce que la force estoit leur, mais aussi ne fut-ce sans grāde perte des ennemis, car tousiours furent chargez par monseigneur d'Aumalle iusques aux portes d'Aire, dont luy & les siens reuindrent plus sanglans du sang des ennemis & de leurs cheuaux que du leur, & amenerēt iusques à cent hommes de cheual prisonniers dedans Terouenne. La cause qui feit retirer ledit seigneur d'Aumalle fut qu'il estoit sorty grosse troupe de gēs de pied d'Aire, pour luy couper chemin au pont par où il falloit qu'ils feissent leur retraitte, & sans cela il eust fait plus grand effort.

Le vingtiē cinquieme iour d'Auril de ladite annee mille cinq cens quarante trois, monseigneur de Vendosme depescha deuers le Roy qui estoit à Saint Germain en Laye, pour luy faire entēdre que le payement de son armee faillloit à la fin d'iceluy mois d'Auril, & que s'il luy plaisoit enuoyer encores de quoy

la soudoyer vn mois, il auoit moyen (estant le pays de l'Empereur depourueu d'hommes) cōquerir quelque ville de sa frontiere, mesmement la ville & chasteau de Bapaume. Le Roy qui enuiron sur la fin de May, vouloit en personne marcher en campagne, comme vous orrez cy apres, ne voulut qu'il passast outre, ayāt crainte de rompre son entreprise : l'occasion pour laquelle la frontiere d'Artois & Henault estoit si depourueuë, c'estoit à cause que le Duc de Cleues faisoit la guerre au pays de Brabant, & desia auoit pris deux ou trois places sur l'Empereur, parquoy il auoit tourné toutes leurs forces pour luy faire teste.

ENTRANT tant qu'on alla deuers le Roy sauoir son intention, & luy faire entendre le defect de payemēt, monseigneur de Vendosme aduertiy d'vne place, laquelle faisoit grand ennuy au pays du Roy, nommee Lilliers, entre Betune & Aire, à l'entree des marais, delibera d'employer le reste du payement de son armee, à la leuer des mains de l'ennemy : puis estant arriué deuant, commença les approches. Ceux de dedās, qui estoient cinq cens hommes de pied, & deux cens cheuaux, d'arriuee feirent bonne mine, mais la fin ne fut telle que le commencement, car apres la breche faite voyās nos gens se preparer pour l'affault, demanderent composition, laquelle leur fut accordee, & apres plusieurs parlemēs sortirent leurs bagues sauues, remettans la ville entre les mains de mondit sieur de Vendosme, chose qui vint bien à propos, car le feu s'estoit mis en nos amonitions, en maniere qu'à peine auoit-on peu retirer nostre artillerie que les affusts ne fussent bruslez. Aussi monsieur d'Aumalle ieune Prince d'insigne volonte estoit prest pour aller luy-mesmes à l'affault, & le Duc de Vendosme ne l'en pouuāt dissuader, s'estoit aussi preparé pour y aller, encores qu'il fust lieutenant du Roy, dont n'en pouuoit qu'aduenir inconuenient, là où l'vn d'eux, ou tous deux

(comme il pouuoit estre vray-semblable) y fussent de-  
mourez, d'autant qu'ils eussent voulu faire la pointe.

LA ville estant rendue y fut mis le feu, & les por-  
tes abatues pour la rendre inutile à l'ennemy: & apres  
auoir rasé plusieurs petits chasteaux, tant aux enuirôs  
de Terouenne, de Sain& Omer, d'Aire, que de Betu-  
ne, s'achemina le camp pour la retraite, attendant des  
nouuelles du Roy, en lieu, dont en vn iour il se peust  
retirer & licentier l'armee, ou marcher en pays, selon  
qu'il seroit commandé. Pour ceste commodité fut  
aduisé de se retirer à Feruens sur la riuere de Câche,  
auquel lieu ils eurent nouuelles du Roy, lequel leur  
manda de mettre l'armee dedans les garnisons sans  
rien licentier, hors mis les legionaires, lesquels en peu  
de temps on pourroit rassembler, chose qui fut exe-  
cutee.

## FIN DV NEVFIEME LIVRE.





## DIXIEME LIVRE

## DES MEMOIRES DE

*Messire Martin du Bellay, Sei-  
gneur de Langey.*



**D**E S I A estoit la fin du mois de May, mille cinq cens quarante trois que le Roy estant à Villiers Cofteretz, ordonna de rassembler de toutes parts son armee, pour se ietter en campagne, selon ce qu'il arresteroit en son conseil, les vns estoient d'avis qu'il deuoit marcher à Lilliers nouvellement prise & bruslee par monseigneur de Vendosme, & la fortifier: car il estoit aisé, par ce qu'elle est en forte assiette, des deux parts fermee d'un marais, & n'y a qu'une aduenue à fortifier du costé tendant à Pernes. Et quant & quant fortifier S. Venant, qui est deux lieues plus outre sur la riuiera du Lis, fort de nature, d'autant qu'il est en vne Isle triâgulaire environnee de toutes parts d'icelle riuiera, & de marais, laquelle on ne peut offer, de sorte qu'il n'y a ordre d'y arriuer que par deux chaussees, & le tenant on pourroit courir libremēt tout le bas pays de Flandres, sans trouuer ou ville ou passage qui face obstacle. Puis à S. Paul ou bien à Pernes faire vn chasteau, pour asseurer le chemin à Lilliers avec Terouenne, qui est à quatre lieues de là, sur la main gauche, tirant de Pernes audit lieu, pour y mener viures: car tenant Terouenne,

Exploits de  
guerre en Pi-  
cardie & Ar-  
tois.



Pernes, & Lilliers, & Hedin à la queue, le pays seroit suffisant pour s'auitailler sans le secours d'autrui.

Les autres disoyent, qu'estant la ville d'Auennes desgarnie d'hommes, à cause que la garnison estoit à la guerre contre le Duc de Cleues, l'allant inuestir à l'improuist, auant que l'ennemy eust l'opportunité de la secourir, on la prendroit, sinon on prendroit Landrecy, qu'on pourroit fortifier, & le chasteau d'Emery, & quelques autres, pour auoir entree au pays de Henault. Qui fut l'opinion à laquelle le Roy s'arresta, & depescha l'Amiral d'Annebault, nouuellement Amiral par le trespas de l'Amiral de Brion mort à Paris, à ce qu'il prinst le droit chemin, pour en attédant son arriuee, clorre ladite ville d'Auēnes, & empescher qu'il n'y entraist secours : & manda à monseigneur de Vendosme de rassembler son armee vers Abbeuille, & prendre son chemin à trauers le pays de l'ennemy pour viure à ses despens sans fouller le sien, & le venir rencôtrer au chasteau en Cambrezis, & par ce moyen il auoit l'armee que menoit l'Amiral en forme d'auantgarde à sa main dextre, & celle de mōseigneur de Vendosme à sa gauche, & luy estoit au milieu.

L'AMIRAL ayant prins congé du Roy à Villiers Costerez, alla coucher à Soissons, de là à Montcornet en Tierasse, auquel lieu il assambla les forces qu'il deuoit mener: de Montcornet alla câper à Estree au pont sur la riuere d'Oyse, duquel lieu, apres auoir fait repaistre les cheuaux, dès iour couché, fit partir le sieur de Longueual, avec cinquante hommes d'armes de sa compagnie, & Martin du Bellay, sieur de Langey avec la sienne, & le capitaine la Lande avec mille hommes de pied, pour passer entre Auennes & la haye d'Auennes, afin d'empescher que du costé dela l'eau il ne luy peust arriuer secours. Or entre Estree au pont & Auennes deux lieues au deça dudit lieu d'Auennes passe vne petite riuere qui sort de l'estang du Beuffle, laquelle

laquelle pour la hauteur des riuës en peu de lieux est gayable, & y a vn seul pont en vn village nommé Estreul, par lequel on passe : au bout d'iceluy pont les ennemis auoyent fait vn blocu (car ainsi nomment-ils ce que nous appelons vn fort) dedans lequel auoit trois cens hommes pour la garde. Le sieur de Langey print le deuant ; menant avec luy vne douzaine de pionniers, & entre ledit fort & l'estang du Beusse fit abatre les borts de la riuïere, en sorte qu'il y passa à gué, & se trouua deuant les portes d'Auennes, premier que le sieur de Longueual & la Lande arriuaissent à Estreul, lequel tint ceux d'Auennes en telle subiectiõ, que le capitaine la Lande força ledit fort d'affault, & mist ceux de dedans au fil de l'espee, sans que ceux de la ville en eussent la cognoissance. A Auennes passe vne autre riuïere, laquelle se nomme la riuïere d'Auennes, & va tomber en la riuïere de Sembre : le sieur de Langey pour acheuer l'entreprise de se ietter entre la haye d'Auennes & la ville, aduertiy de la prinse du fort, marcha pour passer ladite riuïere : mais auant qu'il y arriuaist, vint deuers luy vn homme, enuoyé de la part de mōseigneur l'Amiral, l'aduertir qu'il auoit changé d'opinion, & qu'il eust à se retirer le chemin de Cartigny, qui est sur la riuïere du Beusse, tirant au chemin de Landrecy : à quoy il obeit. Si est-ce que sur sa retraite ceux d'Auennes luy firent plusieurs charges, mais ayant laissé trente ou quarante cheuaux en vne fosse, l'ennemy qui n'en auoit la cognoissance passa outre : incontinent ceux qui estoient demourez en la fosse leur donnerent à dos, & prindrent quinze ou vingt des ennemis. Je n'ay pas bien entëdu à quel-  
le occasion on auoit changé de dessein ; sinon qu'on disoit que Saint Remy commissaire de l'artillerie auoit dit que la ville n'estoit forçable : si ainsi estoit, on ne deuoit venir iusques là pour laisser d'autres plus belles entreprises : si est-ce que qui l'eust assailie de

furie, il estoit apparent qu'on l'eust prise, la trouuant depourueüe d'hommes comme elle estoit.

ESTANT nostre armee arriuee à Cartigny, fut ordonné que le lendemain matin, le sieur de Langey iroit deuant à Landrecy, pour faire le logis du camp, & selon l'occasion qui se presenteroit, feroit sommer ceux de dedàs de se rendre à la mercy du Roy, & que le sieur de Longueual le suyuroit avec sa compagnie, & les mille hommes du capitaine la Lande : passant chemin iceluy de Langey trouua le fort de Prissé abandonné des ennemis, auquel il mit des gens, attendant le camp: de là alla deuant Landrecy, où il fit donner par quelques gës de cheval iusques aux barrieres, mais nul sortit de la ville pour venir à l'escarmouche plus auant que lesdites barrieres. La ville de Landrecy est assise sur la riuiera de Sembre, laquelle n'est encores fort grosse, mais parce qu'elle est profonde, & les bords haults, elle se passe mal-aisémēt sans pôs. Ceste riuiera sort du viuier d'Oysi, qui est du Duché de Guise, & viēt tōber à Chastillō, & de là à Landrecy, & à Marolles, de Marolles à Emery, & à Maubège, & de là au pont sur Sembre; & se va decharger dedans la Meuze pres Namur. Landrecy est deçà l'eau, & au delà, à la portee d'un canon est la forest de Mormaux. Le sieur de Langey, qui bien sauoit q l'an mille cinq cens vingt & vn, lors que monsieur de Vendosme print ladite ville, la nuit dōt le lendemain il pensoit donner l'affault, les ennemis se retirerent dedans la forest, de sorte qu'au matin on n'y trouua q le nids pour obuier à cela, & qu'en partant ils missent le feu dedans la ville, & brussassent les munitions (car il sauoit bien que le Roy la vouloit fortifier) fit rabiller vn pont à vn moulin, auquel y a vne tour quarree, q est au deffoubs de Landrecy, tirant à Marolles. Puis y fit passer cent cheuaux des siens, conduits par le Côte Maxime Antoine de Sesse, pour se ietter entre la fo-  
rest

Description  
de la ville de  
Landrecy, &  
de la riuiera  
de Sembre.

rest & la ville, attendant la venue de monseigneur l'Amiral, qui les pourroit renforcer: mais estant arrivé luy demanda deux ou trois enseignes, avec quelque cent cinquante hommes d'armes de renfort, car il y auoit lieu commode pour les loger sans hazard, toutesfois ledit Amiral ne le trouua bon, & fit reuenir ce que desia estoit passé. Les ennemis enuiron minuit ne faillirent d'exécuter ce q̄ ledit de Langey auoit preueu, car ils deslogerent, & se retirerēt à la forest, parce qu'il n'y auoit personne delà l'eau, & au partir mirent le feu dedans la ville, en tant de diuers endroits, qu'elle fut toute conuertie en cendres, hors mis l'eglise, sans qu'on y peust remedier, & bruslerent bleds, farines, & autres viures & munitions en si grand nombre, qu'il y en auoit à suffisance pour nourrir le nombre d'hommes qu'il faudroit à la garde de la place pour vn an.

Abandon &  
bruslement  
de Lâdreay.

P E N D A N T ce temps monseigneur de Vendosme marchoit avecques son armée par le hault pays d'Artois, lequel passant pres de Bapaulme, assaillit la ville, & la mist en son obeissance. Dedans le chasteau qui n'est qu'une roquette, s'estoit retiré le sieur d'Auchimont, avecques tous les soldats & les habitans de la ville, femmes, & enfans, en si grand nombre, qu'attendu qu'il n'y auoit qu'un puits, en deux iours il fut rary, de sorte qu'ils estoient prests de se mettre à sa miséricorde, la corde au col: mais le Roy qui par plusieurs fois auoit mandé audit Duc de Vendosme qu'il eust à passer outre sans s'arrester là, ny ailleurs, & luy fit vn reiteratif mandement, & commandement, que sur peine de desobeissance, & d'encourir sa malgrace, il eust ce iour là à le venir trouuer au Chasteau en Câbrezis, auquel lieu il ne feroit faute de se trouuer, à quoy il ne voulut desobeir, & leua son camp à la grande ioye des assiegez, à son grand regret. Le Roy estant arrivé à Chasteau en Cambrezis, monsieur



l'Amiral le vint trouuer, ayant tousiours laissé son camp pres Landrecy, lequel luy apporta le dessein de la villes à ce qu'il en ordônast son bon plaisir. Le Roy luy commanda de se venir loger à Chastillon, deux lieuës au dessus de Landrecy sur la riuere, & que le lendemain il se trouueroit audit Chastillon, avec toutes ses forces, & là estans sur les lieux, ils concluroyēt ce qu'ils auoyent à faire. Estans ses forces vnies audit lieu de Chastillō se trouua son armee de seize ou dix-huit cens hommes d'armes, sauoir est, Monseigneur le Dauphin en personne, ayant cent hommes d'armes sous sa charge, Monseigneur d'Orleans & sa compagnie de cent hommes d'armes, Antioine Duc de Vendosmois cent, le Comte de Sainct Paul eēt, Monsieur l'Amiral cent, Monsieur le Duc de Guise cent, Monsieur d'Aumalle son fils cinquante, le Marechal du Biez cent, la compagnie de Monsieur d'Anguien qui estoit allé en Prouence, ainsi que ie vous diray par cy apres cinquante, le sieur de Brissac cinquante, le sieur de Dampierre cinquante, le sieur de Maugeron cinquante, Monsieur de Boisy cinquante, le sieur de Longueual cinquante, le sieur de Bonneual cinquante, & plusieurs autres qui seroyēt longs à nommer: & dix-huit cens cheuaux legers, dont estoit colonel le sieur de Brissac, douze mille legionnaires, tant de Picardie, Normandie, que de Champagne, le colonel du sieur de Roignac, de quatre mille bas Allemans, le colonel du sieur de Fresnoy Lorrain de quatre mille, le colonel de Lüdouic de quatre mille. Ayant veu son armee en campagne, entre Chastillon & Landrecy, apres auoir resolu de fortifier Landrecy, & auoir ordonné de ceux qui en auroyent la charge, delibera d'aller loger à Marolles, qui est vn gros bourg, où y a vne abaye de moines, sur la riuere de Sembre, deux lieuës au dessous de Landrecy, parce q̄ c'estoit le lieu plus à propos pour empescher l'ennemy de venir trou-

Noms des  
seigneurs de  
l'armee de  
Marolles.

Assiette de  
Landrecy, &  
la fortifica-  
tion.

troubler les fortificateurs , puis ordonna le capitaine la Lande pour gouverneur d'icelle ville. Or est-il que la riuere de Sembre passe au bas de la ville du costé de la forest, & parce que ladite ville est fort en pête le Roy la fit retrencher, car du costé de la forest il y a vne montaigne qui regardoit dedans , mais à l'occasiõ dudit retrenchement on estoit à couuert , & fit abandonner tout le bas: aussi y furēt faits trois gros boulleuerts, dont l'un fut nommé le Dauphin, l'autre le boulleuert d'Orleans, & l'autre le boulleuert de Vendosme, & le retrenchemēt fut nommé la courtine du Roy: & pour seruir de quatrieme boulleuert, y auoit vn vieil chasteau en forme de roquette, qu'il fit remplir de terre, pour en faire vne plateforme, seruant de flanc ausdits boulleuerts.

QUELQUE temps au parauant le Roy estant aduertý de l'armee de mer , que Barberouffe amenoit à son secours , auoit enuoyé monseigneur François de Bourbon , sieur d'Anguien, frere de monseigneur de Vendosme, pour estre en ladite armee, iointe avec la sienne de Leuant, son lieutenant general. Ledit sieur d'Anguien estant à Marseille, attendant nouuelles de l'armee de Barberouffe, le sieur de Grignan, lequel estoit lieutenant du Roy à Marseille, luy proposa vne vendition que luy deuoyent faire trois soldats Sauoisins du chasteau de Nice, qui luy promettoyent liurer ledit chasteau, disans auoir telle intelligēce dedās qu'à leur arriuee il leur seroit liuré. Le sieur d'Anguien apres auoir sur ce entendu la volonté du Roy, delibera d'executer ceste entreprise: pour laquelle execution il fit equiper quatre galeres, dont estoient chefs les capitaines Magdalon chevalier d'Aux, Pierre Bõ, & Michelet: & encores qu'il fust ieune d'age, seulement de vingt ans, s'y voulut conduire dextrement & sagemēt, ne se voulant du tout mettre au hazard de traistres, lesquels pouuoýēt aussi aisēmēt v-

Fausse pratique pour le chasteau de Nice.

Perte de  
quatre ga-  
leres du  
Roy Fran-  
çois,

dre l'estranger que sa patrie. Et pour ne riens laisser derriere du seruice qu'il pouuoit faire au Roy s'il prenoit ledit chasteau, se ietta en mer, avec vnze galeres outre les quatre, & quelque assurance que luy donnaist ledit sieur de Grignan de la facilité de l'entreprise, & du peu de danger qui estoit en icelle execution, donna charge audit capitaine Magdelon, frere du Baron de Saint Blanquart, de se mettre deuant, avec lesdits quatre galeres, menât quât & luy les marchans. Et luy avec le reste des galeres, print le largue & l'auantage du vent, ou pour seruir ses gens, ou pour se retirer, si trayson y auoit, comme tost apres elle fut descouuerte: car soudain que ledit Magdelon approcha pres de Nice, sortirent fix galeres pour l'ineustir, & quinze qui venoyent apres, conduites par Ianetin Dorie, couuerres du cap Saint Souspir, lesquels donnerent la chasse audit Magdelon & sa compagnie iusques dedans le port d'Antibe, où lesdites galeres furent abandonnees, reserué le capitaine Magdelon, qui fut blessé d'un coup de canô par la cuisse, dôt il mourut, & furent amenees lesdites quatre galeres par Ianetin au port de Villefranche. Le seigneur d'Anguien estât surgy au Cauroux, Ianetin q. venoit pour le surprendre, fut descouvert au clair de la lune, mais noz gens firent telle diligence de leuer l'ancre, & faire force & volte, que terre à terre ils se retirerēt à Toulon sans riens perdre.

Le Roy cependant qui estoit à Marolles fut aduertie que le chasteau d'Emery, q. est à deux liuës par dela, au dessous, sur la riuere de Sembre estant entre ses mains, se pouuoit fortifier: à ceste cause ordonna monseigneur le Dauphin, avecques vne partie de son armee, & vne bade d'artillerie, pour y aller le mettre en son obeysâce, lequel arriué deuât ladite place mal pourueü d'hommes, par ce que le seigneur d'icelle estoit à la guerre en Gueldres, ceux de dedans voyans  
les

les approches faites se rendirent à luy : & fut laissé dedans le sieur de Sanfac, avec deux cens chevaux légers, dont il auoit la charge, & quelque nombre de gens de pied, mais peu de iours apres il fut retiré au camp, & en son lieu fut enuoyé le sieur de Langey, avec sa compagnie, & vne enseigne de gens de pied de la legion de Picardie, à laquelle commandoit le capitaine la Moyenne, & le seigneur Hieronyme Marin Boullonnois fortificateur pour fortifier ladite place. Aussi fut prins Barlemont autre chasteau sur ladite riuere, & tout le pays couru iusques à Bauais, & près les portes de Monts en Hainault : ledit chasteau d'Emery est composé d'une roquette, en quadrature, ayant quatre grosses tours aux quatre coings d'icelle roquette, & vn grand fossé à fons de cuue plein d'eau, puis reuestu de quatre courtines, enuiron cinquante toises de chascque circonference loing de ladite roquette avecques quatre grosses tours aux quatre coings desdites courtines, & vn portail : & est ledit chasteau assis en vne Isle qui fait en cest endroit la riuere de Sêbre, & ne se peult battre ceste roquette, à cause qu'elle est couuerte de la douue d'icelle ceinture. Derriere chacune encongneure des quatre tours qui sont en ladite ceinture, le sieur de Lâgey fit commencer vn grand caualier, & parce que les tours n'estoyent suffisantes pour soustenir vne furieuse batterie, auoit aussi fait commencer de grandes trenchées par dedans, de caualier en caualier, afin que là où l'ennemy auroit batu, & les tours & la courtine (chose toutesfois qui estoit mal-aisée à faire, parce que la muraille & la chaux estoient de marbre noir) il trouuaist nouuel obstacle.

A v s i peu de iours apres le Roy aduertiy que la ville de Maubenge, située sur la mesme riuere de Sêbre, iiij. lieues au dessous d'Emery, en laquelle auoyét accoustumé les ennemis de faire leur amas quād

Prise de  
Maubenge.



ils vouloyent faire entreprife en France, depeſcha de-  
rechef mondit ſeigneur le Dauphin, pour l'aller met-  
tre en ſon obeiffance, lequel arriué deuant la ville  
pour n'eſtre pourueué de gens de guerre, qui atten-  
diſſent le canon, les citadins ſe mirét entre ſes mains,  
& puis il ſe retira au camp, laiſſant pour chef audit  
Maubenge le ſieur d'Heilly, avecques mille hommes  
de la legion de Picardie, dont il auoit la charge, & le  
capitaine Sainct Yue, avec cinq cés hommes. En icel-  
le ville y a vn beau couuent de canonieſſes gentifem-  
mes, leſquelles ne font aucun veu de religiô, & ſe peu-  
uent marier à leur volonté.

CINQ ou ſix iours apres la garniſon d'Emery, e-  
ſtant aduertie que de iour en autre les ſoldats Impe-  
riaux qui retournoyét de la guerre de Gueldres, ve-  
noyét loger aux fauxbourgs de Bains, & villages cir-  
conuoifins, ne ſe doubans de rien, d'autant qu'il y a-  
uoit dix lieües du camp iuſques là, & qu'il n'y auoit  
gens de cheual dedans Maubenge, entreprint de les y  
aller ſurprendre, faiſant entendre au ſieur de Mauge-  
ron qui eſtoit au camp à Marolles, q̄ s'il vouloit ve-  
nir avec ſix ou ſept vingts hommes d'armes, on trou-  
ueroit moyé de faire entreprife, dont il pourroit ſor-  
tir hōneur & profit, lequel y vint avec ſa compagnie  
de cinquāte hōmes d'armes, & enuiron quatre vingts  
hommes d'armes de la compagnie de monſieur l'A-  
miral d'Annebault conduits par le ſieur de Fontaines  
d'Harcourt ſon lieutenant. Paſſans aupres d'Emery  
allerent enſemblement repaiſtre à Maubenge, & par-  
ce que les nuits eſtoient courtes ils monterent à  
cheual à iour couché menant ſeulement quant. & aux  
de la garniſon de Maubenge le capitaine Sainct Yue,  
avec cinquāte arquebuſiers à cheual, pour rompre les  
maifons des fauxbourgs de Bains: & mirent leur am-  
buſcade à vne lieüé au deçà de Bains, en vn bois: & fut  
depeſché le ſieur de Maruille lieutenant du ſieur de  
Langey

Surpriſe &  
butin fait  
à Bains.

Lâgey, & avec luy le Vidafme de Chartres, & le sieur de la Roche-guion, qui y esloyēt allez pour leur plaisir, & pour mener lesdits arquebusiers à cheual de S. Yue pour au point du iour surprendre les Imperiaux dedâs les faux bourgs. Puis enuoyerent le capitaine la Mothe Goudrin lieutenant du sieur de Maugeron demeuré malade à Maubenge avec la compagnie de son capitaine, pour donner iusques aux fauxbourgs de Mons, qui est à deux ou trois lieues pres de Bains, & Bains est à quatre lieues pres de Maubenge: ayant iceluy la Mothe charge de mettre le feu en quelques maisons d'iceux fauxbourgs, afin d'oster à ceux de la ville (où y auoit grosse garnison, tant de cheual q de pied) la cognoissance de l'execution qu'on vouloit faire à Bains. Et se deuoyent les deux troupes retirer à l'embuscade où estoit le sieur de Langey pour les soustenir, auenant qu'ils fussent chargéz par l'ennemy. Ceux qui allerent à Bains surprindrent dedans les fauxbourgs cent ou six vingts hommes de cheual, qui estoient arriuez le soir, qui furent tous prins dedans leurs logis, hors mis quelques vns qui se sauuerēt parmi les hardins tous en chemise: & apres auoir pillé les villages circonuoisins, mesme vne abbaye voisine de là, où se trouua grand butin, par ce q nul s'estoit retiré, à raison qu'il y auoit dix lieues iusques à nostre camp, & qu'il n'y auoit point de gēs de cheual à Maubenge, se retirerent à l'embuscade, aussi firent ceux qui estoient allez à Mons, lesquels pareillement ramenerēt gros butin. Estans leurs forces & butin rassemblez retournerēt à Maubenge, & le butin departy, chacun se retira où il estoit ordonné.

Ce jour mesme Monsieur d'Aumalle fils aisné du Duc de Guise, ayant fait entreprise pour attirer ceux d'Auennes hors de leur ville, quelques vns sortirent, mais ils n'abandonnerent la faueur de leur artillerie: monsieur d'Aumalle esperant les irriter pour sortir

plus auant, les chargea iusques sur le bord de leurs fosses, où ils perdirent beaucoup de leurs gens, & de sa part n'y mourut qu'un homme, toutesfois ils ne s'esmeurent autrement: & combien que ledit sieur y fust demouré bien tard en intétion de les prouoquer d'auantage, si n'eut-il moyen de les attraire, lequel voyât qu'il perdoit temps se retira au camp.

Retraire de  
noz gens de  
deuant Mōs  
& Maubenge.

Le Roy ayant entendu tant par les prisonniers que lon auoit emmenez de Bains, que par les François qui y auoyent esté, que dedans n'y auoit aucuns gens de guerre (au moins bien peu) y enuoya Monseigneur le Dauphin, & l'Amiral d'Annebault avec vne partie de l'armee, ne retenant que ce qui estoit besoin pour tenir en seureté ceux qui fortifioyēt Lâdrency, pour la reduire en son obeissance, mais il fut abusé, car les ennemis le lédemain qu'ils eurent eu cest alarme, auoyēt mis en la ville quatre enseignes de Lâsquenets de renfort, & aussi ils estoient aduertis comme mondit seigneur le Dauphin ne menoit viures q̄ pour deux iours dont ils pouoyent iuger qu'ils n'auroyēt à soustenir q̄ le premier effort, parquoy delibererent de faire teste à nostre armee. Lors que Mōseigneur le Dauphin arriua deuant la place, ceux qui conduisoient l'œuure n'ayans cognoissance de la forteresse, planterēt l'artillerie au lieu qui estoit le plus remparé & le plus defensible, de sorte que la batterie n'y fit grand dōmage, si est-ce que plusieurs ieunes hōmes voyans la presence de Monseigneur le Dauphin se hazarderent de donner iusques aux fosses, où ils furent bien recueillis, & en eut de morts & de blesez, & entre autres y mourut le sieur d'Allegre ieune homme, qui pour son aage auoit ia fait honneste preuue de sa personne, aussi le sieur de Chastillon Gaspard de Colligny ieune homme de grande volonté y eut ane arquebusade à la gorge, dont avec le temps il fut guery.

Le Roy adueruy du grand nombre d'hommes qui y estoient

y estoient , iusques à douze ou quinze cens Allemãs, & estât pressé de Monseigneur le Dauphin de luy enuoyer renfort de munitions d'artillerie, & de viures, ayant deliberé sous son bon plaisir de ne partir de là qu'il ne l'eust mise en son obeissance. Considerant toutesfois ieluy le hazard qui pouuoit aduenir de tenir son armee separee , & que s'il alloit en personne se ioindre avec Monseigneur son fils , il laisseroit sa fortification de Landrecy cōmencee & imparfaite: & demourant seul comme il estoit, estât sa principale force en la cōpagnie de sondit fils, les ennemis qui se renforçoient à Mons & au Quesnoy le Côte, quelque nuit luy pourroyent donner vne camisade. Pour y obuier mada à monseigneur le Dauphin qu'il eust à se retirer deuers luy, qu'en passant il retirast les forces qui estoient à Maubenge, rompant les fortifications, & mettant le feu dedans les maisons, par ce que c'estoit la ville en laquelle ordinairement l'Empereur assembloit ses forces venãs d'Allemagne & de ses pays bas, à cela fut obey par monseigneur le Dauphin, mais à grand regret de se retirer sans rien executer,

A v retour de Monseigneur le Dauphin, le Roy eut aduertissement qu'il y auoit deux places entre Auenes & Simay, l'vne appelée Trelon, & l'autre Glayon, ausquelles coustumierement y auoit gens de guerre qui portoyent grand dommage à sa frontiere de Thierasse & de Champagne. Pour y aller despescha le sieur de Bonneual avec sa compagnie de cinquante hommes d'armes, & le sieur de Stenaye lieutenant de Monseigneur d'Anguien, lequel estoit en Prouence, & le regiment de Lansquenets du seigneur de Roignac, & deux mille hommes de pied François, mille du seigneur de Basqueuille, & mille du capitaine saint Aubin Gobellet, tous deux de la legion de Normãdie, avec quatre canons & leur suite.



Arriué que fut ledit sieur de Bonneual deuant Trelon, apres que ceux de dedás eurent apperceu marcher le canon, estimans que tout le camp du Roy y fust, enuoyerent pour parlementer, & se rendirent la vie sauue seulement : aussi firent ceux de Glayon : puis apres auoir fait butiner aux soldats ce qui y estoit, le sieur de Bonneual fit brusler lesdites places, sans autrement ruiner la fortification, sinon abbattre les portes, qui fut cause que ladite place de Trelon fust depuis fortifiée par les ennemis : car auant qu'elle fut bruslee, le seigneur d'icelle place craignoit à la fortifier, pour le regret qu'il auoit de desmolir vn bastiment qui touchoit à la muraille. Ledit sieur de Bonneual ayât exécuté sa charge se retira au camp.

*Demolition  
du chasteau  
d'Emery.*

QUELQUES iours apres, le Roy manda Martin du Bellay seigneur de Langey, qui estoit au chasteau d'Emery venir deuers luy, pour sçauoir l'estat auquel estoit ledit chasteau, lequel luy fit entendre (quant à ce qui rouchoit la fortification) que dedans douze iours la place seroit en estat pour soutenir l'effort d'une grosse armee : mais qu'il estoit besoin de la pouruoir de viures : car estant son camp retiré, il estoit mal-aisé d'y en mettre, d'autant qu'il y auoit entre Landrecy & Emery deux riuieres qu'il faut passer à pont, attendu qu'elles ne sont gayables, & aussi que la ville d'Auennes luy coupoit le chemin. Le Roy y voulant donner ordre fit venir le President Oliuier depuis Chancelier de France, les sieurs d'Esturmel, de la Hargerie, & de Pierreniue, qui estoient commissaires des viures, pour s'enquerir du moyé qu'ils auoyét de fournir viures audit chasteau, lesquels firent rapport audit sieur qu'ils n'auoyét l'opportunité d'enuitailler l'armee, & la ville de Landrecy, & que s'ils mettoyét viures dedans Emery, on affameroit le camp, & n'y auroit ordre de pouruoir Landrecy, à faute du charroy qui ne pouuoit venir à cause des pluyes cōtinuelles,

les, qui n'auoyent cessé depuis trois semaines ou vn mois. Ayant ledit sieur entédu ce rapport, & se voyant pressé d'enuoyer secourir le Duc de Cleues, à l'occasion qu'il auoit nouuelles que l'Empereur avec son armee approchoit pres de ses pays, delibera de retirer les hommes qui y estoient, & de faire raser ledit chasteau, renuoyant sur le champ ledit sieur de Langey pour ce faire, lequel fit telle diligence à la ruine d'icelle place, tant par mines que par autres moyens, que dedans quatre iours les quatre tours de la Roquette, & le portail de la closture, avec deux des grosses tours des courtines volerent en l'air, & furent renuersees dedans les fosses, & fut la ruine si grande q depuis on ne l'a redifiée. Puis pour approcher pl<sup>us</sup> pres de ses viures, le Roy retourna loger à Chastillō, qui est entre Guise, Bohain & Landrecy, & de iour en autre ne failloit d'aller reuisiter ses fortifications de Landrecy; pour hastier l'ouurage, mesmes tous les Princes & seigneurs de son camp estoient ordinairement à la sollicitation, mais on n'y pouuoit faire telle diligence qu'on eust voulu, à cause de la continuation des pluyes, comme i'ay predict.

ENVIRON la fin de Iuillet le Roy voyant sa place de Landrecy desia en estat, & que sans auoir espaulle d'une armee, on pouuoit continuer la fortification s'il laissoit seulement à Guise quelque nombre de gens de cheual & de pied, pour y conduire les viures, se retira audit lieu de Guise, pour aduiser au secours du Duc de Cleues son allié, & laissa dedans Landrecy pour gouverneur le capitaine la Lande, avec deux cens cheuaux legers sous sa charge, & mille hommes de pied de la legion de Picardie, à laquelle pareillement il auoit à commander. Et par ce que iceluy la Lande estoit malade d'une fièvre tiercée, craignant qu'elle ne rengregeast, dōt son seruice peust demeurer, y ordonna le sieur de Dessé lieutenant de la

compagnie de cinquante hommes d'armes du Duc de Montpensier, avecques ladite compagnie, luy donnant pareil pouuoir que audit capitaine la Lande. Outre y laissa iusques à deux mille hommes de pied. Et puis estant à Guise depeſcha monſieur de Vendosme, pour aller en la basse Picardie, vers Môstreul & Abbeuille, à ce que l'ennemy ne fist entreprise de ce costé là, & mit à Guise le Prince de Melphe, avec deux ou trois cens hommes d'armes. Et aussi le ſieur de Brissac, avec douze ou quinze cens cheuaux légers, dont il estoit general, pour faire l'enuitaillement & mener ce qu'il seroit necessaire à Landrecy. Et apres auoir ainsi pourueu aux affaires, s'en alla à Marle, & dela à nostre Dame de Lieſſe, pour que'q̃ temps se refreschir aux chasses le long de la montaigne de Reims.

Grosse escar-  
mouche à  
l'entour de  
Landrecy.

Peu de temps apres que le Roy se fut retiré de Guise, le Comte du Reu avec les forces du pays bas, pensant surprendre Landrecy, nō pourueu de viures, vint planter son camp vers la forest de Mormaux, mais ce fut trop tard, car desia le Prince de Melphe y auoit mis bon nombre de viures. Le Duc d'Aumalle, François de Lorraine, fils aîné de monſieur de Guise, le Duc de Neuers, les deux freres de la Rochefoucault, le ſieur d'Andelot, les deux freres de Brezé surnommez de Maillé, le ſieur de Creuecœur, le ſieur de Bonniuet son frere, ſainct Laurés de Bretagne, Mouy, ſainct Phale, & vne bonne part de la ieunesse qui ſuyuoit Monſieur le Dauphin, eſperās faire faits d'armes, & acquerir honneur, partans de la court se mirēt dedans. Vn iour le Comte Roquendolſe pour lors fauorisé del'Empereur, partit du camp Imperial, & vint passer l'ariuiere de Sambre à Marolles, & se vint mettre en embuscade sur le chemin qui vient de la Chapelle en vn vallō, pres de Longfauery, & enuoya quarante cheuaux deuant la ville pour les attirer à l'escar-  
mouche,

mouche, le sieur de Dessé & le capitaine la Lande fi-  
 rent sortir le capitaine Ricaruille lieutenant des che-  
 uaux legers dudit la Lande, avec trente cheuaux pour  
 recognoistre ce qui estoit derriere, mais l'escharmou-  
 che s'attaqua forte & roide, car à toutes fins les Im-  
 periaux voulurent empescher que leur embuscade ne  
 fust descouuerte. Messieurs d'Aumalle & de Neuers &  
 le reste de la ieunesse, ne voulurent perdre leur part du  
 passe temps, parquoy encores que ce ne fust l'opinion  
 des vieils capitaines, sortirent pour soustenir les no-  
 stres qui estoient renuersez. Le Comte Roquendolse  
 voyant les siens foulez, enuoya son lieutenant avec  
 cent cheuaux pour soustenir les siens, lequel lieutenât  
 dès la premiere charge fut porté par terre & pris pri-  
 sonnier emmené dans la ville. Le Comte Roquen-  
 dolse de ce irrité, debusqua avec toute sa troupe, le-  
 quel renuerfa les nostres, de sorte que à peine se suf-  
 fissent saueuz sans le capitaine la Lande, qui sortit avec  
 six cés arquebousiers, & quatre cens picquiers, lequel  
 arriuant au combat, remit les nostres debout, de sorte  
 que les Imperiaux furent renuersez, & plusieurs depe-  
 ris, & tuez. Des nostres n'y fut pris q̃ S. Laurés, lequel  
 le lendemain fut renuoyé en eschange du Lieutenant  
 de Roquendolse. Le Roy de ce aduertý les contre-  
 mãda de se retirer deuers luy pour l'entreprise du Lu-  
 xembourg: mais à vray dire c'estoit craignant qu'ils  
 n'en fissent encores de seblables ou plus mal, au moyé  
 dequoy sa ville pourroit estre en hazard. Le Roy ce  
 pendant estoit au tour de Reims, pour conclurre du  
 chemin plus expedient, pour secourir le Duc de Cle-  
 ues. Toutes choses debatues se trouua n'y auoir che-  
 min plus expedient que d'affaillir le Duché de Lu-  
 xembourg, pour par ce moyen diuertir les forces de  
 l'Empereur, ou à tout le moins ayant prins Luxem-  
 bourg, d'auoir le passage plus facile pour luy enuoyer  
 vne armee à son secours. Et pour cest effect depešcha



le sieur de Longueual, & en sa compagnie le sieur de Langey, le sieur de Dampierre, & le sieur de Decars, pour aller à Stenay, ville sur la Meuse, entre Verdun & Mouson, à l'entree dudit Duché de Luxembourg, laquelle depuis peu de temps il auoit eue du Duc Antoine de Lorraine, en eschange d'autres terres, pour faire les preparatifs, tant de viures qu'autres choses pour le passage de son armee. Ce q̃ lesdits sieurs ayans executé, & bien entendu par espies & autres aduertissemens en quel estat estoient les affaires de Luxembourg, ledit sieur de Langey retourna en poste deuers le Roy, lequel il trouua en vn village, à trois lieues de Reims, auquel il fit entendre ce qu'ils auoyent negocié, & aussi de la grâd' armee que l'Empereur amenoit, tant d'Italie que d'Allemagne, laquelle estoit presté, ou pour marcher contre le Duc de Cleues, ou (comme il estoit plus à coniecturer) pour secourir son pays de Luxembourg, s'il estoit assailly.

Q V E L Q V E recit que ledit seigneur de Langey eust fait au Roy de cest armee que menoit l'Empereur, si est-ce qu'il ne se diuertit de sa deliberation, ayant determiné que là où l'Empereur marcheroit en personne, aussi de s'y trouuer pour le combattre en son pays, & tenter la fortune si ledit Empereur auroit cest heur, estant present comme il auoit eu par ses ministres: & au cas que sondit ennemy marchast, cōclud aller à saint Menchoult place sur l'entree de Luxembourg, pour y estre plustost ioint à son armee, ou pour deuaner son ennemy. Aussi consideroit cōbien ce luy seroit grande reputation, de leuer de ses mains vne Duché des plus anciennes de la Chrestienté, dont il estoit sorty cinq Empereurs, la plus part desquels ont audit lieu leurs sepultures, au cas que l'Empereur estant proche de là avecques toutes ses forces, d'Espagne, d'Italie, & d'Allemagne, ne osast entreprendre de la venir secourir.

P O V R

P O V R ladite execution ledit Seigneur ordonna Monseigneur le Duc d'Orleans son fils puisné, & avecques luy, à raison de sa ieunesse pour la conduite de son armee l'Amiral d'Annebault.

E S T A N T donc le Roy resolu de faire son entreprise, il manda au Prince de Melphe (lequel à son retour de deuant Landrecy apres l'auoir fortifiée, il auoit laissé son lieutenant general à Guise) se retirer deuers luy, prenant le chemin de Reims, avecques la gendarmerie, cheuaux legers, & gens de pied estans en sa compagnie: & manda au Duc de Vendosme, qui estoit (comme i'ay dit) en la basse Picardie, qu'il se retirast audit lieu de Guise, avecques les forces qu'il auoit, tant de cheual q̃ de pied, pour fauoriser en tout ce qu'il seroit necessaire la ville de Landrecy. Le Prince de Melphe pour obeir au commandemēt du Roy, d'autant que la plus grande part des cheuaux legers estoient logez en deux villages par dela, en l'abaye de Bouhourie vne lieue au desloubz de Guise, sur la riuere d'Oyse, tirant le chemin de Bohain, & de Landrecy, cōmanda au seigneur de Brissac de les faire retirer à Guise, pour partir le lendemain tous ensemble à la pointe du iour. Le sieur de la Hunauldaye capitaine de deux cens cheuaux, & le capitaine Theode Bedaigne Albarois, ayant pareille charge, se trouuās bien logez, delibererent de coucher audit lieu, laissant partir leursdits compagnons, esperās de s'loger si matin qu'ils seroyent à Guise auant le deslogement du seigneur de Brissac leur general: mais de fortune les forces que l'Empercur auoit en ceste frontiere, s'estoyēt assemblees ce iour là, pour aller assaillir le chasteau de Bohain, & comme elles estoient sur leur chemin, le seigneur de Licques lieutenant de la cōpagnie du Duc d'Arscor, fut aduertiy par ses espies q̃ lesdites bandes de cheuaux legers estoient demeurees seules audit lieu; dressa entreprise de les aller surprendre &

deffaire; & pour cest effect tira des troupes Imperiale huit cens cheuaux esleuz Bourguignons, & deux cens Anglois, & quatre enseignes de gens de pied. Estant marché & voyant desia le soleil leuant, & ses gens de pied marcher trop lentement, print les deuans avecques la caualerie, se faisant suyure par les gens de pied, craignant arriuer trop tard sur le logis de noz cheuaux legers. A son arriuee assaillit le logis du capitaine Theode Bedaigne, lequel ne voyant point de gens de pied, & se voyant seulement surprins de la caualerie, ferma la porte de son logis, & pendant le tēps que les ennemis descendirent à pied, & s'amuserent à rompre la porte d'une grange où il estoit logé, mist le harnois sur le doz, & monta à cheual, la lance sur la cuisse, & à la desesperade sortit, estant la porte rompue, & de furie donna pesse-messe, de sorte qu'il faulca ce qu'il trouua deuant luy, & se vint joindre avecques sa troupe sans dommage, & avecques celle du seigneur de la Hunauldaye, qui estoit à cheual. Cependant le seigneur d'Aché ayant charge de deux cens arquebusiers à cheual, & Bertran de Foissy seigneur de Crené, oyans l'alarme, estans logez à l'Abaye de Bonhourie, monterent à cheual, & forcerent le pont que les ennemis gardoyent, & vindrēt au secours des cheuaux legers, lesquels voyans leur secours prindrent cœur, de sorte qu'avec l'aide des arquebusiers à cheual repousserent les ennemis. Estāt venue l'alarme à Guise, le capitaine Theode Manes, qui estoit logé aux fauxbourgs de Guise, avecques deux cens cheuaux legers, mōta à cheual par le commandement du seigneur de Brissac, general de la caualerie, pour soustenir ses compagnons, pendant que ledit seigneur de Brissac (d'autant que desia ses troupes s'estoyent acheminees le chemin de Marle) emprunta du Prince de Melphe enuiron soixante cheuaux pour suyure ledit Theode, pour secourir ses compa-

compagnons, avecques laquelle troupe passa l'eau à Guise, par le fauxbourg, pour se ietter entre les bois & la riuere, esperant que les ennemis estans trauallez du long chemin qu'ils auoyent fait, & leurs cheuaux deballez, les trouuans en cest estat, leur pourroit faire receuoir vne honte. Ayant fait vn mille, & arriuez sur vn hault, fut aduertý par le capitaine Theode Bedaigne que les ennemis commençoient à bransler, pensans nostre armee estre toute sur leurs bras, parquoy il estoit besoin de les charger deuant qu'ils eussent loisir de se recognoistre, ce qui fut fait. Car s'estans rassemblees toutes ses troupes ensemble, furent chargez de telle vigueur que leur cauallerie fut renuersee sur leurs gens de pied, de sorte que tout s'en alla à vau de route, & furent suyuis si chauldement qu'il en demeura sur la place trois cens de morts, & six cens prisonniers, & les quatre enseignes de gens de pied prises, avecques deux cornettes de la cauallerie. Le reste de l'armee Imperiale, qui estoit allé assaillir Bohain, ayant eu nouvelles de ladite deffaite pensans que nostre armee fust toute ensemble, entreurent en tel effroy, que sans paracheuer leur entreprise se retirerent au Quesnoy le Comte.

DESIA estoit arriué à Stenay vne partie de l'armee, entre autres monseigneur d'Aumalle, monseigneur le Marquis du Maine son frere, le seigneur de Longueual, le Viconte d'Estauges, le sieur de Dampierre, le sieur de Langey, le sieur de Decars, & quelque autre nombre de gendarmerie, iusques à trois cés hommes d'armes, & six ou huit cens cheuaux legers, avecques le regimēt de quatre mille Lansquenets du seigneur du Fresnay, & enuiron sept ou huit cés hommes de pied François, attendans la venue du Duc d'Orleans & de l'Amiral d'Annebault, & du reste de l'armee. Ledit sieur de Longueual fut aduertý que ceux qui deuoient entrer dedans Luxembourg (lesquels



pouuoient estre trois mille hommes de pied, & quatre cens cheuaux) estoient logez à six lieuës de ladite ville de Stenay, par delà les bois, en vn grand village, pres de Saincte Marie, au Comté de Signy, lieu mal-aisé à y conduire vne armee, auquel ils deuoyent faire leurs monstres, & receuoir deniers, pour au partir de là se mettre dedans Luxembourg. Cela bien considéré, avec l'aduis des capitaines fut ordonné de les y aller surprendre: & pour cest eff. & partismes dudit Stenay, avecques deux canons & deux longues couleurines, afin que si les ennemis nous sentans venir, se retiroyent à Saincte Marie, & autres petits chasteaux des enuiron, on eust moyen de les forcer, ou bien, au cas qu'ils ne s'y retirassent, les ruiner, à ce que l'ennemy ne mist gens de cheual dedans, pour nous rompre les viures quand nous serions deuant Luxembourg.

AYANS marché iusques à l'entree des bois, il estoit enuiron demie heure de nuict, & parce que le village, auquel estoient les ennemis, estoit à vn quart de lieuë delà les bois en la plaine sur vn petit ruisseau, & vn quart de lieuë outre ledit village, pareillement y auoit vn autre bois, pour obuier qu'ils ne s'y retirassent, fut ordonné le sieur de Descars, avec deux cës cheuaux pour marcher deuant, & autres quatre cens cheuaux, qui le deuoyent suyure pour le soustenir, & puis trois cens hommes d'armes, avec les Lansquenets marcheroient apres le plustost que leur seroit possible. Semblablement luy fut ordonné, quand il seroit arriué à la faillie du bois, qui pourroit estre au point du iour, qu'il donneroit à toutes brides dedans ledit village, pour les surprendre dedans leurs lits, & les empescher de se ietter en bataille, pendant que monseigneur d'Aumalle avec lesdits quatre cens cheuaux le suyuroit pour le soustenir. Ledit sieur Descars arriuant au bort du bois, à l'heure qu'il estoit dit, despescha

pescha le capitaine la Chappelle de Biron, avec trente  
 salades, pour donner à toutes brides dedans le villa-  
 ge, & luy le deuoit suyure aux talons: ledit la Chappel-  
 le executa ceste charge, & trouua la pluspart des en-  
 nemis, les vns sellans leurs cheuaux, autres en chemi-  
 se, effroyez, comme sont gens surpris en leur logis,  
 desquels il deffait quelques vns. Mais les ennemis le  
 voyans n'estre suyui, se recogneurent, & se remettans  
 ensemble, le contraignirent de tenir bride: cependant  
 ils sauuerent leur bagage, & l'argent de leur payemēt,  
 & eux aussi se retirerent sans grāde perte, car les bois  
 estoient prochains. Il est euident, q̄ qui eust poursuy-  
 ui, ainsi qu'il estoit ordonné, & en la sorte qu'il s'of-  
 froit, on eust fait grand seruice au Roy, car on rom-  
 poit toutes les forces que l'Empereur auoit deçà, &  
 mesmes on faisoit le payement desdits trois mille  
 homes de pied q̄ se deuoit faire apres dīner. Monsei-  
 gneur d'Aumalle, & monsieur de Longueual, voyās q̄  
 ceste entreprise auoit failly, tournerent leurs forces  
 sur le chasteau de Sainte Marie, lequel endura le ca-  
 non, mais il se rendit, avec plusieurs autres petites pla-  
 ces circonuoisines, lesquelles furent toutes rasees, si q̄  
 l'ennemy pour ce voyage ne s'en pouuoit preualloir.  
 Apres ceste execution lesdits sieurs se mirēt à leur re-  
 traite, repassans les bois, mais à grāde difficultē peu-  
 rent retirer leur artillerie, car deux iours & deux  
 nuicts la pluye ne cessa, attē du mesmes que le pays est  
 de soy fort enfondré, & qu'il y auoit grand nombre  
 de bois abbatu qui empeschoit les chemins: si est ce  
 qu'avec grand trauail nous vinsmes loger à nostre da-  
 me d'Aneau, à deux lieues de Stenay, & vne de Mont-  
 medy, deçà les bois, laquelle ville de Montmedy, en-  
 semble celle d'Yuoy estoient en l'obeissance du Roy,  
 dès la premiere cōqueste qu'auoit faite Monseigneur  
 d'Orleans, & Danuiller estant abandonnee.

AVANT lieu d'Aneau arriua monseigneur l'Ami-

Prise d'Ar-  
lon.

ral pensant venir à temps pour ladite entreprise, vn peu malcontēt de ce qu'on y auoit esté sans luy, mais il n'y auoit eu ordre de le surattendre, parce que l'ennemy le lendemain en deuoit desloger pour aller à Luxembourg. Apres auoir seiourné vn iour audit lieu, nous allasmes loger à Vireton petite place du Duché de Luxembourg, laquelle estoit abandonnee des ennemis: audit lieu se trouua Monseigneur le Duc d'Orleans: la nuit sequente, les Mareschaux de camp deslogerent pour prendre le chemin d'Arlon, & avec eux le seigneur de Brissac, & toute la caualerie legere. Arlon est (comme i'ay dit ailleurs) petite ville, sur le hault d'vne montaigne, en assez forte assiette. Le sieur de Brissac, pendant qu'on faisoit l'assiette du camp, alla en attendant l'artillerie l'investir, à ce q̄ personne n'y peust entrer ou en sortir: les soldats de dedans qui pouuoient estre quatre cens hommes, n'attendirent l'arriuee de tout le cāp, ains voyās marcher l'artillerie de loin (estant la place eminente) demanderent à parlementer, ce qui leur fut accordé, lesquels en fin sortirēt leurs bagues sauues, & les citadins firent le sermēt de fidelité. Et y fut laissé pour la garde par Monseigneur d'Orleans vn soldat nommé le capitaine Taubernier, avecques cinq cens hommes de pied. Le lendemain, qui pouuoit estre le dixieme iour de Septembre, nous partismes pour aller assieger Luxembourg, & y arriuasmes environ les dix heures du matin: dedans Luxembourg estoient quatre cens cheuaux en aussi bone equipage qu'il est possible. Et entre autres capitaines y estoit Gilles de Leuant homme fort estimé p̄ les Imperiaux, & Iean de Heul l'vn des seigneurs de Mets, & trois mille cinq cēs hommes de pied aussi bien armez & equipez que i'en vi onques.

Siege de Luxembourg  
par Mōsieur  
d'Orleans.

ESTANT le Duc d'Orleans arriué deuant Luxembourg, fut logé pres d'vne Eglise, en vne petite vallée, tirant le chemin dudit Luxembourg, au mont  
Saint

Sainct Ieā, à la portee d'une coulourine pres de la ville, tellement que les boulets venans d'icelle ville passoyent par dessus son logis, & auoit deuant luy logé le regiment d'Allemands du capitaine Ludouic, & à la main droite celuy du capitaine Fresnay, & sur la gauche les legionnaires de Normandie & de Champagne. Et estoient la gendarmerie, & cheuaux legers campez aux lieux plus auantageux, pour empescher l'entree & saillie de la ville (couuerts toutesfois) des gens de pied. L'assiette de Luxembourg est fort bizarre, la moitié de laquelle tirant vers France tient le hault & à l'opposite y a vne pointe de roche, tendant vers les bois, sur laquelle est assis le chasteau (fort antique & superbe) des anciens Ducs, & Empereurs issus de Luxembourg: au bas de la basse court d'iceluy est vne abaye, en laquelle y a deux ou trois Empereurs enterrez en sepultures fort riches, & magnifiques: pareillement y est inhumé le Roy de Boheme, qui mourut à la bataille de Cressy, estant venu au secours du Roy Philippe de Valois, cōtre Edouart le cōquerāt Roy d'Angleterre, le fils duquel Roy de Boheme estoit Empereur. A la main droite dudit chasteau, est la basse ville, à laquelle respondēt trois grâdes & pfondes valees, où courēt trois torrens, & sont ces valees en roches taillees, dont mal-aisément on peut descēdre à pied, sinō p̄ q̄lques endrois, & p̄ là se peut de iour en autre mettre secours dedans la ville sans le pouuoir empescher, car on y viēt tout à couuert des Audēnes. Qui fut cause q̄ dès la nuit q̄ nostre cāp arriua, on fit diligenter les aproches, & fut deliberé de faire deux batteries en vne encongneure de la haulte ville à la main dextre du costé de France, en les trauersant l'une sur l'autre: de l'une desquelles batteries print lacharge mōseigneur d'Aumalle, & avec luy le seigneur d'Alsier grand maistr̄ de l'artillerie: de l'autre le Seigneur Pierre Strossy gentil-hōme Florēt̄,

Assiette de  
Luxembourg.



cousin du feu Pape Clement, lequel nouvellement estoit venu d'Italie, ayant amené trois cens soldats Toscons tous signalez, ayans esté ou capitaines, ou lieutenans, ou enseignes, & estoient armez de corcelets dorez, avecques chacun vn caualin viste & disposé, les deux pars portans la picque, & la tierce l'arquebuse, allans tousiours avec les coureurs. Et s'il estoit besoin de combat, ou d'affaillir vn fort, ou garder vn passage, ou le conquerir soudain, se mettoient à pied, & ne leur falloit nul sergēt pour les mettre en bataille, parce que d'eux-mesmes chacun sauoit qu'il auoit à faire, car ils auoyent tous commandé.

MONSIEUR d'Aumalle ayant la principale breche en sa charge avec ledit sieur d'Assier, fit telle diligence, qu'une heure avant le iour ses pieces furent en batterie, & pour recognoistre quelque endroit de la ville (car il desiroit si assaut se donnoit y aller) sortit hors de la tranchée, habillé de blac comme il auoit esté toute la nuit pour estre cogneu des siens, à cause de l'obscurité: mais soudain qu'il fut hors de ladite tranchée, fut descouvert de dessus la muraille, & frappé d'un mosquet, ou arquebuzade à croq, q luy perça le dessus du col du pied pres de la cheuille, dont on fut contraint le reporter au logis, & de là à Long-vic, cinq lieues au deçà dudit Luxembourg, si fort blessé que sans le secours des chirurgiens du Roy, & aussi du Duc de Guise, son pere, lequel vint le faire penser, il estoit en danger de mort, car le coup estoit fort dangereux, pour raison des nerfs, & os qu'il auoit froissez.

Le iour venu monsieur l'Amiral d'Annebault, lequel auoit la charge de l'armée sous Monseigneur d'Orleans, & auoit esté toute la nuit aux tranchées, fit saluer la place de cinq ou six volees de canon, mais après ceux de dedans demanderent à parlementer, & à quatre des principaux fut baillé saufconduit  
pour

pour venir vers mondit seigneur d'Orleans : en fin plusieurs choses debatues d'une part & d'autre, fut accordé aux gens de guerre de leur en aller avec les armes & bagues sauues: quât aux citadins, ceux qui voudroyét demeurer faisâns sermêt de fidelité, iouyroyét de tous leurs biens meubles & immeubles, les autres pourroyent aller. seurement où bon leur sembleroit. Enuiron deux heures apres midy les Imperiaux forçirent de la ville, à sçauoir trois mille cinq cens hômes de pied, & quatre cens cheuaux en fort bon equippage, prenans le chemin de Bastongne au Comté de Siguy, audit Luxembourg fut mis le seigneur de Longueual en possession du gouuernement, & entra dedâs sa compagnie de gensdarmes, & le seigneur du Fresnay, avec deux mille Lansquenets, pour pourueoir à ce qu'elle ne fust saccagee: les habitans demurerent la pluspart avec leurs biens & franchises, hors mis les Presidens & Conseilliers du parlement, qui se retirerent en la compagnie desdits gens de guerre Imperiaux.

CE LA fait, Monseigneur le Duc d'Orleans assembla tous les capitaines en son logis, pour consulter de ce qui estoit à faire, considéré que tout le Duché de Luxembourg estoit en l'obeissance du Roy, hors mis Thionuille petite ville forte sur la riuere de Moselle, quatre lieues au deffous de Mets, leur proposant d'aller assaillir ladite ville, ce dont les capitaines ne furét d'auis, allegans qu'il y auoit danger que s'allant attaquer audit Thionuille (estant l'hyuer à dos) on n'eust cependant le moyen d'enuiailler Luxembourg, si le Roy auoit deliberé de la garder: mais il fut conclu qu'il seroit enuoyé deuers ledit seigneur vn gentilhomme, lequel luy remonstreroit les choses qu'on cognoissoit sur le lieu, c'estoit que malaisément on pouuoit fortifier Luxembourg, à cause de l'affiette, & des montaignes qui regardent la basse ville, & qu'il

ne se trouuoit autre expedient que de retrencher la haute ville d'avec la basse, chose qui seroit longue & de grande despenſe. Et ores qu'elle seroit fortifiée, si estoit-il mal aisé de l'enuitailler, pareillement estant enuitaillée pour cinq ou six mois, que toutesfois il falloit dresser vne bonne armee & gaillarde, pour la reuitailler, s'il y auoit continuation de guerre, qui ne seroit sans grands frais & onereuse despenſe, d'autant que l'ennemy ayant l'Allemagne à son cul, pouuoit en peu de temps (voyant ladite ville diminuee de viures) ietter vingt mille Allemans deuant, qui ne luy cousteroient qu'un escu pour homme: quant au Roy partant seulement de sa frontiere, luy falloit pour le moins sept iournees de camp, l'aller & retour compris, car il y en auoit de Stenay iusques à Luxébourg trois iournees & autât de retour, & vne pour descharger. Et pour conclusion il sembloit à la plus saine part des capitaines, que le meilleur, & plus expediât estoit de faire abbatre les murailles d'icelle ville, & fortifier Arlon plus fortifiable & facile à enuitailler. Aussi fut aduisé, en attendant sur ce l'intention du Roy, d'aller loger le camp au dessous du mont saint Iean, quatre lieues de Luxembourg, tirât le chemin de Thionuille & de Mets; afin de n'empescher les viures, que ce temps pendant on mettroit audit Luxembourg. Et si le plaisir du Roy estoit qu'on assaillist Thionuille, l'armee estoit à la porte.

Pour aller deuers le Roy luy faire lesdites remonstrances, fut ordonné le seigneur de Langey, Martin du Bellay, lequel trouua ledit seigneur à Sainte Menehou, ayant avecques luy le Comte de S. Paul, & le Cardinal de Tournon, qui auoit le manieement de ses affaires, en l'absence de monseigneur l'Amiral, & fit entendre au Roy amplement & par le menu tout ce qui auoit esté mis en auant, & debatue par les capitaines, estans pres de la personne de monseigneur

gneur d'Orleans. Monsieur de saint Paul, le Cardinal de Tournon, & autres estans pres du Roy furent bien d'aduis qu'on deuoit raser Luxembourg, veu la difficulté de l'enuitaillement: mesmes que le President Oliuier depuis Chancelier de France, lequel auoit la superintendance des viures, leur auoit mādē qu'à peine auoit-ille moyen (pour la faute de charroy) d'enuitailler le camp, & à plus forte raison, de mettre viures dedans Luxembourg. Mais le Roy, quelque persuasion qu'on luy fist, demeura en son opinion, de garder ceste ville, disant, qu'elle estoit son heritage, & si l'Empereur luy detenoit contre raison le Duché de Milan, luy par mesme moyen, & auecques raison pouuoit tenir celuy de Luxembourg: ores qu'il n'y eust autre droit (comme il auoit) & s'il ne tenoit la ville principale, il ne seroit nommé Duc de Luxembourg. Parquoy il enuoya tous ses maistres d'hostel, les vns à Semiers, autres à Estain, pays de Lorraine, & autres à Mets, pour auoir viures pour la fourniture de sa ville: & manda querir le seigneur de la Bourdaiziere auquel il en bailla la superintendence, estimant qu'il fust pour bien l'exécuter, & aussi resolut de luy-mesmes aller à Luxembourg, renuoyant ledit sieur de Langey deuers monseigneur d'Orleans pour luy declarer son intention, & afin d'enuoyer escorte au deuant de luy.

Le vingtcinquieme iour de Septembre le Roy partit de sainte Menehou, passant par Stenay, par laments, & Long-vic, & arriva en son camp, au dessous du mont saint Iean, & logea audit mont saint Iean, qui est vn chasteau sur vne montaigne, lequel il bailla en garde au seigneur de Sansac, capitaine de deux cens cheuaux legers, apres y auoir seiourné vne iournee pour ordonner de la fortification d'iceluy. Puis le lendemain veille de saint Michel s'en alla au giste à Luxembourg, auquel lieu il fit sa feste saint Michel,



& la ceremonie de l'ordre. Et consequemment disposa de la fortification d'icelle place.

PRE v de temps auparavant, ayant le Roy ordonné l'Amiral d'Annebault, pour passer outre, & aller secourir le Duc de Cleues, avec quatre cens hommes d'armes, & dix mille hommes de pied, eut aduertissement comme iceluy Duc de Cleues auoit accordé avecques l'Empereur: aussi estant à Luxembourg ledit iour saint Michel en intention d'y faire quelque sejour, luy vindrent nouvelles, que l'Empereur en toute diligence, après auoir reduit ledit Duc en son obeissance, marchoit avec toutes ses forces pour assieger Landrecy nouvellement fortifiée par le Roy dedans les pays dudit Empereur. Aussi luy manda monseigneur de Védosme qui estoit à Guise, que outre l'armée laquelle le sieur du Reux auoit de long temps deuant ledit Landrecy, y estoit arriué Dom Ferrant de Gonzague lieutenant general de l'Empereur avecques vn gros renfort, attendant la venue dudit Empereur, A ceste occasion craignant que ladite place de Landrecy ne fust suffisamment pourueüe d'hommes, il y auoit fait entrer par atrauers leur guet René de la Chappelle Rinsouin sieur d'Espeaux, avecques cinquante hommes d'armes de la compagnie du sieur de Iarnac, dont iceluy la Chappelle estoit lieutenant. Le Roy ayant les nouvelles du renfort entré dedans sa place, fut fort satisfait, & quant audit Empereur, ledit sieur delibera partir le lendemain pour l'aller rencontrer deuant Landrecy, auquel lieu on l'attendoit iournellement, & l'aller combattre, ou secourir sa ville: mais ce ne fut sans auoir songneusement pourueu au fait de Luxembourg, dedans laquelle il laissa le sieur de Longueual son lieutenant general avec sa compagnie de cinquante hommes d'armes, le sieur de Iour, nommé d'Anglurre avec mille hommes de la legion de Champagne, le sieur de Harancourt de Lorraine cinq cens hommes,

hommes, le Vicomte de la riuere autres cinq cens, & le sieur Hieronyme Marin Boulonois avec cēt ou six vingts Italiens, lequel auoit entrepris la fortification de ladite place, & l'auoit retrenchee, gardant toutes-foiſ le bas, combien qu'il fuſt ſeparé du haut. Puis ordonna le Prince de Melphe ſon lieutenant general en la compagnie, pour l'enuitaillement d'icelle place, avec luy le ſieur de Iamets & ſa compagnie, le ſieur de Langey & le Vicomte d'Eſtauges, avec les leurs, le ſieur de Senarpont, avec la compagnie de monſieur de la Meilleraie duquel il eſtoit lieutenant, & le ſieur de Guillaucourt avec celle de monſieur de Sedan, le ſieur du Freſnay, avec deux mille Lanſquenets, & le Comte de Brienne, avec cinquante hommes d'armes de ſa compagnie, & dix mille hommes de pied tant de legions de Normandie que de Champagne, dont il eſtoit colonnel: & puis ſe retira à grandes iournees avec le reſte de ſon armee.

Le Roy eſtant party de Luxembourg, comme dit eſt, delibéré d'aller rencontrer l'Empereur, lequel auoit aſſiéé Landrecy & Guiſe, tout par vn meſme moyen, luy fut propoſé par le ſeigneur de Briſſac general de la cauallerie legere, que ſ'il luy vouloit permettre de ſe mettre deuât avec toutes ſes troupes, luy donnant pour le fauoriſer quelque nombre d'arquebuſiers à cheual, il pourroit ſurprendre vne partie de l'armee que Dom Ferrand de Gonzague lieutenant general pour l'Empereur, qui tenoit le ſiege deuant Guiſe. Par ce que ne ſe doutans de ſi ſoudain retour de l'armee de Luxembourg, il eſtoit apparanſ que les cheuaux legers Imperiaux ne trouuans nulle reſiſtance ſe pourroyent eſcarter par le pays loing de leur cāp pour faire butin. Choeſe que le Roy trouua bonne, & pour ceſt effect māda au Comte de ſainct Segond colonnel des gens de pied Italiens, qu'il euſt à luy fournir le nōbre d'arquebuſiers à cheual qu'il luy deman-

Deſſaite  
d'Imperiaux  
par mōſieur  
de Briſſac.

deroit, mais ledit Comte s'offrit d'aller en personné en sa compagnie (ce qu'il fist) avec les hommes plus expérimentez qui estoient en ses bandes. Arriuez qu'ils furent à Marley, quatre lieues pres de Guise, ayans passé à nostre Dame de Lieffe, & à Pierre-pont, le seigneur de Brissac fut aduertý que le lendemain matin Dom Ferrant de Gonzague ayât eu le vent du retour du Roy à Couffy, & de son armee, n'estoit d'auis d'attendre l'armee dudit seigneur. Parquoy estoit deliberé de faire sa retraite à Landrecy, où estoit le reste de l'armee Imperiale, abandonnant Guise qu'il auoit entrepris assieger: qui fut cause que ledit seigneur de Brissac partit trois heures deuant le iour, pour arriuer sur leur deslogement. Estant arriué vne petite lieue pres de Guise, sur vn haut à couuert d'un bois, duquel lieu il pouuoit descourir tout le chasteau de Guise, cogneut que la garnison du chasteau, qui estoit le seigneur de Bourdillon guidon de la compagnie de monseigneur de Neuers, auoit attacqué l'escarmouche contre les cheuaux legers Imperiaux: parquoy pour mieux recognoistre l'intentiõ de l'ennemy, depeſcha le capitaine Theode Bedaigne Albanois avec sa bande, pour de plus pres aller recognoistre l'ennemy, & l'attirer (si possible estoit) à son ambuscade, à ce qu'il eust moyen de leur couper chemin entre le chasteau & eux, & par ce moyen les deffaire. Mais ledit Theode apres longuement les auoir escarmouchez, veit son entreprise estre vaine, par ce que l'ennemy ne vouloit s'esloigner de la grosse troupe que conduisoit Dom Ferrand de Gonzague, qui, pendât lesdites escarmouches, se retiroit le chemin de Landrecy. Estant ledit Theode de retour & fait son raport, ledit seigneur de Brissac, par l'aduis des capitaines estans aupres de luy, depeſcha cinq ces cheuaux pour les charger à toute bride, & luy avec la grosse troupe, se mist à leur queue pour les soutenir: nos gens ayãs fait la charge gaillardement,

de, renuerferent ce qu'ils trouuerent des ennemis deuant eux, où y en eut plusieurs prins prisonniers, tuez, & portez par terre. Et entre autres y fut prins par vn cheual leger, de la bande du sieur de la Hunaudaye Dom Francisque d'Este, frere du Duc de Ferrare, capitaine general de toute la caualerie Imperiale: le reste fut pressé si viuement que Dom Ferrant de Gonzague qui estoit sur sa retraite fut contraint de rassembler tous ses bataillons, & tourner teste pour sauuer le demeurant, & se retira ledit Dom Ferrant au camp deuant Landrecy, & le sieigneur de Brisflac à Marle quatre lieues de delà d'ot il estoit party. Celle fut la fin de ceste entreprife: l'armee de l'Empereur se logea deuant Landrecy, avec la troupe, q de long tēps le sieigneur du Reux auoit, & demeura du costé de Marolles & de la Chappelle, & celle de Dom Ferrant se logea du costé du chasteau en Cambrezy pres la forest de Mormault. L'Empereur estoit en Quesnoy le Comte, attendant le regimēt que luy amenoit le Duc Maurice de Saxe, & celuy de Martin Vanros, Marechal de Gueldres, & dix mille Anglois, que luy enuoyoit le Roy d'Angleterre de renfort: car seachant la deliberation du Roy, qui estoit de secourir sa ville, ne vouloit venir en personne en son camp sans auoit toutes ses forces pour luy mettre au deuant.

Le Prince de Melphe, lequel le Roy auoit laissé pour aitailler Luxembourg, apres que ledit seigneur fut retiré, se vint cāper aux Chellas, village deux lieues deçà ledit Luxembourg: mais pour la faute du charroy qui estoit à Stenay & à Mouson, où se faisoit l'amonition, la famine suruint en son camp si grande, que les capitaines mesmes n'auoyēt vn pain pour leur disner. La cause estoit qu'ō auoit retenu audit Stenay tout le charroy pour tout en vn coup enuitailler Luxembourg, de sorte que les Lansquenets & legionnaires ne voulans auoir la consideration & patience de

Auitaillement de Luxembourg.



deux ou trois iours, se mutinerent : toutesfois à force de remonstrances nous arrestasmes les Lansquenets; quant aux legionnaires desquels estoit general le Côte de Brienne, ils furent de si mauuaise volonté que de dix mille, tant Champenois que Normans n'en resta pas trois cés qu'ils ne retournassent en France: les capitaines demourerent, mais sous chacune enseigne n'y auoit pas trente hommes. Le prince de Melphe & les capitaines estans pres de luy tels que i'ay nommez cy dessus, se voyans affoiblis d'une si grosse troupe, aduiserent de leur retirer à Herency, cinq lieues au deça, & trois lieues pres de Iamets, pour y attendre l'enuitaillement, & estre plus pres de leurs viures : auquel lieu ayans seiourné trois ou quatre iours, arriua l'enuitaillement pour Luxembourg, lequel nonobstant que n'eussions que deux mille Lansquenets du capitaine du Fresnay, avec la gendarmerie, & que fussions aduertis que vers la Moselle & le chasteau de Roquedemar y eust assemblée de dix ou douze mille Lansquenets pour nous empescher, si fut-il entrepris de le conduire, & fut mis dedans ladite ville à la faueur de nostre gendarmerie viures pour trois mois.

Refreschissement de Arlon.

ALORS que nous y arriuasmes, ceux de la ville d'Arlon enuoyerent nous faire entendre comme le capitaine Tauernier ( lequel auoit esté laissé dedans pour leur conseruation ) apres auoir pillé toute la ville, s'en estoit alle avec son enseigne en France sans dire à Dieu, & que ceux de Bastongne estoient venus de la part Imperiale, pour s'en saisir : mais eux ayans fait au Roy le serment de fidelité, n'y auoyent obey, deliberez de garder leur foy moyennant qu'ils fussent secourus, nous prians de leur bailler gens pour la garde d'icelle ville, autrement qu'ils seroyent cōtraints par force d'obtemperer à l'Empereur. Le prince de Melphe considerant la bonne volonté desdits habitans, lesquels auoyent mieux gardé leur foy que le paillard auquel

auquel ils auoyent esté baillez en garde, delibera de les aller secourir des choses dont il seroit besoin. A ceste cause partàs de Luxembourg vinsmes passer par ladite ville d'Arlon, en laquelle furēt laissez trois capitaines de gens de pied, avec chacun enuiron deux cens hommes, sauoir est le capitaine Lanque, le mont S. Pere, & vn autre, avec viures suffisamment pour quelque temps. Ce fait nous retirasmes à Erancy, duquel lieu le Prince de Melphe ayāt executé sa charge, depescha le sieur de Langey en poste deuers le Roy, pour sauoir ce qu'il luy plairoit commander de nouveau, & en attendant de ses nouvelles on se retira entre Iamets & Stenay, pour mettre l'armee en seureté, & l'aprocher des viures: parce que les pluyes estoient suruenues telles qu'il n'y auoit plus de moyen de conduire le charroy. Ledit Langey vint trouuer le Roy à la Fère sur Oyze: incontinent ledit seigneur redespescha vn courrier pour faire entendre son intention au Prince de Melphe, laquelle estoit d'aller combattre son ennemy deuant Landrecy, ou bien secourir sa place: & à ceste cause qu'il eust à marcher en toute diligence prenant son chemin pour le plus court, le long de la frontiere des bois pour se venir rendre à Guise, & delà, la part que seroit ledit seigneur.

L'EMPEREUR ce temps pendant estoit au Quesnoy le Comte, & auoit toutes ses forces deuant Landrecy lesquelles estoient de dixhuiet mille Allemans, & dix mille Espagnols des vieilles bandes, six mille Vvallons, & de huiet à dix mille Anglois que le Roy d'Angleterre luy auoit enuoyé de secours suyuant leur concordat, & treze mille cheuaux, tant des ordonnances de ses pays bas, que de Cleuois, & haults Allemans: & estoit son lieutenant general en ladite armee Dom Ferrand de Gonzague. Aussi estoit pres de la personne dudit Empereur le Duc d'Alue, lequel depuis n'agueres auoit esté fait grand maistre

de la maison dudit seigneur, ayant recompensé le Comte du Reux du gouvernement de Flandres & d'Artois: mesmes y estoient tous les Princes & grâds seigneurs, tant d'Allemagne que de ses bas pays. Après que son camp fut logé, il fit asseoir son artillerie de laquelle il fit diligenter de tirer; pour faire batterie par tous endroits, l'une le long de la courtine reale qui tiroit entre le chasteau & le boulevart d'Orleans, l'autre batterie contre le chasteau; & l'autre au droit du boulevart de Vendosme & de la courtine qui regarde à Chastillon. Puis considerant vn petit tertre vers la forest de Mormault, qui regardoit le flanc du dedans de la grande courtine, y fit loger vne longue couleuvre pour empescher les assiegez de remparer & de venir à leur defense: car il faut entendre que nos boulevarts & courtines n'estoyent à demy haullz, parquoy ceste piece leur faisoit grand dommage, pour lequel euter ils chercherent tous les moyens à eux possibles de la leuer de là: En fin ayans aduisé de dessus le rempart que les Lansquenets qui en auoyent la garde, estoient fort negligens; & qui ne se doubtoient de pouuoir estre assaillis que par vn costé, à l'occasion que la riuere qui passoit au recouplement de la ville basse; laquelle estoit abandonnee, estoit entre la ville & eux, delibererent de les surprendre & enclouer ladite piece. Et pour cest effect mirent dehors le capitaine Ricaruille avec quarante cheuaux, & Saint-Symon avecques trête hommes de pied, & douze pionniers avec des cordages pour faire passer la riuere ausdits gens de pied: ceux qui furent mis dehors firent si bon office qu'ils surprindrent lesdits Lansquenets; de sorte qu'ils les mirent à vau de rouverte, leurs faisans abandonner leur garde. Ainsi se voyant la piece demeuree, & auoir moyen de l'amener, la lierent avec les cordes dont ils auoyent passé l'eau, & à force de bras la trainerent droit

droit au bouleuert d'Orleans, par lequel ils estoient sortis. Les ennemis ayans de ce la cognoissance, donnerēt en toute furie pour la recouurer, mais ne la peurent rataindre, qu'elle ne fust embourbee dedans la riuere, & fut si bien secourue des assiegez, qu'elle fut mise en seureté dedans ledit bouleuert d'Orleans: & soudain (parce qu'elle estoit chargee) fut tournée deuers l'ennemy & tiree sur luy, & aussi fut tué beaucoup de Bourguignons à coups d'arquebuse de dessus le rempart, lesquels auoyent donné iusques au fossé dudit bouleuert, pour recourre ladite pièce.

Dom Ferrand de Gonzague voyant noz gens faire ordinairement saillies sur son camp, ordonna redoubler ses trêchees pour empescher qu'homme (fust à pied ou à cheual) peust sortir de la ville. Ce nonobstant peu de temps apres, le sieur de Desse, ayant cognoissance de dessus le rempart qu'il y auoit trois cēs Anglois travaillans ausdites trêchees du costé de leur garde, saillit avecques cent ou six vingts cheuaux, & la plus part de la ieunesse de la Cour demeuree en ladite ville: mais ne pēsāns trouuer que lesdits Anglois, s'y trouuerent huit ou neuf cens cheuaux en ambuscade, en vne vallee au dessous pour les soustenir, lesquels firent vne charge audit Desse, telle qu'il demoura huit ou dix des siens que morts que blesez, & luy eut le bras persé d'un coup de picque: aussi y eut-il eu plus grand desordre, sans cinq cens arquebusiers sortans de la ville qui soustindrent l'effort de l'ennemy, à l'ayde desquels ledit seigneur de Desse se retira tousiours combatant sans grande perte, hors mis celle de la premiere charge.

SACHANT aussi l'Empereur & le Roy se prepa- roit en toute diligence, pour venir secourir les assiegez, fit tant diligenter sa batterie, qu'en peu de temps il fit breche plus que raisonnable pour assaillir, laquelle fut iij. semaines ouuerte, hors mis quelque peu de



rempart que noz gens pouuoient faire la nuit, car le iour il estoit malaisé, d'autant qu'ils estoient decouverts de tous costez. Et fit apporter grand nombre de fascines pour remplir les fosses, mais outre ce les assiegez auoyēt telle penurie de viures qu'un chacun soldat n'auoit que demy pain d'amonition par iour, quant au breuuage, l'eau toute pure : aussi pour plus les tourmenter en la basse ville que nous auions abandonnée, auoit vn portail, dedans lequel les Imperiaux mirent des gens, & dessus des pieces d'artillerie dont on commandoit à la breche. Les sieurs de Dessé & de la Lande considerans le grand dommage qu'ils en receuoient, mesmes que gens mal nourris & ordinairement en trauail (comme estoient iceux assiegez) tombent bien tost sous le faix, conclurent de leur offer ledit portail : & ayans attiré toute leur artillerie audit lieu, au cas que le cap y vinst en troupe, firent sortir trois cens hommes à un point du iour, lesquels combattirent si obstinément qu'ils emporterent ledit portail d'assaut, deuant que ceux du camp le peussent secourir : cela leur donna du repos, car oncques puis les ennemis n'oserent entreprendre d'y retourner. Or cognoissoit bien l'Empereur qu'estoit au Quesnoy que la breche estoit suffisante pour assaillir, mais aussi n'ignoroit-il les gés de bien qui estoient dedas, & q mal-aisément les pourroit-il emporter d'assaut sans perdre beaucoup des siens. A ceste occasion resolut de l'auoir par famine, au moyē de la necessité de viures qui y estoit, & le trauail que iour & nuit il couenoit porter aux assiegez, dōt (à ce qu'il pensoit) en fin seroyent mattez, rāt qu'ils n'auoyēt moyen de leuer les armes : se persuadant aussi que le Roy n'arriueroit d'heure pour les venir secourir, que premier il n'eust moyen d'acheuer l'execution qu'il auoit deliberee.

ENFIN ON le dixhuitieme iour du mois d'Octobre,

ctobre, les assiegez considerans la neccessité de viures, la debilité de la place, & l'insupportable travail que necessairement ils portoyent iour & nuict, depeschèrent le capitaine Yuille Normand, lequel auoit cinq cens hommes dedans ladite place, & cognoissoit les adresses du pays, pour trouuer moyé de sortir & aduertir le Roy de leurdite neccessité, vers lequel enuiron le vingtiesme dudit mois il arriua à la Fère sur Oyze, où il faisoit de tous costez assembler son camp, ayant mesmes (comme i'ay dit) mandé au Prince de Melphe se venir ioindre avecques luy. Yuille arriué declara en general & par le menu l'estat des assiegez, & que si de brief il n'estoyent secourus, la faim les chasseroit dehors, mais q̃ la force ne les en pourroit leuer tandis qu'il y auroit vn homme en vie. Le Roy ayant entendu la neccessité des assiegez, & aussi leur bonne volunté, delibera hazarder sa personne, plustost que de laisser perdre tant de gens de bien. Et commanda audit Yuille de trouuer le moyé de rentrer (ce qu'il fit) & de les asseurer qu'il n'y auroit faute qu'il les secourroit dedans briefs iours. Pour hastier l'execution de ceste promesse, soudain ledit sieur fit assembler son cāp, en l'abbaye d'Homblieres, vne lieuë au dessus de Saint Quentin sur la riuere, & luy s'en alla à Saint Quentin, afin qu'vn chacun le suyuiſt, duquel lieu y ayāt seulement seiourné vn iour, deslogea pour aller camper à Premont, gros village, hors les bois de Bohain, tirant dudit Bohain à Cambray. Et le iour ensuyuant, logea au village de Saint Souplex, au dessus de Saint Martin à la riuere, d'où aisément on oyoit la furieuse batterrie, qui faisoit diligenter l'Empereur, sentant le Roy approcher, laquelle estoit de quarante cinq grosses pieces d'artillerie. Parquoy la nuict venue, le Roy pour faire entendre aux assiegez que leur secours estoit prochain, fit tirer vne volée de toute son artillerie, chose qui leur augmenta le cœur, &

eurent grande resiouissance pour l'assurance qu'ils eurent du secours.

Le Roy estât campé audit lieu de Saint Souplex, assembla les capitaines pour cōsulter le chemin qu'il deuoit prendre: aucuns furent d'aduis qu'il deuoit aller loger à Chastillō, lieu auantageux, pour estre d'un costé couuert dela riuiera de Sembre, & de l'autre costé d'un ruisseau marescageux, de sorte qu'il n'y auoit qu'une auenue, laquelle se pouuoit en moins de vingtquatre heures trencher, parquoy se leueroit le moyen à l'ennemy de nous assaillir. Semblablement noz viures pourroyent venir de Guise & Bohain sans estre en sa mercy. Et là estans logez on pourroit en un iour refaire les ponts sur la chaussée dudit Chastillon, parce qu'elle y estoit bonne & ferme. Outre plus si l'ennemy qui auoit son armee separee en deux, ne la remettrait ensemble, nous pourrions passer la riuiera, & combattre ce qui estoit dela l'eau, du costé de Longfauery: & si l'ennemy pour reünir ses forces faisoit repasser vers la forest de Mormault, ceux qui estoient audit Longfauery, nous y pourriōs aller loger, & refreschir Landrecy d'hommes, de pionniers, de viures, & autres choses necessaires tout à nostre loisir, & de là nous retirer par Cartigny, ayans secouru la ville. Car si l'Empereur nous vouloit venir combattre, il faloit qu'il allast passer la riuiera à Marolles deux lieues au dessous: ou bien si nous estans logez audit Chastillon, il passoit les forces qu'il auoit deuers Mormault, pour les ioindre à celles du Longfauery, nous pouuions semblablement aller au lieu d'où il partoist, car nous auions le passage de la riuiera pour faire l'un ou l'autre. Ceste opinion ne fut la plus forte, ains encores que le logis du chasteau en Cambrezis soit assez malaisé pour loger vne armee, si fut-il conclud d'y aller loger (qui estoit la beste droit à l'ennemy) & qu'il estoit plus honorable de l'aller chercher que de tourner

ner autour du pot : & pour visiter ce logis du chasteau furent ordonnez monſieur de Saint Paul, l'Amiral d'Annebault, le Mareſchal du Biez, & quelques autres.

A V T R E S mirent enauant, que puis qu'il eſtoit ainſi reſolu de prendre ce logis, ils eſtoient d'aduis q pendant que le Roy feroit teſte à l'Empereur, on enuoyast à Guiſe & à Veruin quelque homme cognoiſſant le pays, lequel fiſt aſſembler tout le beſtial gras qui ſe trouueroit le long de la riuiera de Cere & du pays de Laonnois, avec toutes les farines qu'on pourroit trouuer, & ſoudainement leuer tous les cheuaux de labour qu'on trouueroit, tant audit pays de Laonnois que Soiſſonnois, pour tout aſſemblé le faire conduire à la Chappelle, & porter à dos des cheuaux leſdites farines, ne faiſant chacû ſac ſort peſant, afin q le payſant peult aller ſur ſa beſte & ſur le ſac pour faire plus grande diligence, & que ce temps pendant que le Roy tiendrait l'Empereur amuſé pour le combat, on miſt leſdites farines, bœufs, & moutons dedans Landrecy. Ceste opinion fut approuuee, pour la conduite de laquelle fut ordonné le ſieur de Langey, avec pouoir d'eſtre obey comme la perſonne du Roy par le pays ſuſdit: & fut mandé à ſa compagnie laquelle venoit de Luxembourg, & à celle du Prince de Melphe, à celle du Comte de Brienne, & au ſeigneur de Sanſac, qu'ils le vinſſent trouuer à Veruin, deſquels ne s'y trouua que ledit Sanſac avec ſa compagnie, & celle dudit ſeigneur de Langey. Le Comte de S. Paul, ledit ſieur Amiral, & autres ayans viſité le logis du chasteau en Cambrezis, le Roy marcha audit Cambrezis, & y logea ſon armee.

D E V X iours apres, leſdits Comte & Amiral aduertis que les forces de l'Empereur eſtoyēt deſlogees de delà l'eau, & retirees deçà, & auſſi qu'il auoit quelque peu diſcōtinué la batterie qu'il faiſoit ſi furieuſe,



sentant le Roy & son armee logez si pres de luy, allerent passer à Chastillon pour retirer de Landrecy les soldats lesquels y auoyét tant squffert, & la refreschir de soldats nouueaux. Aussi aisément y eust passé toute l'armee, mais i'ay entédu depuis, qu'on auoit si mal pourueu pour les viures & enuitaillement, qu'on n'auoit vn seul charroy ny mesmement viures que bien estroitement pour nourrir le camp, qui fut cause que l'opinion plus apparente d'aller loger audit Chastillon ne fut suyue. En somme mesdits sieurs de S. Paul, & d'Annebault y entrerent sans danger de l'ennemy, & en tirerent les sieurs de Dessé, & de la Lande, & le capitaine la Chappelle Rainfouain, avec leurs soldats & y laisserent pour lieutenant du Roy le sieur de Veruin; ayant charge de mille hommes du Boulonnois, de la legion de Picardie, & le capitaine Rochebaron, frere du sieur de Lignon de Boulonnois, avec autres cinq cens hommes, le sieur de Dessé & autres estés arriuez au camp, le Roy pour remuneration de leurs agreables seruices les honora: il fit le sieur de Dessé gentil-homme de sa chambre: les sieurs la Lande, & de la Chappelle les fit ses maistres d'hostel ordinaires: à tous les soldats qui auoyent forfait leur donna grace, & les anoblit leurs vies durans: & quant aux ieunes hommes qui y estoient entrez pour leur plaisir, & honneur acquerir, les decora selon leur qualité.

DURANT ce temps les deux armées n'estoyent sans grosses escarmouches d'un camp à l'autre. Or entre celuy de l'Empereur & le nostre y auoit vne grande vallee, au fons de laquelle passe vn ruisseau, lequel venant du Chasteau en Cambrezy, va tomber à Happre, gros village & prieuré, my-chemin de Câbray à Valétiennes: & combien qu'il soit petit, si est-il mal gaible, pour estre hors de bords. Enuiron le vingthuitieme iour dudit mois d'Octobre, l'Empereur estant venu du Quesnoy en son camp, accompagné  
des

des regimens du Duc Maurice, & de Martin Vanros, fit presenter au hault de la môtaine de son costé bon nombre de cheuaux legers mesmes de arquebusiers, derriere lesquels estoient en vn vallon deux ou trois gros bataillons de Lâsquenets & de gédarmerie pour les soustenir, qui n'estoyent apperceus. L'alarme se donna en nostre camp: soudain le sieur de Brissac, lequel estoit general des cheuaux legers passa ledit ruisseau, & d'arriuee repoussa les Imperiaux bien auant, mais ayât cognoissance desdits gros bataillons de gês de cheual, & de Lansquenets qui marchoyent pour soustenir leurs gens, fut contraint de tenir bride: de quoy il aduertit le Roy, lequel estant sur la môtaine, de son costé considerant que si ceste escarmouche estoit continuee, le pourroit amener à la bataille à son desauâtage (car il n'estoit raisonnable de passer le ruisseau, & aller cōbattre son ennemy à pied en môtant) enuoya monsieur l'Amiral d'Annebault pour la faire retirer, sur laquelle retraitte nous perdismes quelques gens par trop s'auanturer: entre autres le sieur d'Andouins y fut frappé d'une arquebuzade, dont il mourut. Cependant le Roy estoit en bataille, monseigneur de Vendosme d'autre part, avecques vn esquadron, monseigneur de Guise d'autre, & vn chacun au lieu où il deuoit combattre, mais l'Empereur ne fut conseillé de passer sur nous, ains se retira en son logis.

Le sieur de Langey, lequel ce temps pendant estoit à Vervins pour executer ce qui luy estoit ordonné, fit telle diligence, que le vingtneuſieme iour dudit mois d'Octobre il eut assemblé douze cens moutons, neuf vingts bestes à corne, comme bœufs & vaches grasses, & six cens sacs de farine, avec autant de bestes à somme pour le port desdits sacs, & ledit iour vint coucher à la Chappelle, auquel lieu se trouua tout ledit equippage, specialement le sieur de Sansac, lequel venoit du mont saint Iean en Luxembourg, où le

Roy l'auoir laissé. Mais des compagnies du Prince de Melphie, ny du Comte de Brienne n'estoyent nouuelles: si est-ce que lesdits sieurs de Langey & de Sanfac regarderent, que s'ils faisoient seiour, attendans lesdites compagnies, & l'ennemy en estoit aduertý, il ne seroit en leur puissance par apres d'acheuer ceste dite entreprise; à ceste occasion aduertirent le Roy, que le lendemain ils estoient deliberez de se mettre en chemin, afin que à ce dit iour il mist ordre de faire dresser l'escarmouche au cãp Imperial, pour l'empescher d'auoir la cognoissance de leur fait. Le lendemain, qui estoit iour de Toussaints, s'acheminèrent suyuant leur dessein, avecques enuiron deux cens hommes de pied qu'ils prindrent audit lieu de la Chappelle seulement, pour couduire l'enuiaillement iusques hors des bois, car ils n'estoyent deliberez de les passer outre, de peur que les cuidans sauuer (si l'ennemy suruenoit) eux-mesmes fussent defaits. Et pour faire plus grande diligẽce firent monter chascun paysant sur son sac de farine que portoit sa beste, tellement que la fortune leur fut si dextre, qu'ils arriuerent hors des bois, pres de Prisse sans rencontre, où ils laisserent lesdits gens de pied, reservez trente ou quarante pour la conduite dudit bestial. Mais estans en la plaine, descouurirent à leur main gauche mille ou douze cens cheuaux des ennemis, qui auoyent passé l'eau à Chastillon, à raison dequoy ils entrerent en dispute, s'ils deuoyent poursuyure leur entreprise, ou l'interrompre, toutesfois le sieur de Langey qui auoit promis au Roy de l'excuter (sinon qu'il fust ou mort ou prins) resolut de passer outre: mesmes le sieur de Sanfac, encores qu'il n'eust parlé au Roy pour cest effect, ayant seulement eutẽ du dudit sieur de Langey le seruice que ce seroit au Roy, fit pareille resolution. Parquoy ils aduiserent de prendre le chemin à main droite pour eslongner l'ennemy, & pour l'interposer entre luy & eux

cux vn petit ruisseau qui passe au Longfauery, con-  
cluans qu'ayàs mis les viures en sauueté, ils mettroyēt  
peine de se retirer, ou au moins de bien vendre leur  
peau. Et parce qu'il n'estoit besoin de long sejour, sou-  
dain conclurent de paracheuer leur chemin, faisans  
marcher les payfans sur leurs cheuaux en bataille, &  
leur bailla ledit sieur de Langey le capitaine Maruil-  
le son lieuteuant, avec dix cheuaux, afin qu'il leurs fist  
faire bonne mine, & marcher comme gens de guerre.  
Les ennemis, qui de loing les descouroyent (à ce que  
depuis ils m'ont dit) les voyans sur leurs bestes & fa-  
rines, iugerent qu'ils estoient gens de guerre: à cause  
dequoy ils tindrent bride, esperans nous auoir au re-  
tour, ce qu'il n'auint, car ayans rendu nos viures en  
seureté, fismes remonter chasque payfant sur sa beste,  
pour faire diligence, & nous retirasmes le chemin de  
Cartigny, contraire à celuy auquel nous attēdoient  
les ennemis: de sorte que sans rien perdre reuinismes  
seuremēt à la Chappelle. Et au partir de deuant Lan-  
drecy pour nostre retraite, le sieur de Sanfac & vn  
Gentilhomme de la bande du sieur de Langey, avec  
vn bon guide que ledit sieur de Langey leur bailla, en-  
treprendrent d'aller aduertir le Roy de leur dite exe-  
cution, lesquels passans par les maraiz qui sont à la  
queue du viuier d'Oisy, sans danger arriuerēt au cha-  
teau vers ledit sieur, & ledit sieur de Langey passant  
pres de Roque-Roy pour euitier la rencōtre, ramena  
cette troupe à la Chappelle, & puis de la retourna trou-  
uer le Roy à l'heure de la retraite de nostre armee.

LE Roy qui n'estoit venu que pour secourir sa vil-  
le de Landrecy assiegee par l'Empereur de toutes les  
forces d'Allemagne, de Flādres, & de tous ses pays bas,  
mesmes de tous ses Espagnols aguerris avec le secours  
des Anglois, voyāt auoir acheué ce qu'il auoit entre-  
pris (car il fut mis viures dedans Landrecy pour le  
moins pour quinze iours) & qu'il estoit impossible à



l'Empereur d'y sejourner son camp huit iours, pour estre le pays ruiné à six lieues à la ronde, à cause de nostre armee, & de la sienne, lesquelles y auoyent campé six mois consequutifs, ioint qu'il auoit l'hyuer à dos, & outre pour les grandes pluyes qui continuoient, resolut de se retirer, & fit commander qu'un chacun fust prest à desloger à l'heure qui luy seroit ordonnée. Puis estant tout le bagage trouffé, il ordonna de sa retraite & de ceux qui marcheroyent deuant, au milieu, & sur le derriere, & sur les ailles. Ledit sieur print le deuant, iettant seulement quelques chevaux deuant luy: au milieu ordonna Monseigneur le Dauphin son fils avec sept ou huit cens hommes d'armes, & quatorze mille Suisses en forme de bataille: sur la queue le seigneur de Brissac, avec to' les chevaux legers dont il estoit general, & quelque arquebuserie, pour le soutenir en quelque passage s'il s'offroit, & dressa sa retraite à Guise, qui fut le lendemain de Toussaints mille cinq cens quarante trois. Les choses ainsi disposees, chacun se mist à la retraite: le Roy marchoit deuant, & avec luy monsieur de Guise, & tout deuant le bagage, apres l'artillerie, puis Monseigneur accompagné de messieurs les Comte de saint Paul & Amiral, & à sa queue lesdits chevaux legers & arquebusiers.

L'EMPEREUR au matin estant aduertuy du deslogement de nostre camp, ordonna Dom Ferrand de Gonzague pour suyure nostre armee, esperant que sur la retraite se trouueroit quelque desordre, à cause des bois qui estoient à passer, & que communement gens qui se retirent ne sont coustumiers à tenir bataille, ainsi que font ceux qui marchent en auant. Mais ledit sieur Dom Ferrand quand il arriua à la riuie des bois, trouua desia l'artillerie passée, & le bagage & toute l'armee, encores qu'ils eussent esté cōtraints de passer à la file pour la difficulté du passage. Voulant toutefois

fois ledit Gonzague entreprendre de recognoistre nostre armee de plus pres, fit entrer dedans les bois quelque nombre d'hommes, qui ne firent pas grand voyage, car ils trouuerent les bois farcis de nostre arquebuserie, qui les seruit de sorte, que la plus part de ceux qui y entrerent ne retournerent dire les nouuelles à leurs compagnons. Durant que l'escarmouché s'entretenoit dedans le bois, l'Empereur marcha avec le reste de son armee à la portee du canon pres dudit bois : Dom Ferrand voyât qu'il estoit suyuy par sa maïesté, trouua moyen par autre chemin à main droite tirant vers Bohain, de faire passer mille ou douze cés cheuaux, & quelque nombre d'arquebuserie, & quelques cheuaux legers Anglois, lesquels profiterent autant que les autres qui estoient aux bois. Car apres que monseigneur le Dauphin fut passé, & vit son artillerie & bagage marcher en secreté, il laissa le sieur de Brissac avecques la cauallerie legere, & le seigneur de la Guiche lieutenant de monsieur le Connestable avec cent homes d'armes, & autres capitaines iusques au nombre de trois cens hommes d'armes, pour soutenir lesdits cheuaux legers : & vn peu sur le derriere fit ietter ses Suisses en bataille, & luy avecques le reste de ses forces sur les ailles desdits Suisses, pour leur faire espaule, en deliberation que si l'Empereur passoit le bois, luy donner la bataille, mais nos cheuaux legers à la faueur de la gendarmerie qui les soustenoit, & nostre arquebuserie ietee comme enfans perdus, côtraignirent l'ennemy de repasser le bois, dont depuis il ne fut assez hardy de se comparoistre, il en demoura plusieurs des siens pris que tuez, des nostres quelque peu, car en telle marchandise on ne peut gaigner sans recevoir de la perte.

C E P E N D A N T le Roy, lequel auoit marché iusques à l'abbaye de Bouhourie sise sur la riuier d'Oyse, pour mettre ordre de faire passer la grosse artillerie.

& le bagage deçà l'eau, afin que s'il estoit question de cōbattre elle ne s'embarassast parmy les gens de guerre, & les mist en desordre, ayant nouvelles de ceste cavallerie Imperiale, laquelle avoit passé le bois, & que Monseigneur le Dauphin son fils estoit deliberé de presenter la bataille, si l'Empereur passoit, tourna bride pour le secourir; ne voulant qu'il combattist sans luy, mais il ne marcha le quart d'une lieue qu'il n'eust aduertissement quel'Empereur s'estoit retiré, & que monseigneur estoit sur sa retraitte apres avoir repoussé les ennemis delà les bois, & longuement attendu si quelqu'un s'ingereroit de le repasser: parquoy il se retira à Guise, laissant tousiours monseigneur le Dauphin sur sa queue ainsi qu'au commencement. L'Empereur qui ce temps pendant avoit repeu tout à cheval, voyant ses gens repoussés si honteusement, changea l'opinion qu'il avoit de suyvre le Roy, & apres avoir quelque temps temporisé, cōsiderant qu'il avoit en vain & à sa perte suyuy nostre armee, retourna aux logis dont il estoit party. Pour conclusion le Roy secourut sa ville à la barbe d'un grand Empereur, lequel avoit toutes les forces d'Allemagne, de ses bas pays, & vne partie de celles d'Espagne, d'Angleterre, & d'Italie, qui n'est peu de reputation, toutes choses bien pesées.

Le Roy estant arrivé à Guise, se voyant l'hiver à dos, & que les pluyes estoient si excessives qu'il n'y avoit ordre ny à l'Empereur ny à luy de camper, delibera pour refreschir son armee, la separer, car elle en avoit besoin pour les grands travaux qu'elle avoit portez huit mois durant, tant en Henault que Luxembourg. Il envoya le Marechal du Biez à saint Quentin avec quatre cens hommes d'armes, & quatre mille hommes de pied, pour pourvoir aux choses que l'Empereur pourroit entreprendre de ce costé là: aussi envoya les Lansquenets à Crecy sur Cere, les Suisses à Affy

à Assy surladite riuiere, & le reste de son armee se logea le long de la riuiere d'Oyse, aux lieux qui furent trouuez plus commodes pour empescher l'Empereur d'endommager ce Royaume, au cas (comme de brieif il estoit apparent) qu'il abandonnast Landrecy. Puis pour aller renforcer ceux dudit lieu de Landrecy, ordonna le capitaine Stanay lieutenant de Monseigneur d'Anguien, avec la compagnie dudit seigneur de cinquante hommes d'armes, & vne partie de celle des Escossois, & luy se retira à la Fère sur Oise.

L'EMPEREUR apres auoir seiourné quatre ou cinq iours en son camp depuis le partement du Roy, fit sa retraite à Cambray. Arriué qu'il y fut cognoissant la honte que ce luy estoit, d'auoir tant fait le brave de s'estre vanté au partir de Gueldres qu'il viendroit iusques à Paris (mais il n'auoit sceu prendre vne petite ville faicte à la haste, en laquelle n'estoit aucune fortification acheuee qui seulement peust estre dite defense) passa sa colere sur ceux desquels il auoit esté receu ainsi qu'en ville Imperiale. Et persuada faussemēt aux pources Cambresiens credules, par le moyen de leur Euesque, qui les vendoit, qu'il estoit auertuy que le Roy estoit deliberé de se saisir de leur ville, leur oster la liberté de neutralité que de toute ancienneté ils auoyent, & l'attribuer à sa couronne: & pour empescher cela, il estoit de necessité de faire edifier vne citadelle, de laquelle ils auroient la garde pour leur protection. Lesdits Cambresiens ainsi seduits par l'intercession de leurdit Euesque, lequel estoit de la maison de Crouy, l'accorderent à ceste occasiō l'Empereur fit diligenter à leurs despens, la construction d'icelle citadelle: vray est qu'elle est gardee à leurs despens; mais les soldats ont le serment à l'Empereur, & commandent à la ville, de sorte que de liberté il les a mis en seruitude.

Retraite de  
l'Empereur  
deuant Lan-  
drecy.

Subiection  
de la ville de  
Cambray.

Naissance du  
Roy François

EN ce tēps fut né à Fōtainebleau François premier second.



filz de Henry Dauphin de Viennois, lequel fut tenu sur les fons par le Roy son grand pere, qui le nomma de son nom François, laquelle natiuité fut magnifiée en grande ioye, avecques tournois & autres sortes de solennitez.

Prise de Nice par l'armée de Barberousse.

IE vous ay dit cy deuant comme le Roy auoit despesché le sieur d'Anguié pour estre chef sur son armée de la mer de Leuant, & se joindre avecques Barberousse, qui deuoit venir avecques celle du grand Seigneur: consequemment vous auez ouy le voyage que fit ledit seigneur d'Anguien à Nice sous esperance d'une pratique, & aussi ce qui en prouint. Peu de iours apres son retour dudit voyage à Marseille Barberousse avecques cent & dix galeres passa deuant Ville-Franche pres de Nice, puis vint à Toulon, & de là à Marseille trouuer mondit seigneur d'Anguien avecques l'armée du Roy, où apres auoir mis en deliberation des capitaines ce qui estoit à faire, fut conclud d'assailir Nice, à raison que le Roy la reputé sienne, pour auoir esté par les Comtes de Prouence baillee en gage au Duc de Sauoye pour vne somme de deniers. Apres la resolution prise estant arriuee à Ville-Franche l'artillerie fut mise en terre hors des galeres, & menée deuant la ville de Nice, dont fut si bien diligente la batterie, qu'en peu de iours ladite ville se rendit, à condition de n'estre saccagée. Ce faict ils planterent leurs pieces contre le chasteau, mais ils perdirent leur peine & munitions, car la place est sur vn rocher malaisée à battre, & encores moins facile à miner, à cause de la duresce & hauteur d'icelle Roche. Barberousse voyant le temps pour neant se consumer, & l'hyuer approcher, retira son armée à Toulon, car il ne se sentoient seurement pour pouoir demeurer n'hyuer au port de Ville-franche: & monsieur d'Anguien retourna à Marseille, & de là deuers le Roy, lequel il vint trouuer deuant le Chasteau en Cambrezy, esperant

tant que là se donneroit vne bataille.

Le Marquis du Guast alors lieutenant general pour l'Empereur au Duché de Milan, voyant Nice assiegee, la ville prise, & le chasteau en danger, auoit mis ensemble toutes ses forces, tant d'Allemands, Espagnols, qu'Italiens, pour donner secours aux assiegez; mais estant arrivé dedans les montaignes de Tendes, aduertý de la retraite de l'armée de Toullon, & le chasteau en liberté; delibera d'employer ses forces ailleurs, parquoy retourna au Piemont, où d'entree assiegea le Montdeuis, laquelle estoit en son chemin la premiere ville de l'obeissance du Roy. Le sieur de Boutieres qui estoit lieutenant general pour le Roy en Piemont, ayant peu de gens de pied François pour la prouision d'icelle ville, à cause de sa grandeur, fut contraint y mettre des Suisses gens malaguerris pour la garde d'une place, car c'est leur naturel de combattre en campagne, si est-ce qu'ils firent tresbien leur deuoir: mais apres auoir beaucoup enduré, tant par fauite de viures, que pour les continuels assaux qu'ils auoyent soustenus, en fin n'esperans aucun secours, capitulerent avecques le Marquis, qu'ils s'en iroyent armes & bagues sauues. Le gouuerneur dudit lieu de Montdeuis nommé Charles de Dros Piemontois, homme de guerre & de bon esprit, sachât bien la haine q luy portoit le Marquis, n'osa se fier en luy, ains cependant q le traitté se concludoit monta sur vn cheual turc, & par vne fausse porte se mit aux champs, & se retira à Roque de Bau place du mädement de Môtdeuis, distante dudit lieu de quatre mille, laquelle en toute diligence fit réparer si bien q le Marquis passant par deuant ne l'osa attaquer. Les Suisses se confians au traitté fait avec le Marquis sortirent, mais nonobstât icelle capitulation furent par les Espagnols deualisez, & plusieurs tuez, chose que les Suisses leur vendirent bien cher, ainsi que puis apres vous entendrez, en

Prise du  
Montdeuis  
par le Mar-  
quis du  
Guast.

la bataille de Serisolles.

Le Marquis partant de Montdeuis passa par deuât Beyne & Sauillan, lesquelles il trouua si bien pourueues qu'il ne les voulut assaillir: mais ayant entendu que le sieur de Boutierres s'estoit retiré à Pignerol, & qu'il auoit seulement laissé dedans Carignan le sieur d'Aussun, & le capitaine Francisque Bernardin de Vicmarcant, avec leurs compagnies de cheuaux-legers, & quelque petit nombre de gens de pied, pour raser les fortifications que l'an precedent y auoit fait faire le sieur de Langey, tourna la teste audit lieu de Carigné, pour mettre peine de le gagner & s'y fortifier. Car gardant ce logis il nous ostoit la commodité de toute la plaine du Piemont de ca le Pau, sauoir est, la pluspart du Marquisat de Saluces, & la plaine iusques à Pignerol & à Turin, & mesmes le val de Susse à la faueur de Vulpian. Quant à ce que tenions delà l'eau, à sauoir Sauillan, Beine, Roque de Bau, & Cental, elles demouroient hors d'esperance de secours. Le Marquis suyuant sa deliberation print son chemin à Carmagnoles, & fit telle diligence qu'il passa le Pati, & arriva audit Carignan auant que noz gens eussent loisir de paracheuer la ruine: lesquels voyans attriuer sur leurs bras vne armee de quinze ou seize mille hommes de pied, & trois mille cheuaux, se mirent à la retraite vers la Loge pour tirer le chemin de Montcallier ou de Turin, ayans mis leurs gens de pied deuant, à leur queue Francisque Bernardin & ses cheuaux legers, & sur le derriere monsieur d'Aussun pour soutenir le fais eependant que les autres passeroient vne riuere venant de Num, laquelle passe entre Carignan & la Loge, laquelle ne se passe qu'à Pont à cause des bords q. sont haults. Les ennemis lesquels ledit sieur d'Aussun auoit tousiours soutenus, se renforcerent si fort, qu'à deux portees de canon pres ledit pont, ils le chargerent

Prise & fortification de Carignan par le Marquis du Gast.

gerent de si grand nombre, qu'il fut porté par terre, & furent la plus grande part des siens prisonniers: ce temps pendant le reste passa le pont, & se retirèrent à Montcallier à la faueur de ceux qui en sortirent pour les secourir.

Le Marquis estant demouré seigneur de Carigná, s'y logea avec toute son armee, & fit en toute diligence paracheuer le fort, y comprenant les fauxbourgs, de sorte qu'en moins de cinq semaines la place fut en defense, pareillement y fit amener (d'autant qu'il estoit maistre de la campagne) tous les bleds, & autres viures de la plaine, iusques des enuirs de Pignerol, Turin, Vignon, Villefrâche, & d'une partie du Marquisat de Saluces, en telle abondance, qu'il fut enuittailé pour sept ou huit mois. Puis l'ayant pourueu d'artillerie & d'amonitions raisonnablement, y laissa pour chef le seigneur Pirus de Pire, autrement dit le seigneur Pierre Colonne, avec quinze cens Espagnols naturels des vieilles bandes, & le Comte Felix Colonne de deux mille cinq cens Lansquenets: & luy accompagné du reste de son armee se retira à Quiers, & apres y auoir mis le seigneur Ludouic Vistarini gentilhomme de Laude, & trois mille hommes pour fauoriser ceux de Carignan, parce que nous tenions Villeneuve d'Ast, qui luy pouuoit beaucoup nuire sans la faueur de ladite ville de Quiers, puis il se retira en Ast.

Nous nous traitons vn peu des affaires de Piemont, & reuiendrons au Roy, lequel estant de retour à la Fère apres auoir secouru Landrecy, eut les nouvelles que vous venez d'entendre, c'estoit sommairement que l'armee Imperiale tenoit la campagne en Piemont. Ledit seigneur pour y remedier depescha le sieur de Thais colonel des bades Françoises en ás audis Piemôs, pour y aller, & faire nouvelle leuee de douze enseignes de gens de pied François: pareillement il



despescha le Comte de Gruyere, auquel il auoit baillé son ordre, pour aller faire leuee de cinq cens Gruyens de ses pays, pour les passer en Piemont, & se ioindre avec cinq mille Suisses, qui y estoient entretenus esperant que les Gruyens feroient semblable faction que les Suisses, lesquels sont leurs voisins, mais autrement en aduint, ainsi que si apres vous pourrez cognoistre. I'ay ouy dire qu'il est malaisé de deguiser vn aïné en vn courfier.

Secours &  
refreschisse-  
ment à Lu-  
xembourg.

A V S S I le Roy fut aduertý que le Comte Guillaume de Furstemberg, avec douze mille Lásquenets, & bon nombre de cheuaux & d'artillerie, tenoit au nom de l'Empereur la ville de Luxembourg assiégée, & que deüa les viures deffailloyent aux assiegez; le dit seigneur ne voulant en façon quelconque perdre rien de la conqueste, encores que l'hýuer estoit le plus extreme qu'il fut vingt ans au precedant; despescha le Prince de Melphe pour aller leuer le siege, & refreschir leudit assiegez, & avecques luy le sieur de Brissac general de la caualerie legere, & enuiron quatre cens hommes d'armes. Les geles furent si fortes tout le voyage, qu'on partoist le vin de munition à coups de congee, & se debitoit au poix, puis les soldats le portoyent dedans des penniers. Si est-ce que la volonte des chefs & des soldats ne diminua, ains partant le Prince de Melphe de Stenay, marcha droit à Crency, de là à Long-vic, puis tira sur la main droite, vers le chemin du mont Saint Jean pour gaigner l'aduantage, afin de combattre l'armee de l'Empereur. Le Comte Guillaume aduertý du grand vouloir de noz soldats, tant de cheual que de pied, qui ne craignoyent aucun danger, ne fut conseillé de nous attendre, mais ineóntinant leua son camp, & se retira en Allemagne, par ce moyen tout à loisir nous refreschimes la place. Le sieur de Longueual lequel par cy deuant auoit esté laissé lieutenant pour le Roy, dedans ladite place de  
Luxem-

Luxembourg, en fut retiré dehors, avec les autres bādes, tant de pied que de cheual qu'il auoit en sa compagnie, en son lieu fut mis avec pareil pouuoir, le Visconte d'Estauges surnommé d'Anglurre, avec sa compagnie de cinquante hommes d'armes, & quinze cens hommes de pied. Le Prince de Melphe ayant executé ce dōt il auoit la charge, se retira à Stenay, auquel lieu il rompit son armee, laquelle fut separee par les garnisons de Champagne & de Picardie, pour le reste de l'hyuer faire teste à l'ennemy, & conseruer les choses que nous auions conquises.

Pour retourner au seigneur de Boutieres, lequel estoit lieutenant du Roy en Piemont, apres qu'il eut receu le réfort q̄ le Roy luy enuoyoit, de trois à quatre mille hommes de pied François, leuez en Prouence, Dauphiné, & aux enuirs, & les cinq mille Gruyens, avecques deux ou trois cens hommes d'armes, la compagnie que de long temps il auoit perdue, fut recouuree: & ayant ses forces assemblees fut conseillé, cependant que l'ennemy estoit empesché à la fortification de Carignan (laquelle toutesfois estoit desia en defense) de prendre le chemin de Verceil, pour tenter s'il pourroit eslargir les pays du Roy, du costé de deça le Pau. Suyuāt lequel aduis ledit sieur de Boutieres print le chemin de Verceil & d'Yuree: & y ayāt mis en son obeissance plusieurs petites places, assieger Sainct Germain, qui est sur le grand chemin de Chiuas à Verceil, esperant la surprendre, mais il la trouua pourueuē de gens de guerre: à ceste cause il fit planter son artillerie cōtre le lieu qu'on iugea le plus debile. Vray est que c'estoit vne ville ny flanquee, ny fort remparee, mais le fossé en estoit bon, & estoit le bord d'iceluy fossé aussi hault que la muraille, de sorte que l'artillerie ne pouuoit plonger iusques au pied d'icelle, toutesfois il y fut fait quelque breche, non moins digne que deraisonnable d'estre assaillie: ce

Boutieres  
lieutenant  
du Roy en  
Piemont, &  
ce qu'il y fit.

nonobstant noz gens de pied François voyans qu'il y auoit iour à ladite muraille, donnerent dans le fossé, & mesmes le capitaine Achau Basque, qui portoit l'en seigne colonnelle du sieur de Thais, & le capitaine Garrou autre Basque lieutenant dudit sieur, & le capitaine Sainte Marie aussi Basque lieutenant du capitaine Renouart, donnerent iusques sur le hault de la breche, suyuis de beaucoup de bōs compagnons, mais aussi furieusement qu'ils assaillirent, ils furent repoussez, & y moururent lesdits capitaines Garrou, & Sainte Marie, & le capitaine Achau porteur de l'en seigne colonnelle y receut trois ou quatre arquebuzades tāt dedās les bras que le corps, & fut renuersé (l'en seigne au poing) dedans le fossé. Duquel lieu ne pouuāt partir pour ses bleffures, & pour le trait de l'arquebuzerie de ceux de la ville, se rangea son enseigne au poing contre la muraille, au costé de la breche, dont on ne le pouuoit desloger qu'à coups de pierre, parce que ladite ville n'estoit flanquee, & y demeura iusques au matin que noz gens se preparoyent de faire nouuelle batterie, pour donner nouuel assault. Les assiegez estonnez de la hardiesse & fureur des nostres, n'oserent plus attendre, ains parlementerent, à telle condition qu'ils s'en allerent leurs bagues sauues, laissant la ville avecques les munitiōs de viures & d'artillerie en l'obeissance du Roy. Ledit seigneur de Boutieres ayant pourueu à ladite place, marcha deuant Yurce, laquelle il assiegea de toutes parts, mais durant ce siege, qui fut enuiron Nouēl de ladite annee mille cinq cens quarantetrois le Roy aduertiz que ledit de Boutieres n'estoit biē obey en son armee, depescha mō seigneur François de Bourbō, sieur d'Anguiē, pour aller en lieu d'iceluy sieur de Boutieres, estre son licutenāt general en Piemōnt. D'autre part le Roy n'auoit trouuē bō q' ledit de Boutieres eust p mis l'ēnemy si legeremēt fortifier, & enuillailler Carignā, sans l'ē auoir empeschē.

Prise de S.  
Germain vil-  
le en Piemōt.

MONSIEUR d'Anguien arriué qu'il fut en poste à Turin, sachant que le sieur de Boutieres estoit deuant Yuree, luy fit entendre sa venue à ce qu'il eust à luy enuoyer escorte iusques à Chiua, pour le conduire au camp en seureté. Le sieur de Boutieres ne voyant esperance qu'il peust prendre Yuree, ou bien malcontent d'estre destitué de sa charge, se resolut de leuer son siege, & d'aller avecques toute l'armee au deuant de luy, lequel il vint rencontrer à Chiua, auquel lieu mondit sieur d'Anguien print l'armee en main, & le sieur de Boutieres se retira en sa maison en Dauphiné. Ce fait monseigneur d'Anguien par l'aduis des capitaines, lesquels auoyent la cognoissance du pays, marcha avecques l'armee contre bas le Pau, & y mit en son obeissance la ville de Pallezol, Cressentin, Desanne, & autres petites places circonuoisines, auxquelles il laissa bonnes garnisons & moyen de les fortifier. Puis à raison que l'intention du Roy estoit de remettre en ses mains Carignan, qui luy estoit vne espine en son pied, attendu qu'elle tenoit toute la plaine du Piemont en subiection, conclud y aller. Et pour cest effect, print le chemin de Môtcallier, duquel lieu pour oster la commodité d'un pont que les ennemis auoyent sur le Pau, par lequel ceux de Carignan, de iour en autre pouuoient estre refreschis de Quiers, d'Ast, & autres places de leur domination, desescha bon nombre d'hommes, pour la nuit aller brusler ledit pont : laquelle expedition fut executee, mais non sans grand travail, pour l'extreme gelee qu'il faisoit, dont plusieurs soldats eurent les pieds & mains estropiez. Et pour autant que la place de Carignan estoit en plain pays, composée de cinq beaux bastions de terre, avec les courtines, & beau fossé, & que dedás icelle estoient quatre mille hommes, des plus aguerris de toute l'armee de l'Empereur, fut aduisé selō l'opiniō de tous les capitaines, n'estre raisonnable d'entrepre-

Monseigneur  
d'Anguien  
lieutenant  
du Roy en  
Piemont.



dre de la forcer, considéré mesmes que les hommes de dedans suffiroient pour faire vne auantgarde, mais la conclusion fut prinse de l'affamer. Et pour cest effect s'en alla ledit sieur d'Anguien camper à Vimeu, deux mille deçà Carignan, pour empescher les viures que les ennemis prenoient deçà le Pau. Aussi pour autant que du costé tirant à Pancalier & des enuiron, venoit aux ennemis grand refreschissement, fut ordonné de faire vn fort à vn quart de mille de Carignâ, tirant sur ledit chemin de Pancalier à vne Eglise fondée de S. Martin, & y furent mises deux enseignes de gens de pied Italiens. Et ainsi leur fut leuee l'esperance de plus estre refreschis de ce costé là.

QUEL QUE temps apres le sieur d'Anguié aduertty que l'ennemy se renforçoit à Quiers pour du costé de là le Pau donner refreschissement aux assiegez, delibera de passer l'eau, laissant garnisons dedàs Vimeu, Carpenay, & autres petits forts, pour empescher l'ennemy de faire faillies à son plaisir du costé deçà le Pau: & pour le passage dudit sieur d'Anguien fut aduisé vn lieu contre-bas la riuere, tirant à Montcallier deux mille au deffous de Carignan, auquel fut fait vn pont de bateaux en vn lieu nommé les Sablons. Et afin que ledit pont seruist pour nostre commodité, tant deçà que delà l'eau, & que l'ennemy ne nous le peust oster, fut ordonné à chacun bout dudit pont vn fort ausquels furent mis quatre enseignes de gens de pied Italiens, sauoir est, Hercules Boutigeres, Hercules Vionte, Bernardin Corse & vn autre. Cela fait nostre armee partit de Vimeu, & passans le Pau, par le pont des Sablons, vint loger à Villedestellon, qui est entre Carignan, & Quiers, distant de deux mille de Carignan, & trois de Quiers, pour empescher les ennemis de venir secourir ou refreschir ledit Carignan. Car du costé d'Ast leur estoit malaisé sans nous combattre, à cause de Villeneuve d'Ast, que nous tenions

en nostre obeissance. Estans audit lieu de Ville-déstellon, nous y fortifiames nostre camp, & au bout de delà du pont que nous auïos brullé, fut fait vn fort, auquel furent logees deux enseignes de gens de pied de Dauphiné, sauoir est, le capitaine Passin, & vn autre. En ce point demeura nostre camp, depuis enuiron la chandeleur iusques en quaresme, non sans qu'il y eust ordinairement de belles escarmouches: car les ieunes gens du camp, desirans à faire armes, de iour en autre passoyent le pont, & à la faueur de la garde d'iceluy, & des garnisons de Vimeu, & du fort de S. Martin, se faisoient de belles entreprises, & de beaux faits d'armes, quelquesfois à l'aduantage des nostres, autresfois au profit des assiegez, d'autant qu'ils estoient quatre mille Espagnols & Lansquenets des plus aguerris de l'Europe.

ENVIRO N le mois de Mars, mille cinq cens <sup>1543</sup> quarante trois, monseigneur d'Anguien eut nouuelles que le Marquis du Guast faisoit diligence d'assembler ses forces, pour secourir les assiegez: & pour cest effect ledit Marquis auoit deliberé de venir prendre le logis de Carmagnoles, lequel s'il eust prins, il estoit en son pouuoir, sans hazard de les refreschir. Car se fortifiât audit lieu, il y eust peu faire vn pont pour passer deçà l'eau, & nous laisser de là mourir de faim, parce qu'il eust trouué le Marquisat de Saluces remply de tous biens, & nous n'auions que tout pays mangé: d'auantage nous estions contraints de Quiers, Ast, Fossan, Montdeuis, Cony, Busque, & autres places, tellement qu'il nous estoit malaisé d'auoir viures qu'avec les armes. Ces nouuelles entendues, ledit seigneur assemble le conseil, auquel apres plusieurs opinions diuerses (car aucuns estoient d'auis qu'on deuoit demeurer à Ville déstellō) fut conclud de preuenir à Carmagnoles, pour oster à l'ennemy ceste cōmodité de faire vn pont, pour auoir viures au Marquisat de Saluces.

L'ARMÉE Françoisse estant à Carmagnoles, les Imperiaux assiegez entrèrent en plus grande necessité de viures que deuant, parquoy aduertirent le Marquis du Guast, que si dedans la my Auril ils n'estoyent secourus, la famine les contraindroit de faire ce qu'ils n'auoyēt deliberé, s'ils n'estoyent refreschis. Le Marquis ayant eu cest aduertissement, fit de toutes parts diligenter ses forces, & contremanda quatre mille Lansquenets, lesquels estoient à Gennes, prests d'embarquer, qu'ils se vinssent ioindre avecques luy. Dequoy monseigneur d'Anguien aduerty, depescha vn gentilhomme deuers le Roy, pour le luy faire entendre, & que son bon plaisir fust d'enuoyer le payement de trois mois deus à ses gens de pied, car il craignoit qu'arriuant la necessité de cōbatre, par faulte de leur solde, ils en fissent refus, specialement lès Suiffes, lesquels estoit sa principale force avec les vieilles bandes Françoises. Outre plus il manda au Roy, sçauoir si le Marquis se presentoit en lieu raisonnable, il luy plairoit l'authoriser de hazarder la bataille plustost que laisser secourir vne ville, laquelle luy auoit tāt cousté, pour estre reduite en ceste extremité. Audit seigneur d'Anguien, le Roy fit response que de brieſ il luy depescheroit le sieur de Langey, gouverneur de Turin, lequel luy porteroit argent, & qu'il l'auoit retenu pres de luy pour cest effect. Quant à la bataille, le remettait à en vser par l'aduis des capitaines qui estoient aupres de luy, lesquels pouuoient mieux cognoistre (estans sur les lieux) ce que la necessité commande-  
roit à ses affaires, que luy qui ne le voyoit à l'œil.

Noblesse  
Françoisse  
passant en  
Piemont.

ESTANT publié par la cour que le Roy auoit permis au seigneur d'Anguien de donner la bataille, la ieunesse de la cour cogneut bien que malaisement ce passeroit la partie sans qu'il y eust du passetemps, parquoy, selon qu'est la coustume de la noblesse de France, chacun se prepara pour s'y trouuer, les vns parti-

partirent sans congé, & les autres avecques congé du Roy. Entre autres, le sieur de saint André, le sieur de Dampierre, de la maison de Clermont en Dauphiné, tous deux fort fauoris de monseigneur le Dauphin. Le sieur de Iarnac, Gaspar de Colligny sieur de Chastillon, François de Vendosme, Vidame de Chartres, les deux freres de Bonniuet, le sieur de Bourdillon, le sieur de Descars, les deux freres de Ienlis, le sieur d'Assier, capitaine de l'artillerie, lequel auoit sa compagnie de cinquante hommes d'armes en Piemont, le sieur de la Hunaudaye, fils vnique de l'Amiral d'Annebault, le sieur de Rochefort, le sieur de Lusarches, le sieur de Vuartis, & le sieur de Lassigny, de sorte que peu de ieunesse demeura en la cour, principalement de celle qui suyoit monseigneur le Dauphin. Il faut entendre que les finances de mondit sieur d'Anguien estoient si courtes, qu'il n'y auoit plus rien entre les mains, ny des thresoriers, ny d'homme du camp, parquoy ceste arriuee fut commode, car pour estre gens de maison chacun auoit apporté le fonds du coffre, lequel soudain mondit seigneur d'Anguien voida de leurs boistes pour contenter les soldats, attendant la venue de l'argent du Roy.

Le vendredy de la passion, le Roy, lequel estoit à Ennet, ayant iournellemét nouuelles, que le Marquis du Guast auangoit son armee, pour secourir les assiegez, considerant que monsieur d'Anguien l'auoit aduertiy, que la faute de payement pourroit decourager les soldats, mais aussi auoit-il autre cōsideration, que trois cens mille liures n'eussent satisfait audit payement, & qu'il auoit à soustenir vne autre grande armee, laquelle l'Empereur dresseoit en Allemagne, pour entrer en son royaume, avec celle dont le Roy d'Angleterre pretendoit l'affaillir par autre part: & que finalement le fonds de ses finances pourroit difficilement fournir à tout cela, toutesfois il depescha en

Passage de  
Monsieur de  
Langey avec  
argent au  
camp.



poste le sieur de Langey, messire Martin du Bellay, gouuerneur de Turin, pour aller trouuer son armee en Piemô, auquel passant par Paris, il fit deliurer quarante huit mille escus, qui n'estoyent la quarte partie de ce qui estoit deu aux estrangers, mais luy donna charge de chercher tous moyens possibles de contenter les gens de guerre, de sorte qu'on les menast au combat.

Le ieudy de la sepmaine sainte, qui estoit le cinquime iour d'Auril, mille cinq cens quarante trois, auant Pasques, arriua ledit Langey à Pignerol, où il eut nouuelles que l'armee de l'Empereur approchoit de la nostre. Et pour autant que pour aller à Carmagnoles, où estoit nostre camp, falloit passer à la portee d'une couleurine de Carignan, où (comme dit est) estoient quatre mille hommes de guerre, trouua que seurement ne pouuoit passer sans escorte. Parquoy par diuers messagers, afin que si l'un estoit prins, l'autre passast, aduertit monseigneur d'Anguien de son arriuee, en lettres de chiffre, lequel le vendredy saint luy enuoya le sieur Bertin de Solliers, l'un des seigneurs de Morette, avecques quarante salades nouvellement venus du cāp Imperial au seruice du Roy, par la pratique de l'eleu de Riez, sieur de Cental: & par ledit de Solliers luy manda qu'à Cercenas, & à Vimeu, & au pont des Sablons il trouueroit nouuelles escortes. Le seigneur de Langey fut en difficulté, si sur l'aiseurance de ceste escorte, il deuoit hazarder les deniers qu'il portoit, attendu que c'estoyent Italiens qui n'auoyent encores fait serment, ny prins la soulde du Roy, car il consideroit que perdant cest argent, l'estat du Roy demouroit en hazard, & si par faute d'iceluy nos gens faisoient refus de combattre, on l'en pourroit blâmer: toutesfois plustost qu'endommager le seruice du Roy, resolut de mettre & luy & l'argent au vueil de fortune, concludant que si mal en aduenoit, il seroit  
plus

plus reprochable à ceux qui luy auoyent enuoyé l'escorte qu'à luy. Ioint aussi qu'il auoit esperance à l'autre escorte, laquelle il esperoit trouuer à Cercenas & Vimeur. Mais à tous deux ne trouua homme ordonné pour cest affaire, de sorte qu'il fut en opiniõ de prendre le chemin de Montcallier, pour mettre l'argent en seureté, craignant qu'en passant par deuant Carignan, si les ennemis faisoient vne saillie, ceux mesmes qui le conduisoient le saccageassent. Mais estant aduertý par le sieur de Cercenas & par l'abbé de Morette (desquels il trouua audit lieu de Cercenas) que le camp Imperial estoit à Mouta, sept mille pres du nostre, en apparence de vouloir dedans deux iours donner la bataille, passa outre iusques au pont des Sablons, où il trouua aussi peu d'escorte qu'aux autres lieux, sinon qu'il fit monter à cheual le capitaine Bernardin Corse, avecques tous les arquebusiers à cheual, tant de sa compaignie, que de Hercules Bottigeres, & de Hercules Visconte, qui estoient à la garde d'iceluy pont, lesquels toute nuit le conduirent à Carmagnoles, auquel lieu il arriua vne heure apres minuit, au logis de monseigneur d'Anguien. Incontinent il fut diuulgú par tout le camp, que ledit Langey estoit arriué avecques l'argent pour le payement de l'armee, qui donna grande resiouissance & bonne affection à tous les soldats.

— Pour resouldre ce qui estoit à faire, monseigneur d'Anguien manda querir tons les capitaines qui estoient au camp, en l'assemblee desquels le sieur de Langey declara le peu d'argent qu'il auoit apporté, & que le Roy pour les autres vrgens affaires qu'il auoit à supporter, à l'occasion des armées que l'Empereur & le Roy d'Angleterre preparoyent, pour l'endommager ailleurs, n'auoit seu fournir plus grande somme, ne voulant desgarnir les finances qu'il auoit disposees pour cest effect. Ce neantmoins le Roy se confiant à

Inuention  
pour con-  
tenter les  
soldats.

leurs experiēces esperoit qu'ils inuētassent les moyēs de faire marcher les soldats au combat. Apres auoir entendu que l'argent qu'il auoit apporté n'estoit pour payer la simple paye d'un mois aux estrangers, ores qu'il leur fust deu le payement de trois, aduiserent afin que la bonne opinion en laquelle estoient les gens de guerre, ne leur fust diuertie, qu'on feroit tout à l'heure donner l'alarme dedans nostre camp, à ce que chacun se trouuast au lieu ordonné pour combattre, & que ce temps pendât le iour viendrait, & qu'alors on feroit retirer les enseignes à part pour faire les monstres particulieres, enseigne pour enseigne, sans autre chose declarer, sinon de toucher argent, & qu'il seroit publié que leur payement se feroit à la banque. Par ce moyen le famedy de Pasques se passeroit à faire la monstre, & le iour de Pasques (selon les aduertissemēs) ne se passeroit que l'ennemy ne fust si pres, qu'en lieu de faire le payement il faudroit combattre, auant que les soldats eussent la cognoissance du default des deniers. Ceste deliberation fut executee, l'alarme se donna, chacun avecques lanternes & falors (d'autant que la lune n'ecleroit) se ietta en bataille, le iour suruint auant qu'on eust rengé les batailles en la forme qu'elles deuoyent marcher au combat: puis les bandes separees, & les môstres faites, le iour se passa, parquoy fut le payement remis au lendemain, & se retira chacun en son logis.

INCONTINANT apres arriuez le capitaine  
Blanfossé, qui ce iour estoit sorty de prison, des mains  
des Imperiaux, par le moyen d'un gentilhomme ser-  
uiteur du Roy estat à la souldie de l'Empereur, lequel  
Deſſeing des  
Imperiaux. aduertit monseigneur d'Anguien, que le Marquis du  
Guast avecques l'armee Imperiale, partoit ce dit iour  
de la Mount, delibéré de venir à Serifolles, en inten-  
tion qu'estant audit lieu, il pourroit aller à Villede-  
stellon, que nous auons abandonnée, & forcer le pont  
des

des Sablons ( chose que ne pouuions empescher ) & passer deçà le Pau, pour nous contraindre de demeurer delà l'eau sans viures & sans argent. Et au cas que vinssions pour luy empescher le logis de Villedestellon, il prendroit le chemin de Raconis, & par les marais, afin que ne le peussions combattre ( craingnât nostre gendarmerie ) gagneroit le derriere de Carmagnoles, pour venir à Lombriast, & Casalgras, dresser vn pont de batteaux, qu'il menoit quand & luy pour passer le Pau de deçà, car il estoit asseuré qu'il trouueroit dedans le Marquisat de Saluces vingt ou trente sacs de bled ( mesmes dedans Conis en auoit quinze mille ) qui fourniroyent pour enuitailler son camp & la ville de Carignan, & puis nous contraindroit de nous retirer. Qui eust esté entierement nostre ruine, par ce que nos gens n'estans payez, il estoit malaisé de tenir la campagne, & ne la tenans ains nous retirans aux villes, le Marquis estoit deliberé de faire le gäst par tour le Piemôt, brusler le plat pays, & enleuer tout le bestial pour oster le moyen de labourer. Et laissant gës frais dedàs Carignan, & grosses garnisons en toutes les places esquelles les Imperiaux auoyent puissance, marcheroit à Yuree, auquel il deuoit trouuer le Comte de Challan, lequel auoit commission de l'Empereur de leuer dix mille hommes, pour avecques ce renfort passer pale val d'Oste, & venir entrer en Sauioye & en la Bréffe, pendant que l'Empereur feroit son grand effort par le pays de Champagne.

TOUT ces choses bien digerees par monseigneur d'Anguien & les capitaines qui estoient avecques luy, fut conclu d'aller combattre les Imperiaux en chemin deuant qu'ils eussent gaigné le pays fort: & afin que les soldats n'apperceussent la penurie du payement, fut ordonné que le matin on feroit marcher nos gens en bataille dedans le camp ordonné pour le cōbat. Puis sous couleur qu'on n'auroit le loisir (eu



esgard à la proximité de l'ennemy, de faire le payement des gens de pied à la banque, fut ordonné à chacune enseigne son thresorier, car nous auions esperance que deuant que l'argent qu'on auroit apporté fust distribué aux soldats, nous serions à la bataille. Aussi fut ordonné au seigneur de Termes colonnel des cheuaux legers d'enuoyer vingt cheuaux vers Villedestellon, pour entendre si l'ennemy marcheroit ce chemin là, autres vingt vers Somme-rive, & vingt vers Raconis, à ce que nous estans en bataille en la campagne, eussions le moyen de tourner la teste droit le chemin où nous serions aduers. is qu'ils marcheroyent, pour les combatre en logeant ou deuant que loger, sans attendre qu'ils se fussent mis en pays fort: pareillemēt fut ordonné de combatre en trois troupes, auantgarde, bataille, & arriere garde.

Le seigneur de Boucieres, lequel ayant eu nouuelles de la bataille estoit reuenue de sa maison pour s'y trouuer, eut la cōduite de l'auantgarde avecques trente hommes d'armes de sa compagnie, la compagnie du Comte de Tende aussi de trente hommes d'armes que conduisoit le seigneur de Thorines son lieutenant, & le seigneur de Termes colonnel de la caualerie legere, avec les deux cens cheuaux legers dōt il auoit la charge, Francisque Bernardin de Vimercat avecques pareille charge de deux cens cheuaux legers, la bande du seigneur More de Nouate, laquelle conduisoit le seigneur Cabre son frere & lieutenant, pareille charge, & le seigneur de Cental avecques trentecinq ou quarante cheuaux legers que nagueres il auoit tiré du seruite de l'Empereur; & quatre mille hommes de pied des vieilles bandes Françoises, dont estoit colonnel le seigneur de Tais. Au premier rang desquels se mirent plusieurs gentilshommes venus en poste de la cour, qui depuis n'auoyent en moyen de recouurer cheuaux, entre autres les trois fiers de Bonniuet, & le  
jeune

ieune Ienlis. A cōduire la bataille monseigneur d'Anguien, avec luy le seigneur de Langey gouverneur de Turin, le seigneur d'Affier avec sa compagnie de gendarmes, celle du Baron de Cursol, lequel estoit demouré à Turin en l'absence dudit seigneur de Langey, la compagnie du Comte de Montrauel que conduisoit le Baron d'Oyn son lieutenant, & de gentilshommes pour leur plaisir environ cent cheuaux, desquels estoient le seigneur de S. André, le seigneur de Chastillon, le seigneur de Iarnac, le Vidame de Chartres, le seigneur de Bourdillon, le seigneur de Rochefort, le seigneur d'Escars, le seigneur de Luzarches, le seigneur de la Hunaudaye, le seigneur de Ienlis, le seigneur de Lassigny, de S. Amand nommé de Rochechouart, & autres, laquelle ieunesse marchoit sous la cornette de monseigneur d'Anguien, portée par le seigneur de Rubempre, le seigneur d'Auffun avec environ centcinquante salades. Le seigneur de Glayue gouverneur de Cahors, & Pescheray, gouverneur de Montcallier, & de gens de pied quatre mille Suisses. En l'arrieregarde le seigneur de Dampierre, avec tous les guidons & archers des compagnies, & les Gruyers qui pouuoient estre trois mille hommes de pied, & les Italiens estans sous la charge du seigneur d'Escro, qui deuoient estre deux mille, & messire Charles de Dros gouverneur du Montdeuis autres mille.

Les choses ainsi ordonnees, le x. d'Auril iour de Pasques, 1544. au poinct du iour chacun se trouua en bataille au lieu & en la forme qu'il estoit ordonné, auquel estat nous demourasmes iusques à midy, q nous eusmes nouuelles par noz cheuaux legers que l'ennemy marchoit, mais ne se pouuoit iuger lequel chemin il tiroit, ou de Somme-rive, ou de Raconis, ou de Villedestelon. Ce rapport attendu fut aduisé afin que (s'il prenoit le chemin de Raconis ou de Villedestelon)

on l'amusast par escarmouches, q̄ monseigneur d'Anguien & quant & luy les cheuaux legers & mille ou douze cens arquebuziers, avec trois moyennes à double equipage, pour diligenter aussi tost que la cavalerie, marcheroyēt iusques sur vn hault distant vn mille de nostre camp, pres vn bois sur le chemin de Serifolles. Monseigneur d'Anguien estāt arriué audit lieu, enuoya le sieur d'Auffun avec sa bande, & quelque arquebuzerie qui le suyuoit de loin, sur vn autre hault vn mille plus auant duquel il descouuroit vne valee rase, qui est entre Serifolles & Sommerie.

LE DIT seigneur d'Auffun y estant arriué decouurit les Imperiaux marchans de Serifolles à Sommerie, lequel pour les diuertir de leur chemin, ayāt ietté ses arquebusiers dedans vn bosquet, lieu fort & pres le chemin que deuoyēt faire les ennemis, pour le soustenir s'il estoit besoin. Apres auoir aduert y le seigneur d'Anguien, alla dresser l'escarmouche, faisant tousiours sa retraitte ausdits arquebusiers, mais les ennemis ne l'osoyent enfoncer craignans d'entrer en vn desordre. Cepédant monseigneur d'Anguien avec environ trois cens cheuaux & le reste de l'arquebuserie marcha : puis ayant fait recognoistre le chemin par quelques vns des capitaines estans avec luy, trouua qu'il pouuoit sans hazard, donner iusques sur le hault, parce qu'il estoit coupé tout court, en sorte que l'ennemy ne le pouuoit venir cōbatre qu'en mōtant, & à peine sans se mettre en desordre. Et estant audit lieu, fit mettre en bataille toute sa cavalerie sur le bord dudīt costāu, si q̄ l'ennemy la decouuroit, mais ne pouuoit recognoistre nostre derriere, dont il pouuoit plustost cōiecturer q̄ tout le reste de nostre armee y fust qu'autrement. Ce fait fit marcher noz trois moyennes, qui du milieu de nostre cavalerie tirerent dedans l'vn des bataillons des gens de pied des ennemis arrestez en la valee, dont y eut quelques hommes tuez, & aussi d'heu-

d'heure en autre enuoyasmes renforcer l'escarmouche tant d'arquebuziers que de caualerie, defendans toutesfois à ceux qui en auoyent la charge, de se mesler de peur qu'ils fussent renuersez, & que l'ennemy peust auoir la cognoissance du derriere.

D V R A N T ces choses le Marquis du Guast estoit à Sommeriue pour y visiter le logis, mais vn soldat François seruiteur du Comte de Tende, auquel Côte la place appartenoit, estant dedans la tour du chasteau ne cessa de tirer, & ne se voulut rendre, quelque comminatio que luy fist le Marquis, parce qu'il voyoit nostre armee en campagne du hault d'icelle tour, duquel lieu le lendemain il eut le passeremps de la bataille. Ledit Marquis ayant puy tiret nostre artillerie, pensa auoir ce soir la bataille, & retourna en son cāp laissant Sommeriue en patience: puis apres auoir bien consideré nostre contenance, eut crainte d'estre combatu en logeant, à cause dequoy il delibera se loger pour la nuit à Serisolles dont il estoit deslogé.

M O N S I E I G N E V R d'Anguien voyant que l'ennemy & tout son bagage estoit rentré à Serisolles, & qu'il auoit laissé ses forces en bataille le long des hayes pres dudit lieu, & aussi que la nuit approchoit, assembla tous les capitaines pour auoir aduis de ce q. estoit à faire. Les vns furent d'opinion qu'on deuoit mander le reste de l'armee, & pour le soir se loger sur le hault où nous estions, pour au point du iour leur donner la bataille. Autres furent d'aduis contraire, en remonstrant q. veu qu'il estoit tard ils ne pourroyent estre venus qu'il ne fust nuit, & que les gens de cheual & de pied estoient en bataille dès minuit, sans auoir beu ny mangé, & si auoit fait grande chaleur tout le iour, à cause dequoy les soldats estoient autant trauaillez que s'ils eussent marché: & de faire encores trois mille, ils seroyent si trauaillez, tant les cheuaux q. les homes, q. si l'ennemy les vouloit combattre



en logeant, ils auroyent peu de force pour s'ayder de leurs armes, & aussi qu'ils n'auoyent charroy pour amener viures quant & eux pour repaistre. Pareillemēt vñ si l'ennemy auoit cognoissance de nostre faict, il ne nous donneroit loisir de loger, ains nous trouuant en desordre en logeāt, nous pourroit combattre à nostre desauantage, ainsi que fist le Roy Edouart d'Angleterre au Roy Philippe de Vallois, à la iournee de Crecy. Toutes choses debatues fut resolu qu'on se retireroit à Carmagnoles, laissant deux cens cheuaux légers pour cognoistre & faire rapport que deuiédroit l'ennemy pour ceste nuit. Puis apres que noz gens seroyent refreschis, s'il estoit nouuelle que les ennemis marchassent à Villedestelon, nous irions loger entre eux & Carignan, ayans nostre pont sur le Pau pres de nous, pour auoir des viures de deça l'eau, afin q̃ nous estans logez audit lieu les ennemis ne peussent venir à Carignan sans nous combattre: aussi ne pouuoient-ils venir pour gaigner nostre pont, sans nous auoir en teste: & s'ils demouroyēt à Serifolles, nous partirions dès minuiēt pour arriuer deuant le iour sur le hault auquel nous estions, pour leur empescher le logis de Sommeriue: ceste resolution prise nous retirasmes à Carmagnoles.

Le lendemain lundy de Pasques, vñzieme iour d'Avril, mille cinq cens quarantequatre, enuirō vne heure apres minuiēt, nous sortismes de nostre logis pour faire le chemin qui auoit esté ordonné, & en tel ordre qu'il est cy dessus declaré: mais le Marquis nous voyant le soir estre retirez à Carmagnoles, estima (comme l'apparence estoit, & ainsi que par aucuns de ses espies luy fut rapporté) que voulions repasser le Pau en ça, & luy abandonner le costé de delà: parquoy changeant son desseing, partit vne heure deuant le iour, pour nous rattaindre auant qu'eussions passé la riuere, & marcha à nostre queuē tout le chemin

que

que le iour de Pasques nous auions fait. Le seigneur d'Anguien ayant marché vn mille hors de Carma-gnoles, fut aduertty par les auantcoureurs (mesmes par vn Albanois, nommé Paule Bonbouque) comme ils auoyent veu l'armee du Marquis marcher droit à nous, & qu'elle auoit desia gaigné le hault que nous auions deliberé le soir de deuant prendre pour nostre auantage: eu sur-ce l'aduis des capitaines, fut cōclud de les aller cōbatre, encore qu'ils fussent dix mille hommes de pied plus que nous, car de nous retirer dedans nostre fort, lequel nous auions ia eslongné d'vn mille, c'eust eité signé de fuite, qui eust osté le cœur aux nostres, & augmenté celuy des ennemis: parquoy apres auoir eu rapport de la forme que marchoit l'ennemy, Forme de deux armées. sauoir est, de trois gros bataillons de gens de pied, ayant chacun leur aille de caualerie, & marchoyent lesdits trois bataillons aussi auant l'vn que l'autre, fismes le semblable, car le pays estoit large. A la main droite marcha le bataillon des vieilles bandes Françoises, qui pouoyent estre trois mille hommes en bataille, sans l'arquebuserie, lesquels estoient conduicts par le seigneur de Thais leur general, & à la main droite desdits François marchoyent les chevaux legers, dont auoit la conduitte le seigneur de Termes: & à la gauche le seigneur de Boutieres, avecques enuiron quatre vingts hommes d'armes, puis à la gauche dudit seigneur de Boutieres le bataillō des Suisses, qui pouuoit estre de pareil nombre de trois mille hommes, & à la gauche desdits Suisses estoit le seigneur d'Anguien, avecques ceux que i'ay dit cy deuant: & à la gauche dudit seigneur d'Anguien, marchoyent les Italiens & Gruyers, qui pouoyent estre quatre mille hommes: & à la gauche desdits Gruyers le sieur de Dampierre, avecques tous les guidons, & archers de la gendarmerie. Ayant mis cest ordre, on tira des compagnies de gens de pied, tant François-

ses qu'Italiennes iusques au nombre de sept ou hui& cens arquebuziers, lesquels se ietterent deuant les batailles pour enfans perdus, dont fut donnee la charge au capitaine Montluc, ayant avecques luy le capitaine Heuart, le capitaine Guasquet, & autres gens dispos, & de bon entendement. Et puis marcha deuant la bataille des Suisses le seigneur Gaillac, avecques hui& pieces d'artillerie de campagne, & deuant le bataillón des Gruyers le frere du sieur de Mailly de Picardie, avec pareil nombre d'artillerie. Au surplus fut donnee la charge au capitaine Martin du Bellay sieur de Langey gouverneur de Turin, d'aller de la bataille à l'auantgarde & à l'arrieregarde, afin que selon q l'ennemy se gouuernerait il fist marcher les nostres.

L'ORDRE qu'auoit mis le Marquis estoit qu'il faisoit marcher sur nostre main droite le Prince de Salerne avec dix mille Italiens: au milieu marchait Alisprand de Madruce, frere du Cardinal de Trente, avec plusieurs autres colonnels & capitaines Allemands, & auoit en leur bataillon dix mille Lansquenets, dont il n'y auoit vn seul qu'il ne fust armé, car le Marquis auoit pris toutes les armes qu'il auoit trouuees dedans Milá. Et au droit de noz Gruyers, & à l'autre costé de leurs Lansquenets, & à nostre main gauche marchait Dom Raimond de Cardone avec vn bataillón de six mille homes, moitié vieux soldats Espagnols, & moitié vieux soldats Allemands, tous nourris ensemble à la guerre depuis le voyage de Tunis, & d'Alger. Au costé du Prince de Salerne & de son bataillon marchoyent environ de viij. à viij. cens cheuaux, enuoyez par le Duc de Florence au secours des Imperiaux, conduits par Rodolphe Baglion: au milieu d'entre les Lansquenets & Espagnols marchait le Marquis du Gast avec pareil nombre de caualerie: & à l'autre costé des Espagnols marchait le Prince de Sulmone, fils du feu Vice-roy de Naples Dom Charles de Lau-  
noy,

noy, capitaine general de toute la caualerie, avec pareil nombre de caualerie que les autres. Et estoient lesdites troupes Imperiales reengees sur le hault, dont nous estions partis le soir precedent, auquel nous auions delibere de retourner, pour gaigner l'auantage, mais le Marquis l'auoit le premier occupe, & auoit mis au droit de deux cassines, dont l'une estoit du costé des Allemans, l'autre du costé des Espagnols, dix pieces d'artillerie d'une part, & dix de l'autre, lesquelles estoient en lieu si auantageux, que noz gens ne pouuoient marcher à eux que lesdites pieces ne donnassent dedans noz batailles de hault en bas. Ce fait, le Marquis avec cinquou six cheuaux se retira sur vn petit hault, duquel il voyoit & pouuoit commander à toute son armee, tant à droite qu'à gauche, & au milieu: puis manda au Prince de Salerne qu'il n'eust à marcher plus auant que le lieu où il estoit sans son commandement: mais le Marquis estonné de son gros ost d'Allemans renuersé (comme tantost ie diray) n'eut (à mon aduis) loisir, ou ne luy souuint de mander au Prince de Salerne ce qu'il auoit à faire, parquoy il ne bougea de son lieu, ce qui nous fit grand plaisir, car s'il eust marché au costé des Allemans, il eust bien empesché le bataillon de noz François, pendant qu'ils estoient embesongnez contre lesdits Allemans.

MONSIEUR d'Anguien, arriué qu'il fut à la portee d'une couleuvre pres du hault, auquel les Imperiaux s'estoient arrestez, regarda d'accommoder ses batailles en lieu qu'elles ne peussent estre offesees de l'artillerie Imperiale. Il estoit enuiron soleil leué quand les deux armées se planterent l'une deuant l'autre: soudain l'escarmouche se dressa entre les deux batailles de nostre arquebuzerie & de la leur, laquelle dura iusques sur les vnze heures du matin, par ce



que les Espagnols & Italiens taschoyent de venir gaigner le flanc de noz batailles, comme ils auoyent fait à la bataille de Pauie, l'an mille cinq cens vingt-quatre. Aussi taschoyent les nostres de faire le semblable : chacun renforçoit de sa part, si qu'il y eut l'espace de quatre ou cinq heures, enuiron de quatre à cinq mille arquebusiers, tant d'un costé que d'autre entre les deux armées. Je vous assure qu'il y eust eu beaucoup de plaisir à voir les ruses & stratagemes de guerre, qui se faisoient tant d'une part que d'autre, à l'homme qui eust esté en lieu de seureté, & qui n'eust eu autre chose à faire. En fin entre vnze & douze heures, les ennemis se voyans plus forts d'hommes d'un tiers, delibererent de nous venir assaillir. Le sieur de Thais qui estoit sur nostre main droite, tourna la teste pour aller combattre le Prince de Salerne, & pour cest effect s'esloingna enuiron de demy quart de mille du bataillon des Suisses : mais le sieur de Langey, qui auoit la charge de recognoistre la contenance de l'ennemy, & d'aduertir noz gés de ce qu'ils deuoyent faire, aussi auoit le sieur de Monnins, voyant marcher le bataillon des Lansquenets Imperiaux, qui estoit de x. mille hommes, pour venir attaquer noz Suisses, qui n'estoyent que quatre mille, vit le ieu mal party : voyât aussi que le Prince de Salerne ne faisoit semblant de vouloir marcher, & qu'il estoit encores loing, manda par le sieur de Griffé, au sieur de Thais, qu'il eust à retourner la teste, & se venir ioindre pres des Suisses, autrement qu'il voyoit la bataille en hazard, parce que noz Suisses n'estoyent pour soustenir ce faiz : & aussi luy auoyent dit qu'on leur auoit promis de l'ong temps, que venans au combat, les François seroyent pres d'eux, & qu'ils n'estoyent pour eux seuls soustenir ce gros bataillon de Lansquenets. Outreplus il fut remonstré audit sieur de Langey par le capitaine Fourly, Suisse, qui pour ce iour leur commandoit, comme colon-

nel,

nel, encores que saint Iulien en prist & eust par le pas  
sé pris, & l'honneur, & le profit, si est-ce que pour  
ce iour il en laissa la charge audit Fourly, lequel dit  
audit de Langey, luy persuadât de marcher, que si son  
bataillon marchoit, l'artillerie de l'ennemy luy don-  
neroit droit dedans, & que le naturel de sa nation  
n'estoit d'endurer la batterie de l'artillerie, ains d'al-  
ler droit pour la gagner, & q par ce moyé s'il se met-  
toit au descouuert, les gens se mettroient en desordre  
pour y courir. Qui seroit cause que l'ennemy luy dō-  
neroit par le flanc, mais estans nos ennemis marchez  
plus auant, eux-mesmes couuriroyent leur artillerie,  
& alors il meneroit ses hommes au combat sans con-  
fusion.

Le sieur de Thais ayant eu cest aduertissement,  
incontinent changea d'entreprise, & tournant la teste  
de son bataillon se vint rēdre pres des Suisses, laissant  
seulement entre les deux bataillons place, en laquelle  
se vint mettre mō sieur de Boutieres, avecques les qua-  
tre vingts hommes d'armes qu'il auoit en sa compa-  
gnie. Les Allemans Imperiaux voyans les François a-  
uoir changé leur dessein, changerent pareillement le  
leur, & de leur gros bataillon en firent deux, l'un pour  
combattre les Suisses, & l'autre les François, si proches  
l'un de l'autre, que le derriere ne monstroient apparence  
que d'un bataillon. Pendant ces choses, le seigneur  
d'Anguien, qui deuoit estre ioingnant les Suisses, fut  
cōtraint de demeurer avecques les Gruyers, car ils es-  
toient estonnez, de sorte que sans ce qu'il demeura  
pres d'eux, & les remonstres que leur firent les ca-  
pitaines, ils s'en fussent fuis sans coup ferir, à raison de  
l'effroy qui s'estoit espandu parmy eux. Le sieur de  
Termes avecques la caualerie legere, estant à la main  
droite des bandes Françoises, voyant la caualerie du  
Duc de Florēce, laquelle marchoit pour à l'heure que  
les batailles se viendroyent à ioindre, dōner par les

Defaite des  
ennemis.

flans au bataillon des François, ne voulut attendre cest inconuenient, mais les chargea de telle furie qu'il les rompit, & les renuersa sur le bataillon du Prince de Salerne, tellement que ledit sieur de Termes pensant estre suyuy, donna iusques au milieu dudit bataillon, où son cheual fut tué, & luy prins. Ladite charge seruit beaucoup, car il est apparent, que sans icelle le Prince de Salerne eust marché sur les flans de nostre bataillon de François, mais il fut couuert de la caualerie de Florence, laquelle tomba sur ses bras, & cependât nos François & Suisses firent leur faction sans empeschement que de celui qu'ils auoyent en teste.

PENDANT ladite charge, les batailles des Lansquenets Imperiaux & celles des Suisses & François s'aborderent. Or auoyent les François mis entre le premier rang & le second vn rang d'arquebuziers, & les Allemans vn rang de pistoliens, lesquels tiroient par entre ceux du premier rang. Estans lescdites batailles à la portee d'une moyenne l'une de l'autre, le capitaine Villefranche, lequel auoit la charge de la corne droite du bataillon des François, considerant que le bataillon d'Allemâs qui le venoit aborder estoit plus large que le sien, & par ce moyen à l'aborder serreroit les François par ce costé, soudain fit tirer du derriere de son bataillon les armez des deux derniers rangs, dont il elargit sa teste, & fit à l'ennemy ce que ledit ennemy auoit intention de luy faire. Ce fait ils marcherent l'un vers l'autre, de pareille furie, & combatterent tant d'une part que d'autre furieusement, si est-ce qu'à l'aide des armes que fit la gendarmerie Françoisse conduite par le sieur de Boutieres, tous les Allemans Imperiaux furent rompus. On peut bien dire que iamais si petit nombre de gendarmerie & de gens de pied ne soustint si grand faiz, ny si furieux. Le Marquis du Guast voyant la ruine tournée sur ses Allemans, ausquels estoit son esperance, se mist à la  
guarite

guarite sans coup ferir.

Av mesme instant le sieur de Dampierre, avecques les guidons chargea les gens de cheual Imperiaux, conduits par le Prince de Sulmonne, lesquels faisoÿent espaule aux Espagnols, & les rompit. Semblablement le bataillon des Espagnols & vieux Allemas vindrent combattre nos Gruyers & Italiens desquels ils eurent bon marché, car hors mis les capitaines qui estoient au premier rang, tous se mirent en fuite, & ne s'en fust sauué vn, sans monseigneur d'Anguien, lequel accompagné de ceux qui estoient ordonnez en sa troupe, chargea lesdits Espagnols & Allemans, en prenant l'un des coings de leur bataillon, & transuersant à l'autre, de sorte qu'il rompit tout ce trauers, dont ne demeura vne seule enseigne debout dudit bataillon. Mais ceste charge fut sanglante, car il y demeura le seigneur d'Assier, le Baron d'Oyn lieutenant du Comte de Montrauel, Monsallais enseigne du Baron de Cursol, nommé Glaiue de Bourbonnois, le seigneur de Glaiue gouverneur de Cahors, le seigneur de Couruille, & les deux Escuiers de monseigneur d'Anguien : le seigneur de Lassigny eut son cheual tué, mais il se sauua à pied, le seigneur de saint Amand, nommé de Rocheschouart, & le seigneur de Feruaques y furent blesez, de sorte qu'ils furent trouuez parmy les morts, mais ils furent si bien pensez qu'ils guerirent : & plusieurs autres y furent tuez, ou blesez, & iusques à quatorze ou quinze, tant capitaines que gens de nom.

Le seigneur d'Anguien ayant fait ladite charge, & pensant que les Gruyers eussent fait leur deuoir, estimoit auoir gaigné la bataille de ce costé, mais il trouua le contraire, car ayant tourné visage pour rechercher, au lieu de trouuer les Gruyers & Italiens victorieux, les trouua à vau de rouverte (hors mis le premier rang, comme dit est) sans donner vn coup de picque, à cause de quoy la teste des Espagnols n'ayans



plus de gens de pied à combattre, tourna sur monseigneur d'Anguien, de sorte qu'à ladite charge il perdit plus qu'à la premiere, par ce qu'il n'auoit plus de gens de pied pour le soustenir. Or n'auoit-il nouuelles que estoient deuenus nos François & Suisses, qui luy faisoit presumer qu'ils estoient deffaicts, car entre le lieu où combattirent nos Suisses & François, & le lieu où combatit monseigneur d'Anguien y auoit vne petite colline, de sorte qu'on ne pouuoit auoir cognoissance l'un de l'autre: si est-ce qu'il resolut & ceux d'avecques luy, de tous mourir auant que se retirer. Parquoy par plusieurs fois rechargea, mais il trouua tousiours vn nombre de arquebuziers ennemis pêle-mêle de luy, & le bataillon des picquiers les suyuoient tousiours sans rompre leur ordre, & si n'auoit pas en fin plus de cent cheuaux en sa compagnie, qui estoit peu pour combattre quatre mille hommes, mais c'estoit à la desesperade. Pendant que monseigneur d'Anguien s'estoit retiré sur la main droite pour auoir moyen de rechapper sans estre empesché de l'arquebuzerie ennemie, qui l'empeschoit de ce faire, estant tousiours pêle-mêle de luy, les Espagnols eurent nouuelles de la deffaite du reste de leurs gens, parquoy perdirent le cœur, & en lieu de nous attendre commencerent leur retraite: laquelle ne leur fut permise d'acheuer, car le seigneur d'Anguien ordonna le seigneur d'Aufsun, avecques enuiron cinquante cheuaux, pour les charger par les flanes, & luy avecques le reste, qui s'estoit rassemblé pres de luy, leur donna sur la queue, mais estans chargez ils ne tindrent point, car chacun tascha à se sauuer ou dedans les bosques, ou dedans les cassines, toutesfois peu ou point se sauuerent que tout ne fut pris ou tué.

Pour monstrer que ieunesse fait faire beaucoup de choses hazardeuses, le sieur d'Anguié sur ceste dernière charge, voyant le sieur de saint André s'estre  
mis

mis deuant la troupe pour recharger le premier, baissa la veüe pour faire le semblable n'ayant que six cheuaux avec luy, mais il fut arresté par vn capitaine experimenté, luy remonstrant l'inconuenient aduenü au Duc de Nemours à Rauenne, pour pareille entreprinse, lequel ne luy fit autre responce, sinon qu'on fist (donc) retirer le sieur de saint André, ce qui fut fait.

Le Prince de Salerne voyant la deffaitte de leurs Allemans & de leur caualerie, se retira, parquoy il ne perdit beaucoup de gens, car les François & les Suisses qui poursuyrent leur victoire vn grand mille, mettoient au fil de l'espee tout ce qu'ils trouuerent deuant eux, spécialement les Suisses, lesquels estoient irrités pour la mauuaise guerre que les Imperiaux leur auoyent faite au Montdeuis, ainsi que j'ay dit precedemment, en souuenance de laquelle ils crioyent Montdeuis, & ne prenoient aucun des ennemis à mercy, mais les tuerent entre les mains de ceux qui leur vouloyent sauuer la vie.

Vous pouuez entēdre que sans l'aduis que print monseigneur d'Anguien de s'arrester pres de nos Gruyers; assurement la bataille estoit perdue pour nous, car estans lesdits Gruyers & Italiens defaictz sans coup ferir, le bataillon Imperial de quatre mille vieux soldats eust tourné la teste vers les François & Suisses qui poursuyuoient leur victoire, & les trouuant en desordre, il est apparent qu'il les eust ruinez, mais ils ne l'oserent entreprendre, craignans que ledit seigneur d'Anguien les chargeast sur la queue. Aufsi pouuez vous estimer que si les Gruyers eussent fait leur deüoir, ou que seulement ils eussent fait teste, le bataillon des Espagnols dès la premiere charge que leur fit monseigneur d'Anguien, estoit deffait: parquoy nos François & Suisses, & mesmes nostre caualerie, lesquels poursuyuoient leur victoire: semblablement ledit seigneur d'Anguien & ceux qui estoient

demeurez avecques luy pour combattre leſdits Eſpagnols,euſſent paſſé plus outre: par ce moyen le Prince de Salerne ne ſe fuſt retiré avecques ſi peu de perte qu'il ſit,ny pareillement le reſte de leur caualerie. Et euſſions pourſuyuy iuſques en Aſt,auquel lieu euſſiôs trouué le Marquis du Guast ſe ſauuant à la fuite, auquel y eſtant arriué les portes furent reſuſées, par ce que au partir pour nous venir combattre, il auoit dit que ſ'il ne retournoit victorieux, on les luy fermaſt, mais nos gens furent contraints pour venir ſecourir monſieur d'Anguien, d'interrompre & abandonner l'exécution de leur victoire.

ESTANT la bataille du tout gaignee, & ne reſtât plus d'ennemis en campagne, ſinon les morts, & les priſonniers, & bleſſez, furent ordonnez gens pour recognoiſtre le nombre d'hommes qu'ils auoyent perdu:auſſi à ladite deſaite ſe fit vn grand butin, car le Marquis du Guast auoit amené avecques luy les principaux du Duché de Milan, en ſorte qu'il ſe trouua bien pour trois cens mille frans, tant en argent monnoyé, qu'en vaiſſelle d'argent & autres richèſſes: & y fut gaigné quatorze ou quinze piéces d'artillerie, avecques tous les ponts qu'ils auoyent amenez pour paſſer le Pau, & auſſi pluſieurs munitions, tant de ſazines qu'autres choſes qu'ils auoyent amenez pour enuiſſer Carignan. Pareillement y furent trouuez par compte faiât, environ de ſept à huit mille corſelets, tellement qu'un harnois, qui couſtoit à Milan douze eſcus, ne ſe vendoit que dix & vingt ſols les plus beaux. Puis apres auoir mis l'ordre tel que les affaires requeroient, fut laiſſé à Serifolles le cheualier Affal, maîſtre de camp des Italiens, avecques cinq enſeignes de gens de pied Italiens, nouuellement arriuez de la porte du pont des Sablons, leſquels eſtoient des plus aguerris de noſtre armée, de ſorte que ſ'ils euſſent eſté au bataillon des autres Italiens & Gruyers, on  
peut

peut estimer qu'il n'eust esté ainsi renuersé qu'il fut. Je ne sçay si ledict Affal, auquel le iour precedét fut fait commandement de les mander, l'oublia, ou si son mesfager fist mal son deuoir, mais ils n'arriuerent que la bataille ne fust gagnée, qui nous fut grand desfaueur. Ce fait monseigneur d'Anguien retourna victorieux loger à Carmagnoles; pour refreschir ses hômes qui auoyent esté trois iours & trois nuicts en continuel trauail, sçauoir est, le samedi Dimenche & lundy: auquel lieu arriué qu'il fut, ordonna de sauoir le nombre des ennemis prisonniers, lesquels apres qu'ils furent retirez en deux ou trois eglises, se trouuerēt deux mille cinq cēs vingt Allemās, entre autres le seigneur Alisprand de Madruce, frere du Cardinal de Trente, qui fut trouué parmy les morts, blessé en plusieurs endroits de son corps, toutesfois il fut porté à Turin où il fut guery. Des Espagnols se trouuerent, six cens trente prisonniers, entre autres, Dom Raimond de Cardonne & Mendosse, d'Italiens de la caualerie, Dō Charles de Gonzague, & iusques à sept ou huit capitaines Espagnols. Aussi fut rapporté qu'il s'estoit trouue de morts, en moins de demy mille de pays, de douze à quinze mille hommes de toutes nations. Il se trouua des nostres enuiron deux cens hommes morts dont (de gens de nom) moururent (comme i'ay desia dit) le seigneur d'Affier, qui ne mourut ee iour, mais six iours apres, le Baron Douyn, Monfallais, enseigne de monseigneur de Cursol, l'enseigne de monseigneur D'aussun, & son nepueu, Charles de Dros, gouuerneur de Montdeuis, le seigneur de Glayue, gouuerneur de Cahors, le seigneur Descro, du Comté de Nice, colonnel de dix enseignes Italiennes, & le colonnel des Gruyers en l'absēce du Côte de Gruyere qui estoit du Dauphiné. Et du premier rang des François moururēt le seigneur de la Maule Prouençal, le capitaine Passin de Dauphiné, le capitaine Barberan, & le capitaine



Moncault, tous deux Gascons : le capitaine la Mote Daute demeura parmy les morts, mais il eut la vie sauue, toutesfois il demeura aueugle, & le capitaine sainte Geneuieue, & encores quelques autres capitaines dudit premier rang y furent, ou morts ou blesez. Des Suisses n'y eut homme de nom blezé, que le Baron de Saxe, lequel eut vn coup de picque à la gorge.

APRÈS auoir remercié Dieu de ceste victorieuse deffaite, fut, pour deliberer du surplus des affaires, assemblé le conseil, auquel il fut conclud d'aduertir nos ambassadeurs de Rome, de Venise, & de la Mirandole, de la victoire que nous auions obtenue. Pour ce faire fut ordonné le seigneur Hercules Visconte, par ce qu'il auoit meilleur moyen de passer que nul autre: puis fut depesché le seigneur de d'Escars pour semblablement en aduertir le Roy, & aussi pour luy faire entendre que si son plaisir estoit d'enuoyer le payement d'vn mois de nostre armee, avecques quelque argent pour la conduite de l'artillerie, & faire descendre six mille Grisons, lesquels estoient desia leuez, droit à Milan, avecques l'armee, laquelle les seigneurs d'Italie, comme le Comte de Petillane, le Comte de la Mirandole, le seigneur Pierre Strosse, & plusieurs autres, dressoient pour se venir ioindre audit lieu de Milan, avecques môseigneur d'Anguien, ledit seigneur d'Anguien accompagné de gendarmerie, & des François & Suisses, marcheroit droit en Ast, laissant deuant Caignan sept ou huit mille hommes, tât Gruyers, Italiens, que François, pour empescher par bouleuers & trenchées les saillies de ceux de dedans. Et qu'il sembloit aux capitaines estans avecques ledit seigneur, que le Duché de Milan estant esté & depourueué d'hommes apres vne bataille perdue, il estoit apparent de la leuer des mains de l'Empercur, hors mis le chasteau de Cremona, & celuy de Milan. Veritablement le Marquis du Guast fit sonner le tabourin vingt iours  
auant

auant qu'il y eust homme qui se voulust mettre en cā-  
pagne, tant le pays estoit effroyé. De prime-face le  
Roy le trouua bon, mais depuis il en fut diuertý, par-  
ce que de iour en iour il auoit aduertissement q̃ l'Em-  
pereur assembloit son armee sur le Rhin, la plus gros-  
se qu'il auoit iamais euë, parquoy il ne se vouloit des-  
saisir de ses forces, mais plustost en tirer d'Italie pour  
venir secourir son pays. A ceste cause il manda audit  
seigneur d'Anguien, qu'il eust seulemēt à affamer Ca-  
rignan, à ce que plus aisément il se peust ayder des  
forces qu'il auoit au Piemont pour la conseruation de  
son Royaume. Qui fut ( ce me semble ) chose assez  
mal digeree, car si l'Empereur eust senty le Duché de  
Milan esbrälé, & en danger de perdition, veu mesmes  
les grandes partialitez, lesquelles estoient au Royau-  
me de Naples, il eust esté contraint d'y conuertir ses  
forces, pour plustost garder ce dont il estoit en pos-  
session, que d'essayer à conquerir celuy d'autrui en  
hazard de ne riens gaigner.

MONSIEUR d'Anguien ayāt eu ceste res-  
ponse de la volonté du Roy, aduisa de chercher le  
moyē de faire viure son armee, laquelle n'auoit aucun  
payement, car ce peu d'argent qu'il auoit receu deuāt  
la bataille, le bailla aux Suisses pour les arrester: si est-  
ce que leur baillant tout ce qu'il auoit, il leur demeu-  
ra encores redeuable de deux mois, sans le mois de la  
bataille. Parquoy il ordonna le seigneur de Thais, a-  
uecques les bandes Françoises, & enuiron deux cens  
hommes d'armes de toutes compagnies, pour aller vi-  
ure sur le pays de l'ennemy, luy baillant six canons, a-  
uecques quelques autres pieces, pour se faire ouuer-  
ture. Et luy avecques le reste repassa le Pau, & alla cā-  
per deuant Carignan, sur le chemin cédant de Vimeuz  
audit lieu de Carignan, & fit faire tout autour d'icel-  
leville, depuis l'un des costez du Pau iusques à l'aut-  
re, des forts en diuers lieux, pour empescher les

saillies des assiegez. Ledit seigneur de Thais partant de Villedestelon, où nous estions campez, s'en alla à Saint Damian, place du Montferrat, laquelle n'auoit encores obey ny aux François, ny aux Espagnols, toutesfois se voyant sans esperance de secours, elle se rendit par condition qu'elle demeureroit en ses anciennes franchises, & n'auroit garnison que de François & point d'Italiens: suyuant laquelle transaction y laissa deux enseignes de gens de pied François. Puis passant plus outre, print Montcallier par composition, qui est vne place forte, au milieu du Montferrat, pareillemēt il print Vignal, pont Desture, Saint Saluador, Fresenet de Pau, qui est à deux mille au dessous de Cazal: bref tout le Montferrat se rendit à luy pour l'effroy de la bataille que les Imperiaux auoyent perdue, hors mises Cazal, Trin, & Albe.

Ce temps pendant on auoit ordinairement du pasetemps en escarmouches, lesquelles depuis le dix-huictieme iour d'Auril iusques au vingtieme de Iuin ensuyuant, se dresserent depuis soleil leué iusques à dix heures de matin, & depuis deux heures apres midy iusques à soleil couché, entre la ville de Carignan & noz trenchees. Si est-il que la famine contraignit si extremement les assiegez, que de iour en autre aucuns deux se iettoyent par dessus le rempart pour chercher du pain, si que finalement il leur fut necessaire de demander grace, pour laquelle impetrer, ils enuoyerent leurs deputez deuers monseigneur d'Anguien: sauoir est, le Comte Felix, chef des Allemans, & Saint Nicquel maistre de camp des Espagnols, ausquels ledit seigneur d'Anguien voyant qu'ils auoyent fait leur deuoir, comme gens de guerre, leur fit telle gracieuse ré qu'il les laissa aller auecques leurs armes, toutesfois sans enseigne ne tabourin, leur faisant faire serment, tant aux capitaines que soldats, de ne porter armes contre le Roy ne ses allies de six mois, & qu'ils passeroient

royent de là la riuere d'Adde, sans repasser en ça durant lesdits six mois. Et que le seigneur Pierre Colonne dedans huit iours apres qu'il auroit fait vn voyage à Milan, viendroit en France, se mettre entre les mains du Roy, pour y demeurer vn an entier si le Roy ne luy faisoit grace, ce que fit ledit Colonne. Tout ce qui leur fut promis leur fut tenu, & furent ordonnez le seigneur de Langey, & le seigneur d'Auffun, pour entrer dedans la ville pour faire description de ce qu'ils y trouueroient: car ils ne deuoyent emporter artillerie ne munitions. Quant aux viures ils n'eurent pas grande peine, parce qu'ils ne trouuerent que deux pains de son, & n'y auoit vn seul grain de bled, ny poix, ny febues, ny autre grain quelconques, point de vin, de sel, de vinaigre, ny d'huile. On pourroit trouuer estrange pourquoy monseigneur d'Anguien ne les enuoya en pourpoint, ie respõ qu'il estoit deu à noz Suisses trois mois, sans celuy de la bataille, mesmes noz François n'auoyent qu'un pain par iour pour tout payement, de sorte que les Espagnols quand ils estoient à l'escarmouche les appeloient soldats de la panoche, lesdits Suisses voyans que par composition nous pouuions estre dès l'heure seigneurs de la ville, vindrent deuers monseigneur d'Anguien, luy faire entendre que s'il n'accordoit ceste composition, le lendemain ils estoient deliberez de retourner en leurs pays, au cas qu'il ne leur fist payement de ce qui leur estoit deu: parquoy quelque remonstrance qu'il s'efforçast leur faire, il fut contraint de leur accorder ladite capitulation, afin de les arrester. Par ce moyen les assiegez sortirent en armes de Carignan, en bon ordre & bon visage, mais n'auoyent encores cheminé plus d'un mille, que mesme (le soleil les ayant eschauffez) ils demourerent si mattez, pour la pauureté qu'ils auoyent enduree, qu'on fut cõtraint de leur bail-  
ler charroy, non seulement pour porter leurs armes,



mais aussi la plupart des hommes.

P O U R retourner à Hercules Visconte, lequel auoit esté depeesché par monsieur d'Anguien, pour aduertir les scruteurs du Roy à Rome & à Venise, de l'issue de la bataille, incontinent apres ledit aduertissement le Comte de Petillane, le sieur Pierre de Strossy, qui estoient venus de France pour cest effect en habit dissimulé, le Comte George de Martinengue, le Duc de Sômes, le sieur Robert Maleteste, & autres plusieurs partiaux pour la part François, se mirent aux champs, faisans sonner le tabourin dedans Rome, & autres lieux ci conuoisins, & se donnerent assignatiô de se trouuer ensemble à la Mirandole pour marcher droit à Milan, & se ioinre avec monsieur d'Anguié, car ils esperoyent que le Roy ne feroit difficulté d'accorder audit sieur d'Anguien le secours qu'il auoit demandé, ainsi que par ledit Hercules Visconte ils auoyent entendu. Quand ils furent tous ensemble, ils se trouuerent x. mille hommes de pied, mais peu ou point de cavalerie: ce nonobstant marcherent droit au Plaisantin, auquel ils furent bien recueillis par tout, leur faisant fournir viures: delà marcherent au Cremônois, auquel lieu tous les Guelphes, & bon nombre d'autres du Duché de Milan prenoient les croix blâches: d'avantage les Milanois estoient tellement estonnez, q si l'armée q estoit au Montferrat eust marché droit à Milâ dès le commencement, & se fust ioinct avec l'armée du sieur Pierre Strossy, avant q le secours du Duc de Florence y fust arriué, il y a apparence qu'on luy eust ouvert les portes. Mais estâs aduertis ledit Strossy & autres que l'entreprise du sieur d'Anguien de venir à Milâ estoit rompue, & se voyâs depourueus de cavalerie, resolverent de passer outre, pour se venir ioinre avec ledit sieur d'Anguien là part qu'il seroit: & parce q le Marquis du Guast faisoit faire grâde assemblée par le Prince de Salerne, & par le Prince de Sulmonne, pour les faire

Deffalte du  
seigneur  
Pierre Strossy.

faire attédre à quelque passage, manderét au sieur de Thais qui estoit au Môtferrat, qu'il leur enuoyast à iour nommé de la caualerie à S. Rual, au passage de la riuiera: ce q̄ ledit sieur de Thais leur promist, & ie le say, car i'en vy les lettres: mais il n'en fit rien, ie ne say pourquoy. Car estâs arriuez ledit sieur Strossy, & les autres capitaines, & voyans delà l'eau vne troupe de gens de pied & de cheual, enuoyerent leurs coureurs lesquels les recogneurent pour ennemis: toutesfois considerâs qu'ils ne se pouuoÿét retirer sans hôte, se delibérerent d'aller cōbattre les gens de pied qui estoient loing de la caualerie, lesquels ils mirent en rouverte. Mais s'estans estlongnez du pays fort qui leur estoit auantageux, ayans rompu leur ordre, & s'estans iettez en campagne en esperâce d'auoir obtenu la victoire, ils furent chargez p̄ les flâcs de la caualerie Imperiale cōduite par le Prince de Sulmone, & furēt rōpus, dōt il y eut plusieurs gēs de qualité prisonniers, & peu de tuez, & n'y mourut hōme de nom q̄ le seigneur Valere Vrcin: ceux qui se sauuerēt se retirèrent vers Queras, & de là à Carignan. Cela aduint enuiron la mi-Iuin, xij. iours deuant la redditiō de Carignā entre noz mains. Il est appart que si mōsieur de Thais leur eust enuoyé la caualerie pour les soustenir, comme il auoit promis, les Imperiaux eussēt esté deffaits, puis que leurs gens de pied estans rompus cent hommes d'armes eussent paracheué la victoire.

A P R E S auoir reduit la ville de Carignan en l'obeissance du Roy, monsieur d'Anguien depescha vers le Roy, tant pour l'aduertir d'icelle reddition, q̄ pour entendre sa volonté. Le Roy fit response audit sieur d'Anguien que pour se fortifier à l'encontre de l'Empereur, & du Roy d'Angleterre, lesquels desia estoÿét en campagne, & faisoÿent diligēce d'affaillir ses pays, il luy renuoyast de Piemont vj. mille soldats François des vieilles bandes, & vj. mille Italiens pour resister à

Preparatif  
des ennemis  
pour descen-  
dre en Frâce.

/ l'Empereur lequel pour la haine inueterée qu'il auoit d'entrer & ruiner ce royaume, auoit oublié ou bien dissimulé les iniures que le Roy d'Angleterre luy auoit faites, & s'estoit ligué avec luy, combié qu'il eust asseuré le Pape que iamais il ne traitteroit alliance avec ledit Roy d'Angleterre, ains luy seroit capital ennemy, iusques à ce qu'il eust réparé l'offense faite à sa sainteté, d'autant qu'il s'estoit intitulé chef immediat apres Dieu de l'Eglise Anglicane, & faisoit mourir ceuxq soustenoyent l'autorité du Pape & de l'Eglise Romaine, à cause cōme vous auez entédu cy deuât, q ledit Pape à l'instigatiō de l'Empereur l'auoit pour la repudiatiō qu'il fit de la tête dudit Empereur fulminé cōme heretique, & déclaré son Royaume en proye à qle voudroit entreprendre. Pour l'executiō de l'aquelle ligue ledit Empereur debuoit entrer par la Châpagne, avec l'armee qu'il preparoit en Allemagne, la plus grande qu'il auoit encore eüe, dont la pluspart estoit payee aux despens des estats, tant Catholiques q Protestans, lesquels il auoit induits, principalemēt iceux Protestās, sous couleur qu'il disoit s'estre mis à plus que deuoir enuers le Roy de France pour assembler vn Concile pour remettre l'Eglise en vnion, & reformer le Pape, & les ministres de l'Eglise, mais que le Roy luy seul empeschoit ledit Concile, de sorte que pour conclusion il lesauoit si bien endormis de ses mensonges accoustumees, que les Protestans qui iamais ne luy auoyent adhéré, tant Princes que villes Imperiales s'estoyent bandez avec luy, à leurs propres cousts & despens.

Q V A N T au Roy d'Angleterre, il deuoit descendre à Calais (ainsi qu'il fit) avec toutes ses forces, & se deuoit venir ioindre à luy le Comte de Bures, accompagné de x. mille Lansquenets & de iij. ou iiij. mille cheuaux Allemans: & pareillement le Comte du Reu avec l'armee des pays bas de l'Empereur, & estoit leur  
intentiō

intention de laisser les villes fortes derriere eux, & marcher droit à Paris, puis estans les forces de l'Empereur & les leurs mises ensemble (qui pouuoient estre tant d'une part qued'autre, lx. & x. ou iiii. xx. mille hommes de pied, & xviii. ou vingts mille cheuaux, & vn nombre infiny d'artillerie, poudres & autres munitions) ils contraindroient le Roy de les combattre à son desauantage, sinon qu'il leur permist de gaster son Royaume à sa veüe.

Le Roy d'Angleterre estât descédu à Calais, trouua la Picardie fort depourueüe d'hommes, parce que le Roy auoit tiré ses forces vers la Champagne, d'autant que l'Empereur y deuoit prendre son chemin, & auoit laissé le Duc de Vendosme en Picardie mal accompagné. Et ores qu'il eust cinq villes à pourueoir, saoir est Ardres, Boulongne, Terouenne, Monstreul, & Hedin, desquelles le Roy d'Angleterre pouuoit assaillir celle qu'il luy plairoit, & aussi tost l'une q l'autre, si n'auoit-il armee q suffist pour les pourueoir, & moins à faire teste à l'ennemy où il seroit besoin. Qui fut cause que le Roy d'Angleterre châtea le desseing qu'il auoit de passer droit à Paris sans s'attaquer aux villes, ains il enuoya le Duc de Norfolc, & avec luy le Comte de Bures & le Comte du Reu, assieger Monstreul, & luy huiët ou dix iours apres vint assieger Boulongne, dõt le Marechal du Biez estoit gouverneur, & mesmes il estoit en Picardie lieutenant du Roy en l'absence de monseigneur de Vendosme, & auoit charge du Roy de pourueoir lesdites cinq places. Lequel voyant l'ennemy passer outre pour aller assieger Monstreul, abandonna Boulongne, & se mist dedans Monstreul, & avecques luy la compagnie de cent hommes d'armes de monseigneur le Connestable, conduite par son lieutenant le seigneur de la Guiche homme bien experimenté : le seigneur de Ienlis avecques quatre enseignes de gens de pied.

Descente du  
Roy d'An-  
gleterre en  
France.



François : le Comte Berenger Neapolitain avecques mille hômes de pied Italiens : le capitaine Francisque de Chiaramont aussi Neapolitain avecques pareille charge : laissant dedans Boulongne contre l'opinion d'un chacun , pour chef le seigneur de Verueins son gendre homme peu experimenté, & le seigneur de Lignon ieune homme avec cinq cens hommes de pied, le seigneur d'Aix surnommé de Renty aussi ieune, & tous deux peu experimentez, le capitaine Philippes Corse, homme de grande experience, & le seigneur de saint Blimont portenseigne d'iceluy mareschal du Biez, avecques la moitié de sa compagnie de cent hommes d'armes. Dedans Ardres fut enuoyé le seigneur de la Rochepot lieutenant du Roy, avecques sa compagnie de gens d'armes, lequel trouua ladite ville mal pourueüe, mais il y remedia si bien, qu'il n'en vint inconuenient.

Armee de  
l'Empereur  
en France.

DURANT ce temps l'Empereur estoit à Spire avec son armee estant aduertey que le seigneur d'Anguien apres sa victoire c'estoit arresté en Piemont, & auoit laissé l'entreprise de Milan, laquelle ledit Empereur craignoit de sorte (à ce qui s'en est cogneu depuis) que si ledit seigneur d'Anguien l'eust pourfuyue, il eust esté contraint de conuertir ses forces vers Italie, & laisser France en repos: enuoya le Comte Guillaume de Furstemberg, avecques vne armee deuant Luxembourg, laquelle ayant enduré le siege de si long temps que viures y estoient faillis, le Viconte d'Estauges, chef d'icelle ville fut contraint de capituler par condition que luy & les soldats reuindrent leurs bagues sauues. De là marcha ladite armee droit à Commercy, qui est vn chasteau sur la Murze six lieües par delà Ligny, & trois lieües de Vaucouleurs, où apres auoir tiré quelques coups de canon, & fait breche au droit de la grosse tour, dedans laquelle estoient les munitions, les capitaines qui  
en

en auoyent la charge cognoissans la place n'estre tenable, la rendirent à l'Empereur, & s'en allerent leurs bagues sauues où bon leur sembla. Partant de Commercy l'Empereur vint assieger Ligny en Barrois, où s'estoit mis le Comte de Brienne Comte dudit lieu, & le Comte de Roussi son frere, le seigneur d'Eschenais capitaine de cinquante homme d'armes, lequel y estoit enuoyé par le Roy chef dedans ladite place, le seigneur de Gouzolles escuier d'Escuierie du Roy, & plusieurs autres capitaines iusques à quinze cens hommes de pied, & enuiron cent hommes d'armes.

Ces téps pendât le Roy faisoit diligence (pour resister à son ennemy) faire marcher dix mille Suisses, six mille Grisons, & six mille Lansquenets, dont estoit capitaine general le Duc de Neuers, & les douze mille François & Italiens qu'il auoit tiré de Piemont, & gros nombre tant de legionnaires que de soldats: tellement que l'armee qu'il assembloit, estoit de quarante mille hommes de pied de diuerses nations, & enuiron deux mille hommes d'armes, & deux mille cheuaux legers, de laquelle il donna la charge à monseigneur le Dauphin, ayant avecques luy le Duc d'Orleans son frere, & à monseigneur l'Amiral d'Annebault la principale conduite, pour l'administration du conseil desdits Princes. Et attendant que ses forces fussent assemblees pour faire teste & arrester l'ennemy, il enuoya le Cōte de Sançerre, pour estre son lieutenant general dedans saint Disier, place qui estoit mal flancquee & mal remparee, & indigne d'attendre vn camp Imperial, toutesfois il entreprint d'y faire le deuoir qu'il y fir, avec la compagnie de monseigneur d'Orleans de cent hommes d'armes, dont ledit Comte de Sançerre estoit lieutenant & autres, le capitaine la Lande, & le Vicomte de la Riuiere, ayans chacun mille hommes de pied.

Ces temps pendant l'Empereur faisoit diligence

Prise de Li-  
gny.

d'approcher le chasteau de Ligny pour y faire breche, mais par ce que les assiegez ne se pouuoient tenir à leurs defences, d'autât que ledit chasteau est commandé de deux ou trois montaignes, la breche faite les assiegez furent conseillez de parlemeter, & durant leur parlement les ennemis entrerent dedans par la porte du secours, & prindrent par derriere ceux qui estoient sur la breche pour attendre l'assault, & les firent prisonniers sans faire grand meurdre. Je ne sçay qui en fut le moyen, sinon q̃ Bertheuille lieutenant du Comte de Brienne sortit le premier pour parler. Les chefs s'en deschargerent l'un sur l'autre, mais la plus part ne s'en sçauoit bien lauer: vray est que la place n'estoit pour endurer l'effort d'un Empereur estant en personne: aussi n'estoyent-ils menez à telle extremité, qu'elle ne meritaist vne honeste composition: & aussi des principaux de la compagnie auoyent asseuré le Roy qu'elle estoit gardable, & luy auoyent promis de la garder, mais à vray dire ie pense que ces prometeurs se persuadoient que l'Empereur prendroit autre chemin, & vouloyent auoir l'honneur de l'auoir entrepris: plusieurs en sont ainsi deceus, se fians à leurs aduertissemens qui ne sont certains, i'en ay veu plusieurs experiences. Le Roy ayant entendu la prise dudit Ligny si soudaine, enuoya incontinent dedans Challons en Champagne monseigneur de Neuers avecques quatre cens hommes d'armes, & cinq ou six mille hommes de pied. Puis ayant entendu que l'Empereur s'estoit attaqué à saint Disier, manda à monseigneur le Dauphin de s'en aller camper sur la riuere de Marne, en tel lieu qu'il peust empescher l'ennemy de marcher plus auant en pays: suyuant lequel m'adement Mondit seigneur le Dauphin enuoya visiter les lieux les plus commodes, & fut conclud par l'aduis des capitaines de se loger à Iallon, qui est enuiron mi chemin d'Espernay & de Challons deçà l'eau, auquel

lieu

lieu le vindrent trouuer les bandes venans de Piemô, tant Françoises qu'Italiennes bien armées, & en bon equippage, & bien deliberees de combattre, lesquelles monseigneur d'Anguien auoit enuoyees suyuant le mandement du Roy.

N'AGVERES ie vous'ay dit comme le seigneur Pierre Strosse fut defaict: si est-ce que sa personne s'estant sauue retourna à la Myrandole, auquel lieu luy & le Duc de Somme qui auoit esté prisonnier en icelle defaite, mais auoit esté relasché par le prince de Salerne son parent, qui craignoit que s'il tomboit entre les mains de l'Empereur il fust mal traité, firent nouuel amas de six mille hommes de pied, & delibererent de passer par le Duché de Milan en despit des Imperiaux pour se venir ioindre à môseigneur d'Anguien, lequel estoit despourueu de force: car outre les douze mille hommes tant François qu'Italiens, lesquels on luy auoit leuez, tous ses Suisses, hors mis deux mille, auoyent esté licentiez, ayans obligation d'estre payez en leur pays. Le Marquis du Guast estant aduertty de ceste nouuelle assemblee, amassa le plus d'hômes qu'il luy fut possible, tant de cheual que de pied, pour empescher ledit passage, de sorte que ledit seigneur Pierre fut contrainct par ce qu'il n'auoit aucune caualerie, d'abandonner la plaine & venir du Parmezan passer par les montaignes des Geneuois, où il endura beaucoup de peines & de travaux: mais ayant nouuelles que ledit Marquis l'attendoit à la descente des montaignes, il enuoya par espions aduertir monseigneur d'Anguien de son passage, & du chemin qu'il entreprenoit de faire, lesquels le trouuerent à Turin où il s'estoit retiré, par ce qu'il n'auoit gens que pour la garde de ses places. Au mesme instant ledit seigneur d'Anguien eut pareillement aduis par le seigneur de Cental gouverneur de Queras comme le Marquis pour estre plus fort pour combattre



ledit seigneur Pierre, auoit tiré les garnisons de toutes ses places, y laissant seulement gens pour la garde de la porte, mesmes qu'il n'estoit demouré dedans Albe que le seigneur Chiapin Mantuan gouverneur du lieu avec enuiron cent ou six vingts hommes.

AYANT eu ces nouuelles ledit seigneur d'Anguié encores qu'il fust foible d'hommes, & qu'il n'eust vn escu, mesmes qu'il fust deu aux Suisses qui luy restoyēt leur payement de quatre mois, se prepara toutesfois à deux entreprises tout ensemble, c'est à dire, de surprendre Albe, & de secourir le seigneur Pierre Stroffe. Et à telle heure tel disner depescha le seigneur de Montafie pour aller à vn petit chasteau nommé le Chastelet, lequel il tenoit au delà d'Albe, tirant le chemin de Sauonne, & du pays des Langues, & trouuer moyen d'aduertir ledit seigneur Pierre qu'il eust à prendre le chemin du Chastelet, & puis dela en Albe qui estoit chemin que l'ennemy n'estimerait iamais qu'il deust prendre, & que audit lieu d'Albe il trouueroit ledit seigneur d'Anguien avecques toutes les forces, tant de cheual que de pied, qu'il pourroit mener pour le recueillir. Ce faict, alla au giste à Carmagnoles, pour faire marcher les Suisses qui y estoient, ce qu'ils refuserent par faute de payement, remonstrans qu'il n'y auoit moyen de mener les compagnons sans argent, veu le long temps qu'il y auoit, qu'ils estoient abusez. Mais en fin leur fut promis de leur donner viures sans payement, iusques à ce qu'ils fussent de retour à Carmagnoles. Qui estoit tout ce que mondit seigneur d'Anguien pouuoit offrir, pour n'auoir vn seul escu en tout son cap, ioinct les persuasions qu'il leur fit, de l'accroissement de l'honneur qu'ils auroyēt de faire teste, avec la petite troupe qu'ils estoient, à vn lieutenant d'Empereur, apres mesmes auoir vaincu en bataille les Lansquenets, qui estoient deux contre vn, les assurant pareillemēt que la cauallerie Françoisse mourroit

roit plustost que les abandonner. Les Suiffes flechiz par les remonstrances de monseigneur d'Anguien, accorderent de marcher, & alâmes coucher à Sommeriue, le lendemain à Chieras, auquel lieu les Suiffes firent difficulté de marcher outre s'il ne leur estoit presté cinq cens escus pour enseigne, ce qui leur fut accordé, & pour les trouuer le seigneur de Cental trouua quinze cens escus sur les bagues de sa seur, femme du seigneur de Montafie : le capitaine Fausperg Suisse en presta mille, & outre bailla cinq cens escus à sa bande, aussi le capitaine Fourly fist pour la sienne, somme ne restoit que pour l'enseigne de saint Iulien qui estoit colonnel. Parquoy fut conclud de partir auant le iour pour marcher à Albe, mais à minuit ledit seigneur de saint Iulian vint à mon logis, à ce que i'aduertisse monseigneur d'Anguien que les compagnôs estoient mutinez, & qu'ils n'estoyent deliberez de marcher. Mais apres que ie me fus bien enquis, ie trouuay que luy-mesme les auoit mutinez, & n'y eut ordre si soudain d'y pouruoir : parquoy monseigneur d'Anguien ayant nouuelles que le seigneur Pierre seroit à midy à Albe, craignant que le retardement n'amenast secours à ceux d'Albe, s'estant mis en chemin, les Suiffes eurent vergongne de demeurer, parquoy en despit de leur colonnel marcherent apres nous, & arriuerent deuant la ville, enuiron iour couché, que nous commencions à faire approche.

EN nostre armee y auoit la compagnie de cinquante hommes d'armes de monsieur d'Anguien, les cheuaux legers du seigneur d'Auffun, ceux de Francisque Bernardin, & enuiron cent cheuaux du seigneur Mōre de Nouate, & n'y auoit que quatre canons mal equippez, dont le seigneur de Beine en auoit presté deux, car nous n'auions moyen d'en amener de plus loing: semblablement nous n'auions vn seul pionnier par faute d'argent, & si ledit sieur de Beine n'eust fait

Prise de la  
ville d'Albe  
par le sei-  
gneur Pierre  
Strosse.

conduire à ses despens lesdits canons, nous n'eussions eu moyen de les mener, tant nous estions desnuez d'argent, & moy-mesmes auois ia emprunté trente mille escus à Turin, lesquels auoyent esté employez pour arrester noz Suisses durant le siege de Carignan. Dès le soir mesmes nous acheuâmes nos approches de si peu d'artillerie que nous auions, de sorte qu'à soleil leué se commença la batterie du costé de la porte, qui est deuers la môtagne de delà l'eau, où fut fait vn trou parauature de dix pieds de long. Mais le seigneur Capin voyant de tous costez de la ville les gens du seigneur Pierre & du Duc de Somme faire mine de vouloir dōner escalade, & les autres se preparer pour dōner l'assault à la petite breche, laquelle ne se pouuoit faire gueres plus grande, à cause que deux de nos canons estoient demontez, s'estōna, de sorte qu'il rendit la place, s'en allans seulemēt luy & les soldats sans rien emporter où bon leur sembleroit. Il faut entendre q̄ les soldats du seigneur Pierre n'auoyent souliers en pied, pour les auoir vsez parmy les montaignes.

Le Marquis du Guast ayant esté aduertiy de nostre arriuee à Albe, estoit venu avecques son armee en toute diligence pour secourir sa ville, de sorte que les courreurs Imperiaux, à l'heure que ceux qui estoient ordonnez pour prendre possession de la ville entroyent dedans, donnerent sur nostre guet de cheual, mais ayās eu cognoissance de la perte de la ville, s'en retournerēt plus legeremēt qu'ils n'estoyēt venus, hors mis quelques vns, qui furent prins par le seigneur d'Auffun qui fut cause q̄ le Marquis ne marcha plus auant, estant frustré de son esperance. Parquoy le seigneur d'Anguien demeura possesseur de la ville, dedans laquelle il mist pour ehef le seigneur Corneille Bentiuolle, avecques deux mille Italiés, puis il se retira à Carmagnoles, apres auoir mis en son obeissance la plus grande part des chasteaux du pays des Langues. Quelque peu  
de

de temps apres le Marquis du Guast fit pratiquer par le gouuerneur d'Alexandrie vne suspension d'armes, iusques à ce qu'ils eussent enuoyé deuers le Roy & l'Empereur, pour sauoir si leurs Maiestez auroyent agreable de conclurre vne trefue, ce qu'ils accorderēt, apres auoir eu le cōsentement des deux Maiestez pour trois mois.

REVENONS en Champagne: l'Empereur ayant entre ses mains le chasteau de Ligny, y laissa garnison, d'autant que c'estoit le chemin des viures qui luy venoyent de Mets & de Lorraine, pour tirer à saint Disier, où il tendoit aller, & ayant mis ordre à la seurētē de la conduite d'iceux viures, dressa son chemin audit saint Disier, cinq lieuës au deça de Ligny, sur la riuiera de Marne, & y arriua enuiron le huietieme iour de Iuillet 1544. Le Comte de Sanserre le sentāt approcher, enuoya au dessus de la ville, tirant aux forests, rompre quelques estangs, qui empeschèrent que de ce costé pour quelque temps l'Empereur ne peust approcher, qui fut cause qu'il tourna son siege ailleurs pour faire sa batterie. Aussi le Comte de Sanserre ietta dehors le seigneur de Telligny guidon de sa compagnie, avecques vingtcinq cheuaux pour entendre des nouuelles, lesquels ramenerent dix ou douze prisonniers, qui luy donnerent aduertissement de l'ennemy, lequel incontinant qu'il fut arriué deuant saint Disier, fit diligenter en toute extremité, les approches du costé d'entre les moulins & la porte, qui souloit tirer droit en Parthois & à Vitry. Cependant monseigneur le Dauphin depescha le seigneur de Brissac, general de la caualerie legere, & enuiron deux mille hommes de pied, tant François que Italiens, pour se loger à Vitry en Parthois, cinq lieuës pres dudit S. Disier, michemin dudit lieu de Challons, afin de tousiours donner empeschement à l'Empereur, & à ses viures, & aussi pour le tenir en crainte de donner



assault. Or est ledit lieu de Vitry, vne petite ville mal fermee, & vn petit chastelet, qui est sur vne pointe de montaigne, & passe par le milieu d'icelle ville vne riuere venant de Ligny, à Bar le Duc, puis se descharge au deffous de Vitry en la riuere de Marne.

Grosse ren-  
contre de  
M<sup>o</sup>seigneur  
de Brissac a-  
uec les enne-  
mis.

L'EMPEREUR voyant ordinairement son camp fort trauaillé de nostre caualerie legere qui estoit à Vitry, laquelle de iour en autre destrouffoit ses fourrageurs, dont aduenoit grande necessité de viures en son camp, delibera de les en desloger, & pour cest effect depescha Dom Francisque d'Est frere du Duc de Ferrare, general de sa caualerie legere, avecques toute sa troupe, & le Duc Maurice de Saxe, avecques douze cens cheuaux Allemans, & le Comte Guillaume de Furstemberg, avecques huit ou dix mille Lansquenets, & de l'artillerie pour suyure ladite caualerie. Et estoit leur entreprise, que la caualerie passeroit la riuere de Vitry à vn village nommé Changy, à vne lieuë Françoisise au deffous dudit Vitry pour se trouuer sur le chemin de Challons, à ce que si les François se vouloyent retirer vers ledit Challons, ils les peussent rencôtrer en teste, & s'ils se retiroyent audit lieu de Vitry, le Côte Guillaume venoit avecques l'artillerie pour les forcer. Mais le iour les surprint auant qu'ils fussent à Châgy, où ils trouuerēt vingt cheuaux de guet de la cōpagnie du seigneur de Langey, laquelle estoit cōduite par le seigneur de Maruille Cathelin Raillard son lieutenant, à cause que ledit seigneur de Langey estoit en Piemont: lequel Maruille ayant decouuert les coureurs des ennemis, qui vouloyent recongnoistre le passage, se ferma au bout du pont, aussi firent les ennemis attendans leur grosse troupe, & cependant ledit Maruille aduertit la Motte Gondrin capitaine de cheuaux legers, lequel estant arriué passa l'eau pour combattre les coureurs des ennemis, mais il fut chargé de telle furie qu'il fut renuersé, & luy fort  
blessé

bleffé & repouffé iufques où estoit la compagnie du seigneur de Langey : laquelle voyant sur leurs bras cinq ou six cornettes de cheuaux legers , commencerent tousiours en combatât, à faire leur retraite vers Vitry, non sans qu'il en demeurast dix ou douze prisonniers, & plusieurs bleffez , & les Albañoys qui estoÿét logez pres ladite compagnie, oyans l'alarme se retirerent vers Challons tous esbandes. Estans lesdits cheuaux legers rassemblez pres de Vitry, trouuerent la bande du sieur de la Hunaudaye conduite par Michel Angé son lieutenant, qui leur fit espaule, & se retirerét ensemble tousiours cōbatans iusques à Vitry, auquel lieu estans arriuez ; trouuerent le seigneur de Brissac avecques quelques arquebuziers de la bāde de Saint Petre Corse dedās des vignes, lesquels soustindrēt à coups d'arquebuse l'ennemy, qui leur vint bien à propos, autrement ils eussent esté defaits. Ledit seigneur de Brissac voyant la force n'estre sienne delibēra sa retraite, & print le chemin de la riuiera de Marne, pour se retirer à Challons, ou à mi-chemin. Monsieur de Neuers auoit enuoyé trois ou quatre cens hōmes d'armes, qu'il auoit ietté hors de la ville pour soustenir noz gens, mais ils ne les rencontrerent, d'autant qu'ils auoyēt prins le chemin de la chauffee: parquoy le seigneur de Brissac ayant passé la riuiera , avecques si peu de cheuaux legers qui luy estoÿent restez, mit la moitié de ce qu'il auoit sur la main dextre, & luy sur la gauche, & enuoya quelque nombre de piquiers & d'arquebuziers au passage de la riuieres, pour soustenir. Mais soudain l'ennemy esbanda sept ou huit cens pistoliērs, & autant de cheuaux legers, & bon nombre d'arquebuziers à cheual, lesquels contraignirent Sansac qui estoit demeuré sur la queue de donner dedans le village où estoit le passage, qui porta grand ennuy à noz gens de pied , car l'ennemy les trouua en desordre rompus par noz gens mesmes, &

Prise de  
Vitry.

les tailla en pieces, hors vne partie qui se retirerent en vne Eglise, lesquels se voulans rendre arriué que fut le Comte Guillaume, apres leur auoir presenté le canon, & fait battre l'eglise, y fit mettre le feu, & furent tous bruslez là dedans. Ce temps pendant le seigneur de Brissac faisoit sa retraite, tousiours tournant sur son ennemy quand l'occasion se presentoit, de sorte qu'il fut deux fois prins, & deux fois recoux, si que la vertu & conduite vainquit la force, car en combatant obstinémēt se retira pres de Challons. Les Imperiaux se logerent la nuict à Vitry, puis laissant le Comte Guillaume tant dedans la ville qu'au chasteau, pour fauoriser leurs fourrageurs se retirerent en leur camp deuant Saint Disier, auquel lieu l'Empereur continuoit son siege, & cherchoit tous les moyens possibles pour endommager les assiegez.

Le Comte de Sancerre, lequel estoit dedans, aduisoit diligemment à se conseruer, & departir les quartiers, afin que chacun sceust où il deuoit combattre. Au Viconte de la Riuiere bailla la garde du bouleuert de la victoire, qui est à la porte qui tire à Parthe, avecques l'vne de ses enseignes : & à son autre enseigne la garde depuis ledit bouleuert iusques à la platteforme, qui tire vers Saint Menehou : & depuis ladite platteforme iusques au chasteau, ordonna vne autre enseigne : & dedās ledit chasteau le capitaine Neufuillette, l'vn des lieutenans du capitaine la Lande, de l'vne de ses enseignes : & aussi depuis ledit chasteau iusques au bouleuert, ou estoit le Viconte de la Riuiere, furent ordonnez ij. cens hommes de pied estans sous la charge du seigneur de Dourriers, lequel auoit esté prins dedans Ligny. Et en chacun desdits quartiers fut ordonné dix hommes d'armes, & puis pour la garde de la place, & secourir où il seroit besoin, vingt hommes d'armes, & cinq cens hommes du capitaine Ricaruille, desquels il auoit la charge sous le capitaine la Lande.

de. Aussi l'Empereur, estant logé pres de la Iustice, fit approcher ses Espagnols entre la ville & la riuere en vn fonds, auquel ils ne pouuoient estre offensez de l'artillerie de dedans: lesquels apres auoir fait leurs trêchees droit à la poincte du bouleuert de la victoire, mirent deux bandes d'artillerie en bätterie, l'vne qui battoit depuis ledit bouleuert iusques à la portè qui descéd aux moulins, & l'autre du costé de Parthe, laquelle battoit en flanc: mais le Comte de Sançerre voyant la diligence qu'ils faisoient, fit venir les vingt hommes d'armes & l'enſeigne de Ricaruille, qui estoient à la place, pour remparer au lieu de la batterie que les ennemis faisoient.

PAR EILLEMENT voyät l'Empereur que noz gens faisoient ordinairement des saillies par deuers le chasteau, enuoya le Prince d'Orenge, avecques dix-huict enſeignes d'Allemands, & six grandes couleurs, pour de ce costé battre dedans la ville, & empêcher lesdites saillies, lequel se logea à la forge vis à vis du chasteau, pres du pont, q est sur la riuere de Marne. Estât arriué à ladite forge, trouua moyé de diuertir les eaux hors du fossé de la ville, dont il mit les assiegez en necessité d'eau, car ils n'auoyent plus q trois puits, qui mal-aisément pouuoient fournir aux gés de guerre. Cependant aussi l'Empereur faisoit continuer la batterie: mais estant le capitaine la Lande trauaillé d'auoir remparé tout le iour, & s'estant retiré dedans son logis pour se refreschir, vn coup de canon passant par la breche & tout à trauers la ville, luy emporta la teste, qui fut grand dommage, car il estoit vaillant homme, & beaucoup experimenté, dequoy le Comte de Sançerre aduertit, fit ce iour celer sa mort, craignant estonner ses soldats. Ce iour mesmes le Prince d'Orenge estant party de la forge où il estoit campé; & estant és trenchées pour aller visiter l'Empereur, vn coup de coulourine venant de la ville donna sur



le hault d'icelles trenchees, où auoit forces pierres, dont les esclats frapperent ledit Prince d'Orenge, de sorte qu'il en mourut au grand regret de l'Empereur & des Imperiaux.

Des v x iours apres l'Empereur voyant que la breche estoit raisonnable, delibera faire donner l'assault, & pour cest effect sur les neuf heures du matin fit preparer son armee. Les Espagnols craignans que les Allemans voulsissent auoir l'honneur d'assaillir les premiers, soudain sans autre comandement, dixhuit enseignes des leurs donnerent droit à la breche, auquel lieu ils combattirent main à main contre les assiegez vne grande heure. L'Empereur sachant les Espagnols estre à l'assault, fit hastier de marcher neuf ou dix mille Allemans pour les soustenir, toutesfois noz gens à force de bien combatre, repousserent les Espagnols du hault de la breche en bas: puis apres l'Empereur enuoya sept ou huit cens hommes tous ayans casques de velours, & la bourguignotte en teste, lesquels furent soustenus comme les premiers, & reuersez dedans les fossez. Derechef il fit renoueller l'assault de huit enseignes d'Allemans, avec force petits barils de poudre, lances, & autre artifice de feu, lesquels firent si bien leur profit qu'ils laisserent dedans le fossé tous lesdits artifices, avec sept ou huit ces hommes morts, qu'ils perdirent aux trois assaux. L'Empereur considerant la vertu des assiegez, mesme qu'il auoit perdu grand nombre d'hommes & des plus experimentez, fit retirer chacun en son lieu. Telle fut la fin dudit assault, lequel auoit duré depuis les neuf heures du matin iusques à quatre heures apres midy. Le Comte de Sanseerre y eut son espee qu'il renoit au poing emportée d'un coup de canon, sans luy faire autre mal, sinon quelque blessure au visage de quelques petits esclats, mais il perdit à la breche trente ou quarante tant hommes d'armes qu'archers, & deux cens hommes de

de pied. Peu de iours apres ledit assaut l'Empereur enuoya vn trompette pour sonder la volonte des assiegez, estimant qu'eux apres auoir fait leur debuoir se contenteroyent d'une composition honorable: mais les assiegez ne voulurent iamais escouter ledit trompette, à ce qu'il ne peust donner estonnement aux soldats, & leur faire changer la bonne opinion en laquelle ils estoient de faire leur debuoir.

Le Comte de Sanserre apres auoir assis son guer, assemble tous les capitaines, specialement Hieronyme Marin Boullenois fortificateur, pour deliberer ce qu'ils auoyent à faire. Finalement il fut conclud que la nuit ledit Hieronyme & le capitaine Ricaruille accompagné de vingt de ses soldats descendroyent dedans le fossé, pour escarper la breche: ce qu'ils firent, & rapporterent quant & eux grand nombre de poudres que les Allemansy auoyent laisses, qui seruirent bien à noz arquebuziers, car ils commençoient d'en auoir faute: pareillement fut faite telle diligence de reparer la breche qu'elle estoit au matin plus forte que deuant. Quoy voyant l'Empereur, fit cesser la batterie pour tenter la sappe, & fit en diligence commencer des trenchées pour aller droit au bouleuert de la victoire, & aussi du costé de la breche commença vne plateforme de dixhuit gabions de front, sur lesquels quand ils estoient emplis, on en dressoit d'autres iusques à tant que la hauteur fust conuenable. Ceux qui besongnoient pour venir sapper le bouleuert, estans leurs trenchées desia pres dudit bouleuert, trouuerent vne grosse source de fontaine, qui les empeschoit de passer outre: mais les assiegez voyans ietter l'eau hors de ladite trenchée, soupçonnerent que les ennemis vouloyent miner ou sapper, & pour en sauoir la verité ils mirent la nuit dehors vn gentilhomme nommé le capitaine Limieres Normand, avec quelques hommes, lequel fit si bien son deuoir qu'il fit aban-

donner aux Espagnols la garde desdites trenchées, & les visita de bout en bout, & ramena quelques pionniers dedans la ville pour dire des nonuelles: le reste fut taillé en pieces.

D V R A N T q̃ le siege estoit deuant S. Disier, monsieur d'Aumalle fils aîné du Duc de Guise estoit dedans Stenay, ville (comme j'ay dit) sur la Meuze, avec cent cinquante hommes d'armes, & quelque nombre de gens de pied: lequel, outre ce qu'il auoit deliberé de la garder si l'Empereur la venoit assaillir, portoit grand dommage au camp Imperial, car ordinairement il estoit à cheual, & rompoit les viures à l'ennemy, principalement ceux qui luy venoyent de Barleduc, de sorte que ses destrouffes veritablement apportoyent grande fascherie à l'Empereur.

Traité pour  
la reddition  
de S. Disier.

E N V I R O N dixhui& iours apres ledit assault, vn tabourin François estant allé au camp Imperial pour quelques prisonniers, apporta au Comte de Sanserre vnes lettres en chiffre, lesquelles luy auoyent esté baillées en secret par vn homme interposé & à luy incogneu, qui disoit auoir charge de monsieur de Guise de les faire tenir secrettement audit Comte: lequel les ayant receuës & fait dechiffrer, fit assembler les capitaines pour en ouyr la substance: C'estoit q̃ monsieur de Guise escriuoit, que le Roy sachant l'extremité de viures & de poudres en laquelle ils entroyent, leur madoit de trouuer moyen de faire composition si honorable que les hommes fussent sauuez, parce qu'il n'y auoit ordre de les pouuoir secourir. Or auoit le seigneur de Granuelle fait surprendre vn pacquet, dedans lequel fut trouué l'a'phabet du chiffre que ledit seigneur de Guise auoit avec le Comte de Sanserre, sur lequel il auoit contrefait ladite lettre au nom dudit seigneur de Guise. Le Comte & les autres capitaines n'ayans cognoissance de ceste falsité, furent en diverses opinions, mais en fin ayans respect au grand  
travail

travail que les soldats auoyent porté, pour auoir esté assiegez par l'espace de six sepmaines, & que les viures & munitions leur commençoient à defaillir de sorte que malaisémēt eussent-ils eu poudres pour soustenir encores vn assaut, conclurent de tenter la volonté de l'Empereur, & enuoyerēt vn trompette au camp Imperial, afin d'obtenir sauſconduit pour enuoyer vn gentilhomme deuers l'Empereur, ce qui leur fut accordé. Et puis apres par l'aduis des capitaines fut ordonné pour y aller Iacques de la Chasteigneraye seigneur de la Chenuaire, lieutenant dudit Côte de Sancterre, lequel Chenuaire cognoissant les capitulations que l'Empereur vouloit faire trop rigoureuses, se retira sans rien conclure, mais en fin apres auoir esté par trois fois assemblez pour ladite capitulation, fut accordé douze iours de trefues, & qu'il leur seroit baillé sauſconduit pour enuoyer deuers le Roy, sauoir si dedans ledit temps il les enuoiroit secourir, ou si la capitulation luy seroit agreable, & au cas que nō, ils demoureroyent en leur entier: aussi où il l'auroit agreable, & que dedans le temps ils ne fussent secourus, lesdits assiegez rendroyent la ville entre les mains de l'Empereur, & s'en iroyēt, à scauoir la caualerie avec leurs armes & cheuaux enseignes desployees & armet en teste: les gēs de pied avec leurs armes marchās en bataille, enseignes desployees, & tabourin sonnante, & qu'ils emmeneroyēt leurs bagues, & iiii. pieces d'artillerie au choix des assiegez avec leur equipage.

L'OCCASION de ceste capitulation veritablement tant auantageuse & honorable pour les assiegez (lesquels auoyent arresté l'vn des plus grāds Empereurs qui ait esté depuis Charlemaigne, avecques toutes les forces de l'empire Occidental, deuant vne place nō fortifiée, laquelle n'auoit iamais eu reputatiō que d'vne ville champestre) prouenoit de ce q l'Empereur vouloit oster au Roy d'Angleterre les moyens



Discours sur  
la descente  
des Anglois

de se plaindre, à cause qu'il estoit campé deuant Bou-  
longne & Monstreul, s'excusant de ce qu'il ne passoit  
oultre, sur-ce qu'il estoit dit par leur traitté, que l'Em-  
pereur & luy marcheroyent sans s'arrester ailleurs,  
pour assembler leurs forces pres de Paris, & contrain-  
dre le Roy de les combattre à son desauantage, sinon,  
qu'il permist ruiner ses pays & subiets à sa veüe. Car  
l'Empereur cognoissoit bié la necessité desdits assie-  
gez, & le peu d'apparence de leur secours, & mesmes  
q dedäs xv. iours pour le plus tard il les auroit par fa-  
mine: mais aussi consideroit-il combien luy estoit  
malaisé luy seul, & ores qu'il eust esté accompagné de  
l'Anglois, selon leur desseing, de destruire ce royaume,  
non comprins qu'il auoit en barbe l'armee gaillarde,  
dispose, & bié deliberee de monseigneur le Dauphin,  
lequel apres luy auoir laissé consommer la sienne, le  
tiendrait la corde au col, dont luy aduiendroit plus  
de perte & de honte plus reprochable, que celle tant  
insigne qu'il auoit receüe en Prouence. Parquoy vou-  
lant l'Empereur faire cognoistre qu'il ne tiendrait à  
luy, que le traitté qu'il auoit avecques le Roy d'An-  
gleterre ne fust accomply, accepta ceste capitulation,  
esperant attirer ledit Roy d'Angleterre, & se renfor-  
cer de son armee, pour ensemblement tenter l'execu-  
tion de leur entreprise. Or par incident ie vous diray,  
qu'au commencement de ceste entreprise, le plus gräd  
nombre du conseil du Roy d'Angleterre estoit d'auis  
qu'il deuoit faire sa descente en Normandie (comme  
auoyent fait ses predecesseurs) & qu'estant son armee  
de trente mille hommes faisant sa descente en trois  
diuers lieux, & en chacun lieu dix mille hommes,  
& ayant liberté, & trouuant le pays despourueu de  
gens de guerre, cependant que le Roy & toutes ses  
fortes seroit amusé contre vne si grande armee  
qu'estoit celle de l'Empereur, & contre l'armee que  
conduisoit monsieur du Reu, & le Comte de Bures,

pour

pour faire descente en Picardie, il se pourroit inuestir du duché de Normandie, l'estimant l'ancien heritage d'Angleterre. Mais Dieu qui a tousiours voulu conseruer ce royaume, les fit changer d'opinion, & entreprirent de conquerir Boulongne & Monstreul, qui a esté la ruine par apres du royaume d'Angleterre, ainsi qu'on pourra cognoistre par ceux qui par cy apres escriront des choses aduenues du regne du Roy Henry, à present regnant.

Le Roy ayant entendu le traicté des assiegez, lequel estoit mis sur sa discretion, le tint pour agreable: tellement qu'ils mirent és mains de l'Empereur ladite ville de sainct Disier, & en sortirent en l'ordre & selon qu'ils auoyét capitulé. Et par ce qu'il preuoyoit que ledit Empereur prendroit son chemin le long de la riuere de Marne, manda à môseigneur le Dauphin de renforcer monsieur de Neuers qui estoit dedans Challons, tant d'hommes que de viures & autres munitions, par ce qu'elle estoit peu fortifiée, & qu'il estoit besoin de la garder par la force & vertu des hommes. Au reste qu'il se fortifiast le long de ladite riuere, & donnast telle prouision à ses affaires, que si l'ennemy entreprenoit de la passer, il peust le combattre à son auantage à demy passé, luy defendant de hazarder autrement la bataille, pour l'importance que c'estoit s'il l'eust perdue au milieu de son royaume, ayant en son dos vn tel ennemy que le Roy d'Angleterre. chose qui fut diligemment obseruee par mondit seigneur le Dauphin: vray est qu'il eust bien desiré auoir en sa compagnie monsieur le Connestable de Montmorency, qui estoit retiré en sa maison, pour vser de son conseil, & pour cest effect enuoya deuers le Roy, lequel trouua fort mauuaise ladite requeste de son fils, pour la haine qu'il portoit audit Connestable, & en voulut grand mal aux Capitaines qui estoient pres de son fils. Pendant que le Roy d'Angleterre tenoit le siege

deuant Boulongne & Monstreul, ordinairement se firent de belles entreprises, & entre autres mōseigneur le duc de Vendosme, aduertiy que de saint Omer & Aire deuoit partir vn aduitaillement pour amener audit siege de deuant Monstreul, delibera de le destroufer passant par le Boulonnois. Estant party pour cest effect, eut aduertissement par les chemins que l'ennemy auoit à la conduite dudit enuitaillement huit cēs cheuaux, & douze cens Lansquenets, lesquels menoyent quant & eux quatre couleurines moyennes, pour se fortifier, si par les chemins ils estoient assaillies. Ledit seigneur de Vendosme apres auoir esté trois grandes lieues au trot, ayant l'homme d'armes, l'armet en teste, & la lance sur la cuisse, enuoya le sieur de Villebon avec sa compagnie, le sieur d'Estree, & d'Esquilly pour attaquer les ennemis, & les amuser cependant qu'il arriueroit : & mena quant & luy sa compagnie de cent hōmes d'armes, le sieur de la Chastaigneraye avec cinquante de monsieur le Dauphin, & le sieur de Senerpont avec pareille charge. Lesquels arriuant pres des ennemis les chargerent de sorte qu'ils furent rompus & mis à vau route, & sans les morts furent menez dedans Therouenne huit cens prisonniers, & deux couleurines moyennes. Les autres deux demurerent, à cause du rouage qui estoit rompu, & y furent gaignez quatre enseignes de gens de pied Allemans. Ledit sieur auoit laissé sur sa queue la compagnie de monsieur de Crequi, & celle de monsieur de Heilly de cent hommes d'armes pour le soustenir, mais il n'en eut besoin. L'Empereur voulant suyure son entreprise partit de saint Disier, y laissant bonne garnison, & vint loger le lendemain à Vitry en Parthois, auquel lieu il eut nouuelle que le Roy d'Angleterre, quelque promesse qui fust entr'eux, n'estoit deliberé de passer outre, qu'il n'eust mis en son obeissance Boulongne & Monstreul. Cela diligemment considéré

Deffaitte  
d'Anglois  
deuant Bou-  
longne.

deré par l'Empereur, & que si luy seul marchoit plus  
auant en pays ( estans desia ses soldats dehallez pour  
le trauail & faute de viures qu'ils auoyent souffert de-  
uant saint Dier, & que pareillement ils souf-  
froyent ) la fum suffiroit pour le combatre, sans  
les forces du Roy, lesquelles il voyoit gaillardes &  
sur le point de prosperer, pour le contraindre ainsi  
qu'ainsi de faire honteusement sa retraite, il cōmen-  
ça à goustier quelques pourparlez qui auoyent esté  
mis en auant, durât le siege de saint Dier, d'vne paix  
entre le Roy & luy, par le moyen de son confesseur,  
& du seigneur de Granuelle, avecques quelques ser-  
uiteurs du Roy. Chose où ledit Empereur estima pou-  
voir honnestement entendre sans en communiquer  
au Roy d'Angleterre, attendu que desia il auoit failly  
de promesse, & qu'il doutoit ( outre ce qu'il cognois-  
soit bien que si ledit Roy d'Angleterre prenoit Bou-  
longne & Monstreul, la conqueste ne seroit que pour  
luy ) que par apres se sentant fort deça la mer, il luy  
fust plus difficile quand ils auroient à traitter ense-  
mble: si est-ce qu'auant passer plus outre, il enuoya som-  
mer ledit Roy d'Angleterre de se venir ioindre, suy-  
uant leurs traittez au lieu qu'ils auoyent conclud.  
Mais veritablement l'Empereur ayant considéré l'ar-  
duité de son entreprise, des son arriuee en France, a-  
uoit en passant & sans se declarer introduit iceux  
propos, mais du depuis les auoit cachez: les reser-  
uant pour s'en seruir alors que la necessité en la-  
quelle il estoit reduit le contraindroit. Et apres a-  
uoir pensé à la proximité de sa ruine, fit poursuyure  
chaudement ce qu'il auoit premedité touchant la  
paix, de sorte qu'il fut prins iour d'assembler les de-  
putez, tant de la part de l'Empereur que du Roy, au  
lieu de la Chauffee, mi-chemin de Challons & de Vi-  
rry. De la part du Roy furent deputez pour cest effect  
Claude d'Annebaut Amiral de Frâce, & le seigneur de

Pourparlé  
de paix.



Chemans garde des seaux de France : & de la part de l'Empereur, le sieur Dom Ferrand de Gonzague , & le sieur de Granuelle. Et pour aller deuers le Roy d'Angleterre, de la part du Roy fut député le Cardinal du Bellay, & avecques luy le president Remon premier president de Rouen, & le seigneur de l'Aubespine cōseillier du Roy , & secretaire d'estat & des finances. L'Amiral d'Annebault & les deputez de l'Empereur ayans par quelques iours communiqué ensemble, entretent en quelques articles de traittez, mais ils ne firent aucune conclusion, & s'en retourna ledit Amiral au camp, & fit entendre au Roy l'estat de sa negotiation, pour sur iceluy sçauoir sa volonté.

Ce temps pendant l'Empereur vint loger à Thia l'Euesque, deux lieuës pres de Challons : puis passant entre Challons & nostre dame de l'Espine, vint camper pres de la riuiere de Marne vne lieuë au dessous de Challons , & deux lieuës pres de nostre camp , & estoit ladite riuiere entre deux. Passant l'armee Imperiale par deuât Challons, ceux de ladite ville cognoissans que l'Empereur passoit outre sans les vouloir attaquer, la ieunesse de monseigneur de Neuers sortit à l'escarmouche, pour recognoistre l'ennemy, & rompre leurs lances pour l'amour de leurs dames, & avecques eux les cheuaux legers, de sorte que l'escarmouche se dressa forte & roide, & se firent de belles charges, prinſes & recouſſes tant d'un costé que d'autre : mais en fin arrivant la force du camp de l'ennemy, nos gens furent contraincts de tenir bride. Il y mourut de gens de bien , & d'une part & d'autre , & entre autres des nostres le seigneur des Bordes , & le ieune Ienlis, tous deux de la maison de monseigneur d'Orleans, & furent tuez de coups de pistoles, qui sont petites harquebuzes qui n'ont qu'environ vn pied de canon, & tire l'on avecques vne main, donnant le feu avecques le rouet.

E S T A N T

ESTANT l'Empereur campé au lieu que ie vien de dire, le Comte Guillaume de Furstemberg (qui estoit l'un des principaux qui auoyent persuadé à l'Empereur de prendre ce chemin, par ce qu'il le cognoissoit, pour auoir esté sept ou huit ans au seruice du Roy, & venant d'Allemagne pour ledit seruice, prenoit tousiours son chemin le long d'icelle riuere de Marne) partit enuiron minuit du camp Imperial, seulement accompagné d'un guide, pour aller recognoistre un gué de ladite riuere, où autrefois il auoit passé, esperant par là faire passer l'Empereur, & son armee. Arriué qu'il fut audit gué, laissa son guide sur le bord de l'eau, pour luy-mêmes sonder le gué, lequel il trouua fort aisé, & le passa: mais quelques gentilshommes de la maison du Roy, & vne partie de la compagnie de monsieur l'Amiral, ausquels il touchoit ceste nuit de faire la garde, estans leurs sentinelles prochaines de là (car elles estoient le long de l'eau) descouurirent ledit Comte Guillaume, & sans faire alarme, se jetterent entre la riuere & luy, tellement que se cuidant retirer au passage, il fut prins sans resistance: puis estant amené au camp, fut recogneu, & enuoyé en la bastille de Paris, & depuis paya trente mille escus pour sa rançon.

L'EMPEREUR voyant son armee se ruiner par famine, à cause que de toutes parts les viures luy estoient coupez tant deuant, derriere, que par les costez: delibera faire sa retraite par Soissons. Mais secrettement par un moine Espagnol, de la maison de Goussments, lequel auoit esté l'instrument du confesseur de l'Empereur, pour mettre les traitez en auant, fit hastier de remettre sus les propos de la paix, feignant toutesfois qu'elle ne venoit de luy. Et cependant pour trouuer moyé de viure, suyuit tousiours la riuere, estât en hazard d'une grâde ruine, sans qu'il fust aduerty que monseigneur le Dauphin auoit enuoyé à

Prise du Côté  
Guillaume.

Chemin de  
l'Empereur.

Espernay vn capitaine de gens de pied, pour faire retirer les viures qui estoient audit lieu, & rompre le pont qui estoit sur la riuere, & ce qui ne se pourroit sauuer tant de bleds, vins, qu'autres viures, le ietter en la riuere aual l'eau, & le gaster. Mais il y fit mal son deuoir, de sorte qu'il fut surprins de l'Empereur, lequel trouua le pont qui n'estoit rompu, & grande abondance de viures, d'autant que c'estoit l'une des estappes de nostre camp: chose qui luy donna occasion de passer outre iusques à Chasteau-Thierry, où pareillement il surprint les viures en si grande abondance, que son armee qui estoit affamee, se remist en vigueur. Audit lieu de Chasteau-Thierry fut grand mutinement entre les Espagnols & Lansquenets dudit Empereur, de sorte qu'à peine peurēt-ils estre empeschés de ne se donner la bataille les vns aux autres, à cause que lesdits Lansquenets trouuoient mauuais que les viures leurs fussent departis par lesdits Espagnols.

**MONSIEUR** le Dauphin aduertiy de la faute aduenue à Espernay, laquelle pourroit estre cause de faire marcher l'Empereur iusques pres Paris, despescha le sieur de l'Orges, avecques vij. ou viij. mille hommes de pied, & quatre cens hommes d'armes, pour entrer dedans Paris, y auenant le besoin, lequel s'arresta à Lagny sur Marne, pour estre plus à propos pour executer ce dont il auoit charge, car ledit lieu est à cinq lieues de Paris. Puis suyuant la riuere en toute diligence gaigna le deuant, & vint camper à la Ferté sous Jouarre, quatre lieues au dessous de Chasteau-Thierry sur la mesme riuere, & enuoya à Meaux bon nombre d'hommes pour empeschier le passage audit Empereur: puis avecques son armée s'approcha pres de Paris, craignant que le Roy d'Angleterre marchast de ce costé. L'Empereur cognoissant la diligence que mondit seigneur le Dauphin auoit faite, de venir gai-  
gner

gner le passage de la Ferté, & ayant crainte de tomber en extremité de famine, tourna son chemin vers Villiers Costerets à trauers le pays de Vallois, pour arriuer à Soissons.

C E P E N D A N T le Roy estoit à Paris importuné sous main de faire paix avecques l'Empereur, laquelle il consentit, neantmoins qu'il luy coustast de ses nouvelles cōquistes, cognoissant (ores qu'audit Empereur il donnait la bataille) qu'elle ne se pouuoit passer sans grāde perte d'hōmes, soit ou qu'il la gaignast, ou perdist : & que le Roy d'Angleterre, & le Comte de Beres, lesquels auoyent aussi puissante armee que la sienne, luy pourroyent encores dōner vne bataille : & perdant l'vne ou l'autre, ou toutes deux, son royaume seroit en hazard : & les gaignant, si ne pouuoit-il beaucoup profiter, mesmes sur le Royaume d'Angleterre, qui est insulaire. Ioinct qu'il estoit tous les iours sollicité par le Mareschal du Biez, de luy enuoyer secours de viures dedans Monstreul, autrement il seroit cōtraint par famine la remettre entre les mains de l'ennemy. Pareillemēt n'estoit trop assuré de la suffisance du seigneur de Veruin, qui estoit chef dedans Boulongne : & consideroit que s'il perdoit lesdites villes, l'ennemy auroit entree pour empieter son Royaume : & q̄ difficilement elles pouuoient estre secourues s'il n'appointoit avecques ledit Empereur. Parquoy despescha l'Amiral d'Annebault, lequel fut trouuer l'Empereur en l'abbaye de S. Iean des Vignes, aux faulxbourgs de Soissons : auquel lieu estant arriué, le Roy l'aduertit, comme il auoit eu nouuelles que le seigneur de Veruin auoit rédu Boulōgne, & qu'il procedast diligēment à la cōclusiō du traité : car si l'Empereur eust esté certain de ceste reddition (cōbien que la paix luy fust necessaire) il eust esté plus hault en ses demandes.

I L est fait mention aux precedents liures, comme tous les differēds, ou la plus grāde part, d'entre le Roy

Discours sur  
la paix que  
fit le Roy.



& l'Empereur, estoient meus pour le Duché de Milan, & que du viuant de feu monseigneur le Dauphin François premier fils du Roy, iceluy seigneur auoit proposé audit Empereur, que dudit duché (côme propre heritage de la maison d'Orleans) il inuestist monseigneur Henry duc d'Orleans, qui depuis fut monseigneur le Dauphin, & puis Roy, chose à quoy ledit Empereur n'auoit voulu entêdre: mais bien auoit fait offre de faire le mariage de monseigneur Charles, duc d'Angoulesme tiers fils du Roy, qui depuis a esté duc d'Orleans, avecques sa fille ou niepce, & par le moyen dudit mariage, l'inuestiroit d'iceluy duché de Milan. Laquelle offre le Roy n'auoit admise, pour euter de mettre en diuision môdit seigneur d'Orleans & môseigneur d'Angoulesme, de preferer le puis-né à l'aisné. Mais quand l'ocasions s'offrit de traiter la paix avecques l'Empereur, pour l'effect de laquelle monsieur l'Amiral d'Antinëbault, par le commandement du Roy fut trouuer ledit Empereur en l'abbaye de saint Jean des Vignes pres Soissons, ce party fut remis en auant par ledit Charles fils, puis-né du Roy alors duc d'Orleans. Et en fin fut conclud que ledit duc d'Orleans deuoit dedans deux ans espouser la fille de l'Empereur, ou sa niepce fille du Roy des Romains, moyennant lequel mariage, à la consommation d'iceluy, l'Empereur inuestiroit iceluy duc d'Orleans du duché de Milan, ou bien du comté de Flandres & pays bas, à l'option dudit Empereur. Aussi le Roy en ce faisant remettoit à l'Empereur le droit par luy pretendu audit duché, & au Royaume de Naples, au cas qu'il baillast les pays bas audit seigneur d'Orleans: & pareillement deuoit le duc de Sauoye estre remis en la possession de ses pays, alors que ledit duc d'Orleans seroit iouyssant du duché de Milan; ou du comté de Flandres. Et attendant ledit terme de deux ans se deuoit rendre tant d'une part que d'autre, ce qui auoit e-

Articles de  
paix avec  
l'Empereur.

sté respectiuelement vsurpé tant deça que delà les monts depuis la trefue faite à Nice : & seroyent toutes choses remises en l'estat qu'elles estoient lors d'icelle trefue. Quant à l'Empereur, il rendit au Roy du costé de deça les monts, saint Disier, Ligny, & Commercy : de la part du Roy fut rendu audit Empereur, Yuoy, Montmedy, & Landrecy : & fut la ville de Ste-nay (les fortifications d'icelle rasées) remise entre les mains du Duc de Lorraine. Du costé d'Italie, l'Empereur rendit seulement la ville Montdeuis, & le Roy luy rendit Albe, Quieras, Antignan, saint Damian, Palsol Cresantin, Verne, Montcalne, Barges, pont Deslure, Lans-Vigual, & saint Saluadour, saint Germain, & la pluspart du pays des Langues, & du Marquisat de Seue, & aussi la Valpergue.

Les traitez de paix ainsi accordez, l'Empereur manda au Comte de Bures, & au Comte de Reux, qui estoient deuant Monstreul avecques son armee en la compagnie du Duc de Norfolk, & d'une partie de l'armee d'Angleterre, qu'ils eussent à leur retirer, & licetier sadite armee. Ce fait, partant de Soissons pour prendre son chemin à Valenciennes, s'en alla à Nisi le Chasteau, de là à Crespy en Lanois, puis à la Fère sur Oyse : auquel lieu le vint trouuer le Duc d'Orleans, pour l'accompagner iusques hors des limites de ce Royaume, & avecques luy monsieur Iean Cardinal de Lorraine, le Cardinal de Meudô, le Comte de Laual, le seigneur de la Hunaudaye, & autres : lesquels l'accompagnerent iusques à Bruxelles, comme hostagers, iusques à ce que la reddition des places que le Roy tenoit delà les monts, fust faite. Puis l'Empereur & le Roy despescherent en Piemôt deuers le Marquis du Guast, & le seigneur d'Anguien leurs lieutenans generaux delà les monts, pour faire publier la paix, & pour chacun en son endroit faire restituer les places qu'ils tenoyent l'un de l'autre : mais le Marquis n'eut

grande peine à rendre, car il ne tenoit de conqueste sur nous depuis la trefue de Nice, que le Mont deuis.

Prise de  
Boulongne  
par compo-  
sition.

OR reutenons au Roy d'Angleterre, deuers lequel le Roy (alors que les deputez de sa maiesté, & ceux de l'Empereur furēt depeschez pour se trouuer au lieu de la Chaufsee, pour le traitté de paix, dont est faite mentiō) auoit depesché le Cardinal du Bellay. Iceluy du Bellay l'eust peu cōduire à ceste raison de paix, veu q'il l'Empereur y vouloit entrer, mais ledit Roy d'Angleterre estant bien aduertý de l'estonnement auquel estoit entré le seigneur de Veruin chef dedás Boulongne, vsa de dissimulation, remettant les choses en longueur, se tenant certain que de bref il auroit telle issue de son entreprise de Boulongne qu'il desiroit, & cependant il enuoya ledit seigneur Cardinal & sa compagnie au chasteau d'Hardelot, pour estre logé plus commodement. Le seigneur de Veruin qui (comme i'ay dit) estoit homme peu experimenté, apres auoir enduré grande & furieuse batterie, soustint quelque forme d'affault, mais (à ce que i'ay entendu par luy-mesmes) la vertu du capitaine Philippe Corse fut cause de le faire soustenir si longuemēt: mais en fin ledit capitaine Philippe estant à la breche, fut frappé par la teste d'un esclat d'artillerie venant du camp, dont il mourut. Ledit seigneur de Veruin l'ayāt perdu, & n'ayant plus que toute ieunesse aupres de luy, & de soy-mesmes estonné commença à parlemeter, auquel parlemēt succeda tel effect, qu'iceluy seigneur de Veruin fit sortir le seigneur de saint Blimont, vieil soldat, portenseigne du seigneur du Biez, & le seigneur de Breumeselles commissaire des guerres, pour entendre la volonté du Roy d'Angleterre, laquelle fut que les gens de guerre, & citadins s'en iroyent leurs bagues sauues, remettans la place entre ses mains, avecques toute l'artillerie, munitions & viures, dont de tout y auoit abondance. Les citadins n'y vouloyent consen-

tir,

tir, mesmes le Maieur fit offre audit seigneur de Veruain, q̄ s'il vouloit s'en aller, luy avecques les citadins, & les gens de bõne volonté garderoyēt la ville, mais jamais ne fut ouy. Le lendemain que la composition fut accordée, & deuāt qu'hostages fussent baillez, suruint si extreme tourmente, tant de vent que de pluye, que dedans le camp de l'ennemy ne demeura vne seule tente debout, & pour les terres qui sont grasses, nul ne pouuoit marcher ny auant, ny arriere. Toutesfois iamais l'opinion du seigneur de Veruain ne changea, & ne peust estre persuadé qu'il ne remist la place entre les mains du Roy d'Angleterre, disant qu'il ne luy vouloit faillir de sa parole, mais il faillit biē de sa foy à son naturel & souuerain Prince, dont du depuis il eut la teste trenchee à Paris. Il est certain que s'il eust tenu deux iours, la ville estoit sauuee : car (comme i'ay dit) pour la pluye n'y auoit ordre de marcher à l'affault ; & cependant monseigneur le Dauphin qui marchoit en diligence pour le secourir, fust approché, qui eust fait changer le desseing du Roy d'Angleterre.

D V R A N T le siege, le seigneur de Saint André, ieune homme de grande volonté, des plus proches de la personne de monseigneur le Dauphin, entreprint d'entrer dedans Boulongne, ayant choisi des gens de bien & d'experience, pour mener quant & luy, esperant faire grand seruice à son Prince, & luy sauuer sa ville, qu'on cognoissoit en hazard de perdition. Et parce que par terre n'y auoit moyen d'y entrer, pour les trenchées qu'y auoyent fait les Anglois, & forte garde d'icelles, delibera d'y entrer par mer, mais le vent & la tourmente luy furent si contraires, que deux ou trois fois ayant donné à l'embouchement du hure, autant de fois il fut reietté en la mer : parquoy apres auoir tenté toutes fortunes, fut contraint de retourner dont il estoit party.



Le Roy ayant fait la paix avec l'Empereur, fit promptement marcher son armee, pour surprendre le camp des Anglois, qui estoit deuant Monstreul, & trouuer le Roy d'Angleterre deuant Boulongne abandonné de l'armee Imperiale, & luy donner la bataille, sinon, qu'il leuast son camp, & se retirast: puis retrouuant Boulongne fort ruinee (comme on disoit) auant que les Anglois eussent loisir de la remparer, y auroit moyen de la reprendre. Mais le Duc de Norfolk, qui estoit deuant Monstreul, ayant entendu que nostre armee approchoit d'Hedin, craignant qu'elle ne se iettast entre Boulongne & luy, pour empescher sa retraite, leua son camp, & pria le Comte de Bures de l'accompagner iusques au lieu de seureté, ce qu'il fit. Le Roy d'Angleterre (estant le Duc de Norfolk joint avecques luy) cognoissant que ses forces separees d'avecques celles de l'Empereur n'estoyent suffisantes pour soustenir l'armee du Roy, se retira à Calais, faisant embarquer à Boulongne vne partie de sa grosse artillerie, pour mener en Angleterre: & laissant pour la garde de sa conqueste le Duc de Sombreffer, nommé Milort Semer, frere de la feuë derniere Roine son espouse, dont estoit sorty Edouart qui depuis fut Roy.

MONSIEUR le Dauphin aduertý que le siege de deuant Monstreul estoit leué, & que le Roy d'Angleterre s'estoit retiré à Calais, mais pour la haste qu'il auoit de desloger, auoit laissé la pluspart de son artillerie, viures, & autres munitions dedans la basse Boulongne, partit d'Auchy le Chasteau, & print le chemin par le hault pays du Boulenois, passant à vn village nommé Escueulles, laissant la fosse Boulenoise à gauche, pour venir à Marquise, mi-chemin de Boulongne & de Calais. Duquel lieu de Marquise, apres y auoir refreschy son armee deux ou trois heures, partit pour arriuer à la basse Boulongne deuant le iour

(ainsi

Deffaire de  
noy gens  
pensant sur-  
prendre Bou-  
longne.

(ainſi qu'il fit) afin de ſurprendre ladite artillerie, viures, & munitions qui y eſtoient (or n'eſtoit ladite baſſe Boulongne fermee que de quelques petites tranchees.) Et eſtant pres furent ordonnees deux troupes, dont la premiere eſtoit conduite par le ſeigneur de Fouqueſſolles, pour faire l'executiõ: & avecques l'autre, & plus groſſe troupe, deuoit marcher le ſeigneur de Thais pour ſouſtenir ledit de Fouqueſſolles: puis deuoyent marcher ſix mille Griſons pour ſe ietter en vn vallon, & ſecourir où beſoin ſeroit. Mais il me ſemble qu'ils deuoyent ietter vne teſte de dix ou douze enſeignes, entre la baſſe Boulongne & la haulte, pour empeschier les faillies de ceux de la haulte Boulongne: ie ne ſay s'il fut ordonné, toutesfois il ne fut pas executé. Auſſi eſtoit-il raifonnable, qu'il demeurast quatre ou cinq enſeignes en bataille ſur la place de la baſſe Boulongne, pendant que ſe feroit l'execution, où chacun ſe pourroit recueillir. Le ſeigneur de Fouqueſſolles ſuyuant ce qui luy eſtoit ordonné, donna dedans la place, & le ſuyuit le ſeigneur de Thais: tout ce qui ſe trouua d'ennemis, fut mis au fil de l'eſpee, l'artillerie du Roy d'Angleterre & les munitions gaignees: de ſorte que noz gens penſoyent auoir la victoire, mais autrement en aduint, car cinq ou ſix enſeignes ſortans de la haulte Boulongne, trouuerent noz ſoldats en deſordre, comme gës qui ſ'amuſent au butin, & les mirent à vau de rouverte. Le ſeigneur de Fouqueſſolles cuidant ſe retirer à la place, pour faire teſte, y fut tué: le ſeigneur de Thais ſe retirant eut quelque coup de fleſche, & n'y eut iamais ordre de rafſembler les ſoldats, & quelques remonſtrances q̃ leur peuſſent faire les capitaines, ne voulurent tourner viſage au peu de nombre qui eſtoit ſorty: & meſme noz Italiens ſ'en allerent en conſuſion, juſques au lieu où eſtoyēt les ſix mille Griſons pour les ſouſtenir: & ſi ie penſe qu'il y auoit autant de bon ſoldats qu'il en

fust pour l'heure en Europe, qui me fait croire que sur toutes choses on doit, en faisant quelque entreprise, preuoir les inconueniens qui peuuent aduenir, & y pourueoir en temps & lieu: d'autant qu'il est tard, & quelquefois impossible d'y remedier apres que le desordre est aduenu. Monseigneur le Dauphin à toutes forces vouloit marcher luy mesmes, & hazarder sa personne pour y donner ordre, mais il ne fut conseillé de ce faire, attendu que le iour estoit venu, & que la ville à coups de canon qui barroyent de pointe en blanc, de hault en bas, empeschoit qu'on ne se pouuoit rallier ensemble: aussi la pluye estoit si extreme que la pluspart de noz arquebuziers estoient sans feu, & le reste pour l'indisposition du temps n'auoyent moyen de s'aider de leurs armes. Cependant quelque caualerie des nostres, auoit donné entre Boulongne & la tour d'Ordre, mais elle fut contrainte de se retirer, se voyant abandonnée des gens de pied.

Ce desastre aduenu, monseigneur le Dauphin voyant les pluies si continuelles, & la faute de viures qui estoit en son camp (parce qu'il estoit venu en telle diligence, que mesmes à cause des mauuais chemins les viures ne l'auoyent peu suyure, que la pluspart de son armee fut trois iours sans manger pain, & à qui en auoit le soldat donnoit son harnois pour vn pain, & ne pouuoit-on auoir viures de plus pres qu'Abbeuille, d'autant que tout le Boulonnois iusques à Monstreul estoit ruiné & brûlé, & semblablement depuis Monstreul iusques à Abbeuille, (qui sont xvij. lieues d'interualle) & ne se trouuoient herbes ny autre fourrage pour les cheuaux, se retira par l'aduis des capitaines vers Monstreul: auquel lieu apres auoir eu nouvelles du Roy son pere, licentia les Suisses & Grisons, laissant à Monstreul pour faire teste à ceux de Boulongne, monsieur le Mareschal du Biez, avecques les  
bandes

bandes tant Françoises qu'Italiennes venues de Picmont, & puis se retira deuers le Roy, qu'il trouua à S. Germain en Laye. Aussi le seigneur d'Anguien, apres auoir ordonné le seigneur de Termes, poursuyuant le traitté de paix, restituer les places par luy conquises sur l'Empereur, se retira deuers le Roy qu'il vint trouuer à Mante, peu de iours auant que mondit seigneur le Dauphin y arriuaist.

DURANT cest hyuer ne se fit de grandes entreprises, sinon que le Marechal du Biez ayant mis ensemble toutes les forces qui estoient demeurees en Picardie, alla camper au Portet (qui est vn petit port, où seulement se retirent les pescheurs) vn quart de lieuë deça Boulongne, estant la riuere du pont de brique entre la ville & luy, esperant au dessus dudit lieu tirant vers Boulongne, & le long de la coste de la mer faire vn fort, pour tenir en subiection le haure de la Boulongne. Mais le Milor Sorel fils du Duc de Norfolk, pour rompre ladite entreprise, assembla les forces que le Roy d'Angleterre auoit par deça la mer, & vint surprendre ledit Marechal deuant qu'il eust eu moyen de se fortifier, de sorte qu'il fut contraint de se retirer vers Monstreul: & sans l'ordre q fut mis par le capitaine Villefranche, maistre de camp des vieilles bandes Françoises, lequel demeura sur la queue, il y auoit grande apparence, qu'il y fust aduenue vne rouverte. Si est-ce qu'il y mourut de gens de bien, tât d'une part que d'autre, & pour le mauuais chemin qui estoit à cause des pluyes continuelles, sur la retraitte demorerent deux pieces d'artillerie de campagne, le reste fut retiré, & se campa ledit Marechal vne lieuë par delà Monstreul, tirant vers Boulongne, pour auoir la commodité des viures qui luy venoyent dudit lieu de Monstreul.

EN ce tēps mourut le Roy Iacques d'Escoffe, à cau  
se dequoy le Royaume demeura fort despourueu; & s'en suyuit.

Mort du  
Royd'Escof-  
se, & ce qui  
s'en suyuit.



pour y remedier, le Roy depescha avecques bon nombre de gens de guerre & d'argent, le Côte de Leno de la maison de Stuart, nepueu du feu Marechal d'Aubigny qui estoit capitaine des cent hommes d'armes Escossois des ordonnances du Roy, pour aller donner secours à la Roine d'Escoffe vesue dudit defunct Roy, & fille du Duc de Guise, lequel Roy ne laissa de luy & ladite Roine qu'une fille seule heritiere dudit Royaume. Ledit Comte de Leno arriué en Escoffe, comme ieune & mal conseillé, despēsa les derniers du Roy fort mal à propos, & sachant le mal contentemēt qu'on auoit de luy, pratiqua de se retirer au seruice du Roy d'Angleterre, qui le recueillit, esperant en tirer du seruice, & luy donna en mariage vne sienne niepce fille de sa sœur, mere du feu Roy d'Escoffe: laquelle apres la mort du Roy. Iacques le Quart, pere d'iceluy feu Roy, espousa vn gentilhomme d'Angleterre, dont estoit issue ladite fille. Le Roy aduertý de ladite reuolte, en toute diligence depescha le seigneur de la Brosse gentilhomme de Bourbonnois, homme sage & bien aduisé, pour consoler & conseiller la Roine d'Escoffe. Puis peu de temps apres depescha le seigneur de Lorges, chevalier de son ordre avecques vne armee, pour donner ayde & secours au pays d'Escoffe.

1545

Le Roy apres auoir depesché pour le secours d'Escoffe, se retira à Romorétin, auquel lieu fit seiour iusques enuiron le commencement du mois de May, mille cinq cēs quarante cinq, mais ce tēps pendāt ayant cōsideré q̄ laissant longuemēt les Anglois dedans Boulōgne, ils pourroyent de iour en autre se renforcer, & prendre pied en son Royaume, qui seroit vne mauuaise semence, à ceste occasion delibera pour y remedier, chercher tous moyens de les en desloger. Parquoy ordonna de dresser vne grosse armee par mer, dont auroit la conduite l'Amiral d'Annebault, & la faire

Armee de  
mer du Roy.

faire si gaillarde, qu'elle fust pour combattre l'armee d'Angleterre, s'il la trouuoit sur la mer, & ou l'occasion se presenteroit, prendre pied en Angleterre. Et pour cest effect manda en Prouence le capiraine Paulin depuis Baron de la garde, pour amener vingtcinq galeres de la mer de Leuant en la mer de Ponant, passant le destroit de Gubaltar, chose qu'on n'auoit encores veüe, sinon l'an mille cinq cens & douze, que le capitaine Pregent en passa six. Aussi ordonna de vaisseaux ronds, huiet ou dix carraques Geneuoises pour renforcer son armee, lesquelles vindrent si tard qu'elles ne seruirent de rien, mesmes entrans dedans la bouche de Sene, par faute de bons pilots, s'en perdit la plus grande part. Pareillemēt ordonna de dresser vne grosse & puissante armee par terre, pour, ce-pendant que son armee de mer seroit son execution, se venir camper deuant Boulongne, la riuere entre deux, & là faire vn fort auquel il pout laisser quatre ou cinq mille hommes en seureté, & tenir ceux de Boulongne en telle subiection, qu'ils n'eussent moyen de passer deçà l'eau en ses pays, & semblablemēt le faisāt sur la pointe vis à vis de la tour d'Ordre, empescher à coups de canon que nauires ne peussent entrer dedans le haure, pour secourir ceux de la ville, esperant que dedans mi-Aoust que son armee de mer seroit de retour, ledit fort seroit en defense, ainsi qu'on luy promettoit. Et ce faisant estoit deliberé, ayant reuny tous ses gens de guerre, tant de terre que de mer, marcher luy-mesmes en personne, laissant dedans ledit fort trois ou quatre mille hommes, & aller assieger Guines, qu'il esperoit forcer, & là se fortifier pour tenir Calais & la terre d'Oye en subiection, & par ce moyen affamer Boulongne : mais autrement en aduint, ainsi que vous orrez par cy apres. Et pout renforcer son armee tant de mer que de terre, il enuoya en Allemagne, le Comte Rin Graue, le Colonel Ricroc, & le Colonel Ludovic,

qui desia auoyent chacun deux mille Lansquenets à son seruice, pour faire nouvelle leuee, & remplir leurs regimens iusques au nombre de quarre ou cinq mille chacun, & en Gascongne & Languedoc enuoya faire autre nouuel amas iusques au nombre de dix mille hommes, pour remplir ses bandes Françoises, & pour la terre ordonna chef de l'armee monsieur le Marechal du Biez.

AYANT fait telles ordōnances, le Roy partit de Romorentin, pour prendre son chemin en Normandie, par ce qu'il vouloit faire l'embarquement de son armee, en la ville Françoisie du Haure de Grace, qui est à l'embouchement de la riuiera de Sene, & prenāt le chemin par Argētan enuiron la saint Iean, se trouua à Tonques: estant audit lieu se descourrit son armee de Leuant, dequoy n'estant aduertty, il estima que c'estoit celle d'Angleterre qui voulsist faire descente en la basse Normandie, pour diuertir son entreprise: mais soudain vint vn brigantin qui l'asseura que c'estoit son armee de Leuant. Aussi peu de iours apres se presenta deuant le chef de Caux trente cinq nauires Anglesches, qui tirerent à coup perdu en terre: mais ayans cognoissance de nos galeres qui approchoyent, firent leur retraite à Porsemue.

AVDIT lieu de Tonques, le seigneur de Langey vint trouuer le Roy, qui l'auoit depesché aux frontieres de Champagne, pour recueillir les Lāsquenets, lequel luy apporta nouuelles de leur descēte à Mezieres, & qu'il les auoit acheminez par estappes, suyuant son commandement, le chemin droit à Monstreul. Ayant le Roy cest aduertissement de la venue desdits Lansquenets, qui estoit la principale force qu'il attendoit, manda au Marechal du Biez que incontinent qu'ils seroyent arriuez à Monstreul, il eust à marcher à Boulogne; & commencer le fort dont j'ay parlé cy dessus, & qu'il eust à luy faire entendre le tēps que  
ledit

ledit fort pourroit estre en defense : & luy fit enuoyer six ou sept mille piñniers, & bon nombre de charroy pour cōduire fascines, gazōs, & autres choses necessaires pour cest effect. Le Marechal du Biez par le gentil hōme qui alla deuers luy, manda au Roy que dedās la mi-Aoust le fort seroit en defense, ce qui n'aduint toutesfois, comme cy apres ie vous reciteray. Sur l'assurance d'iceluy Marechal, le Roy dressā son estat, & mit son but sur icelle, & quant & quāt le sixieme iour de Iuillet, fit faire voile à son armee de mer, laquelle estoit assemblee au Haure de Grace, & luy pour la voir partir estoit sur le chef de Caux, dont il pouuoit tout descouurir. Mais tirāt les ancrs du Carraquon, Embrasement du Carraquon. qui estoit le plus beau nauire de la mer du Ponant, & le meilleur à la voile, portant huit cens tonneaux de charge, dedans lequel deuoit estre la personne de l'Amiral, pour le combat: le feu semit au fougion, tellement qu'on ne le sceut iamais sauuer, qu'il ne fust cōsommé en cendres: & y auoit cent grosses pieces d'artillerie de Bronze, mesmes y estoit l'argent du Roy, lequel fut sauué. Plusieurs voulans euitier la furie du feu, se precipiterent en la mer, les galeres en sauuerent beaucoup: mais depuis que le feu vint au bas dudit nauire, elles furent contraintes de prendre le large; car le feu se donna en l'artillerie, de sorte que la batterie qui se faisoit de si grand nombre de pieces, mettoit en sons tout ce qui se trouuoit deuant, derriere, & aux costez. Le nombre des nauires ordonnez pour l'armee montoit à cent cinquante gros vaisseaux ronds, sans compter soixante Flouins, & vingtcing galeres, lesquels tous ensemble se leuerent ledit sixieme iour de Iuillet, tant du Haure de Grace, que de la fosse d'Euure, Honnefleu, Harfleu, & Dieppe, & prindrent la volte pour tirer vers l'isle d'Huicht, & le Haure de Porsemue en Angleterre, auquel lieu de Porsemue estoient les forces de mer du



Roy d'Angleterre, lesquelles nostre armee cherchoit à combattre.

Le dixhuietieme iour dudit mois de Juillet mille cinq cens quarante cinq, estant arriué monsieur l'Amiral pres l'isle d'Huicht, manda le Baron de la garde avecques quatre galeres, rant pour recognoistre l'isle iusques à la pointe de sainte Heleine, que pour confid. rer la contenance des ennemis. Ceste pointe est par où on entre dedans le canal qui fait la separation de l'isle d'Huicht & d'Angleterre, regardant vis à vis de Porsemue. L'armee des ennemis estoit de soixante nauires esleus & tresbien ordonnez en la guerre, quatorze desquels à la faueur du vent de terre sortirét de Porsemue d'une grande prôptitude, & en si bel ordre, qu'on eust dit qu'ils attédoient de pied coy nostre armee pour la cōbatre. Mais monsieur l'Amiral allant contre eux avec le reste des galeres, sortit aussi le reste de leur armee hors du haure au deuant de luy : où apres auoir long temps combatu à coups de canon, les ennemis commencerent à se couler à main senestre au couuert de la terre, en lieu où ils estoient defendus par quelques fortereffes qui estoient sur la salaize, & de l'autre costé de bans & de rochers couuerts d'eau, lesquels sōt assis au trauers du chemin, laissant seulement vne entree estroite & oblique, pour passer peu de nauires de front. Ceste retraite, & la nuit qui approchoit, mirét fin au combat de ce iour, sans q̄ en tāt de coups de canō & d'autre artillerie qui furent tirez, eussions receu perte notable. Quand les galeres furent de retour pres de la pointe sainte Heleine, vindrent nouuelles à monsieur l'Amiral que la Maistresse (qui estoit le meilleur & principal nauire de nostre armee, & sur lequel il auoit delibéré de cōbatre) couloit en fonds, & qu'il n'y auoit autre esperance, que de sauuer les hommes, & l'argent du Roy lequel estoit dedans pour le payement de l'armee. La  
cause

cause de ce dommage fut (à ce qu'on presumoit) que sortant du haure de Honnefleu pour se ietter à la rade, ledit nauire toucha en terre, & de ce heurt la quille & gaborts s'estonnerent, de sorte que les ioints des planches s'ouuurent tant, q̄ les estouppes qui estoient mal pressées dedans lesdits ioints, vindrent à s'abreuer, tellement que le iour d'apres ce nauire estant agité d'un vent frais, fit tant d'eau, qu'on ne pouuoit plus fournir à l'euacuation.

ESTANT monsieur l'Amiral venu pour donner remede tāt aux hommes, que audit nauire, trouua que le seigneur de la Mailleraye Viceamiral de France, l'auoit ia fait descharger, & renuoyé au haure pour radoubier. Ce fait, ledit Amiral ayant deputé vn autre nauire pour luy, disposa de l'ordre des batailles pour le lendemain. L'ordre fut, q̄ le nauire qu'il auoit esleu pour représenter celuy qu'on auoit renuoyé au haure, dedans lequel deuoit estre sa personne, seroit au front accompagné de trente nauires qu'il auoit esleus: le seigneur de Bourieres costoyât ce bataillon sur la corne droite, accompagné d'autres trente six nauires: le Baron de Curton seroit la corne senestre, armée de pareil nombre de nauires: & considéré l'auantage du lieu où se tenoyent les ennemis, fut ordonné que dès le matin les galeres les iroyent trouuer à l'ancre, pour les escarmoucher à coups de canô le plus furieusement qu'ils pourroyent, & en combatant se retireroient vers nos batailles, pour y attirer (s'il estoit possible) nos ennemis, pour les auoir au large au combat, & les tirer hors du destroit. Ceste ordonnance fut treshardiment executée, mais le temps fut par son changement telle commutation de danger, qu'on n'eust sceu iuger en si peu d'espace de temps, auquel fortune se monstroït plus fauorable à eux ou à nous: car au matin à la faueur de la mer qui estoit calme sans vent ne fureur de courante, nos galeres se pouuoient regir &

manier à leur plaisir & au dommage des ennemis, lesquels n'ayans pouuoir de se mouuoir par faute de vêt, demeuroient apertement exposez à l'iniure de nostre artillerie, qui auoit plus grande prinse sur leurs nauires, que les nauires sur elles, d'autant qu'ils sont plus eminens & plus corporus, & que par l'vsage des rames, nos galeres pouuoient souyr & decliner le danger, & gagner l'auantage.

FORTVNE entretint nostre armee en ceste sorte plus d'une heure: durant lequel temps, entre autres dommages qu'en receurent les ennemis, la Marirose l'un de leurs principaux nauires, à coup de canon fut mis au fonds, & de cinq ou six cens hommes qui estoient dedans, ne s'en sauua que trentecinq. Le Grand Henry qui portoit leur Amiral, fut tellement affligé, q̄ s'il n'eust esté soustenu & secouru des prochaines nauires, il faisoit vne mesme fin: autres plus memorables pertes eussent-ils fait, si le tēps ne se fust tourné en leur faueur, qui non seulement les exempta de ce peril, mais fut propice à nous courir sus, en se leuant seulement vn vent de terre, lequel avecques le courâte les apportoit à la plaine voile sur nos galeres. Et fut ceste mutation si soudaine, que nos gens à peine eurent loisir ne la commodité de girer les proues: car au temps de la bonasse que vous auéz ony, & à la chaleur du combat, les galeres estoient si fort approchees, venâs si soudain les nauires sur elles de telle impetuosité, que sans aucun remede leur passoyent par dessus le corps, & les mettoient en fons. Si par vne grande asseurance des chefs, adresse & experience des mariniens, & de la chiorme, on n'eust donné force, & célérité extreme à tourner les galeres. Et par ces moyens ayans nos gens giré les proues, avecques l'agilité des rames & faueur des voiles, s'effoignerēt en peu d'heure à la portee d'un canon, & commencerent à eslargir la vogue, & alentir leur cours, pour attirer les ennemis,

mis, ainsi que leur estoit ordonné, hors des bans & difficultez des lieux cy dessus exposez.

Il y a vne espece de nauires particulieres, dont v-  
soyent nos ennemis, en forme plus longue que ronde,  
& plus estroite beaucoup que les galeres, pour mieux  
se regir & commander aux courantes qui sont ordi-  
naires en ceste mer: à quoy les hommes sont si duits,  
qu'avec ces vaisseaux, ils contendent de vitesse avec les  
galeres, & les nôment remberges. Il s'en trouua quel-  
ques vnes à ceste retraite, qui d'une incroyable velo-  
cité suyuoient nos galeres en poupe, & les mole-  
stoient de leur artillerie tresinstantment: dequoy elles  
ne se pouuoient defendre n'ayans artillerie en pou-  
pe: parquoy eust salu qu'elles eussent retourné sur eux,  
& ce faisant, se fussent mises en euidente perdition: car  
girant pour les combattre, les ennemis auoyent temps  
de les aborder à pleine voile, & par ainsi les tresbu-  
cher. Toutesfois le prieur de Capoué frere du sei-  
gneur Pierre Stroffe ne pouuant plus comporter ceste  
indignité, se confiant en l'agilité de sa galere, comen-  
ça à tourner sur vn, lequel ayant denancé les autres,  
tenoit presque vne de nos galeres par poupe: mais ce  
nauire pour estre plus court, tourna plus tost, & re-  
dressa son chemin deuers son corps de bataille: & de-  
puis ne luy, ny les autres, se mirent à suyure. Cepen-  
dant monsieur l'Amiral estoit dedans son nauire, ayât  
fait mettre les autres en armes selon l'ordonnance cy  
dessus exprimee, & ia estoit pour donner le signe de  
combat, s'il n'eust veu les ennemis eux retirer de leur  
chasse, & reprendre le chemin de leur fort: à quoy il  
cogneut seurement qu'ils attendoyent qu'à la cōfian-  
ce de nos forces, nous vinssions temerairement à les  
trouuer à nostre desauantage, & que leur intention e-  
stoit de suyure nos galeres en tant qu'ils le pourroyēt  
faire sans riens hazarder, esperans nous attirer sur les  
bans & battues. En ce conflict nous fismes perte



de quelques forçats, & de quelques soldats priuez d'hommes de nom, il ne s'en perdit pas vn.

Descente de  
monſieur  
l'Amiral en  
Angleterre.

Ayant monſieur l'Amiral comprins l'intention des ennemis, ſe reſolut de tenter par autres moyens de les attirer: car ayant nouuelles que le Roy d'Angleterre eſtoit arriué à Poſſeuue, eut opinion que faiſant deſcente en terre, gaſtant & bruſſant ſon pays à ſa veüë, & preſque entre ſes mains tuant ſes hômes, que l'indignation qu'il prendroit de telle iniure, la compaſſion qu'il auroit du ſang & mort de ſes ſuiets, & le gaſt & bruſlement de ſon pays l'eſmouueroyent tât, qu'il feroit partir ſes nauires pour aller au ſecours, principalement n'eſtant eſloigné de deux traits de canon: ou s'il n'y vouloit entendre, le deſplaiſir de ſes ſubiets ſe voyans n'eſtre en riens releuez de la preſence du Prince, pourroit engendrer quelque ſedition & mutinement au pays. La deſcente ſe fit en trois diuers lieux tout en vn temps, pour tenir la force des ennemis ſeparee: en vn coſté fut mandé le ſeigneur Pierre Stroſſe pour deſcendre au deſſus d'un petit fort, où les ennemis auoyent quelque artillerie, dont ils battoyēt nos galeres par flanc: là dedans s'eſtoit retiré vn nombre de gens de pied du pays, leſquels ayans veu la hardieſſe des noſtres, abandonnerent le fort, & ſe mirent en fuite dedâs vn bois taillis vers les parties mediterranees: nos gës à la pourſuite en tuerēt quelques vns, & bruſlerent les maiſons circonuoifines.

En autre endroit deſcendit le ſeigneur de Thais general des gens de pied, & avecques luy le Baron de la garde general de nos galeres. Eux n'ayans trouué reſiſtence à leur deſcente, tirerent auant, pour reſconnoiſtre & conſiderer le pays, mais ils n'allèrent guerres loing qu'ils ne trouuaſſent aucuns eſcadrons de gens de pied, qui par voyes ſecrettes & couuertes par les bois, s'eſtoyent aſſemblez és lieux plus opportuns pour le combaſtre à leur auantage. A la cōſiance de quoy  
ils

ils firent teste à noz gens , & en blefferent quelques vns : & entre autres le seigneur de Monin y eut la main droite percee d'un coup de fiesche : mais le reste de noz gens marchans en bataille, leur firent abandonner leur lieu, & se retirerent à vau de roudre, par les mesmes chemins qu'ils estoient venus, par lesquels on ne les pouuoit suyure qu'en desordre, & à la file. En autre endroit descendirent les capitaines Marsay & Pierrebon capitaines de galeres, lesquels furent blesez en vn combat contre vne troupe d'Anglois qui s'estoyent assemblez. Les autres gés de guerre estoient cependant és nauires attendans le commandement de monsieur l'Amiral pour sortir: aucuns desquels voyas le feu de tous costez par pays, & la lisiere de la mer abandonnee à nostre liberté, descendirent secrettement & sans congé en lieu esloigné de leur corönnal, pour n'estre par luy empeschez, lesquels descendus sans conduite & sans chef pour leur commander, s'espandirent plus franchement par le pays & sans consideration: ayans à la veüe des ennemis gaigné le hault d'une montaigne qui traaverse l'isle d'Huicht en largeur, furent assaillis par gens de cheual & de pied si viuement que quelques vns furent tuez, & autres prins, & le reste poursuyuis en desordre iusques au bas de la montaigne pres de la marine, où à la faueur de nostre armee, & d'une haye & fossé qu'ils trouuerent, se rassemblerent & firent teste à l'adueu de leurs compagnons qui estoient dedans les nauires: dont plusieurs de ce estmeus, monterent en barque à grande haste, & allerent à leur secours: qui leur donna tel cöeur qu'ils regagnerent la montaigne, metrans les ennemis en chassee, qui se retirerent loing en terre iusques à vn ruisseau, qu'ils passerent par dessus vn pont qu'ils couperent pour crainte d'estre suyuis des nostres, & là se tindrēt cois attendans du renfort. Cela venu à la cognoissance de monsieur l'Amiral, craignant que ses gens estans

sans chef vagabonds, ne receussent quelque honte, comanda au seigneur de Thais d'y aller en personne, pour les faire retirer, ce qu'il fit.

Le iour ensuyuant ledit sieur Amiral ayât veu que par nul moyen se pouuoÿt attirer les ennemis au cōbat, delibera les aller assaillir au lieu où ils estoÿent, & sur ceste deliberation assembla en public tous les pilotes, capitaines & mariniers, pour mieux entendre la nature & qualité du lieu, & le remede qu'on pourroit prendre, contre la difficulté des bans cy dessus mentionnez: leur remonstrant combien nous estions superieurs tant de nombre de nauïres, que de valeur d'hommes, & quel profit porteroit au Roy & au Royaume vne telle victoire, laquelle il tenoit certaine qui pourroit aller iusques à eux. Les hommes tant capitaines que soldats se trouuerent prompts de vouloir aller au cōbat, mais l'incōmodité du lieu leur apportoit rât d'hazards, que les capitaines de marine & pilotes, asseuroyent n'estre possible d'y aller sans euidente perte. Et les raisons qui les mouuoÿent estoÿent telles, qu'il falloit entrer par vn canal par lequel ne pourroÿent arriuer que quatre nauïres de front, ce que aisément les ennemis pouuoÿent defendre, presentant pareil nombre de nauïres en teste: avec ce on n'y pouuoit aller qu'en faueur de la courante & du vent, & quand les quatre premiers nauïres seroÿent empeschez, ladite courante porteroit sur eux les autres qui les suyuroÿent & les fracasseroÿent: & outre cela, qu'ils auoÿent à combattre pres de leur terre, de laquelle à coups de canon ils seroÿent fauorisez à nostre preiudice: ce qu'encores n'estant receu en consideration, il deuoit estre certain, que si les nauïres s'abordoyent & accrochoÿent, la force de la courante les ietteroit en terre les vns sur les autres. En cest endroit fut parlé de combattre à l'ancre, à quoy respondirēt les pilotes, que les cables se pourroÿent couper,

Opinions  
des capitai-  
nes de ce  
que deuoit  
faire l'armee  
de mer.

per, & là où ils ne se couperoyét, q̄ le dâger n'en seroit moindre; car la courante est de telle nature, qu'elle fait tousiours girer la prouë des nauires deuers soy, & en ce faisant ce monstreroit la poupe de noz nauires à noz ennemis, en lieu de leur presenter la prouë oule costé. A ces raisons en adiouterét vne autre, qu'ayans jetté l'ancre, les nauires ne s'arresteroient pas tout court, car ils vont de telle force que les contraignant, ils tresbucheroient ou romproient l'ancre ou cable, & partant il fault filer & couler les cables peu à peu, pour par ceste mesme sorte arrester les nauires: & venans à ce faire, ils pourroient aller iusques à toucher la terre, & s'ouuir & perdre.

Ces raisons se trouuerent si apparentes qu'on n'y pouuoit contredire: mais monsieur l'Amiral & autres capitaines, craignans que les pilotes (combien qu'ils fussent tous conformes à leur dire) ne fissent par couïardise les choses plus difficiles qu'elles n'estoyét, ne se voulurent satisfaire, qu'ils n'eussent enuoyé sonder le fons du canal, mesmes sa largeur, & considerer l'auantage que le dedans du Goulphe portoit aux ennemis: & pour ce faire donna commission à trois pilotes accompagnez d'autant de capitaines, pour la nuit sonder tout à loisir, & vaquer à cest affaire. Le matin à leur retour ils firent rapport tout conforme à ce que vous auez ouy, & dirent d'auantage, que l'entree du canal n'estoit droite, mais sinueuse & tirât vers les ennemis, de sorte qu'un nauire estranger y pourroit à peine entrer sans pilote, & y allast il sans soupçon ne doute du combat. Le raport fait en la presence des capitaines, on mit en deliberation ce qui seroit plus expedient pour le seruice du Roy, ou se leuer de là pour prendre chemin vers Picardie, & favoriser noz gens, & empescher le secours des Anglois d'aller à Boulongne, ou d'entendre à la fortification de l'isle d'Huicht, qui seroit au grand dommage du Royaume



d'Angleterre. Entre autres raisons qui induirent aucuns seigneurs assistans à vouloir fortifier l'Isle, furent celles-cy : que l'ayans en nostre puissance, aisément nous viendrions à estre seigneurs de Porsemue, qui est vn des plus beaux ports d'Angleterre, & par ce-moyē tiendrions les ennemis en incroyable despenſe, ayans à entretenir continuellement armee tant par mer que par terre, pour faire teste à noz gens : & outre, nous serions sur le passage d'Espagne & Flandres, que nous tiendrions à nostre plaisir : & qu'avecques le temps l'Isle se pourroit cultiuer, & rapporter viures pour la noueriture de la garnison que le Roy y tiendroit.

Ces vtilitez semblerent grandes & fortes à considerer, mais au contraire debatoyent autres difficultez non de moindre consideration : la premiere qu'au lieu trouué plus cōmode à fortifier, pour estre de forme demy circulaire, faudroit à l'opinion du seigneur de Thais, & de Saint Remy, & autres à ce cognoissans, edifier trois forteresses tout en vn temps : deux, sur les deux pointes du demy cercle, pour la defense de la Rade, & protection de noz nauires, & vne autre sur la rotondité pour loger noz gens : ce qui monteroit à extreme despenſe, & ne se pourroit acheuer en moins de tēps que de trois mois, encores qu'on eust six mille pionniers : & que le lieu estoit tel pour estre au cœur des ennemis, qu'on n'y pourroit laisser moins de six mille soldats, chose impossible pour l'heure, laissant les vaisseaux armez. Et outre plus que l'armee ne se pourroit esloigner, que les forts ne fussent en defense : & de demeurer il leur estoit impossible, n'ayans port contre la fureur & tourmente des vents, ny viures abondamment, & s'approchant l'arriere saison qui est pluuiieuse & venteuse, les nauires n'y pourroyent estre seurement, ny les soldats qui seroyent laissez en terre, ne pourroyent resister à l'iniure du temps, n'ayans

n'ayans habitation pour se tenir à couuert, ny tentes, ny couuertures. Lesquelles incommoditez deduites, diuertirent les autres de leur opinion, & fut conclud à differer ceste entreprise iusques à la response de la volonté du Roy. Quant à mon opinion, ne desplaise à celle des seigneurs de Thais, & de Saint Remy, il me semble que veuë l'affection & le moyen qu'auoit le Roy de se mettre en repos contre son ennemy le Roy d'Angleterre, il se presenta vne occasion pour ce faire, laquelle malaisement de long temps s'offrirait mais Dieu conduit les choses en la forme qu'il luy plaist.

C E P E N D A N T les galeres se refreschirēt d'eau, pour le soir surueni faire voile vers Douures, costoyāt ladite isle d'Huicht, pour de là trauerser à Boulōgne. L'endroit qui se trouua plus commode à prendre l'eau, estoit en vn lieu au dessous de la montaigne, qui fait la lisere de l'isle à l'encontre du Haure de Grace: là où estant venu le cheualier d'Aux Prouençal, capitaine des galeres faites en Normandie, pour n'estre empesché en son aigade, de peur q̄ ses gens en ceste occupation ne fussent assaillis au despourueu, alla à terre pour asseoir son guet, ne s'asseurant du tout en son argoufin, l'ayant alsis en compagnie d'une troupe de gens qui l'auoyent suyui au sortir de sa galere, pour mieux encores descouurir, monta au hault de la montaigne, où il trouua vne embuscade d'Anglois, qui luy vindrent courir sus si viuement, que ses gens n'ayans loisir de se recognoistre se mirent en fuite, & l'abandonnerent. En cest instant ledit cheualier fut frappé d'une fiesche au genoil, qui le fit tresbuscher: puis se releuant fut frappé sur la teste d'un coup de vouge, (qui sont armes que portent lesdits Anglois) si rudement qu'on luy fit voler le morion hors de la teste, & tresbuscher vne autre fois, & alors vn autre coup luy fut redoublé, lequel luy fit

Deffaite du  
cheualier  
d'Aux.

tomber la ceruelle à terre , qui fut grande perte pour le seruice du Roy , car il estoit tresuailant & experimenté gentilhomme.

P E N D A N T que quelques vns des leurs s'amuserent à le desarmer, les autres poursuyuirent noz gens, qui ne se recogneurēt ny arresterēt iusques à ce qu'ils fussent arriuez pres de la marine. Quoy voyant monsieur l'Amiral, enuoya le seigneur de Thais , pour les rallier , & faire tenir fort en quelques maisons prochaines, pour ne mettre en desordre ceux qui estoient à prendre l'eau. A son arriuee vn nombre de bons & assurez soldats qu'il auoit menez quant & luy, & autres qui faisoient escortē aux aquerots , mis en escadron, marcherent droit aux ennemis, & les repousserent à la montaigne, au moyē dequoy ne receut autre perte. Le Prieur de Capouē fut en autre endroit assailly, mais il se trouua si bien accompagné , & auoit si bien pourueu à ses affaires, qu'apres en auoir mis plus de trente au fil de l'espee, mit les autres à vau de rourte. Sur le soir monsieur l'Amiral se retira, & le lendemain fit partir ses nauires, demeurāt à l'arrieregarde avecques les galeres pour soustenir les ennemis, où ils feroient quelque saillie. Sur le partement de noz nauires le vent fut si à propos, qu'ils arriuerent à Valseau loing d'Huicht quatorze lieuës , auāt que les galeres les peussent attaindre. Ce lieu pour estre plein & descouuert , sembla si beau à noz gens, qu'il print volenté à vn bon nombre d'y descendre: ce qu'ils firent en l'absence de leur coronal, sans ordre, ny conduite: & s'estans vn peu esloignez de la marine vers vn village qu'ils virent escarté, ils y donnerent, pensans y faire butin: mais ils y furent attendus des ennemis au pres d'vn ruisseau assez profond, à cause du reflux de la mer, lesquels voyans partie de noz gens auoir passé par dessus quelques planches, sortirent soudainement d'vn petit fort, où ils s'estoyēt embuschez, & apres

& apres le pont rompu, pour clorre le passage aux autres, chargerent sur ceux qui estoient de leur costé si vigoureuſemēt qu'il les contraignirent de sauuer leur vie à la fuite : mais au repasser le ruisseau, vne partie furent emportez de l'eau courante & noyez, quelques vns qui sceurēt nager forcerent l'impetuosité de l'eau, & se sauuerent à la faueur de leurs compagnons lesquels estans de l'autre costé de l'eau, les souſtindrent à coups d'arquebuse.

EN ces entrefaites, arriua mōſieur l'Amiral, lequel à coups d'artillerie repouſſa les ennemis, & leur fit quitter le fort, & par ce moyen retira ſes gens. Sur le ſoir il fit voile vers Blanchef: puis coſtoyant la Rie iuſques aupres de Douures, dreſſa ſon chemin vers Boulongne, où il refreſchit de viures l'armee de mer, & mit en terre au Portet pres Boulongne, pour renforcer noſtre armee de terre quatre mille hommes, & trois mille pionniers, laiſſant ſon armee de mer pourueüe. Par là vous pouuez cognoiſtre qu'il pouuoit laiſſer en l'isle d'Huicht leſdits quatre mille hommes, & quatre mille piōniers, qui eſtoit ſuffiſammēt pour garder ladite iſte, attendāt nouueau refreſchiſſement, & leur pouuoit laiſſer viures (à ce que i'entendis des munitionnaires) pour vn mois ou cinq ſemaines. Cependant les vents d'auail ſe mirent à ſouffler partant de deuant Boulongne, de ſorte que noſtre armee de mer pour ſe mettre en lieu de ſeureté, fut contrainte de relascher pour chercher le couuert vers Angleterre : où eſtans venus en vn lieu appelé les Parrais, & là detenue par la force du vent & d'vne groſſe mer, ſembla au Roy d'Angleterre, s'eſtre preſentee à luy l'occafion de deſſaire noſtre armee, Parquoy ne voulant perdre ce ſte occaſion, en toute diligence fit mettre en mer ſon armee, qui montoit à cent bons nauirres, pour nous venir trouuer à la faueur de ce temps, qui les apportoit par la poupe, & à plaine voile ſur



nous. Entre autres raisons qui luy donnoient esperance de victoire, estoit que la violéce des vents & la commotion de la mer, nous osteroyent l'vsage & le seruice de noz galeres, & que son armee se presentant deuant la nostre, la contraindrait sans combattre ou de donner en terre, & se perdre, ou de passer le destroit de Calais, chose qui ne se pourroit faire sans desordre & grand danger.

L'v n & l'autre party luy sembloit aisé, car si nous attendions à nous leuer iusques à ce que les eussions en teste, & si alors nous venions à desancrer, la courante & les vents qui les apportoyent sur nous, par force nous ietteroyent en terre: au contraire si nous attendions, ils nous trouueroyent escartez les vns des autres, & ne nous estoit possible pour la crainte du mauuais temps, de nous tenir serrez: & eux nous abordans en si grand auantage, nous forceroient & nous ietteroyent à traucers. Outre-plus, & si pour obuier à ces inconueniens, voulans preuenir à ladite armee, & nous leuer de bonne heure, la mer & le vent nous forceroient d'aller en Flandres, où nous aurions à passer le destroit, qui nous seroit au retour empesché & defendu: avec ce il seroit possible que le temps contraire nous retiendrait là si longuement, que nous y pourrions auoir faute de viures, & cependant les ennemis qui pour nous attendre au passage, viendroyent à Boulogne, pourroyent destourber les forts que le Roy auoit deliberé d'y faire. A quoy messieur l'Amiral vouloit par tous les moyens du monde remedier: ces choses requeroient aussi prompt & soudain remède que les dangers que vous auez ouys estoient grands, car vn Flamant qui la nuit precedente s'estoit enfuy d'avec eux, asseuroit que le iour mesmes ou le lendemain matin ils se pourroyét trouuer sur nostre armee.

M o n s i e u r l'Amiral ayant toutes ces considerations

rations par l'aduis des capitaines conclud, qu'au changement du flux, si aussi le vent venoit à changer ou calmer, qu'on se leueroit pour se ietter en haulte mer, dressant tousiours le chemin vers l'ennemy, afin de le pouuoir combattre au large, & gagner le vêt: & là où le temps le forceroit de demourer, il ordonna que les galeres iroyent sous vne pointe approchât d'eux qui les couuroit du vent, & là où ils estoient se tiendroyent les vaisseaux les pouppes vers la terre, & les grâds nauires se mettroient en bataille vn peu au dessous tant serrez que le tēps le permettroit, afin que l'armee des ennemis venant à executer son entreprise, & voulant aborder nos nauires, eust à passer par deuant les galeres qui leur demoureroyent par ce moyen au dessus du vent. Et là où par crainte de cest inconuenient les ennemis vouldroyent arriuer de bōne heure pour combattre les galeres, ils ne le pourroyent faire, estans en si peu d'eau, mesmes que leurs petits nauires n'en pourroyent approcher sans toucher en terre: avec ce pour le peu d'interualle qui seroit entre les galeres & les nauires, il pourroit aduenir que non seulement les ennemis passeroient outre les galeres, mais la courante estoit telle, qu'elle les pourroit ietter delà nos nauires.

LA chose ainsi resoluë, on attendit le changement du flux, à l'ancre, pour veoir ce que le temps nous apporteroit: mais nous trouuasmes que le tems persēuera en sa fureur tout ce iour, dont fusmes forcez d'attendre la maree le lendemain, qui nous fut tant fauorable en bonasse avecques changement de vent, que nous pensasmes partir & dresser le chemin là part où auions nouuelles de trouuer les ennemis. La bonasse augmenta tellement peu à peu, que sur le midy nous ne souhaitions rien plus que de rencontrer ceux qui brauoyent de nous venir trouuer. Et sur ce point descouvrans quelques voiles, soudain nos galeres si-

rent diligence de les aller recognoistre : les ayans approchez, se trouua qu'ils estoient Flamens, & par eux s'entendit que l'armee de l'ennemy n'estoit pas loin delà. Monsieur l'Amiral l'ayant entendu, alla au nauire rond qu'il auoit choisi pour cōbatre l'Amiral d'Angleterre, & manda les galeres donner plus auant pour en sçauoir plus certaines nouuelles : lesquelles au point du iour vindrent à la veüe des ennemis. Monsieur l'Amiral les suyuit avecques l'armee en toute diligence, mais le temps estoit si calme qu'il ne pouuoit auancer chemin, que autant qu'il estoit porré par les courantes. Les ennemis ayans la veüe de nos galeres, pour ne demourer entre icelles & nostre armee par ce temps calme, faisoient grande diligence de gaigner le dessus du vêt : ce que nos galeres à toutes forces vouloyent auoir : en quoy les armees voguerent presque tout le iour costoyant l'une l'autre, de si pres que aisement on pouuoit compter les nauires & iuger de leur grandeur.

En ceste nauigation les ennemis portoyent tousiours les prouës deuers la mer, faisans contenance de vouloir combattre, sans toutesfois qu'ils perdissent la veüe de leur terre : mais en fin ayans veu nostre armee au dessus du vent, & suyure en bonne ordonnance sans plus diffimuler, mirent les voiles, & dresserent leur chemin en pouppe vers l'isle d'Huicht. Dont s'estant aduisé le Baron de la garde, pour les retarder & dōner temps à nostre armee d'approcher, print opinion de donner en queue sur quelques nauires, qui pour estre pesants, estoÿt demourez assez loin des autres, & par ce moyen le reste de l'armee alétiroit sa retraite : mais sur le champ le vent se refreschit, sans toutesfois comotion ne tourmente de la mer : qui fut cause qu'ils se retirèrent sans desordre : si est-ce qu'on eut loisir d'estre plus de deux heures au combat avecques eux, & de si pres, qu'à peine pouuoit-on descharger nostre  
artille-

artillerie. Il n'y a faute qu'ils n'espargnoient les nostres, mais nos galeres pour estre plus basses, estoient moins exposees à la fureur de leur artillerie. L'escarmouche fut bien chaulde, car le matin il fut veu en mer plusieurs corps morts, & force pieces de bois, & ne fut pas tiré moins de trois cens coups d'artillerie tant d'un costé que d'autre. En combatant la courante & le vent portoit les ennemis tout droit vers leur port, & la nuict vint qui meit fin au combat. Le matin quand on les alla recognoistre, on les trouua en lieu de seureté: parquoy monsieur l'Amiral print son chemin vers le Haure de Grace, pour refreschir son armee, & descendre grand nombre de malades, qui estoient sur nos naures: les gros vaisseaux vindrent descendre au Haure de Grace. Monsieur l'Amiral estant aduertiy que le Roy estoit à Arques, alla sur vne galere descendre à Dieppe deux lieuës pres du dit lieu d'Arques, qui fut le lendemain de la mi-Aoust.

Retraite de  
monsieur  
l'Amiral.

Vo v s auez entendu cy deuant, comme le Marechal du Biez auoit asseuré le Roy, que son fort commencé deuant Boulongne seroit en defense à la mi-Aoust: parquoy (estant ce iour venu) le Roy esperant executer l'entreprise de Guines, dont est parlé cy des-  
sus, depecha le seigneur de Langey sur cheualx de  
poste, pour aller en son camp deuant Boulongne, & luy faire rapport de l'estat auquel il trouueroit ledit fort. Lequel y estât arriué, le trouua aussi peu en defense que huit iours apres qu'il fut cōmençé: car premierement il n'estoit assis sur la pointe qui estoit ordonnee, vis à vis de la tour d'Ordre, pour empescher l'entree du Haure, mais il estoit planté en vn lieu appelé Outreau vis à vis de la basse Boulōgne, où il n'espeschoit en façon du monde l'entree du dit Haure. Les raisons qu'en donnoit le Marechal du Biez, pourquoy il n'y auoit esté planté, estoient qu'on luy auoit

Du fort de  
Boulongne.



fait entendre, qu'il ne s'y trouueroit eau, & que pour les vents, les soldats n'y pourroyent faire demeure: aussi le Marechal du Biez se confioit en vn Italien nommé le capitaine Antoine Mellon, pensant qu'il fust bon fortificateur, & homme de guerre. Ledit Mellon ne sçachant ses mesures, auoit composé son fort de cinq bouleuerts en quintâgle: & à ce que ledit fort fust plus tost en defense, auoit fait les fossez tant des bouleuerts que des courtines de quarâte pieds de large, & de profondeur dixhuit pieds, esperât sur le bord du fossé par dedans y faire seulement vn rempart en forme de parapect, pour se couvrir, d'autant qu'il n'y auoit montaigne qui luy commandast. Mais estans lesdits fossez paracheuez, & les terres iettees dedans, pour seruir à faire ledit parapect, estimant qu'il n'y faudroit plus que les fascines & gazons, se trouua qu'il auoit prins ses mesures si courtes, estimant le bas sur le hault, n'ayant esgard au taluz, qu'il estoit besoin de luy donner, que les bouleuerts se trouuerent si petits, qu'il n'y auoit lieu où on eust sceu loger vne piece d'artillerie: & mesmes le dedans du fort se trouua si serré, qu'il n'y eust eu espace pour loger cinq ou six cens hommes. Parquoy il falut remplir lesdits fossez, & par ce qu'en les remplissant de terre remuee, la faloit lier de fascines & de gros chesnes de bout, de sorte que pour ce faire on fut contraint d'y mettre la plus part de tous les chesnes de la forest de Hardelot voisine de lieüe & demie de là, pour les planter debout à soustenir ledit rempart: tout le charroy tant de l'artillerie qu'autre, qui auoit accoustumé d'amener les fascines & gazons, fut employé, & tout ce qu'en six semaines ou deux mois auoit esté fait, demeura inutile: de sorte que ce fut autant d'argent & de temps perdu. Le seigneur de Langey retournant deuers le Roy qu'il trouua à Senerpont, fit ce rapport: mais le lendemain arriua le seigneur de saint Germain Gascon deuers

deuers le Roy, enuoyé de la part du Marechal du Biez, lequel asseura le Roy que dedans huit iours le fort seroit en defense. Le Roy adioustant foy au dire dudit seigneur du Biez, qui estoit son lieutenant general & Marechal de France, esperant que le rapport seroit veritable, s'achemina pour marcher en auant, & s'en alla à Forest Montier abbaye pres de Ruë: duquel lieu depecha ledit Langey derechef pour aller audit fort, & y faire seiour de huit iours, & considerer de iour à autre, combien se hausoyent ses bouleuerts & courtines, afin que par ce moyen on peust faire iugement dedans quel temps on se pourroit asseurer, que le Roy se peust aider de son armee pour luy seruir ailleurs: laquelle armee estoit de douze mille Lansquenets, douze mille hommes de pied François, six mille Italiens à pied, & quatre mille legionnaires, enuiron mille ou douze cens hommes d'armes, & sept ou huit cens cheuaux legers.

ARRIUE ledit de Langey au camp, exposa audit Marechal du Biez, en la presence de tous les capitaines, tels que le seigneur de la Roche du Maine, le seigneur de la Guiche, le seigneur d'Estree, le seigneur de Villebon, le seigneur de Heilly, le seigneur de Brissac general de la caualerie, le Comte Rin Graue, & plusieurs autres capitaines, la charge qu'il auoit du Roy: mais ledit Marechal declara en ladite cōpagnie qu'il auoit aduertissement que l'ennemy s'assembloit à Calais, pour venir secourir Boulongne par terre, laquelle (à ce qu'il disoit) il tenoit pour affamee: & que à ceste occasion il estoit deliberé de passer la riuere, & abandonner le fort, laissant seulement trois ou quatre mille hōmes dedans, & aller loger sur le Mont-Lambert, pour estre en teste à l'ennemy, & luy donner la bataille s'il venoit pour secourir ladite ville. Plusieurs des capitaines ne trouuerent qu'il fust vray semblable, que l'Anglois voulsist hazarder vne bataille par terre,

attendu qu'il n'estoit si fort que nous, pour venir ren-  
 uitailler la ville, laquelle tous les iours à nostre veuë  
 & sans danger il refreschissoit par mer, & qu'en vn  
 nauire seul on peut porter plus de viures qu'en mille  
 chariots. A ceste occasion ne pouuoient trouuer bon  
 qu'on abandonnast ledit fort pour passer l'eau, atten-  
 du mesmement q̄ passant de là, on retardoit de beau-  
 coup la fortification, qui n'estoit l'intention du Roy;  
 car partant le camp, on ostoit la commodité de qua-  
 tre ou cinq mille soldats tant François, Lansquenets,  
 que Italiens, qui tous les iours travailloyent au rem-  
 part, & de cinq cens pionniers de l'artillerie, qui fa-  
 loit qu'ils l'accompagnaissent, & de cinq cens che-  
 uaulx de ladite attillerie, lesquels ordinairement a-  
 mienoyent fascines & gazons. Toutes lesquelles re-  
 monstrances n'eurent lieu, car le lendemain matin,  
 sans autre resolution de conseil, dès le poinct du iour  
 il enuoya le seigneur de Villebon faire rabiller le pas-  
 sage du Pont de brique, pour passer l'artillerie & l'ar-  
 mee, & alla loger au Mont-Lambert, ainsi qu'il auoit  
 delibéré, sans en riens faire entendre au seigneur d'E-  
 stré qui estoit Marechal du camp avecques ledit Vil-  
 lebon, d'autant qu'il scauoit que ledit Estré n'estoit de  
 ceste opinion. Pour dire verité, j'estime que ledit du  
 Biez le faisoit par brauerie, & moy-mesmes luy re-  
 monstray à part que ce n'estoit l'intention du Roy,  
 mais ie n'y profitay rien: & depuis le Roy me dit,  
 qu'il pensoit que ledit Marechal n'eust voulu que  
 Boulongne eust esté reprinse, craignant perdre son  
 authorité de cōmander aux Princes, & à vne si grosse  
 armee.

Les nouvelles entendues à la cour que le Mare-  
 schal du Biez alloit donner la bataille, toute la ieunes-  
 se qui estoit pres du Roy, esperât estre à ceste journee,  
 deslogea pour s'y trouuer, aucuns sans congé du Roy,  
 autres avecques congé. Entre autres partirent mōsieur  
 d'An-

d'Anguien, monsieur d'Aumale, monsieur le Duc de Nevers, monsieur le Comte de la Val, monsieur de la Trimouille, & tout le reste de la ieunesse, lesquels vindrent trouuer le camp au Mont-Lambert, & se logea monsieur d'Aumale à l'auantgarde, laquelle monsieur de Brissac cōduisoit. Ledit lieu de Mont-Lambert est si pres de Boulōgne, que coup à coup nostre artillerie donnoit dedâs la ville, & celle de la ville dedâs nostre câp, & tous les iours se faisoient de belles escarmouches, où en demouroit & des leuts & des nostres.

C E P E N D A N T le Roy estoit en ladite abbaye de Forest Montier, qui tire d'Abbeuille à Monstreul, à onze lieues de Boulongne. Auquel lieu de Forest Montier, apres y auoit seiourné quelques iours, monsieur d'Orleans second fils du Roy, ieune Prince de l'age de        fut saisi d'une fièvre continue que les medecins estimoyent pestilencielle, à laquelle ils ne sceurent remedier, qu'il ne rendist l'ame à Dieu le huietieme iour de Septembre, & le        iour de sa maladie. Qui ne fut (à ce que vous pouuez considerer) peu d'ennuy au Roy son pere, d'auoir perdu deux de ses enfans, sauoir est l'aîné, & le dernier en la fleur de leur aage adolescence. Mais à l'imitation de Dauid print la fortune comme chose venant de Dieu: & pour passer sa douleur, & aussi qu'on estimoit que mondit seigneur d'Orleans estoit mort de peste (ce qui ne fut trouué veritable, vray est que le pays estoit fort infecté de mauuais air, pour la necessité que la guerre & le feu y auoyent apporté) deslogea promptemēt dudit lieu de Forest Montier, & alla coucher en vn village nommé l'Hospital, à l'autre bout de la Forest de Cressy: où estât arriué, & voyant la diuersité des rapports qu'ō luy faisoit de iour en autre de la fortificatiō de son fort, à cause dequoy il ne pouuoit cōclurre du moyé qu'il auroit de se seruir de son armee, depescha pour mieux s'en resouldre mōsieur l'Amiral

Mort de  
Monsieur  
d'Orleans.



d'Annebault, & en sa compagnie le Prince de Melphe Marechal de France, & le seigneur de Maugeron Cheualier de son ordre, & gouuerneur de Dauphiné, pour aller deuant Boulongne, afin de recognoistre le fort, & luy rapporter au vray en quel estat il se trouueroit, & avecques eux le seigneur de Langey, qui par plusieurs fois y auoit esté, pour leur faire entendre sur le lieu ce qu'il en auoit cogneu.

Peu de iours auparauant, les garnisons d'Ardres & celles de Calais & de Guines, estoient en courses continuelles les vnes contre les autres: & entre autres s'estoit fait vne entreprise par le seigneur de Dampierre lieutenant du Roy dedans Ardres, ayant appelé du camp pour son renfort le seigneur de Tauennes lieutenant de la compagnie de monseigneur d'Orleans, avecques icelle compagnie, en laquelle apres quelque perte des nostres & des ennemis, ledit Dampierre fut tué.

Monsieur l'Amiral ayant prins cōgé du Roy, pour aller au lieu predict, alla coucher à Monstreul, partant duquel lieu & arriué au Neuf Chastel trois lieues deça Boulongne, tomba malade d'une fièvre chaulde si vehemente, qu'il fut contraint de demeurer audit Neuf Chastel: parquoy le Prince de Melphe, le seigneur de Maugeron, & de Langey paracheuerent le chemin, pour faire rapport au Roy de ce dont ils auoyent charge. Le Prince de Melphe arriué audit lieu, ayant bien visité le fort, & considéré le temps qu'il estoit commencé, & le temps qu'il falloit pour l'acheuer, iugea qu'on seroit bien auant en l'hyuer, deuant qu'il peust estre en estat d'estre defendu sans auoir l'espaule d'une armée. Et apres toutes ces choses bien considerées, retourna trouuer ledit seigneur Amiral encores malade au Chasteau de Courteuille, trois lieues par delà Monstreul, sur le chemin de Boulongne: d'où ils s'acheminèrent pour retourner de-

uers

ters le Roy, luy faire rapport de ce qu'ils auoyent trouué : lequel voyant son esperance perdue, & la saison trop tardie pour ceste année se mettre en campagne, se retira en l'abbaye de Saint Fuscien, deux lieues au dessus d'Amiens, à cause que la peste estoit dedans la ville.

C E P E N D A N T que ledit seigneur Amiral & le Prince de Melphe se retirèrent deuers le Roy, à raison de la proximité du Mont-Lambert où estoit assis nostre camp, ordinairement s'y faisoient de belles & grandes escarmouches. Et entre autres vn iour monsieur François de Lorraine Duc d'Aumalle ieune Prince de grande volonté, fils aîné du Duc de Guise, estoit allé pour veoir l'escarmouche, mais voyant noz gens la soustenir assez lentement, & estre sur le point d'estre renuersez, pour les remettre debout, voyant vne troupe d'Anglois qui les venoyent charger par le flanc, & se pensant assuré que plusieurs qui estoient pres de la personne, ne l'abandonneroyent, chargea lesdits Anglois si vigoureusement, qu'il les arresta sur cul: mais n'estant suyui comme il esperoit, receut vn coup de lance dedans la veüe, qui luy donna entre le nez & l'œil, & entra dedans la teste enuiron demy pied: car il fault entendre que le fer de la lance estoit à trois quarres, & n'estoit gros, & auoit enuiron vne paulme de long, lequel entra tout dedans la teste avecques la douille, & bien deux doigts du bois: la lance rompit, & luy demoura le tronçon dedans la teste: toutesfois pour ledit coup il ne perdit ny les arsons, ny l'entendement, dont bien luy print: car s'il fust tombé, iamais homme ne l'eust sauué des mains des gens de pied Anglois, qui en prenoient peu à mercy. Estant retourné au camp, tous les Chirurgiens doutoyent fort, que la force dont il conuenoit vser pour retirer ledit tronçon hors de la teste, ne mist ledit Prince en hazard, ne pouuant supporter la secousse, & par ce moyen qu'il

Le coup de lance que receut monsieur d'Aumalle.

rendist l'esprit entre leurs mains: mais il porta la douleur adffi patiemment, que qui ne luy eust tiré qu'un poil de la teste: ce nonobstant, étant porté en vne litiere iusques à Piquigny, il fut deux ou trois iours qu'on ne luy esperoit vie: à l'occasion dequoy, il disposa de tous ses affaires, en pouruoyant tous ses seruiteurs. Quant à moy, ie pense asseürémēt que Dieu luy sauua la vie, non pas les medicaments des hommes, & qu'il le preferua, afin que par cy apres le Roy en tirast plus grand seruice.

Il se fit plusieurs autres faits d'armes, qui seroyent malaisez de mettre icy par'escrit, & entre autres vn, auquel François de Tenteuille seigneur de Menainville frere du seigneur de Villebon fut tué à coups de lance & de picque. Autre iour de la Vieuille seigneur du Fretoy ieune hōme de Picardie, promettant beaucoup de foy, tomba au pareil dāger que ledit de Tenteuille: & faut entendre que l'auantage estoit grande pour l'Anglois, d'autant que du costé où se dressoyent les escarmouches (qui estoit deuers le chasteau tirant à la tour d'Ordre, & dudit chasteau deualant à la tour Saint François) le Roy d'Angleterre l'annee precedente y auoit assis son camp pour assieger la ville, à cause dequoy y auoit de grandes trāchees, & plusieurs fosses où estoient logez ses Lansquenets, & noz gens les cuidans suyure quand il les auoyent repoussez, tombōyent dedans lesdites trāchees.

Es mesmes iours, considerant le Roy qu'à l'occasion de l'hyuer qui approchoit, son entreprise de Guignes estoit faillie, & qu'il estoit aduerty que l'Anglois auoit enuoyé en Allemagne faire leuee de dix mille Lansquenets, & quatre mille cheuaux haults Allemāz, pour (passans par le pays de l'Empereur) se venir ioindre avecques son armee en la terre d'Oye, & avec ce renfort leuer le siege de deuant Boulongne: delibera de pourueoir audit passage, à ce que sous vmbre d'iceluy

celuy ils ne fissent descente au pays de Tierarche, & es environs d'Aubenton, Vervins, & Guise. Et afin qu'il peust mettre ordre à toute sa frontiere, & que cependant qu'il voudroit assaillir autrui on n'entrast en ses pays, il s'achemina pour tirer à la Fère sur Oize, duquel lieu il pouuoit ordonner des affaires selon qu'ils s'offriroyent: mais ce ne fut, q̄ premierement il n'eust mandé au Marechal du Biez qu'il eust à assaillir la terre d'Oye, & la ruiner, & tout brusler, à ce que ladite armee q̄ le Roy d'Angleterre faisoit venir d'Allemagne, ne trouuast dequoy se refreschir, & mesmes pour leuer à l'ennemy la commodité d'icelle terre, d'autant que la ville de Calais, celle de Guines, & le Chasteau d'Hames, que le Roy d'Angleterre a en terre ferme, n'ont refreschissement q̄ de cedit lieu: & s'il fait descente deçà, n'a autre endroit où se puisse loger son armee, attendant l'un l'autre: car vne gr̄de armee de mer ne peut passer tout en vn passage, & il faut lieu pour refreschir ceux qui descendent les premiers attendant le reste. L'assiette de la terre d'Oye, est marescageuse, & fertile en herbages, laquelle peut auoir quatre lieuës de long, & trois de large, ayant d'un costé la mer, & est à l'un des bouts deuers la mer la ville de Calais, & à l'autre bout la ville de Granelines, qui est des pays de Flandres. Deuers la terre ferme & le long du bords du marais, est située la ville de Guines, & le Chasteau d'Hames: & au bout tirant en Artois, est la ville d'Ardres qui est au Roy: & plus auât estoit le Chasteau de Tournehan assis au pays de Flandres, plusieurs fois ruiné par nostre armee.

*Description  
& sac de la  
terre d'Oye.*

Le Marechal du Biez, qui estoit encores campé à Mont-Lambert, ayant receu le commandement du Roy se mit au chemin, pour selon le vouloir dudit seigneur, entrer en la terre d'Oye. Le seigneur de Brissac auoit la charge de cōduire l'auantgarde avecques sa compagnie de gens d'armes, & les cheuaux



legers dont il estoit general, la compagnie de monsieur le Connestable, conduite par le seigneur de la Guiche, & cinquante hommes d'armes sous la charge du seigneur d'Heilly, la compagnie du seigneur de Boisy, celle du seigneur Decars, celle du seigneur de la Roche du Maine, & autres, & le seigneur de Thais general des gens de pied François, & grande ieunesse qui estoit venue de la cour, en esperance de combattre, (comme j'ay dit cy deuant) entre autres monsieur François de Bourbon seigneur d'Anguien, le Duc d'Aumalle, le Duc de Nevers, le Comte de Laval, qui fut ce voyage blessé en vn bras d'une arquebusade, & plusieurs autres q'ie ne nommeray, pour euitier prolixité. Or pour la sùreté de la terre d'Oye, que j'ay desia dit estre marescageuse, les Anglois ont fait du costé de la terre ferme, de grands fosses qui sont ordinairement pleins d'eau, avecques remparts: & par intervalles on fait des bastions, qu'ils appellent Blocuz ou forts, pour flanquer lesdits remparts, dedés lesdits forts ils ont garnison ordinaire, parquoy estoit malaisé d'entrer dedans le pays: car estant l'alarme ausdits forts, tout le pays vient en armes à la defense d'iceux remparts, & d'auantage en temps de guerre ils ont autre garnison ordinaire en vn gros bourg, nommé Marc, qui est au milieu du pays.

ESTANT partie nostre armee, fit telle diligence que l'auantgarde arriva au principal de leurs forts, lequel fut assailly si brusquement par noz vieilles bandes Françoises, qu'en peu de temps il fut forcé, & ce qui se trouua dedans mis au fil de l'espee. On auoit fait prouision de ponts pour passer l'artillerie & gendarmerie sur les canaux qui sont en ladite terre d'Oye, toutesfois ils demourerent à Ardres, ie ne say si ce fut la faute ou negligence du chef: mais le frere du seigneur de Mailly de Picardie qui auoit la charge de l'artillerie, fit tel deuoir, que faisant abatre le

le bord du fossé, il passa ladite artillerie, chose qu'on pensoit impossible : aussi la gendarmerie voulant monstrier l'affection qu'elle auoit de faire seruir au Roy, passa outre : les vns menans leurs cheuaux par la bride, se mettoient en l'eau iusques à la ceinture auecques leurs harnois : autres passerent à cheual, dont quelques vns tomberent dedans, & mirent de l'eau dedans leurs bottes par le colet : bref, tout passa. Estans passez, le seigneur de Brissac marchapour tirer le chemin de Marc, mais n'ayant encores fait demie lieuë, ses coureurs rencontrerent enuiron deux mille Anglois, qui venoyent au secours de ceux du fort que noz gens auoyent forcé (mais n'estoyent aduertis de ce qui leur estoit aduenu) lesquels furent chargez si viuement de la gendarmerie qui estoit deuant, que lesdits Anglois furent defaits, & la pluspart tuez sur le champ : les autres se sauuerent à la faueur des fossiez, où la gendarmerie ne les pouuoit suyure. Si fut ceste charge si sanglante, que quatre vingts ou cens cheuaux des nostres y demourerent ou morts ou blesez, & plusieurs hommes d'armes, specialement de la compagnie de monsieur de Boisy, conduite par le seigneur de Saint Sire son lieutenant.

Defaite de  
deux mille  
Anglois.

Noz gens ayans forcé le fort, & defait les Anglois qui venoyent pour leur empescher le passage, nostre camp se logea : mais la pluye suruint si vehemente la nuict, que les fossiez qui sont en ladite terre d'Oye, pour esgouter les terres, deuindrent grosses riuieres, de sorte qu'il eust salu autant de ponts cōme il y auoit de trenchees : parquoy fut resolu de se retirer, parce que continuant la pluye on n'eust eue le moyen de ramener l'artillerie sans grand hazard : si est-ce qu'auant partir on brussa grande partie des villages iusques aupres de Marc.

PENDANT q nostre armee fut en la terre d'Oye,

Entreprise  
d'Anglois  
vainc.

les ennemis qui estoÿent forts dedans la haulte & basse Boulongne, & en la tour d'Ordre (qui est assise sur la pointe où la riuere qui passe au Pont de brique se descharge en la mer : laquelle tour Iules Cesar fit edifier quand il passa en Angleterre, pour tenir vne lanterne au hault d'icelle, pour radresser ses nauires, si de fortune luy aduenoit tourmente comme à son premier passage : tout au tour de laquelle les Anglois auoyent fait vn fort de terre bien flanqué, tant pour la conseruation de ladite tour qui estoit la saluation des nauires qui entroyent dedans le canal de la riuere, que pour tenir plus grand nombre de gens en secret) sortirent vne nuict avecques toutes les forces desdits lieux, pour surprendre le fort que nous auions fait deçà l'eau vis à vis de la basse Boulongne. D'aurant qu'il y auoit encores la pluspart de la fortification où on pouuoit monter sans eschelle, & pouuoient estre sortis pour ladite entreprise, iusques au nôbre de sept ou huit mille hommes tous bien deliberez de faire leur deuoir. Or n'y auoit-il entre la basse Boulongne & le fort, que la greue, de sorte qu'on tiroit de l'vn en l'autre de pointe en blanc d'vne couleurine, & quand la mer est retiree on n'y est pas en l'eau iusques au gros de la iambe : ils arriuerent enuiron vne heure deuant le tour : mais Thibault Rouhault seigneur de Riou qui estoit lieutenant du Roy dedans ledit fort, & le capitaine Ville-Franche son lieutenant audit fort, sans leur secours loing, faisoÿent la veille iour & nuict avecques la pluspart de leurs soldats, & le iour se reposoyent, dont bien leur print : car de premiere arriuee, les ennemis donnerent sur le hault du répar : mais ainſi que furieusement ils assaillirent aussi avecques grande assurance ils furent recueillis (comme par gens qui estoient bien aduisez de ce qu'ils auoyent à faire) & tout ce qui donna sur le hault, fut tué, & le reste renuersé & mis à vau de route, & oncques puis n'ose-

n'osèrent entreprendre de les vouloir forcer.

Le Roy estant aduerty q son armee estoit retiree de la terred'Oye, manda au Marechal du Biez qu'il eust à se camper au Portet, qui est à vn trait de canon du fort, afin de tousiours donner espaulle à ceux qui faisoient la fortification d'iceluy fort : & puis il print le chemin de Corbie, Ham, & la Fére. Et estant arriué audit lieu de la Fére, aduerty que desia les Lansquenets qui venoyent pour le secours du Roy d'Angleterre estoient arriuez à Fleurines, qui est vn gros village au pays du Liege, à dix lieuës de Mesieres, depescha le seigneur d'Anguien, François de Bourbon pour aller à Guise avec trois cens hommes d'armes, & quelque nombre de gens de pied, pour empescher lesdits Lansquenets d'entrer par cest endroit, dedans ses pays. Pareillement le Roy depescha le seigneur de Longueval son lieutenant en Champagne, pour aller leuer la legion dudit pays, & pouruoir tous les passages par où il cognoistroit que l'ennemy pourroit entrer : & dedans Mesieres (qui estoit la ville de plus grande importance si l'ennemy l'eust surprise) enuoya le seigneur de Langey avecques mille hommes de pied, & les arrierebans de Bourgongne, & vne partie de ceux de Champagne. Ce fait il mit ordre d'estre seurement aduerty des entreprises de l'ennemy : car l'Empereur craignant que ceste grosse armee d'Allemands tant de pied que de cheual, entrant en son pays, & le trouuant despourueu de gens de guerre, n'y fist quelque dommage, leur refusa le passage par ses pays. Qui faisoit douter au Roy, que se voyans desesperez de passer par amitié par le pays de l'Empereur, ils ne voussissent entreprendre de passer par son Royaume. En fin lesdits Allemands apres auoir seiourné trois semaines audit lieu de Fleurines sans pouoir prendre resolution, le iour de la paye suruint, & n'estans les deniers prests, quelque remonstrance que peussent faire les Com-

Leuee de  
Lansquenets  
pour le Roy  
d'Angleterre  
inutile.



missaires & Tresoriers du Roy d'Angleterre, que de bref l'argent seroit venu, ils n'y voulurent adiouster foy, mais tournerent leurs enseignes pour eux retirer en All magne, & amenerent quant & eux lesdits Tresoriers & Commissaires, qui auoyent charge du Roy d'Angleterre, de les conduire pour la seureté de leur payement. Par ce moyen ledit Anglois fit vne despense excessiue, qui reuint en fumee, & espuisâ bien ses tresors, qui delia estoient fort entamez.

ENVIRON la feste de Toussaincts, mille cinq cens quarante cinq, apres la retraite desdits Allemans, le Roy ayant esgard que par le trespas de monseigneur le Duc d'Orleans son fils, les alliances concluttes avecques l'Empereur estoient nulles & de nul effect, despescha monsieur l'Amiral d'Annebault, & monsieur Oliuier chancelier de Frâce, pour faire nouueaux traitez, & confirmer nouuelles alliances & amitez entre luy & l'Empereur. Lesquels apres auoir prins congé du Roy lors estant à Folembay pres Coussi, le iour de Toussaincts prindrēt le chemin de Cambray, de Valenciennes, & de Courtray, & vindrent trouuer l'Empereur à Bruges, auquel lieu apres auoir plusieurs fois communiqué avecques sa maiesté, furent remis à auoir respōse à Anuers. L'occiō pour laquelle l'Empereur estoit venu à Bruges, & alloit à Anuers, estoit, qu'il auoit intention de dresser vne armee, pour aller en Allemagne subiuguer les Protestans, & autres Princes & communautez d'Allemagne, qui ne luy estoient si obeissans cōme il desiroit: & pour dresser ladite armee, luy falloit auoir grandes finances, pour lesquelles recouurer il alloit audit lieu d'Anuers, afin d'en auoir tant par ottrōy, que par prest. Aussi ne vouloit-il si promptement faire response aux ambassadeurs du Roy, que premierement il n'eust entendu la volonte de ceux dudit Anuers, à ce que selon qu'il seroit ses affaires; il fust ou plus rigoureux en response

ou

ou plus gracieux. Monsieur l'Amiral & monsieur le Chancelier apres auoir esté audit Anuers, enuiron sept ou huit iours à la suite dudit Empereur, ayàs cognoissance des dissimulations dont il vsoit, prindrent congé de luy, sans autre resolution, sinon que là où le Roy ne luy cōmenceroit la guerre, il n'estoit pas delibéré de la luy faire.

ESTANS lesdits Ambassadeurs de retour, qui fut enuiron la sainct André, trouuerent le Roy à Villiers Costerets: lequel ayant ouy la respōse de l'Empereur, cogneut bien qu'il luy estoit besoin de se preparer, & qu'il ne restoit à l'Empereur que l'occasion de commencer la guerre à son auantage. A ceste cause (par ce qu'il auoit fait monseigneur d'Anguien gouverneur de Languedoc) depescha le Prince de Melphe, qui nouuellemēt auoit esté fait Mareschal de France, pour aller en Piemont y estre son gouverneur & lieutenant general. Aussi considerant que l'Empereur (s'il venoit à chef de reduire en son obeissance la Germanie) luy ameneroit sur les bras toutes les forces tant des Catholiques que des Protestans, depescha deuers monsieur de Vendosme son lieutenant general en Picardie, tresoriers & argent pour fortifier les places debiles: & aux autres gouuernemens fit le semblable, mesmes en Bresse pour fortifier Bourg. Et ayant experimēté par la precedente guerre, que la principale descente d'Allemagne pour entrer en ce Royaume, estoit par la Châpagne, & toutesfois qu'il n'auoit frontiere en son Royaume si mal garnie de places fortes, pour faire teste à vne grosse armee, delibera d'y pouruoir, & pour cest effect il depescha le seigneur de Langey, Martin du Bellay son lieutenant audit pays de Champagne, & luy donna charge de visiter la frontiere, depuis Veruins iusques à Coisi, & luy faire rapport des lieux plus necessaires de fortifier, pour empescher l'êtrece de l'ennemy en ses pays. Lequel seigneur de Langey partit

Ordre donné aux frontieres de France,

cinq ou six iours deuant Noel , & avecques luy Hieronime Marin Boulonnois , homme bien entendu au fait des fortifications. Et apres auoir fait ladite uisitation, & bien recogneu la frontiere , iceluy de Langey fit rapport au Roy qu'il estoit besoin de fortifier vne place entre la Chapelle & Mesieres , d'autant qu'il y a grand pays ouuert, comme de dix huit lieuës , & qu'il luy sembloit que Aubenton estoit bien à propos, faisant vne citadelle au hault deuers les bois , pour commander à la ville. Mais le Roy pour quelque occasion à ce le mouuant , ne voulut que la fortification se fist audit lieu, mais ordōna qu'elle se feroit au dessus d'un village nommé Maubert-Fontaine , à sept lieuës de Veruins, & cinq de Mesieres à la saillie des bois. Puis il ordonna de fortifier Mesieres & Mouson : mais ledit lieu de Mouson se trouua mal-aité à fortifier , à l'occasion de la mōtaine de deuers Yuoy qui luy commande , & que du costé de deça la riuere de Meuse à l'opposite de ladite montaigne deuers France, on veoit par dessus la ville , le pied & le derriere de ceux qui viennent à la defense du rempart. Si est-ce qu'il y fut ordonné ce qu'on veit le plus necessaire, sçauoir est, vne trauersée de muraille de bout en bout de la ville par dedans, pour couvrir ceux qui seroyent à la defense, & dehors vn grand & profond fossé. Et par ce que par la paix qui fut conclut à saint lean des Vignes pres Soissons, la ville de Stenay auoit esté rendue au Duc de Lorraine , le Roy ordonna faire vne place sur la riuere de Meuse deça l'eau dedans ses pays , laquelle fut edifice entre ledit Stenay , & Dunle Chateau , & fut nommee Ville-Franche sur Meuse, pres vn village nommé Samorel, & vis à vis d'un autre village de là l'eau nommé Mosas.

EN VIRON le mois de Iuin subsequent, l'Empereur partant d'Yuoy pour son voyage d'Alemagne, voulut reuisciter sa Duché de Luxembourg, & pour

cest

cest effect prenant son chemin par deuant Iamets, passa par deuant ladite place de Ville-Franche, estant la riuere de Meuse entre deux. Auquel lieu estant arriué, il fit complainte à l'ambassadeur du Roy lequel estoit pres d'iceluy Empereur, que ladite Ville-Franche estoit edifiee sur le fief de l'Empire : mais par le seigneur de Langey luy furent enuoyez des registres de deux cens ans, qui faisoient apparoir comme de tout temps les habitans dudit pays auoyent esté subiects à la iurisdiction & grenier à sel de sainte Menchou : dont il se contenta, & partant dudit lieu, alla à Danuillier, & ordonna reedifier & fortifier la ville auparavant ruinee par le Duc d'Orleans, & puis il passa outre à Luxembourg pour acheuer son voyage d'Alemagne. Et par ce q̃ ce voyage ne touche point de la matiere q̃ i'ay entreprinse d'escrire, ie le laisse aux seruiteurs de l'Empereur, lesquels en ont escrit bien amplement, & mesmes Dom Louys d'Auila.

A V S S I le Roy fit besongner au chasteau de sainte Menchou : à Saint Disier fit faire trois gros bouleuerts, à Chaumont en Bassigny pareillement commença à fortifier, & à Coysi fit commencer vne citadelle, lequel lieu de Coysi est à la portee d'vne coulurine de la Franche-Comté, sept lieuës plus outre que Chaumont, & à six lieuës par delà Langres : & à Ligny fit commencer vn chasteau sur le hault de la montagne tirant à Commercy : mais la mort le surprint deuant qu'auoir paracheué lesdites fortificatiôs.

D V R A N T cest hyuer, la guerre se faisoit ordinairement entre les Anglois & les François qui estoient dedans le fort d'Oultreau, vis à vis de la basse Boulongne, & y eut audit fort à l'occasion des neges, pluyes, & mauuais tēps, telle vehemence de peste, q̃ en vne nuict seule furēt mis en terre plus de six vingts soldats ( chose que ie vey y estant allé de par le Roy ) & cōtinua de sorte qu'ē fin on ne leur faisoit autre sepul-

Peste au cāp  
du Roy au  
pays de Bou  
longne.



ture, sinon quand tout estoit mort en vne maison, on l'abatoit sur eux. Aussi les maisons estoient des trouz en terre couverts de quelques appentis de paille ou de chaume, qui pouuoient bien estre cause en partie de ceste mortalité, veu l'humidité de l'hyuer. Je y fus quelquefois logé en la chambre du capitaine Ville-Franche, laquelle ie pensois la plus saine du fort, mais la nuit en la chambre où i'estois couché mourut son frere & deux de ses fils lesquels le iours ne monstroyent apparence d'estre malades, & dura tellement ladite mortalité, que de vingt enseignes ne demeurèrent pas plus de huit ou neuf cens hommes: mais notwithstanding jamais les soldats ne voulurent abandonner leur garde tant qu'il fut possible, & y endurerēt beaucoup de maux.

Le seigneur de Dessé & le seigneur de Riou, estans vn peu refreschis & renforcez d'hommes, & la peste aucunement rapaisée, firent de belles entreprises & insignes defaites sur les ennemis: & entre autres enuiron le mois d'Auril mille cinq cens quarante cinq, fut deliberé de faire mettre des viures dedans ledit fort d'Oultreau, où la necessité commençoit à les contraindre. Pour faire ladite execution, fut ordonné le seigneur de Senerpont lieutenant du Mareschal du Biez, avecques soixante hommes d'armes, lequel partit d'aupres de Monstreul le iour de Pasques au soir, & arriua le lundy matin audit fort d'Oultreau, avec les viures & autres refreschissemens qu'il conduisoit. Mais passant pres du pont de brique au dessous du mont saint Estienne, rencontra trois cens cheuaulx Anglois venus pour luy empescher ledit enuillaement.

Defaite de  
quelques An  
glois.

L'escarmouche se dressa d'un costé & d'autre, de sorte qu'il y eut deux hommes d'armes, & trois archers de ladite compagnie du seigneur de Senerpont qui furent prins, sans y auoir aucun moyen de les recourir. L'alarme estant venue à Boulongne, les Anglois

glois renforcèrent leurs gens iusques au nombre de sept cés cheuaulx, & quatre cens arquebuziers à pied, lesquels passans la riuiera, se vindrent embusquer en vn village appelé Danes, entre Estappes & ledit fort, cependant que ledit de Senerpont mir les viures dedans ledit fort, esperant sur sa retraitte le defaire. Mais arriuant ledit de Senerpont sur les gens de cheval, n'estans encôres ioints les arquebuziers avecques eux, delibera de tenter la fortune, & les combattre auant qu'ils fussent attemblez. Leur caualerie estoit en trois troupes, dont les deux se ioignirent ensemble, & la tiercé se ietta sur les ailles, pour charger nos gens par les flâcs : auquel lieu se trouua avecques ledit seigneur de Senerpont, le seigneur de Thais ayant seulement six ou sept gentilshommes avec luy, & le Comte Rin Graue avec pareil nombre : lequel Comte Rin Graue dès la premiere charge fut porté par terre & blessé, & le Marechal du Biez menoit la bataille avec le reste de l'armee. Mais arriuant lesdits hommes d'armes à la charge, la firent si furieuse, que les Anglois n'eurent moyen de les soustenir: où furent tuez des leurs & des nostres sur la place enuiron deux cens cheuaulx, & le Marechal de Calais chef de l'entreprise y mourut, & enuiron de cent à six vingts Anglois, & fut prins le nombre de soixante & quinze prisonniers, tous ayans la casaque de veloux pourfilé d'or & d'argent.

Vn autre temps le Marechal du Biez aduertiy que les viures commençoient à diminuer au fort, delibera d'y mener enuitaillement. Parquoy partant de son camp au dessus de Monstreul, print le chemin du mont saint Estienne, auquel lieu il trouua le Millor Sorel accompagné de six mille Anglois pour empêcher ledit enuitaillement. En la compagnie dudit Marechal auoit cinquante hômes d'armes, & le Comte Rin Graue avec son regiment de quatre mille Lansquenets, & deux cens arquebuziers conduits par le

capitaine Brueil Breton, & le capitaine Escarbouillat. Ledit Marechal se trouuât en ce hazard, delibera par l'aduis des capitaines de passer outre, & les combattre, encores qu'il fust moindre de nombre de deux mille hommes: car se retirant il eust perdu son charroy & viures. Ayant conclud le combat, marcha droit aux ennemis: le combat fut long & furieux, mais en fin les Anglois furent renuersez, & se retirerent en vn petit fort, lequel ils ne sceurent garder. Audit combat moururent de sept à huit cens Anglois. Le Millor Sorel fils du Duc de Norfolk leur general se sauua avec le reste à la fuitte, & demeurerent des leurs de sept à huit vingts prisonniers.

Le Roy d'Angleterre considerant la diminution de ses finances, le grād nombre d'hommes qu'il auoit perdus, & les infinis frais qu'il auroit encores à supporter, eut esgard à l'obstination en laquelle estoit le Roy pour reconquerir la ville de Boulongne, & ayant cognoissance que l'Empereur (quelque ligue qu'ils eussent ensemble) ne taschoit qu'à son profit particulier, delibera de mettre fin à la guerre, & aux querelles d'entre le Roy & luy: ce qu'il fit entendre au Roy, & que faisant trouuer à Ardres ses deputez à ceste fin, il feroit trouuer les siens à Guines. Le Roy encores qu'il eust desia bien restraint la ville de Boulongne, consentit toutesfois ceste assemblée, par ce qu'il cognoissoit la mauuaise volonté que luy portoit l'Empereur, par le peu d'assurance de paix qu'auoyent rapporté ses ambassadeurs à leur retour deuers ledit Empereur, & qu'il ne vouloit auoir tout en yne fois sur ses bras deux tels ennemis que l'Empereur, & le Roy d'Angleterre. A ceste occasion depescha monsieur l'Amiral d'Annebault, & monsieur Raimond premier president de Rouen, pour aller à Ardres: & se trouua à Guines l'Amiral d'Angleterre nommé Millor Duddelet, qui depuis a esté Duc de Northumberland. Lesquels

quels estans assemblez en vn lieu ordonné entre Guines & Ardres: finalement apres auoir conuenu de plusieurs choses, accorderēt vne paix avecques telles conditions, que le Roy dedans huit ans deuoit payer huit cens mille escus au Roy d'Angleterre, tant pour les arrierages de sa pension, & pour les frais de la guerre qui estoit prouenue à cause du refus de payement d'icelle pension, que pour plusieurs autres despenses faites par ledit Roy d'Angleterre, tāt aux fortifications de Boulongne que du Boulonnois. Aussi le Roy d'Angleterre deuoit, moyennant ladite somme, remettre entrē les mains du Roy, Boulongne, & tout le Boulonnois, avecques les places tant anciennes q̄ par luy nouuellement edifiees, comme le Mont-Lambert, la tour d'Ordre, Ambletueil, Blacquenay, & autres en leur entier, & toute l'artillerie, viures, & munitions qui estoient dedans lesdites places. Ces choses estās accordees & signees respectiuemēt par le Roy, & le Roy d'Angleterre, alla l'Amiral d'Annebault deuers iceluy Roy d'Angleterre, pour luy voir iurer ladite paix: & le Millor Dūdelet de la part du Roy d'Angleterre, vint deuers le Roy luy veoir faire le semblable, ce qui fut fait tant d'une part que d'autre par lesdites maiestez.

Le iour de millecinq cens quarante six, estant le Roy à la Roche Guion, les neges estoient fort grandes, se dressa vne partie entre les ieunes gens estans pres la personne de monseigneur le Dauphin: les vns gardoyent vne maison, & les autres l'aisailloyent à pelottes de nege, mais durant ledit combat le seigneur d'Anguien François de Bourbon sortāt de fortune hors d'icelle maison, quelq̄ mal aduisé ieta vn coffre plein de linge par la fenestre, lequel tōba sur la teste dudit seigneur d'Anguien, & le blessa, de sorte que peu de iours apres il mourut, au grand regret du Roy & de toute la cour, pour la ieunesse florissante de luy, & le peu d'occasion de l'euenement de sa

Traicté de  
paix avec  
les Anglois.

Mort de  
Monsieur  
d'Anguien  
François de  
Bourbon.



mort: lequel auoit esté autant bien fortuné en tous les lieux où le Roy l'auoit employé, aimé, & estimé des gens de guerre (mesmes des estrangers) que ieune homme de son aage, qui ait esté de nostre temps.

Voyage du  
Roy au long  
de la fron-  
tiere.

Après la paix accordée avec le Roy d'Angleterre, le Roy sentant l'Empereur en Allemagne, & n'estant assuré quelle fin prédroit la guerre commencée par ledit Empereur contre les Protestans, voulut luy-mesmes visiter sa frontière tant de Champagne que de Bourgogne, pour veoir quelle diligence on auoit fait aux fortifications qu'il auoit ordonnées, & s'achemina par la Bourgogne pour faire ladite visitation, commençant à Bourg en Bresse, delà à Châlons sur la Saone, puis à Seurre petite ville sur ladite riuere, laquelle de nouveau il auoit commencée à fortifier. Puis passant à Beaune & Dijon, print son chemin par la Champagne, & y estant arriué, visita sa ville de Lâgres, & enuoya l'Amiral d'Annebault pour visiter Coify & Môtigny le Roy, lequel vint retrouver le Roy à Chaumont en Bassigny, & partant de Chaumont, le Roy visita Ligny en Barrois, saint Disier, & autres places, & vint faire sa feste de Toussaints à Ienuille apres auoir visité madame la Duchesse de Lorraine à Barleduc. Puis il passa à Vitry le François, qui est vne place qu'il auoit commencée sur la riuere de Marne à vne lieuë de Vitry en Partois, par ce qu'il ne trouuoit qu'on peust fortifier ledit lieu de Vitry en Partois, pour l'incommodité de l'affiète commandée de trois ou quatre montaignes. De Vitry le François alla à sainte Menhou, à Ville-Franche sur Meuse, à Mouson, à Sedan, à Melieres, à Maubert Fontaine, passant à Mont-Cornet en Ardenne, & se retira à Nostre Dame de Lieffe, & à Folembray, où il solennisa la feste de saint André.

Le Roy partant de Folembray vint à Compiègne, & y ayant seiourné trois semaines ou vn mois, se re-  
tir

tira à Saint Germain en Laye auquel lieu il receut les nouuelles du trespas du Roy Henry d'Angleterre Le Roy est huietième de ce nom, lequel laissa vn fils de l'aage de aduerty du trespas du Roy Henry d'Angleterre huiet ans, nommé Edoüart : duquel trespas le Roy Roy Henry de faire ensemble vne alliance plus ferme que celle huietième de qu'ils auoyent commencee, que parce qu'ils estoient ce nom. presque d'un aage, & de mesme complexion, & eut doute qu'il fust pour bié tost aller apres:mesmes ceux qui estoient pres sa personne trouuerent que depuis ce temps il deuint plus pensif qu'au parauant. Si est-ce que considerant que l'euenement de la guerre est incertain, & qu'aduenant que l'Empereur vint à son entente contre les Allemans, il pourroit tourner ses forces sur luy, dont la Champagne en pourroit souffrir, depescha le seigneur de Langey pour faire paracheuer les fortifications de ladite frontiere : & pour cest effect ordonna neuf vingts mille liures : & pour pourueoir lesdites places de viures, depescha le seigneur de Plancy son maistre des requestes, & le seigneur de Boran, mais deuant que la chose fust executee sa mort interuint, car peu de iours apres luy vint vne fièvre lente, pour laquelle passer il s'en alla à la Muette, maison nouuellement par luy edifiee, à deux lieües de Saint Germain au bout de la forest. Mais y ayant fait seiour de sept ou huiet iours, il s'ennuya, & en partit sans repasser par Saint Germain en Laye, & alla coucher à Villepreux, où la nuit il eut quelque acces de fièvre: le lendemain alla coucher à Dampierre pres Cheureuse, duquel lieu il print son chemin pour aller faire son quaresme prenant à Limours, & de iour en iour ceux qui estoient autour de luy, le trouuoient fort changé de complexions & de façons, de faire. Ayât seiourné deux ou trois iours à Limours s'en alla à Rochefort, où il seiourna allant de iour en

Maladie &  
mort du Roy

autre à la chasse, mais tous les soirs à son retour auoit quelque accèz de fièvre, parquoy voulut prendre son chemin pour se retirer à Sainct Germain en Laye, & pour auoir son passetemps de la chasse par les chemins partant de Rochefort vint coucher à Rambouillet, esperant n'y estre qu'une nuit, mais le plaisir qu'il eut approchant dudit Rambouillet, tât en la chasse qu'en la volerie, luy fit changer d'opinion, & delibera d'y faire seiour cinq ou six iours, mais en fin la fièvre qui de long temps l'auoit saisi, se renforça tellement par interualles, qu'elle se conuertit en continue, avecques la douleur d'une apostume, qu'il auoit eue peu de tēps au precedant qu'il allast au deuant de l'Empereur quād il passa par France. Alors ayant bonne cognoissance de sa fin, disposa des affaires de sa conscience, & de sa maison, & apres auoir fait plusieurs belles remonstrances à monseigneur le Dauphin son fils à present regnant, & luy auoir recommandé son peuple & ses seruiteurs, rendit l'ame à Dieu audit chasteau de Rambouillet, le dernier iour de Mars mille cinq cens quarante six, auant Pasques.

Ce Prince fut fort regretté tant de ses suiets que des estrangers, pour auoir flory en toutes vertus. Il estoit magnanime & genereux, amateur de bonnes lettres, lequel par son moyen a illuminé les tenebres d'ignorance, lesquelles auoyent regné par cy deuant, & aima toutes gens d'esprit, & fonda à Paris des colleges pour les lettres Latines, Grecques, & Hebraïques, & fit venir de toutes les parties du monde gens instruits en toutes sciences & arts liberaux, pour edifier la ieunesse en bonnes meurs & sciences: & combien qu'il n'eust esté nourry aux estudes en son ieune aage, n'estoit science de laquelle il ne peust rendre raison, d'autant qu'il auoit souuent communiqué avecques gens excellens en toute erudition, & que Dieu l'auoit doué de diuine memoire, de sorte que toutes gens doctes

doctes qui l'ont hanté, ont cōfessé auoir plus apprins  
deluy que luy d'eux. Il mourut en son aage de cinquā  
te & trois ans, aptes auoir eu beaucoup de bonnes &  
mauuaises fortunes, mais plus de malheureuses que de  
prosperes : toutesfois iamais aduersité qui luy peust  
aduenir, ne luy abaissa le cœur, ayant tousiours son re-  
cours & ferme fiance en Dieu, & continua en bonne  
memoire & sain entendement iusques à la fin de ses  
iours.

*Fin du dixieme & dernier liure des Me-  
moires de Messires Martin &  
Guillaume du Bellay.*

EE 2





# TABLE DES CHOSES PLUS

DIGNES DE MEMOIRE CONTENUES

en cest œuvre, en laquelle les armées non toutes, mais seulement celles que les auteurs ont prins plaisir à descrire, sont marquées sous le tiltre d'Armées: les prinſes de ville, sous le mot de Prinſe: les batailles où nous auons gagné, sous le mot de Victoire: celles où nous auons perdu, sous le mot de Roup̃te: ce qui s'est fait sur la mer, sous Nauale: les autres moindres rencontres sous deſſaite. ou Charge: les Morts, Mariages, Passages, Naissances, Vies, Entreueues sous leur terme: le reste s'est mis à discretion.

## A



D V E N E -  
M E N T du  
Roy Fran-  
çois à la  
couronne.

23

Aix en Prouence abandonné  
par les François, pour estre  
iugé non fortifiable estant  
pres l'armée de l'Empereur  
bien que Monsieur de Mô-  
teiã s'offrit le garder. 690

Alienor Royne de Frâce cher-  
che les moyens de faire en-  
trevoir le Roy François, &  
l'Empereur. 295

alliance ancienne des estats de  
l'Empire, avec les Rois de  
France, ramentué par les  
Princes d'Allemaigne sol-

licitans le Roy François à  
se liguier avec eux contre  
l'Empereur & le Roy Fer-  
dinand son frere. 297

alliance entre les Rois de Frâ-  
ce & d'Angleterre. 45

alliance avec le Duc de Ferra-  
rie 252

alliance nouvelle entre les  
Rois de France & d'Angle-  
terre. 235

alliance plus estroite faicte  
entre les Rois de France &  
d'Angleterre. 299

altercation entre le Roy &  
l'Empereur sur le fait du  
concile vniuersel. 325

Ambassades de l'Amiral Bon-  
niuet en Angleterre. 45

ambassade de monsieur de Mô-  
torency

morëcy en Angleterre, & du recueil qu'il luy fut fait. 235	soubs la conduité de mon- sieur de Bonniuet. 61
armee imperiale deuant Mar- seille. 185	armee de l'Empereur pour de- posseder le Roy François du Duché de Milan. 98
armee de monsieur de Lautrec en Italie. 246	armee du Roy François pour defendre l'estat de Milá. 98
armee de mer pour aller en Si- cile pour le Roy. 262	armee de mer contre les An- glois, & combat 10
Angleterre & du changement de ses Rois, discours nota- ble. 16	armee du Roy à Vrbín. 41
Annebault fait Amiral de France par la mort de mō- sieur de Brion. 1008	armee pour tenir Fōtarabic. 134
Annebault Lieutenant du Roy en Piemont rompt les des- seings de monsieur de Lan- gey, & assiege pour neant Conis. 987	armee du Roy d'Angleterre à Calais cōtre la Picardie. 135
Anthoine de Bourbon Duc de Vendosme Lieutenant pour le Roy en Picardie, & ce qu'il executa sur l'ennemy au pais d'Artois lors du cāp de Parpignan. 1002	armee du Roy en Picardie. 142
Anguian Lieutenant du Roy en Piemont. 1062	armee du Roy en Italie. 159
appareil de guerre par l'Empe- reur pour venir en Prouen- ce. 634	armee de lansquenets en Bour- gogne & Chāpaigne. 166
armee premiere du Roy Fran- çois pour recouurer son Du- ché de Milá, & les noms des Princes & Capitaines qui en estoient. 21, & 26	armee d'Anglois en Picardie. 168
armee Françoisë en Navarre	armee imperiale deuant Mar- seille. 185
	armee de monsieur de Lautrec en Italie. 245
	armee de mer pour aller en Si- cile pour le Roy. 262
	armee enuoyee en Italie par le Roy François soubs la char- ge de monsieur le Duc de Longueville, & tost apres contremandee. 133
	armee du Roy François en Prouence cōtre Charles de Bourbō avec laquelle le Roy passa tost apres en Italie pour recouurer son Duché de Milan. 185

armee Frāçoise en Italie sous  
la charge du Côte de saint  
Paul. 269

armee pour la premiere con-  
quête du Piemont & les  
noms des Capitaines d'i-  
celle. 476, & suyans

armee du Comte Guy Ran-  
gon en Italie pour le serui-  
ce du Roy Frāçois lors que  
l'Empereur estoit en Pro-  
uence. 808

armee sous la charge de mō-  
sieur d'Orleans, pour con-  
querir le Duché du Luxé-  
bourg, & les noms des Ca-  
pitaines d'icelle. 962

armee pour assieger Parpignā  
sous la charge de mon-  
sieur le Dauphin Henry.  
962

armee de Marolles, & les nōs  
des seigneurs qui en estoient  
1010

arbitrage que voulut entre-  
prendre le Roy d'Angleter-  
re, des differens d'entre le  
Roy Francois & l'Empe-  
reur. 55

arquebouses qu'on tiroit sur  
fourchettes inuētees en I-  
talie, & en quel temps. 99

arriuee de monsieur le Grand  
maistre de Montmorancy  
lieutenant general du Roy  
au camp d'Auignon: & la

propositiō qu'il feit au cō-  
seil de ce qui estoit à faire  
pour la defense de Prouen-  
ce contre l'Empereur. 667

arriuee des Suisses, & deffaitte  
de monsieur l'Amiral. 182

arriuee du Roy d'Escoffe en  
France, pour le secours du  
Roy Francois, au temps de  
la guerre de Prouence, &  
comme il demanda en ma-  
riage l'une des filles du Roy.  
817

Arles descrite & ce qui y auint  
l'Empereur estant en Pro-  
uence. 750

Arlon en Luxembourg aban-  
donné par les Frāçois neāt-  
moins cōserué au Roy par  
la fidelité des habitans. 1040

articles enuoyez par l'Empe-  
reur pour la deliurance du  
Roy. 218

articles des traittez avec le  
Roy d'Angleterre. 304

assiette du camp d'Auignon  
auquel commandoit mon-  
sieur le Grand maistre de  
Montmorency quād l'Em-  
pereur vint en Prouence.  
710

assemblée de gens de guerre I-  
taliens à la Mirandole pour  
le seruice du Roy lors que  
l'Empereur estoit en Pro-  
uence. 724

assem-

# T A B L E.

assemblée à la Mirandole. 807  
 assassinement des seigneurs Rincon & Fregoze: & ample discours comme il aduint. 914  
 assault à Hedin. 827  
 assault à Sandizier par les Imperiaux soustenu vaillamment par les Francois 1108  
 assault de nuit donné par les Anglois au fort d'Oultreau pres Boulongne soustenu vaillamment par les nostres estant chef dedans le fort Thibault Rouhault seigneur de Riou. 1158  
 augure & presage affecté par l'Empereur entrant en Prouence: & les propos qu'il tint à ses soldats. 656  
 auitaillement de Terouenne par monsieur d'Annebault. 825  
 auitaillement de Terouenne par monsieur de Vendosme. 1002  
 auitaillemēt de Luxembourg par le Prince de Melfe. 1039  
 Auennes, & ce que firent autour les sieurs Martin du Bellay, de Longueual, & le capitaine la Lande. 1008

## B

Baillet second President de la

cour de Parlemēt de Paris, respondit sagement pour les Parisiens à monsieur de Brion enuoyé par deuers eux de la part du Roy François, pour les rassurer contre la venue des Anglois & Bourguignons. 172

Baláson ambassadeur de l'Empereur au Roy Francois pour le sommer luy aider à faire la guerre contre le Turc, & la responce qu'il eut. 302

bataille presentee par Lautrec au Prince d'Orange en la Pouille. 254, & suyuant bataille presentee au Marquis du Guast par le Dauphin Henry. 892

blessure du Roy Francois en la teste, aduenue en vn combat de nege, la feste des Rois à Romorantin. 49

blessure de mōsieur d'Aumale fils aîné du Duc de Guyse 1032, & 1153

Boutieres Lieutenant du Roy en Piemōt, & ce qu'il y feic 1061

brigue du Roy François pour estre Empereur. 44

## C

Camisade dōnée à Rebec par les Espagnols sur les compa



- gnees de Bayar & Lorges. 177  
 mp du Roy en Picardie. 177  
 C380  
 capitulation du Marquis Michel de Saluces avec le Prince d'Orange, pour sauuer le reste de l'armee Françoisise qui auoit assiégué Naples. 272  
 capitulation sur Cremonne. 130  
 capitulation des François assiegez en Fossan avec Anthoine de Leue. 627  
 Carrel de deffy du Roy François à l'Empereur. 241  
 Carignan perdu, & recouuert en peu de temps par les François estant le seigneur de Langey Lieutenant du Roy en Piemont. 979  
 causes de la perte que feit le Roy François du Duché de Milan. 88, & 89  
 causes des premieres guerres du Roy François & du Duc Sauoye. 419, & 459  
 Cesar de Naples surprênt quasi la ville de Turin sur les François par escalade. 874  
 Cesar de Naples surprênt quasi la ville de Turin par des charrettes de bin. 1000, & suyuant  
 charge faicte mal à propos par les François sur l'escorte d'Anglois, qui conduisoient viures au Camp du Roy Henry d'Angleterre deuant Teroüenne. 4  
 Citadelle edifiée à Cambray par le commandement de l'Empereur & sous quel pretexte. 1051  
 Clement Pape voulut accorder l'Empereur & le Roy François lors que le Roy assiegeoit Pauie. 192  
 Colonnois enuahissent Rome incontinent apres la paix qu'ils eurent faicte avec le Pape. 229  
 combat en forme de dueil des Sieurs de Montmorancy & Lorges contre deux Bourguignons. 74  
 conspiratiô des Potentats d'Italie cōtre le Roy François, pour luy empescher le recouurement de Milan. 147  
 confederation entre le Roy François & le Roy d'Angleterre. 46  
 conditions iniques de la deliurâce du Roy François proposées par l'Empereur. 218  
 Concile vniuersel mis en termes entre les Princes Chrestiens pour pourueoir aux heresies naissantes, & les raisons du Pape pour l'empescher.

cher. 315  
condemnation de Hans Ludouic Capitaine Alleman pour les mutineries qu'il auoit suscitees des Lansquenets en Piemont & pour auoir mis la main à l'espee contre monsieur de Humieres Lieurenât du Roy. 884  
combat en camp clos à Moulins de Sarzay & Veniers. 829  
coustumes louables du Roy Henry d'Angleterre. 543  
courses dressées contre les bourguignons par l'autheur estant chef de la garnison d'Emery en Artois, & le Butin qui y fut fait. 1017  
creatiō des Cardinaux de Lizieux, de Boulōgne, de Chastillon & Giury à Marseille lors des nopces du Roy Henry & de la Royne Catherine. 367

D

Decimes accordées par les Prelats de France, au Roy François. 314  
deffaitte d'Anglois par les François. 4  
deffaitte à Villefranche de Prosper Colonne, & de la cavallerie que le Pape en-

uoioit contre le Roy François. 28  
deffaitte du Comte Rifourcet par François de Silly Baillif de Caen. 71  
deffaitte des troupes de Paluoyfin, prise & punitiō d'iceluy à Milan. 95  
deffaitte de Bourguignons par le seigneur de Telligny en laquelle il fut blessé à mort. 113  
deffaitte d'Espagnols par monsieur de Montmorancy. 117  
deffaitte de Bourguignons par les Côtes de saint Paul & de Guyse. 138  
deffaitte de quatre cens Anglois par monsieur de Guyse. 139  
deffaitte d'Anglois par le Cōte de saint Paul. 141  
deffaitte de monsieur l'Amiral. 182  
deffaitte d'Espagnols pres Saouonne. 195  
deffaitte de monsieur de saint Paul. 278  
deffaitte de Lansquetets par monsieur de Guyse. 167  
deffaitte des seigneurs de Mōteian & de Boutieres, en Milannois. 180  
deffaitte d'Espagnols pres Saouonne par le marquis Michel de Saluces & le Sei-

- gneur de la Milleraye. 195  
 defaite de Bourguignons & Espagnols par le seigneur de Pontdormy en Picardie, 203, & 204  
 defaite d'une Populasse d'Allemagne par les freres du Duc de Lorraine. 217  
 defaite du marquis de Margnan lors Chastellâ de Mus par Antoine de Leue. 249  
 defaite & prise des seigneurs de Monteian & de Bosly à Brignolles en Prouence. 701  
 defaite d'Imperiaulx pres Saui'an en Piemont par Antoine Cusan Capitaine Italien, lors que l'Empereur estoit en Prouence. 726  
 defaite à Casal des seigneurs de Burie & de Tais par le Marquis du Guast. 821  
 defaite des cheualx legers du Vidafme d'Amiens par les Bourguignons. 822  
 defaite de Bourguignons par Martin du Bellay auctheur de l'histoire estat Capitaine de cheualx legers en Picardie. 843  
 defaite de monsieur d'Annebault apres auoir secouru Terouienne. 860  
 defaite de vint mille Alle-mans à Bude par les Turcs. 931, & 932  
 defaite de Bourguignons par le sieur de Brissac Capitaine general des cheualx legers pres Guyse. 1027  
 defaite d'Imperiaulx par monsieur de Brissac. 1037  
 defaite du seigneur Pierre Strosse par le Marquis du Guast peu apres la bataille de Serizolles. 1094  
 defaite de cheualx legers francois par les Imperiaulx pres Vitry en Champagne. 1104  
 defaite de quelque caualle-rie Angloise par le Marefchal du Biez. 1164  
 defaite de deux mille Anglois par monsieur de Brissac. 1157  
 defaite de grand nôbre d'Anglois par le Marefchal du Biez, voulans empescher l'enuitaillement du fort d'Oultreau. 1166  
 deguast faict par les François en Prouence, pour oster les moyens de viure à l'armee de l'Empereur. 661  
 deliurance du Pape & de sa ranson. 253  
 deliurance du Roy François. 223  
 deliurâce des enfans de France, & le moyen qui fut tenu pour

# T A B L E.

- pour la seureté du passage  
d'iceux: & de la rançon du  
Roy François. 284
- demandes & sommations que  
feist le Roy François au Duc  
de Sauoye. 461
- departement que feist le Roy  
François des gouvernemēs  
de son Royaume du temps  
de la premiere guerre con-  
tre l'Empereur. 63
- departement que feist le Roy  
François des Estats de son  
Royaume estant de retour  
de la prison d'Espagne.  
224
- desdict notable de l'Empe-  
reur. 529, & 530
- descente d'Anglois en Picar-  
die. 135, & 1095
- description de la terre d'Oye  
& du deguast qui en fut fait  
par les François. 1155
- description de Pignerol. 884
- dessein du Marquis du Guast  
pour le secours de Carignā  
assiégé par les François.  
1070
- desseings d'enuahir la France  
par l'Empereur & le Roy  
d'Angleterre apres la batail-  
le de Serizolles. 1094
- descente d'Anglois pour assie-  
ger Boulogne, & la diuer-  
sité d'opinions qui fut au  
Conseil du Roy d'Angle-  
terre, sur l'édroiēt qu'il de-  
uoit choisir pour faire sa  
descente. 1112
- detrouffe & recouffe de nos  
viures venans au camp du  
Roy François à saint Paul  
en Artois. 837
- detrouffes de viures venans au  
camp de l'Empereur à San-  
dizier par monsieur d'Au-  
male, fils aîné de monsieur  
de Guyse estant à Stenay.  
1110
- detrouffes de viures allans au  
camp des Anglois devant  
Monstreul. En laq̃lle fut des-  
fait grand nombre d'enne-  
mis par monsieur de Ven-  
dosme. 1114
- diette tenue en Allemagne  
par l'Empereur & ce qui y  
fut conclud en faueur du  
Duc de Sauoye & pour le  
faict de la religiō des Pro-  
testans. 931
- dissimulation des Ambassa-  
deurs de Trāce vers le Roy  
leur maistre pour l'affectiō  
qu'ils portoyent à la paix.  
526
- diuerſes opinions au Consei  
de l'Empereur sur son en-  
treprinſe de Prouence. 634.  
& 635
- Duché de Bretaigne incorpo-  
ré à la Corōne de Frāce. 306



## E

Effect des harâgues que fait le  
seigneur de Langey pour la  
cause du Duc de VVitem-  
berg. 412

effect de la premiere depesche  
du Roy vers l'Empereur.

467

election du Pape Adrian. 108

emprisonnement des Amba-  
sadeurs du Roy François es-  
tâs par deuers l'Empereur.

237

Emery Chasteau en Artois  
descriit, & comme l'autheur  
cômença à le faire fortifier.

1015

Emery Chasteau demoly par  
le commandement du Roy  
François pour estre l'enui-  
taillement difficile. 1020

embrasement du grand Car-  
raccon du Roy François &  
la perte des choses y estans.

1131

entreueüe du Pape Leó, & du  
Roy François à Boulongne.

37

entreueüe à Ardres des Rois  
de France & Angleterre.

47

entreueüe secóde des Rois de  
Frahce & Angleterre, & les  
articles de leur confedera-  
tion. 307

entreueüe du Pape Clemēt &  
du Roy à Marseille. 364

entreueüe du Pape, Empereur,  
& Roy à Nice. 301

entreueüe du Roy, & de l'Em-  
pereur à Aiguemortes. 902

entree de l'Empereur à Rome  
486

entreprise que fait l'Empe-  
reur sur la ville de Marceil-  
le luy estant en Prouence.

742

entreprise de monsieur d'Au-  
male fils aîné de monsieur  
de Guyse avec la ieunesse  
de la suytte de monsieur le  
Dauphin sur les Bourgui-  
gnons. 1003, & 1004

entreprise du Duc de Sauoye  
contre le Roy, & du Roy  
contre luy. 459

Escrets enuoyez par le sei-  
gneur de Langey aux Estats  
de l'Empire sur le faict de la  
restitution du Duché de  
VVitemberg. 375

Eschange que le Duc de Sa-  
uoye voulut faire, de ses ter-  
res avec celles de l'Empe-  
reur. 460

Escalade donnee pour neant à  
la ville de Gennes par l'ar-  
mee de Guy Ragon, lors  
que l'Empereur estoit en  
Prouence. 810

Escalade heureusement don-  
nee

# T A B L E.

nec à Queras par les seigneurs d'Auffu & de Cental. 976  
 escarmouche dressée deuant Auenues par mōsieur d'Aumale fils aîné de monsieur de Guyse. 1017  
 escarmouche hazardeuse pres Landrecy dressée par messieurs d'Aumale & de Neuers. 1022  
 escarmouche deuât Challons contre les Imperiaux, en laquelle moururent le seigneur de Bordes & le ieune Ienlis. 1116  
 Esmeute à Rege. 90  
 esmeute à Come. 93  
 estats du Comté de Bourgogne se pacifient avec le Roy François par le moyen de Mefs. des ligues de Suisse. 818  
 Euesque du liege frere de Robert de la Marche, laisse le party du Roy François & pour quelle occasion. 58  
 euasion du Pape Clemēt hors des mains des imperiaux. 253

## F

Famine grande en Piemōt, & cōme il y fut pourueu par le seigneur de Langey. 909  
 faulxes intelligences pour sur-

prendre la ville de Guyse par les Bourguignons. 141  
 faulx pratique des Bourguignons cuydans surprendre Hedin. 201  
 faulx pratique pour prendre le Chasteau de Nice decouuerte par monsieur d'Anguian. 1013

## G

Gabriel Marquis de Saluces inuesty du Marquisat par le Roy François, & marié à la fille du sieur d'Annebault. 871  
 Galleres de la mer de Leuant, viennent en la mer de Normandie pour guerroyer les Anglois estant le siege deuant Boulongne. 1130  
 Gantois chastiez par l'Empereur. 907  
 Genesue mise en liberte & hors de la subiectiō du Duc de Sauoye par l'ayde secretaire du Roy François. 420  
 Grisons abandonnent le Roy François peu de iours auparauant la bataille de Pauie. 207  
 Guerre en Picardie. 197  
 Guillaume Comte de Furstberg, & le Comte Fœlix ayans enuahy la Bourgogne avec vne armee de lans-

quenets sont repoulsez par  
monſieur de Guyſe. 166

## • H

Harangue du ſeigneur de Lâ-  
gey en l'aſſemblée des eſtats  
d'Allemaigne pour la cau-  
ſe du Duc de VVttemberg.  
380

Harangue ſeconde d'iceluy  
ſieur de Lâgey pour la meſ-  
me cauſe. 392

harangue publique de l'Em-  
pereur au Pape, pleine de  
proteſtations & complain-  
tes contre le Roy François.  
497

harangue ſeconde de l'Empe-  
reur deuant le Pape expli-  
cative de la premiere. 514

harâgue du Cardinal de Lor-  
raine au Pape. 554

harangue de l'Empereur à ſes  
ſoldats prenant le chemin  
de Prouence. 646

harangue Latine pour le Roy  
François preſent, faicte de-  
uât le Pape Clemēt à Mar-  
ſeille, par Iehan du Bellay  
Eueſque de Paris, au refuz  
du Châcelier Poyet qui ne  
la peut faire. 366

Henry nouuellemēt Dauphin  
impetre cōgé du Roy pour  
aller au camp d'Auignon,  
l'Empereur eſtant en Pro-

uence.

768

Humieres Lieutenant pour le  
Roy François en Dauphiné,  
prouuoit ſagement à la de-  
ſenſe d'iceluy païs, venant  
l'Empereur en Prouence.  
576

Humieres Lieutenât du Roy  
en Piemont avec armee de  
Lanſquenets aſſiege pour-  
neant Aſt, puis il prend Al-  
be & fortiſie Queras. 871

## I

Iehan de Medicis au ſeruice  
du Roy François. 206

Iehan Roy de Hôgrie enuoye  
ambassadeurs par deuers le  
Roy François, & ce qu'ils  
traicterent. 302

Iehan d'Orleâs Archeueſque  
de Toulouze oncle du Duc  
de Longueuille, créé Car-  
dinal. 336

Iehan Loys Marquis de Salu-  
ces eſt eſlargy des priſons  
de Paris où il eſtoit pour  
crime de rebellion, & reſti-  
tué en l'eſtat de Saluces par  
le Roy François, toutesſois  
par ſa ſimplicité il ſe laiffa  
ſurprêdre à ſon frere Fran-  
ciſque qui le ſeit depuis  
mourir en priſon. 779

Iehâ Cardinal du Bellay gou-  
uerneur de Paris pouruoit  
dili-

# T A B L E.

diligemmēt la ville de toutes munitiōs cependāt que les Bourguignons assiēgeoyent Peronne. 788

ingratitude du Marquis François de Saluces avec discours sur la trahison qu'il feist. 608

instructions donnees à monsieur de Langey pour aller en Allemagne par devers la ligue des Princes. 300

instructions donnees aux Cardinaux de Tournō & Grātmont pour remonstrer au Pape, 312, & des traittez d'iceux avec le Pape. 316

intelligence que l'Empereur pensoit auoir en Frāce, lors de son entreprise de Prouence. 649

intelligences en Italie practiquees par monsieur de Langey, desquelles le Roy François ne se voulut ayder. 964

Journee de la Bicoque. 122

journee des Suisses. 31

journee des Esperons. 12

journee de Noare. 8

Jugement solennel en l'assemblée du Roy & de plusieurs princes François & estrangers contre celuy qui empoisonna le Dauphin François. 815

jugement de la Cour de Parlement contre l'Empereur. 823

## L

Langey Guillaume du Bellay ambassadeur en Angleterre, pour le Roy François & le deuoir qu'il y feist. 282

Langey pour la seconde fois Ambassadeur en Angleterre, & ce qu'il y feist. 338

Langey enuoyé Ambassadeur en Allemagne & pourquoy. 574

Langey ambassadeur en Allemagne, purge le Roy François de plusieurs calomnies semees contre luy par l'Empereur faisant son entreprise de Prouence. 577

Langey Lieutenant pour le Roy en Piemont despendir le sien au seruice du Roy, & en demeura l'autheur redeuable de cent mille francs. 911

Langey Lieutenant pour le Roy en Piemont, & ce qu'il executa sur les ennemis durant sa charge. 975

Langey, Martin du Bellay, & Sansac mettent viures dans Landrecy assiégé par l'Empereur. 1047

Lāgey, Martin du Bellay, por-



- te argent à monsieur d'Anguian pour la solde de son armee, & ce qu'il feist pour y arriuer. 1068
- Landrecy descrit, & cōme il fut abandonné par les Bourguignons, & fortifié par les François, 1010, & 1013
- Laurec rend raison au Roy François de la perte du Duché de Milan. 129
- Lautrec au voyage de Naples. 257, & suyans
- Lecture faicte au Roy par l'Ambassadeur de l'Empereur de la protestation que ledict seigneur Empereur auoit faicte à Rome contre luy. 533
- Legionnaires instituez par le Roy François en chacune Prouince de son Royaume. 416
- Legats enuoyez par le Pape au Roy & à l'Empereur pour les empescher d'entrer en guerre. 635
- Lettres au Roy François de monsieur de Bourbon, delibérât prendre le party de l'Empereur. 152
- lettres de l'Empereur au Roy d'Angleterre cōmuniuees par ledict seigneur Roy, à l'Ambassadeur de France. 542
- lettres du sieur de Langey aux Electeurs de l'Empire. 375, & 586
- lettres iustificatiues de la mort des Ambassadeurs du Roy aux estats d'Alemaigne, par le Marquis du Guast. 933
- lettres de monsieur de Langey aux Estats d'Alemaigne, responsiues aux lettres du Marquis du Guast. 938
- Leuee de gens de cheual & de pied pour resister à l'Empereur venant en Prouence. 576
- leuee de gēs de pied en Guienne sous le Roy de Navarre pour guarnir la frontiere d'Espagne pendât que l'Empereur s'acheminoit en Prouence. 576
- leuee de grād nombre de Suisses sans le cōgé de leurs magistrats faicte à deux fois pour enuoyer au camp d'Auignon. 732
- leuee d'Allemans pour le Roy d'Angleterre, demeuree inutile par faute de solde. 1159
- Liberalité du Roy d'Angleterre enuers le Roy François. 282
- Loys d'Ast, & de sa constance. 258
- Lormarin chasteau en Prouence auquel furent surpris quelques

quelques imperiaux l'Em-  
pereur estant auidict pais.  
771

Lude Capitaine François des-  
fendit vaillamment Fonta-  
rabie contre les Espagnols.  
135

Lumes Chasteau pres Mesie-  
res, le seigneur duquel se re-  
uolta contre le Roy Fran-  
çois, & ce qui en aduint.  
417

Luxembourg & les droicts que  
les Rois de France y ont, &  
à quels tiltres. 960

Luxembourg descrit; & les an-  
tiquitez du lieu. 1031

M

Maladie du Roy François à  
Madril. 221

Mariage de Charles Duc de  
Vendosme avec la seur du  
Duc d'Alençon. 2

Mariage de Claude de Lorrain  
Comte de Guise, avec  
Anthoinette de Bourbon  
sœur du Duc de Vendos-  
me. 5

mariage du Duc François d'An-  
goulême, & de Claude fille  
du Roy Loys XII. 15

mariage du Roy Loys dou-  
zieme avec la sœur du Roy  
d'Angleterre. 16

mariage du Seigneur Laurens

de Medicis avec madame  
Magdaleine de Boulongne  
dont est issue la Royne Ka-  
therine mere du Roy. 43

mariage de madame Renec fil-  
le du Roy Loys douziesme  
avec le Duc de Ferrare. 252

mariage du Roy François avec  
la Royne Allienor seur de  
l'Empercur. 289

mariage de Henry Duc d'Or-  
leans secôd fils du Roy Frâ-  
çois avec Katherine de Me-  
dicis, à present Royne me-  
re du Roy. 318, & 367

mariage du Roy d'Angleterre  
avec Anne de Boullan. 339

mariage de Roy d'Escosse a-  
vec madame Magdaleine  
fille du Roy Francois. 820

mariage celebré mais non cō-  
sumé du Duc de Cleves a-  
uecl a fille du Roy Henry  
de Nauarre. 908

Merueilles Escuyer du Roy  
François executé à mort par  
le commandement du Duc  
de Milâ, la cause pourquoy,  
& comme le Roy Francois  
s'en resëntit. 350

Montmorency grand maitre  
de France fut estably par le  
Roy Francois son lieutenant  
general par tout son Roy-  
aume, & mesmes en Proué-  
ce lors que l'Empereur l'as-

# T A B L E.

faillit.	663	mortalité par le cāp du Roy	
Montmorency fait Conne-		au païs de Boulongne.	1163
stable de France: & pour		mortalité au camp de mon-	
qu'ils merites.	900	sieur de Lautrec.	267
Monteian fait Marechal de		mortalité & famine au camp	
France.	900	de l'Empereur en Prouëce.	
mort de la Royne Anne.	15	777	
mort du Roy Loys XII.	22	mort du Marquis Michel de	
mort de Berthelemy d'Aluien		Saluces & autres seigneurs	
ne.	37	Francois à Naples.	273
mort du Roy Ferdinand d'Ar-		mort de Maximilian Sforce	
ragon.	42	qui estoit prisonnier en Frā	
mort de l'Empereur Maximi-		ce.	289
lian.	44	mort de madame la Regente,	
mort de monsieur de Boisy		mere du Roy Francois pre-	
grand maistre de France.		mier.	296
44		mort du seigneur Antoine Cu	
mort du Pape Leon.	108	san.	730
mort de Marc Anthoine Co-		mort de Francisque Sforce	
lonne qui estoit au seruice		Duc de Milan.	422
du Roy Francois.	116	mort du Dauphin Francois, &	
mort de l'Escuyer Bouccar		le regret qu'en eut le Roy	
vaillant homme.	119	son pere.	718
mort du Marechal de Cha-		mort du Comte de Dammar-	
stillon.	134	tin à Peronne.	798
mort du Capitaine Bayard, &		mort du marechal de la mar-	
les paroles magnanimes		che.	810
qu'il dict en mourāt à mō-		mort de Mōsieur de Vendos-	
sieur de Bourbon.	183	me.	827
mort de la Royne Claude.	187	mort du Marquis Francois de	
mort estrange du seigneur de		Saluces deuāt Carmagnol-	
Pontdormy fort regretté.		les.	870
203		mort du Marechal de Mon-	
mort de Iehan de Medicis qui		teian gouuerneur en Pie-	
estoit au seruice du Roy.		mont auquel succeda mon-	
230.		sieur d'Annebault en son	
		gouuer-	

gouuernement. 902  
 mort de monseigneur de Lan-  
 gey frere aîné de l'auteur  
 de ceste histoire. 985  
 mort du Roy Iacques d'Escos  
 se qui auoit espousé la fille  
 de monsieur de Guyse: & ce  
 qui s'en ensuyuit. 1127  
 mort du Cheualier d'Aulx  
 Prouensal en vne descente  
 qu'il feit en Angleterre. 1141  
 mort de mōsieur le Duc d'Or-  
 leans fils du Roy François.  
 1151.  
 mort de monsieur d'Anguian  
 François de Bourbon. 1167  
 mort du Roy Henry d'An-  
 gleterre dont le Roy Fran-  
 çois à grand dueil. 1169  
 mort du Roy François premier:  
 & de la maladie dōt il mou-  
 rut. 1169  
 motifs du Roy François pour  
 rompre la paix faite à Câ-  
 bray. 292, & suyuant.  
 mutinerie des François contre  
 les Lansquenets en l'armee  
 de la premiere cōqueste du  
 Piemont. 485  
 mutinerie des Châpenois cō-  
 tre les Italiens en la ville  
 d'Arles l'Empereur estāt en  
 Prouence. 752  
 mutinerie des Guascons dans  
 la ville d'Arles l'Empereur  
 estant en Prouence. 752

Naissance de monseigneur le  
 Dauphin François fils du  
 Roy François. 43  
 Naissance de Henry fils du  
 Roy François. 44  
 Naissance du fils du Dauphin  
 Henry qui fut le Roy Fran-  
 çois second. 1056  
 Nauale bataille contre les An-  
 glois deuāt saint Mathieu  
 en Bretaigne. 10  
 nauale bataille du Marquis Mi-  
 chel de Saluces contre les  
 Gencuoys pres Sauone. 195  
 nauale bataille deuant Naples  
 où les Espagnols furēt vain-  
 cus. 261  
 nauale expeditiō de l'Amiral  
 d'Annebaut contre les An-  
 g'lois: & long discours de ce  
 qui y fut fait. 1132  
 Nauarre Royaume recouuert  
 & soudain perdu par les  
 François sous la charge de  
 monsieur d'Alperaut frere  
 du seigneur de Laurec. 50  
 Neuffossé en Artois décrit &  
 comme le seigneur de Pôt-  
 dormi le forca. 197  
 noms d'aucuns gentilshōmes  
 François qui abandonerēt  
 leurs biens pour suyure le  
 party de monsieur de Bour-  
 bon. 156



noms de plusieurs seigneurs  
occis & prisonniers à la  
roupte de Pauie. 213

noms des seigneurs François  
qui moururent au siege de  
Naples avec monsieur de  
Lautrec. 270

noms des Capitaines & sei-  
gneurs François qui demeu-  
rerent pour defendre le Pie-  
mont cõtre l'Empereur ve-  
nant en Prouence. 594

noms des gentilshõmes Fran-  
çois qui partirẽt de la cour  
pour se trouuer à la batail-  
le de Serizolles. 1166

nourriture de la ieunesse de  
Charles d'Austriche qui fut  
depuis Empereur. 8

O

Obseques solennelles du Dau-  
phin François faites à Ro-  
me par deliberation du Pa-  
pe en consistoire cõtre l'ad-  
uis de la faction Imperiale.  
818

Occasion premiere des cruau-  
rez d'entre les François &  
Bourguignons. 76

occasion qui meut monsieur  
de Bourbon de prendre le  
party de l'Empereur. 148

occasion de la bataille de Pa-  
uie. 210

occasion des secondes guerres

du Roy François & de l'Em-  
pereur. 461

Occasion du voyage de mon-  
seigneur le Mareschal d'An-  
nebault à Venise. 905

opinions diuerses des hom-  
mes sur le passage de l'Em-  
pereur par France. 911

oraison du Roy à Dieu luy e-  
stant annoncee la mort du  
Dauphin François son fils.  
719

Ouverture de guerre entre  
l'Empereur & le Roy Fran-  
çois qui fut la premiere a-  
pres le traité de Cambray.  
545, & suyuant.

P

Païsans de Prouence dressent  
plusieurs escarmouches &  
empeschemens au camp de  
l'Empereur. 739

païsans de Prouence detrouf-  
ferent les biscuits qui ve-  
noient d'Italie au camp de  
l'Empereur. 773

Palleuoin estât au seruice du  
Roy François est deffai &  
avec sa compagnie par le  
Duc Sforce. 208

paroles du Cardinal de Lor-  
raine à l'Empereur. 507

paroles du Roy en son cõseil.  
547

paroles du Cardinal de Lor-  
raine

# T A B L E.

raine à l'Empereur s'ache-	mont.	887
minant en Prouence. 562	Paul de Cere capitaine Italien	
paroles de l'Empereur en son	fait heureusement plusieurs	
conseil sur l'entreprise de	entreprises sur les Impe-	
Prouence. 641	riaux en Prouence. 772	
paroles du Roy François à	perte du reste du Duché de Mi-	
monseigneur le grand mai-	lan, apres la deffaitte de mō	
stre de Montmorency. 661	sieur de Bonniuet. 184	
paroles du Roy à monsieur	perte du Duché de Luxem-	
le Daulphin Henry apres	bourg tost apres la cōqueste	
la mort du Dauphin Fran-	qu'en auoit faite monsieur	
çois. 722	d'Orleans. 969	
passage du Roy d'Angleterre	perte de quatre galleres du	
Henry huitieme en France	Roy François. 1014	
pour y faire la guerre. 3	plaintes des Rois de France	
passage de l'Empereur par An-	& d'Angleterre, sur les exa-	
gleterre. 49	ctiōs de cour de Rome. 309	
passage second du Roy Fran-	plainte de l'Empereur sur les	
çois en Italie pour recou-	entreprises du Roy. 471	
urer le Duché de Milan.	Pontdormy capitaine Picard,	
188	se porte vaillamment à la	
passage de l'Empereur en Pro-	defense de Picardie, avec le	
uence. 652	sieur de la Trimouille. 169	
passage du Roy François en	pourparlé du mariage de Hen-	
Piemont pour secourir le	ry fils second du Roy Fran-	
païs contre le Marquis du	çois, & de Catherine de	
Guast. 895	Medicis niepce du Pape.	
passage de l'Empereur par la	318.	
France. 903	pourparlé de paix entre l'Em-	
Pas de Suze forcé par mōsieur	pereur & le Roy apres la	
le grand Maistre de mont-	prise de Sandizier. 1115	
morancy sur Cesar de Na-	pratiques de l'Empereur pour	
ples qui le guardoit avec	faire contribuer les Poten-	
dix mille hommes de pied	tats d'Italie à son entrepri-	
pour empescher le passage	se de Prouence. 734	
de l'armee du Roy en Pie-	pratiques & entreprises du	

# T A B L E.

Marquis du Guast contre Turin descouvertes par la diligence du seigneur Mar- tin du Bellay, qui en estoit gouverneur. 994	prise de Fleuranges par le Cō- te de Nansau. 59
preparatifs du Roy Loys dou- zième pour recouurer son Duché de Milan. 1	prise de Ardres par les Bour- guignons. 65
preparatifs du Roy François pour le recouurement du Duché de Milan. 26	prise de Mouzon par les Bour- guignons. 66
preparatifs du Roy pour se- courir les efforts de la pre- miere guerre que luy feit l'Empereur. 60	prise de Fontarabie par les François. 76
preparatifs du Roy François pour secourir monsieur de Lautrec en Milanois. 110	prise de Hedin par les Fran- çois. 85
preparatifs de guerre par l'Em- pereur, descouverts par le Roy. 545	prise de Tournay sur les Fran- çois par l'Empereur. 88
preparatifs du Roy François pour aller en Piemont, où ses affaires se portoyēt mal. 88	prise de Milan par Prospero Colonne sur les François. 104
preparatifs pour la bataille de Serizolles. 1071	prise de Come par le Marquis de Pescaire sur les François. 105
Prince de Melphe au service du Roy. 268	prise de Cremone sur les Fran- çois, & comme elle fut sou- dain reprise par monsieur de Lautrec. 106
prise & demolition de Te- rouënne par les Anglois. 13	prise d'Alexâdrie & Paue par Prosper Colonnes sur les François. 108
prise de Tournay par les An- glois. 15	prise de Noarre par monsieur de Montmorency. 119
prise de Milan par le Roy François. 34	prise de Vigee par les Fran- çois. 120
	prise de Laude par les Espa- gnols. 127
	prise de Gennes par les Impe- riaux, & le sac d'icelle. 132,
	133.
	prise de Cremone par les Im- periaux. 134
	prise

# T A B L E.

prise de Bapaulme par le Com te de saint Paul & mōsieur de Guyse. 137	fieur de Lautrec, au prouffit du Duc Sforce de Milan. 249
prise & reprise du Royaume de Navarre. 50	prise de Pauie par Lautrec pour le Duc Sforce. 250
prise de Bailleul le mont. 143	prise de la ville de Mēphe & du Duc d'icelle par mōsieur de Lautrec. 258
prise de Fontarabie par les Es pagnols. 162	prise de Pauie d'assault par mō sieur de Lorges. 270
prise de Garlas par le Duc d'Vrbin. 178	prise de Sauone par les Gene uois. 276
prise de Castel S. Ange pres Pa uie. 205	prise de Turin par les sei gneurs d'Annebault & de Monteian. 478
prise de Chauenne. 207	prise de Hedin par le Foy Frā çois y estant en personne. 831
prise de Montcalier. 893	prise de la ville de Saint Paul en Artois par le Roy Fran çois. 832
prise de Gennes par André Dorie. 275	prise de Liliers en Artois par les François. 833, & 1005
prise de Laude par le capitai ne Bayar. 165	prise de Saint Venāt lieu fort en Artois par monsieur le grand maistre de Montmo rancy. 734
prise de Montdidier par les Anglois. 171	prise de la ville de Saint Paul sur les François, & le grand meurtre qui en fut fait par les Bourguignons. 851, & suyuans
prise de Verseil par les Espa gnols. 180	prise d'Albe par le fieur de Humieres. 873
prise seconde de la ville de Mi lan par le Roy François. 188	prise par composition de Mō streul en Picardie par les
prise de Cremone par le capi taine de la Ligue des estats d'Italie contre l'Empereur. 229	
prise de Rome, & la mort de monsieur de Bourbon. 233, & 234	
prise du Roy François. 213	
prise de Gennes pour le Roy François. 248	
prise d'Alexandrie par mon sieur de Lautrec.	



# T A B L E.

Bourguignons.	855	uoit.	982
prise de Quiers en Piemôrt par Tolozan capitaine Italien estât au seruice du Roy François.	867	prise des Chasteaux de Saint Bony, Catillon, & Saint Raphael pres Turin par Martin du Bellay auheur de ceste histoire estant gouuerneur de Turin.	985
prise de Carmagnolles par le le Marquis du Guast, & chose notable de ce qu'il feist en vengeance de la mort du Marquis de Saluces qui fut tué deuant.	871	prise de Liliers en Artois par monsieur de Vendosme.	1005
prise de Quiers, Queras & Albe, par le Marquis du Guast.	882	prise de Bapaulme par monsieur de Vêdosme, sans pouoir prendre le chasteau pour le commandemêt que luy feist le Roy de se retirer au camp.	1011
prise du Chasteau de Villane en Piemont par monsieur le grand maistre de Montmorency.	890	prise de Maubenge par monsieur le Dauphin Henry.	1015
prise de Danuillier en Luxembourg par monsieur d'Orleans.	966	prise de Terlon & Glayon chasteaux en Artois par le sieur de Bonneual.	1020
prise d'Iuoy en Luxembourg par monsieur d'Orleans.	967	prise d'Arlon pour la seconde fois par monsieur d'Orleâs.	1030.
prise d'Arlon en Luxembourg par monsieur d'Orleans.	968, & 1030	prise secôde de Luxembourg par monsieur d'Orleans.	1033.
prise de la ville de Luxébourg par monsieur d'Orleans.	969	prise de Nice par l'armee de Barberouffe & monsieur d'Anguian.	1056
prise de Villeneuve d'Ast, Poiring & Cambian par le Marquis du Guast.	977	prise de Mördeuis par le Marquis du Guast sur les François.	1057
prise de Barges en Piemôrt par le seigneur de Vassé par le moyen de l'intelligéce que le seigneur de Langey y a-		prise & fortification de Carignan par le Marquis du Guast.	

# T A B L E.

Quast.	1058	blic au Palais à Paris.	239
prise de Saint Germain ville en Piemont par le sieur de Boutieres.	1062	propos tenus par les ambassa- deurs du Roy François en la presence du Pape & de l'Empereur sur le traité de paix.	487
prise de Palezol, Cressentin & Desane villes en Piemont par mōsieur d'Anguiā.	1063	propos des ambassadeurs de France & de l'Empereur sur ce qu'il auoit en sa harâgue publique faite à Rome prouoqué le Roy François au combat.	511
prise par composition de Ca- rignan par monsieur d'An- guian.	1091	propos du Cardinal de Lor- raine avec Anthoine de Le- ue.	524
prise de Luxébourg par l'Em- pereur s'acheminant à San- dizier.	1096	proposition du Roy en son cō- seil sur l'aggression que luy faisoit l'Empereur venant en Prouence.	564
prise de Ligny en Artois par l'Empereur, s'acheminant à Sandizier.	1098	pronosticatiōs fausses semées par les Imperiaux, lors que l'Empereur entreprenoit le voyage de Prouēce, lesquel- les luy promettoyent ac- croissement & heureux suc- cez de ses entreprises.	475
prise de la ville d'Albe par le seigneur Pierre Strosse.	1102	prouidence du Roy François pour la conseruatiō du païs de Prouence, lors que l'Em- pereur s'y acheminoit.	653
prise de Vitry en Champagne par l'Empereur.	1106	prouisions pour defendre le Piemont contre l'inuasiōn de l'Empereur venant en Prouence, & la Picardie cō- tre le Comte de Bures.	532
prise de Sandizier par l'Empe- reur.	1111		
Prise du Comte Guillaume de Furstamberg par les Frâçois, lors que l'Empereur estoit en Champagne.	1117		
prise de Boulongne par com- position par les Anglois.	1119, & 1122.		
prise de la basse Boulōgne par les François, dont ils furent incontinent chassés par les Anglois.	1123		
propos notables que tint le Roy François à l'ambassa- deur de l'Empereur en pu-			

# T A B L E.

Q

Querelle entre Cagnin de  
Gonzague, & Guy Rangō  
amplement descrite. 863

R

Raisons qui descouroyēt au  
Roy la dissimulation des  
Imperiaux, sur ce qu'on luy  
promettoit la restitution du  
Duché de Milan. 474

raisons de ceux qui disoyent  
qu'on deuoit aller au deuant  
de l'Empereur, & le com-  
battre entrant en Pronence.  
671

Rauitaillement de Mesieres af-  
siégée. 73

rauittaillement de Therouen-  
ne. 145

Receptiō de la Royne Marie.  
21

Reddition de Laude & Ale-  
xandrie. 184

Regente de France mere du  
Roy François, fut occasion  
de perdre le Duché de Mi-  
lan. 129

Regente mere du Roy Fran-  
çois pendant la prison d'i-  
celuy gouuerne le Royau-  
me de France. 214

reprise de Mouzon par les  
François. 77

reprise de Fontarabie par les

Espagnols. 162

reprise de plusieurs forts en  
Piemōt par l'armée du Roy  
sous la conduite du Dau-  
phin Henry. 894

replique du Roy sur la respon-  
ce de l'Empereur. 464

restitutiō de la ville de Tour-  
nay au Roy François par  
les Anglois. 46

restitution du Duché de Mi-  
lan à François Sforce par  
l'Empereur. 290

response du Roy à l'Ambassa-  
deur de l'Empereur. 239

response du Pape aux prote-  
stations de l'Empereur con-  
tre le Roy François. 508

respōse par escrit du Roy à la  
protestation que feit cōtre  
luy l'Empereur à Rome.  
534

résolution du Roy touchant  
ce qu'il auoit à faire contre  
l'Empereur venant en Pro-  
uence. 570

retour du Roy François en  
France apres le recouure-  
ment de Milan. 38

retraitte du Marquis Michel  
de Saluces deuant Milan.  
230

retraitte de Monsieur l'Ami-  
ral de Brion de deuant Ver-  
ceil. 524

retraitte de l'Empereur hors  
de

# T A B L E.

de Prouence.	785	roupte des François à la Bico-	
Retraite du Comte de Nan-		que.	122
sau de deuant Mesieres.		roupte de monsieur l'Amiral	
75		Bonniuet au duché de Mi-	
retraite de monsieur de Lau-		lan.	182
trec à Milan.	103	roupte de Pauie, & la prise du	
retraite du siege de Milan.		Roy François.	212, &
175		suyuans	
retraite de nos gens de deuât		roupte de monsieur le Comte	
Mons & Maubenge.	1018	de Sainct Paul en Lombar-	
retraite du Comte de Nansau		die.	278
de deuant Peronne.	799	roupture de la trefue à cause	
retraite du Roy François de-		de la mort de Rincô & Fre-	
uant l'armee de l'Empereur		gose, & les raisons qui de-	
pres Landrecy.	1051	uoyët mouuoir ou desmou	
retraite de l'Empereur deuât		uoir le Roy de la faire.	957
Landrecy.	1055	Roussillon Comté sur les mar	
reuolte d'André Dorie, & les		ches d'Espagne, à quel til-	
occasions d'icelle.	262, &	tre il doit appartenir au	
264		Roy de France.	960
reuolte de Gênes cõtre le Roy		Roche-dumaine Cheualier	
François suscitee par André		François, capitaine de gens	
Dorie.	275	d'armes parle sagement &	
reuolte du Roy d'Angleterre		hardiment à l'Empereur as-	
de l'obeissance du Pape, &		siegeant Fossan.	626
les occasions de ce.	416	Rochelois, & les habitans des	
reuolte du Marquis François		Isles voisines, obtiennët du	
de Saluces, & les occasions.		Roy François pardon de la	
551		rebellion qu'ils auoyent	
Robert de la Marche fut l'v-		commise contre luy, & com	
ne des causes de la premiere		me l'affaire se passa.	979
guerre d'entre le Roy Fran-		Roquesparauere & chasteau	
çois & l'Empereur.	51, &	Dauphin lieux forts, pour	
suyuans		neant assaillis par les Impe-	
roupte de Noüare.	8	riaux.	234
roupte des esperons.	12	ruine fortuette de la grosse	



# T A B L E.

tour du chasteau de Milan  
qui fut au Roy presage de  
la perte prochaine du Du-  
ché. 93

## S

Saillie furieuse des François as-  
siegez en Fossan, en laquelle  
Antoine de Leue fut quasi  
pris. 614

saillie de la garnison de Mar-  
seille sur les Imperiaux. 747

saillie des Espagnols assiegez  
en Parpignan sur l'artillerie  
Françoise, & le debuoir que  
fait mōsieur de Brissac pour  
la defendre. 973

saillie des François assiegez en  
Lādrency, en laquelle ils gai-  
gnerēt vne piece d'artillerie  
sur les Bourguignōs. 1042

Sardaigne assaillie, le Viceroy  
d'icelle mis en rouverte, & la  
ville de Saffery prise par l'ar-  
mee de mer Françoise, à la-  
quelle commandoyēt An-  
dré Dore & Rance de Cere  
263

Sauoye & les causes qui meu-  
rent le Roy François de l'en-  
uahir. 459

Sauoye conquise par le Com-  
te Saint Paul. 472

secours du Roy Loys douzie-  
me au Roy Iean de Nauar-  
re pour recouurer son

Royaume. 2

secours enuoyé en Dānemarc  
par le Roy François. 43

secours tardif du Duc de Lon-  
gueuille aux François estās  
en Italie. 184

secours enuoyé par le Roy Frā-  
çois au siege de Naples. 266

secours d'argent & de viures  
amené par André Dorie à  
l'Empereur estant en Pro-  
uence. 778

secours de Landrecy, avec am-  
ple discours des Stratage-  
mes qui y furent faits. 1051

secours & rafraichissement à  
Luxembourg, assiegé par le  
Comte Guillaume de Fur-  
stemberg. 1060

separation de l'armee du Roy  
François estāt deuant Paue  
pour enuoyer au Royaume  
de Naples. 192

Sforce assiegé par les Impe-  
riaux dedans le chasteau de  
Milan, de sorte qu'il est con-  
trainct le mettre és mains  
de monsieur de Bourbon.  
226

siege de Teroüenne par les An-  
glois & Bourguignons. 4

siege de Diñō par les Suisses. 13

siege de Bresse par le sieur de  
Lautrec. 40

siege de Mesieres par les Bour-  
guignons. 69

siege

# T A B L E.

- siege de Parme par l'armee de  
 la ligue, & comme elle fut  
 bien defendue par les Fran-  
 cois. 99  
 siege de Dourlés par les Bour-  
 guignons qui fut inconti-  
 nant leué. 111  
 siege premier de Pauie par  
 monsieur de Lautrec. 121  
 siege de Fontarabie par les Es-  
 pagnols, leué par le Mares-  
 chal de Chabannes. 135  
 siege de Hedin par les Anglois  
 & Bourguignons qui n'eut  
 aucun effect. 140  
 siege de Terouëne par les Fla-  
 mens qui fut leué tost apres  
 144  
 siege de Bayonne par les Espa-  
 gnols, vaillamment souste-  
 nu par mōsieur de Lautrec.  
 161.  
 siege de Milan par monsieur  
 de Bonniuet. 173  
 siege de Marseille par mōsieur  
 de Bourbon. 185  
 siege de Pauie par le Roy Frā-  
 cois. 190  
 siege de Napl. par Lautrec. 259  
 siege de Pauie par le Comte  
 de Saint Paul. 269  
 siege de Florence par l'Empe-  
 reur & le Pape. 290  
 siege de Verceil par l'Amiral  
 Briō, & discours de ce qu'il  
 deuoit faire. 522  
 siege deuant Fossan par Antoi-  
 ne de Leue. 607  
 siege de Peronne par le Com-  
 te de Nanssau, & comme le  
 Mareschal de la Marche &  
 le sieur de Cercuz se mirent  
 dedās avec bon nombre de  
 gens de guerre. 731, & 789  
 siege de Hedin par le Roy Frā-  
 cois y estant en personne, &  
 comme Hedin fut pris par  
 composition. 827  
 siege par les Bourguignons de  
 la ville de Saint Paul n'a-  
 gueres conquise par les Frā-  
 cois, à l'occasion d'iceluy.  
 840, & suyuant.  
 siege de Teroüenne par le Cō-  
 te de Bures. 858  
 siege de Pignerol par le Mar-  
 quis du Guast. 883  
 siege de Parpignan par mon-  
 sieur le Dauphin Henry. 972  
 siege pour neant mis deuant  
 Chiuas par le Marquis du  
 Guast estant dedans Hiero-  
 nime de Birague. 980  
 siege de Cazelles en Piemont  
 par Cesar de Naples y com-  
 mandāt le Cheualier de Vil  
 leaignō qui soustint le sie-  
 ge, de sorte que la ville ne  
 fut prise. 980  
 siege de Barges en Piemōt par  
 monsieur de Boutieres, &  
 comme il fut contraint de

- desloger & rendre les hosta  
ges des assiegez qui de-  
uoient luy liurer la ville  
sous condition. 981
- siege mis deuant Cony pour-  
neant par monsieur d'An-  
nebault. 985
- siege mis en vain deuât Bains  
par monsieur le Dauphin  
Henry. 1018
- siege de Luxembourg pour la  
seconde fois par monsieur  
d'Orleans. 1030
- siege de Landrecy par l'Empe-  
reur. 1036
- siege de Carignan par mōsieur  
d'Anguian. 1064
- siege de Sandizier par l'Empe-  
reur. 1106
- siege de Boulōgne par le Roy  
François, & le bastiment du  
fort d'Oultreau deuât Bou-  
longne. 1147
- sommation du Roy à l'Empe-  
reur de renoueller les trait-  
tez de Sainct Iean des Vi-  
gnes pres Soissons qui es-  
toient de nul effect par la  
mort de monsieur d'Or-  
leans. 1160
- ratageme des Imperiaux
- Stp our faire tenir les deniers  
de la solde à leurs gens as-  
siegez dedans Paue par le  
Roy François. 194
- Stratageme du seigneur de Lâ-  
gey pour empescher le pas-  
sage du Pau, & pour conser-  
uer le Piemont contre le  
Marquis du Guast. 978
- Stratageme pour faire mar-  
cher sans argent l'armee de  
Carignan à la bataille de Se-  
rizolles estant deuê la solde  
de trois mois. 1070
- Strosse gentilhomme Floren-  
tin amene au Roy Fran-  
çois vne troupe de soldats  
Toscans signalez, & l'equi-  
page auquel ils estoient. 1032
- surprise faite par les Bourgui-  
gnons des cheuaux legers  
François qui estoient sous  
la charge de mōsieur de Vil-  
lebon. 146
- surprise & butin fait à Bains  
par le sieur de Langey. 1016
- surprise que veult faire l'Em-  
pereur à Marseille. 742
- suspension d'armes entre les  
François & les Bourguignōs  
pour trois mois par le  
moyen de la Roine de Hon-  
grie. 862
- suspension d'armes en l'iemōt  
pour trois mois entre mon-  
sieur d'Anguian & le Mar-  
quis du Guast. 1103

## T

Teligny capitaine François  
loué de ce qu'il se porta sa-

# T. A B L E.

- gement au gouvernement  
du Duché de Milan, & plus  
courtoisement que le sei-  
gneur de l'Escut son succes-  
seur. 90
- testament de Philippes Arche  
duc d'Austriche, par lequel  
il institua le Roy Loys dou-  
zieme tuteur de son Fils  
Charles, qui fut depuis Em-  
pereur. 4
- Thais colonel de l'infanterie  
Françoisé à la bataille de Se-  
rizolles, & ce qu'il y feit.  
1081
- Thais avec l'infanterie Fran-  
coise apres la bataille de Se-  
rizolles prêt la pluspart des  
villes de Montferrat. 1091
- Tournême sur le mont Cenis  
988
- Traité à Cambray fait entre  
le Roy Loys, l'Empereur  
Maximilian, & le Pape con-  
tre les Venitiens, & ce qui  
en aduint, 6
- traité avec le Venitiens. 24
- traité avec le Prince Charles.  
24
- traité pour surprendre Guy-  
se. 141
- traité & praticques contre le  
Roy. 147
- traité d'accord entre le Roy  
& l'Empereur par le Pape  
Clement. 192
- traité des Cardinaux de Tour-  
nay & Grantmont avec le  
Pape. 316
- traité à Noyon entre le Roy  
François & Charles Prince  
d'Espagne. 42
- traité de Madril pour la deli-  
urance du Roy François. 223
- traité de Câbray pour la de-  
liurance de Messieurs les en-  
fans de France. 1280
- traité de paix entre l'Empe-  
reur & le Roy Francois a-  
pres la prise de Sandizier, &  
les articles d'iceluy. 1119, &  
1120
- traité de paix avec les An-  
glois pour le recourement  
de Boulongne. 1167
- Trahison du Marquis Fran-  
cois de Saluces lieutenant du  
Roy en Piemont. 608
- Trefue entre le Roy & l'Em-  
pereur pour trois mois. 896
- trefue pour dix ans entre l'Em-  
pereur & le Roy François  
faite à Nice. 901
- Trimouille gouverneur pour  
le Roy en Picardie la desfêd  
sagement cōtre l'armee An-  
gloise & Bourguignōne. 168

## V

Valence fortifiée par le Roy  
Francois y estât en person-  
ne lors que l'Empereur



# T A B L E.

estoit en Prouence.	715	pres que l'Empereur se fut retiré.	801
Vassé capitaine François lieutenant de la compagnie du seigneur de Monteian vainquit en dueil vn Espagnol nommé Sanse de Leue pres Brignolles en Prouence.	706	visitation faite des frontieres de ce Royaume par le Roy, & l'ordre qu'il donna pour les fortifier.	1168
Velly ambassadeur pour le Roy François vers l'Empereur est entretenu en vain d'esperance que le Duché de Milâ seroit restitué au Roy ou à l'un de ses enfans.	461, & suyans	Vvirtemberg Duché d'Allemagne occupé par le Roy Ferdinand sur les Ducs legitimes, & les pratiques & menées du Roy François pour les faire restituer.	367,
Veronne rendue par les Espagnols aux Venitiens.	41	& suyans.	
viçtoire du Roy François à Marignan contre les Suisses.	31	Vvirtemberg duché d'Allemagne leué par force hors des mains du Roy Ferdinand à l'aide des Princes d'Allemagne.	413
viçtoire de Serizolles ample ment descrite.	1077	Vvion du Duché de Bretagne à la couróne de France faite du consentement des estats du pais.	306
Vistarín deliure Laude sa patrie de l'oppression des Imperiaux.	227	Vvrbín osté par le Pape Leon à Francisque Marie, à l'aide du Roy François.	41
visitation que feit le Roy François au pais de Prouence, a-			

FIN DE LA TABLE.

Lema  
 n des  
 and d  
 Lema  
 49  
 eigne  
 e fai-  
 des e-  
 yd  
 e Lema  
 e Lema

